

BIBL. NAZ.
Vittorio Emanuele III

RACCOLTA
VILLAROSA

A

430

NAPOLI

... ..
... ..

2a lib. fardă alb. de Roz
- Ung! Ovi Neg.

3149 Race. Vill. A. 430
5 MANVALE

IN SANCTVM
IESV CHRISTI
DOMINI NOSTRI
EVANGELIVM,

IOANNIS BENCE
*Doct̃oris Sorbonici ac Congregationis
Oratorij IESV CHRISTI
Presbyteri.*



LVGDVN²⁸

Sumptibus CLAVDII LANDRY.

M. DCXXVI.

CVM PRIVILEGIO REG





IESV CHRISTO DOMINO NOSTRO.

CUM intellectus humanus ad rerum diuinarum cognitionem cæcutiat, multo magis quam oculus ad lumen Solis, voluisti mi Iesu qui prima veritas, lux, verbum, & sapientia Patris, illas nobis patefacere magis ad honorandum; quam ad speculandum, tanquam superiores omni lumine creato submittentes, & captiuantes intellectum in tuum obsequium, & Ecclesiæ tuæ, per quam illas nobis proponis. Et quia non clare & humanis sensibus accommodatè loqueris, vteris quasi quibusdam organis authoribus sacris & doctoribus vt per eos verbum tuum ad nostras aures perueniat, dum tu ipse cor moues & illustras animum, suauiter & fortiter inclinans ad credendum & se sic subiiciendum, vt se etiam
â 2 captiuum

captiūum delectetur. Et quamuis ex sex primis quos vocasti, sum omnium minimus congregationis tui Oratorij, mihi tamen hanc gratiam non denegasti, vt quotidie pro munere sacros Euangelistas legerem: da quæso vt eodem Spiritu quo de te scripserunt, vt te notum facerent, illorum sensum quem breui retuli ab ijs qui planius videntur assequuti, Ecclesiæ tuæ legendum proponam, vt hoc Manuale te duce, & auspice in lucem prodeat ad gloriā tuam & congregationis tibi summo sacerdoti deuotæ vtilitatem. Regiā vt quondam alias manu ad vetus tuum testamentum describendum desideraretur; & calamus scribæ velociter scribentis quo me miserum in manibus tuis descripsisti, & vt aureis literis vel minimus apex scriberetur; vel certe vt absconderentur in corde meo hæc eloquia tua. Sed liceat mihi per te, mi Iesu, qualecumque illud sit, tibi ex toto corde meo offerre, vt illud perficias & si quam ego, si quam alij veritatis lucem & gratiam, accepturi sint, tibi hanc refero nunc & in perpetuum.

BEATÆ



BEATÆ DEI GENITRICI Mariæ semper Virgini.

AM longè latèque diffusum est
tuum dominium Virgo Dei geni-
trix, ex quo Dei filius se tibi sub-
ditum reddidit, ut Angeli & homines uni-
uersi te Dominam agnoscant & venerentur.
Parum est si ego Congregationis tue seruus
vel minimus, audeo nunc tuis in ea sacris
altaribus hoc Manuale quasi manipulum
primitiarum appendere, in testimonium per-
petuum fidelitatis & obseruantie erga te
mea, in quo in unum quasi fasciculum col-
lecta, & tua & Iesu Christi filij tui Domi-
ni nostri verba eterne vite reperies. In qui-
bus tanquam in exemplari omnium virtu-
tum species elucet & forma benè beatèque
uiuendi. Si exinde uberius & ditior fructus
aliquis in posterum nascatur ut me totum
tibi debeo, sic iam illum, & meipsum totum
tibi do, dico, voneo.



REVERENDISSIMIS


DOMINIS D. AC

Patribus Societatis Sor-
bonicæ.

Ioannes Bence Oratorij Presbyter
S.

MEMINI me pendentem ex ore
vestro non semel audiuisse vos
desiderantes ut in vnum volu-
men redigerentur quæ sparsim multi
multis scripserunt, tum in scholastica, tum
in Theologia morali: hoc ego socius ve-
ster vel minimus conatus assequi in qua-
tuor Evangelistas: Ecce vobis offero in
Ioannem omnium interpretum senten-
tias maxime recentiorum quos legi &
elegi; ut quem quisque sequi maluerit
inoffenso pede breui percurrat, aliis non
neglectis qui fusius expatiari videbuntur.
Si vobis utcumque hac in parte morem
gessi, vel nescius (Deo sic me credo di-
rigente suo spiritu) etsi absoluto iam ope-
re huius vestri consilij sim recordatus
post annos ferme viginti, vestrum tamen
est, & sic à vobis tueri se iure quodam
postu

postulat; sicq; gestit sub vestris auspiciis, se foueri, vt vestro tamen, & totius facultatis se totum submittat tam alto Consilio hominum lectissimorū & orbis doctissimorū. Quos summi Pontifices; quos Ecclesiæ præsules. Quos nostri Reges Christianissimi & exterarum nationum viri Principes in rebus dubiis consulunt, ex quorum iudicio pendent quotquot libros de orthodoxa fide scripserunt. Ego vero eo lubentius facio quo me magis deuinctum sentio vestra omnium erga me charitate qua me & præsentem & absentem complexi estis in hac vestra, verè dicam religiosa sine voto domo, hanc si fregero tesseram hospitalem arguar nō immerito violatæ fidei, quod vt Deus auertat, hoc ego Manuali dextram iungo, & velut arrham in perpetuum fidelitatis & obseruantiaæ meæ & totius Oratorij nostri erga vos testimonium offero, in quo me vobis quandiu vita viuam, obsequentissimum fore spondeo.



AD LECTOREM.

HABES amice Lector in hoc manuali ad meditando & ad concionandum; varios flores sententiarum in unum velut fasciculum collectos ex variis authoribus, quorum nomina in sequenti pagina tibi descripsi, & in calce modum meditandi sacram Scripturam, ne in singulis versiculis repetere & durum & onerosum videretur. Si tibi gratum spargunt odorem, illis tribue. Si te delectus delectet, vides quam latissimus campus ad sic legendum nobis est apertus si Deus dederit. Sed vita brevis spem nos vetat inchoare longam. interim hos carpe & lege. nullus sapit heresim; gratiores elige. Et authori Deo gratias redde.

AVCTO

AVCTORES VNDE
exceptus est hic liber.

Ambrosius.

Auctor Imperf.

Augustinus.

Basilius.

Beda.

Chrysostomus.

Cyrillus.

Epiphanius.

Euthymius.

Glosa ordinaria.

Gregorius.

Hieronimus.

Hilarius.

Iansenius.

Ireneus.

Leontius.

Maldonatus.

Oecumenius.

Origenes.

Rupertus.

Strabus.

Tertullianus.

Thomas.

Toletus.

Theophylactus.

APPROBATIO.

DOctum sanè & pium, proindeque
utile & dignum quod omnium
quibus ut eo uti possint datum est, ma-
nibus teratur, est istud *Manuale*, à Re-
uerendo Patre Ioanne Bence S.T. Doctore
Parisiensi Congregationis Oratorij Presby-
tero compilatum & elaboratum. Ad
fidem & ad mores omnia conformia.
Actum Lugduni tertio Aprilis 1626.

FR. ROBERTVS BERTHELOT
Ep. Damasci.

Idem sentit & iudicat Librorum ap-
probationi incumbere iussus in hac
Diœcesi Lugdunensi.

DEVILLE.

Manus

Manus & cordis hæc est amica
confœderatio , vt venâ quâdam
sanguinem communicante, coniugan-
tur & consociantur. Quod certè natu-
ram imitatus obseruauit *R. P. Io. Bence,*
auctor huius Manualis: In cordis fundo,
excepit genuinam veramque Euange-
liorum explicationem, quam liberali-
ter & syncerè ad manum atque cala-
mum, vt inde per singulorum manus ad
omnium corda perueniat, cffluere pas-
sus est. Conclufit in hoc manuali quod
à Theologis fupra fcriptis approbatum
nostro item calculo probamus atque vt
in lucem edatur permittimus. Lugduni
die 15. Aprilis 1626.

M E N A R D Vic. Gen. Subst.

S V M

*Summa Privilegij à Christianissimo
Galliarum Rege concessi.*



V D O V I C I XIII. Gallix & Na-
uarræ Regis auctoritate sancitum est,
atque patentibus literis cautum, ne
quis in Regno suo, aliisve locis di-
tioni suæ subiectis, intra proximos annos sex,
à die impressionis primæ inchoandos, ac nu-
merandos excudat, excudendum vendendum-
que quouis modo & ratione curet librum, qui
inscribitur, *Manuale in Sanctum Iesu Christi
Domini nostri Euangelium*, IO A N N I S BENCE,
Doct̃oris Sorbonici, ac Congregationis Oratorij Iesu
Christi Presbyteri, præter CLAVDIVM LANDRY,
Bibliopolam Lugdunensem, aut illos quibus
ipse concesserit. Prohibitum insuper eadem
auctoritate regia omnibus suis subditis, eum-
dem librum extra Regni sui limites imprimen-
dum curare, vel quempiam, ubicumque fuerit,
ad id agendum impellere, ac instigare, sine
consensu dicti CLAVDII LANDRY, idque
omne sub confiscatione librorum, aliisque
pœnis originali diplomate contra delinquen-
tes expressis. Datum apud S. Germanum die
3. Octob. 1625. Regni nostri decimosextima.


De mandato Regis,

Signatum

SENAULT.

INDEX

I N D E X
E T S V M M A
C A P I T V M.
I N M A T T H Æ V M.

- Cap. i.  EXITVR genealogia Christi.
2. Adoratur à Magis.
 3. Predicat & baptizat Ioānes.
 4. Ieiunat & tētatur in deserto.
 5. Differit in quibus sita sit beatitudo.
 6. Quomodo facienda eleemosyna, oratio, & ieiunium.
 7. Non temere iudicandum, nec Margaritas mittendas ante porcos.
 8. Leprosū sanat, puerum Centurionis & socrum Petri.
 9. Curat agros, docet inscios.
 10. Verbi administrationem docet.
 11. Praconium fert de Ioanne.
 12. Excusat discipulos, sanat agrotos.
 13. Parabolas varias edisserit.
 14. Ioanne interempto it in desertum, sequitur eum turba.
 15. Arguit Phariseos, sanat filiam Chananae.
 16. Negat Phariseis signum coeleste, Petro claves promittit.
 17. Transfiguratur, lunaticū curat, soluit vectigal.
 18. Docet humilitatem, vitandam scandalum.
 19. Vxorem non dimittendam, mandata Dei obseruanda.
 20. De Operariis in vinea.

21. Venit asino in Ierusalē, ericit de tēplo eementes.
22. Parabola de nuptiis, de censu dando Casari.
23. Execratur Pharisaeorum hypocrisim.
24. Mala praecurrentia mundi consummationem.
25. Indicat per parabolas seueritatē futuri iudicij.
26. Traditur à Iuda, capitur à Iudais.
27. Condemnatus crucifigitur & sepelitur.
28. Resurrectio nunciatur ab Angelo.

I N M A R C V M.

- Cap. 1. **I**esus baptizatur, tētatur, vocat discipulos.
2. Sanat Paraclitum, vocat Matthaeum. excusat discipulos.
 3. Curat manum aridam, pradicat turbis, discipulos instituit.
 4. Parabola de semine & grano sinapis.
 5. Daemoniacum, & sanguifluam sanam puellam suscitatur.
 6. A suis cōtēnitur, pro Ioāne decollato habetur.
 7. Curat daemoniacum & mutum.
 8. Satiat turbam, corripit discipulos.
 6. Transfiguratur, daemoniacum curat, humilitatem docet.
 10. Repudium prohibet, paruulos suscipit.
 11. Ierusalem ingreditur.
 12. Parabola de vinea.
 13. De Consummatione mundi.
 14. Post coenam capitur.
 15. Condemnatus crucifigitur & sepelitur.
 16. Resurgit & in caelos ascendit.

I N L V C A M.

- Cap. 1. **C**oncipit & parit Elizabeth, visitatur à matre Dei.
1. Nascitur Christus, circumciditur. Puer docet in

in templo.

3. Baptizatur à Ioanne poenitentiam predicante.
4. Tentatur à Diabolo, docet in synagoga, eiicit demonia.
5. Concionatur ex nauis, edit miracula.
6. Excusat discipulos, sanat manum aridam & docet Euangelij pietatem.
7. Sanat puerum Ceterionis, suscitatur filiū viduae.
8. Dicit parabolam de semine, sedat mare, liberat demoniacum.
9. Instituit Apostolos ad docendum, cibat iurbam pane.
10. Mittit discipulos, tentatur à legisperito.
11. Praescribit formam orandi.
12. Docet non timendam esse mortem corporis, & paratum seruum.
13. Hortatur ad poenitentiam.
14. Curat Hydropicum, docet humilitatem.
15. Poenitentiam Angelos latificare.
16. Proximo subueniendum, Deo soli seruiendum.
17. Cauendum à scandalo, remittendam offensam.
18. Docet orare.
19. Excipitur à Zachaeo.
20. Disceptat cum Iudaeis amulis suis.
21. Vidua oblationem praefert.
22. Post coenam capitur.
23. Morti adiudicatus crucifigitur.
24. Resurrectio probatur multis argumentis.

IN IOANNEM.


Cap. I. **V**erbum Dei aeternum, vita, & lux caro factum est.

1. Mutat aquam in vinum in nuptiis, & eiicit vendentes & ementes de templo.

3. Nico

3. Nicodemum docet mysteria fidei, & Ioannes Baptista de Christo testimonium exhibet.
4. Mulieri Samaritana innotescit Christus & filium reguli sanat.
5. Sanato in Sabbato paralytico disputat cum Iudeis.
6. Cibatur corpus & animam.
7. Probat Christus diuinitatem.
8. Adulteram mulierem absoluit, iterum docet in templo, & lapidantium se manibus eripit.
9. Ceco nato visum restituit.
10. Differit de vero pastore & ouibus.
11. Lazarum resuscitat.
12. Ungitur à Maria & insidens asino intrat Ierusalem.
13. Lauat pedes discipulorum.
14. Sermo Domini post coenam.
15. Continuatio Sermonis.
16. Continuatio Sermonis.
17. Oratio Iesu ad Patrem.
18. Capitur in horto & accusatur.
19. Flagellatus & coronatus traditur crucifigendus.
20. Resurrexit Christus, & apparet Magdalena, & congregatis in domo discipulis.
21. Apparet discipulis ad mare Galilaeae: Petrus Vicarium relinquit.

MANVALE



MANVALE IN SANCTVM
IESV CHRISTI
DOMINI NOSTRI
EVANGELIVM
SECUNDVM
MATTHÆVM.



EVANGELIVM interpretatur *Bonum Nuncium*, seu *Annunciatio Salvatoris*. Nam Scriptores originis factorum, dictorum, Passionum Domini Iesu Christi dicti sunt Evangelistæ. Quid enim his bonis nunciatis fiat æquale? Deus in terra, homo in cœlo, amicitia Dei facta ad nostram naturam, prolixum solum prælum, diabolus confusus, mors soluta, paradisus apertus: & hæc omnia supra dignitatem nostram, & cum facilitate nobis data sunt, non quia laboramus, sed quia dilecti sumus à Deo. ait S. Chris. in Matth.

Evangelista autem est, qui Evangelicam Spiritu sancto dictante, scripsit historiam, & ab
A Ecclesia

1 MANUALE IN EVANGELIUM.

Ecclesia Catholica probatus est.

Habent ergo quatuor Evangelistæ tantam auctoritatem quantam habet Spiritus sanctus, cuius inscribendo tantum fuerunt amanuenses. Nec enim literæ nostræ auctoritatem habent quia à seruo scriptæ, sed quia à nobis dictatæ sunt.

Non plures autem quàm quatuor recipit Ecclesia, quia non plures inuenit diuino scripsisse spiritu. quod quatuor tantum sint terræ partes per quas deferendum erat Euangelium, & quatuor flumina Paradisi. Et in Ezechiele sub figura quatuor animalium demonstrantur.

Matthæus scripsit primus octo annis post ascensionem Christi suis popularibus Hebræo sermone, cæteri Græco. Marcus decem post annis, Lucas quindecim, Ioannes triginta duobus.

Qua autem ratione impulsus ad scribendum, S. Lucas cap. i. significat, quod videret multos conatos esse Euangelium scribere qui parum fideliter id præstitissent. Ioannes aliam refert: *Hæc, inquit, scripta sunt ut credatis quia Iesus est Filius Dei, & ut credentes vitam habeatis in nomine ipsius.* Tertia causa est, ut ij quibus prædicauerant, scripto haberent, quæ viua voce Apostolos loquentes audiuerant, ne aut obliuiscerentur, aut secus interpretarentur quàm dicta fuerant. Quarta, ut quod præsentibus prædicauerant, absentibus per Scripturam prædicarent. Sic enim in omnem terram exiuit sonus eorum. Ex Psal.

Matthæus in homine intelligitur, quia circa humanitatem Christi præcipuè immoratur: Marcus in Leone quia agit de resurrectione: Lucas

SECUNDVM MATTH. CAP. I. 3

Lucas in Vitulo agens de Sacerdotio : Ioannes in Aquila scribens sacramenta Diuinitatis. Christus vero quem describunt , homo fuit de Virgine natus : Vitulus in immolatione : Leo in Resurrectione : Aquila in Ascensione. Vel in homine humanitas , in Vitulo Sacerdotium : in Leone Regnum : in Aquila exprimitur Diuinitatis sacramentum. Ex Amb. in Luc.

CAPVT PRIMVM.

Texitur genealogia Christi.

I. **L**IBER generationis Iesu Christi filij David.] Liber est quasi apotheca gratiarum , in quo omnis homo quod necesse habet inuenit. ait Chrysostomus : quia Deum hominem factum esse , totius est dispensationis summa & radix bonorum omnium. In principio satis declarat se agere de humanitate Christi, cum incipiat à carnali generatione. Hieron. generationis singulariter dicit, quamuis multi per ordinem explicentur : quia vnius tantum Christi generatio quæritur , propter quam cæteræ hic inducuntur. Glossa non diuinam proponit narrare generationem quod impossibile est, vt Esaias ait , sed humanam ; quamuis & hæc ex magna parte sit inenarrabilis : sed illa tota ineffabilis est, quia etsi dicitur filius à Patre genitus : tamen qualiter , nec Apostolus , nec propheta nouit, nec Angelus. Hic est liber ille inquit Hieron. intus & foris scriptus, hic secretus & publicus.

4 MANVALE IN EVANGELIUM

Hic apertus & opertus, hic paginis superioribus videndus, interioribus non videndus, quia incomprehensibilis: intus siquidem scriptus est, cum propheta *Esa. 53.* dicat *Generationem eius quis enarrabit?* foris scriptus est, cum Euangelista ait *Liber generationis Iesu Christi filij David;* intus scribitur cum Deus dicit *Eruclauit cor meum Verbum bonum:* *Pf. 44.* foris scribitur cū *Esaías c.7.* vaticinatur: *Ecce Virgo concipiet.* intus scribitur, cum per Ioannem dicitur: *In principio erat Verbum:* foris per Matthæum: *Christi autem generatio sic erat.* Scribamus & nos intus credendo, foris confitendo: foris per sanctam conuersationem, intus per dilectionem: foris glorificando & portando Deum in corpore nostro & stigmata Domini nostri Iesu Christi. *Gal 6.* Hic liber est factorum grandium, rerum illustrium quæ Iesus Christus filius David & Abraham in mundo gessit: sic enim sumitur vox *generatio* aliquando, vt *Gen. 6.* *Hæ sunt Generationes Noë,* id est grandia ac illustria facta eius. hæc est, opposita generationi Adam. Illa duxit nos ad damnationem, hæc ad reparationem. Illa de paradiso eduxit, hæc reduxit ait Anselmus: liber ergo hic est, totius vitæ Christi argumentum, vel Genealogiæ initium, vel libri titulus. Ex August.

Iesu Christi.] Iesus Saluatorem significat, de quo infra. Christus Græce, Latine vnctus, Hebraice Messias dicitur *Ioan. 1.* & *8.* & *Pf. 83.* Et in hoc vocabulo explicatur fons & origo, ex qua in Redemptore nostro emanauit efficacia ad saluandum genus humanum. Illa autem est gratia vnionis personalis, quæ extitit causa gratiæ habitualis & omnium charismatum, quibus

SECUNDVM MATTH. CAP. I.

bus anima Christi mirifice exornata fuit. Et quod ista communicatio gratiæ diuinæ in Christo Iesu significetur per vnctionem patet, *Psal.* 44. & *Esa.* 61. Itaque idem pollet Iesus Christus, ac si diceres Saluator qui ex vnctione & efficacia diuinæ gratiæ habet virtutem ad saluandum. Est autem vnctus Spiritu sancto. *Act.* 10. Et ab hoc vocabulo Christiani nomen sortiti sumus vt patet *Act.* 11. quasi à Christo Iesu vncti Spiritus sancti vnctionibus, suo sanguine quasi oleo purissimo deliniti, ab ipso Salvatore nostro regale nomen vendicamus, nam olim apud Hebræos, Reges Christi appellati sunt: & ideo à D. Petro præclaris titulis decoramur Christiani, cum ait: *Vos autem populus acquisitionis.* i. acquisitus à Deo per Christum, *Gens sancta, Regale sacerdotium:* vtpote filij Iesu Christi, qui & Rex, & Sacerdos est: nam filius David Regis, & Abraham qui Sacerdotij munere functus est: huic ergo Christo ex progenie David & Abraham suum dedicat librum Matthæus, cum ait: *Liber Generationis Iesu Christi,* quoniam omnia opera nostra Deo offerre debemus, vt Psalmista 44.

Filij David, filij Abraham.] Iuxta morē scripturæ appellantis filios, eos qui sunt pronepotes remoti ducentes originem ab aliquo, vt Iudæi dicuntur filij Israël *Exod.* 15. Horum autem duorum potissimum filius dicitur. Primo quia ad istos duos Patres facta est promissio Messiae, cum iuramento quasi Incarnatio filij Dei esset merces ipsorum propter eximia eorum merita: *Per memetipsum iuravi dicit Dominus: in semine tuo benedicentur omnes gentes* *Gen.* 12. & 22. quem locum Paulus de Christo ex-

6 MANUALE IN EVANGELIUM

plicat ad Gal. 3. similiter de David Psal. 131. *In-
rauit Dominus David veritatem, & non frustrabitur eum, de fructu ventris tui ponam super sedem tuam.* Secundo quia isti patres plus noti atque recepti in ore omnium Iudaeorum, quibus Matthaeus scribit, versabantur hinc discamus aduersarios fidei deuincere per easdem veritates quas ipsi admittunt. Prius autem nominat David quam Abraham. Primo ne si prius Abrahamum quam Dauidem nominaret, ei rursus nominandus esset Abrahamus, vt ab eo generationis series duceretur, & iterum à Dauide ad Abrahamum, & ab Abrahamo rursus ad Dauidem redire cogeretur. ita Hieron. Secundo quia et si vtrique promissio facta esset, promissio tamen Dauidis recentior & honorificentior, ideoque Iudæis gratior erat. Ita Chrysost. & Theophyl. 3. quia Christus non solum ducturus erat originem à David sed & in vico David Mich. 5. Ioan. 7. 4. quia Christus sæpe vocatur David Hieron. 23. Ezech. 34. Osee 3. Matth. 22. & 15. Luc. 18. 5. quia David fuit magis expressa figura Christi qui pastor & Rex fuit Esa. 33. & Ioan. 10. Quæres ad quem referatur secundus genitiuus filij Maldon. ad David, ad Christum vero referendum putat Hieron.

2. *Abraham autem genuit Isaac.*] Non facit mentionem Ismaëlis nec Esau filij Isaac, vel quia vitiosi, vel potius quia Iudæi ab illis non descenderunt, sed ab Isaac. ex Theoph.

Isaac autem genuit Iacob, Iacob autem genuit Iudam & fratres eius.] Fratres Iudæ ideo nominat, non quia Christi parentes, sed quia Patriarchæ suæ quisque tribus fuerunt, & tanquam regni eius conditores. vt notat Chrysost. Esau

Esau non nominat, quia reiectus à Deo *Malch. 1.*

3. 4. *Iudas autem genuit Phares & Zaram de Thamar.*] Zaram nominat ut fecunditatem Iudaici populi designet, quia vno partu editi ex Ambros. Vel ut significet duos populos Iudaicum & Gentilem. legem & Euangelium ex Chrysost. & Theophyl. Vel quia parum abfuit quin Christi parens esset & primogenitus, prior enim manum extra uterum protulerat, qua retracta prior Phares euasit. Notandum in Christi genealogia excepta S. Virgine Maria nullam sanctarum assumi mulierum, sed quas scriptura reprehendit, quia ad peccatores venerat ut omnium peccata deleret ex Hier. simul ne puderet Ecclesiam de peccatoribus congregari, cum Dominus de peccatoribus nasceretur: postremo ne quis putaret originis maculam impedimento esse posse virtuti ex Ambros. in Luc. cap. 3. Aliæ autem mulieres non nominantur, quia & Iudææ & legitimæ vxores fuerunt: ideoque necesse non fuit eas nominari, quia dubium non erat quin filij quos refert Euangelista, ex illis geniti essent. ex Mald.

5. *Salmon autem genuit Booz, de Rahab.*] Quidam dubitant an fuerit illa Rahab quæ Hebræos exploratores excepit ut Theophyl. alij eandem esse putant. quidam cauponariam faciunt, alij meretricem. ut D. Paulus *Heb. 11. & Jac. cap. 2.* Cur autem Salmon eam duxerit cum esset & meretrix & alienigena? Respondetur, quia recesserat ab errore & à via praua, & lege prohibitum non erat alienigenas ducere quia alienigenæ erant sed quia idololatræ: hæc enim est legis ratio.

8 MANUALE IN EVANGELIVM

Obed autem genuit Iesse.] Iste alio nomine vocatus est *Isai*. 1. Reg. 16. sed nomen Iesse hic ponitur, quia de ipso hic agitur prout Christus descendit ab eo *Esa.* 11. *Egredietur virga de radice Iesse*, ideo ex nomine Iesse hic posito ostenditur ista prophetia completa fuisse.

6. *Iesse autem genuit David Regem.*] Dubitatur quomodo inter Salmonem & Davidem non nisi tres viri Booz, Obed & Iesse numerentur, cum fluxerint 366. anni. Lyranus respondet tres fuisse qui nomine Booz vocabantur, alium continenter post alium. Alij dicunt quod isti quatuor scilicet Salmon, Booz, Obed, Iesse adæquant totum prædictum tempus, nam quilibet potuit vivere annum & dimidium supra 90. Cum plures Reges numerentur solus David Rex cognominatur, quia primus fuit electus in Regem secundum beneplacitum divinum & propter excellentiam sanctitatis suæ, & quia illius Regnum erat perpetuo duraturum. Glossa.

Ex ea qua fuit Vria.] Tacetur nomen Bethsabee, & exprimitur vir eius qui fuit iustus & bonus 1. Reg. 11. Et quia notior erat ex marito: vel quia conscia fuit necis mariti, ut ait Remigius. Vel ut ostendatur Salomonem natum ex Bethsabee, quæ quamvis vxor ante fuisset Vriæ, tamen non erat tum, sed legitima Davidis vxor, ne quis Salomonem ex adulterio progenitum suspicaretur. Mald.

7. *Salomon autem genuit Roboam.*] Sub Roboam diuisum est regnum Iudæorum in duo regna 1. Reg. 12. quia decem tribus recesserunt ab eo, & adhæserunt Ieroboam, & tunc dictum est regnum Israël, duæ autem tribus quæ reman

SECUNDVM MATTH. CAP. I. 9

remanferunt ipſi Roboam dictæ ſunt regnum Iuda. Gloſſa.

8. 9. *Ioram autem genuit Oziam.*] Nota quod Iorami nō Oziam ſed Ochofiam genuit, Ochofias Ioam, Ioas Amaſiam, Amazias Oziam. qui & Azarias dicitur vt notat Lyran. Conſulto autem iſtos tres Reges Ochofiam, Ioam, Amaſiam omiſit Euangelista; quia volebat tres teſſaradecades texere, Patriarcharum, Regum, & Ducum. Et ideo in hac ſecunda teſſaradecade; id eſt, quaterdena omiſit tres Reges, vt eſſent tantum quatuordecim generationes in illa, & non ſuperfluerent hæ tres trium regum generationes. ex Hieronym. Iſti autem Reges ſpecialiter ſunt omiſſi propter impietatem Ioram; qui duxit vxorem Idololatram filiam Amri ex genere Achab iniquiſſimi Regis, & hi ſolum Reges recensentur qui vel habuerunt patrem vel filium Dei cultorem, vel ipſe talis fuit, vt notat Anſel. Vel dicendum non propter ſua, nec propter parentum ſuorum peccata ex cathalogo Chriſti deletos. Vel propter promiſſionem Dei qui per Eliam ei comminatus fuerat ſe omnem eius progeniem deleturum. 3. Reg. 11. Sed dices quomodo ſaluatur veritas Euangelij dicentis genuit Oziam? Reſpondetur quod per generationem mediatam factam à pronepote, illa ſententia verificatur. ſic dicitur Adam omnem homines genuiſſe, non per ſe ſed per filios.

10. 11. *Ioſias autem genuit Iechoniam & fratres eius.*] Quæres quomodo Ioſias dicatur Iechoniam genuiſſe, cum non numeretur inter quatuor filios nempe Iohanam qui & Ioachaz dicebatur, Ioacim, Sedeciam qui ante Matha-

IO MANVALE IN EVANGELIVM
 rias dicebatur Sellum. quos refert sacra Scrip-
 tura , 1. Par. 3. 4. Reg. 13. 2. Par. 36. Responder
 S. Ambros. & August. Ioacim filium Iosiae alio
 nomine dictum fuisse Iechoniam. Alij credunt
 corruptum esse locum & legendum *Iosias autem*
genuit Ioacim. Et vnam generationem desiderari
 vt Ambros. Epiphan. Eutym. non quidem in
 prima tessaradecade , quæ ab Abrahamo vsque
 ad Dauidem textitur, sed in angulo quo secunda
 & tertia connectuntur. Quod si secundam tes-
 saradecadem à Salomone vsque ad Iechoniam
 illum numeremus qui hoc loco pater fuisse di-
 citur Salathielis , tertiæ tessaradecadi hæc vna
 deerit generatio. Si vero Iechoniam patrem Sa-
 lathielis , qui sub Regibus & Rex ipse fuit, in
 tertia tessaradecade numeremus deerit secun-
 da. alij putant non in secunda, nec in tertia sed
 in vtriusque confinio deesse , & hæc verba re-
 quiri inter vtramque tessaradecadem : Ioacim
 autem genuit Iechoniam: quæ ideo ad neutram
 tessaradecadem pertinent, quia iam Ioacim (aut
 Iechonias) in secunda numeratus fuerat ; & Ie-
 chonias statim in tertia numeratur. Ita *August.*
lib. 2. de conf. Euang. cap. 4. Quidam putant hanc
 generationem ab Euangelista de industria præ-
 termissam , vt Pseudo-Chrysost. Alij omissam
 dicunt propter similitudinem nominis , quod
 cum Iechonias & pater & filius vocaretur , bis
 erat à lectore idem nomen repetendum. Sic
 August. Alij scriptorum vitio & ignoratione
 factum affirmant , vt post hæc verba *Iechoniam*
& fratres eius in transmigratione Babylonis ; hæc
interciderint Iechonias autem genuit Iechoniam :
 Cum enim Iechoniae nomen quater repetere-
 tur, scriptores ignorantes patrem & filium vo-
 cari.

SECUNDVM MATTH. CAP. I. II

cari Iechoniam, & putantes redundare, prætermiserunt. Ita Epiphan. In secta Epicureorum. Alij putant non deesse hæc, *Iechonias autem genuit Iechoniam*, sed hæc *Ioacim autem genuit Iechoniam*; & totum locum sic restituendum: *Iosias autem genuit Ioacim & fratres eius in transmigratione Babylonis.* Ita Mald. & Stapul.

Et fratres eius in transmigratione Babylonis.] Fratres ponit quorum similis ut iniquitas & miseria Glos. & Remig. Et quia etsi ex illis non propagatus est Christus, tamen omnes Christi regnum tenuerunt. Ex 4. Reg. 23. 24. & 25. & 2. Par. 36. Illos non in transmigratione genuit Iosias; non enim transmigravit, sed secundum prædestinationem Dei ad transmigrandum, ad hoc enim nati sunt ut pro suis & aliorum peccatis captivi ducerentur Glos. & Remig. unde in Græco legitur *ἐν τῇ μετακινήσει*. Sub transmigrationē, id est, paulo ante, quamvis intercesserint 36. anni & tres menses a natali die Ioacim ad transmigrationem. sed hoc totum spatium vocatur tempus transmigrationis, quia comparatione regni breue est, & quia regnum Iuda nondum conciderat sed nutabat.

12. 13. 14. 15. *Et post transmigrationem Babylonis Iechonias genuit Salathiel.*] In ipsa captiuitate, iam facta transmigratione. At quomodo filios in carcere vinctus procreauit? Respondetur Euilmerodach filium Nabuchodonosoris post obitum patris eduxisse e carcere Iechoniam & regio habitu habuisse 37. anno transmigrationis quo tempore filios habuit, qui ideo in terram quam ignorabant proiecti dicuntur Hier. cap. 12. In quo notandum diuina promissa nullo casu impediri posse, Radix enim

A 6 Ielle

12 MANVALE IN EVANGELIVM

Iesse quæ velut euulsa & emortua videbatur, de nouo florere incipit. Non enim vocatur sterilis à Ieremia, quia filios non habuerit sed quia nemo ex eis regnavit, quod attinet ad regni successionem, perinde est ac si sterilis fuisset. Ex Maldon.

16. *Iacob autem genuit Ioseph virum Maria.*] Aliquot hic sunt difficultates non omittendæ apud Mald. Prima est, si Christus non fuit filius Ioseph, quid attinet ad illum Iosephi genealogia? Respondetur Ioseph & Mariam eiusdem fuisse tribus atque familiæ, ideoque Euangelistæ, Ioseph genealogiam recensentes, Mariæ quoque ac proinde Christi recensent. Ita Iren. lib. 3. cap. 18. *Athan. lib. contra Iud.* Ambros. in Luc. lib. 3. & August. qq. in lib. Iud. q. 47. & Marthæus vocat Christum filium Davidis, non poterat autem esse filius Davidis nisi per matrem cum patrem hominem non haberet. Et quamvis Maria cognata Elizabeth fuerit quæ erat ex filiabus Aaron, non tamen fuit ex tribu Leui, quia aliquis ex tribu Iuda & familia Davidis aliquam ex tribu Leui uxorem duxerat, unde B. Virgo originem traxit ex August. *quæst. 47. in lib. Iud.*

Secunda difficultas est, cur non potius ad Mariam quam ad Ioseph genealogiam deduxerunt. Respondetur primo, quia Hebræi non solebant genealogias per mulieres ducere: & additur legem fuisse ut ex sua quisque tribu uxorem duceret. Num. 36. ne hæreditates ab una tribu, in aliam auerterentur, quam legem Ioseph cum esset vir iustus seruauit. Ex Hieron. Ambros. & August. locis supradictis. Maldon. ait B. Virginem Ioseph, tanquam maximè omnium
nium

nium propinquo non solum sponte sed etiam necessitate legis traditam fuisse; Et legem illam non solum de eadem tribu sed etiam de eadem familia intelligi debere, vt cum mulier aliqua paternæ hærediratis sola hæres esset, non posset nisi eiusdem familiæ viro & quidem propinquissimo nubere. Quæ omnia fecerunt vt Euangelistæ contenti fuerint Ioseph, genealogiam demonstrasse, quam certum ac notum erat eandem esse Mariæ. Et in hac re consentiunt Matth. & Lucas. Dissentiunt vero primum quod Matthæus Ioseph filium Iacob: Lucas Heli fuisse dicat. Respondet *August. lib. 2. qq. Euang. q. 5.* Heli apud Lucam dici patrem Ioseph, non quod pater sed quod socer esset paterque B. Virginis, idem qui Ioachim alio nomine vocari soleat: Iacob autem quod vere pater esset. Secundo, respondet Ioseph vnus quidem natura alterius autem adoptione filium fuisse vt Ephraim & Manasses *Gen. 48.* Tertio, Ioseph filium fuisse alterius naturalem: alterius legalem. Iacob enim & Heli fuisse fratres, quorum alter ducta vxore sine liberis decessisset; alter vt lex iubebat ex ducta vidua Iosephum suscepit, qui propterea nunc illius qui vere ipsum genuit, nunc illius, ex cuius vxore genitus est filius appelletur: ex *Hieron. & Ambros. lib. 3. in Luc.* Et quidem Iacob naturalis, Heli legalis fuit pater.

Secundo dissentiant quod à Ioseph vsque ad Zorobabel, & à Salathiele vsque ad David Lucas diuersos prorsus parentes Christi numerat atque Matthæus. Respondetur primo, multos fuisse binomios. Secundo, quod Matthæus regale Christi genus, Lucas Sacerdotale narret, sic

14 MANVALE IN EVANGELIVM

fic August. & Ambros. Tertio, quod vnus Euangelista naturalem, alter legalem Christi originem narret. Matthæus quidem naturalem, Lucas legalem.

Tertio dissentiunt quod Matthæus à Ioseph vsque ad Zorobabel non numerat nisi nouem, Lucas vero duodeuiginti, qui dicunt Lucam naturales, Matthæum legales numerare qui pauciores quam naturales esse solent, nodum facile soluunt: sed credibilius est eos quos Matthæus quam eos quos Lucas enumerat longioris fuisse vitæ ex Ambros. & August. adde quod Matthæus tres Reges *versu* 8. prætermisit de industria.

Quarto dissentiunt quod Matthæus dicat Salathielem filium fuisse Iechoniæ: Lucas Neri. Respondet Lyranus Salathielem Iechoniæ natura: Neri vero adoptione esse filium. alij dicunt Euangelistam Lucam cum venisset ad Salathielem, qui maternū tantum ex Nathan ortum trahebat; noluisse eius matrem propter scripturarum consuetudinem; sed eius auum patris loco numerare.

Quinto, quod Matthæus consistat in Abraham Lucas ad Adam & ad Deum vsque perueniat. quidam respondent Lucam voluisse ostendere Christum non alium habuisse patrem nisi Deum, ideoque ad Deum vsque peruenisse. Matthæum vero habuisse rationem promissionum quæ Dauidi & Abrahamo factæ sunt. ita Ambros *lib. 1. in Luc.* & Theophyl. Alij voluisse Lucam diligentiam & fidem probare, originem Christi deducendo ab ipsa mundi origine. Alij voluisse peruenire ad Adamum, qui primam causam Aduentus Christi peccando præbuerat.

Ec

SECUNDVM MATTH. CAP. I. 15

Et ad primam promissionem de venturo Christo factam *ipsa conteret caput tuum*; vt ait Epiph. *heresi* 51. Alij respexisse ad modum generationis vtriusque: Adam enim ex terra Virgine formatus: Christus ex Virgine Maria; solum vterque Deum patrem habuit. Alij voluisse Christi, aduentum non ad causas naturales sed ad æternam reuocare, hoc est qui fuit Dei: nam prædestinatus erat ab omni æternitate filius Dei *Rom.* 2. & ab origine mundi Agnus occidebatur *Apo.* 13. 6. Dissentiunt quod Matthæus à parentibus ad filios descendendo: Lucas à filiis ad parentes ascendendo progrediatur. Respondetur consuetudinem Hebræorum esse vt in recensendis genealogiis ab eo incipiāt quod postremum in ore fuit. Matthæus ergo cum ob eas causas quas exposuimus Abraham vltimo loco nominasset ab eo vsque ad Christum processit. Lucas vero cum dixisset *ipse Iesus erat incipiens; quasi annorum triginta* ab eo exorsus filius vt putabatur Ioseph qui fuit Heli, &c. vsque ad Deum ascendendo progressus est, vt notat Maldon.

17. *Omnes itaque generationes.*] Diuisit omnes generationes in tres tessaradecades eo quod Matth. voluit triplicem populi statum sub Iudicibus, sub Regibus, & sub Ducibus, & Sacerdotibus designare, & significare voluisse Deum antequam filium suum mitteret, omnes vias tentare vt populum suum per homines gubernaret, & in officio contineret per Iudices, Reges, Duces, & Sacerdotes; & cum nihil profecisset, misisse filium suum, vt notat Chrysostom. *hom.* 4. in *Matth.* hæc 42. generationes respondent 42. mansionibus, quibus filij Israël ex Ægypto

16 MANUALE IN EVANGELIUM

Ægypto usque ad terram promissionis perue-
nerunt, ex Orig. *Hom. 17. in Num. & Hier. Epist.*
ad Fabiolam.

18. *Christi autem generatio sic erat.*] Multi
Græci codices legunt IESU CHRISTI: &
quidam natiuitatem potius quam generatio-
nem reddunt. *Sic erat*, id est, non sic ut patrum
præcedentium. Ex Chrysoft.

Cum esset desponsata mater Iesu Maria Ioseph.]
Quidā putant B. Virginem Mariam cum Chri-
stum concepit, nondum fuisse nuptam sed des-
ponsam, ideoque nondum illam Iosephum do-
mum duxisse, ut Orig. Hilar. Alij melius iam
tum fuisse nuptam: voluit enim Spiritus san-
ctus Christum ex nupta nasci, ut illius honori
consulereetur. Nam Ioseph vocatur vir eius. &
Maria *ἡ* vxor Ioseph. Ita Chrysoft. hom. 1. Et
desponsata & domi habita, nam in ea quæ ex-
tra domum concepit suspecta coniunctio: ma-
gis ergo voluit dominus, ut haberet mater eius
maritalem suspicionem, quam fornicationis
opprobrium pateretur. Vocat autem Matthæus
Mariam *ἡ* sponfam, non quod non
ducta non esset, sed quod non magis à viro co-
gnita quam sponsæ quæ nondum nuptæ sunt ut
ait idem Chrysoft. Ideoque iam tum cum Chri-
stus conceptus fuit, inter Iosephum & Mariam
verum erat matrimonium, ex *August. lib. 5.*
contra Iulianum & lib. 1. de nupt. & concup.
cap. 11. Voluit autem Christus nasci ex nupta,
ut per Ioseph eius origo ostenderetur vel ut is
esset testis castitatis, Mariæ, & ne stupri rea
putaretur maluit aliquos de sua generatione
quam de matris pudore dubitare, ait Ambros.
& ne ipse spurius videretur, & ideo à Iudæis
tanquam

SECUNDVM MATTH. CAP. I. 17
tanquam Messias non recipetur; & ut partus
diabolo occultaretur Glos.

Antequam conuenirent.] Id est, cum eam non
cognouisset, nam voluit Matthæus rationem
reddere cur voluerit Ioseph occultè Mariam
dimittere, quia inuenta est in utero habens an-
tequam conuenirent. non quod postea conue-
nerint; sic enim dicimus, antequam eum pœni-
teret mortuus est, vel antequam in portu pran-
deret nauigauit; ex Hieron. contra Heluidium.

Inuenta est in utero habens de Spiritu sancto.]
Id est Ioseph non solum gravidam uterum ge-
rentem seu prægnantem, Mariam apprehendit
qui licentia pene maritali omnia nouerat, ut
ait Hieron. vel non vestigando, non quærendo,
non tactu sed visu coque purissimo ut Chrys.
sed etiam eam de Spiritu sancto concepisse, ut
Basil. homil. de humana Christi generatione,
Greg. & Theophyl. Auctor vero operis Imperf.
ait non id certo cognouisse sed dubitasse an di-
uinitus concepisset. Sed ex consequentibus vi-
detur manifestum eum ignorasse, & propterea
voluit eam dimittere, & docetur ab Angelo.
Ver. 20. quod in ea natum est, de Spiritu san-
cto est. non quod pater fuerit Christi, sed quod
virtute Spiritus sancti, & de potestate non ex
substantia factum sit, ut sine viro Virgo concii-
peret. non enim ut sceleratissime quidam puta-
uerunt Spiritus sanctus pro semine fuit, ex
August. *serm. de temp.* 191. Sed qui scripsit lapideas
tabulas sine stylo ferreo, ipse grauidauit Ma-
riam de Spiritu Sancto, ex eodem *serm. de Na-
tinit.* Etsi vero vna persona nominatur in ope-
re, vniuersa tamen operari Trinitas intelligen-
tur, ex eodem in Enchir. cap. 38. Insinuat autem
hic

18 MANVALE IN EVANGELIUM

hic natiuitatis modus gratiam Dei qua homo nullis præcedentibus meritis Verbo Dei copulatus est in personæ vnitate, ex August. *ibid. in Exch. cap. 38.* vt Christus ex Maria Virgine natus est, sic Christianus ex virgine Ecclesia. quæ Virgo & mater sine macula & ruga vt Maria, vt Christus ex semine Virginis & Spiritu sancto natus est: sic Christianus oportet ex aqua & Spiritu sancto renascatur. vt notant Ambros. August. & Leo.

19. *Ioseph autem vir eius cum esset iustus.*] Vir dicitur, quia sponsus erat vero matrimonio: iustus est cōscientia castitatis seruans innocentem quā sciebat inculpabilē, sed vnde vel quid esset ignorabat. Elegit ergo effugiendi viam, vt nec innocentem proderet, nec rei incognitæ consentiendo se reum faceret coram Deo. Glos. hanc causam reddi ait cur noluerit eam traducere, quia erat vir iustus. eandem reddi dicunt Hieron. Ambros. Theophyl. Alij putant causam reddi cur voluerit dimittere, nempe quod iustus esset nolletque quam adulteram suspicabatur retinere. Ita Chrysost. quia noluit eam accusare quod iustitia vt priuata virtus est permittebat, sed quod iustitia quatenus charitatem & omnes virtutes in se continet postulabat; fecit.

Et nollet eam traducere voluit occultè dimittere eam.] Græc. *propalare*, diuulgare, exemplare, vertit August. quod Ioseph fecisset si in iudicium vocasset, vt ream adulterij. eodem verbo vsus est D. Paulus *Iterum crucifigentes filium Dei,* ἡγὰρ παροδοῦμεν τὸν υἱὸν τοῦ Θεοῦ, & publicæ ignominiae exponentes & ostentui habentes, ad Heb. 6. Quidam putant ideo dimittere voluisse quod vide-

ret,

SECUNDVM MATTH. CAP. I. 19

ret, eam de Spiritu sancto concepisse, & se indignum eius consortio iudicaret, sic Petrus dixit: *Exi à me Domine quia homo peccator sum.* Luc. 5. & Centurio *Matth. 8.* Ita Orig. hom. 1. & Bern. super *Missus est Angel.* Alij ideo dimittere voluisse quod adulteram suspicaretur. Vt Chrys. & August. *serm. de Natiuit. § 16. § 18.* Æstuabat secum disputans si prodo, virium crudelitatis incurro, si taceo, male consensio, quia ergo tacere malum, adulterium prodere peius, dimittam. hac August. Alij medium tenent, non iudicasse Ioseph, ex adulterio Virginem concepisse, sed vnde aut quo modo concepisset dubitasse, & quia non ex se concepisse certo sciebat dimittere voluisse. Ita Glos. & PseudoChrysost.

21. *Hac autem eo cogitante.*] Quomodo eam occultè dimitteret, vel occultè dando libellum repudij vt putat Abul. vel secedendo in aliam regionem specie peregrinationis.

Ecce Angelus Domini apparuit in somnis Ioseph.] Matthæus significat Deum expectasse opportunum temporis articulum vt Angelum mitteret, ea fuit diuina prouidentia quæ Petrum & Thomam permisit circa fidem cadere ne nos caderemus. Ea expectauit donec Ioseph de Mariæ virginitate dubitaret, ne nos dubitaremus ait Bernard. Mariæ vigilanti apparuit, quia fides & consensus ab ea erat requirendus: Ioseph vero dormienti, quia satis erat virum fidelem & iustum dormientem monere. Et facilius quæ facta sunt, fieri posse diuinitus credimus quam quæ sunt facienda. Ipsa Virgo vt se infamiae periculo & Iosephum sinistra suspicione liberaret non monet, quia fortè pro se loquenti non credidisset. Ex Chrysost. hom. 1.

Noti

20 MANVALE IN EVANGELIVM

Noli timere accipere Mariam coniugem tuam; quod enim in ea natum est, de Spiritu sancto est.] Id est, nō dubites, acceptam retinere, quia quod in ea conceptum & genitum est, non est vt suspicaris ex adulterio. In quo non solum timorem aufert sed lætitiā addit. ex Chrysof.

21. Pariet autem filium, & vocabis nomen eius Iesum.] Vt ne quis dicat, & vnde tibi credam quod ex Spiritu sancto est? dicit de futuro, quod paritura sit filium. Nam si de hoc verum dixero manifestum quod & hoc quod ex Spiritu sancto, verum est. Non dixit autem pariet tibi, sed simpliciter pariet: non enim peperit illi, sed toti orbi nobis datus nobis natus. ex Theophyl. Notandum sæpius patres quam matres solitos filiis nomen imponere. Et vt hic dicitur Iosepho, ita apud Lucam Mariæ dicitur cap. 1. In quo Iosephum voluit patris officio honorare. Et probare de cœlo conceptum, cui de cœlo nomen imponeretur. vt Isaac Gen. 17. & Ioanni Luc 1. Et ex nomine ipso doceri qualis sit qui conceptus est, infans ille scilicet missus qui populum suum à peccatis liberaturus erat.

Nomen enim I E S V S Salutem aut Seruatorem significat: aliis hoc nomen commune erat & casu datum: Christo proprium & diuino consilio communicatum; quo eius natura diuina simul & humana, & redemptoris officium dignissimum declaratur. Act. 2. & Phil. 2. Et cum Propheta dixit vocandum Emanuelem, voluit significare quod res eo nomine significata illi conueniret. Isa. 1. & 60. vere enim nobiscum Deus. & Ierem. 23. vere Dominus iustus noster, non sono sed sensu ait Terrul.

22. Hoc autem totum factum est vt adimpleretur.]

SECUNDVM MATTH. CAP. I. 21

retur.] Sunt qui hæc verba adhuc loquentis Angeli esse putant vt Chrysoft. & Theoph. alij Euangelistæ qui voluit vt iis quæ Angelus dixerat fides adhiberetur in omnibus, quod Virgo conceperit, quod infans nondum natus vocetur I E S V S.

23. *Ecce Virgo in utero habebit.*] Intendit Matthæus probare Christum esse verum Messiam in lege promissum, & prædictum à prophetis. Primum quia ex David: secundo quia deberet nasci ex Virgine. Iudæi obiiciunt primo apud *Isa. cap. 7.* legi non Virginem sed adolescentulam. At Hieron. in hunc locum ait nunquam in scriptura legi haalma quin significet Virginem absconditam & diligenter custoditam. Secundo obiiciunt non esse sensum fore vt virgo manens virgo, sed vt quæ ante virgo erat, postea viro nupta ex eo concipiat. quod absurdum est, alioqui nullum esset miraculum hoc, nullum signum, at propheta signum hoc, idque inauditum præbere voluit, propter hoc dabit Dominus ipse vobis signum *Ecce Virgo concipiet*: sic Iustin. contra Tryphon. Tert. aduersus Iudæ. Cyril. Alexand. & Chrysoft. in *Isa. cap. 1.* Tertio obiiciunt hoc dictum esse de vxore Regis Achaz: at iam regnabat Achaz: alij de vxore Isaia, sed neque virgo erat; nec filium peperit, qui Emmanuel vocatus sit. Quarto obiiciunt, quod non potuit dari signum Achaz: quod videri ipse non posset. At signum non dabatur Achaz sed domui David, quæ & ad Christum vsque erat duratura: & Christum ipsam paritura. Ex Mald.

Et vocabunt nomen eius Emmanuel, quod est interpretatum nobiscum Deus.] In Isaia legitur vocabis

22 MANUALE IN EVANGELIUM

cabis : sed Euangelistæ sæpe non verba sed sententiam citant. ex Hieron. Dicitur vero *nobiscum Deus* non solum quia auxilium dat & peccata delet, sed quia in homine Deus : quia *Verbum caro factum est & habitavit in nobis*, quia in terris visus est, quia communicavit carni & sanguini *Heb.2.* ut notat Chrysost. in *Isa.59.*

24 *Exurgens autem Ioseph à somno fecit sicut præcepit ei Angelus Domini : & accepit coniugem suam.*] Perfecta obedientia fecit enim non solum quæ præcepit sed sicut præcepit Glos. Non in domum accepit, nondum enim dimiserat, sed in animum de quo deposuerat, ex Chrys. vel accepit celebratis nuptiis, ex Remig.

25. *Et non cognoscebat eam.*] Quidam exponunt de cognitione faciei, dicentes quod ex præsentia Christi in utero Virginis tanta erat claritas in eius facie, quod Ioseph non poterat eam cognoscere, ut de Moyse dicitur *2. Cor. 3.* ex *Lyran.* & *Hilar.* Alij de cognitione carnali: quia cum ea vouerat virginitatem ut Hieron. Alij dicunt non cognouisse, post partum vero cognouisse, non eius quidem corpus, sed animam, virtutem, sanctitatem, sic Epiphanius aduersus Ebion. Alij cognoscere idem esse dicunt quod uxorem habere: nam ante inquit sponsa erat, postea in nomen transiit vxoris, non quod marito coniuncta fuerit, sed quod peperit, ut faciunt vxores. Ita Hilar.

Donec peperit filium suum primogenitum, & vocauit nomen eius Iesum.] Donec, usque, sæpe in scriptura significat infinitum tempus ut donec consenesceatis ego sum, nunquid post non erit Deus? Item *vobiscum sum usque ad consummationem seculi, Matth. 28.* nunquid post abscedet?

Item

SECUNDVM MATTH. CAP. I. 23

Item oportet regnare donec ponat inimicos, & nunquid post regnare desistet, nempe indicauit Euangelista non eam cognitam vsque ad partum, vt magis intelligeremus non fuisse cognitam post. hæc Hieron. & Chrysost. primogenitum dicitur, ante quem nullus, post quem non alius. Interl. vel omne quod aperit vuluam, siue aliud sequatur siue non Glos. nam si primogenitus non est nisi quem sequuntur fratres, non deberentur sacerdotibus primogenita, donec alia essent procreata ex Hieron. Nota non dici primogenitum suum, vt significaret filium esse Mariæ, primogenitum autem Dei. *Ipse enim est primogenitus omnis creatura, Col. 1. & primogenitus ex mortuis, & primogenitus in multis fratribus. Roman. 8. vt infert Epiphan. heres. 78.* tamen Paulus ad Heb. 6. primogenitum Dei pro vnigenito Christum appellauit. Et Matth. addidit epithetū *primogenitum*, vt significaret non solum concepisse Virginem sed etiam peperisse. Nam de conceptu dixerat *antequam conuenirent inuenta est habens de Spiritu sancto. De partu nunc dicit: Non cognoscebat eam donec peperit filium suum primogenitum*, id est, cum eam non cognouisset, peperit filium suum primogenitum. eo quod solus vuluam aperuit, qui solus clausam inuenit, ex Terrul.

C A P V T II.

Adoratur à Magis.

1. **C**VM ergo natus esset Iesus in Bethlehem Iudæa, in diebus Herodis Regis.] Euangelista locum

24 MANVALE IN EVANGELIVM

locum simul & tempus & euenta recenset: propter certitudinem historię, locum propter prophetiam Micheę, tempus vero Herodis Regis alienigenę propter prophetiam Iacob, vt nimirum ostendat tempus tum fuisse vt secundum illius prophetiam Christus expectatus nasceretur. Gręci codices legunt Iudęę, ita Chrysost. & Euthym. sed Hieronymus asserit Iudęę pro Iuda vitiose legi. Iudęa enim tota terra duodecim tribuum vocatur: Iuda vero sola sors tribus Iudę in qua erat illa Bethlehę, vbi David & Christus natus est, ad distinctionem alterius Bethlehem quę erat in tribu Zabulon: & non distinxisset Matth si dixisset in Bethlehem Iudęę, nam vtraque erat in Iudęa sed non in Iuda. Alius fuit Herodes qui Ioannem interfecit & Christum irrisit: & alius qui Iacobum interemit. Hic Herodes primus Magnus Ascalonita Antipater dictus est, cui primo Romani Regis Iudęę titulũ dederunt. Matthęus non numerat annos per Cęsares vt Lucas, quia agebat de regno Herodis cuius verum successorem natum dixerat. Regis dixit ad distinctionem Tetrarchę de quo cap. 14. vt notat Maldon. & quod Herodes alienigena regnaret indicat sceptrum de Iuda fuisse, & exactũ fuisse tempus quo ex prophetia Iacob Gen. 49. Christus erat venturus. Ex Chrysost. & Theoph.

Ecce Magi ab Oriente venerunt Ierosolymam.]
 Confestim vt natus est & ex improviso, vt ciuitatis commotio declarat. Non parua autem quęstio est qui fuerint illi Magi. dicendũ non pręstigiatores seu incantatores qui rerum species immutant sed qui inspectione syderum futura prędicunt naturę sagacitate, seu sapientes
 & apud

& apud Persas Magis dici vt apud Græcos Philolophos, apud Indos Brachmanes, apud Gallos Druidas, satis notum, quia stella sunt ducti quasi homines qui vitā in stellarum observatione transigebant. At non ita clarum an Reges fuerint. Chrys. Hom. 6. Hyl. Hier. & Aug. Reges fuisse dicunt, & Ecclesia non certa & Catholica fide sed probabili opinione credit non illos quidem Tharsis aut Persarum nobilissimos, sed tamen principes qui Regum aut regulorum nomen merentur vt illi Ioan. cap. 4. & Iob 1. & Marc. 6. Rex qui Terrarcha erat dicitur Herodis filius. Et ex eo conicitur quod ab Oriēte vsque veniant quod privati Philosophi non fecissent: quod Regem natum adoraturi, quod facere soli solent principes: quod thesauros habuerint: quod ab Herode simul vt venerunt comprehensi non sunt, & in crucem acti: quod ipse quoque Herodes dicat se iturum esse cum vbi sit intellexerit; quamuis simulate. Insinuat tamen omnes Reges debere nouum Regem adorare. Euangelista autem Reges non appellat, sed Magos, quia voluit tacite rationē reddere cur ex stella natū esse cognouissent vt notat Mald. fuisse autem tres, etsi non certa tamen probabili cōiectura ex donorum numero colligitur: Nam credibilis est diuersa quā eadē omnes munera dedisse. Ex Aug. Ser. 27. & 33. de tēpore: sunt qui quatuordecim, alij duodecim fuisse dicūt, vt Author operis Imper. Multi ex Arabia venisse putant, vt Iustin. in Tryph. Cyp. Serm. de stella, quia Arabia auro, & Sabæa thurē & odoribus abundat: alij ex Chaldæa vt Chrys. Alij ex Perside vt Chrys. hom. 7. Cyril. Alex. lib. 4. In Isa. quia nomen ipsum

26 MANVALE IN EVANGELIVM

Magorum Persicum est; & quia dicantur ab Oriente venisse qui Persicam legem servant cū Regem adorant & non sine munere adeunt. Quando autem venerint. *Epiph. bar. 30.* ait duobus annis post natum Christum. Ecclesia vero affirmat decimotertio die post natū Christum venisse, sic *Aug. ser. 1. 2. & 3. de Epiph.* Et *Leo.* Et particula, *Ecce*, indicat post Christi natalem statim Magorum aduentum secutum fuisse. Et quia certum est Ioseph & Mariam nō mansisse in Bethlehem supra quadraginta dies Purificationis, qui ex lege præscripti erant. *Leuit. 12.* Statim enim venerunt in Ierusalem vt sisterent cum Domino *Luc 2.* Et statim redierunt in Galilæam: Magi autem Christum in Bethlehem inuenerunt: signum ergo est ante quadragesimum à Natali diem Magos venisse. Profecti autem sunt duobus annis ex Patria ante natalem ex *Aug. ser. 7. de Epiph.* & quidam aiunt stellam ante duos annos Magis apparuisse, non tamen statim profectos eos fuisse. *Aug. ser. 32.* de tempore ait eos non nisi natō iam Christo ex patria discessisse; cum autem decimotertio post die credantur adorasse, sequitur non vltra octo aut nouem dies in itinere posuisse. Nam credibile est non eodem die quo stellam viderunt eos discessisse. Et Hierosolymis dum Herodes eos interrogat & scribas & Sacerdotes consulunt; duos ad minimum fluxisse dies, tam breui autem tempore venire potuerunt quia ex proximis Persarum finibus venerunt qui ab Hierusalem non distant vltra ducentas leucas: & quia camelis vsi sunt: qui quamuis onerati quadraginta leucas quotidie conficiunt, vel id factum est diuina-
vir

virtute & prouidentia ex Remig. Cur autē Hierosolymam venerunt cum in Bethlechem à stella ducerentur? quidam putant stellam prope Ierosolymam disparuisse, vt natum regem in vrbe Regia nuntiarent, ne Iudei ignorare possent quod Gentilium testimonio didicissent. Ex Amb. lib. 2. in Luc. Et Aug. ser. 30. & 31. de tempor. Chry. & Theoph. Alij existimant prius Magos Ierosolymam venire voluisse, vt de nato interrogarent rege; Ideoque stellam sese occultasse vt qui humanum quærebant cōsiliū diuinum amitterent ducem sic Ber. Alij diuino id factum consilio vt Iudæi essent inexcusabiles. Ex Hier. Et vt prius à Gentibus quam à Iudæis Christus Rex natus annuntiaretur, ne Iudæorum testimonium de suo rege suspectum esset ex Basil. Et vt gloria Christi magis effulgeret testimonium perhibentibus Magis, qui plus aduersarij erant Deo ex Theoph.

2. *Vbi est qui natus est Rex Iudæorum?*] non dubitantes interrogant, an natus sit, sed certi, tanquam à Deo docti natum asserunt: Et sic loquuntur quasi omnes natum esse sciant, ad Iudæorum confusionem qui à Gentibus Christi natiuitatem discunt. Et fictitio à Romanis Herodi Regi non legitimo & naturali, naturalem opponunt dicentes *qui natus est*: Glos.

Vidimus enim stellam eius.] Natiuitatis Dominicæ nunciam ait Hier. vnā fuisse de numero cæterarum quæ sunt in firmamento, & quæ ad conducendum Magos descendit, asserit Greg. Nys. in hom. de Christi Incarnatione: Alij non fuisse veram stellam, sed similitudinem stellæ, vt Chrys. hom. 6. Basil. hom. de Chri. gener. Amb. l. 2. In Luc. c. 2. Aug. ser. 30. de temp. Quidam

28 MANVALE IN EVANGELIVM

dicunt fuisse Spiritum sanctum qui stellæ specie descendit: alij Angelum qui stellæ speciem induit vt Autor *lib. de mirabilibus sacra scripti.* Alij cometam: alij veram stellam. Quando autem sit visa, non est certum. Quidam putant duobus annis antequam Chrístus nasceretur ex Eutym. Alij vno anno ante. Alij aliquanto ante vt Chrys. Alij eo ipso die quo Chrístus natus est, vt Aug. *ser. 4. de Epiph.* Vbi vero viderint non conuenit: sunt qui putant non in Oriente sed in Occidente stellam apparuisse: Alij in ipso illis primum Oriente apparuisse, & viæ ducem fuisse. At quomodo visa stella Chrístum natum esse cognouerint, minus certum. Autor operis imperf. ait in stella similitudinem pueri fuisse qui Magos allocutus Chrístum natum docuit: alij naturali astrorum scientia cōieciisse, quod refellit Chrys. & Aug. restat vt reuelatione cognouerint facta per dæmones ex *Hier. in Isa. 19.* Alij per Angelos factam malunt vt Aug. *ser. de Epiph.* Alij intrinsecus à Deo. Ex Aug. *ser. 34. de tempore* Et ex Prophetia Baalam iam diu cognouisse Christo nascente stellam orituram: *Orietur stella ex Iacob.* Ita Orig. Amb. Chrysost. Hier. vt qui in stellarum obseruatione versabantur ex stellis Chrístum agnoscerent. ex Glos.

Et venimus adorare eum.] Non solo cultu ciuili & urbano sed patriæ, quo homo Deus agnoscitur & colitur. Ex Athan. *l. de Incar.*

4. *Audiens autem Herodes Rex turbatus est, & omnis Hierosolyma cum illo, & congregans omnes Principes.]* Non solum propter se timuit sed propter iram Romanorum: decreuerant enim Romani, ne quis Rex vel Deus sine eorum con-

SECUNDVM MATTH. CAP. II. 29
consilio diceretur. Glos.

Quæres cum vnus tantum sit princeps Sacerdotum quomodo multi dicantur. Respondent Principes appellari omnes qui summi Sacerdotes aliquando fuissent, erant enim annui Ita Chrys. & Theoph. Alij dicunt quod vnus erat & multi, vnus summus qui absolute princeps Sacerdotum aut Pontifex vocabatur. Multi qui erant capita familiarum Sacerdotalium. 1. par. 15.

Et scribas populi sciscitabatur ab eis ubi Christus nasceretur.] Scribæ erant Notarij publici, qui ex officio publica instrumenta conficiebant & sacras scripturas incorruptas conseruabant; & earum sensum aperiebant. 4. Reg. 22. Esd. 7. Idem legis periti dicebantur. Ex Theoph.

6. *At illi dixerunt ei : In Bethlehem Iuda.*] Propheta vero dicit in Bethlehem Ephrata: sunt qui dicunt Euangelistas sæpe citare scripturas aliis verbis, & alio sensu citant. Hier. Epist. ad Pam Mach. sed male: nam putat Euangelistam, non quod propheta dixerit, sed quid Sacerdotes, & scribæ, vt in illis notaret ignorantiam scripturarum. Et quidem non verba Prophetæ sed Sacerdotum & Scribarum interpretationem recitare voluisse, quæ talis fuit. *Et tu Bethlehem Ephrata*, id est terra Iudæ: Hæc enim Bethlehem Olim Ephrata dicta fuerat. Quia ergo alia erat Bethlehem in tribu Zabulon, quæ Ephrata non dicebatur; addidit hoc epithetum, vt hanc Bethlehem ab illa distingueret: Sacerdotis vero epithetum Prophetæ alio clariore epitheto explicare voluerunt: *Et tu Bethlehem Ephrata*. Id est quæ est terra Iuda, nō Zabulon vt doceant sensum prophetæ

30 MANVALE IN EVANGELIVM
 esse non in ea Bethlehem quæ erat in tribu Zabulon, sed in ea quæ erat in tribu Iudæ Christum nasciturum, id enim Herodes magnopere putabat sua interesse. Quod autem sequitur apud Prophetam minima es ut sis sic exposuerunt quasi ironice locutus fuisset: Minima quidem videris si murorum tuorum spectetur ambitus: at nequaquam minima es: *Ex te enim exiet dux* &c. In millibus interpretati sunt in ducibus quia in hebr. utrumque significat & duces & mille; quia duces sæpe mille hominibus præerant Ex. 18. Et significavit etiam paruum oppidum vnum iam præstantissimum ducem Dauidem protulisse, alterum vero longe præstantiorem Christum prolaturum. Prophetæ dixit *qui dominetur*, & Evangelista *qui regat* *ποιμαίνει* pascet quia non vocauerunt *ποιμαίνοντα* pastorem sed *ἡγέμονα* ducem cum quo verbum regat melius convenit quam pascet. hæc Mald.

7. *Tunc Herodes clam diligenter didicit ab eis tempus stellæ.*] Videns quia non poterat Magos, nec blandimentis flectere, nec minis terere, nec auro corrumpere, ut consentirent in interfectionem regis futuri; ideo illos decipere cogitavit: occulte autem vocavit eos ut non viderent Iudæi quos habebat suspectos, ne forte quasi Regem suæ gentis amantes, proderent consilium eius, diligenter didicit ab eis tempus quo primum stellæ apparere cœpisset. Hæc Chrys.

8. *Et mittens illos in Bethlehem dixit: Ite & interrogate.*] Deuotionem promittebat, & per eam gladium acuebat, & malitiam cordis sui humilitatis colore depingebat ait Chrys. Ho. 2.
 Ad

uentiandum inuitat, vt alacrius per eum
t; & ne Iudæi quia Rex eorum futurus
cultent. Glos.

Videntes autem stellam] Ex hoc osten-
dia cum stella deduxisset Magos prope
alem abscondita est ab eis. Ex Chrys. Et
isto plenum redderet obsequium tem-
gradum donec Magos perduceret ad
nait Aug. *ser. de Epiph.* & lætāntur non
stellam viderint quam sæpe iam viderāt,
od Christum, quem quærebant inuene-
tella gratiam significat, quam per pec-
amittimus; à quo qui recesserit per pœ-
iam mox gratiam inuenit: Remig. Vel
uminatio fidei quæ ad Christum ducit

Et intrantes domum inuenerunt puerum.]
qui dicunt Magos duobus post Christum
annis venisse, & non in stabulo sed in
inuenisse vt *Epiph. Hier. 32.* & *Theoph.*
n præsepi inuenisse & adorasse vt *Chrys. &*
ir. 1. & 2. de Epiph. Alij non in præsepi sed
tiore loco; suadet pietas Ioseph & Mariæ
immodiorem quæsiuisse.

in Maria matre eius.] Ioseph tunc forte
non erat: vel mysterio tribuendum, vt
nueniretur ne Christi pater putaretur:
pastores ipso die natiuitatis inuenerunt
m cum Ioseph & Maria.

ulerunt ei munera, aurum, thus, & myrrhā.]
Orientales solent cum muneribus ado-
Magis tamen id diuina inspiratione factū
significandum in Christo Regiam pote-
t; diuinam maiestatem, & humanam
litatem. Regi aurum, Deo Thus, homini

22 MANUALE IN EVANGELIUM

cabis : sed Euangelistæ sæpe non verba sed sententiam citant. ex Hieron. Dicitur vero *nobiscum Deus* non solum quia auxilium dat & peccata delet, sed quia in homine Deus : quia *Verbum caro factum est & habitauit in nobis*, quia in terris visus est, quia communicauit carni & sanguini *Heb.2.* vt notat Chrysost. in *Isa. 59.*

24 *Exurgens autē Ioseph à somno fecit sicut præcepit ei Angelus Domini : & accepit coniugē suam.*] Perfecta obedientia fecit enim non solum quæ præcepit sed sicut præcepit Glos. Non in domum accepit, nondum enim dimiserat, sed in animum de quo deposuerat, ex Chrys. vel accepit celebratis nuptiis, ex Remig.

25. *Et non cognoscebat eam.*] Quidam exponunt de cognitione faciei, dicentes quod ex præsentia Christi in utero Virginis tanta erat claritas in eius facie, quod Ioseph non poterat eam cognoscere, vt de Moyse dicitur *2. Cor. 3.* ex *Lyran. & Hilar.* Alij de cognitione carnali: quia cum ea vouerat virginitatem vt Hieron. Alij dicunt non cognouisse, post partum vero cognouisse, non eius quidem corpus, sed animam, virtutem, sanctitatem, sic Epiphanius aduersus Ebion. Alij cognoscere idem esse dicunt quod uxorem habere: nam ante inquit sponsa erat, postea in nomen transiit vxoris, non quod marito coniuncta fuerit, sed quod peperit, vt faciunt vxores. Ita Hilar.

Donec peperit filium suum primogenitum, & vocauit nomen eius Iesum.] Donec, vsque, sæpe in scriptura significat infinitum tempus vt donec consenesceatis ego sum, nunquid post non erit Deus? Item *vobiscum sum vsque ad consummationem seculi, Matth. 28.* nunquid post abscedet?

Item

SECUNDVM MATTH. CAP. I. 23

Item oportet regnare donec ponat inimicos, & nunquid post regnare desistet, nempe indicauit Euangelista non eam cognitam vsque ad partum, vt magis intelligeremus non fuisse cognitam post. hæc Hieron. & Chrysost. primogenitum dicitur, ante quem nullus, post quem non alius. Interl. vel omne quod aperit vuluam, siue aliud sequatur siue non Glos. nam si primogenitus non est nisi quem sequuntur fratres, non deberentur sacerdotibus primogenita, donec alia essent procreata ex Hieron. Nota non dici primogenitum suum, vt significaret filium esse Mariæ, primogenitum autem Dei. *Ipse enim est primogenitus omnis creatura, Col. 1. & primogenitus ex mortuis, & primogenitus in multis fratribus. Roman. 8. vt inferi Epiphan. heres. 78.* tamen Paulus ad *Heb. 6.* primogenitum Dei pro vnigenito Christum appellauit. Et Matth. addidit epithetum *primogenitum*, vt significaret non solum concepisse Virginem sed etiam peperisse. Nam de conceptu dixerat *antequam conuenirent inuenta est habens de Spiritu sancto.* De partu nunc dicit: *Non cognoscebat eam donec peperit filium suum primogenitum*, id est, cum eam non cognouisset, peperit filium suum primogenitum. eo quod solus vuluam aperuit, qui solus clausam inuenit, ex Terrul.

C A P V T II.

Adoratur à Magis.

1. **C**Um ergo natus esset Iesus in Bethlehem Iudæa, in diebus Herodis Regis.] Euangelista locum

24 MANVALE IN EVANGELIVM

locum simul & tempus & euenta recenset: propter certitudinem historię, locum propter prophetiam Micheę, tempus vero Herodis Regis alienigenę propter prophetiam Iacob, vt nimirum ostendat tempus tum fuisse vt secundum illius prophetiam Christus expectatus nasceretur. Gręci codices legunt Iudęę, ita Chrysost. & Euthym. sed Hieronymus asserit Iudęę pro Iuda viriose legi. Iudęę enim tota terra duodecim tribuum vocatur: Iuda vero sola sors tribus Iudęę in qua erat illa Bethlehę, vbi David & Christus natus est, ad distinctionem alterius Bethlehem quę erat in tribu Zabulon: & non distinxisset Matth si dixisset in Bethlehem Iudęę, nam vtraque erat in Iudęę sed non in Iuda. Alius fuit Herodes qui Ioannem interfecit & Christum irrisit: & alius qui Iacobum interemit. Hic Herodes primus Magnus Ascalonita Antipater dictus est, cui primo Romani Regis Iudęę titulũ dederunt. Matthęus non numerat annos per Cęsares vt Lucas, quia agebat de regno Herodis cuius verum successorem natum dixerat. Regis dixit ad distinctionem Tetrarchę de quo cap. 14. vt notat Maldon. & quod Herodes alienigena regnaret indicat sceptrum de Iuda fuisse, & exactũ fuisse tempus quo ex prophetia Iacob Gen. 49. Christus erat venturus. Ex Chrysost. & Theoph.

Ecce Magi ab Oriente venerunt Ierosolymam.] Confestim vt natus est & ex improviso, vt ciuitatis commotio declarat. Non parua autem quęstio est qui fuerint illi Magi. dicendũ non pręstigiatores seu incantatores qui rerum species immutant sed qui inspectione syderum futura prędicunt naturę sagacitate, seu sapientes & apud

& apud Persas Magis dici vt apud Græcos Philolophos, apud Indos Brachmanes, apud Gallos Druidas, satis notum, quia stella sunt ducti quasi homines qui vitā in stellarum obseruatione transigebant. At non ita clarum an Reges fuerint. Chryf. Hom. 6. Hyl. Hier. & Aug. Reges fuisse dicunt, & Ecclesia non certa & Catholica fide sed probabili opinione credit non illos quidem Tharsis aut Persarum nobilissimos, sed tamen principes qui Regum aut regulorum nomen merentur vt illi Ioan. cap. 4. & Iob 1. & Marc. 6. Rex qui Terrarcha erat dicitur Herodis filius. Et ex eo conicitur quod ab Oriēte vsque veniant quod privati Philosophi non fecissent: quod Regem natum adoraturi, quod facere soli solent principes: quod thesauros habuerint: quod ab Herode simul vt venerunt comprehensi non sunt, & in crucem acti: quod ipse quoque Herodes dicat se iturum esse cum vbi sit intellexerit; quamuis simulate. Insinuat tamen omnes Reges debere nouum Regem adorare. Euangelista autem Reges non appellat, sed Magos, quia voluit tacite rationē reddere cur ex stella natū esse cognouissent vt notat Mald. fuisse autem tres, etsi non certa tamen probabili cōiectura ex donorum numero colligitur: Nam credibilis est diuersa quā eadē omnes munera dedisse. Ex Aug. Ser. 27. & 33. de tēpore: sunt qui quatuordecim, alij duodecim fuisse dicūt, vt Author operis Imper. Multi ex Arabia venisse putant, vt Iustin. in Tryph. Cyp. Serm. de stella, quia Arabia auro, & Sabæa thurē & odoribus abundat: alij ex Chaldaea vt Chryf. Alij ex Perside vt Chryf. hom. 7. Cyril. Alex. lib. 4. In Isa. quia nomen ipsum

26 MANVALE IN EVANGELIVM

Magorum Persicum est; & quia dicantur ab Oriente venisse qui Persicam legem servant cū Regem adorant & non sine munere adeunt. Quando autem venerint. *Epiph. bar. 30.* ait duobus annis post natum Christum. Ecclesia vero affirmat decimotertio die post natū Christum venisse, sic *Aug. ser. 1. 2. & 3. de Epiph.* Et Leo. Et particula, *Ecce*, indicat post Christi natalem statim Magorum aduentum secutum fuisse. Et quia certum est Ioseph & Mariam nō mansisse in Bethlehem supra quadraginta dies Purificationis, qui ex lege præscripti erant. *Leuit. 12.* statim enim venerunt in Ierusalem vt sisterent eum Domino *Luc 2.* Et statim redierunt in Galilæam: Magi autem Christum in Bethlehem inuenerunt: signum ergo est ante quadragesimum à Natali diem Magos venisse. Profecti autem sunt duobus annis ex Patria ante natalem ex *Aug. ser. 7. de Epiph.* & quidam aiunt stellam ante duos annos Magis apparuisse, non tamen statim profectos eos fuisse. *Aug. ser. 32.* de tempore ait eos non nisi natō iam Christo ex patria discessisse; cum autem decimotertio post die credantur adorasse, sequitur non vltra octo aut nouem dies in itinere posuisse. Nam credibile est non eodem die quo stellam viderunt eos discessisse. Et Hierosolymis dum Herodes eos interrogat & scribas & Sacerdotes consulunt; duos ad minimum fluxisse dies, tam breui autem tempore venire potuerunt quia ex proximis Persarum finibus venerunt qui ab Hierusalem non distant vltra ducentas leucas: & quia camelis vsi sunt: qui quamuis onerati quadraginta leucas quotidie conficiunt, vel id factum est diuina

vir

virtute & prouidentia ex Remig. Cur autē Hierosolymam venerunt cum in Bethlechem à stella ducerentur? quidam putant stellam prope Ierosolymam disparuisse, vt natum regem in vrbe Regia nuntiarent, ne Iudei ignorare possent quod Gentilium testimonio didicissent. Ex Amb. lib. 2. in Luc. Et Aug. ser. 30. & 31. de tempor. Chry. & Theoph. Alij existimant prius Magos Ierosolymam venire voluisse, vt de nato interrogarent rege; Ideoque stellam sese occultasse vt qui humanum quærebant cōsiliū diuinum amitterent ducem sic Ber. Alij diuino id factum consilio vt Iudæi essent inexcusabiles. Ex Hier. Et vt prius à Gentibus quam à Iudæis Christus Rex natus annuntiaretur, ne Iudæorum testimonium de suo rege suspectum esset ex Basil. Et vt gloria Christi magis effulgeret testimonium perhibentibus Magis, qui plus aduersarij erant Deo ex Theoph.

2. *Vbi est qui natus est Rex Iudeorum?*] non dubitantes interrogant, an natus sit, sed certi, tanquam à Deo docti natum asserunt: Et sic loquuntur quasi omnes natum esse sciant, ad Iudæorum confusionem qui à Gentibus Christi natiuitatem discunt. Et fictitio à Romanis Herodi Regi non legitimo & naturali, naturalem opponunt dicentes *qui natus est*: Glos.

Vidimus enim stellam eius.] Natiuitatis Dominicæ nunciam ait Hier. vnā fuisse de numero cæterarum quæ sunt in firmamento, & quæ ad conducendum Magos descendit, asserit Græg. Nys. in hom. de Christi Incarnatione: Alij non fuisse veram stellam, sed similitudinem stellæ, vt Chrys. hom. 6. Basil. hom. de Chri. gener. Amb. l. 2. In Luc. c. 2. Aug. ser. 30. de temp. Quidam

28 MANVALE IN EVANGELIVM

dicunt fuisse Spiritum sanctum qui stellæ specie descendit: alij Angelum qui stellæ speciem induit vt Autor *lib. de mirabilibus sacra script.* Alij cometam: alij veram stellam. Quando autem sit visa, non est certum. Quidam putant duobus annis antequam Christus nasceretur ex Eutym. Alij vno anno ante. Alij aliquanto ante vt Chrys. Alij eo ipso die quo Christus natus est, vt Aug. *ser. 4. de Epiph.* Vbi vero viderint non conuenit: sunt qui putant non in Oriente sed in Occidente stellam apparuisse: Alij in ipso illis primum Oriente apparuisse, & viæ ducem fuisse. At quomodo visa stella Christum natum esse cognouerint, minus certum. Autor operis imperf. ait in stella similitudinem pueri fuisse qui Magos allocutus Christum natum docuit: alij naturali astrorum scientia cōieciisse, quod refellit Chrys. & Aug. restat vt reuelatione cognouerint facta per dæmones ex *Hier. in Isa. 19.* Alij per Angelos factam malunt vt Aug. *ser. de Epiph.* Alij intrinsecus à Deo. Ex Aug. *ser. 34. de tempore* Et ex Prophetia Baalam iam diu cognouisse Christo nascente stellam orituram: *Orietur stella ex Iacob.* Ita Orig. Amb. Chrysost. Hier. vt qui in stellarum obseruatione versabantur ex stellis Christum agnoscerent. ex Glos.

Et venimus adorare eum.] Non solo cultu civili & urbano sed patriæ, quo homo Deus agnoscitur & colitur. Ex Athan. *l. de Incar.*

4. *Audiens autem Herodes Rex turbatus est. & omnis Hierosolyma cum illo, & congregans omnes Principes.]* Non solum propter se timuit sed propter iram Romanorum: decreuerant enim Romani, ne quis Rex vel Deus sine eorum

con

SECUNDVM MATTH. CAP. II. 29
consilio diceretur. Glos.

Quæres cum vnus tantum sit princeps Sacerdotum quomodo multi dicantur. Respondent Principes appellari omnes qui summi Sacerdotes aliquando fuissent, erant enim annui Ita Chrys. & Theoph. Alij dicunt quod vnus erat & multi, vnus summus qui absolute princeps Sacerdotum aut Pontifex vocabatur. Multi qui erant capita familiarum Sacerdotalium. 1. par. 15.

Et scribas populi sciscitabatur ab eis ubi Christus nasceretur.] Scribæ erant Notarij publici, qui ex officio publica instrumenta conficiebant & sacras scripturas incorruptas conseruabant; & earum sensum aperiebant. 4. Reg. 22. Esd. 7. Idem legis periti dicebantur. Ex Theoph.

6. *At illi dixerunt ei : In Bethlehem Iuda.]* Propheta vero dicit in Bethlehem Ephrata: sunt qui dicunt Euangelistas sæpe citare scripturas aliis verbis, & alio sensu citant. Hier. Epist. ad Pam Mach. sed male: nam putat Euangelistam, non quod propheta dixerit, sed quid Sacerdotes, & scribæ, vt in illis notaret ignorantiam scripturarum. Et quidem non verba Prophetæ sed Sacerdotum & Scribarum interpretationem recitare voluisse, quæ talis fuit. *Et tu Bethlehem Ephrata*, id est terra Iudæ: Hæc enim Bethlehem Olim Ephrata dicta fuerat. Quia ergo alia erat Bethlehem in tribu Zabulon, quæ Ephrata non dicebatur; addidit hoc epithetum, vt hanc Bethlehem ab illa distingueret: Sacerdotis vero epithetum Prophetæ alio clariore epitheto explicare voluerunt: *Et tu Bethlehem Ephrata*. Id est quæ est terra Iuda, nō Zabulon vt doceant sensum prophetæ

30 MANVALE IN EVANGELIVM

esse non in ea Bethlehem quæ erat in tribu Zabulon, sed in ea quæ erat in tribu Iudæ Christum nasciturum, id enim Herodes magnopere putabat sua interesse. Quod autem sequitur apud Prophetam minima es ut sis sic exposuerunt quasi ironice locutus fuisset: Minima quidem videris si murorum tuorum spectetur ambitus: at nequaquam minima es: *Ex te enim exiet dux* &c. In millibus interpretati sunt in ducibus quia in hebr. utrumque significat & duces & mille; quia duces sæpe mille hominibus præerant Ex. 18. Et significavit etiam paruum oppidum vnum iam præstantissimum ducem Davidem protulisse, alterum vero longe præstantiorem Christum prolaturum. Prophetam dixit *qui dominetur*, & Evangelista *qui regat* ποιμαίνει pascet quia non vocauerunt ποιμαίνοντα pastorem sed ἡγέμονα ducem cum quo verbum regat melius convenit quam pascet. hæc Mald.

7. *Tunc Herodes clam diligenter didicit ab eis tempus stella.*] Videns quia non poterat Magos, nec blandimentis flectere, nec minis terere, nec auro corrumpere, ut consentirent in interfectionem regis futuri; ideo illos decipere cogitavit: occulte autem vocavit eos ut non viderent Iudæi quos habebat suspectos, ne forte quasi Regem suæ gentis amantes, proderent consilium eius, diligenter didicit ab eis tempus quo primum stella apparere cœpisset. Hæc Chrys.

8. *Et mittens illos in Bethlehem dixit: Itē & interrogate.*] Deuotionem promittebat, & per eam gladium acuebat, & malitiam cordis sui humilitatis colore depingebat ait Chrys. Ho. 2.

Ad

Ad renuntiandum inuitat, vt alacrius per eum redeant; & ne Iudæi quia Rex eorum futurus erat occultent. Glos.

10. *Videntes autem stellam*] Ex hoc ostenditur quia cum stella deduxisset Magos prope Hierusalem abscondita est ab eis. Ex Chrys. Et vt Christo plenum redderet obsequium temperat gradum donec Magos perduceret ad puerum ait Aug. *ser. de Epiph.* & lætântur non quod stellam viderint quam sæpe iam viderât, sed quod Christum, quem quærebant inuenerint: stella gratiam significat, quam per peccatum amittimus; à quo qui recesserit per pœnitentiam mox gratiam inuenit: Remig. Vel est illuminatio fidei quæ ad Christum ducit Glos.

11. *Et intrantes domum inuenerunt puerum.*] sunt qui dicunt Magos duobus post Christum natum annis venisse, & non in stabulo sed in domo inuenisse vt Epiph. Hier. 32. & Theoph. Alij in præsepi inuenisse & adorasse vt Chrys. & Aug. *ser. 1. & 2. de Epiph.* Alij non in præsepi sed honestiore loco; suadet pietas Ioseph & Mariæ eos commodiorem quæsiuisse.

Cum Maria matre eius.] Ioseph tunc forte domi non erat: vel mysterio tribuendum, vt non inueniretur ne Christi pater putaretur: Nam pastores ipso die natiuitatis inuenerunt puerum cum Ioseph & Maria.

Obtulerunt ei munera, aurum, thus, & myrrhã.] Reges Orientales solent cum muneribus adorare, Magis tamen id diuina inspiratione factum est ad significandum in Christo Regiam potestatem; diuinam maiestatem, & humanam mortalitatem. Regi aurum, Deo Thus, homini

32 MANUALE IN EVANGELIUM

myrrham. Glos. vel aurum pauperi, Myrrha consolidandis infantilibus membris, thus loci foetori mitigando, datum putat Bern. Non singuli singula, sed singuli tria obtulerunt ex Remig. alij incertum relinquunt ut Strabus, hunc thesaurum Maria & Ioseph Deo consecrarunt.

12. *Per aliam viam reuersi sunt.*] Non sunt scandalizati dicentes, quid necesse est occultè recedere, fides non quærit causas præcepti ait Chry. In Hom. apparet consuluisse Dominum quid facere deberent, dubios an ad Herodem redeundum esset. Sa.

13. *Qui cum recessissent, ecce Angelus.*] Cum rumor de puero inciperet dilatari. Impleto purgationis tempore prius, & Christo oblato in Hierusalem. Inter. & Raban.

14. *Qui consurgens accepit puerum.*] Id est cum statim post visum expergefactus euigilasset, accepit puerum, & de nocte fugit. Probabile est prope fuisse carnifices qui quærebant puerum, quando iubetur nocte fugere, fugerunt autem, non ex Bethlechem sed ex Nazareth quæ erat in Galilæa ex Luc. 2. Cur vero in Ægyptum, ratio est quia est extra Herodis dominatum: Et quia sic à Propheta prædictum erat. Osee 11. Et quia in aduersis Ægyptus erat confugium Iudæorum. Gen. 46. 4. Reg. 25. Non dicit accipe Matrem & puerum eius, sed è conuerso, quia non propter matrem puer natus est, sed propter puerum mater præparata est ait Chrys. Hom. 2.

15. *Et erat ibi usque ad obitum Herodis.*] Septem annos mansisse in Ægypto. refert Glos. tres Niceph. l. 1. c. 14. Duos Epiph. Har. 51. Et

SECUNDVM MATTH. CAP. II. 33

Et certum est neque plures septem, neque pauciores quatuor ex Mald. In qua vrbe manserit incertum est. Probabile Christo ingrediente in Ægyptum idola corruisse ex Hier. Et Christo infanti Hermopolim Ægypti urbem ingredienti præcellsa arbor inclinata est ex *Sesom.* l. 5. c. 20. cauendum ab Alcorano Mahumeti: & à libro de infantia Saluatoris ex Hier.

Ut adimpleretur quod dictum est.] vt, non causam, sed euentum significat, quod alibi sæpe obseruat Chrys. dicitur autem impleta Prophetia, quia populus in Ægypto exulans, Christi ibidem exulaturi figura dici potuit: significat verò Matthæus illam Prophetiam proprie ac perfectè in populo, qui proprie filius non erat impleri non potuisse: In Christo autem qui proprie & naturaliter filius erat perfectè impletam esse. *Ex Ægypto vocauit filium meum* τα τὰ ἐκ τῆς αἰγύπτου filios eius vt verterunt Scpruag.

16. *Tunc Herodes videns quoniam illusus esset à Magis.*] *Tunc*, non significat temporis momentum hoc loco, quia inter Magorum discessum & puerorum cædem aliquantum intercessit temporis. Quia 27. die post adorationem Christus est in templo præsentatus Luc. 2. Et quia post aliquandiu mansit in Nazareth. Luc 2. & quia Herodes prius tentauit Christum solum inuenire vt solum occideret, quam omnes infantes trucidaret. Vel quia credidisse videretur Magos fallaci stella deceptos, ideoque ad se non reuersos, ideoque quieuit à pueri inquisitione. Vulgatis verò ijs quæ in templo acta fuerant, sensit se illusum esse à Magis, desinquitque in pueros, vel ideo se continuit

B s tandiu

34 MANVALE IN EVANGELIVM

tandiu ab inquisitione pueri, vt cum deprehenderet, nec elabi posset, hæc Glos.

Et mittens occidit omnes pueros à bimatu & infra.] Mittens, subauditur carnifices, vt c. 14. & 24. & Psal. 56. & 104. & Gen. 31. Sunt qui putant Magos venisse duobus annis à Christi natiuitate: alij vno anno, alij non statim post Magorum discessum sed duobus annis post infantes occidisse: alij dicunt Herodem ad illud tempus quod à Magis exquisierat duos præterea annos adiecisse, ad maiorem cautionem & securitatem sicut non solum eos qui erant in Bethlechem vbi sacerdotes Christum nasciturum dixerant, sed etiam omnes qui in finibus eius nati essent, interemit. Ita Mald. Strab. & Eutym.

17. *Tunc adimpletum est.]* Adimpletum dicitur, quia antequam fieret, legentibus erat semiplenum Lyr.

18. *Vox in Rama audita est.]* Propter vxorem Leuitæ, fornicatione peremptam: secundum numerum tribuum in duodecim partes diuisam: omnis Israël tribum Benjamin præter trecentos viros deleuit; eorum qui superfuere ploratus & vlulatus auditus est vsque Rama qui est locus iuxta Gabaa duodecim milliaribus à Bethlechem. Ex Lyr. cum dicit *Audita*. Exaggerat hyperbolice: Rachael enim iam mortua inducitur dolentis affectu filios iam flere. Sic eleganter Poetæ mortuorum manes & urbium dirutarum umbras lamentantes indicunt. Cur vero per fletum Rachelis Iudaici casus significetur cum Rachel non Iudæ sed Benjamin mater fuerit? Quia regni caput erat Hierusalem, dicta prius Iebus quæ in tribu

bu erat Benjamin. Quod ergo tunc Ieremias c. 31. dixit de captiuitate; Matthæus ad cædem infantium accommodauit; & melius, quia illi viri, hi infantes, illi meriti, hi immerentes & innocentes, illi capti, hi occisi, illi Iudæi, hi propriè Bethlehemitæ erant: vt meritò Rachel id est Bethlehem, quia ibi sepulta & ex Corpusculi Sepulchro matris nomen accepit ex Hier. magis hos quam illos plorare debeat vt notat Mald. & Lyr.

Vox in Rama.] Non loci nomen est quod est iuxta Gabaa, sed Rama excelsum interpretatur vt sit sensus vox in excelsis audita est. Id est longe lateque dispersa. Ita Hier. 31. Alij dicunt nomen esse vrbis sed quia nec est in tribu Iuda, nec iuxta Bethlehem sed in tribu Benjamin non putarunt de ea loqui posse: cum tamen voluerit eam urbem nominare quod non in tribu Iuda sed in tribu esset Benjamin, quia volunt significare luctum vtrique tribui communem futurum fuisse, quia vtraque tribus in captiuitatem ducenda erat; Ideoque vnam urbem Bethlehem ex Iuda, & alteram ex Benjamin Rama nominauit ex Mald. vel quia contiguæ sunt tribus Iuda & Benjamin. In finibus Bethlehem multi quoque de tribu Benjamin occisi sunt ex Lyr.

Et noluit consolari, quia non sunt.] Vel quia eos in æternum mortuos existimaret, siue quod noluit consolari de his quos sciuit esse victuros: vt sit sensus Noluit consolari de hoc quod non essent, hæc Hier. In æternitatis enim profectum per martyrij gloriam efferebantur: consolatio autem rei amissæ erat præstanda, non aucta. Ex Hil. significat ergo Iudæos Ba-

36 MANVALE IN EVANGELIVM

bylonem, infantes in sinum Abrahamæ translatos esse, & suo sanguine baptizatos, & quod in infantum baptismo aliena fides facit, hoc in his peruersa Tyranni voluntas eos pro Christo occidentis effecit. Ita Cyp. Chris. & Aug.

19. *Defuncto autem Herode, ecce apparuit Angelus.*] Vide quoniam & ipse Iesus supercœlestibus potentijs superexistens, ad id quod secundum nos est immutabiliter veniens, non refugit à se ordinatam & assumptam humanā ordinationem, sed obediens subditur Dei Patris per Angelos dispositionibus & per Angelos ipsos annuntiatur Ioseph, à Patre disposita filij ad Ægyptum recessio, & iterum ad Iudæam ex Ægypto transductio, hæc Dion. De cœl. Hier. Amara morte perijt Herodes febri & dissenteria & scabie & podagra & putredine verendorum generatione vermium, & spirandi difficultate & tremore, & contractione membrorum malam absoluit animam. Ex Theoph. Et Euseb. l. 3. Eccl. Hist.

20. *Surge & accipe puerum.*] non filium tuum, Interl.

21. *Defuncti sunt enim.*] Ex hoc loco intelligimus non solum Herodem sed etiam sacerdotes & scribas eo tempore necem Domini fuisse meditados ex Hier. Vel est syllepsis quæ de vno loquens, utitur numero plurali; vnus Herodes mortuus erat, sed multi satellites eius iussu quærebant animam pueri.

22. *Audiens autem quod Archelaus regnaret.*] timuit Ioseph in terram Israël abire, hoc est in terram Iuda eo quod Archelaus similis patri suo Herodi erat, tãquam autem nouum putat. quod

SECUNDVM MATTH. CAP. II. 37

quod regnaret, quia existimabat aut neminem
successurum cum regnum occupasset Herodes;
aut Antipam successurum : quem priore testa-
mento Herodes designauerat, & hæc potest
esse causa cur in Galilæam, vbi ille dominaba-
tur ab Angelo iuberetur diuertere, ex Mald. &
Theoph

23. *Vt adimpleretur.*] Si fixum de scripturis
posuisset exemplum, diceret quod dictum est
per Prophetas, sed simpliciter quod dictum
est per Prophetam : Nunc autem pluraliter
Prophetas vocans ostendit se non verba de
scripturis sumpsisse sed sensum. Ita Hier. Aut
forte legit aliquos Prophetas qui non sunt
nobis canonizati, sicut Nathan & Esdra ex
Chrys. Alij dicunt citari Prophetas 1. Prophe-
tarum interpretes, qui hunc sensum elicerent
fore vt Christus Nazarius vocaretur, Alij li-
brum Iudicum citari c. 13. Alij Isaiam c. 11.
alij nullum ex vno sed vnum ex omnibus Pro-
phetis testimonium; afferri: nam omnes Chri-
stum, sanctum vocant quod Nazareus idest
separatus & Deo cōsecratus significat ex Hier.
vel voluit Matthæus, docere ex eo quod in
odium & contemptum Nazareus vocaretur.
Et post Christum omnes Christiani id nō esse
impedimento quo minus Messias crederetur.
Nam etsi scriptura non ex Nazareth Galilææ
sed ex Bethlehem Iudæ venturum Christum
dicat; tamen non vocari Nazareum quod in
Nazareth natus esset, sed quod in ea habita-
uerit, natum eum fuisse, vt prius dixerit in
Bethlehem Iudæ, vel est syllepsis.] Vt Vers. 21.
Ec. 26. & Ioan. 6. & Act. 13. & 15.

CAP.

CAPVT III.

Prædicat & baptizat Ioannes.

I. *IN diebus autem illis venit Ioannes Baptista.]*
 Id est aliquanto post tempore, post aliquot annos nempe viginti tres & amplius quibus Christus in Nazareth habitauit quos Matthæus Marcus & Ioannes prætermittunt, quia totum illud spatium silentio ferè transegit expectans dum triginta annorum quæ doctoris ætas erat, acciderit; quibus si addantur septem anni quos in Ægypto vixit, reperiēs triginta annorum tēpus significari. Ex Luc. 3. & Chryf. & Aug. vel aliud tempus significatur, quam in quo hæc scribebat: Vel designatur tempus quo adhuc ex Glos. in Nazareth habitabat; ante quam ætatem nemo poterat Sacerdotis, Doctoris, aut Prophetæ officio fungi. 1. Par. 23. Nec significat Matthæus Ioannem tunc primum in desertum venisse, sed tunc primum prædicasse. Et cognomentum Baptistæ illi datum, nō quod Baptismum instituerit, sed quod primus baptizare cœperit, vel quod Christum baptizauerit: In quo Euangelista tempus, locum, personam & officium demonstrat. Ex Remig.

Prædicans in deserto Iudæe.] Vt ab aliis desertis discernat vt 1. Reg. 23. & 24. & 25. c. erat autem hoc inter Oriētem & Septentrionem circa Iordanem iuxta fluuium, quod deserto de quo Isaias loquitur cap. 44. respondet, non deserto quod fingunt hæretici qui desertum aiunt fuisse paternam domum quæ in Montana

SECUNDVM MATTH. CAP. III. 39

tana erat ciuitate, sed epitheta vestis & cibi nempe camelorum & mellis syluestris satis locum habitationis & statum vitæ solitariæ indicant.

1. *Pœnitentiam agite.*] hoc est parate vias Domini *Isa. 44.* notans desertum pœnitentibus conuenire. Interf.

Appropinquauit enim regnum cœlorum.] Est gratia, fides, renouatio Spiritus, quod intra nos est *Luc 17.* Vel cœlum ipsum q. d. parate vos per pœnitentiam id est nolite libertati seruitutem & regno captiuitatem anteponere vt olim Iudæi 1. *Esd. 1.* *Appropinquauit enim tempus quo in cœlum qui vult ingrediaur.* *Appropinquate*, dicitur quia cum ante clausum fuisset paulo post mortem Christi erat aperiendum ad *Heb. 19. & 11. & Matth. 26. & Luc. 22. & 23.* alludens ad expectationem Iudæorum qui terrenum regnum expectant, nos cœlestē. Vel est Christus per quem sancti regnāt in cœlestibus: Vel Euangelium quod inuitat ad regnum Lyr.

3. *Hic est enim de quo dictum est*] hæc verba sunt Euangelistæ accomodantis Prophetiam ad Ioannem, vel sunt Ioannis ex Eutym. & Mar. 1.

Vox clamantis.] hominis, vel vox clamans Christus Verbum quod clamat in Ioanne, nulum verbum sine voce auditur, nec vox sine verbi intelligentia valet. Vox viam Verbo præparat vt recipiatur. *Pl. 131. Parauit lucernam Christo meo.* Lyr.

4. *Ipse autem Ioannes habebat vestimentum de pilis camelorum.*] Non de lana, aliud austeræ vestis indicium est, aliud luxuriæ mollioris ex.
Har.

40 MANVALE IN EVANGELIUM

Har. habebat vestem non mollem neque delicatam sed cilicinam, grauem, & asperam & conterentem corpus potius quam fouentem, vt de virtute animæ eius ipse habitus corporis loqueretur. Ex Chrys.

Et Zona pellicea circa lumbos.] Consuetudo erat apud Iudæos, vt Zonis lanceis vterentur: Ideo iste quasi durius aliquid facere volēs zona pellicea cingebatur. Ex Chrys. Contra Hæretici solitudinem in vrbes, pilos camelorum in pretiosam vestem, locustas in marinos can-
cros conuertunt: Non sic Patres qui tanquam arma pœnitentiæ vsurpant. Nam habitatori solitudinis, non deliciæ quærendæ sed necessitas ait Hier.

Esca autem eius locusta.] Animalia insecta sunt quibus vesci licitum *Leuit. 11.* Dicuntur quidem Ægyptij iis vesci. Ex *Plin. lib. c. 30.* Et *Hier. Ioan. 4. c.* quidam herbas nescio quas interpretantur vt Theoph. alij pyra syluestria: alij arborum & frondium summitates, vt *Niceph. lib. 1. c. 14.*

Mel sylvestre] Quidam putant rorem cœlestem ex arboribus collectum, alij folia quædã agrestium arborum melliti saporis. Vt Raban. probabilius esse mel apium agrestium, quarũ, tanta copia est in calidis regionibus vt cum alucaribus capi non possint, in syluas auolent, & in arborum truncis aut in rupium fissuris mellificent: Ex Lyrano.

6. *Tunc exhibat Hierosolyma, & baptizabantur, ab eo in Iordane.*] Baptismus Ioannis figuram gerebat Cathechumenorum: nam sicut modo catechisantur pueri vt digni fiant Sacramento baptismatis, ita Ioannes baptizabat vt bapti-
zati

SECUNDVM MATTH CAP. III. 41
zati ab eo postea deuote viuendo digni fierent
accedere ad Christi baptismum. Remig.

Confitentes peccata sua.] Non generaliter so-
lum sed in specie etiam sua, nos tamen ex hoc
loco Confessionis Sacramentum non proba-
mus vt nobis obiiciunt Hæretici : Nam hoc
facere, non poterat Ioannes, sed denunciabat
per Christum faciendum ait Lyr.

7. *Videns autem multos Phariseorum & Saddu-
caorum.*] Hi sunt ex Hæreticis Iudæorum, ne-
gant enim resurrectionem, & Prophetas,
respuunt Glos. & Ioseph. l. 13. Pharisei dicti
quasi expositi oculis hominum conspici &
illustres, quia philacteria sua dilatabant &
amabant salutationes in foro : Vel quasi sepa-
rati à cæteris hominibus ob insignem erudi-
tionem & sanctitatem : Saducæi vero quasi ho-
mines iusti ex Epiph. & Hier.

*Progenies viperarum quis demonstrauit vos fu-
gere à ventura ira.*] Vocat progeniem ex Glos.
quia venenati & venenatorum filij : quia bonis
inuident & eos persequuntur : Vt populus qui
hæc audiebat Christum potius quam illos se-
queretur : vel quia cognouit Ioannes eos ficto
& simulato animo venisse. Ex Chry. & Theoph.
fictæ autem accedebant ne impij & hæretici
haberentur à populo. Ex Orig. tom. 6. & 8. in
Ioan. Ambrosius l. 2. in Luc. cap. 3. laudem esse
putat quod cum viperarum sint filij parentes
non imitentur, sed ad pœnitentiam redeant.
At summa malitia in calumniandis & morden-
dis sanctis viris, quæ illis tam propria quam vi-
peræ venenum, videtur argui. Ex Hier. in 30.
cap. Isa. & Greg. Hom. 20. Quis docuit vos huc
venire nisi conscientia vestra, quæ vos intus
arguit

42 MANUALE IN EVANGELIUM

arguit & cogit remedium quærere, quasi dicat militibus & publicanis & turbis salutis à me remedium petentibus ostendi, vobis autem hypocritis qui fictè acceditis quis demonstrabit? Vt quidam codices Latini legunt: quasi dicat nemo per iram pœnitentiam intelligit Bern. q. d. quis docuit vos pœnitentiam fugere; alij excidium Hierosolymitanum: alij æternam damnationem. Ex Remig.

8. *Facite ergo fructum dignum pœnitentia.*] Id est ostendite vos non fictè accessisse, fructus pœnitentiæ vocat externa signa vt sunt lacrymæ, tunsisio pectoris, detestatio peccatorum.

9. *Et ne velitis dicere intra vos,*] Id est nolite cōtenti esse quod filij sitis Abraham; opera facite Abraham. Quid enim prodest ei quem sordidat mores generatio clara? aut quid nocet illi generatio vilis quem mores adornant. Chryf.

Potens est Deus de lapidibus istis.] Demonstravit veros lapides quos filij Israel de fundo Iordanis abstulerant Iosue 4. cap. Ex Iyr. In quo indicat Dei potentiam quod qui de nihilo cuncta fecerat, posset & de lapidibus durissimis populum procreare. Ex Hier.

10. *Iam enim securis ad radicem arboris posita est.*] Arbor hominem significat vt infra c. 11. Securis verbum dei & virtus iuxta Hieremiam qui verbum Domini comparat securi cædenti petram. Ex Hier. Radix fides; vel securis Christus qui ex manubrio constat & ferro; id est humanitate qua tenetur & diuinitate qua incidit. Ex Gregor. Hom. 10. In Euangel. Vel securis mors, radix vita. Ex Athanas. quæst. 43. vel securis est acutissima ira consummationis quæ totum præcisura est

SECUNDVM MATTH. CAP. III. 43
est mundum. Ex Chrys. Arbor Iudæus. Ra-
dix Abraham, ex qua omnes Iudæi. Probat
enim Ioannes non debere eos contentos
esse quod filij essent Abraham, neque in
radice sua confidere quæ paulo post sit ex-
scindenda. Confidant in Christo & bonis ope-
ribus quæ excindi non possunt. Ex Hil. &
Mald. Chrys. & Theoph. dicuntur autem Iudæi
præscindi quando diuina sententia declaran-
tur non esse verè filij Abraham, quod non eius
fidem & opera sunt imitati. Rom. 7. dicuntur
autem, nunc excipiendi non ante, quia antea
iuuabat Iudæos, filios esse Abraham secundum
carnem, quia propterea lex illis data est quæ
alijs gentibus non est data, & poterant faci-
lius per legem quam sine lege salui esse ad
Rom. 3. Post Christum autem nihil iuuat, quia
Euangelium non magis illis quam cæteris
Gentibus prædicatur. Itaque si Abrahamum
non imitentur, excidentur à radice, & in
ignem mittentur; idest non magis filij Abra-
hæ quam Gentes iudicantur. Ex Mald. &
Chrys.

11. *Ego quidem baptizo vos in aqua.*] Non
in spiritu sed in aqua baptizat quia peccata
soluere non valebat. corpora non animas la-
uat ait Greg. Ho. 7. in Euang.

In pœnitentiam.] Docendo pœnitere. Interl.
vt corpus lauo, ita vos animas curetis per
Christum abluere.

Qui autem post me venturus est, fortior me est.] Idest Christus potentior est, quia habet virtu-
tem diuinitatis vt dignus non sim eius calcea-
menta portare: seu minimum obsequium illi
præstare. corrigia hæc, est coniunctio humanæ
&

44 MANVALE IN EVANGELIUM

& diuinæ naturæ in Christo, quam nemo soluere & explicare potest. *Ille baptizabit vos Spiritu Sancto & igne*: idest non solum corpora vt ego aqua, sed etiam animas effuso Spiritu Sancto purgabit & diuino igne inflammabit. Ex quo satis liquet non eundem esse Christi & Ioannis Baptismum, vt contendunt Hæretici, & quia baptismus Ioannis nō iam acta, sed vt ageretur, baptismus Christi non vt ageretur sed iam acta pœnitentia conferebatur. *Act. 2.* & quia ij qui baptismum Ioannis acceperant iubentur iterum à Paulo baptizari, *Act. 19. ex Iustin q. ad Orthod. 17. Tertul. l. de bapt. Chrys. Ho. 10. Theoph.*

In Spiritu Sancto & igni.] Vel spiritu sanctificationis, & igne i. probatione tribulationis: Vel spiritu in præsenti abluit, post si quæ macula subrepat: igne purgatorio ad purum exuret. Lyr. Orig. Hil. & Hier. Sed alij probabilius putant per ignem Spiritum Sanctum significari, coniunctionemque, & non esse coniunctiuam sed explicatiuam, vt non qualiscumque communicatio Spiritus Sancti sed illa illustrissima quæ die Pentecostes specie ignis facta est.

12. *Cuius ventilabrum in manu sua.*] Est iudicii examen, quo discernuntur leues & vacui à fructu boni operis Lyr.

12. *Tunc venit Iesus à Galilea in Iordanem.*] Christus à Ioanne baptizari voluit vt omnem impleret iustitiam, & quia voluit facere quod omnibus faciendum imperabat ex Aug. ser. de Epiph & qui humanam suscepit naturam totum naturæ impleret mysterium: nam quamuis ipse non erat peccator, tamen naturā suscepit

SECUNDVM MATTH. CAP. III. 45

suscepit peccatricem, ideo etsi pro se non egebat, tamen in alijs carnalis natura opus habebat ex Chrys. vt suo baptismo Ioannis baptisma comprobaret ex Hier. vt ad suum baptismum alliceret seruos, quando ipse non dedignatus est accipere baptismum serui ex Aug. in Ioan. & vt aquas sanctificaret ex Epiph. in Auch.

14. *Ioannes autem prohibebat eum.*] Ex reuerentia cum sciret eum esse Deum verum & hominem lauacro non indigentem. Lyr. cum autem dicit *ego nesciebam eum*, intelligit de facie non cognouisse antequam ad baptismum veniret, cum Christus in Nazareth & in Aegypto, ipse in solitudine mansisset. Ex Chrys. & Theophyl. Quid ergo ex descensu Spiritus sancti, & ex voce cœlitus audita cognouit? nihil noui, sed ea cognitio quam ante habebat, & perfecta & confirmata est ex Mald. Beda & Rupert.

Ego à te debeo baptizari.] quia sanctificati in vtero indigent baptismo Christi ad hoc vt sint Christo incorporati, quia in baptismo Christi character imprimitur per quem Christo configurantur, ideo Ioannem à Christo baptizatum fuisse aiunt Chrys. Hier. & Theoph.

15. *Sine modo.*] Me à te baptizari: dixit *modo* vt ostenderet Christum in aqua à Ioanne, Ioannem à Christo in spiritu baptizandum, vel *sine modo* vt qui formam serui assumpsit, expleam & humilitatem eius. Vel *sine modo*, vt dicit Dominus habeo & aliud baptismum quo & baptizandus sum. Hæc Hier. vel *sine modo*, vt iustitiam baptismatis non verbis sed factis adimpleam, prius suscipiam, postea prædicabo
ex

46 MANVALE IN EVANGELIVM
ex Chrysoftom.

Sic enim decet nos implere omnem iustitiam.] Idest quamvis non sit necessarium, tamen expedit nos, se & Ioannem complectens: vel nos, idest me adimplere omnem humilitatem, ex Lyr. vel legis iustitiam quæ in varijs baptismatibus & cæremonijs consistebat Hebr. 9. & Matth. 5. ex Hier. vel non solum quæ præcepta sed etiam quæ honesta & sanctitati consentanea sunt implere ex Mald. & Lyr.

16. *Et baptizatus Iesus confestim ascendit de aqua.]* Etsi illud *confestim* positum sit ad verbum *ascendit*, tamen videtur ad literam referendum magis ad subsequutam mox à baptismo cælorum apertionem, videtur enim hoc voluisse significare quod Iesv baptizato, mox factum sit, vt ascenderet & aperirentur ei cæli vt not. Ians. ex Mar. vel significat solitum fuisse Ioannem cæteros in Iordane collo tenus immersos manu capiti imposita detinere, donec peccata sua cõfiterentur: Christum vero quia peccatum quod confiteretur non habebat, statim ascendisse ex Eutym. vel vt significaret eos qui baptizantur in Christo, confestim de aqua ascendere: idest proficere ad virtutes & ad dignitatem subleuari cœlestem ex Chrys.

Et ecce aperti sunt ei cæli.] Idest statim vt ascendit vidit cœlos apertos ex Marco. Et ex Luca c. 4. Iesu baptizato & orante cæli aperti sunt. vnde credendum est simul atque in terram euasit sese in genua prouoluisse vt Patris testimonium reuerenter exciperet. Chrysoft. re ipsa cœlos apertos fuisse refert. Hiero. vero

SECUNDVM MATTH. CAP. III. 47
vero non reuera sed visu & specie solum. Vt
Act. 7.

Et vidit Spiritum Dei descendentem sicut columbam & venientem super se.] Sunt qui hoc de Ioanne dictum putant & de omnibus qui aderant, vt Ioanni crederent : Alij de Christo vt præcedentia. Spiritus in columba, filius in homine, pater in voce, ita Trinitatis præsentia baptismum consecrauit. Glos. Columbam veram fuisse putant Tert. lib. de carne Christi & Aug. l. de Agone. Alij columbæ speciem l. 3 de Spiritu sancto. Verum tamen fuisse corpus, columbæ speciem præ se ferens. Non tamen sic spiritus erat cum corpore columbæ, sicut Filius Dei cum natura humana hypostaticè vnitus : sed sicut Angeli vt ab hominibus viderentur humana corpora sumebant. Ex Aug. In columba super Dominum spiritus apparuit, quia simplex, & per mansuetudinem venit nos colligere super discipulos; in igne, quia indigebat vt eos charitate inflammaret & variis linguis loqui doceret Lyr. Super Christum recens baptizatum apparet; vt prophetiæ impleantur Isa. cap. 11. 41. 62. & vt omnes eum esse Christum intelligerent. Et nobis Spiritum sanctum etsi non videatur baptizatis dari ex Hier. Chrys. & Eutym.

17. Hic est filius meus dilectus.] Demonstratiuè ad homines. Ex Glos. Marcus vero & Lucas dicunt. Tu es filius meus, sed vnus sensum, alius verba refert: Vt in trāsfiguratione Luc. 9. In quo vocem dirigens ad filium ostendit de vnico, naturali & sibi æquali filio loqui: Nam cæteri adoptione tantum filij sunt, ἀγαπῶντες. Charissimus vt legit Athan. orat. cont. Arian.

48 MANVALE IN EVANGELIVM

In quo mihi bene complacui.] Beneplacitum meum constitui Lyr. vel bonam voluntatem: Non quem vnice amavi, sed in quo, idest per quem placatus ac reconciliatus sum mundo, hoc est placari ac reconciliari decreui. In quem cum intueor, omnem iram depono declarās non tantum filium suum esse, sed quorsum etiā mitteret, vt libentius ab hominibus recipere-
tur. Alludens ad *Isa. 42.* Ecce seruus meus suscipiam eum, electus meus, complacuit sibi anima mea, vt ex Hebræo colligit Mald.

C A P V T I V.

Ieiunat & tentatur in deserto.

1. **T** *Vnc Iesus ductus est in desertum.*] Post baptismum, statim postquam vox de cœlo audita est: Iesus subductus aut abreptus: expulsus à Spiritu sancto non per aëra raptus vt Habacuc Dan. 14. Et Philippus Act. 8. sed pedibus ductus, non coactus, sed lubens. Marcus tamen expulsum ait vt efficientiam, & impulsam Spiritus sancti significaret. ex Hyl. & Hier. vt ad *Rom. 8.* In desertum locum, & tentationi, & certamini singulari cum spiritu maligno aptum. Ex hoc vitam solitariam laudant. Chrys. Basil. Greg. Naz. Hier. In hoc deserto Iudææ vitam agebat cum bestiis ex Marco.

Vt tentaretur à diabolo.] Tentare est ad peccatum inducere, sic tentat Satanas, & homines ministri satanæ alij alios. Numquam sic Deus, intentator enim malorum est contra Caluinistas. Aliquando tentare est ad cognoscendum
inqui

SECUNDVM MATH. CAP. IV. 49

inquirere, & sic diabolus etiā homines & Deus tentat. hi vt cognoscant quod ignorant, ille vt quod scit, etiam scire videatur, aut non vt ipse, sed vt ij quos tentat se se cognoscant. Ex Aug. Aliquando est ad iram incitare, sic dicimur tentare Deum. Christus se omnibus modis tentandum vt etiam ad peccandum sollicitaretur à diabolo præbuit. Ex Mald. vt patet *Ioan.* 14. & incitauit vt se præcipitaret, & se adoraret. Et hæc vna causa cur Christus in desertum abiit, quia diabolus aggredi non audebat, obuiam illi procedit, & irritat quem scit non pugnaturū nisi lacesitum. Ex Hil. & Amb. voluit vt Moses legem, sic ex solitudine Euangelium afferre, & vt Ioannem præcursores per solitudinem sequeretur. Et nos docere exemplo, vt nos in solitudinem recipiamus cum de vitæ rationibus, aut de re graui deliberamus, nostra cōsilia cum Deo communicaturi. Tentari autem voluit 1. vt suam fortitudinem ostenderet in ipso tyrocinio. 2. vt tentatis nobis maiorem opem ferret ad *Heb.* 2. 3. vt doceret nos cum accedimus ad seruitutem Dei, præparare animas nostras ad tentationem. *Eccl.* 2. 4. vt deuictio statim hoste securiores nos redderet. *Ioan.* 12. 5. vt nos quoque illo vincente vinceremus. ex Aug. in *Ps.* 60.

1. Et cum ieiunasset quadraginta diebus, & 40. noctibus.] Id est quadraginta integros dies sic vt nihil cibi potusve sumeret. Non autem ultra processit ieiunando quam Moyse & Helias, ne incredibilis videretur carnis assumptio. Ex Chrys. Hom. 13.

Et vt quadragesimi nostri ieiunij poneret mensuram. Ex eodem Chrys. Et quadragesimæ
C nobis

50 MANVALE IN EVANGELIUM
nobis ieiunium consecraret, ex Hier. Quod
non Christus sed Apostoli Spiritu sancto sug-
gerente ediderunt. Ex Hier. ad Marcel. De
Mose, & Elia vtrum vel ante vel post, vel nun-
quam esurierint, non dicitur, ideoque cre-
dendum est non esuriisse, cum hoc de Christo
tanquam singulare dicatur. Eadem enim vir-
tus quæ conseruabat satiabat. Ex Mald Esu-
riit autem vt timido hosti & quasi Deum ag-
gredi non audenti ostendens se hominem esse
ad aggrediendum animum addat: & infirmi-
tatis ostentatione prouocat. Ex Chrys. Ho. 13.
& Hier. Non enim erat à Deo diabolus sed à
carne vincendus ait Iren. l. 3. cap. 32.

3. *Et accedens tentator dixit ei: si filius Dei es.]*
Accessit autem vel inuisibiliter vt nos quoti-
die tentat, vel potius in forma humana, vt pa-
ret ex colloquio, & quia se adorari voluit. Ille
tentator quo nomine officij princeps dæmo-
niorum diabolus vocatur Satan ex Hebræo &
satanas ex Græco. Rupertus, lib. 12. de victoria
Verbi Dei cap. 3. & 4. docet Christum à diabo-
lo esse cognitum ab incunabulis, tentatum ta-
men non vt cognosceretur sed vt corrumpete-
tur, tanta enim est diaboli præsumptio, teme-
ritas & audacia, vt non solum se extollat supra
omne quod dicitur Deus & colitur 1. Thes. 2,
sed conatus sit Deum tentando corrumpere
& sibi similem facere. Nouerat filium Dei ve-
nisse seu per Prophetas seu per nuntiantes An-
gelos; seu per Ioannem demonstrantem Glor.
audierat forte vocem Patris: *Hic est filius meus*
dilectus cap. 3. Aut ex fama cognouerat: & cre-
dibile est non per modum dubitantis, aut ne-
gantis, vel iridentis, hoc dixisse vt illius mi-
nistri.

SECUNDVM MATTH. CAP. IV. SI
nistri. *Mat. 27.* sed potius per modum creden-
tis & affirmantis & bene Christo consulere
volentis. *si, pro quia filius Dei es.* Ex Mald.

Dic ut lapides isti panes fiant.] Eodem verbo
quo cœlum & terram fecisti potes ne famem
patiaris & aliunde non suppeditat cibus ex la-
pidibus istis panes facere: lapides autem quia
res erat ante pedes posita, potius quam terram
aut arbores ostendit. Lucas ait *dic lapidi huic,*
sed est singularis pro plurali, vt *Exod. 8.* Venit
musca grauissima in domos Pharaonis. Ex
Lyr.

4. *Non in solo pane uiuit homo.]* Cæteris se-
connumerans hominibus: per quod etiam ab-
surdiorē indicat esse dæmonis suggestionem:
Si enim quiuis homo non in solo pane victu-
rus est, sed in omni verbo Dei: multo magis
necesse non est filio Dei, vt pro fame pellen-
da lapides in panem conuertat. Ex Iansen.

Sed in omni verbo quod procedit de ore Dei.]
Deut. 8. Sensus est Deum non indigere vſitato
cibo vt seruos suos alar, posse enim vno verbo
nouum cibum formare, vt de Manna dictum
est, vel sine cibo sustentare, vt Moysen. &
Heliam.

5. *Tunc assumpsit eū diabolus in sanctam ci-
uitatem.]* Id est secundo, non enim significat
id statim post primam tentationem accidisse:
forasse enim aliquanto tempore quieuit. Ex
Mald. Lucas hanc tentationem non secundo
sed vltimo loco ponit, ordinem historie se-
cutus quo tentationes occurrerunt, Matthæus
vero quo acciderunt: Prima & vltima tentatio
in deserto; media quoque vt res gesta est; vl-
tima fuit postquam regressus est Hierusalem.

52 MANVALE IN EVANGELIUM

Ex Lyr. qui putat omnia corporeis sensibus esse completa. Cyprianus vero *serm. de ieiunio*. innisibiliter, ut Ezechielis raptus ex Chaldæa in Hierusalem. c. 40. Alij volantem per aëra raptum putat, ut Hier. Alij ductum pedibus in Hierusalem quæ dicitur ciuitas sancta, quia diuino cultui deputata, & Deus in ea habitaret propter arcam & templum. Ex Eutym. & Lyr.

Super pinnaculum templi.] Id est supra supremam templi extremitatem: nam pinnaculum dicitur fastigium ædificij in acumen tendētis, quia pinna dicitur quod acutum est, aut quia pinnaculis addi solet pinna, quæ facili motu ventorum indicet flatum: cum autem verisimile sit templum non habuisse fastigium acuminatum ut in Gallia, eo quod in Palæstina domus tectum habeant planum ad cœnandam, aptricandum & confabulandum; debet hic *pinna* accipi pro superiori parietis & tecti parte, seu pro peribolo qui circum summum tectum erat ne quis ibi ambulans caderet. Ex Iansen. Doctorum sedem fuisse ait Remig.

6. *Si filius Dei es, mitte te deorsum.*] Q. d. virtute propria potes sine periculo, & etiam propter ministerium Angelorum tibi seruientium. Ex Lyr.

Scriptum est enim; quia Angelis suis mandauit de te, & in manibus tollent te.] Ps. 90. Non de Christo sed de viro sancto prophetia est: male ergo diabolus interpretatur scripturas, infert Hier. Vere enim filius Dei Angelorum manibus nō portatur, sed ipse magis Angelos portat, & si portatur manibus Angelorum non ut offendat ad lapidem pedem suum quasi
infr

SECUNDVM MATTH. CAP. IV. 53

infirmus, sed propter honorem quasi Dominus. O diabole, quoniam filius Dei manibus portatur legisti, & quia super aspidem & basiliscum calcas, non legisti, sed illud profert quasi superbus, hoc autem tacet quasi astutus. Aut. imperf. Hom 5. Sic pratermisit, ut *custodiant te in omnibus viis tuis*, per quas scilicet homo prudenti consilio ire debet, nō per quas se præcipitet.

7. *Ait illi Iesus rursum: scriptum est, non tentabis Dominum Deum tuum.*] Tentare Deū, est experimentum quætere de Dei virtute sine necessitate, & potissimum de omnipotentia, bonitate & fidelitate, ex Lyr. Et hoc dupliciter contigit, 1. ex præsumptuosa quadam de Dei confidentia, ut cum quis se citra ullam necessitatem iniicit in aliquod manifestum periculum, præsumens sibi adfuturum Dominum. 2. Ex diffidentia de Deo, ut cum quis in necessitate aliqua constitutus non secure confidit de Dei potentia, & bonitate, sed animo murmurante cum diffidentia quadam optat Deum declarare suam potentiam & auxilium. sic murmurauerunt Israelitæ dicentes: *Est ne Deus in nobis an non. Et nunquid poterit Deus parare mensam in deserto.* Ex Ianc.

8. *Iterum assumpsit eum diabolus in montem excelsum.*] Propinquum Hierosolymæ: Nam montes in circuitu eius. Ps. 124. Mons ille superbiam significat per quam cecidit & alios cadere facit. Ex Amb. Hier. & Theoph.

Et ostendit illi omnia regna mundi.] Vel sola animi visione, vel re ipsa ostendit, non ut ipsa regna vel ciuitates, vel populos, vel aurum, vel argentum videret, sed partes terræ in quibus

54 MANVALE IN EVANGELIVM

unumquodque regnum vel ciuitas posita erat. ut notat Aut. Imp. Hom. 5. Vel ostendit ei regnum suum, quomodo regnaret in mundo; id est quomodo alij regnantur à fornicatione, alij ab auaritia. Ita Orig. Hom. 30. in Luc.

Et gloriam eorum.] Scilicet aurum, argentum & bona temporalia; & id omne quodque eminebat, nō manu sed verbo ostendit. Ex Remig.

Hac omnia tibi dabo si cadens adoraueris me.] Fingit se filium esse Dei, quia à Christo extorquere non potuit an esset filius Dei, ut colligitur ex Luca cap. 4. cum nec regna dare nec auferre possit, nisi permissu Dei. Iob. 1.

10. *Tunc dicit ei Iesus: Vade retro me satana.*] Vocat suo nomine. ut ostendat se scire illum non esse filium Dei quem se esse simulabat, sed diabolum quem dissimulabat. Et hac voce illi imperat, & increpat: ostenditque quod proprias iniurias non Dei debemus tolerare. Ex opere Imp. Hom. 5.

Dominum Deum tuum adorabis & illi soli seruias] Deut. 6. & 10. c. Christus non verba sed sensum refert. In Hebræo enim est, timebis, sed timor Domini significat omnem cultum diuinum: Nec habetur *soli*, sed includitur in articulo *illi*, qui cum debeat intelligi cum emphasi, significat soli Deo seruiendum. Ex Iansf. Nam seruitus quæ debetur hominibus, non latria sed dulia Græce nuncupatur ut notat Aug. 10. de ciuit. Dei.

11. *Tunc reliquit eum diabolus: Et ecce Angeli accesserunt, & ministrabant ei.*] Non dixit descendentes Angeli, ut ostendat quia semper ad ministerium eius erant in terris: sed tunc præci-

SECUNDVM MATTH. CAP. IV. 55

præcipiente Domino recesserunt ab eo, ut locus diabolo aduersus Christum daretur, ne forte videns Angelos circa eum, non appropinquaret ad eum. In quibus autem rebus illi ministrabant, scire non possumus, utrum ad sanationes infirmitatum, an ad correctiones animarum, an ad effugationem dæmonum, quæ omnia per Angelos facit: Vnde eis facientibus, ipsa facere videtur: tamen manifestum est, quod non propter necessitatem impotentiae eius ei ministrabant, sed propter honorem potestatis ipsius: Non enim dicitur quod adiuuent eum, sed quod ministrent, hæc Autor Imp. Hom. 5.

12. & 13. *Cum autem audiuisset Iesus quod Ioannes traditus esset; secessit in Galilæam.*] Ne scilicet ait Chrys. Hom. 14. & ipse traderetur. Secessit autem ex Galilæa Iudæorum; cuius Tetrarcha Herodes, quæ inferior dicebatur, in superiorem Galilæam quæ extra Herodis potestatem erat, & Galilæa Gentium dicebatur, quia magna ex parte à Gentibus habitaretur. Hinc constat aliam esse historiam ab ea quam Lucas refert cap. 4. Nam Lucas agit de reditu Christi statim post ieiunium & tentationes in Galilæam Herodis; Matthæus vero hîc de eius secessu ex Galilæa Herodis in Galilæam Gentium, qui non statim post Christi tentationes accidit: nam aliquanto tempore antequam in vincula coniceretur, Christus baptizauit & prædicauit Ioanne etiam baptizante, ut constat Ioan. 3. cap. Ex Lyr.

14. *Vt adimpleretur, quod dictum est per Isaiam.*] cap. 9. de liberatione trium tribuum Zabulon, Nephthalim, & Aser, quæ eā partem

56 MANVALE IN EVANGELIUM
incolebant, accommodat ad Christum. Vbi
enim prima captiuitas Hebræorum ab Assy-
rijs & prima legis obliuio, ibi prima Euangelij
prædicatio. Glos.

15. & 16. *Terra Zabulon, & terra Nephtalim
via maris.*] Tres enim illæ tribus vicinæ mari
Phœnicio, vbi Tyrus dominabatur. Via maris,
idest versus mare, seu lacum Genezareth qui
Iordane influente efficitur: in cuius littore
Capharnaum, Tiberias, Bethsaida & Coro-
zaim sitæ, vbi Christus maxime prædicauit ex
Hier. Lux autem magna Euangelium, lex enim
lux erat sed parua. vmbra autem mortis pecca-
tum. Similitudo enim & figura mortis est. Nam
sicut mors corpus, sic peccatum animam deti-
net. Orta autem est lux nobis, non enim quæ-
siuimus illam nos, sed illa missa est nobis qua-
si sequens nos. ex Theoph.

17. *Exinde coepit Iesus predicare & dicere, ap-
propinquauit enim regnum cœlorum.*] Eadem
quæ Ioannes prædicare inchoat, vt ostendatur
non alius quam qui in voce clamauerat. Inter.
Quid autem sit regnum cœlorum, vide supra
c. 3. Exinde, i. post baptismum, vel tradito
Ioanne, quia lege desinente sequitur Euan-
gelium ait Lyr.

18. *Ambulans Iesus iuxta mare.*] Lacum seu
stagnum Genezareth, nam Hebræi congre-
gationem aquarum mare appellant. ex Hier.

Vidit Petrum & Andream.] Marcus & Lucas
videntur significare omnes Apostolos simul
vocatos fuisse, at non agunt de vocatione vt
Christum sequerentur sed vt Apostoli fierent:
prius enim discipuli, deinde Apostoli electi
sunt ex numero discipulorum, sicut nunc
Episcopi

Episcopi eliguntur ex numero presbyterorum. Ex Mald. Ioannes verò Andream prius, deinde Petrum vocatū ait. Qui semel tantum vocatos aiunt, vix satisfacere possunt obijcientibus quod ad piscationis officium redierunt : Melius satisfaciunt qui duas fuisse vocationes asserunt ; alteram qua non vt discipuli sed vt familiares auditores admissi sunt, de qua Ioannes agit c. 1. alteram qua vocati sunt ita vt relictis omnibus Christum semper sequerentur ex *Aug. tract. 7. in Ioan. Chrys. Hom. 14. & Theoph.* Optime vero quī tres, primam quam Ioannes, secundam quam Lucas, tertiam quam Matthæus refert, sed duæ priores non ad discipulorum officium sed ad familiaritatem, tertiam ad discipulorum & Apostolorum officium factam esse ex *Lyr.*

19. *Venite post me, & faciam vos fieri piscores hominum.*] i. Sequimini me non tam pedibus quam imitatione & affectu. Interl. In quo Apostolorum officium describit, nempe homines piscari & ad se adducere.

20. *At illi continuo relictis retibus secuti sunt eum.*] Vide perfectam obedientiam, etsi postea resumunt, sed non cupiditate. *Glos.*

21. & 22. *Et procedens inde vidit alios duos fratres, &c. Et vocavit eos : Illi autem statim relictis retibus & patre, secuti sunt eum.*] Apparet Zebedæum non credidisse, & propterea reliquerunt eum. Vides quando oportet relinquere patrem, nempe quando obstat virtuti & pietati, vt notat *Theoph.*

23. *Et circuibat Iesus totam Galilaam docens in synagogis eorum.*] Vt monstret quod non contrarius sit legi, ingreditur in synagogas

C 5 Iudæorum

58 MANVALE IN EVANGELIUM
Iudæorum. erat autem sicut apud nos Ecclesia,
locus ad docendum deputatus.

24. *Et abiit opinio eius in totam Syriam, & ob-
tulerunt ei omnes male habentes.*] Fama propter
eos qui foris sunt quærenda est, non tamen
amanda ait Glos.

25. *Et secuta sunt eum turba multa: & de Iudæa
& de trans Iordanem.*] Idest, citra Iordanē sitis.

C A P V T V.

Differit in quibus sita sit beatitudo.

1. **V** *Idens autem Iesus turbas, ascendit in mon-
tem.*] Sunt qui existimant non eandem
esse concionem quæ hic à Matthæo, & à Luca
c. 6. refertur, ut Aug. l. 2. de consen. Euang. c. 19.
& Auct. Imp. Alij eandem esse ut Hier. Chrys.
Orig. & Theoph. Obijcies Lucam dicere Chri-
stum orandi causa in montem ascendisse, Mat-
thæum non dicere: At non negat, orationem
tacet, sermonem recenset. Deinde Lucas hunc
sermonem in campo habitum dicit, Matthæus
in monte. Respondetur Christum ascendisse in
montem, ut uterque ait, orandi causa, quod
solus Lucas dicit, ibique Apostolos elegisse ut
idem solus dicit: deinde descendisse, quod
Matthæus tacet, Lucas dicit: & sermonem ha-
buisse, ut uterque dicit, nisi quod Lucas cam-
pestrem locum expressit, Matthæus suppressit.
Vel dicendum non descendisse sed fuisse in
summo montis fastigio planum locum, quem
Matthæus montem, Lucas campum vocat:
non enim de eadem in montem ascensione de
qua Matthæus agit, sed de alia qua ideo ascen-
dit ut oraret & Apostolos eligeret. Quod au-
tem

tem addit *postquam descendisset* copiosam multitudinem secutam eum fuisse, & ipsum eleuatis oculis in cœlum dixisse: *Beati pauperes*, non est intelligendum statim, & in loco campestri factum esse: sed longe post, & alio loco, idest in monte in quem iterum ascendit vt Matthæus dicit, Lucas tacet: quia res non loca & tempora coniungit. Quod autem Matthæus octo, Lucas tantum quatuor beatitudines refert: dicendum quod propositum Euangelistæ fuit non omnia sed summam omnium recensere. hæc Mald. In montem ascendit, vt de superiore loco turbam doceret: vel vt turbam fugeret vt alias in desertum, nauem & montem, ex Aug. Chrys. Hier. & Theop. vel vt adimpleret Prophetiam Isaïæ c. 6. Mons ille non Oliuarum sed Thabor. ex Hier.

Et cum sedisset.] Vt magisterij dignitatem denotaret. Ex Aug. l. 1. de *serm. Dom. in monte*. Et quia mos erat sedendo docere, tamen videtur ad turbas sermonem habitum in loco campestri stante Domino. Luc. 4.

2. *Et aperiens os suum.*] Qui prius ora Prophetarum aperiebat, ipse aperit os suum, idest per se loquitur ad Heb. 1. ex Aug. & Greg. l. 3. in *Iob. c. 5*. Alij os, manibus, idest verba factis opponi putant, ita vt prius exemplo, nunc etiam verbis doceat. Ex Chrys. Euty. & Theoph. Alij longum sermonem oris apertione indicari ex Aug. Alij res magnas dixisse, ac si diceret aperuit thesauros sapientiæ & scientiæ Dei. Ex Hil. & Strab. Alij libera & clara voce loquutum esse, vt *Ezech. 29.* & *Eccl. 15*. Alij non more Scribarum & Phariseorum, sed tanquam potestatem habentem: alij post diuturnum

num silentium in verba prorupisse, vt *Iob* 3. vel est Hebraismus, quasi dicat loqui exorsus est.

3. *Beati pauperes spiritu.*] Ab eo exordium. sumit quod omnes appetunt vt *Psal.* 1. Beatos vero vocat non qui iam reipsa, sed qui spe beati sunt, & per gradus ascendunt & quidem pauperes quia leues & expediti ad currendum. ex Greg *Spiritu* i. humiles, vel voluntaria paupertate pauperes, sicque Spiritus pro voluntate ponitur vt *Matth.* 26. *Marc.* 14. *Rom.* 1. 1. *Cor.* 7. ex Hil. Chrys. Amb. Aug. Greg. & quamuis sint diuites, modo humiles sint, pauperes spiritu dici. Vel qui in diuitijs cor non apponunt, ex Aug. Vel qui reuera pauperes, diuitijs carentes, ex Tert. l. aduers. *Marc.* 4. & mendicantes, ex Græco.

Quoniã ipsorum est regnum cœlorũ.] Quod tanquã paupertati diuitias opponit cœlestes. Glos.

4. *Beati mites quoniam ipsi possidebunt terram.*] Quoniam humiles & mansueti seipsos in præsenti possident; hæreditarem Patris in futuro possidebunt, ex Hier. & Lyr. Alij terram in qua viuimus interpretantur, vt Chrys. *Hom* 15. Aug. l. 1. de serm. & Theoph. quia Christus non solum cœlestia sed etiam terrena promittit, vt c. 6. & *Marc.* 10.

5. *Beati qui lugent, quoniam ipsi consolabuntur.*] Gaudebunt qui peccata sua lugent. sic Chrys. Amb. Alij qui vel sua vel aliena, ex Hier. Alij qui pro miserijs huius mundi & pro desiderio cœlestium, vnde filia Caleph petiuit irriguum superius & inferius, ex Glos.

6. *Beati qui esuriunt & sitiunt iustitiam quoniam ipsi saturabuntur.*] *Lucas* c. 6. non addit iustitiam, sunt qui per hanc sitim intelligunt
flagrans

SECUNDVM MATTH. CAP. V. 61

flagrans desiderium iustitiæ consequendæ vt Amb. l. 6. in Luc. Hier. Chrys. Hom. 15. Aug. l. 1. de serm. & Theoph. Alij veram famem & sitim, vt esurire & sitire iustitiã dicantur, quibus iustitia non administratur: quales sunt pauperes, viduæ & pupilli. Hi ergo dicuntur esurire iustitiã, quia cum iustitia, idest iuris administratione indigeant & eam petant, nemo tamen illis reddit: vel qui propterea esuriunt, & sitiunt, quod ius suum illis non tribuitur, quales sunt qui iniuste damnati, bona sua amiserunt, aut qui, quod suum est, quia pauperes sunt recuperare nequeunt, aut quia iusti sunt. sicque Lucas & Mat. conuenient, sed Lucas solã famem, Matthæus & famem & causam famis exponit. At non quicumque ita etiam esuriunt beati sunt, sed qui id patiuntur propter regnum cœlorum. vt 1. Cor. 4. & 11. Heb. 11. Satiabuntur autẽ cū apparuerit gloria Dei, Pl. 16. Luc. 14. & 21. Isa. 49. * 65 & Apoc 7.

7. *Beati misericordes, quoniam ipsi misericordiam consequentur.*] Misericors dicitur quasi miserum cor habens, qui alterius miseriam quasi suam reputat, ait Remig. Et beatus dicitur qui subuenit miseris, ex Aug lib. 1. de serm. quia eis ita rependitur vt de miseria liberetur, & misericordia intelligitur potissimum in Eleemosynis. c. 25. quamuis extēdatur ad omne opus misericordiæ ex Hier. & Chrys. & Ioan. 4. Mat. 18. & maxime ad condonandas iniurias, quas Apostoli sæpe erant accepturi. Mat. 18.

8. *Beati mundo corde quoniam ipsi Deum videbunt.*] Mundicordes sunt quos nulla peccati conscientia redarguit, ex Hil. Can. 4. Basil. l. de beat. Hier. Vel qui simplicitatem habent, Aposto

62 MANUALE IN EVANGELIVM

Apostolis valde necessariam vt mundi sapientiam destruerent ex Aug. l. i. de ser. Dom. quam illis commendat. Mat. 6. & 10. c. & Iob, 1. & 2. Vel qui castitatem seruant ex Chry. Eucy. & Theoph. vt Mat. 19. Mundus autem Deus à mundo corde conspicitur ex Hier. & quo purius eo melius ex Aug.

9. *Beati pacifici, quoniam filij Dei vocabuntur.*] Pacifici beati dicuntur qui primū in corde suo, deinde & inter fratres dissidentes faciunt pacem. Quid enim prodest alios per te pacari, cum in tua anima sint bella vitiorum, ait Hier. vel qui omnes animi motus componentes & subiicientes rationi carnalēsque concupiscencias habentes edomitas fiunt regnum Dei ex Aug. vel qui iniurias facile remittunt ex Hil. vel qui in se & in aliis paci student ex Chrys. Pacificorum autem beatitudo, adoptionis est merces ex Hil. quia filij Dei vocabuntur, idest quia similes Deo erunt Rom. 9. & 15. & hic vers. 44. Sap. 5. & 1. Cor. 14. Quia Christum filium Dei naturalem imitantur ex Chrysost. etenim vnigenitus conciliauit nos Deo ait Theoph.

10. *Beati qui persecutionem patiuntur propter iustitiam.*] Idest, propter virtutem, propter defensionem aliorum, propter pietatem ex Chrys. hom. 150 vel quia iusti iustitiam sequuntur. Act. 5. 1. Pet. 2. 3 & 4. Et patientibus non propter scelera sed propter iustitiam regnum ipsum pro quo pugnant promittitur vt Ierem. 31. 2. ad Tim. 4. 1. Cor. 15.

11. & 12. *Beati estis cum maledixerint vobis homines.*] Ad ipsos Apostolos se conuertit ostendens quod proprium sit doctoribus opprobria audire, & ideo beatos si propter Christum

SECUNDVM MATTH. CAP. V. 63
stum, & falsò, exprobrentur. Ex Theoph.

13. *Vos estis sal terra.*] Sal saporem dat rebus insipidis, & eas conseruat. Sal terræ sunt Apostoli, quia per eos vniuersum hominum conditur genus. Ex Hier. & Chryl. hac similitudine alia occasione vsus est Mar. c. 9. & Luc. 14.

Quod si sal euauerit, in quo salietur.] Id est si doctor insatuatus fuerit seu errauerit, aut male ædificauerit, quo alio doctore emendabitur ait Hier. non quod corrigi non possit, sed quod fieri non soleat aut difficile possit.

Ad nihilum valet ultra nisi ut mittatur foras & conculcetur ab hominibus.] Deperdita vi & sapore non potest reparari; id est nisi Apostoli & eorum successores in officio salis studiose perseuerent, & Euangelicæ perfectionis vigorem conseruent, futurum est vt sint irreparabiles vt pote carentes pastoribus qui eos reparent, & vt perdito alios condiendi officio ad nihil vtilis eiiciantur è dignitatis suæ gradu, & in extremum veniant contemptum apud homines. hæc Ians.

14. *Vos estis lux mundi.*] Ad pellendum verbo & opere tenebras hominum & rem eandem lucis, salis & ciuitatis similitudine declarat, ex Ians. Lucem autem vocat non qualis est Sol vt Christus, sed qualis lux est lucerna ab alio lumen suum mutuans. Ioan. 1. & 8. 9. & 12. Sicut Apostoli lux dicuntur. Omnes etiam Christiani lux vocantur Phil 2. Eph 5. 2. Thes. 5.

Non potest ciuitas abscondi supra montem posita.] Hac tertia similitudine significat quod quo modo ciuitas supra montem posita non potest abscondi sed necessario omnium oculis est exposita, ita Apostolos propter status & officij sui.

54 MANVALE IN EVANGELIUM

sui altitudinem non posse latere, sed necessario omnium oculos in ipsos conuertendos. Hæc Ians.

15. *Neque accendunt lucernam & ponunt eam sub modio, sed super candelabrum.*] Ita Apostolos cogitare debere ob id se cœlesti lumine accensos esse vt propositi palam omnibus, illustrent in nocte huius seculi omnes qui sunt in domo Dei, vel in eam ingrediuntur. Et proinde non esse libertatem deponendam prædicandi aliis verbum Dei, vt infert Hieron. & Ians. vel caute esse viuendum, ne quid faciant, quod quempiam offendat, eo quod similes sunt ciuitati supra montem positæ, & lucernæ non sub modio sed super candelabrum, quæ non potest ab omnibus videri, ita Chrysost. & Theoph. vt ad *Philip. 2.* & *1. Petr. 3.* vel infert vt verbo & exemplo luceant, nec labori parcant; propterea supra alios constitutos, tanquam urbem supra montem, vt appareant, vt luceant, vt doceant, non vt lateant: sic *Luc. 12.* & *1. Tim. 4.*

16. *Sic luceat lux vestra coram hominibus, vt videant opera vestra bona.*] Vt, non causam sed consequentiam significat. Hic enim adiicit modum quo lucere debeant, & finem, nempe non in propriam sed in gloriam Dei Patris & hominum videntium vtilitatem. Ex August. & Chrys.

17. *Nolite putare quoniam veni soluere legem.*] Hoc addit quia Iudæi eum iam calumniabantur, vel calumniaturi erant, calumniæ satisfacit, ex Chrys. vel vt discipulos ad suum prouocet exemplum; vel quia ad perfectiorem legis interpretationem transibat, monet vt ex eo intelligant.

SECUNDVM MATTH. CAP. V. 65
telligant se non venisse vt legem solueret ; sed
vt melius ad mentem legislatoris interpreta-
retur. Ex Chryf. & Theoph. At reipla soluisse
& abrogasse dices ? Verum sed per Apostolos
non per se. Vel respondendum Christum ve-
nisse non vt legem solueret, sed vt adimpleret
1. Quia quandiu lex vigere debuit ipse eam
seruauit, & vt Apostoli seruarent curauit ; & ipse
& Apostoli circumcisi sunt : pascha celebra-
runt. 2. Quia bene interpretando perfecit ; ex
Euty. & Theop. 3. Quia gratiam per quam im-
pleri posset, contulit ; ex *Aug. l. 17. cont. Faustum*
c. 5. & Chr. hom. 16. 4. Quia quæ in lege pro-
missa erant exhibuit. ex *Iren. l. 4. c. 27. Tert. l. de*
patient. Hil. c. 4. & Aug. q. 20. test. q. 69. 5. Quia
pro temporalibus suppliciis æterna proposuit.
Quo ergo modo legem abrogasse diceretur ? non
soluendo, sed adimplendo, non violando, sed
perficiendo vt pictor qui inceptæ tabellæ ex-
tremam adhibet manum. Ex Theoph.

18. *Amen dico vobis donec transeat cælum & terra, iota unum aut unus apex non prateribit à lege & nec omnia fiant.*] Verè illud vobis affirmo
quando transibunt cælum & terra non secun-
dum substantiam suam, sed secundum statum
suum, ne minimum quidem ex vniuersa lege
est perituum, sed perficientur omnia quæ in
ea scripta sunt. Ex Ians.

19. *Qui ergo soluerit unum de mandatis istis minimis, & docuerit sic homines.*] Minima man-
data mors & crux Christi, quod res abiecta &
cōtempa videatur, quam qui erubuerit saluus
non erit, ex Hil. Quidam ad præcedentia refe-
runt quæ Christus venerat non soluere. alij ad
sequentia vt Chryf. & quidem minima non in
se

66 MANVALE IN EVANGELIVM

se sed in Phariseorum opinione, vt voluntas occidendi; quæ vt ipsi non seruant, sic non esse seruanda docent ex Chrys. hom. 16. & Aug. l. 1. de serm. Dom.

Minimus vocabitur in regno cœlorum.] Idest nullus ex Chrys. vel vltimus seu nonnullus erit in Ecclesia: vel per regnum cœlorum resurrectio & finitimi iudicij tempus intelligitur ex Theoph. Tunc qui vnum ex mandatis istis minimis non seruauit, minimus sententia iudicis declarabitur, nec erit nullo loco, quia & ipse resurget, sed erit vltimo, quia eiicietur in tenebras exteriores.

20. *Dico enim vobis nisi abundauerit iustitia vestra plusquam scribarum.*] Qui ista minima esse dicunt, qui solunt quod docent, vt ait Aug. 9. de ciuit.

21. *Audistis quia dictum est antiquis.*] Iam incipit quod præstare promissit, implere scilicet legem & docere quomodo abundare debeat iustitia nostra. Christus ergo non solum Scribarum & Phariseorum traditiones & interpretationes sed legem ipsam veterem corrigit adiunctis iis quæ ad perfectionem Euangelicam desiderabantur: non quod lex in suo genere perfecta non fuerit, sed quod minus perfecta quam Euangelium, & sic legem impleuisse dicitur ex Iren. l. 4. c. 27. Tertul. l. de patien. Clem. 6. Stro. Chrys. & Hier. & Theoph. additis partim præceptis partim consiliis Euangelicis legem perficit ex Mald. & Ians.

Non occides; qui autem occiderit reus erit iudicio.] Docet non satis esse cauere ab homicidio vt Scribæ & Pharisei putabant tantum esse prohibitum, sed & ab omni ira in fratrem abstinentum,

SECUNDVM MATTH. CAP. V. 67
nendum. sicque præcepta corrigit partim ex-
planando, & addendo, partim corrigendo. Tria
autem apud Hebræos erant tribunalia 1. Trium-
virum in quo de minutissimis causis & iudi-
cium vocabatur. 2. Confessus seu iudicium in
quo viginti tres iudices de causis maioribus,
itemque capitalibus. 3. Synedrium seu ma-
gnum consilium, in quo vnus & septuaginta
lecti viri, de rebus grauissimis vt de pace, bello,
de falso propheta, de summo sacerdote ageba-
tur. Reum autem esse iudicij, est dignum esse vt
in iudicio eius causa exploretur. Ex Aug. l. 1. de
serm. Dom. Vel reum esse pœnæ capitalis quæ
contra homicidas in iudicio decernebatur. Ex
Eutym.

22. *Ego autem dico vobis quia omnis qui ira-
scitur fratri suo, reus erit iudicio.*] Mortis æternæ.
& conuenienter loquitur Iudæorum consue-
tudini, qui reum iudicij appellabant eum qui
morte dignus erat; sed illi de corporis, Christus
de animæ morte loquebatur. Auger enim pec-
catorum supplicia, non augendo, sed declaran-
do esse maiora, quam in lege esse putabantur.
Iram autem accommodatè ad homicidium
vocat non omnem appetitionem vindictæ, sed
eam propriè quæ tendit ad homicidium; vo-
luit enim dicere, non solum eum qui re ipsa, sed
eum etiam qui sola occidisset voluntate reum
esse iudicij siue cum causa, siue sine causa esset
in priuata persona, neque sic Christus aut Apo-
stoli vnquam irati sunt. Nam Petrus occidit
Ananiam & Saphirum non ira: sed zelo reli-
gionis, non vt priuatus, sed vt Dei minister vt
notat Mald. ex Act. c. 5.

*Qui autem dixerit fratri suo, Raca, reus eris
concilio.*

68 MANVALE IN EVANGELIVM

concilio.] Rhaca est Syriacum verbum contemp-
tus & vilipensionis : sicut nos vel famulis,
vel iunioribus iniungentes dicimus : vade tu:
dic illi tu : Dominus enim & quæ parvissima
sunt euellit, & cum honore nobis inuicem vti
iubet. Hæc Chry. hom. 16. vel Hebræum est &
dicitur inanis & vacuus ex Hier. indignum au-
tem dicere hominem vacuum qui habet in se
Spiritus sanctum, ait Chry. hom. 11. vel Græcū
πανος significare pauperem & pannosum ex
Aug. l. 1. de ser. Dom. vel est irascentis sola in-
teriectio ex eod. Aug. & Greg. in Iob. 21. cap. 4.
Alij Chaldaicam seu Syriacam vocem Rik qua
leuem significat. Tres autem peccatorum gra-
dus Christus distinguit, 1. est ira in verba non
erumpens. 2. est contumeliosum verbum ex
ira proficiscens, quo frater levis inconstans &
inanis. 3. quo stultus & fatuus vocatur, quod
magis contumeliosum. Hunc ergo qui dixerit
verbum contumeliosum, iudicat reum concilio
συμβολίου, tertio tribunali quod consi-
lium dicitur; per concilium autem capitalem
pœnam, quæ in eo statuebatur intelligit, non
leuem vt in iudicio sed grauiorem. eandem in-
ferni, sed non eandem pœnæ grauitate, quia
his gradibus ita irascitur vt ad homicidium
ascendat, secus qui ioco faceret, vt notat Mald.
ex Chry. vel sine causa ex Aug. l. 1. de serm. Dom.
cap. 19.

Qui autem dixerit fatue, reus erit gehēna ignis.]
Gahennon est vallis Ennon à possessore vel
quia amœnus erat locus, vel quia impium ha-
bebat possessorem factus est locus ad colen-
dum Moloch idolum : cui infantes cremaban-
tur 4. Reg. 16. vocatus est postea locus Theo-
phet

SECUNDVM MATTH. CAP. V. 69
phet à ritu sacrificandi, quia dum infantes
cremabantur, tympana pulsabantur: ne paren-
tes vagitu tangerentur. Inde factum est vt in-
fernus gehenna vocetur quod damnati igne
in ea sempiterno ardeant. His tribus iudicio,
concilio, gehenna, ignis diuersæ mansiones in
inferno pro modo peccati significantur ex
Lyrano.

23. *Si ergo offers munus tuum ad altare.*] Con-
iunctio ergo sic cum superioribus cohæret.
Cum charitatis fraternæ tanta sit habenda
ratio, vt cauendum sit ne vel fatue vel racha
vel tacita voce indignantis eam vires, & cum
violatorem fraternæ charitatis sic detestetur
Deus, vt igne æterno puniat, ergo si vt fit ali-
quem contingat fratrem læsisse aliqua in re,
danda opera vt concordia resarciatur, & huic
rei sacrificium postponatur. Ita Ians.

24. *Et ibi recordatus fueris quia frater tuus
habet aliquid aduersum te: relinque ibi munus
tuum ante altare.*] Sunt qui putant Christum
perfectionem præscribere, & velle non solum
cum alios læsimus, sed etiam cum ab illis læ-
si sumus relicto sacrificio priores reconcilia-
tionem quæramus. Alij interpretantur, fra-
trem habere aliquid aduersum nos, esse ha-
bere iustam contra nos querelam, quod à no-
bis iniuriam aliquam acceperit. ita Aug. &
Hier. quod non ita intelligendum est, quasi
semper ad fratrem relicto sacrificio ire debeat-
mus, ex Aug. consilium sanctum est, & cum
caritas postulat etiam præceptum. affectu &
effectu potius, quam pedibus ire debemus.
affectu iniuriam si quā nos ab illo accepimus
cōdonantes, effectum iniuriæ si quam ille à nobis
acceperit,

accepit, satisfaciētes. Ex Mald. Hoc est præceptum, illud consilium.

25. & 26. *Esto consentiens aduersario tuo.*] Beniuolus seu benignus. Ex Hier. Aduersarius est Angelus malus ex Orig. Hom. in Luc. 35. Caro quæ spiritui repugnat ex Athan. q. 62. Conscientia quæ nos apud Deum accusat ex Athan. ibid. Vel Deus, aut eius lex ex Aug. l. 1. de serm. Dom. Vel is qui aliquid vult auferre, ex Hier. Vel is quem læsimus, quem raca, aut stultum diximus. Via est huius vitæ tempus. Iudex Christus, minister dæmon malus, carcer infernus, quadrans vltima culpa. Quod autem dicit nos non exituros inde donec vltimum quadrantem persoluamus, non significat exituros postea sed numquam exituros ex inferno ex Aug.

27. & 28. *Audistis quia dictum est antiquis Non mœchaberis. Ego autem dico vobis quia omnis qui viderit mulierem.*] Vxorem alterius impudico oculo iam adulterium commisit. sic Hier. & Chrys. non enim omnem mulieris concupiscentiam damnat ex Aug.

29. & 30. *Quod si oculus tuus dexter scandalizat te, erue eum.*] Sunt qui oculo dextro mentem, sinistro corporis sensus, manu dextra voluntatem, sinistra carnis appetitum significari putant: Nec solum corporis sensum & appetitum refrænandum, sed superiores quoque animæ partes, mentem & voluntatem: sic Auctor Imp. hom. 2. Alij oculum dextrum dilectum amicum, manum dexteram coadiutorem, sic Aug. l. 1. de serm. Dom. Alij mulierem amicam, quia dixerat, *qui viderit mulierem*, sic Chrys. Hom 17. in dextro oculo & dextra manu, & fratrum

SECUNDVM MATTH. CAP. V. 71
fratrum & vxoris & liberorum atque affinium
& propinquorum innuitur affectus, quem si ad
contemplandam veram lucem nobis impedi-
mento cernimus, debemus truncare huiusmo-
di portiones: Ita Hier. In oculo contemplatio,
in manu actio ex Aug. l. i de ser. dom. c. 24. Me-
lius Mald. verus oculus & vera manus intelli-
gitur quam per exaggerationem si fieri posset
aut liceret, amputaremus, vt quoduis dam-
num potius subire deberemus quam culpam.
Nec solum peccata vitare sed & occasiones ex-
Glos.

31. *Dictum est quicumque dimiserit uxorem
suam det illi libellum repudij. Ego autem dico
vobis quicumque dimiserit uxorem suam excepta
fornicationis causa, facit eam moechari.*] Non
concedit Christus etiam fornicationis causa
libellum repudij dare, vt verba ipsa & perpe-
tuus vsus Ecclesiæ declarat; quæ libellum
repudij non nouit. Sex tamen sunt causæ ob
quas potest coniugum quoad torum fieri sepa-
ratio. 1. Est alterius coniugum fornicatio.
2. Sæuitia ex qua periculum alteri imminet.
3. Furor vehemens. 4. Hæresis maxime cum is
alterum in suam hæresin inducere conatur.
5. Crimen Sodomix siue cum viro siue cum
fœmina commissum. 6. Si ex cohabitatione
alteri coniugum graue periculum peccandi
mortaliter imminet, vt si alter alterum ad
peccandum mortaliter impellere conetur. Ex
Nauar. Christus veterem abrogans legem non
iussit adulteram comburi aut lapidari: sed di-
mitti permisit. Addidit quod cum in lege mul-
tæ essent causæ solam fornicationem excepit.
Et quod cum vir dimissam reuocare nō possit,
in

72 MANVALE IN EVANGELIVM
in Euangelio reuocari non iubet, sed optat.
1. Cor. 7. Et cum vxori virum dimittere non
liceret; in Euangelio parem viri & vxoris cau-
sam esse vult; Et quamuis non exprefferit hoc
loco, tamen D. Paulus vt Mald. notat expref-
sit 1. Cor. 7.

33. *Non periurabis, reddes autem Domino
iuramenta tua.*] Leuit. 19. vel Exod. 20. habetur
in vanum, sed latine idem est quod non ne-
cessarium, & quod falsum est, & hoc est pe-
ierare.

Reddes autem Domino iuramenta tua.] Velut
Deo debita: & est explicatio eius, non periur-
abis. Quidam putant esse Phariseorum additio-
nem, volentium iuramenta non esse præstanda
quæ per nomen Domini non essent facta sed
per creaturas. Sic Ians. ex Matt. 23.

34. *Ego autem dico vobis non iurare omnino
neque per coelum.*] Iustitiam Phariseorum Chri-
stus hic in duobus perficit, primum quia non
solum periurium, sed etiam omne iuramen-
tum prohibet. Deinde quia docet illicitum
esse per creaturas temere iurare & peierare æ-
què ac per Deum. Ex Ians. Omnino non genus
sed formam significat, seu non adhibitis comi-
tibus. Glos. quæ sunt veritas, iustitia, & iudi-
cium. Nam Paulus iurauit Rom. 1. 2. Cor. 1. Phi-
lip. 1. 2. Thes. 1. Et Angeli Apo. 10. Prohibet au-
tem omnino sine necessitate iurare, ne verum
quidem sine causa.

35. *Neque per Ierosolymam, quia ciuitas est
magni Regis.*] Dei qui est Rex Regum, seu quia
ciuitas sancta est

36. *Neque per caput tuum iuraueris, quia non
potes unum capillum album facere aut nigrum.*] Quia

SECUNDVM MATTH. CAP. V. 73

Quia in cœli, terræ & Ierosolymæ iuramentis aliquid Dei est; ne veniret nobis in mentem iurare per caput nostrum, quia nostrum est, prohibet quia nostrum non est, quoniam à Deo quasi vtendum accepimus, & ne vnum quidem eius capillum album aut nigrum facere possumus. Alio etiam sensu vt notat Mald. per caput iuramus cum per cœlum & terram vetat iurare; quia cum per cœlum & terram iuramus tanquam per res aliquas sanctitatem habentes iuramus; cum per caput nostrum iuramus non propriè iuramus, sed tanquam rem nostram deuouemus. & hoc prohibet, quia cum nostrum non sit, iniquum est tanquam rem nostram deuouere.

37. *Sit autem sermo vester est, est, non non.* Hec iuramento non mendacio aut leuitati opponuntur, & sensus est, cum dicendum erit, est, id est affirmandum, non affirmetis iuramento, sed simplici affirmatione dicentes, ita est. Cum aliquid negandum, ne iuretis, non ita esse; sed simpliciter dicite, non, id est non ita esse. Sic Chry. & Hier. in epist. ad Celsum. & Hil. can. 4.

Quod amplius est, à malo est. Id est ab infirmitate eorum quibus lex iurare permisit. Ita enim Christus non monstrat veterem legem diaboli esse: sed à veteri imperfectione ducit ad abundantem nouitatem. Hæc Chrys. hom. 17. Vel ab eo qui simpliciter affirmanti non credit ex Aug. l. 1. de ser. Dom. Vel à diabolo qui iurandi consuetudinem induxit ex Theoph.

38. *Audistis quia dictum est, oculum pro oculo.* Exod. 21. lex erat talionis, quam Christus perficiens sustulit. Ex Chry. hom. 18. & Theoph. Voluit enim non metum tanquam seruis sed

D. amorem

74 MANUALE IN EVANGELIUM

amorem tanquam filiis proponere ad Rom. 8. & Ioan. 1. Et addidit, docens non solum non expetere vindictam, sed etiam patienter iniuriam tolerare, & optare & gloriari: & percutienti nos in vna maxilla, aliam præbere. Ro. 5. ex Hil. & Hier.

39. *Ego autem dico vobis non resistere malo.*] i. Diabolo. Ex Chry. & Theop. At Iacobus c. 4. docet ei resistendum: ita quidem, sed non hoc modo, non ultionem quærendo. Alij malum vocant iniuriam quæ nobis infertur, cui iubet non resistere. Alij malo interpretantur iniuriam facienti.

Sed si quis te percusserit in dexteram maxillam, præbe illi & alteram.] Partim hæc præcepta, partim consilia sunt; præcepta ut vindictam non quæramus, ut parati simus ad remittendum de iure nostro id quod caritas & Dei gloria postulat: consilium ut quamvis caritas & Dei gloria id non exigit, tamen morificationis causa ad verbum hæc omnia faciamus. Dices hanc legem Christi impunitatem peccandi dare malis hominibus: at iudici manus non ligat quominus sceleratos puniat etiam lege talionis, sed priuatis hominibus. Ex August. epist. 4.

41. *Et quicumque te angariauerit mille passus, vade cum illo & alia duo.*] Non solum tua sine altercatione sed te ipsum præbe, ait Glos. Publici nuntij & cursores apud Persas angari quibus licebat quosuis homines ad ferenda onera cogere; equos & naues vsurpare; vi aut soluta mercede: id Christus inter beneficia quæ aliis præstamus si sponte facimus; aut inter iniurias quas ab illis accipimus si coacte, numerat.

42. *Quis*

42. *Qui petit à te, da ei.*] Quisquis ille sit, ser-
uato tamen caritatis ordine, vt parentibus
potius quam alienis, vt amicis quam ignotis
subueniamus; prohibet tantum personarum
acceptionem quæ caritatē destruit, vt Luc. 14.

43. *Audistis quia dictum est, diliges proximum
tuum & odio habebis inimicum tuum.*] Proximū
id est amicum. Amicus autem in lege vocaba-
tur non solum qui erat sed qui debebat esse.
Esse vero debebat is qui Iudæus erat ex Mald.

44. *Ego autem dico vobis, diligite inimicos ve-
stros.*] In hoc quod Christus legi adiecit quid-
dam præcepti & quiddam consilij est. Præce-
pti, ne odio habentes nos odio habeamus, ne
malum pro malo reddamus; ne quid illis opte-
mus mali, vt eos generali caritate complecta-
mur, vt communibus orationibus, elemosy-
nis, beneficiis quæ in omnes fiunt non exclu-
damus. Consilij vt eis etiam ad extremam non
reductis necessitatem subueniamus, vt eos no-
minatim salutemus, vt familiariter alloqua-
mur.

45. *Vt sitis filij Patris vestri.*] Hebraismus
id est ei similes; vel vt vos declaretis esse filios
gratia adoptionis. 1. Ioan. 1. Quia magnum
erat præceptum, præclarum præmium subdit,
scilicet fieri similes Deo, ait Chry.

46. *Si enim diligitis eos qui vos diligunt, quam
mercedem habebitis?*] Amare amantem naturæ
est, inimicum caritatis. Glos. Merces filio-
rum est adoptio. Qui inimicos non diligit:
satis indicat & amicos non propter Deum sed
propter se diligere. Publicanis similes qui pu-
blica vectigalia colligebāt populo odiosi, quia
auaritiæ & quæstus sui causa omnia faciebant.

47. 48. *Estote ergo perfecti, sicut Pater vester.]*
 Imitatione non æqualitate. Interl. tota Trinitas per Patrem intelligitur.

CAPVT VI.

Quomodo facienda eleemosyna, oratio, & ieiunium Christus docet.

1. *Attendite ne iustitiam vestram faciatis coram hominibus.]* Græci codices eleemosynam legunt vt Chry. & Theoph. & Psal. 111. & 2. Cor. 9. Hæc concio alia est à superiore quæ ad solos Apostolos in monte dirigebatur, hæc ad omnes in campo.

2. *Cum ergo facis eleemosynam noli tuba cæzare.]* Quomodo hæc sententia intelligatur cum illa, *Sic luceat lux vestra coram hominibus vt videant opera vestra bona*, vide supra c. 5. v. 16. Lyr. putat Phariseos cum eleemosynas daturi erant solitos pauperes tuba conuocare, vel potius alludit ad consuetudinem tubæ populum conuocandi. Ioel. 2. aut ad comediarum morem, quia hypocrita aliam personam agit vt notat August. & loca frequentia quærit vt synagogas vt à pluribus videatur.

3. *Te autem faciente eleemosynam nesciat sinistra tua quid faciat dextera tua.]* Dextera est intentio seruandi præcepta diuina: sinistra est delectatio humanæ laudis. Ex August. lib. 2. de ser. Dom. Vel dextera est superior voluntas, sinistra inferior appetitus, vel populus Christianus

SECUNDVM MATTH. CAP. VI. 77

Christianus & Gētilis. vel dextra tu ipse, sinistra vxor tua vel amicus & familiaris. Ex Euty. Vel est hyperbolica locutio, qualis illa, si oculus tuus scandalizat te &c. & sensus est nos debere iustitiæ nostræ testes effugere, vt si sinistra oculos haberet videre tamen non posset.

4. *Et pater tuus qui videt in abscondito, reddet tibi.*] In aperto vt addunt Græci codices, & Luc. 14. c. In resurrectione ait, idest, in vltimo iudicio coram omnibus hominibus, sicque maiorem gloriam etiam apud homines habi-
turos, qui clam eleemosynam faciunt quam qui palam, & non nisi coram paucis: sic se & alios consolatur D. Paulus ad Philip. 2. & 2. ad Tim. 1. & 4. c.

5. *Et cum oratis non eritis sicut hypocrita qui amant in synagogis & angulis platearum stantes orare.*] Idest fixi, immobiles quasi animo in cœlum rapti. Vel non humiliati vt Glos. ait. Nam mos erat Iudæis non stantes sed flexis genibus orare vt Petrus Act. 9. & Paulus Act. 10. & 10. & Christus Luc. 22.

Amen dico vobis, receperunt mercedem suam.] Laudem hominum quam petierunt Interl. vel suam, non Dei.

6. *Tu autem cum oraveris intra in cubiculum tuum.*] Non extra quærendo Deum. Int. in locis abditis vt sciamus Deum ybique præsentem ait Cyp. de orat. Dom. Verum cubiculum intelligit Chrysost. & Theoph. At non iubet nos reuera ingredi cubiculum & ostium claudere sed tantum inanem gleriam fugere. & sic orat etiam in plateis qui non vult ab alio quam à Deo audiri & videri. Act. 1.

D 3 Et

78 MANVALE IN EVANGELIUM

Et laus ab omnibus facta in publico maiores vires habet ait Tertul. in Apolog. & Orig. Hom. 3. in Iosue & Chrysoft. hom. 3. de incompr. Dei nat.

7. *Orantes autem nolite multum loqui.*] Superuacaneis repetitionibus, affectata copia verborum, vt notat Greg. Nis. l. de orat. Non enim prohibet Christus longas orationes qui perpetuas imperauit Luc. 18. & Paulus 1. ad Thes. 2. Col. 4. Sed eo animo multum loqui vt bene orare ab hominibus videamur. Eucharistia damnati non quia multum orarent, sed quia existimabant neminem posse saluari nisi semper & continenter oraret non intelligentes illud Luc. 18. ex Epiph. hæres. 80. & Aug. in 1. ad Quod vult.

8. 9. *Sic ergo vos orabitis.*] Hac aut simili sententia, non his necessario verbis ex Aug. L. de Magistro c. 1. & Epist. 1. 21. ad Probam c. 12. & Beda. Nam nec Apostoli his ipsis verbis orasse dicuntur Act. 1. Nec Christus Matth. 26. & tamen paucis verbis quæ docuerat dicit. Nec voluit vt quoties oramus, ista omnia petere-mus, sed vt omnia, vt aliqua, aut nihil certe his contrarium. Ecclesia tamen non solum sententia sed ipsis etiam Christi verbis vtitur. Agnoscit enim Pater filij sui verba ait Cypr. l. de orat. Septem petitiones continet ex Aug. l. 2. de serm. Dom. Tres primæ ad honorem Dei, reliquæ ad vtilitatem nostram spectant. Sunt qui putant Christum bis eandem docuisse orationem. Apud Lucam c. 11. solos Apostolos, hic omnem turbam ex Rupert.

Pater.] appellatione Patris voluit Christus vt capteremus beneuolentiam, ex August. & fiduciam

SECUNDVM MATTH. CAP. VI. 79

fiduciam Deum alloquendi ex Cyp. & Chryf. hom. 20. vt Luc. 15. Et quia filij sumus ex Tert. l. de orat. & Aug. l. 2. de serm. Dom. Non serui qui Dominum vocant in veteri testamēto.

Noster.] Quia publica totius Ecclesiæ, cuius membrum sumus, oratio est non priuata: ideo non dixit Pater mi, ex s. d. Cyp. Aug. & Theop. ad differētiā, quæ est inter nos & Christum, quia eo modo quo Pater noster est, omnium communiter Pater est; omnes enim creauit, conseruauit, & quantum in ipso est redemit: eo autem modo quo Christi Pater est, non aliter est Pater; quia illum genuit, nos creauit ait Amb. l. 5. de sacram. c. 4. Vel quia illi regenerati per Christum sumus, sicque & à Christo, & ab infidelibus hoc verbo distinguimur. Ex Tert. & Cyp. & Ioan. 1.

Qui es in cælis.] Admonemur postpositis rebus terrenis eo intendere animum, vbi Patrem nostrum habitare dicimus, ac cœlestia tantum quærere & cœlestem hæreditatem filiali iure expectare, vel ad distinctionem Patris terreni, ex Iansen.

Sanctificetur nomen tuum.] Celebretur, vt sanctum colatur, & honorificetur. Ex Hier. & Aug. vt sanctum habeatur. Et cum non dicimus à quibus, significamus ab omnibus velle sanctificari ex Tert. l. de orat.

10. *Adueniat regnum tuum.*] Sunt qui intelligunt de regno quo in cordibus regnat Rom. 6. vt Amb. & Hier. Alij quo in beatis: quasi petamus dissolui & esse cum Christo. Philip 1. 2. ad Tim. 4. Alij regnum tuum, id est gloria tua manifestetur hominibus vt Aug. Alij illud quo Deus posuit omnibus inimicis suis in scabellū

80 MANUALE IN EVANGELIUM

pedum suorum ubique regnaturus est, & erit omnia in omnibus 1. Cor. 15. ex Theop. & Rup. Nam etsi nunc ubique regnet, non tamen pacifice & sine hoste. Ex Maldonat. quia non nostrum sed Dei regnum postulamus, ut filij Patri Regi pacificum regnum & victoriam in hostes.

Fiat voluntas tua sicut in cœlo & in terra. Id est ut ita illi homines obediât sicut Angeli. Ex Hiero. & Chry. Vel ita pacificetur terra sicut olim cœlum, & petimus ut victus diabolus à terra, in abyssum deiiciatur. Ut Ioa. 12. Sic Amb. 1. 5. de sacram. c. 4. Vel paratum animum ad omnia siue bona siue mala significat ut Iob 3. Sic Tertul. Vel ut omnibus in rebus Dei voluntas fiat à nobis & in nobis, sicut in cœlo, ubi Deo nihil resistit. Ps. 101.

11. *Panem nostrum quotidianum da nobis hodie.*] Panis vitæ Christus est, & panis hic, omnium non est, sed noster est. Hunc autem panem dari nobis quotidie petimus, ne qui in Christo sumus, & Eucharistiam quotidie accipimus, intercedente graniori delicto à cœlesti pane prohibeamur & à Christi corpore separemur. Hæc Cyprian. de orat. Dom. Vel quotidie accipimus per Ecclesiæ ministros qui & pro se & aliis accipiunt & quotidie offerunt. Glos. Sic Amb. lib. 5. de sacram. cap. 2. & Hiero. Vel est Dei voluntas. Ex Aug. lib. 2. de serm. Domin. & Ioann. 4. & 6. Vel omnis necessarius cibus supersubstantialis; id est non superuacaneus. Et in hoc non tam corporis quam animæ curam habet. Nostrium, id est hominum non pecudum, vel qui nobis à te dari solet & petunt diuites ut
non

SECUNDVM MATTH. CAP. VI. 81
non amittant, & pauperes vt habeant. Ex
Aug. Vel noster qui nobis est necessarius, vel si
Christi corpus intelligamus, noster id est fide-
lium ἡ ἐκκλησία, id est supersubstantialem. Ex
Hier. vel consubstantialem, id est, eiusdem no-
biscū substantiæ seu substantiæ nostræ alendæ
accōmodatum, cibarium, non delicatū, non su-
peruacaneum. nobis in hodiernū diem necessa-
rium, diarium, qui ad substantiā præsēntis diei
pertinet; seu portionem panis nostri quæ præ-
senti diei sufficiat & indigentia nostræ. Syr.

12. *Et dimitte nobis debita nostra.*] Peccata
pro quibus debetur satisfactio per pœniten-
tiam, & bona opera. Hoc tēlo confodiuntur
Pelagiani, qui dicunt iustum in hac vita nul-
lum habere peccatū quando omnes iubentur
dicere, *dimitte nobis debita nostra.* Ex Hier. Et
Aug. l. 3. c. 5. contr. Pelag. Et Nouatiani qui ne-
gant post baptismū peccata dimitti. Ex Chrys.

Sicut & nos dimittimus debitoribus nostris.]
Conditio est non regula, quia Deus nobis &
multo plura, & multo maiora, & liberalius, &
minus merentibus remittit, quam aut remit-
timus aut remittere possimus. Ille quidem no-
bis regula est, quam nos imitemur, non nos
ipsi. Nos illi conditio sumus; quia si nos debi-
toribus nostris non remittimus, neque nobis
ille remittit. Quod non de omnibus debitis,
sed de priuatis iniuriis est intelligendum: Nam
si centum aureos mihi debes, etsi non condo-
nauero, non sequitur quod Deus peccata non
condonabit: iubet iniuriam non damnum re-
mittere. Videat quid dicat, qui non dimittit,
& qua spe orat, qui inimicitiam seruat, ait
Chrys.

82 MANUALE IN EVANGELIUM

13. *Et ne nos inducas in tentationem.*] Ne nos patiaris induci tuo auxilio deserendo, seu permittendo superari: q. d. da gratiam tentationes vincendi: Et si inciderimus ne à tentatione absorbeamur. Alij, melius nostræ infirmitatis memores, non solum vt vincamus petimus, sed etiam ne in certamen descendamus ne fortè vincamur. sic Cypr. de orat Dom. & Chrys. ho. 20.

Sed libera nos à malo.] A diabolo, à peccato, à quouis detrimento, à quouis incentiuo, & occasione peccati. Ex Cypr.

Amen.] Ita sit: Et est verbum optatum respectu præcedentium.

Quia tuum est regnum & potestas & gloria in secula, amen.] Non detraximus hæc verba, vt clamant hæretici quæ Græci solemni precationi addiderūt, vt salutationi Angelicæ: Quia tu peperisti Seruatorem nostrum. Et Psalmis, gloria Patri, vt legitur apud Chrys.

14. 15. *Si enim dimiseritis hominibus peccata eorum.*] Iubet facere quod minus, vt obtineamus, quod maius est, & centum denarios conseruis remittere, vt centum talenta à Domino remittantur; hanc enim vim habet, hominibus.

16. *Cum autem ieiunatis nolite fieri sicut hypocrita tristes.*] Vultu tristitiam præferentes, affectato pallore, tetrica seueritate simulatæ sanctitatis.

Exterminant enim facies suas vt appareāt hominibus ieiunantes.] Græ. demoliuntur, corrumpunt, obscurant natium colorem. Syr. deturpant speciem naturalem medicamenti artificio vel fucata tristitia.

Amen

SECUNDVM MATTH. CAP. VI. 83

Amen dico vobis, receperunt mercedem suam.] Vanam gloriam quam quæsierunt.

17. 18. *Tu autem cum ieiunas unge caput tuum, & faciem tuam lava ne videaris hominibus ieiunans.]* Sic vni dicit quasi omnibus: nec reuera iubet caput ungere, sed lætum se ostendere, vt fugiamus ieiunij ostentationem. Palæstini his vt in lætitia diebus festiuis, in tristitia vero abstinere solebant. Ruth 3. & 2. Reg. 12 & 14.

Sed patri tuo qui est in abscondito.] In abscondito, quia verè Deus est absconditus, vel qui est in abscondito, id est in conscientia, in corde humili latere optanti.

19. *Nolite thesaurizare vobis thesauros in terra.]* Opes terrenas, laudem humanam.

20. *Thesaurizate vobis thesauros in cælo vbi arugo nec tinea demolitur.]* Concludit excellentissimum modum thesaurizandi, quando scilicet bona temporalia consumuntur in pios vsus, & sic commutantur in bona spiritualia & æterna.

21. *Vbi enim est thesaurus tuus, ibi est & cor tuum.]* Forzan est prouerbialis locutio: q. d. si cor habebitis in cœlestibus, ad ea semper aspirabitis.

22. *Lucerna corporis tui est oculus tuus.]* Totus locus metaphoricus: q. d. Cor est in animo quod oculus in corpore: Et sicut oculus corporis dirigit opera corporalia; pedem ad ambulandum, manus ad operandum, ita oculus mentis dirigit per rectam intentionem opera humana, in quantum in eis est ratio boni moralis.

Si oculus tuus fuerit simplex.] Purus, mundus. simplex oculus & purus simplicia intuetur

34 MANVALE IN EVANGELIUM

& pura, lippientibus, vnum multa esse videntur, ait Hier.

Totum corpus tuum lucidum erit.] Id est illuminatum & veluti oculatum. Id est actio tota vel congeries virtutum. Ex Aug.

23. *Si autem oculus tuus nequam fuerit, totum corpus tuum tenebrosum erit.*] Id est si intentio mala fuerit, peruersum erit & opus.

Si ergo lumen quod in te est tenebra sunt.] Id est oculus qui pro lumine datus, scilicet mens vel intentio. lumen autem vocat, non quia est, sed quia esse debuit.

Ipsa tenebra quanta erunt.] Reliqua corporis membra quæ natura sua sunt tenebræ; quia omne lumen suum mutantur ab oculis, id est mala quæ fiunt intentione peruersa. Inter.

24. *Nemo potest duobus dominis servire.*] Quia dixerat: Nolite thesaurizare; hoc probat non esse faciendum vsitato hoc prouerbio non potestis duobus dominis servire, contraria scilicet præcipientibus vel diuersa; quia natura prohibet vt amor serui in diuersos distrahatur dominos, quales sunt Deus & Mammona. Non dixit autem nemo potest duos habere dominos: Dominum autem vocat rem omnem cui nimis dediti sumus, cui seruimus. Ex Chrys. Hom. 21.

Aut enim vnum odio habebit & alterum diliget.] Id est primum, Deum odio habebit, & alterum id est secundum mundum, diliget; sicque opponit non personam personæ sed odium personæ eiusdem amor. Estque Hebraismus, vt Gen. 4. & Luc. 16. Non dicit aut vnum diligit & alterum contemnet, quia interdum non diligit eum cui deseruit, & tamen sustinet eum.

SECUNDVM MATTH. CAP. VI. 8;
cum quasi durum dominum, vt patet in iis qui
dæmoni seruiunt, quem non diligunt. Item
non dicit, & alterum odio habebit, sed cōtem-
net, videlicet Deum, quia etiam illi qui non
seruiunt Deo non odiunt eum; sed spernunt,
dū quasi de eius bonitate securi sunt ait Aug.

Non potestis Deo seruire & Mammona.] Diui-
tiis seu dæmoni de avaritia tentanti.

25. *Ideo dico vobis, ne solliciti sitis anima ve-
stra quid manducetis, neque corpori vestro quid
induamini.*] Non omnem sollicitudinem pro-
hibet, sed eam quæ est ex diffidentia erga Deū,
& eam quæ à Dei seruitute hominem diltrahit.
Porro sollicitudo ordinata & rationalis voca-
tur ea qua homo secundum conditionem sui
status quærit necessaria vitæ præsentis in ordi-
ne ad spiritualia: Et talis sollicitudo est pars
prudentiæ, & hanc non habere esset Deum
tentare, vel ignauiter se gerere. Labor exercen-
dus, sollicitudo autem quæ mentem perturbat
tollenda ait Hier.

*Nonne anima plus est quam esca, & corpus plus
quam vestimentum?*] Q. d. quis vobis corpus
& animam dedit, nisi Deus? qui ergo quod
maius est dedit, & quod minus est dabit, om-
nem ergo in eum sollicitudinem vestram proii-
cite.

26. *Respicite volatilia cœli quoniam non serunt
neque metunt, neque congregant in horrea.*] Exem-
pla diuinæ providentiæ in toto mundo pro-
ponit. Incipiens à cœlo & descendens in ter-
ram ad lilia agri. Aues autem potius quam alia
animalia nominat, quia cum sint in aëre, lon-
gius absunt à cibo. Et quia terrestria anima-
lia plus in quarendo & recondendo cibo ha-
bent

bent industria, ut patet de formica: Lucas cor-
uos nominatim dixit, quod pulli simul ut ex-
clusi sunt à patre & matre deseruntur, ita ut ex
sola Dei providentia pendeant.

Et Pater vester pascit illa.] Non dixit Pa-
ter illorum, quasi dicat multo magis vos qui
homines & filij eius; quibus promittitur æter-
nitas. Ex Hier. nisi voluisset conseruari, non
creasset ait Chrys.

Nonne vos magis pleris estis illis?] Maioris di-
gnitatis, præstantiores.

27. *Quis autem vestrum cogitans potest adice-
re ad staturam suam.*] Quantumvis sollicitus
acuat ingenium, & sese cogitando diseruciet.

Cubitum unum.] Q. d. si non potestis quan-
tumvis edatis & bibatis ad staturam corporis
vestri vel vnum cubitum adicere nisi Deus
augeat, quid de cibo, & potu solliciti estis. quia
neque qui plantat, neque qui rigat est aliquid,
sed qui incrementum dat Deus. sic Chrys. Alij
ex Luca colligunt voluisse Christum ab eo. quod
minus est ad id quod maius est, argumentari.
sic: Anima plus est quam esca: Et corpus quam
vestimentum: sed animam & corpus non vos sed
Deus fecit; ergo non vos debetis quærere escam
& vestimentum. Quod autem animam vos
facere non possitis nunc probat: Non po-
testis vnum cubitum facere: ergo multo mi-
nus totum: ideo autem meminit cubiti po-
tius quam manus, quia mensura stature ho-
minis est: habet enim quisque quatuor cubi-
tos suos longitudinis & totidem latitudinis,
scilicet extensis brachiis, ait Eutym.

28. *Considerate lilia agri quomodo crescunt.*]
Christus hoc exemplo docet voluisse Deum

BOM

non solum necessitatis, sed etiam pulchritudinis nostræ curam habere, vt ne eius causa sollicitos nos esse oporteat: Non sunt hæc allegorica, sed vt de minoribus persuadeantur maiora, ait Aug.

Non laborant neque nent.] Vt indumenta sibi conficiant.

29. *Dico vobis quoniam nec Salomon in omni gloria sua coopertus est sicut vnum ex istis.*] In splendidis indumentis suis, vel toto tempore regni sui; quæ enim purpura regum, quæ tinctura æquari poterit pulchritudini florum. Ars imitatur naturam sed non adæquat ait Hier.

30. *Si enim fœnum agri quod hodie est & cras in clibanum mittitur, Deus sic vestit, quanta magis vos modica fidei?*] Vestiet, qui ad imaginem Dei estis ad æterna vocati. Interl.

31. *Nolite ergo solliciti esse dicentes, quid manducabimus, aut quid bibemus, aut quo operiemur:*] Id est talium cura nolite impediri quo minus cœlestibus insuderis. Glos.

32. *Hæc omnia gentes inquirunt.*] Qui de futuris curam non habent nec Dei prouidentiam credunt.

33. *Quærite ergo primum regnum Dei.*] Regnum quærere, est iustitiam operibus implere, vt Deus glorificetur, & nos ei per omnia placeamus. De hoc solliciti estote. Dicit primum quia cætera non vetat quærere: sed ita quærere vt eorum sollicitudo à Dei regno quærendo nos non auertat: Quærere autem secundo loco id est propter regnum Dei non vetuit, sed docuit in oratione dominica; & primum dignitate non tēpore ait Aug. Regnum Dei vitam
beam

beatam, gratiam Dei, & iustitiam eius & mandatorum observantiam vocat Eutym. & Autor Imperf.

Et hæc omnia adiicientur vobis.] Etiam non querentibus ; quia intentionem æternorum hæc comitantur.

34. *Nolite ergo solliciti esse in crastinum.]* Q. d. volatilia cœli & lilia agri sollicita non sunt, & tamen Deus pascit & vestit ea, non ergo vos, qui filij eius estis debetis esse solliciti.

Crastinus enim dies, sollicitus erit sibi ipsi.] De iis quæ ad ipsum pertinent. q. d. satis vobis sollicitudinis secum afferet, ait Hier.

Sufficit diei malitia sua.] Sollicitudo vexatio afflictio quam affert. Vel necessitatem vocat malitiam ; quia pœnalis est nobis ; pertinet enim ad mortalitatem quam peccando meruimus ex Aug.

C A P V T V I I.

Non temere iudicandum, nec margaritas mittendas ante porcos.

1. **N***olite iudicare.]* Quia superiore capite prohibuerat temporalium rerum sollicitudinem, nunc eos qui de eis solliciti non sunt admonet ne male iudicent de iis qui eas querunt cum bene & male queri possint. Ex Aug. Vel hæc iungenda sunt cum verbis capitis 5. Estote perfecti, quia in Evangelistis non est querenda connexio rerum, & res non eo ordine scribere voluerunt quo factæ vel dictæ sunt à Christo, ut notat Mald.

Iuda

SECUNDVM MATTH. CAP. VII. 89

Iudicare.] De iudicijs & promissis Dei ex Hilar. can. 5. Vel seueri esse in proximos, & iniurias acceptas animo retinere, sic Autor Imperf. vel alios temere seu maligne condemnare. vel curiose in alienos mores inquirere. Non prohibet autem qui publicam habent de alijs potestatem iudicandi, neque de apertis iudicare: neque de dubijs, modo non ultra quam ducunt iudicia iudicemus. De alijs quæ bene & male interpretari possunt prohibet male iudicare. Ex Basil. & Aug. & Beda.

Vt non indicemini.] Ab hominibus vel potius à Deo ex Chry. hom. 14. & Aug. de serm. Dom. 1.2.

Nolite condemnare, & non condemnabimini.] In Græco hæc verba non leguntur sed Lucas habet, plus enim est quam iudicare, quia iudicium antecedit condemnationem.

Dices persona sum priuata, quomodo possum alium condemnare? Damnas quantum in te est, idest æterna aut temporali pœna dignum iudicas quod Christus verat. Luc. 7. Mat. 9. 1. Cor. 4.

2. *In quo enim iudicio iudicaueritis, iudicabimini.*] Qua curiositate, seueritate & temeritate iudicaueris: eadem de te Deus iudicabit, seu causa erit vt de te iudicet ex Chryf.

In qua enim mensura mensi fueritis remetietur vobis.] Iuxta mensuram culpæ erit mensura pœnæ et si æternæ. Idest secundum proportionem operis vestri ad alios erit proportio vestræ mercedis. Lucas videtur dicere non eadem sed maiore mensura remetiendum; quod etiam verum est si rem datam spectes, gloriam scilicet vel pœnam æternam. dicendum etiam hanc & plerumque

pleraque alias esse parabolicas sententias ex Aug. Epist. 48. & l. 21, de ciuit. c. 11.

3. 4. 5. *Quid autem vides festucam in oculo fratris tui, & trabem in oculo tuo non vides?*] Hic ostendit proximum non esse temere arguendum. hoc autem contingit, quando ille qui arguit est in consimilibus culpis, vel maioribus: quia talis correctio non procedit à charitate sed ex præsumptione, quia ordo charitatis incipit à seipso. Si crimina arguentis sunt publica peccat peccato præsumptionis & scandali: si occulta peccat primo modo tantum. Si tamen ille qui arguit primo poeniteat & postea fratrem humiliter arguat, non peccat.

6. *Nolite dare sanctum canibus: neque mittatis margaritas vestras ante porcos.*] Quidam hæc connectunt cum verbis c. 5. *diligite inimicos*: alij verbis præcedentibus: *eijce prius trabem*, admonens nunc ne proijciant margaritas, idest, ne ubi nulla est spes emendationis, correctionem adhibeant. Alij simplicitatem docuisse, nunc prudentiam: Alij dicunt partem esse sermonis ad Apostolos habiti, quia ad eos referuntur qui alios docturi sunt. Ita Aug. Vel res à Matth. recitari non quo ordine dictæ sunt à Christo, sed quo in mentem sibi veniebant. Eadem autem res dicitur Sanctum & Margarita, nempe Sacramenta & Euangelium. Sanctum quia non debet corrumpi: Margarita quia non debet conterni. Canes sunt qui ad vomitum reuersi: porci, infideles nondum conuersi vel carnales Christiani. duo genera hominum siue fidelium, siue infidelium notat, quibus non sunt tradenda mysteria, eos qui tantum contemnunt vt canes, nihil inter sanctum &

SECUNDVM MATTH. CAP. VII. 91
& profanum discernentes, & eos qui non solum contemnunt, sed insuper irritantur & magis nocent vt porci. denique non vult animalibus hominibus myſteria proijci qui non percipiunt ea quæ ſunt Spiritus Dei.

Ne forte conculcent eas pedibus ſuis & conuerſi diſrumpant vos.] Porci conculcant quæ dicuntur: canes autem conuerſi lacerant vos quod fecerunt Philoſophi cum audirent Chriſtum Crucifixum, dilacerant ratiocinando impoſſibile eſſe cauillantes.

7. 8. *Petite, & dabitur vobis, quarite & inuenietis, pulſate & aperietur vobis. Omnis enim qui petit, accipit.]* Hoc cum oratione Dominica coniungit ſanctus Lucas c. 11. S. Aug. l. 2. de ſerm. Dom. hunc ſenſum eſſe ait. Si feceritis quæ huc uſque dixi: petite & accipietis vt 1. Ioan. 1. Vel oſtendit quomodo quæ difficilia dixerat, teneri poſſint, ex Chry. Non omnis tamẽ qui petit accipit, ſed qui ita petit vt debet. 1. non accipimus cum mala, aut cum non mala, ſed in malum finem petimus. 2. cum mali aut indigni ſumus, aut cum nulla, aut vacillante fide petimus. 3. quando maius impeditur bonum. 4. quia vult Deus vt ſæpius petamus. Luc 11. 5. vt meliora quam petimus accipiamus. ex Aug. l. 2. de ſerm. Dom.

9. 10. *Quis eſt ex vobis homo quem ſi petierit filius ſuus panem nũquid lapidem porrigit ei, aut ſi piſcem petierit, numquid ſerpentem porriget ei.]* Oſtendit nõ ſolum Deum opem laturum eſſe, ſed etiam bona daturum, panem non lapidem, piſcem non ſerpentem: & docet frequenter & vtilia petere, ſpiritualia non carnalia ex Chryſoſt. Hom. 24.

92 MANVALE IN EVANGELIUM

11. *Si ergo vos cum sitis mali.*] Non natura, sed cum Deo comparati, vel malis, i. peccatores, ex Hier. & Chryl.

Nostis bona data dare filiis vestris.] Id est consuevistis dona dare.

Quanto magis Pater vester qui in caelis est, dabit bona petentibus se.] Conferi Patrem cœlestem terreno, Deum homini, bonitatem malitiae.

12. *Omnia ergo quaecumque vultis ut faciant vobis homines, & vos facite illis.*] Breuem ad virtutem viam ostendit: si vis beneficia accipere, bene fac; si diligi ab inimicis, inimicos dilige. horum connexio est cum verbis c. 5. qui petit à te, da ei.

Hac est lex & Propheta.] Id docent: & ferme lex naturalis precipit.

13. *Intrate per angustam portam, quia lata porta & spatiosa via est qua ducit ad perditionem.*] Hæc coniungenda cum ijs quæ de beatitudinibus dicta sunt c. 5. Hæc enim angusta porta præceptorum Luc. 13. Hoc Christi iugum durum carnalibus, leue spiritualibus.

14. *Quam angusta porta & arcta via est qua ducit ad vitam, & pauci sunt qui inveniunt eam.*] In Græco est ὅτι quoniam angusta: estque Hebraismus, vt Ps. 8. quam admirabile. Porta præceptorum ingressus in regnum cœlorum, per angustam portam poenitentiae, ieiunium, abstinentiam, vigilias, actus virtutum, humilitatem, obedientiam, inimicorum dilectionem. An non angusta via est nec ad dexteram, nec ad sinistram diuertere, concupiscentias frænare, passiones superare, aduersanti benefacere. Denique angusta porta Christus qui dicit: ego
sum

SECUNDVM MATTH. CAP. VII. 93

sum ostium, per hanc intrare est Christi vestigia imitari: Vel lex Evangelica quæ tanto angustior, quanto perfectior est.

15. *Attendite à falsis Prophetis, qui veniunt ad vos in vestimentis ovium.*] Veniunt sponte sua non missi à Deo vt Ierem. 23. Vestimenta vocat quicquid extrinsecus apparet verba, opera, elemosynas, & omnia officia simulata charitatis & sanctitatis. *Ovium* dixit, quia solent pastores ovinis vestiri pellibus non lupinis. Falsi Prophetæ sunt hypocritæ, falsi doctores, hæretici.

16. *A fructibus eorum cognoscetis eos. Nunquid colligunt de spinis uvas aut de tribulis ficos?*] Cum necesse sit eos cognoscere, & certum signum dari non potest: dat probabile indicium ex operibus.

17. 18. *Sic omnis arbor bona bonos fructus facit: mala autem arbor malos fructus facit. Non potest autem arbor bona malos fructus facere.*] Arbor est fides vel voluntas, vel homo bonam aut malam habens fidem, fides autem, natura sua, neque mala bonos, neque bona malos fructus facit, quamuis ex hominum malitia plerumque contrarium accidat.

Dices quomodo arborem ex fructibus cognoscam? Respondetur Christum non certum indicium sed probabile signum tradere, & docere non posse falsos Prophetas qui simulatione sanctitatis falsam doctrinam docent diu ferre personam fictam: & sub ovina pelle latere quin appareat lupo qui sub ea latitat.

19. *Omnis arbor qua non facit fructum bonum excidetur.*] In morte, vel à numero fidelium
sepa

94 MANVALE IN EVANGELIUM

separabitur & in ignem mittetur gehennæ, & sic apparebit & cognoscetur à fructibus.

21. *Non omnis qui dicit mihi Domine Domine, intrabit in regnum cælorum.*] Quasi dicat non itur in cælum dictis sed factis, ex Hiero. & Theoph. fides enim sine operibus nihil profutura, nec falsis Prophetis qui de Christo ita loquuntur ac si in illum crederent, dicentes more Iudæorum Domine Domine, vt c. 25.

Sed qui facit voluntatem Patris mei qui in cælis est, ipse intrabit in regnum cælorum.] Hinc colligitur eandem esse Patris & filij voluntatem. & quod se quasi Patris legatum gerat propterea sæpe dicit voluntatem Patris non meam. ex Chry.

22. *In illa die multi dicent mihi Domine Domine nonne in nomine tuo prophetauimus & virtutes multas fecimus.*] Ex his ostendit se esse iudicem ex Chry. & probationem sanctitatis non esse signa facere sed proximum vt se diligere: de Deo vera, de proximo meliora quam de se sentire, ex Greg. Nota tamen raro fieri miracula per malos, nunquam vero ad probandam fidem eorum qui faciunt, sed eorum qui veram fidem habent, ex Num. 14. patet de Balaam, qui non suam sed populi Dei fidem confirmauit.

23. *Et tunc confitebor illis quia non noui vos.*] In illa die iudicij iurabo Amen Amen, nescio vos. In nullo approbaui vos: omnes enim cognoscit sed non omnes approbat. Orig. in c. 8. ad Rom.

24. *Vsque ad 28. Omnis ergo qui audit verba mea hæc, & facit ea, assimilabitur viro sapienti qui adificauit domum suam supra petram, &c.*]

Hæc

SECUNDVM MATTH. CAP. VIII. 95

Hæc verba intelliguntur de ijs quæ dicta sunt tribus capitibus superioribus, vel generaliter de omnibus Christi verbis. Ædificare autem est in Christum credere: huius ædificij duplex fundamentum: arena, fides sola sine operibus, petra bona opera.

28. *Et factum est cum consummasset Iesus verba hac, admirabantur turba super doctrina.*] Forte intelligitur turba discipulorum ex quibus duodecim elegerat, ex Aug. l. de cons. Euang c. 19.

C A P V T VIII.

Leprosus sanat, puerum Centurionis & socrum Petri.

1. **C**VM autem descendisset Iesus de monte, secuta sunt eum turba multa.] Aliæ à prædictis, ex Glos. Omnia quæ tribus superioribus capitibus dicta sunt in monte à Christo tradita esse putat Hier. & Chry. Hom. 26. non ita esse diximus cap. 6. 1. ex aliorum sententia.

2. *Et ecce leprosus veniens adorabat eum dicens: Domine si vis potes me mundare.*] Videtur hoc miraculum quo doctrinam confirmat, factum esse statim vt Christus descendit de monte: hæc vim habet Ecce. & miracula quæ Marcus c. 1. & Luc. c. 5. an prius an post facta fuerint incertum est. Ægroti autem non illi sunt oblati in morte, ne eius concio impediretur, ex Chry. Ho. 27. & Leont. Leprosus reuerentiam exhibebat se inclinans, genua flectens, cadens in faciem Luc. 5. adorabat vt Deum, actu religionis nō urbanitatis, quia dixit *Domine si vis, potes me mundare, nō autem*

autem dixit, si Patrem oraveris ut Chry. Hom. 26. & Theoph.

3. *Et extendens Iesus manum tetigit eum dicens: volo, mundare; & confestim mūdatus est lepra eius.*] Extendit manum unitæ deitatis organum, ut ostenderet carnem suam propter hanc conjunctionem cum diuinitate vim salutiferam, & viuificam habere, ex Cyril. vel diuinæ naturæ quam habebat veritatem, ex Amb. l. 5. in Luc. Vel se veteri legi non esse adstrictum quæ prohibebat lepram tangere; vel periculum contaminandi se non timere qui curandi causa tangebat, ex Tertul. l. cont. Marcion. c. 4. Eodem modo non prohibemur agere cum hæreticis ne eos conuertamus sed ne ipsi peruertamur. *volo* dicit propter Photinum, imperat propter Arium, tangit propter Manichæum. ex Amb. l. 5. in Luc. & diuinitatem probat ex Tertul. 64. cont. Marc. & Athan. l. de communi essentia Patris, Filij & Spiritus Sancti.

4. *Et ait illi Iesus: vide nemini dixeris, sed vade, ostende te sacerdoti & offer munus quod præcepit Moyses in testimonium illis.*] Prohibet dicere quia non erat necesse ut sermone iactaret quod sermone præferebat. Interl. Vel ne gloriam suam quærere videretur, ex Amb. Vel ut salus hæc nō offerretur sed quæreretur ab alijs. Vel omnino non vetuit, sed ne diceret antequam se ostenderet sacerdotibus, ne si sacerdotes cognouissent, vulgata fama, calumniarentur non esse mundatum cuius mundities non esset comprobata ipsorum iudicio: aut ne, si se sacerdoti non ostendisset, extra ciuitatem manere cogeretur. Vel ut humilitatem suam doceret: aut ut inexcusabiles essent sacerdotes si in ipsum non

non crederent cuius miracula comprobassent. Ex Hier. & Beda. Nec enim dicere poterunt, non vere fuisse curatum, pro cuius cognita & approbata curatione munus acceperint: ut illi qui mihi aduersantur primi meorum miraculorum testes sint. Ideo dixit *in testimonium illis*. curationem scilicet non ex Sacerdotibus, sed ex Deo profectam esse. Ex Hil. Tert. Chrys. & Amb, locis s. d.

5. 6. 7. *Cum autem introisset Capharnaum, accessit ad eum Centurio rogans eum & dicens: Domine puer meus iacet in domo paralyticus & male torquetur: Et ait illi Iesus: Ego veniam & curabo eum.*] Hoc miraculum factum est continuo sanato leproso: nec diuersum est ab eo quod scribit Luc. c. 7. Quod autem Matthæus Centurionem accessisse: Lucas seniores Iudæorum misisse dicat; responderetur vtrumque factum esse, & principio seniores Iudæorum, & postea amicos suos, cum audisset Christum aduētare, misisse ad eum: Quod Lucas, & ad extremum ingrauescente morbo ipsum etiam accessisse, quod Matthæus exprimit. Ex Chrys. Hom. 27. Alij per alios non per se accessisse, ut Aug. Ad id autem quod seniores rogant ut veniat, apud Lucam, hic ne veniat, dicendum id apud Lucam seniores Iudæorum de suo addidisse: nam patet Centurionē non dixisse illis ut rogarent Christū ad se venire, ex verbis, Domine noli vexari. Vnus ergo Euangelista quod Centurio mandasset, alter quod Iudæi dixisset exposuit. Verba autem *non sum dignus* à Iudæis non dicta fuisse, sed ab aulicis Centurionis, qui ut erant fideles, iisdem ut acceperant verbis recitauerunt. Ita credit Chrys.

E

8. Et

98 MANVALE IN EVANGELIUM

8. *Et respondens Centurio ait : Domine non sum dignus ut intres sub tectum meum, sed tantum dic verbo, & sanabitur puer meus.]* Non quia Gentilis, & domum meam ingredi Iudæo non liceat, sed quia peccator sum, sic Beda. Impera vnico verbo, credibile est Centurionem auduisse quo modo Christus leprosum vnico verbo curauisset : Volo, mundare ; indeque tantam fidem accepisse. Ex Leont.

9. *Nam & ego homo sum sub potestate constitutus habens sub me milites, & dico huic vade & vadit.]* Q.d. si ego homo cum sim sub potestate Imperatoris constitutus, tamen quia sub me milites habeo, dico huic vade & vadit, quanto magis tu qui sub nullius es potestate, poteris solo tuo imperio curare seruum meum? Idest per alios, vt per Angelos facere quod per te facere potes. Vidit latentem diuinitatem vt notat Hier.

10 *Audiens autem Iesus miratus est, & sequentibus se dixit: Amen dico vobis non inueni tantam fidem in Israel.]* Miratur non propter nouam cognitionem, sed propter nouā experientiam: nam non reuera miratus est cum admiratio ex ignoratione procedat, sed quia ad modum mirantis loquutus est: vel composito vultu in modum mirantis. Ex Aug. l. i. cont. aduers. legis & proph. cap. 7. Sicut irasci Deus dicitur, non quod reuera irascatur sed quod puniat, quod homines irati facere solēt. Miratur ergo nobis mirandum esse significans. Attende quantū sit aut quale quod miratur Deus ait Orig. dicens: *Non inueni tantam fidem in Israel, ex quo cœpi prædicare & facere miracula : De præsentibus loquitur non de Patriarchis & Prophetis.* Certè

SECUNDVM MATT. CAP. VIII. 99

in beata Virgine fuisse maiorem, in Apostolis, cum sæpe incredulitatem illorum reprehēdat, quia Apostoli Iudæi erant, Centurio vero Gentilis. Vel sit comparatio non cum Apostolorū, sed cum populi fide.

11. *Dico autem vobis quod multi ab Oriente, & ab Occidente venient & recumbēt cum Abraham, Isaac, & Iacob in regno cælorum.*] Per duas præcipuas partes terræ, remotiores aliæ significantur scilicet Gentiles ex omnibus finibus mundi veniēt. Non dicit omnes vt notat Aug. de verb. Dom. Electi per singulas generationes pauci, simul vero congregati multi vt notat Orig. Ante vocationem Gentium ad fidem non licebat cū Iudæo mēse accumbere. Tres autem præcipuos quibuscum recūbent nominat; quia illorū Deus vocabatur: Et quia promissio terræ illis facta erat per quā cœlestis hæreditas significabatur. Et quia fides in illis eluxit. Ex Hier.

12. *Fili; autem regni eiicientur in tenebras exteriores; ibi erit fletus & stridor dentium.*] Iudæos intelligit in quibus Deus antea regnabat, vel quibus regnum cælorū promissum erat, qui in eius aliquando erant possessione Ex Chryl. Vel est Hebraismus, filii Regni, id est ad regnū nati, vt filius mortis ad mortē destinatus. Dicuntur eo modo sicut qui sine veste nuptiali inuentus est eiici in tenebras exteriores, in infernū, quia à Deo vero lumine dānati discedunt: vel quod locus ille luce careat, quia etsi verus sit ibi ignis calidus, non lucidus est. Aug Exteriores tenebras ait esse extremam cæcitatem, & quæ ultra sanari non possit, in quam omnes damnati mittuntur, quia nullam in inferno possunt agere pœnitentiam; Exteriores autem appel-

lat, non omnes quæ in inferno sunt, sed eas in quas dicuntur eiiciendi esse Iudæi, id est omnium grauissimas pœnas. Vel exteriores dixit, id est quæ extra regnum vel quæ à luce longè sunt. Solebant conuiuia in nocte fieri, multis accensis tædis & lampadibus. Itaque qui in cœnaculo erant, in magno erant lumine, qui extra, in magnis versabantur tenebris. Ideo qui de regno cœlorum tanquam ex conuiuio excluduntur, in tenebras exteriores eiici dicuntur, quia quicquid tunc extra regnum cœlorum erit, si cum eo comparetur erit tenebræ. sic per metaphoram fletus & stridoris describit pœnas intolerabiles caloris & frigoris, vel per vnā & eandem rem significauit maximam vim tormentorum, quia vtrumque faciunt qui multum torquentur & flent & dentibus strident. Et probabilius est verum ibi futurum fletum & stridorem quam metaphoricum. Ex Hier.

13. *Et dixit Iesus Centurioni: vade & sicut credidisti fiat tibi: Et sanatus est puer in illa hora.*] Imo eodem momento quo Christus hæc verba protulit, vel quo Centurio ea audiuit. *Vade*, Hebraismus est hominis concedentis quod rogatur; q. d. ab hac tua sollicitudine & timore recede, & securus esto. Indicat per fidem meruisse, & fidem vnius alteri prodesse: nam seruus Centurionis aut fidem non habebat, aut si habebat, non propter suam sed propter fidem Centurionis sanatus est. Ita Cyr. Catech. 5. Chrysoft. Hom. 28. Ambr. l. 5. in Luc.

14. *Et cum venisset Iesus in domum Petri, vidit socrum iacentem & febricitantem.*] Hoc accidit

accidit simul atque Christus in synagoga Capharnaum cōcionem illam habuisset propter quam miratæ sunt turbæ, Marc. 1. Et postquam dæmonium illud eiecisset, de quo Mar. 2. & Luc. 5. Ex Chrýs. Solebat autem Christus diuertere ad domos familiarium & amicorum ad quiescendum atque viuendum. Hæc vero domus Pētri erat in Bethsaïda, non in Capharnaum quæ vicinissima erat, ita vt Christus exiens ex synagoga Capharnaum Bethsaïdam pransum ire potuerit. At quomodo Petrus domum habebat, quia omnia reliquerat? Respondetur domum Petri vocari non quia tunc erat, sed quia aliquando Petri fuerat; quam credibile est vxori & socrui suæ reliquisse quia pauperes erant. Et nisi fortassis ipsorum erat, Petri tamen vocabatur quia Petrus in ea habitabat, antequam esset Apostolus: sed quia Mar. 1. dicitur domus Simonis & Andreæ, forte neutrius erat sed patris ipsorum. Quæ eorum domus dicitur; sicut domus parentum dicitur domus filiorum: sicque hæreticum sapis dicere quod ad sua redierat post Euangelij prædicationem. Ex Mald.

15. *Et tetigit manum eius & dimisit eam febris, & surrexit & ministrabat eis.*] Non semper solo verbo curat vt lateat: hanc tetigit vt apprehenderet manum eius & leuaret. Ex Marco. Quod diuina virtute factum est: nam licet à febribus virtute naturæ possit homo curari, non tamen ita subito vt possit consueta opera facere.

16. *Vespere autem facto obtulerunt ei multos damonia habentes, & eiiciebat spiritus verbo, &*

omnes male habentes curavit.] Sibi oblatos qui in eadem villa detinebantur variis languoribus.

17. *Vt adimpleretur quod dictum est per Isaiam Prophetam dicentem : ipse infirmitates nostras accepit & agrotationes nostras portavit.] Non ut sibi haberet sed ut à nobis auferret : infirmitates quidem accepit quantum ad illos defectus quos assumpsit in propria persona : Agrotationes vero quantum ad illos defectus humanæ naturæ quos patienter supportavit & potenter curavit, non tamen in propria persona assumpsit.*

18. *Videns autem Iesus turbas multas circum se, iussit ire trans fretum.] Idest mare Galilææ quod iuxta Capharnaum decurrebat, nimirum quia tota ciuitas erat ad ianuam, ne se sequeretur fugit, ostendens nihil faciendum ad ostentationem. Ex Chrysost. non sequenti die quo socrus Petri sanata est, quod die Lucas & Marcus eum in desertum exiisse affirmant, alio ergo die eum iussisse ire trans fretum, notat Lyr.*

19. 20. *Et accedens unus Scriba ait illi : Magister sequar te quocumque ieris. Et dicit ei Iesus : vulpes foveas habent & volucres cœli nidos; filius autem hominis non habet ubi caput suum reclinet.] Hunc Scribam volentem eius esse discipulus aspere reiicit, quia cognoscebat eum fictè accedere, nec tam perfectionis quam causa lucri aut gloriæ. Ideoque proposita paupertate terret ut filios Zebedæi proposita crucis ignominia. Se filium hominis, id est hominem vocat, ut ostenderet se eum esse quem Prophetæ prædixerant Adami filium. Ex Greg. Nazian.*

Nazian. orat. 4. Alij vt incarnationis beneficium patefaceret. Ex Aug. alij non honoris, sed abiectiois causa, vt Plal. 21.

21. *Alius autem de discipulis eius ait illi: Domine permitte me primum ire & sepelire patrem meum.*] Huic prius dixerat sequere me. Ex Luca. ideo petit veniam prius reperendi patrem: non quod iam defunctus esset, quia hoc ei negatum fore non esset, cum sit opus pietatis, sed quod discipulus iste tenebatur carnali amore parentum, cum quibus voluit vique ad mortem permanere, eisque sepultis Christo adherere. Mortuum fuisse putat Chry. vt doceat cum à Deo vocamur ne vnus quidem diei aut horæ moram etiam pietatis causa ad sepeliendum Patrem esse interponendam quo minus statim vocantem sequamur, nullam esse maiorem pietatem quam ipsum sequi.

22. *Iesus autem ait illi: sequere me & dimitte mortuos sepelire mortuos suos.*] Mortuos, idest infideles, vel omnes peccatores qui non de Christo sed de rebus mundi cogitant, mortuos corpore sepelire. Ex Aug. Vel suos, id est suum quemque patrem suum filium. Inter fidelem filium & patrem infidelem ius paterni nominis relinqui admonuit vt notat Hilar.

23. *Et ascendente eo in nauiculam secuti sunt eum discipuli eius.*] In diuersa loca cum miranda fecisset in terra, similia factururus transit ad mare, vt se terræ & maris dominum ostenderet ex Orig.

24. *Et ecce motus magnus factus est in mari, itaut nauicula operiretur fluctibus, ipse vero*

dormiebat.] Mare vocat stagnum seu lacum Genezareth. Hic tria non inconsulto facta. 1. quod Christus solus cum discipulis nauem conscendit Luc. 8. ut liberior argueret eorum diffidentiam 2. quod tempestas exorta sit non ex se, sed Christi imperio ut suos probaret. 3. quod dormiens etsi naturali somno, tamen ut eo dormiente tempestas oriretur ut Apostolos suscitare faceret, & rogare.

25. 26. *Et accesserunt ad eum discipuli eius, & suscitauerunt eum dicentes: Domine salua nos, perimus. Et dicit eis Iesus: quid timidi estis modice fidei. Tunc surgens imperauit ventis & mari, & facta est tranquillitas magna.*] Sic Deus ostenditur, sentiunt omnes creaturæ creatorem; & quæ apud nos insensibilia, illi sunt sensibilia. Ex Hier. Sic tempestati & ventis loquitur ac si spiritibus malis loqueretur: nam eos increpauit, quia morbi & tempestates sæpe per malos spiritus immittuntur Psalm. 77. Iob. 1. Dormit ut homo, imperat ut Deus.

27. *Porro homines mirati sunt dicentes: qualis est hic quia venti & mare obediunt ei.*] Nauæ qui erant in aliis nauibus, vel discipuli qui cum eo erant mirantur.

28. *Et cum venisset trans fretum in regionem Gerasenorum occurrerunt ei duo habentes demonia, de monumentis exeuntes sæui nimis.*] Marcus & Lucas vnum referunt, cum scilicet qui clarior & famosior, & pro cuius salute regio illa erat magis sollicita. Ex Aug. lib. 2. de consen. Euang. cap. 24. Vel quod alter sæuior esset, quippe qui ab integra legione

SECUNDVM MATTH. CAP. VIII. 105
gione dæmonum vexaretur, ex Chry. In mo-
numentis habitabant, quia volebant impone-
re falsum dogma, animas scilicet morientium
dæmones fieri ex Chry. Vt & dæmoniaci cla-
mant, vt decipiant audientes, anima illius ego
sum. Alij dæmones eos quos torquebant pu-
tant in sepulchris, ideo habitare coëgisse vt
magis horrore loci & fœtore vexarent. Alij vt
odio generis humani mortuorum corporibus
illudant: ideo Ecclesia prouidit cruces & aquā
benedictam apponi sepulchris. Vel quod ne-
mo hunc dæmoniacum propter sæuitiam in
domo recipere vellet, ideo in sepulchris mora-
batur quæ quasi cauernæ erant.

29. *Et ecce clamauerunt dicentes: Quid nobis
& tibi Iesu fili Dei?* Nihil commune dæmonum
malitiæ & gratiæ Christi, alios prætereuntes
lædimus, te non attingimus, sed veneramur,
sed adoramus, Dominum confitemur. Ex hoc
colligitur dæmones non certa scientia, sed
probabili coniectura Dominum cognouisse: si
enim certo cognouissent conati fuissent mor-
tem eius impedire. Ad hoc tamen dicendum,
antequam prædicare inciperet non fuisse a
dæmonibus cognitum an filius Dei & verus
Messias esset, quia si cognouissent non eum
tentassent. Post tentationem verò certò co-
gnouisse Mar. 1. Luc. 4. Mysterium tamen mor-
tis credibile est non cognouisse, quia si cogno-
uissent nunquam Iudam ad prodicionem in-
citassent. Credibile est dæmonem impeditum
fuisse quo minus multa de Christo cognosce-
ret, quæ non impeditus, natura sua facile co-
gnouisset, ex D. Th.

Venisti hic nunc tempus torquere nos.] In hunc
E. s. mun

mundum, vel in hanc regionem: venisti ante tempus iudicii: non quia ante diem iudicii non torqueantur, cum suum ubique portent supplicium, sed quia post diem iudicii magis punientur. Sed quæstio an iudicii diem noverint. S. August. putat dæmones existimasse cum Christum viderent, iudicii diem quem nondum expectabant instare, sed dubium non est ignorasse; nec mirum cum boni Angeli ignorent. At quo modo torquebantur: nimirum quia inuiti ex obsessis corporibus expellebantur: Nec incredibile est Christum aliquem eis cruciatum ut exirent addidisse.

31. *Dæmones autem rogabant eum dicentes, si eijcis nos hinc, mitte nos in gregem porcorum.* Hoc rogant ut homines huius ciuitatis affecti damno Christum non reciperent. Hoc autem concessit Christus ut ea vexatione eius ciuitatis incolas ad salutem adduceret. Ex Theoph. Vel ut Iudæos illos qui contra legem porcis utebantur, porcorum iactura puniret. Vel ut qui liberati fuerant, melius agnoscerent magnitudinem beneficii, videntes quanta dæmonum multitudine liberati essent ex Chrys. Vel ut agnosceremus dæmones nullam habere potestatem, ne quidem in porcos nisi Domino permittente. Vel ut liberati intelligerent quanta passi fuissent, nisi à Deo seruati fuissent videntes porcos, mox ut obsessi fuerant in mare præcipitados. Vel ut appareret quanta ex vno homine dæmonum multitudo eieccta fuisset ait Chry.

32. *Et ait illis: ite. Et illi exeuntes abierunt in porcos. Et ecce impetu magno abiit totus grex per præceptum in mare: et mortui sunt in aquis.*
Pastores:

SECUNDVM MATTH. CAP. IX. 107.

Pastores autem fugerunt: & venientes in ciuitatem nuntiauerunt hæc omnia, & de his qui demonia habuerant. Et ecce tota ciuitas exiit obuiam Iesu: & viso eo rogabant eum ut transiret à finibus eorū.] Ex humilitate hoc faciūt indignos se iudicantes Christi præsentia vt Petrus. Exi à me Domine. Ex Hier. Vel ex timore ne alios etiam dæmones ab hominibus eiectiones in ipsorum greges immitteret. Quanta autem Christi mansuetudo qui non restitit sed recessit dans eis doctores liberatos & porcorum pastores ait Chry.

C A P V T I X.

Curat egros, docet inscios.

1. **E**T ascendens Iesus in nauiculam transfreta-
uit & venit in ciuitatē suam.] Marcus c. 2.
& Lucas c. 5. qui hæc narrant prius quam quæ
superiore capite dicta sunt. ordinem temporis
non seruauerunt, vt alibi sæpe. Per ciuitatem
suam Bethleem in qua natus est, vel Nazareth
in qua educatus, vel melius Capharnaum in
qua frequēter commoratus, aut quia Galilææ
erat metropolis cui subiecta erat Nazareth
intelligit ex Lyr.

2. Et ecce offerebant ei paralyticum iacentem
in lecto, & videns Iesus fidem illorum dixit paraly-
tico: confide Fili, remittuntur tibi peccata tua.]
Quia ingredi non valebant & præ multitudi-
ne eorum qui confluxerant in domum vbi
Christus erat, ij qui cum gestabant, cum etiam
ingredi non possent ex lecto demiserūt Mar. 2.

Et Luc. 5. Quorum fidem videns ex Chry. Hier. & Chry. vel forte paralytici. Spera inquit te adepturum plus etiam quam optas corporis scilicet & animæ sanitatem, in quo se Deum esse innuit. Et prius fortasse dimittit peccata ut ablatis causis morbi, sanitas restituatur. Ex Eutym. vel ut doceret quid prius paralyticus petere debuerat. fidem autem potius quam caritatem in iustificatione paralytici nominat, non quia dignitate aut efficacitate maior, sed quia ordine naturali prior est. Quare ex hoc loco male contendunt hæretici hominem iustificari sola fide.

3. *Et ecce quidam de scribis dixerunt intra se: hic blasphematur.*] Non inter se, sed intra se murmurantes cogitabant Christum blasphemare usurpando quod soli Deo convenit scilicet peccata remittere. Isa. 43. Mar. 2. & Luc. 5.

4. *Et cum vidisset Iesus cogitationes eorum, dixit ut quid cogitatis mala in cordibus vestris?*] Deum se esse & occultorum cognitione & operum virtute indicat. Ex Lyr.

5. *Quid est facilius dicere: dimittuntur tibi peccata tua, an dicere: surge & ambula.*] Quamquam eiusdem virtutis sit corporis & animæ vitia dimittere, inter dicere tamen & facere multa est differentia, ex Hier. Vnde ex re quæ effectu probari potest, in re quæ probari non potest, sibi fidem facit: id enim intendebat, scilicet sibi esse credendum. Quod bene probat ab eo cuius probatio erat difficilior: reuera tamen iustificatio est facta difficilior, quam totius mundi creatio aut morbi sanatio. Ex Aug. tract. in Ioan. 71.

SECUNDVM MATTH. CAP. IX. 109

6. 7. *Vt autem sciatis quia filius hominis habet potestatem dimittendi peccata in terra, tunc ait paralytico: Surge, tolle lectum tuum & vade in domum tuam. Et surrexit, & abiit in domum suam.*] Hęc verba nō sunt Matthæi sed Christi, quibus probat se Deum esse & hominem, qui peccata remittit vt homo non qualiscumque sed vt homo Deus. Non enim dixit vt sciatis quod filius Dei, sed quod filius hominis habet potestatem, & super terram. Hinc male contendunt hæretici sacerdotes non posse remittere peccata. Nam vt potestas remittendi peccata cum natura etiam humana Christi à Diuinitate communicata est; ita fuit à Christo tanquam à capite cum quibus voluit membris, id est cum sacerdotibus communicata ex Amb. l. de pœnit. iubet autem lectum tollere vt quod fuit testimonium infirmitatis, sit probatio sanitatis.

8. *Videntes autem turba, timuerunt & glorificauerunt Deum qui dedit potestatem talem hominibus.*] Admiratæ sunt. Et hæc admiratio non ex gaudio, sed ex vero timore nata, non ex odio, sed ex reuerentia & magna opinione de Christo, & iam quodammodo credentes. Interl. Ideo stuporem appellat. Luc. 5.

9. *Et cum transiret inde Iesus, vidit hominem sedentem in telonæo Matthæum nomine, & ait illi: sequere me: & surgens secutus est eum.*] Per telonæum mensam publicanorum intelligit, vbi vectigalia Cæsaris reponebantur in loco publico iuxta mare. Quod negotium vix aut numquam exerceri potest sine peccato, ex Gregor. Huic vacabat Matthæus, quem cæteri Euangelistæ propter verecundiam non appellant.

enim tunc in mœrore & in luctu, donec per Spiritum sanctum consolati ieiunium lætitiæ celebrabunt; non solum à cibis sed à terrenis omnibus abstinentes Act. 13. Alludit ad veterem morem lugendi mortuos adhibito ieiunio: solent enim qui lugent cibo abstinere.

16. 17. *Nemo autem immittit commissuram panni rudis in vestimentum vetus: tollit enim plenitudinem eius à vestimento & peior scissura fit, Neque mittunt vinum novum in vres veteres, alioquin rumpuntur vres, & vinum effunditur, & vres pereunt.*] Duobus probat exemplis se prudenter facere quod non cogat suos discipulos ieiunare, ex Hieron. & Chrys. primo panni rudis & vestimenti veteris. Secundo: vini novi & vtris veteris: quorum neutrum cum altero bene convenit. Quasi dicat nondum mei discipuli effecti sunt fortes, non sunt gravandi præceptis, ne si initio cogantur ieiunare, institutum derelinquant. Itaque discipulos suos vestimento & vtribus veteribus, genus autem vivendi austerum panno adhuc rudi, vinoque adhuc novo comparat, quasi dicat si pannus rudis vesti veteri assuatur, aut vinum novum in vres veteres mittatur, id quod vestem conservare debuit perdet, & vinum quod ut servaretur in vres missum est, effluet vres rumpendo ut servari non possit; sic nimis rigidum vitæ genus, si discipulis ut meliores fiant, adhuc infirmis & veteribus assuetis moribus, præscribatur, id ipsum quod meliores eos facere debuit; deterrendo, auerrendo, fugando, peiores faciet: sic Iudas tanquam minus idoneus ad Apostoli officium, tanquam

SECUNDVM MATTH. CAP. IX. 12
tanquam vter nimium inflatus crepuit me-
dius cum quadam ignominia Apostolatus.

18. *Hæc illo loquente ad eos, ecce princeps vnus
accessit, & adorabat eum dicens: Domine filia
mea modo defuncta est, sed veni impone manum
tuam super eam, & viuet.]* Dum cum discipulis
Ioannis loqueretur Archisynagogus nomine
Jairus qui synagogæ præsidebat, venit & ado-
rabat, non cultu latriæ, quia non credebat esse
Deum, qui penè mortuam filiam reliquerat:
nam Marcus c. 5. ait in extremis est & Luc. c. 8.
& hæc moriebatur. defunctam dixit quia forte
per familiares ita esse cognouerat. Vel vtrum-
que dixit & in extremis esse & mortuam esse,
ex Chryf. & Beda. Tantam verò virtutem cre-
didit inesse animæ Christi, vt corporali tactu
sue manus filia eius suscitaretur, vtique virtute
prece ac merito animæ Christi, ex Ians.

19. 20. *Et surgens Iesus sequebatur eum &
discipuli eius: & ecce mulier qua sanguinis fluxum
patiebatur duodecim annis, accessit retro & tetigit
fimbriam vestimenti eius.]* Pudore, humilitate,
vel quia immundus habebatur apud legem
hic fluxus seminis, ideo non libere accessit sed
occulte, ex Chryf.

21. 22. *Dicebat enim intra se: si tetigero tan-
tum vestimentum eius, salua ero. At Iesus conuer-
sus, & videns eam dixit: confide filia, fides tua te
saluam fecit, & salua facta est mulier ex illa hora.]*
Conuersus quasi ignoraret, quod ideo fecit vt
videns mulier se latere non posse, proderet se-
se, & miraculum ex eius ore cognosceretur,
eam in spem erigit; ex quo apparet eam ti-
muisse valde cum videret quæri à Christo quis
se tetigisset, quasi sacrilegium commisisset ait.
Chryf.

omnes male habentes curavit.] Sibi oblatos qui in eadem villa detinebantur variis languoribus.

17. *Vt adimpleretur quod dictum est per Isaiam Prophetam dicentem: ipse infirmitates nostras accepit & agrotationes nostras portavit.*] Non ut sibi haberet sed ut à nobis auferret: infirmitates quidem accepit quantum ad illos defectus quos assumpsit in propria persona: Agrotationes vero quantum ad illos defectus humanæ naturæ quos patienter supportavit & potenter curavit, non tamen in propria persona assumpsit.

18. *Videns autem Iesus turbas multas circum se, iussit ire trans fretum.*] Id est mare Galilææ quod iuxta Capharnaum decurrebat, nimirum quia tota ciuitas erat ad ianuam, ne se sequeretur fugit, ostendens nihil faciendum ad ostentationem. Ex Chrysoft. non sequenti die quo socrus Petri sanata est, quo die Lucas & Marcus eum in desertum exiisse affirmant, alio ergo die eum iussisse ire trans fretum, notat Lyr.

19. 20. *Et accedens unus Scriba ait illi: Magister sequar te quocumque ieris. Et dicit ei Iesus: vulpes foveas habent & volucres cœli nidos; filius autem hominis non habet ubi caput suum reclinet.*] Hunc Scribam volentem eius esse discipulus aspere reiicit, quia cognoscebat eum fictè accedere, nec tam perfectionis quam causa lucri aut gloriæ. Ideoque proposita paupertate terret ut filios Zebedæi proposita crucis ignominia. Se filium hominis, id est hominem vocat, ut ostenderet se eum esse quem Prophetæ prædixerant Adami filium. Ex Greg. Nazian.

SECUNDVM MATTH. CAP. VIII. 103
Nazian. orat. 4. Alij vt incarnationis benefi-
cium patefaceret. Ex Aug. alij non honoris,
sed abiectiōis causa, vt Psal. 21.

21. *Alius autem de discipulis eius ait illi: Domine permitte me primum ire & sepelire patrem meum.*] Huic prius dixerat sequere me. Ex Luca. ideo petit veniam prius reperendi patrem: non quod iam defunctus esset, quia hoc ei negatum forte non esset, cum sit opus pietatis, sed quod discipulus iste tenebatur carnali amore parentum, cum quibus voluit vsque ad mortem permanere, eisque sepultis Christo adhærere. Mortuum fuisse putat Chry. vt doceat cum à Deo vocamur ne vnus quidem diei aut horæ moram etiam pietatis causa ad sepeliendum Patrem esse interponendam quo minus statim vocantem sequamur, nullam esse maiorem pietatem quam ipsum sequi.

22. *Iesus autem ait illi: sequere me & dimitte mortuos sepelire mortuos suos.*] Mortuos, idest infideles, vel omnes peccatores qui non de Christo sed de rebus mundi cogitant, mortuos corpore sepelire. Ex Aug. Vel suos, id est suum quemque patrem suum filium. Inter fidelem filium & patrem infidelem ius paterni nominis relinqui admonuit vt notat Hilar.

23. *Et ascendente eo in nauiculam secuti sunt eum discipuli eius.*] In diuersa loca cum miranda fecisset in terra, similia facturus transit ad mare, vt se terræ & maris dominum ostenderet ex Orig.

24. *Et ecce motus magnus factus est in mari, itaut nauicula operiretur fluctibus, ipse vero*

dormiebat.] Mare vocat stagnum seu lacum Genezareth. Hic tria non inconsulto facta. 1. quod Christus solus cum discipulis nauem conscendit Luc. 8. vt liberius argueret eorum diffidentiam 2. quod tempestas exorta sit non ex se, sed Christi imperio vt suos probaret. 3. quod dormiens etsi naturali somno, tamen vt eo dormiente tempestas oriretur vt Apostolos suscitare faceret, & rogare.

25. 26. *Et accesserunt ad eum discipuli eius, & suscitauerunt eum dicentes: Domine salua nos, perimus. Et dicit eis Iesus: quid timidi estis modica fidei. Tunc surgens imperauit ventis & mari, & facta est tranquillitas magna.*] Sic Deus ostenditur, sentiunt omnes creaturæ creatorem; & quæ apud nos insensibilia, illi sunt sensibilia. Ex Hier. Sic tempestati & ventis loquitur ac si spiritibus malis loqueretur: nam eos increpauit, quia morbi & tempestates sæpe per malos spiritus immittuntur Psalm. 77. Iob. 1. Dormit vt homo, imperat vt Deus.

27. *Porro homines mirati sunt dicentes: qualis est hic quia venti & mare obediunt ei.*] Nau-tæ qui erant in aliis nauibus, vel discipuli qui cum eo erant mirantur.

28. *Et cum venisset trans fretum in regionem Gerasenorum occurrerunt ei duo habentes damonia, de monumentis exeuntes saui nimis.*] Marcus & Lucas vnum referunt, eum scilicet qui clarior & famosior, & pro cuius salute regio illa erat magis sollicita. Ex Aug. lib. 2. de consen. Euang. cap. 24. Vel quod alter sæuior esset, quippe qui ab integra legione

SECUNDVM MATTH. CAP. VIII. 105
gione dæmonum vexaretur, ex Chry. In mo-
numentis habitabant, quia volebant impone-
re falsum dogma, animas scilicet morientium
dæmones fieri ex Chry. Vt & dæmoniaci cla-
mant, vt decipiant audientes, anima illius ego
sum. Alij dæmones eos quos torquebant pu-
tant in sepulchris, ideo habitare coëgisse vt
magis horrore loci & fœtore vexarent. Alij vt
odio generis humani mortuorum corporibus
illudant: ideo Ecclesia prouidit cruces & aquā
benedictam apponi sepulchris. Vel quod ne-
mo hunc dæmoniacum propter sœuitiam in
domo recipere vellet, ideo in sepulchris mora-
batur quæ quasi cauernæ erant.

29. *Et ecce clamauerunt dicentes: Quid nobis
& tibi Iesu fili Dei?* Nihil commune dæmonum
malitiæ & gratiæ Christi, alios prætereuntes
lædimus, te non attingimus, sed veneramur,
sed adoramus, Dominum confitemur. Ex hoc
colligitur dæmones non certa scientia, sed
probabili coniectura Dominum cognouisse: si
enim certo cognouissent conati fuissent mor-
tem eius impedire. Ad hoc tamen dicendum,
antequam prædicare inciperet non fuisse à
dæmonibus cognitum an filius Dei & verus
Messias esset, quia si cognouissent non eum
tentassent. Post tentationem verò certò co-
gnouisse Mar. 1. Luc. 4. Mysterium tamen mor-
tis credibile est non cognouisse, quia si cogno-
uissent nunquam Iudam ad prodicionem in-
citassent. Credibile est dæmonem impeditum
fuisse quo minus multa de Christo cognosce-
ret, quæ non impeditus, natura sua facile co-
gnouisset, ex D. Th.

Venisti hic ante tempus torquere nos. In hunc
E. s. mun

mundum, vel in hanc regionem: venisti ante tempus iudicii: non quia ante diem iudicii non torqueantur, cum suum ubique portent supplicium, sed quia post diem iudicii magis punientur. Sed quæstio an iudicii diem noverint. S. August. putat dæmones existimasse: cum Christum viderent, iudicii diem quem nondum expectabant instare, sed dubium non est ignorasse; nec mirum cum boni Angeli ignorent. At quo modo torquebantur: nimirum quia inuiti ex obsessis corporibus expellebantur: Nec incredibile est Christum aliquem eis cruciatum ut exirent addidisse.

31. *Dæmones autem rogabant eum dicentes, si ejcis nos hinc, mitte nos in gregem porcorum.* Hoc rogant ut homines huius ciuitatis affecti damno Christum non reciperent. Hoc autem concessit Christus ut ea vexatione eius ciuitatis incolas ad salutem adduceret. Ex Theoph. Vel ut Iudæos illos qui contra legem porcis utebantur, porcorum iactura puniret. Vel ut qui liberati fuerant, melius agnoscerent magnitudinem beneficii, videntes quanta dæmonum multitudine liberati essent ex Chrys. Vel ut agnosceremus dæmones nullam habere potestatem, ne quidem in porcos nisi Domino permittente. Vel ut liberati intelligerent quanta passi fuissent, nisi à Deo seruati fuissent videntes porcos, mox ut obsessi fuerant in mare præcipitados. Vel ut appareret quanta ex vno homine dæmonum multitudo eieccta fuisset ait Chry.

32. *Et ait illis: ite. Et illi exeuntes abierunt in porcos. Et ecce impetu magno abiit totus grex per præceptum in mare: & mortui sunt in aquis.*
Pastores

SECUNDVM MATTH. CAP. IX. 107

Pastores autem fugerunt: & venientes in ciuitatem nuntiauerunt hac omnia, & de his qui daemones habuerant. Et ecce tota ciuitas exiit obuiam Iesu: & viso eo rogabant eum vt transiret à finibus eorū.] Ex humilitate hoc faciūt indignos se iudicantes Christi presentia vt Petrus. Exi à me Domine. Ex Hier. Vel ex timore ne alios etiam daemones ab hominibus eiectos in ipsorum greges immitteret. Quanta autem Christi mansuetudo qui non restitit sed recessit dans eis doctores liberatos & porcorum pastores ait Chry.

CAPVT IX.

Curat agros, docet inscios.

1. **E**T ascendens Iesus in nauiculam transfreta-
& venit in ciuitatē suam.] Marcus c. 2.
& Lucas c. 5. qui hæc narrant prius quam quæ
superiore capite dicta sunt. ordinem temporis
non seruauerunt, vt alibi. sæpe. Per ciuitatem
suam Bethleem in qua natus est, vel Nazareth
in qua educatus, vel melius Capharnaum in
qua frequēter commoratus, aut quia Galilææ
erat metropolis cui subiecta erat Nazareth
intelligit ex Lyr.

2. Et ecce offerebant ei paralyticum iacentem
in lecto, & videns Iesus fidem illorum dixit paraly-
tico: confide Fili, remittuntur tibi peccata tua.]
Quia ingredi non valebant & præ multitudi-
ne eorum qui confluxerant in domum vbi
Christus erat, ij qui eum gestabant, cum etiam
ingredi non possent ex lecto demiserūt Mar. 2.

Et Luc. 5. Quorum fidem videns ex Chry. Hier. & Chry. vel forte paralytici. Spera inquit te adepturum plus etiam quam optas corporis scilicet & animæ sanitatem, in quo se Deum esse innuit. Et prius fortasse dimittit peccata ut ablatis causis morbi, sanitas restituatur. Ex Eutym. vel ut doceret quid prius paralyticus petere debuerat. fidem autem potius quam caritatem in iustificatione paralytici nominat, non quia dignitate aut efficacitate maior, sed quia ordine naturali prior est. Quare ex hoc loco male contendunt hæretici hominem iustificari sola fide.

3. *Et ecce quidam de scribis dixerunt intra se: hic blasphematur.*] Non inter se, sed intra se murmurantes cogitabant Christum blasphemare usurpando quod soli Deo convenit scilicet peccata remittere. Isa. 43. Mar. 2. & Luc. 5.

4. *Et cum vidisset Iesus cogitationes eorum, dixit ut quid cogitatis mala in cordibus vestris?*] Deum se esse & occultorum cognitione & operum virtute indicat. Ex Lyr.

5. *Quid est facilius dicere: dimittuntur tibi peccata tua, an dicere: surge & ambula.*] Quamquam eiusdem virtutis sit corporis & animæ vitia dimittere, inter dicere tamen & facere multa est differentia, ex Hier. Vnde ex re quæ effectu probari potest, in re quæ probari non potest, sibi fidem facit: id enim intendebat, scilicet sibi esse credendum. Quod bene probat ab eo cuius probatio erat difficilior: reuera tamen iustificatio est facta difficilior, quam totius mundi creatio aut morbi sanatio. Ex Aug. tract. in Ioan. 71.

SECUNDVM MATTH. CAP. IX. 109

6. 7. *Vt autem sciatis quia filius hominis habet potestatem dimittendi peccata in terra, tunc ait paralytico: Surge, tolle lectum tuum & vade in domum tuam. Et surrexit, & abiit in domum suam.*] Hæc verba nō sunt Matthæi sed Christi, quibus probat se Deum esse & hominem, qui peccata remittit vt homo non qualiscumque sed vt homo Deus. Non enim dixit vt sciatis quod filius Dei, sed quod filius hominis habet potestatem, & super terram. Hinc male contendunt hæretici sacerdotes non posse remittere peccata. Nam vt potestas remittendi peccata cum natura etiam humana Christi à Diuinitate communicata est; ita fuit à Christo tanquam à capite cum quibus voluit membris, id est cum sacerdotibus communicata ex Amb. l. de pœnit. iubet autem lectum collere vt quod fuit testimonium infirmitatis, sit probatio sanitatis.

8. *Videntes autem turba, timuerunt & glorificauerunt Deum qui dedit potestatem talem hominibus.*] Admiratæ sunt. Et hæc admiratio non ex gaudio, sed ex vero timore nata, non ex odio, sed ex reuerentia & magna opinione de Christo, & iam quodammodo credentes. Interl. Ideo stuporem appellat. Luc. 5.

9. *Et cum transiret inde Iesus, vidit hominem sedentem in telonæo Matthæum nomine, & ait illi: sequere me: & surgens secutus est eum.*] Per telonæum mensam publicanorum intelligit, vbi vectigalia Cæsaris reponebantur in loco publico iuxta mare. Quod negotium vix aut numquam exerceri potest sine peccato, ex Gregor. Huic vacabat Matthæus, quem cæteri Euangelistæ propter verecundiam non appellant.

IO MANVALE IN EVANGELIUM

lant cum hoc vulgato nomine sed leui, Bino-
mius enim fuit. Ipse autem publicanum se no-
minat, ne quis de sua salute desperaret.

10. *Et factum est discumbente eo in domo: ecce multi Publicani & peccatores venientes discumbebant cum Iesu & discipulis eius.*] Hæc domus erat Matthæi, in quam ex telonæo se Christus contulerat, vbi & magnum ei conuiuium apparauit.

11. 12. *Et videntes Pharisei dicebant discipulis eius: Quare cum publicanis & peccatoribus manducat magister vester? At Iesus audiens ait: non est opus valentibus medicus, sed malè habentibus.*] Dupliciter errabant, quia & se iustos putabant cum sint superbi, & illos reos cum iam pœniteant. Valentes vocat qui gratiam non quærunt: quales Pharisei male habentes; qui pœnitendo dant locum gratiæ, quales Publicani.

13. *Euntes autem discite quid est, misericordiam volo & non sacrificium. Non enim veni vocare iustos sed peccatores.*] Ite à vituperationis temeritate q.d. Misericordiam sequimini sicut ego. Non negat autem se sacrificium velle, cum ipse instituerit, sibi que iusserit offerri, sed se malle misericordiam. Ex Eury. idest sacrificium internum quam externum. Per sacrificium autem omnis cultus externus, & per misericordiã omnia caritatis opera intelligit. Per iustos intelligit falso se iustificantes non quod ille vocare nollet ait Hil. & Chry. Sed quod illi etiã si vocati, venire nollent: quales erant Pharisei. Christus cum venit aliquos iustos inuenit, vt Zachariam, Elizabeth. B. Mariam; neminem tamen iustum inuenit, qui per se, idest sine ipso Christo iustus esset. An autem etiam propter illos

SECUNDVM MATTH. CAP. IX. 111

illos venerit? Respondet Christus se ita peccatores quærere vt si aliqui fuissent iusti, non propter eos, sed propter peccatores venturus esset. Vnde probabilius est si homines non peccassent, Christum non fuisse venturum.

14. *Tunc accesserunt ad eum discipuli Ioannis, dicentes: Quare nos, & Pharisei ieiunamus frequenter, discipuli autem tui non ieiunant?*] Lucas Phariseos accessisse ait, Matthæus solos discipulos Ioannis. Dicendum vtrosque accessisse, discipulos quidem instigantibus Phariseis ex Chrysoft. qui discipulos & ipsummet Christum arguunt intemperantiæ, in quo peccant primo quod sese suo iactant ieiunio, 2. Quod se Phariseis coniunxerunt. 3. quod discipulos & Christum arguere præsumunt, quem à Ioanne laudatum nouerant.

15. *Et ait illis Iesus: Nunquid possunt filij sponsi lugere quandiu cum illis est sponsus.*] Per filios sponsi intelligit Apostolos, quos in Ecclesia genuit Christus spiritualiter: qui ideo lugere, idest ieiunare non possunt, quia celebrationi nuptiarum repugnat ieiunium, & vt filij regni dicuntur qui sunt ex regno; ita filij nuptiarum amici & familiares qui thalamo nuptiali intersunt Amb. l. 5. in Luc. & Hier. At Ioann. Baptista ieiunauit? Verum hoc fecit vt homines alliceret ad salutem omnibus modis: singulari qualis fuit Ioannis, & cõmuni qualis fuit Christi vt c. 11. significat, venit Ioannes nec manducans, &c. Adde quod Ioannes propriè non erat filius, idest discipulus sponsi, parabat enim viam qua alij ad nuptias venirent, ipse non venit.

Venient autem dies cum auferetur ab eis sponsus & tunc ieiunabunt.] Tẽpore passionis. erunt enim

112 MANVALE IN EVANGELIVM

enim tunc in mœrore & in luctu, donec per Spiritum sanctum consolati ieiunium lætitiæ celebrabunt; non solum à cibis sed à terrenis omnibus abstinentes Act. 13. Alludit ad veterem morem lugendi mortuos adhibito ieiunio: solent enim qui lugent cibo abstinere.

16. 17. *Nemo autem immittit commissuram panni rudis in vestimentum vetus: tollit enim plenitudinem eius à vestimento & peior scissura fit, Neque mittunt vinum novum in vtres veteres, alioquin rumpuntur vtres, & vinum effunditur, & vtres pereunt.]* Duobus probat exemplis se prudenter facere quod non cogat suos discipulos ieiunare, ex Hieron. & Chrys. primo panni rudis & vestimenti veteris. Secundo: vini novi & vtris veteris: quorum neutrum cum altero bene convenit. Quasi dicat nondum mei discipuli effecti sunt fortes, non sunt gravandi præceptis, ne si initio cogantur ieiunare, institutum derelinquant. Itaque discipulos suos vestimento & vtribus veteribus, genus autem vivendi austerum panno adhuc rudi, vinoque adhuc novo comparat, quasi dicat si pannus rudis vesti veteti assuatur, aut vinum novum in vtres veteres mittatur, id quod vestem conservare debuit perdet, & vinum quod ut servaretur in vtres missum est, effluet vtres rumpendo ut servari non possit; sic nimis rigidum vitæ genus, si discipulis ut meliores fiant, adhuc infirmis & veteribus assuetis moribus, præscribatur, id ipsum quod meliores eos facere debuit; deterrendo, auertendo, fugando, peiores faciet: sic Iudas tanquam minus idoneus ad Apostoli officium, tanquam

SECUNDVM MATTH. CAP. IX. 13
tanquam vter nimium inflatus crepuit me-
dius cum quadam ignominia Apostolatus.

18. *Hæc illo loquente ad eos, ecce princeps vnus
accessit, & adorabat eum dicens: Domine filia
mea modo defuncta est, sed veni impone manum
tuam super eam, & viuet.]* Dum cum discipulis
Ioannis loqueretur Archisynagogus nomine
Jairus qui synagogæ præsidebat, venit & ado-
rabat, non cultu latriæ, quia non credebat esse
Deum, qui penè mortuam filiam reliquerat:
nam Marcus c. 5. ait in extremis est & Luc. c. 8.
& hæc moriebatur. defunctam dixit quia forte
per familiares ita esse cognouerat. Vel verum-
que dixit & in extremis esse & mortuam esse,
ex Chryl. & Beda. Tantam verò virtutem cre-
didit inesse animæ Christi, vt corporali tactu
sux manus filia eius suscitaretur, vtique virtute
prece ac merito animæ Christi, ex Ians.

19. 20. *Et surgens Iesus sequebatur eum &
discipuli eius: & ecce mulier quæ sanguinis fluxum
patiebatur duodecim annis, accessit retro & tetigit
simbriam vestimenti eius.]* Pudore, humilitate,
vel quia immundus habebatur apud legem
hic fluxus seminis, ideo non libere accessit sed
occulte, ex Chryl.

21. 22. *Dicebat enim intra se: si tetigero tan-
tum vestimentum eius, salua ero. At Iesus conuer-
sus, & videns eam dixit: confide filia, fides tua te
saluam fecit, & salua facta est mulier ex illa hora.]*
Conuersus quasi ignoraret, quod ideo fecit vt
videns mulier se latere non posse, proderet se-
se, & miraculum ex eius ore cognosceretur,
eam in spem erigit; ex quo apparet eam ti-
muisse valde cum videret quæri à Christo quis
se tetigisset, quasi sacrilegium commisisset ait.
Chryl.

Chryf. quod clam sanitatem furata esset, quod Calvinus indiscreto zelo factum esse ait, vt reliquiarum vsum improbet, cum tamen Christus eius fidem commendet. Noluit autem hoc miraculum latere ad Dei gloriam, & vt fides principis synagogæ qui Christum sequebatur confirmaretur, ex Chryf.

23. 24. *Et cum venisset Iesus in domum principis & vidisset tibicines, & turbam tumultuantem dicebat, recedite: Non est enim mortua puella sed dormit, & deridebat eum.*] Tibicines ad funus de more adhibitos lugubre carmen canentes; ex Amb. in Luc. l. 8. Iubet turbam recedere, quia indigna erat quæ miraculum videret ex Chry. Vel quia Christum deridebat dicentem non esse mortuam sed dormientem; vel quia tumultuabatur; vel melius quia volebat miraculum celari, turba autem tenere secretum nescit, propterea dixit: non est mortua puella sed dormit, vt cum postea videret eam ambulantem, non à morte sed à somno excitatam putaret, ad vitandam Phariseorum inuidiam celat, qui si minora miracula terre non poterant, multo minus, si mortuum suscitatum, audiuiſſent ex Ians. Dicit autem non esse mortuam, non quod vere mortua non esset sed non eo modo quo turba putabat, itaut ad vitam reuocari non posset: vel dicendum mortuam vobis non Deo, cui omnia viuunt, vel vt significaret paulo post esse suscitandam, vel quia mortui dormientes dicuntur in scripturis, ex Hier. & Chryf.

25. *Et cum eiecta esset turba intrauit & tenuit manum eius, & dixit: Puella surge, & surrexit puella.*] Rogatus enim fuerat à patre vt manū illi

SECUNDVM MATTH. CAP. IX. I Iſ
illi imponeret, & vt ostenderet tam facile ei
eſſe eam ſuſcitare à morte, quam à ſomno
quod manu fit, ex Chryſ. Imperat animæ vt
redeat: corpori vt reſurgat. iam enim non erat
puella ſed cadauer, & corpus exanime, iuſſit
ei dari cibum, vt probaretur vera reſurrectio
ex Chryſ.

26. *Exijt fama hac in vniuerſam terram illam.]*
Vt probaretur miraculum.

27. 28. 29 *Et tranſeunte inde Ieſu ſecuti ſunt*
eum duo cœci clamantes & dicente: miſerere noſtri
ſili David: cum autem veniſſet domum, acceſſerunt
ad eum cœci, & dixit eis Ieſus: creditis quia hoc
poſſum facere vobis? dicunt ei, utique Domine. Tunc
tetigit oculos eorum dicens: ſecundum fidem vè-
ſtram fiat vobis. Non curauit in via, vt ſecretius
domi curaret, & doceret ſe gloriam ſuam non
quærere, & vt eorum fidem exploraret, ex
Chryſ.

30. *Et aperti ſunt oculi eorum: & comminatus*
eſt illis Ieſus diſens: videte ne quis ſciat.] Ideſt vi-
derunt, nam ante aperti erant, ſed clauſi dice-
bantur quoad effectum videndi. Grauius præ-
cipit celari ad exemplum fugiendæ iactantiæ,
ex Hier. & quia Apoſtolorum erat officium
Chriſti miracula diuulgare, ex Hilar.

31. *Illi autem exeuntes diſſimauerunt eum in*
tota terra illa.] Factum miraculum & famam
Chriſti. Excusantur quia non tam vt non obē-
dirent quam vt grati eſſent fecerunt, ex Chryſ.
& credibile etiam eſt Chriſtum non ſerio ſed
modestiæ cauſa id vetuiſſe, ex Hier. & Greg.

32. *Egreſſis autem illis ecce obtulerunt ei ho-*
minem mutum & demonium habentem.] Qui
idem eſt quem Lucas deſcribit c. 11. Vox
Græca.

116 MANUALE IN EVANGELIUM

Græca *καφὸς*, etiam surdum significat. Non quod natura muti sint dæmones, sed quod delectentur mutos vel surdos homines reddere: vel quod obseruent lunæ mutationes ut homines vexent & Dei creaturam infament ex Hier.

33. 34. *Et eiecto demonio locutus est mutus, & mirata sunt turba dicentes, nunquam apparuit sic in Israel. Pharisei autem dicebant: in principe dæmoniorum eijcit dæmones.*] Opponit Phariseos non credentes & blasphemantes turbis credentibus & admirantibus. ex Chrysost. quos sic inuidia excœcauit ut dicerent Christum eijcere dæmones in virtute Belzebuth, cum dæmon dæmoni consentiat, ex Chrys.

35. 36. *Et circuibat Iesus omnes ciuitates & castella docens in synagogis eorum, & predicans Euangelium regni.*] Indifferenter prædicabat non personas discernens sed salutem credentium quærens.

37. *Tunc dicit discipulis suis: Messis quidem multa, operarij autem pauci.*] Hæc sunt capitis decimi apud multos. Messem vocat auditorum multitudinem.

38. *Rogate ergo Dominum messis ut mittat operarios in messem suam.*] Patrem intelligit quem agricolam & Dominum vocat c. 20. Quamuis ipsemet Christus sit Dominus messis, se tamen filium familias vocat qui pro patre sementem iacit, & metit, ex Chrys.

C A P V T X.

Verbi administrationem docet.

1. **E**T conuocatis duodecim discipulis suis dedit
 eis potestatem spirituum immundorum, ut
 eijcerent eos, & curarent omnem languorem & om-
 nem infirmitatem.] Huc usque Apostolos tan-
 tum discipulos nominauit, quos nunc Apo-
 stolos, id est missos à mittendo facit, misit alios
 72. sed hos solos duodecim Apostolos nomi-
 nauit quia generaliter in mundum vniuersum
 missi sunt, quibus dedit virtutem contra spiri-
 tus qui rebus immundis delectantur & ad eas
 homines incitant.

2. *Duodecim autem Apostolorum nomina sunt
 hac.*] Horum nomina ponit ne alij pseudo-A-
 postoli reciperentur, ex Hier. & decebat ut
 Christiani agnoscerent pastores à quibus ge-
 niti sunt.

*Primus Simon qui dicitur Petrus, & Andreas
 frater eius.*] Dignitatis rationem Euangelista
 seruauit, non quia primo loco vocatus, sed
 quia princeps Apostolorum, Iudas vero vltimo
 loco vocatus, quia indignissimus omnium,
 erat ex Hier. qui notat binos nominari.

3. 4. *Iacobus Zebedai.*] Filius, qui maior pro-
 pter ætatem dictus est, ut distinguatur à Iaco-
 bo Alphæi filio qui minor dictus, & frater Do-
 mini & iustus propter sanctitatem. Hic ordine
 alios recenset Apostolos.

5. *Hos duodecim misit Iesus precipiens eis dicens:
 in viam gentium ne abieritis, & in ciuitates Sama-
 ritanorum*

ritanorum ne intraueritis.] Binos mittit, & ad Gentes ire prohibet, quia Iudæi filij erāt regni quibus oportebat primū prædicari regnū Dei. Distinguit Samaritanos à Iudæis & à Gētibus, quia proprie neque Iudæi neque Gentiles erāt.

6. *Sed potius ite ad oves quæ perierunt domus Israel.]* Perditas oves vocat, quia erant populus Dei peculiaris, & grex quem ipse & per se & per Reges & Prophetas pascebat.

7. 8. *Euntes autem predicate dicentes: quia appropinquavit regnum cœlorum, infirmos curate, mortuos suscite, leprosos mundate, demones ejcite: Gratis accepistis, gratis date.]* Vt fidem verbis daret virtus ostensa, & noua facerent qui noua prædicabant ex Hier. Largiter autem dono miraculorum & gratis iubet vti, quia gratis, idest sine pretio ac illorum merito ipsis collata sunt sacramenta Ecclesiæ, beneficia sanitarum, sapientia & scientiā, pro quibus nihil sumendum per modum pretij. his etiam verbis illis iactantiæ occasionem aufert. ex Chrys.

9. *Nolite possidere aurum, neque argentum, neque pecuniam in zonis vestris.]* Hæc Christi prohibitio vniuersalis est, nec ad hanc solum primam missionem, sed ad omnes & omnino ad totum Apostolorum officiū pertinet: hoc enim prohibet ne auri & cæterarum rerū sollicitudo Apostolorum officium impediatur, quia non est bonum relinquere verbum Dei, & ministrare mensis, quanto minus de victu quærendo sollicitum esse. ex Hil. & Chrys. Amb. l. 9. in Luc. & Hier. Notandum quod olim itinerantes & milites pecuniam in zonis gestabant, seu in crumenis ex zonis pendentibus.

10. *Non peram in via, neque duas tunicas, neque*

neque calceamenta, neque virgam: dignus est enim operarius cibo suo] Peram ponit pro elcis in ea contentis. Duas habere simul tunicas quando necessitas & frigus postulat non prohibet ex Hier. nam & Christus ipse duabus simul indutus est Ioan. 19. sed ne duabus vterentur diuersis temporibus. Prohibet etiam plura habere calceamenta quam in præsentem vsum sint necessaria. Et calceamenta integra habere. Nam Marcus dicit calceatos sandalijs vel soleis quibus scilicet pes nec rectus desuper, neque nudus ad terram. ex Hier. & Aug. l. 1. de cons. Euang. c. 30. & virgam vñionis & defensionis causa: nam ad innitendum conceditur Mar. 6. & Iudæorum consuetudo erat vt doctores & prædicatores eorum ferrent virgam in signum doctrinæ, & in signum quod ij quibus prædicabant, tenebantur eis de victu providere.

11. *In quamcumque autem ciuitatem aut castellum intraueritis, interrogate quic in ea dignus sit, & ibi manete, donec exeatis.*] Per dignum intelligit qui sit bonis moribus, hospitalis, vel idoneus cui Euangelium prædicetur, vel apud quem hospitium habeatur; quasi Apostoli, nō acciperent beneficium sed darent: ex Hier. Vult vt non mutetur hospitium, ne suscipiens contristeretur, & qui excipitur opinionem leuitatis accipiat, & delicatus habeatur, ex Chrys.

12. *Intrantes autem in domum, salutate eam dicentes: pax huic domui.*] *αἰετ.* Aue Hebræorū salutatio, pax tecum, quasi dicat bona precamini, discordiæ bella sedate ex Hier.

13 *Et si quidem fuerit domus illa digna, veniet pax vestra super eam: si autem non fuerit digna, pax vestra*

vestra reuertetur ad vos.] Vobis eueniet quod illi precati eratis, quasi dicat sermo pacis vobis erit meritorius Luc. 10. si ibi fuerit filius pacis, idest hospes pacis amator, vel pace dignus, vt filius mortis dignus morte.

14. *Et quicumque non receperit vos, neque audierit sermones vestros, exeuntes foras de domo, vel ciuitate, excutite puluerem de pedibus vestris.]* In signum anathematis, vt ostendat illum ipsum puluerem quem ex itinere collegistis, in die iudicij testem contra eos futurum, qui vos noluerit recipere. Ex Hilar. & Orig. Vel quod vos nihil temporale ab illis exegistis, vel quod vos frustra pro illis laborastis.

15. *Amen dico vobis, tolerabilius erit terra Sodomorum, & Gomorrhæorum in die iudicij quam illi ciuitati.]* Quia cui plus commissum est, ab eo plus exigitur ex Hier. ergo diuersitas est inter supplicia, ergo aliqui in altera vita puniendi: nam Sodomitæ iam incendio puniti erant ex Anastasio.

16. *Ecce ego mitto vos sicut oues in medio luporum: Estote ergo prudentes sicut serpentes & simplices sicut colūba.]* Prædicit futura mala primo vt discant eius præsciētiam. Secundo vt ne putentur ex infirmitate magistri contingere. Tercio vt ne inopinantes opprimantur nec turbentur tempore crucis ex Chry. Et præmunit dicens: *Ecce ego qui & liberare ex omnibus periculis possum etiam vt oues inermes.* Lupos vocat qui Euangelio reluctarentur ex Hier. Vult vt Apostoli sint circūspecti & cauti vt eorum insidias fugiant, & sicut columbæ, sine felle amaritudinis, sine simulatione, sine duplicitate, ne iniurias vlciscantur, ex Chrys.

17. *Cauete*

SECUNDVM MATTH. CAP. X. 121

17. *Cauete autem ab hominibus; tradent enim vos in conciliis, & in synagogis suis flagellabunt vos.] Autem pro ergo. ab hominibus quos lupos nominauit. per concilia intelligit tribumalia Gentium; & per synagogas conuentus Iudæorum.*

18. *Et ad praesides, & ad reges ducemini propter me in testimonium illis & Gentibus.] Damnationis, vos condemnantium Iudæorum, & Gentium, adeo ut vestra adductio, vestra confessio, productio, iniusta passio, testimonium perhibeat illos esse damnabiles qui credere noluerunt: Vel in testimonium illis, idest ut vos testimonium perhibeatis de me coram ipsis, vel ut ipsi testimonium ferant aduersum vos. Ex Hil. & Beda.*

19. *Cum autem tradent vos; nolite cogitare quomodo aut quid loquamini: dabitur enim vobis in illa hora quid loquamini.] Quasi dicat nolite turbari de modo ornate vel inornate loquendi, de modo inueniendi: Meditationem praecedentem non vetat, sed eam quæ oritur ex diffidentia diuinæ prouidentiae & opis, & quæ cum nimia sollicitudine coniuncta est; offerte voluntatem pro Christo, ipse pro se loquetur Lucæ 21. ait Hier.*

20. *Non enim vos estis qui loquimini sed Spiritus Patris vestri qui loquitur in vobis.] Vos acceditis ad certamen, ego praelior: ad prophetarum dignitatem reduxit qui Dei Spiritu sunt loquuti. Ex Hier.*

21. 22. *Tradet autem frater fratrem in mortem: Et pater filium; Et insurgent filij in parentes & morte eos afficient: & eritis odio omnibus hominibus, propter nomen meum.] Infidelis fra*

F fra

122 MANVALE IN EVANGELIUM

fratrem fidelem: adeo crescit persecutorum rabies vt nullus sit inter eos affectus quorum diuersa est fides.

23. *Cum autem persequentur vos in ciuitate ista, fugite in aliam.*] Hæc non ad solam primam sed ad omnem Apostolorum missionem, & omne officium pertinent. Nam in prima missione nihil tale sunt experti, sed læti redierunt quod ipsa sibi dæmonia subiicerentur. An autem præceptum vel consilium dederit fugiendi. Certe præceptum fuit Apostolis quoad primam missionem, quia qui fugit postmodum pugnare potest: fuit & præceptum tum Apostolis quoad alias missiones: tum etiam aliis qui futuri erant quando Euangelium ipsum propter quod fugiendum non est, postulat vt fugiamus si maior gloria Dei & Ecclesiæ utilitas exigit, non fugere peccatum est. Ipse Christus fugit in Ægyptum. Primo fugere potest Sacerdos quando priuatim quæritur, & sunt aliqui qui populo Sacramenta administrent. Secundo quando omnes eius oues, fuga sunt dispersæ. Tertio quandocumque plus fugiendo quam manendo iuuare potest. Ex August. Epist. 18.

Amen dico vobis, non consummabitis ciuitates Israel.] Perambulabitis, vel non facietis prædicandi finem: vel non adducetis ad fidei, & Euangelicæ virtutis perfectionem, vt significet non defuturas in Israel ciuitates, quæ nondum Euangelium audiuiſſent, in quas possint Apostoli in aliis ciuitatibus non recepti confugere, & in illis manere, & cum fructu prædicare. Ex Hilar.

Donec

SECUNDVM MATTH. CAP. X. 123

Donec filius hominis veniat.] Per gratiam & consummationem. Ex Chrysost. Quasi dicat, ego vobis adero antequam Euangelium in omnibus ciuitatibus Iudææ prædicetis: Alij aduentum vt Beda vocant resurrectionem: q. d. antequam filius hominis resurgat. Alij iudicium, alij Iudæorum incredulitatem notari volunt, & significari potius Gentiles quam Iudæos ad fidem venturos vt Hilar.

24. *Non est discipulus super magistrum, nec seruus super dominum suum.*] Intellige secundum ea quæ accidunt in pluribus: vel donec fuerit discipulus, & seruus fuerit seruus, vel de solis discipulis Christi dictum est qui nunquam magistrum æquare poterunt; homines Deum: intendit autem vt non putent se melioris quam illum conditionis esse debere. Ita Chryf. & Leont.

25. *Sufficit discipulo si sit sicut Magister eius, & seruo sicut Dominus eius. si Patrem familias Beelzebuth vocauerunt, quanto magis vos domesticos eius.*] Me qui Ecclesiæ Dominus sum appellauerunt Beelzebuth, Dominum muscarum, Deum Acaron, qui propter victimarum sanguinem quo erat aspersus, muscis plenus erat, vel quia aduersus muscarum pestem inuocabatur.

26. *Ne ergo timueritis eos: Nihil est operum quod non reueletur, & occultum quod non sciatur.*] In die iudicij. Ex Hier. vel progressu temporis etiam in hac vita; quasi dicat quamuis vos seductores & Beelzebuth appellent, vestra tandem virtus cognoscetur, & qui prius vos iniuriis affecerunt, vos honorabunt. Ex Chryf.

124 MANUALE IN EVANGELIUM

27. *Quod dico vobis in tenebris.*] Id est priuatim, vel in parabolis, mysteriis, figuris.

Dicite in lumine.] In publico, in luce omnium hominum : cum libertate fidei ait Hilar.

Et quod in aure auditis.] Secreto, de fidei arcanis, de retributione.

Pradicate super terra.] Clara voce, stando in locis patentibus, & eleuatis vt omnes audiant. Iuxta morem Palæstinæ.

28. 29. *Et nolite timere eos qui occidunt corpus, animam autem non possunt occidere : sed potius eum timete qui potest corpus & animam perdere in gehennam. Nonne duo passeress assueuant. Et unus ex illis non cadet super terram sine Patre vestro?*] Nolite timere mortem corporis, qua mori non potestis sine nutu Dei, quod in minoribus liquet : non enim moritur passerculus sine prouidentia Dei, quanto magis vos.

30. *Vestri autem capilli capitis vestri omnes numerati sunt.*] Vt taceam de corporis massa, etiam minime particule Dei prouidentia conseruantur.

31. *Nolite ergo timere, multis passeribus meliores estis vos.*] Quia rationales & æterni.

32. 33. *Omnis ergo qui confitebitur me coram hominibus, confitebor & ego eum coram Patre meo qui est in cælis.*] Qui fidem corde & ore habuerit palam in me gloriando confitebitur me.

34. 35. *Nolite arbitrari quia venerim pacem mittere in terram, non veni pacem mittere sed gladium. Veni enim separare hominem aduer-*

aduersus patrem suum.] Non quod dissidium & discordiam inter parentes excitaturus sit, sed quod ex eius aduentu hoc consecuturum sit: gladium autem alij vocant verbum Dei, alij amorem Dei, cuius causa filij à parentibus separantur.

36. *Et inimici hominis domestici eius.*] Quia non possunt esse inter eos iura pacis inter quos est bellum fidei. Ex Hier.

37. 38. *Qui amat patrem aut matrem plus quam me, non est me dignus &c. Et qui non accipit crucem suam & sequitur me, non est me dignus.*] Indignus est qui sit meus discipulus: tollere autem crucem suam est paratum esse non quoquo modo mori sed etiam crucifigi. ex Chrys. Hom. 36.

39. *Qui inuenit animam suam, perdet illam. Et qui perdiderit animam suam propter me, inueniet eam.*] Ex vulgi opinione loquitur qui se animam inuenisse putant, cum ex certo & præsentis mortis periculo eripuerunt quasi iam perditam recuperauerint. In priore accipit animam pro vita, in posteriore pro anima: quasi dicat nec aduersa timenda sunt, quia qui inuenire temporaliter vitam vult æternaliter perdit eam.

40. *Qui recipit vos, me recipit, & qui me recipit, recipit eum qui me misit.*] Quia dixerat nolite possidere aurum ne cogitarent quo modo inter Gentes viuere possent, aperit illis omnium domos dicens nos non minus libenter ab omnibus recipiendos quam si ipsemet iret. Ex Hieronym. sic eos consolatur; Vel hoc dixit ut significaret quantam curam habiturus esset cum ipsius personam gererent. Et quia non

126 MANUALE IN EVANGELIUM
aliud recipiunt in Apostolis quam quod est in
Christo.

41. *Qui recipit Prophetam in nomine Pro-
pheta, mercedem Prophetæ accipiet: & qui recipit
iustum in nomine iusti, mercedem iusti accipiet.]*
Qualem decet accipere Prophetam aut iu-
stum, vel hos suscipientem; idest quæ re-
cipientibus iustos constituta est à Deo, vel
quam ipse Propheta accepturus est; quia Pro-
pheta est, & Doctor Evangelicus missus à
Christo, non quia cognatus, non quia Iu-
dæus. Ex Chrysoft. & Hieronym. perinde apud
Deum est atque si Prophetæ officio fungere-
tur: sicut datur æqua pars descendenti in præ-
lium & remanenti ad sarcinas 1. Reg. 30. Ex
Clem. l. 4. Strom.

42. *Et quicumque dederit potum uni ex mi-
nimis istis calicem aquæ frigida tantum in no-
mine discipuli; Amen dico vobis non perdet mer-
cedem suam.]* Non solum post opera sed etiam
propter opera, maiori maiorem, minori, mi-
norem: propter poculum minimum quoduis
beneficium etiam aquæ frigida ne dicas deesse
vnde calefieret. Ex Hier.

CAPVT

CAPVT XI.

Præconium fert de Ioanne.

1. **E**T factum est cum consummasset Iesus.] Sermones, vel cum præcipiendi finem fecisset: quidam referunt hæc ad finem capituli præcedentis.

Præcipiens duodecim discipulis suis transiit inde ut doceret, & prædicaret in ciuitatibus eorum.] Subtraxit-se dans locum Apostolis versandi in sua missione: ipso enim præsentem, nemo ad discipulos accederet, vel claritatem miraculorum obscuraret, & auctoritatem minueret: Per ciuitates eorum intelligit discipulorum vel potius Iudæorum, ut sit relatiuum sine antecedente, vel ut referatur ad *ite potius ad oues.* Ex Eutym.

2. 3. Ioannes autem cum audisset in vinculis opera Christi, mittens duos de discipulis suis: ait illi: Tu es qui venturus es an alium expectamus.] *ἐξ ὧν* & ille venturus scilicet à prophetis prædictus.

Quæres quomodo videtur ambigere eum esse quem in vtero cognouit & agnum Dei esse confessus est, super quem viderat colubam, cui dixerat: Ego à te debeo baptizari? Male Tertul. ait spiritum prophetiæ ab eo in Christum recessisse: Alij non dubitasse vere an esset Messias, sed an moriturus esset; & ad inferos descendurus ut Amb. Luc. 7. Alij melius Ioannem nullo modo, eius vero discipulos aliquo modo de Christo dubitasse, ut qui sibi

non crediderant dicenti se indignum ut corrigiam calceamenti eius solueret, Christi miraculis crederent. Misit autem quasi ipse dubitaret ut videntes miracula desinant dubitare. sic Hil. Chrys. & Cyril.

4. *Et respondens Iesus ait illis, euntes renuntiate Ioanni qua audistis & vidistis.*] Non respondit Ioanni, quia non dubitabat, sed illis. At cur non disertè ait se esse Christum? quia homines incredulos non verbis sed factis & miraculis convincere voluit ut Ioan. 5. 10. & 15. Ex Chrysost.

5. *Caci vident.*] Visum recipiunt à me miraculose illuminati.

Pauperes euangelizantur.] Euangelium audiunt, recipiunt, docetur. q. d. pauperibus prædicatur, Euangelium autem pauperibus prædicari valde mirum, hoc enim ipso regnum cælorum illis promittitur c. 3. 4. & 9. Quid autem mirabilius quam pauperem, regem fieri, filium & hæredem Dei, cohæredem Christi: vel pauperes prædicant.

6. *Et beatus qui non fuerit scandalizatus in me.*] Qui occasionem ruinæ non acceperit unde salutem capere debuit, ut infideles qui post tot miracula morientem Christum viderunt, scandalizati sunt, & Scribæ & Pharisei qui ad credendum moueri miraculis debuerunt, morti sunt ad accusandum, quibus Christus est petra scandali & lapis offensionis Isa. 8. & positus in ruinam Luc. 2. sed non credentibus.

7. 8. *Illis autem abeuntibus coepit Iesus dicere ad turbas de Ioanne: Quid existis in desertum videre: Arundinem vento agitatam? sed quid existis videre, hominem mollibus vestitum?*
Ecce

Ecce qui mollibus vestiuntur, in domibus regum sunt.] Non antequam abirent, ne videretur Ioanni adulari ex Chry. vel ne turbæ Ioannem liuore motum suspicerentur. Et vt sciant eum quæsisse non sibi sed discipulis: quasi dicat maior est Ioannes quam, cum ad eum iretis, putabatis, nihilo mutatus est.

9. 10. *Sed quid existis videre: Prophetam? etiam dico vobis & plusquam Prophetam. Hic est enim de quo scriptum est: ecce ego mitto Angelum meum ante faciem tuam, qui preparabit viam tuam ante te.] Angelum vocat non natura sed officio ex quo probat illum esse plusquam Prophetam: Alij ad homines, Ioannes ad Christum missus est: & quidem ante faciem, id est vt proxime præcederet, quod amicorum honoratissimo- rum est ex Chry. apud Malac. 3. legitur meam, sed sensus idem, nam illic Christus de se loquitur: hic Pater de filio.*

11. *Amen dico vobis, inter natos mulierum non surrexit maior Ioanne Baptista.] Quod non de officio sed de sanctitate Ioannis dictum est ex Eutym. Mulier autem hoc loco accipitur pro foemina à viro cognita: sicque Christus natus de virgine, & virgo mater quæ fuit inter natas non inter natos excipiuntur: Quamuis ergo nullus prophetarum vel patriarcharum vel sanctorum naturali ordine genitorum præferatur Ioanni; non tamen Ioannes cunctis illis præfertur, sed potest esse illis æqualis: sicque Ioannes non cum omnibus sed cum solis sanctis veteris Testamenti confertur: at Christus & eius mater omnesque Apostoli ad nouum pertinent Testamentum.*

Qui autem minor est in regno cælorum, maior

F 5 est

130 MANVALE IN EVANGELIVM

est illo.] Non quod qui vel minimum habet officium in Ecclesia, maior sit officio Ioanne Baptista, sed sanctitate, quia quicquid ille, & alij sancti veteris Testamenti sanctitatis habuerunt, non ex lege sed ex Euangelio habuerunt, cuius futura virtus ad eos usque, quamvis adhuc longe remotos extendebatur. Ideo qui minimus est in Euangelio, eo qui maximus fuit in lege, maior fuisse dicitur, quia hic veluti hæreditaria, ille aliena & quasi mutuo accepta virtute factus est magnus: vel dicitur maior non quod continuo reuera maior sit, sed quod ex Euangelij natura maior esse possit. Sunt qui per cælorum regnum cælum intelligunt, eos autem qui in regno cælorum sunt Angelos vel homines iam beatos, inter quos qui minimus est, maior est Ioanne Baptista ratione status. Quia aliud est coronam gloriæ possidere victoriæ, aliud adhuc in acie pugnare ex Hieron. Alij Christum, qui minor est in regno cælorum, idest in Ecclesia q.d. Ego qui omnium humillimus sum maior sum illo, vel ego qui & ætate minor sum, & hominum opinione minor habeor, maior dignitate illo sum. Sic Hilar. & Chrysostom. Alij, qui minor est, idest, humilior Ioanne Baptista, maior est illo, quia qui se humiliat exaltabitur.

12. *A diebus autem Ioannis Baptista regnum cælorum vim patitur & violenti rapiunt illud.*] Regnum cælorum est vita æterna, cælum, fides, Ecclesia, Christus ipse, & Euangelium ut supra diximus. Vim patitur, id est mortificatione, penitencia, ignominia, paupertate obtrinetur, & ad illud ea via itur quam
Ioannes

Ioannes verbis & factis demonstraui. Ita Basil. Chrysostom. Hieronym. Vel dicitur vim pati & rari, quia non intra vnum populum vt in veteri lege conclusum est; sed omnibus apertum, omnibus expositum, vt quicumque velit in illud irruat; & quia non iam hereditati vt Iudæis sed virtuti datur. Sic multi ab Oriente venientes rapuerunt de manibus Iudæorum vt mulier Chananaea.

13. *Omnes enim Prophetæ & lex vsque ad Ioannem prophetauerunt.*] Vim habuerunt, officio suo functi sunt, lex & Prophetæ durauerunt. At non videtur lex abrogata statim vt Ioannes venit sed longo post tempore; recte quidem: nam non intelligitur vsque ad Ioannis natiuitatem, sed vsque ad Ioannis prædicationem viguisse. Deinde non statim temporis momento extinctam sed nascente Euangelio mori cœpisse: insuper post Ioannem non excludit prophetas.

14. *Et si vultis recipere ipse est Elias.*] Si vultis vtriusque officia considerare est Elias officio & effectu non re. Et si vultis recipere erit vobis Elias, quia vos ad Deum conuerteret: non erit si non vultis. Ex quo innuit ad fidem neminem cogi ex Chry.

15. *Qui habet aures audiendi audiat.*] Obediat, quod dixi mystice intelligat: vtiur in re magni momenti his verbis vt capit. 13. Mar. 4. Luc 8. quasi dicat multum interest intelligere legem & prophetas tantum vsque ad Ioannem viguisse: postea regnum cœlorum vim pati; idest nullum remedium salutis superesse si in lege confidant, si se quem

Ioannes prædicabat Christum non recipiant. Sic Chry.

16. 17. *Cui autem similem æstimabo generationem istam, similes pueris saltantibus in foro qui clamantes coequalibus dicunt: cecinimus vobis & non saltastis, lamentauimus & non planxistis.*] Quasi dicat, perinde sese habet Scribæ & Pharisæi, generatio hæc seu genus hoc hominum atque si pueri ludentes in foro dicant: *Cecinimus vobis*, idest carmen. *Lætitie cantauimus*, & non saltastis, idest nobis non congratulati estis. *Lamentauimus*, idest carmen lugubre vobis cecinimus, & non planxistis, idest ad compassionem moti non estis. Quasi dicat Ioannes vobis lamentatus est cilicio indutus & non planxistis. Filius hominis cecinit communem vitam agendo, & non saltastis; sicque non personam personis, non partes partibus; sed totum negotium, toti negotio comparatur quod vñtatissimum est in parabolis vt cap. 13.

18. *Venit enim Ioannes neque manducans neque bibens, & dicunt demonium habet.*] Quia nemo eum manducantem viderat: vel quia parcè manducabat, aut quia more ferarum vivebat non hominum: sic nunc etiam à Catholicis pro stultis habentur qui pietatis & arctioris vitæ studia sectantur.

19. *Venit Filius hominis manducans & bibens, & dicunt de eo: ecce homo vorax, & potator vini, publicanorum & peccatorum amicus.*] Idest socialiter viuens cum hominibus, & licentiam filiis suis manducandi concedens. & vocant magnorum peccatorum amicum, quia manducabat cum eis, amans naturam non vitia.

Et

Et iustificata est sapientia à filiis suis.] Liberata ab omni calumnia, laudata & vera cognita Christi doctrina vel diuina prouidentia, vel ipse Christus qui est sapientia Patris, ab amatoribus & studiosis auditoribus suis puta Apostolis & aliis Iudæis fidelibus, qui auditis Christi sermonibus supradictis iustificauerunt Deum & Christi eloquia approbauerunt: vel Scribis & Phariseis qui filij sapientiæ, id est sapientes appellantur ex Chrysostomo, non quod sint, sed quod sibi esse videantur; aut quod non dolerent; vel quod sint quasi pueri diuinæ prouidentia quæ Iudæos peculiariter tanquam proprios filios gubernabat. Iustificatam autem ab utrisque & bonis & malis, id est iustam declaratam, dum canente Christo & lamentante Ioanne alij saltauerunt, id est Christum: alij planxerunt, id est Ioannem secuti sunt: alij neque plangere, neque saltare voluerunt, & per se non per diuinam sapientiam stare quo minus conuerterentur.

20. *Tunc cœpit exprobrare ciuitatibus in quibus facta sunt plurima virtutes eius, quia non egissent pœnitentiam.*] Tunc scilicet cum ad prædicandum discipulos mitteret qui hactenus Iudæos communiter increpuit: nunc nominatim ciuitates exprimit quæ frequenter audita doctrina & visis tot signis credere noluerunt, quibus non optat mala sed prædicis ventura.

21. *Va tibi Corozaim: va tibi Bethsaida, quia si in Tyro & Sidone facta essent virtutes quæ facta sunt in vobis, olim in cilicio & cinere pœnitentiam egissent.*] Sic olim fiebat pœnitentia.

134 MANUALE IN EVANGELIUM
tia; quasi dicat dudum poenitissent.

22. *Verumtamen dico vobis: Tyro & Sydoni remissius erit in die iudicii quam vobis.*] Sicut minor fuit culpa eius quæ nuncios veritatis non habuit, quam eius quæ repulit, ita minor poena.

23. *Et tu Capharnaum, nunquid usque in cælum exaltaberis? usque in infernum descendes. Quia si in Sodomis facta fuissent virtutes quæ factæ sunt in te, forte mansissent usque in hunc diem.*] Ultimo loco nominat, quia ibi frequentior fuerit, adeo ut propter assiduam commorationem, Christi ciuitas vocaretur: & quia pluribus vitiis abundabat, quia maior & maritima & usque ad cælum exaltata Luc. 10. ut legit Chrysostomus, detrudetur in infernum. quod non de urbis sed de civium excidio intelligendum est, non de omnibus sed de pluribus, Scribis scilicet & Phariseis.

24. *Verumtamen dico vobis: quia terra Sodomorum remissius erit in die iudicii quam tibi.*] Minor damnatio quia minor culpa, ut de non recipientibus Apostolis diximus supra cap. 10.

25. *In illo tempore respondens Iesus dixit: Confiteor tibi Pater, Domine cæli & terra: quia abscondisti hæc à sapientibus & prudentibus, & revelasti ea parvulis.*] Cum exprobrasset Iudæis, respondens, idest exorsus est loqui, vel tacite objectioni respondit cur Christum quem Gentilitas recipit, Iudæi reicerent: vel Apostolis gloriantibus. Confiteor, in te exulto, te laudo, gratias ago, quia abscondisti hæc à sapientibus Scribis & Phariseis, non quod essent
sed

SECUNDVM MATTH. CAP. XI. 135

sed quod esse deberet: vel quod secundum carnem essent sapientes : non abscondit vero illis Euangelium , sed recipere nolentibus retraxit : reuelauit paruulis , malitia non sensu ex Hilar. Apostolis & iis qui illis & Christo prædicantibus crediderunt, humilibus spiritu.

16 *Ita Pater, quoniam sic placitum fuit ante te.*] Approbantis & confirmantis vox est, quasi dicat, Perge pater ita facere, vt cum sapientes recipere noluerint, paruulis non dedigneris reuelare.

17. *Omnia mihi tradita sunt à Patre meo.*] Vt rationem reddat sequentium venite ad me, vel præcedentiũ ne vt minor gratias Patri egisse videretur ex Hil. & Chr. & Arb. Omnia scilicet regna cœlestia, terrestria, & inferna, vel omnes homines ex Hier. vel omnia quæ sola nota sunt Patri, quæque ad naturam diuinam pertinent. Ex Hil. vel potius omnem potestatem gubernandi & seruandi homines, & miracula faciendi ex Chry. loquens vt hominum caput quatenus homo est ex Auth. Imp.

Et nemo nouit filium nisi pater, neque Patrem quis nouit nisi filius.] Perfecte & comprehensue: eandem in mutua cognitione docet esse substantiam : vel Patris consilia solum filium ; & filij officium cuius causa in mundum venit solum Patrem cognoscere.

18. *Venite ad me omnes qui laboratis, & onerati estis, & ego reficiam vos.*] Qui lassī & fatigati estis peccatorum pondere ex Chrys. vel graui iugo legis oppressi ex Hil.

19. *Tollite iugum meum super vos, & discite à me, quia mitis sum & humilis corde.*] Meis præceptis vos subiaccite, meo Euangelio, quod
Iudæos

136 MANVALE IN EVANGELIUM

Iudæos & Gentes coniungit ex Hil. inuitat ut ad se veniant quod non tyrannus sed benignus & mansuetus sit Dominus.

30. *Iugum enim meum suauē est & onus meum leue.*] Euangelium, præceptorum observatio *χρησός*, commodum, placidum, blandum, facile, suauē, bonum, probum: quod non tam ad res quam ad personas & mores pertinet; quasi dicat, iugum meum non est hominis crudelis sed suauis & benigni, ex Hil.

C A P V T X I I.

Excusat discipulos, sanat egrotos.

1. *IN illo tempore abiit Iesus per sata sabbato.*

Discipuli autem eius coeperunt vellere spicas & manducare.] Lucas cap. 6. vocat sabbatum secundo primum, idest Pentecosten seu festum Primitiuorum, quod secundo primum vocatur, quia cum tria essent præter sabbatum prima, idest præcipua festa Azymorum, Primitiuorum & Tabernaculorum, inter illa festum Primitiuorum & loco & celebritate secundum erat à primo.

2. *Pharisæi autem videntes dixerunt ei: ecce discipuli tui faciunt quod non licet facere sabbatis.*] Non erat prohibitum in sabbato & festis spicas vellere sed metere Deu. 23. insuper, necessitas eos excusabat ut Dauidem: & Domini præsentia, qui templo maior erat ut sacerdotes excusasset.

3. *At ille dixit eis: Non legistis quid fecerit Dauid quando esuriit, & qui cum eo erant.*] Arguit legis

SECUNDVM MATTH. CAP. XII. 137
legis ignorantia Phariseos & Scribas: quasi diceret, si illum famis excusauit cur non hos? ait Hier. 1. Reg. 21. solus fuisse Dauid dicitur. Verum quidem cum panes accepit sed aliquos alio loco socios habuit quibus ex panibus dedit ex Lyr.

4. *Quando intravit in domum Dei & panes propositionis comedit quos non licebat ei edere, neque his qui cum eo erant nisi solis Sacerdotibus.]* Tabernaculum in Nobe ubi panes facierum reponebantur cum nondum esset templum, nec ibi arca, sed in Silo. Melius iudicauit Achimelech homines de famis periculo liberare, quam Deo sacrificium offerre. hostia enim Deo grata hominum salus. Plus erat sacram illam mensam tangere quam Sabbatum transgredi. ex Hier.

5. *Aut non legistis in lege quia Sabbatis Sacerdotes in templo Sabbatum violant, & sine crimine sunt.]* Non quod non vere violant, sed quod ea faciunt quæ nisi cultus Dei excusaret, facere non licuisset, nempe victimas mactabant, pelles detrahebant, intestina lauabant, ignem accendebant.

6. *Dico autem vobis, quia templo maior est hic.]* Ipse Iesus Dominus templi, quia ubi erat, templum erat, vel hic ego Christus maior sum, dignior sum templo.

7. *Si autem sciretis quid est: Misericordiam volo & non sacrificium, numquam condemnassetis innocentes.]* Quasi dicat melius est vt Apostoli animas hominum quam Sabbatum seruent.

8. *Dominus enim est filius hominis etiam Sabbati.]* Cum templi & Sabbati sit Dominus, ostendit se in obseruatione Sabbati dispensare posse,

138 MANVALE IN EVANGELIVM

posse; & hominum salutem observationi Sabbati esse anteponendam.

9. *Et cum transisset inde, venit in synagogam eorum.*] Cum ex hoc campo in quo prædicta gesta sunt transisset alio die Sabbati. Luc. 6. in quo synagoga congregabatur eorum scilicet qui die præcedente discipulos accusauerant quod spicas vellerent vt notat Aug. de conf. c. 31.

10. *Et ecce homo manum habens aridam, & interrogabant eum dicentes: si licet Sabbatis curare vt accusarent eum.*] Marc. 3. & Luc. 6. dicunt Christum Phariseos interrogasse, sed dicendum est Phariseos prius Christum: deinde Christum Phariseos interrogasse: Vel Christum non interrogasse, vtrum liceret in Sabbato curare, sed an liceret benefacere an male, vt eos puugeret: itaque non videtur eadem esse quaestio.

11. 12. *Ipse autem dixit illis: Quis erit ex vobis homo qui habeat ouem unam: & si ceciderit hac Sabbatis in foueam, nonne tenebit & leuabit eam. Quanto magis melior est homo oue; itaque licet Sabbatis benefacere.*] Quasi dicat, quanto homo per naturam & gratiam dignior est oue, tanto conuenientius est hominem Sabbato curare quam ouem de lacu leuare. & concludit quod ipse interrogauerat non quod Pharisei.

13. 14. 15. *Tunc ait homini: extende manum tuam: & extendit, & restituta est sanitati sicut altera. Exeuntes autem Pharisei consilium faciebant aduersus eum quomodo perderent eum: Iesus autem sciens recessit inde, & secuti sunt eum multi & curauit eos omnes.*]

Sciens

SECUNDVM MATTH. CAP. XII. 139

Sciens eorum insidias vt homo fugit odientes , accessit vbi inuenit sequentes ad mare. Mar. 3.

16. 17. *Et praecepit eis ne manifestum eum facerent, vt adimpleretur quod dictum est per Esaiam Prophetam dicentem.*] In persona Patris de filio : affert vero hoc testimonium ad demonstrandam Christi mansuetudinem, & euulgandum esse Euangelium in Gentes repellentibus id Iudæis vt Marcus indicat.

18. *Ecce puer meus quem elegi : dilectus meus in quo bene complacuit anima mea. Ponam super eum spiritum meum, & iudicium Gentibus nuntiabit.*] Christus fuit puer in forma serui: quasi gloriatur Pater quod inter homines talem habet seruum per excellentiam ; quem elegit ad opus quod nullus alius poterat facere: ad Ecclesiam gubernandam & redimendum genus humanum, & recuperandum regnum perditum ad hoc Luc. 1. Spiritu sancto replebitur adhuc ex utero matris suæ; & legislator erit; vel proferet legem Euangelicam; diuinum præceptum quod Deus iudicat esse iustum, vel iudicium discretionis, idest discrimen inter bonum & malum, vel iudicium futurum remunerationis.

19. *Non contendet.*] Contra aduersarios ex passione, rixando, sed quiete iudicabit : & sicut ovis ad occisionem ducetur.

Non clamabit neque audiat in plateis vocem eius.] Ex affectu laudis humanæ, vel vindictæ, non personam accipiet.

20. *Arundinem quassatam non confringet & linum fumigans non extinguet.*] Idest adeo quietè & attentè ambulabit, ita vt si super
arundinem

arundinem quassatam, qua nihil fragilius esse potest, pedem ponat, eam non confringat, & si super stuppam non omnino ardentem sed tantum fumigantem, non exstinguat. Proverbium erat quo summa leuitas incedentis significabatur, quo indicat Christum omnibus in rebus summa lenitate & mansuetudine usurum.

Donec eiciat ad victoriam iudicium.] Id est ad veritatem proferat iudicium, cum omnibus completis ultionem inducet, cum claram fecerit suam victoriam: tamdiu eius prædicatio lucet mundo, donec ponat in terra iudicium & impleatur: *Fiat voluntas tua sicut in coelo & in terra.*

21. *Et in nomine eius Gentes sperabunt.*] In lege eius sperabunt insulæ, id est remotissimæ Gentes.

22. *Tunc oblatiis est ei demonium habens cæcus & mutus, & curavit eum ita ut loqueretur & videret.*] Tunc cum exisset e synagoga vel aliquanto post, vel non significat certum tempus. Lucas mutum tantum dicit; sed de alio videtur loqui, non natura sed maleficio dæmonis, qui sic ligabat auditum & visum ut nec audire & videre posset, ex Chrys.

23. *Et stupēbant omnes turba, & dicebant: Nunquid hic est filius David?*] Mirabantur minus eruditi & ob misericordiam & beneficium filium David prædicabant, id est Messiam in lege promissum ex genere David.

24. *Pharisæi autem audientes dixerunt: hic non eicit demones nisi in Beelzebub principe demoniorum.*] Qui sapientes videbantur vel negabant, vel detrectabant quasi non sint opera Christi
sed

sed immundi spiritus.

25. 26. 27. *Iesus autem sciens cogitationes eorum, dixit eis: Omne regnum contra se diuisum desolabitur, & omnis ciuitas vel domus diuisa, contra se non stabit. Et si Satanas Satanam eijcit, aduersus se diuisus est: Quomodo ergo stabit regnum eius? Et si ego in Beelzebub eijcio daemones, filij vestri in quo eijciunt?*] Quasi dicat cur me potius quam exorcistas Iudæos filios vestros dicitis in Beelzebub eijcere dæmonia, cum vtrique eijciamus, cur de me male, de illis bene iudicatis? vel filij vestri, idest Apostoli qui ex populo vestro sunt, in quo eijciunt, nonne in nomine meo? quomodo dicitis me in Beelzebub eijcere? ex Hil. Chrys. & Hier.

Ideo iudices vestri erunt.] Non potestate sed comparatione, quia Deo tribuunt quod illi Beelzebub. vel quia Apostoli sedebunt in 12. solijs iudicantes 12. tribus Israel ex Hier. vel quia apparebit Apostolos in nomine Christi dæmonia eiecisse: quod cum vidissent & credidissent Pharisei, tamen Christum ipsum quem credere debuerant propria virtute eijcere, in Beelzebub eijcere dixerunt. sic viri Ninuitæ surgent in iudicio.

28. *Si autem ego in spiritu Dei eijcio daemones, igitur peruenit in vos regnum Dei.*] Seipsum & aduentum suum regnum Dei vocat: quasi dicat incipit destrui potestas diaboli vt regnet Deus in vobis ex Hier. & Chrys.

29. *Aur quomodo potest quisquam intrare in domum fortis & vasa eius diripere? nisi prius alligauerit fortem & tunc domum eius diripiet.*] Quasi dicat quomodo possum ego diabolum de possessione deturbare, idest ex hominibus eijcere, nisi

nisi fortior sim illo? fortis est diabolus, domus, mundus: in quo ante Christi aduentum dominabatur, vasa, spolia supellectilis: sunt miseræ animæ quas eripuit de potestate diaboli.

30. *Qui non est mecum, contra me est: & qui non congregat mecum, spargit.*] Quasi dicat tantum abest ut amicus mihi sit eiusque nomine eijciam dæmones, ut maxime mihi sit aduersarius ex Chrys. Vel de Pharisæis loquitur, & ostendit illos contra se esse, qui spargant oves quas ipse congregat ex Theoph.

31. 32. *Ideo dico vobis omne peccatum & blasphemia remittetur hominibus, spiritus autem blasphemia non remittetur.*] Hæc dictio causalis non ad verba proxime præcedentia refertur, sed ad ea in *Beelzebub principe demoniorum eiecit demonia.* Blasphemia facti & dicti remittitur pœnitentiam agentis. Blasphemia autem contra Spiritum sanctum induratio: veritatem cognitam ex malitia impugnare; præsumptio: fraternæ charitatis invidia, obstinatio in malo, desperatio, & finalis impœnitentia sex sunt peccata in Spiritum sanctum. Hic autem ait Christus manifesta esse, opera Spiritus sancti attribuire virtuti Beelzebub. Hoc autem peccatum in Spiritum sanctum dicitur nunquam remitti, non quod reuera remitti non possit: nam credibile est aliquos ex ijs qui dicebant Christum in virtute Beelzebub eiecere dæmonia, postea resipuisse: sed quod qui in Spiritum sanctum peccat, nullam peccati excusationem habeant: ideoque natura suâ veniam non mereantur: in alijs enim aut ignorantia aut infirmitas aliqua saltem ex parte culpam excusat: at in peccato in Spiritum sanctum, nihil tale reperitur quod

quod culpam leuare possit ex Athan. Basil. & Hier. Sic Christus dixit impossibile esse diuitem intrare in regnum cœlorum, non quod Deo sed quod natura sua impossibile, quia plus habet impedimenti qui diuitijs onustus est, quam qui alijs peccatis: vel ideo dicitur numquam remitti, quia difficilius remittitur. Ex hoc loco S. August. l. 21. de ciuit. c. 24. & Greg. 4. Dial. colligunt dari purgatorium, & aliqua peccata in futuro seculo remitti, non quoad culpam sed quoad pœnam.

33. *Aut facite arborem bonam & fructum eius bonum: aut facite arborem malam & fructum eius malum, siquidem ex fructu arbor cognoscitur.*] Quasi dicat, aut me simul cum operibus laudare, aut condemnare, at cum opera non possitis merito condemnare, fateamini me spiritu bono agi; quasi dicat dicitis me in Beelzebub eijcere dæmonia, quomodo potest diabolus arbor mala, fructum bonum facere, qualis est expulsio dæmonum: vel ego qui sum arbor bona, facere fructus malos, idest opera diaboli ex Hilar. & Chrysostom. Vel arbor bona & mala sunt Pharisei quorum hypocrisim reprehendit, quod cum arbor bona videri vellent, malos tamen fructus facerent: aut quod cum mala arbor essent, bonos videri vellent fructus facere, & vult vt aperte boni sint aut mali ex Amb. l. 2. de pœnit. & August. l. de ser. Dom.

34. *Progenies viperarum quomodo potestis bona loqui cum sitis mali? ex abundantia enim verdis os loquitur.*] Non negat absolute & omni

omnino posse bona loqui, multi enim mali bona loquuntur, sed dicit quod naturale & quod vsitatum & frequens, natura enim & vsus fecit ut boni bona, mali mala loquantur.

35. 36. *Bonus homo de bono thesauro proferat bona: malus autem mala. Dico autem vobis quoniam omne verbum ociosum quod locutifuerint homines, reddent rationem de eo in die iudicii.]* Otiosum est quod sine utilitate loquentis & audientis dicitur: ut de friuolis & fabulis ex Hier. & Chrys. At scurrilia non sunt ociosa sed criminosa, quasi dicat, si de minimo verbo ocioso, quanto magis de blasphemo, quale illud quod medicitis in Beelzebub eijcere demonia, ratio in die Iudicii reddenda est. Ita Theoph.

37. *Ex verbis enim tuis iustificaberis & ex verbis tuis condemnaberis.]* Non quod sola verba, aut condemnatura, aut iustificatura sint, sed quod ad iustificandos aut condemnandos multos, sola verba sufficiant: qualia fuerunt Phariseorum dicentium Christum habere spiritum immondum.

38. 39. *Tunc responderunt ei quidam de Scribis & Phariseis, dicentes: Magister volumus à te signum videre. Qui respondens ait illis: Generatio mala & adultera signum quærit, & signum non dabitur ei nisi signum Iona Prophete.]* Tunc scilicet cum admirari & flecti oportebat, responderunt seu alloqui cœperunt Scribæ & Pharisei quos adulteros vocat, quia malos fructus facerent, degenerantes à maioribus suis. Signum quærentes negat de cœlo quale postulât se daturum, vel quia tentandi causa quærebant: vel

SECUNDVM MATT. CAP. XII. 145

vel quia ipsi petebant; nam aliis rogantibus sepe dedit. Ex Chrysoft. Nisi signum Ionæ non quale petunt ut credant, sed quale non petunt ut condemnentur. Signum enim seu argumentum quo condemnabuntur est, quod cum Niniitæ homines Gentiles ignari legis ad vnum verbum Ionæ hominis peregrini & ignoti crediderint, & pœnitentiam egerint, illi tot auditis Christi exhortationibus, tot visis miraculis non modo non crediderunt sed dæmonium eum habere dixerunt: Vel signum ad faciendum fidem diuinitatis suæ, nō aliud daturum quam quod sit sicut Ionas post tres dies resurrecturus. Ex Hilar.

40. *Sicut enim fuit Ionas in ventre ceti tribus diebus & tribus noctibus.*] Naturalibus, ut ab vsualibus distinguat, & per Synecdochen. Ex Hier. quia per aliquam partem fuit, partem scilicet feriæ sextæ, totum Sabbatum, & partem primæ feriæ.

Sic erit filius hominis in corde terra.] In medio terræ; id est in inferno in quod descendit, non tantum in sepulchro quod contendit Calvinus, ut probet ad inferos non descendisse ut ad Eph. 4. & 1. Pet. 3.

41. *Viri Niniuitæ surgent in iudicio cum generatione ista, & condemnabunt eam, quia pœnitentiam egerunt in predicatione Iona. Et ecce plus quam Ionas hic.*] Explicatio est hæc signi Ionæ Prophetæ. Surgent autem Niniitæ non ad iudicandum sed ad accusandum: nec verbis sed exemplo, quia cum Ionæ ipsi crediderint, Iudæi Christo non crediderunt. Itaque non surgent sed ut ceteri stabunt: Et loquitur Christus accommodatè ad consuetudinem fori, in

G quo

quo surgunt accusatores, & stant rei.

42. *Regina Austri surget in iudicio cum generatione ista, & condemnabit eam, quia venit à finibus terra audire sapientiam Salomonis, & ecce plus quam Salomon hic.*] Notanda antithesis. Regina fœmina barbara potentissima quæ in Æthiopia Regiam habebat, ab iis terræ finibus venit ut audiret sapientiam Salomonis, hominis mortalis, non ut miracula videret, quia nulla fecisse legitur. Iudæi Pharisei viri & docti & legis doctores venientem ad se dominum filium Dei, diuinæ sapientiæ thesauros largientem & miracula inaudita facientem coram illis, contemnunt.

43. *Cum autem immundus Spiritus exierit ab homine, ambulat per loca arida quærens requiem, & non inuenit.*] Hoc dixit ut doceret peiores esse Iudæos quam si nusquam legem Dei & cognitionem accepissent: cum enim per legem diabolus quodammodo ab illis eiectus esset, quia per legem edocti vni Deo, non idolis seruire: contempta Dei gratia digni facti sunt ut septem spiritus immundi pro vno ingrederentur: id est ut in reprobum sensum ob contemptam Dei gratiam traderentur. Ex Hil. & Hier. Sunt qui per loca arida Gentiles intelligunt, & eos omnes qui Dei cognitione culti non sunt, in quibus non contentus diabolus habitare quod eos iam sibi habeat, eos quærit qui Dei scientiam habent, magis ratus vnum ex iis pervertere quam in aliis multis dominari. Vel de diabolo loquitur tanquam de homine, qui domo sua pulsus, huc illuc per deserta vagatur, & sedem, & requiem non inueniens reuertitur in domum propriam, & eam

eam ornatam reperiens commodius in ea quam extra habitat. Ex Chrysostom.

45. *Tunc vadit & assumit septem alios Spiritus secum nequiores se, & intrantes habitant ibi; & fiunt nouissima hominis illius peiora prioribus. Sic erit & generationi huic pessima.*] Vult significare eum qui bonus est si contempta gratia malus fiat, pessimum fieri, quasi pro vno spiritu immundo qui prius quam bonus fieret in illo erat, septem in illo ingrediantur, numero certo pro incerto, quasi dicat diabolus in iis qui boni aliquando fuerunt & mali fiunt commodius habitat, quia domus ornamenta, id est mysteriorum cognitio, scientia rerum sacrarum, & quæ Deo parata erant illi seruiunt: Et sic fiunt posteriora eorum peiora prioribus. Nulli peiores hæretici quam relapsi: nulli peiores Catholici quam qui religiosissimi Dei donum gustauerunt & non seruauerunt. Ex Aug. Epist. 137.

46. *Adhuc eo loquente ad turbas: ecce mater eius & fratres stabant foris quærentes loquendi ei.*] Cognati, consobrini Christi Iacobus minor, Ioë, Iudas & Simon non filij Ioseph de alia coniuge, nec ex beata Maria post Christum natum: sed filij sororis beatæ Mariæ virginis quæ & ipsa Maria Cleophae vocabatur: Nam & consobrini & cognati fratres vocabantur, Stabant autem foris quia præ turba ingredi non poterant.

47. *Dixit autem ei quidam: ecce mater tua, & fratres tui foris stant quærentes te.*] Hic summus ab Apostolis putandus est, qui Christo matrem & fratres eius adesse renuntiaret cum ipsi ingredi non possent, & quidem vnus prius,

148 MANVALE IN EVANGELIUM

deinde plures ex Mar. 3. & Luc. 8.

48. 49. *At ipse respondens dicenti sibi, ait. Quæ est mater mea, & qui sunt fratres mei. Et extendens manum in discipulos suos, dixit: Ecce mater mea & fratres mei.*] Non aspernando vel negando matrem & cognatos sed ut spirituales præferat ut Luc. 11. Non negat beatum ventrem, sed multo beatiorē affirmat quæ audit verbum Dei & custodit illud. Ex Chrys. & Hier.

50. *Quicumque enim fecerit voluntatem Patris mei, qui in cælis est: ipse meus frater & soror & mater est.*] Hi sunt mater mea qui me in credentium cordibus generant. Hi sunt fratres qui faciunt opera Patris mei: frater & soror credendo, mater prædicando.

CAPVT XIII.

Parabolas varias edisserit.

1. **I***N illa die exiens Iesus de domo sedebat secus mare.*] Die quo in domo concionante fratres præ turba foris stabant: Vel dies pro tempore quo dicta & facta sunt, præcedenti capite recitata. Marcus eundem tenet ordinem: Lucas in aliud transit, sed nec repugnat huic: non solum facta & dicta Domini, sed itinera & loca plena sunt Sacramentis, sedebat autem secus mare Galileæ, ut in locum latiorē, concionem educeret.

2. *Et congregata sunt ad eum turba multa ita ut nauculam ascendens sederet: Et omnis turba stabat in littore.*] Sedebat ut melius audiretur

diretur ab omnibus in littore stantibus, & ne à multitudine opprimeretur. ex Chrysostom.

3. *Et locutus est eis multa in parabolis dicens: Ecce exiit qui seminat seminare.*] Loquitur similitudinibus inuolutis, vt veritas indignis abscondatur: & studiosis detur occasio exercitationis, & vt ex corporalibus spiritalia intellegamus.

4. *Et dum seminat, quedam ceciderunt secus viam, & venerunt volucres cæli, & comederunt ea.*] Christus seminans in mundo verbum Euangelicæ legis exiit de cælo in terram ratione humanitatis assumptæ. reliqua quæ sequuntur postea declarabuntur.

5. *Vsq̃ue ad 11. qui respondens ait illis: Quia vobis datum est nosse mysteria regni cœlorum, illis autem non est datum.*] Ideo Apostolis datum quia prædestinati erant: aliis non datum quia reprobi erant. Ex August. lib. de præd. cap. 8. & 16. vel melius quod Apostoli digni erant: alij indigni. Ex Hil. & Chrysost. & Hier. quia credere & intelligere volebant. ideo videntes non videbant & audientes non audiebant.

12. *Qui enim habet, dabitur ei, & abundabit: qui autem non habet, & quod habet auferetur ab eo.*] Est prouerbialis locutio, Ei qui plus habet plus datur: sic pecunia datur negotiandi causa mercatori diuiti, & plus diuiti plus datur; Negligenti autem non solum non datur, sed si quid datum est auferitur, vt patet de talentis cap. 15. Lucas cap. 8. non ait id quod habet, sed quod videtur habere, quia scilicet dixerat non habenti auferetur, ideo

150 MANVALE IN EVANGELIUM

dixit, non quod habet sed quod videtur habere : vel quia sic habet ac si non haberet, cum eo non utatur : non dicitur habere sed habere videri. Iudæis ergo in pœnam vere ablatum est talentum quod habebant absconditum, quia oblata gratia Euangelij uti noluerunt : Vel ablata est illis aliquo modo ipsa natura. Ex Hier. & Chrysoft. Idest naturalis cognitio, quia excœcati sunt, itaut ne illa quidem intelligerēt quæ natura duce intelliguntur. Quis enim Philosophus tot visis miraculis non credidisset aliquam Christo inesse diuinitatem ? Apostolis autem gratia ad intelligendum mysteria iam habentibus eaque bene utentibus maior insuper gratia ad maiora mysteria comprehendenda data est ; illis neque habentibus, neque oblatam recipere volentibus natura quodammodo ipsa erepta est. Ex Hieronymo.

13. *Ideo in parabolis loquor eis, quia videntes non vident, & audientes non audiunt, neque intelligunt.*] Causam reddit Apostolis quare turbæ loquitur in parabolis, quia visis & auditis aduersantur. Ideo eis audire & videre auferitur, in pœnam incredulitatis : quia dum quæ illis perspicuè dicebantur, miracula certissima viderent, nec intelligere, nec credere voluerunt, illud meruerunt ut ita illis loqueretur, ut etiamsi vellent intelligere, non possent. Marc. cap. 4. addit ne quando dimittantur illis peccata: sic noluit Christus Iudæos conuerti & peccata illis remitti : sicut intelligere noluerunt, quæ dicebat, non in perpetuum sed ad tempus clausit illis ianuam salu-

SECUNDVM MATTH. CAP. XIII. 151
salutis vt pulsarent, quia cum aperta esset,
ingredi noluerunt.

14. *Et adimpleretur in eis Prophetia Isaia
dicentis, Auditu audietis, & non intelligetis, &
videntes videbitis, & non videbitis.]* Hæc ve-
teri populo dicta per increpandi modum
Isa. 6. audiendo audite, & ne intelligatis. im-
perare enim videtur quod non imperat, sed
declarat eos esse facturos.

15. *Incrassatum est enim cor populi huius,
& auribus grauitè audierunt, & oculos suos
clauserunt, ne quando videant oculis & auribus
audiant, & corde intelligant, & conuertantur
& sanem eos.]* Isa. 6. Incrassa, impingua: Sed
Euangelista meliorem versionem septuaginta
sequutus, quia Deus ipse loquitur non Pro-
pheta: Deus autem non dixisset incrassa, im-
pingua cor. Cui enim dixisset cum nemo
præter ipsum aut excœcare aut illuminare
possit: deinde quia iam cor populi impin-
guatum erat. Ideo enim dixerat audiendo
audite, & nolite intelligere, quia sciebat
eos aded excœcatos esse vt etiam si audirent,
intellecturi non essent. Non ergo nunc iu-
bet Deus, aut Propheta orat vt excœcentur
qui cœci iam erant, sed reddit rationem cur
intellecturi non essent quia cœci erant.

16. *Vestri autem beati oculi, quia vident,
& aures vestra quia audiunt.]* Quasi dicat &
discipuli mei Prophetis beatiores estis, quia
cum vos & illi credideritis, tamen quæ
credebant videre optabant; vos vidistis, illi
non viderunt. Cum autem dixit Ioan. 20.
beati qui non viderunt, & crediderunt: il-
los qui non videntes credunt; illis præfert

152 MANVALE IN EVANGELIUM

qui oculis fidem mercentes, non credunt, nisi quod vident. Nec potest hic locus de solis oculis mentis intelligi: nam Apostolos præfert prophetis, quod quæ prophetæ, longe, obscure, spiritu: illi prope, clare, oculis etiam vidissent & manibus tenuissent. 1. Ioh. 1. Quod vidimus oculis nostris. & Petrus Ep. 1.

17. *Amen quippe dico vobis, quia multi Propheta & iusti cupierunt videre quæ videtis, & non viderunt: & audire quæ auditis, & non audierunt.*] Multi, id est omnes, ut Apostolis qui pauci erant opponat multos, & gratiam illis concessam commendaret. Ex Hieronymum.

18. *Vos ergo audite parabolam seminantis.*] Vos qui vidistis & audiistis quæ Prophetæ voluerunt videre & audire, vos quibus datum est nosse mysteria, intelligite interpretationem parabolæ. Mar. 4. reprehendit Apostolos quod non intellexerint cum primum audierunt, nescitis parabolam hanc, & quomodo omnes parabolas cognoscetis? quasi dicat, si hanc quæ omnium facillima est quo modo quæ obscuriores sunt intelligetis?

19. *Omnis qui audit verbum regni & non intelligit, venit malus & rapit quod seminatum est in corde eius: hic est qui secus viam seminatus est.*] Verbum regni, sermonem de regno cœlesti per quem promittitur regnum. Euangelium & sensum cordi non imprimit, non pensat, non ad actum perducit, nulla fide, nulla utilitatis occasione accipit: venit malus, id est diabolus. Dicitur homo seminatus, id est, tali semine perfusus: sicut seminari dicitur & semen quod iacitur,

SECUNDVM MATTH. CAP. XIII. 153

iacitur, & ager in quem iacitur. Seminator est Christus, semen verbum Euangelicum. Ager mundus, diuersa in eodem agro terra, alia secus viam, alia petrosa, alia spinis cooperta, alia bona: homines diuersi: volucres dæmones qui id quærunt ne aliquod bonum semen in nostris animis foueatur.

20. 21. *Qui autem super petram seminatus est, hic est qui verbum audit, & continuo cum gaudio accipit illud. Non habet autem in se radicem, sed est temporalis. Facta autem tribulatione & persecutione propter verbum continuo scandalizatur.*] Deficit à fide. Tria terræ genera distinguit, 1. quæ nullo modo arata est vt via, & nullam vt sic dicam terram habet. 2. quæ paucam habet. 3. quæ multam & forte bonam sed spinis refertam, quas si non haberet multum fructum afferret.

22. 23. *Qui autem seminatus est in spinis, hic est qui verbum Dei audit: & sollicitudo istius sæculi, & fallacia diuitiarum suffocat verbum, & sine fructu efficitur. Qui vero in terram bonam seminatus est: hic est qui audit verbum & intelligit, & fructum affert, & facit aliud quidem centesimum, aliud autem sexagesimum, aliud verò tricesimum.*] Tria contradistinguit genera eorum qui fructum ferunt, quibus vnus atque alterius generis homines comprehendit: bonam autem terram appellat, non solum quæ natura sua bona est, sed quæ bene culta, quæ subacta, quæ purgata est ex Hier. Ex fructuum distinctione colligitur meritum & præmiorum differentia: cum Christus distinguat hæc tria genera, vt virgines, viduas, coniuges, vel martyres. Virgines viduas significant ex Hier.

24. *Aliam parabolam proposuit ille dicens: Simile factum est regnum cœlorum homini qui seminavit bonum semen in agro suo.] Perinde se habet Euangelium atque si quis in agro suo bonum semen seminauerit, & aliquis eius inimicus superseminet malum.*

25. *Cum autem dormirent homines, venit inimicus eius, & superseminavit zizania in medio tritici; & abiit.]* Per homines, totum mundum intelligit. Ex hac parabola colligitur in Ecclesia non solum bonum semen, idest homines bonos, sed etiam malum, idest malos homines esse. 2. se non esse auctorem mali seminis, sed boni. 3. malū semen quod à diabolo seminatum est, se usque ad messem laturum esse.

26. *Vsque ad 31. Cum autem creuisset herba & fructum fecisset, tunc apparuerunt & zizania.]* Per fructum intelligit spicas & grana. Hanc parabolam Christus ipse explicat. Ipse est qui seminat: ager eius est mundus; bonum semen, filij regni: zizania filij nequam. Qui sint homines quibus dormientibus zizania diabolus seminauit, qui serui, Christus non explicat, quia sunt emblemata quæ ad parabolæ significationem nihil faciunt. Per dormientes homines possunt Episcopi intelligi, & qui Ecclesiæ curam gerunt: per seruos boni & ardentes Ecclesiæ ministri, qui hæreticos & malos Catholicos bono quodam & pio religionis studio de medio tolli vellent.

31. *Aliam parabolam proposuit eis dicens: Simile est regnum cœlorum grano sinapis, quod accipiens homo seminavit in agro suo.]* Granum sinapis est Euangelium seu fides, doctrina Evangelica, verbum Dei, vel Christus ipse, vel Ecclesia:

Quod

SECUNDVM MATTH. CAP. XIII. 155

Quod cum initio paruum sit in ingentem arborem crescit: vel quia quanto plus teritur tanto plus reddit.

32. *Quod minimū quidem est omnibus seminibus, cum autem creuerit, maius est omnibus oleribus, & fit arbor itaut volucres cœli veniant, & habitent in ramis eius.*] Non quod omnium omnino minimum, sed quod ex omnium minimis vnum sit. Prædicatio Christi humillima est omnium disciplinarum propter scandalum crucis. Ex Hier. Volucres cœli sunt Reges & Principes, & omnes qui in sublimitate constituti sunt qui in Euangelio & Ecclesia sustentantur, vel omnium credentium animæ ex Hier.

33. *Aliam parabolam locutus est eis: Simile est regnum cœlorum fermento, quod acceptum mulier abscondit in farina satis tribus, donec fermentatum est totum.*] Hæc quarta parabola eundem finem habet quem præcedens, quia sicut fermentum cum modicum sit in magnam massam immissum totam peruadit, & multo maiorem reddit; ita verbum Dei vno loco seminatum totum peruasit terrarum orbem: ita Ecclesia initio minima, breui tempore in omnes terræ partes diffusa est. Psal. 79. Mulier si pars est parabolæ Euangelicam doctrinam significat, quæ verbum Dei in animos auditorum quasi fermentum in massam infundit. Vel mater Ecclesia ex Hier. vel fermentum Christus; mulier synagoga quæ eum per iudicium mortis abscondit ex Hilar. tria posuit sata, tres modios pro omnibus, quasi dicat quantumcumque voluerit farinæ fermentare non nisi parum fermenti miscet. Ex Chry.

34. *Hæc omnia locutus est Iesus in parabolis*

356 MANVALE IN EVANGELIVM

ad turbas. Et sine parabolis non loquebatur eis.] In ea, & de qua agitur concione Mar. 4. Prout poterant audire, quasi dicat qui posset capere caperet; vel prout digni erant; non enim digni erant ut illis aperte loqueretur.

35. Ut adimpleretur quod dictum erat per Prophetam dicentem: *Aperiam in parabolis os meum. Eructabo abscondita à constitutione mundi.*] Continet hic Psal. 77. historiam Israëlitis sed quæ sit parabolicè intelligenda, quam Euangelista non ad eundem, sed ad similem sensum accommodat. Ut, non causam sed consecutionem significat.

36. Tunc dimissis turbis venit in domum Iesus. Et accesserunt ad eum discipuli eius dicentes: *ediffere nobis parabolam zizaniorum agri.*] Secreto interrogant quæ populus nec merebatur audire nec poterat ex Hier.

37. Usque ad 44. Qui respondens ait illis: *Qui seminat bonum semen est filius hominis: ager autem est mundus: bonum autem semen hi sunt filij regni. Zizania autem filij sunt nequam. Inimicus autem qui seminat ea diabolus: messis vero, consummatio seculi est: messores autem Angeli sunt. Sicut ergo colliguntur zizania & igni comburuntur, sic erit in consummatione seculi. Mittet filius hominis Angelos suos, & colligent de regno eius omnia scandala, & eos qui faciunt iniquitates, & mittent eos in caminum ignis, ibi erit fletus & stridor dentium. Tunc iusti fulgebunt sicut sol in regno Patris eorum.] Tunc scilicet cum sublata fuerint scandala, idest ij per quos scandala venerunt, & separata zizania quæ triticum tegebat quo minus effulgeret.*

44. Iterum simile est regnum cælorum thesauro abscondito

SECUNDVM MATTH. CAP. XIII. 157

abscondito in agro: quem qui inuenit homo abscondit, & pra gaudio illius vadit & vendit vniuersa quae habet, & emit agrum illum.] Quatuor praedictis parabolis ostendit quo modo regnum coelorum habeat in diuersis hominibus effectum; & quo modo ex paruo initio magnum sortitur incrementum. Nunc pretium exponit vt doceat quāti homines illud facere debeant, & quanta quærere diligentia Euangelium, fidem, verbum Dei, Christum ex Amb. serm. 1. in Psal. 118. & Hilar. Absconditum, in carne vel in mysterio Isa. 64. 1. Cor. 2. Qui autem inuenit, abscondit, idest eniti debet ne elabatur, & diligentiam adhibet vt illud obtrineat, hoc est abscondere. Non, ne alius fidem aut Euangelium inueniat, sed ne ipse perdat. & hæc non pars parabola, sed potius emblemata. Dicit, vendit vniuersa, non quod ematur Euangelium, sed quia propter illud omnibus terrenis renuntiandum est, & per contemptum terrenorum acquiritur studium æternorum.

47. *Vsq̃ue ad 51. Iterum simile est regnum coelorum sagena missa in mare: & ex omni genere piscium congreganti. Quam cum completa esset educentes, & secus litus sedentes elegerunt bonos in vasa, malos autem foras miserunt, sic erit in consummatione seculi: Exibunt Angeli & separabunt malos de medio iustorum, & mittent eos in caminum ignis ubi erit fletus & stridor dentium.]* Huius parabola significatio eadem cum praecedentibus.

51. *Intellexistis hæc omnia? dicunt ei, etiam.]* Hæc ad Apostolos qui sunt futuri Magistri, quos non vult audire tantum vt populum.

52. *Ait illis: ideo omnis scribe doctus in regno coelorum*

158 MANUALE IN EVANGELIUM

cælorū similis est homini patrifamilias qui proferre de thesauro suo noua & vetera.] Intelligentibus dignum testimonium reddet dicens similes eos esse sibi. Doctos vocat ad regnū cælorum scilicet prædicandum. Apostoli dicuntur scribæ, quasi Notarij Saluatoris verba illius & præcepta in tabulis cordis signantes ex Hier. Proferunt quasi de penn, omnia ciborum genera vt inuitatos alant Cant. 7. Poma noua & vetera; quasi dicat Euangelicos Doctores omni scientia diuina instructos, exempla, similitudines omnibus iuxta cuiusque captum proferre ex Hil. Chryl. Hier.

53. 54. Et factum est cum consummasset Iesus parabolas istas, transiit inde: & veniens in patriam suam docebat eos in synagogis eorum; ita vt mirarentur, & dicerent: unde huic sapientia hac & virtutes? Patriam suam vocat Nazareth in qua conceptus, vel Capharnaū in qua educatus ex Hier. In synagogis dixit, pro in concione seu in conuentu populi: Nam non amplius quam vna synagoga erat in vna ciuitate.

55. 56. Nonne hic est fabri filius? Nonne mater eius dicitur Maria: & fratres eius Iacobus & Ioseph, Simon & Iudas & sorores eius, nonne omnes apud nos sunt? unde ergo huic omnia ista?] Mar. 6. Ipsemet Christus dicitur faber filius Mariæ, & fabrilem artem exercuisse antequam prædicaret; quod satis probabile. Quid enim totos triginta annos egisset in Nazareth Ex Lyr. seu lignarius faber fuerit, vt Ioseph, seu aurifex. Ex Chry. seu ferrarius ex Hil. vocant fratres consobrinos Christi filios Mariæ Cleophae sororis Virginis Mariæ, & sorores, cognatas. Mirantur virtutes & miracula & sapientiam; nouerant

editum

SECUNDVM MATTH. CAP. XIV. 159

enim non eam studio acquisiuisse. vnde huic tam excelsa : huic tam humilia?

57. *Et scandalizabantur in eo. Iesus autem dixit eis: Non est propheta sine honore, nisi in patria sua, & in domo sua.*] Impingebant in eum tanquam in lapidem, & corruebant ex consideratione humilis genealogiæ & cognationis, existimantes quod sapientiam & virtutes haberet à diabolo potius quam à Deo. Vnde ait communiter id accidere vt Propheta magis à suis contemnatur: non enim semper alibi honoratur, nec à suis omnibus contribulibus spernitur ex Hier.

58. *Et non fecit virtutes multas propter incredulitatem illorum.*] Ex quo insinuat aliqua miracula fecisse: non tot quot alibi. & Mar. 6. dicitur, non poterat, quia nolebat: nolebat autem propter incredulitatem eorum; & quia indigni erant qui male ea quæ viderant interpretabantur, dicentes: vnde huic virtutes? fecit autem pauca quædam, ne dicerent, si facta essent signa, credidissemus.

C A P V T XIV.

*Ioanne interempto it in desertum,
sequitur eum turba.*

1 *In illo tempore audiuit Herodes Tetrarcha famam Iesu.*] Tempore quo Apostoli ad prædicandum missi Mar. 6. & Luc. 9. Verius post reditum, quia cum hæc facta sunt Apostoli erant cum Iesu. Audiuit Herodes Antipas filius magni Herodis famam: non prius, quia sero res sanctæ ad aures principum veniunt ex Chryf.

Vel

Vel quia mors Ioannis non multo post quam Christus prædicare cœpit, accidit. Dicitur Terrarcha Galilææ, idest princeps quintæ partis regni: nam patre eius mortuo, diuisum est regnum in quatuor partes, quarum duæ datæ sunt Archelao: tertia Philippo: quarta huic Herodi data est ab Imperatore Romano. Marcus Regem vocat, quod esset eius potestas velut Regia; & quidem Terrarchias antiqui regna vocabant ex Cic. & Plin.

2. *Et ait pueris suis: Hic est Ioannes Baptista, ipse surrexit à mortuis: & ideo virtutes operantur in eo.*] Primum dubitauit, vt ait Lucas c. 3. postea credidit, & quasi aliis assentiendo dixit: *Hic est Ioānes Baptista, ipse surrexit à mortuis, & virtutes operantur ἐν τῷ οὖν, idest efficaces sunt, vigent, apparent: quasi dicat per eum miracula fiunt: vel virtutes, idest præcedentia merita seu bona opera sunt causa quod tam mirabilia agit.* Ex Ians.

3. *Herodes enim tenuit Ioannē, & alligauit eum, & posuit in carcerem propter Herodiadem uxorem fratris sui.*] Philippi: filiā Aristobuli filij maioris Herodis secundū Iosephū non Arete regis: vxorē Philippi, qui cognomēto Herodes dicebatur apud Iosephum, aut certe lapsus est cum Herodē appellat, quia magis fides adhibēda est Euangelistæ qui Philippum nominat ex Mald.

4. *Dicebat enim illi Ioannes: non licet tibi habere eam.*] Fratre adhuc viuento, mortuo enim non prohibebat lex. Iosephus lib. 18. cap. 10. aliam reddit causam cur Ioannem occiderit, quod nimirum timuerit, vt in magna cræ apud populares suos gratia, ne ad seditionem populum excitaret.

SECUNDVM MATTH. CAP. XIV. 167

5. *Et volens eum occidere timuit populum, quia scius Prophetam eum habebat.*] Marcus c. 6. habet quod Herodes metuebat Ioannem sciens eum virum sanctum, & custodiebat eum. Hinc colligitur Herodem non ideo Ioannem detinuisse in carcere vt eum occideret, sed potius vt ab insidijs Herodiadis indemnem custodiret : & sic cluderet iram inquirentis mulieris. Et certe liquet Herodiadem Ioanni insidias retendisse, vt siue per maritum siue alio dolo eum interimeret : Herodem autem obstitisse, vt Marcus ait, postea autem Herodiadis victum precibus occidere voluisse, sed timuisse populum vt ait Matthæus.

6. *Die autem natalis Herodis saltauit filia Herodiadis in medio, & placuit Herodi.*] Solas Herodes & Pharaon obseruauerunt diem natalis sui, vt quorum erat par impietas, vna esset solemnitas, ex Hier. & Orig. hoc laudat Caluinus, quia in comessationibus celebrabatur: arguit vero quod cum laude Christi, natalem Beatæ Mariæ & mortuorum qui Deo seruierunt Ecclesia celebret.

7. 8. *Vnde cum iuramento pollicitus est ei dare quodcumque postulasset ab eo : At illa pramonita à matre sua, da mihi inquit hic in disco caput Ioannis Baptista.*] Inducta, impulsæ, instigata à matre timente ne Herodes aliquando conueniret cum fratre suo : Volo inquit vt protinus des mihi in disco caput Ioannis Baptistæ, ex Mar. 6.

9. *Et contristatus est Rex; propter iuramentum autem, & eos qui pariter recumbebant iussit dari.*] Tristatur quod tam inconsulte iurasset & promississet, & quod illa tam crudeliter postu-

lasset: alij non vere sed simulate putant contristatum. Tanta vero erat apud Iudæos religio iusiurandi, ut etiam quæ contra fas iurata essent, non servare nefas putabant ut patet ex Iosue 9. 18. & Iephthæ Iud. 11. quæ tamen servanda non erant; quia impia promissio quæ scelere adimpletur & quæ in peiorem vertitur exitum. consilio salubriori mutanda est, ex Chryf. & Hier.

10. 11. *Misitque & decollavit Ioannem in carcere, & allatum est caput eius in disco, & datum est puella, & attulit matri suæ.*] Ut habeat in potestate linguam quæ illicitas nuptias arguit.

12. *Et accedentes discipuli eius, tulerunt corpus eius, & sepelierunt illud, & venientes nuntiaverunt Iesu.*] In castello Macheronte truncatus secundum Iosephum. Sepultus autem in Sebaste quæ olim Samaria dicta est Iuliani tempore. Cremaverunt pagani ossa Ioannis & disperferunt sed à monachis Hierosolymitanis collecta maxima pars & Hierosolymam delata; missa deinde Anathanasio, & Alexandria servata usque ad Theophilum Episcopum, ex Lyr.

13. *Quod cum audisset Iesus, secessit inde in navicula in locum desertum seorsum. Et cum audissent turba secuta sunt eum pedestres de civitatibus.*] Cum audisset mortem Ioannis, vel quod Herodes dixit Luc. 9. Hic est Ioannes: ipse surrexit à mortuis; voluit Christum videre, ex Chryf. secedit, non metu mortis, sed parcens inimicis, ne homicidium homicidio iungeret, ex Hier. & Chry. Vel differens mortem in Pascha, vel dans exemplum vitandæ temeritatis, vltro

ultro se morti offerentium: vel vt credentium probaret fidem. ex Hier. Non secessit antequam ei nuntiaretur vel demonstraret incarnationis veritatem, alioqui sciebat ante per se quod factum fuerat, ex Chryl. Secessit ergo ne Deum se esse declararet, ex Chryl. non pedibus sed in nauicula, vt nullus sequeretur abeuntem trans mare Galileæ quod est Tyberiadis. Alij quia lacus in vltiorem partem traijciendus erat: traijcit autem Christus partem aliquam lacus circa promontorium; & sic factum est cum turbæ terra sequerentur vt prius ad locū quo appulit quam ille peruenirent, vt ait Mar. 6. quia Christus promontorium circuibat, turbæ recta via tendebant.

14. *Et exiens vidit turbam multam, & misertus est eis & curauit languidos eorum.*] Exiens scilicet de naui vel de aliquo loco in quo se receperat, ex Hier. vidit turbam quæ eum prænegerat.

15. *Vespere autem facto accesserunt ad eum discipuli eius dicentes: desertus est locus & hora iam præterijt, dimitte turbas vt euntes in castellum emant sibi escas.*] Fides turbarum ostenditur quæ tam diu famem patientes expectarunt. Ioannis 6. videtur factum aliter narrari, sed discipuli, Christi scilicet non Ioannis, primum dixerunt ei vt turbas dimitteret, vt Matthæus ait, deinde Christus tentandi causa interrogauit vnde ememus panes? Ioan. 6. Interrogans ad modum ignorantis, vel vt discipulus suam incredulitatem ostenderet, vel vt miraculum quod facturus erat, illustrius redderet, ex Cyril.

16. *Iesus autem dixit eis: non habent necesse ire,*
data

date illis vos manducare.] Ioannis 6. c. respondit Philippus, ducentorum denariorum panes non sufficiunt, non quod ut Calvinus voluit haberent hos ducentos nummos aureos, sed quia nec habere possent; quia si habuissent iussisset expendi in panes, nec miraculo opus fuisset: Non dixit ego illis cibum dabo, sed, vos date illis manducare, ne miraculum iactare videretur. ex hoc probant voluntariam Christi paupertatem Theod. Heracl. & Leont.

17. *Responderunt ei, Non habemus hic nisi quinque panes & duos pisces.*] Andreas unus responderet pro omnibus: vel hi panes erant Apostolorum: vel pueri ut venderet toti multitudini, ex Cyr. & Chrys.

18. *Qui ait eis afferte mihi illos huc.*] Panes & pisces, hinc probavit fructum eleemosynæ ex multiplicatione consequuta. ex Cyr. & Leont.

19. *Et cum iussisset turbam discumbere super fœnum, acceptis quinque panibus & duobus piscibus aspiciens in cœlum benedixit, & fregit, & dedit discipulis suis.*] Marci 6. c. præcepit illis ut accumbere facerent Ioan. 6. Luc. 9. per convivia quinquagenos ut appareret quantus esset numerus, ex Theoph. & quam magnum miraculum, & ut sine confusione Apostoli ministrarent eis ex Cyr.

Aspiciens in cœlum.] Quia omne donum desursum est, & quia a Patre & diuinitatem & vim faciendi miracula accepit ex Hil. & Chrys. & ut idem nos facere doceret, & unde petendum auxilium, ex Hieronym. Non hic *ἐὐλογεῖν* pro *ἐχαρῆσθαι* gratias agere, sed è contra *ἐχαρῆσθαι* pro *ἐὐλογεῖν* benedicere accipitur, quia gratiarum actio hoc loco nihil ad rem pertinebat, bene

SECUNDVM MATTH. CAP. XIV, 16

benedictio autem multum volebat enim Christus panem multiplicare, nondum multiplicarat, non ergo Patri gratias agebat quod multiplicasset, sed benedicebat ut multiplicaret, ex Mald. non prius tangendam mensam quam Deo gratias agamus docent hinc Chrys. Dedit panes discipulis, discipuli autem turbis, ut honoraret eos, & ne increduli essent aut obliuiscerentur, ex Chrys. ut significaret populum Christianum per Apostolos pascendum. ex Hier. ut miraculi gloriam quodammodo in Apostolos transferret. Miraculum autem primum factum est in manibus Christi, qui frangendo multiplicauit, & duodecim cophinos impleuit; deinde in Apostolorum manibus aut in cophinis creuerunt; ita ut quantum ex corbibus, ut discumbentibus darent, detraherent; tantum diuinitus accresceret sicut in lecytho viduæ factum est. 4. Reg. 4.

20. *Et comederunt omnes, & saturati sunt & tulerunt reliquias, duodecim fragmentorum plenos.*] Omnes comederunt, saturati sunt, & duodecim cophini impleri ad euidentiam miraculi ex Hier. tulerunt reliquias ut absentes discerent miraculum; ut ex reliquijs apparet veros fuisse panes; ut boni dispensatores Dei beneficiorum tantum redderent quantum accepissent. Ex piscibus autem non constat an nihil superfuerit, & credibile multum superfuisse: esto nihil superfuisse dixerit, satis tamen est ad probandum miraculum ut panes vel pisces superessent. voluit autem panes potius quam pisces superesse quia vfitatissimus cibus est.

21. *Manducantium autem fuit numerus quinque*

que millia hominum, exceptis mulieribus & parvulis,] Quasi quinque millia Mar. 6. non numeratis mulieribus & pueris ad magnitudinem miraculi commendandam, ex more Iudæorum solos viros numerat ut notat Cyril. & Ammon. in catena.

22. Et statim compulit Iesus discipulos ascendere in naviculam, & precedere eum trans fretum, donec dimitteret turbas.] Indicat inuitos recessisse discipulos, nolebant enim à Domino separari: & præcessisse in Capharnaum non iussu Christi qui sese ab eorum oculis subtraxerat, sed proprio ut videtur consilio Ioan. 6. Cum enim eodem in loco expectassent vidissentque non redire, conscendisse nauim ut ibi eum quærent: sed utrumque factum est; & Christus antequam se subduceret præcepit eis ut nauigarent in Capharnaum, & ipsi usque ad noctem expectarunt sperantes rediturum: vel prius compulit discipulos nauim conscendere seque præcedere, prætextu dimittendæ turbæ, quibus profectis ipse in montem fugit ut oraret: sed Ioannes hoc secundum narrauit, primum prætermisit. Compulit autem ut se relicto prænauigarent, quia solus volebat orare. Et quia sciebat fore, ut turbæ venirent ut se raperent & Regem facerent Ioan. 6. Et cum periculum immineret momento temporis, ut postea fecisse credendum est, per aëra permeans discipulos consequeretur. & ut sequenti miraculo occasionem daret, nisi enim Apostolos præmisisset, neque super mare ipse ambulasset, neque Petrum iussisset ambulare. Alij ut fragmenta panum secum portarent, & soli miraculum inter se cognoscerent,

ex

ex Chry. Compulit autem eos, quia credibile est eos ab eo noluisse discedere præ amore; & ne solus inter ignotos remaneret ex Hier. tamen statim obtemperauerunt, quia sciebant eum omnia posse: præcesserunt ergo trans fretum, idest trans mare Galilææ, sicque non partem lacus Generareth, sed totum traiecerunt, voluit enim è Galilæa fugere & in oppositam regionem Gerasenorum venire, vt Herodis insidias vitaret, & eorum declinaret studium qui se regem facere volebant. Constat ex Ioanne & discipulos & Christum prius venisse Capharnaum, ibique præclaram illam de corpore & sanguine suo disputationem habuisse: Constat miraculum hoc in mari factum tunc accidisse, cum discipuli ex eo loco vbi Christus panes multiplicauerat, in Capharnaum noctu nauigarent. Deinde ex Capharnaum in Gerasenorum regionem vltra lacum nauigasse.

23. *Et dimissa turba ascendit in montem solus orare. Vespere autem facto solus erat ibi.*] Bis orauit ex Ioan. 6. ante & post miraculum, prius fugit vt lateret, nunc vt oret.

24. 25. *Nauicula autem in medio mari iactabatur fluctibus: Erat enim contrarius ventus. quarta autem vigilia noctis venit ad eos ambulans super mare.*] Quarta vigilia est extrema noctis pars quæ matutina dicebatur, habet enim quatuor vigilias: vigilia autem tres horas. Vigiliæ enim militares in tria horarum spatia diuiduntur. tota itaque nocte sunt periclitati, noluit continuo diuinum adesse auxilium, vt prius patientiam experiretur & in extremis succurreret in medio mari, & cum magnis fluctibus naus iactaretur, vt occasio facien

168 MANUALE IN EVANGELIUM
faciendi miraculi declararetur. Ex Cyril. ambulat super mare per dotem agilitatis. Calvinus ait aquas ita solidasse ut graue sustinerent corpus, cum tamen in eo miraculum fuerit ut graue corpus in liquidis & mollibus aquis non mergeretur, ex August. serm. de temp. 59.

26. *Et videntes eum discipuli supra mare ambulantem, turbati sunt dicentes, quia phantasma est, & pra timore clamauerunt.*] Calvinus crassi stuporis & ignorantiae brutae fuisse ait quod Apostoli turbati; miror quin idem dixerit cum B. Virgo turbata est: At Christus non reprehendit Apostolos quod turbati fuerint, iste reprehendit. Phantasma est apparentia rei non existentis. Spectrum, siue Angelus, siue daemon, & quia aut nocuisse multis aut nocere posse credebatur Apostoli timuerunt. Et magni timoris indicium est confusus clamor, & incerta vox.

27. 28. *Statimque Iesus locutus est eis dicens: habete fiduciam: Ego sum, nolite timere: Respondens autem Petrus dixit: Domine si tu es iube me ad te venire super aquas.*] Quia ardentissimae ubique fidei est, non enim dubitat de fide sed de facto. Credebat enim Christum posse efficere ut ipse quoque super aquas ambularet: quod Calvinus non credit: sed dubitabat an esset Christus qui loquebatur, an aliquis spiritus qui se Christum esse fingeret, quia sciebat satanam se aliquando in Angelum lucis transformare, & volebat probare Spiritus an ex Deo essent, quia si de fide dubitasset, non dixisset iube me venire super aquas, volens loquentis verba, factis probare: sciebat enim Angelum bonum

bonum & malum sumpta humani corporis forma posse super aquas ambulare, & Christi vocem imitari, sed non posse aliis vt idem facerent præstare.

29. *At ipse ait; veni: Et descendens Petrus de nauicula ambulabat super aquam vt veniret ad Iesum.*] Veni ait, vt se esse doceat quod Petrus experiri volebat. Calvinus stultitiam vocat quod crediderit posse se iubente Christo super aquas ambulare, & hanc Christum arguere experientia ipsa cum in mediis fluctibus mergeretur. Hieronymus probat ex hoc Christum verum habuisse corpus non phantasticum contra Manichæos, quia Petrus qui verum habebat corpus super aquas ambulauit.

30. *Videns vero ventum validum, timuit: Et cum cœpisset mergi, clamauit dicens: Domine saluum me fac.*] Quod maius est superans à minori turbatur, talis est natura nostra, sæpe in magnis recte habens in minoribus deficit. Ex Hier. Humanum autem est in præsentibus periculis commoueri. Nec omnino dubitauit qui clamauit *Domine saluum me fac.* Relinquitur tentationi vt augeatur fides. Quod ambulauit super aquas diuinæ fuit potentiæ; quod mergeretur, humanæ infirmitatis ne superbiret.

31. *Et continuo Iesus extendens manum apprehendit eum, & ait illi: modica fidei quare dubitasti.*] Ardebat fides sed humana infirmitas in profundum trahit, ostendit periculum non ventum, sed modicam fidem fecisse ait Chrysoſt.

32. *Et cum ascendissent in nauiculam, cessauit ventus.*] Christus & Petrus cum ascendissent.

H Ioan.

Ioan. 6. significare videtur Christū non ascendisse vel certe non opus fuisse vt ascenderet. Quinque miracula facta sunt, Christus per aera raptus Apostolos cōsecutus est: super mare ambulavit: effecit vt & Petrus ambularet: tempestatem sedauit: Nauis vt in eam ascendit statim ad terram appulit.

33. *Qui autem in nauicula erant, venerunt vt adorarent eum, dicentes: Vere filius Dei es.]* Nautæ scilicet & vectores, vel Apostoli venerūt & adorauerunt vt filium Dei non adoptiuum sed naturalem, non vt virum iustum; sed vt verum Deum. Et valet hic locus contra Arianos. non enim eos arguit qui se filium Dei vocabant, quin potius eorum opinionem confirmat edictis miraculis. Ex Chrys.

34. *Et cum transfretassent venerunt in terram Genesar.]* Quæ ultra stagnum est, à qua stagnum nomen accepit.

35. *Et cum cognouissent eum viri loci illius, miserunt in uniuersam regionem illam, & obtulerunt ei omnes male habentes.]* Nouerant rumore, & ex facie. Ex Hier. quia ibi iam ante duos dæmoniacos curauerat cap. 8. Mirum qui cum è finibus eiecerant, sic eum iam recipiant, quia Christi fama creuerat, & eorum fides. Ex Chrysost.

36. *Et rogabant eum vt vel simbriam vestimenti tangerent. Et quicumque tetigerunt, salui facti sunt.]* Hanc sapientiam docuit mulier illa hæmorrhoïssa. Ex Chrys. Caluinus vero vt superstitionem culpât: ac Euangelista laudat, non quod ad tactum simbriæ, Christi gratiam restringerent; sed quia tanta erat eorum fides, vt crederent vel solo eius simbriæ tactu omnia morbo

SECUNDVM MATT. CAP. XV. 171
morborum genera curari posse. Ex hoc loco
non simbriam sed totum Christi corpus in Eu-
charistia esse probat Chrys.

CAPVT XV.

*Arguit Phariseos ; sanat filiam
Chananae.*

1. **T**unc accesserunt ad Iesum ab Ierosolymis
Scribae & Pharisei.] Tunc cum tot fecis-
set miracula, cum tactu vestimentorum sanasset
infirmos. Ex Chrys. accesserunt Scribae & Pha-
risei, qui per omnes tribus erant dispersi, sed
omnium insolentissimi erant Hierosolymita-
ni. Ex Chrys.

2. Dicentes : *Quare discipuli tui transgrediun-
tur traditiones seniorum : non enim lauant manus
suas cum panem manducant.*] Occasionem ca-
lumniandi notat Marc. cap. 7. quia discipuli
non lotis manibus manducarent panes: Senio-
rum traditionem non suam dixerunt, nec le-
gem ; cum tamen eam constituissent Scribae
ut crebro etiam inter prandendum lauarent
quicumque bene vellent legem observare: ab-
stinendo ab iis quorum tactu homines inqu-
nabantur. Ex Chrys.

3. Ipse autem respondens ait illis : *Quare & vos
transgredimini mandatum Dei propter traditio-
nem vestram. Nam Deus dixit.*] Ex zelo iustitiae
innocentes excusat, inuidos accusat, ostendens
quod indigni sunt alios de parvis accusare qui
magnis subiacent vitiis. Ex Chrys.

H 2

4. Ho

4. *Honora patrem & matrem, & qui maledixerit patri vel matri, morte moriatur.*] Honora non tam salutando quam dando necessaria. i. Timot. 5. honora viduas, id est ale: Qui debita obsequia parentibus negauerit, verbo, facto, vel aperta rebellionem, moriatur. quanti apud Deum hoc præceptum, quando qui eos solo verbo lædit, capite punitur, ostendit, ut notat Chrys.

5. *Vos autem dicitis: Quicumque dixerit patri vel matri munus quodcumque est ex me, tibi proderit.*] Id est quod Deo offero tibi etiam prodest quemadmodum si tibi darem. vel munus est, id est Deo consecratum est, quicquid ex meis bonis tibi prodesse poterat: Alij nihil tibi debeo, sed quod ex meis rebus emolumentum prouenit, id munus est, id est non debito sed tibi dono do. Ex Chrysost. Alij munus quodcumque est ex me, tibi proderit? per interrogationem; quasi dicat: minimè ex S. Thom. Chrysostomus putat mentiri solitos filios dicentes se quod parentes petebant Deo obtulisse, ne illis darent. Et sic duplici impietate, & se & parentes fraudasse: Alij munus quodcumque est ex me tibi proderit? Id est, an si tibi dem, quod Deo consecrare decreui prodesse tibi poterit? minimè, quin potius obesse, quia rebus sacris abuterere. Alij melius, quodcumque ex me proficiscitur, id est, quodcumque obtulero Deo, tibi proderit perinde ac si tibi dedissem, præstat ergo Deo offerre, quam tibi: ita Strabus, & Lyr.

6. *Et non honorificabit patrem suum aut matrem suam: Et irritum fecistis mandatum Dei propter traditionem vestram.*] Vacuum & false

falsè intellectum, præuaticatum fecistis mandatum de honorandis parentibus: quasi dicat filius ista dicendo parentibus vel bona sua vouendo Deo, non tenetur nec debet honorificare, seu necessaria patri vel matri ministrare: Vel non honorificabit, id est quicumque filius vestram traditionem sequitur, non honorificabit reuera suos parentes, dando eis victum dum indigent sicut lex præcipit, sicque transgreditur diuinum præceptum sequendo vestrum errorem.

7. *Hypocrite, bene prophetauit de vobis Isaias dicens.*] Non sunt vaticinantis sed accusantis verba: non enim de Scribis & Phariseis, sed de populo Iudæorum qui tunc erat prædicta sunt. Hypocritas vocat qui sub ficto Dei honore terrena lucra cumulabant.

8. *Populus hic labiis me honorat, cor autem eorum longè est à me.*] Hæc quæ ad propositum suum faciebant verba, Christus retulit non omnia nec eo modo quo dicta Isa. 29. cap.

9. *Sine causa autem colunt me docentes doctrinas & mandata hominum.*] Inaniter & solo obsequio exteriori colunt, ideo non habituri mercedem cum veris cultoribus, docentes traditiones seniorum suorum diuino mandato contrarias. Traditiones quædam sunt à Deo; sed nemo scripsit, Ecclesia tamen semper seruauit, vt quod baptizentur infantes: quædam ab Ecclesia institutæ, vt Dominicæ dici observatio: ieiunium quadragesimæ, abstinencia à carnibus certis diebus, quæ humanæ dici nequeunt, quia à

H ; — Spi

174 MANUALE IN EVANGELIUM

Spiritu sancto Ecclesia gubernante sunt instituta: quædam quæ neque à Deo, neque ab Ecclesia, sed aut à Republica, aut à privatis hominibus instituta sunt. Harum alia non sunt contraria præceptis aut cõsiliis Dei, alia autem sunt contraria, & de his iam loquitur Christus.

10. 11. *Et convocatis ad se turbis, dixit eis: Audite & intelligite: Non quod intrat in os coinquinat hominem, sed quod procedit ex ore hoc coinquinat hominem.*] De cibis loquitur, qui licite edi possunt, & quidem non cibus ipse etiam prohibitus coinquinat, sed inobedientia & immoderantia, sed intemperantia & ebrietas. Dicit Calvinista, Ecclesia non potest bonos natura cibos prohibere. At nonne sanguis & pullus columbarum suffocatus bonus natura sua cibus est? & tamen Ecclesia prohibuit illis uti, Act. 15. Caro natura sua bonus cibus est, & tamen Paulus carne sibi interdicit in æternum ne fratrem scandalizet, ita ut si vescatur, non cibi natura sed caritatis defectu se inquinari putet 1. Cor. 8. Et si quis ægrotus medico prohibente, vino utatur, nemo dubitat non vini natura sed inobedienti inquinari voluntate. Potest ergo Ecclesia & medicus hunc vel illum potum & cibum prohibere ægrotis corpore vel animo. Ex Augustin. lib. 3. contra Faustum. Quod procedit ex ore, sunt verba hanc malitiam cordis experimentia, sicque non discipulos manuum illotarum sordibus, sed ipsos Phariseos malignis & calumniatoribus verbis inquinari.

12. *Tunc accedentes discipuli eius dixerunt ei:*
scis

scis quia Pharisei audito verbo hoc scandalizati sunt.] Quia videbatur contra ciborum decretum lege præceptum loqui, & ipsam legem abrogare. Scandalum autem est dictum vel factum minus rectū præbens alteri occasionem ruinæ. Ex Hier.

13. *At ille respondens ait: Omnis plantatio quam non plantauit Pater meus cœlestis eradicabitur.]* Falsa doctrina & superstitiosa. homines bonam vel malam habentes voluntatem. Pharisei vocantur plantæ & Doctores qui non habent fundamentum Christum.

14. *Sinite illos, cæci sunt & duces cæcorum: cæcus autem si cæco ducatum præstet, ambo in foveam cadunt.]* Sic Apostolus vitandos Hæreticos iubet, quia & se & alios in præcipitium trahunt.

15. *Respondens autem Petrus, dixit ei: edisere nobis parabolam istam.]* Proloqui exorsus est Petrus, vt ardentissimus cæteros anteit ex Chrysostom. Mar. 6. scribit discipulos interrogasse scilicet post Petrum, vel solum Petrum nomine omnium; vel plures pro vno posuit vt cap. 26. Effuso vnguento indignatos Apostolos fuisse cum ex Ioh. 12. constet solum Iudam indignatum fuisse. Et cap. 27. latrones qui cum Christo erant blasphemasse, cum ex Luc. 23. vnum tantum blasphemasse constet: Nec obstat quod Christus non de vno sed de pluribus loquens dixit: *adhuc & vos sine intellectu estis.* Nam Mat. 26. Marc. 14. cum solus Iudas contra illam mulierem quæ vnguentum effuderat murmurasset, Christus loquens de pluribus dixit: *sinite eam.*

16. 17. *At ille dixit: adhuc & vos sine intellectu*

estis. Non intelligitis, quia omne quod in os intrat, in ventrem vadit, & in secessum emittitur.] Non dicit totum sed omne scilicet cibi genus. vide Marcum ubi ait sic purgari escas scilicet remanente puro alimento in corpore. Ex eo autem quod cibus non exit ex corde, nec in eo heret, sed in venter abit & in secessum emittitur, rectè colligit non posse hominem inquinare.

18. *Qua autem procedunt de ore, de corde exeunt, & ea coinquinant hominem.]* Ut verba turpia & nociua, os hic non corporis sed cordis intelligit, sicque non solum verba, sed facta & quicquid in actum exit intelligit, quia omnia opera primum in corde concipiuntur: unde non videntur nisi per os exire posse.

19. 20. *De corde enim exeunt cogitationes male, homicidia, adulteria, fornicationes, furta, falsa testimonia, blasphemia. Hæc sunt quæ coinquinant hominem; non lotis autem manibus manducare, non coinquinat hominem.]* Inquinatum cogitatione, magis inquinant sordida locutione & externa operatione.

21. *Et egressus inde Iesus secessit in partes Tyri & Sidonis.]* Id est loca vicina, vel ad eam regionem; non enim probabile est in terram illam Gentium progressum esse, cum Apostolis dixisset, in viam Gentium ne abieritis. cap. 10. Venit autem ibi ut lateret ex Theoph. Vel ut quiesceret. Ex Eutym. Mar. 7. Vel quia Iudæi suam doctrinam recipere noluerat. Chrysost. putat ideo venisse, quia paulo ante legis ceremonias & ciborum observationes abrogare videbatur, & voluisse ad Gentiles veniendo non esse iam Iudæum & Græcum, ut Petrus edoctus viso linteo. Act. 10. ita Hier. & Beda.

22. Et

22. *Et ecce mulier Chananæa à finibus illis egressa clamauit dicens ei: Miserere mei, fili David, filia mea malè à demonio vexatur.*] Chananæi à Chanaam descendentes, apud Iudeos omnium gentium impiissimi habebantur. Marcus ca. 7. vocat Syrophœnissâ, quia Tyrij & Sydonij Syrophœnicis erant ad oram; sic dictam quia Syrij eam occupassent, vt Gallogræci. Vel quia alia est Phœnicia in Africa. Non dixit misere re filia meæ, vt Christum magis moueret: vel quia & suum & filia sentiebat dolorem. Ex Chryl. per fidem nouit clamare filium David Messiam, quem vel à vicinis Iudæis, vel à prophetiis inaudiuerat futurum filium Davidis.

23. *Qui non respondit ei verbum: & accedentes discipuli eius rogabant eum, dicentes quia clamat post nos.*] Non respondet vt probet patientiam & longanimitatem, aut aliis fidem & constantiam patefaciat, aut ne videatur contrarius illi sententiæ: in viam gentium ne abieritis, & occasionem calumniandi daret. Verosimile est hanc Apostolos rogasse vt pro se rogarent, & sic Christo iniuriam non facit, qui vt hæc sanctos orat. Marcus 7. c. dicit eam in domum vbi Christus erat ingressam ad pedes eius procidisse: hic autem videtur Christum per viam secutam esse, & à tergo clamasse. Credibile est domum ingressam nulloque responso reddito Christum domo exiisse, & post eum clamasse ex Aug. l. 2. de cons. Euang. c. 49.

24. *Ipse autem respondens ait: Non sum missus nisi ad oues qua perierunt domus Israël.*] Primo ac principaliter, & ad prædicandum & ad operandum miracula in propria persona, nisi ad oues familiae Israeliticæ, perditas per peccatum

H s ori

originale & actuale, quibus Christus primo per seipsum vsque ad diem passionis, deinde diu per Apostolos prædicauit, donec illis penitus obstinatis & inexcusabiliter obduratis, iusta facta est ad gentes transmigratio. Vnde Christus parum gentibus in propria persona prædicauit & signa fecit. Hic notandus Calvinistarum error qui dicunt Christum non ad omnes saluandos venisse, sed propter solos prædestinatos. Non sic Amb. in Psal. 43. Cyril. Hier. Hilar. & Aug. existimant.

25. *At illa venit & adorauit eum dicens: Domine adiuua me.] Vbi vidit Apostolos nihil posse & quæ à longe secuta est eum ex Chrysostom.*

26. *Qui respondens ait: non est bonum sumere panem filiorum & mittere canibus.] Honestum & decens non est eripere panem, idest verbum salutis quod prius debetur Iudæis: gratiam miraculorum, gratiam Euangelicam, & proicere canibus; quasi dicat, habet canes panem suum minus delicatum quam filij: res naturales, sol luna, pluuia, &c. Canum, idest gentium, panis sunt, quæ prouidentia quidem Dei, sed generali dispensantur, & omnibus in commune, sicut porcis glandes proiciuntur: at gratia & doctrina Euangelica quæ supra naturam est panis filiorum sed maiore consilio distribuendus. Canes filiis opponit, quia quamuis utrorumque paterfamilias curam gerat, tamen filiorum in primis & multo maiorem quam canum habet. Consueuerant Iudæi omnes alias Gentes canes appellare.*

27. *At illa dixit: etiam Domine, nam & canelli edunt de micis quæ cadunt de mensa domino-*

rum suorum.] Quasi dicat non mereor panem, vel sedere ad mensam, sed contenta sum reliquiis: verum est, sum canis; & vt canis debeo edere saltem de micis. Christus vocauerat canem, illa minus se quam canem sed catellum existimat vt ad hominem argumentetur ex Chryl. Micas vocat minora miracula & minus crebra, quasi dicat non peto à te vt passim hic sicut apud Iudæos habites, & cæcos cures mortuos suscites, sed vnum tantum, & minus sua natura difficile miraculum, vt dæmonem à filia mea eiicias. Sic Theoph. Mensam vocat gratiarum omnium abundantiam, quæ erat in Christo: non petit vt ex professo vt apud Iudæos effundat gratiam miraculorum, sed vt obiter, non quasi proiecerit, sed quasi exciderit, vt solent micæ de mensa diuitum cadere.

28. *Tunc respondens Iesus ait illi: ô mulier magna est fides tua: fiat tibi sicut vis, & sanata est filia eius ex illa hora.*] Magna, idest firma & integra bonis operibus cæterisque virtutibus adornata, quia toties repulsa non cessas patientissime, humillime postulare: non nisi Gentilium miratur fidem vt c. 8.

29. 30. 31. *Et cum transisset inde Iesus venit secus mare Galilææ: & ascendens in montem sedebat ibi. Et accesserunt ad eum turba multa habentes secum mutos, claudos, cecos, debiles & alios multos, & proiecerunt ad pedes eius & curauit eos: ita ut turba mirarentur videntes mutos loquentes, claudos ambulantes, cecos videntes, & magnificabant Deum Israël.*] Quia fideles inestimabili gaudio exultant quando hæc vident.

32. ad 38. *Iesus autem conuocatis discipulis suis dixit: misereor turba, quia triduo iam perseue-*

rant mecum, & non habent quod manducent, & dimittere eos ieiunos nolo, ne deficiant in via. Et dicunt ei discipuli: unde ergo nobis in deserto panes tantos ut saturemus turbam tantam? & ait illis Iesus: Quot habetis panes? At illi dixerunt: septem, & paucos pisciculos. Et praecepit turba ut discumberent super terram. Et accipiens septem panes & pisces, & gratias agens fregit & dedit discipulis suis, & discipuli dederunt populo, & comederunt omnes, & saturati sunt: & quod superfuit de fragmentis tulerunt septem sportas plenas. Erant autem qui manducauerunt quatuor millia hominum extra paruulos & mulieres.] Discipulos conuocat quibus tanquam amicis secreta sua aperiebat ex Hier. vel ut eorum exploraret fidem, & futuri miraculi occasionem captaret, ut discipulorum confessione constaret non esse panem unde tanta turba posset pasci: nunquam enim faciebat miracula sine necessitate magna, ideoque triduum expectauit ut cibi consummarentur si quos attulerant ex Chrys. Credibile est totum triduum aut omnes aut plerosque fuisse ieiunos, quod subtilis Calvinus aëris subtilitati tribuit vim illam ieiunandi, cum potius obsit, & facilius ieiunant qui aëre crassiore fruuntur. Cætera vide c. 14.

39. Et dimissa turba ascendit in nauiculam, & venit in fines Magedan.] Marc. 8. In partes Dalmatiæ. Idem locus sub diuerso nomine, vel vnum regionis, alterum vrbis: aut vtrumque vrbis, sed vtraque vrbs vicina erat: ita ut qui ad terminos vnius transiret ad alterius transisse videretur. Ex Hier.

C A P V T X V I.

*Negat Phariseis signum cœleste : Petro
claves promittit.*

I *ET accesserunt ad eum Pharisei & Sadducei
tentantes : & rogauerunt eum ut signum
de cœlo ostenderet eis.]* Potentiæ eius periculum
facere volentes, vt c. 12. non vt crederent sed vt
calumniarentur, si non faceret: & in hoc con-
ueniunt, quamuis inter se hæ duæ sectæ essent
contrariæ, sic Pilatus & Herodes amici facti
sunt : sic Lutherani & Calvinistæ contra Ec-
clesiam. Semper enim Christus inter duos la-
trones crucifigitur ait Tertul.

2. 3. *At ille respondens, ait illis : facto vespere
dicitis serenum erit, rubicundum est enim cœlum:
& mane : hodie tempestas ; rutilat enim triste cœ-
lum.]* Hoc Græcè non habetur in plerisque co-
dicibus: at Græci & Latini interpretes legunt,
& Mar. c. 8. Quia signum de cœlo petierunt ex
cœlestibus signis, probat non debere eos si-
gnum de cœlo petere ex Hier.

4. *Faciem ergo cœli diiudicare nostis, signa
autem temporum non potestis.]* Luc. 12. vocat
hypocritas quia sapientes videri volebant cum
essent stultissimi, quasi dicat si faciem cœli co-
gnoscitis, id est signa serenitatis & pluuiæ: quod
difficilius est & incertius; quomodo signa ad-
uentus mei quæ tot prophetiis consignata, tot
miraculis à me comprobata sunt, cognoscere
nescitis. Ex Theoph.

*Generatio mala & adultera signum querit, &
signum*

signum non dabitur ei nisi signum Iona Propheta, & relictis illis abiit.] Huius loci explicationem vide cap. 12.

5. *Et cum venissent discipuli eius trans fretum obliti sunt panes accipere.]* Id est cum discederent è portu, obliti sunt panes quos secum tulerant accipere. Vel vero similis est septem illas sportas; aut sua sponte, aut iussu Christi pauperibus distribuisse. Itaque obliti sunt panes accipere, id est emere trans fretum in Bethsaidam vt Mar. 8.

6. *Qui dixit illis: Intuemini & caute à fermento Pharisaorum & Saduceorum.]* Animum aduertite; prudenter discernite Mar. 8. à fermento, id est secta Herodis, à doctrina corrupte, à vanis traditionibus quibus videntur quod non sunt, ab eorum hypocrisi ex Hil. & Hier.

7. *At illi cogitabant inter se dicentes, quia panes non accepimus.]* Consultabant inter se, disceptabant quo modo Christi verba intelligerent, & quid acturi essent, cum panes non accepissent.

8. 9. 10. 11. 12. *Sciens autem Iesus dixit: Quid cogitatis inter vos modica fidei, quia panes non habetis; nondum intelligitis neque recordamini quinque panum, in quinque millia hominum, & quot cophinos sumpstis. Neque septem panum in quatuor millia hominum, & quot sportas sumpstis? Quare non intelligitis, quia non de pane dixi vobis, caute à fermento Pharisaorum & Saduceorum.]* Sciens cogitationes eorum, obliuionem præcedentium miraculorum panum qui in tot millia hominum expensi sunt.

13. *Venit*

SECUNDVM MATTH. CAP. XVI. 183

13. *Venit autem Iesus in partes Casarea Philippi.* [Ob differentiam eius quem Herodes pater in Iudæa ædificauerat, in honorem Cæsaris, in loco qui turris Stratonis dicebatur prius, hæc autem Philippi postea ab Agrippa Rege ornata in honorem Neronis dicta est Neroniana.

Et interrogabat discipulos suos dicens : quem dicunt homines esse filium hominis?] Vt veræ confessionis mercedem reddat, non quasi nesciat: ut ex responsione discamus varias fuisse de Christo Iudæorum opiniones; ut etiam scrutemur opiniones hominum de nobis: ut expositis errantium sententiis probentur discipuli, non opinione vulgi veritatem, sed reuelatione didicisse. Marc. 8. ait hoc factum fuisse in via: Lucas vero cap. 9. cum solus esset orans: verisimile simul iter fecisse & orasse. Probabilius in ipsa via antequam ad locum quo tendebat perueniret, solum in aliquem locum ad orandum à via diuertisse, finita autem oratione cœpisse pergere, atque tunc discipulos interrogasse. Ex Eutym. Quem me dicunt, alij vt Chrysostom. Quem me dicunt homines esse? non Scribarum & Phariseorum sed plebis mentem inuestigat, erat enim hæc à malitia libera. Vbi in veteri testamento legimus hominis, Hebraicè est filius Adam; sic se vocat modestiæ & humilitatis causa: ut se maximè abiiciat, & quasi humi prostratus sententiam excipiat ex Hieronym.

14. *At illi dixerunt: alij Ioannem Baptistam: alij Heliam: alij Hieremiam, aut unum ex Prophetis.* Sed turbæ errare potuerunt in Helia & Hieremia

184 MANVALE IN EVANGELIUM
Hieremia, sicut Herodes erravit in Ioanne
cap. 11. ex Hier.

15. *Dicit illis Iesus: vos autem quem me esse dicitis?] Qui mecum semper versantes plura me fecisse vidistis, qui meo nomine ampliores virtutes ipsi quoque fecistis, quem me esse dicitis? conuocat ad opinandum aliquid maius de ipso ex Chrys. Quasi dicat qui de filio hominis loquuntur homines sunt: Nam qui diuinitatē intelligunt, dij appellantur ait Hier.*

16. *Respondens Simon Petrus dixit: Tu es Christus filius Dei viui.] Quia omnium princeps ex Chrys. quia ut caput ardentioris erat fidei ex Hilar. & quia quasi os Apostolorum erat pro omnibus loqui solet ex Chry. & Aug. Tu es Christus filius Dei viui, non qualiscūque sed vnicus ille, natura non adoptione, qualem dicebant omnes qui eum sanctum, & iustum & Prophetam putabant; sicque ex hoc eius diuinitatem probāt Patres, ut Hil. & Ath. ser. 4 cōtr. Arian. Viuum dicit, ut ab idolis distinguat.*

17. *Respondens autem Iesus dixit ei: Beatus es Simon Bariona, quia caro & sanguis non reuolauit tibi sed Pater meus qui in cœlis est.] Chaldaice. idest filius Ioannis vel filius columbæ, videlicet Spiritus sancti qui per columbam significatur ex Hier. Caro idest Iudæi, de quorum sanguine natus es: vel à teipso non inuenisti quod professus es.*

18. *Et ego dico tibi, quia tu es Petrus, & super hanc petram edificabo Ecclesiam meam.] Quasi dicat, tu qui homo es filium Dei me esse professus es; ego vero qui filius Dei sum, dico te esse Petrum, idest vicarium meum quem filium Dei esse confessus es. Nam Ecclesiam*
meam

meam quæ super me ædificata est, super te etiam ædificabo, tanquam super secundarium fundamentum. Non hic accepit hoc nomen sed vbi Ioannes dictum ait: *Tu vocaberis Cephas*, idest Petrus per futurum imposuit vt Abrahamo Gen. 17. Ex Aug. 2. de conf. Euang. c. 53. *Et super hanc Petram*, de qua proxime dixerat, *Tu es Petrus*, Græce enim idem *πίτρες* & *πίτρα*, & quidem Cephas seu Cepha, qua voce Christus vsus est, Syriacè lapis seu saxum Hebraice Ceph. Vel super hanc petram, idest super hanc fidem, aut super hanc fidei confessionem qua me filium Dei professus es, ex Hil. c. 6. de Trin. Chry. Cyr. Amb. Vel super me ipsum quia Petra erat Christus ex Aug. tract. 27. in Ioan. 1. Cor. 10. quia fundamentum nemo potest aliud ponere. 1. Cor. 3. Vel super hanc petram, idest super omnes homines eandem fidem habentes ex Orig. Verum pronomen *hanc* denotat Christum non super seipsum aut super aliam rem quam super Petrum fundaturum Ecclesiam; Petrus enim & Petra idem sunt, quasi dicat: tu es Petra, & super hanc Petram ædificabo Ecclesiam meam. Deinde his verbis voluit Christus aliquid magnum tanquam fidei Confessionis præmium concedere aut promittere, hanc scilicet eximiam dignitatem, vt eum Ecclesiæ caput constitueret, & suum in terris Vicarium. Præterea sicut dicit, *Tibi dabo claves*, ita dicit *super hanc Petram*, idest super te ædificabo Ecclesiam meam: idem enim diuersis verbis & metaphoris illi concedit, vt ipse in Ecclesia Vicarius sit, cum quasi ciuitatis claves tradidit. Denique super ipsam petram Ecclesiam ædificatam fuisse omnes præter hæreticos

ticos veteres Patres docuerunt. Et cum dixerunt super fidem & confessionem Petri Ecclesiam ædificatam, id est super Petrum, propter fidem & confessionem intelligendum.

Et porta inferi non praualebunt aduersus eam.] Tentationes diaboli, vitia & peccata, doctrinæ fallaces, tribulationes, aduersariorum persecutiones, omnis denique potestas diaboli. Portas vocat; quia sunt pars ciuitatis munitissima non separabunt eam à fide & charitate, non vincent eam: quasi dicat: futurum est vt Ecclesia super petram à Christo fundata omnem diaboli potentiam expugnet, itaut nulla arte, nullis viribus possit resistere, quia portæ non vincunt sed resistunt; & vis earum non in offendendo sed resistendo sita est. Aduersus eam, id est petram vel Ecclesiam: quasi dicat non solum inferno resistet Ecclesia, sed illum etiam expugnabit. Agit enim de Ecclesia & inferno tanquam de duabus ciuitatibus aut arcibus inter se vicinis atque pugnantibus, quarum quæ melius fundata est atque munita alteram expugnat.

19. *Et tibi dabo clauēs regni cœlorum.*] Plenam atque supremam potestatem gubernandi Ecclesiam vt Isa 22. Apoc 3. præcipue potestas est Petri circa spiritualia, scilicet ad regnum cœleste pertinentia: quæ non in docendo vt volunt Calvinistæ, sed in ligando & soluendo consistit, dum confessione & pœnitentia, non doctrina peccata remittuntur. Solent domus aut ciuitatis clauēs penes eum esse, qui in domo vel in vrbe primatum tenet. Et per clauēs principatus significatur vt Isa. 22. Hoc sensu Petro clauēs non alijs Apostolis, datæ sunt, id est

idest suprema secundum Christum in Ecclesia
 potestas, vt claudat & nemo aperiat, aperiat
 & nemo claudat; idest quæ vt soluerit nemo
 ligare, & quæ ligauerit nemo soluere possit:
 & hæc potestas Romani Pontificis in seruan-
 dis casibus maxime relucet; & soli Petro di-
 ctum est: tibi dabo: non quod alijs Apostolis
 non sit data potestas ligandi atque soluendi,
 sed quod hæc clauces de quibus agimus, non
 omnibus sunt datæ, quibus scilicet ita ape-
 riebatur vt nemo clauderet, ita clauderetur vt
 nemo aperiret, sicut in domo etiãsi aut omnes
 aut multi suas habeant clauces, solus tamen
 Dominus & domi omnes & secretas habet,
 quibus cum vult ita claudit vt nemo aperiat,
 ita aperit vt nemo claudat. Hæc autem pote-
 stas Petro non personaliter sed item successo-
 ribus data est contra Calvinum, ex Mald. Quis
 enim crederet Christum Ecclesiam immorta-
 lem super mortalem hominem ædificasse, quo
 mortuo Ecclesiam corruiere necesse esset?

Et quodcumque ligaueris.] Idem hac Meta-
 phora quod duabus superioribus significatur
 suprema potestas Petro collata remittendi aut
 retinendi peccata. Nec eodem sensu Petro at-
 que alijs Apostolis dictum: *Quodcumque solueris*
super terram erit solutum & in cœlis, sed eo sensu
 quo super solum Petrum Ecclesia ædificata est,
 quo soli datæ sunt clauces, vt ita liget vt nemo
 soluere: ita soluat, vt nemo ligare possit. Ex hoc
 refelluntur. 1. qui dicunt sacerdotes posse quem-
 libet pro suo arbitrio soluere aut ligare. 2. qui
 dicunt ligare aut soluere nihil aliud esse quam
 homines aut iam à Deo ligatos, aut iam solutos
 declarare, quia dixisset quæcûque soluta erunt
 in

188 MANVALE IN EVANGELIVM

in cœlis, soluetis, &c. 3. qui putant sacerdotes cum absoluunt nihil aliud facere quam aliquid de pœna temporali minuere, errant, quia non à pœna solum sed à culpa vere absoluunt. Ioh. 2. quorum remiseritis peccata.

Super terram erit ligatum & in cœlis : & quodcumque solueris super terram, erit solutum & in cœlis.] Quasi dicat, quicquid vos super terram habitantes solueritis aut ligaueritis, solutum vel ligatum erit à Deo. Vnde ex hoc loco colligi non potest Ecclesiæ potestatem ad mortuos non extendi, qui super terram non sunt, idest de iurisdictione Ecclesiæ: nam mortuos potestatem habet excommunicandi: idest ius priuandi suffragijs. Item eos qui in purgatorio sunt suffragijs potest liberare. Ex hoc autem loco Confessionis vsus probatur: Nam non potuit hæc potestas Apostolis data sine peccatorum cognitione exerceri, nec peccata quia plerumque occulta sunt, sine propria eius qui peccauit confessione cognosci. Nec solum potestatem absoluendi tradidit Apostolis his verbis: sed etiam præceptum confitendi omnibus dedit Christianis. Sensus enim est non solum fore vt quicquid Apostoli soluerint in terra, & ipse soluat in cœlo: sed præterea significat nihil se soluturum aut ligaturum in cœlo, nisi quod eius Apostoli aut eorum successores aut soluerint aut ligauerint super terram. dat enim illis suam ipsius potestatem vt pro se Ecclesiam gubernent. Itaque vult vt quicumque peccatorum solutione indigebunt ad Apostolos vel eorum successores tanquam ad seipsum si in terris esset veniant: & ab illis peccata confessi solutionem petant.

20. Tunc

20. *Tunc precepit discipulis ut nemini dicerent, quia ipse esset Iesus Christus.*] Ne qui audissent si postea morientem eum ut prædixit Mar. 8. Luc 9. in cruce vidissent, infirmitate carnis eius offensi fidem perderent: Nam eo in cruce pendente quidam dixerunt: *Si filius Dei es, descende de cruce*: Noluit ergo ut quod se moriente paucis accidit, omnibus accideret. At si noluit se prædicari esse Christum, cur misit Ioānem Baptistam eius aduentū prædicare, & Apostolos prædicare regnū Dei, quod idem est, & cur ipse dixit se esse filiū Dei, se esse Christum, aut Deum Patrem suum appellauerit? Quidam respondent prohibuisse ne sua passio impediretur. Noluit autem penitus taceri & occultari, ne Iudæi excusationem haberent. Origenes ait Apostolos non Christum sed regnum Dei prædicasse. Hieronymus contra prædicasse quidem Christum, sed non Iesum, idest docuisse illum esse virum iustum, Prophetam, Messiam à Deo promissum, sed non docuisse esse filium Dei, idest verum & naturalem Deū, qualem nunc Petrus confessus est, quia id ne ipsi quidem Apostoli tunc forte cognoscebāt: hoc autem in loco prohibuisse ne se Iesum Christum esse dicerent ex Hier. quasi diceret tunc me prædicare cum mortuus fuero: non enim prodesset eius maiestatem prædicare quem essent visuri postea crucifixum. Ipse vero nunquam satis aperte, se esse filium Dei in publico declaravit, quia cum aliqui aliquando offensi essent quod Deum Patrem suum appellasset, eorum opinionem ambiguitate nominis elusit ut notat Mald. Nonne inquit scriptum est in lege vestra: *Ego dixi dñ estis vos* Ioan. 10.

21. *Exinde*

21. *Exinde cœpit Iesus ostendere discipulis suis quia oporteret eū ire Hierosolymam, & multa pati à senioribus & scribis, & principibus sacerdotum, & occidi, & tertia die resurgere.*] Idest, statim post hæc verba in quibus ostendit se esse verū Dei filium habentem potestatem dandi claves, &c. cœpit aperte loqui de sua passione. At cur ex eo potius tempore quàm ante? quia ante nondum satis ab Apostolis tanquam filius Dei naturalis aut cognitus, aut publica confessione pronuntiatus fuerat, & verendum ne si ante de sua ignominiosa morte verba fecisset; offenderentur, & aut discederēt, aut à cursu fidei retardarentur. At cur postea? quia tunc erant idonei, vt illis mysterium aperiret. Alij dicunt vt discipulos suos futuro suo exemplo ad patientiam præmuniret. Dixit oporteret, posito Patris decreto, quo genus humanum constituit liberare per mortem filij sui, pati & mori oportebat.

22. *Et assumens eum Petrus, cœpit increpare illum dicens, absit à te Domine, non erit tibi hoc.*] Scorsum segregans ne coram alijs Magistrum arguat, quia non debet subditus superiorem publice arguere. Ex Chrys. Vel sumpsit eum seorsum vt familiarius ei atque audacius seu fidētius loqueretur, ex Hier. affectu amātis per modum dissuadentis, aut consulentis: ideo Hæretici Petrum calumniantur inepte, nam in hoc erga Christum suum amorem ostendit, ex Chrys. dicens absit, Græce propitius sit tibi Dominus. Hebr. vox abominantis est, & ne id eueniat deprecantis.

23. *Qui conuersus dixit Petro: vade post me Satana. Scandalum es mihi, quia non sapis ea quæ Dei sunt, sed ea quæ hominum.*] Conuersus à laude ad

ad vituperium, vel vt Mar. 8. vt aspectu terrifico perterreret dixit: sequere me, sensum tuum relinque, voluntatem tuam: conforma te præordinationi diuinæ; quasi dicat potius deberes sequi & imitari passionem meam. O Satana, idest aduersarie meæ voluntati pro omnibus mori. Hilarius putat id dictum diabolo non Petro. At cur Petrum & Beatum & Satanam vocat? Quia Ecclesia, nondum super eum erat ædificata. Ideo & errare, & Satanus dici potuit: vel Beatus dicitur, cum non caro & sanguis, sed Pater cœlestis illi reuelauit. Satanus vero, cum non sapit quæ Dei sunt, scilicet Dei decretum, ex Aug. & Theoph.

24. Tunc Iesus dixit discipulis suis: Si quis vult venire post me, abneget semetipsum, & tollat crucem suam: & sequatur me.] Tunc, idest antequam Petrum reprehenderet, ex Luc. 8. dixit ad omnes Mar. 8. conuocata turba cum discipulis suis: quia præsertim turbis dixit vel solis, vel præcipue discipulis, ex Chrys. abneget, idest, valedicat proprijs affectibus, ex Hier.

25. 26. Qui enim voluerit animam suam saluam facere perdet eam. Qui autem perdiderit animam suam propter me, inueniet eam: Quid enim prodest homini si uniuersum mundum lucretur, anima vero sua detrimentum patiatur: aut quam dabit homo commutationem pro anima sua.] Græc. anima vero sua mulctetur; quasi dicat, si quis de possessione & de vita litiget, quid lucrabitur si possessionem obtineat sed vitam perdat: hic enim agitur de iudicio. Commutationem idest compensationem pro vita sua, quasi dicat etsi in iudicio vita humana æstimetur pecunia: at in Dei iudicio non sic: non enim est

est apud Deum acceptio personarum, muneribus non corrumpitur.

27. *Filius enim hominis venturus est in gloria Patris sui cum Angelis suis; & tunc reddet unicuique secundum opera eius.*] Ex quo probat nullam pro anima commutationem dari posse, quia non quilibet iudex, sed filius hominis ad iudicandum venturus est, idque cum gloria Patris, itaut bonorum nostrorum non indigeat, etsi ipsius sit gloria, tamen cum natura Pater illi dedit ex Chryf. Ostenditur eadem gloria Patris & Filij, atque adeo vna substantia, ex Chryf.

28. *Amen dico vobis sunt quidam de hic stantibus qui non gustabunt mortem; donec videant filium hominis venientem in regno suo.*] Quia incertum est, dixit Amen: non designat qui sint illi, ne alij velut despecti graviter ferrent ex Chryf. præsentem timorem præsentem compensat præmio. ait Hier. Amb. de morte animæ putat intelligendum, quasi dicat qui peccaturi non sunt, sed est metaphora ab epotantibus venenum. In regno suo, idest in gloria regni sui apparentem: loquitur de transfiguratione quæ coram tribus facta est Orig. Hil. Chryf. & Hier. vel de Resurrectione: vel de Euangelij prædicatione, vel de Ascensione, quod omnes Apostoli viderunt; vel de ultimo iudicio, vel de Ioanne dictum, quod minus probabile.

CAP V T XVII.

*Transfiguratur , lunaticum curat , soluis
vecligal.*

1. **E**T post dies sex assumpsit Iesus Petrum & Iacobum & Ioannem fratrem eius, & ducit illos in montem excelsum seorsum.] Lucas cap. 9. post octo fere dies dicit id factum, numerat enim eum diem quo superiora gesta fuerant. Matthæus vero & Marcus non numerant. sic soluunt Hier. & Chrysost. vel non præcise sed confusè tempus notauit, vt sua transfiguratione probaret quod dixerat se in gloriam Patris sui venturum esse, & vt discipulos mœrentes de sua passione solaretur. Tres autem assumpsit, vt testes essent; & vt secretorum capaces haberet Petrum vt primum Apostolorum, Ioannem vt amicissimum, Iacobum vero quia ex primis erat post Petrum ardentissimus filius Zebedæi; non frater Domini. Ex Gregor. & Hieronym. Ducit in montem Thabor, vt oraret, quia solitudo maior, & cœli aspectus liberior. Solebat in omnibus rebus maioris momenti orationem præmittere, antequam gloriam suam ostenderet.

2. Et transfiguratus est ante eos, & resplenduit facies eius sicut sol, vestimenta autem eius facta sunt alba sicut nix.] Hæreticus veriti & trāsformatus est: at Christus non corporis sui naturam, sed externam tantum speciem figuramque mutauit. Ex Hier. Gra. p. sicut lux
I melius

melius sicut nix, quia quæ alba sunt non luci, sed niui comparamus. non quod diuinitas, sed quod diuinitatis signum seu species oculis conspiceretur, & corporis gloria.

3. *Et ecce apparuerunt illis Moyses & Elias & ceteris eo loquentes.*] Vt Resurrectionis fides iis suscitatis confirmaretur, vel ne res ficta Apostolis videretur; vel ut futurum Christi regnum ad viuum repræsentaretur, ut per Moysen Lex, per Eliam Prophetæ significarentur. Ex Hilar. & Chrys. Vel ut discipuli Moysis mansuetudinem & Eliæ zelum imitaretur; vel ut secundi sui aduentus imaginem repræsentaret; ante secundum autem aduentum Moyses & Elias venturi sunt. Sunt qui putant ipsos non vere sed eorum imagines apparuisse ut Strab. Et D. Thom. Eliam quidem vere, quia mortuus non erat, Moysen vero secundum imaginem apparuisse, & in assumpto corpore. Alij probabilius vtrūque vere apparuisse, dedecet enim mendacio veritatem comprobare. At quo modo eos cognouerunt? Ex forma quam expressam viderant in libris Hebræorum. Ex Eutym. vel ex colloquiis ex Theoph. vel ex interna Dei inspiratione.

4. *Respondens autem Petrus dixit ad Iesum: Domine bonum est nos hic esse, si vis faciamus hic tria tabernacula; tibi unum, Moysi unum, & Elia unum.*] Quia in veteri testamento de frondibus, atque tentoriis. Ibi manere volens metu Iudæorum, ne Christus in eorum manus traderetur: Vel bonum iucundum vocat, & quia placebat ei hæc gloria ibi manere vult: At nesciebat quid diceret, non considerans illis qui tam gloriosi erant non esse opus tabernacula:

SECUNDVM MATT. CAP. XVII. 195
naculis : Et quod ignorabat conditionis fuit,
& quod promittebat deuotionis ex Amb. in
quo à Caluino longe dissentit qui Petrum ar-
guit quasi collegas Christo faceret , Moysem
& Eliam. verius Amb. in Luc. 9.

5. *Adhuc eo loquente ecce vox de nube dicens:*
hic est filius meus dilectus, in quo mihi complacui,
ipsum audite.] In nube Dei maiestas ostenditur.
Exod. 16. 19. 24. 33. 34. 46. quia nubes est res
cœlestis , vel vt Apostoli Dei maiestatem lo-
quentis ferre possent interposita nube. Ex
Amb. de qua vox emissa postquam Moyse &
Elias discesserunt, vt scirent ad Christum non
ad alium esse referendam. Hic est filius meus,
illi autem serui. Ex Hier. hæc vox non ad do-
cendos discipulos Christū esse filium Dei mis-
sa est, sed qualis esset venturus. Et ad confirmā-
dum quod Christus dixerat cap. 16. filius enim
hominis venturus est in gloria Patris sui. Et
ad comprobandam Petri confessionem: *Tu es*
Christus Filius Dei viui. Et aliis certior testis
esset vt ipse testatur. Et hanc vocem nos
audiuimus de cœlo allatam cum essem cum
ipso in monte sancto. 2. cap. 1. Ne timeas
ergo Petre, diligit eum Pater, ait Chrysostom.
Ipsi obedite ex Heb. idest non Moysem , ne-
que Eliam , quasi lex & Prophetæ abrogatæ
sint, ait Tert.

6. *Et audientes discipuli ceciderunt in faciem*
suam, & timuerunt valde.] More Prophetarum
auditis sermonibus reuelationis diuinæ ;
vel visione perterriti : timore non venera-
tione , quia eos tetigit Christus tanquam exa-
nimes , vel quia se errasse cognouerunt. Ex
Chrysostom. & Hieronym. vel quia nubes
I 2 operuit

196 MANVALE IN EVANGELIUM
operuit eos , vel quia vocem Patris audie-
runt.

7. 8. 9. *Et accessit Iesus, & tetigit eos, dixit-
que eis: surgite & nolite timere: leuantes autem
oculos suos neminem viderunt, nisi solum Iesum.
Et descendentibus illis de monte praecepit Iesus di-
cens: Nemini dixeritis visionem, donec filius ho-
minis à mortuis resurgat.]* Probabile est non
prohibuisse vt dicerent Apostolis aliis, sed po-
pulo. vide cap. 16. Probabilius tamen est nec
alios Apostolos scire voluisse. Ex Mar. 9. Luc. 9.
Silentium imperat vsque dum essent Spiritu
sancto repleti. Ex Hilar. Cur autem non ante
quam resurgeret diximus cap. 16. ne à fide de-
ficerent, si postea crucifixum viderent: Cur
vero post? quia illud incommodum non erat,
& omni conatu erat promulgandum Euan-
gelium.

10. *Et interrogauerunt eum discipuli dicentes:
Quid ergo Scribae dicunt quod Heliam oportet pri-
mum venire.]* Si transfiguratio ista glorifica-
tio tua est, quo modo dicunt Doctores Iu-
dæorum quod Helias venturus est primum,
idest antequam appareas in gloria? Viderant
quippe Heliam, sed mirabantur quod tam su-
bito alij quam Scribae testantur manifeste ven-
tuum & prædicaturum Iudæis. Interrogatio
ergo ex errore procedit, quia putabant insta-
re diem iudicii finemque sæculi: Alij dicunt
quod occasionem sumpserunt interrogandi ex
verbis, donec à mortuis filius hominis resur-
gat, quibus se cito morituum significabat.
Ergo non intelligentes Resurrectionis myste-
rium existimabant Christum antequam mo-
reretur, in gloria illa, de qua locutus erat, ven-
turum

turum esse & redditurum vnicuique secundum opera eius: nam venturum esse post mortem non poterant comprehendere. Quia ergo putabant Christi aduentum instare, & videbant Eliam nondum venisse, eo saltem modo quo venturus erat, vt conuerteret corda patrum ad filios, & omnia restitueret (nam in transfiguratione non tam venisse quam apparuisse videbatur) interrogant quo modo scribæ dicunt ante aduentum eius Eliam esse venturum?

11. 12. *At ille respondens ait illis: Helias quidem venturus est & restituet omnia. Dico autem vobis quia Elias iam venit, & non cognouerunt eum, sed fecerunt in eo quaecumque voluerunt.*] Dicendo quod Helias quidem veniet, ostendit quod nondum venit: in secundo autem aduentu veniens restitutus sit ad fidem Christi omnes Hebræos quos dispersos inueniet. Quum autem dicit Helias iam venit, præcurso- rem illum Ioannem dicit, qui in virtute & spiritu Eliæ iam venerat; & non cognouerunt eum: idest non amauerunt, sed spreuerunt & decollauerunt. Ex Theoph. Pharisei enim con- senserunt vt Herodes eum occideret; cūque possent prohibere, ipsi occiderunt. Calvinistæ ex his refelluntur, qui Heliam non venturum dicunt; & nos simplices qui id cum Christo dicimus.

13. *Sic & filius hominis passurus est ab eis. Tunc intellexerunt discipuli; quia de Ioanne Baptista dixisset eis.*] Ab eis scilicet Iudæis, quia in passione idem Herodes qui Ioānem decol- lauit, spreuit Christum, albaque veste illum reddidit voluntati Pilati, qui pronuntiantibus Iudæis eum crucifixit Herode consentiente. Ex Hier.

14. *Et cum venisset ad turbam, accessit ad eum homo genibus prouolutus ante eum, dicens: Misere-re filio meo quia lunaticus est.] Natura, vel morbo, vel à dæmone qui quasi morbi causa est. Ex Orig. Hanc passionem operatur lunæ cursum obseruans vt culpabilis Dei creatura existimeretur. Hunc surdum & mutum dicit Marcus cap. 9.*

15. *Et obtuli eum discipulis tuis, & non potuerunt curare eum.] Ex Marco cap. 9. verisimile est turbas exprobrasse discipulis inanem esse illorum potestatem in dæmones. Ex Chrysost. vel benigne: hoc dixisse eos eicere non potuisse, vt dæmonis malignitatem & mali grauitatem exaggeraret; sunt qui eos fidem perdidisse dicunt vt Hilar.*

16. *Respondens autem Iesus ait: ô generatio incredula & peruersa: quousque ero vobiscum? usquequo patiar vos? afferte huc illum ad me.] Gens, natio distorta ex Græco, quæ non patitur se dirigi, sed ad finem adduci quod non dixit de discipulis sed de Patre adolescentis & de toto Iudæorum genere. Origenes solis discipulis dictum putat: alij discipulis & Iudæis: Et verba sunt non indignantis sed vitia reprehendentis. Ex Hier. Non tædio victi; sed vt medicus videns ægrotum contra sua præcepta agere ait, usquequo artis perdam industriam? vel vt Magister qui queritur de discipulorum moribus & tarditate.*

17. *Et increpauit illum Iesus, & exiit ab eo demonium, & curatus est puer ex illa hora.] Græc. Imperauit, illi comminatus est dicens: exi ab eo: Ego præcipio tibi, exi ab eo. vt Mat. Vel increpauit puerum, non dæmonium, vt ostenderet*

deret traditum esse imundo spiritui propter peccatum suum vel certe parentum.

18. *Tunc accesserunt discipuli ad Iesum secreto, & dixerunt, Quare nos non posuimus eicere illum? dicit illis Iesus: Propter incredulitatem vestram.*] Nunc Apostolorum incredulitatem non publice sed priuatim arguit, ut eorum auctoritati consulat: Magnam quidem habebant fidem, sed minorem quam decebat eos qui tam diu cum Christo versati erant, tot miracula viderant.

19. *Amen quippe dico vobis, si habueritis fidem.*] Miraculorum ut Chrysost. interpretatur alio quam Caluinus animo ut refutauimus cap. 9. Alij melius fidem ipsam qua Christiani sumus, quia nemo reprehenditur quod non habeat fidem miraculorum, & quia incredulitas quam in patre adolescentis reprehendebat, opponebatur non fidei miraculorum sed fidei Christianæ, quia de Christi diuinitate dubitabatur: Et quia non tantum arguit, sed etiam hortatur Christus dicendo; si habueritis fidem sicut granum sinapis, nemo autem hortatur ut donum miraculorum habeat aut linguarum vel prophetiarum, quia id non est in nostra potestate, de ea ergo fide loquitur de qua Petrus 1. Cor. 13.

Sicut granum sinapis.] Fides hic non in magnitudine sed efficacitate comparatur, quasi dicat si habueritis fidem tam ardentem, tam fecundam, & efficacem quam granum sinapis; Ex Aug. & Hier. Alij melius de fidei magnitudine & paruitate agi, non quod non inde efficacia colligatur: Voluit enim Christus dicere vel minimam fidem, quale est grauum sinapis vel maximum montem posse transferre. Ex Orig. Hier. & Chrys.

I 4 Dico

Dicetis monti huic transi hinc illuc, & transibit, & nihil impossibile erit vobis.] Quia qui fidem habent non suis sed Dei omnipotentis manibus agunt. Ex. D. Th. Vbi hoc fecerunt Apostoli? maiora fecerunt mortuos suscitantes ait Chrys.

20. *Hoc autem genus non eiicitur nisi per orationem & ieiunium.]* De vniuerso dæmoniorum genere loquitur ex Chrys. fides credendo, oratio petendo, ieiunium tacendo, vel flagellando dæmonē pellit, vt fames hostem plus quam tormenta bellica.

21. 22. *Conuersantibus autem illis in Galilæa dixit: illis filius hominis tradendus est in manus hominum: & occident eum, & tertia die resurget, & contristati sunt vehementer.]* Græce legunt reuertentibus, & melius, nam adhuc in Galilæa versabantur. sæpe prædicit passionem, vt quando accideret leuius ferrent quasi præcognitam.

23. *Et cum venissent Capharnaum: accesserunt qui drachmam accipiebant ad Petrum: Et dixerunt ei: Magister vester non soluit didrachmam? ait etiam.]* Exactores seu collectores tributorum reuerentiæ causa ad Christum accedere nō audent. Ex Chrys. & Hier. Vel forte malitiose: didrachma autem valebat decem solidos, duos Iulios. Hoc tributum Augustus Iudeis imposuit. Ex Hier. quod Iudei iussi sunt Domino dare. Ex Chrys. Petrus respōdet etiam; quasi dicat affirmatiue solet soluere, quod aut metu dixit, aut quia de Christi voluntate non dubitabat.

24. 25. *Et cum intrasset in domum, præuenit eum Iesus dicens: quid tibi videtur Simon? Reges terra à quibus accipiunt tributum vel censum, à filiis*

à filiis suis, an ab alienis? at ille dixit, ab alienis: dixit illi Iesus, ergo liberi sunt filij?] Tanquam Deus sciebat quamuis non audiuiſſet quid loquuti fuiſſent Petro: idcirco & præuenit eum dicens; Si reges terræ non accipiunt tributum à filiis ſuis, ſed ab alienis quo modo cœlorum Rex à me filio ſuo accipiet didrachmam: hoc enim ſacerdotibus & templo tribuebatur ex Hilar. ideoque ait Chriſtum ſoluiſſe quaſi non Cæſari ſed Patri ſuo ſoluerit. Si autem liberi ſunt filij paruorum Regum multo magis ego.

Quæres an tanquam homo debuerit tributum? Reſpondetur debuiffe, quia per omnia excepro peccato nobis aſſimilatus eſt: hic enim non tanquam homo ſed tanquam Deus argumentatur. Alij probabilius dicunt nec ſe nec diſcipulos debere tanquam domeſticos filij Regis, non ſic de aliis Chriſtianis, qui domeſtici non ſunt, quamuis ſint filij adoptiui. Ro. 13. Ex Aug. l. 1. q. Euang. c. 23.

26. *Vt autem non ſcandalizemus eos. Vade ad mare, & mitte hamum; & eum piſcem qui primus aſcenderit, tolle, & aperto ore eius inuenies ſtaterem, illum ſumens, da eis pro me & te.]* Quamuis non datum ſed acceptum ſit ſcandalum, tamen vitare voluit, cum facile poſſet: ſic Paulus ad Rom. 14. 1. ad Cor. 8. Ex Chryſ. Voluit oſtendere ſe maris & piſcium tanto miraculo quo ſtaterem ſolo verbo formauit in ore piſcis aſcendã is, non gemma vt putauit Theoph. Stater duas didrachmas continet, drachma autẽ denarius Romanus. ſtater & ſiclus idem. Da eis inquit pro me & te, vel tunc ſolus erat Petrus cum Chriſto, vel pro ſe ſoluit, non pro
I 5 aliis

aliis volens illum præ cæteris honorare, quia Apostolorum erat caput ex Hier. Vel quia illud tributum erat à solis primogenitis solvendum. Petrus autem erat primogenitus. ex Chr. Male ex eo quod Petrus solvit heretici primatum tollunt, & immunitatem Ecclesiæ: nam & ipse Christus solvit, cum nec ipse nec Petrus deberet tributum: quod fecit ne publicanos offenderet, nec suum perderet privilegium, dum non ex suo seu ex pecunia quam habebant mulieres Religiosæ quæ illum ex Iudæa sequebantur, sed ex inuento solueret ut notat Chrys.

C A P V T X V I I I.

Docet humilitatem, vitandum scandalum.

1 **I**N illa hora, accesserunt discipuli ad Iesum dicentes: *Quis putas maior est in regno cælorum.* Illa hora qua facta sunt quæ in fine præcedentis capitis scripta sunt: id est soluto tributo pro Petro & Domino ex æqualitate pretij arbitrati sunt Petrum omnibus esse prælatum. Ex Hier. Aliquid humanum passi sunt cum viderunt in vnum solum collatum honorem. Ex Chrys. Marcus c. 9. dicit Christum eos prævenisse & rogasse quid in via tractauissent: tractauerant autem, quis eorum esset maior. Lucas verò cap. 9. vidisse cogitationes eorum, & accersito Petro dixisse: Quicumque susceperit puerum istum in nomine meo, me suscipit. Chrysostomus ait Apostolos sæpe de ea re contendisse, primo in via, deinde domi cum vidissent

SECUNDVM MATTH. CAP. XVIII. 203

vidissent Petrum sibi in solutione tributi fuisse prælatus, tertio cum interrogati fuissent à Christo quid in via tractauissent. Qua vero occasione id Apostoli rogauerunt responderetur, quia audierant Christum de morte sua sæpe mentionem fecisse; & cogitarent eo mortuo Petrum quasi hæredem, & eius vicarium futurum. Alij quia in monte fuerat, & illi clauæ datæ regni cœlorum. ex Chrysost. Rogauerunt quis nostrum maximus in regno cœlorum futurus est: Sciebant non esse æqualitatem sanctorum in regno cœlorum, vt notat Origen. In gloria cœlesti ex Chrys. vel in collegio iustorum; in Ecclesia: in regno Messia, quod etsi cuiusmodi futurum esset, nesciebant, futurum tamen cœleste & diuinum putabant ex Chrys.

2. *Et aduecans Iesus paruulum statuit eum in medio eorum.*] Non infantem sed puerum passionibus exutum. Ex Chrys.

3. 4. *Et dixit: Amen dico vobis nisi conuerſi fueritis, & efficiamini sicut paruuli, non intrabitis in regnum cœlorum. Quicumque ergo humiliter se sicut paruulus iste, hic est maior in regno cœlorum.*] Conuerſi à vestra elatione, ambitione, contentione ad humilitatem, obedientiam, pacem non quod Apostoli essent in peccato mortali, sed tantum voluit non posse eos intrare nisi simplicitate & humilitate similes essent pueris non cum æqualitate, sed cum proportionem. Credentes vt pueri qui patrem sequuntur, matrem amant, velle malum nesciunt, non insolescant, non mentiuntur, non oderunt, dictis credunt ait Hil.

5. *Et qui susceperit unum paruulum in*

in nomine meo , me suscipit.] Talem idest innocentia meæ imitatore. Ex Hier. Probat enim eum maiorem qui minimo similior est , quia puer sibi simillimus & ipsius personam gerit. Id vero probat, quia qui puerum suscipit, ipsum suscipit, idest benevolentia complectitur.

6. *Qui autem scandalizaverit unum de pusillis istis qui in me credunt , expedit ei ut suspendatur mola asinaria in collo eius , & demergatur in profundum maris.*] Inferior mola quæ ovæ idest asinus dicitur, & superiore maior est: vel asinaria dicitur, quam asinus circumagit. Ex Hilar. Et erat inter Iudæos usitatum supplicium brachiis eam circumagere. Ex Hieron. & Hil.

7. *Va mundo à scandalis , necesse est enim ut veniant scandala , verumtamen va homini illi per quem scandalum venit.*] Per mundum intelligit scandali auctores qui miseri sunt , vel eos qui sunt in mundo paruuli seu simplices & abiecti. Ex Hil. & Chrys. Spectata autem hominum malitia necesse ait esse ut veniant scandala. Ex Hier. Væ tamen illi siue Iudæ, siue alij cuilibet per quem venit. Ex Hier.

8. *Si autem manus tua vel pes tuus scandalizat te , erue eum , & proiice abs te. Bonum est tibi ad vitam ingredi debilem vel claudum quam duas manus vel duos pedes habentem mitti in ignem aeternum. Et si oculus tuus scandalizat te : erue eum , & proiice abs te : Bonum tibi est cum uno oculo in vitam intrare quam duos oculos habentem mitti in gehennam ignis.*] Vitanda scandala docet ita ut manus abscindenda, oculus si scandalizaverit eruendus. Huius loci explicatio habetur c. 5. 29.

10. *Videte*

10. *Videte ne contemnatis unum ex his pusillis ; dico enim vobis, quia Angeli eorum semper vident faciem Patris mei qui in cœlis est.]* Cum Deus talem curam habeat paruulorum vt apud eum Angelos habeant in custodiam, probat non esse contemnendos. Ex hoc loco & aliis nata est opinio de Angelis custodibus. Maiores autem & honorabiliiores esse Angelos paruulorum, idest iustorum quam aliorum hominum Angelos ex effectu probat, quia semper vident faciem Patris, non quod alij Angeli non videant vt male sensit Origenes, sed quod ea phrasi Hebræi significant Deo aliquem esse perspicuum & familiarem, vt quo quis honoratior est in aula regia, eo propinquior est regi 3. Reg. 11. Colligitur etiam ex eo loco Angelos quocumque eunt suam beatitudinem secum ferre : semper Dei faciem videre, idest essentiam diuinam. Ex Chry. & Bern. ser. 5. de dedic. Eccl.

11. *Venit enim filius hominis saluare quod perierat.]* Ex hoc etiam infert non esse contemnendos paruulos quia propter eorum salutem venit filius hominis. Ex quo concludit se propter peccatores venisse, vt cap. 9.

12. 13. *Quid vobis videtur, si fuerint alicui centum oues, & errauerit vna ex eis, nonne relinquit nonaginta nouem in deserto in montibus, & vadit quarere eam qua errauit. Et si contigerit vt inueniat eam : Amen dico vobis, quia gaudebit super eam magis quam super nonaginta nouem qua non errauerunt.]* Tertio infert pluris se facere paruulorum, idest eorum qui peccatores habentur, quam aliorum hominum salutem. Nec cum hoc dicit, significat aliquos fuisse

fuisse qui non errauerunt aut perierunt, sed tantum propter eos qui errauerunt & perierunt venisse. Per nonaginta nouem oues quæ non errauerunt Angeli boni intelliguntur. Ex Orig. Cyril. & Hil. Vel melius homines, quasi dicat non quidem reliquisse 99. oues quæ non errauerunt vt vnã quæ sola errauerat quæreret, sed tanti vel vnus hominis salutem facere, vt si tantum centum essent homines, quorum vnus tantum errauisset, nonaginta nouem relicturus esset vt illum vnum quæreret vt boni pastores faciunt.

14. *Sic non est voluntas ante Patrem vestrũ qui in cœlis est vt pereat vnus de pusillis istis.*] Vt vel minimus ex iis pereat. quasi dicat: sic minus vult perire minimos istos quam maximos illos vt Luc. 15.

15. *Si autem peccauerit in te frater tuus, vade & corripe eum inter te & ipsum solum; si te audierit lucratus eris fratrem tuum.*] Fratrem omnem vocat omnem Christianum, de aliis enim non agit: nam ait: dic *Ecclesia. In te*, id est contra te non vt Hæreticus interpretatur, secrete, priuatim, te solo sciente.

Quæres de quibus peccatis hoc intelligatur. Origenes de solis venialibus siue contra nos sint siue contra Deum factis. Alij de mortalibus quæ contra nos non contra Deum fiunt vt Hil. & Chry. Alij melius de omni peccatorũ genere siue contra nos siue contra Deum: Attendendum enim est Christi consilium vt peccantem non seuerè & tanquam hostem accusamus; sed misericorditer & benigne corripimus. Dixit *si peccauerit in te*, quia seueri tunc & acres reprehensores sumus, cum eos qui contra

nos

nos peccauerunt, obiurgamus. Voluit ergo Christus modum ibi & formam imponere, vbi maius erat periculum. Tunc autem corrigendus est frater cum spes est emendationis.

16. *Si autem te non audierit, adhibe tecum unum vel duos, ut in ore duorum vel trium testium stet omne verbum.*] Vt pudeat qui peccauit, vel ut appareat eum qui corrigit suo officio non defuisse, vel ut si se non correxerit, testes habeat ut eum coram Ecclesia possit accusare, vel ut facilius persuadeat eum peccauisse adhibitis non separatim sed simul duobus vel tribus testibus ex Hier.

17. *Quod si non audierit eos, dic Ecclesie.* Si autem Ecclesiam non audierit sit tibi sicut Ethnicus & publicanus.] Id est si illis non obediuerit, non crediderit, tunc fratrem deferas ad Ecclesiam, non ad Iudæorum synagogam, neque ad Rempublicam vel omnium Christianorum multitudinem ut volunt hæretici, sed ad solos Apostolos cum quibus Christus loquebatur & ad eorum successores qui ligandi & soluendi potestatem habent. Qui Ecclesia vocantur, qui Ecclesiam regunt & illius personam gerunt. Ex hoc loco infertur Ecclesiam esse visibilem.

18. *Amen dico vobis: quaecumque alligaueritis super terram, erunt ligata & in cælis, & quaecumque solueritis super terram, erunt soluta & in cælo.*] Non testibus, nec iis contra quos peccatum est, ut contendunt hæretici, sed Apostolis loquitur. Alius enim est qui iniuriam accipit, alius qui ligat & soluit. Agit autem & de externa & de interna ligandi potestate cum dicat quaecumque alligaueritis super terram, erunt ligata & in cælis; id est apud Deum. Quod enim apud Deum ligatur & soluitur non solum extrinsecus,

trinfecus, & hominum opinione, sed etiam intrinfecus & reuera ligatur & soluitur. Ex hoc confessionis præceptum colligitur vide c. 16.

19. *Iterum dico vobis : si duo ex vobis consenserint super terram, de omni re quamcumque petierint, fiet illis à Patre meo qui in cælis est.*] Quasi dicat non solum quæcumque alligaueritis super terram, erunt ligata & in cælo, sed quod amplius est, vobis promitto fore ut quicquid duo ex vobis communi consensu petierint, consequantur. Quod subiecit ut ostendat nunquã eos in iudicâdo, idest in ligâdo & soluêdo errare se passurum si suo nomine iudicarent, quia quicquid suo nomine ex Patre petierint fiet illis. Ex quo etiam infert ex Mald. præmissa oratione esse iudicandum ut Deus gratiam largiatur rectè iustèque iudicandi. Dixit *si duo ex vobis*, idest Christianis vel Apostolis, Ex Chrysost. vel ad reprehensum & reprehendentem, vel ad virum & uxorem referendum, qui si ab usu coniugij orationis causa consenserint abstinere, quicquid petierint, impetrabunt : vel ad carnem & spiritum. Ex Origen. Athan. & Hier. *De omni re* quam petierint, honesta videlicet, siue parua siue magna, facili vel difficili. Cur autem quod petimus non semper obtinemus, vide c. 7. 7.

20. *Vbi enim sunt duo vel tres congregati in nomine meo, ibi sum in medio eorum.*] Ipsorum ore loquens, vel pro illis ligans aut soluens. Congregare autem in nomine Christi, idest propter Christum ad ipsius gloriam. Ex Chrys. vel in nomine Christi inuocato, vel eius auctoritate cõgregari & eius personã gerêtes cõuenire: Hæretici verò inquit in nomine Christi est secundum

secundum verbum Dei ad decernendum aliquid ex solis scripturis conuenire. *Ibi sum.* per gratiam vel pro eis petens, & orans, vel tanquam supremus iudex sedeo. Ex hoc loco Conciliorum authoritas probatur.

21. *Tunc accedens Petrus ad eum dixit; Domine quoties peccabit in me frater meus, & dimittam ei? usque septies?*] Occasionem interrogationis videtur accepisse ex verbis Christi, si peccauerit in te frater tuus, vel potius ex Luc. 17. Et si septies peccauerit in te, & septies in die conuersus fuerit ad te, dicens poenitet me, dimitte illi; quia hæc cum illis *si peccauerit in te frater tuus*, copulat. Petrus autem ad certum numerum refert, quod Christus ad indefinitum.

22. *Dicit illi Iesus: Non dico tibi usque septies sed usque septuagies septies.*] Quasi dicat non solum dico tibi vt innumerabilibus vicibus minium fratri remittas, sed etiam innumerabiliter innumerabilibus. vt Gen. 4.

23. *usque ad 28. Ideo assimilatum est regnum cælorum homini Regi, qui veluit rationem ponere cum seruis suis. Et cum cœpisset rationem ponere, oblatus est ei unus qui debebat decem millia talenta: cum autem non haberet unde redderet, iussit eum Dominus venundari: & uxorem eius & filios, & omnia qua habebat, & reddi. Procidens autem seruus ille adorabat eum dicens: Domine patientiam habe in me, & omnia reddam tibi. Misertus autem Dominus serui illius dimisit eum, & debitum dimisit ei.*] Quasi dicat, idem accidit in regno cælorum atque si aliquis Rex rationem cum seruis suis ponere cœpisset vt c. 11. Tota autem parabola significat Deum nobis peccata nō esse dimissurum, nisi nos offensas fratribus
remis

210 MANVALE IN EVANGELIUM

remittamus ; cum potius nos illis quam nobis Deum remittere æquum sit : quædam enim sunt vt partes , quædam vt parabolæ emble- mata. Talentum autem vsitatum apud Iudæos sexcentos nummos aureos valebat.

28. *Egressus autem seruus ille inuenit unum de conseruis suis qui debebat ei centum denarios ; & tenens suffocabat eum dicens : Redde quod debes. Et procidens conseruus eius rogabat eum dicens: Pa- tientiam habe in me , & omnia reddam tibi. Ille autem noluit , sed abiit & misit eum in carcerem, donec redderet debitum. Videntes autem conserui eius quæ fiebant , contristati sunt valde ; & vene- runt, & narrauerunt domino suo omnia quæ facta fuerant. Tunc vocauit illum Dominus suus, & ait illi: Serue nequam, omne debitum dimisi tibi, quo- niam rogasti me : nonne ergo oportuit & te misereri conserui tui sicut & ego tui misertus sum ? Et ira- tus Dominus eius tradidit eum tortoribus quoad- usque redderet uniuersum debitum. Sic Pater meus cœlestis faciet vobis si non remisistis unusquisque fratri suo de cordibus vestris.] Id est repetet à vobis dimissa , ex Aug. de verb. Dom. ser. 15. Donec , id est semper ; & quoadvsque , id est in perpetuum , quia qui soluere nunquam pote- runt , nunquam liberabuntur. Non enim si- gnificat vt qui damnati sunt , pœnas aliquan- do persoluant : & quasi reddito debito libe- rentur. In quo errore fuit Origen. sed fore vt nunquam liberentur, ex Chrys.*

CAPVT

CAPVT XIX.

*Vxorem non dimittendam : mandata
Dei obseruanda.*

1. **C**VM consummasset Iesus sermones istos , migravit à Galilæa , & venit in fines Iudææ trans-Iordanem.] Idest, cum hæc fecisset vel dixisset in parabola supradicta , migravit à Galilæa vt veniret in Hierusalem , ibique pateretur. Luc 19. Multa postmodum narrat quæ prius facta fuerunt. Nam Euangelistæ non vbique seruant ordinem temporis : Non eadem autem est historia quæ hic & à Ioan. c. 7. narratur , quia dicit solum Christum in Iudæam ascendisse : his autem multa turba cum illo, ex Chrys. Quidam putant in Iudæam ingressum non fuisse vt Hil. alij prius Hierosolymam venisse : verius in fines Iudææ venisse, vt Hierosolymam veniret, ex Chrys.

2. *Et secuta sunt eum turba multa & curauit eos ibi.*] Sed omnes, sed qui ægrotabant, & qui digni erant; Mar. 10. Sanantur trans-Iordanem. Ibi datur Baptismus, in hoc enim ex Orig: omnes à spiritualibus infirmitatibus saluantur. Noluit vt Galilæi qui se securi fuerant, extra patriam egrederentur. vel ne Iudæi calumniarentur quod post se turbas traheret; ait author Imp. Ho. 23.

3. *Et accesserunt ad eum Pharisei tentantes eum & dicentes : Si licet homini dimittere uxorem suam quacumque ex causa.*] Aliqua de causa li-
cere

cere non dubitabant. Occasionem autem id quærendi capiunt quod Christus cap. 11. Prophetæ & lex vsque ad Ioannem, quasi legem iam abrogatam significaret, vel quod cap. 5. dixisset. Ego autem dico vobis, quia omnis qui dimiserit uxorem suam excepta fornicationis causa, facit eam moechari: vel quia hæc quæstio inter Iudæos tunc agitabatur; vel quia cum omnes attingeret erat invidia plena.

4. *Qui respondens ait: Non legistis quia qui fecit hominem ab initio: masculum & foeminam fecit eos.*] Non respondet Christus ad quætionem directe, sed facit vt Deus, vel Moyses tacite pro se respondeant. Ex factis etiam respondet cum dicit, non legistis: Ex verbis cum dicit, propter hoc relinquet homo patrem &c. Ex Chrysost. quasi diceret si Deus voluisset vnū virum plures habere uxores, non vnam tantum sed plures foeminas initio fecisset. Ex Chryl. & Hier. Vel vis argumenti est in diuerso sexu, quod vnus vir non debeat habere nisi vnam uxorem. Ex Aug. l. 9. in Gen. c. 19.

5. *Et dixit: Propter hoc dimittet homo patrem & matrem, & adharebit uxori suæ; Et erunt duo in carne vna.*] Tria vim faciunt: Relinquet, adharebit; & erunt duo in carne vna; id est in carnem vnam. Id est vt sint vna caro, quia filius ex viro & uxore genitus, vtriusque est communis caro. Alij ad corporum coniunctionem referunt, alij ad potestatem quam vir in uxorem; uxor in virum habet tanquam in propriam carnem: Alij vnam carnem esse interpretantur, esse vnum hominem: Uxorem veluti corpus, virum veluti animam: itaque non debere magis virum ab uxore, quam animam à corpore

SECUNDVM MATTH CAP. XIX. 213
pore separari: Caro enim apud Heb. pro homine ponitur. Ex Hier.

6. *Itaque iam non sunt duo sed una caro. Quod ergo Deus coniunxit homo non separet.*] Id est non iam sunt duo homines sed vnus. Ex Beda. non dixit quos, sed *quod*, quasi de vno corpore loquens. Probauit autem vinculum matrimonij ex lege naturali in facto quod Deus vni viro vnam mulierem fecit, & ex lege diuina in verbis *relinquet, &c.* Quibus videtur vxorem viro inseparabiliter copulasse. Ex Chrysost.

7. *Dicunt illi: Quid ergo Moyses mandauit dare libellum repudij & dimittere?*] Matthæus dixit Christum dixisse Moysen non mandasse sed permisisse; è contrario Marcus non dicit Phariseos respondisse; Moysen mandasse sed permisisse. & Christum dixisse: quid præcepit vobis Moyses. Conciliantur, quia credibile est quod Christus primum interrogauit quid de ea re Moyses præcepisset; Phariseos vero respondisse Moysen permisisse vxorem dimittere: tunc Christum ex scriptura probasse non esse dimittendam. Iterum Phariseos obiicisse: Quomodo Moyses mandasset vxorem dimittere vtentes verbo mandandi: Christum vero respondisse, permisit vobis Moyses non vtens verbo præcipiendi.

8. *Ait illis quoniam Moyses ad duritiem cordis vestri permisit vobis dimittere uxores vestras, ab initio autem non fuit sic.*] Verbum Phariseorum corrigit Christus: illi dixerant mandauit Christus, dicit permisit. Ex quo colligit Mald. contra Calvinum voluntatis distinctionem in absolutam & permittentem. Et ex Christi respon-

responso infertur etiam multis alijs de causis
 vt propter contagiosos morbos, vel si venefica
 esset, vel liberorum interfectrix, licitum fuisse
 in lege dimittere vxorem; cum iam restringat
 permissionem ad solam fornicationem: An au-
 tem peccarent qui dimittebant incertum est:
 probabile est potuisse ad duritiam cordis per-
 mitti; ita tamen vt peccatum esse desineret, ex
 Mald. qui formam libelli repudij & ceremo-
 nias refert.

9. *Dico autem vobis, quia quicumque dimiserit
 uxorem suam nisi ob fornicationem, & aliam duxe-
 rit, mœchatur, & qui dimissā duxerit mœchatur.*]
 Bis hoc dixit, primum omnibus in commune,
 deinde priuatim discipulis domi Marc. 10. Sic
 autem permisit Christus adulteram vxorem
 dimittere, vt nec vxori liceat alij nubere viro,
 neque viro aliam ducere vxorem, quandiu vi-
 xerit vterque. Ex Conc. Trid. contra Calvin. &
 Luth. qui vtrique innocenti & fonti, & vete-
 res aliquos Catholicos qui innocenti licitum
 esse, reo non esse licitum dicebant: qui intelli-
 gendi sunt non quidem viuentem sed mortua
 priore vxore, quæ loco pœnitentiæ iuebatur
 aliquando etiam mortuo marito à nuptijs ab-
 stinere. Quod autem hic obscure dixit Matth.
 perspicue dixerunt Mar. 10. & Luc. 16. c. Num-
 quam vero dimissa vxore alteram ducere, lice-
 re Paulus ad Rom. 7. & 1. ad Cor. 7. Christus
 autem tollit permissionem Mosaicam in duo-
 bus: nam nec permittit dimissionem vxoris
 quacumque de causa, sed tantum ob fornica-
 tionem, nec permittit dimissæ alteri iungi, nec
 viro aliam ducere. Calvin. & Luth. Nam illa
 exceptio (*nisi ob fornicationem*) non est refe-
 renda

renda ad totam orationem : sed tantum ad partem præcedentem vt non significetur licere ob fornicationem aliam ducere, sed tantum licitum esse dimittere vxorem suam ob fornicationem : & sit sensus: Quicumque dimiserit vxorem suam quod non licet nisi ob fornicationem : & aliam duxerit, mœchabitur. Patet quia Mar. & Luc. exceptionem quæ omitti potuit omiserunt : absolute pronuntiantes omnem eum adulterare qui dimiserit vxorem suam & aliam duxerit, ex Orig. Chrysost. & Hier.

10. *Dicunt illi discipuli eius: si ita est causa hominis cum vxore, non expedit nubere.*] Si ita negotium viri cum vxore est, vt non liceat viro quam ob adulterium vxore dimissa aliam ducere, non expedit nubere : Alij sic, Si propter vxorem dimissam vir reus factus est ex Theoph. & hic nō de vxoris sed de viri causa agitur. Calvin. hic arguit Apostolos impietatis & stultitiæ, quasi hoc dixerint quod essent carnales & multitudinis nuptiarum insatiabiles.

11. *Qui dixit illis: non omnes capiunt verbum hoc, sed quibus datum est.*] Quasi dicat non omnes quod dicitis præstare possunt seu approbare verbum hoc de non incūdo matrimonio, quia non omnes castitatis donum habent, sed quibus datum est : omnibus autem volentibus, petentibus, & obtinere conantibus datur, ex Orig. Greg. Naz & Amb. ad Virg.

12. *Sunt eunuchi, qui de matris utero sic nati sunt: & sunt eunuchi, qui facti sunt ab hominibus.*] Explicatis tribus eunuchorum generibus Apostolorum dictum confirmat, non expedire
vxorem

uxorem ducere: idque non difficile fieri posse; Si quis seipsum propter regnum cœlorum castrare vellet, idest carnem non secare quod damnabile, sed domare, ex Hil.

Et sunt eunuchi qui seipsos castrauerunt propter regnum cœlorum. Qui potest capere capiat.] Cum prius significauerit continentiam esse donum Dei, dicens *quibus datum est*, nunc significat 1. Nostrum etiam esse opus & à nostra pendere liberi arbitrij potestate: idque non sine carnis repugnantia fieri, ex Greg. Naz. 2. Eam solum continentiam Deo probari quæ ad regnū cœlorum promerendum suscipitur. Ex Orig. Hil. & Chrys. quia non omnis continentia etiam sponte suscepta laudabilis est apud Deū, vt Philosophorum qui studio sapientiæ à nuptijs abstinuerunt, & quorundam Sacerdotum idolorum qui sese etiam exercuerunt: & Vestalium male Calviniani exponunt propter Euangelium, ne ex hoc loco meritum bonorum operum colligamus. Et volens nos sponte virtutem operari inquit: qui potest capere, capiat, qui potest pugnare pugnet, superet & triumphet: non enim cogit virginem esse, neque nuptias destruit, sed virginitatem præfert, ex Theoph. nec sunt verba prohibentis vt vult Caluius, sed exhortantis, & milites suos ad pudicitix præmium concitantis, ex Hier.

13. *Tunc oblatis sunt ei paruuli, vt eis manus imponeret & oraret, discipuli autem increpabant eos.*] Infantes ex Luc 18. non vt sanarentur vt adulti, sed vt spirituales aliquam gratiam acciperent: vt eis benediceret & bene precaretur; quasi laudaret castos necessitate, non virtute continentix. Id eos commouit quod ex præcedenti

cedentibus eius virtutibus experti fuerant Dominum per impositionem manuum & orationem à multis repulisse varia mala, credentes per huiusmodi manuum impositionē & orationem etiam præmuniri posse infantes à malis & diaboli potestate: idque iuxta consuetudinem apud eos receptam; qua solebant paruuli senioribus & sanctis viris offerri, vt manibus impositis ab eis benedicerentur Gen. 48. Vnde Ecclesiastica consuetudo nata est vt laici & præsertim pueri à presbyteris & Episcopis etiam extra Ecclesiam benedicantur vt notat Aut. Imperf. & Remig. Prohibebant autem eos discipuli, quia incompositi & turbati accedebant ad eum, & existimabant hoc derogare doctrinæ eius authoritati si offerrentur ei paruuli zelantes pro Domini sui honore & quiete, ex Chrys.

14. *Iesus vero ait eis: sinite paruulos venire ad me, & nolite prohibere venire ad me: talium est enim regnum cœlorum.*] Talium, & non horum dixit, vt ostenderet non ætatem regnare sed mores, & non solum ætate pueros, sed etiam moribus pueris similes comprehenderet: ex Hier.

15. *Et cum imposuisset eis manus, abiit inde.*] Huius ceremoniæ magna olim in Ecclesia fuit obseruatio, & adhuc est ex parte: nam impositio manuum ex Apostolica institutione fit in sacramento Confirmationis, Ordinis; & rursus fieri solebat in sacramento Pœnitentiæ & quodcumque Hæretici intra Ecclesiam recipiebantur: est enim huiusmodi manuum impositio veluti imprecatio & collatio Spiritus sancti, vnde in manuum impositione

218 MANVATE IN EVANGELIVM
oratio etiam comprehenditur.

16. *Et ecce vnus accedens ait illi : Magister bone quid boni faciam vt habeam vitam aternam.]* Quidam primarius vir, alius à legisperito, de quo Luc. 10. Et quod Princeps, quod diues, quod adolescens describitur. Sunt qui putant non voto discentis sed animo tentantis Dominum interrogasse: sed falso, quia valde reuerenter & genua flectens accessit Mar. 10. quod inflati scribæ non faciebant. 2. quia rogat quid adhuc sibi desit vt ad vitam æternam peruenire possit. 3. quia cum Christus illi dixisset: vade & vende quæ habes & da pauperibus, tristis discessit: nulla autem tristitiæ causa fuisset si fictè accessisset. 4. quia de rebus controuersis & curiosis vt an liceat tributum dare Cæsari potius quam de sua salute Dominum interrogasset, silentiandi causa accessisset, quod etiam Euangelistæ non tacuissent.

17. *Qui dixit ei : Quid me interrogas de bono vnus est bonus Deus : Si autem vis ad vitam ingredi, serua mandata.]* Græci legunt, quid me dicis bonum. Orig. vtramque ponit lectionem. Nec significari quid me interrogas, quid boni factururus sis, sed quid me interrogas bonum appellans. vnus est bonus Deus qui solus natura & vere bonus est: & vt se à bonitate non excludit dicendo vnus est bonus Deus; ita non excludit à diuinitate contra Arianos, quamuis his verbis indicat maxime se esse Deum. Christus vero ita adolescenti respondit vt suo exemplo doceret quod cum ab aliquibus laudamur, debemus retorquere laudes proprias in laudem diuinam. Et vt cum ab
adula

adulationis vitio liberaret & tacite admoneret ne se ipsum bonum existimaret etiam cum omnia Dei mandata perfecisset, sed potius solum Deum bonum & bonitatis auctorem susceperet, & ut nimium operibus legis confidentem ab illis auelleret & ad fidem in se adduceret; quod facit dum indicat se non solum magistrum bonum sed etiam bonum Deum esse, & ut illius fidem adiuuaret & perficeret, eoque adduceret, ut se etiam bonum Deum esse crederet. Vocauerat Christum Magistrum bonum, docet illum Christus neminem bonum esse, præter Deum, ut probet se Deum esse, si bonus est, quemadmodum ille ipse nesciens quid diceret confessus erat. Ex Beda & Theoph. dumque dixit illi, *si vis ad vitam ingredi*, ostendit vim liberi arbitrij, & solam vitam æternam esse veram vitam, & se vitæ æternæ prædicatorem: & merita bonorum operum probat: nec enim mandata ideo tantum via vitæ æternæ vocantur quod per ea ad vitam æternam homines veniant, sed etiam quod propter ea ut patet c. 25.

18. 19. *Dicit illi quæ? Iesus autem dixit: Non homicidium facies; Non adulterabis; Non facies furum; Non falsum testimonium dices. Honora Patrem tuum & matrem, & diliges proximum tuum sicut teipsum.] Dicit Quæ? vel dubitando fraudulenter, ex Hier. vel ut ab eo tanquam summo Magistro aliquid supra legem disceret. Iesus autem ei enumerat aliquot non omnia sed ea quæ sunt secundæ tabulæ: nec ea quidem ordine sed ut se se offerebant: quia quicumque secundam tabulam obseruat, & primam obseruat ad Rom. 13. & futura pro imperatiuis more Hebr.*

K 2

20. *Dicit*

220 MANVALE IN EVANGELIVM

20. *Dicit illi adolescens : omnia hæc servaui à iuventute mea : quid adhuc mihi deest.*] Quidam sic intelligunt, da quod hæc servauerim, quid adhuc mihi deest. Basilus putat nō mentitum, sed dixisse quod res erat. Et merito, quia Mar. 10. Christus hoc audito eum dilexisse dicitur; quod non fecisset si simulator fuisset. Alij dicunt mentitum vt August. & Hier.

21. *Ait illi Iesus: si vis perfectus esse, vade, & vende omnia qua habes & da pauperibus; & habebis thesaurum in cælo: & veni sequere me.]* Non præceptum vt Calviniani & Pelagiani dicebant, sed consilium: nam cum de præceptis loquitur, non dicit si vis perfectus esse, serva mandata, sed si vis ad vitam ingredi: cum vero de consilijs, non dicit si vis ad vitam ingredi, sed si vis perfectus esse, ex Aug. ser. 61. & Epist. 89. Thesaurum regni cælorum opibus adolescentis non æquiparat vt putat Calvin. sed opponit, vt si quis exiguis possessionibus ingentes totius mundi opes opponat. Deinde Christus significat eum maiorem gloriā in cælo habiturum si Evangelica consilia, quam si sola præcepta secutus fuerit, denique per elemosynas & omnia bona opera vitam æternam promereri: in Thesauro copiam & permanentiam retributionis ostendi, ex Chrys. & perfectionem non tam in venditione & distributione consistere quam in sequela Christi non corporali tantum sed magis per imitationem, charitatis, obedientiæ, humilitatis & patientiæ. nam facilius sacculus contemnitur quam voluntas, ait Hier.

22. *Cum audisset autem adolescens verbum; abiit,*

abijt tristis, erat enim habens multam possessionem.] Si parvam possedisset; facile cum Apostolis omnibus relictis, sequi Dominum potuisset; ideo cœpit scalpere caput ait Origen.

23. *Iesus autem dixit discipulis: amen dico vobis, quia diues difficile intrabit in regnum cœlorum.] Ex hoc adolescente qui propter diuitias à consilijs Euangelicis deterritus fuerat, octationem accepit Christus de diuitibus disputandi in genere; quomodo à vita æterna, propter diuitias retardentur, non pecunijs detrahunt, sed his qui detinentur ab eis ait Chryl.*

24. *Et iterum dico vobis: facilius est camelum per foramen acus transire, quam diuitem intrare in regnum cœlorum.] Cum discipuli obstupescerent in verbis eius ait Marc. 10. vt blandimento mitiget sermonis asperitatem & interpreter non intellectam obscuritatem: filiolli inquit quam difficile est confidentes in pecunijs, in regnum Dei introire. Sententiam exaggerans & seueriorem reddens ait, iterum dico vobis, quasi dicat non solum quod modo dixi, verum est, sed amplius etiam vobis dico, facilius camelum per foramen acus introire posse quam id fieri, prouerbialis erat locutio. Est autem hyperbole & exaggeratio, vt significetur valde esse difficile diuitem introire in regnum cœlorum: per Camelum autem non funem nauticum sed animal intellexit. dixerat esse difficile, ostendit esse impossibile ait Chryl.*

25. *Auditis autem his, discipuli mirabantur valde, dicentes? Quis ergo poterit saluus esse?] Quasi dicant cum omnes auaritiæ studeant à minore vsque ad maiorem, & diues in regnum*

cœlorum introire non possit, quis saluus esse poterit? Mar. 10. ait Apostolos hoc dixisse inter seipso, idest tacite ex Aug. de q. Euang.

26. *Aspiciens autem Iesus dixit illis : apud homines hoc impossibile est, apud Deum autem omnia possible sunt.*] Vt indicaret se eorum cognovisse cogitationes & sermones quamvis secretos, vel ut aspectuurbationem mentis eorum sedaret, ex Chryl. vt sententiam suam magis ac magis exaggerando confirmet, primum simpliciter dixit difficile esse diuitem introire in regnum cœlorum. 2. dixit facilius esse camelum introire per foramen acus. 3. Impossibile omnino esse sed apud homines non apud Deum. multa opus est gratia vt homo in diuitijs dirigatur ait Chryl.

27. *Tunc respondens Petrus dixit ei : ecce nos reliquimus omnia, & secuti sumus te : quid ergo erit nobis?]* Quasi dicat, eum qui seruatis diuitijs te sequi recusat, dicis difficulter ingressurum regnum cœlorum, intelligimus ergo bene nos fecisse qui omnibus relictis te sumus secuti : At cum eum qui omnia vendidit & dedit pauperibus dicas habiturum thesaurum in cœlo, quid quæso erit nobis præmij? qui non quidem omnia vendidimus sed omnia reliquimus. Confidenter dicit omnia, cum pauca reliquissent, nauem scilicet & retia. Omnia enim relinquit, & multa relinquit qui quicquid habuit, & habere potuit aut concupiscere, relinquit, ex Greg. & Bern. in declam.

28. *Iesus autem dixit illis : Amen dico vobis quod vos qui secuti estis me in regeneratione cum sederit filius hominis in sede maiestatis sue, sedebitis & vos super sedes duodecim iudicantes duodecim*

cim tribus Israel.] Non dicit qui reliquistis omnia, sed tantum qui secuti estis me, quod maius erat, quod minus erat intelligit: ipsam sequelam sui exigere omnium derelictionem, ex Hier. Cum vero ait *in regeneratione*, lauacrum regenerationis vt Paulus intelligit, quasi dicat fore vt Apostoli cū Ecclesia florere cœperit in magna sint sicut ipse auctoritate. Ex Hil. Verum rectius intelligitur resurrectio ex mortuis, quæ velut secunda generatio hominis quæ fiet in extremo iudicio, in quo totus mundus regenerandus est Apoc. 21. 1. Pet. 3. Isa. 65. Ex Aug. sequitur enim cum sederit filius hominis; vbi non agit de Christi ad dexteram sessione cum de iudicio loquatur, sed de iudicialia eius auctoritate, gloria & maiestate; quasi dicat sicut ego Iudex in nube sedebo, ita & vos sedebitis super duodecim sedes, non quod putaret Iudam esse sessurum, sed quod si in officio perstitisset sicut alij sessurus fuisset, vel numerum certum pro incerto posuit vt Paulus & Barnabas sessuri dicuntur ex Aug. l. 20. de ciuit. c. 5. & Beda. *Iudicantes*, i. condemnantes, ex Hier. Quo autem modo Apostoli dicantur iudicaturi? Multi dicunt solum iudicatu-
 ros per comparisonem, quia illis credentibus cæteri Iudæi credere noluerunt, quemadmodum viri Niniuitæ surgent in iudicio contra hanc generationem. cap. 12. ex Hier. Alij dicunt iudicatu-
 ros tanquam ministros Christi sententiam promulgantes, alij tanquam consiliarios Christi iudicatu-
 ros, sicut qui iudici assident; dicuntur etiam iudicare. Maldon. putat iudicatu-
 ros tanquam doctores, tanquam testes, accusantes quodammodo eos qui sibi

Euangelium prædicantibus & salutis viam docentibus credere noluerunt: condemnabunt enim eos conuincentes eorum incredulitatem, dicentesque se fecisse vt illi crederent & salui essent quicquid potuerant vt de Mose dicit Ioh. 5. Cum autem tredecim sint tribus, si Leuitica numeretur, cur duodecim tantum tribus Apostoli dicantur iudicaturi. Beda responder numerũ certum pro incerto poni. Vel intelligit Christus nõ solũ duodecim Apostolos, sed etiã tredecim Paulo & Barnaba numeratis, excluso vero Iuda esse iudicatuos; Nec solũ duodecim tribus sed omnes etiã Gêtes quibus Euangeliũ prædicauerunt, quasi in populũ Iudaicũ insertas & in duodecim tribus cooptatas ex Chry.

29. *Et omnis qui reliquerit domum, vel fratres aut sorores, aut patrem & matrem, aut uxorem, aut filios aut agros propter nomen meum, centuplum accipiet, & vitam eternam possidebit.*] Postquam declarauit Christus quæ propria erant Apostolis, eo quod omnia reliquerunt, subiicit etiam quæ & reliquis manent bona, qui etsi non vendunt sua, & dant pauperibus, tamen relinquunt sua; etsi non omnia sed quædam. Quoniam autem relinquere sua vel suos non est apud Deum laudabile, & meritorium; nisi fiat ob causam & finem bonum, ideo apud Matth. dicitur propter nomen meum; apud Marcũ propter me, & propter Euangeliũ; apud Lucam vero propter regnum Dei ex Chrys. & Orig. centuplum inquit accipiet, & multa etiam in hac vita, quia pro temporalibus accipiet spiritualia charismata, quæ longe superant quæuis terrena. Ex Hier. accipiet internas cõsolationis & animũ paratissimũ. Hęc tamen declaratio

SECUNDVM MATTH. CAP. XX. 22
 declaratio non sufficit huic loco: nam Marcus
 explicaturus quomodo centies centum hoc
 tempore sint accepturi, subiicit domos & fra-
 tres, & sorores, &c. id autem quam sit verū pa-
 tet in Apostolis, & in Apostolicis viris. Aposto-
 lis enim omnium fidelium domus erant aper-
 tæ, eorumque agri eis ferebant fructum, &
 tanquam nihil habentes omnia possidebant:
 Vel dicendum centuplum accepturos & domos
 & fratres, &c. non quod ista sint recepturi: sed
 Christum qui eis est instar omnium, quique pa-
 ter & frater & soror & mater est ex Origen. &
 Theoph.

30. *Multi autem erunt primi nouissimi: & no-
 uissimi primi.*] Hæc sententia indistinctè à Christo
 proposita, varie accommodatur proposito Do-
 mini. 1. Vt homines ad sequendam perfectio-
 nem Euangelicam proposito præmio magis
 accenderet. 2. Ne Apostoli nimia securitate
 confiderent: quod primi vocati fuissent, sed
 sic currerent non quasi incertum &c. 1. Cor. 9.
 Sed ex sequenti parabola pendere videtur sen-
 sus. Non appellare primos eos qui aut opinio-
 ne sua, aut dignitate, aut meritis primi sunt, sed
 qui primi vocati sunt ad vineam Domini vene-
 runt. Ex Iansl. Multi etiam natura nouissimi
 sunt per vitam Angelis quibusdam superiores.
 Ex Orig.

C A P V T XX.

De operariis in vinea.

1. **S**imile est regnum coelorum homini patrifa-
 milias qui exiit prima mane conducere opē-
 rarios

SECUNDVM MATT. CAP. XX. 227

mus. 1. est Paterfamilias, qui ad vineam operarios conduxit, est Deus de quo Christus dicit Pater meus agricola est, vel Christus qui sēper in hunc mundum quasi in forum exierit ut in vineam suam cōduceret operarios Patriarchas Prophetas. 2. Pars est dies, cuius mane Paterfamilias in forum exiuit, & cuius vespere mercedem soluit operariis. Hanc dicunt significare totum tempus quod inter initium & finem mundi interiectum est. Alij tempus quod est à primo aduentu Christi ad secundum diem. Alij vniuscuiusque hominis ætatem, noctem cuiusque mortem appellat. 3. Pars est vinea. Quam multi interpretantur iustitiam, & mandata Dei. Alij totum mundum. Alij cuiusque animam. Alij Ecclesiam. 4. Pars est hora prima, tertia, sexta, nona & vndecima; qui totum diem vniuersam mundi ætatem interpretantur, horam primam fuisse dicunt ab Adam vsque ad Noë: tertiā à Noë vsque ad Abrahā: sextam ab Abraham vsque ad Moysen: nonam à Moysē vsque ad Christum: vndecimam à Christo vsque ad finem mūdi. Alij diuersas horas, diuersas cuiusque hominis ætates. Primam hōram esse infantiam, tertiam pubertatem, sextā ætatem virilem, nonam ætatem in senectute, inclinatam, vndecimam decrepitam. 5. Pars est forū in quod Paterfamilias dicitur exiisse, quo totus mundus intelligitur qui extra Ecclesiam est, in quo homines toti sunt aut otiosi aut secularibus negotiis occupati, & inde in Ecclesiam tanquam in vineam vocantur. 6. Pars est denarius qui idem omnibus datur, quo salus & vita æterna significatur. 7. Pars est vespera dici, quando denarius soluitur, qua finis mundi &

K 6 ultimi

228 MANUALE IN EVANGELIUM

ultimi iudicij tēpus declaratur; vel vniuscuiusque mors. 8. pars est quod Paterfamilias iubeat in soluenda mercede, ab iis qui ultimi venerūt incipere: hoc ad Parabolæ significationem maxime pertinet: præferuntur enim nouissimi & fiunt primi, quia tantum vna hora, quantum alij toto die laborauerunt.

16. *Sic erunt nouissimi primi, & primi nouissimi: multi enim sunt vocati, pauci vero electi.*]

Concludit nunc generalius, non omnes qui vocati sunt mercedem accepturos, quia plerique vocati venire nolunt. Non enim significatur non omnes esse vocatos: omnes enim vocat, qui ideo venit in mundum hunc vt peccatores vocaret ad pœnitentiam; omnes enim peccatores erant: omnes vocauit. Ex Origen. & Chryf.

17. *Et ascendens Iesus Hierosolymam: assumpsit duodecim discipulos secreto, & ait illis.*] Ascendere dicitur, vel quia vna eius pars in monte Sion posita erat, vel Hebraicè dixit pro ire, vbi Christi ad mortem euntis alacritas, & Apostolorum admiratio timorque significatur, quia præcedebat eos Iesus. Mar. 10. Sæpe se oportet offerre persecutionibus & periculis vt ex eo colligit Orig. *Assumpsit* idest segregauit, noluit enim dicere discipulis coram omnibus, ne res euulgata aut impediretur, aut mors ab ipso procurata videretur.

18. 19. *Ecce ascendimus Hierosolymam, & filius hominis tradetur principibus sacerdotum & scribis, & condemnabunt eum morte, & tradent eum gentibus ad illudendum & flagellandum & crucifigendum, & tertia die resurget.*] Lucas cap. 22. ait & ipsi nihil horum intellexerunt: mortis

SECUNDVM MATTH. CAP. XX. 229
mortis myſterium nō comprehenderunt, morte ſua Chriſtum ſalutem mundo allaturum.

20. *Tunc acceſſit ad eū mater filiorū Zebedai cū filiis ſuis adorās & petēs aliquid ab eo.*] Tunc, cū videret mortem eius inſtare, ambit hæreditatem velut hominis morituri: vel cū diceret ſe tertia die reſurrecturum. Marcus c. 10. ait filios ipſos rogaffe, eo quod forte eorum inſtinctu mater Dominum rogauerit vt dicitur de Centurione c. 8. quem Luc. 7. non ipſum ſed amicos acceſſiſſe dicit: Matrem ipſam excuſant Ambr. & Hier. Adorans, ideſt inclinato capite, vel genu flexo, reuerentiam ei exhibens & beneuolentiam captans. Petens aliquid, id eſt magnum quid; quaſi diceret quiddam habeo: quod te rogem, ſed velim mihi prius te facturum promittas, vt 3. Reg. 2.

21. *Qui dixit ei: Quid vultis? ait illi, dic vt ſedeant hi duo filij mei, unus ad dexteram & unus ad ſiniſtram in regno tuo.*] Mater poſtulat & Dominus diſcipulis loquitur, intelligens preces eius ex filiorum deſcendere voluntate, eſſi non eorum forte impulſu, quia tamen pro eis mater poſtulauerat; potius filiis non matri reſpondet. Ex Hier. At illa, dic, iube, ſtatue, cum omnes Apoſtoli in regnō tuo ſint ſeſſuri, vt duo filij mei proximi aſſideant, alter ad dexteram, alter ad ſiniſtram.

22. *Reſpondens Ieſus dixit: nescitis quid petatis.*] Vt ſenſus ſit, nescitis quid petere debeatis vt ad Rom. 8. Quid oremus ſicut oportet nescimus, quia non ſpiritualia ſed carnalia petebant: vel quia rem maiorem & meliorem petebant quam exiſtimabant. Ex Chryſ. Vel bonum quidem petebant ſed non bene intel

intellectum: putabant enim precibus adipisci posse, cum eiusmodi sit vt non petentibus sed merentibus detur. Ex Raban. Patitur sæpe Dominus suos discipulos non rectè aliquid dicere aut agere, vt occasionem inueniat exponendi regulam pietatis: ait Chrys.

Potestis bibere calicem quem ego bibiturus sum? Dicunt ei possumus.] Calicem ex Hier. vocat passionem & mortem suam quod eam non minus libenter obierit quam si poculum vini biberet ex Chrys. Metaphora ducta ex antiqua consuetudine, qua solebat damnatis poculum veneno plenum porrigi vt ea ratione vitam finirent. Inde factum est vt mors ipsa siue supplicium calix diceretur ex Orig. & Hier. ps. 1. 3. Vel ex vetere more, quo inter Iudæos paterfamilias vinum pro suo arbitrio temperabat, & vnicuique conuiuæ alij plus alij minus distribuebat: qua ratione factum est, vt vniuscuiusque hominis fors, quæ à Deo immittitur siue bona siue mala calix appelletur. bona vt Ps. 15. mala vt Ps. 10. 74. Ier. 5. Ezech. 23. Marcus 10. cap. ait addidisse Christum: & baptismo quo ego baptizor baptizari, idest iam iam sum baptizandus, & baptizari paro: vbi baptismum suam passionem vocat, vt 1. ad Cor. 15. Quid faciēt qui baptizantur pro mortuis, idest qui pro defendenda mortuorum resurrectione mortem appetunt. Qua metaphora eo lubentius vsus est, quia eius passio nobis futura erat & baptismus quo mundaremur; & calix quo inebriaremur. vel quia sicut per mortē, sic per baptismū peccatorum expiatio facienda erat ex Origen. & Chry. vt temere discipuli petuerunt, sic temere respondent se posse bibere calicem, Ex Chrys.

Vel quod ante nesciebant postulauerunt : ita nunc quod non intelligunt promittunt. Melius alij nec temere nec inscienter, sed amanter & verè respondent se paratos esse vt pro Christo morerentur, vt postea exitus docuit.

23. *Ait illis : calicem quidem meum biberis, sedere autem ad dexteram meam & sinistram non est meum dare vobis, sed quibus paratum est à Patre meo.*] Idest talia pro veritate & gloria Dei patiemini, qualia ego mox passurus sum. nam Iacobus occiditur ab Herode Act. 12. Ioannes autem cum reliquis Apostolis flagellatur à Iudæis, & in dolium feruentis olei missus relegatur : in Pathmos nec voluntas martyrio sed martyrium voluntati defuit ex Hiero. Et cum dixit Christus : *Calicem quidem meum bibetis,* non prædicit fore vt pro se oppetant mortem, sed tantum significat hoc se posse illis concedere, vt calicem suum bibant; vt autem ad dexteram vel sinistram sedeant, concedere non posse nisi quibus paratum est à Patre suo. Non quod neget suæ potestatis & officij esse concedere, sed tantum negat non esse suæ potestatis & officij illis dare, sed solis his quibus à Patre suo paratum esset, vt si quis Rex annulum ei qui in stadio currendo cæteros vinceret, proposuisset, eumque digito teneret, aliquis vero ex iis qui nō solū nō vicisset, sed ne cucurrisset quidem, annulū ab eo peteret, recte respōderet currere quidē poteris, annulū autē non est meū dare tibi sed quibus paratū est, idest vincētibus, non enim significaret se dare nō posse, cū ipsius sit, sed dare non debere nisi vincētibus, quibus eū destinasset. At cur non dixit quibus paratum est à me, quasi plus Patri quam sibi auctorita-

tis tribuat vt Arriani contendebant. Responderetur hoc dixisse per appropriationem, quia paratum esse, est esse prædestinatum; prædestinatio autem est genus quoddam prouidentiae, quæ Patri potius quam filio tribuitur: vel quibus paratum est, idest Moyfi & Heliæ ex Hil. vel Petro & Paulo ex Eutym. vel his qui ab operibus possunt fieri clariores ex Chry. vel quibus paratum est, idest nullis, quasi nemo neque homo neque Angelus eo peruenire possit sed solus Christus Eph. 1. constitutus est ad dexteram Patris ex Chryf.

24. *Et audientes decem indignati sunt de duobus fratribus.*] Sicut duo fratres carnaliter petierunt; ita & reliqui decem indignati sunt. Chrysostomus piè eos excusat, quod nondum Spiritus sanctus in eos effusus fuisset.

25. *Iesus autem vocauit eos ad se, & ait, scitis quia Principes gentium dominantur eorum: & qui maiores sunt potestatem exercent in eos.*] Intelligendum enim hos paulisper elōgatos à duobus fratribus qui clam cum matre ad Dominū accesserant ex Chryf. Vocat ergo eos Christus & docet se eorum cogitationes sermonesque tacitos cognouisse, & omnibus eodē pharmaco medicinam admouet: quasi diceret, an nescitis quod facitis propriū esse ambiciosorum principū, nec omniū quidē sed gentiū, apud quas nō iustitia sed vis regna obtinet, in omnibus suam utilitatem à subditis sibi, velut à seruis quærentes, vbi nec regiā nec Ecclesiasticā tollit potestatem vt contendūt hæretici. Tantum monet nō debere Apostolos qui ad Ecclesiæ gubernationem vocati sunt, Gentilium principum ambitionē imitari. *Eorum* pro eis est Hebraismus.

26.27.28. *Non ita erit inter vos: Sed quicumque voluerit inter vos maior fieri, sit vester minister, & qui voluerit inter vos primus esse, erit vester seruus. Sicut filius hominis non venit ministrari sed ministrare; & dare animam suam in redemptionem pro multis.*] Id est omnibus: sed magis credendum voluisse Christum, non voluntatem suam sed mortis suæ fructum declarare. Nam si eius quidem voluntatem spectes, pro omnibus hominibus nemine excepto mortuus est: si fructum non ad omnes peruenit sed ad multos: quia non omnes percipere voluerunt. Ita Hier.

29.30. *Et egredientibus illis ab Hiericho secuta est eum turba multa. Et ecce duo cæci sedentes secus viam audierunt quia Iesus transiret; & clamauerunt dicentes: Domine miserere nostri fili David*] Mar.10. & Luc.18. tres cæcos curasse scribunt, ideo sunt qui tres historias esse putant vt Eutym. Alij qui duas, vt Aug. Alij vnam tantum: omnes enim dicunt id accidisse in ea profectione vltima qua Christus vt moreretur venit ex Galilæa in Hierusalem. Omnes prope Hiericho: omnes cæcum aut cæcos, qui curati sunt sedisse iuxta viam: omnes clamasse *Iesu fili David miserere mei*: omnes à turba iussos fuisse tacere: omnes vehemētius clamasse: omnes stetisse Christum, & cæcos ad se vocasse, omnes rogasse cæcos, *quid vultis vt faciam vobis*: at in diuersis Historiis tam multa similia esse non potuissent.

31. *Turba autem increpabat eos vt tacerent: at illi magis clamabant, dicentes: Domine miserere nostri fili David.*] Non maligne & inuide sed officiose & amanter; ne homines abiecti

234 MANVALE IN EVANGELIUM
iecti Christo obstrependo molesti essent. Ex
Euty. m.

32. 33. 34. *Et stetit Iesus & vocavit eos & ait:
Quid vultis ut faciam vobis? dicunt illi: Domine
ut aperiantur oculi nostri. Misertus autem eorum
Iesus tetigit oculos eorum. Et confestim viderunt, &
secuti sunt eum.] Cur tetigerit vide cap. 9. Apud
Mat. 10. & Luc. 18. dixit Iesus fides tua te saluū
fecit. Oculos tangit qui radiis suæ lucis con-
scientiam illustrat.*

CAPVT XXI.

*Venit asino in Hierusalem : eiicit de
templo omentes.*

1. **E**T cum appropinquasset Hierosolymis, &
venisset Bethphage, ad montem Oliueti,
tunc Iesus misit duos discipulos] Mar. 11. & Luc.
21. præpostere dicunt cum appropinquasset ad
Bethphage & Bethaniam; illudque sic intelli-
gendum cum appropinquasset ad Bethaniam,
& deinde ad Bethphage, quia Bethphage dista-
bat ab Hierusalem Sabbati iter, idest mille
passus; vel duo mille; Bethania vero 15. sta-
diis, idest 1870. passus. Salute data credentibus
ingredi cupit pacis urbem & visionis Dei ait
Hier. Et mittit Petrum & Philippum ex Hil.
vel Petrum & Ioannem ex Beda, quamquam
parum refert scire qui fuerint.

2. 3. *Dicens eis: ite in castellum quod contra vos
est, & statim inuenietis asinam alligatam & pul-
lum cum ea: soluite & adducite mihi. Et si quis
vobis*

vobis aliquid dixerit, dicite, quia Dominus his opus habet, & confestim dimittet eos.] Cæteri Evangelistæ de solo pullo mentionem faciunt, quia super solum pullum Dominus insedit, & tanquam supremus Dominus omnium rerum, cui feruire debet omnis creatura solui iubet. *Contra* id est ante vos, è regione vestri. Castellum, id est vicinum pagum: non Hierusalem vt quidam putant ob murorum fortitudinem; vel ob despectum sic dictam, quia contraria esset Apostolis.

4. *Hoc autem totum factum est vt adimpleretur quod dictum est per Prophetam dicentem.]* Vt non causa sed consequentia est: Nisi volueris dicere Prophetiam Zachariæ sibi cõuenire declarasse. Causa autem fuit. 1. vt specimen quoddam regni sui exhiberet seseque Messiam comprobaret. 2. quia sciebat Iudæos sibi relictos, hinc persequendi sumpturos occasionem; quorum impietate ad promouendum eorum salutem vti voluit. 3. vt humilitatis præberet exemplum. Ex Chrys.

5. 6. *Dicite filia Sion, ecce Rex tuus venit tibi mansuetus sedens super asinam & pullum filium subiugalis. Euntos autem discipuli fecerunt sicut præcepit eis Iesus.]* Non omnia sed quædam verba Prophetiæ Zac. 9. & Isa. 62. recenset; solet autem tota vrbs Hierusalem à monte Sion nominari, quia ibi erat regia. *Venit tibi* quia non nisi ad oues quæ perierunt domus Israel. *Venit mansuetus* vt ametur, non vt per potentiam timeatur, ait Chrys. Pauper; nam qui pauper, mitis & māsuetus est. Ex aliis Evangelistis constat super solum pullum sedisse, vt populū Gentilem adhuc rudem significaret. Vel successiue

cessive sedit super utrumque. Vel syllepsis est, qua de vna re plurimum loquimur numero, ut cum dicuntur Apostoli ob effusum unguentum murmurasse, cum solus Iudas murmurasset: Et duo latrones blasphemasse, cum alter tantum blasphemauerit.

7.8. *Et adduxerunt asinam & pullum, & imposuerunt super eos vestimenta sua; & eum desuper sedere fecerunt. Plurima autem turba strauerunt vestimenta sua in via, alij autem cadebant ramos de arboribus & sternebant in via.]* Apostoli etiam super asinam vestimenta posuerunt, quia ignorabant super quem sedere vellet Christus, quod minus probabile, quia dixerat illis: inuenietis pullum super quem nemo adhuc hominum sedit, per similem ergo syllepsin melius soluetur quaestio.

9. *Turba autem qua precedebant & qua sequebantur clamabant, Hosanna filio David: Benedictus qui venit in nomine Domini, Hosanna in altissimis.]* Interiectio gaudentis & obsecrantis: alij redemptionem domus David significare: alij hymnum ac laudem: alij ramos quos Iudaei in festo tabernaculorum gestantes clamare solebant Hosanna, Hosanna. Et hinc factum est ut ipsi rami Hosanna vocarentur. Et ea consuetudine excitatam turbam ramos arborum fregisse & clamasse: Hosanna filio David; quasi dicat: praecedite & date ramos filio David Hier. saluum fac obsecro seu serua nos o fili David, quasi hac voce profitentes Christum tanquam domus David redemptorem venisse. Melius dicendum, haec verba ad Deum tanquam ad personam agentem, ad Christum tanquam ad patientem referenda: precatur enim
turba

turba Deum vt nouum regem diuque desideratum seruet, ac prosperet. Quod ergo turba clamat Hosanna, perinde est ac si dicat uiuat Rex. quod autem ramos præfert, consuetudine triumphantium & gaudentium videtur facere. Ex Orig. Hil. & Hier. Benedictus idest prosper sit eius aduentus, laudetur ab omnibus & glorificetur, seu potius sit benedictus à Deo. Deus illi benefaciat, prosperet & secundet regnum eius, vt per eum & nos simus benedicti *in nomine Domini* quia missus à Deo venit; Et quia personam Dei gerit, qui per eum populum suum visitat. Dicunt autem venisse regnum Dauid, quia promissum illis fuit per Messiam tanquam filium Dauidis restituendum regnū Dauidis, quod proinde terrenum fore credebant cum sit spirituale. *In altissimis* pro de altissimis. Ex Hier.

10. *Et cum intrasset Hierosolymam commota est vniuersa ciuitas dicens: Quis est hic.*] Quia maior pars & dignior vt Scribæ & Pharisei commoti sunt. Non gaudio, non admiratione, non metu, sed inuidia; quod videret Christo tantum honoris tribui. quasi diceret quantus est hic vt tantum honoris mereatur. sicut Nazareni dicebant: *Nonne hic est fabri filius.*

11. *Populi autem dicebant: Hic est Iesus Propheta à Nazareth Galilee.*] Turba quæ aliunde cum secuta fuerat quam opponit ciuibz Hierosolymitanis, quod hi per contemptum & inuidiam dicerent, *quis est hic?* Illa per fidem responderet: *Hic est Iesus Propheta à Nazareth;* non qualiscumque sed Messias ille olim promissus diuque expectatus, sicut & Moyses cum dixit. Ex Hier.

12. *Et*

238. MANVALE IN EVANGELIUM

12. *Et intrauit Iesus in templum Dei, & eiiciebat omnes vendentes & ementes in templo, & mensas nummulariorum, & cathedras vendentium columbas euertit.]* Ubiū est an hac ipsa qua Dominus solemni pompa ingressus est Hierusalem; an die sequenti contigerit illa eiection. Matth. & Lucas commemorant quasi ipsa die factam. Marcus vero quasi die sequenti. Ioannes cap. 2: similem sed non eandem scribit historiam; his enim Christus ē templo vendentes & ementes eiecit. Ex Chrys. Cum autem in templum dicitur ingressus, prima pars templi intelligenda est, quæ atrium & porticus Salomonis dicebatur. Reliquæ duæ partes solis Sacerdotibus patebant; hæc vero omnibus, ex qua eiicit vendentes & ementes. Ex Hier. & Aug. tanquam Dominus domus ostendens ea quæ Patris sunt & sua esse. Hoc omnium signorum mirabilius existimat Hier.

13. *Et dicit eis: Domus mea domus orationis vocabitur, vos autem fecistis illam speluncam latronum.]* Nemo in Oratorio aliquid agat nisi ad quod factum est, vnde & nomen habet ait Augst.

14. *Et accesserunt ad eum caci & claudi in templo, & sanauit eos.]* Calumniatoribus virtutis potentiam ostendit, vt in his facta corporaliter melius fiant in illis spiritualiter.

15. 16. *Videntes autem Principes Sacerdotum & Scriba mirabilia qua fecit: & pueros in templo clamantes, & dicentes: Ozanna filio David, indignati sunt & dixerunt ei: Audis quid isti dicunt. Iesus autem dixit eis: utique. Numquam legistis quia ex ore infantium & lactentium perfecisti laudem.]* Non pueros sed infantes, fuisse magis
auger

auger Christi gloriam. quasi dicat eo sensu quo Luc. 19. Si tacuerint lapides clamabunt. Ex Chrys. stabilem, perpetuam & immortalem laudem tibi cōparasti, quibus verbis se Deum declarat: nam quod Deo David dixerat sibi dictum esse interpretatur.

17. *Relictis illis abiit foras extra Bethaniam; ibique mansit.*] Ne ab illis ante tempus comprehenderetur, vel quod eius præsentia & colloquiis indigni essent. Melius quia cum pauper esset in tanta ciuitate & post tantum triumphum & tot miracula, hospitium non inuenerit, abiit in Bethaniam. Ex Hier.

18. *Mane autem reuertens in ciuitatem esuriit.*] Vel finxit se esurire, vt finxit se in ficu fructum quærere, aut si vere esuriit, non naturalis fuit fames sed voluntaria. Ex Chrysostom.

19. *Et videns fici arborem secus viam, venit ad eam, & nihil inuenit in ea nisi folia tantum. Et ait illi: nunquam ex te fructus nascatur in sempiternum. Et arefacta est continuo ficulnea.*] Non mirum quod nō inuenerit fructum, quia ficorum tempus non erat. Mar. 11. Erat enim tempus Martij: finxit autem se quærere fructum more hominum quem se sciebat non inuenturum esse; vt edēdi miraculi occasionem acciperet. Ex Aug. l. 2. q. Euang. q. 51. Cur arbori maledixerit eamque arefecerit quasi punire vellet quod fructum non haberet, cum habere non deberet eo tempore; id non iræ impetu qui in Christum cadere non poterat, nec pœnæ inferendæ causa, quam nec arbor merebatur, sed solo mysterio factum est, quod cum synagoga arbor esset à Deo in vinea sua plan

240 MANVALE IN EVANGELIVM

plantata, fructumque in ea sæpe quæsiuisset, & nunquam inuenisset vllum, & vt Luc. 13. aliam succidit, ita hanc arefecit, idest legem veterem, & synagogam, quia bonorum operum fructus non ferebat, abrogauit, quos omni tempore ferre debuit, non vt arbor certo tantum tempore. Ex Orig. Hil. & Hier.

20. *Et videntes discipuli mirati sunt dicentes: quo modo continuo aruit?*] Die sequenti cum iterum Hierosolyma Bethaniam redirent, quia sic Dei gratia homines deferente statim sequitur ariditas bonorum operum.

21. *Respondens autem Iesus ait eis: Amen dico vobis, si habueritis fidem & non hesitaueritis, non solum de siculnea facietis, sed & si monti huic dixeritis tolle & iacta te in mare fiet.*] Verisimile est montem Oliueti demonstrasse.

22. *Et omnia quaecumque petieritis in oratione credentes, accipietis.*] Idest cum fide vel fiducia, non vacillantes, non hesitantes, accipietis vt Iac. 1.

23. *Et cum venisset in templum, accesserunt ad eum docentes principes Sacerdotum & seniores populi dicentes: in qua potestate hæc facis: & quis tibi dedit hanc potestatem?*] Marcus tribus cōtinuis diebus refert Dominum venisse Hierusalem; ibique vsque ad vesperam docuisse in templo: Lucas in genere dixit, *& erat quotidie docens in templo.* Et cum nondum auderent manus illi iniicere, verbis illum aggrediuntur tentare, sua authoritate putantes illum perterrefacere posse, & os eius obstruere, & à faciendis quæ faciebat impedire dicentes qua authoritate hæc facis, an propria & vsurpata, an ab alio accepta hæc miracula: quod cum

cum acclamatione asino insidens ingreditur: Hierusalem vendentes & ementes eiicit è templo, & præcipue quod officium docendi quotidie populum in templo sibi vendicaret, cum hoc esset officium scribarum.

24. 25. *Respondens Iesus dixit eis, interrogabo vos & ego unum sermonem: quem si dixeritis mihi, & ego dicam vobis in qua potestate hac faciã: Baptismus Ioannis unde erat; è cœlo an ex hominibus?*] Non respondet Christus ad quæstionem Sacerdotum, quia indigni erant audire veritatem, vel ne audita magis irritentur: sed alia proposita quæstione vult vt eam soluentes ipsi sibi respondeant. Nam si dixissent Ioannis Baptisma, seu eius prædicatio, & omne institutum fuisse è cœlo, hac responsione etiam conuinci potuissent, Iesum cui Ioannes testimonium perhibuit diuina præditum potestate & autoritate.

27. *Et respondentes Iesu dixerunt nescimus: Ait illis & ipse: Nec ego dico vobis in qua potestate hac facio.*] Non dixit illis nec ego scio, (non enim vt illi qui dixerant *nescimus* veritas mentiri potuit) sed respondet *nec ego dico vobis*; quo significat & illos quidem scire sed nolle dicere, & se quoque quod quærebant scire, sed merito etiam illis non dicere: sic prudenter sapientes cõprehendit in sapientia sua, vt discamus caute respondere insidiatoribus, & clauum clauo pellere, & veritatem indignis celare, ne sanctum detur canibus. Ex Ians.

28. 29. 30. *Quid autem vobis videtur? Homo quidam habebat duos filios, & accedens ad primum, dixit: fili vade hodie operari in vineam meam. Ille autem respondens ait: Nolo, postea au-*
L *tem*

tem pœnitentia motus abiit : Accedens autem ad alterum dixit similiter : At ille respondens ait : eo Domine, & non iuit.] Ex responsione Sacerdotum capit occasionem redarguendi eorum incredulitatem, quod nescirent illud quod etiam publicanis & peccatoribus fuit cognitum. Quo autem imprudentes, proferrent contra se sententiam sicque efficacius perstringerentur, proponit illis aliam quæstionem sed sub ænigmate & parabola docet diuinum fuisse Ioannis Baptismum. Homo qui duos habebat filios, Deus est : Duo filij, duo populi, Gentilis & Iudaicus, quorum prior à Deo per naturalem legem iussus est in vinea sua laborare, responderit se nolle, quia ne legem quidem naturæ seruare voluit, postea ductus pœnitentia ; in vineam venit, id est, non solum naturalem sed Euangelicam etiam legem receperit atque seruauerit : Contra Iudaicus iussus à Deo in vineam ire, idest legem seruare, respondit se iturum esse. Cuncta quæ locutus est Dominus faciemus, postea non iuit, idest non fecit quæ in lege præcepta fuerant : ita Orig. Athan. & Chrys. Verum ex conclusione parabolæ, probabile est per duos filios istos significari duplex hominum genus quos habebat Deus Pater ; eorum scilicet qui manifesti sunt peccatores, & eorum qui iusti volunt videri : per filium enim primum publicanos & meretrices significauit, qui cum in primis Dei voluntati obedire reculassent, postea pœnitentia ducti ad prædicationem Ioannis voluntati diuinæ obedire cœperunt : Per filium vero alterum qui verbo quidem obediens promisit ; at facto inobediens fuit, Sacerdotes

SECUNDVM MATT. CAP. XXI. 24;
dotes Iudæorum Scribas & Phariseos notauit,
qui cum verbo profiterentur promptitudinem
obediendi Deo semper habentes in ore legem
Dei, Dei præcepta per Ioannem prædicata non
fecerunt, contemnentes illius Baptismum, &
Christum cui ille testimoniū perhibuit agno-
scere recusantes. Et simili duorum filiorum
parabola idipsum significauit Luc. 15.

31. *Quis ex duobus fecit voluntatem Pa-
tris, dicunt ei primus. Dicit illis Iesus: Amen dico
vobis quia publicani & meretrices præcedent vos
in regno Dei.*] Non quod Sacerdotes quibus
cum loquebatur, sequerentur: sed quod cum
legis Doctores essent, præcedere deberent,
& non solum non præcedent sed ne sequentur
quidem. Sensus ex Mald. etiam hic esse potest
præcedunt vos, id est viam vobis ostendunt;
exemplum vobis præbent.

32. *Venit enim ad vos Ioannes in via iusti-
tia, & non credidistis ei: Publicani autem, & me-
retrices crediderunt ei: Vos autem videntes, nec
pœnitentiam habuistis postea ut crederetis ei.*]
Respondet quod Sacerdotes respondere nolue-
runt & docet Ioannem à Deo missum esse:
ideoque eius baptismum esse à Deo. *Via iustitia,*
id est per modum iustitiæ iustitiam præ se fe-
rens habitu & moribus. Illud est quod dixit
cap. 11. Vel via iustitiæ Christus & Dei præce-
pta. *Vos videntes* scilicet viam iustitiæ quam
prædicauit: vel publicanos & meretrices cre-
dere: arguit Sacerdotes incredulitatis, qua
nuntio Ioanne non crediderunt, & pertina-
ciæ qua postquam vidissent etiam publica-
nos & meretrices credidisse, credere nolue-
runt.

244 MANVALE IN EVANGELIUM

à 33. ad 40. *Aliam parabolam audite. Homo erat paterfamilias qui plantavit vineam, & sepem circumdedit ei & fodit in ea torcular, & edificavit turrim, & locavit eam agricolis, & peregre profectus est: Cum autem tempus fructuum appropinquasset, misit servos suos ad agricolas ut acciperent fructus eius: Et agricola apprehensis servis eius alium ceciderunt, alium occiderunt, alium vero lapidaverunt. Iterum misit alios servos plures prioribus, & fecerunt illis similiter. Novissime autem misit ad eos filium suum dicens: Verebuntur filium meum. Agricola autem videntes filium, dixerunt intra se: hic est heres, venite occidamus eum. Et habebimus hereditatem eius, & apprehensum eum eiecerunt extra vineam, & occiderunt.] Lucas dicit parabolam hanc dictam ad plebem, non quod ad plebem potissimum pertineret, sed quod audiente plebe & conuersus ad plebem Dominus eam dixerit. Ista autem parabola & finis intentus satis facilis. Homo qui plantavit vineam, Deus est: vinea est mūdus, vniuersi homines Ecclesia. Per sepem circumdatam vineæ, & turrim in ea ædificatam, & torcular in ea effossum significatur Deum omnia huic vineæ prouidisse quæ ei necessaria essent. Per agricolas quibus vinea locata fuit significantur principes populi in rebus spiritualibus & temporalibus, quibus populum suum excolendum commisit Deus. Locasse autem Deus colonis suam vineam dicitur, quia in ea laborantibus mercedem vitæ æternæ promisit. Per servos missos ut acciperent à colonis fructus vineæ, Prophetæ significantur, & vnum ceciderunt ut Ieremiam, alium occiderunt ut Isaiam, alium lapidauerunt ut Zachariam. Filius quem ad extremum*

tremum Dominus vineæ misit cum esse Christum, ne illi quidem Sacerdotes in quos iactata est parabola ignorare potuerunt. Hæc propriam habent & necessariam significationem; cætera quæ in parabola referuntur, emblemata sunt ex Mald. vt sepes, torcular, turris, Domini peregre abitus; quamuis diuturnâ Dei erga Iudæos patientiam significet, vt quod dicitur tempus fructuum appropinquasse, quasi non semper fuerit tempus fructuum, & Deus non semper fructus bonorum operum exegerit, non enim ita est: & quod dicitur *Forse verebuntur filium meum*: vt indicaret non reuerituros esse filium suum.

40. 41. *Cum ergo venerit Dominus vinea, quid faciet agricolis illis? aiunt illi, malos male perdet, & vineam suam locabit aliis agricolis, qui reddant ei fructum temporibus suis.*] Hæc à Sacerdotibus dicta, Christum vero & confirmasse & explicasse, ita vt Sacerdotes intelligerent illum contra se loqui, velleque significare fore, vt Deus illos tanquam malos vinitores disperderet, & vineam suam aliis agricolis locaret, propterea Marcum & Lucam illa Christo tribuisse, tunc Sacerdotes respondisse, absit. Ex Chryf.

42. *Dicit illis Iesus: Numquam legistis in scriptura, lapidem quem reprobauerunt adificantes, hic factus est in caput anguli. A Domino factum est istud, & est mirabile in oculis nostris.*] Quia Sacerdotes dixerant absit: non quidem significare volentes non conuenire, vt mali huiusmodi coloni perderentur, sed illud nequaquam sibi competere: vt sit sensus: Absit hoc à nobis, vt quemadmodum significat, id in nobis eue-

niat : nolebant enim agnoscere se parare necem filio Dei, & proinde nec sibi competere ut cum malis illis colonis perdantur, vinca Domini aliis locata. Probat Christus id euenturum, quia lapis quem ipsi ædificantes reprobauerunt factus est in caput anguli, & qui ceciderit super eum confringetur : super quem autem lapis ceciderit, conteret eum. Dicitur autem Christus lapis respectu Ecclesiæ, quia eius fundamentum est. Et angularis quia est firmissimus totius ædificij lapis. Act. 4. Eph. 2. Et quia est lapis offensionis multis. 1. Pet. 2. Et quia nectit inter se diuersos populos Iudaicum & Gentilem. Ex Hil. *Ædificantes*, sunt Sacerdotes qui ædificabant, idest docebant vel omnes Iudæi qui Christum reiecerant tanquam lapidem inutilem, & diuino non humano consilio ut non credentibus Iudæis, crederet Gentes. Et hoc mirabile, ne ipse quidem Petrus intellexisset nisi demisso cœlitus linteo: Act. 10.

43. *Ideo dico vobis, quia auferetur à vobis regnum Dei, & dabitur genti facienti fructus eius.*] Hic parabola scopus abolendam scilicet synagogam, & Dei Ecclesiam ad Gentes transferendam vel notitiam scripturarum. Dicitur autem datum alterum regnum Dei, non quod Iudæis negatum sit esse de regno Dei, sed quod Ecclesia nunc præcipue sit Gentium, sicut prius apud Iudæos; præcipue erat Dei Ecclesia, & regnum ad quod Gentes admittebantur quasi proselyti & hospites.

44. *Et qui ceciderit super lapidem istum, confringetur: Super quem vero ceciderit conteret eum.*] Super lapidem cadere est ad Christum tanquam
lapi

SECUNDVM MATT. CAP. XXI. 247
lapidem offendere. Ideo lapis offensionis dicitur Isa. 8. Vel persequi Christum & nomen eius, quod non solum frustra sed cum proprio item damno homines facturos significatur, non aliter quam si vasa testacea in lapidem caderent, & frangerentur: Beda putat eos qui in Christum credunt, sed tamen peccant & illum offendunt super lapidem cadere, quia puniuntur quidem sed leuius. Super eos vero qui in Christum non credunt lapidem cadere, id est grauius puniri: Chrysostomus cadere super lapidem est in Christum non credere, quod verosimilius vt ad Rom. 9. non credentibus factus est in caput anguli & lapis offensionis & petra scādali. Lapidem vero super aliquem cadere est Christum illi iratum esse, vel Christum de cœlo ad eum iudicandum & condemnandum venire; quasi dicat Christus miserum quidem esse etiam in hac vita quisquis in se non credit hoc est super lapidē cadere, miseriorem futurum in altera vita cum ipse eum condemnauerit, hoc est super eum lapis ceciderit quasi super vasa testacea quæ comminuentur & conterentur.

45. *Et cum audissent principes Sacerdotum & Pharisei parabolas eius, cognouerunt quod de ipsis diceret, & quarentes eum tenere timuerunt turbas, quoniam sicut Prophetam eum habebant.] Non sicut Deum vt notat Orig.*

CAPVT XXII.

*Parabola de nuptiis : De censu dando
Cæsari.*

1. **E**T respondens Iesus, dixit iterum in Parabolis eis dicens.] Dicitur respondisse etsi non præcedat alia quæstio: vel quia respondit eorum prauæ cogitationi de morte sua.

2. *Simile factum est regnum cœlorum homini Regi, qui fecit nuptias filio suo.]* Idem hac parabola quod superiore significatur, nempe regnū Dei à Iudæis qui inuitati venire noluerunt auferendum & dandum Gentibus: illa priuatos Iudæorum digne perdendos, hac vero etiam populum & ciuitatem. Iansenius putat esse aliam ab ea quam Lucas refert cap. 14. Sed videtur esse eadem, & Matthæum aut Lucam ordinem temporis non esse secutum. Et quia Hebræi vsque ad horam nonam prandere non solebant, quod prandium Matth. dixit, cœnam vocat Luc. Scopus parabolæ est. 1. Multos ad regnum cœlorum id est ad Ecclesiam vocari, paucos venire. 2. non omnes qui ad Ecclesiam vocati veniunt saluos fieri, id est dignos esse cœlesti conuiuio, quia aliqui nuptialem vestem non habent: Homo Rex: Deus est propter maiestatem, & magnificentiam. Nuptiarum conuiuū est cœlestis gloria: gratiæ affluentia, verbum Dei. Ex Hil. Filius Regis, Christus; cuius nuptiæ celebratæ sunt, qui sæpe sponsus vocatur vt c. 9. 25. Ioan. 3. Apoc. 19. Eius

SECUNDVM MATTH. CAP. XXII. 249

Eius sponsa est cuiusque anima; Ecclesia. Ex Orig. Apoc. 21. Eph. 5. Nuptiæ inter Christum & ecclesiam post resurrectionem celebratæ sunt. Ex Orig. vel cum homo factus est ex Greg. ho. 38. in Euang. Inuitati Iudæi qui post Christi incarnationem vixerunt ex Hil. & qui ante, qui cum ad regnum cœlorum venire nollent Gentiles venerunt. Ex Origen. Serui ad inuitandos Iudæos missi ex Hil. sunt Apostoli, & Prophetæ ex Orig. qui primū missi & cōtumeliis affecti, & occisi, postea missi Apostoli in plateas & exitus viarum, vt omnes non Iudæos tantum sed etiam Gentiles inuitarent, & quidem per legem naturalem, & per Mosaicam Iudæi inuitati, vt bene & pie viuerent: sic enim fieri solet vt homines ad conuiuium prius inuitentur, deinde cum tempus veniendi est vocentur. Quod Rex dum conuiuium celebraretur ingressus in cœnaculum & discubentes inspexisse dicatur, significat Deum homines tentare vt appareat quantum quisque virtutis habeat; & an loco quem in Ecclesia tenet dignus sit: Alij Deum ad iudicium venire, & eos qui vestem nuptialem habent retinere, eos qui non habent excludere ex Hier. Quid vero vestis nuptialis significet Hilarius spiritum sanctum interpretatur. Ex Luc. 24. Augu. Christi gloriam quam quisquis querit nuptiali veste est indutus: quisquis non querit sed suam in Ecclesia gloriam querit vestem nuptialem non habet: quia non Christi sed sua ipsius gestat insignia. Melius non certam & insignem quasi eandem aut similem omnes gererent inuitati, sed pretiosionem & splendidiorem quotidiana, qualem solent homines cum inuitantur ad nuptias induere.

duere ut sponsum honorent, & hanc non habebat, qui foras eiectus est; quia temerariae impudentiae fuit ad conuiuium ubi omnes pretiosa veste induti erant sordidum & pannosum venire. Ex hoc loco probatur solam fidem ad salutem satis non esse; quando ille qui in conuiuium erat, fidem habebat; sed quia vestem nuptialem, id est charitatem & bona opera non habebat, in tenebras exteriores eiectus est. Cetera quae in parabola dicuntur emblemata sunt ad ornamentum apposita, ut tauri & altilia occisa omnia parata esse significant. Et quod dicitur alium in villam suam, alium in negotiationem abiisse, significat ideo inuitatos venire noluisse, quia spiritualibus temporalia anteposuerunt: & quod additur Regem misisse exercitum suum ut homicidas illos perderet, significat Deum de his qui vocati venire noluerunt graues poenas sumpturum esse: vel Romanorum exercitum sub Tito & Vespasiano qui Iudaeos deleuit; Ut per exitus viarum & sapes significatur Euangelium omni creaturae praedicandum; sic pauperes debiles & caeci introducti designant nullam esse habendam rationem personarum, sed omnes aequaliter ad Euangelium vocandos. Compelle intrare non significat ad fidem cogendos esse homines, sed adeo rogandos, adeo incitandos ut quodammodo compelli videantur. Denique Mald. adiectitium putat, quod iubetur illi qui vestem nuptialem non habebat manibus & pedibus alligari, quod tantum significat eos qui damnandi sunt ita esse damnandos ut sententiae executioni resistere non possint. Quid autem sint tenebrae exteriores dictum est c. 8.

14. *Multi enim sunt vocati, pauci vero electi.*] Per vnum qui eiectus dicitur significatur non omnes qui vocati sunt fore saluandos: deinde cum illo qui eiectus est, coniungendi sunt & omnes illi qui vocati primum fuerant, sed indignos se fecerunt nuptiis S. Aug. l. cont. Donat. ait illum vnum qui eiectus est omnium reproborum qui multo plures quam electi sunt personam gerere. Deinde voluit docere eos qui venissent siue Iudæi essent siue Gentiles, non debere sibi confidere, propterea quod in conuiuium ingressi essent; posse namque eiici si vestem nuptialem non haberent, hoc vt probaret satis fuit dicere vnum ex discumbentibus quia vestem nuptialem non habebat eiectum esse.

15. *Tunc abeuntes Pharisei consilium inierunt ut caperent eum in sermone.*] Cum sua auctoritate Dominum perterrefacere non possent, & cum ab eo se per varias parabolas notari aduerterent nec tamen manus illi iniicere auderent, cogitant illum impio sermone illaqueare.

16. *Et mittunt ei discipulos suos cum Herodianis dicentes: Magister scimus quia verax es & viam Dei in veritate doces, & non est tibi cura de aliquo, non enim respicis personam hominum, dic ergo nobis quid tibi videtur, licet censum dare Cæsari an non?*] Herodiani Gentiles erant qui sub Herodis ditione erant; alij sic dictos putant, qui Herodem Antipam Iudæorum Regem pro Christo habuissent vt Theoph. Alij Herodis milites ex Hier. Alij eos ita vocatos qui negabant tributum a Iudæis Cæsari soluendum Act. 5. Alij melius qui contendebant Cæsari esse soluendum. Cyrill. Alex. lib. 3. Isa. scribit Herodianos

dianos publicanos fuisse qui tributa colligebant. Quæstionem ergo illi proponunt quæ tunc agitabatur ut Christum in invidiam adducerent : nam si respondisset tributum Cæsari soluendum non esse, læsæ maiestatis arguissent : si soluendum esse dixisset, calumniari erant ipsum apud populum tanquam adulantem Principibus, nec esse honoris diuini tam studiosum zelatorem.

18. *Cognita autem Iesus nequitia eorum ait; quid me tentatis hypocrite.*] Hypocritas vocat tum quod simularent beneuolentiam ipsius tum quod simularent studium cognoscendi iustitiam & veritatem, & placendi Deo.

19. *Ostendite mihi numisma census : at illi ostenderunt ei denarium.*] Denarius numisma erat Romanum, sicut drachma Atticum numisma quinque solidos Gallicos pendit & duos argenti denarios singuli Iudæi Romano Imperatori soluebant, qui Cæsaris imaginem habebant.

20. 21. *Et ait illis Iesus : cuius est imago hac & superscriptio ? dicunt ei, Cæsaris. Tunc ait illis : Reddite ergo quæ sunt Cæsaris Cæsari, & quæ sunt Dei Deo.*] Significans census solutionem, non esse contrariam his quæ debentur Deo. Et ut illos ob auaritiam prætextu tamen pietatis anxios de soluendo censu notaret neglectu pietatis in Deum : non enim admonendi fuerant, si non fuerant negligentes; Deo autem debita sunt primitiæ, decimæ, honor ipsius, reuerentia & dilectio eius super omnia. Cum autem omnia quæ habet homo in bonis vel animæ vel corporis, vel fortunæ, sint ipsius Dei; omnia hæc quodammodo Deo sunt reddenda.

SECUNDVM MATTHE. CAP. XXII. 25;
denda. Id autem fit cum omnia Dei dona illi
accepta referimus. Ex hac Christi responsione
colligit Iansen. Christianos etiam Ethnicis
principibus obsequi debere : dum aliquid
petunt ex suis rebus ; in quæ imperium ob-
tinent.

22. *Et audientes mirati sunt, & relicto eo
abierunt.*] Mirantur illum non latuisse suam
hypocrisim, & quod tam prudenter respondi-
set, non sunt tamen immutati, sed relicto eo
quem vincere non poterant abierunt.

23. *In illo die accesserunt ad eum Sadducei
qui dicunt non esse resurrectionem, & interroga-
uerunt eum.*] Ipsomet die vel sub idem tem-
pus, c. 3. diximus de Sadducæis: hi non alia ra-
tione mortuorum resurrectionem negabant,
& sua quæstione nunc irrident, quam quia na-
turæ vi videbant fieri non posse. Mirum quam
bene conueniant tres sectæ quæ capitales ge-
rebant inimicitias Pharisei, Herodiani, &
Sadducæi ad arguendum & irridendum
Christum, vt hodie Luth. Calvin. & Anabapt.

24. 25. 26. 27. 28. *Dicentes Magister Moyses di-
xit si quis mortuus fuerit non habens filium vt
ducat frater eius uxorem illius, & suscitet semen
fratri suo. Erant autem apud nos septem fratres,
& primus uxore ducta defunctus est, & non ha-
bens semen, reliquit uxorem fratri suo. similiter
secundus & tertius usque ad septimum. Nouissimè
autem omnium & mulier defuncta est. in resurre-
ctione ergo cuius erit de septem uxor? omnes enim
habuerunt eam.*] Errabant Sadducæi tum quia
non putabant fore resurrectionem : tum quia
putabant post eam si futura esset, talem fore
vitam, qualem modo viuimus. Huius autem du-
plicis

254 MANVALE IN EVANGELIUM

plicis erroris Christus causam assignat ignorantiam duorum nempe scripturarum & potentiae divinae: iisdem plane duabus de causis errant Calvin.

29. *Respondens autem Iesus ait illis: erratis nescientes scripturas neque virtutem Dei. In resurrectione enim non nubent neque nubentur: sed erunt sicut Angeli Dei in caelo.*] Id est post resurrectionem neque viri uxores ducent, neque foeminae nupturae sunt, quasi dicat nullae nuptiae futurae sunt, sicut Angeli nuptias non contrahunt, quia beati sunt immortales, ideoque non indigent nuptiis quae institutae sunt ad propagandos homines ex Hier.

31. 32. *De resurrectione autem mortuorum non legistis quod dictum est à Deo dicente vobis: Ego sum Deus Abraham, Deus Isaac, & Deus Iacob. Non est Deus mortuorum sed viventium.*] Huius argumenti efficacia est in eo quod non dicat ego fui, aut ego ero, sed ego sum ex Chr. Alij dicunt Deum vocari Deum alicuius esse ab eo cognosci sicut vocatur Deus Eliæ, Deus Danielis, id est quem Daniel & Elias colebant. Hinc ergo colligit Abraham Isaac & Iacob omnino extinctos non esse, quia Deus eorum, Deus vocabatur, id est ab illis colebatur. Alij dicunt sensum hunc esse: ego sum qui foedus percussi cum Abraham Isaac & Iacob de eorū posteritate propaganda, ideoque servare volo quia adhuc illi vivunt & quotidie orant ut ipsorum filios à servitute Aegyptiaca liberent. Solent enim foedera ferri inter viuos, non inter mortuos; & viuis non mortuis servari. Iam quidem erant mortui Abraham Isaac & Iacob, sed negabat Christus eo modo esse mortuos quo Sadducæi putabant.

putabant: idest itaut eorum animæ essent extinctæ: nam eo sensu quo nos mortuos solemus appellare eos quorum animæ à corporibus sunt separatæ, Deus non solum viuentium sed etiam mortuorum Dominus dicitur. Clariora testimonia Christus non protulit ex Gen. 41. dormiuit cum patribus suis: appositus est ad Patres suos, quia voluit ostendere sapientiam suam in scripturarum intelligentia, cum ex consequentiâ necessaria eorum destruxit errorem: non protulit ex Prophetis sed ex Moyse; quod hunc solum Sadducæi reciperent ex Hier. & Orig. in eo similes Calvin. qui reiciunt libros ex quibus suam hæresim conuinci vident vt Eccles. & Machab.

33. 34. *Et audientes turba mirabantur in doctrina eius, Pharisei autem audientes quod silentium imposuisset Sadduceis conuenerunt in vñ.]*

Quamquam gauderent Sadducæi contrariæ sectæ & doctrinæ hominibus os occlusum esse, tamen inuidia quadam concitati conuenientes in vnum consultauerunt inter sese de quadam questione etiam à se, Domino proponenda, vt minueretur apud populum admiratio; & ipsi cōsequerentur honorem, quod quæ Sadducæi superare non poterāt ipsi superassent, & ne viderentur non habere quod interrogarent.

35. *Et interrogauit eum vnus ex eis legis doctor tentans eum.]* Quamuis Phariseorum & Scribarum diuersa essent officia, tamen aliquando eundem & Phariseum & scribam fuisse patet ex ver. 34.

36. 37. 38. *Magister quod est mandatum magnum in lege? ait illi Iesus: diliges Dominū Deū tuū ex toto corde tuo, & in tota anima tua, & in tota mente tua;*

tua : hoc est maximum & primum mandatum.]
 Apud Marcum quasi proëmij loco præmittitur
 audi Israel Dominus Deus tuus, Deus vnus est,
 eo quod Dei intentionem præcedere debeat
 recta de Deo opinio & fides, vt scilicet vnus
 credatur & nō multiplex; ideo in vno illo omnē
 fiduciam collocādam esse; & quia super omnia
 est constitutus, super omnia etiam est diligen-
 dus; & quia vnus est, ex toto corde diligendus
 est; qui diuiso corde esset diligendus si in mul-
 tos Deos esset diuisus. Siue legatur in vel ex,
 non est diuersitas in sententia, significat enim
 vt diligamus quātum possumus, & omnia quæ
 habemus, illi referamus. Ex August. l. 1. de Doct.
 Christ. c. 22. Calvin. hinc ait Deum impossi-
 bilia præcepisse, & tamen legis infractores pœna
 æterna punire quod Deo facit iniuriam.

39. *Secundum autem simile est huic : diliges
 proximum tuum sicut teipsum.]* Id est vt proximo
 optes quicquid tibi optas, & eū propter Deum
 sicut teipsum & eo affectu, quo teipsum dili-
 gas. Quis autem sit proximus explicat Luc. 10.
 ex Aug. l. de vera relig. c. 46.

40. *In his duobus mandatis vniuersa lex
 pendet & Propheta.]* Quia in illis omnia legis
 & Prophetarum præcepta continentur. Et ex
 eis eliciuntur & ad ea ordinantur : plenitudo
 enim legis est dilectio Rom. 13. & finis præce-
 pti est charitas. 1. Tim. 1. quia in priore man-
 dato comprehenduntur summam ea præce-
 pta quibus erga Deum instruuntur homines.
 In secundo vero quæcumque erga proximum,
 & quia vnum sine altero seruari non potest,
 imo alterum in altero includitur ex Aug. lib. 8.
 de Trinit. c. 7.

41. 42. *Congregatis autem Phariseis interrogauit eos Iesus, dicens : quid vobis videtur de Christo, cuius filius est?*] Mar. & Luc. non dicunt Christum Phariseos interrogasse sed concionantem dixisse; Quomodo dicunt scribæ Christum esse filium Dauid? sed nihil interest. Nam Matth. posuit interrogationem & obiectionem: alij Euangelistæ solam obiectionem.

43. *Dicunt ei Dauid. Quomodo ergo Dauid in Spiritu vocat eum Dominum, dicens.*] Cum Dei Spiritu plenus, non suo qui falli potest loqueretur, quoniam purum hominem Christum esse putabant, subuertit eorum opinionem, & docet veritatem per Dauid Prophetam diuinitatem suam prædicans: dicentibus enim Phariseis filius est Dauid, hoc est homo purus, dicit quomodo igitur Dauid Dominum nominat; non negans autem filium esse Dauid hoc dicendo demonstrat quod non sit purus homo ex Dauidico semine descendens, sed plusquam filius Dauid; idest filius Dei: ideoque Dauid Dominum appellat. Hæc autem interrogat Dominus, vt si dicant se nescire, interrogent eum, & discant; vel si dicant veritatem; credant; vel si nihil possint dicere confundantur & secedant non audentes eum ultra interrogare, ex Theoph.

44. *Dixit Dominus Domino meo, sede à dextris meis : Donec ponam inimicos tuos, scabellum pedum tuorum.*] Iudæi contendunt hunc Psalmum non esse de Messia intelligendum, sed de Ezechia, quia is sederit ad dextram templi & eius hostes Deus fugauerit: vel de Abraham in persona Eleazer serui eius. Alij intelligunt dictum de Dauide in persona populi Israelitici, qui

258 MANVALE IN EVANGELIUM

qui Dauidem appellavit Dominum suum: sunt & qui Dauidem ipsum intelligunt hic Dominum suum appellare Saulem. Verum hos refellit silentium Scribarum & Phariseorum non habentium quod responderent, & totius Psalmi contextus dicitur enim: *Tu es sacerdos in aeternum, &c.* Quod nemini præterquam Messie competere potest.

45. 46. *Si ergo David vocat eum Dominum, quomodo filius eius est? Et nemo poterat ei respondere verbum, neque ausus fuit quisquam ex illa die eum amplius interrogare.*] Nota venena invidia superari posse sed difficile conquiescere. Confutati sunt verbis, sed apprehensum tradunt Romanæ potestati.

C A P V T X X I I I.

Execratur Phariseorum hypocrisis.

1. **T** *Vnc Iesus locutus est ad turbas & ad discipulos suos.*] Vt confusio Scribarum & Phariseorum manifesta facta est: reliquum erat vt alij admonerentur ne illorum pravis moribus corrumperentur; monet autem discipulos minus familiares & minus instructos, nam Apostolos & eos qui ipsum semper comitabantur non erat opus monere.

2. *Dicens: super Cathedram Moysi sederunt scriba & Pharisei.*] Quidam intelligunt sedem antiquam constitutam in singulis synagogis ad hoc vt ex ea in Sabbathis lex Moyse populo explanaretur. At mos non erat vt qui scripturam legebat in suggestum ascenderet sed vt 2. Esdr.

Esdr. 8. surgeret, & stans loqueretur. Luc. 4. 1. Cor. 14. Per Cathedram ergo Moyſi doctrina intelligenda eſt, quod qui docet in cathedra ſedere ſoleat, ex Hier. ſeu authoritas docendi & iubendi quæ ad cultum Dei pertinent quam obtinuit Moyſes.

3. *Omnia ergo quacumque dixerint vobis, ſeruate & facite, ſecundum vero opera eorum nolite facere: dicunt enim & non faciunt.*] Hac illatione duo ſignificat. 1. Obedientiam deberi his qui ex authoritate docent & iubent, non habito reſpectu vitæ ipſorum ſed authoritatis & propter Deum cuius ſunt legati. 2. Non eſſe illis obediendum, ſi quid male præcipiant, aut doceant; Si eſt illis obediendum quoniam in cathedra Moyſi ſedent, non eſt ergo obediendum quando contra eandem Cathedram aliquid vel docent vel præcipiunt: ac ſi diceret omnia quæ lex & Moyſes vobis dixerint Phariſæis & ſcribis recitantibus ſeruate & facite, ex Hil. & Hier.

4. *Alligant enim onera graua & importabilia, & imponunt in humeros hominum: digito autem ſuo nolunt ea mouere.*] Non ceremonias legis intelligit, quas nondum Chriſtus abrogauerat, ſed proprias ſcribarum & Phariſæorum traditiones aut leges ſcripturæ contrarias, in quibus non diſpenſabant: cum in Dei lege ſæpe diſpenſarent, & ſuo exemplo ad onera ferenda non incitabant.

5. *Omnia vero opera ſua faciunt ut videantur ab hominibus: dilatant enim Phylacteria ſua & magnificant ſimbrias.*] Quasi dicat qui in ſimbrijs & Phylacterijs gloriam captant, quid in rebus maioribus vt eleemoſynis, ieiunijs & oratione

260 MANVALE IN EVANGELIUM
oratione facturi sunt. Occasio phylacteriorum
fuit quod Deut. 6. adhortans ad perpetuam
præceptorum recordationem tandem intulit
Moses: *Et ligabis ea quasi in signum in manu tua,*
eruntque & monebuntur inter oculos tuos; hoc ni-
mis literaliter intelligentes Iudæi scribebant
in membranis verba illa: *Audi Israel, &c.* Aut
secundum Hier. ipsum decalogum Mosi, mem-
branasque has partim ligabant in brachijs,
partim in fronte quasi coronam capiti facien-
tes, ut semper ante oculos mouerentur. quem
morem usque ad suum usque tempus Iudæis
per Indiam, Persiam & Babyloniam servatum
testatur Hier. eumque qui hoc habuisset iu-
dicatum religiosum. Membranae autem sic de-
pictæ Græce Phylacteria dicebantur, idest cu-
stoditoria vel conservatoria quod adhiberen-
tur ad sui ipsius & legis diuinæ custodiam, cum
Deus nihil aliud exigeret quam ut præcepto-
rum suorum non obliuiscerentur. Has autem
membranas ut præ alijs viderentur religiosio-
res & in mandatis Dei recogitandis & facien-
dis diligentiores, Scribæ & Pharisei latiores
gestabant. unde dixit: *dilatant phylacteria sua.*
Eadem de causa & fimbrias magnificabant:
præceperat enim Dominus Deut. 22. ut Iudæi
in quatuor angulis palliorum suorum facerent
fimbrias hyacinthinas ad discretionem populi
Israelitici, & ut admonerentur discretam à
Gentibus debere esse eorum conversationem
& plane cœlestem Num. 15. Fimbriae autem vo-
cabantur fila quædam non texta quæ ex infi-
ma ora vestis dependebant. Has ergo Scribæ &
Pharisei qui sanctiores reliquo populo videri
volebant, faciebant grandiores & acutissimas
spinas

spinas in eis ligabant vt ambulantes & sedentes interdum pungerentur, & quasi hac admonitione ad officia Domini traherentur ex Hier.

6. ad 13. *Amant autem primos recubitus in cœnis, & primas cathedras in synagogis, & salutationes, in foro, & vocari ab hominibus Rabbi. vos autem nolite vocari Rabbi, unus est enim Magister vester, omnes autem vos fratres estis. & Patrem nolite vocare vobis super terram: unus est enim Pater vester qui in cœlis est; Nec vocemini Magistri, quia Magister vester unus est Christus. Qui maior est vestrum erit minister vester: Qui autem se exaltauerit humiliabitur, & qui se humiliauerit exaltabitur.]* Ostendit 3. eorum inanis gloriæ appetitum in externa cū hominibus conuersatione, vt honore isto quem amabant in synagogis, in cœnis, in foro afficerentur. Prohibet ex eo Apostolis ne ipsi accipiant vel alijs deferant honorem qui principaliter Deo debetur.

13. *Vae autem vobis Scriba & Pharisei hypocrita, qui clauditis regnum cœlorū ante homines: vos enim non intratis, nec introeuntes finitis intrare.]* Octies vae illis intentat semel & eodem tempore. 1. vae quia suadebant hominibus neminem nisi ipsis aperientibus, idest docētibus intrare posse, quo sensu omnes quas volebant traditiones quasi onera graua populo imponebant. ex Chryl.

14. *Vae vobis Scriba & Pharisei hypocrita, quia comeditis domos viduarum, orationes longas orantes, propter hoc amplius accipietis iudicium.]* 2. Vae quia facultates viduarum deuorarent, earum domos consolationis causa frequentantes, ab eis pro officij dignitate excipiebantur conuiuijs: Vel quia sanctitatem simulantes viduæ
ad

ad eos veniebant & precibus illorum se commendabant, & eorum orationes pretio emebant: unde subdit *longas orationes orantes*, ut muliercularum facultates captarent, ex Chry. accepturi duplo maiorem condemnationem, quia bis peccarent & dum viduarum facultates dilapidabant, & dum sanctitatis simulatione faciebant ex Chryf.

15. *Væ vobis scribe & Pharisei hypocrita, quia circuitis mare & aridam ut faciatis unum profelytum; & cum factus fuerit facitis eum filium Gehenna duplo quam vos.*] 3. Væ quia cum multa diligentia terra marique quæerent vndique ex Gentibus aduenam, qui ab idololatria conuersus Iudaicam amplectatur religionem ut populum augere viderentur, & sua sanctitate & doctrina gubernare; vel ut aucto numero Iudæorum, numerus sacrificiorum & lucri accresceret. Ex Auth. Imp. ut facerent filium gehennæ, idest, dignum gehenna, ut filius mortis dicitur dignus morte. Duplo quam vos; quasi dicat vos quidem duplici cōdemnatione & supplicio digni estis, illum autem plusquam duplici dignum facitis: quia grauius peccat nō credens in Christum relicta iam idololatria quam si numquam reliquisset ait Aut. Imp. Vel quia vitia potius quam virtutes imitabitur: & in rebus malis Magister à discipulo superatur. Vel quia Pharisei conabantur eum quem ab idololatria reuocauerant peiorem facere quam se ex Chryf.

16. *Væ vobis duces caci qui dicitis quicumque iurauerit per templum nihil est; qui autem iurauerit in auro templi debitor est.*] 4. Væ dicit ob præposterā & erroneam eorum traditionem. duces autem

autem vocat aut propter officium, aut ex eorum opinione qui se aliorum duces profitebantur. *nihil est*, id est non est reus, non obligatur vi huius iuramenti vel voti: Huius traditionis & erroris motium hoc fuisse videtur quod cum præceptum esset vt iurarent in nomine Domini, putarent iuramēta per creaturas facta nullam inducere obligationem. Adeo ut nec ea quæ per Hierusalem, per templum, aut per altare fierent: Obligare tamen ea quæ fierēt per oblata Deo siue in Gazophylaciū tēpli, siue super altare, quod hæc immediate Dei essent & singulari ratione diuina essēt magis quā templū & altare, quæ tantū propter oblationes Deo faciendas consecrata erant. Hinc est si quis in contentione vel in aliquo iurgio vel in causæ ambiguo iurasset in templo, & postea conuictus esset mendacij non tenebatur criminis reus: si autem iurasset in auro & pecunia quæ in tēplo sacerdotibus offerebatur, statim id in quo iurauerat cogebatur exsoluere: ita auaritiam eius traditionis originem fuisse putant Theoph. & D. Thom.

17. *Stulti & caci, quid enim maius est aurum an templum, quod sanctificat aurum?*] Nam aurum quod in templo est non est sanctum, nisi quia templum sanctum est, templū igitur magis sanctū est: & rursus *stulti & caci* apud Græcos repetitur. Quid enim maius est donum an altare quod sanctificat donum, si quidem sacrificium aliquod cum ex sese sit prophanum, ideo sit sanctum quia in altari ex sui institutione cultui diuino consecrato offertur.

18. 19. 20. 21. 22. *Et quicumque iurauerit in altari, nihil est: Quicumque autem iurauerit in*

in dono, quod est super illud, debet. *Ceci*: quid enim maius est, donum an altare quod sanctificat donum. Qui ergo iurat in altari, iurat in eo & in omnibus quæ sunt super illud: & quicumque iuraverit in templo iurat in illo, & in eo qui habitat in ipso: & qui iurat in cælo iurat in throno Dei, & in eo qui sedet super eum.] Quasi dicat cum ut ostensum est sanctius sit & templum & altare ipso auro templi & sacrificijs altaris, ergo non hoc dicendum est quod vos dicitis, sed contra potius: ac proinde æque aut etiam magis est obligatorium iuramentum per altare; quam donum altaris &c. & qui iurat in cælo. vide c. 5.

23. *Va vobis Scriba & Pharisei hypocrita qui decimatis mentham & anethum & cuminum, & reliquistis quæ graviora sunt legis iudicium, misericordiam, & fidem, hæc oportuit facere & illa non omittere.*] Quatuor væ sequentia, quorum duobus prioribus præposteram eorum in servandis mandatis Dei vel hominum diligentiam coarguit: duobus vero posterioribus eorum hypocrisim; ut quod reliquerunt iudicium quo unicuique ius suum redditur, erant enim Scribæ & Pharisei in multis causis Iudæorum iudices; & misericordiam idest charitatem in proximum, quam Deus præfert omnibus ex Luca. Ose. 6. & fidem, humanam quæ inter homines pacta servantur quæ dictorum factorumque constantia est; non diuinam quæ in Deum credimus.

24. *Duces caci excolantes culicem, camelum autem glutientes. Va vobis scriba & Pharisei hypocrita quia mundatis quod desoris est calicis & paropsidis, intus autem pleni estis rapina & immundicia. Pharisee cace munda prius quod*
intus

intus est calicis & paropsidis ut fiat & quod de foris est mundum. *Va vobis Scriba & Pharisei, quia similes estis sepulchris dealbatis quæ à foris parent hominibus speciosa, intus vero plena sunt ossibus mortuorum & omni spurcitia. Sic & vos à foris quidem paretis hominibus iusti, intus autem pleni estis hypocrisi & iniquitate.*] Adagium est quo significatur eos in minimis esse diligentes, & studiosos, in maximis negligentes, & facere ac si cum in poculum incidisset minimum animal, non prius ex illo bibere vellent quam colando potus esset mundatus: cum interim magnum aliquod animal simul cum vino deglutterent. Hoc est magna cum diligentia cauuisse ne in paruis conscientia eorum inquinaretur, quibus nihil aut parum inquinari poterat; cū interim de grauioribus conscientia non urgeret. Calicem erga & paropsidem seu patinam quæ eibus sumitur vocat ipsum hominem; quæ extra calicem & paropsidem sunt, sordes corporis, quæ sunt intra sordes animæ significans eos de corpore abluendo nimis esse sollicitos, de abluendis animæ sordibus negligentes.

29. 30. *Va vobis Scriba & Pharisei hypocritæ, qui edificatis sepulchra Prophetarum & ornatis monumenta iustorum, & dicitis: si fuissetis in diebus patrum nostrorum non essemus socij eorum in sanguine Prophetarum.*] Eisdem iustos & Prophetas vocat: Edificare autem dicit prophetarum sepulchra, cum vetustate collapsa erant. Ex hoc loco patet Prophetarum & iustorum sepulchra in honore apud Iudæos habitâ fuisse. Quod autem ea collapsa redintegrarent Scribæ & Pharisei non vituperio sed

M laude

laude dignum est. Nec propterea Christus reprehendit sed quia cum eorum ædificarent sepulchra maiora, ipsi patrarent homicidia quam qui prophetas illos quorum sepulchra ædificabant, occiderunt. Ex Chrys.

31. *Itaque testimonio estis vobismetipsis, quia filij estis eorum qui Prophetas occiderunt.*] Itaque cum Prophetarum occisores patres vestros vocatis, Lucas habet: Profecto testificamini quod consentitis operibus patrum vestrorum, quoniam ipsi quidem eos occiderunt vos autem ædificatis eorum sepulchra, videtur Christus vtrumque dixisse. At quomodo bene concludat Christus eos testificari se operibus patrum consentire. Respondeo non tam velle hoc concludendo quam retorquendo facere. Qui enim Prophetarum sepulchra ædificabāt, videri poterant aut idcirco facere vt eos honorarent aut vt magis aliquomodo occiderēt, id est eorum memoriam vna cum corporibus sepelirent, vt solent latrones quos occiderunt non humanitate sed alio homicidij genere ne reperiantur sepelire.

32. *Et vos implete mensuram patrum vestrorum.*] Quasi dicat proinde cum sitis eorum filij, filios autem decet esse parentibus similes, imitamini mores eorum, quod deest malitiæ ipsorum, & peccatis vos superaddite vt completa sit malitia patrum vestrorum. Quod non dicit præceptiue sed prænuntiatiue, hoc omnino ita futurum, significans ab eis per occisionem sui & Apostolorum suorum vt Ioan. 3. dixit Iudæ quod facis fac citius, facilius dixeris esse concessionem, vt notat Chrysost.

33. *Serpentes genimina viperarum, quomodo fugietis à iudicio gehenna?]* Quasi dicat cum viperarum filij sitis, quid potestis esse nisi viperæ? Non enim solent filij parentibus esse meliores sed sæpe peiores. Quomodo potestis salui esse cum vipere sitis, non quod fieri non possit sed quod raro tales pœnitentiam agant.

34. *Ideo ecce ego mitto ad vos Prophetas, & sapientes & scribas, & ex illis occidetis & crucifigetis, & ex eis flagellabitis in synagogis vestris: & persequemini de ciuitate in ciuitatem.]* Apostolos suos & Scribas & Prophetas vocat accommodatè Iudæorum consuetudini, qui legis Doctores scribas vocabant, vt 1. Cor. 1. *Ideo* non significat causam cur Prophetas & sapientes & scribas missurus sit sed cur eos essent occisuri, quia scilicet serpentes erant, serpentum autem & viperarum proprium est homines occidere. Apostoli reuelatione futurorum, Prophetæ, Christi agnitione sapientes, legis intelligentia Scribæ. Ex Hil.

35. *Vt veniat super vos omnis sanguis iustus à sanguine Abel iusti usque ad sanguinem Zacharia filij Barachia quem occidistis inter templum & altare.]* Quasi dicat pœnas luetis ob omnium Prophetarum mortem: quicunque unquam à Iudæis occisi fuerunt. Abel autem inter Prophetas numerat, quia sua morte prædixit Christi sacrificium quem Cain occidit, & quamuis non fuit Iudæorum pater natura, fuit tamen imitatione. Zacharias autem de quo hic loquitur non fuit Ioannis Baptistæ pater, nec ille qui ex duodecim Prophetis vnus est, sed ille Zacharias Ioiadæ sacerdotis filius quæ ex sacra scriptura constat vltimū fuisse occisum.

M 2

Quæ

Quæres quo modo Christus minetur omnium prophetarum veterum sanguinem super Scribas & Phariseos venturum esse cum ipsi eos non occidissent: Et non debeat filius iniquitatem patris portare? Respondetur in Republica quæ maiores fecerunt posteris tribui ut de Amalechitis Exod. 17. Alij dicunt sæpe filios pro patribus pœnas dare, cum eorum mores imitantur, ut Exod. 20. Alij filios etiam cum patrum suorum peccata sequuntur, pro illo non puniri, sed propterea dici pro illis puniri, quia cum eorum exemplo non resipuerint, maiores pœnas luunt. Ex Chrysostom. Dicendum hoc loco Christum humano & vulgari more loqui voluisse: neque aliud significauisse quam Scribas & Phariseos tam graues pro suis homicidiis pœnas daturus esse ut patrum etiam suorum homicidia portare videantur; non quod portent, sed quod seuerius puniantur nullamque mereantur misericordiam: sic dicimus eum qui multa homicidia fecit ob vnum deprehensum & suspensum omnia simul exoluisse.

36. *Amen dico vobis venient hæc omnia super generationem istam.*] Concludit cum affirmatione repetita, *Amen*, ne quis putaret inanem fuisse comminationem.

37. 38. *Hierusalem, Hierusalem quæ occidis Prophetas & lapidas eos, qui ad te missi sunt: quoties volui congregare filios tuos quemadmodum gallina congregat pullos suos sub alas & noluisti: Ecce relinquetur vobis domus vestra deserta.*] Significat Deum ad meliorem mentem vocasse, & venire noluisse ut cap. 22. & Prouerb. 1. Vocavi & renuistis, & Isa. 6. 8. &

66. Jerem. 7. Et propinquum tempus indicat Ecce. Per domum urbem vel templum intelligit.

39. *Dico enim vobis quia non me videbitis amodo : donec dicatis benedictus qui venit in nomine Domini.*]. Causam refert cur deferenda esset eorum domus, quia ipse à quo tanquam à veritate figura implebatur paulo post erat ex hoc mundo discessurus. Itaque sicut domus habitatoribus vacuæ ruere solent, sic templum eo descendente diruendum erat. Et significat secundum aduentum in quo Iudæi dicturi sunt *Benedictus &c.* quia sub finem mundi multi credituri sunt. Vel quia inuiti dicturi sunt, vel quia animo non ore dicent. vt si Rex alicui se pro Rege non agnoscenti diceret: Ego te suspendam. Et tunc dices me esse Regem; non enim significat eum verbis dicturum sed reipia expertutum esse, vt Zacha. 12. & Ioann. 19. *Amodo* non punctum temporis sed passionis significat; & licet ab Apostolis & Iudæis post Resurrectionem visus sit, non ab iis tamen de quibus hic loquitur visus est. Ex Chrysostom.

CAPVT XXIV.

*Mala praeurrentia mundi consum-
mationem.*

1. **E**T egressus Iesus de templo ibat, & accesserunt discipuli eius ut ostenderent illi edificationes Templi.] Cum egrederetur de templo Mar. 13. vnum tantum accessisse dicit, sed vnum pro omnibus, ut cap. 26. per syllepsim & cap. 27. & Ioan. 12. & Luc. 23. moti fortasse verbis quae audierant: *Ecce relinquetur vobis domus vestra deserta*: aut admiratione quasi fieri non posset ut tantum & tale templum vastaretur, aut commiseratione, quasi ferendum non esset, tam admirandum templum vastari ut Christum flecterent ad commiserationem. *Ex Orig.*

2. Ipse autem respondens ait illis: *Videtis haec omnia, amen dico vobis non relinquetur hic lapis super lapidem, qui non destruat.*] Quod etsi per exaggerationem dictum videri possit, tamen diuina prouidentia non est passa ut existimare quisquam possit Christum vel in vno lapide per hyperbolem fuisse mentitum.

3. Sedente autem eo super montem Oliueti accesserunt ad eum discipuli secreto dicentes: *Dic nobis quando haec erunt, & quod signum aduentus tui & consummationis secuti.*] Hoc quarto die posteaquam cum ramis & acclamationibus in urbem ingressus accidit: nam eodem die

die in Bethaniam secessit ; secundo autem ex Bethania rediens ficui maledixit : tertio vero die cum iterum ex Bethania reuerteretur discipuli arefactam viderunt ficum. Eodem autem die tertio ex Hierusalem in Bethaniam de more rediit vt ibi noctem ageret ex Luca 21. Itaque die quarto Bethaniæ fuit & quia nullus Euangelista narrat eum ante diem quintum Hierusalem reuertisse: Et quia Matth. 26. scribit eum fuisse in domo Simonis leprosi duobus diebus ante Pascha, Bethania autem erat ad radicem montis Oliuarum. Quare credibile putat Mald. Christum cum in montem qui paulo plus mille passibus ab vrbe distabat, ascendisset, ex eo urbem ac templum contemplatum esse, & aliquid de futura eius calamitate prædixisse : quod occasionem discipulis præbuerit eum interrogandi ; *Dix nobis quando hæc erunt*, colligitur ex Mar. 13. de eo aliquid dixisse. Vel omnes in genere, vel Petrus Iacobus Ioannes & Andreas, venerunt peculiari-ter & interrogauerunt separatim, id est seorsum vt Mar. ait siue secreto ab aliis discipulis, itaut soli illi quatuor omnium nomine interrogarint vt pote primores, & maiorem habentes fiduciam apud Christum, vel quia estimabant Christum facilius sibi solis quam omnibus discipulis in commune dicturum esse rem secretam : erat enim periculosum loqui de templi excidio. Act. 6. Quid autem eos mouerit credibile est naturali studio res futuras addiscendi adductos, vel potius desiderio fruendi Christo in regno cœlorum de fine mundi interrogasse ; quia nimium illis tardare videbatur. Ex Auct. Imp: Petunt quando

ea mala quæ prædixit templo & vrbi euentura sint, & quod signum præcessurum aduentum suum & mundi consummationem. Ex Hil. & Hier.

4. 5. *Et respondens Iesus dixit eis: Videte ne quis vos se ducat, multi enim venient in nomine meo dicentes: ego sum Christus, & multos seducent.*] Idest nomen meum præ se ferentes. Beda putat Christum tam de excidio Hierosolymitano quam de aduentu suo & mundi fine respondisse: sicut confuse Apostoli interrogauerunt, & consulto fecisse ne quis posset mundi finem dignoscere; existimantes hæc esse coniuncta noluisse eos ab hoc errore reuocare, ne post templi euerisionem in longum expectationem protendentes securi essent. Hæc ergo quæ nunc dicit ad vtrumque videntur pertinere: nam & ante excidium Hierosolymitanum multi pseudochristi extiterunt vt Theodas Act. 5. & Simon Magus Act. 8. & ante finem mundi multi futuri sunt, vt in Apoc. testatur Ioannes. ex Hier.

6. *Audituri enim estis praelia & opiniones praeliorum; videte ne turbemini: oportet enim hæc fieri, sed nondum est finis.*] Græca non habent, enim, sed autē: non enim hic declarantur prædicta, sed ad aliorum malorum prædictionem est transitus. Ex Orig. Oportet hæc fieri posita hominum malitia; posito Dei decreto quo constituit punire Iudæos. Hæc de bellis Iudaicis quæ excidia præcellerunt sunt intelligenda ex Hil. Vel de bellis Antichristi quæ ante finem mundi futura sunt. Ex Hier. sed *nondum est factus: Hierusalem.* Ex Eutym. vel mundi. Ex Hier.

7. *Consurget enim Gens in Gentem, & regnum in regnum.*] Hæc de tempore Hierosolymitani excidij ex Chryl. & de tempore Antichristi intelligi possunt ex Aug. Ioseph. lib. 20. antiq. c. 7. & de bello Iud. c. 11. consulendus & Egesip. l. 1. c. 11.

Et erunt pestilentia & fames; & terra motus per loca.] De pestilentiis & terræ motibus nihil peculiare memorat Iosephus; de terriculamentis & signis magnis multa refert lib. 7. de bello Iud. c. 2. Per annum enim ante obsidionem sidus supra urbem visum est simile gladio; nona hora nocturna lucem diei superans in templo effulsit, & per dimidiam horam duravit. Porta templi ærea vltro aperta est: in aere visi commissi exercitus; auditum est in templo: *Migremus hinc.* Audita est querulatio monstrosa Iesu Anani per annos septem menses quatuor clamantis veh veh Hierosolymis. De fame Act. 11. & Ioseph.

8. *Hæc autem initia sunt dolorum.*] Idest parua si cum futuris malis comparentur, est metaphora à muliere parturiente vt Ps. 47. Isa. 13. Jerem. 4. Ezech. 30.

9. 10. 11. 12. 13. *Tunc tradent vos in tribulationem, & occident vos, & eritis odio omnibus gentibus propter nomen meum, & tunc scandalizabuntur multi, & inuicem tradent: & odio habebunt inuicem, & multi pseudoprophetae surgent & seducant multos, & quoniam abundauit iniquitas, refrigescet charitas multorum. Qui autem perseverauerit usque in finem hic saluus erit.*] Sensus est tanta futura est in Christi discipulos fœuitia, vt qui aliquam alioqui charitatem habebant, qua eos excipiebant, exercere non au-

M s deant,

274 MANVALE IN EVANGELIUM
deant, ne & ipsi Christiani esse videantur, 2. ad
Tim. 4.

14. *Et predicabitur hoc Evangelium regni in
uniuerso orbe, in testimonium omnibus Genti-
bus, & tunc veniet consummatio.*] Hæc non
ad templi & vrbis vastationem sed ad finem
mundi spectant ex Hieronym. quia dicitur
prius Evangelium in uniuerso orbe terrarum
prædicandum, quod ante vrbis excidium fa-
ctum non est; nec fieri potuit. Verum D. Pau-
lus ad Rom. 1. & 10. ait *in omnem terram exiuit
sonus eorum*, &c. per hyperbolem; quia in ple-
risque locis prædicatum erat; eodémque mo-
do Christus hic locutus est; nam quando Hie-
rosolyma deuastata est, omni pene regio quæ
ad illud vsque tempus reperta fuerat Euange-
lij sonum audierat. Notandum particulam
&, habere magnam emphasim: quasi dicat
quamuis hæc omnia euentura sint, tamen
Evangelium disseminabitur per totum or-
bem. Vel potius quamuis calamitates illæ quas
Christus proposuerat euenerint tempore ex-
cidij Hierosolymitani, tamen non ideo pu-
tandum est instare finem mundi: nam ne-
cesse est vt prius prædicetur Euangelium to-
to orbe terrarum *in testimonium*, idest ne quis
ignorantiam prætexat quominus saluus sit,
& vt ij qui non recepissent Evangelium aut
qui receptum nõ seruassent testimonio essent,
in extremo iudicio quo conuincantur ex Hie-
ron. & *tunc veniet consummatio*, idest vasta-
tio vel consummatio mundi: nam discipuli
interrogauerunt quod signum esset consum-
mationis: respondet Evangelium prædican-
dum per totum orbem, & tunc futuram con-
summatio

SECUNDVM MATTH. CAP. XXIV. 275

suminationem seculi: an autem simul atque prædicatum fuerit futura sit, incertum est. Alij vastationem Hierosolymitanam intelligunt vt Chryl.

15. *Cum ergo videritis abominationem desolationis qua dicta est à Daniele Propheta stantem in loco sancto, qui legit intelligat.*] Sunt qui hæc referunt ad finem mundi tempore Antichristi: & per abominationem desolationis ipsum Antichristum intelligunt in templo sessurum quasi Deus sit vt Irenæus: sed videntur saltem secundum sensum primo à Christo intentum ad tempus vastationis Hierosolymitanæ referenda. Nam Lucas habet *cum autem videritis circumdari ab exercitu Hierusalem tunc scitote quia appropinquat desolatio eius.* Et per abominationem desolationis significatur statua illa quæ in templo fuit posita, quod Iudæi vehementer abominabantur. Ita Chrysost. quod videtur significare id quod adiicitur *stantem in loco sancto* & 1. Machab. 11. vel Romanorum exercitus qui obsedit Hierosolymam ex Luca; vel seditio illa quæ sub Floro zelotis auctoribus excitata est, itaut zelotæ in templum se receperint & illud contaminauerint Ioseph. lib. 6. de bello Iud. cap. 1. Vel abominatio desolationis vocatur ipsa desolatio, id est abominabilis & horrenda desolatio. Hebraismo, qua visa intelligeretur Danielis Prophetia esse impleta; sublatum sacrificium, actumque prorsus de populo Iudaico, & abrogata penitus lex, itaut non amplius instaurentur vrbs, templum aut sacrificia vt prædixit Daniel.

16. 17. 18. *Tunc qui in Iudæa sunt fugiant*

M 6 *ad montes:*

ad montes : & qui in recto , non descendat tollere aliquid de domo sua : & qui in agro non revertatur tollere tunicam suam.] Tunc scilicet cum vide-
ritis abominationem desolationis : vel omnia
prædicta prælia, opiniones præliorum, &c. lo-
quar cum discipulis, & piis hominibus quos
vult sicut Loth de Sodomorum Gen. 19. ita de
Hierosolymæ vastatione fugere ad montes
motu fugientium qui ad loca inaccessa se reci-
piunt. Cætera significant nullam moram fu-
gendi faciendam esse nec retro respicien-
dum.

19. *Va autem pregnantibus & nutrientibus in illis diebus.*] Quia tanta futura est strages
seculentium, ut prægnantibus, & nutrienti-
bus non parcant ex Theop. Vel quia nutrien-
tes mulieres filios suos edere cogentur. Vel
quia illæ, uteri, illæ lactentium infantium one-
re gravatæ fugere non poterunt, ex Hilar. &
Chry. Vel quia præ deliciis & securitate quæ
nuptiis & deliciis operam dant moram fugæ
facient.

20. 21. 22. *Orate autem ut non fiat fuga vestra
hyeme vel sabbato. Erit enim tribulatio magna,
qualis non fuit ab initio mundi usque modo, ne-
que fiet. Et nisi breviati fuissent dies illi, non fie-
ret salva omnis caro, sed propter electos brevia-
buntur die illi.*] Quia hyems lutosa, & plu-
viola, & Sabbatum quia non amplius quam
mille aut bis mille passus procedere Iudæis li-
citum erat : non quia tunc teneantur non fu-
gere, sed quia superstitione suam observantes,
mortem effugere non poterunt. ex Aug. l. 1. q.
Evang. c. 37. Hieron. & Chrysost. Et ne electi
tunc desperent abbreviabuntur dies non men-
sura

sura sed numero, ne temporum mora concu-
tiatur credentium fides ex Hier.

23. *Tunc si quis vobis dixerit: ecce hic est
Christus aut illic, nolite credere.*] Tunc signi-
ficat tempus quod inter vastationem Hierusa-
lem & finem mundi interiacet. Ex Chrysost.
Transit ergo Christus à fine & excidio Iudæo-
rum ad finem mundi: fuit enim illa vastatio
quasi typus vastationis ac finis seculi. Et do-
cet se promissum Messiam iam venisse, nec
aliud expectandum, propterea si quis vobis
dixerit de alio quouis qui post se venerit seque
Christum esse mentiatur credendum non esse:
non enim est nisi vnus Christus, qui iam venit.
sicque non est quod Galuin. nos calumnientur
quod dicamus: ecce hic est Christus in Eucha-
ristia. Ecce hic est in altari, ecce hic in custo-
dia, idest in penetralibus: nam loquitur de ho-
mine qui oculis videatur, qui digito demon-
stretur, qui mira faciat, aliquos huiusmodi iam
venisse testatur Eus. l. 4. hist. Ecc. ca. 6. & multos
venturos prædixit Ioannes Apocal. & multos
quotidie venire experimur, quales sunt Ariani,
Donat. Calvin. &c. de his monet *nolite credere.*

24. *Surgent enim pseudochristi & pseudo-
propheta, & dabunt signa magna & prodigia;
ita ut in errorem inducantur si fieri potest etiam
electi.*] Miracula an vera sint diximus cap. 7.
indicat fieri non posse vt his signis electi in er-
rorem inducantur posita diuina prædestina-
tione: quæ ex hoc loco stabilitur à Theolo-
gis; possunt quidem induci, non in errore
mori.

25. 26. *Ecce prædixi vobis: si ergo dixerint vo-
bis: ecce in deserto est, nolite exire; ecce in pene-
traliibus*

278 MANVALE IN EVANGELIUM

tralibus, nolite credere.] Duo loca longe distantia posuit, desertum & domus penetralia ut significet, quocumque habitu quocumque loco alius Christus veniret, credendum illi non esse. stultum est in paruo loco, vel in abscondito eum quærere qui totius mundi lumen est.

27. *Sicut enim fulgur exit ab oriente & patet usque in occidentem: ita erit aduentus filij hominis.]* Quasi dicat ut fulgur subito & inexpectato emicat, nec quisquam potest obseruare, quo puncto temporis è nube erumpat, sic ipse subito, & insperato veniet. Et sicut fulgur vno momento ab oriente usque ad occidentem elucet, sic ipse veniet adeo splendidus ut nemo eum non videat. *Ita inquit erit & aduentus filij hominis.*

28. *Vbicumque fuerit corpus, illuc congregabuntur & aquilæ.]* Christus seipsum comparat cadaueri, & significat fore ut cum venerit, latere non possit: sicut cadauer aquilam non latet; sed sagacissimo suo olfactu vbicumque fuerit, naturali sensu illud inuenit. Beatos autem confert aquilæ qui Christum sequuntur, quocumque ierit, & cum eo ad iudicium venturi sunt ex Iren. Vel eos sanctos qui cum Christus venerit viui reperientur: vel Angelos & sanctos martyres quibus Christus comitatus veniet. Ex Hilar. Vel melius omnes homines qui ad locum vbi Christus venerit ut iudicentur conuolabunt sicut aquilæ ad cadauera quem visuri sunt velint noluit.

29. *Statim autem post tribulationem dierum illorum sol obscurabitur, & luna non dabit lumen suum, & stelle cadent de caele, & virtutes*

virtutes cœlorum mœuebuntur.] Tanta futura est fumi copia ex mundi incendio vt sol verè obscureretur ex Origen. vel præ gloria & splendore Christi aduenientis vt stellæ sole lucente obscurantur. Ex Hilar. & Chrysoft. vel obiectu nubis: Verum non opinione hominum aut vllius rei oppositu sed verè obscurabitur, vt in eius morte, quia Christus aliquid magnum & nunquam ante visum dicere voluit: alia autem ratione obscurari parum videtur esse: sic autem contremiscent stellæ & metu splendorem retrahent, sicut homines metu perculsi tabescant, & sanguinem trahunt intrinsecus, sic Christo patiente sol obscuratus est quasi moriente Deo exhorresceret ait Auct. Imp. Sunt qui stellas re ipsa non casuras dicunt sed lumen amissuras. Alij casuras eo modo, quo solem obscurandum putant, quia Christi splendore non lucebunt. Alij non veras stellas sed dæmones quibus aër plenus est casuros: alij crinitas stellas quæ in aëre conflantur, casuras. Alij quia non lucebunt fore vt cadere videantur. Chrysostratus verè casuras putat, & magis Christo id affirmanti quam Philosopho neganti credendum est. Per *virtutes cœlorum* quidam stellas intelligunt quæ militia cœli vocantur. Alij Angelos, quasi attonitos, vt Origen. & Chrysostratus. Alij cardines cœli Iob 22. & cardines terræ 1. Reg. 2. Et cardines maris Iob 36. qua metaphora robur & firmamentum tantum significatur. Docet ergo Christus cardines ipsos & quasi fundamenta cœli commouenda esse præ timore.

30. Et tunc parebit signum filij hominis in cœlo,

cælo ; & tunc plangent omnes tribus terra , & videbunt filium hominis venientem in nubibus cæli cum virtute multa & maiestate.] Signum est virtus & gloria quam Christus sibi in cruce acquisiuit ex Origen. Vel passionis signa vt flagellorum vibices, clauorum cicatrices. Vel melius crux ipsa quæ in cælo vel in aere Christo veniente quasi eius vexillum apparitura, ex Chrysost. & Hieron. & tunc omne genus infidelium vel ex omnibus aliqui : boni enim lætabuntur , quia diligunt aduentum eius , mali tudent pectora sua, sed nimis sero ob ignorantiam suam, & peccata ex Orig. & describit seipsum Christus tanquam Deum cuius proprium cum maiestate , gloria , & terrore venire Psalm. 49. vt nube euectus , sic veniet Act. 4.

31. Et mittet angelos suos cum tuba & voce magna , & congregabunt electos eius à quatuor ventis à summis cælorum vsque ad terminos eorum.] Tuba regiæ maiestatis, canitur enim tubis ante Reges : non vera sed potius metaphorica : & per vocem idem quod per tubam voluit significare Ioh. 1. Ipsius Christi vocem futuram esse designat & Ioel. 2. Et Apoc. 8. Angelos tuba canentes inducit. 1. ad Thes. 4. vox Archangeli futura dicitur. Credibile est Christum magna voce locuturum vt suos mittat & Angelos & Archangelos & omnes cælestes Spiritus in tubæ similitudinem clamatuos, & ad commouendum vt Num. 10. & ad terrendum vt fit in bello Isa. 18. Soph. 1. Zacha. 9. à quatuor mundi partibus.

32. 33. Ab arbore autem fici discite parabolam : cum iam ramus eius tener fuerit & folia nata :

nata : scitis quia prope est astas : ita & vos cum videritis hæc omnia scitote qui prope est in ianuis.] Hæc quæ supra dixi, ne putetis iam esse consummationem Mundi, sed præcurſiones quasdam quæ ostendunt quod prope sit in ianuis, ante pedes.

34. *Amen dico vobis non præteribit generatio hæc donec omnia hæc fiant.]* Quasi dicat antequam ætas illa hominū qui tunc vivebāt præteriret futuram illam vastationem. Alij melius generationem fidelium interpretantur, quasi dicat etsi tam multæ huiusmodi calamitates venturæ sint, tamen Ecclesiam vsque ad finem Mundi non perituram ex Chryl. Hieronymus generationem omnium hominum intelligit, quasi dicat priusquam genus humanum finiat: hæc omnia quæ prædixerat euentura esse. Alij per generationem totum mundum intelligunt, quia totus genitus, quasi dicat ex Mald. adeo esse certa quæ prædixit, vt non ante finiendus sit totus mundus quam euerint.

35. *Cælum & terra transibunt, verba autem mea non præteribunt.]* Non fallent, non erunt falsa, inania. Cælum & terra ex conditione suæ creationis, idest profecta ex nihilo habent id in se necessitatis vt non sint: Verba autem Christi ex æternitate deducta id continent virtutis vt maneani ait Hilar.

36. *De die autem illa & hora nemo scit neque Angeli cælorum, nisi solus Pater.]* Mar. 13. dixit neque filius nisi Pater. Arriani ex hoc loco cum Catholicis de Christi diuinitate contendebāt: Sunt qui respōdent locum esse viciatum & non esse legendum, neque filius vt Hier. Alij ignorasse

rasse dicunt; quatenus erat homo, & quidem scientia naturali aut acquisita, non vero infusa, ab initio conceptionis suæ, qua habuit omnium cognitionem. Alij intelligunt Christum dicere, se ignorare illum diem & horam quod non sic eum a Patre didicisset & accepisset, ut hominibus illum aperire & indicare deberet, quem præcognoscere hominibus non expediebat; ut semper incerti de aduentu iudicis sic vivant quotidie, quasi die alio sint iudicandi sicut Patres ex Theoph. Continent quid in manibus & dum quærent hoc filij & dare ipsi nolunt, occultant dicentes, non habemus, quod quæritis & sic plorantes filios compescunt. ita & Dominus ut compescat Apostolos ne discant de die illo & hora, dixit neque ego scio nisi Pater solus. Alij dicunt Christum ignorare, idest non scire diem iudicij qua homo est: sed qua homo Deus: Nam si homo tantum fuisset quantumvis perfectus & Deo gratus, non sciisset illum, ut nec Angeli sciunt, qui & perfectissimi & Deo gratissimi sunt. Non ergo negat Christus se etiam ut hominem diem iudicij scire: sed negat, scire eo titulo quo homo scit. Vel dicendum Christum eo modo loqui quo c. 20. *Sedere autem ad dexteram & sinistram non est meum dare vobis, sed quibus paratum est à Patre meo.* Itaque indicat quod magis est se non solum ut hominem, sed etiam ut Deum modo quodam diem iudicij ignorare, non quod ignoret; sed quod non ipsius sit officium scire sicut non dixit paratum est à me, sed à Patre meo: non quod non etiam ab ipso paratum esset, sed quod regnum parare, idest prædestinare non ipsius sed Patris officium sit: sic etiam

etiam Patris est constituere quando soluendus sit mundus: quando dies iudicii futurus sit, hoc est quod Apostolis dicit Act. 1. ideo solus ipse scire significatur.

37. 38. 39. 40. 41. Sicut autem in diebus Noe ita erit aduentus filij hominis: sicut enim erant in diebus ante diluuium comedentes & bibentes; nubentes, & nuptui tradentes usque ad eum diem quo intrauit in arcam Noe: Et non cognouerunt donec venit diluuium, & tulit omnes: ita erit & aduentus filij hominis: tunc duo erunt in agro, unus assumetur & unus relinquetur: dua molentes in mola, una assumetur & altera relinquetur: duo in lecto, unus assumetur & alter relinquetur.] Quod accidit tempore aduentus Noe, accidet tempore aduentus mei: vnus eligetur & saluus erit, alter reprobabitur & peribit ex Luc. 17.

42. 43. 44. 45. Vigilate ergo quia nescitis qua hora Dominus vester venturus sit: illud autem scitote quoniam si sciret paterfamilias qua hora fur venturus esset, vigilaret utique & non sineret perfodi domum suam. Ideo & vos estote parati, quia nescitis qua hora filius hominis venturus est. Quis putas est fidelis seruus & prudens, quem constituit Dominus super familiam suam ut det illis cibum in tempore?] Alludit ad milites qui noctem in quatuor distributam vigilias excubare solebant: & ad veterem morem famulorum quibus qui omnium fidelissimus erat praeponeretur ut eos gubernaret & pro cuiusque meritis cibum distribueret, triticum scilicet raro pecuniam, & probat semper vigilandum.

46. Beatus ille seruus quem cum venerit Dominus inuenerit sic facientem.] Distribuentem cibum

284 MANVALE IN EVANGELIVM

cibum, attentum officio.

47. 48. 49. 50. 51. *Amen dico vobis quoniam super omnia bona sua constituet eum. Si autem dixerit malus ille servus in corde suo: Moram facit Dominus meus venire: & cœperit percutere consensuos suos: manducet autem & bibat cum ebriosis: veniet Dominus servi illius in die qua non sperat, & hora qua ignorat: & diuidet eum, partemque eius ponet cum hypocritis; illic erit fletus & stridor dentium.]* Diuidet eum, idest priuabit bonis promissis atque mercede, vel priuabit gratia, quam ei prius dederat; vel potius eijciet eum ex familia sua, a famulorum suorum numero separabit. sic c. 22. mittitur in tenebras exteriores. Nota & quod ab officio remoueatur, & quod in ergastulum torquendus mittatur. Partemque eius idest miseram sortem & conditionem vt Iob. 20. & 27. & Ps. 10. cum servis pigris & negligentibus qui non solent nisi præsente Domino laborare, ad oculum seruire. Eph. 6. Significat autem infernum, qui pigrorum locus est.

C A P V T XXV.

Indicat per parabolas seueritatem futuri iudicii.

1. ad 14. **T***Vnc simile est Regnum cœlorum decē virginibus.]* Idest in Ecclesia idē fiet atque si decem virgines lampades suas acciperent vt sponso exirent obuiam. Moris enim erat vt sponsus vespertino tempore comitatus adolescentum societate, accederet sponsæ suæ domum,

domum, celebraturus ibi cum ea nuptias; ac
 tum è sponsæ domo virgines sponsæ assidentes.
 sponsa domi residente & aduentum sponsi
 præstolante prodirent obuiam sponsæ dedu-
 cturæ illum cum lampadibus, in domum spō-
 sæ; & ibi cum illo fruituræ nuptialibus gaudijs.
 ideo Græci non habent *& sponsa*, quia domi se-
 debat. Hilarius per sponsum & sponsam intel-
 ligit eandem personam. Sponsus ergo Christus
 est, sponsa Ecclesia, Triumphantem autem ven-
 turam tanquam sponsam ad iudicium cum
 Christo dicitur Apoc. 21. Decem virginibus cō-
 paratur regnum cœlorum, ut fidei integritas &
 puritas significetur, ex Orig. & Hil. Decenario
 numero omnium hominum multitudo decla-
 ratur Gen. 31. Leuit. 26. Num. 14. tam fidelium
 quam infidelium, vel fidelium solum, quia soli
 fideles lampades accipiunt ex Orig. & Hier. &
 quia tota parabola eo tendit ut doceat solam
 fidem ad salutem non esse satis sine operibus.
 Quinque sapientes sunt omnes fideles ex Hil.
 quinque fatuæ omnes infideles, vel omnes spi-
 rituales homines & carnales: vel omnes qui
 corpore & spiritu virgines sunt: fatuæ quæ cor-
 pore tantum, animo corruptæ ex Chrys. vel om-
 nes quæ præter veram animi corporisque vir-
 ginitatem, charitatem etiam & misericordiā ha-
 bent, eamque largiendis eleemosynis exercent,
 fatuæ quæ cum Virgines sint, misericordes ta-
 men non sunt, hoc est oleum in vasis suis non
 habent ideoq; non dant eleemosynas. Ex Aug.
 Ep. 120. Vel per quinque sapientes omnes quæ
 habent bonam intencionem, & virginiratis suæ
 laudem apud Deū, & non apud homines quæ-
 runt; fatuæ, quæ humanā laudem captant. Orig.
 Hilar.

Hilar. & Hier. omnes homines qui cum fide, bona opera habent: fatuas, qui fidem quidem habent opera non habent: lampades quas virgines acceperunt sunt corpora humana. Ex Hil. in quibus divinum animi lumen lucet vel ipsa corporis virginitas. Ex Chrys. Corporis sensus. Ex Hier. vel potius fides iuxta finem parabola. Ex Hier. Hil. Orig. Omnes enim fidem acceperunt, qua Christo excipiendo exierunt obviam, sed non omnes cum illo ingressae sunt ad nuptias, quia non omnes bona habebant opera. Oleum quod sapientes acceperunt, insipientes non acceperunt est misericordia. Ex Chrys. Bona intentio, opera bona. Ex Orig. & Hilar. sine quibus fides non lucet, id est mortua est Iac. 2. quibus si adsunt lucet, ardet: Hic dicunt Virgines fatuae, *Date nobis de oleo vestro, quia lampades nostrae extinguuntur.* Non quod sine operibus statim extinguatur fides, sed cum per opera non lucet extingui videatur: & non magis quam si extincta omnino esset, ad salutem non valet; quia ut fides bonis operibus fouetur & conservatur, ita sine illis elanguet & paulatim extinguatur, ut ait Auct Imperf. Sumere ergo oleum in lampadibus est bonorum operum copiam & veluti thesaurum in futurum Christi advenitum recodere, ut c. 6. Per vasa, corpora intelliguntur vel potius animae vel conscientia quae bonorum operum sedes est. Quod Christus moram facere dicitur, significat longum restare tempus usque ad advenitum suum ut falsam opinionem discipulis eriperet, qui putabant statim post resurrectionem venturum esse. Ex Chrys. quod omnes virgines dormitasse atque dormivisse dicatur, intelligitur omnes mortuas esse antequam Christus

stus

Aus veniret. Ex H. l. & Chryl. & Aug. Ep. 120. vel
 negligentes fuisse: Vel dormire est desinere de
 Domini aduentu cogitare, & omni eo tempore
 quo venit, nō expectare, quod accidet bonis &
 malis: & omnibus qui diu aliquem expectant
 euenire solet, vt expectare eum desinant, & illis
 iam non expectantibus, aut non cogitantibus
 hoc est dormiētibus veniat. Quod media nocte
 veniat, significat eo tēpore venisse quo minime
 expectabatur: Quis enim tunc venturum cre-
 deret cū omnes homines quiescunt. Ex Chryl.
 Et Iudæi media nocte suum Messiam expectāt.
 Sed verbis Christi adhærendum, nescitis diem
 neque horam. Clamor media nocte factus, ca-
 pite præcedenti declaratus est per tubā & vo-
 cem. Quod autem dicitur *tunc surrexerunt om-
 nes virgines illæ & ornauerunt lampades suas*, hoc
 de corporū resurrectionē, & reformatione in-
 telligitur. Ex Hil. August. & Beda dicunt audi-
 to rumore aduentus Christi fore, vt omnes ho-
 mines qui quasi oppressi somno de illo non co-
 gitabant, veluti expergeant. Ornare vero lam-
 pades est opera quæ quis facit ad reddēdam in
 iudiciō eorum rationem, in memoriam reuoca-
 re. Quod virgines fatuæ dicunt sapientibus:
Date nobis de oleo vestro, quia lampades nostra ex-
tinguntur, significat fore vt homines qui opera
 bona non habuerint nimis sero, cū iudicabun-
 tur sanctorū auxilium implorent. Ex Auct. Im-
 perf. quasi velint se aliorū bonis operibus pro-
 tegere. Quod sapientes Virgines respōdent: *Ne*
forte nō sufficiat nobis & vobis, ite potius ad vendē-
tes, & emite vobis Non quod sapientes si possent
 dare auxiliū non velint, sed quod tam sero dare
 nō possint. ex Chryl. Vel quod nemo erit in illo
 tam

tam tremendo iudicio qui sibi satis confidat, satisque bonorum operum habere videatur. Ex Auct. Imp. Vnde dicitur ne forte non sufficiat nobis & vobis. Non quod Thesaurus Ecclesiæ qui sanctorū meritis constat, nec eorū in alios homines suffragia tollātur, alioquin eadem ratione viuentes suis precibus alios iuuare non possent: Nihil ergo aliud significatur ex hoc loco quam in illo iudicio extremo vnūquemque ex propriis operibus non ex alienis iudicari. 2. Cor. 5. Et ita est intelligendus Chrysost. & Hil. dicentes neminem aliena opera iuuare. Quod vero fatuæ ad vendentes oleum mittantur vt emāt; ex Orig. & Chryl. Doctores Ecclesiæ intelliguntur, qui verbū Dei non pretio sed salute & fidei cōfessione vendunt, vt Paulus 2. Cor. 12. & ad Philip. 4. Vel adultores qui falsarum laudum fumos vendunt, ex Aug. & Orig. Hier. in hunc mundum remitti putat vt bonorum operū oleum sibi labore cōparent; fortasse non pars est parabolæ sed emblemata. Ex Mald. non quod significetur eos qui bona opera non habent, in hunc mundū ad ea cōparanda esse remittēdos: vnusquisque enim referet prout gesserit ante illum diem siue bonū, siue malū, vel si quid significetur est homines improuidos nimis sero bona opera comparare volituros. Quod sponsus dicatur venisse, Christi ad iudicium aduentum significat. Quod vero quæ paratæ erant cum sponso ad nuptias, idest ad nuptiarum locum & conuiuium intrauerint, vita beata declaratur vt Apoc. 19. Quod denique clausa ianua fuisse dicatur cum fatuæ Virgines redierunt, significat nimis sero opera bona facere voluisse vt Ioan. 9. Venit nox in qua nemo potest

operari. Quod fatuæ redierint peracto iudicio & ianuam pulsauerint sunt parabolæ ornamenta.

12. *At ille respondens ait: Amen dico vobis, nescio vos: vigilate itaque quia nescitis diem neque horam.*] Non approbo vos, non agnosco pro filiis meis, non video in vobis signaculum Spiritus mei, vt 2. Corinth. 1. Ephes. 1. ex Auct. Imperf.

13. ad 28. *Sicut enim homo peregre proficiscens vocauit seruos suos & tradidit illis bona sua.*] Inabsoluta & imperfecta locutio est, vt subaudiatur sic se habet regnum Dei sicut homo peregre proficiscens, vel sic se habet filius hominis. hæc parabola est eadem quæ apud Luc. 19. Ex Hier. Quamuis Chrys. diuersas putet. Quod Lucas alio loco & tempore quam Matth. propositam fuisse indicat, sed accidit sæpe discrepantia in temporum circûstantiis & loci, dum summam rei gestæ non ordinis rationem habent: in cæteris in quibus videntur dissidere, non Christi verba sed sensum parabolæ voluerunt explicare. Sensus autem totius parabolæ est idem qui in superiore de fidei seruo c. 24. idem etiam qui in præcedenti de decem Virginitibus, scilicet acceptâ à Deo gratiam & fidem diligentia bonisque operibus excolendam & augendam esse vt 1. Cor. 15. Tum etiam vnum quemque ex propriis operibus iudicandum: Denique nos per gratiam à Deo acceptam, eiusdem gratiæ accessionem mereri. Homo nobilis Ex Luc. peregre proficiscens est Christus: peregre proficisci dicitur per incarnationem. Ex Chrysost. è cælo in terram venit, & peregre abiit cum à terra in cælum rediit, non
N quod

quod terra à cœlo longè distet, sed quia status ille Christi cœlestis quo & ante incarnationem in forma Dei erat, & post ascensionem sedet ad dexteram Patris, longissime ab eo distat quo habitavit in nobis, habitu inuentus ut homo, aut potius vermis & non homo. Alij quia in cœlum ascendit, quod longe abest à terra. Alij quia non nisi longo post tempore venturus est: nam loci distantia nihil, temporis vero longinquitas multum facit ad rem. Voluit enim Dominus longa absentia servorum suorum fidem & diligentiam experiri. Servi Doctores sunt, quia illis Christus diuersa talenta, idest aliis maiorem, aliis minorem gratiam ad prædicandum Euangelium & ad exponendas Sacras scripturas dedit: Vel omnes homines saltem Christiani intelliguntur, omnibus enim talentum aliquod, idest gratiam aliquam dedit, qua negotiarentur, idest adiuncta sua diligentia, & eiusdem gratiæ incrementum & vitam æternam mererentur. Ex Anast. q. 84. Quod dicatur nobilis ille servus, suis bona sua tradidisse, & quod postea sequitur vni dedit quinque talenta, alij autem duo, alij vero vnum. Talentum illa sunt naturalis ratio. Ex Amb. in cap. 19. Luc. quam qui digne excolit, dignus est ut eius naturæ, gratia insuper addatur: idest ut plura illi talenta committerentur. Vel sensus. Ex Hier. Vel diuersa officia Ecclesiastica, quale est Episcopi presbyteri diaconi. Vel Euangelium & verbum Dei quod Doctoribus exponendum traditur. Ex Iustin. & Orig. Vel diuersa gratiarum gratis datarum dona: Vel potius omnia dona quæ à Deo hominibus dari solent. Deus enim dat gratiam
gratum

gratum facientem hominibus, vt adhibita sua ex parte diligentia multiplicent & augeant non vt in terram defodiant, idest otiosam esse sinant, vt de se dixit Paulus *gratia eius in me vacua non fuit* 1. Cor. 15. Quod alij quinque, alij duo, alij vnum talentum acceperint, vel significat diuersa diuersis gratiarum dona ad Ecclesiae vtilitatem danda; aliis quidem maxima, aliis mediocria, aliis infima: per quinque, sensus quinque: per duo, intellectum & voluntatem: per vnum, memoriam: Ex Hier. Vel melius dixeris numerum nihil ad sensum parabola facere: nam Lucas ait vnum ex decem seruis vna mna decem, alium quinque lucrificasse: nam docet tantum Christus alios homines cum gratia Dei diligentius, alios negligentius cooperari. Et si quid numerus significet erit hoc, non omnibus hominibus aequalia à Deo dona dari, nec aequaliter omnes cum acceptis cooperari. Quod dixerit vnicuique distribui secundum propriam virtutem seu potestatem ex Græc. seu prout se quisque ad recipiendum gratiam disponit. Ex Hier. Vel naturam, quia Deus in distribuendis donis suis naturæ cuiusque rationem habet: ideo Moyse gubernandi spiritum & gratiam dedit potius quam aliis, quia natura prudentissimus & mitissimus erat Num. 12 Potest & balbutientes ex altaris carbonibus eloquentes facere vt Esaiam cap. 6. Et per Asinam loqui, sed hoc rarum; illud vero vsitatum: Vel melius dixeris adhibitum ad ornamentum non ad aliquid in parabola significandum: sed quod sic faciunt homines qui talenta distribuunt. Quod autem dicitur *Domine quinque talenta tradidisti mihi, ecce alia*

*quinque superbucratus sum.] Talenta superlucrari est plures homines Christianos facere. Ex Anast. vt 1. Cor. 9. Vel maiorem scripturæ notitiam sibi comparare, vel potius accepta gratia bene vtendo gratiæ accessionem mereri, vel plura bona opera perficere, per acceptam gratiam quibus maior accessio gratiæ mereatur. Per talentum in terram defossum significatur nimia negociandi negligentia, id est gratiam Dei in vacuum recipere. Et nimius timor perdendi talenti quod accidit iis qui nimio quodam metu vota aut Evangelica consilia violandi dicunt se sola præceptorum obseruatione contentos esse velle, ne dum consilia volunt obseruare, nec præcepta quidem obseruant. vel talentum in terram defodere est acceptam gratiam obruere carnali vita. Ex Aug. Imperf. vel rectam. & naturalem rationem obruere voluptate. Per id quod dicitur, *Post multum vero temporis venit Dominus seruorum illorum*, significatur secundus Christi aduentus, qui longo post tempore futurus erat in quo ponet rationem cum eis, id est rationem exiget gratiæ ab omnibus seruis suis. Quod autem dixit: *Euge serue bone*, significat Christus maiora se bonis seruis quam ipsorum sint merita, præmia daturum esse ad Ro. 18. & Isa. 64. 1. Cor. 2. Et ad gaudium Domini admissurum, est eiusdem gloriæ & regni & lætitiæ participem effecturum ad Philip. 2. 2. Cor. 1. 2. ad Tim. 2. Quod dicitur Luc. Esto super quinque ciuitates, significat pro suis meritis præmia, alios maiora, alios minora accepturos. Quod sequitur *accedens autem, & qui unum talentum acceperat ait: Domine scio quia homo di-**

rus es metis ubi non seminasti, idest gentes sine lege iustificas, & iustitiam ab illis colligis, in quorum animis legis sementem non feceris. Ex Hilar. quasi dicat à Philosophis bona opera requiris. vel dicendum non esse partem parabolæ sed emblemata. Ex Mald. Quod autem dixit oportuit ergo te committere pecuniam tuam nummulariis, idest verbum Dei quod tibi commissum est cum aliis doctoribus Ecclesiæ communicare. Ex Orig qui alios idem docere possent, qua communicatione fuisset multiplicatum vt 2. ad Tim. 2. Vel gratiam quam accepimus omni studio multiplicare significat si pars est parabolæ. Quod vero addit, *Et veniens ego recepissem utique quod meum est cum usura*, auditorum fructum intelligit. Ex Orig. Hil. & Chrys. Vel melius usuram gratiæ & iustitiæ incrementum quod accepta gratia bene utentibus semper accidit. Quod sequitur *Tollite itaque ab eo talentum*, idest Dei dona iis qui illis non bene utuntur auferuntur plerumque. Quod subiungit : *Et date ei qui habet decem talenta*, non est pars parabolæ : nam gratia eadem quæ vni tollitur, non datur alteri : sed sic dictum est, quia inter homines fieri solet vt pecunia ab infideli & negligenti seruo ablata detur fideli & diligenti, & non ad vltimum sed ad quotidianum iudicium spectat, in quo quotidie Deus & indignis gratiam aufert & dignis auget.

29. *Omni enim habenti dabitur, & abundabit : Ei autem qui non habet & quod videtur habere auferetur ab eo.*] Idest habenti fidem dabitur gratia quam non habet. Ex Orig. qui autem fidem non habuerit, etiam ceteras vir-

294 MANVALE IN EVANGELIVM

zutes quas videtur naturaliter possidere perdit. Ex Hier. Vel omni habenti Euangelium, & lex etiam dabitur: Non recipienti autem Euangelium, lex etiam auferetur. Ex Hilar. Et significat eos qui gratiam Dei habent; ita ut nihil boni per eam agere conentur, non tam habere quam habere videri gratiam quia gratiæ incrementum non habent. Sicut servus ille talentum habebat sed lucrum non habebat. Ex Auct. Imperf.

30. *Et inutilem servum eicite in tenebras exteriores, ibi erit fletus & stridor dentium.*] Quid tenebræ exteriores vide c. 8.

31. *Cum autem venerit filius hominis in maiestate sua, & omnes Angeli cum eo: tunc sedebit super sedem maiestatis sue.*] Superioribus parabolis locutus est de suo & hominum adventu in iudicio: Nunc vero de illo iudicio aperte & sine parabolis loquitur. Cur dicatur *filius hominis* diximus cap. 8. in maiestate, id est in gloria, ostendens maiestatem quam cum hæc diceret non ostendebat. Hæc dixit discipulis ne in fidentarent sed eos erigeret. Ex Hier. & Chrys. venient omnes Angeli eius ad maiestatem hæc iudicis declarandam, & ut testes sunt actionum eorum qui iudicandi sunt. Ex Chrysostom. *Sedes maiestatis* est dextera Patris in qua iam sedet, tunc autem sedere dicetur, quia tunc sese exhibebit gloriosum & utentem iudiciaria potestate: Vel est Ecclesia quæ quasi tribunal eius est. Ex Beda. Vel sanctorum perfectiones & virtutes, quia sanctis comitatus veniet. Ex Orig. Vel nubes lucida & illustris super quam sessurus est; & quia nube euectus in cælum Act. 1. Et quia in nube venturus dicitur cap. 14. & 26.

Et

Et per nubem eius maiestas declaratur cap. 17.
& Exod. 16.

32. *Et congregabuntur ante eum omnes gentes, & separabit eos ab inuicem sicut pastor segregat oues ab hœdis.*] Omnes stabunt ante tribunal Christi ut referat vnusquisque propria corporis, prout gessit in corpore siue bonum, siue malum 2. Cor. 5. Quod autem ad Rom. 4. ait *Qui non credit iam iudicatus est*, iudicio discussionis sed nondum iudicatus est iudicio approbationis. Omnes ergo & infantes & infideles iudicabuntur, sed illis cur aut saluentur aut condemnentur alia redditur causa: non enim dicit omnibus *Esurini & non dedistis mihi manducare* sed quibusdam.

33. *Et statuet oues quidem à dextris suis, hœdos autem à sinistris.*] Bonos quidem oues vocat, quia mites sunt; malos hœdos, quia asperi & per aspera ascendentes. Ex Orig. id est non recta & plana via. Vel bonos quia utiles & fructuosi oues: malos, quia infructuosi hœdos vocat. Illos statuet ad dexteram quia honorificentur locus est. Ex Hil. Vel quia dextra bonum, sinistra malum significat, in scriptura. Ex Orig. & Hier.

34. *Tunc dicet Rex his qui à dextris eius erunt: venite benedicti Patris mei, possidete paratum vobis regnum à constitutione mundi.*] Qui prius se pastorem vocauit & filium hominis, nunc Regem se vocat, quia de eo tempore iam loquitur quo accepto iam regno rediturus est in quo ut Rex iudiciariam proferet sententiam, & tum ad Regni consortium vocabiturum ab illo proscribet, & tanquam homo à melioribus incipit, quia pronior est ad saluandum

uandum quam ad damnandum. Et quasi in
 cœlum continuo rediturus ait *Venite*, & vt ser-
 ui se sequantur. *Benedicti* à Patre dilecti affecti
 multis beneficiis, & æterna vita donandi, Præ-
 destinati: ideoque saluandi. *Possidete*, Græce hæ-
 reditate, vel in hæreditatem accipite tanquam
 paternum bonum, vobisque iure adoptionis
 debitum, nec tamen desinit merces appellari,
 vt cap. 5. 6. 10. & 10. 1. ad Cor. 3. 8. 9. Apoc. 11.
 22. & non solum post opera sed etiam propter
 opera dari bonis. Eodem enim modo & iisdem
 verbis bonis dicitur *Venite benedicti*, &c. *Esuri-*
ui enim & dedistis mihi manducare. atque ma-
 lis dicitur: *ite maledicti* in ignem æternum. *Esu-*
riui enim & non dedistis mihi manducare,
 non enim consequentiam sed veram causam
 significat. Merces est quia meritis: hæreditas
 quia filiis datur, & quidem solis filiis, quia
 soli filij meruerunt, & non solum quia filij,
 sed quia digni sunt; ideoque non æqualem
 omnibus partem facit sed meliorem meliori-
 bus. *Paratum* idest prædestinatum vobis me-
 rentibus, quasi dicat quia esuriui & dedistis
 mihi manducare: vel causam reddit glorifica-
 tionis potius quam prædestinationis: sic non
 reddit causam cur malis iam inde ab æternita-
 te ignis paratus sit, sed cur in ignem mittantur
 mali. potest tamen paratum regnum intelligi
 primū in ipsa mundi cōstitutione, quia tunc lo-
 cus regni aptatus fœlicitati accōmodus quāuis
 reuera fuerit paratū Regnū ab æterno. Eph. 1.

35. 36. *Esuriui enim & dedistis mihi mandu-*
care: sitiui & dedistis mihi bibere: Hospes eram &
collegistis me: nudus & cooperuistis me: infirmus &
visitastis me: in carcere eram, & venistis ad me.]

Hæc

Hæc ipsa verba in iudicio pronunciaturus est, ut visibiliter apparebit: non enim in ictu oculi iudicium consummandum Dan. 7. libri aperti sunt idest conscientia. Mentionem autem facit tantum de his qui se pauperunt, sed est species boni exempli pro toto genere. & quia nihil tam commendare voluit quam sex charitatis opera erga proximos, quibus additur septimum sepelire mortuos.

37. 38. 39. *Tunc respondebunt ei & ipsi dicentes: Domine quando te vidimus esurientem, aut sitientem aut hospitē aut nudū, aut infirmū vel in carcere, & venimus ad te.*] Significat eorum humilitatem qua stupebunt sua opera sic magnificari à iudice ut sibi impensa agnoscat quæ se illius personæ non recolent impendisse, ex Orig.

40. *Et respondens Rex dicet illis: Amen dico vobis, quandiu fecistis uni de his fratribus meis minimis, mihi fecistis.*] In quantum vel quatenus idest quod illis fecistis mihi fecistis. Apparet notare voluisse Apostolos & eis similes qui tunc ipsi proxime assistent qui voluntarie pauperes facti sunt.

41. *Tunc dicet & his qui à sinistris erunt: discedite à me maledicti in ignem æternum qui paratus est Diabolo & Angelis eius.*] Procul abite, non novi vos. Duplici pœna damnantur: pœna damni & privationis conspectus Domini, cum dicitur *discedite à me*; & pœna sensus & cruciatus cum deputantur igni æterno, cum dicitur *maledicti*, non addidit Patris mei quia benedictionis quidē auctor est Deus Pater, maledictionis autem unusquisque sibi est auctor ex Orig. non quod pœnæ auctor non sit Deus sed

N s quod

quod pronior sit ad præmia largienda. Ex hoc quod dixit *in ignem æternum*, infertur vera esse supplicia quæ non cogitatione solum, sed sensu percipiuntur. & ignem illum non esse eiusdem conditionis ac nostrum; inde tamen non sequi verum ignem non esse ex Orig. Ambr. & Hier. & sempiternum esse contra Origenistas. Non dicit illum ignem paratum iniustis sicut dixit regnum paratum iustis, ne Dei ordinationi sic ascribatur hominum condemnatio, sicut eorum saluatio. Sed intelligimus. Deum quantum est ex se neminem creasse ad perditionem: homines vero peccantes sua sponte, suisque demeritis se participes facere & obnoxios eorum malorum quæ in primis & potissimum diabolo & Angelis eius erant parata. Regnum ergo cælorum ab omni æternitate omnibus hominibus si salvi esse velint præparauit, ignem autem æternum non nisi necessitate & quasi coactus, ut Angelorum puniret audaciam. ita Orig. & Chrys.

42.43.44.45.46. *Esurivi enim & non dedistis. mihi manducare: sitiui & non dedistis mihi potum: hospes eram, & non collegistis me: nudus & non cooperuistis me. Tunc respondebunt ei & ipsi diceptes: Domine quando te vidimus esurientem aut sitientem, aut hospitem aut nudum aut infirmum vel in carcere & non ministravimus tibi? Tunc respondebit illis dicens: Amen dico vobis, quandiu non fecistis uni de minoribus his, nec mihi fecistis, & ibunt hi in supplicium æternum: iusti autem in vitam æternam.*] Non est quæstio procedens ex ignorantia, quia iusti certo sciens quod opera misericordiæ facta mēbris Christi; Christus sibi reputat fieri. & pro talibus, se saluari,

saluari, & mali scient se damnari pro contrario. Sed est quæstio admirationis pro magnitudine gratiæ quæ fiet electis, & magnitudine miseriæ quæ infligetur reprobis.

C A P V T XXVI.

Traditur à Iuda; capitur à Iudæis.

1. **E**T factum est cum consummasset Iesus sermones hos omnes, dixit discipulis suis.] Sermones de futuro iudicio, de fine mundi, vel de omnibus quos in toto Euangelio dixit & fecit, & non excludit quos ante passionem & post resurrectionem habuit ex D. Thom.

2. Scitis quia post biduum Pascha fiet, & filius hominis tradetur ut crucifigatur.] Hoc dixit Christus aut feria tertia sub finem diei, aut quarta sub initium noctis, quod & diei apud Hebræos initium est; si ante finem tertiæ dixit, intelligendum erit ut loquuntur exclusiue quod ait post biduum Pascha fiet; si intra quartam inclusiue: quia Pascha ad finem decimæ quartæ & initium decimæ quintæ Martij celebrabatur. Exod. 12. hoc ergo dixit die duodecima. Dubium autem est propter Græcos quo die Christus Pascha celebrauerit: Latini omnes consentiunt Christum die 14. primi mensis ad vesperum agnum comedisse, ut lex præscribebat; sed Græci qui pane fermentato vtuntur, sensum legis non aduertunt, quod eos fefellit. Nam Iudæi inchoabant dies suos à solis occasu; sicut Græci & Latini à nocte media. alij à

N. 6 solis

298 MANUALE IN EVANGELIUM

quod pronior sit ad præmia largienda. Ex hoc quod dixit *in ignem æternum*, infertur vera esse supplicia quæ non cogitatione solum, sed sensu percipiuntur. & ignem illum non esse eiusdem conditionis ac nostrum; inde tamen non sequi verum ignem non esse ex Orig. Ambr. & Hier. & sempiternum esse contra Origenistas. Non dicit illum ignem paratum iniustis sicut dixit regnum paratum iustis, ne Dei ordinationi sic ascribatur hominum condemnatio, sicut eorum saluatio. Sed intelligimus. Deum quantum est ex se neminem creasse ad perditionem: homines vero peccantes sua sponte, suisque demeritis se participes facere & obnoxios eorum malorum quæ in primis & potissimum diabolo & Angelis eius erant parata. Regnum ergo cœlorum ab omni æternitate omnibus hominibus si salus esse velint præparauit, ignem autem æternum non nisi necessitate & quasi coactus, ut Angelorum puniret audaciam. ita Orig. & Chrys.

42. 43. 44. 45. 46. *Esurivi enim & non dedistis mihi manducare: sitiui & non dedistis mihi potum: hospes eram, & non collegistis me: nudus & non cooperuistis me. Tunc respondebunt ei & ipsi diceptes: Domine quando te vidimus esurientem aut sitientem, aut hospitem aut nudum aut infirmum vel in carcere & non ministravimus tibi? Tunc respondebit illis dicens: Amen dico vobis, quandiu non fecistis uni de minoribus his, nec mihi fecistis, & ibunt hi in supplicium æternum: iusti autem in vitam æternam.] Non est quæstio procedens ex ignorantia, quia iusti certo sciunt quod opera misericordiæ facta mēbris Christi; Christus sibi reputat fieri. & pro talibus, se saluare,*

saluari, & mali scient se damnari pro contrario. Sed est quæstio admirationis pro magnitudine gratiæ quæ fiet electis, & magnitudine miseriæ quæ infligetur reprobis.

C A P V T XXVI.

Traditur à Iuda; capitur à Iudeis.

1. **E**T factum est cum consummasset Iesus sermones hos omnes, dixit discipulis suis.] Sermones de futuro iudicio, de fine mundi, vel de omnibus quos in toto Euangelio dixit & fecit, & non excludit quos ante passionem & post resurrectionem habuit ex D. Thom.

2. *Scitis quia post biduum Pascha fiet, & filius hominis tradetur ut crucifigatur.*] Hoc dixit Christus aut feria tertia sub finem diei, aut quarta sub initium noctis, quod & diei apud Hebræos initium est; si ante finem tertiæ dixit, intelligendum erit ut loquuntur exclusivè quod ait post biduum Pascha fiet; si intra quartam inclusivè: quia Pascha ad finem decimæ quartæ & initium decimæ quintæ Martij celebrabatur. Exod. 12. hoc ergo dixit die duodecima. Dubium autem est propter Græcos quo die Christus Pascha celebrauerit: Latini omnes consentiunt Christum die 14. primi mensis ad vespertum agnum comedisse, ut lex præscribebat; sed Græci qui pane fermentato utuntur, sensum legis non aduertunt, quod eos fefellit. Nam Iudæi inchoabant dies suos à solis occasu; sicut Græci & Latini à nocte media. alij à

N. 6 solis

solis ortu. Iubebat lex Exod. 12. Leuit. 23. vt Agnus die 14. mensis primi ad vesperum, & vt Hebraicè legitur inter duas vespervas agnus comederetur; idest in confinio vtriusque diei 14. & 15. Solis, cum occasus finis erat 14. initium 15. Eadem quoque vtriusque diei vespera dicebatur decimæ quartæ diei quia eius finis: decimæ quintæ, quia eius noctis initium erat: atque hæc est inter duas vespervas vt dicimus *entre-chien & loup*, vt notat Mald. Hinc factum est vt aliquando dicatur Christus die 14. aliquando 15. Pascha celebrasse vt infra prima die azymorum *accesserunt discipuli ad Iesum dicentes: ubi vis paremus tibi comedere Pascha* vt Marci 14. & Luc. 22. quibus locis die 15. Pascha idest Agnus Paschalis occidendus fuisse dicitur cum Exod. 12. & Leuit. 23. die decima-quarta occidi iuberetur. Nimirum quia in vtriusque diei confinio occidebatur, nunc die 14. nunc 15. occidi dicitur, quo tempore vsque in diem octauum fermentato pane vti non licebat. ex quibus locis Græci refelluntur Matt. namque Marc. & Luc. scribunt eam diem qua Christus agnum comedit primam diem azymorum fuisse. Quare non potuit Christus contra legem fermentato vti pane; Ioannes autem cap. 13. ait ante diem festum Paschæ, idest die 14. ad vesperum, quo tempore non nisi azymo pane vti licebat. Itaque quod alij tres Euangelistæ die 15. idest prima die azymorum factum fuisse dicunt, id Ioannes ante diem festum Paschæ, idest 14. die factum scribit, nulla vtiq; repugnantia sed vsitata consuetudine qua agnus nunc 14. die, nunc 15. occidi dicitur, quia in vtriusque veluti iun-

ctura

SECUNDVM MATTH. CAP. XXVI. 301

ctura occidebatur Christus, ergo in fine 14. & initio 15. diei agnum edisse ex hac Matth. Mar. & Luc. cum Ioanne collatione manifestum est. 2. Dubium est quo die Iudæi Pascha celebrauerint, quos indicat Ioannes non eodem die quo Christum celebraſſe. Sunt qui putant Christum & Iudæos eodem die Pascha celebraſſe, quia diem præuenire aut procrastinare lex non permittebat, & si secus fecisset, Christus religionis reus accusatus fuisset, & quia Matth. Mar. & Lucas scribunt primam diem azymorum fuisse cum discipuli Christum interrogauerunt. *ubi vis paremus tibi comedere Pascha.* Primo autem die azymorum & agnum occidi atque edi & festum Paschæ celebrari lex præcipiebat. Alij dicunt Christum vno die ante Iudæos Pascha egisse, quia Ioann. 18. dicit Iudæos cum Christum accusarent coram præſide non aſſoſ in prætorium introire ne profanæ domus ingreſſu contaminati Pascha edere non poſſent: nondum igitur ederant, ederat autem Christus nocte præcedente, non igitur eodem die ſed poſtridie agnum ederunt, & Pascha celebrarunt quia Ioannes dicit. *erat autem paraſceue Pascha hora quaſi ſexta*: Loquitur autem Ioannes de tempore quo Christus damnatus & cruci affixus eſt: cumque ipſum diem Paschæ paraſceuen appellat, id eſt pridie ante paſcha, nondum igitur Iudæi paſcha celebrarant. Tertio, quod idem Ioannes cap. 19. dicat fuiſſe *magnum diem illum ſabbati* quaſi non vulgare ſed ſanctius atque celebrius quam cæteris annis eo fuiſſet anno; Sanctius autem eſſe non potuit niſi eodem die Paſchæ feſtum celebratum eſt: hac enim

enim ratione magnum fuit, quia & sabbatum & Pascha. Quarto, quia Ioann. 13. dicit *ante diem festum Pascha sciens Iesus quia venit hora eius, &c.* ubi non quemlibet Paschæ præcedentem diem sed proximum & pridianum appellat, ubi de Iudæorum non de Christi Pascha loquitur. Quinto, quia Matth. hoc capite & Marc. 14. *dicebant autem non in die festo, ne forte tumultus fieret in populo;* quibus verbis voluerunt ut mors eius acceleraretur antequam dies Paschæ veniret qui ipsis post duos dies futurus erat. Hoc cum eorum invidia & crudelitate magis congruit. Ad argumenta in contrarium dici potest aut sacerdotes ignorasse illum ea nocte agnum comedis, aut non ausos esse id crimen obiicere, cum scirent Christum ex lege Pascha suum celebrasse, sicque non anticipasse: Iudæos autem secundum traditiones suas egisse Pascha. Tres autem Evangelistas non ex Iudæorum traditione sed ex lege locutos esse: secundum autem legem dies ille quo Christus agnum comedit, verum Pascha erat. Concludendum itaque neque Christum tempus Paschæ anticipasse, neque Iudæos distulisse & non eodem tamen die celebrasse. Sed Christum legis præscriptum, Iudæos maiorum suorum traditiones secutos esse ex Ruperto. Nam post exilium Babylonicum inter Iudæos constitutum fuit ut quotiescumque Pascha in feriam sextam incideret; insequentem diem Sabbati transferretur, ne duo continenter dies festi consequerentur; quod populo graue erat cum nec sepelire mortuos, nec alia huiusmodi pia opera & non multum laboriosa facere possent diebus festis.

festis. Ex Calendario Hebræorum eo anno quo Christus mortuus est, Pascha in feriam sextam incidit, ideoque ipsa feria sexta & Pascha celebravit & mortuus est vt computauit & docuit Paulus Burgenſis. *Traditur* à diuerſis diuerſimode, à ſe Gal. 2. & à Patre Rom. 8. vt homines redimeret: à diabolo vt redemptionem impediret & traditores ad peccatum incitaret: à Iuda auaritia, à Iudæis inuidia, à Pilato timore ait Orig.

3. *Tunc congregati ſunt Principes ſacerdotum & ſeniores populi in atrium principis ſacerdotum qui dicebatur Caiphas.*] Quasi dicat ſub idem tempus vel biduo ante Pascha eodem ſcilicet tempore quo dicebat; ſcitis quia poſt biduum Pascha fiet, eodem instanti quo ſacerdotes dicebant non in die feſto, Chriſtus dixit oportere vt in die feſto occideretur. Principes id eſt capita familiarum ſacerdotalium cum ſummo ſacerdote: Scribæ qui legis periti erāt: Seniores populi, quos magiſtratus vocat Lucas, quasi tres. Reipublicæ ſtatus congregati in atrium, in palatium, aulam, in ipſo domus ingreſſu, in loco aperto foris Marc. 14. quod Gallice dicitur *en la cours de deuant.*

4. *Et conſilium fecerunt vt Ieſum dolo tenerent & occiderent.*] Clam, fraudulenter non aperta vi, quia timebant plebem ne eis tolleretur. Ioannes 14. narrat fuſè quomodo id deliberauerint, quamquam hoc conſilium ſit diuerſum ab hoc, quod Matthæus narrat: nam illud ſex diebus initum eſt ante Pascha, hoc autem biduo tantum, hoc prædixit Ierem. 11. Pf. 37. Sap. 2.

5. *Dicebant*

5. *Dicebant autem, non in die festo ne forte tumultus fieret in populo.*] Id est differatur in post diem festum, vel contra ante diem festum occidatur. Per diem festum intelligunt septem dies azymorum, vel solum diem festum Paschæ simul & sabbathi, quibus diebus neminem accusare, condemnare, crucifigere licebat. Non bono animo timebant ne quis de populo periret in seditione, aut religio impediretur, sed ne sibi eriperetur concurrente infinita hominum multitudine & plures essent qui in eum crederent. Vel potius sibi timebant ne plebs in se irrueret non ferens innocentem die quo fontes absoluebant ad supplicium trahi; nam sæpe hoc metu deterriti fuerant Marc. 11. 12. Luc. 20. 22. ex Chrysostom.

6. *Cum autem Iesus esset in Bethania in domo Simonis leprosi.*] Sunt qui duos putant Simones, alterum Pharisæum apud Lucā, alterum leprosum apud Matt. Chrysostomus eundem fuisse putat, quia vterque Simon dicitur; & quia eadem mulier apud Lucam & Matth. Christum vnxit, de quo tamen controuertitur. Origen. quatuor diuersas mulieres fuisse apud quatuor Euangelistas putat quæ Christum vixerunt; alij tres, alij duas: Hieronymus vnā fuisse putat; & est tacitus Ecclesiæ consensus. & Ioannes cap. 11. volens describere Mariam sororem Lazari & Marthæ, Maria autem inquit, erat quæ vnxit Dominum vnguento, & extersit capillis suis pedes eius, quod non dixisset si plures fuissent; quæ pedes Domini vnxissent. Alij vnā fuisse quæ res vnxit; primum apud Lucam vbi peccatrix appellatur, & quidem

quidem longe ante passionem: secundo apud Ioannem sex diebus ante passionem: tertio apud Matth. & Mar. duobus tantum diebus ante passionem. Alij vnā quā bis vnixerit, primo apud Lucam, secundo apud Marcum Lucam & Ioannem imminente Christi passione, quia tunc peccatrix apud Lucam, nunc sancta: & si ter vnisset, aliud esset factum quod Matth. & Mar. aliud quod Ioānes, nam Matth. & Marcus idem narrare perspicuum est: at Ioannes non diuersum sed idem factum narrat, vt apparet ex eodem loco & vnguento, ex eadem Iudæ murmuratione. Quod autem Matth. & Marc. dicunt factum biduo ante Pascha, Ioannes vero sex diebus. Respondetur Matth. & Marcum non seruasse ordinem temporum sed resumpserunt, quā sex diebus ante Pascha facta fuerant, vt occasionem declarent quam Iudas aucupatus est Christi vendendi quod auarissimus esset & ægrè ferret nō vnguentum ex vase sed vnguenti pretium ex manibus effluxisse ex Aug. & Beda. Simon autem non tunc erat leprosus, alioquin apud eum non diuertisset, vel dicendum à Christo prius curatum; & certe videtur necesse esse dicere aliquando eum fuisse leprosum vel parentes, aut lepræ speciem habuisse.

7. *Accessit ad eum mulier habens alabastrum vnguenti pretiosi, & effudit super caput ipsius recumbentis.*] Vas erat ex lapide alabastro aut ex simili forma cum ex Marco 14. vas fregisse dicitur, vt abundantius vnguentum efflueret, quod insigne charitatis indicium fuit. Nardi pistici dixit Marcus, Nardus autē frutex est miræ fragrantiae Cant. 4. Pisticus dicitur quasi fidelis &

& probata vel spicata ; est enim duplex unguentum Nardinum, spicatum scilicet quod optimum est & ex spica nardi confectum est: & foliatum quod ex folijs Nardi. dicitur ergo Nardi spicati ad differentiam foliati. Moris autem erat inter Orientales & Iudæos ut qui in conuiuijs celebrioribus inuitabantur, ungerentur ut c. 6. diximus.

8. *Videntes autem discipuli indignati sunt dicentes, ut quid perditio hac.*] Et Mar. 14. videtur aut omnes aut plures murmurasse, ex Ioan. 12. solum Iudam murmurasse patet Matth. & Mar. plurali vsi sunt per syllepsim ut c. 4. & 17. Luc. 22. ex Chrys.

9. *Posuit enim istud venundari multo & dari pauperibus.*] Ioan. 12. exponit quo animo id dixerit, quia fur erat. S. Augustinus qui putauit Iuda instigante alios etiam discipulos murmurasse, ait illos pauperum caritate; istum auaritia fecisse.

10. 11. 12. *Sciens autem Iesus, ait illis: Quid molesti estis huic mulieri: opus enim bonum operata est in me: Nam semper pauperes habetis vobiscum, me autem non semper habebitis: mittens enim hoc unguentum hoc in corpus meum, ad sepeliendum me fecit.*] Marcus ait discipulos intra se, id est apud se, apud animum suum murmurasse, non inter se, quod solum Iudam fecisse diximus. Ioan. 12. ait *seruite eam ut in diem sepultura mea seruet illud*; quasi dicat seruauit hoc unguentum pro sepultura mea, & veluti iam esset dies sepulturae meae me eo nunc unge vnguento, non quod fortasse quidquam de sepultura cogitauerit, sed quod tam commode vnixerit ut ea de causa vnxisse videatur. Significauit etiam fortasse

fortasse eam propterea se nunc unxisse quod futurum esset, ne post mortem ungere non posset; seque hoc pietatis officium ab ea recipere & murmuratori præferre, quod ille de se vendendo, hæc de se ungendo cogitaret. Admisit autem Christus has delicias à quibus in tota vita abhorruit, non quod deliciae essent, sed quod charitatis officium & pietatis ex Chryl. Ex hoc patet Iudæos solitos mortuos aromatisbus condire ex Remig.

13. *Amen dico vobis, ubicumque prædicatum fuerit hoc Euangelium, dicetur & quod hac fecit in memoriam eius.*] Id est hæc Euangelica historia, seu narratio eorum quæ in carne feci & passus sum pro salute mundi; quasi dicat factum eius pium collaudabitur, charitate plenum & propheticum.

14. *Tunc abiit unus de duodecim qui dicitur Iudas Iscariotes ad principes sacerdotum.*] Sex diebus ex Chryl. vel potius biduo ante Pascha ex Beda. Duo diversa fuerunt concilia, vnum de quo Ioan. 11. in quo constituerunt expedire ut Christum occiderent authore Caipha. hoc vero de quo Matth. & Marcus 14. in quo non iam consultant an occidendus, sed quo modo occidendus esset. quod cum odoratus esset Iudas venit ad eos; quo audito gavisus sunt & pacti sunt pecuniam illi dare Luc. 22. Sceleris auget magnitudinem quod Apostolus, quod Christi domesticus, quod eo tempore quo peccatrix officio Christum afficiebat, ut notat Chryl. Lucas 22. ait satanam intrasse in cor Iudæ, quod nihil aliud fuit quam immittere in cor eius ut Christum traderet, non ut occuparet ut solet energumenos. Calvinistæ dicunt Deo authore

308 MANVALE IN EVANGELIUM
authore factum : cum tamen non impellente sed solum permittente Christum venderit.

15. *Et ait illis : quid vultis mihi dare, & ego vobis eum tradam? at illi constituerunt ei triginta argenteos.*] Constat hos argenteos fuisse siclos. siclus autem pendebat francum vnum Gallicum idest 20. solidos. Itaque Christus venditus est 30. francis : at quomodo tam leui pretio potuit emi ager : dicendum tunc quidem potuisse, non nunc cum res sint cariores. Quod Ioseph venditus sit 20. argenteis figura est non in pretij summa sed in eo quod venditus est, ex Hier.

16. 17. 18. *Et exinde quarebat opportunitatem ut eum traderet. Prima autem die azymorum accesserunt discipuli ad Iesum dicentes : vbi vis pareremus tibi comedere Pascha? At Iesus dixit, ite in civitatem ad quendam, & dicite ei : Magister dicit, tempus meum prope est : apud te facio Pascha cum discipulis meis.*] Apparet Christum cum hæc diceret non Hierosolymæ sed Bethaniæ vbi duobus præcedentibus diebus fuerat, aut in via fuisse, & quod dixit prima die Azymorum, sic intelligendum est non quod iam esset sed quasi appeteret, quia si dies azymorum inchoata fuisset ad parandum Pascha, nimis sero præmisisset discipulos, & patet vesperam nondum aduenisse ex Luc. 22. *Cum facta esset hora, discubuit quasi prius facta non fuisset cum ad parandum Pascha venerunt.* vbi exponit quos discipulos præmisit ad quendam Græce ad certum aliquem. Non Christi sed Euangelistæ hæc verba sunt, qui quem Christus non nominavit sed certis indicijs designavit, nec ipse voluit nomi

nominare. Cur vero non nominauit, Beda ait
 vt omnes homines intelligerent se esse inuita-
 tos. Amb. quia Christus non diuites sed pau-
 peres eligat vt sua cum illis mysteria commu-
 nicet. Eutym. ne Iudas scirer apud quem Chri-
 stus Pascha celebraturus esset. Melius dixerit
 propterea nō nominasse vt melius rebus quam
 nomine describeret, & sic suam diuinitatem
 clarius ostenderet. Credibile est hunc fuisse
 non inquilinum ædium Ioannis Euangelistæ,
 nec Simonem leprosum, sed nobilem & diui-
 tem Iudæum, qui in Christum credebat, illi-
 que erat familiaris, sed occulte tamen qualem
 Iosephum ab Arimathia, vel Nicodemum vel
 ignotum ex Chrys. Magistrum se potius quam
 Deum aut Dominum vocat, quia tanquam ho-
 mo cum hominibus loquebatur. Eadem au-
 thoritate vsus est cap. 21. cum discipulos misit
 ad soluendum pullum. Sunt qui putant per
tempus meum significare patrifamilias causam,
 cur Paschæ celebrationem vno die anticiparet,
 coactum imminētis mortis necessitate, vel
 declarare voluisse illū fuisse familiarem quod
 non inuitatus sed sponte amicorum more vl-
 timam apud eum cœnam agere voluerit, tem-
 pore scilicet sibi à Patre constituto: vel
 quo mori decreuit. & sic præparat discipu-
 los vt ostendat se voluntariè mori. ex Chrys.

19. 20. *Et fecerunt discipuli sicut constituit il-
 lis Iesus, & parauerunt Pascha. Vespere autem
 facto discumbebat cum duodecim discipulis suis.]*
 Hoc tempus expressit vt denotetur tempore à
 lege præscripto Christum Pascha celebrasse
 ex 12. videlicet inter duas vespervas vt supra
 diximus. Ex verbo Recumbebat quidam colligunt

gunt hic non agi de esu agni, sed de cœna quam esu iam agno. Christus egit: agnum enim stantes comedebant ad denotandum transitum. At certum est loqui de cœna Agni ex Ioan. 13. Luc. 22. quia tamen in omnibus prandijs ac cœnis Iudæi verustiores accumbere solebant; probabile enim est Christi tempore sedere solitos non recumbere, factum est ut mutata accumbendi consuetudine nomen retineretur. Nam & nos dicimur accumbere mensæ cum tamen sedeamus. Sic Euangelistæ noluerunt significare Christum reuera recubuisse sed ad mensam accessisse & cœnasse cum 12. discipulis, in quo declarat se legem obseruasse, in qua paterfamilias cum tota familia sua agnum comedebat Exod 12. Sunt qui & Iudam huic cœnæ interfuisse putant, non vero sacramentorum perceptioni. Theoph. ait interfuisse toti actioni & bibisse sanguinem, Corpus vero in derisum detulisse ad principes sacerdotum, ostendens eis id quod Christus corpus suum appellasset, sed hoc sine fundamento dictum. Alij ergo omnes dicunt ipsum toti actioni interfuisse, & corpus & sanguinem Christi sumpsisse ex Cyp. & Chryl. quia non est credibile Iudam è cœna surrexisse antequam omnia essent peracta: ut adiret principes sacerdotum, quia seipsum prodidisset & quia Luc. 22. inducit Christum loquentem de Iuda adhuc præsentem. Post sumptam Eucharistiam: *Hic est calix nouum Testamentum in sanguine meo qui pro vobis fundetur: verumtamen ecce manus tradentis me mecum est in mensa.* Quod autem Ioannes 19. post datam buccellam statim exiisse Iudam ait, intelligendum est post datam Eucharistiam
buccel

buccellam dedisse vt proditorem declararet, aut illud *continuo*, non temporis momentum sed breuissimum tatum interuallum significare. Ad illud vero quod obijciunt *non bibam a modo de hoc genimine vitis donec bibam illud vobiscum nouum.*] Non dicimus non significari tunc Iudam non adfuisse, quia etsi postea cum eo non bibit, tamen cum alijs bibit. Probabile non videtur, quod ait Eutym. cum discipulis alios etiam interfuisse, quia lex præcipiebat vt vnaquæque familia suum agnum ederet, nec externus vllus admitteretur, nisi si familiarium numerus ad edendum agnum integrum non esset satis, licebat tunc externos aduocare: numerus autem discipulorum erat satis magnus ad edendum agnum.

21. 22. 23. *Et edentibus illis dixit, amen dico vobis, quia vnus vestrum me traditurus est, & contristati valde cœperunt singuli dicere: nunquid ego sum Domine: at ipse respondens ait, qui intingit mecum manũ in paropside, hic me tradet.*] Quisque de se dubitabat & etiam si se innocentes esse scirent, tamen magis Christi verbis quã conscientia suã confidebant vt Prouerb. 8. Beatus homo qui semper est pavidus. & Iob 9. Ex Orig. & Chrys. Credibile est singulos Apostolos prius interrogasse: *Nũquid ego sum Domine,* & cum eorum rogatu Christus proditorem nominare nolisset, Ioannem ad Petri suggestionem, rogasse, quisnam esset ipsum proditurus. Ex quo inferitur Christum his verbis, *Qui intingit mecum manum in paropside,* non palam detexisse proditorem sed primum dixisse, *vnus vestrum me traditurus est,* deinde

deinde cum singuli interrogarent: *Nunquid ego sum Domine* paulo clarius respondisse: *Qui intingit mecum manum in paropside*, idest vnus ex his qui in eadem paropside panem intingit. probabile enim in eadem mensa diuersas fuisse paropsides. Denique cum nec hoc quidem indicio Apostoli quis ille esset intelligere potuissent, iterumque Petri rogatu à Ioanne interrogaretur quisnam ille esset, respondit, ille est cui intinctum panem ego porrexero. Ioan. 13. sed quia hoc in aurem Ioanni dixerat Christus ita ut alij intelligere non possent, ad extremum ipse Iudas ne tacendo crimen confiteri videretur, interrogauit etiam sicut alij prius, *Nunquid ego sum Rabbi?* cui Christus, *Tu dixisti.* Quo dicto neque Iudas, neque cæteri quos id audiuisse putandum est, proditorem ignorare potuerunt: Atque tunc Iudam cum se depræhensum videret discessisse putandum est. Sed quia hoc simul atque buccellam à Christo datam accepisset, accidisse verisimile est, Ioannes dixit statim accepta buccella exiisse. Mirantur quidam cur de intincta buccella in iusculo fiat mentio, cum Agnus assus comederetur: sed hoc de cœna illa est intelligendum ex Mald quæ apponebatur post esum Agni, in qua & assa & cocta, & omnia obsonia apponi poterant; solum panis fermentatus prohibebatur; quia erat primus dies azymorum.

24. *Filius quidem hominis vadit sicut scriptum est de illo: Va autem homini illi per quem filius hominis tradetur, bonum erat ei si natus non fuisset homo ille.] Quasi dicat nō vi sed sponte sua, nō ex hominum sed ex Dei decreto & prædictione.*

Dan. 9.

Dan. 9. Comparat finem suum, cum fine Iudæ, quod ipse etiam si ad mortem trahi videatur, non trahatur sed eat per mortem ad gloriam Philip. 2. Iudas vero qui ad gratiam & lucrum colligendū ire videtur, eat ad lapsum, & æternum supplicium. Quod autem ait: Melius futurum si natus non fuisset, hoc secundum veritatem scholæ nō est excutiendum, cum sit proverbialis locutio vt Iob 3. 10. 13. & Ier. 20. in quibus hyperbolicum quiddam est: & non dicit melius futurum vt Iudas non nasceretur. Sed melius futurum illi esse, idest eius opinione & iudicio. Et notandum contra Caluinum Deum Iudæ proditionem non prædestinasse, sed præuidisse, non commisisse sed permisisse ex Chrys. At cur Deus eum genuit, cur elegit in Apostolum. Respondetur non talem qualis postea fuit, à Deo fuisse genitum aut electum. Deus bonum fecit, bonum elegit, ipse se fecit proditorem ex Chrys.

25. *Respondens autem Iudas qui tradidit eum dixit: Nunquid ego sum Rabbi. Ait illi: Tu dixisti.* Mira Iudæ impudentia cum sciret non latere eum quis esset se traditurus, sed videtur coactus aliorum exemplo non sponte rogare, num ipse sit, ideoque omnium ultimus rogat: & quia forte eum Christus subindicauerat his verbis: *Qui intingit mecum manum in paropside, hic me tradet.* ex Orig. & Chrys. & cum dixit ei Christus: *Tu dixisti* affirmantis locutio fuit vt c. 27. quasi dicat, tu es. Aug. l. 3. de consensu c. 1. putat nec concedentis nec negantis esse.

26. *Cœnantibus autem eis.* Manducantibus illis Græ. Mar. 14. Lucas vero c. 22 & Paulus 1. ad Cor. 11. dicunt hoc factum esse postquam

O cœna

cœnauit, vnde Matth. & Marc. intelligēdi sunt, non quasi durante adhuc cœna id fecerit, sed statim vt cœna peracta est, antequam surgerēt; antequam mensæ & ciborum reliquiæ remouerentur. Luther. & Calvinistæ corporis & sanguinis Sacramentum non Eucharistiam, sed cœnam appellant sine fundamento: nam quod 2. Cor. 11. dixit Paulus *iam non est dominicam cœnam manducare*, non de Eucharistia intelligitur, sed de cœna aut prandio quod ante aut potius post Eucharistiæ sumptionem diuites Christiani imitatione Christi solebant pauperibus exhibere, qui antequam discipulis suis corpus & sanguinem daret, vltimam cum illis, vt solent amici cum amicis longe ab illis discessuri, cœnam egit: qua singularem in illos charitatem demonstrauit. Paulus reprehendit eos quod pauperes contemnere viderentur, & vinculum charitatis rumpere, quæ in communi illo conuiuio cernebatur. Hoc erat non dominicam cœnam manducare, idest non ad Christi imitationem, qui cum Dominus esset, tamen non solus sed cum duodecim discipulis suis recubuisse dicitur. Nec necesse est vt huius Sacramenti celebratio, aut cœnam præcedat aut sequatur, quia quod Christus post agni primam cœnam quam vocant ceremonialia, & post cœnam secundam, communem & vfitatam, tertiam celebrauit, qua panem & vinum in corpus & sanguinem suum consecratum præbuit, fecit vt consuetudinem obseruaret, non vt imitemur. Ideoque laudanda Ecclesiæ consuetudo quæ solis ieiunis tradit quod id multo plus habeat reuerentiæ. Et arguendi hæretici qui bene cœnati & forte ebrij accedunt

dunt cum panem suum & vinum suscipiunt.
Accepit Iesus panem, & benedixit.] Græce cum benedixisset Mar. 14. Lucas vero c. 22. & Paulus 1. Cor. 11. dicunt *ευχαριστίας* cum gratias egisset, non dubium quin idem sit apud Euangelistas : & quia numquam benedictio sine gratiarum actione esse solebat ut Mar. 6. sicque gratias agere pro benedicere posuisse. Et notat Mald. contra Calvin. benedictionem non ad Deum sed ad panem & calicem referendam esse, ut patet ex 1. ad Cor. 11. *Calix benedictionis cui benedicimus* *εὐλογοῦμεν* ad verbum quem benedicimus, idest benedicendo consecramus. Quibus patet pani & calici datam fuisse. & ex Luc. 9. benedixit illos non illis, panes videlicet & ex textu quia panem accepit, panem fregit, panem ergo benedixit. Constat igitur gratias agere sumi pro benedicere, quia ad panem & vinum referatur, & non potest gratiarum actio ad res inanimas & rationis expertes referri ut ad panem. Non enim dicimus; gratias ago pani aut equo, sed Deo aut homini. Nec usitata fuit hæc benedictio apud Iudæos, sed peculiaris & propria huius Sacramenti : Nam cum toties Christus cibum sumpsit, quid est quod Euangelistæ non scripserunt eum benedixisse, aut gratias egisse neque cum cœnam agni, neque cum communem fecit; nisi cum aliquid singulare suâ benedictione admirabili erat factururus, ut c. 14. & Mar. 6. Luc. 9. Matth. 15. Mar. 8. cum voluit panes multiplicare, & cum voluit panem in corpus suum, & vinum in sanguinem transmutare, ut Luc. 24. ex Iustin. in Apolog.

316 MANVALE IN EVANGELIVM

Ac fregit, deditque discipulis suis, & ait: accipite & comedite.] Iater familias initio cœnæ qua agnus edebatur, panem vnum azymorum sumebat, & in duas partes diuidebat: quarum alteram sub mappa, alteram dabat alteri sic benedicebat: Benedictus es Domine Deus Rex vniuersi in esu panis azymi. Noluit hanc Christus forte ceremoniam in esu agni obseruare, sed in noui Sacramenti institutione nouam instituere voluit multo perfectiorem. Sic enim referunt Euangelistæ quasi alias frangere non soleret: vt Luc. 24. cognitus fuit in fractione panis. Et tota actio & distributio huius Sacramenti, fractio panis dicitur, Act. 2. Fecit igitur Christus duodecim ex pane partes, & singulis singulas dedit, non in os sed in manus, vt vero similis est. Et longo tempore hæc fuit vtitata Ecclesiæ consuetudo ex Tertul. l. de spectac. & Cyr. catech. 5. August. serm. 214. Chrysostom. l. 3. de sacram. Quæ meliore consilio mutata in os dare cœpit, quod id minus periculi & plus habeat reuerentiæ. Diceret hæreticus debere semper plures esse inter quos distribuatur: at fractio panis dicitur, non quod reuerâ frangatur sed quod detur. Et qui panem suum vni tantum pauperi dat; fregisse dicitur Hebraica phrasi. Quod si Christus vnum tantum discipulum habuisset, illi corpus suum dedisset, & quamuis non fregisset panem, tamen vt notat Mald. fregisse, idest dedisse diceretur.

Hoc est corpus meum.] Quamuis nullus locus clarior in scriptura, tamen Calvin. & Zuingl.

Zuingl. dicunt non propriam sed figuratam
 esse locutionem : sed alij in *pane*, alij in verbo
est, alij in *corpore* esse ; & pronomen *Hoc* pro
 pane positum esse. Sed Luth. & Berengarij
 refelluntur hac vna syllaba ; quia si *hoc* acci-
 pitur pro pane, cum non dicat Christus : hic
 est corpus meum sed *hoc est corpus meum*, ne-
 cesse est aut panem non remanere, si corpus
 Christi est, sed in illud transmutari, aut cor-
 pus Christi in Sacramento non esse si panis
 manet, vt contendunt Calvinistæ. si probe-
 mus pronomen *hoc* pro pane accipi non pos-
 se. Et primo quidem probamus : nam si Chri-
 stus dicere voluit *hoc* idest Panis est corpus
 meum, quare vno verbo non dixit clarius:
 hic panis est corpus meum : Deinde cur tres
 Euangelistæ & Paulus in hac re eodem ver-
 bo vsi sunt : *Hoc est corpus meum* qui in alijs
 rebus sæpe solent verbis discrepare cur nullus
 dixit : hic est corpus meum, vt sententiam
 Caluini magis explicaret : aut hic panis est
 corpus meum. Præterea vt Latine, sic, & Græ-
 ce diuersi generis sunt *panis* ἄρτος masculini,
 τὸτο *hoc* neutrius, non ergo ad panem re-
 ferri potest, cum quo genere non conuenit.
 Dicent, *hoc* non adiectiuum sed substantiuum
 esse, quod Catholici multi dixerunt, esto :
 Sed cur potius non sequemur interpretatio-
 nem Christi : Hoc quod vobis do, est corpus
 meum, quam Caluini delirium : Hoc quod vo-
 bis do est panis. Verum adiectiuum esse dixi,
 & pro alia re quam pro corpore Christi acei-
 pi non posse, sicut τὸτο ἐν τῷ αἵματι μου : Hic est
 sanguis meus, pronomen non refertur ad
 O 3 vinum

vinum sed ad sanguinem, ut patet ex Luca & Paulo, qui pronomen cum sequenti, non cum præcedenti coniunxerunt. Dicentes, τὸ τοῦ ποτηρίου, ergo & cum dixit, *Hoc est corpus meum*, illud *hoc* non conuenit cum præcedenti pane, sed cum sequenti corpore, nec substantium sed adiectiuum est, alioquin dixisset: *Hoc est sanguis meus*; ideoque non potest panem sed corpus Christi demonstrare. Quamuis ex Mald. dici posset *Hoc substantium esse*, & indiuiduum vagum.

Est.] Nullibi sumitur pro significat. Et in figuratis locutionibus ut *petra erat Christus*, &c. si quæ figura est, non hæret in verbo *est*, sed aut in subiecto, aut in prædicato, ut cum dico, *Agnus est Pascha*, figura est in nomine Paschæ: quod nomen sumitur non proprie pro transitu, sed pro agno qui transitum significabat. Sic cum dicitur *vitis, leo*.

Corpus meum.] Si in corpore figura esset, non acciperetur pro vero Christi corpore: at pro vero Christi corpore accipi patet ex adiunctis, *quod pro vobis datur* Luc. quia non dixit, quod vobis datur, quod dicendum erat si figuratum dedisset corpus. dabat igitur illis aliquid quod pro ipsis offerretur in remissionem peccatorum, qualis profecto figura corporis esse non poterat: Solum enim verum Christi corpus pro nobis datum est. Qui hoc ad crucem referunt, vim & artificium verborum Christi non intelligunt. Acceperat Christus panem, benedixerat, fregerat; porrigebat Apostolis dicens: *Hoc est corpus meum*. Addit
quod

quod pro vobis datur. Quis non videt his extremis verbis vim, & pretium & fructum eius rei quam porrigebat commendare voluisse; dabit enim corpus suum non apertum sed Sacramento velatum; poterant Apostoli putare se solum panem accipere, soli ventri profuturum, & minori quam par erat habere in pretio. Christus affirmat se non panem, sed corpus suum dare: & corpus suum quod pro ipsis tunc oblatum remissionem illis peccatorum afferret. Non commendat fructum crucis, de quo non agebat vt notat Mald. sed fructum Sacramenti, de quo agebat: deinde eodem modo nomen corporis hic accipiendum est, quo apud Ioan. 6. nomen carnis accipitur *Panis quem ego dabo, caro mea est*; quia quod illic promiserat hic tradidit, & nomen panis declarat quod non accipitur pro corpore Christi, nisi quatenus sub specie panis datur; quasi dicat caro mea est panis ille quem ego dabo: opponit enim panem illum, vero & naturali pani: ergo cum dicit: *Hoc est corpus meum*, nulla in corpore figura est: sed nomen corporis verum significat corpus Christi. Præterea, si figurate locutus fuisset aliquis Euangelistarum aut D. Paulus figuram expressisset. vt Ioan. 2 *Soluite templum hoc*, explicant ille autem dicebat de templo corporis sui. Et quia prudens Testator ultimam suam voluntatem non obscuris aut figuratis verbis declarat. Ad hæc cur 1. Cor. 11. rei sunt si verum corpus & verum sanguinem non accipiunt? Paulus rationem reddit non diiudicans, inquit,

O 4

corpus

corpus Domini : propterea sibi iudicium manducat & bibit, quia reus est corporis & sanguinis Domini, non dijudicans, idest non alia accipiens reuerentia quam alium panem. Adde si Christus voluisset dare verum corpus & sanguinem suum an clarius & apertius loqui potuisset ? & hæretici suis figuris obscurare volunt. Non sic Patres, Cypr. l. de cœna Domini. Panis iste quem Dominus discipulis porrigebat non effigie sed natura mutatus omnipotentia verbi factus est caro Christi. Sic Cyril. Catech. 4. Qui videtur panis non est panis, etiamsi gustu ita appareat ; sed corpus Christi. sic Chrysostom. hom. 83. Amb. l. de his, qui initiantur c. 9. Hil. l. 8. de Trinit.

27. *Et accipiens calicem gratias egit, & dedit illis dicens : bibite ex hoc omnes.*] Diximus de verbo gratias agere solum notandum Christum separatim calicem & panem benedixisse. Luc. 22. & 1. Cor. 11. Quia calicem vni tantum tradidit, ne videretur velle vt ille solus biberet : clarius dixit Lucæ 22. *Diuidite inter vos, bibite ex eo omnes.* Hoc vero de corpore non dixit, quia corpus singulis sigillatim porrexisset: vnde non est, quod calumpnientur nos Calvinistæ quod populum altera specie defraudemus : & si hoc ad omnes extenderetur etiam infantes & excommunicati sanguinem sumere deberent.

28. *Hic est enim sanguis meus Novi Testamenti qui pro multis effundetur in remissionem peccatorum.*] Lucas c. 22. & Paulus 1. ad Cor. 11. legunt. *Hic calix nouum testamentum est in meo sanguine* credendum est vsum potius fuisse Matthæi verbis

SECUNDVM MATT. CAP. XXVI. 32
 verbis qui aderat & à Christo didicerat quam
 Lucæ & Pauli, quia non erat Christi intentum
 vt nouum Testamentum sed vt sanguinem
 suum traderet. itaque Christus dixit *Hic est ca-*
lix sanguinis mei, qui calix nouum Testamen-
 tum est. Et ad hunc modum verba D. Pauli
 quamuis transposita sint, redigenda sunt: scri-
 bit: *Hic calix nouum testamentum est*, idest, hic
 est calix nouum Testamentum. Cur autem
 noui Testamenti sanguinem Christus appella-
 uerit; solebant omnes fere Gentes victima-
 rum sanguine sancire fœdera, aliquando etiam
 tractum ex propriis venis sanguinem alterum
 alteri tradere. Hoc Christus fecit dato ad bi-
 bendum Apostolis sanguine suo qui omnis
 Ecclesiæ cum qua fœdus inibat personam re-
 præsentabant. Alludit etiam ad veteris Testa-
 menti institutionem quod sanguine vituli sa-
 crificati sancitum fuerat Exod. 24. & ad verba
 Moyſis qui sumpto asperſoque sanguine in
 populum, dixit: hic est sanguis fœderis quod
 mandauit ad vos Deus. Nouum autem Testa-
 mentum appellat nouum pactum quod non
 iam cum Iudæis vt prius, sed cum omnibus
 omnino gentibus quæ Euangelium recepe-
 rint confirmauit. Deinde colligitur Christum
 ibi nouum Testamentum constituisse, non in
 cruce vt hæretici contendunt: non enim sen-
 sus est: hic est sanguis quo sancietur, sed quo
 sancitur nunc nouum Testamentum. Et qui-
 dem cum initur fœdus partes præsentēs esse
 oportet, aliqua miscere verba, aliquod dare
 symbolum. In cruce nihil tale factum est vt
 notat Maldonat, vnde & illud colligitur cum
 O s tunc

tunc sacrificium obtulisse sine quo iniri fœdera non poterant. Cum ergo sanguinem suum Apostolis tradidit in possessionem noui Testamenti eos mittit. Colligitur etiam verum dedisse sanguinem quem opponit sanguini vitulorum. Lucas & Paulus legunt *qui pro vobis effundetur*. Quod potius dixisse Christum verosimilius est, quia cum solis Apostolis loquebatur: & quia munus verbis ornatum illis commendabat. Quare ex verbis Lucæ & Pauli Matth. & Marci verba exponenda sunt. ut idem sit *qui pro multis*, & *qui pro vobis effunditur*: non ut idem sit qui pro multis atque pro omnibus aut pro prædestinatis. Quinimo nec pro omnibus qui aderant. Sed pro plerisque: nam multos opponit omnibus qui aderant. Cum ergo Christus dixisset: hic est sanguis meus, qui pro vobis effunditur, quia certum erat noluisse Iudam etiam comprehendere pro quo eius sanguis quoad effectum & fructum attinet non effundebatur, Matthæus & Marcus. ut id explicarent optimo consilio non verba sed sensum referentes dixerunt *Qui pro multis effundetur*. Et Ecclesia utrumque coniunxit: *qui pro vobis & pro multis* in dubio an Christus utrumque dixisset. At quo modo dixit tunc sanguinem suum fundi. Sunt qui dicunt *qui effunditur* ad bibendum, unde dicimus fundi vinum in mensa. Melius alij funditur, idest offertur, sacrificatur, quia non dixit qui vobis funditur: ut dicendum erat si ad bibendum funderetur, sed *qui pro vobis funditur*, quod cum sacrificio bene conuenit: nam non hominibus, sed pro hominibus offertur.

SECUNDVM MATTH. CAP. XXVI. 323.

& quia eodem sensu dictum est de corpore *quod pro vobis datur*: at sensus non est pro vobis datur ad edendum sed pro vobis sacrificatur. Ergo & cum de sanguine dicitur qui pro vobis effunditur.

29. *Dico autem vobis non bibam amodo de hoc genimine vitis usque in diem illum, cum illud bibam vobiscum novum in regno Patris mei*] Hoc genimen seu generationem seu fructum vitis Calvinistæ dicunt esse vinum vt. vbique panem & vinum asserant, & Christi corpus & sanguinem excludant. Melius Origen. Cyprian Chrysostom & Aug. qui aiunt Christum sanguinem suum vocasse vinum, sicut carnem suam apud Ioannem panem appellauerat, & per periphrasim genimen vitis, quia ipse erat vitis. Sed dicendum non de eo calice dixisse, quo sanguinem suum dedit, sed de eo qui in cœna Agni Paschalis vt supra dictum est à Patrefamilias inter accumbentes distribui solebat. Et quia non reddit Christus rationem cur sanguinem suum dederit: nam dato sanguine aliam rationem reddiderat *qui pro vobis effunditur*: sed reddidit causam cur desiderauerit eam cœnam cum Apostolis agere, quia vltima futura erat, & consueto more locutus est hominum, qui ab amicis longe discessuri ita dicere solent: non bibemus amplius simul. Id autem non dixisset de sanguine suo, qui etsi vetus erat, dabatur tamen sub cetera monia atque sacramento, sed dixisset de vera & iusta cœna cui magis verba illa conueniebant. *Bibam vobiscum novum* quasi dicat donec renouatus, idest glorificatus illud bibam.

bam. Alij melius non quod nouo modo bibendum sit, sed quod alterius generis, idest præstantius atque iucundius futurum sit, quale erit quo omnes beati in cœlo inebriandi esse dicuntur Psal. 35. nam Hebræi quod præstantius est, nouum appellant Psalm. 95. *In regno Patriæ mei*, idest initio noui Testamenti quod in ipsa cœna cœpit vt nouum genimen Christi sanguis intelligatur. Alij Ecclesiam vocari putant vt Hieron. Alij tempus quadraginta dierum quibus post resurrectionem cum Apostolis sæpe edit ac bibit ex Chrys. Alij melius cœlum quod solus Pater numquam videatur de cœlo descendisse; & quia quotiescumque de esu & potu regni cœlorum scriptura loquitur, regnum cœlorum, nec pro Ecclesia nec pro Euangelio sed pro vita beata poni solet vt Matth. 18. Luc. 14. & 12. Apocal. 19. & notar Mald. pronomen *hec* accipi pro vero vino: illud pro metaphorico.

30. *Et hymno dicto exierunt in montem oliueti.* Cum laudem Deo decantassent. Hinc colligit Chrysostom. neminem debere ante gratiarum actionem quæ in fine fit ab Ecclesia discedere. Sunt qui dicunt Christum nouum hymnum composuisse, alij septem psalmos solitos recitasse à 112. ad 118. Ioannes 14. tradit multa & grauissima verba fecisse Apostolis ante sacramentorum exhibitionem, & egressum Christi ex cœnaculo vel ex vrbe: & contentionem inter Apostolos quis eorū maior esse videretur: recenset Luc. & illa c. 22. *vos estis qui permansistis mecum in tentationibus meis.* Ex quibus infertur antequam Christus exiret è domo exiisse Iudam

SECUNDVM MATT. CAP XXVI. 325

31. *Tunc dixit illis Iesus: omnes vos scandalum patiemini in me in ista nocte. Scriptum est enim: percutiam pastorem, & dispergentur oves gregis.]* Hæc dicit quia se erant deserturi non fidem perdituri, aut in fide vacillaturi aut negaturi, cum nemo Apostolorum fidem perdiderit, ne Petrus quidem ipse qui negavit ut quidam putauerunt: qui non distinguunt fidei confessionem à fide, & negationem Christi à fidei amissione; quasi dicat cum videritis me indigna patientem, occasionem me deserendi accipietis; hoc est scādalum patiemini in me, id est propter me. Ex Zachariæ vaticinio, quod ad veteres sacerdotes pertinebat ad se accommodat, non ut doceat necessario euenturum esse ut se Apostoli deserant, eosque euentus necessitas à culpa excuset: sed ut doceat id sibi nouum non fore sed se iam scire. Septuaginta legunt *percutere*, sed sententia est eadem, Deus enim est qui pastorem percuti iubet, & qui per alium facit ipse facit: indicat enim se esse qui filium suum percutit, qui ad mortem tradit.

32. *Postquam autem resurrexero, præcedam vos in Galilæam.]* His verbis solatur discipulos.

33. *Respondens autem Petrus ait illi: etsi omnes scandalizati fuerint in te, ego numquam scandalizabo.]* Ex hac Christi responsione colligitur quod supra dixit tantum se deserturos.

34. *Ait illi Iesus: Amen dico tibi, quia in hac nocte antequam gallus cantet, ter me negabis.]* Marc. 14. ait *Præquam gallus bis vocem dederit, ter me es negaturus* conciliantur sic: quia

326 MANVALE IN EVANGELIVM

quia ante auroram quod propriè gallicinium aut galli cantus dicitur, Petrus ter Christum negavit, vt Matth. Luc. & Ioann. scribunt, & quod idem est, antequam gallus bis cantaret, semel ad mediam noctem, iterum ante auroram, ter Petrus negavit vt scribit Marcus ex Aug.

35. 36. *Ait ei Petrus: etiamsi oportuerit memori tecum, non te negabo. Similiter & omnes discipuli dixerunt: Tunc venit Iesus cum illis in villam qua dicitur Gethsemani.] Prædium seu hortum fuisse constat ex Ioann. 18. non vt se absconderet sed potius vt facilius à Iuda & cohorte militum inueniretur, cum sciret eo solitum ire orationis causa. Luc. 22. Dicitur Gethsemani, idest octauus aut pinguis. Octauus ex distantia qua ab vrbe aberat: nam multi erant circa Hierosolymam horti amoëni; & alius primus alius secundus dicebatur. Pinguis vero quia fertilis erat, vt sicut in paradiso a Diabolo capti fueramus, in paradiso libertatis initium fieret ex Cyril.*

37. *Et dixit discipulis suis, sedete hic donec vadam illuc, & orem. Et assumpto Petro & duobus filiis Zebedæi cœpit contristari & mœstus esse.] Vt testes haberet orationis suæ, tristitiæ & lethalis sudoris; & quia hi tres gloriam transfigurationis viderant, & timendum ne alij qui non viderant, Christi infirmitate offenderentur. Vel potius quia plus illis confidebat, ad omnia secreta adhibebat. Marc. 14. cœpit pauere & tædere, idest grauitè angustari penèque exanimari ac deficere præ mœrore. Quod certe magnitudinem tristitiæ declarat.*

clarat. Sunt qui negant veram in Christo fuisse tristitiam vt Chrysostom. Alij secundum diuinitatem passionem ac dolorem sensisse, stulte de diuinitate loquentes. Alij istam tristitiam non passionem fuisse sed propassionem. Hoc inter passionem & propassionem est discrimen, quod passio sit affectio aliqua casualis quæ voluntatem aliqua ratione turbat, & aliquem quamuis imperfectum voluntatis consensum extorquet. Propassio vero quæ hominem quidem mouet, & aut doloris aut delectationis sensum aliquem affert, sed animum de sua quiete non deiidit ex Augustin. & Hieronym. & ideo dictum cœpit, quasi cœperit quidem sed non finierit, quia propassio vsque ad passionem non peruenit. Vel hoc verbum significat Christum non coactum cum periculum obiectum est, sed sponte, quando voluit quantum voluit, & quomodo voluit tristatum fuisse ex Aug. in Psal. 87. non conditionis necessitate sed miserationis voluntate. passionem in nobis præueniunt actionem, in Christo sequuntur.

Quæres cum Christus beatus fuerit, quomodo tristitiam habere potuerit? Respondent quidem beatum fuisse superiore tantum animæ parte; corpus enim illius nondum fuisse beatum, tristitiam autem fuisse in inferiore parte quæ in corpore est: at Christus animam suam vsque ad mortem tristem esse ait; & paulo post dicit non mea voluntas sed tua fiat; vbi significat se etiam voluntate quæ superior animæ pars est fuisse tristatum mortemque refugisse: & ex hoc loco probat.

bat sexta synodus duas in Christo voluntates diuinam & humanam; itaque hoc de appetitu sentiente dici non potest. Melius igitur alij dispensatione quadam factum fuisse vt cum Christus beatus esset, tristitiam etiam in superiorem animæ partem admiserit: nam sicut beatitudinem suam cohibere potuit ne deflueret in corpus vt pati posset: ita premere eam potuit, & quodammodo eam occultare vt ad tempus, tristitiæ cederet. Tristatus autem est non metu mortis sed discipulorum commiseratione; quod scandalum passuri essent. Hilarius nominatim propter Iudam tristatum putat, quod perditum sciret. Melius vt supra diximus sponte & libere, timuisse vere, ideoque martyribus fortiolem fuisse non timidiorem. At si voluntate sua timuit, cur timere voluit? vtique pro nobis, & pro nobis doluit. Augustinus vt se verum hominem ostenderet: & ne eius membra, idest fideles si quando tristarentur, putarent id esse peccatum. Quod vero tanta fuerit tristitia vt sanguinis grumi in terram caderent, etsi sint qui miraculo factum putent, tum etiam mysterio quodam vt totum eius corpus quod est Ecclesia, ipsius sanguine perfundi videretur, potius naturalem fuisse sudorem putat Mald. sed quia insolens est, miraculo fuit similis. Aristoteles ait id aliquando contigisse in hominibus teneræ & delicatæ complexionis; & vt videmus omnes subito correptos metu sudare; ita Christum naturaliter apprehenso ignominiosissimo genere mortis, vel potius concepta mortis causa, omnium hominum peccatis

sanguis

sanguinem sudauisse. Ex D. Thoma.

38. *Tunc ait illis : Tristis est anima mea usque ad mortem. Sustinete hic & vigilate mecum.*] Id est adeo tristis ut tristitia mihi mortem afferre videatur. vel tam tristis quasi si iam moreretur. ut Psal. 11. Alios sedere iusserat, hos autem, vult ut futuros testes in statione esse & vigilia & oratione.

39. *Et progressus pusillum procidit in faciem suam orans & dicens: Pater mi si possibile est transeat à me calix iste : Verumtamen non sicut ego volo, sed sicut tu.*] Luc. quantum indutus est lapidis. Secessit vero oraturus ut sequeretur quod præcepit cap. 6. & ut cōsuetudinem & verecundiam seruaret, pudet enim coram aliis multa interioris affectus exteriora signa ostendere. Ex D. Thoma. Et doceret in oratione animū profunde coram Deo submitendum in eo quod *procidit* in terram. Ex Marco vel *positis genibus*. Ex Luca. quod indicat non fuisse omnino in terram prostratum, vel utroque modo orasse: *Si possibile est*: nouerat absolute possibile esse Deo, sed posito decreto diuino ut pro nobis moreretur sciebat esse impossibile: Orabat tamen quia relinquebat naturam humanam partes suas agere, ut egisset si neque cum diuinitate fuisset coniuncta; nec de diuino decreto quicquam sciuiſſet. Idem enim valet *si possibile est, & si vis* Ex Aug. l. 3. de cons. Sciebat omniaabilia, de voluntate autem dubitat, id est quasi homo dubitans loquitur. *Abba Pater* ad emphasim, vel ad explicationem facta duplicatio, idem enim significat Chaldaice quod Pater. Incipit à blanda inuocatione Dei, & laude: *Transeat à me passio*, mors ista terribilissima
cur

cur calix dicatur dixi cap. 20. *Verumtamen non sicut ego volo, sed sicut tu.* Non ut quidam putant hæc verba sunt Christi iam secundum rectæ rationis dictamen loquentis cum priora fuerint eius quasi iuxta carnis infirmitatem rogantis; quia Christus secundum Spiritum & rationem non habuit voluntatem diuersam à Dei voluntate, ut quatenus talis dicere potuerit non mea voluntas sed tua fiat: sed rogat ac si prorsus fuisset homo, cui neque diuina voluntas cognita esset, neque satis esset fortitudinis ad mortem superandam: relinquebat enim naturam humanam veluti solam compressa diuinitate, ut plenius officio suo fungeretur; inter homines autem non quisquis contra diuinam voluntatem aliquid vult, continuo peccat, sed qui vult, dicit aut facit contra voluntatem Dei sibi cognitam; sicque humana voluntate Christus mortem recusabat cum Deus vellet ut moreretur. Præterea magis erat declaratio desiderij naturalis quam absoluta oratio, & conditionalis quam plena & perfecta. Nec enim dicebat apud se nolo mori, sed nollem mori si fieri posset, quæ voluntas peccatum non est adhibita honesta conditione, ideoque dici potest semper exauditum fuisse pro sua reuerentia.

40. *Et venit ad discipulos suos, & inuenit eos dormientes: & dicit Petro sic? non potuistis una hora vigilare mecum.]* Non ab eis consolationem accepturus sed ut mœrore sopitos excitaret & moneret, & ter ad orationem se conuerteret. Marcus non omnibus sed soli Petro quæ sequuntur dicta ait *non potuisti una hora vigilare mecum,* ut notat Hier. & Chrysost. atque ita Chri

Christum dixisse verosimile est : sed quia quod Petro dicebat tanquam cæterorum duci , omnibus dicebat. Hebraica phrasi vna hora pro vno momento temporis significatur, nō enim constat Christum integram horam posuisse in oratione sed voluit tantum discipulorum negligentiam exaggerare : nec propterea indicat se per vnum tantum temporis momentū orauisse. *Mecum* : quasi dicat me non solum vigilante sed etiam orante , sudante, pugnante cū morte , vos qui me dormiente pugnare debebatis , nec vigilare quidem momento potuistis.

41. *Vigilate & orate vt non intretis in tentationem* : Spiritus quidem promptus est caro autem infirma.] Non vt in tentationem non incidatis sed vt eam superetis. Ex Hier. Vel ne in pericula veniatis infirmitatis conscij, quia tutius est non pugnare quam vincere : sic oramus ne nos inducas in tentationem, reddit causam, quia etsi voluntas non desit vires tamen non suppetunt: Spiritum enim vocat non Spiritum sanctum sed discipulorum voluntatem, qua singuli vocem Petri secuti dixerunt : *Etiamsi oportuerit me mori tecum non te negabo* , quam non improbat , sed ea potius laudata infirmitatis carnis admonet vt doceat orare.

42. *Iterum secundo abiit & orauit* : Pater mi si non potest hic calix transire nisi bibam illum, fiat voluntas tua.] Tantum valent duæ illæ actiones Hebraicæ ac si dixisset: Et reuersus secundo orauit.

43. 44. *Et venit iterum, & inuenit eos dormientes, erant enim oculi eorum grauati* : Et relictis illis iterum abiit, & orauit tertio eundem sermonem dicens.

dicens.] Quia quod ter fit, omnino perfecte, ac semper fieri videtur. Ex Chrysoft. & docuerat nos semper orare, Luc. 18. Et quia ter Petrus negauerat: Et quamuis ter orauerit, huius tamen conditionis *non sicut ego volo sed sicut tu*, non est oblitus; *eundem sermonem dicens* idest nihil noui petens. Ideo forte Lucas vnus tantum orationis meminit, & statim narrat Angelum ei apparuisse, per *ὁσος πρὸς ἑσέ*, intelligendum est, & vt ex tribus Christi orationibus vnā ita ex tribus Christi cum discipulis colloquiis vnum fecit, & ea quæ in tertio colloquio acciderunt Iudæ scilicet cum cohorte ingressum cum primo coniungit.

45. *Tunc venit ad discipulos suos, & dicit illis: dormite iam & requiescite, ecce appropinquauit hora, & filius hominis tradetur in manus peccatorum.*] Sunt qui per ironiam & irrisionem somnolentiæ eorum dictum putant, vt Chryst. Alij serio quia apud Marcū dicit *sufficit*, quasi dicat sufficit quod hactenus vigilastis, nunc dormire potestis. Ex Aug l. 3. de conf. cap. 4. metum dedit ait Hilar. Per peccatores, Gentiles intelligit, vt ad Gal. 2. Nam Hebræi Gentiles peccatores appellabant, vt Luc. 24.

26. 27. *Surgite eamus: Ecce appropinquauit qui me tradet. Adhuc eo loquente ecce Iudas vnus, de duodecim venit; & cum eo turba multa cum gladiis & fustibus missi à Principibus & Senioribus populi.*] Sic Marcus & Lucas vt doceant veram fuisse prædictionem Christi qua dixerat, *Surgite eamus, ecce appropinquauit qui me tradet*, id ipsum & Ioannes aliis verbis dixit. Lucas prius turbam nominat, quod prius forte apparuerit, quam Iudas dux cohortis: ideo multi veniunt,

veniunt, quia putabant maleficiis posse fugere ait Orig.

48. *Qui autem tradidit eum, dedit illis signum dicens: Quemcumque osculatus fuero, ipse est, tenete eum.*] Etsi Christus satis notus esset omnibus, ramen quia maior pars qui eum comprehensuri venerant, erant milites Gentiles qui eum audire non solebant, signo opus fuit: Alij quia Christus fecerat sua potestate ut non solum milites, sed ne ipse quidem Iudas eum agnosceret. Ex Leontio. Hoc autem signo potius quam alio usus est ut quo militibus probabat, eodem prodicionem suam Christum celaret, non celasset autem si inusitatum dedisset signum: Erat autem usitatum ut osculo se Iudæi præsertim superiores salutarent. Et quicumque magnum erga eos quos salutabant amorem ostendere volebant Gen. 29. 33. 45. Exod. 4. 18. Act. 20. Rom. 6. 1. Cor. 16. 2. Cor. 13. 1. Thes. 5. 1. Pet. 5. Putabat enim miser posse se Christo scelus suum occultare, nec enim vere in eum crediderat: sed omnia miracula quæ viderat magicis artibus facta putabat quod Christus indicat Ioan. 6. *Sed sunt ex vobis quidam qui non credunt.* Quod propter Iudam dixit. Origenes aliam affert causam quod eum adhuc reuereretur, nec omnem adhuc pudorem exuerat ex Leont. Marcus addit. *Et ducite cautè.* Sciebat enim illum sæpe euasisse ut Luc. 4. 10. 8. metuebat ne promissa mercede fraudaretur. Ioannes ait: *Iesus autem sciens omnia quæ ventura erant super se, processit obuiam hostibus suis, & dixit eis: Quem queritis?* Non quod ignoraret quem quærent: sed ut data eis responsione convenientem haberet

beret sese prodendi occasionem. Et palam faceret illos multum licet luminis afferentes, tamen se etiam præsentem, & cum ipsis loquentem ne agnoscere quidem posse, multo minus comprehendere nisi vellet agnoscere & comprehendere. Itaque vox illa *quem quaritis* non est metuentis sed interriti & lacessentis. Ex Leont.

49. *Et confestim accedens ad Iesum dixit: Ave Rabbi & osculatus est eum.*] Prius osculo & verbis scelus dissimulans, Christum salutavit quam ut Ioannes ait milites interrogaret *quem quaritis*. Bis quoque oportuit Christum eos interrogare antequam agnoscere possent: Si enim eos prius Christus interrogasset quam Iudas signum dedisset, opus non fuisset signo cum bis iam Christus dixisset: *Ego sum*. Ex Aug. l. 3. de conf.

50. *Dixitque illi Iesus: Amice ad quid venisti. Tunc accesserunt & manus iniecerunt in Iesum, & tenuerunt eum.*] Declarat se scire ad quid venerit, & se proditorem suum verecundantem excitare, ut illi dixerat Ioan. 13. *Quod facis fac citius*. Et credibile est prius Christum dixisse osculo *filium hominis tradis*. Luc. 22. deinde *Amice ad quid venisti*. Mat. & Mar. postremo *quem quaritis* Ioan. 18. Ex Aug. l. 3. de conf. cap. 5. contrarium sentit Leont. *Tunc*, non est referendum ad proxima verba *amice ad quid venisti*, sed ad ea *Ego sum*. Ioan. 18. his enim potestatem illis comprehendendi sui fecit.

51. *Et ecce unus ex his qui erant cum Iesū extendens manum exemit gladium suum, & percutiens servum Principis Sacerdotum, amputavit auriculam eius.*] Hic erat Simon Petrus. Ioan. 18.

Lucas

Lucas omnes discipulos qui aderant ad resistendum & armis pugnandum paratos fuisse indicat. Nec enim forte intellexerant, quod Christus dixerat Apostolis dicentibus: *Ecce duo gladij hic*, responderat *satis est*, nec enim cum dixerat, *Qui non habet, vendat tunicam suam & emat gladium*, significauerat armis sibi opus esse aut iis discipulos vti oportere, sed tantum voluit indicare magnum sibi imminere periculum, quod non soleat ab hominibus nisi armis propulsari: Neque cum dicit *satis est*, significat duobus illis gladiis, hostibus esse resistendum, nec pluribus opus esse: sed dicit *satis est*; quia nec illis, nec aliis gladiis sibi opus erat: Cum ergo omnes interrogassent *si percutimus in gladio*, Petrus antequam Christus responderet, seruum Pontificis cæteris audaciorum percussit vt maiori audacia eum repelleret: Lucas indicat Malchi auriculam non omnino decisam, quia Christus non dicit eam reposuisse sed cum terigisset eum sanasse. Ex Hier.

52. *Tunc ait illi Iesus: conuerte gladium in locum suum, omnes enim qui acceperint gladium, gladio peribunt.*] Quasi dicat digni sunt qui gladio similiter pereant, vt Gen. 9. Apoc. 13. Non enim omnes homicidæ gladio pereunt. Et de his intelligitur qui propria authoritate & voluntate illum accipiunt ad vindicandum. Ex Aug. 22. contra Faustum: nam Principes & iudices non ex seipsis accipiunt sed concessio à Deo gladio vtuntur. Ideo August. putat Petrum Christi permissu fecisse. Ex Luc. 22. *Sinite usque huc*, quasi dicat sufficit auriculam abscidisse, de cætero mitte gladium tuum in vaginam.

nam. Verum Christus Petrum reprehendit, quia præter permissionem, imò & contra voluntatem fecit Ioan. 18. Et quia factum eius magis habuit speciem vindictæ quam defensionis, quid enim vnus contra cohortem?

53. *An putas quia non possum rogare Patrem meum, & exhibebit mihi modo plusquam duodecim legiones Angelorum.]* Ex quo indicat se potuisse non mori si voluisset, contra Calvin. Et Deum duodecim legiones Angelorum quorum vnus sufficeret vt 4. Reg. 19. sibi mittere potuisse pro duodecim Apostolis, qui contra tantam turbam non poterant sufficere, nec tamen voluisse contra eundem, qui ait Deum non posse plura quam quæ actu vult, facere. Est autem legio agmen militare apud Romanos sex millium, vel peditum quinque millium, equitum trecentorum. Ex Hier.

54. *Quomodo ergo implebuntur scriptura, quia sic oportet fieri.]* Luc. 24. Isa. 53. Dan. 9. Hoc dicit vt ostendat se non vi ad mortem trahi sed sponte ire, vt Patris decreto satisfaciat Ioan. 14.

55. 56. *In illa hora dixit Iesus turbis, tanquam ad latronem existis cum gladiis & fustibus comprehendere me; quotidie apud vos sedebam docens in templo, & non me tenuistis: hoc autem totum factum est, vt adimplerentur scriptura.]* Quasi dicat non eorum industria aut viribus se ab illis capi, sed Patris voluntate, & scripturarum decreto, vnde Luc. 22. *Hæc est hora vestra & potestas tenebrarum*, idest nunc potestis facere in me quicquid libet, quia hora venit qua à Patre decretum est vt moriar.

Tunc

Tunc discipuli omnes relicto eo fugerunt.] Omnes pro plerisque dixit: nam Petrus & Ioannes sequuti sunt eum: Vel omnes dixit, quia paulo post uterque rediit cum prius diffugissent. Ex Theoph.

57. 58. *At illi tenentes Iesum duxerunt ad Caipham Principem Sacerdotum ubi Scriba & seniores conuenerant: Petrus autem sequebatur eum à longè usque in atrium Principis Sacerdotum, & ingressus intro sedebat cum ministris ut videret finem.] Ioannes 18. ad Annam primum ductum fuisse ait: Et primam negationem Petri, primam examinationem de discipulis & doctrina, & primam colaphisationem: sed ex aliis Euangelistis constat tres negationes in domo Pontificis accidisse: Ioannes autem tacite rationem reddit cur ad Annam primum duxerunt, quia erat focer Caiphæ, cuius consilio utebatur. Et verosimile est in via fuisse domum Annæ. Ex Aug. l. 3. de Conf.*

59. 60. 61. *Principes autem Sacerdotum & omne consilium quarebant falsum testimonium contra Iesum, ut eum morti traderent, & non inuenerunt, cum multi falsi testes conuenissent: Notissime autem venerunt duo falsi testes & dixerunt: Hic dixit: possum destruere templum Dei, & post triduum readificare illud.] Quid falsis testibus opus erat cum vellent eum siue iure siue iniuria damnare? quia volebant iuris speciem obtendere coram iudice Pilato. Falsos testes vocat, quia quod Christus dixerat, & malo animo & diuerso sensu, & aliis verbis recitarunt Ioan. & Mar. 14. Ex Orig. Chrysost. & Hier.*

62. *Et surgens Princeps Sacerdotum ait illi:*
P. nihil

nihil respondes ad ea qua isti aduersum te testificantur? Iesus autem tacebat.] Non debebat Iudex surgere sed sedere, sed non loquitur tanquam Iudex in Tribunali sedens, sed tanquam Sacerdos in synagoga, vbi quisquis loquebatur aut legebat, solebat surgere Luc. 4. Tacebat autem Christus, quia sciebat etiam illorum iudicio non esse cōuenientia testimonia, contra se prolata. rursus sciebat in calumniam vertendum quicquid responderet.

63. *Et Princeps Sacerdotum, ait illi: Adiuro te per Deum viuū vt dicas nobis si tu es Christus filius Dei.*] Vt te vulgo doces & sæpe nuncupas, ea enim de causa voluerunt Iudæi Christum lapidare Ioan. 10. Ideo credunt se meliorem causam non posse reperire vt ad mortem damnarent, quam si conuinceretur aliquando blasphemasse. Erat autem eorum iudicio magna blasphemia, si quis se Dei filium appellasset, quia non poterat naturalis filius Dei esse quin Deus esset, quod iudicium Arianos confutat. Lucas ait hæc ipsa accidisse factō iam die. Adiurandi autem ritus celebris fuit in veteri lege Num. 5. Ios. 2. quo abusus est hic Caiphas in vanum.

64. *Dixit illi Iesus: Tu dixisti: verumtamen dico vobis: Amodo videbitis filium hominis sedentem à dextris virtutis Dei, & venientem in nubi-
bus cœli.*] Mar. Ego sum. Lucas aliter respondisse ait *Si vobis dixero, non credetis mihi.* Et vero simile est bis Christum de ea re interrogatum fuisse. Ex Aug. Et amplius quam interrogatur respondit, melius rebus quam verbis, quasi dicat, deinceps non videbitis me habitu rei vt nunc, sed habitu filij Dei sedentem
à dex

à dextris virtutis Dei, & venientem in nubibus coeli, idest ostendentem diuinitatem Hier.

65. *Tunc Princeps Sacerdotum scidit vestimenta sua, dicens blasphemauit, quid adhuc egemus testibus; Ecce nunc audistis blasphemiam.]* Gentes in luctu & indignatione: Iudæi autem in luctu, vestimenta scindebant vt Gen. 37. 34. 44. Num. 14. 1. Reg. 4. 2. Reg 1. Deinde quando contra Deum blasphemiam audiebant vt 4. Reg. 19. Putabat autem Caiphas magnam esse blasphemiam quod Christus filium Dei se esse diceret, ideoque clamat *blasphemauit.* Ex Hier. & Chryl.

66. *Quid vobis videtur: At illi respondentes dixerunt, Reus est mortis.]* Accusatores iudices facit, & accusatoris partes suscipit contra iuris ordinem. Lex iubeat lapidare blasphemum Leuit. 24. ideoque eum lapidare voluerunt. Ioan. 10. Ex Chryl.

67. *Tunc expuerunt in faciem eius, & colaphis eum ceciderunt: Alij autem palmas in faciem eius dederunt.]* Tunc refertur confuse ad totum tempus illius noctis, quia interrogatio Caiphæ de die facta est ex Luca 22. Et quæ hic narrat Matth. vt Petri negationem de nocte facta sunt, in domo Caiphæ. Ex Aug. l. 3. de conf. Euang. Mar. & Luc. aiunt faciem eius prius velauiſſe, Ioannes autem prius quendam ex astantibus alapam dedisse quasi irreuerenter Pontifici respondisset, vide vt diligenter Euangelista opprobria exponat, gloriam maximam existimans Dominum orbis talia pro nobis sustinere vt ait Chryl.

68. *Dicentes: prophetiza nobis, Christe, quis est qui te percussit.]* Quia vulgo insignis Pro-

338 MANVALE IN EVANGELIUM

nihil respondes ad ea qua isti aduersum te testificantur? Iesus autem tacebat.] Non debebat Iudex surgere sed sedere, sed non loquitur tanquam Iudex in Tribunali sedens, sed tanquam Sacerdos in synagoga, vbi quisquis loquebatur aut legebat, solebat surgere Luc. 4. *Tacebat autem Christus*, quia sciebat etiam illorum iudicio non esse cōuenientia testimonia, contra se prolata. rursum sciebat in calumniam vertendum quicquid responderet.

63. *Et Princeps Sacerdotum, ait illi: Adiuro te per Deum viuū vt dicas nobis si tu es Christus filius Dei.*] Vt te vulgo doces & sæpe nuncupas, ea enim de causa voluerunt Iudæi Christum lapidare Ioan. 10. Ideo credunt se meliorem causam non posse reperire vt ad mortem damnarent, quam si conuinceretur aliquando blasphemasse. Erat autem eorum iudicio magna blasphemia, si quis se Dei filium appellasset, quia non poterat naturalis filius Dei esse quin Deus esset, quod iudicium Arianos confutat. Lucas ait hæc ipsa accidisse factō iam die. Adiurandi autem ritus celebris fuit in veteri lege Num. 5. Ios. 2. quo abusus est hic Caiphas in vanum.

64. *Dixit illi Iesus: Tu dixisti: verumtamen dico vobis: A modo videbitis filium hominis sedentem à dextris virtutis Dei, & venientem in nubibus cœli.*] Mar. Ego sum. Lucas aliter respondisse ait *Si vobis dixero, non credetis mihi.* Et vero simile est bis Christum de ea re interrogatum fuisse. Ex Aug. Et amplius quam interrogatur respondit, melius rebus quam verbis, quasi dicat, deinceps non videbitis me habitu rei vt nunc, sed habitu filij Dei sedentem
à dex

à dextris virtutis Dei, & venientem in nubibus cœli, idest ostendentem diuinitatem Hier.

65. *Tunc Princeps Sacerdotum scidit vestimenta sua, dicens blasphemauit, quid adhuc egemus testibus; Ecce nunc audistis blasphemiam.]* Gentes in luctu & indignatione: Iudæi autem in luctu, vestimenta scindebant vt Gen. 37. 34. 44. Num. 14. 1. Reg. 4. 2. Reg. 1. Deinde quando contra Deum blasphemiam audiebant vt 4. Reg. 19. Putabat autem Caiphas magnam esse blasphemiam quod Christus filium Dei se esse diceret, ideoque clamat *blasphemauit.* Ex Hier. & Chryf.

66. *Quid vobis videtur: At illi respondentes dixerunt, Reus est mortis.]* Accusatores iudices facit, & accusatoris partes suscipit contra iuris ordinem. Lex iubebat lapidare blasphemum Leuit. 24. ideoque eum lapidare voluerunt. Ioan. 10. Ex Chryf.

67. *Tunc expuerunt in faciem eius, & colaphis eum ceciderunt: Alij autem palmas in faciem eius dederunt.]* Tunc refertur confuse ad totum tempus illius noctis, quia interrogatio Caiphæ de die facta est ex Luca 22. Et quæ hic narrat Matth. vt Petri negationem de nocte facta sunt, in domo Caiphæ. Ex Aug. l. 3. de conf. Euang. Mar. & Luc. aiunt faciem eius prius velauisse, Ioannes autem prius quendam ex astantibus alapam dedisse quasi irreuerenter Pontifici respondisset, vide vt diligenter Euangelista opprobria exponat, gloriam maximam existimans Dominum orbis talia pro nobis sustinere vt ait Chryf.

68. *Dicentes: prophetiza nobis Christe, quis est qui te percussit.]* Quia vulgo insignis Prophetâ

pheta habebatur cap. 21. Et quia se filium Dei dixit per irrisionem eum velatis oculis cædentes sic interrogabant.

69. *Petrus vero sedebat foris in atrio: Et accessit ad eum una ancilla dicens: Et tu cum Iesu Galilæo eras.*] Foris quia non erat in interiori domo, sed in atrio & sub dio cum militibus prædianis & famulis Pontificis & seniorum. hunc enim introduxerat Ioannes. Ex cap. 18. Non appropinquabat Iesu ne aliqua suspicio ministris oriretur. Ex Hier. Lucas vero ait ad ignem tunc sedisse: erat enim ignis accensus in atrio: quem cum ancilla melius cognovisset, accessit, & Galilæum ignominiosè vocat, ut Iulianus omnes Christianos. Ex Socrate l. 3. Hist. c. 12. Ioannes ait ancillam interrogasse. *Nunquid & tu ex discipulis es hominis istius.* Lucas vero: *Et hic cum illo erat.* Itaque credibile est ancillam hæc omnia dixisse. Per fœminam seductus Adam, & princeps Ecclesiæ.

70. *At ille negavit coram omnibus dicens: nescio quid dicis.*] Sic respondere solemus cum longe nos abesse significamus ab eo crimine quod nobis obiicitur. Ioan. Non sum. Luc. Non novi illum. Marc. Neque scio neque novi quid dicas. Credibile est Petrum hæc omnia dixisse. Hæsitare permissus est ut in Ecclesiæ Principe remedium pœnitentiæ conderetur, & nemo de sua virtute confideret ait Leo serm. de Pas.

71. *Exeunte autem illo iannam, vidit eum alia ancilla & ait his qui erant ibi: Et hic erat cum Iesu Nazareno.*] Exeunte foras, ante atrium in vestibulum, tunc gallus cantavit. Ex Marco, unde infertur circiter fuisse mediam noctem, quia dixit antequam gallus bis vocem dederit,

ter

ter me negaturus es. Et vt Lucas ait *post pusillum*, idest, post tres horas ad minimum ad ignem rediisse, ne fuga cōfiteri videretur quod sibi obiiciebatur. Iterum negauisse circiter horam quartam, & postea gallum cantauisse paulo ante auroram, vt solet, cum inter secundam & tertiam negationem fuerit vna hora ex Luca, sequitur secundam negationem accidisse circiter horam tertiam, in qua à multis interrogatum fuisse Petrum scribit Ioannes. Marcus vero ita loquitur quasi ab eadem ancilla fuerit interrogatus, vnde multi in eum errorem adducti vt septies Petrum negasse Christum dixerint, contra Christi expressa verba ter me negabis. Credibile est ancillam etiam dixisse: *Nunquid tu ex discipulis eius es?* vt ait Ioannes. Et cum Petrus negasset affirmanter addidisse: *Et tu de illis es*, vt ait Lucas: deinde ad eos qui aderant conuersam dixisse: *Et hic de illis est*: vt ait Marc. nam cum Iesu Nazareno erat, vt ait Matth.

72. *Et iterum negauit cum iuramento, quia non noui hominem.*] Probabile est prius dixisse *non sum* vt scribit Ioannes: deinde cum ancilla aut ij qui aderant instarent, addidisse quod ait Lucas, *ô homo non sum*. Postremo cum adhuc vrgerent; iuramento auxisse crimen vt ait Matth. *quia non noui hominem*.

73. *Et post pusillum accesserunt qui stabant, & dixerunt Petro, vere & tu ex illis es: nam & loquela tua manifestum te facit.*] Lucas vero ait: *alius quidam affirmabat dicens: vere hic cum illo erat*. Ioannes ait fuisse cognatum eius cuius Petrus absciderat auriculam, qui affirmavit se Petrum in horto cum Christo vidisse, quem alij serui

secuti sunt. Ex Aug. l. 3. de cons. Euang.

24. *Tunc coepit detestari & iurare quia non novi hominem : Et continuo gallus cantavit.]* In prima negatione dixit *non sum*. deinde, *non novi illum*. postremo, *nescio quid dicas*. In secunda adhibuit iuramentum, in tertia execrationem, qua Christum aut seipsum potius diris deo-uebat. *Et adhuc eo loquente*, ut ait Lucas *gallus cantavit*, ut appareat veram fuisse prædictionem Christi.

75. *Et recordatus est Petrus verbi Iesu quod dixerat, prius quam gallus cantet, ter me negabis. Et egressus foras fleuit amare.]* Cur non ante ad mediam noctem cum gallus cantasset; forte galli vocem non audierat, aut quia semel tantum cantauerat sperabat se iterum non negaturum, aut quod verissimum non solo galli cantu, sed maxime Christi aspectu admonitus est ut ait Lucas. Ex Chrys. Sunt qui dicunt Petrum fidem perdidisse cum tantum negauerit. Alij nec mentitum quidem fuisse, sed salua veritate ambigue locutum; quasi dicat non novi tanquam solum hominem sed tanquam Deum. Ita Hil. & Amb. Verius est peccasse quidem sed fidem seruasse: & magnam pœnitentiam egisse: nam quoties gallus cantavit toto vitæ suæ tempore in genua procidens lacrymas fudit. Ex Clem. *Egressus foras* quia pudebat in atrio ubi peccauerat pœnitentiam agere, vel ex Christi verecundia.

CAPVT XXVII.

*Condemnatus, crucifigitur, &
sepelitur.*

1. **M**ane autem facto consilium inierunt omnes Principes Sacerdotum & seniores populi aduersus Iesum, vt eum morti traderent.] Vt factus est dies ex Luca. Ex quo intelligitur priorem illam congregationem ante noctis finem dissolutam fuisse vt facto iam die rursus congregati fuerint. Vide quam solliciti in malo tota nocte vigilauerunt vt patrarent homicidium.

2. *Et vinctum adduxerunt eum, & tradiderunt Pontio Pilato presidi.] Cum ligassent.* 1. x Marco, etsi fieri etiam potuerit vt vincula semel Christo iniecta, ad horam fuerint in domo Caiphæ relaxata, ac deinde rursus ei iniecta cum ad Pilatum deducendus esset, aut vinctus quidem tenebatur, sed non manibus. Mos erat vt quem morti adiudicassent ligatum iudici traderent. Ex Hieron. Ideo autem Pilato tradiderunt, quia dies erat festus. Ex Chryl Vel quod affectari regni accusaretur. Ex Theoph. Vel quia Romani illis abstulerant potestatem iudicandi de capitalibus causis: Vel quia illis non licebat quemquam crucifigere sed aut lapidare, aut strangulare, aut vrere, aut gladio iugulare, vt cap. 5. volebant autem omnium ignominiosissimo supplicio occidere.

P. 4 Tunc

344 MANVALE IN EVANGELIUM

3. *Tunc videns Iudas, qui eum tradidit, quod damnatus esset, poenitentia ductus retulit triginta argenteos Principibus Sacerdotum & senioribus.]* Quasi diceret nullā suæ salutis spem superesse: sed hoc ad Christum referendum quod cum damnatum videret retulit 30. argenteos non ad Sacerdotes qui erant in templo, sed ad Principes Sacerdotum qui erant in prætorio: quos cum accipere nollent in templum proiecit, μεταμεληθεὶς de peccato anxius, & non μετάνοη-
θεὶς dolens & emendans quod fecit Petrus, quos Sacerdotes accepisse verosimile est donec Principes Sacerdotum decernerent quid de illis esset faciendum. hi autem dicuntur Christum morti tradidisse quia Pilato ad mortem damnandum tradiderunt clamantes reus est mortis. Ex Luc.

4. *Dicens: peccaui tradens sanguinem iustum. At illi dixerunt quid ad nos, in videris.]* Quasi dicat cupio ut receptis argenteis vestris, liberū dimittatis quem innocentem confiteor: atque in quo prodendo peccasse me agnosco: sic Deus ordinavit ut innocentia testimonium omnes Christo redderent, Iudex, Iudicis vxor, & ipse proditor. Notanda excæcatorū & amen-
tium Principis Sacerdotum vox. Ex Amb.

5. *Et proiectis argenteis in templo recessit, & abiens laqueo se suspendit.]* Conscientia non sinente ut iniuste partem retineret mercedem: præceptus factus crepuit medius. Act. I. cum forte rupto laqueo supervixisset. Ex Oecum. aut se præcipitem dedisset ex edito loco in quo se suspenderat in ficu, siue post Christi Resurrectionem: vel ut credibilius statim proiectis argenteis.

6. *Principes autem sacerdotū acceptis argenteis dixerunt : non licet nobis mittere in corbonam quia pretium sanguinis est.]* Quia quæ in templo proiiciebantur Deo videbantur offerri: prius autem accipere noluerant ne viderentur rescindere venditionem & cogeretur Christum illi reddere. *Corbona* erat gazophylacium seu sacrum ærarium vbi templi oblationes recondebantur. *Mittere* pro remittere, quia inde elati fuerant: vnde publici sumptus ad templi causam & religionem pertinentes fiebāt, cuiusmodi causam esse putabant vt Christus qui se Dei filium dicebat occideretur; & verentur hoc sanguinis pretium accipere, & non verentur ipsum sanguinem effundere.

7. *Consilio autem inito emerunt ex illis agrum figuli, in sepulturam peregrinorum.]* Non statim sed postquam crucifixus est, & forte post festum Paschæ sicque per anticipationē dictum. Bene expenderunt in sepulturam peregrinorum affatim confluentium Hierosolymam: pretium enim sanguinis conueniebat in mortuos impendi ad gloriam Christi, Spiritu sancto sic operante.

8. *Propter hoc vocatus est ager ille Aeldema, idest, ager sanguinis usque in hodiernum diem.]* Idest, emptus pecunia qua hominis mors empta fuit, quod significat Christi morte comparatam veram requiem iis qui velut peregrini degunt, ius supernæ ciuitatis consecuti: vel sanguinem Christi potissimum aduenis Gentibus profuturum pereuntibus Iudæis in sua impietate.

9. *Tunc impletum est quod dictum est per Ieremiam Prophetam dicentem: & acceperunt triginta*

P

S

argenteos

argenteos. Pretium appretia: i quem appretiauerunt à filiis Israel.] Non extat; sed apud Zachariam c. 11. siue quia à Iudæis maligne deletum est; vel scriptum esset in his libris qui perierunt. vel in Apocrypho sicut Paulus de Ianne & Mambre citat ex Apocryphis. Sunt qui Zachariam binominem fuisse aiunt vt August. & Ieremiam etiam appellatum. Alij qui Ieremiæ prophetiam citari putant non quidem scriptam, sed per traditionem acceptam vt illud Luc. 13. de turri Siloe Christus citauit. Melius, alij, Euangelistam nullius prophetæ nomen posuisse sed tantum dixisse: *Tunc impletum est quod dictum est.* Scriptorem vero aliquem cum putaret citari Ieremiam ad marginem posuisse, postea aliquem alium in textum inseruisse, quia in Syriaco nō habetur *pretium appretia: i.* Hebraicè est decus pretij aut pretium æstimationis quem æstimaucrunt à filiis Israel, id est, iis qui erant ex filiis Israel.

10. *Et dederunt eos in agrum figuli sicut constituit mihi Dominus.*] Hæc verba apud prophetam non habentur sed sensus.

11. *Iesus autem stetit ante presidem, & interrogauit eum praeses dicens: Tu es Rex Iudæorum. Dicit illi Iesus: tu dicis*] Erat inquit Ioannes manens quo significatum est eos Christi sanguinis fuisse subundos: metuebāt ne mora aliqua intercedente Dominus ipsis eriperetur, aut à populo tumultus fieret, metuebant ne non liceret sibi agnum paschalem quæta mente & religiosè sumere, si ante illius esum, non esset satisfactum illorum voto. Eadem de causa ipsi nō introierunt in prætorium, ne contaminarétur ingressu domus gentilis: propterea Pilatum ad

SECUNDVM MATT. CAP. XXVII. 347

eos foras exiisse & interrogasse: *Quam accusationem affertis aduersus hominem hunc?* quasi dicat innocentem: ideo Iudæi respondent: *si non esset hic malefactor, non tibi tradidissimus eum.* Post quæ verba cœperunt illum accusare dicentes: *hunc inuenimus subuertentem gentem nostram, &c.* Luc. quibus subiungenda verba Ioannis: *accipite eum vos, & secundum legem vestram iudicate eum.* Dixerunt Iudæi: *nobis non licet interficere quemquam.* Addit Ioannes ideo hoc factum esse ut impleretur sermo Iesu quem dixerat, significans qua morte esset moriturus. Nēpe sermo ille Matt. 19. *Filius hominis tradetur Principibus sacerdotum, &c.* Et tradent eum gentibus, ad illudendum & flagellandum, & crucifigendum. Significat ergo Ioannes propterea Iudæos potestate sibi à præside facta uti noluisse quod secundum legem neminē crucifigere liceret, quo maximè genere mortis Christum mori cupiebant, & Christus ipse se moriturum prædixerat. Post hæc ut ait Ioannes Præses in prætoriū ingressus est, & foris manentibus Iudæis Christum ad se vocauit, rogauitque: *Tu es rex Iudæorum?* si enim Rex erat, dubitari nō poterat quin tributa Cæsari dāda esse negaret. Hæc enim duo inter alia Iudæi Christo obiecerāt quæ ipsorummet testimonio refelli poterant, à quibus interrogatus respōderat: *redite qua sunt Cæsaris Cæsari, &c.* Et ipsum quoque soluere solitum, testes Romani erant aut Iudæi publicani. Et præmittenda responsio à temetipso hoc dicis, an alij tibi dixerunt de me? quasi dicat tu utique scis me Iudæorum Regem non esse, terrenum videlicet: sed ista quæ rogas Iudæorum postulatione rogas. Respondit Pilatus: *Numquid ego Iudæus sum?*

348 MANVALE IN EVANGELIUM

gens tua & Pontifices tradiderunt te mihi. quid fecisti? quasi dicat cum, ut notum est, Iudeus non sum sed Romanus, rerum Iudaicarum ignarus sum, nesciens quid sit de rege quem expectare dicuntur. unde ex me nequaquam profecta videri poterit mea de rege Iudæorū interrogatio sed ex ipsa tua gente. Hæc ipsa & Pontifices eius tradiderūt te mihi Et hi te huius accusant. Quid ergo fecisti. Respondit Iesus: *Regnum meum non est de hoc mūdo, si ex hoc mundo esset regnū meum, ministri mei utique decertarent ut non traderer Iudais: nunc autem regnum meum non est hinc.* idest non est mundanum, nō est terrenum, non est temporale sed cœleste, & spirituale. Regnum suum non solum beatorum societate sed fidelium etiam in terris congregationem, idest Ecclesiam appellans quæ etsi in hoc mundo est, tamen de hoc mundo non est: & quia non ex terra, sed ex cœlo originem habet, cū eius caput Christus à quo congregata & formata est, & charitas quæ eius vinculum, & spes, quæ præmia illi promittit, de cœlo dentur sicut Christus ait Ioan. 8. *Ego de supernis sum.* Et quia eius conversatio in cœlo est, neque putat se hic habere civitatem permanentem sed à Domino peregrinari quatenus homo est, quatenus autē Deus est, non solum spiritualis sed etiam temporalis totius mundi & superioris & inferioris Rex est, qui ideo habet in femore scriptum *Rex Regum & Dominus dominantium* Apoc. 19. Hac occasione Pilatus intulit *Ergo rex es tu?* tunc respondit quod hic Matthæus: *Tu dicis,* non ambigue sed modeste se regem esse significans ex Aug.

11. *Et cum accusaretur à Principibus sacerdotū &*

Et senioribus nihil respondit. Luc. 24. ait Pilatum postquam Christum interrogasset an ipse Rex esset ut ait Ioan. 18. ad Iudæos qui extra prætorium expectabant exiisse, dixisseque: Ego nullam inuenio in eo causam, idest culpam, ut flagellatus ita modo silet accusatus, ut patientiæ det exemplum ait Hier.

13. *Tunc dicit ei Pilatus: non audis quanta aduersum te dicunt testimonia? Et non respondit ei ad ullum verbum, ita ut miraretur præses vehemēter.] Lucas refert hæc testimonia, ut commouet populum, idest facit seditiosum. Incipiens à Galilæa vsque huc. Et ut cognouit quod de Herodis potestate esset, remisit eum ad Herodem, qui et ipse Hierosolymis erat illis diebus. Herodem autē viso Christo gauisum esse: & cum nihil responderet contēpisse eum, & veste alba, per opprobrium, indutū ad Pilatū remisisse, factos amicos Pilatū & Herodē ex eo die cū ante inimici essent. Cum Christus ad Pilatum remissus esset, Pilatū conuocatis Principibus sacerdotum, & magistratibus atque plebe dixisse: Obrulistis mihi hūc hominem quasi auerrentē populum; Et ecce ego coram vobis interrogans nullā causam inueni in homine isto ex his in quibus eum accusatis, sed neque Herodes, nam remisi vos ad illum. Et ecce nihil dignum morte actum est ei: Emendatum ergo illū dimittam: castigatū dimittam quod aut de verbis aut de verberibus potest intelligi. Ad hanc Pilati vocē cœperunt Iudæi vehementius instare, & accusare Christum, & tunc Pilatum dixisse: non audis quanta aduersum te dicunt testimonia, ut hic refert Matth. Tacet autem nunc, quia non iam de summa rei sed de commotione populi, de doctrina & aliis huiusmodi agebatur, quas*

350 MANVALE IN EVANGELIUM

quas cum palam fecisset nemo poterat ignorare. Et quia si respondisset, sciebat Iudeos non credituros. ex Chry. aut ad iracundiam lapsuros & suam culpam aucturos. 3. ne si crimina diluisset dimitteretur, & crucis fructus, idest salus nostra periret, ex Hier. 4. quia defensione non indigebat ex Amb. 5. vt prophetia imple- retur Isa. 53.

15. *Per diem autem solemnem consueuerat praes- ses populo dimittere unū vinctū quem veluissent.*] In memoriā populi liberati ex Ægypto vinctū die Paschæ ē carcere liberabant ex Orig. vel à Romanis, vt sibi populi gratiam conciliarent, concessum vel confirmatum hoc priuilegium.

16. *Habebat autem tunc vinctum insignem qui dicebatur Barabbas.*] Nobilem scelere, & improbitate latronem. Ioan. 18.

17. *Congregatis ergo illis dixit Pilatus: quem vultis dimittā vobis, Barabbam an Iesum qui dicitur Christus.*] Pilatus nullam occasionem absoluendi Christum prætermittit vt supra dictum est. Prius interrogauit *quam accusationem affertis?* quasi dicat quid huic homini iusto obicere potestis. Deinde dixit: *nihil inuenio causæ* Luc. 3. remisit ad Herodem. 4. cum hoc Iudæorum rabiem non mitigaret, castigare voluit verbis aut flagellis. Luc Nunc proponit vt saltem solemnis festi respectu sicut alij facinorosi dimitti solent Christus dimitteretur, & saltem Barabbæ omnium sceleratissimo præferretur. Post hæc etiam Christum dimittere conatus est: cum enim vrgerent Iudæi: *Tolle, tolle, crucifige eum.* respondit: *Regem vestrum crucifigam?* Ioan. 19. quasi ipsorum honori cōsuleret. Multo vero magis cum ad eum vxor nuntiū misisset, *nihil.*

nihil tibi & iusto illi. Et cum ex Iudæis audiuit filium Dei se facere. prius enim religione & æquitate, post etiam metu absoluerè conatus est.

18. 19. *Sciebat enim quod per inuidiam tradidissent eum. Sedente autem eo pro tribunali misit ad eum uxor eius dicēs: nihil tibi & iusto illi.* Id est, ne te eius negotio immisceas, ne eum cōdemnes, ne quid tibi mali eueniat, vel ex pietate qua forte ante, vel tunc primum edocta credidisset.

Multa enim passa sum hodie per visum propter eum. Quid viderit aut audierit in somniis non exprimit Matth. vnde nihil certi de eo proferre possumus, nisi quod grauitè fuerit afflicta, & Christum innocentem, & filium Dei esse cognouisse, & ea prospexisse mala quæ erant euentura Hierosolymis. Somnium autem hoc non à natura sed à moribus vel à diabolo ex Ignat. vel à Deo immissum ex Origen. qui saluam fuisse ait: tum vt ab vtroque sexu testimonium Christus haberet suæ innocentia: tum quod non creditum fuisset Pilato qui videri potuisset ad gratiam loqui, ideo coniugi potius quam Pilato Deus iniecit, ex Chry.

20. 21. 22. 23. *Principes autem sacerdotum & seniores persuaferunt populis, vt peterent Barabbam, Iesum vero perderent. Respondens autem Praeses ait illis: quæ vultis vobis de duobus dimitti? at illi dixerunt Barabbam. Dicit illis Pilatus: quid igitur faciam de Iesu qui dicitur Christus? dicunt omnes, crucifigatur. At illis Praeses: quid enim mali fecit? At illi magis clamabant: crucifigatur.* Quasi dicat si vultis vt crucifigatur, causam reddite. Post hæc quæ Matthæus & Marcus narrant scribit Ioannes verberibus caelum, spinis coronatum, purpura indutum, & ad Iudæos.

352 MANVALE IN EVANGELIUM

Iudæos productum fuisse, dicente Pilato. *Ecce homo*, ut vel miserabili spectaculo feroces animi Iudæorum placarentur. Ioann. 19. Sunt etiam qui bis Christum dicunt flagellatum, primum hoc loco ad mitigandos Iudæos; deinde cum iam condemnatus esset, eo quod Romanorum esset consuetudo ut neminem nisi prius flagellatum crucifigerent ex Hier.

24. *Videns autem Pilatus quia nihil proficeret, sed magis tumultus fieret, accepta aqua lavit manus coram populo dicens: innocens ego sum à sanguine iusti huius, vos videritis.*] Non excusat Pilatum sed Christum, dum ait, non villo probato crimine, sed solo metu seditionis Christum damnauisse, & ita ut damnando absoluerit. Mos autem erat Iudæis innocentiam suam testari ablutione manuum. Deut. 21. Psal. 25. At graue scelus Pilati hac ceremonia non abluebatur. nec verbis quibus se innocentem dicit, quia damnato iusto, innocens non erat.

25. *Et respondens vniversus populus dixit: sanguis eius super nos & super filios n. stros.*] Nos & filij nostri, si culpa est, poenam luemus. perseverat adhuc hæc imprecatio super Iudæos ait Chrys.

26. *Tunc dimisit illis Barabbam, Iesum autem flagellatum tradidit ut crucifigeretur.*] Ex spinis, funiculis, aut loris vel potius virgis more Romanorum, quorum legibus crucifigendus prius verberabatur. ex Hier.

27. *Tunc milites Præsidis suscipientes Iesum in prætorium, congregauerunt ad eum vniversam cohortem.*] Quasi dicat, sub idem tempus, paulò ante, factum enim est ante condemnationem

tionem ad crucem, vt in tribunal Prætoris quasi Rex irrisionis causa collocaretur, ideo corona illi imposita, purpura induitur, & pro sceptro arundo ei datur, & vniuersa cohors.

28. *Et exuentes eum chlamydem coccineam circūderunt ei.] Purpuream quæ erat Regum habitus 3. Esd. 3. Mach. 10. & 11. ex Hier.*

29. 30. 31. *Et plectentes coronam de spinis, posuerunt super caput eius, & arundinem in dextera eius: & genuflexo ante eum illudebant ei dicentes: Aue Rex Iudæorum, & expuentes in eum acceperunt arundinem & percutiebant caput eius: & postquam illuserunt ei, exuerunt eum chlamyde, & induerunt eum vestimentis eius, & duxerunt eum ut crucifigerent.] Hæc faciunt vt significant non verum sed ridiculum Regem esse. Ex Hier.*

32. *Exeuntes autem inuenerunt hominem Cyrenæum nomine Simonem: hunc angariauerunt ut tolleret crucem eius.] Quid sit angariare diximus c. 5. Ioannes 19. scribit Christum crucem suam baiulasse scilicet per totam urbem, in exitu vero urbis angariatus est Simon Cyrenæus siue Gentilis seu potius Iudæus vt cum eo vsque ad locum vbi crucifigendus erat portaret; quia & vigilia, & flagris adeo fatigatus erat, vt ultra portare non posset. Lucas ait mulieres secutas fuisse Christum, magnamque populi multitudinem quæ plangebāt & lamentabantur eum, quas vetat propter se flere, indicans se non vi sed sponte ire ad mortem. Iubet autem eas propter seipsas flere, quod ipsæ essent pœnas mortis suę luituræ, cuius causa Hierosolymitanum excidium immineret. Non quod illæ ipsæ forte calamitatem subituræ essent, sed quia tunc futuræ erant.*

33. *Et*

33. *Et venerunt in locum qui dicitur Golgotha, quod est Caluaria locus.*] Quod rotundus esset Cranium appellatū, quod ibi Adam primi hominis caput repertum esset vel potius quod ibi facinorosi homines decollarentur; ideoque humanis capitibus plenus esset, ex Hier.

34. *Et dederunt ei vinum bibere cum felle mīstum. Et cum gustasset, noluit bibere.*] Myrrhatum vinum Mar. 15. non felle infectum. Probabile vinum myrrhā, & felle simul fuisse permistum: sed constat fuisse diuersum: nam Matth. & Marc. non obscure significant antequam in crucem tolleretur myrrhatum illi vinum datū fuisse, quo crucis dolorem minus sentiret. Lucas vero & Ioannes non solum iam crucifixo, sed etiam extremum exhalanti spiritum, cum omnes iam cruciatus perpeffus esset, illum aliū potum porrectum fuisse tradūt: deinde Matth. & Marcus vinum fuisse dicunt: Lucas vero & Ioannes acetum, hoc spongia, illud vase, hoc petenti in cruce & dicenti *sizio*; illud non petenti datum, vt notat Baron. tom. 1. Marcus ait non accepisse, idest, non bibisse, gustasse tamen ne contemnere datum de more vinum videretur: vt autem ostenderet se ad ferendos crucis dolores eo medicamento non indigere, bibere noluisse, vt notat Aug. l. 3. de conf.

35. 36. *Postquam autem crucifixerunt eum, diuiserunt vestimenta eius, sortem mittentes, vt impleretur quod dictum est per Prophetam dicentem: Diuiserunt sibi vestimenta mea, & super vestem meam miserunt sortem: & sedentes, seruabāt eum.*] Lucas ait dum crucifigeretur pro crucifigentibus orasse *Pater dimitte illis, &c.* Ex Ioanne patet non omnes Christi vestes, sed solam tunicam

tunicam fortitione distributam, eam videlicet inconsutilem, quam à matre adhuc puero factam acceperat. Magna Christi abiectio, diuisio enim vestimentorum fit in vilibus, & nihil aliud habentibus, ex Chryl.

37. *Et imposuerunt super caput eius causam ipsius scriptam: Hic est Iesus Rex Iudaorum.*] In tabella tribus linguis magnis characteribus, vt à prætereuntibus legi possent. Credibile etiam est latronibus positum fuisse titulum. Ex Ruffin. l. i. hist. c. 7. ex alijs Euangelistis: *Hic est Iesus Nazarenus Rex Iudaorum*: vt ex illo ipso titulo quo Iudex declarare voluit merito damnasce; immerito damnasce declararet.

38. *Tunc crucifixi sunt cum eo duo latrones: vnus à dextris, & alter à sinistris.*] Vt impleretur Prophetia Isa. 53. & vt Pilatus iniquitatis suæ velamentum quæreretur; vt quemadmodum pœnæ, ita etiam culpæ similitudine Christus vna cum latronibus damnatus esse videretur. & vt ignominiosior esset mors, ex Hier. in medio autem crucifixus est; quia omnes ad se peccatores vocat; & vt doceret Ecclesiam mediū inter Hæreticos tenere: & omne humanum genus ad passionis Sacramentum vocari, ex Hil.

39. 40. 41. 42. *Prætereuntes autem blasphembant eum mouentes capita sua; & dicentes; Vah qui destruis templum Dei & in triduo illud reedificas: Salua te metipsum: Si filius Dei es, descende de cruce. Similiter & Principes sacerdotū illudentes cum scribis & senioribus dicebant: alios saluos fecit, seipsum non potest saluum facere.*] In signum irrisuionis, non commiserationis aut admirationis mouebant capita dicentes; si Messias

&

356 MANVALE IN EVANGELIUM
& filius Dei est, qualem se professus est, descen-
dat de cruce, &c.

43. *Confidit in Deum : liberet nunc si vult eum?*
dixit enim : quia filius Dei sum.] Hoc Davidis
testimonium proferunt contra seiplos, quasi
dicerent, liberet eum Deus quem amavit. Si
vult, idest si eum amat. Et sua irrisione verum
esse Christum, eum esse probant, dum Davidis
de illo Prophetiam implent. Quasi vero Pro-
phetae & iusti non fuerint, quos Deus à pericu-
lis non eripuit, ait Hier.

44. *Idipsum autem & latrones, qui crucifixi*
erant cum eo, improperabant.] Lucas vero unum
latronem hæc cōiugia iactasse dicit, sed Matth.
& Marc. plurali per syllepsim vsi sunt. vt Pl. 2.
Reges pro Herode, ad Heb. 11. obtrūcuerunt
ora leonum, de solo Daniele: & secti, de solo
Isaia. Lucas ait alium latronem respondisse, &
eum qui blasphemabat reprehendisse. *Neque*
tu times Deum? quasi dicat, non solum non
reuereris, sed ne quidem times Deum; vel non
solum homines, sed nec Deum times. Sensus
erit sic, non solum isti qui cum pœnæ nihil pa-
tiantur, nulla commiseratione pœnarum istius
hominis mouentur, quin potius metus Dei
obliti contumeliās in eum iaciunt, sed ne tu
quidem, qui cum eadem pœna afficiaris, non
conuitiari sed misereri debuisti, *Deum times;* sed
eius potius sicut ceteri timoris oblitus, afflicto
afflictionem addis: hoc est; *neque tu times Deum*
qui in eadem damnatione es; Fit enim compara-
tio inter latronis & Christi pœnam, non inter
alterum latronem aut Iudæos. Et hic sensus
recte cadit in hunc locum. *Et nos quidem iuste,*
hic vere nihil mali gessit, prudenter se cum altero
latrone

latrone connumerat, vt melior sit reprehensio. Et dicebat ad Iesum: *Domine memento mei dum veneris in regnum tuum*, non ad regnandum sed iam regnans, non ad acquirendum regnum, sed regno iam acquisito, & Regem & Deum confitetur, & resurrecturum indicat: credebat etiam post mortem peccata remitti, quod alibi quam in purgatorio fieri non potest. Aug. l. 6. cont. Iul. c. 5. videbat enim se paulo post moriturum esse, & orauit tamen Christum vt sui post mortem memor esset, idest, sibi peccata condonaret. Et dixit illi Iesus: *Amen dico tibi, hodie mecum eris in paradiso*. Quasi dicat, non solum tibi peccata remittam, sed optimo te loco collocabo, hoc est, in paradysum inducam, idque *mecum*, iuxta me; vbi ego ero, in Paradiso, idest, in cœlo, quia Christus quatenus est Deus, est vbique ex Cyril. Chrys. hom. 2. de cruce. Alij in loco Adæ vbi fuit terrestris Paradysus: vel potius in sinu Abrahamæ; quia in eum locum eodem die Christus descendurus erat. Ad hunc locum referuntur quæ scribit Ioan. 19. *Mulier ecce filius tuus*, non commendat illi discipulum, sed ipsam discipulo.

45. *A sexta autem hora tenebra factæ sunt super vniuersam terram vsque ad horam nonam.*] Marcus 15. *Erat hora tertia, & crucifixerunt eum;* vnde colligunt quidam cum tenebræ factæ sunt, Christum per tres iam horas in cruce pependisse. Ioannes videtur Marco contrarius, qui hora sexta à Pilato damnatum dicit: sed notandum vt diximus c. 20. Hebræos diem in duodecim horas quas Astronomi vsuales & inæquales vocant distribuisse: 12. rursus horas in 4. partes: sicut & horas noctis diuidebant in

in quatuor vigilias. Quatuor autē partes diei, quarum singulæ tribus constabant horis: quia proprio carebant nomine, à fine præcedentis diei nomen accipiebant. Itaque totum trium horarum spatium quod inter solis ortū & horam diei tertiam interiectum erat, ab hora tertia quæ vltima erat hora, tertia vocabatur. Cōsuetudo tamen inualuit vt horæ sequentes ex præcedentibus nomen acciperent, sicut nos postquam meridianæ signum datum est, vsque ad horam primam meridianam horam appellamus, cum non propriè meridiana, sed prima pomeridiana sit: nam meridiana ea est quæ ab vndecima inchoatūr, & duodecima finitur, itaque aliquando dicimus de spatio loquentes quod inter vndecimam est, esse horam vndecimam, aliquando esse duodecimam, nunc à principio, nunc à fine nomen accipientes. Eadem prorsus consuetudine Marcus & Ioannes locuti sunt. Nam quia Christus damnatus & crucifixus fuit eo temporis spatio quod est inter finem horæ tertiæ, quod idem sextæ initiū erat, & finem sextæ quod erat initium nonæ, Ioannes ex fine spatium illud appellās vocavit horam sextam. Marcus ex initio vocavit tertiam: vnde credendum est Christum post horam decimam & semis, si nostro more horas numeremus damnatū fuisse; vnde Ioannes ait: *quasi sexta hora* damnatum esse. Post vnā circiter horam nostram, idest hora vndecima & semis crucifixus est, quam Marcus horam tertiam appellat. itaque per dimidiatam horam crucifixio iam fuerat, cum tenebræ factæ sunt. qua dimidia horæ parte & vestimenta à militibus distributa, & conuitia à Iudæis in Christū iactata,

iaetata, & latroni paradifus promiffus. Vnde patet non per ſex horas, idelt, à nona matutina vſque ad tertiam pomeridianam in cruce viuum pependiſſe, non potuit enim plus quam quatuor horis pendere. Cum poſt horam vndecimam crucifixus fuerit, hora nona, idelt, tertia pomeridiana, aut paulo poſt expirauit. Exprimunt autem tres Euangeliftæ ſextam horam, idelt, meridianam quo maius miraculum appáreat: tunc cum maximè Sol vigeret tenebras fuiſſe factas, vt prædixerat Amos 8. c. Ex Mald. quales obſcurato plena Ecclypſi ſole fieri ſolent, non quales media nocte: nam neque Chriſti mater, neque Ioannes, neque milites diſceſſerunt: Quidam aiunt factas fuiſſe naturali ecclypſi ſolis vt Aug. & Orig. Alij non quidem naturali, ſed ſupra naturam, luna recedente retro & ad ſolis locum redeunte: alij per radiorum ſubtractionem, Solem obſcuratū fuiſſe putant. vt Hier. Alij per nubium denſarū oppoſitionem factas fuiſſe tenebras vt Exod. 10. ex Orig. Ad ſignificandum Iudæorum cæcitatem, vel in tanti ſcleris deteſtationem, vel ad declarandum iram diuinam ſic Ierem. 15. Ezech. 32. Ioel. 2. Amos 8. Vel ad expergefaciendos Iudæos vt miraculi magnitudine cōmoti Chriſtū agnoſcerent. Vel potius vt Chriſti diuinitatē teſtarentur. Matthæus ait ſuper vniuerſum orbem factas fuiſſe tenebras. Alij ſuper ſolam Iudæam vt Chriſti diuinitas & doctrina Iudæis teſtata eſſet. vt Orig.

46. *Et circa horam nonam clamauit Ieſus voce magna, dicens: Eli Eli lama Sabbathani.*] Idelt, circa tertiam pomeridianam noſtram. Exclamauiſe ſupra naturā moribundus, vt oſtenderet ſe

se viuere, & magna in morte sua esse mysteria, & omnes qui aderant Psalmi verba recognoscere; ex Chryl. & de quo ea scripta essent, credibilis est dixisse, Eli quam Eloï, vel Eloai: nam qui aderant, nutabant Eliam inuocare. Hæretici Christum de sua salute desperasse aiunt, cum dixit se à Deo derelictum. Quod ipso Christi morientis facto refutatur, dixit enim; *In manus tuas commendo Spiritum meum.* Luc. 23. Nec vero necesse erat, nec potuit omnes damnatorum pœnas experiri. Sed hoc non sua sed nostra, id est, omnium peccatorum persona protulit: vel dicendum Christum rāquam hominem hæc verba dixisse, pro seipso, sicut dixerat: *Pater si possibile est transeat à me calix iste.* quasi esset purus homo & se à Deo derelictum quereretur.

47. *Quidam autem illic stantes, & audientes, dicebant: Eliam vocat iste.*] Iudæi, plebs, non sacerdotes, vel docti sacerdotes, Scribæ, & Pharisei ex Hier. vel Romani milites qui Christo acetum porrexerant. Luc. 23.

48. *Et continuo currens unus ex eis acceptam spongiam impleuit aceto.*] De more ibi posito; quia hominibus crucifixis aut cruci affigendis dari solebat, ut citius morerentur, vel potius ut recrearentur qui exanimarentur metu mortis, quibus acetum hyssopum aceto mixtum porrigebatur, ex Baron.

49. *Ceteri autem dicebant: finite videamus an veniat Elias.*] Marcus, non ceteros sed eum qui acetum daturus accurrerat, acetum ei dedisse ait: ne antequā veniret Elias moreretur, quem venturum sperabant ante Christi aduentum.

50. *Iesus autem iterum clamans voce magna, emisit Spiritum.*] Quia iam ante voce magna clamauerat, vt ostenderet se non timide, sed confidenter mori, non ex infirmitate sed ex voluntate sua, vel vt Patri se esse concordem declararet; & quousque se propter peccata demississet. Vel potius vt suam diuinitatem patefaceret, vt qui supra humanam naturam in ipso extremo spiritu tam magna voce clamaret, plus quam homo crederetur. Lucas expressit quid clamans dixerit: *Pater in manus tuas commendo spiritum meum*: ne derelinquat in inferno animam, quod descensura erat; & ne det sanctum videre corruptionem; vel vt ait Mald. commendat tanquam qui confidat amico iter facturum quod domui suæ charissimum haberet. Prius voce clamauit, deinde caput inclinauit, & postea dixit; *consummatum est*, & denique *tradidit Spiritum*: quasi diceret, nihil mihi iam patiendum superest, tempus est vt animam ponam, ex Hier. Vnde ex hoc nihil habent hæretici ad tollendum Eucharistiæ sacrificium, vel bonorum operum satisfactionem, quamuis demus significari voluisse, se impleuisse omnes Prophetias, omnia veteris legis sacrificia.

51. *Et ecce velum templi scissum est in duas partes à summo vsque deorsum; & terra mota est, & petra scissa sunt.*] Simul atque Spiritum emisit, Lucas per anticipationem iunxit cum tenebris veli scissionem, ex Aug. l. 3. de cons. quia nos ablato velo, reuelata facie contem- plamur, ex Orig. 2. Cor. 3. Alij synagogæ abrogationem, ex Aug. Alij velum quasi vestem fuisse templi, & vt Iudæi in luctu vestem scinde-
Q bant,

362 MANVALE IN EVANGELIUM

bant, ita templum moriente Christo vestem suam discidisse, vt Eutym. Alij Iudaici populi in diuersas partes diuisionem, vt Hil. Alij pro- palatam esse sanctorum viam, Heb. 9. Origenes ait in sola Iudæa factum terræ motum, alij etiam in Thracia vndecim vrbes corruisse: quo declarabatur Christi diuinitas, & ita quæ Iu- dæis imminēbat. vt Ioel. 3.

52. *Et monumenta aperta sunt: & multa cor- pora sanctorum, qui dormierant, surrexerunt.*] Vi- uente adhuc Christo, vt putat Chrys. Theo- phylactus, statim post mortem. Alij melius post Christi resurrectionem. Qui autem tunc cum Christo resurrexerunt, mortuos fuisse iterum putat Theoph. alij melius non iterum mor- tuos sed in cælum euectos fuisse.

53. *Exeuntes de monumentis post resurrectionem eius, venerunt in sanctam ciuitatem, & apparue- runt multis.*] Hierusalem sanctam vocant pro- pter templum, & sanctum sanctorum. ex Hier. Apparent multis nō omnibus sed quibus oportebat Christi resurrectionem confirmare; vt Christus solis Apostolis & tantum alijs fide- libus visus est, quia non generalis erat resurre- ctio: ait Hier.

54. *Centurio autem, & qui cum eo erant, cu- stodientes Iesum, viso terra motu & his qua fie- bant, timuerunt valde, dicentes verè filius Dei erat iste.*] Marcus ait validū Christi morientis cla- morem, & factas in vniuersa regione tenebras &c. Centurionem mouisse, vt glorificaret Deū, id est, veritatem confiteretur, Christum esse De- filiū. Et vt Lucas ait, verè hic homo iustus erat & verosimile est vtrumque dixisse, & iustū pr- Dei filio posuisse. Ex Aug. l. 3. de cons. c. 20.

55. ERAM

55. *Erant autem ibi mulieres multa à longè, quæ secuta erant Iesum à Galilæa, ministrantes ei.] Seruientes ei, & de facultatibus necessaria sup-
peditantes. Mos enim erat Iudæis, vt mulieres victum & vestitum præceptoribus ministra-
rent, quod ne scandalum faceret, Paulus ab-
iecit vt notat Hier,*

56. *Inter quas erat Maria Magdalena, & Maria Iacobi & Ioseph mater, & mater filiorum Zebedæi.] Lucas ait, stabant autem omnes noti eius à longè, quod de mulieribus, & alijs qui ibi erant, non de discipulis intelligendum, qui fugerunt, neque de Ioanne & Christi ma-
tre, quæ stabat iuxta crucem, seruientes ei, & de facultatibus necessaria sup-
peditantes, sic-
que mulieres mortis & sepulturæ Christi te-
stimonium dederunt: Apostoli Resurrectionis. Ioseph mater erat soror matris Domini c. 12. Et mater filiorum Zebedæi quæ Salome vocaba-
tur, Matth. 4. Ad hunc locum referenda sunt, quæ Ioannes à cæteris Euangelistis præter-
missa exponit. Iudæi ergo quoniam Parasceue erat vt non remanerent in cruce corpora Sabato, erat enim magnus dies ille Sabbati, rogauerunt Pi-
latum, vt frangerentur eorum crura, & tollerentur. Die Parasceue & de magno illo die dixi-
mus c. 26. Innocentem occidere non ducunt religioni, ducunt vero mortuum in cruce relin-
quere. Addit Ioannes: Venerunt ergo milites & pri-
mi quidem fregerunt crura, & alterius qui crucifixus est cum eo. Ex quo colligitur morem fuisse vt crucifixis, quo citius morerentur aliquando frangerentur crura: sed vnus militum lancea latus eius aperuit, & continuo exiit sanguis & aqua; ideoque cum videt se viuo illudere non posse,*

Q. 2

illudit

illudit mortuo : quod diuino consilio factum est, vt inde sanguis & aqua emanaret, nostræ salutis symbolum, quibus duo præcipua Sacramenta significat, ex Cyril.

57. *Cum autem sero factum esset, venit quidam homo diues ab Arimathæa, qui & ipse discipulus erat Iesu, nomine Ioseph.*] Cum iam dies ad vespertum inclinata esset, quia si vespere fuisset nō licuisset hominibus iustis Christū de cruce deponere, & sepelire : quia Sabbatum etiā à vespere incipiebat : dicitur *diues*, quia huiusmodi homines apud Præsides & Iudices gratiosi esse solent, ex Aug. l. 3. de conf. c. 12. Lucas addit nō consensisse consilio, & actibus Iudæorum, de capiendo, & crucifigendo Christo. ex Hier.

58. *Hic accessit ad Pilatum, & petijt corpus Iesu : Tunc Pilatus iussit reddi corpus.*] Antequam Sabbatum veniret, Marcus ait miratum fuisse Pilatum, cum audiret tam cito mortuum esse Christum, & petiuisse à centurione num verè mortuus esset, vt de eius morte postea testis esset, ne quis postea diceret, non vere surrexisse, qui vere non fuisset mortuus ; sed viuus adhuc de cruce sublatus, & in sepulchrum inclusus.

59. 60. *Et accepto corpore, inuoluit illud in sindone munda. Et posuit in monumento suo nouo, quod exciderat in petra.*] Hoc ad sepulturæ Christi honorē facit, nō enim solent in huiusmodi sepulchris, nisi magni viri & nobiles sepeliri. Ioānes addit Iosephum aromatibus etiam Christi corpus condijsse, sicut mos est Iudæis sepelire, quia primarij viri ita sepeliebantur, ex Hier. & Orig.

61. *Erat autem ibi Maria Magdalene, & altera Maria, sedentes contra sepulchrum*] Mater Iacobi & Iose ; quæ obseruabant vbi Christi corpus

corpus poneretur , vt elapso die Sabbati redirent, & illud vngerent cum aromatibus.

62. *Altera autem die, quæ est post Parasceuen: conuenerunt Principes sacerdotum & Pharisei ad Pilatum.*] Id est, die Sabbati quo eo anno Iudæi Pascha etiam celebrabant. Iniqua ipsa malitia, quia quem ad mortem perduxit necdum tamen quiescit, etiam post mortem virus exercet, ait Hier. Nam sibi magis metuentes, solliciti sunt, quo modo & Resurrectionis eius gloriam supprimant, Deo sic volente in suam & Christi sui gloriam, & Iudæorum confusionem.

63. *Dicentes: Domine, recordati sumus, quia seductor ille dixit adhuc vivens: post tres dies resurgam.*] Impostorem, deceptorem vocant pro venenato suo in illum odio: Non sufficit scelus mortis nisi post mortem famam eius lacerent, ait Hier. Intra tres dies. dixerat enim se tertia die resurrecturum non autem post tres dies.

64. *Iube ergo custodiri sepulchrum vsque in diem tertium: ne forte veniant discipuli eius, & furentur eum, & dicant plebi: surrexit à mortuis: & erit nouissimus error peior priore.*] *Vsque*, non significat initium sed finem tertij diei; quasi dicat: iube custodiri sepulchrum donec elapsus sit tertius dies, ne furentur eum nocte, & erit error nouissimus, si discipuli populo persuadeant eum resurrexisse, peior priore; quod Christus esset filius Dei, quia in posteriore, prior continetur.

65. *Ait illis Pilatus: Habetis custodiam; ite custodite sicut scitis.*] Habete, accipite, quasi dicat, quicquid militum habeo, in vestra est potestate; non enim loquitur de Iudæis militibus qui templum custodiebant, cum dixit; *habetis custodiam.* Quid enim opus fuisset, vt post resur-

366 MANVALE IN EVANGELIUM

rectionem copiosam pecuniam pollicerentur. Principes sacerdotum militibus? Matt. 28. ut mentirentur Christi discipulos dormientibus se venisse, ac de sepulchro sustulisse corpus: sponte enim sua mentiti fuissent.

66. *Illi autem abeuntes, munierunt sepulchrum, signantes lapidem, cum custodibus.*] Quanta stultitia, & infidelitas signare sepulchrū eius quem viderant mortuum de sepulchro suscitasse, ait Hil. dupliciter munierunt: Nam & adhibuerūt circa sepulchrum militum custodiam, & lapidem, qui claudebat os sepulchri, obsignauerūt, & sigillauerunt: ne quid fraudis esse posset vel in custodibus: ita dum resurrecturo conantur exitum occludere, miraculum, & fidem resurrectionis auxerunt. ex Hilar.

C A P V T XXVIII.

Resurrectio nuntiatur ab Angelo.

1. **V** *Esperere autem Sabbati qua lucefcit in prima Sabbati, venit Maria Magdalene & altera Maria videre sepulchrum.*] Quoniam de accessu mulierū ad sepulchrū diuersimode loquuntur Euangelistæ, quidam bis ut Hier. quidā quater venisse putant. Matthæus mane cum adhuc tenebra essent: ut Ioannes profundo adhuc diluculo seu valde diluculo. ut Lucas orto iam sole, ut Marcus: Alij alias putant fuisse mulieres, & duas fecerunt Magdalenas quarum altera vespere, altera mane venerit ut Amb. Verum vnam tantum fuisse Magdalenam patet, cum nihil ad eam distinguendam ab altera apponatur. Alij dicunt & easdem fuisse mulieres, & semel tantum ad sepulchrū venisse, ea saltem nocte quæ
Sab

Sabbatū sequuta est. Vespere venire cœpisse peruenisse; veniebāt autem vespere, quia ad venumdum se parabant, aromata comparantes ita Beda. Alij vesperam totā noctem à Matthæo appellatam dicunt, verum cum vesperam Sabbati vocat nō vespertinū tempus, quod inter diem & noctem est, sed totā noctem Heb. more intelligit cuius extrema parte, id est maneam lucente mulieres ad sepulchrum venerunt. nam nō dixit ἡσπέρα ἢ σαββάτω, vespera autem Sabbati, sed ὁψὲ ἢ σαββάτω, id est fero Sabbatorū, aut tarde Sabbatorū, si ita dicere licet. ut notat Greg. Naz. id est multo ante transacto Sabbato. ut 1. Reg. 20. vesperum diei tertiæ sequentē noctem appellat, & Exod. 12. Levit. 23. Num. 9. vnde patet cōsensus inter Euangelistas: nō enim vespertinū simul & matutinū tēpus sed solum matutinū intellexit: dixit autem *qua lucebat* cum tamen nox esset; quia Heb. lucescere tēpus dicitur cū incipit, translata ex die significatione, quia tunc incipit dies esse cum incipit illucescere, id est appetere, appropinquare. Luc. 23: *in prima sabbati* Græce in primam, in vnam Sabbatorū. Sabbatū autem significat vel totam hebdomadā, vel diem septimū. Prima vero Sabbati est primus dies hebdomadæ seu nostra Dominica. quæ & quia in ea creatus & postea redemptus resurgente Christo fuit mundus, loco Sabbati Iudæorum cæpta fuit celebrari. Quo modo autē Euangelistæ conueniant in descriptione tēporis quo mulieres venerūt ad sepulchrū, sunt qui Marci locū corrigunt *orto iam sole* addita negatione *ὅτι* nondū orto sole sed sequēda cōmunis interpretatio ut mulieres *valde mane*, ut ait Marcus: *Et cū adhuc tenebra essent,*

vt ait Ioannes domo egressæ fuerint; orto vero iam sole ad monumētum peruenerint: nam etsi nō magno ab vrbe distabat spatio, tamē mulieribus latis magnū erat vt cum adhuc tenebræ essent egressæ domo, non nisi iam oriente sole ad sepulchrum peruenerint, ex Mald. *Altera Maria* est vxor Cleophæ mater Iacobi Minoris & Iose vt c. 27. Nominat etiam Marcus *Salomem*, quæ mater erat filiorum Zebedæi Luc. 27. multo etiam plures; vnde quidam, vt Greg. Nis. Orat. 2. de Resur colligunt Christi matrē iuisse ad sepulchrum, quod tamen Euangelistæ non tacuissent, sed primo loco nominassent. Ioānes causam non refert: ex quo quidam inferunt bis venisse vt sepulchrum viderent: quod Matthæus: & vt vngerent quod Marcus: seu portantes aromata, quod Lucas ait. sic Hier.

2. *Et ecce terra motus factus est magnus. Angelus enim Domini descendit de cœlo. Et accedens reuoluit lapidem, & sedebat super eum.*] Terræ motus fuit ad declarandū potentiam resurgentis, vt c. 27. & Ps. 113. Dei præsentiam; Et vt ad Angeli è cœlis descensum magis attenti fierent custodes, & mulieres, & cogerētur esse testes, ex Chrys. Angelus autem descendit vt lapidem è monumento reuolueret, & vt ostenderet Deum illic fuisse sepultū, ex Chrys. & vt mulieres monerēt Apostolos citissimè Christum surrexisse, nō vero vt egressuro Domino ianuam aperiret vt volunt hæretici, sed vt egressus eius iam facti præstaret indicium & aditum in sepulchrum mulieribus aperiret. Quæ autē hora surrexerit, nemo scire potuit ait Hieron. fingūt Calvinistę cessisse lapidem ad modum mollis materiæ, ne Christi corpus in Eucharistia esse posse concedere

cedere cogantur. Sedebat quasi aduentum mulierum expectans: & indicans se esse qui lapidem reuoluisset, sedebat enim super opus suum.

3. *Erat autem aspectus eius sicut fulgur, & vestimentum eius sicut nix.*] Lucas Ecce duo viri steterunt secus illas in veste fulgenti. Ioannes & vidit duos Angelos in albis sedentes, vnum ad caput & vnum ad pedes ubi positum fuerat corpus. Quia resurrectionis fidem faciebant decebat vt ea specie venirent, vt nemo eos Angelos esse dubitare posset, & vt resurgentis gloriam & gaudium demonstrarent. Quod autem Matth. & Marc. vnum, Lucas & Ioan. duos fuisse dicant sanctus Augustinus bis mulieres, non quidem vespere & mane, sed orto iam die ad sepulchrū venisse ait cum primum venerūt vidisse vnum, cum secundo, vidisse duos. Alij primum quidem antequam in sepulchrum ingrederentur, vnum vidisse, deinde in sepulchrū ingressas aut vnum alterum vt indicat Marcus aut duos vt Lucas & Ioannes vidisse intus: sed duos in monumento fuisse lapides ait Mald. alterum foris quo totius monumenti ostium claudebatur; alterum intus quo claudebatur sepulchrum & virūque ab Angelo fuisse reuolutum, primum vt mulieres ingredi possent, secundum vt vacuum sepulchrum viderent. Angelus ergo non super primum sed super secundum sedebat: si enim super primum sedisset, primo aspectu mulieres terruisset; neque ausæ fuissent in monumentū introire. Et conueniebat non super primum sed super secundum sedere lapidē, & vt ostenderet se ideo lapidem sepulchri amouisse, vt mulieres vacuū sepulchrū videre possent: & vt ipso quasi digito locum ubi

Q

5

Christus

370 MANVALE IN EVANGELIVM

Christus positus fuerat vacuum demonstraret. Cum ergo Matthæus dicit Angelum remouisse lapidem, vtrumque lapidem intelligit: cum dicit sedisse super eum, secundum intelligit, qui intra monumentum erat: nam cum super vtrūque sedere nō posset, necesse est aut super primum, aut super secundum sederit. Matth. super primum sedisse non dicit. Mar. Luc. & Ioan. super secundum sedisse manifeste dicunt, cum dicant sedisse intus: ergo & Matth. cum dicit sedisse super eum, secundum lapidem intelligit, vnde sequitur etiam secundum Matth. Angelum non foris sed intus à mulieribus visū esse. ideoque cum dixit: *Venite, videte locum* non ad ingrediendum sed ad veniendum, id est ad accedendum & videndum sepulchrum inuitasse: nō enim dicite introite, sed *venite*, iā enim erant intra monumentum vt Mar. & Luc. aiunt. Cū enim ad monumentum venissent, & præter opinionem primum lapidē de quo erāt in via sollicitæ remorum inuenissent, audacter ingressæ sunt, cum intus essent, & Angelum super sepulchri lapidē sedētem vidissent, obstupefactæ restiterūt non audētes ad sepulchrum accedere. Angelus enim primum iubet timorē ponere: *nolite timere*, deinde inuitat ad accedendum & videndum sepulchrū. ex quibus colligit Mald. duos fuisse Angelos sed vnum tantum loquutum fuisse. obstat quod Ioan. ait dixisse Angelos Magdalenæ *mulier quid ploras* sed Syllepsis est vt c. 27. Quod autē Mat. Mar. & Ioan. sedisse Angelos, Luc. vero steterisse dicant. Respōdetur standi verbū Latine & Græce non semper rectū corporis habitum, sed solam aliquando præsentiam, vel quietem significare vt c. 16. Mar. 11. Luc. 7. & 18. & Ioan. 1.

Quæres.

Quæres cur Ioan. solam Magdalenam Angelos vidisse dicat, cum cæteri Euāgelistæ plures dicant, quæ viderunt fuisse mulieres, & cur solam Magdalenam ad monumentum venisse dicat, cum cæteri plures mulieres venisse dixerint? non fuit Euangelistis intentum omnia penitus recensere: plures iuxta crucem erant mulieres & multi viri Luc. 23. Matth. tres tantum nominauit quæ cæteris erant notiores & diligentiores: Ita Ioannes solam Magdalenam ad monumentum venisse ait, quia primas eius officij partes agebat. Quæres etiam quomodo Ioānes scribit Magdalena cum primū ad sepulchrum venisset lapidem reuolutum inuenisse, angelū vero non vidisse nisi postquam viderat & discipulis Christi resurrectionē annunciauerat, cum Mat. Mar. & Luc. non solum cū primū venerunt vidisse Angelum, sed ab eo etiam iussas fuisse ire & discipulis annunciare, dicant. Respondeatur Ioanuent non seruasse rerum gestarum ordinem sed quæ simul gesta fuerunt, non simul, sed alia prius, alia posterius retulisse: simul & Magdalena venerat, & Angelos prius venisse, & lapidem vidisse reuolutum, post Angelos vidisse narrat: prudenter nolēs illis Angelorū, & Domini visionem exponere, sed ita narrare factum quasi sublatū solū de sepulchro Christum putaret, ut & eos ad visendū sepulchrū, & ad quærendum Christum magis accēderet, credēs fore ut si ad monumētum irēt, & Angelos sicut ipsa, & Christū viderēt, nec suo illis testimonio iam opus esset. Quid si propterea Petro & Ioanni se Angelos & Dominū vidisse nō dixit quod illi simul atque primum audierunt verbum, non expectatis pluribus ad sepulchrum cucurrerunt.

Q 6.

runt.

runt : sunt qui aiunt ideo nihil de visione dixisse, quod se delusam esse crediderit, nec veros fuisse Angelos; propterea non dixisse Christum resurrexisse, sed *iulerunt Dominum meum & nescimus ubi posuerunt eum.* Sic Gregor. Nis.

4. *Præ timore autem eius exterriti sunt custodes & facti sunt velut mortui.*] Eius idest Angeli & terræ motus, exterriti videntes primū ab ostio lapidem reuolutum & intrus Christi corpus non esse in sepulchro antequam mulieres accessissent sed solos Angelos sedentes. Exanimæ autem facti sunt custodes non tam humano quam diuino timore, ne immisso fulmine, aut dehiscente terra absorberentur, vt qui Iudæorum sceleri operam præstitissent. Timuerunt etiam mulieres viso Angelo Mar. 16. & Luc. 24. sed verecundo timore vt Daniel. 10. & Zacharias Luc. 1. Maria Virgo Luc. 1. ex Hieron.

5. *Respondens autem Angelus, dixit mulieribus, nolite timere vos, scio enim quod Iesum qui crucifixus est, queritis.*] Respondens, idest loqui exorsus. vt c. 11. & 22. quasi dicat timeant custodes ne pœnas dent qui malo hoc animo quasi Christi resurrectionem impedituri venerunt, non vos quæ venistis vt pietatis officium exhibeatis sic Cyr. carec. 14. & Chry. Lucas alia Angelorum verba recenset: *quid queritis viuentem cum mortuis.* Ioannes vero. *Mulier quid ploras.* Omnia dixisse Angelos putandum est : & primum mulieres cœpisse plorare cum sepulchri ostium apertum vidissent, existimantes Christi corpus sublatum fuisse Ioann. 20. *Maria autem stabat foris plorans, vnā nominans, omnes intelligens.* Mox plorantes in monumentum ingressas esse, & Angelos illis dixisse: *quid ploratis?*
Et

Et de sola Magdalena loquens, ait Ioannes Magdalenam vnam pro omnibus respondisse: *Quia tulerunt Dominum meum*, tunc subiecisse Angelum qui pro se, & pro altero loquebatur: *Nolite timere vos; scio enim, quia Iesum qui crucifixus est queritis, viuentem cum mortuis*, quasi amicis verbis earum incredulitatem reprehendat. Si enim Christi verbis quibus adhuc viuēs resurrecturum tertia die dixerat fidem habuissent, non quærerent viuentem cum mortuis, sed eum viuere pro certo habuissent. Tandem adiecisse *Non est hic, surrexit*, easque iussisse ad Apostolos ire & Christi resurrectionem illis annunciare.

6. *Non est hic; surrexit enim sicut dixit: venite & videte locum ubi positus erat Dominus.*] Quasi dicat; ideo non est hic non quod translatus, vt vos putatis aut furto sublatus, sed quia surrexit. Addit *sicut dixit* confirmans ex Christi verbis Resurrectionem ipsius & earum incredulitatem tacite notans; ipsoque visu & experientia nititur iam fidem facere. Quidam media nocte: alij sub auroram circiter galli cantum surrexisse dixerunt. certū est quod Greg. Niss. & Hier. neminem mortalium scire posse qua hora Christus surrexerit, qui vt voluit, & quādo voluit surrexit. in re tamen dubia putandum est sub auroram surrexisse paulo ante Angelorum descensum & terræ motum.

7. *Et cito euntes dicite discipulis eius, quia surrexit: & ecce præcedet vos in Galilaam, ibi eum videbitis: ecce prædixi vobis.*] Marcus addit, & Petro, ne propter negationem exclusus ab eo beneficio videretur, cito ire iubet vt recreentur, & vt nutans eorum fides sustineatur. Ex
Greg.

Greg. Hom. 21. in Euang. quasi dicat quantumcumque festinetis, præcedet vos in Galilæam; sciebat enim momento temporis huc, illuc volitare. Ignorabat ut videtur Angelus quod paulo post futurum erat Christum se mulieribus in urbem redeuntibus ostensurum esse; ideo autem in Galilæa discipulis apparere voluit potius quam in Iudæa, ut liberius cum illis agere eosque docere posset. Ex Chrysost. In Iudæa enim sacerdotum & Phariseorum metus impedire poterat discipulos. Alij quia ibi plures discipulos fecisset quos volebat eadem opera confirmare: vel ut Galilæam viriorum sentinam sua præsentia illustraret. Ex Hier. Non statim vero eo contendit quia vidit cunctantes adhuc Apostolos, nisi prius se illis ut eorum fidem firmaret, Hierosolymæ ostenderet, sicque non eorum fidem fefellit sed superavit. Ex Greg. Niss. & ut credant non phantasma non spiritum sed ipsummet Christum esse, cum experti fuerint Angelum vera prædixisse, ideoque non potuisse nisi divinitus locutum esse subdit, *Ecce prædixi vobis.*

8. *Et exierunt cito de monumento cum timore & gaudio magno currentes nuntiare discipulis eius.*] Timor enim & gaudium festinare cogit: timebant quia angelos viderant, gaudebant, quia audierant eum resurrexisse. Ex Hieronym. Marcus addit, & nemini quicquam dixerunt, intelligendum est in via mutas fuisse, ut neque iis qui occurrebant neque ipsæ inter sese quicquam dicerent: nam constat Apostolis dixisse se in monumento vidisse Angelos. Luc. 24.

9. *Et ecce Iesus occurrit illis dicens: Anece, illæ.*

SECUNDVM MATT. CAP. XXVIII. 375

illa autem accesserunt & tenuerunt pedes eius, & adorauerunt eum.] Marcus videtur dissentire cum ait: *Surgens autem Iesus mane prima sabbati apparuit primo Maria Magdalena.* Quasi nec aliis tunc mulieribus apparuerit, nec Magdalena, ipsi ad discipulos eunti sed alias. Verum cum sibi proposuisset, dicere Christum mulieribus apparuisse, omissis omnibus circumstantiis dixit eadem die surrexisse Christum non de resurrectione loquens, sed de resurrectione, quasi prius sedisset & Magdalena apparuisset. Quod autem solam Magdalenam nominat, aut ideo fecit quod soli Magdalena prius apparuerit, aut quod cum omnibus simul mulieribus apparuerit, tamen cum sola prius Magdalena locutus fuerit. Ex verbis Ioannis obscurioribus sunt qui colligunt bis se Christum mulieribus demonstrasse, primo soli Magdalena adhuc iuxta sepulchrum haerenti & retro respicienti: deinde omnibus mulieribus quae ad sepulchrum venerant, ut discipulis nuntiarent redeuntibus: nam cum omnes in monumento essent, digressis ut abirent aliis, Magdalenam adhuc plorantem iuxta sepulchrum restitisse, cumque respexisset retro, vidisse Christum, ab eo interrogatam quid ploraret aut quid quæreretur, hortulanum ratam respondisse *Domine si tu sustulisti eum, dicito mihi: ego eum tollam.* Christum respondisse *Maria, &c.* quae Ioannes refert, mox Magdalenam profectam inde, ceteras quae praebant mulieres curriculo consecutam, cumque vna cum illis pergeret, Christum illis iterum simul euntibus apparuisse. ut hic Matth. ait. Alij duas sed aliter factas apparitiones putant, prius enim Magdalenam

Magdalenam solam ad monumentum venisse, atque tunc illi ut ait Ioannes visum fuisse Christum: deinde una cum cæteris mulieribus ad monumentum vidisse, & inde rursus ad Apostolos cum reuerterentur Christum illis in via occurrisset ut ait Matth. Maldonatus autem non putat Magdalenam bis ad monumentum venisse, aut bis illi Christum apparuisse, cum Matthæus apertè significet omnes simul mulieres ad sepulchrū venisse, & omnes simul rediisse; & omnibus simul redeuntibus, Christum occurrisset. Nam quod Marcus ait visum fuisse prius Magdalenzæ, id quidem verum non prius quam cæteris mulieribus, sed prius quam Apostolis: nam & matri suæ prius apparuisse pie creditur. Quod autem Ioannes ait Magdalenam stantem atque plorantem conuersam vidisse Christum, sic intelligi potest ut conuersam dicat non respicientem sed redeuntem. Quod autem Christum illam interrogasse ait: *quid ploras?* putandum est etiam cum reuerterentur omnes, maximèque Magdalenam plorauisse, quia affirmanti Angelo Christum surrexisse non satis credidit: nam postquam id affirmavit adhuc plorat, adhuc dicit *Domine si tu sustulisti eum, dicito mihi*: adhuc dicit Apostolis, *tulerunt Dominum de monumento*. Auete id est gaudete, pax vobis, quasi dicat bono estote animo, non aduersarius, sed amicus vobis venio. Ioannes ait Magdalenam Christi pedes non tetigisse prohibitā a Christo. Quod si eadē fuit visio, dicendū Christū dixisse *noli me tangere* atqui forte cum hæc diceret iam tetigisse & forte Christo etiam prohibente tetigisse; adeo importunus amor! At sola dicitur

dicatur Magdalena prohibita, verum quia de ea sola loquebatur; non quod non alia etiam sint prohibita tangere; omnes ergo prohiberi, & omnes tangere potuerunt: & quia hoc erat genus reuerentia, praesertim mulierum erga viros pedes tangere credibile est omnes praestitisse. vt Exod. 4. de Sephora. & 4. Reg 4. de Sunamitide. Alia tangendi ratio fuit vt experirentur, an verus esset Christus, an Spiritus aliquis: cur ergo Christus aut omnes aut solam prohibuit Magdalenam ne se tangeret. Rationem reddit ipse Christus: *Nondum enim ascendi ad Patrem*, quasi dicat, tunc ibi me tanges. Alij non omnino se tangi Christum prohibuisse putant; sed dumtaxat eo modo, quo ante mortem familiariter versabatur quasi hominem: sed more Spiritus, qui nec videtur nec tangitur, sed aliquando apparet, aliquando abit, sic Iustin. Alij prohibitam, quia indigna erat quae de eius resurrectione testante Angelo dubitabat & viuentem cum mortuis adhuc querebat vt Chrysost. & Hier. Alij mysterio factum vt Aug. per Magdalenam Gentium Ecclesiam significari quae non ante credidit quod esset Christum tangere, quam ad Petrum ascendisset. Male Calvinus hanc Magdalenae pietatem stultum feruorem vocat. Sunt qui dicunt ita Christum tangere voluisse, quasi amplius eum non esset visura; ad hunc eius sensum Christus respondit, *Noli me tangere: nondum enim ascendi ad Patrem*, quasi dicat satis habebis temporis vt me saepe tangas antequam ad Patrem ascendam: nunc *noli me tangere*, noli ad pedes meos haerere: *sed cito abi ad fratres meos, & dic vt eant in Galilaam vbi me vide*

videbunt. Quæres cur prius à mulieribus quam à viris visus est Christus: ratio est quia prius quæsiuerant. An autem plus habuerint studij & pietatis quam Apostoli, aliorum sit iudiciū. Alia ratio redditur: quia ungere mortuos sicut lauare & inuoluere, non tam virorum quam mulierum erat officium. Et quia testes fuerant & mortis & sepulturæ, decebat ut essent & Resurrectionis. Ex Mald. & quia facilius erant credituræ quam Apostoli, voluit Christus eos, per eas paulatim præparare ad credendum.

10. *Tunc ait illis Iesus: nolite timere; ite, nuntiate fratribus meis, ut eant in Galileam, ibi me videbunt.*] Forte putabant esse phantasma, donec propius recognoscerent, & loquentem audirent: ideo ait illis: *nolite timere*, quasi dicat illi timeant in quibus permanet incredulitas ait Hier. Et iubet idem facere quod Angeli ut veram fuisse confirmet Angelorum visionē. Discipulos vocat *fratres* quia filij Dei erāt adoptiui Heb. 2. Psal 21. & c. 12. Et ut blanda appellatione deiectos animo attolleret, & inuitaret ad se visendum. sciebat Christus solo mulierum testimonio non ituros in Galileam, sed quod fieri oportere sciebat, fieri iubet.

11. *Quæ cum abiissent, ecce quidam de custodibus venerunt in ciuitatem, & nuntiauerūt principibus Sacerdotum omnia quæ facta fuerant.*] Quomodo in terræ motu Angelus è cælo descenderit lapidemque obsignatum reuoluerit, ac mulieribus ostenderit vacuum sepulchrum dicens Iesum Christum surrexisse: in quo testimonium alterum ab inimicis redditum est. Non omnes autem venerunt, aut quod cæteri
animo

animo essent perterriti & quasi male functi officij pœnas daturi fugerint, vel delituerint, aut quod non ausi id Sacerdotibus nūtiare, nō credituris quasi Christi corpus discipulis vendidissent, aut quod qui ad Sacerdotes venerāt, omnium nomine venerint: Non enim illis tantum qui venerant sed illis etiam qui non venerant ut mentirentur pecunia data est: venerunt autem non spe accipiendæ pecuniæ à Sacerdotibus, sed ut officij sui rationē redderent.

12.13. *Et congregati cum senioribus consilio accepto pecuniam copiosam dederunt militibus dicentes: dicite quia discipuli eius nocte venerunt, & furati sunt eum nobis dormientibus.*] Hic iam videre est inexcusabilem eorum peruersitatem: cum enim custodum testimonium plane esset irrefragabile, non tamen ab eo sunt superati sed pro sua contra Christum inuidia & proprii nominis gloria veritatē contra suam cōscientiam non solum occultare, sed etiam pervertere; idque cum magno pecuniarum dispendio & omnis periculi in se susceptione studuerunt: Et cuius vitam pecunia emerunt sibi tradendam, eius quoque Resurrectionem pecunia emerunt silendam & peruertendam.

14. *Et si hoc auditum fuerit à Praside, nos suadebimus ei, & securos vos faciemus.*] Apud Præsidem Pilatum, poterant milites merito à Præsidente timere, ne ab illo tanquam negligentes, aut præuaricatores punirentur. contra hoc periculum suam illis Sacerdotes vicissim mentiendi operam pollicentur.

15. *At illi accepta pecunia fecerunt sicut erāt edocti: Et divulgatum est verbum istud apud Iudeos, usque in hodiernum diem.*] Scilicet Christum

stum à discipulis furto fuisse sublatum, vel milites data à Sacerdotibus pecunia corruptos dixisse & diuulgasse, se dormientibus discipulos furatos fuisse corpus.

16 *Vndecim autem discipuli abierunt in Galilæam in montem ubi constituerat illis Iesus.*] Iam enim Iudas laqueo se suffocauerat, neque ausus fuerat ad Apostolorum redire consortium. Multa hic Matthæus prætermittit quæ Hierosolymis facta illic cōmorantibus Apostolis per octo dies. 1. Matri suæ apparuisse credendum est. 2. eodē die quo surrexit Mariæ Magdalene vel soli vel vna cū aliis mulieribus. 3. omnibus mulieribus quæ ad monumentū venerāt, simul redeuntibus apparuit, 4. Petro vel soli vel etiam Ioanni cum ē sepulchro eodem die rediissent. Luc. 24. 5. duobus discipulis euntibus Emauntem. Luc. 6. Eodem die decem discipulis sub vesperam abeunte Thoma. Ioan. 20. 7. octo post dies, vndecim simul præsentē iam Thoma. 8. septem discipulis piscantibus in mari Galilææ. 9. omnibus simul discipulis in monte Galilææ, iuxta mare Tiberiadis, vel Thabor, ut hic ait Matth. Cui 10. additur quæ discipulis in cœlum ascendens visus 1. Cor. 16. Duæ aliæ apparitiones colliguntur, plusquam quingentis fratribus & Iacobo, ut ultimo, Paulo post ascensionem: sicque 13. erunt apparitiones.

17. *Et videntes eum adorauerunt, quidam autem dubitauerunt.*] Adoratione extrinsecus adhibita crediderunt non solum Christum sed verū etiam esse Deum, non quod eodem tempore & adorauerint & dubitauerint ex Apostolis quidam vel ex aliis discipulis, sed quod ipsi qui nunc in monte adorauerunt prius Hierosoly-

mæ dubitassent, nec solum Thomas sed omnes aut plerique putauerant se Spiritum videre. Alij dicunt quosdam ex Apostolis simul atque in monte Christum viderunt, adorabundos procidisse, alios cunctatos esse non quidem de resurrectione & diuinitate dubitantes, sed an ille quem videbant, quemque alias post resurrectionem sæpe viderant Christus esset. Ex Chrysost. Alij quod dicit Matthæus non ad hanc visionem quæ facta est in monte, sed ad eam quæ Hierosolymæ acciderat referendum putant vt Beda.

18. *Et accedens Iesus locutus est eis dicens: data est mihi omnis potestas in cælo & in terra.]* Nunc postquam de morte triumphauit. Sicque exhibet quasi literas quibus constat qua eos authoritate Apostolos creet: quam potestatem accepit vt homo, quam vt Deus naturaliter habebat, vel potestatem accepisse sicut & naturam à Patre vt Deus, verum non loquitur de potestate quam vt Deus, nec de ea quam vt homo, sed de ea quam vt redemptor idest de potestate regni sui spiritualis acquirendi habebat, quamque per mortem & resurrectionem suam sibi comparauerat; quia enim omnes homines suo sanguine redemerat, ius habebat eos in regnum suum congregandi & veluti subditos suos efficiendi: De ea ergo loquitur potestate de qua illi à Patre dictum est Psal. 1. *Dabo tibi Gentes hereditatem tuam, &c.* & Ps. 109. *Dan. 7. de qua dicit Ioann. 16. confidite ego vici mundum.* Hanc sibi datam per mortem & Resurrectionem suam dicit, quia eam meruit, *propter quod exaltauit illum, &c.* Qua potestate Apostolos suos mittit ad propagandos regni sui

sui fines. Pars quæ erat in cœlo erat pacata, quæ vero in terra erat bello spirituali acqui-
renda.

19. *Euntes ergo docete omnes Gentes baptizan-
tes eos in nomine Patris & Filij & Spiritus sancti.*]
Mar. in mundum vniuersum, in omnem ter-
ram non in Iudæam solum vt cap. 10. Tunc
enim quasi hæreditario iure ad solos Iudæos
mittebat, nunc acquisita potestate, ad omnes
Gentes, dicens *docete* non humanam sapien-
tiam sed diuinam, *Prædicate Euangelium omni
creature.* Ex hoc male inferunt Anabaptistæ
infantes non esse baptizandos, nisi in mortis
articulo. Non enim vetat Christus eos bapti-
zari qui doceri non possunt, sed tantum iubet
omnes qui prius docti fuerint baptizari, reli-
quos vero qui non sunt doctrinæ capaces, si
saluos esse velimus, baptizari oportere Ioan. 3.
Et in locum circumcisionis baptismum insti-
tuit, vt esset signum quo velut tessera militari
nouus populus in vnum coalesceret: non iam
gratiæ acceptæ vt ait Calvin. sed tanquam fi-
dei & doctrinæ signaculum: quæ item gratia à
peccatis emundans efficaciter mentibus ho-
minum infunderetur & certo infundi agnosce-
retur. *Βαπτίζω* vero est aqua mergere, lauare,
abluere, tingere. Ex qua verbi proprietate ma-
teria declaratur huius Sacramenti, vt Ioan. 3.
Constat etiam Apostolos numquam nisi aqua
baptizasse Ioan. 3. Act. 8. & 10. 1. Corinth. 10.
1. Petr. 3. forma quoque baptismi his verbis
declaratur, quorum sensum Ecclesiæ traditio
interpretatur cum dicit: *Ego te baptizo, in no-
mine Patris & Filij & Spiritus sancti.* Et quot-
quot alia forma baptizauerunt eos damnauit:
nam

SECUNDVM MAT. CAP. XXVIII. 383
nam eo sensu à Christo dicta sunt vt Aposto-
li cum baptizarent dicerent : *Ego te baptizo, &c.*
Et Act. 2. non significatur in baptizando ex-
pressum tantum nomen Iesu Christi, sed eos
in fide Christi, aut in merito eius & efficacia
passionis baptizatos. Et Trinitatis mysterium,
ex hoc loco Patres probauerunt.


20. *Docentes eos seruare omnia quaecumque
mandavi vobis.*] Indicat neque fidem, neque
baptismum ad salutem satis esse, nisi Dei
etiam praecepta seruemus.

*Et ecce ego vobiscum sum omnibus diebus vs-
que ad consummationem seculi.*] Quasi dicat si-
mul atque vobis opus erit, adero vobis im-
prouisus. Ego qui vici mundum & diabolum.
Sunt qui de diuina natura quæ vbique est lo-
qui putant, vel de diuina providentia, vel de præ-
missione Spiritus sancti suo loco; vel de præ-
sentia quatenus homo, non quod corpore
præsens futurus esset sed quod fauorē & auxi-
lium suum præsentiam appellet vt Act. 3. nec
solis Apostolis sed successoribus etiam præsti-
tutum in terris, vsque in finem.

Laus Iesu Christo & Maria Virgini.



MANVA



MANVALE IN SANCTVM
 IESV CHRISTI
 DOMINI NOSTRI
 EVANGELIVM
 SECVNDVM
 MARCV M.



V M Marci Euangelium sit veluti compendium Matthæi, non mirum videbitur si omitamus, vel paucis explicemus quæ fusius apud Matthæum. Marcus filius fuit Mariæ, ad cuius domum Petrum vinculis solutum ab Angelo refert Lucas Act. 12. Quem Petrus filium suum vocat. 1. Pet. 5. aut quod eum paterno & singulari amore prosequeretur; aut quod eum in Christo genuisset: Ab eo missus in Ægyptū prædicandi Euangelij causa, ibique mortuus.

CAPVT I.

Iesus baptizatur, tentatur, vocat discipulos.

1. **I**nitium Euangelij Iesu Christi filij Dei.] Id est
 lectus et historia Euangelicæ, vel titulus
 est



est libri, vel potius prædicationis Christi principium, quasi dicat Christi prædicatione tale habet initium, quale Prophetæ venturi Messia prædicationem habiturum prædixerant. Omis-
sis vero iis quæ fecit aut passus est Christus us-
que ad annum trigessimum, à sola prædicatione exorditur ut eum esse Messiam constaret, quæ Prophetæ prædixerant. Exorsus est autem à prædicatione breuitatis causa; & quia non tam historiam de tota vita quam cõpendium de eius doctrina & miraculis scribere voluit, cuius intentum fuit ut cæteris Euangelistis declararet Iesum Christum esse filium Dei.

2. *Sicut scriptum est in Isaia Propheta: Ecce ego mitto Angelum meum.*] Expositio huius testimonij habetur Matth. 11. Isaia vero cap. 3. vox clamantis, vox enim illa in deserto clamantis, initium fuit Euangelij.

9. *Venit Iesus à Nazareth Galilæe.*] Vbi Christus post reditum ab Ægypto usque ad annum trigessimum nutritus fuerat Matth. 2. Luc. 3.

11. *In te complacui.*] In quò mihi bene complacui Matth. sensu eodem: nam significatur Christum esse dilectum filium Dei.

12. *Et statim spiritus expulit eum in desertum.*] Matth. dicit *Tunc*; quia Spiritus sanctus moras non patitur, ut Act. 2. vel ut significet obedientiam Patris cito fecisse, & forte diaboli diligentiam notauit, quia ut vidit Spiritum Dei descendentem explorare voluit num illa vox missa de cælo vera esset. Quod autem Ioannes c. 1. dixit: *Altera die vidit Ioānes Iesum venientem ad se*, loquitur de Christo non iam baptizato sed ad baptismum veniente: Vel *statim & Tunc* non momentum sed breue temporis in-

R

ter

386 MANVALE IN EVANGELIUM

teruallum significat: nam probabile est saltem per vnum diem post baptismū Christum mansisse cum Ioanne, vt testimonium perhiberet ad baptismum venientibus.

13. *Et erat ibi in deserto quadraginta diebus & quadraginta noctibus, & tētabatur à Satana: Eratque cum bestiis, & Angeli ministrabant ei.* Lucas non ait, & noctibus. Hæc secessio in desertum in exemplum solitudinis trahit. Et Mat. 5. 14. 15. & 17. & Mar. 3. 6. 9. Luc. 6. 9. patet sæpius solitudinem petiuisse & singulis noctibus, idest dimidia temporis parte Monachi vitam agebat. Luc. 22. per totos quadraginta dies tentatum ait. Hier. & illi ministratum ab Angelis peracta tentatione vel toto tempore.

14. *Postquam autem traditus est Ioannes, venit Iesus in Galilaam predicās Euangelium regni Dei.* Ioannes longè post quadraginta illos dies actos in solitudine factam fuisse hanc Christi fugam videtur significare, quia prius refert vocationem Apostolorum, sed per anticipationem locutus est: prius enim prædicauit in Iudæa & discipulos collegit qui eius nomine baptizarent, quam iret in Galilæam, & adeo multos collegit vt discipuli Ioannis viderentur inuidere Ioan. 3. Hinc colligit Mald. bis Christum simili de causa ex Iudæa in Galilæam profugisse; primo ob traditum in vincula Ioannem vt Marth. & Marc. aiunt. Deinde cum ex Galilæa collectis iam Apostolis in Iudæam reuertisset tantumque numerum discipulorum prædicando & baptizando ibi congregasset, vt Pharisei magis ab eo quam à Ioanne timere inciperent Ioan. 4. *de regno Dei.* Matth. 4.

15. *Pœnitementi & credite Euangelio.] Agite pœni*

pœnitentiam, sicque Ioannis consilium & officiũ erat homines sensim à lege ad Christum traducere.

16. *Vidit Simonem & Andream.*] De Apostolorũ vocatione quæ hic dicuntur vide Mat. 4.

21. *Et ingrediũtur Capharnaum, & statim Sabbatis ingressus in synagogam docebat eos.*] Capharnaum fuit quasi Euangelij sedes, quia ibi frequentius prædicabat, postea ascitis iam Apostolis Mat. 4. ait totam Galilæam peragrasse docendo & miracula faciendo, ita vt fama vsque in Syriam perueniret; quæ omnia Marcus præterit, quia non ordinem historię sequitur sed mysteriorum vt notat Hier. *Statim* idest cum primum congregata fuit synagoga primo die Sabbati, in quo notatur Christi feruor in prædicando. Licitum autem erat omnibus qui in synagogis erant ad legendum legem Moyse per singulos dies Sabbati surgere & dicere si quid occurrebat Luc. 4. Act. 13. 1. Cor. 14. Ex Theoph.

22. *Et stupebant super doctrina eius: erat enim docens tanquam potestatem habens, & non sicut scribæ.*] Quia Christus tanquam legislator, Scribæ tanquam interpretes loquebantur. Christus nihil nisi salutem hominum, non bona, non fauorem quærebat, scribæ contra, vt c. 12. & Mat. 23. & Luc. 10. faciebat quod docebat, non scribæ. Mat. 9. Luc. 5.

23. *Et erat in synagogis eorũ homo in spiritu immundo & clamauit.*] Iussus iam & exire coactus, potius quam ad solam Christi præsentiam idque coram hostibus Christi multisque testibus.

24. *Dicens quid nobis & tibi Iesu Nazarene, venisti*

nisti perdere nos, scio qui sis, Sanctus Dei.] Unus pro omnibus dæmonibus loquitur, aut pro omnibus qui in eo erant homine; quasi dicat quid nobis tecum commune, quid simile, vel quid nobis rei tecum est, vel potius quid tibi mali fecimus, quia bellum contra nos geris? quid nos torques? non te qui es *Sanctus Dei*, sed peccatores vexamus, & ut ad nos pertinentes ad infernum trahere conamur.

Quomodo demones Christum cognouerint diximus Matth. 4. An vero coactè vel voluntarie confessi fuerint, Beda coactè, alij voluntariè, nō tamen ex charitate sed ex proprio amore & metu pœnæ; ne eos torqueret magis & in infernum mitteret. Non sanctum Deum, sed sanctum Dei vocant ut non Deum sed hominem confiteantur. Ex Chrys. At vero Theoph. notat non dixisse sanctus es; multi enim Prophetæ sancti fuerunt, sed ille sanctus adiectione articuli, *ō*, ille vnicus & prædefinitus quo Deus ipse quasi proprio nomine vocabatur sanctus Isa. 1. 31. 37. & 40. Dan. 4. Vocat autem sanctum Dei, quasi dicat, sanctum Dei filium. Luc. 1.

25. *Et comminatus est ei Iesus dicens: obmutesce, & exi de homine.*] Ideo iuber ut ostendat se eius inimicum, & os illi obstruit quia Euam lingua fefellerat: Vel ne calumniarentur Pharisei illum cum dæmonibus consuetudinem habere ut Mar. 12. Vel melius, quia noluit à Patre mendacij testimonium accipere veritatis. Et forte voluit nō intempestiue obtrudere diuinitatem suam, sed sensim ac paulatim eam hominibus insinuare prout eorum ingenium & fides patiebatur. Matth. 17. hoc prohibuit

Apo

Apostolis, multo magis dæmonibus.

26. *Et discerpens eum Spiritus immundus: & exclamans voce magna exiit ab eo.*] Sine membrorum scissione, crucians contorquens, & tunc potius quam ante, ut astantes homines discant quanto malo liberatus esset, vel ut collati in eum beneficij magnitudo constet, vel quia videbat sibi discedendum esse, voluit quantum poterat homini nocere. Ex Chrys. *Exclamans exiit ut omnes intelligerent non sponte sed coactum à maiore potestate exire.*

27. *Et mirati sunt omnes itaut conquirerent inter se dicentes: Quidnam est hoc? quanam doctrina hac nova?*] Et factus est pavor in omnes. Luc. 4. stupor seu metus religiosus cum admiratione coniunctus aliquid agnoscentes divinitatis in illo. Lucas quod est hoc verbum quia in potestate & virtute imperat immundis spiritibus & exeunt? *Novum* quia in Scribis & Phariseis non reperiebatur similis potestas cum doctrina coniuncta. Solebant Iudeorum exorcistæ dæmones eicere sed non eo quo Christus imperio *exi de homine* ut notat Chrys.

28. 29. *Et processit rumor eius statim in omnem regionem Galilææ, & protinus egredientes de synagoga venerunt in domum Simonis.*] Nulla interposita mora sequura sunt miracula quæ refert. Matth. 8.

32. *Vespere autem facto cum occidisset sol afferbant ad eum omnes male habentes.*] Non ante solis occasum, quia dies Sabbati erat quo laborare non licebat ante solis occasum. Ex Eutym. & Theoph.

33. *Et erat omnis civitas congregata ad ianuam.*] Domus Petri ubi Christus erat, ut notet multos

R 3 fuisse

390 MANUALE IN EVANGELIUM

fuisse testes miraculi, & summum desiderium Carphanaitarum audiendi verbum Christi, & forte quanta esset suos ægros offerentium multitudo.

34. *Et curavit multos qui vexabantur variis languoribus, & demonia multa eiiciebat & non sinebat ea loqui.*] Multos idest omnes. Ex Mat. 8. & Luca 4. Et dæmonia multa idest omnia, sed ea omnia erant multa; & ad Christi gloriā pertinebat neminē incuratum relinquere, quāvis forte non omnes crederent in eum. *Et non sinebat ea loqui, quia sciebant eum esse Christum ex Luca 4. & nolebat tam aperte & tam cito diuinitatem suam aperire vt vitaret inuidiam Pharisæorum; vel quia nolebat veritatem nitī mendacio.* Ex Chrys.

35. *Et diluculo valde surgens, egressus abiit in desertum locum, ibique orabat.*] Orto die in desertum peruenit vt ait Lucas, qui auroram, diem vocat, quia diei initium est: fugit vero ante lucem vt multitudinem fugeret & in deserto latitaret, sic infans de nocte fugit in Ægyptū. Mat. 1. vt oraret & vt post tot miracula humanam laudem fugeret, & vt idem faceremus nos edoceret. Ex Chrys.

36. *Et persecutus est illum Simon & qui cum illo erant.*] Cæteri Apostoli & discipuli quorum caput erat Petrus. Lucas 4. non Apostolos sed turbam secutam ait, at vtrumque factum putat Eutym.

37. 38. *Et cum inuenissent eum, dixerunt ei: Quia omnes querunt te. Et ait illis eamus in proximos viros & ciuitates vt & ibi predicem, ad hoc enim veni.*] Tacitè responderet Christus non quærendū esse applausum aut multitudinem auditorum, sed

sed necessitatem spectandam esse. Capernaïtis satis prædicatum, sat miracula facta si velint credere: aliis prædicandum Euangelium; ad hoc enim missus non ut vni sed omnibus ciuitatibus prædicet Luc. 4. Ex Chryl.

39. *Et erat prædicans in synagogis eorum, & in omni Galilæa, & demonia eiiciens.*] Verbum imperfectum continuationem, & consuetudinem indicat, quasi dicat sæpius, per singulas synagogas prædicabat, quia ibi erant ludæorum scholæ. Matthæus 4. aliis prætermiſſis quæ facta sunt in Capharnaum hoc tantum notauit.

40. *Et venit ad eum leprosus deprecans eum, & genu flexo dixit ei: Si vis, potes me mandare.*] Multa prætermittit quæ Matthæus refert c. 8. 6. & 7 hoc autem habetur cap. 8. quia idem est. Ex Aug. l. 2. de conf.

45. *At ille egressus cepit prædicare & dissimulare sermonem, ita ut iam non posset manifeste introire in ciuitatem, sed foris in desertis locis esset. Et conueniebant ad eum undique.*] Id est multa in laudem Christi dicere à quo sanatus fuerat. An culpa in leproso vel in cæcis, quod sermonem id est rem hanc seu miraculum euulgauerint vide Matth. cap. 9. *Ut non posset*, id est in urbem ingredi ut hominum frequentiam deuitaret. Ex Gregor. Nazian. orat. 4. ad Theol.

C A P V T II.

*Sanat Paralyticum, vocat Matthæum,
excusat discipulos.*

1. **E**T iterum intrauit Capharnaum post dies.] Aliquot vel octo, vel multis post diebus Hebr. ut eos occasione miraculi in fide cōfirmaret, fecitque de nocte ut vitaret populi mul-

R 4 tity

ritudinem. Et colligitur ex verbis sequentibus. Et auditum est, quasi dicat quia clam ingressus.

2. Et auditum est quod esset in domo, & conuenerunt multi ita ut non caperet neque ad ianuam.] Qui in vestibulo erant, vel loca quæ ad ianuam sunt: ut ostendat statim ac fama per domesticum vel familiarem manauit, miraculum in conspectu totius ciuitatis factum esse, ut Luc. 5.

3. Et veniunt ad eum ferentes Paralyticum qui a quatuor portabatur.] Parētes cognati amici qui eum ad Christum afferebant ut morbi grauitas, & maius miraculum appareat.

4. Et cum non possent offerre eum illi pro turba, nudauerunt tectum ubi erat, & patefacientes submiserunt grabatū in quo Paralyticus iacebat.] Aperuerunt, detexerunt Matth. 9. Vide reliqua.

13. Et egressus est rursus ad mare, omnisque turba veniebat ad eum, & docebat eos.] Mercatores iuxta mare qui lucri causa venerant, & quia volebat Matthæum piscari, ideo ad mare tendit, vel ut fugiat applausum facti miraculi.

14. Et cū prateriret vidit Leui Alphaï sedentē ad teloniū, & ait illi: sequere me.] Loquitur ac si de industria Matthæum non quæsiuisset, sed prætereuntem forte ad mensam vidisset sedentem quasi ex itinere vocasse. de his nominibus, & de cognomento Matthæi diximus Matth. 9. dicitur Alphaï scilicet filius. Ex Chryl.

15. Et factum est cum accumberet in domo illius, multi publicani & peccatores simul discumbebant cum Iesu & discipulis eius: erant enim multi qui & sequebantur eum.] Inde patet habuisse domum intra urbem & telonium ad litus maris ex quo vocatus est. Publicanos & peccatores vocat eo sensu quo Iudei solos Gentiles aut Gentilium similes

similes, publicanos qui Cæsaris negotia agebant appellabant vt diximus apud Matth.

17. *Non necesse habent sani medico.*] Scilicet superbi Interl. qui suam volentes iustitiam statuere, iustitiæ Dei non sunt subiecti ex Beda.

18. *Eterant discipuli Ioannu & Pharisaorum ieiunantes.*] Vel tunc cum hoc accidit per eos dies, aut sponte sua, aut vetere aliqua traditione ieiunium aliquod sibi indixerant, vel non tunc sed alias sæpius cum lex non præciperet, aut traditione aut sponte ieiunabant vt non actum sed consuetudinem verba significant vt Mat. 17. 24. ex quo calumniandi Christum & eius discipulos ansam arripiunt.

23. *Et factum est iterum cum Dominus sabbatis ambulare per sara, & discipuli eius cœperunt progredi & vellere spicas.*] Quasi dicat Phariseos iterum aliam ex spicis quas sabbato vellebant Apostoli, occasionem cepisse calumniandi vt fecerant cum paralyticus curaretur. Vide Matth. 12.

27. *Sabbatum propter hominem factum est, & non homo propter sabbatum.*] Quasi dicat non est institutum sabbatum vt homo pereat sed vt sanus fiat animo & corpore. Mat. 12. Maior cura sanitati & vitæ hominis adhibenda quam custodiæ sabbati. Ex Beda.

28. *Itaque Dominus est filius hominis etiam Sabbati.*] Bis hoc dixit Christus & cum illum qui habebat manū aridam curauisset Mat. 12. & hic Mar. Itaque non est illatiua sed completiua, quasi dicat, denique si sacerdotes & duces belli in sabbati obseruatione dispensare potuerunt, multo magis filius hominis poterit,

R. 5 qui

394 MANVALE IN EVANGELIVM
qui maior Dominus est & author Sabbati fuit,
voluit etiam forte indicare se abrogaturum
Sabbatum. Ex Beda.

C A P V T III.

*Curat manum aridam, predicat turbis,
discipulos instituit.*

1.2. **E**T introiit iterum in Synagogam, & erat
ibi homo habens manum aridam, & ob-
servabant eum si Sabbato curaret ut accusarent
illum.] Prius in Synagoga docuerat Caphar-
naitarum cap. 1. Erat autem Sabbatum proxi-
mum post illud quod secundo primum Lucas
vocavit. cap. 6. de quo Mat. 12. ubi maius do-
num scientiæ, ibi maius periculum culpæ ait
Beda.

3. *Et ait homini habenti manum aridam:
Surge in medium.*] Veleo inductus à Phariseis
ad Christum capiendum: vel qui de more ut
alii Iudei venerat nihil de sua curatione cogi-
tans: vel potius ut sanaretur à Christo qui die-
bus Sabbati veniebat in Synagogam. Lucas ait
fuisse manum dexteram; quod ad historiam
& beneficii magnitudinem pertinet. calum-
niam prævenit ut notat Beda.

7. *Iesus autem cum discipulis suis secessit ad
mare.*] Matth. 12. causam refert, quod cogno-
visset consilia Phariseorum & Herodianorum
de se perdendo. Voluit dare locum iræ ut Mat.
2. & 4. Lucæ 4. Ioannes 8. Hinc Augustin. &
Tertullianus libr. de fuga in persecutione
edientibus cedit, amantibus accedit.

Re

Et multa turba à Galilæa & Iudæa secuta est eum.] Vnde eo venerat & ubi ante prædicauerat, audito vero quod Ioannes esset in vinculis fugerat c. i. inde ergo aliqui eum discipuli in Galilæam venientem sequuti fuerant.

8. *Et ab Ierosolymis & ab Idumæa, & trans Iordanē, & quæ circa Tyrum & Sidonem.*] Quamuis Ierosolyma sit in Iudæa, eam tamen ab ea distinguit ut mirum magis videatur inde venisse aliquos vel inuitos qui tot doctores habebant. Et mirum etiam Idumæos Gentiles & Iudæorum hostes ex tam dissitis locis venisse ut prædixerat Mat. 8. Non dicit Tyrios & Sidonios venisse, erant enim Gentiles, sed eos qui iuxta Tyrum & Sidonem habitabant. sunt tamen qui putant Tyrios & Sidonios significari, quod mirum magis.

9. *Et dixit discipulis suis, ut nauicula sibi deserviret.*] Dixit, id est, præcepit ut Psal. 148. Mat. 8. ut quoties traicere vellet stagnum propriam haberet nauem sibi cum aliquot discipulis, ne alij ipsum opprimerent. loquitur ut homo ex Theoph.

10. *Multos enim sanabat, itaut irruerent in eum, ut illum tangerent quotquot habebant plagas.*] Causam reddit cur tantus fieret ad eum concursus, ne sine causa propriam videretur nauem habere voluisse. per plagas omne genus morbi intelligit.

11. *Et Spiritus immundi cum illum videbant, procidebant ei.*] Et qui plagas habebant. Sed potius de solis dæmoniacis dictum qui procidebant, non religione quasi Christum vel-
lent adorare, sed timore quasi supplicium suum, & confessione oris, & subiectione cor-

poris deprecaturi, ex Beda & Theophyl.

12. *Et clamabant dicentes: Tu es Filius Dei, & vehementer comminabatur eis ne manifestarent illum.*] Ex hoc loco constat idem esse sanctum Dei, & filium Dei, ut diximus c. 1. nō adoptivum ut nos, sed verum & naturalem. hinc Patres contra Arrianos contendebant in dæmonibus plus esse fidei, quam in ipsis. *Et comminabatur* præcipiebat adiunctis minis ut c. 1. ne se manifestum facerent dæmones & curati Interl.

13. *Et ascendens in montem vocavit ad se quos voluit ipse, & venerunt ad eum.*] Ut oraret & ut Apostolos eligeret: Matth. per anticipationem prius narrat Apostolorum electionem, quam sanatum, qui habebat manum aridam, & quam quæ Marcus dixit de Apostolis spicas vellentibus. Quod ait: *vocavit ad se* quasi prius non fuisset cum illo; sed credibile est, cum in montem una cum discipulis ascendisset, subduxisse sese in aliquem locum solum, ut ibi solus oraret ut Matt. 26. Luc. 9. Cum dicit: *quos voluit* ipse significat non qui meruerunt, qui ambierunt, si quis forte ambiit, sed quos voluit electos esse ut Heb. 5. 1. Cor. 1. qui statim vocati venerunt, qui quam ob causam vocarentur ignorabant & de Apostolatu non cogitabant. Ex Chryl.

14. *Et fecit ut essent duodecim cum illo, & ut mitteret illos predicare.*] Græci legunt, & fecit duodecim, ut essent cum illo, id est, ut tanquam familiares & domestici semper adessent, & ut mitteret eos predicare non statim sed cum tempus esset, sed prius eos edocuit longo & diuino sermone. Mat. 5. Luc. 6.

15. Et

15. *Et dedit illis potestatem curandi infirmos, & eiiciendi daemona.*] Non statim sed postea cum ad prædicandum emisit c. 6. Luc. 9. Matt. 10. Sed hoc dixit per anticipationem, quia de eorum missione verba faceret.

16. *Et imposuit Simoni nomen Petrus.*] An tunc an initio cum à fratre adductus, an cum missus ad prædicandum, vide Mat. 10. Et Aug. de conf.

17. *Et Iacobum Zebedæi, & Ioannem fratrem Iacobi, & imposuit eis nomina Boanerges quod est filij tonitru.*] Intelligitur fecit elegit Apostolum & his nomina indidit tãquam præcipuis amicis: quia futuri erant secundum Petrum qui petra erat Christo familiarissimi & Euangelij eius præcones ardentissimi, itaque vna cum Petro ad res secretiores adhibentur. vt c. 9. Matt. 17. Luc. 9. & 14. Numerum autem recenset propter falsos Apostolos vitandos, ex Theoph.

20. *Et veniunt ad domum & conuenit iterum turba, ita vt non possent, neque panem manducare.*] Ad domum Petri in Capharnaum c. 1. vel ad aliam urbem, & aliam domum, fidelis vt putat Eutym. Quidam hoc ad solam turbam quæ Christum audierat referunt. Beda ad virosque, & ad Christum, & ad eius discipulos, & auditores, potius ad solum Christum & eius discipulos referendum, quia hi ad domum venerant non auditores.

21. *Et cum audissent exierunt tenere eum: dicebant enim quoniam in furorem versus est.*] Sui, idest, qui ab ipso erant, qui ad eum pertinebant, Apostoli scilicet, vel ij qui aliunde venerant, vt eum quærerent, vel qui erant ex eius patria, ciues ac populares eius: vel Christi domestici, vel cognati, qui ad fores domus stabant, volentes eum conuenire; & quod vnus è multis fecit, multi

398 MANVALE IN EVANGELIUM

multi fecisse dicuntur per syllepsim. ut Mat. 26. Sicque nec mater Christi, nec Apostoli aut dixerunt, aut cogitarunt unquam Christum insanire & tenere eum ligare, atque vincire tanquam furiosum. Romanis lex erat, ut si quis in insaniam incideret vinctus cognatis suis traderetur, sine alia poena: hac utuntur si non lege, saltem consuetudine cognati Christi, ut eius vitæ consulerent & suæ. Quidam in furorem versus est vertunt excessit, abiit, euasit, alij ad turbam referunt. Alij mitius vertunt mente alienatus est, aut in mentis excessum incidit. verum diximus cognatos per syllepsim dixisse esse furiosum. An id dixerint contra sententiam, ut eum ex periculo, quod illi imminere putabant hac furoris simulatione subducerent. Non simulationem sed sententiam fuisse putant Hier. & Beda, quamquam simulationem fuisse non est absurdum. cætera apud Matth.

C A P V T IV.

Parabola de semine & grano sinapis.

ET iterum cœpit docere ad mare, & congregata est ad eum turba multa, itaut navim ascendens sederet in mari.] Quia bis supra c. 1. & 2. dixerat eum iisse ad mare prædicandi causa, ut putandum est; sic terra marique animas quærit. Eodem die ex Beda, relicta multitudo, ad littus ne comprimeretur sederet in mari ut cap. 3. vel ut omnes ante oculos haberet: quasi pro rostris dicturus ait Chry.

8. Et

8. *Et cecidit in terram bonam, & dabit unum triginta, unum sexaginta, & unum centum.*] Verosimile est Matthæum eo modo per exaggerationem dixisse quo Marcus refert.

21. *Nunquid venit lucerna ut sub modio ponatur.*] Venit, idest, accenditur, seu infertur in aulam, aut in cubiculum, non nisi ut iis qui ibi sunt lumen præbeat. non autem ut sub lecto aut sub modio ponatur: parcæmia est ut moneat Apostolos ne verbum Dei occultent, sed palam prædicent, vel ut eos qui audiunt verbum Dei ad illud fide excipiendum, condendum animo, meditandum ut fructum ferat, aliud tricesimum, &c. vel hortatur auditores, ut bona terra sint, quæ acceptum verbum Dei semen non mortuum, neque infructuosum apud se retineat, sed late germinet fructumque reddat aliud tricesimum, &c. vel respexit ad verbum illud vobis datum est nosse mysterium regni Dei, quia non venit lucerna, ut ponatur sub modio sed super candelabrum, ut luceat omnibus qui in domo sunt. Quasi dicat se non ideo parabolam proposuisse, ut non intelligeretur, sed ut potius ab omnibus intelligeretur: quod autem ab aliis non sit intellecta, neque eam ipsis explicare velit eorum esse culpam, quia nolint credere, & non vult eam explicare nisi credituris, quales erant Apostoli. Cur autem dixit sub modio: vide Matth. 13. ex Chrysostom.

22. *Non est enim aliquid absconditum, quod non manifestetur: nec factum est occultum, sed ut in palam veniat.*] Lucæ 8: Prouerbum inter Iudæos vsitatum ut Matthæi 10. quasi dicas

dicat quod vobis exposui, non ideo exposui ut occultum teneretis, sed ut prædicaretis palam. Vel, quod vobis dixi nihil est occultum quod reuelari non debeat: Vel si vultis sancti haberi sanctitatem operibus ostendite, omnem simulationem deponite. Hoc prouerbio vsus est apud Matth. ut Apostolos animaret ad perpetuandas iniurias: hic verò vt illis omnem spem simulationis auferret.

24. *Videte quid audia is, in qua mensura mensi fueritis, remetietur vobis.*] Vide Mat. 7. forte bis hoc prouerbum dixit, semel apud Matth. *Nolite iudicare ut non iudicemini, &c.* Quid verò hoc loco Christus vocauerit mensuram eam qua nos metimur, quid eam qua remetietur nobis. Orig. intelligit pro mensura meritorum huius vitæ, præmiorum, vel suppliciorum in altera vita reddendam esse mensuram. Sic Paulus Gal. 6. *Qua seminauerit homo, hæc & metet.* Alij hoc non de Deo sed de hominibus alijs interpretantur. Quasi diceret, *Omnia quaecumque vultis ut faciant vobis homines, & vos facite illis.* Alij si diligenter hæc quæ a me auditis alijs prædicaueritis dabit vobis Deus eandem mensuram, mercedem vitæ æternæ, & præterea adiiciet aliorum in hac vita mysteriorum intelligentiam vt 1. Corinth. 3. Alij quantum attuleritis ad audiendum Dei verbum attentionis tantum inde utilitatis referetis. Hieronymus ait mensuram qua nos metimur fidem esse, nostram mensuram qua nos remetiemur esse mysteriorum intelligentiam. Quæ nobis præter fidem adiicitur & hoc modo hæc cum superioribus sententia coniungenda est. *Qui enim habet dabitur illi,*

illi, & qui non habet etiam quod habet auferetur ab eo, id est, habenti fidem; dabitur intelligentia mysteriorum supernaturalis: non habenti autem fidem, naturalis etiam auferetur intelligentia quam habebat, quia aut excæcabitur ita ut videns non videat, & audiens non intelligat: aut tam obscure mysteria diuina illi proponentur, ut etiam si maxime velit intelligere, non possit, ex Matth. 13. 11. & 12. & Mald. Nam quid habebant Apostoli nisi fidem? quid non habebant alij auditores nisi fidem? fides ergo est ea mensura qua Apostoli mensi sunt: intelligentia parabolarum atque mysteriorum, est ea mensura qua Christus illis remensus est, sic Hieron.

25. *Qui enim habet, dabitur illi: & qui non habet, etiam quod habet auferetur ab eo.*] Hæc sententia est repetitio præcedentis: Qui habet amorem verbi, vel qui habet opus verbi, habebit intelligentiam mysterij, ex Hier. Vel qui habet affectum audicndi, & petendi, dabitur ei, ex Chryl.

26. *Et dicebat: sic est regnum Dei, quemadmodum si homo iaciat sementem in terram, & dormiat, & exurgat nocte & die, & semen germinet, & increseat dum nescit ille.*] Probabile est hanc parabolam eodem tempore & loco quo præcedens iacti seminis propositam esse cum ytraque de semente agat. Regnum Dei est Ecclesia, ut Mat. 13. Semen prædicatio verbi Dei. Ager auditores; homo qui sementem iacit Christus; aut qui eius nomine prædicat Euangelium: messis mors in fine mundi futura; aut priuata: messor est Deus: falx verbum Dei. Totius parabolæ intentum est; ut doceat tantam esse vim

VIM

vim verbi Dei ut si in bonam terram incidat, etiam si is qui iecit nihil aliud agat, per seipsum germinet, crescat, & fructum afferat. Non iam dies & noctes vigilans ut solebat tempore sementis sed die resurgens, & nocte dormiens tanquam homo iam solutus curis. Itaque *exurgat, & dormiat* ad seminantem refertur non ad semen quasi dicatur nocte & die crescere. Dormit autem Christus per mortem, surgit per Resurrectionem. vel dormit cum nos tentari finit, surgit cum à tentatione liberat, ex Theoph. ut Mat. 8. Psal. 3. & 43. Voluit tantum otium à labore distinguere quasi dicat, etiam si qui semen iecit *dormiat, & exurgat*, id est, nihil agat, semen tamen germinabit, sic verbum Dei semel prædicatum etiam nihil eo qui prædicavit ex hypothese agente præterea, per se crescit, fructusque profert ut plurimum. Cum autem dicimus verbum Dei per se crescere, non excludimus diuinam gratiam sine qua non dico fructum ferre, aut crescere, sed ne seminari quidem potest, sed excludimus sequentem eius qui seminavit laborem. Hinc voluit omnem gloriandi occasionem Apostolis tollere, ut 1. Cor. 3.

28. *Vltro enim terra fructificat; primum herbam, deinde spicam, deinde plenum frumentum in spica.*] Hæc pars est ornamentum parabolæ vel ad verbi Dei prædicationem & incrementum accommodanda. Ex Beda & Greg. l. 21. Moral. c. 14. & Hom. in Ezech. 15.

29. *Et cum produxerit fructus, statim mittit falcem, quoniam adest messis.*] Id est cum productus fuerit fructus, cum tempus messis redierit, cum produxerit alium fructum.

30. Et

30. *Et dicebat: Cui assimilabimus regnum Dei?* Magnam esse vim verbi Dei, vt præcedenti parabola confirmat: vide Mat. 23.

33. *Et talibus multis parabolis loquebatur eis: verbum, prout poterant audire.*] Declarat se non omnes recensere vt zizaniæ, fermenti, thesauri absconditi in agro: negotiatoris quærentis bonas Margaritas, sagenæ missæ in mare Mat. 13. seque auditorum imbecillitati accommodasse, parabolis vsum fuisse, vt facilius intelligerent: vel ne facilius intelligerent, vt diximus Mat. 13. vt videntes non viderent *prout poterant audire*, idest, prout digni erant, lac potum dedit non escam Interl.

34. *Sine parabolis autem non loquebatur eis: seorsum autem discipulis suis differebat omnia.*] Quæ non intelligebant vel quæ interrogabant *seorsim*, ne alij qui digni non erant, intelligerēt, & nō habentibus, etiā quod haberēt tolleretur. Et dicendum aliàs quidem multa tunc autem sine parabolis nihil dixisse Iudeis scilicet nolētibz credere, ita obscure & parabolicè loquebatur vt etiam si vellent, nō intelligerēt: Ex Ter-
tul. alijs autē credere, & intelligere volentibus sine parabolis perspicuè loquebatur. sic Beda.

35. *Et ait illis in illa die, cum serò esset factum: Transeamus contra.*] Stagnum seu mare Genesareth, & eamus in regionem Gerasenorum quæ ex aduerso est ultra stagnum.

36. *Et dimittentes turbam assumunt eum ita ut erat in navi: & alia naues erant cum illo.*] Vt essent testes miraculi quod in mare fecit, qui admirātes dixerunt: *Quis putas est iste quia & vñtus & mare obediunt ei?* nō enim discipuli aut quis esset Christus quæve potestas eius dubitabant.

HAUT

Itant erat in naui non significat ut sedebat, sed non fuisse necessarium ut illum nautæ vel discipuli in nauim inducerent ad traijciendum, quia iam in naui erat; vel susceperant eum traijciendum, ut se composuerat in naui super cervicali iacentem.

CAPUT V.

*Demoniacum & sanguisquam sanat:
puellam suscitatur.*

1. **E**T venerunt trans fretum maris in regionem Gerasenorum.] Gergesenorum, ut Matth. 5. diximus in quo totum hoc caput est expositum.

18. Cumque ascenderet nauim, coepit illum deprecari, qui à demonio vexatus fuerat, ut esset cum illo.] Quasi gratus & obsequiosus minister sequi vellet; timebat etiam ne dæmones qui præsente Christo exierant, absente reuerterentur; vel volebat illius esse discipulus.

19. Et non admisit eum, sed ait illi: Vade in domum tuam ad tuos, & annuntia illis quanta tibi Dominus fecerit, & misertus sit tui.] Quia hoc magis conueniebat ad Dei gloriam ut ille qui tantum acceperat beneficium in patriam suam reuerteretur; suisque ciuibus tanquam oculatus testis virtutum Christi, prædicaret eius Euangelium, factoque in se miraculo confirmaret: ut decapolitæ Tyrij & Sidonij traherentur. vel ut inanem gloriam Christus effugeret, ex Amb. vel ut magis augeretur

retur meritum illius ex dilatione, ex Greg. vel ut cognosceret etiam Christum absentem eum posse tueri, ex Eutym. qui in Patrem refert modestè quæ ipse fecit, ex Theoph. & de seipso, per tertiam personam loquutus est, ut c. 11. & Matth. 21. 22. Et Patrem potius Deum quam Dominum, se potius Dominum quam Deum appellat, ex Eutym.

20. *Et abiit, & cœpit predicare in decapoli quanta sibi fecisset Iesus: & omnes mirabantur.*] Notat illius obedientiam, gratitudinem, fructum prædicationis ex admiratione non sola sed coniuncta cum laude. Glos.

21. *Et cum transcendisset Iesus in naui rursus trans fretum, conuenit turba multa ad eum.*] Quasi dicat, cum rediisset vnde venerat in Galilæam & in Capharnaum. cætera quæ refert Marcus habentur apud Mat. 15.

C A P V T VI.

A suis contemnitur, pro Ioanne decollato habetur.

1. **E**T egressus inde, abiit in patriam suam: & sequebantur eum discipuli sui.] Ex Capharnaum, vel ex domo Archisynagogi venit Nazareth, vbi nutritus. vel totam Iudæam vocat patriam. Ex Orig.

2. *Et factò Sabbato cœpit in synagoga docere: & multi audientes admirabantur in doctrina eius, dicentes: unde huic hac omnia?]* Idest, cum esset dies Sabbati, ne popularibus suis exultationis occa

occasionem relinqueret quamuis sciret nō recepturos doctrinam suam nec miracula, Christus tamen iuit in patriam suam, ex Theoph.

5. *Et non poterat ibi virtutem ullam facere nisi paucos infirmos impositis manibus curauit.*] Non poterat quia nolebat miracula multa Mat. 13. facere. Sic Gen. 37. Ioan. 7. vel quia nō expediebat, vt Mat. 4. & 10. vt ingratis & indignis ea faceret: & ne daret sanctū canibus Mat. 7. & fuit misericordia, ne grauius punirentur: vel potius iustitia vt miraculis indignos puniret miraculorum priuatione: vt Mat. 13. extenuat cum dixit *paucos* & impositis manibus quam si solo verbo. vt Mat. 8.

6. *Et mirabatur propter incredulitatem eorum, & circuibat castella in circuitu docens.*] Ciuitate sua relicta circum pagos docet, non loci, sed utilitatis rationem habens, vt discamus parua non spernere, neque magnas semper quærere ciuitates. Ex Theoph. quomodo mirari potuerit, habes Mat. 8. Quæ hic Mar. & Matth. prætermisit refert Luc. 4. *Medice cura teipsum.*

7. *Et vocauit duodecim: & cœpit eos mittere binos, & dedit illis potestatem spirituum immundorum.*] Cap. 3. iam Apostolos designauerat, illic vocauit vt Apostolos faceret: hic vt ad prædicandum mitteret: vocauit autem nunc ad se vt eos instrueret, & illis daret potestatem eiiciens di dæmones & alia miracula faciendi.

12. *Et exeuntes predicabant vt pœnitentiam agerent.*] Hoc primum Ioannes, hoc Christus, hoc postremo Apostoli prædicant. Mat. 3. & 10. Luc. 9. & 19.

13. *Et ungebant multos agros, & sanabant.*] Hic de Sacramento extremæ vnctionis agitur:
nam

nam cum Sacramentum sit externa ceremonia à Christo instituta tanquam ordinarium remedium salutis animæ : hæc erat ceremonia externa : & sicut visibilis aqua ijs qui baptizabatur, ita visibile oleum ægrotis infundebatur : dicere fuisse medicamentum absurdum est, nam ad omne genus morborum adhibebatur, ac medicamentum quod vni prodest alteri nocet : & Apostoli non medicinam sed Euangelium profitebantur, ex Mald. Non ergo ad sananda solum corpora, oleo utebantur, sed ad curandos Sacramento potissimum animos ægrotos ungebāt : & cum Apostoli ut credibile iussu à Christo hac usi fuerint ceremonia, dicendum est à Christo institutam. Nam inter alia Marcus scribit Apostolos oleo unxisse ægrotos. Et si à Christo nō fuisset institutum nunquam Iacobus 1. c. præcepisset, ut id à presbyteris Apostolorum in hoc officio successoribus observaretur. Ita autem instituta est hæc vinctio, ut esset Sacramentum & ordinaria animæ medicina, non ut signum curationis, ut contendit Calvinus : nam non omnes qui habebant donum curationis ea utebantur ceremonia : nec Petrus claudum unxit quem sanavit Act. 3. nec quos Apostoli suscitabant eos ungebant Act. 9. & 20. Et Iacobus non omnes sed Ecclesiæ presbyteros ea uti iubet : signum ergo est esse institutam ut esset verum Sacramentum & ordinarium animæ remedium. Habet & spiritua-lem promissionem, idest, animæ curationem annexam. *Et si in peccatis fuerit, remittuntur ei.* Et ex hoc loco sacerdotes potestatem habere per sacramenta peccata remittendi probat Chrysof. l. 3. de Sacerd.

14. *Et audiuit Rex Herodes; (manifestum enim factum est nomen eius) & dicebat quia Ioannes Baptista resurrexit à mortuis, & propterea virtutes operantur in illo]* Ex prædicatione discipulorum & operatione miraculorum fama & nomen Iesu extendebatur. Mat. 14. vbi hæc historia declarata est. Herodes iste, filius erat primi Herodis sub quo Ioseph Iesum duxerat in Ægyptum. Tetrarcham Matthæus vocat; Lucas tanquam principantem super quartam partem regni Patris sui sic à Romanis diuisi. Marcus vero Regem nominat, aut Patris consuetudine, aut quia hoc loco eius congruum existeret, ait Hieron.

30. *Et conuenientes Apostoli ad Iesum renuntiauerunt ei omnia quæ egerant & docuerant.]* Quæ docuissent, quæ miracula fecissent vt præceperat Mat. 10. vt totum si quid boni agitur acceptum Christo referatur.

CAPVT VII.

Curat demoniacum & mutum.

1. **E***T conueniunt ad eum Pharisei.]* E Iudæa in Galilæam non vt discant vt homines Genezareth, qui etiam suos infirmos adducunt: sed vt calumnientur, quia plus scientiæ legis & traditionum se habere præsumebant quam qui in Galilæa erant.

2. *Et cum vidissent quosdam ex discipulis suis communibus manibus, idest, non lotis manducare panes, vituperauerunt.]* Non quod alij discipuli hanc seruarent de lauandis manibus traditio

traditionem, sed quia quosdam viderunt non lotis manibus manducare, omnes discipulos & Christum ipsum calumniandi occasionem arripiunt. hi commune vocabant quod nos prophanum, aut immundum, seu quod sanctū non est, & ab omnibus Iudæis & Gentilibus mundis & immundis contrectari licet. Illotas autem manus vocant quæ non ex maiorum ritu lotæ essent non solum à sordibus, sed etiam ab omni contactu rerum prophanarum. Ritus autem erat ut ad cubitum vsque lauarentur, quem cum non seruarent Apostoli etiam si sordidis manibus cibum non sumerent, tamen eos calumniabantur, & vituperabant Christum & discipulos.

3. *Pharisei enim & omnes Iudæi, nisi crebro lauerint manus, non manducant.*] Causam calumniæ refert. Traditio enim seniorum non tantum exigit ciuilem illam ablutionem manuum, quæ fit ante prandium, vel cœnam, sed crebram etiam inter manducandum, & ad cubitum vsque ut supra dictum est: & colligitur ex hydrijs Ioan. 2.

4. *Et à foro nisi baptizentur, non comedunt. Et alia multa sunt quæ tradita sunt illis seruare baptismata calicum & urceorum & aramentorum & lectorum.*] Redeuntes à foro dixit potius quam aliunde, quia ibi versabantur Iudæi & Gentiles mundi, & immundi, & tunc se totos in aquam immergebant. *Lectorum* meminit, quibus mensæ accumbebant: non quibus dormiebant: & omnia quæ contrectaturi erant prandentes, ne eorum tactu si forte essent immunda contaminarentur prius eluebant. cætera apud Matth.

S 31. Et

410 MANVALE IN EVANGELIVM

31. *Et iterum exiens de finibus Tyri, venit per Sidonem ad mare Galilae.*] Melius Græci legunt, & iterum exiens à finibus Tyri, quia credendum non est Christum in vrbes Gentilium ingressum fuisse, qui non nisi ad oues domus Israël quæ perierant se missum dixerat Mat. 15. quique Apostolis prohibuerat. Mat. 10. & Marcus non dixit à Tyro & Sidone sed de finibus Tyri & Sidonis rediisse. *Iterum pro rursus.*

32. *Et adducunt ei surdum & mutum, & deprecabantur eum, ut imponat illi manus.*] Hæc historia differt ab ea Mat. 9. & Luc. 11. ille enim mutus dæmonium habebat, hic non. Ecclesia dum baptizat vititur hac ceremonia non ut dæmonem eiciat; aut putet Christum ea eiecisse, sed ut doceat nondum baptizatum hominem, ad Dei verbum surdum & mutum esse, debereque eius aures ad audiendum aperiri, & ad profitendum fidem, linguam solui, & à susceptoribus offerri, sicut hic mutus, & surdus à cognatis & amicis. Videtur non omnino fuisse mutus, sed ægre loquens. ex Græco. *Deprecantur ut imponat illi manum*, quia alios impositione manuum sanauerat, c. 1. 5. 4. 6. & 8. & Mat. 8. 9. & 19. Et Luc. 13. Vel quia vetus erat consuetudo ut sancti viri impositis manibus sanarent. 4. Reg. 5.

33. *Et apprehendens eum de turba seorsum misit digitos suos in auriculam eius: & expuens, tetigit linguam eius.*] Quia qui à Christo curari volunt recedere debent ab hominum tumultu, vel ut fugeret ipse & nobis fugiendi instantiam exemplum daret: vel quia qui tunc aderant

aderant indigni erant, qui miraculum viderent; vel vt melius oraret curaturus mutum & surdum. digito Christi Spiritum sanctum, salua vero diuinam sapientiam in nos à Christo sicut ex capite saliuam deriuari significatur: vel vt ostenderet omnes corporis sui partes fuisse salutiferas propter coniunctam diuinitatem: vel vt inæqualiter suam potentiam & diuinitatem declararet; ideo aliquando solo verbo dæmones eiecit, mortuos suscitauit ostendens se Deum esse. aliquando tactu, salua, luto sanat ægros, accomodans aliquo modo suam potentiam ad modum agendi causarum naturalium, sic saliuam digito super linguam muti imposuit.

34. *Et suspiciens in cælum, ingemuit: & ait illi: Ephphetha, quod est adaperire.*] Ad modum orantis, vel dolentis miseriam humanam cui sic dæmon illuderet, vel vt idem faceremus, exemplum daret. Nota vim verbi, quo cæli formati sunt.

35. *Et statim aperta sunt aures eius, & solutum est vinculum lingua eius, & loquebatur recte.*] Id est, perfectè curatus est, quasi dicat non iam difficile & ægrè vt ante loquebatur, sed recte & prompte. Id etiam de audiendi facultate dicendum.

36. *Et praecepit illis ne cui dicerent: quando autem eis precipiebat, tantò magis & plus predicabant; & mirabantur dicentes: bene omnia fecit: & surdos fecit audire, & mutos loqui.*] Illis id est, tam surdo & muto quàm ijs qui eum adduxerant vt c. 1. & 5. & Mat. 8. & 9. & sine culpa predicabant. Præcipit autem quod nos obseruatu-
 S 2 quod

quodque in se est; quamuis sciat nos non facturos quod debemus & quod in nobis est: ideo subdunt *bene omnia fecit*, quasi dicant nihil facit quod bonum non sit.

CAPVT VIII.

Satiat turbam, corripit discipulos.

1. **I**N diebus illis iterum cum turba multa esset nec haberent quod manducarent.] Non eodem die sed trium dierum spatio, ex Mat. 15. & 16. vbi hæc explicantur de septem panibus quibus pavit quatuor millia.

22. Et veniunt Bethsaidam, & adducunt ei cecum, & rogabant eum ut illum tangeret.] Subintelligitur Apostoli qui mutum & surdum adduxerant.

23. Et apprehensa manu cæci eduxit eum extra vicum, & expuens in oculos eius impositis manibus suis interrogavit eum si quid videret.] Eduxit extra Bethsaidam propter incredulitatem civium, ut Mat. 11. vel ut à turba semouerent. ut c. 7. vbi causam habes cur expuit.

24. Et aspiciens ait: video homines velut arbores ambulantes] Quasi dieat, homines quos ambulantes video non homines, sed arbores mihi videntur. ex quo declarat se aliquid videre cū antea nihil videret, sed imperfectè tamen cū inter arbores, & homines distinguere non posset. Alij quod nondum perfectè crederet, ideo voluit Christus suam potentiam ad illius fidem moderari, ut cum Petro fecit Mat. 14.

25. 26.

25. 26. Deinde iterum imposuit manus super oculos eius, & coepit videre, & restitutus est, ita ut clarè videret omnia. Et misit illum in domum suam dicens: vade in domum tuam; & si in vicum introieris, nemini dixeris.] Quasi dicat si necesse fuerit, te ut domū tuā redeas per Bethsaidam transire nemini ibi dixeris, quia indigni erant qui tot cōspecta miracula cōtempnissent. Mat. 16.

38. Qui enim me confusus fuerit, & verba mea in generatione ista adultera & peccatrice: & filius hominis confundetur eum cū venerit in gloria Patris sui, cum Angelis sanctis.] Hæc est vera litera, quia sic habent Græci & antiqui libri & correcti. & patet per illud quod habetur Luc. 9. Qui me erubuerit & meos sermones. Confundi enim Christum, est erubescere confiteri illum, fugere crucem eius & ignominiam. Spurios & peccatores vocat qui cū Deo Patri similes esse debēt dissimiles sunt multum, quales sunt adulterini filij. ut Ps. 17. & 143. Heb. 11. & Mat. 10.

C A P V T IX.

Transfiguratur, demoniacum curat, humilitatem docet.

1. **E**T post dies sex assumit Iesus Petrum & Iacobum, & Ioannem, & ducit illos in montem excelsum seorsum solos. Et transfiguratus est coram ipsis.] Lucas ait fere octo, quia non constitit ei satis dierum numerus: vel quia non post octo integros dies hæc facta essent de quibus vide Mat. 15.

414 MANVALE IN EVANGELIVM

28. 29. *Et dixit illis: hoc genus in nullo potest exire nisi in oratione, & ieiunio. Et inde profecti pratergrediebantur Galilaam, nec volebant quendam scire.*] Illis, idest, solis vel turbæ simul cum discipulis vt Mat. 16. *Inde profecti* è loco vbi dæmonem eiecerat vel ex castello Cæsaræ Philippi clam iter facientes, & quotidie locum mutantes, ne quis sciret quo loco esset, & ne quis ea de quibus loquebatur propius auscultans audiret, loquebatur enim de passione sua & resurrectione quâ solis Apostolis volebat esse cognitam antequam accideret. Et quamuis iam bis idipsum Apostolis indicauerat, Mat. 17. Luc. 9. tamen alio modo & alia de causa nunc dicit: Tunc vt ad patientiam præpararet, nunc vt significaret tempus iam adesse seque ad mortem ire Hierosolymam.

30. *Docebat autem discipulos suos, & dicebat illis, quoniam filius hominis tradetur in manus hominum, & occident eum, & occisus tertia die resurget.*] Indicat Christum non simpliciter quod sibi futurum erat prædixisse, sed docuisse etiam Apostolos & instruxisse, aut quid in morte sua mysterij esset aut quo animo deberent ferre. Et quia Apostoli gestiebât factis miraculis, Christus infert illis mentionem mortis ex Beda. Et quia sciebat difficile passioni & Resurrectioni etiam discipulos credituros, ideo se assertorem esse maluit passionis & Resurrectionis vt ex facto fides non ex auditu discordia nasceretur. vel vt ostenderet se non coactum, sed volentem moriturum, ex Theoph. vel vt Apostolos in fide confirmaret & patientia.

31. *At illi ignorabant verbum, & timebans interrogare*

interrogare eum.] Quod si ignorabant, quæ Christus dicebat, quo modo contristati sunt? quia eum minimè mori vellent, & quæ non optamus non facilè credimus: vel verba intelligebant non myſteria: vel credebant quidem Resurrectionem, sed maluissent eum non mori, quàm mortuum resurgere.

32. *Et venerunt Capharnaum: Qui cum domi essent interrogabat eos: Quid in via tractabatis?*] Res sic accidit. Ex Marco cum adhuc essent in via intrauerat in eos cogitatio quis eorum esset maior. Ex Luc. 9. Et cum introissent in domum Petri accesserunt, qui didrachma petebant Mat. 17. ex Mald. Postea vocatos ad se discipulos Christus interrogauit, quid in via inter se tractassent, & quauis erubescerèt, tamè responderunt inter ipsos quæstionè fuisse, quisnam eorum maior in regno cœlorum futurus esset? Tunc Christus rebus magis, quàm verbis edocens puerum aduocauit, eumque statuit in medio Apostolorum, quem cõplexatus declarauit quantũ mores illos puerorũ humilitatis & simplicitatis plenos prosequeretur. Et cũ in amplexum teneret dixit: *Amen dico vobis, nisi cõuersi fueritis, & efficiamini sicut paruuli, non intrabitis in regnum cœlorũ;* Mat. 18. & reddit causam eius rei, Mat. 18. Luc. 9. Quisquis vnum ex huiusmodi receperit in nomine meo me recipit.

33. *At illi tacebant, si quidem in via inter se disputauerant quis eorum maior esset.*] Præ pudore tacebant, quia videbatur ambitiosa esse quæstio, quam in via tenuerant. vnde verò originem habuerit, vide Mat. 18. Cupiebant vt filij Zæbedæi, quam proximum Christo in regno futuro locum tenere.

416 MANUALE IN EVANGELIUM

34. *Et residens, vocavit duodecim, & ait illis: Si quis vult primus esse erit omnium nouissimus & omnium minister.] Sedens quasi docturus vt c. 4 & Mat. 5. & 13: vocavit seorsim Apostolos ne alij audirent qui in domo erant: volebat enim eorum ambitionem arguere occultè, quia erat occulta, & docere quod ad ascendendum certa via est humilitas. Mat. 20,*

35. 36. *Et accipiens puerum, statuit eum in medio eorum; quem cū complexus esset, ait illis. Quisquis unum ex huiusmodi pueris receperit in nomine meo, me recipit, & quicumque me suscepit, non me suscipit, sed eum, qui misit me.] Refert rationem conclusionis quæ est apud Math. 18. Nisi conuersi fueritis, & efficiamini sicut paruuli non intrabitis in regnum cœlorum.*

37. *Respondit illi Ioannes, dicens: Magister, vidimus quendam in nomine tuo eijcientem demonia, qui non sequitur nos, & prohibuimus eum.] Ioannes hoc subiecit verbis Christi, quod audiens humilitatis necessitatem, & commendationem meruerit ne per arrogantiam peccauerit: vel quia Christus dixerat in nomine meo, sumpsit occasionem vt non quasi culpam deprecans sed quasi dubitans, num bene fecissent, aut num idem in posterū facere deberent, Christo quod factū erat exponeret. Alij quasi Ioānes ex contrario collegerit nō fuisse illū in nomine Christi recipiendū, quia etsi nomine Christi dæmones eijciebat, illum tamen in Apostolorum cōsortio non sequebatur. Sed videtur potius hoc dixisse, non culpā deprecans, aut dubitans, sed gloriās nō in se sed in Domino, quasi Apostoli quorū nomine loquebatur, bene functi fuissēt officio, quod illum prohibuissent non tam suę quā*

quàm Christi consulentis authoritati; ideoque nō est necesse quærere quorsū id Ioānes dixerit, vt notat Mald. Nam nō videtur dixisse post superiorē historiā sed alio loco, nec alia ratione quàm quod recens id erat factum : & Respondit, sæpè pro loqui exorsus est, ponitur, vt Mat. 11. 21 & 22. *Euentum* conatum non effectum significat. Poterat neque corpore, neque animo idest fide, & doctrina sequutus Christū dæmones eiicere vt Mat. 7. Potuit multo facilius fide non corpore Christum sequutus. Dices hoc solis Apostolis concessum cap. 3. Dedit quidem solis Apostolis publicè & solemni ritu : sed nullam sibi legem præscripsit Christus quo minus aliis daret, & permetteret; vt quisque eius nomine certa fide, aut nulla etiam aliquando fide dæmones eiicere conaretur: verè etiam eiiceret quo magis vis sui nominis & authoritas cognosceretur. Denique etsi nondum promulgatum tamen omnium credentiū priuilegium erat vt possent dæmones expellere. cap. 16. *Qui non sequitur nos*, neque corpore neque fide, vel fide sed non corpore: vel melius qui in nostro non agit comitatu seu collegio quibus solis dedisti auctoritatem. Eodem pertinet quod Christus respondet *qui non est aduersum vos pro vobis est*. quasi dicat satis esse quod ille doctrinam sequatur Euangelicam, quamuis ex ipsorum consortio non sit, neque eum pro aduersario habendum esse ex Mald. Nam credibile est illum bono animo fecisse non vt ille Simon Magus Act. 8. nec septem illi filij Scquæ Iudæis, c. 19. Act. Et factū quidem à Christo reprehenditur non animus, nam non inuidia, sed charitate prohibuerat: contra

Caluin. qui inconsideratè, temerè, superbè, invidè fecisse ait.

38. *Iesus autem ait; Nolite prohibere eum. nemo est enim qui faciat virtutem in nomine meo, & possit cito male loqui de me.*] Quasi dicat nemo potest in nomine meo miracula facere qui non meâ agnoscat potestaté, meque Christum esse dicat; & hoc est non posse male loqui seu blasphemare de ipso, ideo vult deinceps suam doctrinam miraculis per quoscumque probari. vt ad Phil. 1. Num. 11. Prouerb. 3.

39. *Qui enim non est aduersum vos, pro vobis est.*] Duas affert rationes cur ille non sit prohibendus, prima quia qui facit virtutem, idest miraculum in nomine Christi etiamsi illud non multum prædicet, nec Christo per omnia obediat, tamen non potest cito male loqui de eo. Secunda, quia qui non est aduersum vos, pro vobis est, etiamsi vobiscum non sequatur me, nec corporaliter vobis iungatur. Prima ostendit non esse contrarium. Secunda esse fautorem & adiutorem. Vide Mat. 12.

40. *Quisquis enim potum deaerit vobis calicem aqua frigida in nomina meo, quia Christi estis: amen dico vobis, non perdet mercedem suam.*] Tertia ratio qua Christus probat non esse prohibendum, vel hortatur Apostolos vt gloriam sibi non quærant, vel non solum gratum sibi esse, quod ille in nomine suo dæmonia eiiciat, sed si quis etiam quod minus est faciat, vt si in nomine suo det potum aquæ frigidæ. Matt. 10. alio loco hoc à Christo dictum refert, ex Maldonat. cum ad prædicandum Apostolos mitteret, doceretque qualia sibi hospitia eligere deberent.

42. 43. *Et si scandalizauerit te manus tua, abscinde illam : bonum est tibi debilem introire in vitam quàm duas manus habentem ire in gehennam, in ignem inextinguibilem: ubi vermis eorum non moritur, & ignis non extinguitur.*] Ex cladi-
bus quæ in bello fieri solent sumpta metapho-
ra ad pœnas inferni, quasi dicat Deus, ex Isa. 66.
Vermis non istorum qui in bello cadunt, sed
eorum qui in inferno torquebuntur, non ex-
tinguitur. Errant qui ex Metaphorico verme
metaphoricum ignem colligunt : & qui ver-
mem ad animam, ignem ad corpus pertinere
putant, ex Mal. Nam & vermis, & ignis in ani-
mam agit, & corpus, sicque pœnam vnâ can-
dem totâque totius hominis significauit.

48. *Omnis enim igne salietur, & omnis vi-
ctima sale salietur.*] Quia de eruendo oculo, de
abscindendis manibus ac pedibus, si nos of-
fenderent locutus fuerat ; docet id nunc esse
necessarium si Deo placere volumus, oportere
enim tâquam victimam igne & sale saliri, idest,
huiusmodi pœnis purgari vt maiores euitemus,
quæ quia sicut ignis aurum & argêtum, sic illæ
homines probant, ignis appellâtur; vel quia de
igne inferni mentionem fecit : subiecit omnes
homines igne saliendos, idest, aut probandos
esse, aut torquendos. Vel reddit causam cur
ignis ille non moriatur; quia scilicet qui eo
torquentur eodem quasi saliantur: ideoque in-
corrupti in perpetuis cruciatibus conseruan-
tur; vel de iis tantum loquitur de quibus di-
xerat *vermis eorum non moritur, & ignis non*
extinguitur. reddit quippe causâ quare ignem
eorum dixerit quasi ignei futuri sint, quia in-
quit : omnes illi, igne salientur, idest, con-
dicuntur,

dientur, & torrebuntur, veluti carnes quæ ad esum igne allantur. Non ergo per particulam *enim* causâ redditur cur ignis damnatorum extinguendus non sit, sed cur *illorum* ignis fuerit appellatus. Maldon. ait voluisse Christum de damnatis tanquam de occisis victimis metaphorice loqui: solent enim qui à Deo puniuntur, aut in hac aut in altera vita temporali, aut sempiterna morte, victimæ vocari: quod tanquam victimæ ligatæ quæ sacrificanti resistere non possunt, à Deo ad declarandam ipsius gloriam atque iustitiam quodammodo trucidentur. Isa. 34. Jerem. 12. & 51. Ezechiel. 21. Quia ergo Christus Isaiaæ testimonium adduxerat in quo aut de occisione bellica, aut de damnatis ex occisione bellica sumpta metaphora agebatur, & qui in bello à Deo occiduntur eius victimæ vocantur: persistit in Metaphora, & de damnatis tanquam de victimis loquutus est: & quia ut lex præcipiebat Leuit. 2. omnis victima salienda erat, dixit etiam damnatos esse saliendos, & quidem igne. Et coniunctio *et* non tam copulatiua est hic quam comparatiua, quasi dicat sicut victima ut lege præscribitur, sale salietur, ita omnis damnatus salietur igne: ut Prouerbio. 25. & cor regum id est sic.

49. *Bonum est sal, quòd si sal insulsum fuerit, in quo illud condieris? Habete in vobis sal, et pacem habete inter vos.*] Bonum idest utile significans Apostolos ad hoc electos ut sua sapientia aliorum stultitiam condiant, ex Hieron. vigilare debere ne fiant insipidi, & insulsi; & cauendum prudenter ne scandalizentur aliqua re, & tolerare eum qui suo nomine demones

dæmones eiciebat: vel quia de sale loquutus fuerat, docet nunc Apostolos vt salem habeant idest doctrinam, & spiritus gratiam, quæ vim habet restringendi vt sal, idest homines a vitiis cohibendi; Vel sensus est ne habeatis illum damnatorum ignem, sed illum quo victimæ condiuntur, idest prudentiam, charitatem & pacem: ne hominum more inter vos contendatis; vel forte ex Mald. non hoc sed alio loco Christus hæc dixit Matth. 5. Nam Marcus multa alia alieno loco posuit.

C A P V T X.

*Repudium prohibet, paruulos
suscipit.*

ET inde exurgens venit in fines Iudææ ultra Iordanem: & conueniunt iterum turbæ ad eum.] Ex domo Petri quæ erat in Capharnaum in qua hos præcedentes sermones habuit venit vt prius populum illum doceret qui prope Iordanem habitat, ideo non recta via iuit Hierosolymam; turba conuenerunt ex Iudæa vel ex Galilæa, vel vtrunque ex Mat. 19. vide totum hoc caput.

32. Erant autem in via ascendentes Hierosolymam: & præcedebat illos Iesus, & stupebant.] Idest euntes versus Hierosolymam. vel dicuntur ascendentes, quia Hierosolyma est supra montem Sion. præcedebat, quia non inuitus, sed volens, ad mortem ibat. stupebant, ex ingenti metu. ideo sequentes timebant.

41. Scitis

422 MANVALE IN EVANGELIVM

42. *Scitis quia hi, qui videntur principari Gentibus, dominantur eis: & Principes eorum potestatem habent ipsorum. Non ita est autem in vobis, sed quicumque voluerit maior fieri, erit vester minister.]* Nota contra Hæreticos non negare Apostolis, & Episcopis potestatem, sed inter vsum sæcularis, & Ecclesiasticæ potestatis discrimen ponere: quia sæculares cupiditate potestatem exercent: Ecclesiastici humiliter. 1. Pet. 5.

C A P V T X I.

Hierusalem ingreditur.

1. **E***T cùm appropinquaret Hierosolyma, & Bethania ad montem oliueti: mittit duos ex discipulis suis.] Sex vel potius quinque diebus ante Pascha; nam die sexto ante Pascha qui Sabbathum erat Bethaniæ requieuit, vbi cœna illa exhibita est, accumbente Lazaro; sequenti verò die qui dominico nostro respondebat inde profectus, & ingressus est Hierosolymam sedens super asinam apud Matthæum 21.*

18. *Timebant enim eum, quoniam uniuersa turba admirabatur super doctrinæ eius,] Timebant ne ipsi Scribæ desererentur, vel non audebant in eum manus iniicere. Luc. 19.*

19. *Et cùm vespera facta esset, egrediebatur de ciuitate.] Idest egredi solebat, singulis diebus vesperi Bethaniam secedebat vbi hospitium habebat, mane verò redibat Hierosolymam docturus in templo. Luc. 21. quod fecit tribus*

tribus continuis diebus Dominico Lunæ Martis. Die verò Mercurij & Iouis sese continuit Bethaniæ vsque ad vespereum, quo vt Pascha celebraret, ac pateretur, rediit Hierosolymam.

25. *Et cum stabitis ad orandum, dimittite si quid habetis aduersus aliquem.*] Idest eritis ante altare, ante Deum, non enim ex hoc colligitur Iudæos stantes orare, vt Mar. 6. Apud Matth. 5. si iniuriam fecistis, hic si accepistis. vterque enim aliquid habere dicitur, vterque alterum odit, sed qui fecit timet, qui accepit iniuriam, quærit vindictam. Cætera apud Matth.

C A P V T XII.

Parabola de vinea.

ET cœpit illis in parabolis loqui.] Vnam recitans de vinea, indicat se alias omittere. nam Mat. 21. & 12. duas refert.

41. *Et sedens Iesus contra Gazophylacium, aspiciebat quomodo turba iactaret as in Gazophylacium, & multi diuites iactant multa.*] In locum vbi templi thesaurus reponebatur, & duplex erat: alter in quem pecunia coniciebatur ad modum arcæ, quales nunc videmus in templis, 4. Reg. 12. ex Beda: iuxta quem è regione arcæ hic sedens dicitur Christus: alter in quem res maioris molis à populo ponebantur, & hic erat aula aut locus amplius. De vidua paupere non dixit: iecit, vt sonitum ederet, sed *misi*, vt & paruum & modestum donum significaret. Et hanc vnam multis prætulit.

43. *Amen*

422 MANVALE IN EVANGELIVM

42. Scitis quia hi, qui videntur principari Gentibus, dominantur eis: & Principes eorum potestatem habent ipsorum. Non ita est autem in vobis, sed quicumque voluerit maior fieri, erit vester minister.] Nota contra Hæreticos non negare Apostolis, & Episcopis potestatem, sed inter vsum sæcularis, & Ecclesiasticæ potestatis discrimen ponere: quia sæculares cupiditate potestatem exercent: Ecclesiastici humiliter. 1. Pet. 5.

C A P V T X I.

Hierusalem ingreditur.

1. **E**T cùm appropinquaret Hierosolyma, & Bethania ad montem oliueti: mittit duos ex discipulis suis.] Sex vel potius quinque diebus ante Pascha; nam die sexto ante Pascha qui Sabbathum erat Bethaniæ requieuit, vbi cœna illa exhibita est, accumbente Lazaro; sequenti verò die qui dominico nostro respondebat inde profectus, & ingressus est Hierosolymam sedens super asinam apud Matthæum 21.

18. Timebant enim eum, quoniam uniuersa turba admirabatur super doctrinam eius.] Timebant ne ipsi Scribæ desererentur, vel non audebant in eum manus iniicere. Luc. 19.

19. Et cùm vesp̄ra facta esset, egrediebatur de ciuitate.] Id est egredi solebat, singulis diebus vesp̄ri Bethaniam secedebat vbi hospitium habebat, mane verò redibat Hierosolymam docturus in templo. Luc. 21. quod fecit
tribus

tribus continuis diebus Dominico Lunæ Martis. Die verò Mercurij & Iouis sese continuit Bethaniæ usque ad vesperum, quo ut Pascha celebraret, ac pateretur, rediit Hierosolymam.

25. *Et cum stabitis ad orandum, dimittite si quid habetis aduersus aliquem.*] Idest eritis ante altare, ante Deum, non enim ex hoc colligitur Iudæos stantes orare. ut Mar. 6. Apud Matth. 5. si iniuriam fecistis, hic si accepistis. vterque enim aliquid habere dicitur, vterque alterum odit, sed qui fecit timet, qui accepit iniuriam, quærit vindictam. Cætera apud Matth.

C A P V T XII.

Parabola de vinea.

E. *Et cœpit illis in parabolis loqui.*] Vnam recitans de vinea, indicat se alias omittere. nam Mat. 21. & 22. duas refert.

41. *Et sedens Iesus contra Gazophylacium, aspiciebat quomodo turba iactaret as in Gazophylacium, & multi diuites iactant multa.*] In locum ubi templi thesaurus reponebatur, & duplex erat: alter in quem pecunia coniciebatur ad modum arcæ, quales nunc videmus in templis, 4. Reg. 12. ex Beda: iuxta quem è regione arcæ hic sedens dicitur Christus: alter in quem res maioris molis à populo ponebantur, & hic erat aula aut locus amplius. De vidua paupere non dixit: iecit, ut sonitum ederet, sed *miser*, ut & paruum & modestum donum significaret. Et hanc vnam multis prætulit.

43. *Amen*

424 MANVALE IN EVANGELIVM

43. *Amen dico vobis, quoniam vidua hac pauper plus omnibus misit, qui miserunt in Gazophylacium.*] Habita ratione inopiæ & charitatis, quia viduæ & pauperi plus duo minuta erant quam diuiti per multa: non enim improbat ut Hæretici volunt eos qui magnam templo pecuniam offerebant in ministerium, & ornatum templi quin potius laudat; Luc.: 1. sed viduam illis, minorem offerentem pecuniam præfert propter maiorem charitatem.

C A P V T X I I I.

De consummatione mundi.

1. **E**T cum egrederetur de templo, ait illi unus ex discipulis suis: *Magister, aspice quales lapides, & quales structure.*] Observant discipuli tempus & locum ut templi magnitudinem & elegantiam Christo propè conspiciendam proponerent: sed quem peccata ad iram prouocabant, saxa placare non poterant. Et verosimile est vnum omnium nomine loquutum. Mat. 24. & Luc. 21.

11. *Et cum duxerint vos tradentes, nolite præggitare quid loquamini.*] Matthæi 10. Luc. 12. Hæc alia occasione alioque tempore, & loco, à Christo dicta referunt cum Apostolos mitteret ad prædicandum Euangelium inter Iudæos.

C A P V T

C A P V T X I V .

Post cœnam capitur.

1. **E***Rat autem Pascha & Azyma post biduum.]*
Non significat tunc fuisse Pascha cum ea acciderunt quæ superiore cap. dicta sunt. Azymum vero post biduum futurum fuisse, sed coniuncte legendo, utrumque & Pascha & Azyma fuisse futura post biduum. Eodem enim non solum die, sed etiam momento utrumque inchoabatur. Mat. 26. Quæ superiore capite dicta sunt acciderunt die Martis; die scilicet tertio hebdomadis: die verò Iouis post solis occasum Pascha & azymum fuit. Mat. 26. Eo enim die sub vesperum egressus Christus è templo & vrbe Bethaniam rediit ut singulis noctibus facere solebat cap. 11. & Mat. 26.

51. *Adolescens autem quidam sequebatur eum amictus sindone super nudo, & tenuerunt eum.]*
Sola sindone super nudū corpus cincta è lecto exiliens audito tumultu suspicatus Christum vinctum duci. Sindon autem non erat quasi linteolum sed genus vestis quamvis lineæ, tamen calidæ quam in subito casu arripuit ut totum regeret corpus & ut frigus pelleret. Hūc adolescentem quidam Iacobum fuisse dicunt qui lineis utebatur: Alij ut Greg. 14. Moral. Ioannem Euangelistam, qui adolescens tunc fuisse creditur & ex longo quo postea vixit tempore comprobatur. At non est credibile illum fugisse qui tam libere Christum securus est: vel ut eum defenderet, vel si non posset
rei

426 MANVALE IN EVANGELIVM

rei exitum videret, quem milites *tenuerunt* aut tenere conati sunt, constat enim fugisse. Ex quo patet quanta fuerit eorū sœuitia qui in eos qui Christum sequebantur etiā sœuire voluerunt.

61. *Rursum summus Sacerdos interrogat eum. Tu es Christus filius Dei benedicti.*] Mat. 26. adiurans eum per Deum viuum, quia cum non essent testimonia conuenientia ad diuinum confugit, vt compellat eum aliquid morte dignum confiteri, & interrogat an esset filius Dei quod sciebat ipsum non negaturum, & cum se esse respondit condemnat vt blasphemum.

C A P V T X V.

Condemnatus crucifigitur & sepelitur.

1. **E**T *confestim mane consilium facientes.*] Vide quam celeres ad eum condemnandum.

C A P V T X V I.

Resurgit & in cœlos ascendit.

1. **E**T *cum transisset Sabbatum, Maria Magdalene, & Maria Iacobi, & Salome emerunt aromata.*] Simul atque Sabbatum transiit statim post solis occasum, transacto iam festo, emerunt aromata vesperi, mane ad monumentum venerunt. Mat. 28. Hieronymus hoc caput ad Marci Euangelium additum putat, sed ex
CORC.

Conc. Trid. iam amplius non licet dubitare esse Canonicum.

12. *Post hac autem duobus ex his ambulanti-
bus ostensus est in alia effigie.*] De iisdem apud
Luc. 24. copiosius, quamuis sint qui alios esse
putent.

14. *Nouissime recumbentibus illis undecim ap-
paruit. Et exprobrauit incredulitatem eorum quia
eis qui viderant eum resurrexisse non crediderunt.*]
Eo scilicet tempore quo cœnabant omnes,
simul erant, aut cum paratum inuenisset ci-
bum coram discipulis sumere, & suam illis re-
surrectionem edendo & bibendo probaret.
Ioan. 20. Hæc enim apparitio ea fuit quæ
octauo post Resurrectionem die facta est præ-
sente Thoma, absente Iudâ, qui se iam forte
laqueo suspenderat. Notanda syllepsis est quia
vnius Thomæ incredulitas arguitur. Ioan. 20.
Mat. 26. *non crediderunt* mulieribus quæ primæ
Christum viderant Mat. 28. Luc. 24. & Petro &
Ioanni qui idem viderant & nuntiauerant,
Ioan. 24. & duobus aliis discipulis euntibus in
Emmaus. Luc. 24.

15. *Et dixit eis: euntes in mundum uniuersum
prædicate Euangelium uniuersæ creaturæ.*] Dixit
eis non tunc cum illis recumbentibus appa-
ruit, sed postea cum in monte Galilææ esset.
Constat autem nec cunctos nec singulos Apo-
stolos totum mundum peragrasse nec potuisse
peragraræ. Et quod ad Rom. ait Paulus ad
Rom. 10. In omnem terram exiuit sonus eorū,
per hyperbolem dictum de iis tantum Genti-
bus de quibus loquebatur, idest, de Asianis &
Europeis. Tantum ergo voluit Christus termi-
nos ad illud vsque tempus positos legi & Euan-
gelio

428 MANVALE IN EVANGELIUM

gelio remouere, & non alios quàm orbis terrarum fines ponere. Nam lex intra Iudæam terminabatur. Pl. 75. Et ante cum ad prædicandum Euangelium Christus misisset Apostolos extra Iudæam ire vetuerat. Mat. 10. hos non remouet terminos. *Omni creatura* igitur opponit vni Iudæorum Genti, hoc enim subiectum legationis Apostolicæ vt prædicet Euangelium omnibus Gentibus.

16. *Qui crediderit, & baptizatus fuerit, saluus erit. Qui verò non crediderit, condemnabitur.*] Sanctus August. l. de fide & oper. & Iacobus Epist. 2. refutant Hæreticos qui hinc contendunt solam fidem esse ad salutem necessariam. Et Tertul. l. de Bapt. eos qui dicunt Baptismū non esse necessarium ad salutem: Et qui solos adultos Baptismi capaces esse dicunt. Mat. 28. Et cum dicitur qui crediderit, & baptizatus fuerit intelligitur si bene crediderit: vt omnis qui petit accipit, si bene petierit: bene autem credit qui opera quæ fides exigit præstat.

17. *Signa autem eos, qui crediderint, hæc sequentur: in nomine meo demonia eiicient.*] Quod non de actu sed de potestate intelligitur. Nec de singulis hominibus necessario sed de iis tantum quibus conueniebat fidem propagare, nec de omni tempore sed de eo tantum quo ad eum finem propter quem potestas hæc concedebatur, idest, ad fidei confirmationem, & propagationem. nec quod ista omnia faciant aut facere possint credentes, quæ hic à Christo memorantur: sed ita vt alia alij facere possint. Initio rari erant qui miracula non facerent, & omnes linguis loquebantur. Nec statim atque aliquis baptizabatur hoc domum accipie

accipiebat sed potius per Confirmationem effundebatur. Act. 19.

18. *Et Dominus quidem Iesus postquam locutus est eis, assumptus est in cœlum, & sedet à dextris Dei.*] Non statim octauo die post resurrectionem, & post superiorem apparitionem. nam versatus est per dies quadraginta quibus expletis euectus est in cœlum. Luc. 24. non quod non sua virtute ascenderit, sed sicut ex mortuis dicitur suscitatus à Patre Act. 2. Rom. 4. 1. Cor. 15 & 2. Cor. 4. Gal. 1. Col. 2. Quia suscitare mortuos est magnæ potentia, & potētia attribuitur Patri: Ita & assumptus à Patre per eandem attributionem dicitur non ab aliquo externo vt Elias curru igneo, sed ab vnita sibi diuinitate. *Sedet* non positum corporis significat quin potius stare diceretur, vt Act. 7. sed regnare, Ecclesiam gubernare, vt nunc Urbanum VIII. Romæ sedere dicimus, & alta fruētem pace post longos labores. Heb. 1. & 12. *A dextris Dei*, in gloria, maiestatem, potentia, & rerum omnium æqualitate cum Patre. Et sicut in iudicio nō habebit maiorem quam Pater potestatem re ipsa sed maiorem ostendet ac præ se feret quia ipse non Pater iudicis officium exercebit Ioan. 5. Sic in honoratiore quodammodo loco videbitur esse sedens in dextera, non quod re ipsa maior sit, sed quod Regis officium exerceat, Ecclesiam gubernans: donec Pater ponat inimicos suos scabellum pedum eius. Sic Mald. humana natura dat Christo vt sedeat: diuina vt ad dexteram sedeat. Et quamuis iam esset humana natura coniuncta diuinæ naturæ: tamen sedere ad dexteram non dicebatur quia Christo ita volente nondum erat

430 MANVALE IN EVANG. S. MARC
erat glorificata eius humana natura. Et quia
Christus ipse ut Deus, etsi æqualem cum Pa-
tre habebat maiestatem, extrinsecus tamen
non ostendebat adhuc vermis & non homo,
adhuc gerens formam serui, adhuc patiens, &
pugnans, sedet qui vicit, qui regnat, qui trium-
phat.

10. *Illi autem profecti pradicauerunt ubique,
Domino cooperante, & sermonem confirmante, se-
quentibus signis.*] Nota nos non solum Dei
1. Cor. 3. sed quod maius est Deum nostri
coadiutorem & cooperatorem esse.

Finis Euangelij secundum Marcum.

MANVA



MANVALE IN SANCTVM
 IESV CHRISTI
 DOMINI NOSTRI
 EVANGELIVM
 SECVNDVM
 LVCAM.



SANCTVS Lucas Antioche-
 nus fuit patria, arte Medicus,
 pictor egregius, elegantius cæ-
 teris Euangelistis scripsit Græ-
 ce. Origenes Christi discipu-
 lum facit : Tertullianus non
 Apostolum, sed Apostolicum virum vocat; quo
 nomine vocabantur ij, qui quamvis Christum
 non audiuisent, audierant tamen Apostolos,
 vt ait cap. i. Nicephorus refert Paulo iam præ-
 dicante ad eum Thebas venisse, auditoque co-
 credidisse : Et peregrinationis eius comitem
 factum esse. Scripsit Euangelium anno 15. post
 ascensionem Christi non solum docente atque
 hortante ; sed etiam dictante D. Paulo : qui
 quoties Euangelium suum dicit, hoc Lucæ in-
 telligit. Sunt qui putant ab aliis etiam Aposto-
 lis

432 MANVALE IN EVANGELIVM
lis, & discipulis didicisse. cap. 1. Deinde acta
Apostolorum scripsisse.

C A P V T 1.

*Concipit, & parit Elizabeth, visitatur
à matre Dei.*

Quoniam quidem multi conati sunt ordinare
narrationem, quæ in nobis completa sunt re-
rum.] Quæ hic scribit usque ad versum 5. non
Euangelij pars, sed proëmium est, quo utitur
quia ad priuatum hominem Theophilum scri-
psit: Vel quia cum res de quibus scripturus
erat non vidisset; ausus tamen esset scribere,
rationem reddit audaciæ; quod diligenter om-
nia ex iis qui viderant didicisset. Multi, idest,
pseudo-apostoli, veteres hæretici: ut qui Euan-
gelium secundum Thomam, & secundum Mat-
thiam scripserunt: vel secundum Ægyptios:
vel quod duodecim vocabatur. Quod si, conati
sunt, in laudem sumatur, poterunt Mattheus,
& Marcus intelligi; quorum conatum se imi-
tari ait rerum quas Christus fecit, & docuit,
quarum certissimam fidem haberet.

2. Sicut tradiderunt nobis, qui ab initio ipsi vi-
derunt.] Et ministri seu auctores fuerunt ser-
monis, ut Apostoli & discipuli, & in primis
B. Virgo, mater Christi: nam quæ scripsit de
conceptione, & ortu Baptistæ, non potuit ab
alio discere.

3. Visum est & mihi, affecuto omnia à principio
diligenter, & ex ordine tibi scribere, optime Theo-
phile.] Q. d. visum etiam mihi in Domino ea
ordina

ordinare, sicut & illis visum est: diligentiam suam cōmendat in explorandis iis rebus, quas volebat scribere & scientiam earumdem se habere indicat, & eos qui conati sunt scribere, non omnia perfectè assecutos, seque non confusè scripturum; non eo tamen semper ordine quo res gestæ sunt: *Theophilus* nomen est commune vel proprium. Ex Act. i. & 23.

4. *Vt cognoscas eorum verborum de quibus eruditus es veritatem.*] De quibus viua voce doctus es: quia soliti sumus liberius loqui quam scribere: vel quia cum ab alio Christiano edoctus esset, ideo ad eum Lucam scribere, vt in fide confirmaretur: Vel quia siue Lucæ, siue non, discipulus esset, in Christo; nondum tamen ordine rerum gestarum historiam omnem agnosceret.

5. *Fuit in diebus Herodis, Regis Iudææ, Sacerdos quidam nomine Zacharias, de vice Abia, & uxor eius de filiabus Aaron; & nomen eius Elizabeth.*] Tempus describit vt fidem faciat historiæ: personam Ioannis commendat, vt plus valeat eius testimonium de Christo: ideo parentum eius nobilitatem, & sanctitatem refert. Zacharias dicitur fuisse *de vice Abia*: quia de illius erat familia. De quo 1. Paral. 24. & 1. Reg. 11. Legenda Sacerdotum diuisio in 24. familias, vt vicissim familiæ, vna deservirent hebdomada. Et uxor eius, vna ex mulieribus, quæ ex Aaron summo Sacerdote originem trahebant. Matth. i.

6. *Erant autem iusti ambo ante Deum, incedentes in omnibus mandatis, & iustificationibus Domini, sine querela.*] Laudauit à stirpe & offi-

cio, nunc à moribus: ait *ante Deum*, ut vera & solida iustitia significetur. *sine querela*, ut nemo conqueri posset, quod nō diligenter obseruarent: omnia præcepta siue naturali, siue diuino iure præscepta: vel adeo diligenter obseruasse, ut nihil desiderari, nec apud Deum, nec apud homines reprehendi posset. Nota tamen non caruisse venialibus sed mortalibus, quæ sola de iusto, iniustum faciunt.

7. *Et non erat eis filius, eo quod esset Elizabeth sterilis, & ambo processissent in diebus suis.*] Duplicatione, & quia sterilis erat, & ambo senes: ut maiore miraculo natum Ioannem appareat: Et ut omnes eius de Christo testimonium facilius recipiant.

8. *Factum est autem, cum Sacerdotio fungeretur, in ordine vicis sue ante Deum.*] Accidit cum sacra faceret, in sua hebdomade, in primo tabernaculo, quod vocabatur sanctum, quod quia erat è regione secundi tabernaculi, quod vocabatur sanctum Sanctorum; ubi propter arcam testamenti, quæ ibi erat, dicebatur Dominus habitare coram Domino: aut *ante Deum* dicebatur: quibus duabus partibus templi, si primam addideris, quæ atrium seu templum dicebatur, in qua populus consistebat, tres partes templi habebis.

9. *Secundum consuetudinem Sacerdotij, sorte exiit, ut incensum poneret, ingressus in templum Domini.*] Non ait secundum legem, quia ordo ille per vices ministrandi, non lege sed instituto hominum constaret: videtur tamen ea consuetudo, lege sancita, ut mane & vespere in priore tabernaculo, thus adoleretur. Exod. 30. Græce, sortitus est ut adoleret incensum, ut
thus

thus incenderet, designatus est, siue veteri sortitione. 1. Par. 24. seu potius tunc facta. Cum enim plures essent eiusdem familiæ Sacerdotes, qui eadem hebdomade in templo Sacerdotio fungerentur, & non nisi vnus thus adolere posset; verosimile est quod quidam dicunt, sortitione inter ipsos transigi solitum fuisse, quis eorum id vno, quis altero die, aut quis mane, aut quis vespere facturus esset; nec inconsulto sortis mentionem facit Lucas: verem omnem diuinitus permissam, & factam fuisse significet. Ex hoc loco constat Zachariam non fuisse summum Sacerdotem, non enim tacuisset: nec dixisset, vt poneret incensum; sed vt peracto prius sacrificio, asperso sanguine populum expiaret, quod proprium erat summi Sacerdotis: Exod. 30. Leuit. 16. Heb. 9. Insuper altare incensi, non erat in secundo, sed in primo tabernaculo; in quod dicitur *ingressus*: iam enim erat in templo. Ex quo non licebat totos octo dies quibus ministrabat exire. 4. Reg. 11. 2. Par. 23.

10. *Et omnis multitudo populi, erat orans foris hora incensi.*] Quia non licebat populo in tabernaculum ingredi, sed in prima parte consistebat, quæ templum aut atrium populi dicebatur: vt significaret solum fuisse Zachariam, cum illi Angelus apparuit: & populum huius apparitionis effectum vidisse, mutum scilicet Zachariam.

11. *Apparuit autem illi Angelus Domini, stans à dextris altaris incensi.*] Siue quia ibi prius erat, sed quia nolebat, non videbatur: siue quia subito aduentasset, & apparuisset, non in suamet substantia, sed humana forma vt probabilius

bilius est, vt Gen. 19. Dan. 3. vt constaret Ioannem non humana, sed diuina virtute nasciturum: vt Ioannis ortus, & conceptus esset similimus. *stans*, vt minister se esse Dei indicaret: *à dextris*, quia læta nuntiabat, vt Mar. 16. in Tabernaculo; vt cōstaret eum à Domino missum, quia in eo loco apparebat, vbi Dominus habitare dicebatur; vbi erat Arca: Et quia tunc sacris operans, aptior erat ad excipiendam Angelis visionem: Et quia ibi Sacerdotes, responsa excipiebant. Et veri Sacerdotis Christi nunciaturus veniebat aduentum. Et vt indicaret se ab eo missum, cui sacrificabatur in eo altari: *incensi* vocat ad distinctionem altaris, in quo victimæ offerebantur. Ex Basil.

12. *Et Zacharias turbatus est videns, & timor irruit super eum.*] Ob inopinatam præsentiam, & Angelicam maiestatem, vt Dan. 10.

13. *Ait autem ad eum Angelus: Ne timeas Zacharia, quoniam exaudita est deprecatio tua: Et uxor tua Elizabeth pariet tibi filium, & vocabis nomen eius Ioannem.*] Pellit timorem, vt doceat se bonum, non malum Angelū esse; & prospera non aduersa nuntiare. q. d. non est cur timeas, sed potius gaudeas, ob precem tuam à Deo exauditam, qua prolem à Deo precatus es; Vel quia pro aduentu Messiae, & populi peccatis: non enim abs re erat, si simplex erat Sacerdos, publicis priuatam miscere orationē, multo vero minus si summus, vt Leuit. 16. Vel dicendum non tunc cum Angelus venit: sed multo ante cum nondum spem omnem deposuisset, pro liberis suscipiendis solitum orare, & de ea oratione Angelum loqui: Vel tunc orasse, quamuis omnem spem proliis susci

suscipiendæ naturali lege abieciſſet; quia ſpem ſuſcipiendæ diuino miraculo non amiſerat, vt Anna 1. Reg. 1. Ideo autem non credidit Zacharias Angelo, non quia de potentia Dei dubitauerit, ſed quia certus non erat, an ille quem videbat verus, ac bonus Angelus, & à Deo miſſus eſſet. *Ioannes*, id eſt, gratioſus; ſeu quia gratuita Dei bonitate parentibus datus eſſet, ſeu quia gratia plenus. Cyril.

14. *Et erit gaudium tibi, & exultatio, & multi in natiuitate eius gaudebunt.*] Tibi, quia ob ſterilitatem vxoris hætenus doluiſti, opus tuus naſcetur filius: idque præter ſpem, ſed etiam quod in illo deſideratum à te Meſſiam adelle cognoſces, cuius hic futurus & præco, ſic publicam omni populo lætitiã afferet. Hinc colligitur alienum à ſacris literis non eſſe; non publica modo lætitiã, ſed etiam laetioribus conuiujs, feſtos dies agere. 2. Eſd. 8. Et vtinam de natiuitate, non de vanitate ait Bern.

15. *Erit enim magnus coram Domino: & vinum & ſiceram non bibit: Et Spiritu ſancto replebitur adhuc ex utero matris ſuæ.*] Reddit rationem publici gaudiij: addit *coram Domino*: vt declaret ſe non loqui de corporis, vel potentia ſæcularis magnitudine, ſed animæ, quæ in donis ſpiritus conſiſtit, & vitæ ſanctimonia. Hieron. Num. 6. pro *ſicera* vertit omne quod inebriare poteſt. Hinc colligitur, non ſolum nos bonis operibus iuſtificari, cum gratos nos Deo reddant: ſed quod hæretici negant, etiam ieiunia, ciborum delectum, magni eſſe apud Deum meriti Iud. 13. Hierem. 31. *Ex utero* non ſic intelligendum, quaſi tum primum replendus

438 MANUALE IN EVANGELIUM

duſ ſit Spiritu ſancto, cum vterum matris ingreſſus eſt, ſed quod ſpiritum acceptum in vtero, ſeruaturus eſſet uſque in finem.

16. *Et multos filiorum Iſrael conuertet ad Dominum Deum ipſorum.*] Ad Chriſtum quem oſtendit, quem prædicauit, cuius diuinitas ex hoc loco probatur.

17. *Et ipſe præcedet ante illum, in ſpiritu & virtute Elia, ut conuertat corda patrum in filios, & incredulos ad prudentiam iuſtorum, parare Domino plebem perfectam.*] Præcedet ante Meſſiam Dominum Deum ipſorum, cum Spiritu, ſanctitate, fortitudine, in arguendis vitiis, qualis fuit, vel erit Elias. Accipitur enim hic Spiritus pro dono Spiritus ſancti, ſeu pro officio præconis Chriſti, & vocatione, non pro Spiritu ſancto. vt cap. 9. verba Malachia. cap. 4. retulit vt doceat Ioannem, eum eſſe quem dixerat, ante faciem Domini venturum: *Patres* ſunt Iudæi; *filij* vero Chriſtus & Apoſtoli. Conuertit ergo corda patrum in filios quia Iudæos quibus prædicauit, credere fecit Chriſto & Apoſtoliſ eius: Vel Patres ſunt Patriarchæ & Prophetæ; filij recentiores Iudæi qui multum ab eorum ſanctitate & moribus degenerarunt: Ideoque inſenſi illis antiqui patres fuiſſent; reconciliati autem eis, quia antiquorum ſcientiam ſanctorum Iudæis prædicando infudit; hoc eſt quia filios eandem fecit habere mentem, cor & ſapientiam, qualem habuerunt Patriarchæ & Prophetæ: Vel quia fecit ipſos bene affici filiis ſuis, Iudæis, eoſque pro germanis filiis recipiāt: Vel Patres Iudæi qui prius vocati, id eſt nati ſunt: filij, Gentiles: vel cor Patris ad filium, id eſt Dei Patris ad Deum filium, cōuertendum
ſigni

significari. Nō, quod Pater, filio iratus esset, sed quod Elias, & Ioannes essent effecturi, vt Pater filium diligere cognosceretur: Vel Patres & filij non metaphorice accipiuntur pro Christo & Apostolis: vel pro Iudæis & Gentilibus; vel pro vetustioribus, & recentioribus Iudæis: Sed pro iis, qui eo tempore de quo Propheta loquebatur, viui essent. q.d. conuertet cor Patrum ad filios, & cor filiorum ad Patres: idest, Patres & filios conciliabit, inter se dissidentes moribus, & religione: conciliabit autem dum docti quæ vera sit religio, cum & Patres & filij pariter cōplectentur: Dissidebant enim tunc cum Ioannes venit, in tres sectas diuisi Phariseorum, Sadduceorum, Essenorum. Ioannes autem quantū in ipso fuit, ad vnā omnes religionem, ad vnū omnes transtulit Saluatorem Christum, quem digito demonstrauit, & peccata mundi ablaturum docuit: ait, Maldon. Idem Elias ante secundum aduentum facturus est. *Prudentiam iustorum*, idest, ad fidem, ad religionem eorum qui melius de fide & religione sentiunt; eam quippe incredulitati opponit, vt paret plebem perfectam, idest, idoneam arque maturam, ad Christi doctrinam suscipiendam. Et in his verbis, totum Ioannis officium continetur, vt exemplo, prædicatione, baptismo præpararet perfectam, idest, perfectam efficeret, ad suscipiendum Christum per fidem.

18. *Et dixit Zacharias ad Angelum: unde hoc sciam? Ego enim sum senex, & uxor mea processit in diebus suis.*] More Iudæorū signum petit ad credendum: vt Gen. 15. Iud. 6. Omnes consentiunt Zachariā peccauisse, ex verbis Angeli: *Et ecce eris tacens.* Qua re peccauerit diffidentia,

incredulitate? *Quia non credidisti verbis meis.* Calvin. putat eum dubitasse de Dei potentia: Alij quod senectutem suam, & vxoris, non Dei potentiam considerauerit: Alij melius de Angelo, an verus esset, & à Deo missus esset. Et colligitur ex respōso, *Ego sum Gabriel.* In eo autem peccauit, quia tam apertè sese ostendenti, & tanta signa suæ legationis præ se ferenti, non crediderit: sed longe tamen leuiorem fuisse culpam; quàm si aut Deo, aut Angelo, quem bonum esse, & Dei nomine loqui sciret, non credidisset: ideoque fuisse tantum veniale peccatum, nec dicendum pœnæ grauitatem, indicium esse grauitatis peccati: nam non solum in pœnam, sed multo magis in signum, & argumentum veritatis mutus factus est. Opponit autem Angeli dictis duas naturales causas dubitationis, quia cum Angelo, aut tanquam cum homine; aut tanquam cum Angelo, qui non diuina, sed naturali virtute, filium sibi polliceretur, loquebatur.

19. *Respondens Angelus dixit ei: Ego sum Gabriel, qui asto ante Deum: Et missus sum loqui ad te, & hac tibi euangelizare.*] Ex nomine datur intelligi, quam merito debeat illi credere, quia admirandas illas visiones Danielis de nouissimis temporibus illi explicauit: & possibile esse ea quæ promittebat quamuis essent supra naturæ vires: Quia Gabriel est fortitudo Dei, seu fortitudo mea Deus. *Qui asto ante Deum*, significans se non esse ex iis qui eiekti sunt à facie Dei: sed ex iis qui Deum semper & vbique vident: vnde infertur esse vnū ex primis Angelis, quod ad tractandum maximum omnium negotiū. Verosimile est Archangelum, id est,

id est, principem aliquem Angelorum missum esse: deinde colligitur Angelos cum ad nos mittuntur Deo semper esse præsentes. Et officium quod est mitti Psalm. 103. Heb. 1. *Euangelizare*, idest hoc bonum nuncium asferre. retinuit hoc verbum Græcum quia hoc primum erat exordium Euangelij, quod Angelus nuntiabat.

20. *Et ecce eris tacens, & non poteris loqui, usque in diem quo hæc fiant: pro eo quod non credidisti verbis meis, quæ implebuntur in tempore suo.*] Ecce, denotat aliquid nouum, signum scilicet quo & petitioni eius, in confirmationem promissionis satisfiat: & digna dissidentiae poena infligatur. Eadem res, supplicium fuit peccantis, & beneficium precantis. Græcè, *eris tacens*, & loquendi impotens; vel surdus, sicque mutus, & surdus factus est, Ambr. Si enim surdus non erat quid opus erat innuere, idest, non voce, sed signis eum interrogare, *quem vellet vocari eum*. Et accedit quod qui muti, iidem & surdi sunt. Hac autem poena afflictus est, ut qui discredendo locutus fuerat, tacendo disceret credere. Attende non fuisse nuda verba hæc: nam nec eis fidem dedisset Zacharias: sed coniuncta diuinæ virtuti, quæ intellectum Zachariæ illustrauit, ut agnosceret vera esse quæ nunc proferebantur.

21. *Et erat plebs expectans Zachariam: & mirabatur quod tardaret in templo.*] Foris orans extra tabernaculum: ex quo colligitur aliquandiu plus locutum esse Zachariam cum Angelo quam recenset Lucas.

22. *Egressus autem non poterat loqui ad illos, & cognouerunt quod visionem vidisset in templo:*

T 5

Q

Et ipse erat innuens illi, & permansit mutus.] Vsq-
ue ad tempus ab eo præscriptum, nempe post
nouem menses, vsque ad circumcisionem, &
nominis impositionem. Hoc populum confir-
mauit quod visionem vidisset: & quod sub tam
longo silentio, latebat mysterium.

23. *Et factum est, ut impleti sunt dies effici-
tius, abiit in domum suam.*] Post octo dies. Hinc
apparet quamuis surdus, & mutus esset factus,
non discessisse ab officio, ut discant sacerdotes,
munus non deserere in aduersis.

24. *Post hos autem dies, concepit Elizabeth,
& occultabat se mensibus quinque.*] Hos dies
octo vocat, de quibus locutus fuerat; quibus
Zacharias per vices officium expleuerat in tē-
plo. *Occultabat* se pudore, tum quia verebatur
ne à vulgo diuini mysterij inscio parum hone-
sta reputaretur, ut quæ in aliena ætate viri va-
casset amplexibus, tum ne plerisque ridicula
haberetur, si ante noui conceptus certa indicia
se gravidam exhiberet, & prædicaret. Atque ob
id non se diutius occultabat, quam visitante
ipsam. Virgine, certis argumentis, diuinum do-
num lucide manifestaretur. Per exultationem
infantis in vtero: docet ut tempus expectemus,
quo Deus ipse dona sua nota fieri volet & no-
ta faciet erubescere gratiam, etiam non agno-
sceret culpam Ambros.

25. *Dicens quia sic fecit mihi Dominus in diebus,
quibus respexit auferre opprobriū meū inter homi-
nes.*] Tam præclare mecū egit, ut supra naturā
concipere, & tam illustre cōcipere filium daret:
tunc quādo placuit Deo, auferre opprobrium
Acritatis à me. Quidam verbo *respexit*, subin-
telligunt *me* ut auferret: sed melius, *respexit ad*
an

auferendū, idest curæ ei fuit vt auferret, nō dixit maledictionē Dei, quia sciebat nō esse ignominiosam Deo, nec ex maledictione Dei se incurrisse, quāuis opprobrium hominū effugere ob eam non potuisset. Erat autem dedecori quia puderet mulieres nō parere, quæ ob id nubebāt: vel quia Iudæi nimis carnales erant: vel quod eius populi propagatione, Christus nasciturus esset, ideo alienos à Christo visos, qui posteritatem non haberent: vel quia inter benedictiones à Deo datas huic populo, hæc vna erat, vt in eo nulla sterilis esset Exod. 23. Deut. 7 vel quia sterilitas, pœna alicuius grauis peccati videretur. vt Gen. 20. Oze. 9. ideo dixit *inter homines*. Attende Elizabeth gratam voluntatem, quia hoc opus Deo authori tribuit; fidem, quia felicem partum credebat & expectabat: prudentiam, quia conceptum non euulgauit.

26. *In mense autem sexto, missus est Angelus Gabriel à Dō, in ciuitatem Galilee, cui nomen Nazareth.*] A conceptione Ioannis distinctè describit omnia, tempus, locum, personam missam, & ad quam missio, & à quo facta est: ad historię fidem; & vt declararet quanto tempore Ioannes Christo esset maior natu, quanto intervallo qui præcessurus prædicando erat, nascendo præcessisset. & vt ostenderet non nisi sex mensium esse Ioannem cum venientem ad se Dominum sensit. Ideo autem sexto mense Angelus ad Mariam missus est, quia sexta mundi ætare Christus erat nasciturus; & debuit in utero clausum, in utero ipse clausus infans, infantem demonstrare, & miraculo conceptus, maiori concepti Christi miraculo, fidem facere: *Missus Gabriel* idem qui ad Zachariam, qui

444 MANVALE IN EVANGELIVM
non suo venit nomine sed à Deo : de Nazareth
diximus Matth. 2.

27. *Ad virginem desponsatam viro, cui no-
men erat Ioseph, de domo Dauid, & nomen Virginis
Maria.] Vide Matth.*

28. *Et ingressus Angelus ad eam dixit : Ave
gratia plena: Dominus tecum; benedicta tu in mu-
lieribus.] Gaude, salve, pax tibi. Iubet Angelus
Mariam gaudere, non timere, bono animo esse;
se bonum non malum Angelum esse: & lætum
nuntium afferre, ideo à salutatione incipit, tum
vt excitet ad audiendum mysterium, tum ad
consentiendum. Male Hæretici legunt, gratio-
sa, grata, accepta, gratiam consequuta, dile-
cta: sed Angelus dum singulari & noua vir-
tur salutatione, satis indicat nihil se commune
cum cæteris mortalibus dicere voluisse, & ne-
minem sic ante salutatum. At inquiunt mul-
ti alij gratia, aut Spiritu sancto pleni dicuntur:
vt Ioa. vers. 15. Elizabeth vers. 41 Zacharias vers.
65. Apostoli Act. 2 Petrus Act. 8. omnes illi qui
cōgregati erāt Hierosolymæ Act. 4. Septem illi
diaconi qui primi electi sunt Act. 6. Stephanus
Act. 6. 7. Paulus Act. 9. 13. Barnabas Act. 11. disci-
puli omnes Apostolorū Act. 13. Verum qui gra-
tia pleni dicuntur, non omnes parem habue-
runt: plenus Christus, non vt alij ad mensu-
ram, sed tanquam fons ex quo scaturit, & in
quo stagnat; plena Christi Mater tanquam
fonti proximus fluuius, quæ etsi minus quam
fons aquæ habeat, pleno tamen fuit alueo:
plenus Stephanus, sed tanquam riuulus. Quæ
autem ea fuerit gratia, & cur Maria plena dicta
sit: sunt qui plenitudinem vocant quod in ea
Christus ipse habitaret, in quo habitat omnis
pleni*

plenitudo diuinitatis : alij quia iam concepisset: alij quia mox conceptura erat Christum, quod de gratia non implendam fore sed plenam iam esse dicit Angelus: Alij non quia concepisset aut conceptura esset sed quod ipsa in se, quamuis non ex se, plena esset gratia : quae digna facta est, vt Christum conciperet, licet eam non tam plenam, & tum abundantem gratiam habuisset, nisi conceptura esset Christum. *Dominus tecum.* Hebraei sic se aggredientes salutabant Iud. 6. Ruth 2. Angelus vel impre-
cando *sic*, vel potius affirmando triplicem gaudij causam exprimit: *Gaude & Aue*, quia *gratia plena*, quia *Dominus tecum* est; & quia *benedicta tu*. Dicit itaque Dominum esse cum ea non quod Christum concepisset; eo modo quo. s. d. gratia plena: sed quod diuinis repleta donis, Deoque gratissima; & quod iam per illam gratiam qua plena esse dicitur, spiritualiter in illa sit: Vel quia iam iam fiet vt Dominus sit tecum; & ad perficiendum in te & per te mysterium altissimum : nam Pater tecum, quia eius virtus tibi obumbrabit : Spiritus sanctus, quia in te superueniet : Filius autem, quia in utero tuo, & de substantia tua, fiet homo. Non precatur Angelus vt quidam putant vt Maria benedicatur a Deo, sed iam benedictam annuntiat; vt s. d. Haeretici non aliam hic benedictionem significari putant, quam quae omnibus electis communis sit, quod Christum excipiant : ac non dixisset; *in mulieribus* idest, praeter omnibus mulieribus; non quod non etiam inter homines sit benedicta. Benedictionem autem Angelus intelligit, non filiorum copiam vt Gen. 1. aut rerum affluentiam, vt Gen. 24. 27. aut laudes humanas;

446 MANUALE IN EVANGELIUM

humanas, ut Iud. 5. sed eam quam s. d. gratiæ plenitudinem : illa enim dona quibus ornata fuerat , & gratia qua gratis à Deo data ; & benedictio , quia ex liberalitate profecta iure nuncupantur. Hic notanda antithesis inter Euam & Mariam ex Iren. l. 3. c. 33. Tertul. l. de carne Christi, Aug. Iansen.

29. *Qua cum audisset , turbata est in sermone eius, & cogitabat qualis esset ista saluatio.* Græcè cum vidisset. Nam verbum videndi est omnibus sensibus commune ex Aug. non enim turbata est in illius visione , ut quæ fuerit assueta visionibus Angelorum : sed tantum turbata in sermone eius : vel nonnihil turbata ex visione insolita Angeli : sed magis ex audito eius sermone, qui inchoatam turbationem, ex visione Angeli magis auxit, nunquam enim à viro fuerat salutata Hier. nunquam ante humana forma Angelos viderat, etsi alias cū Angelis fuisset collocuta. *turbata est*, id est; timuit cū quadā corporis commotione quæ solet animi timorē comitari præcipuè cum magnus est: sicque timor ille B. Mariæ à ratione incepit, & ad partē sensitivam provenit: cuius causa fuit insignis amor virginitatis, cum enim in Angeli verbis, aliquid quod prolem, & conceptionem redoleret,prehendisset; & modū adhuc ignorasset, timuit, dubitans virginitatem conservare non posse: quamvis enim Angelum Domini agnosceret, & quod futurum erat , Dei voluntatem esse non dubitaret, ipsique se in omnibus conformem exhiberet : virginitatē tamen conservare summopere optabat. sciebat enim Deum, ita quæ præcepit velle nos facere, ut non displiceat in eisdem nos dolorem concipere: sic non
displu

displicuit Deo, dolor Abrahamæ de filio occidendo, qui timor perfectissimus fuit. Hinc *cogitabat qualis esset salutatio* an amatoria, quia dixerat, *Gratia plena*: An sancta! quia dixerat, *Dominus tecum*, ex Hieron. ad Eustoch. Bern. quia benedictam *in mulieribus* sese audisset, quia nimirum benedici in virginibus sæper optabat: quia cogitabat utrū illa salutatio diuina esset, an illusoria, & à dæmone fallendi causa *missa*. adeo se tam magnifica salutatione indignā putabat ut vereretur ne quis in ea subesset dolus. Cogitabat quo tenderet, & quis finis, quæve causa eius esset; quod erat prudentiæ insignis.

30. *Et ait Angelus ei: ne timeas Maria, inuenisti enim gratiam apud Deum.*] Timorem expellit ut inducat ad credendum verbis suis. Hūc autem timorem potuit cognoscere Angelus, ex vultu, ex cunctatione, ex tacita cogitatione. Hebr. phrasi inuenire gratiam apud aliquē est fauorem illius consequi, idque solo illius beneplacito, ut Gen. 18. & 19. Sic B. Virgo non perditam gratiam, & à se quæsitam, inuenit Dei fauorem. tam assidua orare solita pro redemptione mundi, ut meruerit tantam obtinere gratiam, ut Christū ipsa conciperet ait Bern.

31. *Ecce concipies in utero, & paries filium, & vocabis nomen eius Iesum.*] Cogitationis ambiguitatem tollit, & explicat quam gratiam inuenerit, quod statim esset conceptura, ut Isa. 7 habebis *in utero* indicat ex eius substantia incarnandum: non solam conceptionem, sed etiam partum prænuntians. De nomine Iesu vide Matth. 1. Illic dicitur Ioseph vocabis, hic Mariæ. Non quod putandum sit maritis consuetudinem fuisse nomina imponere, &
in

448 MANVALE IN EVANGELIUM

in Maria fuisse mutata; nam aliquando pater, aliquando scorsim mater, Gen. 19.30. aliquando simul, vt vers. 60. vnum, aut diuersa imponebant nomina.

32. 33. *Hic erit magnus, & filius altissimi vocabitur, & dabit illi Dominus Deus sedem David patris eius: & regnabit in domo Iacob in aeternum, & regni eius non erit finis.*] Magnus, vt Deus, Ioannes vt homo: vel hoc additum vt Christum à multis aliis distingueret, qui Iesu dicti, non tamen magni fuerunt. Loquitur Angelus de hoc filio vt homine, ratione naturæ humanæ, secundum quam concipiendus & in lucem edendus erat: & *vocabitur*, idest, erit Deus, non adoptione, sed natura. vt Isa. 26. *Sedem David*, vocat Davidis regnum, non quod Christus temporaliter, aut in solo Davidis regno, regnatus esset: sed quod David personam gessisset Christi, ex sua posteritate nascituri; ideoque patrem eius vocat: & quod temporale Davidis regnum, spirituale regnum Christi, non in sola tamen Iudæa, sed in toto terrarum orbe significasset. Ps 131. Isa. 9. Amos 9. vnde & Christus ipse, David vocatus est Ps. 44. Ier. 30. Ezech. 34. Oze. 3. Deditse Christo regnum dicitur Deus: non quod non esset natura sua Rex, cum verus esset Deus; sed quia eum Regem esse declarauit. Matth. 3. Psal. 2. *Non erit finis*. idest, sempiternum erit; non vt Davidis per 40. annos: non in vna, aut duabus tribubus, sed in domo Iacob, idest, in omnibus duodecim tribubus, quibus non Iudææ tantum, sed omnium etiam hominum vniuersitas designatur ex Maldon. Matth. 19. Apoc 3. & 12. Isa. 14. & 44. Ezechiel. 37. quibus paucis verbis regi

gni Christi & Daudis discrimen affert.

34. *Dixit autem Maria ad Angelum: Quomodo fiet istud, quoniam virum non cognosco.*] Non ex diffidentia, aut negatione rei, vt Ioan. 6. & Luc. 11. vt contendit Calvin. alieno à Patrum spiritu: qui ex admiratione, & ex desiderio sciendi modum & ordinem, virginem quo id faciendum esset, ne forte cum aliqua voti, & virginitatis suæ iniuria fieret: sic loquutam laudi & prudentiæ ascribunt: sic Nicodemus, ex affectu parato ad credendum, & discendi cupidus interrogabat Dominum: *Quomodo potest homo nasci cum sit senex?* Atque ideo meruit doceri à Christo modum quo hoc fieri possit: sic B. Virgo non dubitat de facto, sed modum quarit & ordinem, non enim dixit: *An fiet istud, sed quomodo fiet istud: quasi diceret: cum scias Dominus meus votum esse ancilla sue non rubere, qua lege, quo ordine, placebit ei vt fiat: si enim oportuerit me votum frangere, doleo de voto, gaudeo de filio,* ait Bern. super Missus, ideo non eam vt Zachariam Angelus reprehendit. Et Aug. Hoc non diceret nisi virginem se ante vouisset. vt si Carthusianus dicat non vescor, idest, non possum vesci carnibus, quia impediatur voti religione.

35. *Et respondens Angelus dixit ei: Spiritus sanctus superueniet in te, & virtus altissimi obumbrabit tibi: ideoque & quod nascetur ex te sanctum, vocabitur filius Dei.*] Docet modum Angelus & de seruanda virginitate securam facit: dicens Spiritum sanctum in eam descensurum: qui, quod ad conceptionem attinet, quod vit carnaliter facturus erat; spiritualiter, idest sine vlla corruptione, sancte, nude, & perfecte facturum

450 MANVALE IN EVANGELIVM

facturum, ex Chryl. Hom. 49. Sicut autem in Apostolos venire dicitur, licet per insufflationem iam accepissent: ita B. Virgo, & habuit Spiritum sanctum, & promittitur in eam venturus Spiritus, nimirum quod secundum alios effectus, iam esset in ea venturus, quam hactenus in ea operatus esset: scilicet ad formandum in utero virginis Christum, licet omnes tres personæ formauerint, quia ut nos Spiritu vivificamur, ita Spiritu Dei omnia vivificantur, Ps. 103. sic impletum Isa. c. 8. *obumbrabit*, id est, lumen incorporeum accipiet in te corpus humanitatis, & per assumptam humanitatem umbram in te faciet, Greg. Vel in modum umbræ te circundabit, præservans te à calore concupiscentiæ, ut nubes obumbrans defendit à calore solis. Ambr. ut significetur ipse Dominus sibi carnem condens, primum illam delineasse in utero virginis, ac deinde figurasse, ut pictor primum delineat & umbras iaducit, & deinde perfectum colorem addit. Dion. Carth. *Virtus altissimi*, id est, *omnipotens Deus Pater* obumbrabit, id est, suam potestatem immensam, tuæ capacitati contemperabit, ut eius influentiam ferre possis: nec irradiabit te secundum plenitudinem suæ claritatis; sed velut umbram suæ claritatis causans, exercebit in te effectum suæ potestatis. Theoph. conteget te & complexabitur, & undique te circundabit, sicut avis obumbrat pullos suos ut Ps. 90. vel quem ante Spiritum sanctum, nunc virtutem altissimi vocat. Græce *nube obduces*, id est, *impluet*. Nam nube pluvia significatur. q. d. fore ut virtus altissimi, sic in virginem impluat, ut eam fecundet, & gravidam efficiat, sicut solet pluvia terram fecun-

fecun

fœcundare, vt Ps. 66. & 84. & 33. Græce quod ex te generatur, gignitur, non quod iam generatum esset, sed quod paulo post generandum, ex quo significat non ortum, sed conceptum. Et dictio *Sanctum* iungenda est cum nascitur non cum vocabitur. Ad differentiam aliorum hominum, qui quia nascuntur ex immundo semine, immundi nascuntur. vel sanctum idest sanctè. q. d. non ex voluntate viri, neque ex voluntate carnis, sed ex Deo nasciturum, superueniente in virginem Spiritu sancto, & virtute altissimi eam obumbrante. Vocabitur, idest, erit filius Dei singulari ratione, ex quo bis natus est semel absque initio, ab æterno æternus, nunc in tempore, ex mortali mortalis. Quare non duo filij sicut nec duæ personæ; sed vnus filius, sicut vna persona est. Vel vocabitur, idest, erit filius Dei, quia non à viro, sed à Deo virtute Spiritus sancti generabitur: nèque enim de Christi natura, sed de modo generationis Angelus agit. Singulari inquam quod non alium quam Deum Patrem haberet; non ab alio quam ab eo generatus. Sic Adam filius Dei vocatur, cap. 3.

36. Et ecce Elizabeth cognata tua, & ipsa concepit filium in senectute sua; & hic mensis est sextus illi, qua vocatur sterilis.] Hunc modum concipiendi confirmat alio modo supernaturali, q. d. Elizabeth concepit filium in senectute sua; in sterilitate omnibus nota: sic tu in virginitate tua conceptura es non filiam, sed filium: quod miraculum auget, & beneficium. Et conceptus huius sterilis, quæ cum opprobrio sic vocatur, iam certo cognosci potest, tum ex tumente utero, tum ex motu viuentis

in

452 MANVALE IN EVANGELIUM
in utero infantis, ut facile credat se virginem
concupere posse.

37. *Quia non erit impossibile apud Deum,
omne verbum.*] Confirmat potuisse Deum
efficere ut ante sterilis, & ut nunc virgo con-
cipiat. *Erit pro est. verbum pro re.* q. d. nihil
omnino est impossibile apud Deum. seip-
sum vero non potest negare, mentiri, pecca-
re, mori, quæ sunt impotentia, & Deo repu-
gnant, ait Aug.

38. *Dixit autem Maria; ecce ancilla Domini,
fiat mihi secundum verbum tuum. Et discessit ab
illa Angelus.*] Virgo de modo edocta, & exem-
plo confirmata, etsi modus ipse humana æsti-
matione impossibilis videri poterat, non
resistit, non disceptat, sed fide plena & ad obe-
diendum promptissima, humillime, & pru-
dentissime, divinæ sese obtulit voluntati. Obe-
dientiam commendat particula *Ecce*: humi-
litem, verbum *Ancilla Domini*: fidem verbum
fiat: prudentiam, *secundum verbum tuum*:
Non enim consensum generaliter exhibebat,
nisi ad concipiendum, sine virili copula, iuxta
formam ab Angelo præscriptam. *Fiat, &c.* ver-
ba optantis esse putat Amb. quasi audito An-
gelo, non solum consentiat sed etiam optet,
ac oret, ut id quamprimum fiat. Irenæus vero
consentientis esse ait, ut quæ repugnare vide-
batur, nunc non repugnet, sed sese offerat Deo.
ita ut statim post ipsa verba Christi conceptio
facta sit, non ante, quia credibile est, sine con-
sensu Virginis noluisse Deum ex ea carnem
accipere, & obtento consensu, non erat quod
conceptio differretur. Porro in hac conceptio-
ne non fuit talis ordo qualis in reliquorum
omnium

omnium conceptione, vt prius, scilicet per conceptionem, fuerit informis quædam massa, quæ deinde formaretur, per membrorum & organorum distinctionem, & postremum per infusionem animæ animaretur: sed in ipso conceptionis momento, quo purissimū sanguinem in locum conceptus Spiritus sanctus adduxit, simul fuit carnis formatio, eiusdem figuratio, animæ infusio, & carnis, atque animæ a diuinitate assumptio, quia Spiritus sanctus, ad agendum tempore non indiget, & quia indignum videretur corpus Christi informem aliquando fuisse massam alterius speciei, quàm humanæ, & habuisse aliam substantiam à substantia Verbi Dei. Ideo dixit Ierem. 31. *Fœmina circundabit virum*: perfectum sapientia. Et Elizabeth Mariam vocat Matrem Domini. Et fructum ventris eius dicit benedictum: si enim mater erat etiam tum Domini: ergo tum caro, & à Verbo assumpta, & simul animata: alioqui enim mater dici, vere non potuisset. *Discessit autem ab illa Angelus*; ne putaretur Angelum fuisse qui ex ea sumpsisset carnem: vel aliquid cooperatum esse, in hac conceptione. Vel vt significaretur, statim post responsum & consensum Virginis conceptionem fuisse perfectam, & legatione perfunctum discessisse.

39. *Exurgens autem Maria in diebus illis abiit in montana cum festinatione, in ciuitatem Iuda.*] Hæc verba in Mariæ actione commendant multas virtutes. 1. humilitatem, quæ enim meruerat ab Angelo visitari, & tam magnifice ab eo salutari, quæ se matrem Domini & Messia factam esse cognouit, non dedignatur, præcur

434 MANUALE IN EVANGELIUM

præcursoris sui filij Matrem visitare, eamque prior salutare. 2. Studium sedulum congratulandi, & obsequendi cognatæ, quod ex pietate, & charitate magna proficiscébatur. 3. Lætitiam de bono cognatæ, in eo quod cum festinatione abiit, & Virgineum pudorem, non demorando in plateis. 4. Efficacem Spiritus sancti gratiam, quæ in ea erat, & eiusdem gratiæ conditionem, festinandi. Non ergo curiositas, non infirmitas fidei, quasi experiri vellent an quod Angelus dixerat vers. 36. verum esset, ut contendit Calvin. *In diebus illis* nimirum conceptioni proximis & nondum mense illo sexto completo. *Abiit* in vnam ex ciuitatibus Iuda, in montanis sitam, quæ à Nazareth multis distabat milliaribus, plerique Hierusalem putant, sine fundamento: nec sine Ioseph, iam facto coniuge eius accessisse.

40. 41. *Et intrauit in domum Zacharia, & salutauit Elizabeth; & factum est, ut audiuit salutationem Mariæ Elizabeth, exultauit infans in utero eius: & repleta est Spiritu Sancto Elizabeth.*] Ostendit salutationem Mariæ non fuisse vulgarem, sed admodum efficacem; Nam & Ioannes in utero gestiens exiliit, & Elizabeth repleta est Spiritu sancto: Proinde necesse est fateamur per Virginis vocem, Deum, quem in utero gestabat incarnatum, operatum fuisse potentia suæ diuinitatis mirabiliter: Nam solent infantes in utero clausi, ex matre vitalem spiritum capere; ac Elizabetha contra, ex filio suo Spiritum cepit, ex Amb. & Beda. Ex hoc quæritur, num Ioannes cognouerit Dominum, & matrem Domini

Domini esse præsentes, ita ut in eis per gratiam Spiritus Sancti, sit anticipatus rationis usus. Calvinus nullum motum præter naturam illi tribuit: Naturale enim esse ut gaudio gestiente matrem infans in utero moueatur, & quodammodo exiliat. Alij diuinitus quidem factum aiunt, sed sine eius sensu, sine cognitione, sine fide, ut & diuina potentia, sine suo tamen sensu conceptus fuerat. Aug. Alij melius Ioanni ad Christi aduentum rationem anticipatam Iren. l. 3. c. 18. Amb. Chrys. & Orig. ait ideo à Christo dictum esse Prophetam maiorem Ioanne Baptista non surrexisse, quod in utero Ioannes prophetasset, & quia si nihil Ioannes sensisset, nihil de illo magni, & noui dictum esset: At pater Lucam aliquid de eo diuinum, ac singulare, dicere voluisse: Deinde quod Angelus dixerat vers. 15. *Et Spiritu Sancto replebitur adhuc ex utero matris sue.* non potest, nisi nunc cum in utero Ioannes exultat, & Christum salutat, esse completum: & Spiritu sancto, nemo nisi sentiens repletur. Et quod dicitur: *Exultauit in gaudio infans in utero meo*, non potest de gaudio matris, sed Ioannis intelligi, qui prius exiliit, quam mater eius, Christi matrem agnosceret; & agnoscens gauderet: Nec sequitur quod obieciebat August. si anticipatus fuit in Ioanne rationis usus, eundem in eo postea permanere debuisse: quia cum ad demonstrandum tantum Christum, illi datus esset, necesse non erat, ut eo demonstrato maneret: ut in Prophetis, ubi ea prædixerant, quæ Deus volebat populo significari, non semper manebat Spiritus Prophetiæ.

42. *Et exclamavit voce magna, & dixit: benedicta tu inter mulieres, & benedictus fructus ventris tui.*] Non quod B. Virgo, ad audiendum, clamore vocis indigeret; sed quod magna & insperata erant, quæ sibi reuelabantur. Salutat matrem & filium: prius matrem cuius vocem audiuerat; posterius filium cuius virtutem senserat: *inter* idest, præ omnibus mulieribus: adiecit verbis Angeli *& benedictus, &c.* 1. Quia multæ sanctæ mulieres pepererant impuberes, vt Rebecca. 2. vt explicaretur causa benedictionis Mariæ, ideo ipsa benedicta inter mulieres, quia fructus eius benedictus & pro quia.

43. *Et unde hoc mihi, vt veniat mater Domini mei ad me?*] Ostendit à Spiritu S. edoctam se, vtramque fœtus naturam, Dei scilicet & hominis, contra Nestorium, B. Virginem verè, & propriè esse matrem Dei. Et nota solam Virginem, ante partum diei matrem, quod esset sine periculo abortus.

44. *Ecce enim, vt facta est vox salutationis tuæ in auribus meis, exultavit in gaudio infans in utero meo.*] Significat vocem Mariæ exultationis infantis, gaudij sui & repletionis Spiritus sancti causam fuisse.

45. *Et beata quæ credidisti, quoniam perficientur ea, quæ dicta sunt tibi à Domino.*] Patet de Maria loqui, siue dicatur tibi, vt Græcè, siue illi. Paucis verbis vaticinatur, de præteritis dicens, *Beata quæ credidisti*: de præsentibus, cum Mariam vocat matrem Domini sui: de futuris, cum dicit fore vt omnia quæ Mariæ à Domino dicta fuerunt,

fuerunt, re ipsa perficiantur : vt quod regnaret in domo Iacob; quod salutem operaretur hominum; quod Iesus vocaretur.

46. *Et ait Maria : Magnificat anima mea Dominum.*] Deo plena, Prophetico afflata spiritu, ait. non dicitur, *exclamauit*, vt Elizabeth, ne tunc primum cum hæc diceret, repleti Spiritu sancto crederetur, sed tunc illo Spiritu sancto, quo iam plena erat excitante. Magnificare, est laudibus extollere, magnitudinem Dei agnoscere, gratias illi agere; & prædicare magnum in se Dei beneficium : Vel maiorem facimus, cum in bonis operibus, & virtutibus magis eius imaginem participamus. Ex Amb.

47. *Et exultauit spiritus meus, in Deo salutari meo*] Lætari in Deo est de Deo gaudere, eumque esse gaudij nostri obiectum & materiam. & quamuis vna & eadem res sit anima & spiritus; tamen anima dicitur quatenus animat, & viuificat corpus; spiritus vero quatenus superioribus, & cœlestibus intendit : Vel anima dicitur in quantum est vita corporis : spiritus in quantum est substantia spiritualis. vt 1. Cor. 7. Sæpe *salutaris*, vel salutare, accipitur pro saluatore vt ipse Deus meus, & salutaris meus. Psal.

48. *Quia respexit humilitatem ancilla sua : Ecce enim ex hoc beatam me dicent omnes generationes.*] Causam reddit suæ magnificationis, & exultationis. Porro humilitas in scripturis tria significat. 1. afflictionem vt Ps. 24. 2. abiectionem, exiguitatem, vilem conditionem; vt Philip. 3. 3. virtutem contrariam elationi, vt hic. tamen ex Græco videtur, non tam se humilem vocare quam paruam & abiectam. q. d.

V dcia

458 MANVALE IN EVANGELIVM

deinceps, ex hoc tempore; non solum tu & Elizabeth, sed omnes omnino mortales beatam me esse predicabunt: intelligit credentes. Nam Calvin eam conuictis afficiunt.

49. *Quia fecit mihi magna qui potens est; & sanctum nomen eius.*] Magnalia, magnifica, q.d. non propter meam virtutem, existimo me ab omnibus predicandam foelicem, sed quia fecit mecum magna; qui potens est: *ὁ δυνατός* potens, ut ne quis minus credat his quæ ab ipsa dicuntur, & incredibilem nouæ conceptionis modum, per considerationem omnipotentiae diuinæ attruat. *Sanctus* dicitur, ob puritatem suam, à rebus prophanis & immundis separatam: quasi impollutus, incontaminatus: quia Verbum Dei in utero Virginis contaminatum nō fuerit. Græce *ἅγιος* sine terra; vel potius ab *ἁγίος* quod est colo quasi venerabilis, adorandus, propter illa, quæ sibi fecisse dixerat.

50. *Et misericordia eius à progenia, in progenies, timentibus eum.*] Iam commendat eius misericordiam, quæ communis est omnibus sæculis; & singulis qui reuerentur illum ut Ps. 120.

51. *Fecit potentiam in brachio suo, dispersit superbos mente cordis sui.*] Q.d. fecit potenter brachio suo, potenter manu sua rem gessit: aut declarauit, quam potens esset brachium suum, quia miracula illa quæ gessit à nemine adiutus fecit. Quidam intelligunt cani, ea quæ facta sunt, & iam facienda erant per incarnationem Verbi: eaque hic cani spiritu prophético, tanquam facta, quod iam iam facienda erant, & iam facta erant inchoatiue, & in sua radice, quia scilicet per filium suum incarnatum, diabolum superauit, totum mundum

con

conuertit: Alij præsentia, quasi in hoc Deum potētiam fecisse dicat, quod fecit vt Virgo ipsa conciperet. Alij ad creationem; & ad ea quæ potenter initio mundi fecit, referunt: vt Anna 1. Reg. 2. & Psal. 135. *dispersit superbos tam dæmones quam Ægyptios & Iudæos, mente cordis sui.* q. d. profundo consilio suo: sed relatiuum *sui* ad Deum non refertur, sed ad *superbos*, idest, eos qui mente cordis sui superbi erant; qui apud seiplos de se magnifica senserunt: Vel dissipauit consilia gentium. vt Psal. 32. vel significat superbos, suis ipsorum consiliis dissipari, vt Iob 5. cum scilicet in diuersum euadunt exitum, quam ipsi putabant.

52. *Deposuit potentes de sede, & exaltauit humiles.*] Dum potentes Reges potestate exuit, vt Iudæos introduceret: ex lib. Iosue: dum & dæmones è sedibus regni cœlorum deiecit, & dominium super fideles eis abstulit: dum & Iudæos in populo Dei primum locum tenentes, iam inferiores fecit, translato ab eis regno, ad populum gentilem. Vel alludit ad Saulem quem de regio solio deturbauit, & ad Dauidem, quem ad regnum euexit. 1. Reg. 16. Vel solum innuit quid Deus facere possit, ac soleat: Solet autem Deus regna transferre. vt Dan. 2. Eccl. 10. Psal. 106. Iob 12. idest, potest deponere, exaltare; ita Mald.

53. *Esurientes impleuit bonis, & diuites dimisit inanes*] Idest, potest, ac solet vt 1. Reg. 2. Ps. 33. diuites facere pauperes. Itaque morale est, Esurientes Gentiles, diuites Iudæos, vel Esurientes humiles, diuites superbos: vel Esurientes qui esuriunt & siriunt iustitiam; diuites qui

ea abundant, idest, qui ad se corruptos iudices
flectunt.

54. *Suscepit Israel puerum suum, recordatus
misericordiae suae.*] Israëllem filium suum, seruum,
siue Israeliticum populum vt Ose: 11. cui pri-
mum natus, & missus est Saluator, & ex quo
plerique credentes saluati sunt. vocat seruum
suum ad distinctionem gentium, idolis ser-
uientium. Venit Christus Rex verus qui cum
non à Romanorum, sed à maiori diaboli ty-
rannide liberauit, vt ostenderet se misERICOR-
diæ suæ oblitum non esse. dicitur enim Deus à
nobis memor alicuius, dum qui ad tempus vi-
sus est oblitus esse, memorem se ipso effectu
declarat, idest, cum nos orantes exaudit vt
1. Reg. 1. Ester 10. Ps. 97. Ierem. 2. Dan. 14.

55. *Sicut locutus est ad Patres nostros, Abraham,
& semini eius in secula.*] Q. d. vt memor esset
misericordiæ suæ quam promiserat patribus
nostris *Abraham, & semini eius in secula*, vsque
in mundi finem Gen. 12. 15. 16. 28. Ps. 131.

56. *Mansit autem Maria cum illa quasi mensi-
bus tribus, & reuersa est in domum suam.*] Vt
colloquiis sanctis, & amicis obsequiis subleua-
ret, & vt verosimile est, partui Elizabeth in-
teresset: quia illa ratio quæ illam impulerat vt
prægnantem inuideret, impellebat, vt eius
partum expectaret: ver. 36. Quis dubitet re ipsa
voluisse experiri partum? Et natum videre,
quem sciebat filij sui præcursores futurum
esse; quem audiuerat præ gaudio in matris
utero exultasse, nec enim dedecet virgines co-
gnatas, & amicas, parituris ministrare.

57. *Elizabeth autem impletum est tempus pa-
riendi, & peperit filium.*] Nouem aut circiter
mensium,

mensium, vt prædictum fuerat ab Angelo, non solum concepturam, sed etiam parituram filium.

58. — *Et audierunt vicini, & cognati eius, quia magnificauit Dominus misericordiam suam cum illa & congratulabantur ei.*] Quod ante concepit, nunc vero peperit: quod non solum à sterilitatis opprobrio eā liberauit, sed id in senectute eius fecerit, & filium non filiam dederit: quod cumulatam Dei misericordiam probat. Et congaudebant ei, quo impletum, quod dictum fuit ab Angelo v. 14.

59. *Et factum est, in die octauo venerunt circumcidere puerum: Et vocabant nomine patris sui Zachariam.*] Hebraicè, ventum est ad circumcisionem pueri unde non significatur parentes aut amicos exiisse, aut iuisse in synagogam ad circumcidendum: sed cœptum fuisse agi de circumcidendo puero in domo, vt probabilius est: sic Gen. 17. 13. 24. Exod. 4. Ios. 5. Et domi Ioannes videtur circumcissus quia Elizabeth præfenserat, cum dixerit *nequaquam sed vocabitur Ioannes*: At non poterat octo dierum puerpera domo exire, & in synagogam ire; cum in sanguine triginta dies esse deberet, Leuit. 12. Et de vocando eo consilium inibant cognati vel amici: Vel vocare cœperunt. Ex quo colligitur, Iudæos in circumcisione solitos nomina imponere, vt Gen. 4. 5. 21. Vt nos in baptismo: quod tunc infantes iugum ac seruitutem Dei subire inciperent.

60. 61. *Et respondens mater eius, dixit: Nequaquam sed vocabitur Ioannes: Quia nemo est in cognatione illa qui vocetur hoc nomine.*] Q. d. loqui exorsa, ex puerperio decumbens, seu ab amicis

interrogata, siue non. ait *vocabitur Ioannes.* Quod nomen non ab Angelo, neque à Zacharia muto, sed à Spiritu sancto edocta.

62.63. *Innuabant autem patri eius quem vellet vocari eum: & postulans pugillarem scripsit, dicens: Ioannes est nomen eius. Et mirati sunt universi.*] Postquam postulasset, non quidem per vocem sed per nutum, quia mutus erat & surdus, tabellam scriptoriam in qua stylo scribatur, *scripsit dicens*: non quod ore locutus sit, ad quid enim scribere opus fuisset: sed dicitur dixisse quia per scripturam loquutus est, non scripsit autem vocabitur Ioannes, vel sit aut erit, sed *est*. q.d. quid de nomine imponendo quæritis? iam nomen est ei impositum à Deo per Angelum: *Et mirati sunt universi*, tum quod in nomine tam nouo, ambo inter se conuenerent parentes; tum quod iam prius illi fuerat impositum.

64.65. *Apertum est autem illico os eius, & lingua eius, & loquebatur benedicens Deum. Et factus est timor super omnes vicinos eorum, & super omnia montana Iudæe diuulgabantur omnia verba hæc.*] Admirationem, auxit miraculum solutionis linguæ. Hinc *timor*, idest, admiratio & reuerentia: & *diuulgabantur omnia verba hæc*, idest, facta; quod anus pepererat ex senē; quod in nouo nomine inter se parentes conuenerant: quod filius hic ab Angelo promissus esset: quod pater prius ex loquente mutus & surdus factus, rursus ex muto facundus, in laudem Dei prorupisset: quod vterque parens diuino spiritu afflatus esset.

66. *Et posuerunt omnes qui audierant in corde suo dicentes: quis putas puer iste erit? Etenim*
manus

manus Domini erat cum illo.] Q. d. quantus Propheta qui tot conceprus, tot natus miraculis, omnino apparet ad res summas delectum esse. *Manus Domini*, potentiam significat, non quod ipse aut miracula faceret, aut futura prædiceret: sed quod singularia in eo diuinæ potentia, & prophetia signa reuererentur: Et quod suam exercebat virtutem in puero, & per puerum in parentes.

67. *Et Zacharias pater eius repletus est Spiritu sancto, & prophetavit dicens*] Tunc, non quod etiam non ante Spiritum sanctum habuerit: ut enim recte notat Origen. Hom. 10. B. Virgo tribus mensibus in domo Zachariæ commorata est, non ut solus Ioannes Saluatoris præsentia proficeret, sed & ipsa Elizabeth, ac Zachariæ: nam credibile est eum pœnituisse, ante natiuitatē suā; Et Saluatoris & B. Virginis præsentia, in mysterii agnitione & Spiritus sancti gratia progressum fecisse. *Prophetavit*, tum quia futura prædixit, prius de Messia, deinde de Ioanne; tum quia præcedentium oracula Prophetarum prædicta de felicitate ac regno Messia, salute per Messiam Israeli obuentura, iam iam adimplenda erant, spiritu prophetico explicans hæc prophetarum vaticinia spiritualiter esse accipienda, de salute vera quæ in peccatorum remissione consistit. Et primo quidem canit laudandum Deum.

68. *Benedictus Dominus Deus Israel qui uisitauit, & fecit redemptionem plebi suæ.*]

464 MANVALE IN EVANGELIVM

Græce laudandus, benedicendus, vel dignus est ut laudetur, & benedicatur. *Deus Israel*, quod singulariter agnosceretur, & coleretur ab Israel: causam explicat benedictionis, quia *visitavit* beneficiis affecit redemit: (aliquando in malam partem sumitur pro castigavit, puniuit. ut Exod. 20. Isa. 23.) Quia primum venit ut redimeret plebem suam Israel, illique soli suam præsentiam exhiberet: Nam alias gentes, non per se, sed per Apostolos visitavit, & eorum successores: Et Israel quodammodo ex debito redemit, quia suum illi promiserat aduentum, alias vero gentes ex sola liberalitate, ut Matth. 10. & 15. & more prophetarum de re futura propter certitudinem euentus tanquam de præterita vaticinatur. Vel dicit *visitavit*, &c. quia iam inchoata redemptio, & iam redemptor venisset: *visitatio* ad carnis assumptionem: *redemptio* ad passionem & mortem refertur.

69. *Et erexit cornu salutis nobis, in domo David pateri sui.*] Altera causa benedictionis est quia regem excitavit, & saluatorem Act 5. *Cornu* enim regiam potestatem significat, quia cornu reges inungebantur. 1. Reg. 16. aut quia Rex tota est potentia regni: ut gloria & fortitudo animalium cornutorum in cornibus sita est. 3. causa benedicendi Deum hæc est quod impleverit promissionem in familia David serui & ministri sui in populo gubernando. Psalm. 77. Et quia in ea ipsa re Christi personam gerebat. Jerem. 30. Ezech. 34.

70. *Sicut locutus est per os sanctorum, qui à saculo*

faculo sunt prophetarum eius.] Ad distinctionem Pseudoprophetarum qui Sancto Spiritu afflati non sunt loquuti: *qui à faculo sunt*, idest, ab antiquis temporibus; vel ab orbe condito: nam Adam de Christo videretur prophetaſſe. Gen. 2. & Eph. 5.

71. *Salutem ex inimicis nostris, & de manu omnium qui oderunt nos.]* Idest, sicut locutus est salutem per Prophetas, ita iam fecit redemptionem: & sic exponit quid sit hoc cornu salutis: idest, cum qui saluabit nos ab inimicis, dæmonibus, prauis affectibus ad malum.

72. *Ad faciendum misericordiam cum patribus nostris, & memorari testamenti sui sancti.]* Causas refert cur hoc cornu salutis erexit: 1. vt faceret misericordiam, q. d. Deum ostendisse misericordiam quod filium suum misisset: 2. Vt memorem se declararet foederis sui cum patribus initi.

73. 74. *Iusiurandum quod iurauit ad Abraham patrem nostrum, daturum se nobis: vt sine timore de manu inimicorum nostrorum liberati seruamus illi.]* 3. Vt seruaret & compleret iusiurandum quod iurauit: quidam legunt vt sit appositio totius sententiæ præcedentis. Et explicat, quid in illo iureiurando contineretur, nempe fore vt hoc nobis daret, vt liberati de potestate inimicorum libere illi seruiremus. vt Gal. 3. 10. 16. Rom. 8.

77. *In sanctitate & iustitia coram ipso omnibus diebus nostris.]* Exponit quæ ad Euangelium pertinent: venit enim Christus non solum vt liberaremur ab inimicis, sed etiam vt seruiremus in sanctitate & iustitia coram ipso, ad excludendam omnem fictionem: vel quia in veteri lege,

V 5. qui

466 MANUALE IN EVANGELIUM

qui Deo seruiebant non tam in vera sanctitate & iustitia ; quam in vmbra quadam sanctitatis & iustitiæ seruiebant Heb. 2. in Euangelio verò nō in vmbra, sed in veritate coram Christo: non coram Moyse & Prophetis, non in iustitia carnis, sed in iustitia Spiritus, Ioann. 4. non ad tempus, sed vsque ad mundi finem. Gen. 22.

76. *Et tu puer Propheta altissimi vocaberis: praibis enim ante faciem Domini parare vias eius.*] Conuertitur in suo vaticinio ad filiū recens natum, iam vsum rationis habentem, vel melius non intelligentem. q. d. Propheta eris, nedum seruias in sanctitate, coram ipso: nam parando vias prophetabat, iam appropinquasse regnum cœlorum.

77. *Ad dandam scientiam salutis plebi eius, in remissionem peccatorum, eorum.*] Docendo Christum esse verum saluatorem. Ecce qui tollit peccata mundi: non quod illis Ioannes peccata remitteret, sed quod hominibus scientiam daret, seu doceret ad Christum venire, qui vere illis peccata remittebat.

78. *Per viscera misericordia Dei nostri in quibus visitauit nos oriens ex alto.*] Significans per misericordiam intimam remissionem peccatorum contingere, non ex operibus, nostrisve meritis Tit. 3. propter quam venit vt redimeret nos. Græce *Ortus solis ex alto.* Nam oriens substantiuum est, pro Messia vt Mal. 4. Sap. 5. Isa. 60. qui ad modum solis, venit hunc mundum illuminare non ex terra, sed ex alto, quia rectis lineis descendit de cœlo Deus, homo de terra natus ex virgine.

79. *Illuminare his qui in tenebris, & in vmbra mortis sedent, ad dirigēdos pedes nostros in viā pacis.*]

pacis.] Vt illustraret his qui in tenebris habitant, & *in umbra mortis* vocatur tristis rerum facies ducta similitudine ex obscuris sepulchris, quibus nihil tristius, vt Matth. 8. Per tenebras ignoratio, per umbram mortis peccata intelliguntur: vtrumque enim gentibus & Iudæis commune erat: vt qui propter tenebras sedebant, & *viam pacis* qua ambularent, non agnoscebant: iam illuminati dirigerent *pedes*, animi affectus & actiones, ad *viam pacis iustitiæ*, tutam sine errore, sine offendiculo vt Isa. 40.

80. *Puer autem crescebat & confortabatur Spiritu, & erat in deserto usque in diem ostensionis suæ ad Israel.*] Crescebat corpore, & confortabatur secundum animam: vel à Spiritu diuino, non quod Spiritus cresceret: sed quod crescente corpore magis appareret, siue diuinus, siue humanus Spiritus. Et statim à prima pueritia erat in desertis, usque in diem quo erat demonstrandus Israelitis anno viceesimo nono vel 30. quo prædicare cœpit & se præcursores declarauit. Cur non ante vide Mat. 3. Sic Lucas breuiter complexus est historiam quæ est de Ioanne, usque ad tempus prædicationis eius.

C A P V T II.

Nascitur Christus, circumciditur. Puer docet in templo.

I. **F** Actum est autem, in diebus illis, exiit edictum à Casare Augusto vt describeretur

uniuersus orbis.] Historiam natiuitatis Christi à Matthæo prætermiſſam refert Lucas: designat autem locum, vbi natus est; & quid eo nato acciderit. Edicti autem Cæſaris, sub idem tempus (nato iam Ioanne vt probabilius est) meminit, ne quis obſiceret, qui fieri potuit vt natus ſit in Bethlehem, cum conceptus ſit in Nazareth: cauſa fuit vt cenſum ſolueret. *Vniuerſus orbis*, id eſt, ea pars quæ ſub Romanis erat, vt ſic numerus conſtaret hominum qui ſub eorum erant poteſtate vt 2. Reg, 24. Vel potius vt in ſingula capita vectigal aliquod certum imponeretur, de quo Act. 5. Et tantum impoſitum eſt quantum prius Deo, & templo ſoluebant. id eſt, media pars ſicli, quæ drachmas duas continebat vt Matth. 17. Soli viri iique patresfamilias deſcripti ſunt, non tam ab Auguſto quam à Deo, vt ea occasione Maria Chriſto prægnans in Bethlehem veniret, vt Imperatoris edicto obtemperaret ibique pareret, vbi prædictum erat à Prophetis Chriſtum naſciturum Mich. 5. & Matthæi 2.

Hac deſcriptio prima facta eſt à præſide Syria Cyreno.] Cyrenio vel Qgirino præſidente. non enim ſenſus eſt quod ille primus hanc deſcriptionem fecerit. Quod notat vt fidem hiſtoriæ adhiberet, vt diuinitus factum oſtenderet, & altæ pacis tempore Chriſtum natum eſſe, qui mundo pacem afferebat. Et vt in primo illo cenſu deſcriberetur, vt nos à cenſu & diaboli ſeruitute liberaret.

3. *Et ibant omnes, vt profiterentur ſinguli in ſuam ciuitatem.*] Vt deſcriberentur, vt nomina

mina darent, vt se quisque huius vel illius profiteretur esse familiae, seque Imperatori subditum agnosceret. Ibant non in quam quisque ciuitatem natus erat, aut habitabat; sed eam quæ tribus suæ metropolis esset: Bethlechem autem metropolis erat tribus Iuda, ideo Ioseph & Maria iuerunt Bethlechem. alij quæ non tribus, sed familiae suæ caput esset. Nam sicut populus in tribus, ita tribus in familias diuidebantur, & hoc cohæret cum eâ ratione quam reddit Lucas eo quod essent ex domo & familia David: erat enim Bethlechem patria ipsius patris Davidis 1. Reg. 16. ibique David natus, & educatus fuerat; & ab eo qui eam nobilitauit dicta est ciuitas Davidis.

4. *Ascendit autem & Ioseph à Galilæa de ciuitate Nazareth, in Iudæam in ciuitatem David, quæ vocatur Bethlechem: eo quod esset de domo & familia David.*] Idest Ioseph etiam iuit à Galilæa, à ciuitate Nazareth in qua natus erat; & in qua habitabat, cum Maria in ciuitatem David quæ vocatur Bethlechem. diximus etiam Mariam fuisse ex familia Davidis.

5. *Vt profiteretur cum Maria desponsata sibi uxore pregnante.*] Ex quo patet etiam mulieres descriptas fuisse, quamuis Maria, possit referri ad *ascendit*: & apparet eiusdem familiae fuisse cuius & Ioseph. Sensus non est illi desponsatam fuisse, cum iam esset prægnans: sed fuisse illi prius desponsatam, & tunc cum Bethlechem ascenderunt fuisse prægnantem. Græce *desponsata* dicitur quæ desponsa,

sponsa, & pacta in coniugium est : quamvis Maria vere iam ducta esset, vt indicaretur ita eam vxorem fuisse, vt esset tamen virgo ex Maldon. & Matth. i.

6. *Factum est autem cum essent ibi, impleti sunt dies vt pareret.*] Diuina id ita ordinante providentia, vt in Bethlechem Christus nasceretur. At quomodo Maria tam propinqua partui iter quatuor dierum conficere potuit. Dicunt asino vectam : alij melius non fuisse molestum sicut cæteris mulieribus & grauem vterum, sicque pedibus ire potuisse, non tam ab ea gestatus Christus, quàm eam gestans. Et probabile est Mariam non ignorasse locum, neque diem sui partus, ideoque eo libentius iuisse. Et colligitur per aliquot dies fuisse Bethlechem, antequam pareret, cum dicat Lucas, *cum essent ibi impleti sunt dies vt pareret.*

7. *Et peperit Filium suum primogenitum, & pannis eum inuoluit, & reclinauit eum in praesepio, quia non erat ei locus in diuersorio.*] Non quod post Christum alios, sed quod ante illum neminem Maria genuisset vt Matthæi i. recte suum vocat, quem non ex Ioseph sed ex sola sua substantia, sine viri commistione conceperat, Græce *infaſcinauit*, ne quis laceros pannos imaginetur; sed tales quales pauperum esse solent: & passus est Christus in se fieri, quod in aliis fieri consuevit, vt se cæteris similem declararet. Ex hoc colligitur Mariam; sine ruptura vlla corporis sine vllō dolore peperisse. Si enim aperto corpore peperisset, quomodo potuisset recens natum infantem

infantem excipere & suis manibus inuoluer-
re. ideo nec opus fuit obstetrice. Sunt qui
dicunt stabulum fuisse extra urbem. alij me-
lius intra Bethlehem, & publici hospitij sta-
bulum fuisse in quo se receperunt. Ibi vir-
go peperit, ibi reclinavit infantem. Incer-
tum, an coniunctum cum diuersorio, an ab
eo separatam. Sunt qui propriam domum
Ioseph & Mariæ significari putant; alij pu-
blicum hospitium; vel consuetum homi-
num domicilium, itaut nec in publicis, nec
in priuatis ciuium domibus locum inueni-
re potuerint: tum ob multitudinem ciuium,
& eorum qui ex familia Dauidis erant, tunc
temporis, vt describerentur; vndique af-
fluentium: tum ob paupertatem omnibus
odiosam. Melius fuisse stabulum, & spelun-
cam in qua præsepe in rupe excisum erat: &
credibile est aliqua tunc fuisse animalia præ-
sertim in tanta hominum multitudine vt pro-
phetia impleretur Hab. 3. Isa. 1. sed recipienda,
non est vulgi opinio bouem & asinum Iosephi
fuisse.

8. *Et pastores erant in regione eadem vi-
gilantes, & custodientes vigilias noctis super
gregem suum.*] Pernoctantes, stabulantes, id-
est, quatuor vigilias noctis ordine suo agen-
tes, more militari, excubias contra bestias
agentes, aut fures: quare vt quidam putant
vigilia.

9. *Et ecce Angelus Domini stetit iuxta il-
los; & claritas Dei circumfulsit illos, & ti-
muerunt timore magno.*] Græce superemi-
nebat illis vt intelligatur non astitisse il-
lis.

lis in terra, sed inhæsisse ex alto capitibus eorum. Cyprian. Gabrielem fuisse putat qui Zachariæ & Mariæ apparuerat, cuique huius mysterij cura demandata erat: *Et claritas Dei; gloria Domini maiestas quædam Domini, præferebatur per illud lumen: qualis Christi, Eliæ, & Moyſis in transfiguratione: Christus autem statim natus, innotescere voluit, quia solent nascentibus Regibus adhiberi testes, ne quis falsus Rex, pro vero supponatur. Non omnibus: ne res ad Herodem perveniret. Pastoribus vero; quia simplicissimum hominum genus, & ad fidem natura sua propensum; & quia veniebat ut verus esset Pastor, & princeps pastorum, & quia erat agnus. Et ut exemplo suo doceret pastoribus primum Ecclesiæ revelationes à Deo fieri, ut ex illis ceteri discant: & quia quæ stulta sunt mundi elegit Deus 1. Corinthior. 1. magna, idest valde.*

10. *Nolite timere: ecce enim euangelizo vobis gaudium magnum quod erit omni populo.*] Sic solent boni Angeli timorem incussum pellere, & consolari verbis, eos quos suo aspectu terruerunt: ut cap. 1. & Matth. 28. *Omni populo tam Iudæis quam gentibus. vobis non scribis.*

11. *Quia natus est vobis hodie salvator: qui est Christus Dominus, in civitate David.*] Fortè ad insinuandum quod non Angelis sed nobis iam natus erat, cum illi salvatore non opus haberent. Et prius quidem natus omnibus creator Deus; nunc verò natus est hominibus salvator homo. vel vobis, ac si dicat Iudæis quibus promissus

missus erat Christus ille verus Deus quem expectabant: cuius diuinitatem declarat, cum vocat *Dominum* absolute, Angelorum scilicet & hominum: quem declarat verum esse Messiam, qui ex genere David nasciturus erat.

12. *Et hoc vobis signum: inuenietis infantem, pannis inuolutum, & positum in praesepe.*] Signum non quo sibi pastores crederent: sed quo infantem dignoscerent, & ab alijs infantibus, si qui essent distinguerent. Vel signum hoc esse quod Christus tanquam veritas, debuerit figuræ respondere. Moyses autem & Cyrus infantes, inuenti sunt in magna paupertate. Et paupertas verum saluatoris signum, ait Bern. Vel signum, quod futura prædicat fore, vt cum eo pastores venerint, infantem in præsepi positum inueniant, quod nisi à Deo missus fuisset, scire non potuissent. Erat igitur hoc signum simulque argumentum quoddam; quo Angelus se vera narrare comprobabat. Ex Tol.

13. *Et subito facta est cum Angelo multitudo militia cœlestis, laudantium Deum, & dicentium.*] Ne vnus Angeli parua videretur auctoritas. Angeli vocantur milites Iob 25. quia Deo tanquam duci milites obediunt: & quia ijs ad debellandos hostes vtitur. Dan. 10. Siue multi alij è cœlo Angeli, cum priore venerint, qui ante non venerant, siue prius essent, sed nec apparebant, nec audiebantur, tunc vero & apparere & audiri cœpisse ex improviso.

14. *Gloria in altissimis Deo, & in terra pax hominibus bona voluntatis.*] Hoc hymno Deum laudant, prædicantes gloriam quam habet, apud

apud Angelos in cœlis : deinde laudant prædicantes pacem ; quam fecit in terra cum hominibus , vt significant eundem esse Deum ; qui in altissimis glorificatur ab Angelis ; & qui in terra pacem operatus est, cum hominibus, ex suo beneplacito : & qui prius erat in cœlis Deus purus, nunc carne sumpta ; sit & in terra Deus & homo. Verbum quod subintelligitur optantium est : vt sit sensus, gloria sit Deo in excelsis, & in terra sit pax. vel potius indicantium & annunciantium : gloria in altissimis, idest, in cœlo patra est Deo, hoc est, materia glorificandi Deum, Angelis qui in cœlo sunt Christo nato exhibita est, idest, Angeli qui sunt in altissimis, Deum laudant, & in terra est pax, & in hominibus, bona Dei voluntas, seu beneplacitum vt Græci legunt : vel hæc non duo, sed vnum fuit membrum : cui enim in terra pax nisi hominibus esse poterat. Itaque cœlo opponitur terra : Deo homines, quod Deo gloria, hominibus pax dicatur esse : Idem rursus homines Angelis opponuntur quod Angeli Dei gloriam, in terra homines hominibus pacem celebrent. Ad quos autem *hominibus pax* esse dicitur, ad Deum ? an ad Angelos, an ad homines ? Sunt qui ad homines dicant quasi sensus, sit homines qui prius inter se dissidebāt veniente Christo conciliatos. Alij ad Angelos pacem referunt, quasi homines ; qui prius propter peccata sua Angelis inuisi erant, sublato per Christum peccato reconciliati illis fuerint. Alij melius ad Deum, credibile enim est declarasse Angelos dum Dei beneficium erga homines prædicabant, quid ex eo lucrari hominibus accessisset, sicut declarauerant, Deo accessisse gloriam :

gloriam : Quid autem accessit, quod pluris faciendum, quam quod pax illis cum Deo esset conciliata; aut saltem incepta? vt Eph. 2. Rom. 5. Cypri. *Bona voluntatis*, genitium, refert ad pacem, vt sensus sit: & in terra pax bonæ voluntatis in hominibus, idest, pax ex Dei voluntate, & liberalitate profecta. Bern. ad homines refert, vt pax non omnibus hominibus, sed ijs tantum, qui bonæ sunt voluntatis, annuntietur: vt sensus sit, & *in terra pax hominibus bonæ voluntatis*, idest, ijs, quos Deus amauit, quos Deus, bona prosecutus est voluntate. Quibus verbis prædestinati designantur: Non quod non omnibus hominibus Christus pacem attulerit, cum dicat Paulus, pacificasse omnia, siue quæ in terris, siue quæ in cælo sunt. Col. 1. Et dedisse redemptionem semetipsum pro omnibus. 1. ad Tim. 2. sed quod eius pax & redemptio solis prædestinatis profutura esset Rom. 8. Nec adhuc in hac pace finem fecit, sed etiam cum Angelis ipsis qui in cælis sunt, quique à nobis peccatoribus dissidebant, Dei partes sequentes, pacificauit, nobisque in socios, & charos protectores cōuertit, eorumque sedes communes nobis effecit, & in confortium æternum perducit. de qua pace Col. 1.

15. *Et factum est, vt discesserunt ab eis Angeli in cælum: pastores loquebantur adinuicem: transeamus vsque Bethlehem, & videamus hoc verbum, quod factum est, quod Dominus ostendit nobis.* Sine mora relictis omnibus suis de visando Christo deliberant: indicant non esse cunctandum accepta bona inspiratione, sed eundem in Ecclesiam ad Christum visandum, Verbum Dei

Parris,

476 MANVALE IN EVANGELIVM

Parris, ex Amb. sed melius pro re gesta hic sumitur, ut 2. Reg. 1. idest, videamus rem hanc, quæ facta est: & signa ostendit ut inuenire possemus.

16. *Et venerunt festinantes; & inuenerunt Mariam, & Ioseph, & infantem positum in praesepe.]* Ostendit & pastorum diligentiam, & eorum quæ ab Angelo dicta fuerant veritatem.

17. 18. *Videntes autem cognouerunt de verbo, quod dictum erat illis de puero hoc, & omnes, qui audierunt, mirati sunt, & de his, quæ dicta erant à pastoribus ad ipsos.]* Græce divulgant: unde sequitur, *& omnes qui audierunt mirati sunt.* Vel re ipsa compererunt vera fuisse ea, quæ sibi Angeli dixissent. *mirati sunt* de visis Angelis, & de ijs quæ sibi nuntiassent.

19. *Maria autem conseruabat omnia verba hæc, conferens in corde suo.]* Pastorum verba: vel potius res, quæ à pastoribus de Christo referebantur. Amb. putat Mariam aliquod mysterium à pastoribus quod ante ignorasset didicisse: vel potius obseruabat, nō quasi sui ignara mysterij, sed quasi læta nouis signis, & pastorum testimonijs confirmari, quæ ipsa prius ex Gabriele didicisset: unde sequitur *conferens in corde suo*, quæ dicebantur, & quæ fiebant, salutationem Angeli, conceptum sine viro, partum sine dolore, Pastorum aduentum.

20. *Et reuersi sunt pastores glorificantes & laudantes Deum in omnibus, quæ audierant & viderant, sicut dictum est ad ipsos.]* Completis omnibus quæ ab Angelo nuntiata erant.

21. *Et postquam consummati sunt dies octo, ut circumcideretur puer: vocatum est nomen eius. Iesus, quod vocatum est ab Angelo priusquam in*
viro.

utero conciperetur.] Intellige circumciscus est, ut doceret diuinis legibus obtemperandum esse: fecit & in persona omnium hominum. De nomine Iesu vide Matth. 1. & cur nomina in circumcisione imponerentur, supra c. 1.

22. *Et postquam impleti sunt dies purgationis eius, secundum legem Moysi, tulerunt illum in Hierusalem, ut scilicet eum Domino.*] Hoc est cum impleti sunt dies à partu quadraginta. Quæ hic prætermittit de aduentu Magorum, vide Matth. 2. Græce *ipsorum*, ut ad matrem & filium referatur. vel *eius*, idest, filij: Sed de sola matre hic agi constat ex lege Leuit. 12. Non quod voluerit Lucas legem in ea locum habuisse, & debuisse quasi esset immunda, aliarum mulierum more purgari. nihil enim in ea purgandum: quæ Deum sine viro conceperat, quæ sine corruptione & dolore pepererat: in ea ergo lex locum non habebat; cum legis ratio locum non haberet: nam neque sanguines illos horredos, qui mulieribus solent fluere post partum qui maritis timorem iniiciunt, ne vxoribus vterentur eo tempore: tanquam immundis, iuxta politiam veteris Ecclesiæ: illi fluxisse putandum est, quæ sine viro conceperat, sine corruptione, sine aptione, sine dolore pepererat. Nec potuit mortaliter coram Deo immunda censer, ut aliæ mulieres, eo quod per conceptum originale in prolem peccatum traduceretur: Nam non in peccato, sed in Spiritus sanctificatione & conceperat, & pepererat Christum. hanc vim habent *secundum legem Moysi*. q. d. non secundum veritatem, sed secundum legem, Mariam fuisse purgatam, idest, non quod purgatione indigeret,

digeret, sed ut observaret legem, & verba Leuit. 12. quia ex Spiritu sancto concepit: non suscepto ex viri semine. Cur voluit legem subire, & Christus circumcidi, ut exemplum darent pœnitentibus circumcidi per continentiam; & purificari per pœnitentiam, ex Bern.

23. *Sicut scriptum est in lege Domini. Quia omne masculinum adaperiens vulvum sanctum Domino vocabitur.*] Quidam dixerunt eam legem Exod. 13. Leuit. 27. Num. 8. in solo Christo servatam fuisse, quia solus Christus vere & natura sanctus est: Alij nec Christo, nec Mariæ convenire, quia nec illa ex viro conceperat, nec ille uterum aperuerat. verum *aperire*, non significat aperire, sed primogenitum esse: & hoc sensu verè Christus vulvum aperuit, quia vere primogenitus fuit ex Beda. Sed ab lege meliori ratione liber erat, quia cum filius Dei naturalis esset, opus non erat, ut ei in templo offerretur. Sicut nec tributum solvere Matth. 17. & tamen solvit, & oblatus est, ne quis Iudæorum offendi posset.

24. *Et ut darent hostiam, secundum quod dictum est in lege Domini, par turturum, aut duos pullos columbarum.*] Hanc hostiam pro filio offerri debuisse putat August. Alij pro purgatione mulieris. Diuites offerebant agnum in holocaustum; & pullum turturis aut columbæ pro peccato. Qui verò tam pauperes erant ut agnum emere non possent: offerebant duos turtures, aut duos pullos columbarum, alterum in holocaustum, alterum pro peccato, id est, pro immundicia legali. Tanta autem fuit paupertas Ioseph & Mariæ; ut agnum emere
non

non potuerint: credibile est duos pullos columbarum obtulisse, quia facilius & vilius emuntur quam turtures.

25. *Et ecce homo erat in Hierusalem, cui nomen Simeon, & homo iste iustus & timoratus, expectans redemptionem Israel, & Spiritus sanctus erat in eo.*] Ostendit Christum testimonium accepisse à senibus vtriusque sexus, eisque iustis, & spiritu Prophetico afflatis. *Iustus* quoad homines, *timoratus*, idest, pius quoad Deum. *Expectans* aduentum Messiae sciens eum visurum antequam moreretur, & Spiritus sanctificationis, gratia iustificans, vel Prophetiae Spiritus, erat in eo. Quidam hunc faciunt magistrum Gamalielis, & cæcum, & Sacerdotem quod non tacuisset Lucas.

26. *Et responsum acceperat à Spiritu sancto, non visurum se mortem, nisi prius videret Christum Domini.*] Vnctum à Domino, Messiam & Regem, quia Reges dicebantur vncti Dei & Christi. 1. Reg. 16. 24. & 26. 2 Reg. 14. & 19. Speciali tamen ratione Messias, Christus Domini dicebatur, eo quod non ab homine vnctus esset, in Regem & Sacerdotem, sed à solo Patre per Spiritum sanctum. Isa. 11. Ps. 44.

27. *Et venit in Spiritu in templum: & cum inducerent puerum Iesum parentes eius, ut facerent secundum consuetudinem legis pro eo.*] Ut v. 13. actus à Spiritu sancto, mouente aut reuelante Spiritu sancto. Et hoc magnū est donum à Deo datum Simeoni. *Cum inducerent* in templum ut Domino tanquam primogenitum offerrent Maria, & Ioseph, quia parens esse putabatur; Vel honoris causa dicitur parens quia nutritius erat Christi.

28. Et

480 MANVALE IN EVANGELIUM

28. *Et accepit eum in vlnas suas, & benedixit Deum & dixit.]* Q. d. Etiam sicut & mater, & ipse amplexus est summo amore, & pietate; vnde plus accepit quam promissum fuit, qui & tangit & videt: & Spiritus sanctus, qui eum excitavit vt iret in templum; signum quoque dedit, quo eum agnosceret. *Et benedixit, laudavit, gratias egit quod promissionem suam adimpleuisset.*

29. *Nunc dimittis seruum tuum Domine secundum verbum tuum in pace.]* Mox defectura vox senis, velut cygneam quandam cantionem depromit. Sic Iacob Gen. 48. sic Moyses Ex. 15. Deut. 32. sic Debbora Iud. 5. sic Anna 1. Reg. 2. Dei laudes cecinerunt versibus. Cypr. legit *dimittes* quasi dicat, se iam iam de vita migrare, & Amb. ait Simeonem iam mortem optasse. q. d. nunc Domine si quando ex hac vita dimittis, dimittis certe non cum dolore, sed *cum pace* animo quieto, & tranquillo, & satiato suis votis. Sunt qui ad Christum hæc verba dirigunt, alij melius ad Patrem: alij ad vitæ æternæ pacem; alij quasi pace iam inter Deum & homines per Christum conciliata; vel in pace cogitationum quæ me perturbabant de diuina Incarnatione, nunc pacificatæ sunt; vel in pace securitatis, quia nunc mortem non meam: vel in pace gaudij, quia deinceps non contristabor propter libertatem Israelis. *nunc enim vidi liberatorem.* Simplicius *dimittis* contentum vitæ spatio vt Gen. 46. 4. Reg. 22. Tob. 3.

30. *Quia viderunt oculi mei salutare tuum.]* q. d. Non fide solum vidi salutem tuam, quam in mundum misisti vt patres mei; sed hisce
etiam

etiam corporeis oculis, vidi Christum salutis auctorem: vel salutem quasi saluatorem vocati: *suum* quia de Spiritu sancto, cum quo Simeon loquebatur, vt Gen. 49.

31. *Quod parasti ante faciem omnium populorum.*] Quem saluatorem in conspectu omnium gentium posuisti, id est, ante secularia tempora ab æterno disposuisti hunc mittere: vel in tempore parasti nobis, dum filium tuum incarnatum misisti, vt quicumque vellent ab eo saluarentur: siue Iudæi, siue Gentiles. Quam magna Simeonis fides qui primo aspectu; fasciis adhuc inuoluti infantis, mysterium hoc cognouit, & credidit.

32. *Lumen ad reuelationem gentium, & gloriam plebis tua Israel.*] Parasti vt sit lumen & gloria vt Isa. 46. & 60. Simeon vocat Christum, & saluatorem & lumen; sed *saluatorem* omnium populorum: *lumen* vero etiam omnium; sed quod sit ad illuminationem gentium obtenebratarum, verique Dei, & veræ cognitionis carentium, ad *gloriam* vero populi Israelitici. luminis enim est, & illuminare & claritatē, & decorem afferre: alij dicunt *ad reuelationem gentium* non Israel: *ad gloriam* vero Israel, non gentium, dixisse: quod Iudæi si cum gentibus conferantur, in luce fuisse videri possint: quia vnus veri Dei cognitionem habebant, & venturi Christi: Gentes vero in duplicibus tenebris erant peccatorum & ignorantia, Iudæi in tenebris tantum peccatorum: Alij aliam reddunt rationem: quod de Iudæis aliud quod diceret habebat; Christum illis gloriam allaturum: nam etsi magnam gentibus etiam attulit gloriam saluti coniunctam; Iudæis tamen

482 MANVALE IN EVANGELIUM

præcipuam, & singularem attulit. 1. quod ex illis esset oriundus, vt Rom. 9. 2. quod suam illis solis præsentiam exhibuerit, apud eos solos miracula fecerit. 3. quod illis promissus venerit, eorum prophetias impleuerit.

33. *Et erat pater eius & mater mirantes, super his qua dicebantur de illo.*] Iosephum patrem Christi vocat, non solum quia ad famam virginis conseruandam pater eius ab omnibus sit æstimatus, sed quod nutritius; sic quæ nos lactauerunt, matres appellamus. Et quod ratione coniugij legitimus esset pater, magis quam si ipsum aliunde genitum adoptasset: Mirabantur autem parentes, non quod hæc omnino noua eis essent; cum & ab Angelis, & à pastoribus similia audiuisent, aut etiam maiora; sed quod alia etiam quædam non minus miranda, & superioribus conformia audirent per afflatum Spiritus dici de eo. Neque enim iam primum mirari cœperunt, sed iam dudum cœpta admiratio, à conceptione, magis iam etiam aucta est; quod maiora de Christo à Simeone, quàm à pastoribus, quàm ab Angelis, quàm à Magis, dicta fuissent. Præterea Maria ab Angelo docta erat, mysterij summâ, non singulas mysterij partes.

34. *Et benedixit eis Simeon: & dixit ad Mariam matrem eius: Ecce positus est hic in ruinam, & resurrectionem multorum in Israel; & in signum, cui contradicetur.*] Fœlicia illis precatus est, gratulatus illis, vt Elizabeth cap. 1. Qui Simeonem faciunt sacerdotem, dicunt non solis parentibus sed etiam infanti benedixisse; idest, fœlicem ei oprasse successum negotij, ad quod missus est: Ideo ad Mariam se conuertit, quod

quod illa vere mater : Ioseph non vere pater, esset Christi : vel quod res Iosephum non rangeret ; sed Mariam : vel post læta voluit tristitia de passione Christi miscere, vt præpararet Mariam ad tolerantiam : Prophetat autem contrarios effectus de Iesu : fore, vt alij non credentes offendant, cadant, atque damnentur : quales plerique Scribarum & Phariseorum fuere : Alij credentes resurgant, idest, à peccatis liberentur, vt 1. Pet. 1. & 2. Cor. 2. Dicit *positum* non quod missus fuerit, vt in eum aliqui non credentes, offenderent, aut vt solum euentum significet ; sed vt indicet ; ita propter se casuros alios, alios resurrecturos, quasi ideo venisset, vt alij caderent alij resurgerent, quamuis non ideo venisset, vt aliqui caderent sed vt omnes resurgerent, omnes enim saluos fieri volebat. 1. ad Tim. 2. vt ipse dicit Ioan. 9. Nam videtur non Dei consilium, sed tam certus significari euentus vt diuino consilio tribui posse videatur : Similibus locutionibus, *Ruinam* nō peccatum sed ipsius peccati casum, & interitum significare : idem ruinam & resurrectionem esse, nihilque aliud esse resurgere quam peccatum in nobis cadere, postea in nouam vitam resurgere : Et sensus est multos, eisdemque & casuros & resurrecturos. Sunt qui *multorum* non ad ruinam, sed ad solam resurrectionem referāt, quasi non multi casuri, sed aliqui casuri : multi vero alij resurrecturi significantur. Sed est referendum ad ruinam, & ad resurrectionem vt textus postulat. Est autem *signum* quicquid alicuius rei est significatiuum : speciatim verò signum recipitur pro significatione : sic signum contradictionis aut cui cōtradicitur est ipsa crux Christi

Christi, aut crucifixio quæ signum quidem est diuinæ reconciliationis cum hominibus, sed tale signum, cui & olim à Iudæis & nunc ab infidelibus contradicitur tanquam rei probro-
 2. pro miraculo, quia conceptio & Nati-
 vitas & vita, & mors eius tota miraculis plena fuit, sed quibus à multis non credentibus cō-
 tradiceretur. 3. pro fœdere inter Deum & ho-
 mines. Sunt qui in signum vitæ, quo actiones nostræ dirigendæ essent positum dicunt: Alij pro eo signo in quod sagittarij solent colli-
 mare. vt Thren. 3. quod omnes fere Iudæi, non solum lingua, sed etiam manu tela sua coniicerent: non enim contenti blasphemasse etiam crucifixerunt factus stultorum, vt Zach. 12. Apoc. 1. configitur enim sæpe, confoditur, laceratur à sagittariis signum: vt in passione Christus, clavis, hasta, confossus est, & de quo feriendo certatum est, tanquam de signo con-
 figendo. contradixerunt enim Iudæi doctrinæ eius, moribus, conuersationi, personæ, Samari-
 tanum conuitiantes, & à Deo non esse.

35. *Et tuam ipsius animam pertransibit gla-
 dius, ut reuelentur ex multis cordibus cogitatio-
 nes.] Tuam animam & ipsius per auxilium, vt
 significet præter alios, etiam Mariæ animam
 gladio feriendam: nam ad eam hæc verba
 pertinent, non ad puerum Iesum: vel animam
 filij quam vt propriam diligebat; gladius me-
 taphorice, non pro dubitatione quam habue-
 rit cum Apostolis tempore passionis, vt con-
 tendit Origen. sumitur: sed pro dolore quem
 pertulit in passione filij, intima simul animæ
 penetrante, illo gladio qui corpus & animam
 filij penetrabat, vt si quis vno ictu vnum con-
 fodo*

Poderet alium grauit̃er vulneraret. vt Psal. 140. Sunt qui vi doloris mortuam fingunt; alij tantum exanimatam: quin potius tam integris fuit sensibus, vt cum ea de cruce Christus loqueretur. Alij gladium, verbum Dei esse, alij amorem: Cant. 4. *Vt non causa sed consequentia est, id est, vt eo patiente appareat, quo quisque erga illam animo, qua quisque fide sit, quod non apparuisset si regis habitu venisset; omnes eum secuti fuissent, sed afflictum, tam multa patientem, videntes; alij sequebantur, alij persequebantur: alij credebant, alij iridebant: Et in ipsa cruce, alius tanquam Deum orat, alius tanquam hominem sceleratum blasphemar. Et id fit hodie inter Turcas & hereticos; alijs fidem negantibus, alijs pro fide morientibus.*

36. *Et erat Anna prophetissa filia Phanuel, de tribu Aser: hac processerat in diebus multis, & vixerat cum viro suo annis septem, à Virginitate sua.] A prima sua pubertate; ab anno circiter duodecimo. Simeonis testimonio addit & huius testimonium multis titulis etiam commendatæ, nempe ætate, continentia, pietate, religione, oratione, ieiuniis, prophetiæ spiritu, quod à nemine posset recusari.*

37. *Et hac vidua vsque ad annos octoginta quatuor, qua non discedebat de templo, ieiuniis, & obsecratione seruens nocte ac die.] Græce circiter annorum octoginta quatuor. Hac suo exemplo viduas cohortatur ad frequentanda templa, ieiunia, & orationes.*

38. *Et hac ipsa hora superueniens confitebatur Domino, & loquebatur de illo, omnibus qui expectabant redemptionem Israel.] Eadem hora*

486 MANVALE IN EVANGELIUM

qua Simeon in vlnis tenebat Christum, adstas, assistens eodem spiritu, quo Simeon venerat in templum: *constebatur*, vicissim laudabat Deum confirmans ea quæ à Simeone dicta fuerant. *omnibus*, Iudæis qui *expectabant redemptionem Israelis*: sed alij, vel in certo tempore, vel minore cura; alij aut eo tempore quo venit aut minore desiderio, hos intelligit Anna, hos auditores cupidiores audiendi Christi aduentum, quærebat.

39. *Et ut perfecerunt omnia, secundum legem Domini, reuersi sunt in Galilaam, in ciuitatem suam Nazareth.*] Hæc ait ut religionem Mariæ & Ioseph declararet; qui nihil eorum prætermiserunt, quæ lex præcipiebat. Incertum est an statim postquam perfecissent hæc omnia, quæ dicta sunt; An ante reuersionem præcesserit fuga in Ægyptum. Matth. 2. videtur Lucas fugam prætermisisse & Magorum aduentum.

40. *Puer autem crescebat, & confortabatur, plenus sapientia, & gratia Dei erat cum illo.*] Nihil de tota pueritia & adolescentia Christi narratur vsque ad annum tricesimum præter id quod ver. 41. solus Lucas refert, cum 12. esset annorum. Creuisse autem dicitur sapientia, & gratia: non quidem scientia diuina, nec beata, nec infusa; sed ea quæ usu & experientia comparata est vt Heb. 5. quia suam hominibus sapientiam ostendebat. *apud Deum*, id est, *vere*, non tamen eo modo quo ætate, nam ætate vere: sapientia & gratia, sola hominum opinione; proficiebat.

41. *Et ibant parentes eius per omnes annos in Ierusalem in die solemni Pascha.*] Exminæ
eti

~~et~~ lege non cogherentur, tamen Maria cum suo sponso singulis annis ad templum veniebat: Ioseph autem non veniebat, nisi in festo Paschæ, & non in festo Pentecostes & Tabernaculorum, quod tamen lege præceptum erat. Exod. 23. Deut. 16. quia cum iis qui longius habitabant dispensatū erat: Die autem Paschæ nemo excusabatur, nisi morbo.

42. 43. *Et cum factus esset annorum duodecim, ascendentibus illis Ierosolymam secundum consuetudinem diei festi, consummatisque diebus, cum redirent, remansit puer Iesus in Ierusalem, & non cognouerunt parentes eius.]* Subintelligitur puer cum illis, & aliis etiam festis: consummatisque diebus septem Azymorum. Leuit. 23. Deut. 6. remansit insciis Ioseph & Maria, vt suæ diuinitatis notitiam aliquam exhiberet: ne ab illis impediretur, aut si illis non obtemperasset videretur inobediens: vel melius vt ostenderet se alium Patrem habere, cuius negotia, etiam illis inconsultis agere debebat, & quod obediebat voluntate, non debito.

44. 45. *Existimantes autem illum esse in comitatu venerunt iter diei, & requirebant eum inter cognatos & notos, & non inuenientes regressi sunt in Ierusalem.]* Mos erat Iudæis vt venientes ad festum Paschæ, & redeuntes seorsim viri, ac mulieres progredierentur: Ita factum vt pater cum matre, & mater cum patre; puerum esse crederet, ne vterque de illo inquireret: probabilius turmatim, opidatimque & venire solitos, & redire, in eoque comitatu Nazarethnorum ciuium, & cognatorum, putasse esse Christum: alioqui non inter cognatos, sed inter pueros, parentes quæsiuissent, ad se cœ-

488 MANUALE IN EVANGELIUM

nandū & hospitandum: Et cum iam iter vnius diei confecissent, in remetiendo eodem itinere diem alterum consumpserunt: tertio die cum diu quæsiuissent inuenerunt in templo.

46. *Et factum est post triduum inuenerunt illum in templo sedentem in medio doctorum, audientem illos, & interrogantem eos.*] Vel omnino transactum, vel ipso tertio die vt Mar. 8. inter doctores, non in editiore loco doctorum, sed tanquam discipulum in humilioribus subselliis, auditoris partes agentem, non doctoris; Interrogantem, vt crudiret. Ex vno quippe fonte doctrinæ manat interrogare, & respondere sapienter.

47. *Stupebant autem omnes qui eum audiebant super prudentia & responsis eius.*] Imbecilli corporis ætate, ipsaque interrogatione se hominē esse declarabat: ipsa autem interrogando, & respondendo prudentia, supra hominem se esse manifestabat.

48. *Et vidētes admirati sunt: Et dixit mater eius ad illum: fili, quid fecisti nobis: sic? Ecce pater tuus, & ego dolentes quærebamus te.*] Admirantur Maria & Ioseph, vel omnes qui aderant; non prudentiam, & eius sciētiā quam non ignorabant: sed quod præter spem inuenissent eum in medio doctorū disputantem, Et finita disputatione, non statim, & palam; ne videretur gloriabunda de tāto filio, dixit Mater eius; nō accusans, aut dolens, non cur cū doctoribus disputauerit: sed cur clam se subduxerit. Sic, id est, vt nobis inconsultis manseris, nosque errare permiseris, cū sis filius, & hoc nobis qui te summo pere diligimus fecisti non errore sed cōsilio, idque propria volūtate. Dolent, quod metuere-
ne

ne aliqua illorum offensus culpa recessisset ab eis, ne reuertisset ad cœlos, cum illi placuisset iterum descensurus: & nollet ultra illis ministris uti: aut ne in gravem, & culpabilem negligentiam illis apud Deum imputaretur derelictio pueri, quem sciebant suæ curæ commissum esse: vel fortè, quod humano quodam affectu puero omnia metuerent: quæ solet parentum pietas amatis pueris metuere: hic enim metus non repugnat illi fidei qua credidit Maria hunc esse Christum, & filium Dei, cuiusque curam gerere Deum & Angelos. Prius nominat Ioseph quam seipsam tum præ humilitate, & modestia, tum quia matrimonij vir caput est.

49. *Et ait ad illos: Quid est quod me quærebatur nesciebatis quia in iis, quæ Patris mei sunt, oportet me esse?*] Non mordaciter, aut indignabunde, sed modeste Patrem Deum, anteponebat parentibus hominibus: nec ut arguat, sed ut doceat reprehendentis personam gerit, contra Calvin. q. d. non erat causa vobis me quærendi quasi errantem, hoc enim ex consilio, & instituto feci ut solus remanerem. Sciebāt B. Virgo & Ioseph, Christum Dei filium esse, & in mundum venisse, ut opus salutis nostræ perficeret: non tamen putarunt illa tunc causa remansisse solum in Ierusalem. Non vituperat autem quod quærant ut filium, sed quis sic sibi naturalis & verus pater insinuat, simul ostendens templum non minus ad se quam ad Patrem pertinere: nam per ea quæ Patris sui erant, templum & quæcumque divina exercitia intelligit, quæ erant, audire doctores, &

490 MANUALE IN EVANGELIUM
eos interrogare, & interrogantibus respon-
dere.

50. *Et ipsi non intellexerunt verbum quod locutus est ad eos.]* Ipsi auditores, vel solus Ioseph per synecdochen: vel melius dicendum verbum quid significaret intellexisse, cum Patrem suum Deum appellabat; sed nondum ad plenum intellexisse sublimitatem divinæ virtutis; admirabile Dei consilium seu mysterium verbi, quæ essent negotia illa Patris, quæ vocabat, ut homines primum doceret; deinde pro illis moreretur. Etsi enim nouerint, illum esse Christum, Dei filium ac Salvatorem, rationem tamen qua ille munus suum obiturus erat, & rationem eorum quæ iam ab illo agebantur, non planè cognoscebant, sed progressu temporis, eorum scientia, seu fides augebatur.

51. *Et descendit cum eis & venit Nazareth, & erat subditus illis. Et mater eius conseruabat omnia verba hæc, conferens in corde suo.]* Qui prius ostendit suo exemplo in quibus negotiis parentum potestati non subsimus, rursum ostendit quanta parentibus carnalibus debeatur reuerentia, & quæ subiectio: quando & ipse qui se iam parentibus superiorem ostenderat, non dedignatur etiam simulato patri, deinceps morem gerere: & qui prius divinæ virtutis suæ scintillas promptit: nunc ad humanam vilitatem, sese demittit. Mater eius conseruabat omnia, quæ modo dicta & facta; expectans à Spiritu sancto, cuius opera conceperat, eorum omnium opportuno tempore, intelligentiam. Modestia erat, quod
nihil.

nihil muliebri loquacitate, contra non satis intellecta effutiret, nihilque magnificum de se, ob filij raras dotes iactaret. Prudentiæ vero, & magnificæ de puero existimationis, quod non obiter singula pueri dicta, & facta aduerteret, volens post, singula hæc, discipulis enarrare ait Ians.

52. *Et Iesus proficiebat sapientia, & ætate, & gratia apud Deum & homines.*] Lucas & Matth. huc vsque Iesum fere vocauerunt puerulum: nunc terminata pueritia Iesum vocat & declarat quid vsque ad annum ætatis 30. egisset ab anno 11. nempe sapientia, & ætate, & gratia profecisse, non quod habitus ipse in se sapientiæ augmentum reciperet, sed quod in dies sapientiora verba, & opera proferret; verba enim & opera sapientiam appellat: in his autem vere proficiebat: non quia opera sapientiora & verba faciebat. vere etiam proficiebat gratia, non quod gratior aut sanctior fieret, sed quod per ætatis incrementa, perfectioribus gratiæ, & sanctitatis operibus vacauerit: Quamuis enim quoduis opus & verbum Christi ratione personæ operantis esset æqualis sanctitatis; non tamen ratione ipsius operis: vt verbi gratia tempus 40. dierum ieiunij, quam vnus. Sic proficiebat, Deo ad laudem, hominibus ad salutem.

CAPVT III.

*Baptizatur à Ioanne pœnitentiam
predicante.*

1. **A**Nno quintodecimo Imperij Tiberij Cæsaris, procurante Pontio Pilato Iudæam, tetrarcha autem Galilee Herode, Philippo autem fratre eius, tetrarcha Ithuræ, & Trachonitidis regionis, & Lisanis Abilina tetrarcha.] Lucas præceteris, temporis, loci, personarum circûstantiis describit: quomodo Christus sese profiteri cœperit saluatorem mûdi. Tempus primum describit dicens Ioannem Baptistam prædicare cœpisse anno 15. Tiberij. cur non ante diximus Matth. 3. Meminit Tiberij, quod tum Iudæa Romano subesset imperio, & per annos Imperatorum, tunc annum, & tempus rei gestæ designari solitum esset. Deinde ostendit qui tunc apud Iudæos præessent; tum in temporalibus, tum in rebus diuinis vt Matth. 14.

2. Sub principibus sacerdotum, Anna & Caiapha: factum est verbum Domini super Ioannem Zacharia filium in deserto.] Super eum idest, ad illum. Ioannem tanquam verè Prophetam missum ait à Deo, ad prædicandum, non à seipso: siue per interiorem inspirationem, siue per exteriorem aliquam & sensibilem vocem, non sic Calvin. & Luth.

2.3.4.5. Et venit in omnem regionem Iordanis, prædicans baptismum pœnitentiæ in remissionem peccatorum, sicut scriptum est in libro sermonum

num.

num Isaia Propbeta, vox clamantis in deserto, parate viam Domini, rectas facite semitas eius: omnis vallis implebitur: & omnis mons & collis humiliabitur, & erunt praua in directa & aspera in vias planas.] Matth. 3. & Mar. 1. explicatur locus Isaia. Hæc ad Ioānem pertinent & voces ipsius sunt, eiusque nomine à Propbeta prænuntiantur. *Implebitur pro impleatur.* Quod tunc de via Babylonica dicebatur, dicitur nunc eodē Propbeta spectāre, de via totius mundi, qua omnes gentes ad Ecclesiam Euangelij præconio vocatæ, venturæ erant. Primus præco fuit Ioannes. Desertum est totus mundus. Viæ sunt hominum animi qui per pœnitentiam explanandi erant. Montes & valles, superbi & humiles: vel Iudæi & Gentiles. Vel tantum significatur, viæ inæqualitas, idest vitiorum inæqualitas ad mediocritatem virtutis reducenda.

6. *Et videbit omnis caro salutare Dei.*] Idest, omnes homines videbunt, quomodo Deus populum suum primum à Chaldæorum, deinde à diaboli tyrānide, liberaturus esset: Vel sensus est fore vt omnes homines videant, idest, gustent, experiantur, percipiant salutem Dei, & participes fiant eius beneficij, omnibus enim est proposita. Vel de die iudicij extremi intelligitur, in quo electi, & reprobi Christum videbunt ex Greg.

7. 8. 9. *Dicebat ergo ad turbas qua exhibant vt baptizarentur ab ipso. Genimina viperarum, quis ostendit vobis fugere à ventura ira? Facite ergo fructus dignos pœnitentia, & ne cœperitis dicere: Patrem habemus Abraham. dico enim vobis, quia potens est Deus de lapidibus istis suscitare filios Abrahæ. Iam enim securis ad radicem arboris per-*
fit

sita est. *Omnis ergo arbor qua non facit fructum bonum, excidetur & in ignem mittetur.*] Particula ergo illationem infert quia baptismum poenitentiae praedicabat, ideo seu ergo dicebat turbis quae ab urbibus ad ipsum confluebant, verba ad poenitentiam excitantia, qualia sunt quae sequuntur. Ferunt viperam mare, coeundo necare, perimi vero excrecente foetu, prodit enim scisso parentis utero: sic Iudaei spirituales patres occidebant, caetera apud Matthaeum 3.

10. *Et interrogabant eum turba, dicentes: quid ergo faciemus?*] Ergo indicat Ioannem aliquid prius dixisse, quod docuerit omnes auditores, ea qua ibant via saluos esse non posse; unde interrogauerit populus *quid ergo faciemus?* q. d. si ita viuendo ut viuimus, salui esse non possumus doce, quid ut salui simus facere debeamus. potuerunt hoc colligere ex illis verbis, *poenitentiam agite*, & ex illis iam securis ad radicem arboris posita est. Quibus illis extremum interitum nisi resipiscant interminatur. Hoc certum est signum, auditorem profecisse cum commota conscientia ad concionatore venit, ut de sua cum salute consulat, ut Act. 2. & 16.

11. *Respondens autem dicebat illis: Qui habet duas tunicas, det non habenti: & qui habet escas similiter faciat.*] Ambros. hoc quod turbae dicit, commune omnibus putat esse praecipuum: quod publicanis & militibus illis proprium. Et speciem vnā charitatis pro toto genere posuit: id est, pro omni charitatis officio. Quos per duas maximè necessarias & cōmunes species declarat, victum atque vestitum: & ex duabus partibus obligationem dandae elemosynae praescribit.

præscribit, ex inopia pauperis, si tuenda vitæ necessaria non habeat, si ex diuitis abundantia, si plus habeat quam illi sit ad vitam necessarium. Et per vnā tunicam, res omnes necessarias: per duas, res omnes superfluas significat. vt Act. 12. Ex hoc loco probatur nos operibus charitatis iustificari ita Iren. l. 4. c. 40.

12. 13. *Venerunt autem & publicani vt baptizarentur, & dixerunt ad illum: Magister, quid faciemus? At ille dixit ad eos, nihil amplius, quam quod constitutum est vobis, faciatu.*] Erat enim illis constitutum quantum tributi exigere deberent, & plus facere erat plus exigere. Non igitur damnatur exactio vectigalium & tributorum, quæ iustè principibus debetur Rom. 3, sed iniqua & indebita exactio ministris interdicitur.

14. *Interrogabant autem eum & milites, dicentes: Quid faciemus & nos? Et ait illis: Neminem concutiatis, neque calumniam faciatu, & contenti estote stipendiis vestris.*] A tribus quibus solent esse obnoxij violentia, calumnia, & rapina, abstinere iubet. Si velint effugere Dei vindictam. Hoc præceptum ad magistratus & Ecclesiæ ministros extendit S. August. serm. 19. de verb. Dom. Et ex hoc licere bellum Christianis, probat Ambr. serm. 7. & Aug. lib. 22. cont. Faust. c. 74.

15. *Existimante autem populo, & cogitantibus omnibus in cordibus suis de Ioāne, ne forte ipso esset Christus.*] Græce expectante seu sperante, aut existimante, & cum dubitaret expectabat quid declararet, esset ne Messias an nō. Mouebat Ioannis sanctitas, & officium prædicandi, & baptizandi, vt cum Messiam esse plebs crederet: auct-
rebat

tebat cultus disparitas, quo suum Messiam venturum sperabat: sed facile potuisset ex scripturis intelligere eum non esse Messiam: quia Messias ex tribu Iuda, & ex domo David, erat nasciturus: Ioannes autem erat ex patre & matre, ex tribu Aaron. Hoc autem testimonium quod Lucas dicit datum à Ioanne, cum populus cogitaret, ne forte esset ipse Christus, videri potest tunc Ioannem dedisse, cum misissent ad eum Iudæi Ioan. 1. Siquidem tunc scribitur illis respondisse, quæ hic à tribus ponuntur Euangelistis, quod per anticipationem narrauerunt, nam illud Ioannis ca. 1. datum est post baptismum Christi, & Ioannes quæ ab aliis omissa sunt solet supplere. Iansenius tamen & Maldon. putant esse diuersum testimonium Et respondisse Ioannem hominum cogitationibus afflatu Spiritus, aut iudiciis cognitis. Cætera apud Mat. 11.

CAPUT IV.

*Tentatur à Diabolo, docet in Synagoga,
eiicit demonia.*

1 [*Jesus autem plenus Spiritu sancto, regressus est à Iordane, & agebatur à Spiritu in desertum.*]
Magis sese post baptismum demonstrare & apparente, quam antea de hac tentatione Mat. 4. 14. 15. *Et regressus est Iesus in virtute Spiritus in Galileam, & fama exiit per universam regionem de Illo.*] Dicitur regressus quia inde prius in Iudæam venerat, ut baptizaretur. ex cap. 3. & ex Matt. 3. & Marc. 1. Lucas studiosius notat Christum in omnibus suis actionibus divino Spiritu

Spiritu afflatum, actum, & impulsu fuisse. Beda in virtute Spiritus intelligit in virtute miraculorum. Alij in virtute doctrinae, & miraculorum.

16. *Et venit Nazareth, ubi erat nutritus: & intravit secundum consuetudinem suam, die Sabbati in synagogam, & surrexit legere.*] Ex vers. 23. patet per alia loca Galilaeae, prius praedicasse & miracula fecisse, & nusquam minus quam in patria sua versatum esse Matth. 13. Et inter hunc in Nazareth aduentum & illum in Galilaeam reditum quem Lucas vers. 14. descripsit, ea prope omnia quae Matth. a cap. 4. vsque ad 13. & Mar. a c. 1. vsque ad 6. referunt. Mar. 1. diximus de ea consuetudine ad orandum, ad publicam prophetarum, & legis lectionem faciendam. Ex hoc loco patet liberum fuisse dicere unicuique in Synagoga si quid occurreret. Act. 13. & 1. ad Cor. 14. sic Paulus per synagogas Christum praedicabat. Act. 9. 14. 17. 18. & 19. Viris solis non foeminis. 1. Cor. 14.

17. 18. *Et traditus est illi liber Isaia Propheta, & ut reuoluit librum inuenit locum ubi scriptum erat: Spiritus Domini super me, propter quod unxit me, euangelizare pauperibus misit me, sanare contritos corde.*] Qui ad legendum surrexerat de more ei liber tradebatur ab Archisynagogo aut ab ipsius ministro de eius mandato. Cui post modum Christus librum reddidit, vers. 20. Non volumine vno sicut apud nos fit, Biblia sacra tunc erat compaginata, sed singulae partes diuersis membranis circumuolutis conscriptae. Et quidem diuino consilio is liber datus est Christo, ubi locus ille est in quo aperte de ipso agitur. Sunt qui putant de industria Iudaeos fecisse

fecisse ut cognoscerent dato libro, num tanta esset doctrina eius, quanta fama miraculorum putabatur. Deus per Isa. c. 59. promiserat Iudæis se daturum redemptorem; cum Redemptorem hic loquentem inducit c. 60. Et se eum esse declarantem, qui Iudæis à Deo promissus fuerat. Sunt qui Christum unctum putant Spiritu sancto largiter in ipsum effuso: Alij ipsa sua diuinitate, alij cum conceptus est de Spiritu S. quando ipse Spiritus in matrem superuenit fuisse unctum: Alij cum baptizatus est, & Spiritus S. in columbæ specie descendit. Propterea autem unctus est Spiritu sancto, visibiliter post baptismum descendente, quia ante baptismum Spiritus S. in eo erat: Vel unctus dicitur, idest, ad prædicandum destinatus, ac missus; sicut ungi solebant qui ad gubernandum populum, & ministrandum Deo deputabantur. Spiritus autem fuerat in eo semper, ante inuisibiliter qui tunc per visibilem aduentum manifestus apparuit. Non enim Spiritus S. in Christum descendit ut in eo esset, qui ante non erat, sed ut appareret qui erat quando conceptus est, & diuinitati vnitus. q. d. Missus sum, ut fungar legatione ad quam me vnixerat: finis ergo unctionis, est exercere & operari salutem Mundi, ad quod Spiritus Domini super illum venit: docere *pauperes* doctrinam regni cœlestis, seu *afflictos* ut legunt Septuag. loquebatur enim de captiuis Iudæis apud Chaldæos: & eorum persona, de omnibus hominibus, quos diabolus captiuos tenet: illis Propheta; his autem Christus *Euangelizauit*, idest liberationis nuntium attulit. ideoque & hi omnes sub persona miserabili referuntur, & *pauperes*,

pauperes, idest, afflicti, contriti corde, peccatorum onere pressi, qui peccata dolent, captiui, cæci, contracti dicuntur: sunt qui per *pauperes*, Gentes intelligunt: Alij solos pauperes Spiritu.

19. *Prædicare captiuis remissionem; & cæcis visum, dimittere contractos in remissionem, prædicare annum Domini acceptum, & diem retributionis.* Libertatem, facultatem in patriam redeundi: sic soluti per Christi resurrectionem qui inferni dominio; & qui peccatis capti tenebantur. Hebr. *& vinctis aperiionem carceris.* Sept. *cæcis pro vinctis.* Et vinctos vocat eos, qui non in quouis sed in tam terro, & tam profundo, & obscuro carcere vincti essent, vt cæci esse viderentur: issque per Christum aperiendos esse oculos, quia ex eo carcere educendi erant: sic corporaliter cæcos illuminauit: & spiritualiter tenebris erroris, & ignorantie Dei, oppressis, lumen veritatis, & fidei infudit. *contractis* cruciatis & tenebrosi carceris restitutionem visus, dimissionem, *in remissionem*, idest, in libertatem qua lucem illis aspicere liceret. Quod corporaliter, & spiritualiter Christus effecit; Corporaliter quando infirmos & dæmonijs obsessos liberauit, hi enim contracti & quasi impediti, libere operari non possunt. Luc. 13. Spiritualiter vero quando dimisit peccata multorum quæ sunt vincula, & funes quibus animæ ligantur, quo minus bene operentur. Sunt qui paralyticos, vel dolore peccatorum grauatos, vel mortuos, quos Christus ad vitam reuocauit: vel oppressos diaboli seruitute & iugo peccatorum intelligunt. *Annum acceptum* vocat quo Christus mortuus est,

500 MANVALE IN EVANGELIUM

est, quo libertatem nobis contulit: *diem* verò retributionis gratiam, seu tempus quo Deus homines in gratiam per Christum recepit Isa. 49. Vel ultimum iudicium, quia Christus dicit hodie est impleta Prophetia hæc, non ergo in die iudicij est implenda. Hieron. *diem ultionis*, ad Iudæorum ultionem refert factam per Titum & Vespasianum. Si ad tempus Christi, cum Christo ipso referamus, *Annum Domini acceptum*, interpretabimur de omnibus hominibus, cum Mald. quibus tempus illud si Christi liberalitate uti voluissent, iubilæus fuit: quo qui servi erant in libertatem asserebantur: *Diem* verò *ultionis* de diabolo quo devicto nos liberavit. Vel non tantum prædicauit *annum acceptum*, quod ad primum aduentum spectat, sed etiam diem retributionis, quod est secundi adventus.

20. *Et cum plicuisset librum reddidit ministro, & sedit, & omnium in synagoga oculi erant intuentes in eum.*] Stupentium literas nosse, quas non didicerat. Ioan. 7. vel ut viderent quo modo quæ legerat exponeret: sic fieri solet, aut quando insignis vir dicturus est aliquid, aut quando novum quid vel arduum audire expectatur. Stetit autem Christus reuerentiæ causa cum Prophetiam legeret de more ut Act. 13. cum autem docere voluit, sedit, ut suam supra cæteros auctoritatem declararet; & doctrinæ maiestatem. Quo significatur Christum primum Euangelium sua prædicatione aperuisse, & Apostolis tradidisse prædicandum, & aperendum populis. ex Beda.

21. *Cœpit autem dicere ad illos: quia hodie impleta est hæc prophetia in auribus vestris.*] Q. d. vobis

vobis audientibus impleta est, quia sicut illa prædixerat, & magna faciebat & maiora euangelizabat: & se tacite Messiam esse ostendit quem desiderabant.

22. *Et omnes testimonium illi dabant: & mirabantur, in verbis gratia qua procedebant de ore ipsius, & dicebant: Nonne hic est filius Ioseph?]* Gratia hoc loco non eam quæ hominem charum Deo, sed eam quæ hominibus acceptum & gratiosum reddit: qua se plus quam hominem esse Christus declarabat. Admirantes vel contemnentes, eum quem verbis, & factis Christum esse cognoscebant. Matth. 13. Nam etsi virtutes & sapientiam eius agnoscerent, carnis tamen abiectiōe, se à credendo retraxerunt. Matth. & Mar. referunt illos scandalizatos fuisse in Christo.

23. *Et ait illis: Vtique dicetis mihi hanc similitudinem: Medice cura teipsum. quanta audiimus facta in Capharnaï, fac & hic in patria tua.]* Commune prouerbum apud Hebr. ad improprium excogitatum de ijs qui cum alijs prodesse se posse dicerent, sibi prodesse non possent. Tacite volebant Nazareni, vt quæ in alijs ciuitatibus, in sua etiam faceret patria: & id petebant, non fide vt crederent: sed ambitione, ciuitatem suam alijs præferentes: & incredulitate apud se dicentes, non posse facere, vt se posse dicebat, alioqui fecisset multo magis in sua patria. Non fecit autem quia indigni erant, quia visis miraculis non credidissent.

28. *Et repleti sunt omnes in synagoga ira, hac audientes.]* Impleram in se esse prophetiam Isaia: vel quod se alijs prophetis compararet: vel

vel quod eos, incredulitatis argueret: vel quod gratiam à Iudæis ad gentes transferret: ad iniuriam reputantes, quod ad doctrinam, resipiscentiam, & salutem institutum erat.

29. *Et surrexerunt & eiecerunt eum extra civitatem. Et duxerunt illum usque ad supercilium montis super quem civitas illorum erat adificata, ut precipitarent eum.*] Sic tanquam mortis reum primùm à suis civibus, peius ira incipit crucifigi, quam crucifixus est iudicio, etsi violento peiores diabolo: ille enim ait mitte te deorsum, isti mittere intentant. Vi autem trahi & eijci videbatur illis Christus, sponte tamen se trahi & eijci sinebat.

30. *Ipse autem transiens per medium illorum ibat.*] In quo suam ostendit divinitatem. Quando vult capitur, & elabatur ait Ambr. nondum venerat hora passionis, nec hoc mortis genus elegerat; nec hunc passioni locum. Miraculum in hoc fuit; vel mente illorum subito mutata; vel stupefacta: vel quod manus illorum teneret: vel quod se invisibilem redderet. Cætera apud Matth. & Mar.

C A P V T V.

Concionatur ex navis, edit miracula.

1. **F**Actum est autem cum turba irruerent in eum ut audirent verbum Dei, & ipse stabat secus stagnum Genesareth, & vidit duas naues stantes secus stagnum: piscatores autem descendebant, & lauabant retia. Ascendens autem in unam navim, qua erat Simonis, rogavit eum à terra reducere

reducere pusillum. Et sedens docebat de nauicula turbas. Vide apud Matth. 4. & Marc. 1. an hæc historia sit eadem atque illa, vbi cætera etiam explicantur, quæ hic possunt desiderari. Hic solum recenset ea quæ occasionem dederunt vocationi Petri & Andreæ, Iacobi & Ioannis.

4. Vt cessauit autem loqui dixit ad Simonem; duc in altum, & laxate retia vestra in capturam.] Fecit hoc miraculum. 1. vt suam doctrinam opere miraculoso comprobaret. 2. Quid per Petrum & alios futurum esset. vbi & Petri prærogatiuam; & primatum in Ecclesia designat; dandum à Christo. Quod Petrus laborando per totam noctem nihil cœperit, indicat frustra se sine Christo & eius gratia, laborare: Et prædicatores post prædicationem otiosos esse non debere.

5. 6. Et respondens Simon, dixit illi: Præceptor, per totam noctem laborantes nihil cepimus: in verbo autem tuo laxabo rete: & cum hoc fecissent concluderunt piscium multitudinem copiosam, rumpebatur autem rete eorum.] Hoc miraculum auget quod noctu, cum plures pisces capi solent, nullum cepit: die vero cum pauciores capi solent, cepit copiosam multitudinem.

7. Et annuerunt socijs qui erant in alia nauic: vt venirent, & adiuuarent eos, & venerunt, & impleuerunt ambas nauiculas, ita vt panè mergerentur.] Annuerunt signis non verbis. tanta erat admiratio in captura piscium vt loqui non possent: vel quia tam remoti erant, vt vox ad eos peruenire non posset. Ecclesiæ pastores, cum ipsi per se, aut imposito, aut suscepto onere non sufficiunt, alios

504 MANVALE IN EVANGELIUM
alios à quibus iuvari possint aduocare de-
bent.

8. *Quod cum videret Simon Petrus, proci-
dit ad genua Iesu, dicens: Exi à me, quia homo
peccator sum Domine.*] Petrus magnam reue-
rentiam exhibet & humilitatem, dum ex viso
miraculo Christi dignitatem cognoscens, &
sue contra memor indignitatis, Domini à
se discessum deprecatur, agnoscens se indi-
gnum eius consortio, & præsentia: Vel ne
sibi aliquid mali contingeret ob commercium
sue indignitatis, cum sanctitate Dei. vt 3.
Reg. 17.

9. *Stupor enim circumdederat illum, & omnes
qui cum eo erant in captura piscium quam cepe-
rant.*] Hic stupor, typus fuit stuporis consecu-
turi postea, ex successu prædicationis & pesca-
tionis Euangelicæ.

10. *Similiter autem Iacobum & Ioannem fi-
lios Zebedai: qui erant socij Simonis, & ait ad
Simonem Iesus: Noli timere, ex hoc iam homines
eris capiens.*] De hac & aliorum Apostolorum
vocatione Matth. 4. hic solum notanda oc-
casio vocationis ex captura piscium. *Noli ti-
mere.* q. d. tantum abest, vt aliquid tibi ma-
li contingat, quin potius ex piscatore pis-
cium, fies piscator hominum. cætera apud
Matth. c. 2. & 9. & Mar. 2.

CAPVT

CAPVT VI.

*Excusat discipulos, sanat manum aridam
& docet Euangelij pietatem.*

1. **F**Actum est autem Sabbato secundo primo,
cum transiret per sata.] Huius loci &
totius capituli expositio petenda est ex Matth.
cap. 12.

CAPVT VII.

*Sanat puerum Centurionis; suscitatur
filium viduae.*

1. **C**um autem impleisset omnia verba sua in
laudes plebis, intrauit Capharnaum.]
Q. d. cum plebi quicquid voluit libere dixisset
doctrinam miraculo confirmavit. Superior
concio habita fuerat in campo cum ex monte
ab oratione descendit cap. 6. inde dicitur in-
gressus Capharnaum Matth. 8. ubi reliqua us-
que ad vers. 11. exposita sunt.

11. Et factum est: deinceps ibat in ciuitatem,
qua vocatur Naim: & ibant cum eo discipuli eius,
& turba copiosa.] Probabile est ea omnia quae
Matth. refert cap. 8. & 10. accidisse inter hoc
miraculum quod hic recensetur, & quod pau-
lo ante retulit de Centurionis seruo sanitati
reddito. discipuli & turba sequuntur tanquam
testes miraculi.

12. *Cum autem appropinquaret porta ciuitatis : Ecce defunctus efferebatur , filius unicus matris sue , & hac vidua erat : Et turba ciuitatis multa cum illa.*] Non casu sed diuino consilio, tunc cum sciebat mortuum de more efferendum ; vt in ipsa vrbis porta, coram multis suscitaret : quo maiorem de se opinionem conciliaret ad facilius recipiendum Euangelij predicationem. flebile erat, quod adolescens esset mortuus : quod filius viduæ, quæ sine viro, & sine liberis esset orbata : Et quod vnicus esset filius : quod locuples : quod nobilis , vt colligitur ex turba comitante.

13. *Quam cum vidisset Dominus , misericordia motus super eam ; dixit illi : Noli flere.*] Causam refert cur non rogatus excitauerit, quia commiseratione matris commotus est, cuius miseria satis per se vociferabatur, non filij qui ab huius sæculi calamitatibus ereptus erat, sed matris qui eis premebatur. Non erat mors lugenda eius, qui mox cum maiori gloria, & lætitia matris erat victurus. Et quia exiguæ aut variæ est misericordiæ verbis tantum consolari, cui possis re & opere subuenire. Qui autem fletum prohibuit causam lætitiæ adesse significabat.

14. *Et accessit & tetigit loculum. (hi autem qui portabant steterunt.) Et ait : Adolescens , tibi dico, surge.*] Vt ostendat efficax esse suum corpus, ad humanā salutem, vt enim ferrum igni adiunctum facit opus ignis: sic caro Verbo vnita viuificat: ait Cypr. Sed videtur potius verbis quam tactu viuificasse, & imperio, vt se verum Deum declararet, cuius solius vocem mortui audiunt. Ioan. 5. vt igitur tactu virtutem
tem

tem carnis suæ, ita imperio diuinitatem, cui caro illa vnita erat, Christus significauit: vox autem latentis diuinitatis indicium erat.

15. *Et resedit qui erat mortuus, & cœpit loqui. Et dedit illum matri suæ.]* Ex quo infert, eum vere resurrexisse, nam corpus exanime, nec sedet, nec loquitur.

16. *Accepit autem omnes timor: Et magnificabant Deum, dicentes: Quia Propheta magnus surrexit in nobis: Et quia Deus visitauit plebem suam.]* Stupor ex reuerentia in Deum, vnde ait & glorificabant Deum; quia ex miraculi magnitudine videbant eum esse illum Prophetam a Moyse promissum. Deut. 18. Beda putat populum credidisse illum nō solum esse Messiam, sed & Deum.

17. *Et exiit hic sermo in vniuersam Iudeam, de eo, & in omnem circa regionem.]* Sermo, id est, rumor miraculi, vel hoc factum diulgatum est in omnem regionem. Cætera vide apud Matth. c. 11.

29. *Et omnis populus audiens & publicani iustificauerunt Deum, baptizati Baptismo Ioannis.]* Id est, iustū declarauerunt se a benignum, fidelem, & prouidum confessi sunt; qui Ioannem miserit: si vt probabile est Christi verba sunt: Si vero Euangelistæ, sensus erit: omnem populum & publicanos, cum audiissent quæ de Ioanne dicebat Christus, credidisse, & Deum laudasse, cum prius Ioannis Baptismum suscepissent, Phariseos autem & legis peritos contempsisse. *omnis populus*, id est, multi: Ex effectu autem illo, aperit modum quo Deum iustificauerunt, quia baptismo Ioannis baptizati sunt ostendentes se credidisse iis quæ per Ioan-

nem à Deo nuntiabantur.

30. *Pharisæi autem in legisperiti consilium Dei spreverunt in semetipsos, non baptizati ab eo.*] Cum tamen populus qui fere legem Dei ignorabat, & publicani homines avarissimi Deum iustificauissent, idest, iustum, benignum, ac prouidum credidissent, qui tale sibi per Ioannem misisset auxilium, vt inuento redemptore à peccatis soluerentur. quod magis exaggerat Scribarum & Phariseorum pertinaciam: vt Matth. 8. & 11. qui suo magis quàm Dei consilio crediderunt qui Ioannem præmiserat, vt per eum omnes Christum agnoscerent. Quod ait *in semetipsos*, idest, in suam ipsorum ruinam, & perniciem: vt qui oblatam medicinam cum infirmus sit non recipit, suo damno spernit. Non quod aliqui non crediderint Ioanni, & ab eo baptizati fuerint, quia tamen de vniuerso genere Phariseorum loquebatur, non de singulis hominibus, neminem excipit.

31. *Ait autem Dominus: cui ergo similes dicam homines generationis huius*] Huius loci explicatio vsque ad ver. 36. habetur Matth. 11.

36. *Rogabat autem illum quidam de Phariseis, vt manducaret cum illo: Et ingressus domum Pharisei discubuit.*] Ostendit Euangelista hac conuersione peccatricis, peccatores & publicanos credidisse: at vero etiam eos qui Christo aliqua beneuolentiæ signa demonstrabant; non satis in eum credidisse, confisos propria iustitia. Quis fuerit ille Simon vide Matth. 26. Mar. 14. *Ingressus domum Pharisei*, non vt corporis cibumsumeret: sed animæ, vt occasio mulieri suæ cōuersionis daretur, & ostenderet quantum desiderat peccatorum cōuersionem: ideo

ideo non inuitatus aliquando adibat conuiuia.

37. *Et ecce mulier, quæ erat in ciuitate peccatrix, ut cognouit quod accubasset in domo Pharisæi, attulit alabastrum unguenti.*] An fuerit illa mulier quam Matth 23. & Mar 14. & Io 20. vnxisse Dominum scribunt, vide Matth. Eam fuisse meretricem, si non vûlgo prostitu-
tam, at parum castè viuentem. Et qui putant fuisse pudicam Christi gloriam minuunt. Ecce, q. d. conuiuij tempore, mulier pœnitentiæ lacrymas miscet. Ecce in domo Pharisæi, qui mûdiciem & sanctitatem profitebatur, peccatrix ingreditur. Loci opportunitatē cito capiat, nec vacua ad Christum venit, sed vas defert ex alabastrite lapide, unguento plenum. de quo vide Matth. 26.

38. *Et stans retro secus pedes eius, lacrymis cepit rigare pedes eius, & capillis capitis sui tergebat: Et osculabatur pedes eius, & unguento ungebat.*] Idest, cōsistens, non enim recta in pedes stabat, cum Christus iaceret in toro, more recumbentium; cui tanquam solitum & debitum officiū exhibet. Solebant enim mulieres unguenta deferre: oculis quibus terrena concupierat, iam per pœnitentiam conterens, plorat. multum enim ad flectendum Deum fletus est efficax: Et capillis quos ad compositionem vultus exhibuerat, tergit, quod maioris humilitatis, & caritatis fuit indicium; quam si linteo tersisset: addit *capitis* ad emphasim *Et osculabatur*, ore quo superba dixerat: & unguento quod sibi pro odore suæ carnis exhibuerat pedes ungebat: vel quia se putabat indignam quæ caput Christi tangeret. Et sic, quod in se habuit oblecta-

YIO MANVALE IN EVANGELIVM

menta tot de se inuenit holocausta.

39. *Videns autem Phariseus, qui vocauerat eum, ait intra se dicens: Hic si esset Propheta sciret utique, & qualis est mulier, qua tangit eum: quia peccatrix est.]* Vt Magdalena erat exemplū veræ pœnitentiæ; sic Phariseus arrogantia: Nam Pharisei sibi de iustitia placentes peccatores fastidiebant; & contemnebant: Isa. 52. perpende huius temerarij iudicij quanta mala. quomodo enim contactus peccatoris iustum contaminabat, cum omnis immunditia spiritalis à sola voluntate procedat? Quomodo peccatrix habēda erat, quæ tot signa pœnitentiæ exhibebat? Quomodo colligit Christū non esse Prophetam, cum Prophetæ non sit omniū discernere mentem; & bonos à malis: Nam non omnes, omnia occulta cognoscunt: sed quantum illis à Deo conceditur.

40. *Et respondens Iesus, dixit ad illum: Simon, habeo tibi aliquid dicere. At ille ait: Magister dic.]* Respondet ad tacitam cogitationem illius, ut se esse Prophetam declaret: & Phariseus se suo iudicio condemnet. Et quia iudicabat non admittendam peccatricem ad contactum, contra ostendit æquius à se illam admitti quam passus est à Phariseo ad conuiuium suscipi; cum vterque illi esset debitor, vterque illius misericordia indigens, hæc, & plura, & maiora signa dilectionis exhiberet: Rursum quia iudicabat illam esse peccatricem, cōtra ostendit Christus illam magis iustificatam Phariseo.

41. 42. *duo debitores erant cuidam fœneratori: unus debebat denarios quingētos, & alius quinquaginta: Non habentibus illis unde redderent, donauit utrisque. Quis ergo eum plus diligit?] Ex hac parabola*

SECUNDVM LVC. CAP. VII. 511

parabola videtur non quod Christus, sed contrarium colligendum ; propterea multum eum dilexisse, quia multa illi peccata remissa: Nam illi qui quingentos debuit denarios, plus remissum est, non quia multum dilexit Dominum, sed ideo postea plus dilexit, quia plus illi quam alteri remisisset. Sunt qui dicunt prius dilexisse, id est, officia illa caritatis prius exhibuisse, deinde illi remissa fuisse peccata. Nec est semper verum, eum plus diligere qui plus debet, nam multi suos creditores odio habent. Alij dicunt potuisse Christum utrumque colligere. Et remissa sunt ei peccata multa, quia dilexit multum: Et è contrario dilexisse multum, quia multa rei remissa sunt peccata: utrumque enim ex altero sequitur: quia nec remissio peccatorum sine caritate; nec caritas sine remissione peccatorum esse potest. Alij dicunt Christum in uersa parabola usum fuisse, nec argumentum esse à simili sed à contrario, quia dilexit multum remissa sunt ei peccata multa. Alij dicunt; quod Christus hic Simonem rogat: *Quis ergo eum plus diligit, esse futurum pro præterito.*

43.44.45.46.47: *Respondens Simon dixit: Æstimo quia is, cui plus donauit. At ille dixit ei: Recte iudicasti. Et conuersus ad mulierem, dixit Simoni. Vides hanc mulierem? Intraui in domum tuam, aquam pedibus meis non dedisti: hac autem lacrymis rigauit pedes meos & capillis suis tersit. osculum mihi non dedisti: hac autem ex quo intrauit, non cessauit osculari pedes meos. oleo caput meum non unxisti: hac autem unguento unxit pedes meos. propter quod dico tibi remittuntur ei peccata multa, quoniam dilexit multum: Cui autem minus dimittitur, minus diligit.] Q. d. multo te sanctior est,*
Y 4 quia

312 MANUALE IN EVANGELIUM

quia illi peccata sunt dimissa, tibi aut non sunt, aut pauciora sunt dimissa. forte autem de illo non queritur nec eum reprehendit, quod sibi pedes non lauisset, quia non erat mos, antequam ad mensam accumberent: sed illi mulierem præfert quod lauisset: potuit etiam conqueri, quod sibi tanquam peregrino non lauisset, ut mos erat: Sicut & aduentantibus pacis osculū in ore dare. Gen. 27. 3. Exo. 4. 18. 1. Reg. 20. & 2. Reg. 14. Matth. 16. Rom. 16. 1. Cor. 16. Propter quæ caritatis officia, quæ peccatorum remissionem proprie non merebatur, tamen merebantur tanquam dispositionem de congruo: Vel remissio peccatorum non pro culpæ, sed pro pœnæ remissione hic accipitur: Vel dicendum remissionem peccatorum naturæ præcedere veram caritatem, non tēpore. *autem*, pro *enim*: subintelligitur *cui plus dimittitur*, plus diligit: q. d. dilectio est mensura remissionis peccatorum: Ergo huic mulieri, quæ multum dilexerat, multa peccata sunt remissa.

48. *Dixit autem ad illam; remittuntur tibi peccata tua.*] Nunc me loquēte, & simul remittente. At quomodo dixerat ante Simoni: *Remittuntur ei peccata multa*: dixit ea tunc remitti quia statim erant remittenda: Et quia iā cœpta remitti, pœnæ scilicet peccatis debitæ: nam culpa remittitur in instanti: vel est præsens pro præterito, si iam remissa erant ut putat Tol. q. d. obtinuisti quod desiderabas.

49. *Et cœperunt qui simul accumbebant, dicere intra se: Quis est hic, qui etiam peccata dimittit.*] Admirantes vel murmurantes, & blasphemix Christum accusantes ut Matth. 9. Et supra cap. 5.

50. Dixi

SECUNDVM LVC. CAP. VIII. 513

50. *Dixit autem ad mulierem: fides tua te saluam fecit: vade in pace.*] Non sola, sed per caritatem operans: nam prius dixerat remittuntur ei peccata multa; quia dilexit multum: fides salutem inchoauit, consummauit caritas; est enim præcedens nostræ iustificationis causa. *vade libera*, sine timore pœnæ ob præterita peccata infligendæ: quia quod desiderabas, & petebas obtinuisti.

C A P V T V I I I.

Dicit parabolam de seruino, sedas mare, liberat demoniacum.

1. **E**T factum est deinceps, & ipse iter faciebat per ciuitates, & castella, prædicans & euangelizans regnum Dei: & duodecim cum illo.] Post decollationē Ioannis, & iter in ciuitatē Naim, vbi mortuum suscitauit. cap. 7. quod nunc prosequens lustrat omnes ciuitates Galilææ, comitatus Apostolis, & multis mulieribus. Iansenius putat hic inferendam missionem Apostolorum ad prædicandum cum illo. quam Mat. scribit c. 10. & Luc. 9. & hæc per anticipationem dicere. Beda nondum missos sed exercitados fuisse à Christo, ad futuram missionem. Non prædicasse sed didicisse censet Theoph. vadit de loco ad locum non solum vt plures lucretur, sed etiam vt multa dediceret loca; dormit & laborat, vt somnum & laborem sanctificet: plo- rat, vt det pretium lacrymis. Dat exemplum Prælati vt vbique animas quærant, non in magnis tantum ciuitatibus, sed & in castellis,

X § acc

514 MANVALE IN EVANGELIVM

nec tantum animis sed etiam corporibus medetur.

2. *Et mulieres aliquæ quæ erant curata à Spiritibus malignis & infirmitatibus: Maria quæ vocatur Magdalene, de qua septem demonia exierant.]*

Qui utrumque sexum saluare venerat, utriusque sexus sequaces non expulit, vltro se offerentes, maximè quæ beneficiis affectæ, vt ei de suis facultatibus ministrarent: vt ostenderet suam pro nobis susceptam paupertatem; & facto suo doceret quod mox docturus erat verbo: operarium scilicet dignum esse mercede sua: nec defuturam vnquam spontaneam liberalitatem bonorū eis qui sincero animo toti essent in Euāgelico negotio. Deinde ne videretur, ipse qui pauper erat; cibi gratia & ventris, & non solius salutis animarū circuire ciuitates: Aut ne quenquam grauaret, qui cum tanto numero Apostolorū variā loca circuibat: Quod exemplum imitati Apostoli 1. Cor. 6. sed quia in gentibus scandalū aliquod parere potuit: (non Iudæis, quibus cōsuetudo erat vt mulieres de sua substantia victum atque vestitū præceptoribus ministrarent.) Paulus imitari voluit, sed manibus victum sibi, & suis parauit. Hac consuetudine abusus est Simon Magus, Marcion, Apelles, Arrius, qui mulieres circunduxerunt, ex Hieron. epist. ad Ctesiph.

3. *Et Ioanna uxor Chusæ procuratoris Herodis, & Susanna, & alie multe quæ ministrabant de facultatibus suis.]* Designat maritum vt significet mulieris huius opes & deuotionem; non solum ipsius, sed etiam mariti fuisse, qui permiserit uxorem suam in comitatu Iesu, in quo vtiq; eam Dominus non admisisset, nisi viro permit-

LENKE.

SECUNDVM LVC. CAP. IX. 515

rente. Hæc refertur inter eas quæ sepulchrum adierunt, Dominũ vncturæ.c.vlt.ex hoc colligitur licere mulieri, infidelem maritum relinquere vt sequatur Christum.1.Cor.7.

4. *Cum autem turba plurima conueniret, & de ciuitatibus properarent ad eum, dixit per similitudinem.*] Hanc Christus concionem in nauim conscendens habuit ad littus maris Galilææ Matt.3. & Mar.4. cætera quæ hic desiderantur habes Mat.4.5.10.& 12.c.

C A P V T IX.

Instituit Apostolos ad docendum, cibaturbam pane.

1. **C**onuocatis autem duodecim Apostolis dedit illis virtutem, & potestatem super omnia demonia, & vt languores curarent. Semo- tis à turba, vt priuatim eos institueret, reliqua vsque ad vers.51. vide apud Matth. 10. 14. 16. & Mar.6.& 8.

51. *Factum est autẽ dum complerentur dies assũ- ptionis eius, & ipse faciẽ suam firmavit, vt iret in Ierusalem.*] Dies passionis, vel assumptionis in cælum: vel suscepti negotij salutis nostræ, q.d. cum cõpleretur tempus quo negotiũ sibi com- missum a Patre erat perfecturus, nempe non ab hominibus electus, sed à Deo, procul dubio mortẽ non coactã sed voluntariã designãs. quæ quamuis futura ab eo tamen non ignorabatur. Huc autẽ Lucas retulit per anticipationẽ, cum sex vt plurimũ menses vsque ad passionẽ super- essent. Mald. notat quater Christum à Iudæa, in Galilæam, ter à Galilæa in Iudæã Mat.2.3.4.

Y 6 & 10.

516 MANVALE IN EVANGELIVM

& 10. c. decessisse. & de hac tertia qua collectis iam discipulis comitatus non vt moreretur, sed vt prædicaret; nam ad moriendum postea reuertit, hoc loco agit Lucas, nō de vltima de qua Mat. 16. Quia ergo Lucas hætenus narrauerat quid Iesus post Baptismum fecisset in Galilæa, voluit exponere, quo modo in Iudæā reuertisset, & quid in via, quid in ipsa Iudæa fecisset: id hoc loco agit. & ex hoc loco colligitur, post hanc profectiōē, iterū Christum in Galilæam rediisse: si enim iam accidisset quod Ioan. 4. c. narrat, vtique libenter eū recepissent. Cæterum postquam Christus in Iudæa diu prædicauit videns Phariseorū contra se inuidiam concitari, rediit quarto in Galilæam. vt apud Mat. 1. & Ioannē 4. c. instāte verò passione tertio ex Galilæa rediit Hierosolymā vt Mar. 10. & Luc. 18. & Matt. 20. denique ex c. seq. vers. 38. non fuisse hanc vltimam Christi ex Galilæa Ierosolymam profectiōem. Nam illic dicitur à Martha domo nunc exceptus, in vltima autem profectiōe non in domo Marthæ sed in domo Simonis leprosi exceptus est, Matthæi 26. & Marc. 14. *Firmauit*, idest, iter instituit imperterrita mente, morti occursumus.

52. *Et misit nuntios ante conspectum suum: & euntes intrauerunt in ciuitatem Samaritanorum vt pararent illi.*] Angelos non homines, fuisse putat Hier. alij Iacobū & Ioannē, & quæ erant ad victū, & hospitium necessaria pararent vt discipuli assuescerēt pati repulsam: & ne quid intentatum relinqueret erga Samaritanos quominus gustū aliquem præberet Euangelij: ne postea causarentur Christum ad se non venisse.

53. *Ea non receperunt enim; quia facies eius*

erat

SECUNDVM LVC. CAP. IX. 517

erat euntis in Ierusalem.] Quia indicabat se Ierusalem ire: Samaritani autem ascendentes festiuitatis causa Ierusalem, non recipiebant: indigne ferentes alibi adorari quam in templo suo, in monte Garizim: alij dicunt non quia noluerunt, sed quia ipse noluit, ut sensus sit voluisse quidem, sed non potuisse recipere eum ac retinere, quia Ierusalem versus festinabat. Sed ad quid Ioannes & Iacobus, si ita esset, voluissent ut ignis de celo descenderet: nisi quia Dominum recipere volebant: alij quia Iudaei Samaritanis non contebantur.

54. *Cum vidissent autem discipuli eius Iacobus & Ioannes, dixerunt: Domine, vis dicamus, ut ignis descendat de celo, & consumat illos.*] Non quod alij non viderint: sed quod ex omnibus qui viderunt illi soli vlcisci voluerunt, forte quia erant cognati Christi: & conuenienter nomini suo, quia erant filij tonitru, fulgurare volunt: non vlla quidem culpa sed sola Evangelici & Christiani Spiritus ignorantia; hac enim de causa reprehenduntur.

55. *Et conuersus increpauit illos, dicens: nescitis cuius Spiritus estis.*] Ut Magister suos saepe reprehendit discipulos sine culpa: Spiritum appellat ipsum donum Spiritus sancti, nempe timorem, dilectionem, mansuetudinem. Et Evangelicum suum Spiritum mitem, Spiritui Eliae anteponit: q. d. etsi in lege id fieri potuerit non tamen in Euangelio. Hoc tamen discrimen non est perpetuum. Nam Elizeus mitis fuit 4. Reg. 6. & Petrus feuerus, Act. 5. Paulus 1. Cor. 5. & Act. 13. Et cum opus est ferro de terra, & igne de celo tuenda est religio.

56. *Filius hominis non venit animas perdere, sed*

518 MANVALE IN EVANGELIVM

sed saluare.] De se solo non de toto Euangelio hoc dictum, qui etsi poterat, & homines maxime digni erant, ut ab eo punirentur, non venerat tamen perdere: & volebat mansuetudine suam doctrinam, non armis proponere.

57. 58. 59. 60. Factum est autem: ambulantes illis in via, dixit quidam ad illum: sequar te quocumque ieris. Dixit illi Iesus: vulpes foveas habent & volucres cœli nidos: filius autem hominis non habet ubi caput reclinet. Ait autem ad alterum, sequere me: ille autem dixit: Domine permitte mihi primum, ire & sepelire patrem meum: dixitque ei Iesus: sine ut mortui sepeliant mortuos suos, tu autem vade, & annuncia regnum Dei.] An hæc historia & quæ proximè narratur sit eadem, quæ apud Matth. c. 8. vide.

61. 62. Et ait alter, sequar te Domine, sed permitte mihi primum renuntiare his, quæ domi sunt. Ait ad illum Iesus: nemo mittens manum suam ad aratrum, & respiciens retro, aptus est regno Dei.] Proponitur à Lucâ solo, hic tertius, qui & ipse ut verosimile est à Domino ad sequelam vocatus, paratum quidem se exhibuit, sed dilationem honestatis prætextu postulavit; & talem quæ non multum temporis, ut superioris postulata dilatio requirebat, ob quod putabat merito concedendum quod petebat. Inde ostendit quod in Galilæa neminem vocavit, qui non continuo relictis omnibus, cum secutus sit: & multi non vocati sequebantur. In Iudæa, contra: vocati non sunt sequuti. Et qui se sponte obtulerunt, repulsa digni fuerunt. Et videntur hæc tria ita referti: quasi eodē tempore, & loco acciderint. in Græco est ambiguitas; aut renuntiare bonis meis, & de illis disponere,
aut

aut valedicere domesticis meis: per *arattrum* significatur prædicatio Euangelica ad quã ineptus qui ad mundana negotia respicit. Vel manum ad aratrũ misisse intelligitur quisquis se iã meliori vitæ, ac iustitiæ, virtutisque laboribus dicauit; hic si animũ deflectat ad ea quæ relictæ esse oportet nõ est aptus regno Dei, cœlo, Ecclesiæ, officio discipuli Christi, qui vt alia curet, negligit, sicque *manum mittere ad arattrum* erit, à Deo vocatum esse & ad priores sæculi curas se conuertere.

CAPVT X.

Mittit discipulos, tentatur à legisperito.

Posthac autem, designauit Dominus & alios septuaginta duos, & misit illos binos ante faciem suam, in omnem ciuitatem, & locum, quod erat ipse venturus.] Posthac quæ superiori capite narrata & gesta sunt in Iudæa vbi hæc etiam discipulorum legatio facta esse videtur non in Galilæa. Quidam legunt 70. sicut 70. interpretes. Sed male, cum constet Eleazarum Pontificem misisse ad Ptolomæum 72. Seniores, delectis sex ex singulis tribubus, qui sacra Biblia in linguam Græcam verterent vel sicut centũuiri qui 105. erāt: & in principio sui regni Christus 12. elegit veluti 12. principes & patres 12. tribuũ Israel, ita regno suo increfcẽte 70. vel 72. delegit alios veluti 70. populi Israelitici Senatores, quorũ opera vteretur ad imitationem Moïsi, regni sui speciem & maiestatem hac ratione declarās, vel ad imitationẽ 70. cum quibus Iacob ingressus est in Ægyptum Gen. 46 & duplex hic ordo erat exẽplar duplicis ordinis instituendi.

instituendi in Ecclesia Christi nimirum ordinis Episcoporum, & minorum sacerdotum. *Binos misit ante se ut in aduersis, aut rebus necessariis se mutuo iuuarent, & ut perpetuos suarum actionum testes haberent: & quia duo sunt caritatis praecepta, Dei & proximi. cetera usque ad vers. 17. exposuimus apud Matth. 9. & 10. & Mar. 6.*

17. *Reuersi sunt autem septuaginta duo cum gaudio, dicentes: Domine etiam demonia subiiciuntur nobis in nomine tuo.*] Quæ in hac missione egerint Lucas siluit, & reditum eorum à prædicatione recenset, ut prædicatores intelligant totum Christo acceptum referre. Quare non sunt culpa notandi de hoc gaudio, cum gauisi sint de felici prædicationis successu: nec Christus eos reprehendit, propter sibi subiecta dæmonia gaudere: sed monet ut propter scripta in cælo nomina, magis gaudeant, ut infra cap. 11. beatiorum ait quæ mente concepisset. q. d. Non solum morbos curauimus, & alia miracula fecimus, sed etiam dæmones eiecimus, quorum potestatem non dederas, plus fecimus quam sperabamus. Sed videtur eadem potestate illos misisse, qua Apostolos c. 9. Dæmones scilicet eiciendi. Hoc autem quasi mirantes dicunt, vel quod erat omnium difficillimum narrantes, indicant se etiam cetera fecisse. Vel tacite intelligunt, non solum homines sed etiam dæmones obtemperasse.

18. *Et ait illis: Videbam aëranam, sicut fulgur de cælo cadentem.*] Sunt qui hoc dictum putant de lapsu diaboli è cælo propter suam superbiam, quem lapsum cū nullus viderit, Christus se vidisse ait, diuinitatem suam insinuans.

ut suos muniret cōtravānam gloriā. Theoph. ait non mirandum esse velut rem nouam, cum princeps eorum ē cōelo ceciderit : Alij non de ea ruina diaboli quā ab initio de cōelo cecidit, sed de ea quā verbo Dei incarnato deijci cōpit, à sua tyrannide : ut discipuli causam huius subiectionis intelligerent : & per cōelum intelligitur potentia, & gloria quā habuit antequam Verbum caro fieret, & in terris versaretur : cum pro Deo coleretur in idolis. Ne putetis vos mihi rem nouam narrare, sciebam enim cum vos ēmisi ad prādicandum ruituras esse vires diaboli. Imo cum dæmonia eijceretis : ipse ego vobis aderam : Et videbam quod vos non videratis, satanam ipsum fulguris instar cadere, & eius vires euanescere nomine meo.

19. *Ecce dedi vobis potestatem, calcandi supra serpentes, & scorpiones, & super omnem virtutem inimici : & nihil vobis nocebit.*] Græce do. vobis non solum confirmans, sed etiam augens, & quō magis vobis gaudendum ; nomina vestra scripsi in cōelo : & potestatem dedi superandi omnia pericula ; non solum quæ ab hominibus, sed etiam quæ à scorpionibus, & alijs bestijs & dæmonibus solent accidere, ut Act. 28.

20. *Veruntamen in hoc nolite gaudere, quia Spiritus vobis subijciuntur : gaudete autem quod nomina vestra scripta sunt in cœlis.*] Non quod non esset gaudendum, sed quod minus gaudendum, quā quod nomina scripta essent in cōelo : ratio est quia mali & iniusti, possunt dæmones pellere : At non nisi iusti scripti sunt in cōelo, in libro vitæ.

21. *In ipsa hora exultatis Spiritu sancto, &*
dixit

§ 22 MANVALE IN EVANGELIVM

dixit: Confiteor tibi Pater, Domine cœli & terra, quod abscondisti hæc à sapientibus, & prudentibus, & revelasti ea paruulis; etiam Pater: quoniam sic placuit ante te.] Postquam ostendit quæ in re potissimum gaudere debeant: recte & ipse cum illis gaudentibus, gavisus est: gratulabundus quod eam Pater discipulis suis hominibus simplicissimis potestatem dedisset: ut dæmones pellerent, quam sapientibus non dedisset: vel quod nomina eorum scripta essent in cœlis. Cætera vsque ad vers. 25. vide apud Mat. c. 11.

25. Et ecce quidam legisperitus surrexit, tentans illum, & dicens, Magister, quid faciendo vitam æternam possidebo?] Hic alius & ab eo, quem refert Mat. 22. & Mat. 12. Quo tempore, quo loco, qua occasione Christum interrogaucrit incertum est, nec necesse est scire. Superiora dicta fuerunt seorsim: hoc verò populo præsentem, & vero similiter in synagoga: ubi multis doctoribus sedentibus, & Domino cum eis disputante, iste surrexit. Apparet hoc ideo Lucam retulisse, ut doceret, quæ occasione Christus parabolam illam hominis, ab Hierusalem in Iericho descendentis, proposuisset, quam noluit omittere: quia utilis & mysterio plena. Notauit non ut disceret, sed ut tentaret accessisse: ut tacite innueret, quare Christus non simpliciter respondisset, sed eum vicissim interrogasset: in lege quid scriptum est? Quia simpliciter non interrogasset. Laudanda interrogatio, qua non curiosa petuntur, sed necessaria: non quæ ad alios, sed quæ ad se spectant: non leuia, sed seria: quæ ad animæ salutem pertinent. Et is interrogetur qui sciat, ut Magister.

26. At

26. *At ille dixit ad eum : in lege quid scriptum est ? quomodo legis ?*] Quia Christum tentando interrogauit, & de lege tentauit, Christus ad legem remittit, vt conatum illius repellat, dum ostendit se legi non contrarium : & simul illum arguat, quod illud ab eo interrogaret quod ab ipso alij discere deberent : Et noter vel nescire quod scire teneretur : vel subdolè interrogare, quod sciret. *In lege inquit quid scriptum est ?* q. d. nihil aliud audies ex me, quam quod in lege continetur. Ostendens salutis viam esse mandatorum obseruantiam, contra Calvin.

27. 28. 29. *Ille respondens dixit : Diliges Dominum Deum ex toto corde tuo, & ex tota mente tua, & ex omnibus viribus tuis, & ex omni mente tua, & proximum tuum sicut teipsum : dixitque illi: rectè respondisti : hoc fac, & viues.* Ille autem volens iustificare seipsum, dixit ad Iesum ; & quis est meus proximus ?] Vide horum verborum explicationem apud Matth. 22. is deposito tentandi animo, laudatus à Domino vt alter ille, secundò interrogat quis esset eius proximus; cupiens discere, nam illud impleuisset præceptum : vt illud volens iustificare seipsum, in bonam partem sumatur pro eo quod est volens ex animo sibi iustitiam accumulare, & iustus, aut iustior fieri, quam erat : vel melius in malam partem intelligitur, pro declarare, & ostendere se iustum: Nam cum expertus esset quod prior interrogatio sibi cessisset ad gloriam doctrinæ : sperabat & hanc interrogationem, sibi cessuram ad laudem vitæ: ita Iansen. Theoph. putat interrogasse, quasi putauit solum iustum, iusto proximum esse,

§ 24. MANUALE IN EVANGELIUM

esse, se verò omnes antecellere, virtute & iustitia, & proinde nullum se habere proximum. Rectius alij putant istum existimasse proximos suos tantum esse iustos, vel Israelitas: arque id responsurum Dominum sperasse, seque hac ratione iustum declarandum; ut qui se faciebat proximum istorum, & Israelitarum, & amicorum. Sed verius est eum finxisse ignorantiam, quæ plus haberet probabilitatis: Nam probabilius erat legis peritum ignorare, quis in lege nomine proximi intelligeretur: quam quid ad consequendam vitam æternam agendum esset: nam hoc erat controuersum inter doctores, alij enim solos Iudæos, alij solos iustos, alij solos amicos, proximos esse putabant, ex Matth. 5.

30 ad 38. *Suscipiens autem Iesus dixit: Homo quidam descendebat ab Ierusalem in Iericho, & incidit in latrones qui etiam despoliauerunt eum: & plagis impositis abierunt semiuino relicto.]* Non suspiciens ut quidam legunt, sed excipiens & succedens in vicem respondendi quæstioni propositæ. finis parabolæ est ut doceat Christus, qui vere noster sit proximus: & cum à Christo designari, non qui nobis benefecit, sed qui nostra indiget ope, siue alienæ, siue nostræ sit gentis; Quid si non indigeret? concludendum, eum esse proximum nobis, cui exhibendum est officium misericordiæ, si indiget. vel exhibendum esset, si indigeret: generalius dicendum omnes omnino homines, etiamsi indigere non possint, nobis tanquam proximos diligendos esse. Et non solum Iudæum Iudæo: sed Samaritanum etiam Iudæo, idest, hostem hosti proximum esse, quod Christus probauit

ex

ex effectu ; quia Samaritanus fecit Iudæo, quod proprium est proximi , scilicet proximū iuuate : Sicque in definiendo proximo nullam amicitiae, patriæ, gentis, conditionis aut officij rationem haberi oportere. Quid ergo ? Sacerdos ille & Leuita qui vulneratum præterierunt , proximi non erant ? erant quidem ; sed non se gesserunt vt proximi. Alter & erat, & se gesserat , vt proximum : quamuis minus videretur esse, legisperito : sed hostis. Mysticus sensus est : esse Adamum , & in eo omnes qui à gratia in peccatum lapsi sunt : latrones dæmones. Sacerdos & Leuita, vetus lex : quæ hominem non sanauit. Samaritanus, Christus, qui misericordia motus in hunc mundum descendit in quo homo erat, cuius vulnera vino ; id est, sanguine suo lauit, &c.

38. *Factum est autem, dum irent, & ipse intrauit in quoddam castellum, & mulier quædam Martha nomine excepit illum in domum suam.] Dum irent, Ierosolymam, intrauit in pagum, scilicet Bethaniam, Marthæ & Mariæ. Hæc historia eo spectat vt ostendat, quo modo Dominus magis sit delectatus eorum studio, qui auidi essent à se audiendi verbum Dei, quàm qui ipsum pascere corporaliter studerent, & maluerit suos hospites pascere, quàm ab illis pasci : relinquens exemplum concionatoribus, vt idem facerent. dicitur Marthæ, quia erat maior natu, & ad eam spectabat Christum excipere.*

39. *Et huic erat soror nomine Maria quæ etiam sedens secus pedes Domini, audiebat verbum illius.] Ad significandum ipsam non obiter audisse verbum Iesu quo modo Martha audire potuit. Vel vt significaret etiam cum alijs mulieribus assedisse*

assedisſe pedibus Ieſu. Et notatur mira in audiendo auditas mentis, tranquillitas, & humilitas.

40. *Martha autem ſatagebat circa frequens miniſterium, qua ſtetit, & ait: Domine, non eſt tibi cura, quod ſoror mea reliquit me ſolam miniſtrare? dic ergo illi, ut me adiuvet.*] Anxie torquebatur, diſtrahebatur, ſeu diſtēdebatur, turbabatur, dū cogeſſetur diuerſi ab audiendo verbo, & incubere miniſterio, & ijs quæ præparabantur ad cōuiuium Chriſti, & diſcipulorū eius, quærens quibus Chriſto grata eſſe poſſet, & ſuam caritatem declarare, quod ex caritate veniebat, non Chriſtum ſubincuſat, ſed ſororem apud Chriſtum, nam admirantis potius, aut iocantis, quàm accuſantis dictum eſt.

41. *Et reſpondens dixit illi Dominus: Martha, Martha, ſolicita es, & turbaris erga plurima.*] Non prohibet Dominus hospitalitatem, ſed plurimorum turbationem & tumultum; & miniſterium Marthæ inferius eſſe functioni ſororis oſtendit.

42. *Porro vnum eſt neceſſarium, Maria optimam partem elegit, qua non auferetur ab ea.*] Vno opus eſt, Deo ſcilicet iugiter inhærere. vnitatem quæ in Domino eſt. Verbum Dei audire, ſaluti operam dare. Martha illud vnum quærebat ſed per multa. Sunt qui vnum ac ſimplicem cibum interpretantur: quod natura paucis contenta, ſit. Maria optimam partem elegit, ſcilicet ad Chriſti pedes ſedere, ſuâ ſalutē quærere cæteris neglectis. A te autē auferetur Martha quod elegiſti, ſed bono tuo auferetur, ut quod melius eſt detur: auferetur enim à te labor; ut requies detur: tu nauigas, ſed illa in portu eſt ait Aug.

CAPVT

CAPVT XI.

Præscribit formam orandi.

1. **E**T factum est cum esset in quodam loco orans, ut cessauit, dixit vnus ex discipulis eius ad eum: Domine, doce nos orare, sicut docuit & Ioannes discipulos suos.] Cum Lucas multa misceat, non inquirendum quomodo hæc cohæreant. Matth. 6. prudenter fecit discipulus, dum orantem Christum non interpellauit. ut comedit & bibit quia homo ita oratione utitur ait Cyril. ex hoc loco apparet Christum bis orandi modum docuisse, semel in monte, & iterum illo interrogate. Nec mirum quod vterque suis præscripserit discipulis modum orandi, pars enim est, & quidem ex primis vna Religionis, orare. De Arianis, Athan. de Valent. Iren. de Marcion, Tertul. de Luth. & Caluin. omnes passim referunt precandi formulas.

2. Et ait illis. cum oratis dicite, Pater, sanctificetur nomen tuum.] Hæc oratio pauciora habet quam quæ apud Matth. cuius explicacionem vide c. 6.

5. Et ait ad illos: quis vestrum habebit amicum, & ibit ad illum media nocte, & dicet illi: Amice commoda mihi tres panes.] Vm ostendit orationis, maxime si sit perseuerans ut sic ad fiduciam inuitaret. Docet etiam noctibus orare ut notat Amb. Ps. nō timuit excitare dormientem quem scit semper vigilantem. tres panes petit, vnum sibi, alterum amico, tertium communem, in supplementum. Mystice sunt cœlestis myste-

528 MANUALE IN EVANGELIUM
rij alimentum, intelligentia Trinitatis. Ex S.
Aug.

6. *Quoniam amicus meus venit de via ad me, & non habeo quod ponam ante illum.*] Ad impetrandi facilitatem facit, & quod non pro se, sed pro alio: Et quidem de via venienti: & quod non carnes, aut vinum pretiosum, sed tantum panes petit.

7. *Et ille deintus respondens dicat: Noli mihi molestus esse, iam ostium clausum est, & pueri mei mecum sunt in cubili, non possum surgere, & dare tibi.*] Hæc ab amico responsio, non erat expectanda, sed faciebat ad argumentum, quo Christus uti voluit; ut pateret quantum valet importuna perseverantia. - Qui differt dare vult ut amplius desideres dilatum, ne vilescat cito datum, ait Aug. refert omnia, quæ excusationis causa esse poterant; ut appareat petitio necessaria, & iusta repulsa.

8. *Et si ille perseverauerit pulsans: dico vobis, etsi non dabit illi surgens, eo quod amicus eius sit, propter improbitatem tamen eius surget, & dabit illi, quotquot habet necessarios.*] In Græco hæc desunt, & Deo non conueniunt: sed dicta sunt ut appareat quantum valet perseverantia: Et si propter improbitatem petentis hæc fecit amicus: quanto magis Deus faciet; qui & amicus, & Pater est. Potest & ad Deum accommodari, qui non solum amicis, sed & inimicis: non propter amicitiam, aut gratiam quam non habent, sed ob perseverantiam concedit quæ petunt.

9. *Et ego dico vobis: Petite & dabitur vobis: querite, & inuenietis: pulsate, & aperietur vobis.*] Hæc parabola

parabolæ conclusio. Quæ sequuntur vsque ad vers. 27. vide apud Matt. 7. & 12.

27. *Factum est autem cum hac diceret, extollens vocem quadam mulier de turba, dixit illi: Beatus vëter qui te portauit, & vbera que suxisti.]* Scribis & Pharisæis Dominum tentantibus, & blasphemantibus, mulier simplex, & dolo carens, & ignota quasi afflata Spiritu sancto, illum celebrat: cumque illi nec magnitudine miraculorum commouerentur in admirationem: hæc sola sapientiæ, & efficacix quæ in verbis Domini percipiebatur consideratione, in tantam admirationem venit, vt in media turba, & hostium frequentia, non sit verita Christum exclamando prædicare, quem audiebat Scribas & Pharisæos vituperare, (sic Deus spretois superbis humiles eligit.) Beatam Christi matrem dicit, quia concepit, & aluit: nec tantam illi gratiam contulisset, nisi dignam Christi matrem eam facere voluisset.

28. *At ille dixit: Quinimmo beati qui audiunt verbum Dei, & custodiunt illud.]* Græce, certe imo potius quasi confirmans mulieris sermonem, subiungit potiozem beatitudinis partem, quæ nisi B. Virgini competiisset, nihil ei partus Christi ad veram beatitudinem profuisset. Et ideo B. Virgo, per hæc verba filij magis fuit beatificata in genere, ex parte animæ; quam in specie fuit beatificata, per verba mulieris in corpore, vt Matth. 12. Nam magis erat beata quod mente quam quod ventre concepisset contra Calvin.

29. *Turbis autem concurrentibus, cœpit dicere: Generatio hac, generatio nequam est: Signum quarit & signum non dabitur ei, nisi signum Iona*
Z *Propheta*

Propheta.] Quæ sequuntur vsque ad vers. 34. vide apud Matth. 12. vbi connexio & occasio huius sententiæ declaratur.

36. *Si ergo corpus tuum lucidum erit, non habens aliquam partem tenebrarum, erit lucidum totum: Et sicut lucerna fulgoris illuminabit te.*] Hæc comparatio oculi, & corporis, explicatur apud Matth. 6. vt tautologia, quam aliqui esse putant, vitetur: nota quod non dicitur erit lucidum totum corpus, *sed erit lucidum totum*, vt hoc totum non ad corpus referatur, sed ad totum absolute, ad omnia quæ habet homo: Oculus, intentio est, quæ si recta fuerit omnes aliæ facultates, vel actiones lucidæ & rectæ erunt. Ex Aug. l. 2. q. Euang. c. 2.

37. *Et cum loqueretur rogauit illum quidam Phariseus ut pranderet apud se. Et ingressus recubuit.*] Postquam nuntiatum esset foris matrem & fratres esse, vt ait Beda. alij eodem loco & tempore quo superiora accidisse putant, diuersa occasione. statim vt ingressus est, ne lotis quidem manibus recubuit.

38. *Phariseus cœpit intra se reputans dicere; quare non baptizatus esset ante prandium.*] Græce cum vidisset miratus est, quia non lotus accubisset. Ceremoniales illæ Iudæorum lotiones baptismi vocabantur: Ideo forte Ioannis & Christi baptismus, ita dictus est, quia erant ceremoniæ Religionis. fecit vt doceret quam vana & superstitiosa consuetudo qui neglecta animi munditiæ, mundabant corpora Mar. 7. & Ioan. 2.

39. *Et ait Dominus ad illum. Nunc vos Pharisei quod de foris est calicis & catini mundatis, quod autem intus est vestrum, plenum est rapina, & ini*

& iniquitate.] Respondens cogitationibus, quasi dicat nō solum aliās sed etiam *nunc* cum id quod foris est religiose mundatis: quod autem intus est plenum sit rapina, non est laudanda consuetudo.

40. *Stulti, nonne qui fecit quod de foris est, etiam id, quod deintus est fecit.*] Hæc apud Mar. exposita.

41. *Veruntamen quod superest, date eleemosynam: Et ecce omnia munda sunt vobis.*] Græce quæ suppetunt, quæ adsunt, prout quisque potest; vel quod *superest* victui vestro, atque vestitui: Alij facta rapinarum restitutione: Alij quod vnicum remedium vobis reliquum est, est vt detis eleemosynam. *Et omnia munda sunt vobis*, si recte fiat, & adsint reliqua ad salutem necessaria, vt pœnitentia: sic enim intelligendæ similes sententiæ, quæ salutem promittunt. Quidam dicunt: eleemosynam pro omni opere misericordiæ accipi. Accommodate autem Christus loquitur, dixerat Phariseos mundare quod de foris est, calicis, intus autem plenos esse rapina & dolo: dicit nunc si velint omnia quæ rapuerunt, sibi mundari, dent eleemosynam, per eleemosynam aliena restituentes, erunt mundi. Alij fore vt anima & corpus mündentur, quia Eleemosyna ad remissionem peccatorum disponit, & propriè pœnam remittit ex Bonauent. Et Dan. 4. Eccl. 3. Tob. 4. & 12. Luc. 16. Act. 10. Et sic eleemosyna erit vobis instar vestrarum lotionum. Cætera vsque ad vers. 52. apud Matth. 23.

52. *Va vobis legisperitis, quia tulistis clauem scientiæ, ipsi non introistis, & eos qui introibant, prohibuistis.*] *Abstulistis, abscondistis*, quia sibi

532 MANVALE IN EVANGELIUM

solis vsurpabant scientiam salutis, vt docerent neminem, nisi viam se monstrantibus salutem consequi posse: neminem cœlum ingredi nisi ipsis aperientibus, vt Matth. 23.

53.54. *Cum autem hac ad illos diceret, cœperunt Pharisei, & legisperiti grauer insistere, & os eius opprimere de multis, insidiantes ei, & quærentes aliquid capere de ore eius, vt accusarent eum.]* Græce instare, vel sœuire, grauer ferre, arguere. Ab ore eius pendere, obseruantes ecquid illi excideret, quod calumniarentur, obruere quærendo multa.

C A P V T XII.

Pocet non timendam esse mortem corporis, & paratum seruum.

1. **M***VLtis autem turbis circumstantibus, ita vt se inuicem conculcarent, cœpit dicere ad discipulos suos: Attendite à fermento Pharisæorum quod est hypocrisis.]* Cum discipuli fretum Galilææ traiecissent, & obliui essent secum panes quærere. Matth. 16. In Iudæa enim acciderant quæ superiori capite narrauit. Cætera vsque ad vers. 13. vide apud Matth. 10.8.16. Mar. 4.8.12.

13. *Ait autem ei quidam de turba: Magister, dic fratri meo vt diuidat mecum hereditatem.]* Id ea fecit opinione, qua Christum putabat esse Messiam, qui vt Rex temporalis causas pupillorum esset defensurus: sic multi ad veros religiosos veniunt, vt eorum abutantur gratia in

in rebus profanis; pauci ad colloquia spiritualia.

14. *At ille dixit illi: Homo quis me constituit iudicem, aut diuisorem super vos?*] Dissidentes de re terrena: Christus ita respondet vt declaret se maiora tractare: vt cum à terrenis, ad cœlestia vocaret: vt c. 9. & Matth 8.

15. *Dixitque ad illos: Videte & caute ab omni auaritia: quia non in abundantia cuiusquam vita eius est, ex iis qua possidet.*] Ad illos duos fratres; vel ad omnes qui aderant accipiens occasionem ex eius petitione quæ speciem auaritiæ habebat; docuit cupiditatem terrenorū vitandā ab omnibus siue magna, siue parua, aperta, vel occulta auaritia: quia vita hominis cuiusquam in abundantia diuitiarum sita nō est: quo enim quisque ditior est, non eo diutius viuit, vt probat ex sequenti parabola.

16. *Dixit autem similitudinem ad illos, dicens: Hominis cuiusdam diuitis vberes fructus ager attulit.*] Parabolam excogitatam ex rebus quæ fieri solent diuiti qui multos habet agros; ex quibus collegerat vberem fructum, quo maxime vita alitur, & propagatur: Et cum ille ne vna quidem nocte, vitam producere potuerit, tanta frumenti abundantia, facile intelligitur conclusio, nullo genere diuitiarum vitam propagari.

17. *Quid faciam quia non habeo quo congregem fructus meos.*] Copiam diuitiarum, & sollicitudinem quam secum afferunt significat.

18. *Et dixit: hoc faciam, destruam horrea mea, & maiora faciam, & illuc congregabo omnia, quæ nata sunt mihi, & bona mea.*] Hoc intra se, non cum Deo, non cum hominibus, cōsiliū iniit,

Z 3 quod

§ 34 MANVALE IN EVANGELIUM

quod avaritia suggessit : caritas postulabat, ut saltem egentibus daret, quod Deus illi dedecrat supra quam sperabar: avaritia suavit ut magnis sumptibus vetera horrea destrueret, & nova faceret. *bona* appellat sua, quæ non vere bona & sua; quæ Deus illi tanquam dispensatori contulit.

19. *Et dicam anima mea, habes multa bona posita in annos plurimos: requiesce, comede, bibe, epulare.*] Vitæ meæ habes unde viuas, annos multos, ideo stultus vocatur, habes quidem in horreis fructus, ô diues : sed annos plurimos, unde habes ? Errat etiam in hoc : bona enim animæ putat terræ fructus, & quæ corporis sunt.

20. *Dixit autem illi Deus : stulte, hac nocte animam tuam repetunt à te : quæ autem parasti, cuius erunt?*] Dixit per internam inspirationem, vel Deus ipse quasi cum securo diuite loquens, vel Deus Christus reuera illi dixit; vel per Angelum; vel per Prophetam. Stultum vocat quia infomes noctes ducens Dei oblitus est: & quia multa tempora sibi promittebat, diem sequentem non vidit Greg. 22. Mor. cap. 12. Repetunt propeitur, ab Angelis, à Deo, quia immortalis est anima : id enim solum repetitur quod manet. non dixit in æternum cruciaberis, quia cum stulto loquebatur, qui non de anima, sed de diuitiis erat sollicitus : & quia nihil magis dolet avarus, quam bonorum iacturam.

21. *Sic est, qui sibi thesaurizat, & non est in Deum diues.*] Stultus, & in nocte rapiendus. Qui vult esse in Deum diues, non sibi thesaurizat sed pauperibus; possessa distribuit ait Beda. In Deum diues; qui spem non ponit in incerto diuitiarum : sed in solo Deo : vel qui diues est
virtu

virtutibus. 1. Tim. 6. cætera vsque ad vers. 32. apud Matth. 6.

32. *Nolite timere pusillus grex, quia complacuit Patri vestro dare vobis regnum.*] Significat regnum cælorum gratuita Dei voluntate & benignitate, esse nobis prædestinatum, quod tamen non nisi merentibus, & vincentibus datur, vt præmium in stadio.

33. *Vendite qua possidetis, & date eleemosynam: facite vobis sacculos qui non veterascunt; thesaurum non deficientem in cælis: quo fur non appropriat, neque tinea corrumpit, ubi enim thesaurus vester est, ibi & cor vestrum erit.*] Ostendit quod ad illud regnum venient faciendo eleemosynam. Nam etsi gratis detur, emitur tamen, sed tam vili pretio, vt gratis dari videatur. Est autem consilium non præceptum. Vel dicendum alloqui discipulos, qui perfecti esse volebant: vel omnes Christianos, qui paratum animum habere debent, vt quando necesse fuerit, omnia vendant quæ habent; deposito omni humano timore. *Thesaurum* vocat *sacculos*, qui cum vetustate rumpuntur, perit pecunia, quæ in illis erat: Et per *sacculos qui non veterascunt* pauperes intelligit, quia quod illis datur, in tuto est; potius crescit, quam minuatur. Ps. 19. Matth. 19. reliqua vide apud Matth. 6.

35. *Sint lumbi vestri praeincti, & lucerna ardentes in manibus vestris.*] Vbi Christus discipulum suum superfluis exuit, & ab omni sollicitudine, & cupiditate temporalium nudauit, & regni cælestis ingessit mentionem: iam ipsum ad ministrandum sibi inducit; & docet quo modo, qua vigilantia, quo habitu, illud

536 MANVALE IN EVANGELIVM

expectare debeat, seruatorum exemplo, qui cum dominum suum noctu reuersurum expectant, non solum vigiles, sed etiam præcincti, expediti, & attenti sunt, & faces accensas habent: Orientales longis utebantur vestibus, & ideo ministraturi, collectam vestem cingulo stringebant ad lumbos, ne ministrantibus esset impedimento, sicque præcinctos habere lumbos, idem est, quod paratum esse. vers. 37. & cap. 17. Ioan. 13. Act. 12. Tob. 5. 3. Reg. 18. 4. Reg. 4. Eph. 6. Moraliter castitas significatur. Græci non legunt *in manibus vestris*. Sed sensus idem, scilicet oportere esse paratos, cum venerit ad iudicium, pulsante fores domino, nihil facilius quam faciem accendere & obuiam ire. Et tamen hoc iam vult factum esse, vt neminem expectet. eo spectat parabola decem virginum. Moraliter lucernæ, bona opera: vel bona intentio.

36. *Et vos similes hominibus expectantibus Dominum suum, quando reuertatur à nuptiis, vt cum venerit & pulsauerit, confestim aperiant ei.* Hoc tertium documentum, & præparatio ad regnum Dei capeßendum, vt simus in spe, & expectatione, Domini venturi, à quo pretium accepturi sumus. q. d. estote vigiles, num pulset: dixit *quando reuertatur à nuptiis*, quia noctu celebrabantur. Mat. 25. & cap. 12. Apoc. 19. Et quia noctu homines sunt minus parati: voluit Christus, tum nos esse paratos, & minus securos, *cum pulsauerit*: circa tempus mortis, per immissam ægritudinem: vel ad animam nostram; ad iudicium vocabit in sono tubæ, in voce Archangeli, aperiemus ei, cum læti, non male conscij recipiemus: *confestim*, id est, habent

habentes iam omnia bona opera nostra parata.

37. *Beati serui illi, quos cum venerit Dominus, inuenerit vigilantes: Amen dico vobis quod praeinget se, & faciet illos discumbere, & transiens ministrabit illis.*] Q. d. Beati qui semper vigilant & parati sunt, quocumque venerit Dominus & transiens more ministrantium mensis, obseruansque quid cuique desit, aut quisque desideret. *ministrabit illis.* significans felices esse quos inuenturus esset vigilantes in fide, & bonis operibus, & paratos ad iudicium, eo quod talibus Dominus sit concessurus, accumbere mensae regni coelestis, & communicaturus suorum gaudiorum fruitionem, & prouidurus ne quid illis ad iucundam vitam desit: imo largiter suppeditaturus quicquid desiderare possint. Et inuositatum honorem, & gloriam exhibiturus esse in caelo.

38. *Et si venerit in secunda vigilia, & si in tertia vigilia venerit, & ita inuenerit, beati sunt serui illi.*] Significat incertum mortis hominum, & aduentus Christi horam esse: vnde oportet continuo vigilare. quod ait: *ita* sic, idest, paratos & vigilantes inuenerit. Noctis vigilias exposuimus cap. 2. Et Mat. 14. vsque ad vers. 47. quae hic desiderantur.

47. 48. *Ille autem seruus qui cognouit voluntatem Domini, & non se preparauit, & non fecit secundum voluntatem eius, vapulabit multis. Qui autem non cognouit, & fecit digna plagis, vapulabit paucis. Omni autem cui multum datum est, multum quaretur ab eo: & cui commendauerunt multum, plus petent ab eo.*] Voluntatem domini vocat non eam quam nobis per datam legem

Z 5 decla

§ 38 MANUALE IN EVANGELIUM

declaravit : nam quo iure qui contra eā igno-
rans fecit, *vapulabit*, licet paucis : sed eam de
qua loquebatur, qua Dominus decrevit ali-
quando ad iudicium venire, quam volunta-
tem Apostoli, & alij quos de suo aduentu mo-
nuerat, sciebant : & sciunt omnes Christianis
Alij autem, & nunc ignorant, & tunc ignora-
bant ; inter quos, hoc erit discrimen, quod illi,
quia sciunt venire decrevisse, hoc est, sciunt vo-
luntatem Domini, & non se parauerunt, sed se
se somno dederunt, vapulabunt multis, propter
ea nimirum peccata, quibus impediti reperiū-
tur. Hi vero propter eadē peccata vapulabunt
paucis. Quia eadem peccata, in illis, hoc gra-
uiora sunt, quod sint quasi cum Domini con-
temptu coniuncta, quia eius scientes volunta-
tem, quod venire decrevisset, ea commiserunt,
aut cum iam ante commisissent, non ea per
pœnitentiam deluerunt, & ad excipiendum
Christum præparauerunt. In his verò leuiora,
quia quamvis contra legem Domini, & volun-
tatem sint : tamen si cognouissent Christum ad
iudicium aliquando venturum fuisse, non ea
fecissent, aut si ea iam fecissent, per pœniten-
tiam expiassent ; ex Maldon. Dices si hic non
fecit contra voluntatem Domini, qua ignora-
bat venire velle, quare vapulabit ? Respondetur
quia faciendo contra aliam eiusdem volunta-
tem digna plagis admisit. Docemur futurum
in altera vita supplicium, maius vel minus, pro
magnitudine peccati.

49. *Ignem veni mittere in terram, & quid
volo nisi ut accendatur ?*] Postquam discipulos
officij eorum admonuit, explicat nunc pro-
prium suum officium : nimirum ut Euangelij
prædica

prædicatio longè latèque spargatur, & fructum faciat. ad hoc Petrum constituit aliòsque super familiam suam, in dispensatores: Sunt qui hæc alio loco & tempore dicta putant. Ignis, est Spiritus sanctus, quem venit impertiri hominibus: aut charitas, & ardor diuini amoris: vel prædicatio Euangelica, quia non ut lex verus frigida, sed in virtute Spiritus sancti accensura erat homines ad pietatem: vel afflictio & res aduersa. vt Ps. 65. Isa. 43. Eccl. 51. quia præmuniebat suos ad ferendas fortiter persecutiones, & vt eas animo æquiore acciperet eas a se mittendas ait: id est, propter se, & suo permissu. vt Matth. 10. Sic baptismum vocat suam passionem, & quid volo nisi vt accendatur, id est, valde volo. verba sunt ignem prouocantis, & gladium, & omnia genera persecutionum, & discipulos hortantis vt idem faciant.

50. *Baptismo autem habeo baptizari: & quomodo coarctor usque dum perficiatur.*] Græce, habeo baptismum quo baptizandus sum; mortem & passionem suam intelligens vt Mar. 10. 1. Cor. 15. quia solet aqua passionem, & afflictionem significare Ps. 62. & 68. & 106. *Donec perficiatur*, id est donec mors veniat: non enim sunt verba timentis vt quidam putant, sed optantis. Quasi vellet Christus exui corpore: vel potius, vt nos à peccato solueret, & Patris voluntatem adimpleret. Hic superiore animæ parte illam prouocat, inferiore verò in horto, timet, tristatur. Cætera in Mar. 10.

C A P V T XIII.

Hortatur ad pœnitentiam.

1. **A** Derant autem quidam ipso in tempore, Anuntiantes illi de Galilæis quorum sanguinem miscuit Pilatus cum sacrificiis eorum.] Idest quos inter sacrificandum occidit. Credibile est hanc historiam tanquam rem nouam, quæ omnibus colloquiis miscetur, eodem accidisse tēpore quo narratur, eo fine, vt Galilæos, quos pro hostibus habebāt, homines impios esse declararent: quos Deus per Pilatum ipsis suis sacrificiis obruisset: & probabile est, eos qui hoc referunt non tanquam rem recentem narraſſe, sed acceſſiſſe ad Christum, vt audirent quid de ea re sentiret: & quonam id diuino consilio accidisset. vt Io. 9. Sunt qui ad eā cædem referunt, quæ accidit Act. 5. alij occisos dicūt, quia tenerent, non esse sacrificandum aut orandum pro Imperatore: Quem Dominū, non fatebantur, sed solū Deū, esse Dominum. Hi vero qui occisi sunt non Galilæi, sed Samaritani erant. Et dicuntur Galilæi quia Iudam Galilæum sequebantur: vel vicinæ, quia Samaria Galilææ maiori vicina erat: & tam Galilæi, quā Samaritani, à Iudæis odio habebantur. & solent vrbes, prouinciarum nobiliū nomine appellari. ideo facta est hæc cædes non in templo Hierosolymitano in quo solo fiebant sacrificia, sed in monte Garizim, vbi Samaria est. Et si verè fuissent Galilæi, Pilatus ius nullum eos occidendi habuisset Luc. 23.

2. *Et respondens dixit illis: putatis quod hi Galilæi, pra omnibus Galilæis peccatores fuerint, quia talia*

et alii passi sunt?] Illis, qui hæc nuntiauerunt: videntur hoc fecisse, vt Galilæorum illorum impietatem, tam atroci supplicio punitam, Domino indicarent, & illorum seditiosum animum detestantes, Pilati factum commendarent: execrantes illos velut maximos peccatores, ac cupientes scire quid de illis pronuntiaret: vt appareret ex responsione, qua videretur corrigere voluisse illorum opinionem, qua putarent illos præ aliis peccatores fuisse, qui tam crudelem & nouam pœnam dederunt: contra quem errorem totus liber Iob agit. Itaque horum gloriationem, qui sibi placebant tanquam meliores occisis Galilæis, Christus hic reprimat, docens ex vltione, quæ de illis sumpta est, non colligendum ipsos fuisse grauiores peccatores: esse enim ipsos æqualibus, aut etiã grauioribus peccatis obnoxios: ob quæ nisi resipiscant sunt similiter puniendi: nec ideo quia nunc simili pœna nō afficiantur, æternam, nisi pœnitentiã egerint, euasuros. Discamus ex hac Christi responsione, vt ex omnibus quæ narrantur ab hominibus, occasionẽ sumamus ædificandi, tum nos tum alios, & de rebus gestis curiosè non inquirendũ iustè an iniuste euenerint.

3. *Non dico vobis; sed si pœnitentiam non habueritis omnes similiter peribitis.*] Non eodem genere mortis, sed omnes inopinato, & crudeliter perituros, post 40. annos à Romanis: vel similiter non morte corporis sed animæ, non temporali, sed æterna: sicut vnus sic alius, sicut pauperes, ita & diuites.

4. *Sicut illi decem & octo, supra quos cecidit turris in Siloë: & occidit eos; putatis quia & ipsi debitores fuerint præter omnes habitantes in Ierusalem?*

lem?] Rectè intelligitur significari etiam illos ultione diuina opprimendos inter ruinas ciuitatis Siloë erat nomen fontis, vel piscinæ iuxta muros ciuitatis in quibus multæ fuerunt turres. Isa 8. Ioan. 9. Aliud familiare proponit exemplum, non quo Galilæi, sed quo Ierosolymitani ciues, qui sancti habebantur, quales se illi ipsi, cum quibus loquebatur, esse putabant, occisi fuerant: & occisi non ab hominibus, sicut illi à Pilato, quorum mors magis crudelitati Pilati, quàm diuinæ ultioni tribui poterat; sed ab ipso Deo subito turris casus, vt non nisi diuina id prouidentia, peccata vindicante factum esse putandum sit: & tamen illi ipsi non magis quam cæteri ciues Ierosolymitani peccatores fuerant. vnde concludit, non debere eos esse securos propterea quod non casu perierint, quasi ideo non fuerint peccatores: perituros enim peius nisi egerint pœnitentiam. ita Mald.

5. *Non dico vobis, sed si non pœnitentiam habueritis, omnes similiter peribitis.* Jvt supra vers. 3.

6. *Dicebat autem & hanc similitudinem. Arborem fici habebat quidam plantatam in vinea sua, & venit quarens fructum in illa, & non inuenit.*] Parabolam qua iam aperit quomodo perituri sint, nempe vt ficus quæ fructum nō fert quamuis culta, & expectata exfoinditur, & in ignem mittitur: ita ipsi bona opera non facientes, post longam Dei patientiam, si pœnitentiā non egerint, in ignem æternum mittentur: Hæ sunt partes parabolæ necessariæ, cætera sunt ornamenta. Ficus, significat omnes homines: vinea, Ecclesia: Dominus vineæ, Deū: colonus, Christū, Apostolos, Petrum, vel omnes sanctos qui

qui vineam Domini Sabaoth coluerunt. Hi Dominum rogant vt expectet, patientiam habeat: & si posterium annorum expectationem, hoc est, post multum temporis, aut post iuuentutem, adolescentiam, & virilem ætatem, ac demum post culturam eis ab Ecclesiasticis impensam, pergant manere infrugiferi, excindendi sunt, & in ignem mittendi.

7. *Dixit autem ad cultorem vineæ: ecce annus tres sunt, ex quo venio querens fructum in ficulnea hac, & non inuenio: succide ergo illam: vt quid etiam terram occupas?*] Indicat Deum vniuscuiusque arboris naturam, id est, vniuscuiusque mores cognoscere, & scire, quandiu vnusquisque expectandus sit, vt fructum afferat. Sunt qui in sola senectute sapiunt, similes palmis. Alij in pueritia senes sunt, in senectute pueri: similes ficui, quæ nisi primo anno aut secundo, aut tertio ferat fructum, nūquam feret: ideo Deus alios minus, alios diutius expectat. Deum venire ad querendum fructum, est oculos conuertere ad vnumquemque vt videat, quæ fructum habeat, & admonere vt ferat, & minari nisi ferat, excidatur. q. d. vt quid terram exugit & exhaurit, & impedit quo minus aliæ plantæ ferant: huic similes sunt, qui non solum non fructum ferunt bonorū operum, sed alios etiā impediunt.

8. *At ille respondens, dicit illi: Domine, dimitte illam & hoc anno, vsque dum fodiam circa illam & mittam stercora.*] Id est, omne remedium tam hieme, quam æstate adhibeas,

9. *Et si quidem fecerit fructum: sin autem succides illam.*] Subintelligitur, bene quidem aut sinemus eam. Sin autem subintelligitur fructum non fecerit, succides eam, q. d. satis erit temporis,

544 MANVALE IN EVANGELIVM
temporis, ad succidendum eam.

10. *Erat autem docens in Synagoga eorum Sabbatis.*] Idest, singulis sabbatis, quibus Iudæi solebant convenire, in synagogam ad Dei legem audiendam. Mar. 1.

11. *Et ecce mulier quæ habebat spiritum infirmitatis annis decem & octo: & erat inclinata, nec omnino poterat sursum aspicere.*] Iam subiicit exemplum, sicut sterilis ut quod parabola typus delineavit, res ipsa iam subiceret oculis. Græce *aderat*, venit ad Christum mulier quæ dæmon alligauerat ea infirmitate, ut curaretur adducta est. indicat etiam à demonibus morbos immitti, quibus ut ministris Deus utitur. patet ex Iob. & Psal. 77. Mar. 9.

12. 13. *Quam cum videret Iesus, vocavit eam ad se, & ait illi: Mulier dimissa es ab infirmitate tua. & imposuit illi manus, & confestim erecta est, & glorificabat Deum.*] Non inuitatus eam inuitat ut sanari velit, sciebat ob curatam in Sabbato mulierem, Archisynagogum murmuraturum esse, & volebat ex eius murmuratione occasionem sumere arguendi superstitionem in Sabbato seruando: ut Mat. 12. Mar. 3. Demonstrat diabolus hoc unum agere, ut homines à conditionis suæ nobilitate abstractos, similes faciat iumentis, ac terrena tantum spectare: & ait illi iam liberaberis: videtur enim inter tangendum dictum; & his ipsis verbis curatam esse ut peccatrix cap. 7. tamquam homo, imposuit, tamquam Deus, verbis imperavit ut liberaretur. voluit ostendere suam carnem esse viuificam: quia coniunctam habebat diuinitatem. Exiit diabolus à muliere, manum Christi ferre non valuit, qua creatus, qua de coelo deiectus, fuerat:

fuerat : & non ingrata, Deum publice in synagoga glorificauit.

14. *Respondens autem Archisynagogus, indignās quia Sabbato curasset Iesus, dicebat turba. Sex dies sūt, in quibus oportet operari: in his ergo venite, & curamini, & non in die Sabbati.]* Hebræis, prolocutus est, seu loqui exorsus est. vt Mar. 5. Archisynagogus dicitur qui synagogæ præerat. vt æmulator literæ legis, non ausus Christum reprehendere, ad turbam se conuertit, docens vti non Sabbato, sed alijs diebus quærant curationem, inuidiam simulans specie religionis.

15. *Respondens autem ad illum Dominus dixit: Hypocrita, vnusquisque Sabbato non soluit bouem suum, aut asinum à præsepio, & ducit ad aquare? Hanc autem filiam Abraha, quam alligauit satanas, ecce decem & octo annis, non oportuit solui à vinculo isto die Sabbati?]* Cum tamen Christum non esset allocutus, sed populum: vt erubesceret Archisynagogus, & aduersarij eius: & populus lætaretur ab eo defensus. Et proprio exemplo eos arguit, quod maioris est operæ, quam impositis manibus dicere *dimissa es ab infirmitate tua*. Et quod sit pluris facienda quæcumque filia quam bos, aut asinus, multo magis ea quæ est filia Abrahamæ, quæ cum ad Dei populum pertineret tenebatur à diabolo, à quo si non alligata, sed à causis naturalibus, & si non tanto tempore ligata fuisset, videri potuisset non esse soluendam die Sabbati. At maxime debuit curari die Sabbati, quia ideo institutum est vt homines à satana liberarentur: & multo magis quam bos aut asinus; qui per medium tantum diem, sine potu ligatus est.

546 MANUALE IN EVANGELIUM

est. Quæ sequuntur vsque ad vers. 31. habes apud Matth. c. 7.

31. *Et ipsa die accesserunt quidam Phariseorum dicentes illi : exi, & vade hinc : quia Herodes vult te occidere.*] Non animo eum liberandi, sed eijciendi in exilium, simulantes se diligere, cum tamen essent ad iram prouocati quia populus ei adhærebat. Chrys. triplici vtentes nequitia, & quod mendacium constabant, & quod Christum, vt inde discederet, volebant deterrere; & quod fingeant se velle ipsius saluti consulere.

32. *Et ait illis : ite, & dicite vulpi illi : ecce eijcio demonia, & sanitates perficio, hodie & cras, & tertia die consummor.*] Illi qui mendaciū finxerat: vel Herodià quo se nihil metuere voluit significare, vt terrorem inijceret ipsis Phariseis: nec propter illum se minus locuturum esse. *Hodie & cras* Hebr. pro breui tempore. tertium vero vocat diem, quicquid post breue illud tempus secuturum est. Mortem scilicet suam, post breue tempus futuram. *Consummor* significat sibi constitutum tempus moriendi, quod nec Herodes, nec alius quispiam breuiare poterit.

33. *Veruntamen oportet me hodie, & cras, & sequenti die ambulare : quin non capit Prophetam perire extra Ierusalem.*] Id est, ire in Hierusalem: vel operari, vt Ioan. 12. Rom. 1. sicque tertia die ambulare, est miracula facere, & officio suo satisfacere. q. d. quamuis breui tempore victurus sim, & miracula facturus: tamen illud ipsum tempus, nec Herodes, nec alius breuius efficiet quin toto illo ambulem. Id est, officio fungar. Quod si longum tempus
signifi

SECUNDVM LVC. CAP. XIV. 547

significetur, sensus erit: etsi post tertiam diem moriturus sim, tamen interim nemo me impedire poterit, quo minus miracula faciam. Oportet suam moriendi libertatem, Herodis vero necessitatem declarat, quod in eius non esset potestate illud tempus præuenire. vt Ioan. 9. *Non capit*, non contingit, non decet, siue impossibile est, Prophetam alibi occidi, quam vbi vsitatissimum est, occidi Prophetas, in quo illorum crudelitatem notat, & impietatem. Cætera vide apud Matth. 23. Non quod peccandi necessitatem imponat ciuibus Hierusalem, sed significat ideo fieri non posse, quia ipsi nolunt: Ideo supra dicitur ambulare, idest, ire Hierusalem quia fieri non potest, vt Propheta alibi moriatur. Dixerat se moriturum, sed non statim, vt illi minabantur, quia adhuc oportebat se hodie, & cras, & sequenti, idest, vsque ad destinatum tempus à Patre, facere miracula, & officio suo fungi. Vnde concludit se non posse statim occidi cum in Galilæa esset, & fieri non posset, vt extra Hierosolymam Propheta occideretur.

C A P V T XIV.

Curat hydropicum, docet humilitatem.

1. **E**T factum est cum intraret Iesus in domum cuiusdam principis Pharisaorum, Sabbato manducare panem, & ipsi observabant eum. Pergit, eodem loco, & tempore, recensere Phariseorū technas, & quomodo eorum peruersa iudicia & mores.

& mores à Domino sunt notati. Eutym. putat Phariseum cum inuitasse animo gloriæ cupido, ut ostenderet se ex ijs non esse qui illi inuidebant: Alij ut infidiaretur, & experiretur num Sabbatum curaret; aut aliquid aliud faceret, vel diceret, unde eum accusare posset. Princeps Phariseorum dicitur, quia cuncti inter se sacerdotes & singulæ familiæ, & synagoga, & scæta, & artes, suum principem habebant ut c. 8. 19. & 10. 3. *Et ipsi Pharisei qui simul erant inuitati observabant, si quid forte faceret, quod possent accusare.*

2. *Et ecce homo quidam hydropicus erat ante illum.*] Illorum ut putandum opera illuc adductus, quarentium occasionem calumniandi, id tamen Lucas dixisset.

3. *Et respondens Iesus dixit ad legisperitos, & Phariseos, dicens: Si licet Sabbato curare?*] Hebr. exortus loqui: vel eorum cogitationibus respondens: sciens se ab illis observari, num Sabbato curaret. Et cum non auderent interrogare, eos ipse interrogat, si Sabbatum solueret.

4. *At illi tacuerunt: ipse vero apprehensum, sanauit eum, ac dimisit.*] Si enim dicant licere: cur Christum observant. Si non licet; cur ipsi curant pecora Sabbato. Et contactu suo sanauit: ubi enim magna utilitas resultat, non est curandum si stulti scandalizentur. ac dimisit, ne gloriabundus videretur detinere: vel ut liberius Phariseos argueret: vel ut eius incessus, ferret testimonium restitutæ sanitatis.

5. *Et respondens ad illos dixit: cuius vestrum asinus, aut bos in puteum cadet, & non continuo extrahes illum die Sabbati?*] Et pergens loqui cum

cum eis: vel ad cogitationes eorum respondens, quos hoc facto videbat offensos: & eos sic conuincit. nam bos & asinus multo minoris erat, quam homo. Et erat maioris operæ, bouem aut asinum extrahere de puteo seu fossa: quam hominem solo verbo, aut tactu curare, nullo opere, nullo labore, quæ sola in Sab-
bato erant prohibita.

7. 8. Dicebat autem & ad inuitatos parabolam, intendens quo modo primos accubitus eligerent, dicens ad illos: Cum inuitatus fueris ad nuptias, non discumbas in primo loco, ne forte honoratior te, sit inuitatus ab illo: & veniens is qui te, & illum vocauit, dicat tibi: da huic locum: & incipias cum rubore nouissimum locum tenere.] Sic & illis esse faciendum declarans hac præcepti forma ad modum parabolæ, quare ad conuiuium venisset, non vt pasceretur, sed vt sua doctrina pasceret inuitatos. Cætera vsque ad vers. 28. habes apud Mat. 10. & 23.

28. Quis enim ex vobis volens turrim adificare, non prius sedens computat sumptus qui necessarij sunt, si habeat ad perficiendum.] Cum Christus dixisset, ei qui se sequi vellet, tollendam esse crucem: docet nunc rem non esse facilem, sequi se, nec temere aggrediendam; sed maturè considerandam ei qui eam vult suscipere professionem. Nam qui turrim vult ædificare, diu considerat num possit sumptibus satisfacere: idem qui bellum intentat: sic qui vult esse Christianus, vel Christi discipulus, qui non tantum præcepta, sed etiam consilia seruare aggreditur, difficile est, & quisque debet probare vires suas. Hæ autem duæ parabolæ co-
spectant vt doceat nos omnem diligentiam
adhibere

550 MANVAZE IN EVANGELIUM
adhibere ut Christum sequamur : & ut in sus-
cepta professione maneamus , omnia præce-
pta obeamus , turpe esse desistere. ut 1. Cor.
24. Cætera ad parabolam non faciunt : nec
sunt accommodanda ad rem significatam.

C A P V T XV.

Pœnitentiam Angelos latificare.

1. **E**rant autem appropinquantes ei, publicani
& peccatores, ut audirent illum.] Quales
olim causa doctrinæ, & baptismi ad Ioannem
confluxerant : sic cum Christo versantur, eum
inuitant, sæpissime quod Pharisei arguunt. ut
Mat. 18.

8. *Aut qua mulier habens drachmas decem, si
perdiderit drachmam unam, nonne accendit lucer-
nam & verrit domum, & quarit diligenter, donec
inueniat?*] Intentum huius parabolæ idem
quod superioris. Merito Christum, maiorem
adhibere diligentiam, in conuertendis pecca-
toribus, quàm in ijs qui aut minus erant pec-
catores, aut minus sibi esse persuadebant ut
habet Mat. 18.

11. *Homo quidam habuit duos filios.*] Con-
clusio duarum præcedentium parabolarum
fuit : Maius gaudium in cœlo esse super vno
peccatore qui egit pœnitentiam : quàm super
nonagnita novem iustis, qui non indigebant
pœnitentia. Hanc nunc confirmat exemplo
patris, magna cum lætitia excipientis filium
perditum. Tres sunt in parabola personæ
præcipuæ, Pater & duo filij : ad has cæteræ
referuntur.

referuntur, Homo, qui duos habebat filios; Deus est. Duo filij, Iudaicus & Gentilis, qui minor natu, qui posterior Deum coluit: Hic accepit à Patre partem substantiæ suæ, quæ se contingebat, idest, solam naturam, solam liberi arbitrij facultatem, sine lege, sine gratia, sine ullis supra naturam donis: abiit in regionem longinquam: idest, longe à Deo discessit: & homini cuidam, idest, diabolo, principi huius mundi; Aristoteli, Platoni, & alijs Philosophis, adhæsit: qui vix illum filiquis, idest, humanis artibus alebant, plus vanitatis, quàm veritatis habentibus. Alij per filium maiorem Angelos; per minorem homines intelligunt: Alij Phariseos, maiores natu; & publicanos, & peccatores, quos Christus recipiebat, esse minores natu; de quo illi murmurabant. Vel maior natu filius: omnis iustus: minor natu, peccator: qui in Ecclesia est, siue ante, siue post Christum passum, & hic filius Dei est, sed mortuus; quia fidem habet, quam non habet Gentilis; ille dicitur maior; hic minor, quia moribus hominum unde parabola sumebatur; magis congruebat.

12. *Et dixit adolescentior ex illis patri; Pater, da mihi portionem substantiæ, quæ me contingit: & diuisit illis substantiam.*] Proprie diuisit solam iuniori: nam maiori non diuisit partem hereditatis, à bonis paternis, scilicet, à Deo, alioqui iustus non fuisset, dicit illis diuisisse, quia duas partes fecit æquales.

13. *Et non post multos dies congregatis omnibus, adolescentior peregre profectus est, in regionem longinquam: & ibi dissipauit substantiam suam*
vivendo

552 MANVALE IN EVANGELIUM

viuendo luxuriose.] Collectis bonis & in pecuniam redactis, profectus in regionem longe à patria distantem: quæ regio, designat illum fuisse valde perditum; Dei oblitum. Et quid longius ire, quàm à se recedere, se à Christo separare, extra ecclesiam esse. Sunt qui per partem substantiæ, intelligunt liberum arbitrium: at certum est, illud non perdidisse, cum postea deliberauerit, de reditu ad patrem. Alij imaginem ac similitudinem Dei: quia Dei conformationem in bonis moribus amisit: Alij fidem, quam ab Ecclesia discedens, & inter Gentiles viuendo in luxu vestium, & conuiuiorum & cum meretricibus perdidit: At peccator, fidem non perdit: nihil ergo dicendum est quàm perditissimum peccatorem describi.

14. *Et postquam omnia consummasset, facta est fames valida, in regione illa, & cœpit egere.*] Fames, est Sacramentorum priuatio, verbi Dei & virtutum, & bonorum operum: melius peccatoris tantum miseria designatur.

15. *Et abiit, & adhesit uni ciuium regionis illius. Et misit illum in villam suam, ut pasceret porcos.*] Q. d. decreuit herum quærere. vel abiisse est in peccato creuisse, & dicitur, adhæsisse uni ciuium, idest, principi ad militiam diaboli pertinenti, qui illum seruum fecit, & redegit ad vilissimum ministerium: Villa, est mundus, vel modus potestatis diaboli. Porci, sunt dæmones, carnales cupiditates; sordidæ cogitationes.

16. *Et cupiebat implere ventrem suum de siliquis, quas porci manducabant: & nemo illi dabat.*] Q. d. non poterat aliunde habere quam ex ipso loco vbi ijs porci vefcebantur. Siliquæ sunt carnales voluptates; vel inanes scientiæ:
vel

vel ipsa peccata, quibus peccator quo magis peccat, magis exlariari cupit: Vel flagitiosissimus peccatoris status, qui ad extremam malitiam venit.

17. *In se autem reuersus dixit: Quanti mercenarij in domo Patris mei abundant panibus, ego autem hic fame pereor.*] Iam tandem per summam inopiam & miseriam ad sui considerationem reuersus: & bene in se reuertitur, qui à se recessit intellectum dante vexatione. Hinc colligitur bonum esse timorem seruilem, quo metu pœnæ ad Deum conuertimur. In domo Dei dicuntur mercenarij qui intuitu futuræ mercedis digna operantur. Melius qui infimo sunt gradu, velut in domo sunt mercenarij. Quare iidem illi qui mercenarij sunt in Ecclesia; etiam sunt filij Dei sed in infimo gradu. Et in hoc est similitudo mercenarij, inter illum & filium, non quod ille mercede hic gratis patri seruiat; sed quod ille abiectus, & despectus, hic honoratus, in domo patris sit: Ego Sacerdos, ego doctor, qui filius sum hic fame pereor, diuina gratia priuatus, & tot pauperes, tot mulierculæ abundant diuinis consolationibus.

18. *Surgam & ibo ad patrem meum, & dicam ei: Pater, peccaui in cœlum & coram te.*] Incitat se perditus ad reuertendum in patriam, & peccator qui per eum significatur ad confitenda peccata, & ad agendum pœnitentiam in Ecclesia, vbi legitima & fructuosa peccatorum confessio. Peccauerat in cœlum qui Hierusalem cœlestem reliquerat matrem: peccauerat coram Patre, qui deserto conditore lapides & ligna fuerat veneratus; Non fuerat dignus

SECUNDVM LVC. CAP. XV. 555

miam vestem, talarem scilicet, qua non serui, sed nobiles induebantur: quæ omnia indicant, adolescentem in filij locum recipi: ideoque seruis imperari, vt vestiant, calceent, & annulo adornent: quæ omnia declarant, Deum obliuisci peccatorum præteritorum; & peccatorem restituere ad eundem, vel meliorem gratiæ statum, quam ante peccatum: stola prima, est innocentia, quam Adam perdidit vel gratia; vel sapientia: vel melior status: vt Eccl. 6. & 15. Apoc. 6. *Annulus* est pignus Spiritus sancti, fides: *Vitulus saginatus* est Christus, ob immolati corporis hostiam, ex Chrys. saginatus opprobrijs.

24. *Quia hic filius meus mortuus erat, & reuixit: perierat, & inuentus est: & cœperunt epulari.*] Quia pro mortuo habebatur; vel quia perierat, quod perinde est ac si fuisset mortuus.

25. *Erat autem filius senior in agro: & cum veniret, & appropinquaret domui, audiuit symphoniam, & chorum.*] Hic senior filius, iustum significat, qui dicitur pœnitentibus peccatoribus inuidere eo modo quò illi murmurant. Mat. 20. diximus enim hoc, partem non esse parabolæ, nec esse ad rem significatam accommodandum. Quod significat Deum tanta benignitate peccatores excepturum, vt ipsi etiam iusti, quasi murmurandi occasionem accipiant: posse tamen illis respondere, *fili tu semper mecum es, &c.* Alij per filium maiorem, scribas & Phariseos intelligunt, qui se iustos putabant, qui contra Christum murmurabant quod peccatores recipiebat.

CAPVT XVI.

*Proximo subueniendum : Deo soli ser-
uiendum.*

I. **D**icebat autem & ad discipulos suos : Homo quidam erat diues, qui habebat villicum : & hic diffamatus est apud illum, quasi dissipasset bona ipsius.] Homo diues est Deus : villicus, est homo : vel Apostoli, & alij Ecclesiæ rectores : vel omnis diues, qui vere non suarum diuitiarum dominus est, sed dispensator : Omnia ad Deum pertinere, quæ illi dispensanda, in pauperes dedit. Ps. 49. Nam proprie de diuitibus agit, quâuis parabola ad peccatores etiam spectet : qui debitis tenentur obstricti, & curare debent, ut ab illis immunes fiant. Quare villicatio non est sola administratio Ecclesiastica, nec sola dispensatio bonorum temporalium : sed generaliter officium hominis Christiani. Et cum dicitur *non poteris villicare*, idest, male administrati officij pœnas dabis : sic peccator, propter male administratum officium, idest, propter legem Dei male seruata pœnas dabit. Accusatur ergo villicus, idest, Christianus à dæmonibus coram Deo ; male seruata legis : non in iudicio : quia tunc non erit tempus faciendi amicos, de mammona iniquitatis ; sed in hac vita. Et significatur sententia quæ contra nos, simul atque peccauimus pronuntiatur à Deo. *Iam non poteris villicare* : idest, iam in seruorum meorum numero non eris : iam paucæ gratiæ meæ non nutrieris. Quod autem

autem villicus dicit, *Quid faciam* : designat statum hominis, quem Deus deseruit vt Ps. 120. Isa. 5. & hæc est prima deliberatio hominis peccatoris, salutem quærentis. vt c. 15.

5. *Conuocatis itaque singulis debitoribus Domini sui, dicebat primo; Quantum debes Domino meo?*] Debitores Dei, sunt pauperes, quos peccator sibi facit amicos: dum partem debiti remittit, vt se accipiant in æterna tabernacula, cum eiectus fuerit: Alij dicunt hos duos debitores esse populum Gentilem, qui centum cados olei, & Iudaicum, qui centum coros tritici debebat: Vel omnes quos ille villicus poterat sibi, bene merendo deuincire: merito tamen non eodem: sic nos debere non vno, sed diuersis modis homines promereri. *Caius* erat vas ad omnia liquida ferenda: *Corus* erat mensura liquidorum. Filij sæculi, qui sæculo, idest, tenebris: filij lucis qui Deo, moribus sunt similes, vt Ioan. 12. 1. Thes. 5. *in generatione sua*, idest, *in genere suo*. q. d. prudentiores sunt profani homines in malum, quam iusti in bonum. Et hæc verba sunt potius Christi, quàm Lucæ, aut diuitis, qui laudauit illius prudentiam, non quod peccatores, sint iustis prudentiores, in quærenda salute, sed quod esse deberent: Nec quod Deus sit defraudandus, aut furta sint facienda: vt habeant pauperes, vnde sibi amicos faciant, vt fecit ille villicus: sed in hoc est parabola, vt cognoscamus peccatorem, qui est à Deo condemnandus: omnem diligentiam, & curam afferre debere, vt se eximat ab onere, & debito peccati; & fugiat condemnationem: Nam si villicus ille tantam adhibuit malis artibus, vt fu-

A a 3 . . . giar

giat pœnam temporalem, quanto maiorem afferre debet peccator, vt fugiat æternam. Et si ille à Domino suo laudatus est, quanto magis hic à Deo laudabitur.

9. *Et ego dico vobis : facite vobis amicos de mammona iniquitatis : vt, cum defeceritis, recipiant vos in æterna tabernacula.*] Pro iniquo: Iniquæ autem sunt diuitiæ, quod iniquitate collectæ; aut quia iniquitatis materia: aut quia iniquè, sibi diuitiarum nomen vendicant: aut quia iniquum faciant: & iubet non vt per fraudem acquiramus, vt ille fecit: sed vt ex iniquè partis, amicos nobis ex pauperibus comparemus: qui nos cum defecerimus, in æterna recipiant tabernacula. Nec vult vt ex solis male acquisitis, sed etiam ex iustis & legitimis id faciamus: Nam si ex alienis quanto magis ex nostris. *Cum defeceritis*, idest, cum mortui, vel in iudicio condemnati: Vel cum destituti alijs bonis fueritis, & à Deo, sed in hac tantum vita, condemnati; & remoti à villicatione: idest, priuati diuina gratia; exclusi à consortio diuino. Quod cum nobis contigit, optimum remedium est, eleemosyna, vt Deus nos in gratiam recipiat. Amici sunt pauperes, qui nos recepturi sunt; Non Angeli, non gentiles. Certum est Deum propria authoritate recipere: pauperes vero dicuntur nos recipere, quia propter illis factas eleemosynas recipimur: vt non tam ipsi, quam merita erga eos, nostra sint; quæ nos proprie recipiunt Chrysostom. in Ps. 48. vel quia suis à Deo precibus impetrant vt recipiamur. Hinc & merita nostra; & Sancto-
rum

rum suffragia colliguntur.

10. *Qui fidelis est in minimo ; & in maiori fidelis est : & qui in modico iniquus est ; & in maiori iniquus est.*] Ut magis ad dispensanda bona temporalia excitaret Christus, alterum etiam ex occasione eiusdem parabolæ subiicit documentum, de pœna scilicet mali dispensatoris, bonorum temporalium, quam duplicem fore insinuat : nempe quia talis, & in hoc sæculo habebitur indignus, cui veriores diuitiæ committantur dispensandæ : & in futuro sua carebit mercede. Sunt qui putant voluisse hic ad suos discipulos parabolam accommodare ; & docere, quo modo essent à villicatione removendi ; si datas sibi à Deo facultates non recte dispensarent : non dando scilicet eis bona spiritualia, aut iam data auferendo. Non dari autem, vel tolli, ijs qui minora bona temporalia non satis fideliter administrassent. Nec vero obstat, quod aliquando reperiantur fideles quidam in parvis ; & infideles in magnis aut contra : sunt enim tres vulgares sententiæ : quibus significantur quid ut in plurimum vsuveniat ; quodque solent homines ex minoribus factis maiorum coniecturam facere. Vnde Domini, primum tentant fidelitatem servorum suorum in parvis, quam si integram invenerint ; solent etiam magna eis committere. Et ex furtis minoribus puerorum, coniecturam facimus maiorum furto- rum, ætatis maturioris. *Minima* vocat temporalia : *maiora* spiritualia, & si bona temporalia quæ minima sunt bene pauperibus erogando ; administrauerint : coniiciendum est fore

ut & spiritualia bene administrent, & ideo illis administratio committatur : aut quibus iam commissa non auferatur. Et hoc dicit de gratia Dei, & alijs donis tanquam de magno thesauro, cuius custodia & administratio cui datur, homini committitur, cui non datur, eripitur tanquam indigno.

11. *Si ergo in iniquo mammona fideles non fueritis, quod verum est, quis credet vobis?*] Infert ex his sententijs proverbialibus, quod suo facit proposito. Si ergo in iniquo mammona re scilicet minima; si ad spiritualia comparetur, non fuistis fideles ea dispensando secundum voluntatem Domini vestri : *quod verum est, quis credet vobis?* hoc est spirituales diuitias, quæ solæ vera sunt bona : Deus nequaquam committet vobis dispensandas : discipulos alloquitur, & in eis, omnes nos, quos significat ineptos, & indignos esse quibus Euangelium Dei, alijs prædicandum committatur : aut alia dona spiritualia dentur, in ædificationem & utilitatem aliorum. *ut 1. Tim. 3.*

12. *Et si in alieno fideles non fuistis, quod vestrum est, quis dabit vobis?*] Alienum vocat, diuitias temporales, quod pleno iure eas non possideamus, cum minimo momento, vel ipsæ nobis, vel nos illis eripiamur : & quod Deus eas conferat hominibus, non tanquam propria eorum bona; sed tanquam ea, quæ per eos vult dispensari: id quod nostrum est vocat spiritualia & æterna bona, quia ad eorum possessionem, omnes vocati sumus : & conueniunt nobis, in quantum rationales sumus : & sola hæc cum obtenta sunt, beatos nos faciunt,

SECUNDVM LVC. CAP. XVI. 561

faciunt, nec auferri possunt. Itaque significat eos, qui modo in alienis opibus dispensandis, non fuerunt fideles: sed subtraxerunt eas, aliis quibus debentur, Deum vicissim ablaturum illis, propria ipsorum bona.

13. *Nemo seruus potest duobus Dominis seruire: aut enim unum odiet, & alterum diligit: aut uni adderebit: & alterum contemnet: non potestis Deo seruire & mammona.*] Pergit Christus dehortari ab auaritiæ, & pecuniæ studio, ac rursus vulgares assumens sententias accommodat eas suo proposito, hæc vide apud Matth. 6.

14. *Audiebant autem omnia hæc Pharisæi, qui erant auari, & deridebant eum.*] Græce & subsannabant eum: idest, externis signis derisionem monstrabant. Deridebant autem Christum quod ipse, utpote pauper, adhortaretur diuites ad suorum bonorum distributionem in pauperes: quod diuites suarum facultatum diceret tantum esse dispensatores: quod suaderet diuitibus, ut sibi amicos pauperes facerent: quod diuitias vocaret mammona iniquum: quodque diceret impossibile esse, simul seruire Deo & diuitiis congregandis; cum hæc non didicissent ex lege Mosaica: sed contra, hæc suis cultoribus promitteret diuitiarum abundantiam. Hi referunt imaginem mali auditoris verbi Dei ut 1. Cor. 2.

15. *Et ait illis, vos estis: qui iustificatis vos coram hominibus, Deus autem nouit corda uestra. Quia quod hominibus altum est: abominatio est ante Deum.*] Idest, opinionem iustitiæ vobis parare studetis apud homines, facientes opera vestra, ut videamini ab eis, ac his rebus

lem?] Rectè intelligitur significari etiam illos ultione diuina opprimendos inter ruinas ciuitatis Siloë erat nomen fontis, vel piscinæ, iuxta muros ciuitatis in quibus multæ fuerunt turres. Isa 8. Ioan. 9. Aliud familiare proponit exemplum, non quo Galilæi, sed quo Ierosolymitani ciues, qui sancti habebantur, quales se illi ipsi, cum quibus loquebatur, esse putabant, occisi fuerant: & occisi non ab hominibus, sicut illi à Pilato, quorum mors magis crudelitati Pilati, quàm diuinæ ultioni tribui poterat; sed ab ipso Deo subito turris casus, vt non nisi diuina id prouidentia, peccata vindicante factum esse putandum sit: & tamen illi ipsi non magis quam cæteri ciues Ierosolymitani peccatores fuerant. vnde concludit, non debere eos esse securos propterea quod non casu perierint, quasi ideo non fuerint peccatores: perituros enim peius nisi egerint pœnitentiam. ita Mald.

5. *Non dico vobis, sed si non pœnitentiam habueritis, omnes similiter peribitis.* Jvt supra vers. 3.

6. *Dicebat autem & hanc similitudinem. Arborem fici habebat quidam plantatam in vinea sua, & venit quarens fructum in illa, & non inuenit.*] Parabolam qua iam aperit quomodo pericuri sint, nempe vt ficus quæ fructum nō fert quamuis culta, & expectata exfoinditur, & in ignem mittitur: ita ipsi bona opera non facientes, post longam Dei patientiam, si pœnitentiā non egerint, in ignem æternum mittentur: Hæ sunt partes parabolæ necessariæ, cætera sunt ornamenta. Ficus, significat omnes homines: vinea, Ecclesia: Dominus vineæ. Deū: colonus, Christū, Apostolos, Petrum, vel omnes sanctos: qui

qui vineam Domini Sabaoth coluerunt. Hi Dominum rogant vt expectet, patientiam habeat: & si posterium annorum expectationem, hoc est, post multum temporis, aut post iuuentutem, adolescentiam, & virilem ætatem, ac demum post culturam eis ab Ecclesiasticis impensam, pergant manere infrugiferi, exscindendi sunt, & in ignem mittendi.

7. *Dixit autem ad cultorem vineæ: ecce annis tres sunt, ex quo venio querens fructum in ficulnea hac, & non inuenio: succide ergo illam: vt quid etiam terram occupas?*] Indicat Deum vniuscuiusque arboris naturam, id est, vniuscuiusque mores cognoscere, & scire, quandiu vnusquisque expectandus sit, vt fructum afferat. Sunt qui in sola senectute sapiunt, similes palmis. Alij in pueritia senes sunt, in senectute pueri: similes ficui, quæ nisi primo anno aut secundo, aut tertio ferat fructum, nūquam feret: ideo Deus alios minus, alios diutius expectat. Deum venire ad quærendum fructum, est oculos conuertere ad vnumquemque vt videat, quæ fructum habeat, & admonere vt ferat, & minari nisi ferat, excidatur. q. d. vt quid terram exugit & exhaurit, & impedit quo minus alix plantæ ferant: huic similes sunt, qui non solum non fructum ferunt bonorū operum, sed alios etiā impediunt.

8. *At ille respondens, dicit illi: Domine, dimitte illam & hoc anno, usque dum fodiam circa illam & mittam stercora.*] Id est, omne remedium tam hieme, quam æstate adhibeas,

9. *Et si quidem fecerit fructum: sin autem succides illam.*] Subintelligitur, bene quidem aut sinemus eam. Sin autem subintelligitur fructum non fecerit, succides eam. q. d. satis erit temporis,

544 MANVALE IN EVANGELIVM
temporis, ad succidendum eam.

10. *Erat autem docens in Synagoga eorum Sabbatis.*] Id est, singulis sabbatis, quibus Iudæi solebant convenire, in synagogam ad Dei legem audiendam. Mar. 1.

11. *Et ecce mulier quæ habebat spiritum infirmitatis annis decem & octo: & erat inclinata, nec omnino poterat sursum aspicere.*] Iam subiicit exemplum, sicut sterilis ut quod parabola typus delineavit, res ipsa iam subiceret oculis. Græce *aderat*, venit ad Christum mulier quæ dæmon alligauerat ea infirmitate, ut curaretur adducta est. indicat etiam à demonibus morbos immitti, quibus ut ministris Deus utitur. patet ex Iob. & Psal. 77. Mar. 9.

12. 13. *Quam cum videret Iesus, vocavit eam ad se, & ait illi: Mulier dimissa es ab infirmitate tua. & imposuit illi manus, & confestim erecta est, & glorificabat Deum.*] Non inuitatus eam inuitat ut sanari velit, sciebat ob curatam in Sabbato mulierem, Archisynagogum murmuraturum esse, & volebat ex eius murmuratione occasionem sumere arguendi superstitionem in Sabbato seruando: ut Mat. 12. Mar. 3. Demonstrat diabolus hoc unum agere, ut homines à conditionis suæ nobilitate abstractos, similes faciat iumentis, ac terrena tantum spectare: *& ait illi iam liberaberis:* videtur enim inter tangendum dictum; & his ipsis verbis curatam esse ut peccatrix cap. 7. tamquam homo, imposuit, tamquam Deus, verbis imperavit ut liberaretur. voluit ostendere suam carnem esse viuificam: quia coniunctam habebat diuinitatem. Exiit diabolus à muliere, manum Christi ferre non valuit, qua creatus, qua de cælo deiectus, fuerat:

fuerat : & non ingrata, Deum publice in synagoga glorificauit.

14. *Respondens autem Archisynagogus, indignās quia Sabbato curasset Iesus, dicebat turba. Sex dies sūt, in quibus oportet operari: in his ergo venite, & curamini, & non in die Sabbati.]* Hebræis, prolocutus est, seu loqui exorsus est. vt Mar. 5. Archisynagogus dicitur qui synagogæ præerat. vt æmulator literæ legis, non ausus Christum reprehendere, ad turbam se conuertit, docens vti non Sabbato, sed alijs diebus quærant curationem, inuidiam simulans specie religionis.

15. *Respondens autem ad illum Dominus dixit: Hypocrita, unusquisque Sabbato non soluit bouem suum, aut asinum à præsepio, & ducit ad aquare? Hanc autem filiam Abraha, quam alligauit satanas, ecce decem & octo annis, non oportuit solui à vinculo isto die Sabbati?]* Cum tamen Christum non esset allocutus, sed populum: vt crubesceret Archisynagogus, & aduersarij eius: & populus lætaretur ab eo defensus. Et proprio exemplo eos arguit, quod maioris est operæ, quam impositis manibus dicere *dimissa es ab infirmitate tua*. Et quod sit pluris facienda quæcumque filia quam bos, aut asinus, multo magis ea quæ est filia Abrahamæ, quæ cum ad Dei populum pertineret tenebatur à diabolo, à quo si non alligata, sed à causis naturalibus, & si non tanto tempore ligata fuisset, videri potuisset non esse soluendam die Sabbati. At maxime debuit curari die Sabbati, quia ideo institutum est vt homines à satana liberarentur: & multo magis quam bōs aut asinus; qui per medium tantum diem, sine potu ligatus est.

546 MANVALE IN EVANGELIVM

est. Quæ sequuntur vsque ad vers. 31. habes apud Matth. c. 7.

31. *Et ipsa die accesserunt quidam Phariseorum dicentes illi: exi, & vade hinc: quia Herodes vult te occidere.*] Non animo cum liberandi, sed eijciendi in exilium, simulantes se diligere, cum tamen essent ad iram prouocati quia populus ei adhærebat. Chrys. triplici vtentes nequitia, & quod mendacium constabant, & quod Christum, vt inde discederet, volebant deterrere; & quod fingeant se velle ipsius saluti consulere.

32. *Et ait illis: ite, & dicite vulpi illi: ecce eijcio demonia, & sanitates perficio, hodie & cras, & tertia die consummor.*] Illi qui mendaciū finxerat: vel Herodià quo se nihil metuere voluit significare, vt terrorem inijceret ipsis Phariseis: nec propter illum se minus locuturum esse. *Hodie & cras* Hebr. pro breui tempore. tertium vero vocat diem, quicquid post breue illud tempus secuturum est. Mortem scilicet suam, post breue tempus futuram. *Consummor* significat sibi constitutum tempus moriendi, quod nec Herodes, nec alius quispiam breuiare poterit.

33. *Veruntamen oportet me hodie, & cras, & sequenti die ambulare: quia non capit Prophetam perire extra Ierusalem.*] Id est, ire in Hierusalem: vel operari, vt Ioan. 12. Rom. 1. sicque tertia die ambulare, est miracula facere, & officio suo satisfacere. q. d. quamuis breui tempore viuturus sum, & miracula facturuss: tamen illud ipsum tempus, nec Herodes, nec alius breuius efficiet quin toto illo ambulem. Id est, officio fungar. Quod si longum tempus
signifi

significetur, sensus erit: etsi post tertiam diem moriturus sim, tamen interim nemo me impedire poterit, quo minus miracula faciam. *Oportet* suam moriendi libertatem, Herodis vero necessitatem declarat, quod in eius non esset potestate illud tempus praeuenire. vt Ioan. 9. *Non capit*, non contingit, non decet, siue impossibile est, Prophetam alibi occidi, quam vbi vsitatissimum est, occidi Prophetas, in quo illorum crudelitatem notat, & impietatem. Cætera vide apud Matth. 23. Non quod peccandi necessitatem imponat ciuibus Hierusalem, sed significat ideo fieri non posse, quia ipsi nolunt: Ideo supra dicitur ambulare, idest, ire Hierusalem quia fieri non potest, vt Propheta alibi moriatur. Dixerat se moriturum, sed non statim, vt illi minabantur, quia adhuc oportebat se hodie, & cras, & sequenti, idest, vsque ad destinatum tempus à Patre, facere miracula, & officio suo fungi. Vnde concludit se non posse statim occidi cum in Galilæa esset, & fieri non posset, vt extra Hierosolymam Propheta occideretur.

C A P V T XIV.

Curat hydropicam, docet humilitatem.

1. **E**T factum est cum intraret Iesus in domum cuiusdam principis Pharisaorum, Sabbato manducare panem, & ipsi obseruabant eum. Pergit, eodem loco, & tempore, recensere Phariseorū technas, & quomodo eorum peruersa iudicia & mores.

& mores à Domino sunt notati. Eutym. putat Phariseum eum inuisse animo gloriæ cupido, ut ostenderet se ex ijs non esse qui illi inuidebant: Alij ut insidiaretur, & experiretur num Sabbatum curaret; aut aliquid aliud faceret, vel diceret, unde eum accusare posset. Princeps Phariseorum dicitur, quia cuncti inter se sacerdotes & singulæ familiæ, & synagoga, & scæta, & artes, suum principem habebant ut c. 8. 19. & Io. 3. *Et ipsi Pharisei qui simul erant inuitati observabant, si quid forte faceret, quod possent accusare.*

2. *Et ecce homo quidam hydropicus erat ante illum.*] Illorum ut putandum opera illuc adductus, quærentium occasionem calumniandi, id tamen Lucas dixisset.

3. *Et respondens Iesus dixit ad legisperitos, & Phariseos, dicens: Si licet Sabbato curare?*] Hebr. exortus loqui: vel eorum cogitationibus respondens: sciens se ab illis observari, num Sabbato curaret. Et cum non auderent interrogare, eos ipse interrogat, si Sabbatum solueret.

4. *At illi tacuerunt: ipse vero apprehensum, sanavit eum, ac dimisit.*] Si enim dicant licere: cur Christum observant. Si non licet, cur ipsi curant pecora Sabbato. Et contactu suo sanavit: ubi enim magna utilitas resultat, non est curandum si stulti scandalizentur. ac dimisit, ne gloriabundus videretur detinere: vel ut liberius Phariseos argueret: vel ut eius incessus, ferret testimonium restitutæ sanitatis.

5. *Et respondens ad illos dixit: cuius vestrum asinus, aut bos in puteum cadet, & non continuo extrahet illum die Sabbati?*] Et pergens loqui
cum

cum eis: vel ad cogitationes eorum respondens, quos hoc factō videbat offensos: & eos sic conuincit. nam bos & asinus multo minoris erat, quam homo. Et erat maioris operæ, bouem aut asinum extrahere de puteo seu fossa: quam hominem solo verbo, aut tactu curare, nullo opere, nullo labore, quæ sola in Sabato erant prohibita.

7. 8. *Dicebat autem & ad inuitatos parabolam, intendens quo modo primos accubitus eligerent, dicens ad illos: Cum inuitatus fueris ad nuptias, non discumbas in primo loco, ne forte honoratior te, sit inuitatus ab illo: & veniens is qui te, & illum vocauit, dicat tibi: da huic locum: & incipias cum rubore nouissimum locum tenere.]* Sic & illis esse faciendum declarans hac præcepti forma ad modum parabolæ, quare ad conuiuium venisset, non vt pasceretur, sed vt sua doctrina pasceret inuitatos. Cætera vsque ad vers. 28. habes apud Mat. 10. & 23.

28. *Quis enim ex vobis volens turrim adificare, non prius sedens computat sumptus qui necessarij sunt, si habeat ad perficiendum.]* Cum Christus dixisset, ei qui se sequi vellet, tollendam esse crucem: docet nunc rem non esse facilem, sequi se, nec temere aggrediendam; sed maturè considerandam ei qui eam vult suscipere professionem. Nam qui turrim vult ædificare, diu considerat num possit sumptibus satisfacere: idem qui bellum intentat: sic qui vult esse Christianus, vel Christi discipulus, qui non tantum præcepta, sed etiam consilia seruare aggreditur, difficile est, & quisque debet probare vires suas. Hæ autem duæ parabolæ conspiciunt vt doceat nos omnem diligentiam adhibere

550 MANVAZE IN EVANGELIUM
adhibere ut Christum sequamur : & ut in suscepta professione maneamus , omnia præcepta obeamus , turpe esse desistere. ut 1. Cor. 24. Cætera ad parabolam non faciunt : nec sunt accommodanda ad rem significatam.

C A P V T X V.

Pœnitentiam Angelos letificare.

1. **E**rant autem appropinquantes ei, publicani & peccatores, ut audirent illum.] Quales olim causa doctrinæ, & baptismi ad Ioannem confluxerant : sic cum Christo versantur, cum inuitant, sæpissime quod Pharisei arguunt. ut Mat. 18.

8. *Aut qua mulier habens drachmas decem, si perdidit drachmam unam, nonne accendit lucernam & verrit domum, & quarit diligenter, donec inueniat?*] Intentum huius parabolæ idem quod superioris. Merito Christum, maiorem adhibere diligentiam, in conuertendis peccatoribus, quàm in ijs qui aut minus erant peccatores, aut minus sibi esse persuadebant ut habet Mat. 18.

11. *Homo quidam habuit duos filios.*] Conclusio duarum præcedentium parabolarum fuit : Maius gaudium in cœlo esse super vno peccatore qui egit pœnitentiam : quàm super nonagnita nouem iustis, qui non indigebant pœnitentia. Hanc nunc confirmat exemplo patris, magna cum lætitia excipientis filium perditum. Tres sunt in parabola personæ præcipuæ, Pater & duo filij : ad has cæteræ referuntur.

referuntur; Homo, qui duos habebat filios; Deus est. Duo filij, Iudaicus & Gentilis, qui minor natu, qui posterior Deum coluit: Hic accepit à Patre partem substantiæ suæ, quæ se contingebat, idest, solam naturam, solam liberi arbitrij facultatem, sine lege, sine gratia, sine vllis supra naturam donis: abiit in regionem longinquam: idest, longe à Deo discessit: & homini cuidam, idest, diabolo, principi huius mundi; Aristoteli, Platoni, & alijs Philosophis, adhæsit: qui vix illum filiquis, idest, humanis artibus alebant, plus vanitatis, quàm veritatis habentibus. Alij per filium maiorem Angelos; per minorem homines intelligunt: Alij Phariseos, maiores natu; & publicanos, & peccatores, quos Christus recipiebat, esse minores natu; de quo illi murmurabant. Vel maior natu filius: omnis iustus: minor natu, peccator: qui in Ecclesia est, siue ante, siue post Christum passum, & hic filius Dei est, sed mortuus; quia fidem habet, quam non habet Gentilis; ille dicitur maior; hic minor, quia moribus hominum unde parabola sumebatur; magis congruebat.

12. *Et dixit adolescentior ex illis patri; Pater, da mihi portionem substantiæ, quæ me contingit: & diuisit illis substantiam.*] Proprie diuisit solam iuniori: nam maiori non diuisit partem hæreditatis, à bonis paternis, scilicet, à Deo, alioqui iustus non fuisset, dicit illis diuisisse, quia duas partes fecit æquales.

13. *Et non post multos dies congregatis omnibus, adolescentior peregre profectus est, in regionem longinquam: & ibi dissipauit substantiam suam*
vivendo

552 MANVALE IN EVANGELIUM

viuendo luxuriose.] Collectis bonis & in pecuniam redactis, profectus in regionem longe à patria distantem: quæ regio, designat illum fuisse valde perditum; Dei oblitum. Et quid longius ire, quàm à se recedere, se à Christo separare, extra ecclesiam esse. Sunt qui per partem substantiæ, intelligunt liberum arbitrium: at certum est, illud non perdidisse, cum postea deliberauerit, de reditu ad patrem. Alij imaginem ac similitudinem Dei: quia Dei conformationem in bonis moribus amisit: Alij fidem, quam ab Ecclesia discedens, & inter Gentiles viuendo in luxu vestium, & conuiuiorum & cum meretricibus perdidit: At peccator, fidem non perdit: nihil ergo dicendum est quàm perditissimum peccatorem describi.

14. *Et postquam omnia consummasset, facta est fames valida, in regione illa, & coepit egere.*] Fames, est Sacramentorum priuatio, verbi Dei & virtutum, & bonorum operum: melius peccatoris tantum miseria designatur.

15. *Et abiit, & adhesit uni ciuium regionis illius. Et misit illum in villam suam, ut pasceret porcos.*] Q. d. decreuit herum quærere. vel abiisse est in peccato creuisse, & dicitur, adhæsisse uni ciuium, idest, principi ad militiam diaboli pertinenti, qui illum seruum fecit, & redegit ad vilissimum ministerium: Villa, est mundus, vel modus potestatis diaboli. Porci, sunt dæmones, carnales cupiditates; sordidæ cogitationes.

16. *Et cupiebat implere ventrem suum de siliquis, quas porci manducabant: & nemo illi dabat.*]

Q. d. non poterat aliunde habere quam ex ipso loco vbi ijs porci vefcebantur. Siliquæ sunt carnales voluptates; vel inanes scientiæ:
vel

vel ipsa peccata, quibus peccator quo magis peccat, magis exlaciari cupit: Vel flagitiosissimus peccatoris status, qui ad extremam malitiam venit.

17. *In se autem reuersus dixit: Quanti mercenarij in domo Patris mei abundant panibus, ego autem hic fame pereor.*] Iam tandem per summam inopiam & miseriam ad sui considerationem reuersus: & bene in se reuertitur, qui à se recessit intellectum dante vexatione. Hinc colligitur bonum esse timorem seruilem, quo metu pœnæ ad Deum conuertimur. In domo Dei dicuntur mercenarij qui intuitu futuræ mercedis digna operantur. Melius qui infimo sunt gradu, velut in domo sunt mercenarij. Quare ijdem illi qui mercenarij sunt in Ecclesia; etiam sunt filij Dei sed in infimo gradu. Et in hoc est similitudo mercenarij, inter illum & filium, non quod ille mercede hic gratis patri seruiat; sed quod ille abiectus, & despectus, hic honoratus, in domo patris sit: Ego Sacerdos, ego doctor, qui filius sum hic fame pereor, diuina gratia priuatus, & tot pauperes, tot mulierculæ abundant diuinis consolationibus.

18. *Surgam & ibo ad patrem meum, & dicam ei: Pater, peccaui in cælum & coram te.*] Incitat se perditus ad reuertendum in patriam, & peccator qui per eum significatur ad confitenda peccata, & ad agendum pœnitentiam in Ecclesia, vbi legitima & fructuosa peccatorum confessio. Peccauerat in cælum qui Hierusalem cœlestem reliquerat matrem: peccauerat coram Patre, qui deserto conditore lapides & ligna fuerat veneratus; Non fuerat dignus

554 MANVALE IN EVANGELIVM

vocari filius Dei, qui idola fuerat, & ligna veneratus: Non fuerat dignus vocari filius Dei, qui servus esse maluerat idolorum, ait Hier.

19. 20. *Iam non sum dignus vocari filius tuus: fac me sicut unum de mercenarijs tuis: & surgens venit ad patrem suum. Cum autem adhuc longè esset; vidit illum pater ipsius, & misericordia motus est, & accurrens cecidit, super collum eius, & osculatus est eum.*] Q. d. non sum dignus esse in domo tua, eo loco quo ante eram, ea gratia, & dignitate, qua prius apud Deum eram: cum sua culpa eam perdiderit: rogat tamen vt se vel in minimum locum gratiæ recipiat: vt non iam diabolo, sed illi soli seruiat. Sicut deliberavit; ita implet. docemur, statim atque Deus inspirat aliquid boni, vt re ipsa perficiamus: Et quod redeuntes benignè recipit, larga ac facili misericordia. *Accurrit*, quasi ad gratiam inuitans; *osculatur*, singularem benignitatem declarans.

21. *Dixitque ei filius: Pater, peccaui in cælum, & coram te, iam nō sum dignus vocari filius tuus.*] Non omnia dicit quæ statuerat, quia peccator qui ad Deum redit sua tantum peccata confitetur; de cætero curam Deo relinquit vt de se quicquid velit, agat: Vel postquam Dei amplexum & gratiam est expertus; filius esse vult, non mercenarius: Vel prohibitus est; patris amplexu & osculo, cætera dicere: videbat enim se iam tanquam filium admitti.

22. *Dixit autem pater ad servos suos, cito proferte stolam primam, & induite illum, & date annulum in manu eius, & calceamenta in pedes eius, & adducite vitulum saginatum, & occidite, & manducemus, & epulemur.*] Græce illam primam, qua ille prius indui solebat, eximiam

SECUNDVM LVC. CAP. XV. 555

miam vestem, calarem scilicet, qua non serui, sed nobiles induebantur: quæ omnia indicant, adolescentem in filij locum recipi: ideoque seruis imperari, vt vestiant, calceent, & annulo adornent: quæ omnia declarant, Deum obliuisci peccatorum præteritorum; & peccatorem restituere ad eundem, vel meliorem gratiæ statum, quam ante peccatum: stola prima, est innocentia, quam Adam perdidit vel gratia; vel sapientia: vel melior status: vt Eccl. 6. & 15. Apoc. 6. *Annulus* est pignus Spiritus sancti, fides: *Vitulus saginatus* est Christus, ob immolati corporis hostiam, ex Chryl. *saginatus* opprobrijs.

24. *Quia hic filius meus mortuus erat, & reuixit: perierat, & inuentus est: & cœperunt epulari.*] Quia pro mortuo habebatur; vel quia perierat, quod perinde est ac si fuisset mortuus.

25. *Erat autem filius senior in agro: & cum veniret, & appropinquaret domui, audiuit symphoniam, & chorum.*] Hic senior filius, iustum significat, qui dicitur pœnitentibus peccatoribus inuidere eo modo quò illi murmurant. Mat. 20. diximus enim hoc, partem non esse parabolæ, nec esse ad rem significatam accommodandum. Quod significat Deum tanta benignitate peccatores excepturum, vt ipsi etiam iusti, quasi murmurandi occasionem accipiant: posse tamen illis respondere, *fili tu semper mecum es, &c.* Alij per filium maiorem, scribas & Phariseos intelligunt, qui se iustos putabant, qui contra Christum murmurabant quod peccatores recipiebat.

CAPVT XVI.

Proximo subueniendum: Deo soli seruiendum.

I. **D**icebat autem & ad discipulos suos: Homo quidam erat diues, qui habebat villicum: & hic diffamatus est apud illum, quasi dissipasset bona ipsius.] Homo diues est Deus: villicus, est homo: vel Apostoli, & alij Ecclesiæ rectores: vel omnis diues, qui vere non suarum diuitiarum dominus est, sed dispensator: Omnia ad Deum pertinere, quæ illi dispensanda, in pauperes dedit. Ps. 49. Nam proprie de diuitibus agit, quâvis parabola ad peccatores etiam spectet: qui debitis tenentur obstricti, & curare debent, ut ab illis immunes fiant. Quare villicatio non est sola administratio Ecclesiastica, nec sola dispensatio bonorum temporalium: sed generaliter officium hominis Christiani. Et cum dicitur *non poteris villicare*, idest, male administrati officij pœnas dabis: sic peccator, propter male administratum officium, idest, propter legem Dei male seruata pœnas dabit. Accusatur ergo villicus, idest, Christianus à demonibus coram Deo; male seruata legis: non in iudicio: quia tunc non erit tempus faciendi amicos, de mammona iniquitatis; sed in hac vita. Et significatur sententia quæ contra nos, simul atque peccauimus pronuntiatur à Deo. *Iam non poteris villicare*: idest, iam in seruorum meorum numero non eris: iam pane gratiæ meæ non nutrieris. Quod autem

autem villicus dicit, *Quid faciam* : designat statum hominis, quem Deus deseruit vt Ps. 120. Isa. 5. & hæc est prima deliberatio hominis peccatoris, salutem quærentis. vt c. 15.

5. *Connocatis itaque singulis debitoribus Domini sui, dicebat primo; Quantum debes Domino meo?*] Debitorum Dei, sunt pauperes, quos peccator sibi facit amicos: dum partem debiti remittit, vt se accipiant in æterna tabernacula, cum eiectus fuerit: Alij dicunt hos duos debitorum esse populum Gentilem, qui centum cados olei, & Iudaicum, qui centum coros tritici debebat: Vel omnes quos ille villicus poterat sibi, bene merendo deuincire: merito tamen non eodem: sic nos debere non vno, sed diuersis modis homines promereri. *Caius* erat vas ad omnia liquida ferenda: *Corus* erat mensura liquidorum. Filij sæculi, qui sæculo, idest, tenebris: filij lucis qui Deo, moribus sunt similes, vt Ioan. 12. 1. Thes. 5. *in generatione sua*, idest, *in genere suo*. q. d. prudentiores sunt profani homines in malum, quam iusti in bonum. Et hæc verba sunt potius Christi, quàm Lucæ, aut diuitis, qui laudauit illius prudentiam, non quod peccatores, sint iustis prudentiores, in quærenda salute, sed quod esse deberent: Nec quod Deus sit defraudandus, aut furta sint facienda: vt habeant pauperes, vnde sibi amicos faciant, vt fecit ille villicus: sed in hoc est parabola, vt cognoscamus peccatorem, qui est à Deo condemnandus: omnem diligentiam, & curam afferre debere, vt se eximat ab onere, & debito peccati; & fugiat condemnationem: Nam si villicus ille tantam adhibuit malis artibus, vt fu-

giat poenam temporalem, quanto maiorem afferre debet peccator, ut fugiat æternam. Et si ille à Domino suo laudatus est, quanto magis hic à Deo laudabitur.

9. *Et ego dico vobis : facite vobis amicos de mammona iniquitatis : ut, cum defeceritis, recipiant vos in æterna tabernacula.*] Pro iniquo: Iniquæ autem sunt diuitiæ, quod iniquitate collectæ; aut quia iniquitatis materia: aut quia iniquè, sibi diuitiarum nomen vendicant: aut quia iniquum faciant: & iubet non ut per fraudem acquiramus, ut ille fecit: sed ut ex iniquè partis, amicos nobis ex pauperibus comparemus: qui nos cum defecerimus, in æterna recipiant tabernacula. Nec vult ut ex solis male acquisitis, sed etiam ex iustis & legitimis id faciamus: Nam si ex alienis quanto magis ex nostris. *Cum defeceritis*, id est, cum mortui, vel in iudicio condemnati: Vel cum destituti alijs bonis fueritis, & à Deo, sed in hac tantum vita, condemnati; & remoti à villicatione: id est, privati diuina gratia; exclusi à consortio diuino. Quod cum nobis contigit, optimum remedium est, eleemosyna, ut Deus nos in gratiam recipiat. Amici sunt pauperes, qui nos recepturi sunt; Non Angeli, non gentiles. Certum est Deum propria authoritate recipere: pauperes vero dicuntur nos recipere, quia propter illis factas eleemosynas recipimur: ut non tam ipsi, quam merita erga eos, nostra sint; quæ nos proprie recipiunt Chrysostom. in Pl. 48. vel quia suis à Deo precibus impetrant ut recipiamur. Hinc & merita nostra; & Sancto-
rum

rum suffragia colliguntur.

10. *Qui fidelis est in minimo ; & in maiori fidelis est : & qui in modico iniquus est ; & in maiori iniquus est.*] Ut magis ad dispensanda bona temporalia excitaret Christus, alterum etiam ex occasione eiusdem parabolæ subijcit documentum, de pœna scilicet mali dispensatoris, bonorum temporalium, quam duplicem fore insinuat : nempe quia talis, & in hoc sæculo habebitur indignus, cui veriores diuitiæ committantur dispensandæ : & in futuro sua carebit mercede. Sunt qui putant voluisse hic ad suos discipulos parabolam accommodare ; & docere, quo modo essent à villicatione removendi ; si datas sibi à Deo facultates non recte dispensarent : non dando scilicet eis bona spiritualia, aut iam data auferendo. Non dari autem, vel tolli, ijs qui minora bona temporalia non satis fideliter administrassent. Nec vero obstat, quod aliquando reperiantur fideles quidam in parvis ; & infideles in magnis aut contra : sunt enim tres vulgares sententiæ : quibus significantur quid ut in plurimum vsuveniat ; quodque solent homines ex minoribus factis maiorum coniecturam facere. Vnde Domini, primum tentant fidelitatem servorum suorum in parvis, quam si integram invenerint ; solent etiam magna eis committere. Et ex furtis minoribus puero- rum, coniecturam facimus maiorum furto- rum, ætatis maturioris. *Minima* vocat tempo- ralia : *maiora* spiritualia, & si bona temporalia quæ minima sunt bene pauperibus erogando, administraverint : conijciendum est fore

ut & spiritualia bene administrent, & ideo illis administratio committatur : aut quibus iam commissa non auferatur. Et hoc dicit de gratia Dei, & alijs donis tanquam de magno thesauro, cuius custodia & administratio cui datur, homini committitur, cui non datur, eripitur tanquam indigno.

11. *Si ergo in iniquo mammona fideles non fueris, quod verum est, quis credet vobis?*] Infert ex his sententijs prouerbialibus, quod suo facit proposito. Si ergo in iniquo mammona re scilicet minima; si ad spiritualia comparatur; nō fuistis fideles ea dispensando secundum voluntatem Domini vestri: *quod verum est, quis credet vobis?* hoc est spirituales diuitias, quæ solæ vera sunt bona: Deus nequaquam committeret vobis dispensandas: discipulos alloquitur, & in eis, omnes nos, quos significat ineptos, & indignos esse quibus Euangelium Dei, alijs prædicandum committatur: aut alia dona spiritualia dentur, in ædificationem & utilitatem aliorum. vt i. Tim. 3.

12. *Et si in alieno fideles non fuistis, quod vestrum est, quis dabit vobis?*] Alienum vocat, diuitias temporales, quod pleno iure eas non possideamus, cum minimo momento, vel ipsæ nobis, vel nos illis eripiamur: & quod Deus eas conferat hominibus, non tanquam propria eorum bona; sed tanquam ea, quæ per eos vult dispensari: id quod nostrum est vocat spiritualia & æterna bona, quia ad eorum possessionem, omnes vocati sumus: & conueniunt nobis, in quantum rationales sumus: & sola hæc cum obtenta sunt, beatos nos faciunt,

SECUNDVM LVC. CAP. XVI. 561

faciunt, nec auferri possunt. Itaque significat eos, qui modo in alienis opibus dispensandis, non fuerunt fideles: sed subtraxerunt eas, aliis quibus debentur, Deum vicissim ablaturum illis, propria ipsorum bona.

13. *Nemo seruus potest duobus Dominis seruire: aut enim unum odiet, & alterum diligit: aut uni addarebit: & alterum contemnet: non potestis Deo seruire & mammona.*] Pergit Christus dehortari ab auaritiæ, & pecuniæ studio, ac rursum vulgares assumens sententias accommodat eas suo proposito, hæc vide apud Matth. 6.

14. *Audiebant autem omnia hæc Pharisæi, qui erant auari, & deridebant eum.*] Græce & *subsannabant* eum: idest, externis signis derisionem monstrabant. Deridebant autem Christum quod ipse, utpote pauper, adhortaretur diuites ad suorum bonorum distributionem in pauperes: quod diuites suarum facultatum diceret tantum esse dispensatores: quod suaderet diuitibus, ut sibi amicos pauperes facerent: quod diuitias vocaret mammona iniquum: quodque diceret impossibile esse, simul seruire Deo & diuitiis congregandis; cum hæc non didicissent ex lege Mosaica: sed contra, hæc suis cultoribus promitteret diuitiarum abundantiam. Hi referunt imaginem mali auditoris verbi Dei ut 1. Cor. 2.

15. *Et ait illis, vos estis: qui iustificatis vos coram hominibus, Deus autem nouit corda uestra. Quia quod hominibus altum est: abominatio est ante Deum.*] Idest, opinionem iustitiæ vobis parare studetis apud homines, facientes opera vestra, ut videamini ab eis, ac his rebus

Aa 5

studetis

studentes , ex quibus homines sanctitatem æstimant, externis scilicet cæremoniis , baptis-
matibus, &c. Atque vitia vestra palliantes, sub
specie boni , vt avaritiæ studium , sub specie
promissionum legis , & imitatione patriar-
charum. At quamuis iusti sitis habiti ab ho-
minibus qui foris iudicant : Deus nouit cor-
da vestra : & quia scit ea plena esse hypocrisi,
elatione , avaritia , inuidia , vos abominatur.
Nam tale quid addendum videtur. Tripli-
cem facit antithesim , vnā qua iustitiam
nequitiae , alteram qua externum interno, ter-
tiam qua Deum , hominibus opponit. Apud
Deum enim beati pauperes , mites , &c. cum
hi miseri , & abominabiles sint hominibus,
sicque rationem reddit non eius quod dictum
est , sed quod subintelligitur , corda vestra
plena sunt avaritia , &c. cætera apud Mat-
thæum 23,

19. *Homo quidam erat diues qui indueba-
tur purpura , & bysso : & epulabatur quotidie
splendide.*] Pergit ad fidelem dispensationem
in pauperes prouocare , & ab avaritia reuo-
care; & vt Phariseos deterreret, terribile quod-
dam diuitis exemplum proponit : & ostendit
insuper, in diuitiis & prosperitatibus huius vi-
tæ , fœlicitatem non esse sitam ; ob pauper-
tatem verò, infœlicem non esse hominem pu-
tandum: vt etiam hinc intelligamus, verum esse
quod dixit: Quod hominibus altum est , abo-
minatio est apud Deum. Parabolam putat
Theoph. Alij historiam : quia Lazari nomen
exprimitur , & Eusym. diuitem vocat Ninen-
sem. Alij , quid mixtum ex vtroque vt Tragi-
comœdia. Nā quod diues ille, & Lazarus fue-
rit:

rit: quodque ille in inferno sepultus; hic ab Angelis in sinum Abraham portatus fuerit, historia est. Quod autem diues in inferno locutus sit cum Abraham, & eum rogauerit ut eum ad se mitteret ut gutta linguam refrigeraret; quod viderit oculis corporeis: parabola est, historiæ admixta. Christus tria huic homini tribuit, quibus beatus homo in hac vita iudicatur; pauperem nominat: diuitem, quem aliqui regem faciunt non nominat. Nam diuitum nomina satis sunt nota: pauperum vero obscura, vel quod Deus pauperes nouit, & approbat: superbos, ignorat; quibus dicet *nescio vos*, vel prudentiæ Christi adscribendum, qui pauperem quem laudabat nominat; diuitem quem vituperabat non nominat, ne illi iniuriam faceret, & sibi inuidiam constaret.

20. *Et erat quidam mendiculus, nomine Lazarus, qui iacebat ad ianuam eius, ulceribus plenus.*] Vt diuitis in hac vita, summum bonum, sic pauperis summam miseriam describit. Hic alius fuit ab eo quem suscitauit Ioan. 11. & 12.

21. *Cupiens saturari de micis quæ cadebant de mensa diuitis, & nemo illi dabat: sed & canes veniebant, & lingebant ulcera eius.*] Ad modum catelli diuitis, quibus exprimit extremam paupertatem. Aug. ait se non legisse, *& nemo illi dabat*, ideo Lazarus à Deo adiutus dicitur. ex Chrysost. & quod auget inhumanitatem, canes lingebant ulcera eius, non ut ei, sed ut sibi bene esset ait Chrys.

22. *Factum est autem ut moreretur medicus, & portaretur ab Angelis in sinum Abraham: mortuus est autem & diues, & sepultus est in inferno.*] Q. d.

§ 64 MANUALE IN EVANGELIUM

non cum diuitiæ à morte liberare poterunt. Imam partem inferni, in qua est sepultus, opponit sinui Abrahamæ, in quo magna quies & voluptas, in quo erat Abraham & cæteri iusti, forte, ab eo loco distinctus, in quo nunc infantes, sine baptismo morientes recipiuntur. vel quia meritis Abrahamæ proximus, ut Ioannes in sinu Iesu, & ipse in sinu Patris esse dicitur. Dicitur Abrahamæ, potius quam alterius, quia hospitalis fuit, vel pater credentium, vel parabolicè hæc dicta sunt, ad significandum alterius præmium, alterius supplicium. Et quia ita futurum est post resurrectionem, sic est de illis loquutus per anticipationem. Quidam hinc probant animas iustorum, à corporibus egressas, à bonis Angelis in cælum: iniustorum verò, à malis in infernum deportari. ut Ps. 90 & mortè afflictis finē esse afflictionū, ut diuitibus voluptatū.

23. *Elevans autem oculos suos, cum esset in tormentis, vidit Abraham à longe, & Lazarum in sinu eius.*] Res spirituales corporaliter describit, ut melius intelligantur, vel eo modo quo scriptura, Deo membra assignat: vel quia corpora animarum in eis velut in speculo repræsentantur, vel more prophetarum rem futuram quasi præsentem narrat. Et quia animæ post resurrectionem præmio, aut pœna simul cum corporibus donantur, vel accommodate ad nostrum captum loquitur, futurum enim fuisse, ut intelligeremus, quomodo sine oculis videre, sine lingua loqui, sine corpore cruciari, flamma dives potuisset. vel hoc partim historiam, partim parabolā esse. finxit ergo Christus membra quæ non erāt, sicut parabolam ipsam super historiam finxit. Quod dives Abrahamum

mun

SECUNDVM LVC. CAP. XVI. § 65

mum roget, cum esset damnatus, & damnati sanctos non rogent: hoc ad parabolam pertinet. & vt diuitis miseriam exprimat, opem vt solet, implorantis ab aliis qui longè sunt.

24. *Et ipse clamans dixit: Pater Abraham, miserere mei, & mitte Lazarum, vt intingat extremum digiti sui in aquam, vt refrigeret linguam meam, quia crucior in hac flamma.*] Singula verba ad commiserationem mouendam data opera Christus refert, vt ostendat, vtriusque vices esse mutatas: Lazarum, in hac vita mendicasse: diuitem in altera: diuitem in hac vita lætatum: Lazarum in altera: diuitis cruciatus esse æternos qui guttam petit, si fieri posset ab eo cui micam negauit.

25. *Et dixit illi Abraham: fili, recordare quia recepisti bona in vita tua, & Lazarus similiter mala. Nunc autem hic consolatur, tu verò cruciaris.*] Quia Patrem vocauerat, parabolæ venustas requirebat vt illum vocaret filium non tam honorifice, quam irrisorie: significat istum, si quid boni fecit, recepisse eius in hoc mundo præmium: Lazarum verò si quid deliquit pœnas luisse. Ex Chrysost. par est, vt in spe liberationis per Christum faciendæ, consoletur, tu verò crucieris: nam mutatæ sunt vices, vt doceat, non modo fieri non posse, vt bonorum & malorum conditio mutetur: sed iustum etiam esse vt ita fiat.

26. *Et in his omnibus, inter nos & vos chaos magnum firmatum est: vt hi, qui volunt hinc transire ad vos non possint, neque inde huc transmeare.*) Græce hiatus, qui non tam loci distantiam, quàm conditionis & status permanentiam significat: vel finem Abrahamæ esse sub

566 MANUALE IN EVANGELIUM

sub terra longe remotum à loco damnatorum.

27. 28. 29. Et ait: rogo te Pater, ut mit-
tas eum in domum patris mei, habeo enim quin-
que fratres, ut testetur illis, ne & ipsi veniant
in hunc locum tormentorum, Et ait illi Abra-
ham: habent Moysen, & Prophetas: audiant il-
los.] Parabolice fingit fratres habuisse, ut si-
gnificaret: non esse nobis expectandum, ut
mortui ad nos veniant; ut nos hortentur ad
pœnitentiam: cum & Scripturas & viros Do-
ctores habeamus, qui hoc quotidie faciant:
vel non esse expectandum, ut aliquis ab in-
feris redeat; qui vera esse confirmet, quæ de
pœnis; & præmiis alterius vitæ dicuntur.
Quod homines impij & increduli solent opta-
re. Non fratrum sed sua causa rogat: ne si
fratres damnarentur, pœnas maiores acci-
peret; ex eorum pœnis: quos suo exemplo
huc traxisset. Vel quod inde sibi leuamen ali-
quod esset, si quamvis damnatus esset: fratres
tamen ipsius salui essent. Lazarum mitti ro-
gat; ut cognoscerent sortem pauperis me-
liorem esse quam diuitis in altera vita, & fi-
dem maiorem afferrent homini noto. Hic
quæri solet, num animæ mortuorum viuen-
tibus appareant. Chrysoft. Tertull. Athan. &
alii negant: quia etiam si oculis ipsis, damna-
torum supplicia cernerent, tamen à peccatis
non abstinere: & quia dæmon sæpe homines
deciperet. S. August. lib. de cura cap. 1. ait, non
nisi impudenter negari posse, Moysis enim &
Eliæ animæ, in transfiguratione Domini ap-
paruerunt, ad testandam gloriam & passio-
nem Christi. Et credendum, aliis etiam de
causis.

causis fieri solere, quæ multæ & graues possunt occurrere. Non enim respondet Abraham, non posse, aut non solere mortuos ad hanc vitam redire, sed *habent Moysen & Prophetas*. Tamen non quoties qui apparet, se huius, vel illius animam dici, credere cito debemus. Sed explorandum, num sit ipse dæmon, qui se animam esse mentitur. Mittit autem ad scripta Mosaica & Prophetica, illos fratres diuinitis Christus, non ut per se, suæque lingua, sed ut per eos quorum id erat officium, legerent. & intelligerent ut Mat. 23.

30. *At ille dixit: non, pater Abraham: sed si quis ex mortuis ierit ad eos, pœnitentiam agent.*] Supple audient illos. Vel non sufficit, quod Moysen & Prophetas habeant, sat scio: sed si Lazarus aut aliquis ex mortuis ierit ad eos, & testificatus scilicet fuerit eis, tunc pœnitentiam agent.

31. *Ait autem illi: Si Moysen & prophetas non audiunt, neque si quis ex mortuis resurrexerit credent.*] Ratio est, quia ei qui Moysen & prophetas suscepit, certior est auctoritas, & veritas eorum librorum; quam posset esse eius qui ex mortuis resurgeret: causari enim posset num phantasma esset, an dæmon; cum auctoritatem Moysis constet esse diuinam. Experientia etiam docet, nam Iudæi, eo quod non satis credebant Moyse, ac prophetis: nec iis qui ex mortuis resurrexerunt, crediderunt. Imo, Lazarum Marthæ & Mariæ fratrem, cum ex mortuis resurrexisset, voluerunt occidere: & Dominum ipsum post suam resurrectionem acrius in suis membris persecuti sunt ex Chrysostom. & Gregorio. Et forte

fortè diues ipse ex seipso de suis fratribus coniecturam faciebat, quod ipse dum viueret, diceret se crediturum, si quis è cœlo vel ex inferno ad se veniret: vel loquitur ex communi hac hominum opinione ex Chrysoft.

C A P V T X V I I .

*Cauendum à scandalo, remittendam
offensam.*

1. **E**T ait ad discipulos suos: impossibile est ut non veniant scandala. Va autem illi per quem veniunt.] Supposita hominum malitia, egit Christus præcedenti cap. de auaritia Pharisæorum, qui eum, paupertatem diuitiis præferentem, irridebant; & discipulos scandalizabant: nunc de pœnis agit qui alios offendunt. Cum autem hæc verba bene cohercant apud Matthæum cap. 18. cum his quæ præcesserunt: hic non hæreant: certum videtur, illic suo loco; hic alieno esse posita, quorum sensum vide ibidem.

7. 8. 9. *Quis autem vestrum habens seruum armentem aut pascentem; qui regresso de agro dicat illi: statim transi, recumbe: & non dicat ei: para quod cœnem, & præcinge te, & ministra mihi, donec manducem & bibam, & post hæc tu manducabis, & bibes? Nunquid gratiam habet seruo illi, quia fecit, quæ ei imperauerat?] Christus exegit diuitiarum in-*
paup

pauperes distributionem, voluptatum contemptum, scandalorum fugam: ne quis cum hæc perfecisset, sibi placeret: nunc iactationis affectum qui bonum opus consequi solet, euellit. Ad quod profert exemplum de seruo quem nullus Dominus, quantumuis commodus, solet ex agro reuersum honore afficere, ob diuturnū eius laborem, sed rursus iubet, ac debitam adhuc exigit seruitutem. Et nec sic quidem gratiam habet ei. Hoc ergo exemplo nobis proposito accommodans illud suæ intentioni subiunxit: Sic & vos cum feceritis omnia quæ præcepta sunt, dicite serui inutiles sumus. Alij dicunt Christum docuisse discipulos, vt sic de se humiliter sentirent: nec debere nos prius à Deo gratiam, idest, mercedem petere, quod est ad eius mensam recumbere, quam omnes officij nostri partes; idest, legem omnem expleuerimus. Et paratos esse ad faciendum si quid nobis præterea præceptum fuerit.

10. *Non puto: sic & vos cum feceritis omnia quæ præcepta sunt vobis; dicite serui inutiles sumus, quæ debuimus facere fecimus.]* Non sic accipiendum, quasi quis sit, qui omnia adimpleuerit (in multis enim offendimus omnes Iac. 3.) Sed sensus est, etiamsi feceritis omnia, tamen vos agnoscite seruos inutiles: quo significatur, quàm inutiles nos debeamus reputare, & nos deprimere, & humiliare, cum aduerterimus nos multa nobis præcepta non adimpleuisse, quia Domino nostro operibus nostris nihil commodamus; Et quia nihil, ultra quam debemus, & præceptum nobis est, facimus. Non sic inutilis seruus dicitur Matth. 25. quem

quem Dominus proicit in tenebras exteriores. Male ex eo contendunt hæretici non posse nos facere opus supererogationis : Nam etsi servus ille non fecit, tamen facere potuit. Nam si non potuisset, non dixisset dominum illi gratiam non habuisse : quia non fecisset nisi quod facere debebat : indicans, gratiam illi habiturum, si plus fecisset. 2. contendunt nos ne id quidem quod præceptum est facere posse, ut Deum ex totis viribus diligere : At quid est hoc nisi in quantum possumus diligere? possumus autem diligere, quantum possumus. 3. contendunt nos nihil mereri etiam si omnia quæ præcepta sunt observauerimus. At in hac parabola non dicitur nunquid mercedem dabit illi? Sed nunquid gratiam habebit servus illi, quæ plus est quam merces, quæ propter gnauiter nauatam operam à seruo supra pactum conuentum superadditur: quæ ideo gratia, non merces dicitur, quia non ex pacto, & iure, sed ex Domini liberalitate, & morali ut vulgo dicitur honestate debetur, debetur tamen. Observantibus autem præcepta certam mercedem dari diximus cap. 6. Mat. 5. & 10. Mar. 9. 1. Cor. 3. 2. Ioan. 8. Apoc. 18. & 22. id ergo est inutiles servos esse cum fecerimus omnia quæ præcepta sunt nobis, non quidem, nihil nos præceptorum observatione meruisse, sed nihil meruisse præter mercedem, quæ præceptorum observationi respondet. Vult igitur Christus nos non gloriari, cum præcepta seruauimus, quia etsi mercedem nostram meriti sumus, tamen nihil singulare, nihil egregium fecimus: nihil quod non quilibet servus facere debuerit.

II. *Et factum est, dum iret in Ierusalem,*
17an.

transibat per mediam Samariam, & Galileam.] Hæc historia suo loco non refertur vt notat Ians. cuius explicationem vide apud Matth. 8. Notat vnde, quo, & qua Christus ierit, vt ex decem leprosis nouem Iudæos, vnum Samaritanum fuisse credibilis redderet.

12. 13. *Et cum ingrederetur quoddam castellum, occurrerunt ei decem viri leprosi, qui steterunt à longe, & leuauerunt vocem, dicentes: Iesu praeceptor, miserere nostri.]* Cum iam pagum esset ingressurus: nam non intra, sed extra, illi occurrerunt leprosi, nec enim talibus ingredi licebat. Num. 5. *occurrerunt*, non fortuito, sed de industria, vt sanitatem recuperarent. *Decem* esse ait, vt doceat multos esse vocatos, paucos esse electos: multos à Deo beneficia consequi, paucos esse gratos. *stant à longe* ob lepræ foeditatem: loco quidem procul stant, oratione autem prope fiunt. *Clamant*, quia longe aberant, & affectus cogebar, vt paucis verbis, sed frequenter simul orarent. *Miserere nostri*, tam Iudæi, quam Samaritanus, communi morbo & studio, in vnam vocem prorumpentes. Docet vt non priuatas tantum sed etiam publicas preces Deo offeramus. Chrys.

14. *Quos vt vidit dixit: ite, ostendite vos Sacerdotibus: Et factum est, dum irent, mundati sunt.]* Apud Matth. 8. prius sanat, quam ad Sacerdotes mittat: hic contra: probare volens illorum fidem, & ex fide nascentem obedientiam: Et vt constaret Sacerdotum testimonio, veram esse qua infecti erant lepram, & verum miraculum cerneretur. *Sacerdotibus*, pluralis est pro singulari, vt Iac. 5. vt si quis diceret ite ad medicos cum vnus sufficiat. Sanati autem sunt.

sunt antequam ad Sacerdotem venirent, ut agnoscerent se à Christo, non à Sacerdote sanatos.

15. 16. *Vnus autem ex illis, ut vidit quia mundatus est, regressus est, cum magna voce magnificans Deum. Et cecidit in faciem ante pedes eius, gratias agens: Et hic erat Samaritanus.]* Tum Iesu, à quo licet absente curatus fuerat, gratias agens, idque cum summa lætitia & animi reuerentia, prosternendo se in faciem suam ad pedes Iesu, quem iam mundatus, non dubitavit appropinquare.

17. *Respondens autem Iesus, nonne decem mundati sunt? & nouem ubi sunt?*] Loqui exortus, vel respondens ad ea quæ dixerat Samaritanus. q. d. quomodo non redierant. Mirum tam ingratos, tanto & tam recenti beneficio: forte putabant cum Iudæi essent, se à Sacerdotibus sanatos, aut quidem à Christo: sed oportuisse tamen ad Sacerdotes ire: Et quia missi erant, & quia lex iubebat, ut Sacerdos de curata lepra iudicaret, ut leprosus cum hominibus versari posset. Samaritanus autem non alium quam Christum agnoscebat Sacerdotem, à quo sanatus fuerat.

18. *Non est inuentus qui rediret, & daret gloriam Deo; nisi hic alienigena.]* Quibus verbis aliorum nouem ingratitudinem auget: Et illis anteponit Samaritanum, quam illi gentem, tanquam peccatricem execrabantur.

19. *Et ait illi: Surge, vade: quia fides tua te saluum fecit.]* Q. d. securus scilicet de beneficii nunc dati perpetuitate. Alios fide saluos, non negat; hunc affirmat: quia forte illos quidem à lepra corporis, animo saluos non fecisset:

set : sed solitus erat Christus , animam simul & corpus curare. Si ergo sunt iustificati quo modo ad Christum non redierunt ? Non mirum si ob curationem corporis quam videbant non redierunt : non redirent ob animi curationem quam non videbant. Nec constat, eos mortaliter peccauisse, cum potuerint beneficium iustificationis animo recognoscere : Et si peccauerunt ; nihil obstat eos prius iustificatos fuisse : deinde ob ingratitudinem peccauisse : Et bonū sæpe nobis est peccandi occasio ; adeo ad malum propensi sumus. Vide quo modo intelligendum sit *fides tua te saluum fecit*. Matth. 9.

20. 21. *Interrogatus autem à Phariseis : quando venit regnum Dei ? respondens eis, dixit : Non venit regnum Dei cum obseruatione. Neque dicent : Ecce hic, Ecce illic. Ecce enim regnum Dei intra vos est.*] Venturum esset seu venire deberet : Occasio huius quæstionis fuit, quia sæpe Dominum de regno Dei disputantem audiuerunt. imo & Ioannes, & ipse Christus & Apostoli, suam missionem auspicati, à promissione regni cœlorum & regni Dei, dicentes appropinquauit regnum cœlorum. cum ergo ab his omnibus promissum regnum Dei Pharisei nōdum venisse cognoscerent, interrogant Dominum, sine serio animo discendi : vel irrisorie, quod verosimilius, quando venturum esset regnum Dei : existimabant veniente Domino Hierosolymam, regnum Dei manifestandum : vnde multi putant quod hæc paulo post in Hierusalem iturus dixerit : Et quod hic, suo loco non sunt posita à Luca. Regnum Dei, est vita beata, vel Christus ipse, seu Messias, regnū pro rege. *cum obseruatione*, temporis scilicet, vt possit

possit sciri tempus certum, & prospiciendo signa naturalia cognosci: Neque cum venerit dicere poterunt *Ecce hic* est regnum Dei, aut *ecce illic*: Regnum Dei intra vos est; Messias seu Rex quem expectatis *intra vos est*, idest, in medio vestrum est: q.d. vel hinc discere potestis, quia non veniet cum observatione regnum Dei, quod cum venerit, venisse tamen ignoretis. Ac si clarius dixisset, regnum Dei non est corporeum aut temporale, sed spirituale, & oculis animi quærere oportet. Contrarium videtur dicere ver. 23. *Ecce hic, ecce illic, nolite ire* neque sectemini: sed non aduersatur, nam hic loquitur de regno Dei, quod spirituale est: nec potest digito designari: illic de Christo Rege, quem alij hic, alij illic esse dicturi erant: Et hic de primo: illic, de secundo Christi aduentu loquitur. Et quia regnum Dei quod iam venerat, eius quod venturum erat, imago, & inchoatio quædam erat: interrogatus Christus de futuro, de præsentī respondet. *Regnum Dei intra vos est*: idest, in potestate vestra est; si vultis Christum recipere, vt Deut. 31. quasi d. in medio vestrū sum. Vel regnum Dei, est imago Dei quam intra nos habemus: vel gustus & lætitia illius, quam in animo sentimus: vel Christus habitans per fidem, in cordibus nostris regnans.

22. *Et ait ad discipulos: Venit dies, quando desideretis videre unum diem filij hominis, & non videbitis.*] Græce *unum dierum* scilicet quibus vobiscum nunc sum; & mea estis protecti præsentia; vel q.d. meam vel vno die præsentiam desiderabitis, in periculis, & in dubiis constituti. Ex quo patet non loqui de die iudicij, quem

quem omnes videbunt, & pauci cupiunt videre. Hoc dixit discipulis non vt eorum patientiam; sed fidem roboraret. Cætera vsque ad finem cap. vide apud Mat. 24. & Mar. 13.

CAPVT XVIII.

Docet orare.

1. 1. **D**icebat autem & parabolam ad illos, quoniam oportet semper orare & non deficere. Iudex quidam erat in quadam ciuitate qui Deum non timebat, & hominem non reuerebatur. Locutus fuerat in fine capitis præcedentis, de futuris persecutionibus, de repente suo aduentu ad iudicium: docet nunc vigilandum esse, & orandum ne aduentus suus opprimat imparatos. Vt ab omnibus periculis imminetibus eruantur, nihil esse quod assidua oratio à Deo non impetret. vt cap. 11. 1. Thef. 5. Non deficere est instare, pulsare; non dies ac noctes sine vlla intermissione orare: quod fieri non potest: aut horis statutis vt pie fit in Ecclesia. Argumentatur in hac parabola à minori ad maius, aut à dissimili. Si homo ille iniquus, nec homines metuens tamen mulieri, propter assiduas eius preces concessit, quod petebat, quanto magis Deus natura clemens, nobis concedet, si assidue illum orauerimus, vt cap. 11. 3. Vidua autem quadam erat in ciuitate illa, & veniebat ad eum dicens, vindica me de aduersario meo. Inducit non quamuis personam, sed viduam, quæ omnium iniuriis solet esse exposita, hunc iudicem interpellantem, parum quod id cõueniret rei per parabolam significat: Nam fideles bene comparantur viduæ, sed

sed multo magis, ut iudicis huius inclementiam magis exaggeraret; dum ne eius precibus longo quidem tempore flexus est; pro qualiū defensione, maxime præficiuntur. Cum nec Deum, nec homines reuereretur, nulla persona erat quam minus iuuare poterat, quam pauper vidua, à qua nihil aut sperabat, aut timebat: Et tamen iuuit eam propter assiduas preces. q. d. quotidie veniebat, non vindictam sed iustitiam petebat. Et loquitur de Deo humano more, quo læsi ab aliis vindictam querunt. Et quia de persecutionibus agebat quas discipuli erant passuri: Et docebat fore, ut si continuis precibus Deum rogarent, eos liberaret. ut Apoc. 6.

4. 5. *Et nolebat per multum tempus: Posthac autem dixit intra se: Etsi Deum non timeo, nec hominem revereor: tamen quia molesta est mihi hac vidua, vindicabo illam, ne in nouissimo veniens, sugillet me.*] Declarat Christus, quod iudex ille fecit, ut molestiam euitaret, id multo magis facturum Deum, ut misericordiam præstet. *sugillet*, id est, suis assiduīs precibus obtundat, aut tædio afficiat me: quo significatur iudicem hunc ob id statuīse vindicare viduā, ut à molestia liberaretur: ne cum perfunctus esset officio, à vidua illa, coram successore suo accusaretur, quod sæpius ab ea rogatus, ut ius ipsi redderet, non reddidisset. Et hoc est *sugillare*, id est, reprehendere, accusare, iudex est Deus non similitudine sed potius dissimilitudine, vidua nos sumus, & quisquis persecutionē iniuste patitur. Aduersarius homines iniqui, qui iustos affligunt.

6. *Ait autem Dominus: audite quid iudex iniquis*

iniquitatis dicit.] Hebræis pro iniquus; considerate ex iudice illo iniquo, & crudeli: quid benignus iudex Deus factururus sit, si illum assidue oraueritis.

7. *Deus autem non faciet vindictam electorum suorum, clamantium ad se, die ac nocte, & patientiam habebit in illis?]* Interrogatiue. q. d. an id in cuiusquam animum venire potest, ut id de Deo sentiat; si aduertat, quid aliquando faciunt impij iudices, precum assiduitate, & constantia victi: Si apud eum, qui nec causæ iustitiæ, nec personæ miseria flectebatur, iustæ preces miserandæ viduæ tantum valuerunt, ob solam perseuerantiam: an non multo magis, ob similem constantiam iustissimæ preces piorum, in hoc mundo afflictorum, valebunt apud Deum: qui & iustissimus & misericordissimus est, & pios ad se clamantes elegit; & dilexit ante constitutionem mundi: Si audiuit ille, cui molestum erat rogari, an non multo magis audiet, qui ut oremus hortatur. *Et patientiam habebit in illis.* Et Deus patietur electos suos, perpetuo ab iniquis hominibus affligi. Q. d. minime. vel: An non faciet vindictam: etiam cum patiens fuerit, & longanimis super illis, idest, etiamsi ad tempus despiciere, & negligere videatur illorum iniuriam, & differre eorum petitionem.

8. *Dico vobis; quia cito faciet vindictam illorum. Verumtamen filius hominis veniens, putas, inueniet fidem in terra?]* Illorum, electorum suorum, non vt ille iudex, longo post tempore vindicauit ab iniuria viduam, sed cito, vt Psal. 10. Isa. 65. Et indicat paucos futuros, qui vsque in illum diem quo sunt liberandi, persistant in

B b pre

578 MANVALE IN EVANGELIUM
precum perseverantia, ob fidei pusillitatem:
sicque vix quos liberet, inueniet.

9. *Dixit autem & ad quosdam qui in se confide-
bant tanquam iusti, & aspernabantur ceteros para-
bolam istam.*] Superiore parabola, de orationis
perseuerantia: nunc hac seu parabola seu histo-
ria, de humilitate in oratione seruanda loqui-
tur: duos inducit orantes Phariseū superbum,
& publicanum humilem.

11. *Phariseus stans: hac apud se orabat; Deus
gratias ago tibi, quia non sum sicut ceteri homi-
num: raptores, iniusti, adulteri, velut etiam hic pu-
blicanus.*] Stat ipso habitu se superbum decla-
rans; vel quia sic Iudæi orare soliti: At Chri-
stus flexis genibus orauit Act. 7. 9. 20. & 21. Et
Iudæi. 3. Reg. 8. Par. 6. Dan. 6. Mich. 6. Mat. 17.
Luc. 5. & 22. Quare stare significat solam præ-
sentiam, vel quietem, vel audaciam, vel inchoa-
tionem Isa. 47. Ps. 105. bene *apud se*: quia apud
Deum non orabat. In hoc Phariseo quatuor
superborum species quas refert Gregor. 23. in
Iob c. 7. videbis cum bonum à semetipsis habe-
re se æstiment: aut si sibi desuper datum cre-
dunt, pro suis se hoc accepisse meritis putant,
aut certe cum iactant se habere quod non ha-
bent, aut despectis cæteris, singulariter videri
appetunt quod habent. Chrys. multa mala facit
qui aliis conuiciatur. 1. audientem reddit pe-
iorem; si enim peccator est, lætatur inuenio
criminis collega: si iustus extollitur de se ma-
gna putans. 2. Ecclesiæ communitatem lædit,
hanc enim vituperant qui audiunt. 3. Deum
blasphemari facit. 4. illum cui conuiciatur, im-
pudentem facit, & sibi aduersarium.

12. *Ieiunio bis in Sabbato, decimas de omnium quæ
possideo.*

possideo.] Secūdo forte; & quinto die ieiunabat: non tantum iis diebus quibus omnes secundū legem, & maiorum statuta ieiunant, sed bis in vnaquaque hebdomada. Decimas dabat non tantum vt vulgus, frumenti vini & olei, sed etiā omnium quæ possidebat, decimās etiam mentam, & minutissima quæque. Hic nota qualia sunt ob quæ hic Phariseus, & qui huic similes sunt, sibi iustitiam vendicant; nimirum externa tantum: Et magis humanorum mandatorum quam diuinorum obseruationes: cum autem curanda sint omnia quæ ad mentem pertinet, pietas, misericordia, humilitas, & id genus virtutes, quæ Deus præcipit, priori loco sunt habendæ.

13. *Et publicanus à longe stans, nolebat nec oculos ad cælum leuare: sed percutiebat pectus suum, dicēs: Deus propitius esto mihi peccatori.*] Quasi non ausus fuerit in templū ingredi, aut versus arcā accedere, nec leuare oculos ad Deum. Nota in Publicano conditiones vere pœnitentis, idest, propriæ indignitatis, & quæ ex corde nascitur sui ipsius deiectio, & erubescencia. 1. est de cōmissis peccatis dolor, docuit natura pœnitētes percutere pectus suū, & inter Iudæos & Christianos hoc fuit vsitatum. 3. est bona de diuina benignitate cōfidentia, quam breui sed efficaci oratione hic significat.

14. *Dico vobis, descendit hic iustificatus in domū suam ab illo.*] Audiuius in Phariseo superbū accusatorem: in Publicano humilem reū; audiamus nunc & Iudicem sententiam pronuntiantem: venit in templum iniustior, rediit iustior Phariseo, idest, Dei gratia ex peccatore, iustus effectus est Publicanus, *ab illo*, idest, magis

B b 2 quam

580 MANVALE IN EVANGELIUM

quam ille descenderit, iustus: Sed cōparatione impropria, quia scilicet iste non descēdit iustus. Aut potius Publicanus dicitur descendisse iustior quā Pharisæus, quia & Pharisæus aliquā habebat iustitiā, qua, & coram hominibus, & suo iudicio iustus habebatur: sed hanc iustitiā, vicit iustitia publicani; ut quę Dei esset iustitia, & coram Deo iustitia, cuius laus non ex hominibus, sed ex Deo est. Vide Dei benignitatē qui tam breui oratione, & tam parua pœnitentia, superatus mox pœnitentem in gratiam recepit. reliqua apud Mat. 23. & 19. & 20. & Marc. 10.

C A P V T X I X.

Excipitur à Zachæo.

1.2.3.4. **E**T ingressus perambulabat Iericho. Et ecce vir nomine Zachæus; Et hic princeps erat publicanorum, & ipse dives. Et quarebat videre Iesum, quis esset: Et non poterat præ turba, quia statura pusillus erat. Et præcurrens ascendit in arborem sicomorum, ut videret eum: quia inde erat transiturus.] Hæc historia recte cum superiore texitur: Nam in illa cæcus corporaliter, & pauper, visum recipit: in hac cæcus spiritualiter, & dives: quia neminē à sua gratia excludit Christus. Dum dicitur princeps publicanorū significatur eum fuisse ditissimum: Et quantę fuerint illius eleemosynæ cum dimidiam partem erogaverit in pauperes. Cū urbem lustraret Christus quærens animas perditas: Zachæus cupiebat eum etiam de facie cognoscere, de quo rumor sanctitatis & miraculorum, tam admiranda iparserat: oblitus sui principatus, & suarum diuitiarum velut infimæ sortis homo, currebat ante

ante eum, quā trāsiturus erat: vt antequā accederet spatium haberet in arborem, quam in via esse sciebat ascendendi, non meruens, quod multis Iudæorum visui futurus esset: eo quod diues, & publicanorum princeps sublimis, in arbore spectator esset, vnius hominis humilis & pauperis.

5. *Et cum venisset ad locum, suspiciens Iesus vidit illum, & dixit ad eum: Zachaa, festinans descende: quia hodie in domo tua oportet me manere.]* Non ob inopiam quasi defuissent ei in quē reciperetur, hospitia: sed quod suo desiderio ille meruerat, Dominum habere hospitem: Et quia oportebat Christum hac ratione, secundum suum officium quærere & saluum facere quod perierat.

6. *Et festinans descendit, & excepit illum gaudens.]* Eo modo quo iusserat Christus; hoc diuinæ gratiæ est respōdere: nihil cunctatus descendit, & excepit illum gaudēs: veluti magno honore affectus, & magno thesauro donatus, cum prius temporalia tantum lucra sectaretur.

7. *Et cum viderent omnes, murmurabant, dicentes, quod ad hominem peccatorem diuertisset.]* Cum cæcum ante ingressum Iericho Christus illuminasset, omnis plebs vt vidit, dedit gloriam Deo: Nunc vero cum magis deberēt dare gloriam Deo, omnes murmurabant dupliciter; & quod hunc adhuc peccatorem vocabant qui animum mutauerat. Et quod hoc vitio vertebant Christo, quod ad hominem peccatorem diuerterit; cum viderent eum hoc vnum agere, vt sua doctrina peccatores ad pœnitentiam vocaret. In quo notandū homines semper plurius facere corporalia quam spiritualia Christi.

382 MANVALE IN EVANGELIUM

beneficia: Non absolute *omnes* murmurabant: Nam non Apostoli, & discipuli qui aderāt: sed plurimi Iudæi eius loci ciues, & præsertim Pharisei. Causa fuit, ut quidā putant, quia Zachæus Gentilis erat, & cum gentibus cibū sumere vetitum erat. Act. 11. Et solebant Iudæi omnes Gētiles peccatores vocare; Et nomine peccatorū Gentiles intelligere. ut Mat. 26. Mar. 14. Luc. 24. Si enim fuisset ex genere Abraham, sicut Iudæi omnes, non dixisset *eo quod & ipse*: Nam quid sibi vult & ipse nisi etiam ipse, quamvis carne Abrahamæ filius non sit, spiritu est ut Rom. 9. Probabilis opinio est non certa, nam publicani omnes quamvis Iudæi essent, pro publicis peccatoribus habebantur. ut c. 5. & Mat. 9. similiter Pharisei murmurabant.

8. *Stans autem Zachæus, dixit ad Domīnū: Ecce dimidiū bonorū meorū Domine, do pauperibus: Et si quid aliquem defraudavi, reddo quadruplū.* Quod dicit *do & reddo* quidā sic accipiunt, quasi iam hoc facere cœperit, priusquam etiam ad ipsum Dominus diuertisset, ut intelligeret, num hoc quod cœperat Domino probaretur, nec ne: sed rectius videtur commotum Christi doctrina & præsentia, iam certo cōstituisse daturū & redditurū, ut cum dicit *do & reddo* sint præsentia pro futuris, *dabo & reddā*, sese iam facultates suas ad id deputare. Et ad id faciendum sese astringere, q. d. iam iam, pauperibus addico: id enim magis conuenit responsioni. Hodie salus domui huic facta est. Sunt qui dicunt Zachæū omnibus relictis bonis Christū fuisse sequutū: Et quod dimidiā partem dicitur retinuisse, fecisse, ut ablata restitueret: Et quia certus non erat, quantum cuique abstulisset, voluisse, ne forte

forte aliquid alienū retinens, erraret, quadruplo plus reddere, quam sibi debere videbatur, quod exemplum omnes fœneratores imitari deberent. Alij dicūt ex lege hoc fecisse. Exo. 22. 2. Reg. 12.

9. *Ait Iesus ad eū: Quia hodie salus domui huic facta est: eo quod & ipse sit filius Abraha.*] Si Zachæus Iudæus erat, sensus est, ideo saluū fuisse quia filius erat Abrahæ, non quod omnes, qui genere filij erant Abrahæ, salui essent: sed quod ius quoddam haberent ad salutē, cum propter illos præcipue Christus venisset. Aut filium Abrahæ non genere (quamuis genere etiā filius esset) sed fidei & charitatis imitatione appellat, vt Ioan. 8. Quod si Zachæus gentilis erat interpretandū est, *Eo quod & ipse sit filius Abraha* id est, quamuis genere non sit, fide tamen est, vt qui ex eo sunt oriundi. Non dixit hodie salus tibi facta est sed *domui huic facta est*, vt beneficium extendi significaret ad totam familiam, vt Act. 10. 16. & 18. Vel vt indicaret antea vitis apertam fuisse domum, hodie vero salutis: Vel *domui*, id est, *Zachæo*. Cætera vsque ad vers. 41. habes apud Matth. 11. & 13.

41. 42. *Et vt appropinquauit, videns ciuitatem flevit super illam, dicens: Quia si cognouisses & tu, & quidem in hac die tua, qua ad pacem tibi, nunc autem abscondita sunt ab oculis tuis.*] Flevit, prædicans summam calamitatem Ierusalem, cum facta omnia acclamarent, ostendit se & futura scire, & inimicos suos amare. Beatitudines omnes, suo firmavit exemplo. Dixerat beatiflentes. Itaque flet, ait Orig. *Si cognouisses & tu:* Oratio est imperfecta: Si pro vtinam cognouisses & tu, sicut ista turba cognoscit; Alij Chri-

§ 84 MANVALE IN EVANGELIUM

ſi perſonam: Si cognouiſſes & tu ſicut & ego cognoſco, & verbum referunt, ad, *qua ad pacem tibi*: q. d. ſi cognouiſſes occaſionem quæ tibi offertur, nunc pacem obtinendi, dum præſentem habes ſaluatorem tuum, ſubintellige non negligeres. Alij relatiuum *qua*, ad diem referunt, ſi cognouiſſes, & tu *quia venient dies* in te, & *circundabunt te inimici tui vallo*, &c. Si inquam cognouiſſes, etiam in hac die tua, quæ ad pacem tuam eſt, id eſt, qua tanta pace gaudes, fieres utique, ſicut & ego fleo, non gauderes ſicut nunc gaudes. *Nunc autem abſcondita ſunt ab oculis tuis*, quæ ſi cognouiſſes fieres, quia veniẽt dies in te, & *circundabunt te inimici tui vallo*: In quo Chriſtus deſcribit futurum vrbis excidiũ ſub Tito, & Veſpaſiano. Et ſe Deum eſſe declarat: qui futura cõgnoſceret. Et ciues Ieruſalem monet, vt ad Deum ſe conuertant, & impendentem calamitatem effugiant. *Tempus viſitationis*, id eſt ſalutis præſentem occaſionem: tempus primi aduẽtus, dies ſalutis. cætera apud Matth. 13. & 21.

C A P V T XX.

Diſceptat cum Iudæis amulis ſuis.

1. **E**T factum eſt in vna dierũ, docente illo populo in templo, & euāgelizante, conuenerũt principes Sacerdotum, & Scribæ, cum ſenioribus: Et aiũt, dicentes ad illũ: Dic nobis in qua poteſtate hac facis?] Marcus c. 11. tribus diebus continuis diſtincte refert Dominum veniſſe in Ieruſalem, ibique uſque ad veſperã docuiſſe in tẽplo. Lucas vero, non diſtincte referens geſta diuerſorum dierũ dixit: *Et erat quotidie docens in templo*. Ex quibus verbis, & ex eo quod poſtea Chriſtus dicit, *quotidie*

SECUNDVM LVC. CAP. XXII. 585

zidie apud vos eram in templo docens: apparet Dominũ, non tribus tantũ diebus primis huius hebdomadæ docuisse in templo, sed etiam sequentibus duobus, vt notat Ians. Nisi quod dicit Lucas *quotidie* sic referendum ad quatuor illos dies quibus post ingressum celebrẽ in Ierusalem vsque ad diem quo cõprehensus est in tẽp. docuit, cum noctu in Bethaniã rediret vt apud Mat. 21. & 26. vbi totius cap. explicatio.

C A P V T X X I.

Vidua oblationem praefert.

1. **R**espiciens autem vidit eos, qui munera sua mittebant in gazophylacium, diuites. Vidit autem & quandam viduam pauperculam, mittentem ara minuta duo: & dixit: vere dico vobis, quia vidua hac pauper, plus quã omnes misit.] Sedens è regione Gazophylacij, non quidẽ temere, & curiositatis gratia, sed ob doctrinæ quæ ex euentu est subsequuta, opportunitatem captandam, aspiciebat quomodo turba iactaret æs in Gazophylacium, vt habet Mat. 12. apud quam hæc historia explicata est. Totum vero caput apud Matth. 24.

C A P V T X X I I.

Post cœnam capitur.

1.2. **A**ppropinquabat autem dies festus Azymorum, qui dicitur Pascha: & quarebant principes sacerdotum & scriba, quomodo Iesum interficerent: timebãt verò plebem.] Dies Azymorum qui post duos dies futurus erat. vt habet Mat. 6. vbi explicantur omnia quæ hic desiderantur vsque ad vers. 28.

86 MANVALE IN EVANGELIUM

28. *Vos autem estis qui permansistis mecum in tentationibus meis.*] Hęc sententia propter discipulorū contentionem, ortā, antequam Ierosolymam ingrederentur, fuit pronuntiata; vt cōstat ex Math. c. 20. Quam cum suo loco prætermisisset, hic recordatus Lucas cōmemorat. Cū ergo quē quisque in futuro regno Christi locum esset habiturus, discipuli contendebant, vt murmur sedaret, omnes futuros aliquomodo æquales declaravit, omnes eundem panem esuros & vinum bibituros, omnes futuros Iudices: & suo quemque sessurum throno, nec id fauore vt putabant, sed meritis, patientia, perseverantia in aduersis, habituros, *sed quia inquit permansistis mecum in tentationibus meis,* idest, persecutionibus meis à Iudæis. Tentationes vocat quia per eas Pater, aliquo modo cum tentabat: vt non tam Patri quam hominibus eius virtus appareret.

29. *Et ego dispono vobis sicut disposuit mihi pater meus regnum.*] Q. d. vos pro me fecistis vt mecum in tētationibus meis permaneretis: ego vicissim vobis dispono testamento regnum declarans meritum præmio respondere, sed præmium esse tanto maius, quanto Christus discipulis. Et se breui moriturum, *sicut disposuit mihi pater.* Q. d. sicut mihi pater promisit, per varias tentationes, ita & ego vobis dispono; quia per tentationes mecum permansistis: vel sicut sua authoritate, mihi pater regnum dedit, eadem ego vobis illud dispono. q. d. quale regnum dedit mihi pater, tale ego vobis promitto. Loquitur vt homo: ideoque male hinc colligunt inæqualitatem Patris & filij.

30. *Vt edatis & bibatis super mensam meam*

19

in regno meo, & sedeat in super thronos, iudicantes duodecim tribus Israël.] Vitam beatam cibo & potu declarat vt Ps. 16. & 35. Matth 26. quia homines in cibo & potu delicias ponunt Amb. non victus, & potus promittitur, sed communicatio gratiæ cœlestis. Et privilegium est regis mentis accumbere, non omnibus aulicis concessum, vnde sequitur *& sedeat, &c.* quod Apostolis proprium.

31. *Ait autem Dominus Simoni: Simon, ecce Satanas expetuit vos, ut cribraret super triticum.*] Græcè *expostulauit.* quo verbo declarat Satanā nullam vexandi homines potestatem habere, nisi eam prius à Deo petat: vt Iob 1. & 2. vt purgentur & probentur sicut triticum Deus concedit: hoc quod ad omnes pertinet Petro dictū est quia erat caput, & omnium fortissimus.

32. *Ego autem rogaui pro te, ut non deficiat fides tua: Et tu aliquando conuersus confirma fratres tuos.*] Declarauit à quo sibi Petrus timere: nunc docet in quo fiduciam habere debeat. Ego te, maximè, fidemque tuam protegam ait Chryl. hom. 34. in Mat. vt semper tentat Satanas, sic semper Christus orat: vnde colligitur Romanæ Ecclesiæ & successorum in ea, Petri fidem fore perpetuam. Et cum negauit se nosse Christum, non fuit eius fides deficere, sed tentari, quia fortior ex tentatione surrexit. Ore negauit, animo fidem retinuit, vt diximus Mat. 26. idem dicendum de successoribus si quando visi sunt in fide vacillare. Et tu, idest, sicut ego te confirmaui, tu iterū confirma fratres tuos. Vnde constat, non de illo solum tempore quo Petrus negauit, nec de ipso solum Petro, sed de omnibus eius successoribus loqui

588 MANVALE IN EVANGELIUM

Christum: nam tempore passionis Petrus Apostolos non confirmavit: & tamen necessitas perpetua erat alios confirmandi. Itaque in persona Petri omnes Petri successores iubet fratres in fide firmare. At quomodo firmare possunt, si ipsi errare possunt? sunt qui conuersum à peccato exponunt: quo Christum negauit facta pœnitentia quasi aliis de suo vulnere fecerit medicinam. cætera apud Mat. 26.

35. *Quando misi vos sine sacculo & pera & calceamentis nunquid aliquid defuit vobis.*] Non personarum sed temporis diuersam conditionem significat, tempusque illud quo eos ad prædicandum miserat, adeo pacatum & fauorabile fuisse vt nihil eis quamuis nihil secum deferentibus defuerit: fauentibus omnibus, quod ipsius essent discipuli: nunc instante passione sua, diuersum esse tempus, adeo omnes sibi futuros infensos, vt non solum nemo illis propter se fauere audeat; & necessaria suppeditare: vt omnes potius eos sint persecuturi, & ad mortem quæsituri: itaut non modo baculo & pera, sed etiam gladio opus illis esse videatur.

36. *At illi dixerunt: nihil. Dixit ergo eis. Sed nunc qui habet sacculum, tollat similiter & peram, & qui non habet, vendat tunicam suam, & emat gladiũ.*] Hæc verba his quæ dixit Mat. 10. non sunt contraria: illic quid facere deberent: hic quid facturi essent prædixit, quare *tollat, vendat, emat*: non sunt præceptum sed prædictio: vt Ps. 108. vel non sunt imperatiuum, sed futurum, *tollat, vendet, emer*, vel solam temporis conditionem significant: in quo si humanis auxiliis vtendum esset, nullum non esset maxi-
mè

SECUNDVM LVC. CAP. XXII. 589
mè necessarium, cum de sua, & discipulorum
vita ageretur. vt diximus apud Matth.

37. *Dico enim vobis, quoniam adhuc hoc, quod scriptum est oportet impleri in me. Et cum iniquus deputatus est: etenim ea quæ sunt de me finem habent.*] Causam reddit cur gladio & omnibus præfidiis humanis opus esset, si res humano more ageretur: nam præter eas prophetias quæ iam impletæ erant: hæc omnium præcipua implenda erat, vt inter duos latrones moreretur: vel finem habent, idest, impleri necesse est: vel parum abest quin impleantur.

38. *At illi dixerunt: Domine, ecce duo gladij hic: at ille dixit eis: satis est.*] Non militares: sed quibus forte vsi erant in agni immolatione & divisione, quales lanij & rustici habent. Et huiusmodi gladio Petrus abscidit Malchi auriculam. Qui fortè vnus pro omnibus respondit tanquam dux Apostolorum: qui ante dixerat tecum paratus sum, & in carcerem, & in mortem ire. Quod Christus ait; *Satis est*, non confirmat Apostolorum opinionem, existimantium gladiis rem esse gerendam: sed vel ironicè responderet: vel indicat opus non esse gladiis; non quod necessitas temporis non postularet, sed quod ipse nollet se gladiis tueri: & diuino consilio factum est vt Apostoli non caperent sensum, vt sanaretur Malchi auricula. cætera Mat. 26.

CAPVT

C A P V T XXIII.

Morti adiudicatus crucifigitur.

1. **E**T surgens omnis multitudo eorum duxerunt ad Pilatum.] Confestim mane consilium facientes summi sacerdotes cum senioribus, & scribis & vniuerso consilio. Et surgens omnis multitudo eorum duxerunt illum ad Pilatum, ipso die Paschæ, simul atque dies factus est. Transtulerunt autem Iudei diem festum Paschæ qui eo anno inciderat in pridie sabbati, in sabbatum ipsum vt diximus apud Mat. 26. ideoque putauerunt sibi licere Christum ad Pilatum ducere, & eum apud Iudicem accusare. Totius huius capituli explicationem cum Maldonato remittimus ad Mat. c. 27.

C A P V T XXIV.

Resurrectio probatur multis argumentis.

1. **V**Na autem Sabbati, valde diluculo, venerunt ad monumentum, portantes, quæ parauerat aromata.] Primâ die hebdomadæ scilicet dominico. vide vsque ad vers. 13. Marc. cap. 28.

13. Et ecce duo ex illis ibant ipsa die in castellum quod erat in spacio stadiorum sexaginta, ab Ierusalem nomine Emaus.] Marcus 16. cap. ait per synecdochem, vel syllepsim, Apostolos, his duobus discipulis non credidisse, quia aliquis non credidisset: Lucas dicit inuentos ab illis
Aposto

SECUNDVM LVC. CAP. XXIV. 591

Apostolos affirmantes surrexisse Dominum. Et à Simone visum fuisse. Quia aliqui id asseuerabant. Quod non magis contrarium est, quam si diceres latrones credidisse quia vnus credidit; aut blasphemasse quia vnus blasphemauit. Sunt qui Cleopham faciunt, Iosephi sponsi Mariæ fratrem, alij ciuem Emauntis, quo tunc ibat, & Christum in eius domo ea nocte exceptum, in fractione panis ab illis cognitum & eius domum in Ecclesiâ dedicasse, vt Hier. Alij Simonem cognominatum & Christi consobrinum fuisse. Eius autem comitem Amaonem, vel Simeonem, vel Nathanaelem, vel ipsum Lucam. vtrumque ex 72. discipulis. *ipsa die qua resurrexerat, qua mulieres ierant ad monumentum. stadium erat octaua pars milliariis 60. stadia erant septem milliaria & semis. Leucæ tres circiter.*

14. *Et ipsi loquebantur adinuicem de his omnibus qua acciderant.*] Circa Iesum de morte ipsius, de processu mulierum ad sepulcrum, num resurrexisset.

15. *Et factum est dum fabularentur & secum quærerent: & ipse Iesus appropinquans ibat cum illis.*] Casu quidem discipulis nihil cogitantibus, non Christo, qui tanquam viator eos à tergo assecutus adiunxit se illis, vel etiam nihil videntibus, nihil sentientibus, aut cogitantibus. Quanto magis erit in medio eorum qui suo nomine sunt congregati vt eum laudent, non vt disceptent.

16. *Oculi autem illorum tenebantur ne eum agnoscerent.*] Forte quia oculi eorum diuinitus impediti: vel quia apparuit illis alia effigie: vt etiam si liberis essent oculis non possent agnoscere. Mar. 6. vt cum per mediam Hierosolymorum urbem

592 MANVALE IN EVANGELIVM

bem transiit, vt ad Apostolos in vnam domum
 congregatos ingrederetur. Io. 20. Et cum Ma-
 gdaLENæ hortulani forma visus est Ioann. 20.
 non in mulieris oculis, sed in Christi corpore
 mutatio facta est. Et vt illis discipulis, ita in
 Eucharistia, alia forma quam qua reuera est,
 nobis apparet. Virumque factum dicere pos-
 sumus & mutata corporis forma Christum ap-
 paruisse, & impeditos simul fuisse discipulo-
 rum oculos, ne ea forma Christum agnosce-
 rent: vt in transfiguratione, ita mutata est,
 vt tamen effigies & lineamenta eadem, color
 diuersus appareret. Sicut vnus eiusdemque
 hominis, alia pueri, alia iuuenis, alia senis
 est forma. Caietan. de oculis internis putat
 intelligendum, quia de illis oculis intelligit,
 oculos eorum fuisse apertos. Noluit ab eis ini-
 tio cognosci, vt eorum fidem exploraret: no-
 luit nisi à credentibus cognosci: tenuit eorum
 oculos dum de ipsius resurrectione dubitant:
 dum fabulantur: dum disputant de fide. Ape-
 ruit, cum explicatis à se scripturis crediderunt:
 voluit eos docere specie peregrini, vt plus ha-
 berent meriti credentes: voluit scripturarum
 cognitione eorum animos ad credendum pre-
 parare. Sic se Christus per tacitas inspiratio-
 nes, nobis sæpe manifestat, & tamen non eum
 agnoscimus, nisi cum scripturas audimus: cum
 panem frangimus: cū sacramēta frequētamus.

17. *Et ait ad illos: qui sunt hi sermones, quos
 confertis adinuicem ambulantes, & estis tristes?*
 Declarat, se antequam eos attingeret, ipso-
 rum audiuisse sermones, quamuis simul et se
 nescire: vt occasionem accipiat loquendi de
 sua resurrectione.

18. Et

SECUNDVM LVC. CAP. XXIV. 593

18. *Et respondens unus cui nomen Cleophas, dixit ei. Tu solus peregrinus es in Ierusalem, & non cognouisti quae facta sunt in illa his diebus?]* Hunc nominat ut fidem faciat historiae: alterius nomen tacet modestiae causa, quia forte erat ipsemet Lucas: vel quia de altero solum loquebatur, quem nominavit. Solent peregrinis, ignotae esse res ciuitatis, ideoque excusat. q. d. mirum non esse si ille solus rem gestam ignoret, omnibus notam: vel reprehendit, q. d. nemo est in Ierusalem, ac ne peregrinus quidem, qui haec ignoret praeter te vnum.

19. *Quibus ille dixit: Quae? & dixerunt: de Iesu Nazareno qui fuit vir Propheta, potens in opere, & sermone coram Deo, & omni populo.]* Simulat se ignorare ut magis ad mirandum inuiteret *Et dixerunt: cum vnus tantum loqueretur, sed pro se & pro altero; & quia post forte ambo sunt locuti, magna & decenter expressa commendatione doctrinae & miraculorum, Dei & hominum iudicio: ut magis appareret quam indigne crucifixus fuerit.*

20. *Et quomodo eum tradiderunt summi sacerdotes & principes nostri in damnationem mortis, & crucifixerunt eum.]* Cum vnus tantum summus sacerdos. Ex Mat. 2. *Et principes, scilicet familiarum: qui inter Iudaeos praecipuam habebant auctoritatem. Dicuntur tradidisse in damnationem mortis, qui crucifigendum tradiderunt Pilato, ut c. 9. 18. 23. & 24. & Matth. 17. 20. 26. & 27.*

21. *Nos autem sperabamus, quia ipse esset redempturus Israel: & nunc super haec omnia, tertia dies est hodie, quod haec facta sunt.]* Q. d. iam non speramus cum videamus, fuisse crucifixum.

Errabant

Errabant quod Messiam putabant, non à peccatis sed à servitute liberaturum Israel. Et quod crucem cum redemptione pugnare existimabant: & præter quam quod fieri non posse putabant, ut mortuus resurgat: accidit inquit *quod tertia post mortem dies est*, & non resurrexit: sicque spes nulla superest, ut resurgat: sic infidelitas contra fidem contendit: tertia dies venerat sed non effluxerat: deinde, quomodo sciebant non resurrexisse. Tamen constat aliquid spei superesse.

22. *Sed & mulieres quadam ex nostris terruerunt nos, quæ ante lucem fuerunt ad monumentum.*] *Ex nostris*, id est, quæ Christum nobiscum sequebantur: vel quæ nostræ erant uxores, incredibilia narrantes, attonitos & dubios nos reddiderunt.

23. 24. *Et non inuento corpore eius, venerunt dicentes, se etiam Angelorum visionem vidisse, qui dicunt eum vivere. Et abierunt quidam ex nostris ad monumentum: & ita inuenerunt, sicut mulieres dixerunt, ipsum vero non inuenerunt.*] Scilicet Petrus & Ioannes experturi quid veri haberet muliercularum narratio. Et de monumento compererunt, ita rem habere, sicut mulieres narrauerunt, unde mirum est eos non credidisse, cum suam ipsi incredulitatem, & mulierum, & duorum discipulorum & Angelorum testimonio arguerent: quam Christus exprobrauit Mar. 16.

25. *Et ipse dixit ad eos: ô stulti, & tardi corde ad credendum in omnibus quæ locuti sunt Propheta.*] Non reprehendit quia Christo ipsi non crederent, quia de hoc erat quæstio: sed ut fidem habeat, non tanquam suam sed tanquam

quam alienam causam agit.

26. *Nonne hac oportuit pati Christum, & ita intrare in gloriam suam?*] Q. d. tantum abest, vt ob prædictas passionēs, & ignominias debeat diffidere, Iesum esse Christum illum, in scripturis promissum, vt ob eas debeat magis ex scripturis agnoscere, ipsum fuisse, & esse vere Christum. Quod ait *oportuit*, intelligendum non absolute sed posita prædictione Prophetarum, & spem illis dat futuri regni, de quo iam desperabant: sed alia ratione quàm alij reges consequuntur.

27. *Et incipiens à Moyse, & omnibus Prophetis interpretabatur illis in omnibus scripturis, quæ de ipso erant.*] Prophetas vocat omne vetus testamentum, quod Christus percurrit, & explicauit: vt Christum ibi quærere discamus: cum ibi, vbique lateat, & ad eum omnia referantur. foelices qui meruerunt cœlestem doctorem audire. vtinam Euangelista ea testimonia retulisset: multum eruditionis inde acciperemus; nam non solum literalem, sed & allegoricum & mysticum sensum illis aperuit.

28. *Et appropinquauerunt castello quo ibant: & ipse se sinxit longius ire.*] Quia adhuc à discipulis peregrinus putabatur, & ideo indigni erant vt sub eodem maneret tecto: vel quia peregrinus erat in eorum fide, idest, nondum credebant eum resurrexisse: vel fecit, vt se Christum esse dissimularer, quia nondum tempus venerat quo se illis volebat aperire. S. Aug. l. contra mendacium, ait hanc fictionem ad mendacium non pertinere, idque docet ex fictione parabolarum, quibus vsus est, non ad fallendum, sed ad aliquid maius significandum, sic significauit

significant se longius, idest, in cœlum iturum. Et præterea mendacium cum sit falsa significatio cum voluntate fallendi : hanc non habuit Christus ; sicut nec Paulus , quando simulavit quodammodo se legis observatorem ; cum Timotheum circumcidit ; cum factus est Iudæis tanquam Iudæus, & ijs qui sub lege erant, tanquam sub lege esset : fecit enim ut Iudæos lucraretur, & à Christo non alienaret. Et 3. Reg. 22. per irrisionem Micheas locutus est , non sua sed falsorum Prophetarum opinione. Sic Christus noluit discipulos fallere , sed docere eos falli, & eos eo ab errore liberare voluit. Putabant Christum nondum resurrexisse, errabant. Apparet illis ea forma , ut non ipse , sed alius quispiam peregrinus esse videatur. Eademque ratione fingit se tanquam peregrinum ire longius : non ut doceat se non esse Christum, quod utique mendacium fuisset , sed ut doceat eos errare, qui se putarent, Christum esse non posse.

29. *Et coëgerunt illum , dicentes : mane nobiscum, quoniam advesperascit ; & inclinata est iam dies , & intrauit cum illis.]* Vel iniecta pallio manu ; vel verbis recusantem compellunt , ut eam noctem apud eos diuersaretur : rationem afferentes hospitalitati convenientem, quoniam advesperascit.

30. *Et factum est, dum recumberet cum eis accepit panem, & benedixit , ac fregit, & porrigebat illis.]* Cum idem fecerit quod in vltima cœna multi dicunt his duobus discipulis suum porrexisse corpus, sub specie panis : quod ex miraculo comprobant : Hæreticis inficientibus & quibusdam Catholicis : & quia cum cōmunem
panem

panem benedicebat, non in fine, non in medio prandij, sed initio, antequam quisquam quidquam gustaret, benedicebat: hic autem non in initio sed in fine benedixit, cum scilicet recubuisset, idest, cœnasset, sicut cum Eucharistiam instituit Mat. 26. Verisimile est Christum tunc, ne phantasma esse videretur, communem cum duobus discipulis cœnam sumpsisse: Non sumpsit postquam panem fregit, quia in ipsa fractione cognitus est: & statim ut cognitus est, *euannit* ab oculis eorum: ante igitur cœnam sumpserat: ideoque benedictio communis cibi esse non potuit. Accedit miraculum quod in fractione panis ab illis cognitus est, à quibus cognosci non potuerat, tot ante sermonibus. Quod alia virtute quam Eucharistiæ factum non est. Non casu, nec ex frangendi panis ceremonia, quam non tacuissent Euangelistæ, nec tulissent Pharisei: sequitur factum esse miraculo; & ex vi fractionis quæ totum illum actum conficiendi, & administrandi Eucharistiam significat, illum cognouisse. Quod confirmatur quia Christus cum Cleophæ domum in Ecclesiam dedicauit, ex Hieron.

31. *Et aperti sunt oculi eorum, & cognouerunt eum: & ipse euannit ex oculis eorum.*] Idem scilicet oculi corporis, non mentis, qui tenebantur. q. d. non magis Christum cognouisse, quam si plane cæci fuissent. Clausi ante fuerant, non quia clausi erant, sed quia non cognoscebant, quem videbant Christum, quasi non viderent; quasi clausi essent: Aperti ergo dicuntur non simpliciter, sed quoad visionem veræ figuræ Christi, quia viderunt, & cognouerunt;

598 MANVALE IN EVANGELIUM

uerunt; vt Gen. 3. ad commendandum hospitalitatis meritum vt notat Aug. & ad comprobandum mysterium Eucharistię. *Et ipse euauit, reddidit se illis inuisibilem; non dixit se subduxit, vt vertunt hæretici, ne cogantur concedere, posse Christum in Sacramento Eucharistię esse, quamuis oculis non videatur, quod miraculum voluit notare Euangelista, sicut se ante ambulantes in via, visibilem fecerat. Parce sui corporis copiam fecit à morte, vel quod imbecillitas humana non ferret rediuiui corporis maiestatem. Vel vt sensim assuescerent carere corporis conspectu, quod mox esset abducendum: & amare illum discerent iuxta spiritum. Denique quia fecerat quod volebat, cognitus erat: confirmauerat suam resurrectionem scripturis, & sui conspectu: & quia volebat eadem nocte redire Ierosolymam, & sese undecim illic congregatis Apostolis ostendere, & vt etiam duo illi discipuli redirent.*

32. *Et dixerunt ad inuicem, nonne cor nostrum ardens erat in nobis, dum loqueretur in via, & aperiret nobis scripturas?*] Q. d. vere Christus est. Nam non alia potuit esse causa, vt sic arderet cor nostrum in via; sic solemus rationibus probabilibus comprobare res quas iam fide, aut certe experientia credimus. Ea est verbi Dei, ea corporis Christi in animis nostris virtus & efficacia. Vel vt alij exponunt q. d. poteramus vel ex hoc illum cognoscere.

33. 34. *Et surgentes eadem hora regressi sunt in Ierusalem: inuenerunt congregatos undecim, & eos qui cum illis erant: dicentes: quod surrexit Dominus*

Dominus vere, & apparuit Simoni.] Eodem instanti temporis regressi sunt: nec potuerunt, nec debuerunt tantum gaudium continere: sed voluerunt quàm citissimè discipulis cõmmunicare. Discant verbi Dei præcones non sibi seruare scripturarum cognitionem. *Et inuenerunt alios discipulos qui cum Apostolis erant in eadem domo.* De Christi resurrectione varia testimonia mulierum & Petri, inter se conferentes, vel *dicentes*, nihil hos duos discipulos noui retulisse: Nam & ipsi iam ante sciebant resurrexisse Dominum: & de ea ipsa re loquentes inuenerunt *undecim*. At ex Ioanne Thomas non aderat? Sunt qui dicunt exiisse aliqua urgente causa, post duorum aduentum antequam Christus ingressus esset ianuis clausis ad Apostolos. Alij putant iam à Luca Mathiam annumeratum inter undecim, quod is in locum Iudæ postea successus sit: Alij probabilius per synecdochem dixisse, illos inuenisse *undecim congregatos*, quia collegium & societas Apostolorum hoc numero nuncupabatur, antequam Mathias in locum Iudæ subrogaretur, quod collegium vno licet absente, recte ibi dicitur, fuisse congregatum.

35. *Et ipsi narrabant qua gesta erant in via, & quo modo cognouerunt eum in fractione panis.*] Sic vult Christus sua munera propagari vt charitas & merita, crescant inter ipsos.

36. *Dum autem hac loquuntur stetit Iesus in medio eorum, & dicit eis, Pax vobis: ego sum; nolite timere.*] Cum discipuli sanctis de resurrectione dominica colloquijs se vicissim cõsolantur, subito Dominus adest in medio confabulantium de se, ianuis clausis, non apertis,

600 MANVALE IN EVANGELIVM

vt fingunt hæretici, ingressus : ita vt constiterit prius in medio quam aut illum sentirent, aut vestigium vllum, aut qua ingressus esset, viderent. Vñtata Iudæorum salutatione, bene eis precatur, vt Iud. 6. & vt Mat. 28. bono iubet esse animo.

37. *Conturbati verò & conterriti existimabant se spiritum videre.*] Timor impendebat ne Christum cognoscerent, & quia putabant se spiritum videre, quia ianuis clausis erat ingressus, quod non nisi spiritum facere posse putabant.

38. *Et dixit eis, quid turbati estis & cogitationes ascendunt in corda vestra.*] Declarat se esse Christum ex cognitione cogitationum cordis, quas spiritus non potest videre, & significat eos fuisse anxios, & dubitantes an esset Spiritus an Christi verum corpus.

39. *Videte manus meas & pedes, quia ego ipse sum: palpate & videte, quia Spiritus carnem, & ossa non habet, sicut me videtis habere.*] Exvulnerum cicatricibus cognoscite, quia ego ipse sum. hinc colligitur cicatrices post resurrectionem seruasse per dispensationem, & nec Angelos, nec animas habere corpus. Nam Spiritus cum carnem non habeat palpari nequit: & conuenienter naturæ loquitur: nam minus tactus quam visus in diiudicando corpore fallitur. & probabilius est omnes Apostolos manibus suis contrectasse. i. Ioan. 1. Pares in hoc Thomam & cæteros Apostolos facit S. Leo: Non ausos fuisse tangere quia putabant Spiritum esse, & ideo Christum petiuisse cibum, ait Hieron.

40. 41. *Et cum hoc dixisset, ostendit eis manus, & pedes.*

Et pedes. Adhuc autem illis non credentibus & mirantibus pro gaudio, dixit, habetis hic aliquid, quod manducetur?] Extenuat culpam, declarans non tam obstinata incredulitate contra veritatem quam desiderio veritatis, veritatem non credidisse: sæpe qui desiderant credere timent ne fallantur, eisque illa voluptas eripiatur. Solet etiam impedire iudicium & obscurare vehemens gaudium ut Gen. 45. & Act. 12. & Ps. 125. Similes sitibundis, qui cum satis biberint, satis se non bibisse putant. Sic Apostoli cum veram fidem haberent, argumentis tamen fidei satiari non poterant, viderant, audierant, contrectauerant, adhuc sitiunt, adhuc plura desiderant. Et si *non credere* proprie sumatur: certe non erit intelligendum de omnibus qui tunc illic erant. Nam Petrus utique, & Ioannes credebant. dignatur vesci potestate non necessitate, in quo ab Angelis differebat qui reuera non manducabant, sicut nec vera habebant corpora.

42. 43. *At illi obtulerunt ei partem piscis assi, & fauum mellis. & cum manducasset coram eis, sumens reliquias, dedit eis.]* Ut cognoscerent se vere edisse aliquid non simulate, & se cum illis tanquam cum amicis agere. Act. 10. seque Christum non alium quemlibet esse.

44. *Et dixit ad eos: hac sunt verba quæ locutus sum ad vos, cum adhuc essem vobiscum. quoniam necesse est impleri omnia; quæ scripta sunt in lege Moyse, & Prophetis & Psalmis, de me.]* Q. d. quod me docente non satis credebatis fore ut traderer, morerer, & tertia die

resurgerem: saltem nunc experientia docete, credite. Quod dicit *cum adhuc essem vobiscum*. Quasi cum ista dicebat non esset cum illis: erat quidem, sed non usitato hominum modo, sicut ante, non ita ut cum illis semper versaretur, semper cibum sumeret, semper ab eis videretur: sic nunc dicitur esse in cœlo non quod etiam non sit in Eucharistia, sed non eodem modo. Vaticinia illa ex toto testamento petita credibile est tunc ea retulisse quando mortem & resurrectionem suam ante illis prædixit Matt. 27. Mar. 8. Luc. 9. Hoc nunc illis in memoriam revocat non ipso die resurrectionis, sed ultimo quo ab illis in cœlum ascendit. Act. 1.

45. 46. *Tunc aperuit illis sensum, ut intelligerent scripturas: & dixit eis: Quoniam sic scriptum est & sic oportebat Christum pati & resurgere à mortuis tertia die.*] Mentem quam ante etiam eo docente apertam ad intelligendum non habebant ut c. 9. tunc illis aperuit ut intelligerent scripturas. unde mirum quo modo tam faciles intellectu dicunt Calvinistæ. De passione Ps. 21. Ita. 53. Dan. 9. de resurrectione. Ps. 15. Ionæ 2. Mar. 12.

47. *Et prædicari in nomine eius pœnitentiam, & remissionem peccatorum in omnes gentes, incipientibus ab Ierosolyma.*] Hic fructus passionis & resurrectionis, hoc etiam dicit ut fidem discipulorum magis confirmet: *Incipientibus: Apostolis, prædicatoribus, incipiendo ab Ierosolyma.* Græce *incipientem* scilicet *remissionem peccatorum*, ab Ierosolyma: ut præ

SECUNDVM LVC. CAP. XXIV. 603

prædictum erat. Ps. 109. Isa. 1. 28. 40. & 60. Cur autem initium prædicandi voluit sumere ab Ierusalem vide Mat. 15. & supra c. 10. & prius quàm ab alijs ciuitatibus, quia tanquam rex promissus veniebat, utique David successor, ut regnum eius restauraret, idest, ex temporali spirituale faceret Ps. 2. Isa. 9. Jerem. 23. 30. 33. Ezech. 34. 37. Ose. 3. Amos 9. Id etiam Angelus dixit supra c. 1. Regia autem David erat Ierosolyma: Christus ergo debuit in eo loco regni possessionem accipere, ubi erat David regia. Simul autem ac baptizatus est, non inde cœpit prædicare, quia nondum regni sui possessionem accipiebat, quam proprie non accepit, nisi postquam resurrexit deuicto hoste: per mortem debellauit, per resurrectionem triumphauit: ante mortem milites, idest, Apostolos, & discipulos cogebat, in Galilæa; quia ibi meliores erant quam in Iudæa. Ideoque ibi prius cœpit prædicare: conscriptis militibus bellum gerebat, huc illuc prædicando, summa vero pugnae in cruce Ierosolymis peracta est: ut notat Mald.

48. *Vos autem testes estis horum.*] Pro eritis testes resurrectionis Act. 1. 1. Cor. 9. Quia quamuis Apostoli sint Nuntij, hoc tamen præcipuum officium est, ut sint testes resurrectionis, ideoque antequam in cœlum ascenderet, hæc nouissima verba illis dicere voluit.

49. *Et ego mitto promissum Patris mei in vos. Vos autem sedete in ciuitate quoad usque induamini virtute ex alto.*] Pro mittam ut Elias ve-

604 MANVALE IN EVANGELIVM

nit. Mat. 17. idest, venturus est. Spiritum sanctum vocat promissum Patris, quia per Prophetas promissus fuerat, vel quia Patris spiritus erat, & à se promissus ut Ioan. 14. & 15. aut quia promissus, à Patre impetrandus erat. *Sedete*, idest, manete Ierosolymis, ne inermes prodeatis in campum. Spiritum sanctum *virtutem* ex alto vocat, quia de illo loquebatur tanquam de armis quibus indui robur aquirimus, & quæ, ut vestimentum nobis adhærent. ut Ps. 108. *Ex alto.* Quia non humanis, sed diuinis armis pugnare debebant: supra c. 21. Matthæi 10. his ipse pugnaturus induitur Psalmo 92. His armauit Prophetas. Ieremiæ 1. & 15. Ezechiel. 3.

51. *Eduxit autem eos foras in Bethaniam; & eleuatis manibus suis benedixit eis: & ferebatur in cœlum.*] Vt inde pergeret ad Patrem; vnde perrexerat ad Passionem: & locum illum sibi ob Magdalenam, Martham & Lazarum charissimum, sua honoraret Ascensione. Et quia intra Ierosolymam videri nolebat, ne nouam turbam excitaret, & quia locus ille vicinus erat, & quia mons erat altus, & quasi gradus ad ascendendum in cœlum. *Elevatis manibus suis*, in signum orantis, & bene precantis, & postulantis benedictionem à Patre, quam dabat Apostolis. Solebant enim Iudæi orantes in cœlum manus tollere. Ex. 17. Quod omnes gentes faciunt duce natura. Et nos facimus doctore Paulo 1. Tim. 2. Vel ut eo signo benedictionis verba discipulorum cordibus penitus insiderent, ac benedictionis gratia
ipsis

SECUNDVM LVC. CAP. XXIV. 605
ipsis veluti impertiretur. Qui ritus in veteri
Ecclesia vñtatus fuit. Leuit 9. vñde & Ec-
clesia, hunc ritum desumpñit, vt benedi-
ctionibus sacerdos manum eleuet, signum
crucis formans, vñde omnis pendet bene-
dictionis efficacia. Christus recessurus imi-
tatus est in hoc Patriarchas, qui morien-
tes filijs benedicebant. Gen. 27. 48. & 49.
docuit nos facto suo, vt quoties recedi-
mus benedictionibus subditos Deo commen-
demus.

51. *Et factum est dum benediceret illis,
recessit ab eis, & ferebatur in cœlum.*] Dum
bene precaretur suis. Græce cū benedi-
xisset, quia probabile est non prius as-
cendisse, quā benedictionem absoluisset
Mar. 16 *Recessit*, non statim, sed paula-
tim ascendens, vt oculis saltem sequen-
tur eum Apostoli, qui pedibus non po-
terant.


52. *Et ipsi adorantes regressi sunt in Ieru-
salem, cum gaudio magno.*] Græce cum
adorassent eum, & se in terram inclina-
sent, siue ante, siue postquam Angeli illis
dixerunt, *viri Galilei, &c.* Actor. 1. Si
enim tum stabant aspicientes, necdum a-
dorabant, nam adorare est reuerentiæ cau-
sa procumbere, seseque in terram inclina-
re. Cum ergo tum ex Christi Ascensione,
tum ex Angelorum sermone intelligerent
Christi maiestatem, adorauerunt eum, iam
sublimem & in dextra Patris confidentem,
auspicantes iam eam venerationem, quæ
Christum sublimatum consecutura erat, ex
Patris ordinatione ad Phil. 7. Nam non

606 MANVALE IN EVANGELIVM

legimus nisi hoc loco Christum à discipulis adoratum, quia quamvis Deum esse crederent, tamen quia solum in eo videbant hominem, tanquam cum homine versabantur: At quando in cœlum ferti vident, eum adorant, coacti re ipsa confiteri Deū, quem ante sola fide confitebātur. Et rei evidentia cogit eos adorare: sic iam Christum adoramus in Eucharistia inuitis Hæreticis, certi de eius diuinitate in qua non mirum si fortè non eum adorauerint Apostoli, qui ne extra quidem eum adorabant. Facta adoratione, regressi sunt Apostoli, iuxta Domini mandatum. vers. 49. *ab Ierosolymis ne discederent.* Act. 1. idque *cum gaudio*, quia congratulabantur gloriæ sui Domini: tum quia suam fidem & spem confirmari videbant.

53. *Et erant in templo laudantes & benedicentes Deum.* Quod Christum iam in cœlum exaltasset, & se cum illo recipiendos sperarent. quod dicit, *erant semper in templo*, intelligendum omni die, & temporibus diei opportunis. quomodo & Paulus iubet semper orare, non quod non aliquando discederent è templo: sed vt intelligatur non alijs rebus fuisse occupatos, per totos illos quadraginta dies, quam oratione. Quoniam autem ad laudem & gloriam Dei succinitur, *Amen* adiicitur. quanquam apud Eutym. non addatur, *Amen. Amen.*

MANVALE



MANVALE IN SANCTVM
IESV CHRISTI
 DOMINI NOSTRI
 EVANGELIVM
 SECVNDVM
IOANNEM.



IOANNES Patre Zebedæo, Matre Salome natus, Mar. 1. Luc. 5. Io. 21. Mat. 27. frater Iacobi, piscatoriam cum patre & fratre artem exereuit. Mat. 4. Mar. 1. admodum iuuenis ad Apostolaturn vocatus. Reuocatum à nuptijs quidam putant, & quidem ab illis quæ in Cana Galilææ celebratæ sunt. Verum illis non tanquam sponsus sed tanquam discipulus interfuit. vocatus enim est ad eas Iesus, & discipuli eius, vt idem scribit c. 2. 2. Fuerautem ille cum Iacobo fratre inter primos Apostolos, initio vocatus. Mat. 4. 21. Virgo fuit admodum à Christo dilectus. Asia ei obtrigit in prouinciam. Ephesi Episcopus fuit. inde in Pathmon insulam propter Euangelij prædicationem relegatus. Apoc. 1.

C c 4 Euangelium

608 MANUALE IN EVANGELIUM

Euangelium hoc post cæteros Euangelistas, præcipuè contra Ebionem & Cherinthū Christi diuinitatem negantes scripsit Apocalypsim, & epistolas tres. Incertum quot annos vixerit. Sexaginta octo annos post passionem Domini vixisse ait Hier. Mortuus nec ne fuerit dicemus cap. 21. 23. Ex feruentis olei dolio in quo fuerat iniectus abiit illesus. Tert.

C A P V T I.

Verbum Dei æternum, vita & lux caro factum est.

I. **[N principio.]** Id est in Patre, qui principium sine principio est, inquit Cyril. Vel in principio omnium creaturarum, vel temporū; id est cum inciperent omnes creaturæ, vel tempora, iam erat Verbum. Vel quia ab eo omnia habent existendi principium. S. Aug. *In principio*, id est ante omnia. Cyril. Alij Euangelistæ ab incarnatione incipiunt, Ioannes ab æterna generatione. Si quis verò dicat quodd Patrem dimittens, mox de filio loquitur; erat ille manifestus omnibus si non vt Pater, at vt Deus, vni-genitus autem ignorabatur; nec tamen Patrem tacuit, nam filium verbum vocauit.

Erat.] Rectè principij vocabulo connectit verbum, *erat*, potius quàm *fuit*: sic enim fuit vt semper fuerit, sit, & futurus sit q. d. Iam erat Verbum, non habuit principium, non cœpit esse: quia cum omnia, quæ principium habuerunt, esse cœperunt, iam ipsum erat: quod peren-

perennitatem & firmitatem significat. Hilar.
2. de Trinit.

Verbum.] ὁ λόγος, vnicum illud & singulare
Verbum, idest filius æternus consubstantialis,
qui est principium de principio. Qui potest
intelligere Verbum, non solum antequam fo-
ner, sed etiam antequam sonorū imagines co-
gitatione voluantur, potest videre aliquam
verbi similitudinem, quod erat in principio.
Nascitur verbum quod loquimur ex scientia,
quam memoria tenemus, & formata cogitatio
à re quam scimus. Verbum est quod in corde
dicimus, quod nec Græcum est, nec Latinum,
nec alicuius linguæ, & verbum quod foris so-
nat, signum est verbi intus latentis, propter
quod & verbum dicitur. Augustin. 15. de Trin.
cap. 10. Quod græcè λόγος, Latinè ratio, defi-
nitio, & verbum, quod sine passione à Patre
procedat, vt ratio seu notitia ex animo; quod-
que Patri intimus vt animo ratio: Et quod nos
rationi obsequentes faciat: Et quod velut de-
finitio, Patris naturam exprimat, vel quod sit
omnium rerum definitio quædam, & quod
procedat à Patre vt à mente verbum. Alij Ver-
bum dictum putant, quia per illud Deus om-
nia fieri iussit. Alij quod nobis sit interpres pa-
ternæ voluntatis, atque sententiæ Sicut verbū
vocale nostrum mentis, voluntatisque nostræ
interpres est. At cur non potius filium dixit
quam Verbum? Ne si vocasset filium aliquid
fortè carnale, aut patibile lector cogitaret: vt
accidit Arianis, qui non potuerunt intelligere
filium sine foemina, & carnali cōiunctione. Vel
quia vulgò inter Iudæos filius Dei, Verbum
vocabatur: Et erat magis accommodatum ad id
Cc s quod

610 MANUALE IN EVANGELIUM

quod postea erat dicturus; Omnia per ipsum facta esse. Vel quia id erat lectori gratius, quod ad nos docendos Verbum mitteretur. Et quia legatus erat Patris, qui pro eo mittebatur, pro eo loquebatur, pro eo Ecclesiam gubernabat.

Et Verbum erat apud Deum.] Dixit quando erat Verbum: nunc ubi erat. Ne quis diceret si in principio, & ante omnia erat Verbum ab æterno, ubi ergo erat cum adhuc nihil esset, & nullus esset locus? Ideo subiecit. *Et Verbum erat apud Deum.* Erat in sinu Patris, & non apparebat; postea apparuit. 1. Ioan. 1. Erat apud Patrem, & apparuit nobis. Erat verò apud Patrem, ut persona distincta & indiuisa. Græce τὸν Θεόν, Deum illum qui Pater est. At cur non dixit, & Verbum erat apud Patrem? Quia non dixerat, In principio erat filius. Et periisset gratia orationis si dixisset, & Verbum erat apud Patrem. Nec enim poterat alterum membrum incipere, & Pater erat Verbum, quia Verbum non est Pater. *Apud Deum*, i. in Deo. ut cap. 14. *Ego in Patre, & Pater in me est.* Colligunt alij filium à Patre distingui persona. Qui enim apud alium esse dicitur, distincta persona est. Ariani colligunt filium non esse eiusdem cum Patre naturæ, quia *apud* videtur rem naturam distinctam & externam significare. At dicitur esse apud Deum à quo originem duceret, tanquam in domo paterna: non defuisse illi ubi esset qui esset apud Patrem. Vbi enim commodius filius esse potest, quam apud Patrem. Alij dicunt *apud*, intimam coniunctionem significare, cum Patre, in sinu Patris. Alij idē esse Verbum esse apud Deum, & esse inuisibile, esse absconditum. ut Iob c. 4. 14. Erat quidem sed nō

appa

apparebat, apparuit cū Verbū caro factum est. Alij æqualitatem Verbi, & Patris significare, vt seder ad dexterā Dei. i. Patris. Marc. 16. 19. Ro. 8. 34. Eph. 1. Col. 3. 1. Heb. 1. & 8. & 10. 1. Pet. 3. Et cū Ioannes dicere voluit vbi erat, vbique voluit dicere, ad dexterā Patris fuisse. At cur prius dixit Verbū fuisse apud Deum quā esse Deū: Vt declararet nihil aliud fuisse, quā illum ipsū Deum, apud quem erat. Hilar. 7. de Trin.

Et Deus erat Verbum.] Græcè & Verbum illud erat Deus. Ab ea voce incipere voluit, in qua definit Heb. more. Postquam explicauit quando & vbi erat Verbum, ipsius substantiam nunc, & naturæ identitatem, cum Patre declarat: ne ex secundo membro, ita à Deo Patre intelligeretur Verbum quasi & natura illi sit diuersa, & Deus esse non crederetur, cū & vnus sit Deus, & apud Deum Verbum fuisse dictum sit. Ariani dicunt quod hīc nomen *Deus* articulum non habet, vt in membro præcedenti, & ideo Patrem esse verum Deum, filium non verum, vt qui quasi minor Deus appelletur. At Chrys. notat Patrem aliquando sine articulo, & dī dici, vt Rom. 1. 7. Cōtra verò filium τὸν Θεόν, Deum cum articulo vocari. Rom. 9. Ariani contendunt vocari quidem Deum, sed eo modo quo Moyse Deus Pharaonis, & quo homines sancti, Dī vocantur. At non absolutè Moyse dicitur Deus, sed Deus Pharaonis; id est opinione Pharaonis. Verbum autem absolutè dicitur Deus. Et cum dicitur Psal. 81. *Ego dixi, dī estis*, significatur eos beneficio, non natura fuisse Deos. Hil. Et quia additur, *Ego dixi*, satis declaratur Deos hos esse, reputatione Dei gratuita. Ex hoc loco Christum verum esse Deum

ET 2 MANUALE IN EVANGELIUM

firmissima fide credimus: & esse Patri consubstantialem, & sic esse vnius & eiusdem substantiæ cum eo, vt sit ab ipso procedens. Remouit autem articulum à Deo, nō vt naturæ inæqualitatem significaret, sed vt processionem ipsius insinuaret: quia licet Verbum sit Deus & eiusdem substantiæ, cum eo apud quem est, ab eo tamen producitur Deus de Deo, idem quidem cum Patre, sed procedens à Patre, habens eandem substantiam, sed quam Pater à nemine, Verbum à Patre accipit. Orig.

2. *Hoc erat in principio apud Deum.*] Explicata verbi natura & existentia, describit quendam verbi statum & conditionem. Sensusque est, hoc Verbum in principio antequam quicquam factum esset, erat apud Deum, i. tantum erat apud Deum, q. d. Nondum carnem susceperat, nondum se manifestauerat, sed erat solum apud ipsum Deum, in sinu Patris absconditum, inuisibile, & non manifestum: neque ad quicquam aliud referebatur quàm ad Deum ipsum à quo procedebat: vt 1. Ioan. 1. Vbi supplenda est particula, *tantum*, vt ad Rom. 2. & 4. & alibi sæpe: sicut & in hoc loco. Hoc Verbum, in principio erat tantum apud Deum, non autem apud nos, quale fuit carne assumpta. Vtitur pronomine, *hoc*, ad eandem naturam verbi demonstrandam, quamuis ex Græco referri etiam possit ad Deum, tamen Latina versio ab Ecclesia recepta refert ad Verbum. Chrys.

3. *Omnia per ipsum facta sunt.*] Exponit secundum statum verbi, quando non tantum apud Patrem erat, sed ad creaturas etiam coepit se conuertere. q. d. Erat quidem hoc Verbum apud Patrem quando omnia fecit: nec tantum

era

erat apud illum, sed per ipsum Pater omnia fecit; in quo breui explicat quod Moyſes longo sermone. Imò plura significat quàm Moyſes; nam non expressam significauit mentionem spiritualium substantiarum, sed sensibilibus; quæ populi oculis cernebantur; at Ioannes voce omnia, cuncta conclusit; nec fecit sine mysterio: nam beneficium creationis narrans, illi populo, qui nondum redemptionem acceperat, multis verbis amplificauit, ut potè omnium acceptorum maximum; sed Ioannes ad quiddam maius narrandum properans, nempe redemptionis opus, propter quod Deus homo factus est, cuius collatione illud iam minus censebatur, breuiter & velut summam ad maiora progrediens illud declarat. Nam Euangelium Deum Redemptorem, vetus autem Testamentum Deum creatorem prædicat. Multò autem maius & dignius est, Deum hominem esse factum, quàm cuncta à principio creasse, in quo tacitè Ioan. insinuat, vnum esse, & eundem Deum Creatorem & Redemptorem, cum vtrumque Verbo perfecit, & eundem auctorem veteris & noui Testamenti cōtra Manichæos. At Ioan. docet vno & eodem Verbo vtrūque perfecisse: ac ob id creationis meminit, ut per eum recreata, & creata omnia cognoscamus, per quem & facta fuerunt. Ex voce, *omnia*, Macedonius tollere voluit Spiritui sancto diuinitatem. At non dixit absolute omnia esse facta, alias ipse, & Pater esset factus: sed omnia quæ facta sunt, per ipsum facta sunt. Spiritus autem Sanctus factus non est. Adde omnia dici facta, quæ sunt extra facientem: at Spiritus sanctus est ex parte facientis, quia opera Trinitatis ad extra sunt
indā

614 MANVALE IN EVANGELIVM

indivisa. Ex voce, *per*, Ariani dixerunt filium esse minorem Patre, ut pote per quem tanquam per instrumentum, fecit omnia. At non instrumentum, non instrumentum, sed causam principalem, hæc particula hic significat: ut 1. Cor. 1. Vox *fecit*, extenditur tam ad ea, quæ ex aliquo, quam quæ ex nihilo fiunt. Ideo non dixit, Omnia per ipsum creata sunt, sed facta sunt. Orig.

Et sine ipso factum est nihil, quod factum est.] Quod dixit per affirmationem idem confirmat per negationem, & per numerum singularem, ne quis dictum esse fecisse omnia putaret quia multa fecit, ut 1. Cor. 9. ad Philip. 1. *Omnes quæ sua sunt quarunt.* Ideo ne quis ita dictum arbitraretur adiunxit generalem negationem in singulari, ut nec unum singulare excludi significaret, quod non esset per Verbum factum. *Sine ipso factum est nihil, quod factum est,* i. nulla res est facta, quæ non sit per ipsum facta, seu quæ sit sine ipso facta, & est phrasis Hebr. ut 1. Reg. 3. Isa. 39. Addidit, *quod factum est*, ut hæc verba ad præcedentia, nempe ad ea quæ facta sunt referret: & esset sensus, *Sine ipso factum est nihil quod factum est;* i. Ex his quæ facta sunt, nihil est quod non sit per ipsum factum. Et est phrasis Hebr. ut 1. Reg. 1. & dicitur. *Sine ipso factum est;* ne unum quod factum est. Quod quidem magis exprimit uniuersitatem quam si dixisset & dicitur, nihil. ut Psal. 138. *Et nemo in eis,* Hebr. & non vnus in eis. q. d. nec vnus erit dies, ut 1. Mac. 7.

Triplex hic lectio. Prima quam vulgus sequitur, ut post illud *nihil*, sententia puncto claudatur, & per nihil malitia seu peccatum intelli

intelligatur, deinde sequatur, *Quod factum est in ipso vita erat.* 2. vt vsque ad pronomen, ipso, punctum non ponatur hoc modo, *Omnia per ipsum facta sunt, & sine ipso factum est nihil quod factum est in ipso:* deinde legatur, *Vita erat, & vita erat lux hominum.* 3. vt post illud, *quod factum est,* sententia finiatur, deinde noua inchoetur, *in ipso vita erat,* quæ sensum meliorem & faciliorem videtur habere.

4. *In ipso vita erat.*] Pergit recensere opera verbi, & effectus, & ab opificio mundi quod per verbum factum est, ad reparationem hominis, quæ in ipso verbo facta est, exponendam transit. *In ipso,* inquit, *vita erat;* i. non tantum per verbum Deus omnia creauit: sed etiam in eodem verbo vitam æternam & spiritualem fecit. Nam homo, quem Deus per verbum creauerat, seipsum & suos posteros peccato infecerat, æternæ mortis in anima & corpore factus reus. Hunc ergo verbum in seipso viuificare voluit, vt eodem verbo, per quod omnia facta erant, homo, qui omnia quodammodo complectebatur, ad vitam reuocaretur. In ipso igitur vita erat, vt clariùs idem Ioan. 1. Ep. 5. dixit. Nec aliter fecit hominem viuere, nisi per carnem quam assumpsit. Illud, *erat,* insinuat, 1. æternam Dei dispositionem, & voluntatem qua verbum decreuit vitæ reddere casurum hominem: vt 2. Tim. 2. & ad Eph. 1. *Elegit nos in ipso ante mundi constitutionem.* 2. innuit à mundi principio, etiam ante carnem assumptam in verbo, datam esse hominibus vitam, per fidem futuræ incarnationis, 1. Cor. 10. *Bibebant de cōsequente eos petra.* & Apoc. 13. iam videndum quid alij per vitam intelligant. Chrys. virtutem ipsam

616 MANVALE IN EVANGELIUM

ipsam verbi quæ est ipsummet Verbū, qua cuncta creat, conseruat, & gubernat. Cyr. vitam rerum omnium creatarum, durationem, & permanentiam esse dicit; quia dat conseruari rebus omnibus. Aug. ipsammet verbi substantiam quæ vita est: omnia enim creata sunt vita in Deo, per Idæam. Ambr. & Athan. probabilius hanc vitam spiritualem quæ per gratiam est, & consummatur in æternum per gloriam 1. Io. 5. & Act 3. Dicitur auctor vitæ, verbū vitæ 1. Io. 1. 3. 4. 5. 6. 8. 10. 11. 14. 17. interpretantur. Alij vitam viuentium exponunt, quia verbum dat vitam iis quæ viuunt. Sed aliqui ad verbum ratione folius diuinitatis; aliqui ad ipsum carne indutum referunt. Notanda phrasis Heb. *in ipso vita erat.* i. ipse erat causa vitæ: vt Act. 4. *Non est in aliquo alio salus,* i. non est alius salutis causa. & Psal. 3. Omissis variis lectionibus, quas hæc verba, (*quod factum est,*) cum antecedentibus pepererunt, triplex cum sequētibz reperitur. 1. vt illud, *in ipso,* iungatur cum illo, *quod factū est,* sicque lectio talis, *quod factum est, in ipso vita erat.* Ex qua lectione Manichæi ex Augu. inferebant omnia viuere, etiam ipsos lapides: & esse alia quæ non sunt à verbo facta: vt mors & mala, & sic duo esse principia, vnum bonorum, alterum malorum. Ariani inde inferebant verbum esse factum: ex Amb. in Ps. 36. Macedoniani colligebant Spiritum sanctum esse factum: quem per vitam intelligebant. Orig. Sic interpretabantur, quod factum est in spiritualibus hominibus vita erat. Catholici autem sic exponunt, Amb. *Quod factum est in ipso,* nempe Christo, vita erat: in verbo autem seu Christo, facta est caro, passio, mors, hæc autem vita nobis.

bis sunt. Athan. *Quod factum est in ipso*, i. per ipsum, vita est, scilicet spiritualis. 2. Lectio est S. Aug. ut illud, *in ipso*, iungatur sequentibus sic: *quod factum est vita erat in ipso*: quia omnia in verbo ut in exemplari & in causa vita sunt. Et Cyril. Verbum erat vita in ipso, quod factum est, seu dat vitam omni rei, quæ facta est, id est, res omnes conseruat, & per vitam durationem intelligit & conseruationem. S. Clem. Alex. sic ut quod factum habeat vitam gratiæ. 3. Lectio est ut illud, *in ipso*, nulli iungatur extremo. q.d. quod factum est, in ipso, supple est, nempe in ipso verbo Orig.

Et vita erat lux hominum.] Alius est effectus verbi. q.d. Verbum, in quo vita erat, se manifestauit, & lucem sparsit, ut cognosceretur, & vitam daret. Nam vitam nemo habuit nisi per fidem eius, in quo vita erat. Ideoque verbum lux erat. Eph. 5. 10. 8. Cum dixit, *in ipso vita erat*, ibi vita pro ea quam verbum efficit & dat nobis, ponitur: & cum subiunxit, & *vita erat lux*, vita pro ipso verbo, quod est causa vitæ sumitur: & ut hæc distingueret *vita* in priore sine articulo, in posteriore cum articulo scribitur. Similiter & lux, illa lux, ut ipsum idem verbum significaret: & ad vitam assequendam necessarium esse lumen, quo verbum hoc luceat in cordibus nostris. Non enim viuere facit, nisi quos fide sua Christus illuminat, Ioa 8. & 17. q.d. Vita non sum, nisi iis quibus sum lux. Nota quod illud, *erat*, verbi æternitatem insinuat. Nam quamuis in tempore se manifestauit, in carne tamen persona, quæ se manifestabat, erat æterna. Indicat etiam non tunc incepisse Christum illuminare, & lumen esse quando

carne

618 MANVALE IN EVANGELIVM

carne indutus est, cum ante incarnationē suam aduentum multis ad vitam manifestauerit, qui iusti fiebant in fide venturi. Quidam lucem dixerunt esse lumen rationis a natura inditum hominibus quo verbum capaces reddit rationis. Alij lumen fidei, quod eordibus infundit ante & post aduentum. Alij lucem hanc esse Verbum factum iam carnem. Alij melius, lux dicitur verbum in carne, qui Christus est, ita tamen vt nondum carne suscepta lux sit, sicut sol qui antequam Orizontem ascendat emit- tit radios, & mundum illuminat. Quanquam magis illuminet post aduentū. Cū dixit lux ho- minū Orig. Angelos nō excludit vt cum dici- tur, *Deus Abraham, Isaac, Iacob*, cæteri non ex- cluduntur. Alij dicunt nomine hominū etiam Angelos significari, qui etiam in scriptura ho- mines dicuntur. Alij dicunt quod verbum ra- tione carnis nō erat lux Angelorum cum non Angeli sint redempti, sed homines quorum causa verbum carnem assumpsit, & eorum do- ctor, lux, & vita est factus. Ideoque colligitur non de luce naturali, quæ communis est Ange- lis, sed de supernaturali, quæ solis hominibus datur à verbo, ratione humanitatis locutum esse Euangelistam, ex Orig.

5. *Et lux in tenebris lucet, & tenebra eam non comprehenderunt.*] Verbum, in quo vita erat, & quod lux erat hominum ad vitam etiam non- dum carne suscepta, visibile tandem apparuit, & suscepta carne lucet 1. Io. 1. Erat prius inui- sibilis lux, & spiritualibus oculis per fidem tan- tum cernebatur. At iam lucet, & visibilis facta est etiam oculis, & sensibus corporeis, exteriori verbo, & operibus suæ potentiae illustrās ho- mines

mines Isa. 52. & Bar. 3. & 2. Tim. 1. Hæc autem lux lucet in tenebris : quia veniens Christus in mundum, ignorantes Deum & à via salutis deflectentes inuenit: his se visibilem doctorem veritatis exhibuit, Isa. 9. Tenebras appellat homines Deum ignorantes & viam salutis : vt Eph. 5. de quibus Mat. 15. & 22. Vñs Euangelista verbo *lucet*, ad significandam præsentem quidem in carne, sed perpetuam & indeficientem illuminationem : nam per Apostolos & successores semper lucet Christus. Plurimi tamen Iudæorum magis dilexerunt tenebras quam lucem: & hæc sunt tenebræ quæ lucē non comprehenderunt, non perceperunt : vt Ro. 9.

Dices si lux est in tenebris, nō lucet & si lucet non est in tenebris. At sol nemine aspiciente lux est, & lucet quāuis multilocis subterraneis se abdentes, aut oculos aperire nolentes, lucem eius nō percipiāt. Sic lux illa verbum in carne radios suæ doctrinæ sparuit inter infideles, quāuis illi aperire oculos mētis noluerint vt fidem reciperent, & salutem consequerentur. Alij sic exponunt, *lux in tenebris lucet*, Verbum apparuit in carne mortali & passibili, in similitudine carnis peccati; & tamen omnes inferni potestates non potuerunt prævalere contra illud. Alij lucem Christum, tenebras animam & naturam nostram, quæ quantumuis illuminetur, & Christus in ea luceat; tamen comprehendere non possit, sed semper eius comparatione tenebræ maneat. Alij lucem verbum ipsum, tenebras carnem : lucem i. diuinitatem in carne luxisse, nec eam tenebras carnis comprehendere, i. obscurare potuisse. Alij lucem diuinitatem, tenebras res vniuersas, in quibus luxerit,

nec

620 MANVALE IN EVANGELIVM

nec tamen eum comprehendere, i. inquinare potuisse: vt sol sordibus non inquinatur. Alij lucem Christum, tenebras peccata, quæ illum non comprehenderunt, 1. Pet. 2. quia peccatum non fecit. Alij lucem Christi diuinitatem, quæ cum luceret omnibus rebus, & posset ex illis cognosci, Rom. 1. 19. & Sap. 13. tamen homines, qui tenebræ erant, non cognovisse. Alij lucem Christum, & eius doctrinam; tenebras homines qui in peccatis, i. in tenebris erant. Bonitate sua omnes prorsus homines volebat illuminare; homines autem malitia sua oblatam ab eo lucem recipere noluerunt. Orig.

6. *Fuit homo missus à Deo, cui nomen erat Ioannes.*] Dixerat Euangelista, de iis, quæ ad diuinitatem verbi spectant; iam de verbi incarnatione dicturus, sermonem de præcuratore interserit. Cyr. tanquam testem eorum quæ dicta essent citari putat; ideoque dici hic, *venit in testimonium.* Alij quia dixerat tenebras i. Iudæos lucem non comprehendisse, i. Christo non credidisse: adiungit nunc Deum ex parte sua, ea media ob quæ credere illi, & cognoscere potuissent, non prætermisisse: misit enim hominem, cui nomen erat Ioannes, cui munus hoc à Deo iniunctum erat vt populum disponeret, & eo præparato indicaret Christum: ac de ipso redderet testimonium. Alij quia Ioannes sex ante Christum menses natus est, & aliquando priusquam ille baptizare & prædicare cœpit, antequam de Christi natiuitate agat, de Ioanne agit. Dicit ergo à Deo missum, vt commendet eius testimonium. Missus autem dicitur, non quasi tunc cum prædicare cœperit, sed cum primum est in vtero conceptus; vt colligitur

colligitur ex Græco *ἐγένετο* extitit, natus est. Nomen expressit, quia ad fidē facit historiæ, & quia illud commendat testem, cum significet Dei gratiam: illum enim qui gratiæ autor est indicare veniebat. Luc. i. ex Chrys. Et nota errasse Orige. qui dixit Ioannem non fuisse hominem natura, sed vnum ex Angelis cœlestibus, qui missus est, vt assumpto corpore testimonium perhiberet de Christo, & probat ex 3. Mal. ecce ego mitto *Angelum meum*. Et conuincitur ipsa voce, *Homo*. August.

7. *Hic venit in testimonium, vt testimonium perhiberet de lumine.*] Explicat officiū ad quod missus est Ioannes à Deo, nempe vt testimoniū perhiberet de luce, nempe Christo, ostendendo eum esse verum Messiam, verum Deum & hominem. Quæres quare Ioannes in testimonium venerit cum Christus dicat Ioan. 5. *Ego ab homine testimonium non accipio*. Respondet Chrys. non ideo venisse quod Christus, sed quod homines vt Christo crederent, eius testimonio indigerent. Quia in primo aduentu nō in maiestate, sed in paupertate, & abiectione venit. Zach. 9. Non contentus huius paupertatis præmonuisse per scripturas, voluit Deus testem quendā nobilissimū, sanctitate vitę celeberrimum mittere, qui sua voce Christum designaret: huic si non credant cui credent? Io. 5. 33. Misit insuper Iudæum vt Iudæis prophetias & scripturarum sensum de aduentu Christi aperiret, & ad eas intelligendas per pœnitentiam præpararet, vt veritatis lucē reciperent, & vt testimoniorum esset abundantia, & alij ob vnum, alij ob aliud crederent. Deus enim non necessaria tantum sed cumulata etiam media

622 MANVALE IN EVANGELIUM
media ad salutem exhibet. Chrysostom.

Vt omnes crederent per illum.] Hic finem testimonij exponit, nempe ut esset mediū quoddam, per quod Christum cognoscerent, & illi crederent. In quo indicat non Christi causā, sed Iudæorum imbecillitate & malitia, eius testimonium fuisse necessarium. Non dixit ut crederent in illum, quia Ioannes non erat in quem, sed per quem, credendum erat in Christum. Omnes; intellige, quibus missus est. Ioannes enim missus est soli populo Iudaico. ex Mat. 10. 4. & 15. Si autem illi non crediderunt ipsorum fuit culpa, cū omnibus illis missus fuerit, & sufficientem rationem dedit omnibus ad credendum. Chrys. & Beda.

8. *Non erat ille lux, sed ut testimonium perhiberet de lumine.*] Subauditur venit, missus est. Sciebat Euangelista, magnam Iudæos de Ioanne opinionem concepisse, cogitantibus ne forte esset Christus: ad cōfirmandam priorem sententiam adiunxit, *Non erat ille lux, sed ut testimonium perhiberet de lumine*, venerat, missus erat: non absolute dixit, *Non erat lux*, sed cum articulo, *Non erat ille lux* illa de qua dictum est, *Erat lux hominum, & lux in tenebris lucet.* Propterea ad distinctionem dictus est *lucerna* ardens. Nec obstat quod Apostoli dicuntur lux mundi: erant quippe, sed lux à luce Christo, qui eos fecit lucem. Sic Ioannes etiam lux fuit: sed quia hoc in loco comparatus est Christo ob id negatur esse lux. Sol ex seipso, luna non nisi ex sole lumen habet. Tantæ autem fuit sanctitatis, ut Christus credi potuisset. Nam non negamus de aliquo nisi quod ei aliqua ratione esse apparet. Theoph.

ERAT

Erat lux vera qua illuminat omnem hominem venientem in hunc mundum.] Dixerat Ioannem non esse lucem, sed quæ testimonium perhiberet de ea; huius rationem reddit ex proprietatibus lucis quæ Ioanni non conueniunt. *Erat* æternitatem indicat. *Vera*, quia non ab alio illuminatur, vt luceat, sed ex se lucet. *Qua illuminat omnem hominem venientem in hunc mundum*, non Iudæos solum sed & omnes gentes. Ioannes autem solos Iudæos illuminauit luce accepta ab alio. *Lux* cum articulo ponitur, vt excellentia personæ, quæ lux est, significetur. Rursus *vera* cum articulo est, vt insinuetur doctrinæ eminentiā, quæ ab hac luce defluit. q. d. erat lux illa, lux illa vera. Dicitur autem lux illa omnem hominem illuminare, quia sufficiens lumen, vt sol, diffundit vt omnes illuminet: & omnibus propositus est vt videant, Quod si qui non vident, solis defectus non est. Sic Christus in hoc mundo omnibus quidem hominibus quantum in se est, & ex efficacia lucis suæ lucet; si autem non omnes illuminantur, non est defectus lucis huius. Et sermo est de luce supernaturali, quæ est per fidem Christi, in quo est salus. Dicitur autem illuminare venientem in hunc mundum, quia sermo de illuminatione per fidem, quæ datur in hoc seculo, non in altero: vt Ioan. 3. Homines autem cum in mundo nascuntur venire in mundum dicimus. Dicitur autem *lux vera* metonymicè, quia quod facit lux ista vera in corporibus, id veriùs & perfectiùs ille in animis facit: quia veriùs ille animum illuminat, quam sol corpus. Sic dictus est vitis vera, Io. 15. non quòd verè & propriè vitis sit, sed quòd veriùs eos qui

624 MANUALE IN EVANGELIVM

qui in se credunt, quàm vitis palmites, nutriat & sustentet: & cibus verus, non quòd sit verè cibus, cum non panem, sed verum corpus suū nobis cibum dederit; sed quòd meliùs & veriùs animos nostros, quàm verus iste cibus quo vtimur corpora nutriat, Ioan. 6. 55. Qui nolunt hoc dono frui sibi ipsis imputent hanc cæcitatem ait Aug.

10. *In mundo erat, & mundus per ipsum factus est, & mundus eum non cognovit.*] Græcè, illud non cognovit, quia refertur ad verbum, non ad lucem. Huc vsque de verbo diuino duo dixit: vnū est quòd omnia per ipsum facta sunt: alterum quòd vita erat, & lux hominum, in tenebris lucens, ab eis non comprehensum: illud ratione diuinitatis, hoc ratione humanitatis habet. Hęc duo nunc confert Ioannes: de priori dicit, verbum illud, per quod omnia facta sunt, erat in mūdo, & mundus per illud factus est, & tamen ipsū mūdus non cognovit, nec ex præsentia cū in omnibus esset; nec ex operatione, cum omnia per ipsum facta sint. De posteriori dicet, venit in propria per carnem, nā sui non receperunt ipsum, quamuis visibile in carne venerit, & ad sua propria venerit. Et docet vnum alterius causam esse, q. d. quia mundus non cognovit ex sua præsentia & operatione, Verbum propterea venit in carne: vt 1. Cor. 1. Quòd dicit, Verbum *in mundo erat*, non tantum præsentia quædam significatur, sed conseruatio, gubernatio, & cooperatio cum omni agente, vt sit, permaneat, & operetur: vt Act. 17. Et quod dicit, mundus per ipsum factus est, non indicatur sola creatio, sed creaturarum varietas, perfectio, earum ordo & dispositio & harmonia.

harmonia. Ex his duobus mundus non cognouit, verbum in sua diuinitate. In duobus primis locis mundus significat molem sensibilem creaturarum. In tertio homines Deum ignorantes, quamuis aliqui semper fuerint fideles ante Christi aduentum: sed à maxima parte mundus nominatur; Quod mundus non cognouerit Verbum, vt distinctam personam à Patre, nec mysteriũ Trinitatis, erat excusatione dignum, nam per illa duo Trinitas non potuit cognosci vt probat Athan. lib. de cõmuni essent. Patris & F. & S. S. At verò mundus potuit aliquo modo cognoscere verbum ratione diuinitatis, quatenus vnus Deus, sapiens, æternus, primum omnium principium, omnia gubernans, & conseruans. Et quia sic non cognouit, ideo inexcusabilis est. Ro. 1. Quia ergo mundus nulla ratione cognouit verbum, ideo voluit in carne venire. Ita Tolet.

11. *In propria venit, & sui eũ nõ receperũt.*] Prosequitur alterã partẽ de verbo ratione carnis assumptæ. Vt igitur quatenus Deus est in mundo erat, & mundus eũ non cognouit, sic etiã ratione carnis assumptę venit in propria, & sui eum non receperunt. Per propria & suos, intelligit Iudæos, qui erant populus Dei, cui aduentus verbi promissus erat, qui ipsum expectabat, qui in ipsum venturum credebat, qui ipsum lege, sacrificiis, ceremoniis figurabat, qui à Prophetis prænuntiatus. Hi tamen ipsum venientem non receperunt, nec ei fidem adhibuerunt. Io. 5. auget culpam quòd proprius populus erat ille tot beneficiis affectus, & cæteris prælatus: & quòd non solum non cognouit, sed nec recepit, sed repulit. Per propria in quẽ vt venit per

De carnem

626 MANVALE IN EVANGELIVM

carnem assumptam, nec Iudæi nec Gentiles eum receperunt, mundum intelligit Aug.

12. *Quotquot autem receperunt eum dedit eis potestatem filios Dei fieri.*] Indicat quod alij quàm sui eum receperunt. q. d. Quamuis sui eum non receperunt, tamen multi eum receperunt, & erunt qui recipient, in eum credentes: quibus talis receptio fructuosa & honorabilis est. Nā data est eis potestas à verbo ut filij Dei fiant, & denuo nascantur ex Spiritu. Et talis potestas datur omnibus siue Iudæis, Græcis, barbaris; siue liberis, siue servis, Act. 10. Ro. 10. Gal 3. qui eum recipiunt per fidem, cæteris verò non. In quo indicatur gentium vocatio, Iudæorum verò reprobatio. Act. 13. Cùm dicitur, *Sui eum non receperunt*, non singuli Iudæi sunt intelligendi, nam à multis ex suis receptus est: sed à maiore parte fit denominatio: ut Luc. 14. *Quæres quomodo Christus iis qui se receperunt potestatem dedisse dicatur, ut fierent filij Dei, cùm iam recipiendo ipsum, filij Dei facti esset: nam ex Deo iam natos fuisse ait. Quid autem est aliud filium Dei esse nisi natum esse ex Deo? Cyril. ait Gentibus dedisse potestatem eo ipso quòd repulsum à Iudæis ad eas transtulit Euāgelium. Theoph. ait dedisse iam credentibus catechumenis potestatem, ut filij Dei fierent, cum baptizarentur, nam per baptismum homo regeneratur. Chrysost. & Aug. dicunt hominem non per solam fidem filium Dei fieri, nisi & charitas, & charitatis opera accedant. Ergo per fidem ius tantum & potestatem hominem accipere, ut filius Dei fiat, per charitatem fieri: & quia charitatem, nisi qui fidem habet, habere non potest, dedit potestatem filios Dei fieri iis, qui*

qui credunt in nomine eius. Cum iam credentibus loquebatur Christus, cum dicebat, *Diligite inimicos vestros &c. ut sitis filij Patris vestri, qui in cœlis est.* Mat. 6. Ex quo retellitur hæresis nostri tēporis de iustificatione. Theop. ait propriè eos dici filios Dei, qui potiuntur hæreditate filiorum in cœlo. Ro. 8. q. d. Dedit eis potestatem hæredes Dei, & cohæredes Christi, & suos fieri. Nam quos D. Paulus ad Ro. 8. filios futuros dixit, eodem cap. dixerat futuros hæredes. Greg. hom. 6. in Ezech. per potestatem, *ἰξουσίαν*, dignitatem, honorem, & excellentiam ait significari q. d. Dedit eis hanc excellentiam & dignitatem, ut filij sint Dei. Quid hac potestate altius? quid hac altitudine sublimius dici potest, in qua creatus quisque efficitur filius creatoris? S. Amb. & Aug. aiunt hanc particulam positam, ut hominum filiatio distinguatur à filiatione Verbi; quia natura non sunt filij, sed gratia. Verbum natura filius est, ob id non habet potestatem filiationis. Athan. ser. 3. contra Arian. dicit hanc potestatem esse gratiam, ut sint filij non ex natura sed ex gratia. Dices cum iusti in veteri lege, etiam filij Dei adoptionis essent, per fidem & gratiam Christi venturi, quid noui attulit Euangelium, cum dicitur eis, qui receperant. dedisse potestatem filios Dei fieri? Responderetur id verum esse, nempe tunc fideles iustos filios dici adoptionis Dei; tamen in figura: illorum enim adoptio figura erat nostræ adoptionis. Alij dicunt aliud esse filium esse, aliud habere statum filij. Infantes & pueri, filij sunt, tamen statum filij nondum habent. Status filiorum est libertas, & quod sint sui iuris, & possint pro arbitrio dis-

628 MANUALE IN EVANGELIUM

ponere de suis: quod non habent filij nisi ætate legitima. In lege iusti, filij veri erant, ut nos, tamen paruuli, ad Gal. 4. Statum nondum habebant, erant sub lege timoris, erant conditione quidem filij, sed statu serui: At in Euangelio per Christum remota est lex, & pædagogus, peruenit ad ætatem iustus, in Christo libertate donatus est: ob id statum filiorum Dei habemus, sed non completur adoptio in hoc seculo, quia mente iustus liber est, carne tamen seruit: in gloria autem consummatam ab omni peccato & miseria consequetur libertatem. Et ob id iustus dicitur expectare adoptionem filiorum, Rom. 8. non quod non sit filius in hoc seculo, sed quod nondum plenam consecutus est libertatem. Hanc potestatem nullus nobis auferre potest nisi nos ipsi ait Chrys.

His qui credant in nomine eius.] His, inquit, eam dedit potestatem filios Dei fieri, qui credunt in nomine eius. Gr. credentibus in nomē eius. Credere in nomen eius, est credere ipsū esse Christum verū in lege promissum, ipsum esse Dei filium qui venit ut nos redimeret. 1. Io. 5. Præpositio, in, dicit qui simul fide per intellectum, & charitate per voluntatem fertur in Deum. Aug. Serm. 61. de verbis Domini. Et ex hoc loco nihil habent hæretici in sola fide iustitiam ponentes; nam credentibus datur potestas, ut filij Dei fiant, non quod fides sola, eos tales faciat, sed Baptismus, per quem rectè suscipientibus infunditur gratia, & charitas, & cæteræ virtutes, in quibus vnā cum fide tanquam fundamento cæterorum, formalis iustitia consistit. 1. Ioh. 5. Vbi docet Deum in illo manere, non qui credit, sed qui diligit. Aug.

13. *Qui non ex sanguinibus, neque ex voluntate carnis, nec ex voluntate viri; sed ex Deo nati sunt.*] Declarat quare isti sint filij Dei, & dicit quia non vt prius carnali generatione, seu ex sanguine, & concupiscentia carnis, & viri; sed ex Deo nati sunt; idest habent alium partum dissimilem naturali, per quem ex Deo nascuntur. Ideoque filij Dei sunt, vt Ioan. 3. Enumeratur omnia quæ in generatione naturali reperiuntur. Ex sanguinibus nasci commune est omnibus hominibus: nam omnes formantur ex sanguine, vt ex materia, tam virili quam muliebri: sed quidam ex inhonesto concubitu: & ij dicuntur nasci ex voluntate, seu ex concupiscentia carnis. Alij ex viri voluntate nascuntur, qui ex iusto, & honesto: Et hi, & illi quamuis cura peccato, & ex peccato nati sint, possunt nasci ex Deo, & esse filij Dei. Alij dicunt, *non ex sanguinibus*, nihil esse aliud quam nõ humano more, non ex viro, non ex femina; sed ex Deo, idest spiritualiter, non corpore sed animo, i. renouari spiritu mentis. Eph. 4. 2. Cor. 4. & vno verbo iustificari non fide sola, sed fide simul & charitate, quæ Christiani hominis est anima. Quod etsi plerumque baptismo fit, vt Ioan. 3. & ad Tit. 3. tamen & ante baptismum aquæ, per baptismum, quem vocant, voti, & post baptismum per pœnitentiam fieri solet.

14. *Et Verbum caro factum est.*] Tacite locutus est de verbi aduentu, dicens Verbum lucere in tenebris, & in propria venisse. Nunc modum aduentus explicat. *Verbum*, inquit, *caro factum est.* Et hæc verba sunt causa eius quod prius dixit, *dedit eis potestatem filios Dei fieri, iis qui credunt*, in ipsum, quia Verbum ca-

630 MANUALE IN EVANGELIUM

ro factum est. Nam si filius Dei filius hominis factus non fuisset, utique homo non factus esset filius Dei. Particula, & pro, quia. Posset aliquis dicere, Quomodo qui ex sanguinibus, & ex voluntate carnis, & voluntate viri natus est, fieri potest filius Dei? Respondet ipse, nolite mirari, quia Verbum caro factum est, & verus filius Dei factus est homo, ex carne & sanguine; maius est hoc, & illo mirabilius, & dignius. Est autem cum articulo verbum, ut insinuet illud idem esse de quo dictum est, *in principio erat, & apud Deum* &c. Illud internum, non illud per quod locutus est nobis, quod improprie Verbum est. Hoc idem caro factum est. Caro pro toto homine, ex anima & carne, ut idem sit ac Verbum homo factum est. Pars pro toto. Et nomine carnis potius usus est, quam hominis, ad demonstrandam Dei benignitatem, qui se ad carnem usque demiserit: & ne incredibile putaretur homines Dei filios fieri; non dixit Verbum venit in carnem, ne sic Verbum in Christo esse intelligeremus, sicut est in prophetis, & iustis per lumen prophetiae, aut per gratiam. At in hoc quod Verbum factum est caro, unio realis duarum naturarum, verbi & hominis in una persona significatur, secundum quam dicitur, Deus est homo, & homo est Deus. Quod in illis coniunctionibus dici non potest. Nec dixit, Verbum carnem assumpsit, quia hæc verba magis declarassent ad quam dignitatem euecta esset caro quam ad quam vilitatem abiectum esset Verbum. Quot hæreses ex his verbis ortæ sint vide apud Tol. Maldon. & Ians.

Et habitavit in nobis.] Conuersando, conuiuendo,

uendo, commorando vt vnus ex nobis. Bar. 3. Zach. 2. ne quis existimet hanc carnem à verbo assumptam absconditè, vt à nemine videretur. Vel hoc dixit vt gradum faceret ad id, quod erat dicturus, quia volebat dicere se vidisse, & testem eius rei oculatum esse. Vox Græca sumpta est à tabernaculo, quasi fecerit tabernaculum inter nos, quia commoratus est nobiscum, & conuersatus est, tanquam indigena in patria sua, vel potius tanquam hospes, & peregrinus in aliena, apud nos tātum ad tempus habitasse significetur: vt non esset oculis hominum aspectabilis permansurus, sed opere consummato reuersurus ad Patrem. Io. 16. Heb. 13. 14.

Et vidimus gloriam eius, gloriam quasi vnigeniti à Patre.] Gr. spectauimus velut rem nouam, attentè contemplati sumus, quasi in aperto, quasi in theatro, palam: ne quis dicat, quomodo scis Verbum factum carnem, & habitasse in nobis? Vidimus oculis nostris. 1. Io. 1. & 2. Pet. 1. q. d. Non ita factum est caro, vt eius maiestas planè obscureretur, multis se indiciis ostendit. Et fortè alludit ad transfigurationem, cuius spectator, & testis fuit, vbi suam illi gloriam aperuit, non vulgarem quasi meri hominis, sed quasi vnigeniti, i. filij naturalis Dei: qui vnicus est, cū sint multi adoptionis filij. Vel ad miracula, prædictiones, cognitionem cogitationum ad doctrinam refert; quibus suam diuinitatem quoquomodo declarauit, vt Io. 2. & 11. Illud, *quasi*, tanquam, sicut, non hic similitudinem denotat, quasi alius sit vnigenitus, cui similis sit in gloria, sed veritatem, i. gloriam, qualem filium Dei habere decet. Ex Chrys. & Greg. vt si diceret, incedit quasi Rex; id est vt

652 MANVALE IN EVANGELIUM

regem decet: vel fecit sicut vir bonus, non significatur eum virum bonum non esse: ut ad Eph. 2. *Vt filij lucis ambulate*; i. ut congruit filiis lucis. Moyses in lege danda, in tanta gloria, & splendore apparuit, ut non possent filij Israel in eum intendere, Exod. 34. & 2. Cor. 3. Sic Christus Euangelium daturus apparet in gloria. At multò maior gloria hæc est, quàm illa, ille servus, hic Dominus. Quod insinuans Ioannes ait, gloriam, non Angeli, non Moysis, non alicuius prophetæ, non servi, sed ipsius filij vnigeniti à Patre, idest, Patris, aut eius, qui vnus à Patre genitus, seu qui vnigena à Patre est. Ex Chryl.

Plenum gratia, & veritatis.] Postquam reddidit testimonium de verbo carne factò, & habitante in nobis, nunc duos huius incarnationis effectus refert. Nā hæc verba non ad Ioannem qui testimonium perhibet de ipso, referuntur; sed ad Verbum quod caro factum est: ut sit sensus, plenum erat hoc Verbum, caro factū, gratiæ, & veritatis. Et plenum sic dicitur ab effectu, & redundantia in nos, quia nobis gratia & veritatem communicauit. Et hi duo effectus respondent aliis duobus suprà dictis, Vita & lux erat. Gratia ad vitam, veritas ad lucem refertur. Plenum ergo erat gratiæ, quia nos gratificauit, ad Eph. 5. Plenum veritatis ut figuris opponat, vel propter doctrinam, quia viam salutis docuit, & secreta diuinitatis aperuit, quæ solus Christus facere potuit. Et hæc plenitudo redundantia promanauit non solum ex affluentia diuinitatis, quia Deus erat; sed etiam ratione humanitatis, quæ plena fuit omnibus Dei donis, virtutibus, & gratiis, tanquam omnium caput,

SECUNDVM IOAN. CAP. I. 633

caput, à quo in reliqua membra omnis gratiæ
vbertas deriuata est. Et hi effectus ad Euange-
lium pertinent, non ad legem. Hinc intelli-
gitur quid discriminis inter beatam Virginem,
Ioannem Bapt. & Stephanum fuerit, qui etiam
pleni fuerunt gratia Luc. I. & 28. Act. 6. Quia
in Christo fuit infinita, & per se; in aliis finita,
& per participationem. Plenum aqua mare,
plena ex mari flumina, pleni fontes. In Chri-
sto plenitudo fuit vt in capite Ecclesiæ. Ex
Orig.

15. *Ioannes testimonium perhibet de ipso, &*
clamat dicens.] Testimonium dedit Euangeli-
sta de verbo carne factò, sumpto testimonio
ex gloria eius quam viderat quasi vnigeniti à
Patre. Nunc confirmat hoc idem testimonio
Ioannis Baptistæ, qui etiam diuinitati Chri-
sti, & effectibus aduentus eius testimonium
perhibuit. Gr. & clamauit publicè & liberè, &
constanter vers. 20. Fuit autem conueniens
eius vt testimonio, & quia ad hoc venerat, &
quia magnæ erat authoritatis apud Iudæos.
Fortè dixit, *perhibet*, quia eius semper manet
testimonium. Et *clamat* cum libertate, quia
erat vox clamantis, Isa. 40. Et quia initium hi-
storiæ ab hoc testimonio sumit. Alij Euangeli-
stæ quæ ante baptismum gesta sunt, & quæ
Ioanes ante baptismum testimonia perhibuit,
scripserunt. At noster Ioannes, à testimonio
Ioannis post baptismum exorditur, & quæ
Christus ab eo tempore vsque ad carcerem
Ioannis gessit, & ab aliis Euangelistis omittun-
tur, recenset. S. Thom.

Hic erat quem dixi: Qui post me venturus est,
ante me factus est, quia prior me erat.] Hunc

D d. 5.

Ioan.

634 MANVALE IN EVANGELIVM

Ioannes ordinem seruauit in testificando de Christo, ut prius venturum annuntiaret, deinde quem venturum prædixerat præsentem velut digito demonstraret. Quando autem hæc verba Ioannes Bapt. dixerit patet ex vers. 29. dicens, *Ecce agnus Dei*; sed hoc loco retulit per anticipationem. Verba autem quæ sequuntur, *Qui post me venturus est, ante me factus est*, dixerat antè, cum ipse putaretur esse Christus, & an re vera esset interrogaretur, ut vers. 23. patet, & Mat. 3. Mar. 1. Luc. 3. *Qui post me venturus est*, i. qui post meam prædicationem apparebit, & manifestabitur. Gr. qui venit aut qui veniet, *ἐρχόμενος* præsens pro futuro: quia cum hæc dicebat Ioannes nōdum Christus ad ipsum venerat ut apparet Mat. 3. Mar. 1. Luc. 3. Et solet præsens pro futuro poni: ut Mat. 17. *Elias venit*, i. venturus est, loquitur enim hic non de aduentu Christi per natiuitatē in mundum, quasi post Ioannem venisse dicatur, quia sex post illum mensibus natus est, non enim dixisset *ἐρχόμενος* qui veniet, sed qui iā venit, iam enim Christus natus erat, cum Ioannes hæc diceret, & tamen loquitur de futuro; sed loquitur de prædicatione & ostensione. Nam tunc venisse dicitur cum se mundo per prædicationem manifestauit. q. d. Ego illum prædicando præcedo, non quòd illo maior, sed eo ipso quòd illo minor sum. Propterea enim prius quàm ille veni, idest prior cœpi prædicare, ut tanquam eius minister viam ille præpararem, quia vox clamantis in deserto eram. Ille Christus, ille liberator quem mea voce prædicabam: Vel sensus est, *post me venit aut venturus est*, i. in minore apud homines habetur honore: sicut dicit

cit *Ante me factus est*, i. mihi pælatus, maiore quàm ego habitus honore. q. d. Etsi nunc mihi hominũ opinione postponitur, paulò pòst cùm sese magis patefecerit, anteponetur, erit gloria & splendor eius maior: vnde ab omnibus plaris fiet. Vnde dixit, *illum oportet crescere, me autem minui* Io. 3. alludens ad consuetudinem seruorum, qui non solent Dominos præire sed subsequi. Causam autẽ subdit, *Quia prior me erat.* seu potior & præstantior, maior & antiquior: erat enim Deus: non ergo mirum si mihi præferendus est, & eius gloria maior futura quàm mea, cùm sit verè me maior, vt pote Deus & homo. Et hoc potest de naturæ præstantia intelligi. q. d. Propterea mihi prælatus est, quia reipsa ac natura sua, multò præstantior, multò maior, multò melior me erat. Quod dixit *prior me erat*, cæteri Euang. dixerunt, *fortior me est*: non solum quia in se maior est, sed quia maiora faciet, nempe peccatũ delebit, dẽmonem superabit, mortem destruet, mundum saluabit, diuina opera faciet. Chrys. & Aug.

16. *Et de plenitudine eius omnes accepimus.*] Baptistæ testimonium prosequitur. q. d. Dixi prius illum me esse priorem & præstantiorem, nunc dico etiam omnibus esse priorem, nam de plenitudine eius nos omnes accepimus. Magna confessio: fateetur non solum se sed omnes præsentes, & eos qui præcesserunt Patres de plenitudine Christi quidquid boni in eis fuit accepisse, vt 1. Cor. 10. quo testimonio supra omnes esse palàm confiteretur. Cyril. l. 1. cap. 20. Chrys. hom. 23. Hæc & sequentiã vsque ad alterum Ioannis testimoniũ tanquam

636 MANVALE IN EVANGELIUM

verba Evangelistæ legunt, ut sit plenior sententia. Nam si Baptistæ sint non videntur posse intelligi nisi de Ioanne, & cæteris. Prophetis, qui Ioannem præcesserant, & de verbo ante incarnationem; cum multò maiorem in omnes homines gratiam verbum iam incarnatum effuderit. Et sic apparet quam latissimè sententiam extendi. Accedit quod statim sequitur; *Lex per Moysen data est, gratia & veritas per Iesum Christum facta est.* Quibus verbis apparet de sola gratia novi testamenti esse locutum. Cum ergo Evangelista dixisset: *Et habitavit in nobis plenum gratia, & veritatis,* pergit nunc de eadem agere: & docet nos omnes de illa accepisse. Indicant hæc verba. 1. Omnes præter Christum participatam habere gratiam. 2. Neminem eam ipsam ab alio accepisse quàm à Christo. 3. Neminem tantum accepisse quantum Christus. 4. Illam plenitudinem Christi omnibus esse propositam, ut quicumque vellent de ea acciperent: apertum esse illum thesaurum, illum fontem, Isa. 55.

Et gratiam pro gratia. Refert causam cur dictum sit, *de plenitudine eius omnes nos accepimus.* Et gratiam, inquit, omnes accepimus pro gratia, quia ipsius Christi gratia nos omnes gratiam accepimus, & per eam facti sumus grati Deo, ut Ro. 1. Fuit enim Christus ita gratus Deo Patri, ut sua gratia nobis meruerit, & consecutus sit gratiam. Eph. 1. *Gratificavit nos in dilecto filio suo.* Coniunctio &, hanc causam insinuat, vel est emphatica. q. d. non solum doctrinam, non solum legem Evangelicam, vel olim Iudæi legem veterem, sed & gratiam accepimus, quod amplius est. Et sic Chry. & Cyril. priorem

priorem gratiam Euangelium, posteriorem legem Mosaicam interpretantur. Alij pro gratia Christi, quæ plena, & immensa erat, gratiam non immensam, sed ad mensuram accepimus. Aug. gratiam huius vitæ per fidem, & charitatem pro gloria alterius: quæ quia ex gratia manat, etiam gratia dicitur. Alij gratiam pro gratia, i. gratis, aut gratiam non pro natura, sed pro gratia. Alij omnem gratiam aut cumulatam gratiam. vt Iob 2. *Pellem pro pelle*, i. omnem pellem, omnes facultates suas, quæ tunc in pellibus & pecoribus suis erant. Alij dicunt hunc esse sensum, accepimus gratiam pro gratia, i. non omnes eandem, sed diuersi diuersam. Etsi eam, quam vnus accepit, non semper accipit alius, tamen loco eius accipit aliam: diuisiones enim gratiarum sunt. 1. Cor. 12. & Ro. 13. & Eph. 4. 7.

17. *Quia lex per Moysen data est, gratia & veritas per Iesum Christum facta est.*] Probat nunc omnes accepisse gratiam de plenitudine Christi. Sunt qui putant hæc verba, esse Baptistæ, alij Euangelistæ: qui sicut prius cum Ioanne Baptista, ita nunc cum Mose Christum comparat, vt eius supra omnes homines excellentiâ ostendat. Vel causam reddit cur dixerit, *de plenitudine nos omnes accepimus gratiam pro gratia*: poterat enim aliquis dicere, quid ergo, num antea gratia non erat? Respondet nondum fuisse allatam, nondum fontem eius apertum. Nam lex quidem data erat, gratia non erat. Remouet Ioannes homines à lege, in qua Iudæi multum confidebant, & ad Christum auctorem gratiæ adducit. Et attendenda vis verborum per antithesim. i. inter gratiam & legem quasi in-

ter

638 MANVALE IN EVANGELIUM

ter animam & corpus. 1. Cor. 3. Lex iubebat non iuuabat. Gal. 3. & per legem cognitio peccati, non remissio. Ro. 3. & 7. Gratia verò anima legis est, quæ vim illi dat vt seruari possit, Spiritus autem viuificat. Ro. 8. 2. Inter veritatem & eandem legem : nam præceptis legis gratiam, ceremonijs & figuris veritatem opponit. 3. Inter Christum & Mosem, quasi inter Dominum & seruum, inter legislatorem & præconem legis. Præco legem promulgat, legislator dispensat : quod est soluere à reatu legis, i. gratiam facere. 4. Inter facere & dare. Mosem nō dixit fecisse, sed dedisse legem, indicans non auctorem sed ministrum fuisse legislatoris. De Christo autem non solum dixit dedisse, sed etiam fecisse gratiam : quia Moses acceptum ab alio, i. à Deo legem, & quibus dare iubebatur dedit ; Christus gratiam non accepit, sed fecit, quia ipse fons erat gratiæ. Ex S. Tho.

18. *Deum nemo vidit vnquam : vnigenitus qui est in sinu Patris ipse enarravit nobis.*] Excluserat Moysen à veritate, sicut, & à gratia, tanquam eum qui gratiæ & veritatis auctor non fuerit : solum hoc posterius, de veritate videtur confirmare. Nam posset aliquis dicere Moysen vidisse Deum facie ad faciem ; potuit ergo veritatem nobis enarrare. Hoc reiicit dicens, *Deum nemo vidit vnquam* ; non solum Moses sed nec vllus alius : nemo igitur auctor veritatis esse potest, nisi is qui rem ipsam vidit. At vnigenitus ille cum articulo in sinu patris existens vidit, & nouit Deū. Ipse ergo enarrare potuit nobis veritatem Dei. Et ideo præter alia accepimus de eius plenitudine etiam
verita

veritatem, & ipse eius auctor est. Tunc autem præcipuè enarrauit quando factus homo eam perfectè patefecit. De plenitudine ergo eius accepimus gratiam & veritatem: gratiam quidem pro gratia sua; veritatem autem; quia per eum omnis diuina reuelatio facta est. & eam docere venit, quia solus vidit, & nemo alius. Alij putant rationem reddi cur gratia & veritas melior esset quam lex, atque perfectior: quia scilicet lex per Moysen data fuerat, qui Deum non viderat, gratia & veritas per Christum, qui Deum viderat. Alij Ioannem declarare, qua ratione ipse, & cæteri Apostoli de plenitudine Christi gratiam accepissent; ipso scilicet docente, qui in sinu Patris erat. Alij hæc non ad proxima, sed ad omnia quæ supra protulit de verbo, referri putant: quasi dicat Ioannes Euangelista, ea quæ de verbo dixi, non ex alio quam ex ipso verbo didici. Nam quis alius tam distinctè & clarè potuit enarrare, cum nemo Deum viderit præter ipsum? Dices quomodo verum sit neminem in hac vita vidisse Deum, cum Iacob viderit Gen. 31. Moyses Num. 12. Ex. 33. Isaias c. 6. Ezechiel c. 1. & 10. & Daniel c. 7. Quidam dicunt neminem vel oculis corporeis vidisse, vel comprehendisse. At nec sic homines beati, nec Angeli vident diuinam essentiam, & tamen Moyses vidisse Deum dicitur. Cum dicitur, *Non videbit me homo & viuet*, Ex. 33. opponitur visio ænigmatica perspicuæ. Alij ergo dicunt neminem in hac vita vidisse Deum, i. clarè & apertè eum alius in nube, alius in throno, alius in luctu viderit. Ariani ex hoc probant Christum non esse Deum: quia Apostoli & alij multi Christum

640 MANUALE IN EVANGELIUM

Christum viderunt. At non viderunt diuinam in eo naturam, sed humanam. Deus ergo dicitur videri multis modis. 1. non in se sed in operibus. Job 36. 1. in specie & figura corporea, siue à sensu, siue ab imaginatione, vt Gen. 32. Isa. 6. 3. per fidem vel aliquod lumē reuelatum. 4. per assumptam humanitatem. Io. 14. 5. in suamet essentia, aperte, & clarè. & hæc visio est beatorum, Mat. 18 & 1. Io. 3. *Videbimus eum sicuti est.* Et hoc modo dicit, *Deum nemo vidit umquam in hac vita.* Unigenitus dicitur Christus, & quia solus à Patre, & quia ineffabili modo natus. Sinus Patris est eius natura, non solus amor, vt dicunt Ariani; vel diuinitatis secretum: ex Chrys. quia consubstantialis Patri est. Dicitur enarrasse nobis, idest, omnibus hominibus: quia quantum in se, quæ ad eorum salutem spectabant, edocuit, ex Chrys.

19. *Et hoc est testimonium Ioannis, quando miserunt Iudæi ab Hierosolymis Sacerdotes & Levitas, vt interrogarent eum: tu quis es?*] Euangelista recenset & hoc. q. d. Aliud illustre testimonium quo confirmat quod paulo ante dixerat filium nobis, qui solus Deum viderat, hominibus enarrasse: vt incredulos Iudæos confundat & fideles confirmet. Qui miserunt erant primi Iudæorum de tribu Iuda, de qua futurus erat Christus: ideoque ad eos hoc negotium maximè pertinebat. Qui missi sunt erant Sacerdotes ex Hierusalem metropoli, quia hoc ad religionem spectabat. Interrogant: *Tu quis es.* Solent Hebræi mittentes aliquem verba quibus uti debet exprimere. Ex 3. 4. Reg. 4. & Io. 11. Chrys. & Theoph. astu quodam fecisse dicunt: insinuasse enim se paulatim & sensim.

sensim generalibus interrogationibus, quasi aliò tendentibus, ne ea de causa venisse viderentur, vt scirent, num ipse esset Christus. At probabile est primam interrogationem fuisse, an ipse esset Christus: nam hoc ex prima Ioannis responsione colligitur. Et verosimile est iustos fuisse legatos primum interrogare, num esset Christus. Et si se Christum esse negaret, rogare rursus, quis ergo esset. & posuit Euangelista vnā partem maximè generalem pro tota legatione. Vnde ea suspicio de Ioanne, num esset Christus, nasci potuerit, vide apud Lucam.

20. *Et confessus est, & non negauit: & confessus est: Quia non sum ego Christus.*] Vñtatus Hebraismus, quo id quod per affirmationem dicitur, per negationem repellitur; vt vers. 3. & 1. Io. 1. vt Iob 15. 4. Reg. 7. & 18. Idest discrete & constanter respondit quis esset. Alij, confessus est se non esse Christum: & non negauit se cum esse qui erat, i. vocem in deserto clamantem. Quod addit, *& confessus est: Quia non sum ego Christus*, est explicatio tantum confessionis tam præclaræ, qua voluit à se remouere opinionem illum. Greg.

21. *Et interrogauerunt eum: Quid ergo? Elias es tu? & dixit non sum.*] Quid ergo? vox admirationis est. quod se Christum esse negauisset, & illationis, Si tu non es Christus, ergo eris Elias, cum tua virtus non patiatur te communem esse hominem: vt si Christus non sis, saltem sis illius præcursor illustris. Accepto primo responso, fortè spe deiectionis calumniandi, quo se pro Christo ferret, alia quærunt ad calumniandum diuericula, si saltem se Eliam esse.

642 MANUALE IN EVANGELIUM

esse dicat: pertentant eius animum spe obiecta gloria. Cur potius interrogant an Elias sit quam alius Propheta, vide Mat. 16. & Mar. 11. & Mat. 11. de conuenientia personæ. Sciebant enim Eliam non esse mortuum, sed igneo curru eleuatum in cœlum. 4. Reg. 2. *Et dixit: Non sum?* At cur non dixit se spiritum, & officio Eliam esse? Fecit modestè: quia hoc erat honorificentissimum Eliæ personam gerere: sicque laudem à se remouit, dicendo verum, quòd reipsa non erat Elias. Christus affirmavit quod erat Elias officio in virtute, & spiritu, ex Greg.

Propheta es tu? Et respondit: Non.] Tertiam adhibent interrogationem, an esset ille insignis cum articulo Propheta, quem Iudæi errantes putabant futurum tempore Messiae, ab eo distinctum; sicut & nunc existimant. Ex Deut. 18. cum non alius eo loco quam Christus promittatur. Alij putant interrogasse an esset Propheta, non quilibet sed aliquis ex antiquis, siue Eliam, siue Ieremiam, siue alium ex Prophetis, vt Mat. 16. Luc. 7. Vel generalis est interrogatio an Propheta sit, i. an à Deo missus, vt Prophetæ fungatur officio: an habeat Spiritum Prophetiæ. Christus dixit quod Ioannes erat plusquam Propheta. At Ioannes volens sese deprimere, & extenuare, negat, quia officio non erat; virtute & gratia Propheta erat. Officium Prophetarum erat Verbum Domini antequam caro fieret, carnem assumpturum esse, verbis præsignare, factis præfigurare. Ioannes id non fecit, nec quicquam prædixit: habuit tamen aliquam partem Prophetici Spiritus, quia à Deo missus est vt Propheta.

Propheta. Et quia plebem docuit, reprehendit, hortatus est ad poenitentiam, ad Deum adduxit. Vnde dixit *Zacharias*, & tu puer *Propheta altissimi vocaberis*. Non dixit, prophetabis futura; sed praebis ante faciem Domini parare viam eius. Luc. 1. ex S. Aug.

23. *Ego vox clamantis in deserto.*] Antedixerat quis non esset: iam quis sit declarat, & ex multis titulis eum sibi tribuit qui erat humillimus. Non se doctorem, iudicem, praecorem, praecursorem, sed vocem vocat, quasi sonum, aërem, rem vilissimam. Vide totum hunc locum expositum apud Mat. 3.

24. *Et qui missi fuerant erant ex Phariseis, & interrogauerunt eum, & dixerunt ei.*] Hæc verba indicant percontationem, quæ sequitur à Iudæis mittentibus non fuisse his legatis iniunctam, sed id tantum vt quis esset intelligerent. At quia missi Pharisei erant, legis zelum præ se ferentes, ideo non vt legati, sed vt superstitiosi interrogant, *Quid ergo baptizas?* quædam enim legis transgressio Ioannis Baptismus eis videbatur: vel quia hanc Ioanni gloriam inuidebant: vel quia illi callidi & vafri ad hoc solū missi fuerant, sed non continuò interrogaerunt quā potestate baptizaret, sed primū an esset Christus, deinde an Elias, postremò an Propheta, vt obiecto splendore gloriæ ad confutandum aliquid de se magnum allicerent, vnde eius accusandi occasionem acciperent, & quasi per cuniculos quosdam in eius animum subirent. Euthymius curiositati tribuit hanc interrogationem: quæ hæreticis maximè propria. Putant alij Phariseos hæc habuisse traditionē, vt nemini baptizare liceret, nisi Christo

644 MANUALE IN EVANGELIUM

& Prophetis : ideoque dixisse Euangelistam eos fuisse Phariseos. De his vide Mat. 3. 11. & vers. 27. ubi vers. 26. explicatur.

28. *Hac in Bethania facta sunt trans Iordanem ubi erat Ioannes baptizans.*] Locum describit, in quo hoc insigne Ioannis testimonium factum est ad augendam fidem historiae, & ut libertas in dando testimonio de Christo significaretur : qui non Dominum in angulo, sed palam perhibuit. Nam locus ille erat publicus, ubi erat Iordanis transitus. Non Bethaniam sed Bethabaram legendum putat Orig. tom. 2. Vide Mat. c. 4. Ex aliis Euangelistis, colligitur Ioannem hic praetermisisse baptismum, ieiunium, & tentationem Christi, dum totus in eo erat ut quibuscumque non suspectis testimoniis Christi diuinitatem probaret : & quasi, dum aliud volat, humana illa praetermittit. Ex Ioanne etiam intelligitur quid alij Euangelistae omiserint, nempe Iudaeorum legationem, & illud tam insigne testimonium.

29. *Altera die vidit Ioannes Iesum venientem ad se, (7 ait.)* Tertium testimonium Ioannis recenset Euangelista. Graec. Postridie eius diei, quo legatis Iudaeorum responsum scilicet dedit. Alij non altera die sed die tertia scilicet a legatione dictum putant. Itaque hoc loco videtur Ioannes quae quatuor continuis diebus gesta sunt quibus Christi diuinitas probatur, narrare. Primo die Ioannes Bapt. a legatis interrogatus insigne de Christo testimonium dedit. Secundo de quo nunc agitur, aliud etiam apertius non interrogatus dedit. Tertio idem confirmavit, & declaravit vers. 35. Quarto ipse Christus in Cana Galilaeae praeclearo miraculo suam.

suam diuinitatem patefecit cap. 2. Ex quo intelligitur hæc omnia quæ hisce quatuor diebus facta dicuntur, multis diebus post baptismum accidisse. Nam Christus post baptismum in desertum secessit, vt alij referunt Euangelistæ, & 40. ibidem diebus ieiunauit, quod totum tempus inter hos quatuor dies vt minimū intercessit. Aliquantò etiam plus, nam iam prædicare cœperat, cum aliquos collegit discipulos, qui cum eo in nuptiis fuerunt, cap. 2. Quanquam nondum Apostoli vocati erant, vt patet ex vers. 39. Quomodo ergo Ioannes dixit suprâ vers. 17. *Ipse est qui post me venturus est*? Si enim iam baptizauerat, iam utique venerat. Respondetur nondum venisse quia etsi baptizatus erat, tamen nondum quis esset baptizando & miracula faciēdo declarauerat. Non minor difficultas est quòd alij Euangelistæ, *Post me venturus*, est antequam Christus baptizaretur Ioannem dixisse referunt; Mat. 3. Mar. 1. Luc. 3. Dicendum aut bis id vel etiam sæpius Ioannem dixisse; primū communiter omnibus qui ad baptismum confluebant, deinde legatis Iudæorum: sicut etiam his dixit, *Ecce Agnus Dei*: vt ex hoc loco & ex vers. 36. patet. Quare ex dictis apparet hanc diem, de qua hic agit, non esse diem qua Christus baptizatus, vt putat Origen. nec postridie quo Christus rediit à deserto, vt Theoph. Græc. videt Ioannes Iesum venientem ad se. Quia magis expressam sententiam ante oculos ponit. Cur autem Christus ad Ioannem venerit incertum: nam non veniebat vt baptizaretur: multis enim antè diebus fuerat baptizatus, vt s. d. Ideo quidam dicunt venisse, vt Ioannes de illo

646 MANUALE IN EVANGELIUM

illo hoc testimonium daret, ne qui eum ante baptizari viderant, quasi peccatorem baptizatum putarent, ut Chrys. & Theoph.

Ecce agnus Dei ecce qui tollit peccata mundi.] Ioannes Christum baptizauerat: ne autem putaretur baptismum ut cæteris illi fuisse collatum, remouet hanc suspicionem cum dicit, eum peccata mundi tollere. Vox *ecce* demonstrat personam q. d. sæpe dixi vobis, post me veniet, medius vestrum stat; nunc quis sit iste vobis digito demonstro. Relatiuam etiam vim habet *ecce*, q. d. Vobis, ut dixi, peccata non remittebam, sed vos in remissionem peccatorum per Christum faciendam baptizabam. Ecce hic est qui tollit peccata mundi. Alij dicunt alludere ad desiderium eorum, qui Christum videre & nosse cupiebant Ioannis moti testimonio. *Post me venturus est qui fortior me est, cuius non sum dignus corrigiam calceamenti soluere.* Ipse vos baptizabit in Spiritu sancto, & igni, q. d. Ecce quem tam ardentem videre desideratis. Agnum vocat alludens ad prophetias Isa. 53. Act. 8. Ier. 11. & ad antiqua sacrificia, quæ agnis sæpe fiebāt manè & vespere, quotidie. Et quia agnus innocentiam Christi referebat Ioa. 4. Hebr. 7. 1. Pet. 1. Apoc. 5. 6. 7. 11. 13. 14. 15. 17. 19. 21. & 22. Quasi hoc nomine Christum vocare delectetur. Dei autē Agnum vocat, quia à Deo oblat. Alij qui Deo offertur. Alij Dei, i. diuinum propter diuinitatem, quæ in eo erat. q. d. Ecce agnus non iam terrenus, sed diuinus: qui tollit peccata mundi, non Iudæorum tantum sed & omnium Gentium. Gr. peccatum i. omne genus peccatorum. Ideoque vsus est in præsentī *tollit*, non actum, sed naturam significans, qui penitus

penitus aufert, & delet omni tempore & loco.
Orig. & Aug.

30. *Hic est de quo dixi: Post me veniet vir, qui ante me factus est, quia prior me erat.*] Vir, pro quidam. q. d. Post me venturus est quidam alius maior me. Vel, vt Ier. 3. 31. Zac. 6. 12. 13. significatur Christi generatio, humana vel 30. annorum ætas completa, quæ propriè virilis dicitur. Quæ prius de absente Christo Pharisæis & ante etiam dixerat turbis, applicat Christo præsentem: vititur dictione *post* quia vt homo post Ioannem natus est.

Et ego nesciebam eum: sed vt manifestetur propterea veni ego in aqua baptizans.] Hic locus vsque ad vers. 34. explicatur apud Mat. c. 3. 14. quod de facie eum non cognoscebat. Hoc autem tacet, ne quis suspicaretur cognitioni, aut familiaritati & gratiæ datum esse, quod tam insigne testimonium de illo dedisset.

34. *Et ego vidi, & testimonium perhibui, quia hic est filius Dei.*] Hoc dicit vt tollat omnem suspicionem gratiæ. q. d. Non proprio motu, sed iussus à Deo testimonium perhibeo: vt vers. 33. *Qui misit me inquit baptizare in aqua, ille mihi dixit: super quem videris Spiritum descendentem, & manentem super eum, hic est qui baptizat in Spiritu sancto.* Hoc ipsum testimonium a Deo sibi datum signum se vidisse dicit, & non humanæ gratiæ, sed diuino beneplacito obtemperans, eius quod viderat, testimonium dedisse. Non declarat quid viderit: sed colligitur ex ijs quæ dixerat, nempe Spiritum sanctum post baptismum super Christum descendentem. Filium autem Dei non adoptione, sed natura appellat: quia & sibi & alijs Prophetis

648 MANUALE IN EVANGELIUM

Prophetis voluit anteponere, hoc titulo, ex Aug.

35. *Altera die stabat Ioannes, & ex discipulis eius duo.*] Gr. Postridie eius dici, quo Ioannes videns Christum ad se venientem dixerat: *Ecce agnus Dei*, & secunda die post Iudæorum legationem. Hoc enim est tertium testimonium ut s. d. *Stabat*, i. ad arcem perfectionis venerat à qua nulla tentatione deijci poterat, ait Beda: vel paratus erat ad exercendum officium, vel ambulabat Christus. Stabat verò Ioannes, quia non conveniebat ut Ioannes quæreretur Christum ne sic suum redderet suspectum testimonium; vel ut oculis defixis eum aspiceret, ex Chryl.

36. *Et respiciens Iesum ambulantiem.*] Gr. iniectis in eum deambulantiem oculis; forte ad se venientem ut iterum de se daret testimonium, quasi admirabundus, & stupore defixus: vel quasi oculis innuens gratiam quam habebat in Christo, ait Theoph.

Dicit: ecce Agnus Dei.] Dubitatur cur toties de Christo idem repetit testimonium. Respondent aliqui, quia auditores quod semel dixerat non satis intellexerant: vel forte cum hoc dixit alij erant auditores. Non longum facit sermonem quia vnum solum in studio habebat adducere eos, & Christo coniungere, ait Chryl.

37. *Et audierunt eum duo discipuli loquentem, & secuti sunt Iesum.*] Apparet non sine fructu hoc iteratum testimonium. Nam tunc fructus concionatoris patet, cum eius auditores non illum ipsum studio quodam curiositatis, sed Christum salutis desiderio sequuntur: cum
sæpius

ſæpius ad Sacramenta accedunt. Sunt qui putant plures tunc cum Ioanne eius discipulos fuiſſe, ſed hos duos tantum credidiſſe. Ipſos ſecutos animo ſequendi cum uſque ad hoſpiti-um, ut ſcirent ubi maneret. Ibi enim cum eo loqui volebant: nam interrogant: *Vbi habitas?* ut notat Chryſ.

38. *Conuerſus autem Ieſus, & videns eos ſequentes ſe dicit eis: Quid quaritis?*] Nondum fortè Chriſtus hos duos diſcipulos Ioannis corpore reſpexerat, ſed animo quidem & gratia, ſine qua à Ioanne, ideſt, à lege, & priſtinis moribus recedere non valuiſſent. Quos etiam corpore reſpexit quia bene gratia uſi ſunt, maiorem illis familiaritatem demonſtrans. In quo declarauit fruſtra nos illum ſequi, niſi ipſe ad nos ſe conuertat. Fortè ad eos ſe conuertit, & eos interrogauit quid quærerent, ut ad colloquendum eos timentes animaret. Quod non eſt Deum à nobis, ſed nos à Deo præueniri. Pf. 31. Iſa. 65. Ex Theoph.

Qui dixerunt ei: Rabbi, quod dicitur interpreta- tum, Magiſter, ubi habitas.] Magiſtrum vocant quia ab eo diſcere volebant, & eius eſſe diſcipuli: ut ait Chryſ. Cyr. Utinam ſic de ſummis fidei noſtræ myſteriis diſputaremus, in ſcholis dumtaxat, non in compitis, cauponis, menſis, ſed in Eccleſia quæ eſt Chriſti domicilium.

39. *Dicit eis: Venite, & videte.*] Arripit occasionem primam Chriſtus, quæ ad eorum ſalutem promouendam facere videbatur, & eos allicit ad colloquium, & doctrinam. Nulla mora interponenda in quarenda ſalute ſpiritu-ali. Oprarem ut hæretici vel ſaltem quærent ubi Chriſtus habitet, quæ vera eſt Eccleſia.

Ee Colligitur

650 MANVALE IN EVANGELIUM

Colligitur hinc Christum habuisse hospitium non domum ut Mat. 8. dicitur. Christus non dixit, ubi habitaret, sed illos inuitavit ut venirent & viderent: nam habitatio i. gloria Christi videri potest, comprehendi non potest, ut notat Beda.

Venerunt, & viderunt ubi maneret, & apud illum manserunt die illo: hora autem erat quasi decima.] A solis ortu, fortè in hoc causam redditur illo die manserint, quia iam inclinata erat dies: nec satis restabat temporis ut redire possent ad Ioannem. Vel ut notet quantū apud Christum māssissent, nempe per duas horas, & totam noctem. Nā Iudæi ab ortu ad occasum solis diem numerabant; & duodecim horis, & totidem noctem, diuidebant. Sunt, qui dicunt per duas horas mansisse, quod reliquum erat diei: Alij per diem naturalem, qui 24. horis cōstat. In quo non domum tantum notarū, ubi habitaret ut aliās discendi causa reuerterentur, ut illi putant; sed sitibundi biberunt ex fonte inuento, & didicerunt, illo ipso die Christum esse Messiam. ver. 41. Hinc intelligitur Christi charitas ad docendum, & ardor discipulorum ad discendum, quando & illo tempore quo coenare debebant, & ille docere voluerit & illi doceri. Quam beatum diem duxerunt, quam beatam noctem ait Aug.

Erat autem Andreas frater Simonis Petri unus ex duobus, qui audierant à Ioanne, & secuti fuerant eum.] Colligitur ex hoc loco Andream prius fuisse Ioannis discipulum quàm Christi. Et probabile est Petrum fratrem eundem habuisse præceptorem, sicut eundem postea Christum secuti sunt. Andream nominat, quia necesse

SECUNDVM IOAN. CAP. I. 651

cesse erat recensere quomodo fratrem suum Simonem etiam Christi discipulum fecerat. Alterius nomen tacet; fortè quia erat ipse Ioannes qui scribebat, qui solet suum nomen reticere: vel Iacobus Zebedei filius frater Ioannis, quia eiusdem artis erat & patriæ: vel quia alter ille vulgò notus non esset. Hac etiam de causa 70. discipulorum nomina non sunt edita. Luc. 10. Ex Chrys.

41. *Inuenit hic primum fratrem suum Simonem. & dicit ei: Inuenimus Messiam, quod est interpretatum Christus.*] i. discedens Andreas à Christo, cum quo vna manserat nocte, primus occurrit Simon: vel prior altero inuenit Simonem, quasi separati illum quærent arden- ti desiderio. Verbum est animi desiderantis, & expectantis Christi aduentum. Chrys. Hom. 17. Messias Latinè vnctus, Christus Græcè dicitur. Et est cum articulo, ad distinctionem aliorum, qui Messia propter vnctionem dicti sunt. Reti- nuit nomen Messia, vt venisse credatur ille idè qui expectabatur à Iudæis: nec se solum sed alios etiam inuenisse indicat: vel vt commune inuentum bonū fratri nunciet. Chrys. ait alium discipulum præsentem tunc fuisse cum hæc di- ceret, quia & suo, & alterius nomine loqueba- tur. Vnde autem cognouerat Andreas tam citò Christum esse Messiam, nisi ex colloquio ha- bito tota nocte cum Christo ipso eo die quo apud eum manserat? ex Chrys.

42. *Et adduxit eum ad Iesum.*] Fortè eum vi- dere cupientem: cui Andreas narrauerat quæ à Christo audiuerat, & Petrum inuitauerat vt ad Christum veniret; & Petrus sese sponte ob- tulerat, & rogauerat vt se ad illum duceret. Sed

652 MANVALE IN EVANGELIUM

hæc silentio præterit, & solum effectum describit, ne Simonem efficacia potius persuasionis Andreae, quam Christi iam occulta & secreta virtute trahentis, motum & excitatum putaremus. Adduxit autem ad Iesum à quo perfectè instruendum sperabat. In quo notatur fraterni amoris, & sinceri affectus officium, ut in spiritualibus inuicem adiuuemus: & prompta obedientia, & fides Petri, qui antequam Christum videret ad primum eius nuntium in illum credidit. Quamvis cum non statim verbis fratris credidisse, sed videre, & experiri voluisse an quæ diceret vera essent, & ideo ad Christum venisse dicat Theoph.

Intuitus autem eum Iesus dixit: Tu es Simon filius Iona, tu vocaberis Cephæ, quod interpretatur Petrus.] i. antequam Petrus ad se veniret, & colloqueretur, solo intuitu non tantum corporis sed animi, cognovit & cuius esset filius, & qui vocaretur, & quod est amplius, qualis & quantus futurus esset, ut ex hac anticipata vaticinatione suam illi indicaret divinitatem, & ad maiora credenda mysteria excitaret. Chrys. Aug. De mutatione nominis Petri, & quid nomen Cephæ significet, & an hoc vocetur Petrus ex nunc, an potius prædicat nominis impositionem, vide apud Mat. 16.

43. *In crastinum voluit exire in Galilæam, & invenit Philippum.*] Die insequenti manè, qui tertius post illum erat quo Iudæorum apud eum legati venerant, & illo ipso die quo nuptiæ in Cana Galilææ factæ sunt cap. 2. & Philippum vocavit, & à Iudæa in Galilæam migravit. Et quod dixit, *voluit*, significat Christum certo consilio & scientem, quod futurum esset,
in

in Galilæam exiisse, ut ibi se, ubi educatus fuerat, inciperet manifestare, ibi discipulos colligere, ibi docere, ibi primum facere miracula. voluisse in Galilæam ire ut ibi Philippum inueniret, ne casu inuenisse eum putaremus: aut voluisse cum iam solus non esset, sed duos, eosque Galilæos haberet Petrum & Andream, quibus ibi ut euentus docuit vteretur testibus, ac ministris ad alios discipulos trahēdos. Nam decreuerat omnes suos discipulos aut plerosque certe ex Galilæa vocare. Et neminem vocauit, nisi qui sponte sua non vocatus illum sequeretur: ne si ipse primus vocasset minùs esset stabilis, & vocatio suspecta appareret: ut ait Chrys. Inuenisse autem dicitur Philippum quasi ipsum quæsiuisset, quærebat enim non corpore sed animo, quo cum aptum ad Apostolatus officium esse sciebat: ut Ps. 88. 21.

Et dicit ei Iesus: Sequere me.] Vocatione exteriori Philippum ad se vocat: nec defuit interior tantò efficacior, quantò minùs instructus erat à popularibus suis, Ioanne, aut à Petro, & Andrea: Nec leuitatis fuit sequi Dominum, ut irridebat Iulianus, sed efficaciar verbi: alioqui appelleret Iulianus leuem Lazarum, qui quatrIduanus surrexit vnica voce Christi. Ex Hier. Mat. 9.

44. *Erat autem Philippus à Bethsaida ciuitate Andrea & Petri.]* Chrys. notat voluisse Christum ex illa potissimùm ciuitate tres primos Apostolos vocare, quæ maximè rudis, & contemptibilis erat: ut contemptibilia eligeret, & fortia mundi confunderet. Alij rationem reddi cur tam facilè Christum secutus esset, quia scilicet à Petro, & Andrea conciuibus suis di-

654 MANVALE IN EVANGELIUM
dicerat de Christo. Alij, vt significet quanta
Petri & Andreæ, & Philippi fides fuisset, qui ex
ea essent ciuitate, vbi incredulitas maximè re-
gnabat, & cui vix comminatus est. Mat. 11. vt
vbi abundauit malitia superabundet gratia, quæ
non meritis vocatorum sed vocantis benigni-
tati tribuatur. Cedebat etiam in opprobrium
Iudæorum: nemo enim ex tribu illa venit ad
Dominum ex qua nasciturus expectabatur:
sed ex terra illa nullum ferente fructum ait
Chrys.

45. *Inuenit Philippus Nathanael: & dicit ei.]*
Eodem fortè die, vel aliquantò post non casu,
sed diligenti studio conquisitum Philippus in-
uenit sibi familiarem, & amicum, vt tanti the-
sauri participem faciat. Vt Andreas fratrem,
sic Philippus lucratur amicum, breui tempore:
Sicque crescit Euangelium, paruo initio. Mat.
13. 31. Luc. 22. 49. Iac. 3. 5. Ex Chrys.

*Et dixit ei: Quem scripsit Moyses in lege, & Pro-
pheta, inuenimus Iesum filiū Ioseph à Nazareth.]*
i. inuenimus Messiam prædictum & promissum
in lege à Mose & Prophetis, quos citat, quia
Nathanael erat vir eruditus litteris Hebræo-
rum. Vocat filiū Ioseph, quia nondum erat
in fidei mysteriis plenè instructus, & vulgò pu-
tabatur filius Ioseph: & quia educatus Naza-
reth Galilæus, & Nazareus credebatur. Ex
Aug.

46. *Et dicit ei Nathanael: à Nazareth potest
aliquid boni esse?] Sciebat Nathanael Christum
venturum de Bethleem Iudæ, Mich. 5. audiens
autem esse à Nazareth Galilææ, obiecit, non
negando sed admirando potius, & dubitando:
A Nazareth aliquid boni esse potest? q. d. nihil
insigne*

insigne speratur, quomodo ergo de Nazareth exire potuit? vt Ioan. 7. Humilitatis verbum est, sed doctæ & prudentis. Ex Chryf. quia quamuis hoc videretur cōtrarium prophetiæ, reuera non erat, sed maximè conforme: nam oriundus est in Bethleem; conceptus, & educatus Nazareth, & vtrumque prædictum erat. Nouit vir doctus, & humilis rem difficilem, tamen non de genere earum quæ fieri non poterant: ob id admiratur & dubitans responder. Non sic hæretici, qui statim ac suo iudicio vnâ voculam non intelligunt, non illiteratum hominem, sed omnes doctores, & omnem antiquitatem contemnunt. vt notat Mald.

Dicit ei Philippus: Veni, & vide.] Non defuit Philippo humilitas, & prudentia, dum admiranti & dubitanti respondet; humilitas, dum non se in ea, quæ nescit, ingerit; prudentia, dum ad Christum verum doctorem venire inuitat, qui nodum soluet. Ex Chryf.

47. *Vidit Iesus Nathanael venientem ad se, & dicit de eo; Ecce verè Israelita, in quo dolus non est.*] Hoc Christus dixit quando proximus iam erat Nathanael, itaut verba eadem audierit. Non adulandi, aut solum eum laudandi gratia hæc dixit, sed vt occulta cordis eius manifestando iis, qui aderant, eum illuminaret, & ad fidem vocaret. Vocat verum Israelitam, i. legis illius obseruatorem: sicut nunc qui legem Christi obseruat dicitur verus Christianus. Simpliciter cordis laudat, dicens: *In quo dolus non est*, quia non vititur argutiis contra Philippum, sed admiratur potius, & credit posse fieri quod nunciabat, quamuis sacræ Scripturæ repugnare videretur, & accessisse ca-

656 MANVALE IN EVANGELIVM

lumniandi, aut contradicendi studio. Er quia carere dolo ad intimum cordis pertinet, ideo se scrutatorem cordium esse declarat. Ex Aug.

48. *Dicit ei Nathanael: Vnde me nosti ?*] Miratur quòd cordis occulta sibi reuelasset is cui de facie ne quidem se notum esse putabat. Poterat vel ex seipso, vt res erat, vel ex Philippo; aut alio eius familiari hoc scire. Vult igitur intelligere vnde id Christus nouerit. Nam si ex aliis, nihil mirum est; si ex seipso, certum signum est diuinitatis. Interrogat vt homo, Iesus respondebat vt Deus ait Chrys.

Respondit Iesus, & dixit ei: Priusquam te Philippus vocaret, cum esses sub ficu, vidi te.] Cognouit Christus quòd tenderet interrogatio Nathanaelis. Occulta ei duo Christus manifestat, i. Vidi Philippum te vocantem, & antequam te vocaret, quando eras sub ficu, ego te vidi: Et suspicionem remouet dicens se non ex Philippo, nec ex alio quopiam, sed ex sese ipsum cognouisse. Idque probat dum ea illi secreta patefacit, quæ neque Philippus, neque alius quisquam, præter ipsum Nathanaelem, sciret se fuisse eum sub ficu antequam eum Philippus vocaret. Chrys. & Theoph. sic intelligunt quasi Philippus Nathanaelem sub ficu repererit, inique eum eo de Christo fuerit collocutus: idque nunc illi Christus declaret. Cyr. & Aug. non fuisse Nathanaelem sub ficu repertum à Philippo, sed antequam eum Philippus inueniret, sub ficu fuisse solum, vbi neque Philippus, nec alius quisquam eum vidisset. Propterea enim confessus est Nathanael, Christum filium esse Dei, quia viderat se absentem in loco abdito, ac solo, fortè Scripturam sacram legentem,

rem, aut orantem ; vbi nemo præter Deum videre potuisset. Ficus, Adami peccatum significat. Dixit, *vidi te*, non noui te, vt significaret euidentem cognitionem, qualis est oculorum: & vt alluderet ad secretum locum vbi putabat Nathanael se à nemine videri. Ex Chrys.

49. *Respondit ei Nathanael & ait: Rabbi, tu es filius Dei, tu es Rex Israel.*] Magnitudine miraculi permotus Nathanael hanc mirandam confessionem protulit, qua & verum Messiam esse, & Christum promissum esse ait; insuper & doctorem, & magistrum. Ioel. 2. & filium Dei. Psalm. 2. Cum articulo, *tu es ille filius Dei*. Regem Israel vocat, quia de eo legerat prophetatum Zach. 9. Plura dicit quam à Philippo audierat: ille filium Ioseph, hic filium Dei: ille à Nazareth, hic Regem Israel vocat. Non dixit totius orbis, quia fortè non erat tanta fide instructus, vt crederet eum esse filiū Dei verum & naturalem, vt Petrus Matth. 16. vt putauit Cyr. sed eminenti quadam filiatione supra omnem adoptionem Angelorum, & hominum: quia sic eum Iudæi illi futurum putabant, quibus Trinitatis mysterium adhuc non erat reuelatum. Prophetis autem, & iis, quibus ex gratia reuelata erat Trinitas & Incarnatio, id notum erat. Ex Chrys.

50. *Respondit Iesus, & dixit ei: Quia dixi tibi, Vidi te sub ficu, credis: maius his videbis.*] Chrys. & Theoph. reprehensionem ait hoc esse Christi responsum fidei imperfectæ, vt cap. 20. 29. q. d. Modo quidem imperfecto credis quia vnum tantum vidisti miraculum, plura & maiora videbis, & tunc perfectè credes. Sunt qui laudem esse aiunt. q. d. Cum tantum in fide.

Ee 5 pro

658 MANV ALE IN EVANGELIVM

progressum feceris vno viso miraculo, quanto magis proficies pluribus visis maioribus? Sicque laudat, & hortatur ad spem maioris fidei. vt Cyril.

51. *Et dicit ei: Amen, amen dico vobis, videbitis cœlum apertum, & Angelos Dei ascendentes, & descendentes supra filium hominis.*] Exponit Christus quod dixerat, maius his videbis, & sermonē conuertit ad Nathanaëlē; & ad simul astantes, & dicit, videbitis Angelos mihi ministrantes. q. d. Magnum putas quia dixi tibi, *vidi te sub ficu*, & ideo me Regem confessus es, videbitis non tu solus, sed & vos, cœlum apertum, & illinc Angelos in ministerium meum descendentes, & rursus ascendentes: vt ex hoc ministerio sciatis me esse Dominum Angelorum, & Regem cœlorum, & verum Deum. q. d. vt plusquam hominē confiteamini. Per Angelos ascendentes, & descendentes, significat eorum ministerium vt Gen. 28. Cœlum verò apertum dicit, quia ascensuri & descensuri erāt vel tempore passionis, cum apparuit Angelus confortans eum, Luc. 22. Et in resurrectione duo in sepulchro visi sunt, Luc. 24. Sed hos Apostoli non viderunt. Vel cū post Baptismum cœlum est apertum. Et post tentationem Angeli illi ministrant. Ma. 3. & 4. Sed iam baptizatus erat cum hæc dixit. Alij ad Ascensionem referunt: nam Angeli in vestibus albis visi sunt. *Act. 1.* Alij ad diem iudicij, quia venturus est cum Angelis suis. Mat. 26. 64. quod est probabilius: nam tunc certissimum dabit signū suæ diuinitatis quando omnes homines, velint, nolint, cum confitebuntur esse Deum. *Supra*, idest, iuxta, sicut ministri Regiæ, Dominum exigunt:

SECUNDVM IOAN. CAP. II. 659

gunt: vel dixit *supra*, quia suum de cœlo aduentum describebat: in quo Angeli vt famuli secuturi sunt Christum. Cyr. l. 2. ca. 21. non ad visionem aliquam singularem hoc pertinere ait, sed ad totam Christi dispensationem. Nam in Ecclesia gubernanda vititur Angelorum ministerio, & Angelis fideles suos custodit: Angeli orationes deferunt; per eos illuminationes fiunt. Et in die iudicii descendunt ministraturi Christo, ascendent nuntia ad Patrem deferentes. Quæritur cur Nathanael cui tantum testimonium perhibuit filius Dei, inter duodecim Apostolos non inuenitur, quia volens superbiorum frangere ceruices, non quæsiuit per imperatorem piscatorem, sed de piscatore lucratus est imperatorem ait Aug.

CAPVT II.

*Mutat aquam in vinum in nuptiis; &
eiicit vendentes & euentes
de templo.*

1. **E**T die tertia nuptia facta sunt in Cana Galilææ.] Postquam declarauit mysterium incarnationis, & testimonium Baptistæ de Christo, recenset primum miraculum Christi, quo suam cœpit gloriam manifestare. Die tertia factam ait ab ea qua Christus redierat à deserto, vel ab ea qua Nathanael ad Christum à Philippo adductus fuerat, vel ab ea qua Christus in Galilæam ingressus fuerat. Porro Cana

Ec 6 duplex

660 MANVALE IN EVANGELIVM

duplex erat; vna minor in tribu Zabulon, non longè à finibus Asser; altera maior proxima Sido, Ios. 9. Et ad huius distinctionem illa dicta est Cana Galilææ, nempe inferioris: quæ quia vicina erat Nazareth, ideo ibidem erat mater Christi.

Et erat mater Iesu ibi.] Antequam Christus vocaretur: quasi reddens causam cur ad eas vocatus sit nuptias, quia scilicet iam ibi esset mater, prius, vt putandum est, inuitata, eiusque respectu & filius.

2. *Vocatus est autem, & Iesus, & discipuli eius ad nuptias.*] Q. d. Christum propter matrem, & discipulos Petrum, Andream, Philippum, & Nathanaelem, propter magistrum vocatos fuisse. De Ioseph non loquitur quia iam fortè obierat: Venit, vt se omnibus affabilem exhiberet, vt sua præsentia confirmaret & sanctificaret nuptias: & vt occasionem haberet edendi miraculi, vt suam diuinitatem declararet, & vt significaret de cælo in terram venisse nuptiarum causa, dum naturam humanam matrimonio quodammodo sibi copulauit. Erubescat esse superbus homo quia factus est humilis Deus ait Aug.

3. *Et deficiente vino, dicit mater Iesu ad eum, vinum nō habent.*] Vtique ante finē conuiuij, antequam vinū omnino deficeret, vel, vt Gr. cū iam omnino defecisset, ministri, magistrū seu modiperatorem conuiuij certiores fecerunt. Et hanc vocem virgo Maria audiuit. Huius autem defectus vini, non immoderatus potus, sed paupertas causa fuit. Et hunc pati maluerunt quàm deesse officio omnes amicos inuitandi. Nota ergo est Maria, non vt quidam putant humano

humano affectu, sed charitate, & misericordia petiuit à filio vt miraculum faceret, quē filium esse Altissimi sciebat. Et quia ægrè ferebat vt sua, filiūque sui, & discipulorum causa vinum fortè deficeret, vt qui præter numerum conuiuarum aliis recumbentibus superuenerant, quibus quantum sufficebat paratum erat. Morta, non prius, quam Ioannes de eo testificatus est & discipulos iam haberet, vt notat Chrysostom.

4. *Quid mihi & tibi est mulier?*] Q. d. quid ad nos pertinet quod vinum deficiat; vel quid mihi tecum commune est? vt 2. Reg. 19. 22. 4. Reg. 9. 18. & Mat. 8. Feruorem quendam charitatis fuisse putat Iren. l. 3. c. 18. bibendi sanguinis Christi, qui hoc vino significabatur. Et si culpa fuisset, ob quā Christus eam reprehendisset, quod intempestiuè, vt quidam putant, miraculū petiuisset, Christus miraculum non fecisset, ne miraculo culpam ipsam confirmare videretur. Quare verosimilius est Mariam, hoc loco non fuisse reprehensam, sed verba ipsa reprehensionis speciem præ se ferre: vt Luc. 2. 49. Mat. 12. 48. & Christum tanquam Deum loqui; ea enim ratione qua Deus erat miracula faciebat: & voluisse specie reprehensionis manifestare se non tanquam hominem, idest mulieris filium, sed tanquam Deum miracula facturum, quo modo nihil habebat cum matre commune. Sic Orig. Aug. tract. 119. Theoph. Bern. verò putat Christum etiam tanquam hominem esse locutum, sed hoc significare voluisse, se ante sub matris fuisse potestate, antequā officium illud Doctoris & Redēptoris, ad quod missus fuerat à Patre, iniret: nunc verò inchoa-

tum

662 MANVALE IN EVANGELIVM

tum Redemptoris officium, & in iis quæ Patris sui erant occupatum, patrem & matrem, ut ipse discipulos facere docuit, reliquisse: & eos quodammodo non agnoscere. Sic Greg. Nis. Putat significare Christum se iam ea esse ætate, ut sub matris cura & potestate esse non debeat, & per interrogationem legit, *Nondum venit hora mea?* 1. Nonne ætatem habeo? Certè simulat se reprehendere ut ostendat se non humano, nõ sanguinis respectu, sed sola charitate, ut se se quis sit declaret, miraculum facere. Dices nonne habuit respectum matris? Habuit, & nunc habet, sed charitatis, non carnis: quod voluit indicare cum non matrem, sed mulierem vocat. ut ait Aug.

Nondum venit hora mea.] In qua secundum meam æternam prædestinationem hoc opus facere decreui; nondum est opportunitas mea: ubi placitum Patris aduenerit hoc opus sum factururus: faciam ergo quod petis sed opportuno tempore. Sicque spem dat matri obtinendi quod petebat, & rationem reddit cur quod petierat non statim faciat; quia non venerat tempus cum mater petiuit, venerat autem cum fecit, licet modico intervallo. Quid igitur expectabat? Respondet Chrys. & Theoph. Expectabat ut omnes qui aderant cognouissent vinum defecisse, ut miraculum esset clarius. Aug. verò cum petiuit mater, nondum vinum penitus defecerat, idcircoque voluisse expectare Christum quoad nihil omnino vini esset, ne putaretur elementorum mistione ex aqua simul & vino, vinum factum. Voluit etiam significare se humano respectu nolle facere miracula. Quare verbum hoc est diuinæ potestatis

SECUNDVM IOAN. CAP. II. 66;

potestatis tempora eligentis; prouidentia facientis in carne quę ab æterno disposuit; sapientia eligentis. conuenientia momenta; misericordia dantis spem subueniendi; reuerentia, matrē honorantis. Non mirum si, B. Virgo quę tunc magnam fidem habebat, ignorauit hoc tunc secretum, quod tunc didicit à filio, qui illi communicauit: vel prophetico Spiritu cognouit; vel dono intellectus.

5. *Dicit mater eius ministris: Quodcumque dixerit vobis, facite.*] Ex hoc patet matrem à Christo non fuisse reprehensam: nam non pręparasset res ad futurum miraculum. Patet etiam Christum indicare voluisse se facturum esse miraculum. Qui putant reprehensam fuisse, dicunt, tamen quia sciebat eum misericordem & benignum esse, perseuerasse, sperantem fore vt precibus, aut commiseratione flecteretur. ex Beda.

Erant autem ibi lapidea hydia sex posita secundum purificationem Iudæorum.] Miraculum describit: & primò vasa, in quibus Christus vinum miraculosè fecit. Hydria Græcè, Latine aquales significant. i. vasa aquę destinata, quę non circumferebantur, ex quibus aqua minoribus vasis hauriebatur. Erant autem propter Iudæorum purificationem, non legalem illam, qua, qui secundum legem polluti erant, mundabantur, sed eam, qua propria quadam Pharisæorum traditione frequenter inter prandendum vasa & calices, & manus, & brachia lauabant cubitorū tenus, vt Mat. 5. 11. & Mar. 7. Quod vasa aquaria, non vinaria esse declarauit, & magna, & immota: totum hoc facit ad magnitudinem miraculi, ne quis vinum in vasis

664 MANVALE IN EVANGELIVM

sis, non autem de nouo factum fuisse, aut vini partem aliquam quæ superinfusæ aquæ vini saporem dederit ibi reservatam putaret: erant quippe aquaria. Erant magna & fixa, ne plena vino aliunde portata nemo existimaret: & vt tanta vini copia probaret miraculi virtutem. Ex Hil.

Cipientes singula metretas binas vel ternas.] Magnitudinem vasorum describit, vt ex quantitate vini miraculi magnitudo appareat. Metreta Græca mensura erat, apud Hebræos cadus dicebatur, cadus autem continet congios decem; congius sex sextarios; sextarius duodecim cyathos; cyathus vncias duas. Luc. 16.6. Itaque vna metreta septuaginta duos capiebat sextarios, i. tertiam circiter partem modij vini Parisiensis. Sic Christus voluit subuenire paupertati sponsi, & vt diuturnum esset testimonium miraculi editi ex Tol.

7. *Dicit ei Iesus: implete hydrias aqua.]* Potuisset Christus nulla prius infusa aqua vino ea implere; tamen vt certius miraculum fieret & ministros ipsos testes haberet, aquam manibus eorum infusam in vinum conuertere maluit: & vt ostenderet se harum creaturarum dominum esse quod alias in alias pro suo arbitrio transmutaret. Iren. 1.3. c. 11. maius esse miraculum quod aqua in vinum verterit, quam quod nunc vinum in sanguinem suum verterat, quia vinum est sanguini propinquius; dissimilior vero vino est aqua, quia contrarias prorsus habet qualitates ait Cyr. in 4. myst.

8. *Et impleuerunt eas usque ad summum. Et dicit eis Iesus: Haurite nunc, & ferte arcitrilino.]* Ministri dicto perfecte obediens ad summum.

summum vsque impleuerunt, vt constaret non alia ex re, quam ex aqua vinum factum, quod certius esset miraculum; nec dici posset aliquid super aquam vini infusum fuisse, cum nec superinfundi potuerit, plenis vsque ad summum. Vbi ergo cognouit sic esse impletas, totam illam aquam in vinum nullis verbis, nullis actibus exterioribus vsus, nulla mora interposita, conuertit: quo etiam magis eius virtus diuina declarabatur. Et rursus iubet ministris depromere ex vasis illis, & præfecto mensæ, cui soliti erant vina ministrare, vt ille conuiuii distribuât, quod factum est, vt per eos miraculum diuulgaretur, qui & ipsius miraculi testes erant: & quæ facta erant, propriis viderant oculis. Est autem architriclinium locus tribus constratus lectis ad discumbendum: olim enim in lectis accumbebant. Vnde architriclinus dicebatur qui præerat conuiuiis.

9. *Et tulerunt. Vt autem gustauit architriclinus aquam vinum factam, & non sciebat unde esset, ministri autem sciebant qui hauerant aquam, vocat sponsum architriclinus: & dicit ei.]* Dicto obediunt ministri quamuis nondum scirent aquam vinum factam: delatum vinum architriclinus degustat vt moris est, miratur excellentiam, interrogat sponsum. Miranda ministrorum obedientia: iam enim sciebant vinum esse factum id quod iussi promere ex colore & odore potuerunt cognoscere. Architriclino autem etiam miranti, & vnde hoc vinum esset ignoranti, rem non patefaciunt, quia fortè tantum Christus: *Haurite & ferte architriclinus*, iusserat: vel fortè Christus id fecit ne vinum

crediderunt. Dicti autem sunt prius discipuli, quia ipsi aliquo modo adhæserunt, ipsum audierunt, & ei fidem aliquam habuerant, moti Ioannis testimonio vt ad eum venirent. Ex Aug.

12. *Post hac descendit Capharnaum ipse, & mater eius, & fratres eius, & discipuli eius: & ibi manserunt non multis diebus.*] Voluit, & propter celebritatem huius oppidi, & propter mores eius corruptissimos ibi habitare, & suæ doctrinæ primitias dare: vt significaret facto illo primo miraculo in Cana non amplius Christum latere voluisse. Ex Chryf.

13. *Et propè erat Pascha Iudæorum, & ascendit Iesus Hierosolyman.*] Causam refert cur paucis diebus manserit Capharnaum; nempe quia propè erat Pascha Iudæorum. Addidit Ioannes *Iudæorum*, vt Pascha illud à nostro Christianorum distingueret. ait Beda.

14. *Et inuenit in templo vendentes oues & boves & columbas, & nummularios sedentes.*] Bis Christus eiecit è templo euentes & vendentes, i. prope suæ passionis tempus: vt Mat. 21. Mar. 11. Luc. 19. Et initio suæ prædicationis, quam alij omiserunt. Vide Mat. vsque ad vers. 18.

18. *Responderunt ergo Iudæi: & dixerunt: Quod signum ostendis nobis quia hac facis.*] Id est quo miraculo probas potestatem ista faciendi? negare non poterant malefacta sua, & in domo Dei, tales negotiationes non rectè fieri, conuicti erant: ideo responsum in ipsum facientem dirigunt. in posteriori electione hanc responsionem Pontifices & seniores Iudæorum fecerunt.

Respondit

668 MANUALE IN EVANGELIUM

Respondit Iesus, & dixit eis: soluite templum hoc, & in tribus diebus excitabo illud.] Idem est horum verborum sensus cum illis Ioan. 8. Cum exaltaueritis filium hominis, tunc cognoscetis quia ego sum. i. cum me crucifixeritis post tres dies resurgam: & illa mea resurrectio erit vobis signum, quo cognoscetis me esse verum Christum & Dei filium. hoc nunc Christus dicit, soluetis hoc corpus ab anima, quod ego post tres dies excitabo, & tunc erit id vobis signum, quo agnoscetis potestatem meam, qua id facio. Cum dicit, soluite, non est Verbum præcipientis, sed præscientis quod facturi erant, & permittentis, ex Theoph.

20. Dixerunt ergo ei Iudæi: Quadraginta & sex annis edificatum est templum hoc, & tu in tribus diebus excitabis illud?] Iudæi non intelligentes mysterij magnitudinem nec potestatem, irridentes respondent: Rectè ita Christus mysterium suum celauit, vt. sensum aliquem apertum reliquerit, quo possent cognoscere eum posse facere quæ faciebat. Nam qui poterat templum illud materiale tribus diebus excitare, vt illi intelligebant, iure poterat peccantes contra Dei honorem, templo illo expellere. Non conueniunt interpretes de annorum numero, & computatione. Nam de fide nihil certi ex hoc loco colligi potest: Ioannes enim refert, tantum quod Iudæi respondent. An autem verum sit non refert. Sunt qui coeptum ædificari templum primo anno Cyri, perfectum sexto Darij, dicunt, vel septimo inchoante.

21. Ille autem dicebat de templo corporis sui.] Iudæi de templo materiali intellexerunt; Christus

Christus verò de templo corporis sui loquebatur. Quod notavit Euangelista ne id Christus dixisse putaretur, & videretur verum esse quod ei postea duo falsi testes obiecerunt, Mat. 26. 61. Certum est gestu ipso, & manuum motu, non illud materiale sed seipsum demonstrasse: sicque poterant ut & discipuli, intelligere si voluissent.

22. *Cùm ergo resurrexisset à mortuis, recordati sunt discipuli eius, quia hoc dicebat, & crediderunt scripturæ, & sermoni quem dixit Iesus.*] Discipuli nec tunc hoc intellexerunt, sed postquam resurrexit, recordati sunt verborum quæ protulit nunc, & crediderunt eum per ea verba mortem prædixisse, & resurrectionem suam, & vera esse quæ prius dixit. Crediderunt etiam scripturæ, in qua mors & resurrectio Christi prænuntiata est, crediderunt enim eam in Christo compleri. Ex Chrys.

23. *Cùm autem esset Hierosolymis in Pascha in die festo, multi crediderunt in nomine eius, videntes signa eius qua faciebat.*] Septem dierum tempore, quo ad celebrandum Pascha venerat. Quæ autem, & qualia sint signa non narrat: multi tamen propter ea crediderunt in nomine eius, i. ipsum esse verum Messiam, & Christum promissum, ut 1. Io. 5. Chrys. putat eos non verè, sed simulatè credidisse.

24. *Ipse autem Iesus non credebat semetipsum eis.*] Id est non se eis cõmittebat, non illis fidebat: quia sciebat facilè mutandos, & à fide concepta recessuros c. 6. sed & se persecutores.

25. *Eo quòd ipse nosset omnes: & opus ei non erat: ut quis testimonium perhiberet de homine:*
ipse

670 MANVALE IN EVANGELIVM

ipse enim sciebat quid esset in homine.] Rationem reddit cur eis non fideret, quamvis credentibus, quia cognoscebat omnes, vel omnia, i. sciebat quibus esset fidendum, & à quibus cavendum. Et hoc sine alterius testimonio, & relatione sciebat; sed scientia suæ diuinitatis, sciebat qualis quisque esset. Sciebat interiora cordis, & quæ futura erant: sicut quod non se crederet eis, erat humanitatis. Ex quo Patres omnes contra Arianos probant Christi diuinitatem. Nam scire ea quæ in corde sunt hominum est Dei, qui corda plasmauit, ait Chrys.

C A P V T III.

Nicodemum docet mysteria fidei: & Ioannes Baptista de Christo testimoniū exhibet.

1. **E***Rat autem homo ex Phariseis Nicodemus nomine, princeps Iudeorum.] Multos visis miraculis credidisse, superiore cap. dixerat. Iam de vno quodam præcipuo recenset, quomodo discendi causa Christum adierit. Hic autem Phariseus erat professione, princeps dignitate: quæ duo apposuit, quia totus ferè Phariseorum & principum ordo, Christo semper fuit contrarius. Ex c. 7. 48. Hic restitit Phariseis Christi causam defendens: Et c. 19. venit ad vngendum Christi corpus. Princeps dicitur quia caput erat familiæ: vel quia publicam aliquam gerebat administrationem: vel pro-*

pter

pter nobilitatem. Hæc fuit causa cur noctu & occultè veniret, vt hominum sui ordinis vitaret odium, & vt pudorem & grauitatem retineret. Ex Chryf.

2. *Hic venit ad Iesum nocte: & dixit ei.*] Rationem reddit Ioannes c. 19. 39. cur nocte venerit, eo quòd esset discipulus Iesu, occultus autem propter metum Iudæorum.

Rabbi, scimus quia à Deo venisti Magister.] O Doctor, mihi persuadeo te venisse, & à Deo missum esse Magistrũ, vt doceas veritatem. Nõ enim significat quod Magister venerit à Deo, quasi natus sit Magister; sed quòd sit missus à Deo, vt Magister esset. Sic Mat. 2. *Vbi est qui natus est Rex?* non quòd à natiuitate sit Rex. & quamuis verè esset Rex à natiuitate, & à Deo Magister venerit, tamen nec Magi tunc illud, nec Nicodemus id fortè nunc cognoscebant. Voluit tantum Prophetam à Deo missum confiteri. Venit enim Christus à Deo Magister, quia ab æterno procedens à Patre totam cum essentia accepit sapientiam Patris.

Nemo enim potest hæc signa facere, quæ tu facis, nisi fuerit Deus cum eo.] i. Nisi in virtute diuina. q. d. Signa tua non sunt Magorum, seu arte Demonis facta. Signa eum alitèr ducebant, vt non solum à Deo missum Magistrum crederet, sed etiam Deum esse: sed tenebatur adhuc Iudaica infirmitate. Chryf.

3. *Respondit Iesus, & dixit ei.*] Apparet ex hoc illum interrogasse de rebus ad salutem necessariis, etsi scriptum non est. Aut Christus respondit intelligens, quid ille vellet, nempe vt regni Christi quem Messiam credebat particeps esset; vel quia venerat vt ad hominem, ideo

672 MANVALE IN EVANGELIUM

ideo voluit docere alia opus esse generatione.
Ex Aug.

Amen, amen dico tibi : nisi quis renatus fuerit denuo , non potest videre regnum Dei.] Blanda comitate docilē paulatim prouehit ad altiora, mysteria, incipiēs à regeneratione baptismatis, quæ principiū est Christianismi, *ἀναθε* significat etiā è supernis, coelitus, : sed hic pro iterum accipi apparet ex responso Nicodemi , & videre pro possidere, aut possessionem capere. Ex Chryl.

4. *Quomodo potest homo nasci, cum sit senex?*] Sic solent carnales homines ad res Spiritus cœcutire. 1. Cor. 2. Quomodo vterus repeti non potest, vt bene intellexit Nicodemus : ita nec baptismus.

4. *Respondit Iesus : Amen, amen dico tibi : nisi quis renatus fuerit ex aqua, & Spiritu sancto , non potest introire in regnum Dei.*] Rursus Christus non est offensus tam crasso hominis responso, & interrogatione incredulitatem quandam præ se ferente, sed sciens animo discendi auido interrogasse, interpretatur benignè quod obscurius dixerat : & ostendit quo modo quis denuo renasci potest, & debet ; non scilicet ex vtero matris , sed ex aqua & Spiritu sancto. His autem verbis significat baptismum Evangelicū, per quem regeneratur homo in nouum hominem, & in statum filiorum Dei constituitur. Tit. 3. Hæretici falso dicunt non de baptismo intelligi debere , sed de renouatione quæ fit per Spiritum sanctum : aquam autem, & Spiritum vnum & idem significare : aquam verò poni, vt exprimat effectus Spiritus, qui est purgatio, & vegetatio interior, sic violentat

vt afferant in Baptismo aquam non esse necessariam. Sed Ecclesia vniuersalis pugnat contra hanc hæresim, & scriptura, Eph. 5. & Act. 8. Philippi factum demonstrat dum Eunuchum aqua baptizauit. Et Sacramentum sit sensibile signum ex aliqua re, & verbo consistens. sic Chrys.

6. *Quod natum est ex carne caro est, & quod natum est ex spiritu, spiritus est.*] Vbi declarauit secundam generationem prima esse longè diuersam, iam ostendit quanta differentia sit inter id quod priori, & quod secunda nascitur generatione: ex qua differentia etiam indicat rationem ob quam necesse sit denuò nasci, idque ex aqua & spiritu, ad consequendum regnum Dei. Nam cum spirituale regnum Dei caro & sanguis possidere nequeat, 1. Cor. 2. necesse est vt id, quod ex carne tantum carum natum est, deinde etiam ex spiritu nascatur spiritus: vt sic regnum Dei ingredi possit. Carnem hoc loco appellat non peccatum, quia de peccato non est sermo, sed hominem ipsum, secundum esse naturale & humanum, quod naturali generatione accipitur: vt discernat esse corporeum à spirituali, quod est per gratiam: vt sup. c. 1. 3.

Non mireris quia dixi tibi: Oportet vos nasci denuo.] Cyril. ad sequētia refert, q. d. Ne mireris quod dixi tibi, Oportet vos nasci denuo: spiritus enim vbi vult spirat. Alij ad superiora. q. d. Non mireris quod dixi, Oportet vos nasci denuo; quod enim natum est ex carne, caro est, & quod natum est ex spiritu, spiritus est. i. non de carnali, vt tu putas, sed de spirituali loquor generatione. Rectè mirareris si de carnali

F f nali

674 MANVALE IN EVANGELIUM

nali loquerer : & rectè concluderes non posse hominem nasci cùm sit senex. Probat ergo non debere Nicodemum mirari quòd oporteat hominem nasci denuo , quia quod natum est ex carne caro est, & quod natum est ex spiritu, spiritus est. Probat deinde quod homo potest ex spiritu nasci , quia spiritus ubi vult spirat. Idcircoque hominem , quamvis non appareat posse invisibiliter regenerari ex spiritu.

8. *Spiritus ubi vult spirat, & vocem eius audis : sed nescis unde veniat, aut quò vadat.*] Confirmat sententiam præcedentem : nam probat hominem posse ex spiritu nasci , etiamsi id nos minimè intelligamus : quia spiritus ubi vult spirat. Quidam per spiritum animam intelligunt : vt Gen. 6.3. & 7.15. Iob. 12. Psalm. 76.4. vt sumpto exemplo à vita corporali ad vitam spiritualem argumentetur. q. d. Quid mirum Nicodeme si non capis quo modo homo ex Spiritu sancto possit regenerari , cùm non intelligas quo modo ex spiritu isto naturali, quo vivit, generetur: Spiritus enim animalis ubi vult spirat. i. quæ vult animat corpora, & ex mortuis viva reddit , & vocem eius audis, loquentem hominem, equū hinnientem ; nescis unde veniat , aut quò vadat, quomodo anima in corpus ingrediatur & egrediatur è corpore, unde gignatur, aut in quid desinat. S. Aug. Spiritum Dei intelligit. Docet ergo Christus natum de spiritu spiritum esse , & similem spiritui de quo natus est : non quidem per omnia, fieri enim non potest , vt homo Spiritui sancto , qui Deus est , omnino sit similis ; sed est similitudo aliqua participata, quæ in tribus posita est. 1. spiritus ubi vult spirat. i. liber est
in

in suis operationibus, quod vult facit, nullo retinetur impedimento, nulla premitur seruitute: vt 1. Cor. 12. & 2. Cor. 3. legem implet, tentationes superat, peccata vitat, quod bonum vult operatur. Quadruplicē assequitur libertatem. Prima est à seruitute legis Mosaicæ. Gal. 4. 2. à lege morali quæ cordibus insita est, non quòd ablata sit renatis, sed quod eis per Spiritum sanctum gratia collata est, & virtus eam adimplendi. Rom. 7. 3. à seruitute peccati & diaboli: nam qui est in peccato, diu perseuerare non potest, quin in alia labatur: Spiritus autem Dei ab hac nos vindicat Rom. 6. 4. est à seruitute corruptionis, & mortalitatis, quam spiritus tribuit renatis non in hoc seculo, sed in resurrectione. Rom. 8. *Viuificabit mortalia corpora vestra propter inhabitantem spiritum eius in vobis.* Sunt qui ventum significare putant. Nam vt ventī flatum sentimus, & strepitum audimus, nescientes vnde veniat, aut quò vadat: ita effectum Spiritus sancti in nobis experimur, & nos videmus repente ab eo mutatos, cū qua ratione id factum fuerit non intelligamus. Sic Cyr. & Chrys.

Et vocem eius audis.] Hoc est, in quo qui natus est de spiritu similis est spiritui de quo natus est: Spiritus enim in se inuisibilis & insensibilis est: tamen vox eius auditur, loquitur enim per eos quos inspirat. 2. Pet. 1. Mat. 10. Act. 6. quamuis non omnes percipiant vocem esse spiritus: sicut omnes, qui Christum audierunt, audierunt quidem vocem filij Dei, licet non omnes crediderint esse filium Dei. sic vox omnis qui natus est ex spiritu, auditur, sed quod intus est non videtur. Aug. & Beda.

676 MANUALE IN EVANGELIUM

Sed nescis unde veniat, aut quò vadat: sic est omnis qui natus est de Spiritu.] 3. Est similitudo, in qua geniti de Spiritu cum ipso spiritu similes sunt. Nemo scit quò vadat spiritus, aut unde veniat. i. nemo vias, consilia, iudicia Spiritus sancti cognoscit, quamvis vocem eius audiat. Rom. 11. Sap. 9. Sic est omnis qui natus est de Spiritu. Nam homines huius seculi vident opera iustorum natorum de Spiritu: at vias eorum nemo novit, nisi qui eodem spiritu agitur. cogitationes enim, desideria, fines, intentiones spiritualium sunt occultæ iis, qui spiritum Dei non habent. 1. Cor. 3. Act. 2. ita Tolet.

9. *Respondit Nicodemus, & dixit ei: Quomodo possunt hæc fieri?]* Licet verbis Christi edoctus, & nihil iam de carnali generatione cogitet: tamen sic rudis est ut non cognoscat quomodo spiritus effici, & nasci possit. Prius negando respondit, quomodo fieri potest ut nascatur homo cum sit senex? nunc paulò capacior factus, ignorando interrogat quasi discere cupiens. Haimo.

10. *Respondit Iesus, & dixit ei: Tu es Magister in Israel, & hæc ignoras?]* Doctor celebris in toto Israel. Merito doctori vitio datur ignorantia, & stultitia nescienti quæ sunt muneris, si quis apud eos doctor ita rudis erat quales erant discipuli. Cyril. l. 2. c. 46.

Amen, amen dico tibi, quia quod scimus loquimur, & quod vidimus testamur.] Ut ignorantie, sic nunc arguit incredulitatis. q. d. Ego quæ scio loquor, & quæ vidi testor. i. certissima sunt verba mea: quia non ex opinione, non ex relatione alterius, sed ex scientia, & visu dico,

dico, & loquor: & adhuc non accipitis testi-
 monium meum, nec verbis meis creditis. Ar-
 guit præcipuè vt fidem habeat, & etiamsi non
 percipiat, credat, ideo Christus suum testi-
 monium sic commendat. Nec voluit semper
 omnino explicare mysteria, ne potius rei cui-
 dentia quàm verbi obedientia assensum fa-
 ciat: propterea adhuc re non intellecta suadet
 vt credat. Cyr. l. 2. cap. 47. At quid est hoc quod
 se scire & vidisse dicit? Nam loquebatur de re-
 generatione ex aqua & Spiritu sancto, quæ
 nondum facta erat, inquit Chrys. tamen non
 constat an iam cœpisset baptizare: & quam-
 uis nondum baptizasset, tamen vt Deus tam
 præsentia quàm futura videbat. Et loquitur in
 plurali de se solo, vel quia non solus, sed &
 Pater & Spiritus sanctus, *vidimus*: vel alij
 Prophetæ: vel qui iam regenerati fuerant. Et
 sic quia in Nicodemo alios Iudæos arguit in-
 credulitatis, ideo dicit, *non accipitis*.

12. *Si terrena dixi vobis, & non creditis; quo-
 modo si dixero vobis cœlestia, credetis?*] Arguit
 tertio Nicodemum & Iudæos tarditatis ingenij,
 vt eos inducat ad fidem habendam his quæ
 non intelligunt. q. d. Si non creditis quæ faci-
 lia, nec quæ difficilia credetis: sicque tacitè
 allicit spe percipiendi maiora. Chrysost. per
 terrena generationem spiritualem, quæ fit per
 Baptismum intelligit: per cœlestia generatio-
 nem æternam filij Dei à Patre: cuius compa-
 ratione omnis nostra generatio terrena est:
 quia finita & creata est. Non quòd diuina
 non sit, sed quòd hominibus detur, qui sunt
 super terram. Alij ventum, rem terrenam di-
 xisse putant; Spiritum verò sanctum, & to-

F f , tam

678 MANVALE IN EVANGELIUM

tam regenerationem cœlestem vocari.

13. *Et nemo ascendit in cœlum nisi qui descendit de cœlo filius hominis qui est in cœlo.*] Dixerat supra, *Si cœlestia dixero non credetis*, nunc hanc illis exprobrat incredulitatem. Quia nemo ascendit in cœlum ut ibi videret cœlestia, nisi ego qui eram in cœlo & descendi. Et ideo nemo sicut ego cœlestia enarrare potest. Sicque sapienter inducit ad credenda cœlestia, quæ dicturus est: & cōfirmat ad fidem eorum quæ dixit. Loquitur de se in tertia persona ut unitatem, siue identitatem suæ personæ declararet. Nam qui filius hominis, ille idem est filius Dei, qui est in cœlo. Hæc Tolet. Quæres quomodo nemo in cœlum ascendat cum omnes iusti ascendere credantur. Respondet Aug. quod iusti quidem ascendunt, sed non nisi cum Christo, factique eius membra. Vel Christus ascendit virtute propria; iusti verò virtute alterius, i. Christi. Vel dicendum ascendere in cœlum hic tantum significare res divinas cognoscere: nullus autem ante Christi aduentum cœlos ascendit, & vidit cœlestia, ut postea descendens illa enarrauerit. 2. Quæres quomodo Christus dicatur ascendisse in cœlum, cum nondum mortuus esset. Respondetur hic dictum esse per communicationem idiomaticam, quia filius hominis cum in terra esset, in cœlo quoque esse dicebatur, quia idem Deus erat, & Deus erat in cœlo. Alij dicunt in cœlum ascendisse, quia eius anima erat beata. Alij ascendisse secundum divinam naturam qua res omnes cœlestes & divinas contemplantur. Alij melius sicut non secundum divinam, sed secundum humanam naturam de

de cœlo descendisse dicitur: ita secundum humanam non secundum diuinam dicitur ascendisse: tamen propter diuinam personam, & propter vnionem hypostaticā homo ille Christus & verè ascendisse, & verè descendisse dicitur: quia qui prius in cœlo erat, in terra verò, etsi erat, non videbatur, sumpta humana natura cœptus est repente in terris videri, perinde ac si de cœlo descendisset. Nihil autem his verbis voluit probare, quam neminem vnquam mortalium, qui in mundo sunt, fuisse prius in cœlo, vt descendens postea de cœlestibus visis loqueretur, præter seipsum, qui semper est in cœlo, & assumpta carne descendit. Ex Chry. & Aug.

14. 15. *Et sicut Moyses exaltauit serpentem in deserto: ita exaltari oportet filium hominis: vt omnis qui credit in eum non pereat, sed habeat vitam aeternam*] Versu præcedenti docuit Christus quàm necessarium esset, vt omnes sibi fidem adhiberent, qui salui esse vellent. Id nunc exemplo serpentis à Moyse olim erecti declarat. Nam sicut tunc nullus à serpentis morso, nisi in serpentem aspiceret, sanabatur: ita nunc nemo saluatur nisi in se credat. Credere est in Christum aspicere. Alij sic nectunt quia de Baptismo egerat nunc de passione agere: vt 1. Cor. 1. 13. Rom. 6. 3. Alij ideo figuris velle Nicodemum adducere, quia non potuit res cœlestes capere: vt Io. 3. 39. Alij causam reddi cur de cœlo descenderit, vt sicut serpens ille exaltaretur, & homines in ipsum aspicientes saluarentur. Christus autem ideo hanc figurā proponit, quia nulla alia tam bene omnes aduentus partes exprimit, i. sicut serpens

680 MANUALE IN EVANGELIUM

apparebat, sed verè serpens non erat : sic Christus in incarnatione similis aliis homo peccator apparebat, & non erat. Rom. 8. Philip. 2. 2. serpens igne conflatus est : sic Christus igne Spiritus sancti conceptus. 3. serpens in ligno exaltatus est : sic Christus in cruce. 4. qui in serpentem aspiciebat sanabatur, qui non aspiciebat, peribat : sic qui in Christum credit vitam æternam habebit, qui non credit condemnabitur, Mar. ult. 5. Vnus ille serpens erat ad salutem multorum : sic Christus vnus est ad iustitiam omni credenti. Rom. 10. 6. serpens erat in signum : sic crux Christi vexillum est, erectum contra ædies dæmonū. Isa. 5. Ier. 4. Luc. 1. malè probant hæretici ex hoc loco hominem sola fide iustificari.

16. *Sic enim Deus dilexit mundum ut filium suum unigenitum daret : ut omnis qui credit in eum non pereat, sed habeat vitam æternam.*] Cum dixerit filium hominis exaltandum, ut serpentem, quod mirum videri posset Nicodemo, causam reddit cur mirum non sit ; quia Dei amor erga homines id fecit, non necessitas, aut ipsius culpa, non impotentia, non infirmitas. Finis autem seu fructus duplex est ne homo pereat, i. ut à peccato & æterna morte eripiatur, & vitam æternam adipiscatur. Potuisset dare ut mundum iudicaret & damnaret, & tunc non ex dilectione sed ex iustitia dedisset ; at voluit dare ad hoc, ut qui credit in eum non pereat, sed habeat vitam æternam, quod ex nimia dilectione fecit. 1. quia prior dilexit. 1. epist. 4. 2. quòd Deus hominem inter quos est tanta dissimilitudo. 3. quòd peccatores ipsosmet, qui illum offenderant, dilexerit. 4. Rom. 5.

4. Rom. 5.8. quòd non Iudæos tantum quibuscum fœdere coniunctus erat, sed omnes omnino homines. 5. quòd non quiduis, sed filium suum vnicum dederit. 6. quòd dederit, vt exaltaretur in cruce sicut serpens. Ex hoc loco inferitur Christum esse verum Deum, & eum non pro solis prædestinatis mortuum esse, sed pro omnibus omnino hominibus, datum esse. Denique non venturum forsan fuisse in hunc mundum, si homines non peccassent.

17. *Non enim misit Deus filium suum in mundum, vt iudicet mundum, sed vt saluetur mundus per eum.*] Causam refert cur ex dilectione filium suum miserit, quia videlicet non miserit ad ferendam sententiam contra mundum, sed ad saluandum eum. Alioqui non ex dilectione sed ex iustitia dedisset. Venit ergo non vt iudex, sed vt saluator in priori aduentu.

18. *Qui credit in eum non iudicatur: qui autem non credit iam iudicatus est, quia non credit in nomine vnigeniti filij Dei.*] Confirmat se non venisse vt iudicet, sed vt saluet, ne homo pereat. Nam vel credit in ipsum, vel non: neuter autem in hoc priori aduentu iudicatur; qui enim credit non iudicatur, idest Deus nõ exercet suam iustitiam contra eum, sed misericordiam, remittens peccata, & largiens gratiam credentibus. Io. 5. Qui verò non credit, nec iste iudicatur à Christo: iam enim iudicatus est, etiamsi Christus nõ venisset, quia Deus tulit mortis sententiam in omnes filios Adæ, quamuis nondum sit executioni demandata contra omnes. Misit filium, vt eos qui crederet in eum, saluos faceret. Iam aliqui credunt, ali-

Ff 5. qui

682 MANUALE IN EVANGELIUM

qui non: qui credunt à sententia lata liberantur, & ex misericordia Dei eis peccata remittuntur. Qui verò non credunt, Christus veniens non fert sententiam contra eos: iam enim lata est à principio ut infr. c. 5. & Col. 2. ex Greg. 27. Moral.

19. *Hoc est autem iudicium, quia lux venit in mundum, & dilexerunt homines magis tenebras quam lucem.*] Exponit qua ratione qui nō credit iudicatus est. *Hoc est, inquit, iudicium.* id est, hæc est forma, qua damnatus dicitur, quia venit lux in mundum, & multi elegerunt potius in suis tenebris permanere quam lucem recipere. Erant ipsi in tenebris, propterea que iudicati, & damnationi adscripti. Venit autem ut dissipatis tenebris lumen vitæ daret: quod recipere nolentes in suis potius tenebris manere elegerunt; propterea iam damnati dicuntur, non quòd eos lux damnationi adscripserit, sed quòd ipsi mer se à dānatione eripi, & lumen recipere noluerint: ut ait Tolet. Medicus omnes infirmos sanare venit, qui nolunt eius opera uti moriuntur, non propter medicum; quasi venerit ut illi moriantur, sed propter infirmitatem, quam ipsi contraxerunt, & per medicum sanari noluerunt, ait Aug.

20. *Erant enim eorum mala opera Omnis enim qui male agit, odit lucem; & non venit ad lucem, ut non arguantur opera eius.*] Causam reddit qua ratione tenebræ non solùm dilectæ, sed etiam magis quam ipsa lux amatæ sint, quia opera hominum mala erant: qui autem malè agit, odit lucem: & non venit ad eam, non propter ipsam lucem, sed quia lux opera mala reuelat, & manifestat, unde reprehēdi possint. Ex Chrys.

SECUNDVM IOAN. CAP. III. 683

21. *Qui autem facit veritatem venit ad lucem ut manifestentur opera eius, quia in Deo sunt facta.*] Hæc est altera pars similitudinis, quæ priori opposita est. Qui mala facit opera, tenebras diligit: at verò qui bona, ad lucem venit, quia per lucem non arguuntur eius opera, sed manifestantur esse secundum Deum, siue secundum legem Dei facta. Veritatem hoc in loco, legem iustitiæ & rectitudinis vocat: vt Ps. 118. & 14. & 41. & bona opera vocat veritatem, quia de luce agebatur, qua cognoscitur an vera an falsa sint opera. Sic Beda.

22. *Post hac venit Iesus, & discipuli eius in Iudæam terram.*] Colloquio habito Hierosolymis cum Nicodemio transit Iesus cum discipulis in aliud territorium Iudææ, quasi ex vno in alium locum Iudææ se transtulerit.

Et illic morabatur cum eis & baptizabat.] Causam reddit cur eo venerit, vt illic baptizare, & prædicare inciperet. Nam baptizasse eum antè non legimus. Baptizasse autem dicitur, non quod ipse per se, nam in capite sequenti neminem baptizasse dicitur, hic tamen dicitur baptizasse per discipulos suos. Cur autem eo potius quam alio loco baptizare voluit? quia ibi Ioannes, qui præclarum illud de ipso testimonium perhibuerat, *ipse vos baptizabit in Spiritu sancto*, Mat. 3. Et quia locus erat ad baptizandum aptus, quia aquæ multæ ibi erant, & magnus hominum concursus ibi fiebat. At cur per se non baptizabat? Quia Spiritus sanctus nondum datus erat, in quo ipse baptizaturus erat, vt ait Ammonius. Sed verius est Christum ante passionem & resurrectionem suam baptizasse in Spiritu sancto in remissio-

684 MANUALE IN EVANGELIUM

nem peccatorum. Et fortè hoc ipso loco aliquos baptizauit discipulos. Quod autè postea dicit Ioannes ipsum non baptizasse : idest non solitum baptizare, etiamsi paucos aliquos aliquando baptizauit. Quare melius dicendum ideo Christum non per se sed per suos discipulos baptizasse, vt ostenderet quid inter suum & Ioannis baptismum inter esset. Nam baptismus Ioannis non erat idem, si ab alio quàm à Ioanne daretur, quia Ioannis nomine non dabatur. At Christi baptismus à quocumque dabatur, erat Christi, quia non eius qui dabat, sed eius qui instituerat Christi auctoritate dabatur, ait Aug.

23. *Erat autem & Ioannes baptizans, in Ænnon iuxta Salim, quia aqua multa erant ibi.*] Refert Ioannem illic etiam baptizasse, quia aperit viam ad sequentem historiam, relaturus quomodo Ioannis discipuli ægrè tulissent, quòd Christus baptizaret, & Ioanne deserto omnes ad eum currerent : vt occasionem haberet exponendi quod testimonium Ioannes de Christo illa eadem occasione reddidisset. Ænnon oppidum est quatuor miliaribus distans à Sichem ciuitate, à multitudine aquarum sic dictum. Salim autem erat oppidum iuxta Sichem. Ex Hier.

24. *Et veniebant, & baptizabantur: nondum enim missus fuerat Ioannes in carcerem.*] Christo baptizante etiam Ioannes baptizat, & ad eum populi veniunt : nec à baptizando destitit donec missus est in carcerem. Diuina autem providentia factum est vt incipiente Christi baptismo Ioannis baptismus non omnino cessaret, sed expectaret carcerem, ne in Christum populi

populi insurgerent, existimantes ipsius causa Ioannem non baptizare. Voluit enim id potius Herodi adscribi, ne ante tempus persecutio oriretur. Et quia hoc suo facto Ioannes baptismum Christi probabat, & suo excellentiorem testabatur. Et ne indignatione quadam desuuisse videretur, quod Christus baptizaret. Et ut à se baptizatos & quodam modo initiatos mitteret ad Christum. Chrys. & Aug.

25. *Facta est autem quaestio ex discipulis Ioannis cum Iudæis de purificatione.*] Discipuli Ioannis invidia & ambitione Magistri gloriam, & suam quærentes mouerunt quaestionem cum Iudæis Christi discipulis, non quidem ex iis qui Christum semper sequebantur tanquam eius familiares, sed ex iis qui ad eum ut baptizarentur, & ipsum audirent, veniebant. Quaestio autem fuit vel de Iudæicis & legalibus purificationibus: vel potius de Baptismo vter eorum esset melior. Ex Aug.

26. *Et venerunt ad Ioannem, & dixerunt ei.*] Discipuli ad Ioannem Magistrum venerunt quando contra Iudæos præualere non potuerunt: putabant enim eum ægrè laturum quod Christus baptizaret, & plures ad eum cōcurrerent. Sed contra accidit. Nam Magister Iudæos defendit, & cōtra discipulos sententiam tulit, illis valde salutarē. Nam fidei veritatē ignorātibz manifestauit, & in causā propria de baptismo cōtra se humiliter, sed verè indicauit. Tob.

Rabbi, qui erat tecum trans Iordanem, cui tu testimonium perhibuisti, ecce hic baptizat, & omnes veniunt ad eum.] Indignantur Christi baptisma suo præferri, & quantum possunt, conantur Magistrum ad iracundiam prouocare. 1. captando

686 MANVALE IN EVANGELIUM

prando illius beneuolentiā Rabbi vocant, quia ad eum pertinet, & suam auctoritatem & discipulorum partes defendere. 1. despiciunt, & deprimunt Christum, dicentes, *qui erat tecum*, idest qui quasi inferior ad te venerat, & quia nec Christum nec Iesum vocant, nec dicunt, quem baptizasti, ne in memoriam Patris vocē de cœlo delapsam reuocent, sed *qui tecum erat trans Iordanem*, quasi vnus ex aliis quos baptizasti. 3. *Cui tu testimonium perhibuisti*. q. d. Cui tu tantum honoris tribuisti, vt hoc verbo ad iram velut in ingratum impellant. 4. *Ecce hic baptizat*, q. d. Usurpat tuum officium, & addunt aliquid veritati, cum fortē non ipse, sed discipuli, ipsius nomine, baptizarent: denique rem augent, vt magis commoueant, *Omnes veniunt ad eum*. q. d. Te derelinquunt: & ad eum conuertuntur: tua res agitur, tuo honori consulimus. Hoc tamen non erat verum, quia multi etiam ad Ioannem veniebant: vt suprà dictum est. Isti nolentes confitentur Christi baptismum ab omnibus præferri, & fiunt præcones veritatis. Rupertus putat hos discipulos Ioannis fuisse Phariseos, ideoque Christum spreuisse. Luc. 7. 30.

27. Respondit Ioannes, & dixit: Non potest homo accipere quicquam, nisi fuerit ei datum de cœlo.] Intelligens se à discipulis Christo præferri, & vt seipsum Christo anteponeret induci: respondet fieri non posse, nec debere, vt maiorem præstantiam & auctoritatem accipiat quàm sit ei à Deo concessa: sicque vanos conatus discipulorum reprimit, non acerbē sed prudenter, ne à se discederent, & ad Christum non irent. Chrys. q. d. Nolite Christo gloriam suam inuidere,

videre,ambo quidem docemus,ambo baptizamus;sed ille sua,non ab alio accepta;ego illius, idest accepta de cœlo auctoritate. Ille enim Deus , ego sum homo. Loquitur autem de rebus bonis,de gratia,de virtute, de sanctitate,de auctoritate baptizandi,quas in Ioanne discipuli admirabantur. Nam vitia quidem à nobisipfis accipimus. Ioannes non vehementer discipulos increpat, timens ne ab eo separati aliquid aliud operentur vt notat Chrysostom.

28. *Ipsi vos mihi testimonium perhibetis, quod dixerim : Non sum ego Christus, sed quia missus sum ante illum.*] Ioannes suis eos verbis conuincit. Vos,inquit,dicitis me testimonium perhibuisse, testimonium autem hoc est , in quo mensuram meam aperui , nempe præcursoris officium ; hanc non possum excedere , nec Christo me antepondere,aut coquare. Tacitè discipulos arguit , q. d. Iam ex me audieratis illum esse Christum , & me esse præcursores ; illum Dominum, me seruum. Non igitur erat cur turbaremini, si baptizantem ab omnibus mihi prælatum vidistis. Reprehendit etiam eos quod se tentarent vt aliquid faceret aut diceret contrarium his,quæ testificatus erat, & ipsi nouerāt.q.d. Cum sciretis quid iam de Christo testatus sum,non erat cur ad me veniretis sperantes contrarium aliquid dicturum. Chrys. & Aug.

20. *Qui habet sponsam sponsus est : amicus autem sponsi, qui stat, & audit eum, gaudio gaudet propter vocem sponsi.*] Docet hoc exemplo quid inter se & Christum intersit;tantum nimirum, quantum inter sponsum , & amicum sponsi;
Christum

688 MANUALE IN EVANGELIUM

Christum sponsum esse, se eius esse amicum, quod. Ad sponsum sponsa pertinet, amici autem munus est, honoris gratia in sponsalitiis sponsum comitari, ipsum cum sponsa colloquentem audire, & in hoc gaudere, non autem sponsam sibi appetere. Non ergo ægrè ferre debebant quòd plures ad Christum venirent: hoc enim erat sponsam sponso copulari: imò gaudere quòd Ecclesia quæ sponsa est, suo sponso vniretur. Ad Ioannem pertinebat Christo sponso adstare ministrando, testimonium perhibendo; eum cum sponsa Ecclesia iam colloquentem, & docentem audire, & in hoc gaudere. Amb. l. de bened. patr. c. 4:

Hoc ergo gaudium meum impletum est.] Idest consecutus sum quod maximè optabam: tantum abest ut ægrè feram ea quæ refertis, ut hæc sint de quibus me convenit gaudere. Quia ut amicus iam ipsi adstitit ipsum ostendendo, ei que officium præcursoris ministrando. Vocem etiam sponsi audiuerat Ioannes; nam & miracula, & prædicationem Christi, ex relatione aliorum, etiam antequam in carcerem coniectus esset, cognovit. Vnde meritò impletum gaudium suum dicit. His verbis insinuat Ioannes suum officium iam iam cessare, & instare tempus locum dandi Christo, ei que cedendi. Chrys. ho. 28:

30. *Illum oportet crescere, me autem minui.*] Q. d. Hactenus nomen meum celebrius extitit, & multi me sponsum, & Christum putarunt. Sed iam tempus, ut veritas pateat, & ego cadam à nomine & opinione, quam populus de me falsò concepit, ille autem ascendat ad nomen, quod illi debetur, ex Aug.

31. *Qui de sursum venit super omnes est.*] Id-
est non mirum si illum oporteat crescere,
quia desursum venit, idest Deus est: qui autem
Deus & homo est, super omnes nos, qui de
terra sumus, est. Connectuntur verba hæc rectè
superioribus. q. d. Ex quo gaudium meum im-
pletum est, oportet illum crescere. Quandiu
enim non loquebatur sponsæ, non prædica-
bat, non baptizabat, occultus erat & minor
videbatur: at posteaquã loqui ad sponsam per
opera & prædicationem incepit, quod qui-
dem ad meum gaudium, vt ad amicum, perti-
nebat, & ego summo desiderio expectabam;
crescet nomen eius apud omnes, & qui maior
visus sum minor videbor, vt veritas postulat.
Minui autem & crescere non ad Christum,
nec ad Ioannem propriè pertinet, sed ratione
opinionis aliorum. Consolatur discipulos:
nam Christum celebriorem fore prædicit, ex
Aug.

*Qui est de terra, de terra est, & de terra loqui-
tur. Qui de cælo venit super omnes est, & quod vi-
dit & audiuit, hoc testatur.*] Superius Christum
sibi præposuerat: nunc doctrinam simul & per-
sonam omnibus anteponit. Et est sensus, qui
principium habet de terra non in maiorem
præstantiam extollitur, quam conueniat ijs
qui de terra sunt, & doctrina eius etiam de ter-
ra est; idest non est altior quam ea, quæ de ter-
renis principijs duci potest ex motu, mutatio-
ne & alijs: nam vnusquisque ex ijs quæ per-
cipit, & sibi sunt cognita, sumit cognitio-
nem. Atqui de cælo venit, i. qui naturæ est
superioris & diuinæ, ille super omnes est: sicut
cælo nihi est altius, sublimior etiam est do-
ctrina.

690 MANVALE IN EVANGELIVM

Et rina eius, quia quæ vidit & audiuit narrabit.
 Non est autem tautologia. Nam priore loco
 esse de terra, est originem a terra ducere: poste-
 riore ex terra constare, terrenum esse: unde non
 eundem sensum efficiunt, sed respondent
 duobus sequentibus. *Qui est de terra* respondet
 ei, *Qui de cœlo venit*. Quod autem reperitur,
de terra est, respondet ei, *super omnes est*: Vt sit
 sensus, qui originem & naturam habet terre-
 nam, de terra est, idest, non confertur nisi ter-
 renis & inter ea habet suam præstantiam: ac
 qui de cœlo venit, idest, naturæ divinæ & cœ-
 lestis, hic super omnes est, & non inter eos,
 qui de terra sunt, sed inter & super omnes ha-
 bet suam præstantiam: vt Io. 8. Doctrina au-
 tem & scientia sequitur naturam: terrenus de
 terrenis; cœlestis & divinæ naturæ Magister,
 de diuinis loquetur: nam quilibet quæ sibi co-
 gnata sunt cognoscit: His autem duobus, *Quæ*
vidit, & audiuit, insinuat Christum filium
 Dei à Patre procedentem: qui videre dicitur
 quia verè suam, quæ Patris est, essentiam vi-
 det: audire autem, quia essentiam & scientiam
 habet à Patre. Christus autem venire de cœlo
 dicitur, quia naturæ divinæ est, & carnem as-
 sumpsit: venire enim est carnem sumere.
 Nēc dicitur, de cœlo est, sicut dicitur homo de
 terra esse; sed *de cœlo venit*; ne ex cœlorum sub-
 stantia intelligatur; sicut homo ex terra: sed
 venit de cœlo; quia naturæ divinæ est, quæ
 cœlum inhabitat. Quid igitur inquit Chryl.
 an Ioannes animam non habebat, quæ de
 terra non erat? Respondet habuisse, sed istud
 de terra esse nihil aliud significare quam hu-
 milem & abiectum esse. At non videtur spe-
 ctasse

Et sic Ioannes nisi primam hominis originem, & qualem naturam talem sermonem habere. Quid ergo an Ioannes cœlestia non loquebatur: utique: nam eius baptismum & doctrinam cœlestem fuisse indicat Christus, Mat. 21. 25. Luc. 7. 30. & c. 1. dicitur à Deo missus. Itaque Ioannis testimonium diuinum erat. Respondent Chrys. Theoph. Euthy. cœlestia quidem locutum Ioannem; sed illa ipsa cœlestia, si cum ijs quæ Christus locutus est, comparentur, fuisse terrena. Melius Aug. & Beda Ioannem quidem, & cæteros omnes, natura sua non nisi terrena loqui: diuina tamen gratia aliquando loqui cœlestia: vel vt Cyril. ea quæ dicebat Ioannes quamuis per se cœlestia essent, quatenus ab homine terreno dicebantur, fuisse terrena, quia vim non habebat homo ea in animis hominum imprimendi: eadem verò à Christo dicta, fuisse cœlestia, quia tanquam Deus vnà cum verbis diuinam quandam in animis virtutem ingenerabat. Orig. ait Prophetas locutos quidem esse cœlestia, non sua, sed aliena persona, i. Dei. Nec hic sermo est de fide & cognitione reuelata, quam homo non habet ex se nisi edoctus ab eo qui de cœlo venit vt notat Tol.

Et testimonium eius nemo accipit.] Pertinaciam, & incredulitatem hominum, suorum vero maximè discipulorum, vt ait Euthym. reprehendit, quòd Christo, idest, ipsi Deo loquenti, qui cœlestium oculatus testis, non crederent; sibi verò crederent, qui nihil nisi quod ab eo accepisset, loquerentur. Quod dicit, *nemo*, hyperbole est: nec enim nemo, sed pauci eius testimonium acceperunt. Beda dicit
neminem

692 MANVALE IN EVANGELIUM

neminem reproborum accepisse: Nam Petrus, Andreas, Philippus, & Nathanael iam acceperant. c. 1. & ipse Ioannes statim indicat aliquos eius testimonium accepisse. ex Aug.

33. *Qui autem accepit eius testimonium, signavit quia Deus verax est.*] Arguens incredulitatem Iudæorum & credentium paucitatem superioribus verbis, nunc docet quanti referat ei credidisse. *Qui, inquit, testimonium accepit, & ei credidit, signavit quia Deus est verax;* id est, ipsa fide, quam habuit, velut sigillo quodam suo Deum esse veracem confirmavit: sicut cum quis narrat ea, quæ solus ipse vidit, si quis dictis eius fidem habeat, ipsa credulitas est signum & sigillum quoddam, quo qui credit confirmat se reputare eum veracem; si enim talem non iudicasset, fidem eius dictis non habuisset. Fides ergo & credulitas audientis, velut sigillum est, quo confirmat loquentem esse veracem. Sic qui credit Christo ipsa fide Deum veracem confitetur. Et hoc etiam argumento discipulos inducit ad credendum Christo. *Signavit. i. monstravit, ex Chrysi.*

34. *Quem enim misit Deus: verba Dei loquitur.*] Confirmat superiorem sententiam: qui igitur ei credit, non meri hominis, sed Dei verbis fidem adhibet. A contrario crimen incredulorum cognoscitur, nempe qui non credit ei, mendacem facit Deum, quia verbis eius non credit. Nam quem misit Deus verba Dei loquitur, ut 1. Ioh. 5. Quærit Aug. tract. 14. Quid, ipsum Ioannem nonne Deus misit, c. 1. nonne & ipse verba Dei loquitur? si ergo & Deus ipsum misit, & verba Dei loquitur, quomodo ad distinctionem de Christo cum dixisse.

acce

SECUNDVM IOAN. CAP. III. 693

accepimus? Quem enim misit Deus verba Dei loquitur. Respondet Aug. ex verbis sequentibus sensum colligi; Christum missum fuisse accepto non ad mensuram Spiritu; alios missos sua quemque secundum mensuram donationis Christi accepta gratia. Theoph. Christum missum fuisse à Deo, sicut radij mittuntur à sole, itaque eiusdem esse naturæ: & cum loquitur verba Dei, idest, sua & propria loqui; cæteros missos vt seruos, quibus mandata data sint, vt hoc aut illud loqueretur. Vel solus Christus dicitur missus, non ex vno loco in aliū, aut quòd datus illi Spiritus sit, quem antè non habuerit, quo sensu Prophetæ omnes, & Ioannes missi dicuntur; sed quòd solus de cælo venerit. sicut dixit vers. 31. *Qui de sursum venit super omnes est.* Ideo solus verba Dei loquitur, idest, nihil loquitur nisi diuinum, quia à Deo processit & venit in mundum: sed solus inter eos, qui hætenus locuti sunt, verba Dei quasi sua, quasi propria, quasi Deus locutus est, non per visionem, non per somnium, non per homines, aut angelos accepta, sicut Prophetæ alloquebantur. Aliter enim Deus per Prophetas, aliter per filium in nouissimis temporibus locutus. Heb. 1.

Non enim ad mensuram dat Deus Spiritum.] Christo: nam hominibus quidem ad mensuram dat. 1. Cor. 12. Eph. 4. Dixerat, *quem misit Deus*, hoc verbo intelligens filium Dei: nunc causam dicti sui reddit: *Nō enim dat Deus Spiritum ad mensuram.* q. d. dixi misisse Deum, nempe filium, qui de cælo venit, & super omnes est: non enim dat Deus ad mensuram, nec beneficia limitata impertit hominibus, si qui-
dem

694 MANVALE IN EVANGELIUM

dem filium suum qui super omnes est, dedit eis. Spiritum bona spiritualia significare quorum auctor est Spiritus sanctus certum est. Mat. 6. quando ergo bona tribuit spiritalia, & ad vitam ac salutem æternam pertinentia, dicitur Spiritum dare. Ad mensuram autem Deus dat Spiritum, quando gratiam, fidem, & alia dona hominibus infundit, quæ finita sunt. Vel est vnum, eundemque hominem non totum habere Spiritum; sed, ut ait D. Paulus 1. Cor. 12. alij datur sermo sapientiæ, alij sermo scientiæ. Habere Spiritum non per se, sed per participationem, idest, ad mensuram habere. Et eo modo dare, est ad mensuram dare. At quando filium suum dedit, non ad mensuram dedit: donum enim hoc infinitum est: de quo dono sequenti cap. dicitur, *Si scires donum Dei.* Et is qui Spiritum non ad mensuram habet alijs dare potest; ij verò qui ad mensuram habent dare non possunt. At Apostoli per impositionem manuum Spiritum sanctum dabant. Act. 8. & 19. Ita quidem sed non per se, non propria auctoritate, tanquam rem suam, sed orando tanquam rem alienam precibus impetratam tradebant. Et qui non ad mensuram habet Spiritum, cum non alium quam diuinum Spiritum habeat, non potest nisi ex Spiritu Dei loqui: & quicquid loquetur verbum Dei erit: At Prophetæ & Apostoli sæpe suo ipsius spiritu loquebantur. Tol. & Mald.

35. *Pater diligit filium, & omnia dedit in manu eius.*] Hoc explicat clarius quo modo non ad mensuram Deus det Spiritum. q. d. in dilecto filio suo posuit omnipotens hominum salutem. Vide quantum donum, & quomodo
non

non ad mensuram dat Deus. Nam filium suum dilectissimum dedit nobis in saluatorem, & redemptorem; non vnus aut alterius, sed omnium. Perpende dictum esse, *Pater diligit filium*, tum vt præstantiam doni magis explicet, dedit enim Pater filium suum, eumque sibi dilectissimū: tum vt ex amore datum esse filium significet, vt dixit Nicodemo, quo etiam doni excellentia augetur. Mensuram ergo omnem excedunt tum quòd Pater filium dederit, tum quòd filium quem sine mensura diligit, tum etiam quòd ex dilectione erga nos, demum quòd ad generalem omnium salutem. Hæc locutio, *Dedit omnia Pater in manu*, significat omnium redemptionem & salutem; & quæ ad hæc spectant, in filio, non vt Deo solū, sed vt Deo & homini Christo (vt talis enim redemptor est) posita esse: vt Io. 13. & 17. & Mat. 11. Cyril. dupliciter exponit superiora verba: vno modo, vt sit sermo ratione diuinitatis, nempe omnia quæ habet Pater, vt omnia significant essentialia Patris. q. d. Omnia quæ Patris substantiæ sunt, dedit filio: altero modo vt ratione humanitatis Christus dicatur accepisse omnia, i. virtutem, & potestatem super omnem creaturam, vt dominium quod habet Pater, & ipse filius, qua ratione est Deus, communicauit sibi vt homini.

36. *Qui credit in filium habet et vitam æternam.*] Ioannes docet his verbis filium vnicam esse viam, qua homines salutem consequuntur. Et est conclusio superioris disputationis. Et effectum aduentus Christi quem illis verbis, *Pater dedit ei omnia in manu*, significauerat, his verbis exponit: & respondent hæc verba illis Christi,

696 MANUALE IN EVANGELIUM

Christi, *ut omnis qui credit in eum non pereat, sed habeat vitam æternam* : non quòd statim ac credit vitam æternam habeat, sed quia suo tempore habebit, quando à seculo recesserit : quia qui credit ius habet ut perueniat ad vitam æternam. Vel quia Christum per fidem habet, qui ipsa per se vita est. Gal. 1. & Act. 27. Vel quia arrhabonem quodammodo habet vitæ æternæ. ut ait Paulus Ro. 8. *Spe salui facti sumus*. Et 1. Petr. 1. Caluini peruersa expositio refutatur apud Mat. c. 9.

Qui autem incredulus est filio, non videbit vitam.] Per futurum, idest, non habebit vitam, neque habere potest, neque vnquam poterit quandiu incredulus est. Ideo rectè dixit, *non videbit*, ne si dictum esset, non videt, spes videndi dari censeretur. At *non videbit*, priuat etiam spe futuri. Chryl. *Non videbit*, ut denotaret perpetuitatem. Et Cyril. ut significaret non solum non possessuros, sed ne visuros quidem, aut gustaturos. Quamuis autem intelligi debeat eadem vita æterna, tamen generalior est sermo, *non videbit vitam*, quia nec in hoc seculo vitam spiritualem gratiæ, nec in futuro æternam videbit. Plus est habere quàm videre : at nec quod minus est incredulus assequetur. Tol.

Sed ira Dei manet super eum.] Non tantùm incredulus non videbit vitam, sed etiam iudicium damnationis subibit. Et hæc verba illis Domini respondent, *qui non credit iam iudicatus est* : propterea non dicitur, qui non credit incurrit iram Dei, quasi ante sub ea non sit, sed *ira Dei & damnatio manet super eum*, sub qua prius erat, quia iam iudicatus est. Christus enim

SECUNDVM IOAN. CAP. IV. 697

enim adueniens homines peccato obnoxios & iræ filios inuenit. ex August. Qui crediderunt à peccato & ira ad vitam æternam liberati sunt: non credentes vero, manent sub peccato, & ira Dei veteri, à quibus non liberantur. Non ergo solùm vitam non videbunt, sed manent in suo peccato, & iræ Dei subiecti, quia damnationis lege tenentur, & in ea permanent. Hoc Paulus docuit Eph. 2. *Eramus natura filij iræ, mortui peccatis.* Qui igitur in Christo per vitam fidem non viuificantur, non solùm vitam priuantur ne eam consequantur, sed manent sub peccato, & ira Dei. Hinc duplex damnatorum pœna designatur: altera non habere vitam æternam, quam Theologi pœnam damni; altera supplicia pati, quam pœnam sensus vocant, ex Mald.

CAPVT IV.

Mulier Samariitana innotescit Christus: & filium Reguli sanat.

1.2. **V**T ergo cognouit Iesus quòd audierunt Pharisei, quòd Iesus plures discipulos facit, & baptizat, quàm Ioannes (quamquam Iesus non baptizaret, sed discipuli eius) reliquit Iudeam.] Recenset baptismi Christi famam etiã ad Phariseos, qui erant Hierosolymis, peruenisse. Fama autem rei veritatem superabat: nam Christus non baptizabat, sed discipuli eius vt notat; vel quia solèt res in ore narrantium augeri & multiplicari, siue quia quod discipuli aut iubente,

Gg bente,

698 MANUALE IN EVANGELIUM

bente, aut sciente faciunt Magistro, aut non contradicente, Magister ipse facere dicitur: ut 1. Reg. 2. 30. Siue quia ille ipse baptismus, quem discipuli Christi conferebant, Christi erat, ab eo institutus, ab eo virtutem habens, eius datus nomine, & auctoritate. Quod ipsum magis augebat inuidiam, quàm si per seipsum fecisset. Malè quidam dicunt ideo non baptizasse Christum, quòd nondum per baptismum daretur spiritus, qui non nisi post resurrectionem datus est: & non decuisse Christum ipsum per se sine spiritu baptizare, ut refutavi cap. 3. 22. Et quod Tertul. discipulos Christi, non ipsius Christi, sed Ioannis baptismum contulisse. Melius D. Thom. ideo non ipsum per se Christum baptizasse quòd in rebus grauioribus, in docendo, in faciendis miraculis esset occupatus: sic debere præsules Ecclesiæ res grauiiores per se, minores per alios agere: ut Act. 6. Exod. 18. Ut ergo cognouit Dominus huius rei notitiam ad Phariseos peruenisse, à Iudæa recessit, amputans inuidiam Phariseorum, & tempore opportuno suam passionem reseruans. Cyr. fecit ut discamus indignationi & furori aliquando locum dare: ut doceret, non ut timeret ait Aug.

3. *Et abiit iterum in Galilaam.*] Prior regressus in Galilaam fuit quando cum Philippo post Andreæ & Petri vocationem, à Iudæa venit in Canam Galilææ: tempore autem Paschatis in Iudæam reuersus eiecit vendentes de templo, miracula fecit, & cum Nicodemus conuenit cap. 1. & Mar. 1. Post hæc in alium Iudææ locum migrans baptizabat per discipulos, Ioanne baptizante in Aennon: ibique manebat

mansit vsque ad Ioannis vincula. Tunc cognoscens ad Phariseos delatum esse se plures baptizare quàm Ioannem, iterum in Galilæam abiit Mar. 4. Mar. 1. Luc. 4. & hic est secundus regressus. Tol.

4. *Oportebat autem eum transire per Samariã.*] Rectè dicitur transcundum ei esse per Samariã, quia est regio sita inter Iudæam & Galilæam. Cyr. l. 2. cap. 77. Chrys. hom. 30. *Oportebat*, inquit, ne Iudæi conqueri possent quòd ad Gentes docendas iret, qui ad Israel missus esset. *Oportebat* q. d. itineris necessitas id postulabat, vt illac iret ait Beda; transiens autem conuenienter virtutem suam exercuit, vt sol quocumque progreditur illuminat.

5. *Venit ergo in ciuitatem Samaria, qua dicitur Sichar.*] Sichem aut Sichima, vrbs erat Samariæ: veniens ergo in Galilæam per Samariam ad hanc diuertit urbem, quæ in via posita erat. Fuit ab Abimelech euerfa, Ios. 9. à Ieroboam instaurata. 3. Reg. 12. Multa in hac ciuitate memoranda facta sunt. Abraham primum venit Sichem, ibi primò altare ædificauit Domino Gen. 12. ibi Iacob fixit tabernaculum Gen. 33. ibi Dina corrupta est. Gen. 34. constituta est asylum & refugium fugitiuis. Ios. 20. ibi decem tribus recesserunt à Iuda. 3. Reg. 12. Ossa Ioseph ibi sepulta. Ios. vlt. Melchisedech, qui fuit typus Christi, huius vrbs Rex fuit: celebrior propter hoc Christi miraculum.

Iuxta pradium quod dedit Iacob Ioseph filio suo.] Historia est Gen. 48. Siue sit ille ager quem Iacob emerat centum agnis, Gen. 33. Siue quem iure belli tulerat de manu Amorrhæi.

700 MANVALE IN EVANGELIUM

6. *Erat autem ibi fons Iacob.*] Prope aut intra prædium à Iacob extructus ad aquandì gregis causa, duplici ut fertur arcus iactu à Sichem distans. Putus erat, & tamen fons dicitur, quia fons est ubicumque aqua manat. Ex Aug.

Iesus ergo fatigatus ex itinere sedebat sic supra fontem.] Supra pro iuxta ut Psalm. 136. *Super flumina Babylonis.* Sedit quia fatigatus: & fatigatio sitim affert: ex itinere quod pedes confecerat. non in throno, non in loco honoratiori, sed in terra: vel *sedebat sic*, i. propterea sedit & iuxta fontem: quod proprium est iter agentium, ut defessi sedeant ad fontem, refrigerij causa, & ut discipulos expectaret ex Chryf.

Hora autem erat quasi sexta.] Meridiana, ideóque causam fatigationis & sitis reddit tacitè: non solum quia iter pedibus fecerat, sed etiam quia nondum cibum sumpserat, & solis iam ardor vigeat. ex Aug.

7. *Venit mulier de Samaria haurire aquam.*] Non ex vrbe Samaria; quæ erat remotior, sed ex regione, & ex vrbe Sichem, quæ proxima erat. Notat autem Evangelista fuisse Samaritanam, ut causam indicaret futuri colloquij: quod inde natum est quod Christus Iudæus cum esset, aquam ab illa cum esset Samaritana petiisset. Prudenter Christus eam lucraturus ad fidem, opportunitatem capiat quando & necessitas continui potus eam trahit ad fontem, & Christi defatigatio colloquendi præbet occasionem. Fœlix necessitas, quæ eam pertrahit ad salutem, & diues paupertas, quæ per se cogit ut faciat quæ per ministros fieri solent.

Tem

Temporales necessitates, & indigentia solent salutis consequendæ dare occasionem, quando diuina misericordia illis vti disponit: vt de Rebecca Gen. 24. de Rachel Gen. 24. de Purpurissa Act. 16.

Dicit ei Iesus: Da mihi bibere.] Vox est deprecantis, & qui imperare potuit Angelis, vilem adulteram & infidelem mulierem rogat, adeo nostram salutem diligit. Ex Chrys. Hæc mulier forma est Ecclesiæ, non iustificatæ, sed iam iustificandæ, ait Aug.

8. *Discipuli enim eius abierant vt cibos emerēt.*] Si discipuli adfuissent non per se, sed per eos aquam petisset. q. d. Causa cur cum muliere loquebatur, erat quia discipuli abierant; Sed diuina & altior latebat ratio, vt per colloquiū mulierem traheret ad fidem. Ieiunus cūm esset, nec vllos cibos sumpsisset bibere petiit: non reuera vt biberet, qui nec postea per multum temporis bibit; nec oblatos à discipulis cibos accepit: sed vt sermone iam suo, mulieris mentem inciperet illuminare. Attende discipulos abiisse ad emendum non ad mendicandum. Tol.

9. *Dicit ergo ei mulier illa Samaritana: Quomodo tu Iudæus cūm sis, bibere à me poscis, quæ sum mulier Samaritana?*] Ergo, duo indicat; alterum relationem ad superiora verba, quia mulier nihil Christo dixisset, nisi ille ab ea bibere petisset: alterum relationem ad sequentia; verba enim quæ sequuntur quandam insimulationem continent, cuius causa est Christi petitio; vt sit sensus, Petiit Christus bibere, & propterea mulier eum reprehendere & insimulare est ausa, quæ nisi Samaritana esset

G g 3 non

702 MANUALE IN EVANGELIUM

non reprehendisset. Perpende humilitatem & patientiam Christi, in vnius foeminæ pauperculæ salute quærenda. Quomodo mulier illa cognouerit Christum esse Iudæum? Resp. ex habitu, aut ex sermone. Oderant Iudæi Samaritanos vt idololatrias, qui cum vero Deo idola adorarent & eorum commercium abhorrebāt. Mulier ergo hoc ei exprobrat. Intelligebat mulier non esse commercium, si parum aquæ sitienti porrigeret: Sed hac occasione obiicit ei Iudæorum aduersus gentem suam communem auersionem.

Non enim contuntur Iudæi Samaritanis.] Non vtuntur, non cōsuetudinem, non commercium habent Iudæi cum Samaritanis. verba sunt nō Euangelistæ, sed Samaritanæ. q. d. Vos estis qui nos refugitis, nos contemnitis. Chryl. vt peccatum in Christum reiiceret, quasi ipsius sit culpa quòd couteretur cum Samaritana. Quare autem non couterentur: Ratio est, quia Samaritani origine Chaldæi erant, pro Gentilibus à Iudæis habebantur, & non habebant Iudæi commercium cum Gentilibus, ne ab illis contaminarentur. Deut. 7. Eo etiam maiore odio Samaritanos prosequabantur, quòd cū Iudæi non essent, veram se Iudæorum religionem habere contenderent, & cum vero Deo idola colerent. Maximè vero Iudæi à communicatione cibi & potus, cum Gentilibus abhorrebant, quòd ea potissimum re se pollui putarēt. Nam à colloquio quidem cum illis non abstinebāt, in rebus præsertim necessariis. Quod adeo insitum in animis eorum erat, vt vix etiam à factis iam ex Iudæis Christianis posset auelli, vt patet Act. 11. & Gal. 2. Ideo non dicit mulier

Quo

Quomodo tu Iudæus cum sis mecū loqueris, sed bibere à me pascis? Existimabant Iudæi omnia vasa Gentilium immunda esse: quia multas saepes immundas attingebant: ideo ea tangere non poterant. Non poterat autem Christus non bibere ex amphora Samaritanæ, quia aliud vas non haberet: propterea miratur, quod bibere à se petat. ex Aug. Notant quidam licuisse Iudæis à Samaritanis, & à Gentilibus potum & cibum emere, vt & discipuli emerant: donō autem accipere non licuisse, quòd hoc esset non solū consuetudinem, sed etiam amicitiam cum illis alere. Ideo dicit, *bibere à me pascis?* Notant etiam Chrysost. & Theoph. Samaritanis quidem licuisse agere, cibūque sumere cum Iudæis; Iudæis verò cum Samaritanis non licuisse: ideo mulierem non respondisse, non possum, aut non licet mihi tibi dare: sed, *Quomodo tu Iudæus cum sis bibere à me pascis?* q. d. Non licet tibi aut petere aut accipere. Itaque non recusasse illi tanquam inimico potum dare, sed propriæ eum legis admonuisse, videret num sibi liceret petere: nam si quidem liceret, libenter daturam esse. Vel Iudæorum irridens superstitionem hoc interrogauit. Utinam tam diligenter Catholici nunc consuetudinem hæreticorum euitarent. Mald. Quærit Chrysost. cur Christus contra Iudæorum legem aut traditionem potum à Samaritana petierit. Respondet exemplo voluisse docere non esse iam illas traditiones Iudæorum obseruandas. Alij sciuisse eum, mulierem sibi non daturam esse: Quin potius existimādum re ipsa potum Christo dedisse, illūque bibisse, & certè obtulisse.

704 MANVALE IN EVANGELIUM

se. D. Thom. & alij putant Christum non petiuisse aquam illam putei, sed spirituales aquam, quam sciebat illam sibi dare non posse. An autem ea tantum de causa petiuerit aquam simulans se sitire, veréque velle bibere, an reipsa sitiens petierit, dubium est, & utrumque probabile: sed probabilius veré sitiuisse. Ex Aug.

Respondit Iesus, & dixit ei: si scires donum Dei, & quis est qui dicit tibi, Da mihi bibere, tu forsitan petiisses ab eo, & dedisset tibi aquam viuam.] Cum articulo *donum* illud insigne; nempe filium proprium datum à Deo, ut omnis qui credit in eum non pereat, sed habeat vitam æternam. Et rursus *si scires*, qui sum ego, qui peto à te aquam ad bibendum; nempe me esse Dei filium qui veni ut omnis, qui credit in me, non pereat, sed habeat vitam æternam. Vel si scires donum Dei, id est, tam commodā salutis occasionem tibi oblatam: profecto tu potius à me peteres, & ego non negarem, ut tu negasti mihi, sed darem tibi aquam perfectiorē, nempe aquam viuam. Ut si quis infirmus cognosceret aliquē esse medicinæ peritum, simul etiam exercere officium medici, profecto peteret sanari ab eo. Præterea, si donum Dei hoc cognosceret datum, non ut Iudæus solum, sed ut omnis homo etiam infidelis, Gentilis, Samaritanus, qui credit in eum non pereat, sed habeat vitam æternam: sciret etiam omnem hominem, periculo, & damnationi æternæ mortis subiectum, & propterea donum hoc esse à Deo datum, rectéque sequitur quod peteret sibi salutem à Christo, qui est is, qui datus est, & venit ut omnis saluetur per ipsum. Hinc sequitur

SECUNDVM IOAN. CAP. IV. 705

quitur declaratio consecutionis, si petiisses ille daret, quia non venit vt iudicet mundum, sed vt saluet. Aqua viua Spiritum sanctum significat; qui per Christum dandus erat; Ioan. 7. vel gratiam Spiritus sancti, quæ aqua dicitur quòd animam lauet, ac purget: vel doctrinam Evangelicam, quæ viua est, quia viuus est sermo Dei Heb. 4. vel baptismi aquam, quam qui semel bibit non sinit iterum, quia semel baptizatus iterum baptizari non potest: vel Christum ipsum; ex quo colligunt esse Deum, quia vita aut aqua viua est. Quòd dicit *forſitan*, significatur facultas arbitrij, qua poterat mulier aquam petere, vel non petere.

11. *Dicit ei mulier: Domine neque in quo haurias habes, & puteus altus est, vnde ergo habes aquam viua?*] Id est, ex hoc puteo ista aqua esse non potest, quia profundus est, & non habes quo haurias: alius ergo locus est quem fodias, vbi hanc aquam te habere oportet, dic vnde hauries, & manifesta hunc locum. Quamuis mulier non intellexerit Christi verbum, & putauerit eum loqui de aqua materiali; tamen affectus eius iam mutabatur, & intellectus illuminabatur, & diuina virtus paulatim & suauiter operabatur: quem enim Iudæum vocauerat, & cui insultauerat, iam Dominum vocat: nec verbum contemnit irridendo, præsertim cum aquam petiisset, aut reiiciendo, vt incredibile, sed dubitando, & ignorando opponit, vnde ergo habes aquam hanc? quia non video quomodo tu possis de hoc puteo haurire. non intulit, non habes aquam, sed vnde habes? q. d. Ergo ex alio loco habes. Quis locus hic est? Repræsentat hæc mulier animalem hominem,

706 MANVALE IN EVANGELIUM

qui non percipit ea quæ Dei sunt.

12. *Nunquid tu maior es Patre nostro Iacob, qui dedit nobis hunc puteum, & ipse ex eo bibit, & filij eius, & pecora eius.*] Sensus est, nec scio unde habeas, nec qua ratione habere possis. Nam si haberes, esses profectò tu maior quàm Iacob, quod credibile non videtur: non ergo aquam hanc dare potes. Hæc verba non protulit affirmatiuè; sed interrogatione vfa est, quia, etsi difficile, tamē impossibile non iudicauit: alioqui dixisset, tu non es maior. Quod sanè iam lumen diuinum efficiebat in eius mente. Perpende etiam mulieris prudentiam; quia rem nō impossibilem iudicabat, spe quadam iam impulsam aquam hanc habendi, Iudæam se profiteretur, hac ratione Christum, vt ei aquam daret, inducens. Iacob enim patrem suum vocat. q. d. Ego etiam sum Iudæa, vt tu, & ambo communem habemus patrem. Et cui exprobrauerat priùs, *tu Iudæus cum sis*, cum iam reueretur & se eodem nomine nobilitat. Iam enim spem lumine affecta diuino concipiebat sed imperfectè, citò in magnam fidem, spem, & charitatem à Christo extollenda. Cyr. l. 1. c. 48. Nostrum ergo dixit suum & Christi: vel nostrum, idest Samaritanorum; indicans etiam se, omnesque Samaritanos esse Iudæos; siue quia, quamuis Chaldæi essent, tamen, quia mixti cum Iudæis fuerant, pro Iudæis se se ferebant, & Iacobi genere gloriabantur: siue, quia eius se religionem sequi putabant, patrem suum appellabant. Beda.

13. *Respondit Iesus, & dixit ei: omnis qui bibit ex aqua hac sitiet iterum: qui autem biberit ex aqua quam ego dabo, non sitiet in æternum.*] Q. d. Non

Non dubites, ô mulier, me hanc habere, & dare posse aquam: ego dabo, in mea est potestate, mihi que eam dare incumbit. Priusque magnum facit discrimen inter has aquas. 1. Aqua huius putei perfecte non extinguit sitim: nam qui eam bibit eum iterum sitire necesse est. Aqua verò quam ego dabo, & quam ego promisi tibi, sitim auferit omnem, nam qui eam biberit non sitiet in æternum. Attende Christi artificium: allicit enim mulierem ad credendam, desiderandam, & petendam aquam promissam, per hoc, quòd sitim pellit in æternum; ex quo insinuat non esse materiale, & tacite se maiorem quàm Iacob significat. Aqua hæc sitim in æternum extinguens est Spiritus sanctus credentibus in Christum datus, qui omnem sitim & animæ & corporis auferit. Ex Chrysoft.

14. *Sed aqua quam ego dabo ei fiet in eo fons aquæ salientis in vitam æternam.*] Auger præcedentem sententiam: & sensus est, non solum qui biberit ex aqua, quam ego dabo ei, non sitiet in æternum; sed etiam hæc aqua fiet in eo, qui biberit, fons aquæ salientis, idest salire facientis eum in vitam æternam; tanta erit huius aquæ virtus in bibente, vt suo impetu tollat eum in vitam æternam, in cælum; & ex mortali, & corruptibili, ac terreno, faciat immortalem, incorruptibilem, & cœlestem. Metaphora est à fontibus altè aquam eiaculantibus, quod propter ingentem copiam & scaturiginem aquæ fieri solet. Hoc efficit Spiritus sanctus, qui fons est credentibus in Christum, tantæ virtutis vt eos in cælum perducatur, & a corporis etiam morte in vitam æternam resurgere faciat. Ro. 8. Præter

708 MANVALE IN EVANGELIUM

primum s.d. duo alia discrimina recenset inter has aquas. Aqua enim putei non fit fons in eo qui bibit, nec vitam æternam confert: aqua vero Christi fit fons aquæ salientis in vitam æternam. Spiritus sanctus enim fit fons in nobis aquæ donorum gratiæ, & virtutum, quibus dignos nos facit vita æterna, & per ea in vitam æternam perducimur. Ex Chrys. Et qui semel eam biberit satis habet in totam vitam, modò ne euomat, ne eiiciat; Euomit autem qui læthaliter peccat. 1. Thes. 5. admonet *Spiritum nolite extinguere*: manet enim in nobis semet haustus, semel accensus, nisi nos ipsi extinguamus, estque in animis nostris veluti perennis fons saliens in vitam æternam. Ex Chrys.

13. *Dicit ad eum mulier: Domine da mihi hanc aquam, ut nō sitiam, neque veniam huc haurire.*] Multum hæc mulier profecerat, quamvis hanc nondum planè perciperet. Nam dictis Christi fidem habuit, credēs fieri posse Christū aquam dare meliorem illa, quam ipsa hauriebat, & quam qui biberet non sitiret in æternum, & maiorem Christum Iacob credidit. Nā qui aquam hanc viam daturus erat, maiorem quam Iacob futurum ipsamet erat falsa. Profevit etiam in affectu: nam hanc sibi dari petit confisa verbis Christi, *ille daret tibi si tu petiisses. Da mihi*, inquit, *hanc aquam.* Sed ut imperfecta intellectu, ita etiam erat imperfecta affectu, utilitate enim temporali inducta hanc aquam cœlestem petit, *ne*, inquit, *toties veniam huc haurire.* Non mirū si imperfectū est desiderium, ubi adhuc erat imperfecta fides. Sunt qui allegoricè interpretantur, idest, ut non indigeam aqua ista Iacob, scripturis, atque doctrinis, quibus

bus nobis opus est vt diuina mysteria intelligamus; sed sine vlllo studio, sine vlllo labore, quemadmodum Angeli faciunt, intelligam. Ita Origen.

16. *Dicit ei Iesus: vade voca virum tuum, & veni huc.*] Christus vt prudens medicus eam volens sanare, causam infirmitatis considerat. Capere diuina, & spiritualia mulier nō poterat, quia graui adulterio excæcata erat. Vt igitur illuminetur, causam morbi attigit, vt peccatum suum confiteatur, & illuminetur. Et tot verbis utitur, qui vnico sanare & illuminare potuerat, vt nos doceret qualiter alios sanare, & illuminare debeamus. *Vade, inquit, voca virum.* Sciebat virum non habere sed adulterum: sed utitur hoc prætextu; vel quòd veller non cum illa sola, sed etiam cum eius viro donum illud, quod promiserat, cōmunicare, & quòd maius esset beneficium, quòd viro simul & vxori cōmune esset, & quòd non satis honestum videretur nuptiæ mulieri quidquam donari in scio marito. Chrys. Theoph. vel quòd non satis videretur mulier idonea esse vt quæ dicturus erat Christus intelligeret, ideo iussam vocare virum, vt per eam doceretur. Aug. Sic monet Paulum constituisse, vt per viros suos mulieres docerentur. 1. Cor. 14. Eo autem prætextu potiùs quàm alio vsus est, quia sciebat quid illa iussa vocare virum responsura esset: & volebat occasionem inde captare illi declarandi quidquid toto vitæ suæ tempore fecisset. Ex Chrysostom.

17. *Respondit mulier, & dixit: Non habeo virum.*] Negat se virum habere, & id verum erat. Multum valet in animis hominum utilitas

710 MANVALE IN EVANGELIUM

tatis spes. Cum enim aquam hanc sibi dari vehementer optaret, ne ullam dilationem pateretur, se virum non habere confessa est, ne abire, & iterum redire cogeretur, & utilitate allecta verum manifestat Ex Chrys.

18. *Dixit ei Iesus: Bene dixisti, quia virum non habeo: Quinque enim viros habuisti, & nunc quem habes, non est tuus vir: hoc verè dixisti.*] Quod mulier vno sensu dixerat, id Christus alio sensu accipiens verè ab ea dictum esse ait. Illa putans se virum habere, mentita dixerat se non habere: nec enim credibile est illam dicere voluisse, se quidem loco viri aliquem amicum habere, legitimum autem virum non habere: Christus verbum eius excipiens subiecit verum eam dicere, falsum dicere volentem: habere enim virum, sed non legitimum, vel, *Bene dixisti*, idest verum est te non habere virum: sed aliud tacuisti. Nam viros quinque habuisti, & quem nunc habes non est tuus vir, propterea tu confessa verè es te non habere virum. Bis repetit Christus, *Bene dixisti, non habeo virum*, Primò quidem confirmans eius dictum, secundò post datam causam quare bene dixerit. q. d. Verè dicis te non habere virum: nam habuisti quinque; & vnum modò habes: sed hic non est tuus: & hoc rectè dixisti, te non habere virum, quia habes quidem, sed non est tuus. Illud *quia*, non est causalis dictio, sed declaratiua, *Bene dixisti* te non habere virum. Probabile Mald. ait cæteros non viros sed adulteros fuisse: tamen hunc sensum literalis textus non patitur: nam dicitur, quinque viros habuisti, quasi reliqui quinque fuerint sui. Athan. Aug. Magna prudentia & suauitas

uitas Christi hæc est: non arguit, non inuehitur contra eam, non adulteram vocat; sed modestissimè eius peccatum manifestat. Adulterij enim occulti significatio imperfectæ fœminæ satis magnâ erat correctio: nec opus erat adiungere acerbiter verborum, maximè quia hoc reuelabat, non tam vt illius insimularet incontinentiam, quam vt suam ei manifestam faceret dignitatem, & excellentiam, càmque ad sui fidem alliceret. Quinque viri sunt quinque sensus ex Orig.

19. *Dicit ei mulier: Domine, video quia Propheta es tu.*] Duplex confessio, & propriij peccati, & virtutis & excellentiæ Christi. Cum dicit, *video quia Propheta es tu*, tacitè confiteretur vera eum dixisse, se in adulterio, vel in perpetuis adulteriis vitam duxisse: quod qui nemine indice cognouerit non posse non esse Prophetam. *Quia*, est dictio non causam sed declarationem denotans. Modestè veritatem aperit dicentis verba confirmans: fortè pudor impediēbat apertis verbis confiteri. Magnū salutis argumentum correptionem acceptare, & veritatē submissè cognoscere: vt David 2. Reg. 12. Ezechias 4. Reg. 10. & Isa. 39. Sicut è contra correctionem contemnere, damnationis est indicium, ex Chrys. Eccl. 21. vt Cain. Gen. 4. Giezi 4. Reg. 5. Ananias & Saphira. Act. 5. aut excusare, vt Saul. 1. Reg. 15. vel in eos à quibus reprehenduntur sœuire, vt Reges Iudæorum in Prophetas, qui a Deo illis mittebantur, 3. Reg. 19. Ier. 29. Herodes in Ioannem. Mat. 6. Scribæ & Pharisei in Christum, Mat. 21. & 26. Iudæi in Stephanum Act. 7. Vides hanc mulierem magis ac magis interiùs proficere. Sic cœpit ad
eam

712 MANVALE IN EVANGELIVM

eam venire vir cum prius sensibus regeretur ex August.

20. *Patres nostri in monte hoc adorauerunt: & vos dicitis quia Hierosolymis est locus, ubi adorare oportet.*] Contentio erat inter Iudæos, & Samaritanos de loco in quo Deo vero Israel sacrificandum erat: non enim omni in loco sacrificare licebat, Deut. 12. Iudæi ergo locum adorationis, idest sacrificij, templum Hierosolymitanum affirmabant esse, & id verum erat ubi Salomon, & Reges sacrificia Deo accepta obtulerunt, & ubi erant summi sacerdotes. At Samaritani in monte Garizim prope Sichar templum ædificarunt, in quo Deo Israel sacrificia offerebant, & eum esse locum quem Dominus elegerat, Deut. 12. cum Iudæis contendeant: eratque controuersia continua vter locus esset adorationis. Adorationem hoc in loco oblationem, & sacrificium appellat, vt Deut. 12. Mulier ergo hæc Prophetam esse Christum credens, resolutionem huius controuersie petit: siue quia hoc scire desideraret: siue quia scrupulo agebatur, ne forsan ubi non oportebat, Deo sacrificium offerret: siue forsan vt colloquium de sua incontinentia interromperet, propositis his quæ ad Prophetam sibi pertinere visa sunt. In proponendo suam auget & firmat causam: contrariam verò debilitat. Hoc humanum est artificium. *Patres nostri, inquit, adorauerunt in monte hoc. q. d. Nos habemus magnam causam vt in templo hoc adoremus, quia Patres nostri adorauerunt in monte, ubi est nostrum templum. Et vos dicitis. q. d. non probatis, quia Hierosolymis est locus, ubi adorare oportet, sed sola vestra opi-*
nione

nione, Patrum autoritate non fulti, dicitis in templo Hierosolymitano adorandum. Patres vocat Abraham, Isaac, & Iacob; quasi suas probans partes, & Iudæorum causam deprimens, quod Patres suos non imitentur. In eo Abraham dicitur filium suum sacrificasse. Chrys. ho. 22. Vel Patres Samaritanos intelligit, qui cultum in eo monte instituerant, quorum se auctoritate mulier tuetur. Ex Orig.

21. *Dixit ei Iesus: Mulier crede mihi, quia veniet hora quando nec in monte hoc, neque in Hierosolymis adorabitis Patrem.* } Primum sibi fidem haberi petit Christus à muliere: nec iniustum petit, ut qui occulta manifestauerat, & Propheta credebatur, & maior quam Iacob propter aquam viuam iudicabatur. Deinde respondet ad interrogationem, primò illam cōtentionem cessaturam: nec enim in illo loco, nec in Hierosolymitano templo adorandus erit Deus. His verbis quæ de futuro sunt *veniet*, inquit, *hora* (quamuis enim Græcè verbum sit præsens, tamen id sæpe etiam pro futuro ponitur, & sic habet versio communis) prædicat vtrumque cultum, & Samaritanorum, & Iudæorum tollendum: & hac ratione cessabit contentio. Et ne putaret cultum & adorationem omnino cessaturam, inquit: *Adorabitis Patrem.* Ut sit sensus, veniet hora quādo adorabitis Patrem; erit quidem cultus Dei, sed non qualis in hoc vestro, & illo Iudæorum templo, quia vterque cultus cessabit, & nouus multò perfectior succedet. Hanc perfectionem huius cultus insinuat illud verbum, *Patrem*; ut enim dicit Cyril. l. 2. c. 91. dum Patrem vocat, ad filium erigit considerationem, & ita est. Nam
in

714 MANVALE IN EVANGELIVM

in Christiano cultu, non absolute Deus adoratur, sed etiam distincte Pater, Filius, & Spiritus sanctus, & tres adoramus in vna deitate personas: quod nec Iudæus, nec Samaritanus fecit. Rursus adoramus Christiani Deum & Patrem, quia sumus in statu adoptionis filiorum, & clamamus: Abba Pater, & edocti à Christo inuocamus, *Pater noster qui es in coelis*. Hæc ergo perfecta adoratio de medio tollet & Samaritanorum ritum, & Iudæorum cultum. Attende per Samaritanorum adorationem intelligi Gentium omnium idololatriam: hi enim quamvis Deum Israel adorarent, tamen idololatæ erant, & more idololatrarum vivebant. Cessare ergo debuit & idololatria, & Iudæorum cultus in Christi Evangelio, Mich. 1. Isa. 2. Ps. 39. Isa. 1. Et potestatem dedit Dominus adorandi in omni loco, ubi dixit: *nec Hierosolymis, neque in monte hoc adorabitis Patrem*. Dilatat & deducit adorationem Dei ab arcto Hierusalem ambitu, in omnem totius orbis locum. Basil. l. 2. de bapt. c. 8.

22. *Vos adoratis quod nescitis: nos adoramus quod scimus.*] Secundò respondet Dominus, & præfert cultum Iudæorum, Samaritanorum ritui: ne enim mulier illa parem esse utriusque & Samaritanus & Iudæi causam, cum utriusque remouendus esset cultus, arbitraretur, adiunxit secundum responsum. Cultus Iudæorum quem suum vocat, *nos* dicens, quia secundum carnem Iudæus erat, multò est præstantior vestro. Et causam apponit, Iudæus adorat quod scit, Samaritanus autem quod nescit, i. Iudæorum cultus ex fide vera est, quia unicū credit esse Deū sicut verè est: Samaritanorum autē cultus

cx

SECUNDVM IOAN. CAP. IV. 715

ex infidelitate & errore, ac ignorantia est, quia non habet de vero Deo fidem. Quamuis enim Deum Israel, Deum esse credat, tamen putat non esse nisi loci eius Deum, vt 4. Reg. 17. Et cum eo multos recipit Deos: qui autem Deum vnicum & Dominum omnium Gentium non credit, rectam fidem non habet, & Deum ignorare dicitur, quia verè de Deo non sentit. Nos Dei iussu facimus, vos hoc facitis inuento vestro. Præstat ergo cultus Iudæorum cultui Samaritanorum, sicut fides infidelitati, & veritas præstat errori. His verbis duo insinuat Christus, alterum est Iudæos contentione illa proposita veram & rectam causam tueri, in templo enim Hierosolymitano verus erat cultus; vnde ille locus probandus est non autem ubi cultus erat falsus. Alterum est utrumque quidem cessaturum, non tamen eadem de causa. Nam cultus ille Samaritanorum, & Gentium Idololatria ablata est, quia mala, & falsa, & impia: at Iudæorum cultus, non vt falsus, non vt malus, qui tunc verus & sanctus erat, sed vt imperfectus, & vt figura, & vmbra adueniente perfecta veritate. Ex Chrys.

Quia salus ex Iudæis est.] Christus probat Iudæos veram Dei cognitionem habere, quia salus, i. Christus qui est salus mundi, ex Iudæis est: vel salus, idest, promissiones salutis per Messiam futuræ Iudæis factæ sunt, & ex ipsis in alios sunt diffundendæ: Christus enim de eis secundum carnem venturus est, qui omnium est saluator; prædicatores veritatis & legis Euāgelicæ per orbem mittendi ex ipsis sunt, & illis primùm Euangelium salutis prædicatum est. Isa. 1. in ipsis igitur est vera cognitio Dei.
Ex

716 MANVALE IN EVANGELIUM
Ex Chrysoſtom. & Auguſt.

23. *Sed venit hora, & nunc eſt, quando veri adoratores adorabunt Patrem in Spiritu, & veritate.*] Tertiò reſpondet Dominus, & exponit qualis ſit iſta adoratio futura, quæ erit remotis illis montis & templi Hieroſolymitani cultibus. Eſt autem illa particula, *ſed*, diuerſitatis. q. d. Non adorabitis in monte hoc, nec Hieroſolymis; ſed adoratio erit in Spiritu & veritate. Cum autem prius dixerit *Venit hora*, tamen non expreſſerit, an proxima hæc hora, an diſtans, & longinqua eſſet: repetit idem verbum, & adiunxit, *nunc eſt*: q. d. dixi, veniet hora: nunc autem addo, iam eſt hæc hora: paulatim enim procedit reuelare myſteria & prudenter non addidit tunc illud, & *nunc eſt*, ne Samaritana audiens montis cultum commouendum, turbaretur nimis: propterea futuro uſus eſt tempore. At nunc de vera adoratione loquens addit, *nunc eſt*. Vtrumque tamen verbum, *venit*, & illud & hoc, in Græco præſens eſt, *venit*, ſed quod ſæpe futuri vim habet. Perpende verbum *veri*, inquit, adoratores adorabunt, inſinuat multos adhuc adoratores remanſuros, qui poſt Chriſti aduentum non ſic adorabunt, tam ex Iudæis quàm ex Gentibus: tamen non erunt neque hi, neque illi veri adoratores; ſed ij ſolum, qui in Spiritu, & veritate adorabunt. Ex Aug. Iudæi ergo, qui olim veri adoratores erant, ſacrificijs, & oblationibus, & ceremonijs à Deo inſtitutis, adhuc in eis perſeuerantes, poſt Chriſti aduentum, non veri, ſed falſi ſunt adoratores. Super eſt explicare quæ ſit hæc adoratio, quæ futura nunc dicitur in Spiritu & veritate. Si textum obſerue

obseruemus, duo hæc opponuntur duobus illis, nempe adorationi Samaritanorum, & adorationi Iudæorum. Nam dicitur, nec in monte hoc, nec Hierosolymis adorabitis; sed in Spiritu & veritate: quasi hæc duo duobus illis opponat: ex sensu igitur illorum explicatio horum dependet. Adoratio in primis Samaritanorum erat in falsitate, & ignorantia. Adorabant enim quod nesciebant, quia de Deo non rectè sentiebant: erit ergo adoratio opposita, quæ est in veritate, quando rectè & verè de Deo sentientes adoramus. Iudæi autem adorantes quod sciebant in veritate adorabant, & adoratio eorum erat in rebus corporalibus, quæ erant vmbre, & figuræ futurorum: omnia enim illa animalium sacrificia, ceremoniæ, & ritus instituta erant à Deo; & data illis tanquam futurorum figuræ & signa: tale fuit templum illud & omnis cultus illorum exterior. Erit ergo opposita adoratio quæ non in corporalibus figuris, & vmbreis futurorum fit; sed in Spiritu, i. in Spiritus sancti gratia, fide, charitate, & actibus, ac operibus ex his procedentibus fit: & hæc est adoratio *in Spiritu*, quando non corporeas res, vmbas & figuras offerimus, nec in his seruimus Deo: sed in actibus virtutum, qui ex Spiritus sancti gratia procedunt. Et hæc est Christianorum adoratio & Euāgelica. Tol, Calvinistæ in spiritu & veritate adorare interpretantur sola adorare fide: sed isto quidem modo dæmones erunt veri adoratores. Nam & dæmones credunt & contremiscunt. Iac. 2. & Christum sæpe negantibus Iudæis filium Dei esse, confessi sunt. Mar. 1. Luc. 4. Deinde si sola
fide

718 MANUALE IN EVANGELIUM

fide Deus adorandus, cur ipsi precibus, cur psalmis, cur Sacramentis Deum adorant? si tamen hæretici Deum adorare possunt. Vicina huic errori est eorum interpretatio, qui spiritum hoc loco animum intelligunt, quasi solo Deus animo sit adorandus. Alij Spiritum sanctum intelligunt, quem qui accipiunt spiritu ipso sancto eundem quem acceperunt spiritum adorent. Alij *spiritu & veritate*, idest veris virtutibus & corporis mortificatione. Alij in spiritu, i. in Spiritu sancto, & in veritate, idest in filio, itaut vnum in tribus personis Deum adoret. Alij spiritum & veritatem pro eodem accipiunt. Rom. 19. 2. Cor. 3. Alij spiritum opponunt corporeo loco, quo & Iudæi & Samaritani concludere videbantur, dum illi non extra Hierosolymam; hi non extra mōtem illum adorari posse putabant: veritatem verò figuris, vt sensus sit venisse tempus, quo tempore veri adoratores neque certo loco, neque legalibus illis ceremoniis, & sacrificiis, quæ vmbre tantum erāt rerum futurarum, Deū adorabūt: *sed veritate*, i. rebus iis, quæ per vmbas illas significabantur. Ita Mald. à quo non parum dissentit Tol. Quid igitur Christiani, qui sunt veri adoratores, an non debent certa habere templa, Sacramenta, ceremonias, & præstantissimum illud Eucharistiæ Sacramentum? Maximè verò: sed hæc omnia, & quæ sunt alia generis eiusdem siue à Christo, siue ab Ecclesia instituta, quibus Deus à Christianis colitur, quamvis natura sua corporea sint, tamen quia non sunt figuræ rerum futurarum, sed veterum potius figurarum impletio: aut ad significandam ipsam impletionem instituta, non corpus, non vmbra;

umbra; sed Spiritus, & veritas sunt. Eadem ratione soluitur quæstio, an non lex etiam verus Spiritum habebat, & veritatem: an Prophetæ sine Spiritu, & veritate adorabant: Adorabant illi quidem Spiritu, i. animo, aut spiritualiter, i. vera fide, charitate, & pietate: adorabant veritate, i. verè, non simulatè, non fictè, non falsis commentis, sed ijs modis quos sibi Deus præscripsisset: sed non adorabant in Spiritu & veritate, i. sine figuris, quia illis figuris Deus iusserat eos adorare. Ex Chryf.

23. *Nam & Pater tales quarit qui adorèt eum.*] Duas affert rationes quare veri adoratores in Spiritu, & veritate adorare debeant; alteram ex Patris voluntate; alteram ex natura sumptam. Pater, inquit, non vult umbris & figuris, sed Spiritu & veritate adorari. At instituit in lege veteri? Instituit, sed ad tempus. Ex Chryf.

24. *Spiritus est Deus, & eos qui adorant eum in Spiritu & veritate oportet adorare*] Cur Pater tales postulet adoratores rationē subdit „quia Deus Spiritus & incorporeus est: igitur non in corporibus & rebus materialibus, sed in Spiritu & veritate, quæ etiam spiritualia sunt oportet adorare ex Chryf. ut sit proportio & convenientia inter adoratum & adorationem: Vel reddit rationem cur Deus reiectis figuris veteris legis in Spiritu, & veritate voluerit adorari; quia ille nimirum umbratilis cultus non erat accommodatus ad ipsius naturam: nec enim poterat Deus, cum Spiritus esset, figuris ullis, umbræve repræsentari. Quod corpus non est, umbram non habet, ut Isa. 11. & 66. Et si quando corporeum exigit ab hominibus cultum, id non ad suam sed ad ipsorum naturam accommodatè

720 MANUALE IN EVANGELIUM

modatè facit. Spiritus hoc in loco vox communis est Trinitati, naturam non personam significans: & sensus est, Deus est spiritus. Et per hoc significatur actiones & operationes hominis exterioris, nisi ex spiritu procedant, fide, dilectione, gratia, Deo non esse gratam adorationem. At si ex eo procedant spiritualis adoratio sunt. Non ergo antiqua & corpora sacrificia iam placent quæ tunc exhibita erant, & placebant: quia figura futurorum erant: hoc iam ablato, & illa cessarunt. Placent tamen ieiunia, eleemosynæ, peregrinationes, quæ ex Spiritus Dei gratia, fide & dilectione procedunt. Sic enim spiritualia sunt in suo principio, & radice, seu causa, & quandam cum Deo habent proportionem, qui Spiritus est. S. Athan. ex hoc loco probat Spiritum sanctum esse Deum. Vel cum in Spiritu Deum, Spiritum docuit adorandum, & libertatem, ac scientiam adorantium, & adorandi infinitatem ostendit. Ex Hil. 2. de Trin.

25. *Dicit ei mulier: Scio quia Messias veni, qui dicitur Christus. Cum ergo venerit ille, annuntiabis nobis omnia.*] Hæc mulier non capiens verba Christi solutam suam quæstionem non putavit, idcirco ad aduentum Messiae contentionis sententiam refert. Scio, inquit, quia venit Messias. Id est, venturum scio. Samaritani enim quinque libros Moysis recipientes Christum venturum credebant. Io. 5, vel venit, i. adven-
tat. Illud autem, *qui dicitur Christus*, vox est Evangelistæ interpretantis verbum Hebræum. Messias enim Christum significat. Sperabat autem Christum, legem & doctrinam expositurum, ut doctorem insignem, & in hoc rectè sentiebat:

sentiebat: quamuis aliter multò docturus esset, quàm ipsa sperabat. Habebat Samaritana Christum docentem & annuntiantem, & non agnoscebat: aliquàm tamen percepit ex Christi præsentia motionem, nã mota est aduentus Christi desiderio. Imò dum dicit, *annuntiabit nobis*, præsensit etiam quodammodo se eum visuram, quem iam natum & in Iudæa docere cœpisse fama erat: vel citò nasciturum, & verò non est deceptus intellectus, nec frustratus affectus suo desiderio. Ex Chryl.

26. *Dicit ei Iesus: Ego sum qui loquor tecum.*] Quàm breuiter, quàm perspicuè sese Christus mulierculæ & adulteræ quis sit ostendit misericorditer, quod Iudæis instanter perentibus (*Si tu es Christus dic nobis palàm*) iustè negauit: quia ex mirandis operibus & verbis id potuerant cognoscere. At hæc nec miracula viderat, nec doctrinam audierat, cum à quo instruere-
tur desiderabat: tamen non digna erat reuelatione tanti mysterij, nisi diuina misericordia, qua quibus vult miseretur, nec hominum expectat merita, præuenisset. Ego, inquit, *sum Christus, qui loquor tecum*. Sed nec ad verbum hoc exterius tam citò illa crederet, nisi mentem eius omnipotentis virtus intraret, vt quod exterius audiebat, interiorius perciperet. Vide quàm gradatim ad fidem duxit vt notat Chryl.

27. *Et continuò venerunt discipuli eius: Et mirabantur quia cum muliere loquebatur.*] Ioannes historiam interrumpit, vt id quod post dicta Christi euenit, narret. Cum muliere hæc verba Christo loquente, discipuli redeuntes è ciuitate, vbi cibos emerant, superuenerunt: qui,
H h quam

722 MANVALE IN EVANGELIUM

quamuis quid diceret non audierunt, tamen cum Samaritanæ loqui percipere potuerunt, & ideo mirati sunt, non quasi aliquid sinistrum cogitarent, sed quia insolitum erat Christo loqui cum mulieribus, præter eas quæ coniunctæ sibi sanguine erant, aut notæ. Nec hæcenus Christum ignotis cum mulieribus, maxime remotis arbitris, loquentem viderant, & propterea mirati sunt, tanquam nouum quiddam, & insolitum & insperatum. Tol. Alij miratos putant eius humilitatem, quòd dedignatus non fuerit cum muliere, & quidem alienigena & paupere loqui. ex Chrys. Alij quòd cum Samaritana loqueretur, cum non vterentur Iudæi Samaritanis. vt Aug.

Nemo tamen dixit: quid queris, aut quid loqueris cum ea?] Cum tamen admirantium aliquem effectum sit proprium velle scire causam, & propterea vtuntur interrogationibus. At discipuli admirati quidem sunt, sed causam præ Domini reuerentia non quærunt: scientes, vt ait Leontius, non sine consilio Christum id facere. Vel, vt Chrys. quia assueti erant & instructi à Christo, ne eius facta diiudicarent. Præclarum exemplum vnde debent inferiores discere non oportere eos de superiorum, vel Dei consiliis & factis iudicare. Hoc loco contra curiosos Basil. in regul. fusiùs disputat cap. 48.

28. *Reliquit hydriam mulier, & abiit in ciuitatem, & dicit illis hominibus.*] Persequitur interruptam Samaritanæ historiam. Mulier igitur illa audito verbo Domini, & fidem tanti mysterij concipiens, abiit ad suos, & annuntiat quod factum est, multum mutata: quæ
enim

enim nec parum aquæ, vt biberet, Christo propinare voluit, iam propter eum hydriam relinquit, & funem. Et cui toties venire ad fontem, etiam vt sibi aquam hauriret, graue erat, iam redire ad ciuitatem, & iterum ad fontem vbi Christus manserat, reuertî non laborem sed requiem putabat. Mirabilis est verbi Domini mente & affectu concepti efficacia: quæ corda saxea emollit, & incredulorum mētes, & peccatorum voluntates ad se potenter, & citò conuertit. Hæc mulier fide incensa non cogitat quàm de communicando omnibus à se inuento thesauro. ex Chrys. Expres- sum exemplum hominis verè cōuersi, & à Deo inspirati, omnia statim relinquere, etiam quæ in manibus habeat: vt fecerunt Apostoli. Mat. 4. & Paulus Gal 1. Illa dictio illationis, ergo, si- gnificat quod præcessit, causam esse sequentis sententiæ. q. d. Quia audiuit à Christo quòd esset ipse Messias, propterea relictæ hydria abiit, proiecit vanitatem & properauit annun- tiare veritatem ex Aug. vt Apostoli relictis re- tibus ex Chrys. Hydria, amor est seculi. Ex Aug.

29. *Venite, & videte hominem, qui dixit mihi omnia quacumque feci: nunquid ipse est Christus?* Singula verba prudentiæ plena sunt. Primum non dicit, credite mihi Messiam venisse, ego vidi: sed ne à suis quibus mores eius cogniti erant in insaniam potius conuersa putaretur, primò miraculum narrat, & sic eos ad fidem disponit. Ne autem fides ei negaretur, si tan- tum quod factum erat, narraret, ad experien- tiam eos inuitat. *Venite, inquit, & videte*, q. d. Experimini, explore num ille Messias sit.

724 MANUALE IN EVANGELIUM

Confidebat enim fore mulier ut simul atque viderent eum, & aliquid interrogarent, aliquid coram ipsis diceret vel faceret: illos conuersurum, vti factum est. Nec dicit, videte Prophetam, aut Christum, sed, *Videte hominem*, quamuis supra hominem esse crederet: quia hoc ipsum maluit ab illis exploratum credi, quàm à se dici. Nec erubuit dicere omnia quæ fecisset ab eo sibi fuisse patefacta, sed seipsam infamat ut eos ad Christum adducat, per infamiam & bonam famam: ut Paulus 1. Cor. 6. Non dixerat Christus omnino omnia, quæ toto tempore vitæ fecerat; sed dixerat quæ præcipua erant, quæque maximè erant occulta, & mulierem poterant commouere. Ex illis coniiciens posse omnia dicere si vellet. Vel est synecdoche, pars pro toto. Quod autem addit, *Nunquid ipse est Christus?* nihil absurdi putat. Mald. si dicamus dixisse dubitando, nihil enim mirum si necdum perfectam haberet fidem, cum longo tempore discipuli ipsi vix habuerint.] Tamen verosimilius est, & toti orationi congruentius, non dubitando, sed addubitan- tis modo dixisse ne de re tanta prædicare im- perita mulier videretur; sed omne iudicium illis relinqueret, quos ad cupiendum experi- mentum inuitabat: facta receptaculum hone- stæ disciplinæ. Ex Orig.

30. *Exierunt ergo de ciuitate, & veniebant ad eum.*] Illa dictio illationis, ergo, præcedentem sententiam causam esse sequentis insinuat. q. d. Propter mulieris dictum exierunt Samaritani ut venirent ad Christum, fidem eius dictis ha- bentes. Nam ipsa dixit, *Venite & videte*, pro- pterea exierunt illi & venerunt, & veniebant

ut

vt viderent. Qui sua virtute mulierem impulit vt relicta hydria ad ciues suos inuitandos & ducendos abiret, etiam illos vt venirent, & fidem mulieri haberent commonit. Et Samaritanorum facilitas laudanda, qui per mulierem audito nuntio urbem relinquunt, & ad querendum Christum accurrunt, conuocat ad videndum hominem continentem verbum supra hominem. ait Orig.

31. *Interea rogabant eum discipuli, dicentes: Rabbi manduca.*] Redit ad discipulorum historiã dum Samaritana abiit, suosque conciuces vocat. Discipuli ignari eius quod factum est, & quod futurum erat, nempe citò fidelium magnam futurã messem, cibis emptis vesci cupientes, rogant magistrum vt manducaret. In eo quod ex amore rogasse dicuntur, eum manducare nolle cognouerunt: non enim aliter rogassent eum. Cùm enim Christus citò venturos Samaritanos prænoscere, quamuis ex itinere fatigatus, nullam tamen corporis rationem habuit, vt populi saluti consulere: distulitque corporalem suam refectiõem, vt locum spiritali pastui populorum relinqueret. Magnum prælatis exemplum præbens, & discipulis, qui erant orbis futuri Magistri. Cyr. l. 2.

32. *Ille autem dixit eis: Ego cibum habeo manducare, quem vos nescitis.*] Quem cibum intelligat, vers. 34. declarat, & de industria cibum nõ sumit, vt a discipulis sumere rogaretur, & occasionem captaret ex eorum verbis de matura iam ad messem segete differendi, vt sese illi, qui mellores futuri erant, præpararent, eosque ad cibum illum, in quo ille sumendo totus erat

Confidebat enim fore mulier ut simul atque viderent eum, & aliquid interrogarent, aliquid coram ipsis diceret vel faceret: illos conuersurum, uti factum est. Nec dicit, videte Prophetam, aut Christum, sed, *Videte hominem*, quamuis supra hominem esse crederet: quia hoc ipsum maluit ab illis exploratum credi, quàm à se dici. Nec erubuit dicere omnia quæ fecisset ab eo sibi fuisse patefacta, sed seipsam infamat ut eos ad Christum adducat, per infamiam & bonam famam: ut Paulus 1. Cor. 6. Non dixerat Christus omnino omnia, quæ toto tempore vitæ fecerat; sed dixerat quæ præcipua erant, quæque maximè erant occulta, & mulierem poterant commouere. Ex illis coniiciens posse omnia dicere si vellet. Vel est synecdoche, pars pro toto. Quod autem addit, *Nunquid ipse est Christus?* nihil absurdi putat. Mald. si dicamus dixisse dubitando, nihil enim mirum si necdum perfectam haberet fidem, cum longo tempore discipuli ipsi vix habuerint.] Tamen verò similis est, & toti orationi congruentius, non dubitando, sed addubitan- tis modo dixisse ne de re tanta prædicare imperita mulier videretur; sed omne iudicium illis relinqueret, quos ad cupiendum experimentum inuitabat: facta receptaculum honestæ disciplinæ. Ex Orig.

30. *Exierunt ergo de ciuitate, & veniebant ad eum.*] Illa dictio illationis, ergo, præcedentem sententiam causam esse sequentis insinuat. q. d. Propter mulieris dictum exierunt Samaritani ut venirent ad Christum, fidem eius dictis habentes. Nam ipsa dixit, *Venite & videte*, propterea exierunt illi & venerunt, & veniebant

vt viderent. Qui sua virtute mulierem impulit vt relicta hydria ad ciues suos inuitandos & ducendos abiret, etiam illos vt venirent, & fidem mulieri haberent commonuit. Et Samaritanorum facilitas laudanda, qui per mulierem audito nuntio urbem relinquunt, & ad querendum Christum accurrunt, conuocat ad videndum hominem continentem verbum supra hominem. ait Orig.

31. *Interea rogabant eum discipuli, dicentes: Rabbi manduca.*] Redit ad discipulorum historiam dum Samaritana abiit, suosque conciuces vocat. Discipuli ignari eius quod factum est, & quod futurum erat, nempe citò fidelium magnam futuram messem, cibis emptis vesci cupientes, rogant magistrum vt manducaret. In eo quod ex amore rogasse dicuntur, eum manducare nolle cognouerunt: non enim aliter rogassent eum. Cùm enim Christus citò venturos Samaritanos prænoscere, quamuis ex itinere fatigatus, nullam tamen corporis rationem habuit, vt populi saluti consulere: distulitque corporalem suam refectionem, vt locum spirituali pastui populorum relinqueret. Magnum praelatis exemplum præbens, & discipulis, qui erant orbis futuri Magistri. Cyr. l. 2.

32. *Ille autem dixit eis: Ego cibum habeo manducare, quem vos nescitis.*] Quem cibum intelligat, vers. 34. declarat, & de industria cibum nō sumit, vt à discipulis sumere rogaretur, & occasionem captaret ex eorum verbis de matura iam ad messem segete differendi, vt sese illi, qui messorum futuri erant, præpararent, eosque ad cibum illum, in quo ille sumendo totus erat

H h 3 oscu

726 MANVALE IN EVANGELIVM.

occupatus, inuitaret, ut de Samaritanorum, & aliarum gentium salute cogitarent. Ex Chryf. & Theoph.

33. *Dicebant ergo discipuli ad inuicem: Nunquid aliquis attulit ei manducare?*] Discipuli non intellexerunt magis quod Christus de cibo, quam Samaritana quod de aqua dicebat vers. 10. Nam & illa non nisi corpoream aquam, & illi non nisi corporeum cibum cogitabant. *Dicebant ergo ad inuicem*, non palam præ reuerentia; *nunquid attulit ei aliquis manducare?* quasi cibum non caperet quia iam allato sibi cibo ab aliquo iam refectus esset. Valde depressa hæc erat cogitatio eorum: nam si de cibo corporali dictum esse putabant, saltem an aliquis Angelus cibum attulisset ut Eliæ debuerant interrogare: sed erant adhuc rudes. Non dixit, manducaui, sed *cibum habeo manducare*: quæ verbum non præteritum sed futurum potius aut iam iam præsens significant: nec manducasse sed citò manducaturum exprimunt: hæc etiam verba indicant solum Dominum à cibo abstinere voluisse, discipulos verò ad manducandum inuitasse: aliter ratio ista non procederet: *Numquid aliquis attulit ei cibum manducare?* Nam hæc causa soli Christo conueniebat: Si enim aliquis attulit ei cibum, solus ipse non indigebat; discipuli verò qui erant ieiuni indigebant: tenendum ergo est Dominum eos ad vescendum inuitasse: ipsum tamen abstinere decreuisse. Ex Theoph.

34. *Meus cibus est ut faciam voluntatem eius qui misit me, ut perficiam opus eius.*] Apertè discipulis manifestat de quo cibo loquatur. Ut, notam habet copulandi. q. d. Meus cibus est facere

facere voluntatem eius qui misit me, & perficere opus eius: seu vt faciam voluntatem eius, & perficiam opus eius. Non negat se vti cibo corporali debere, sed hunc esse cibum spiritalem præferendum. Voluntatem Patris salutem hominum intelligit, quæ consistit in liberatione à peccato, & morte æterna, & reconciliatione cum Deo, & vitæ æternæ consecutione: quæ fuit simul volita, & facta à Deo.

1. Tim. 2. & 4. Nulla enim creatura potuit homini salutem conferre: propterea opus Dei hoc est, & dicitur: Hanc voluntatem & hoc opus Deus sic est executus; filium enim suum misit in mundum, vt homo fieret, & homini facto mandauit & commisit, vt eam voluntatem & opus hoc impleret quod Christus Dominus fecit, prædicatione, opere miraculorum ad fidem trahendo, institutione Sacramentorum, redemptione, pro peccatis satisfaciendo & Patri nos reconciliando. Deus igitur est causa prima qui nostram voluit salutem, & eam effecit. Christus vt homo est per humanitatem *hanc* suam impleuit voluntatem & hoc opus executus est. Eph. 1. Voluntatem autem Patris propterea in modum cibi sibi esse ait; hoc est gratam, iucundam & suauem, quia in procuranda hominum salute versatur, & quia sicut appetitus corporis maximè cibum desiderat, & eo habito delectatur: ita Christus desiderabat diuinam voluntatem complere, nostram salutem operari, & id faciens maximè delectabatur. Ex Orig.

35. Nonne vos dicitis quòd adhuc quatuor menses sunt, & messis venit: Ecce dico vobis, leuate oculos vestros, & videte regiones, quia albae

H h 4 sunt

728 MANUALE IN EVANGELIUM

sunt iam ad messem.] Respondet tacitæ cui-
dam obiectioni, non esse tunc tempus per-
ficiendi hoc opus Patris: quòd si adesset dif-
ferendum esse cibum corporis, vt operi huic
vacaretur. Ideo adiecit hæc verba. q.d. Cibus
meus præcipuus est vacare operi mittentis
me: hoc autem est tempus, & adest hora va-
candi huic operi. Et vtitur metaphora, con-
uersionem hominum ad fidem, messem ap-
pellans: vt Luc. 10. Et sensus est, Messis hæc
mea, quæ opus est Patris, non est sicut mes-
sis frugum: nam hæc quatuor mensibus distat:
at mea ecce adest. Leuate oculos vestros, &
videte regiones, quia albæ sunt ad messem.
Metaphorica locutione hanc significat Sama-
ritanorum iam iam venientium propinquam
cōuersionem. Quibus verbis se iure à cibo illo
abstinere probat. q.d. Nōne vos dicitis, i. curā
vos geritis de messe materiali multo tempore
prius quā veniat? nam dicitis post quatuor
menses veniet. Iure ergo potiori curam geram
ego non distantis, sed iam iam imminentis
messis spiritualis. His etiam verbis eoshorta-
tur, & inducit ad opus hoc, vt qui considerant
de longinquo cibum corporis, considerent etiā
proximum cibum animæ. Insinuans gentium
iam aduentare conuersionem, similiter & po-
pulorum ad quam ipsi erant mittendi. Meta-
phora autem vtitur ista, quia sermo erat de ci-
bo, qui ex futura messe pendet, & si tanta cura
de cibo corporis geritur, vt iam messis distans
consideretur, multò magis messis, ex qua cibus
est spiritualis, consideranda est, cū iam sit
præsens. Adhuc quatuor menses sunt, &
messis venit. Est phrasia Hebræa pro eo quod
dici

dicimus, post menses quatuor erit messis, vt Gen. 40 & Ionæ 3. Vel prouerbialis erat locutio, qua significabant satis esse temporis vt de aliqua re facienda cogitarent, seque ad eam præpararent, vt dicimus, adhuc messis in herba est. Hoc prouerbum ex semente & messe corporea sumptum aptè Christus ad spiritualem sementem & messem accommodauit. *Vos dicis*, idest dicere soletis, *Adhuc quatuor menses sunt usque ad messem.* idest satis esse temporis vt de aliqua re agenda cogitetur. Non potestis id nunc de spiritali messe dicere, in quam ego vos missurus sum: leuate enim oculos vestros, & videte regiones quia albæ sūt iam ad messem. Mald. Vtrotque autem oculos leuate iubet, corporis quidem vt ad se Samaritanos venientes viderent; vel solos mentis, quia de spiritali messe agebatur. Regiones vocat multitudinem hominum, qui quaqua versus erant, non solum Samaritanorum. Albentes autem quia paratæ iam erant ad Euangelium recipiendum ex Chrys. & Orig.

36. *Et qui metit mercedem accipit, & congregat fructum in vitam eternam.* Induxerat verbis præcedentibus discipulorum animos ad hanc hominum messem considerandam; nunc etiam ad metendum inuitat: futuri enim erant operarij & messorum mundi. Allicit ergo eos magno & insolito præmio proposito, quod multum differt à præmio & mercede messorum temporalium. Nam qui metunt semina temporalia, mercedem accipiunt & laboris stipendium; fructus tamen sibi non congregant, sed Domino, operarij enim fructus non percipiunt sed Dominus. Præterea qui congregant

Hh 5 fructus,

730 MANVALE IN EVANGELIVM

fructus, sibi quidem recondunt in horrea, sed ibi non permanent, quia usu consumuntur, nec durat gaudium quod ex illis processit: gaudent quidem dum congregant, dum habent in horreis, tamen eis consumptis gaudium cessat. At non sic est in messe spirituali: sed qui meriti habet mercedem, quia pro labore præmium habet à Deo. Rursus præter mercedem sibi ipsi congregat, quia fructus cedunt in magnam utilitatem messorum: fructus autem sunt homines conuersi & salui, labore prædicantium & Apostolorum. Cedunt autem in utilitatem ultra mercedem essentialem, quia non tantum gaudet ullus homo fruge, etiam copiosissima temporali percepta, quantum gaudent Apostoli & prædicatores in æterna gloria iis qui opera & labore conuersi salui sunt. Præterea fructus hic non reponitur in horreo consumendus, sed in vita æterna, ut gaudium fructus duret in æternum. Iure ergo propter hanc messem cibus corporalis differtur. Hæc verba non propter se dixit Christus: sed propter discipulos, ipse enim mercede hac non indigebat qui ab instanti incarnationis erat beatus, & ex vnione ad verbum omnis ei gloria debebatur. Discipulis autem hoc conueniebat, quos ad tantam messem iam aduentantem disponebat tanto præmio, & eorum animos alliciebat. Sunt qui mercedem & fructum pro eodem accipiunt ex August.

Vt & qui seminat simul gaudeat, & qui metit.]
 Differentiam aliam constituit inter messem spirituales & materiales. In hac enim sæpe accidit ut vnus seminet, alius autem metat; & qui seminat non gaudeat fructu, sed solū qui metit:

metit: sæpe enim moritur seminans, nec fructu gaudet, sed solus is qui metit: at in hac messe non ita fit. Est quidem vnus qui seminat, alijs qui metit, tamen yterque gaudet eodem fructu. Patriarchæ & Prophetæ, qui prima fidei principia labore & sudore iactarunt, sunt velut seminatores: Apostoli qui populos per Patriarchas & Prophetas dispositos ad Christum conuerterunt, sunt velut messorum: tamen fructu nempe salute conuersorum tam hi quam illi gaudent. *Vi*, non causam sed consecutionem significat ex Tol.

37. *In hoc eni m est verbum verum: quia alius est qui seminat, alius est qui metit; ego misi vos metere quod vos non laborastis: alij laborauerunt & vos in labores eorum introistis.*] Proverbum erat apud Iudæos, vnus seminat & alius metit, quo significabatur alium laborasse aliū frui eius labore ex Chryl. Sementis enim cum magno labore tempore totius anni difficillimo, incerta vero spe prouentus atque mercedis fit: messis verò & minore labore, & certo prouentu atque mercede. Hoc igitur proverbum ad Prophetas, & Apostolos Christus accommodat, quòd Prophetæ sementem fecissent, idest maiorem laborem subiissent, Apostoli verò meterent, idest, minus laborarint: non quòd minor Apostolorum quam Prophetarū labor fuerit, quin multò fortasse maior, totum mundum peragrarè, per ferrū, per ignem, per cruces ire, non iam cum hominibus qui aliquam Dei scientiā haberent, quales Iudæi erant, sed cum Gentilibus, cum tyrannis, idest cum bestiis pugnare: sed quòd multo maiorem laborem Apostoli subituri essent si Prophetæ ante eos non labo-

732 MANUALE IN EVANGELIUM

raſſent, & Iudæorum populū non excoluiſſent ad recipiendū Chriſtū, & eius Euangeliū. Adde quod non loquitur Chriſtus hic niſi de Iudeis: in his enim ſeminatū erat, & conuerſio eorum ut meſſis fuit: quia iā per Patriarchas & Prophetas populus ille diſpoſitus erat. At reſpectu gentium Apoſtoli ſeminatores erant; non Philoſophi, ut quidā putauerunt: nulla enim fidei diſpoſitio, immo & errorū & infidelitatis tenebræ, & morū corruptela, ac peruerſitas erant. In his laborarunt & ſeminarunt. 1. Cor. 15. Apoſtolus plus quā omnes ſe laboraſſe dicit, quia miſſus eſt ad gentes. Attende circa verba hæc præterita, *miſi vos, introiſtis*. ſignificare iam inceptam eſſe meſſem per eos, quia iā in Chriſti nomine baptizauerant: tamen perfecta meſſis Iudæorū cōpleta eſt poſt Domini Aſcenſionē. Rectē autē Dominus meſſem vocat, ut vnā & eandem fidem eſſe oſtendat Patriarcharū, Prophetarum, & Euangelicam; eundēque Deum veteris & noui Teſtamenti auctorē. Vel cum dixit, *miſi*, neceſſe non eſt ut ſic interpretemur, quaſi iam reipſa miſiſſet, ſed quaſi reipſa eos elegiſſet, ac deſtinaiſſet; ut ſuo mitteret tempore, ut Matth. 10. 5. & Mar. 3. 15. Ex S. Tho.

39. *Ex ciuitate autem illa multi crediderunt in eum Samaritanorum propter verbum mulieris testimonium perhibentis: Quia dixit mihi omnia quacumque feci.*] Euangelista reuertitur ad hiftoriam Samaritanorū proſequendam, & multos credidiſſe ait propter teſtimoniū mulieris affirmantis Chriſtum ſibi omnia dixiſſe quæcūque feciſſet. Et attende hos credidiſſe antequam ad Chriſtum vrbe egreſſi veniſſent, non verò poſtquam venerunt. Nam dictio ergo ſignificat

gnificat propterea ad Christum venisse, quia prius credidissent in eū, id est, illum esse verum Christum & Messiam. Et laudanda eorum in credendo promptitudo, & facilitas; qui antequam ad Christum accederent, fidem dederunt, etiam plus credentes quā mulier illa prædicabat: hæc enim non affirmavit omnino Christū esse, sed, *Venite & videte*, inquit, an Christus sit. At hi sine mora crediderunt ipsum esse. Sed magis miranda Christi virtus & efficacia, qui antequam videretur, & priusquam loqueretur eorum corda conuertit: ut sol qui antequam supra Orizontem ascendat efficacia sui splendoris mundum illuminat. Ex Chrysoft.

40. *Cum venissent ergo ad illum Samaritani rogauerunt eum, ut ibi maneret: & mansit ibi duos dies: & multò plures crediderunt propter sermonem eius.*] Samaritani rogant Dominum, & ibi duos manet dies, & exaudit preces, quarum, ut fierent, auctor fuit sua diuina virtute corda mouens & linguā: & multò plures crediderunt propter verbum, & sermonem eius, nempe Christi, quam propter mulieris verbum. Non dixit propter miracula: nam hæc sunt propter infidelitatem: vbi ergo tantam fidem suo sermone inuenit, miracula non erant necessaria, in quo eorum fides etiam magis commendatur. Ex Chrysoft.

42. *Et mulieri dicebant: Quia iam non propter tuam loquelam credimus: ipsi enim audiuius, & scimus quia hic est verè saluator mundi.*] Non significant se propter mulieris verba non credere, sed propter ea quæ in Christo viderant, expertique fuerant, magis credere. Et si eam non audiuisent, tamē credituros propter verbum

734 MANVALE IN EVANGELIUM

bum Christi quod audierunt. Quid autem credant exponunt illustri confessione, *Hic est verè saluator mundi.* Fortis & constans fides quæ non indiget miraculo sed probatione relicta verbo simplici Christi fidem integram præbet. *Audiuimus* inquit, quia fides ex auditu: *scimus* autem, vt fortè, & certam, & omni dubio liberam fidem se dedisse ostendant. Vtuntur verbo scientiæ, tamen fides erat, quia quod credebant nondū videbant: hominem solum videbant & mundi saluatorem credebant. Quod Saluatorē vocant, fortè cōparationem faciunt ad Angelos & ad Prophetas, qui ad salutē populi sæpe à Deo missi fuerant: vt missus Angelus cū populus fuit ex Ægypto educendus, Ex. 14. & 23. Missus alius cū ex captiuitate Babylonica esset liberandus; neuter eorū verè saluator fuit. Missus Moses, missi alij Prophetæ: nemo verè saluator fuit, quia liberabant à seruitute hominū, non à seruitute peccati. Christus solus ab hac nos liberauit, Liberabant vt ministri, Christus vt Dominus. Mat. 7. Vel alludunt ad eos qui paulò antè se Christum esse finxerant, Act. 5. cū nemo eorum verè esset Christus. Vel ad verba mulieris, quæ cū Christum esse dixerat. q. d. Verè dixisti hunc esse saluatorem mundi, tam Iudæorum quàm Gentium. Ex Chrysoft.

43. *Post duos autem dies exiit inde, & abiit in Galilæam.*] Completis duobus diebus, quibus propter preces Samaritanorum in ciuitate illa prædicans, & eorum conuersionem ad fidem adiuuans, manserat, perrexit ire in Galilæam. Nam ex Iudæa recesserat vt in Galilæam veniret. vers. 3. Quæ autem Christus Samaritanis prædi

prædicauerit Euangelista silet : fructum prædicationis solum refert : nec est cur inquiramus.

44. *Ipse enim Iesus testimonium perhibuit, quia Propheta in sua patria honorem non habet.]* Horum verborum connexio ex aliis Euangelistis explicatur. Huius regressus in Galilæam ex Iudæa meminit Mat. 4. & refert relictâ ciuitate Nazareth venisse in Capharnaû : hoc nunc Ioannes subindicauit : Abiit, inquit, in Galilæam, & quia ciuitatem suam Nazareth relinquit ad eam non diuertens, propterea dicitur, *testimonium perhibuit: quia in patria sua Propheta honorem non habet.* q. d. Abiit in Galilæam, & in Nazareth patriam non diuertit, sed in vltiorem locum transiit, quia in patria sua Propheta honorem non habet, idest propter eorum infidelitatem : sciebat enim eos non credituros ei. Ex Chrys.

45. *Cum ergo venisset in Galilaam, exceperunt eum Galilæi, cum omnia vidissent quæ fecerat Hierosolymis in die festo, & ipsi enim venerant ad diem festum.]* Honorificè à Galilæis excipitur : nam ipsi venerunt ad diem festum Paschæ in Hierusalem, & testes oculati fuerunt & doctrinæ, & signorum, quæ tunc operatus est, & quomodo e templo eiecit vendentes : propter signa igitur hæc, quæ viderant tunc, venientem nunc excipiunt cum honore. Multum hic Samaritanorum fides commendatur : cum enim nullum vidissent signum non solum exceperunt sed in eum crediderunt. At hi propter signa eum exceperunt : tamen an in eum crediderint non exprimitur. Iudæi verò etiam multis signis nec crediderunt, nec exceperunt ; sed eum persequabantur

736 MANVALE IN EVANGELIVM

sequebantur. Qui Galilæi sint isti Ioannes in particulari non describit, sed eos esse dicit ad quos primo regrediens diuertit. Beda.

46. *Venit ergo iterum in Cana Galilee, ubi fecit aquam vinum.*] Illatio, ergo, hunc sensum efficit, quia patriam propriam reliquit, nec ad eam diuertere voluit, propterea venit in Cana, quæ erat proxima Nazareth: locus enim ad diuertendum illo die commodior non erat: tum quia vicinus: tū quia notus ibi ex miraculo, & ex familiaribus & cōsanguineis ibi cōmorantibus erat. Vel ideo rediit ut fidē eorum, qui ad miraculum ibi factum in ipsum crediderant, confirmaret: vel quia cū miraculum fecit pauci in eum crediderant. Ex Chrysoft.

Et erat quidam Regulus, cuius filius infirmabatur Capharnaum.] Describit miraculum quod Dominus fecit in Cana. Regulus dicitur non quasi rex parvus, sed quasi regius, seu de aula regis: vel quòd aliqua principatus dignitate fungeretur, aut de genere regio, aut ministris Herodis seu Cæsaris esset, & gentilis: & is fortè de quo Mat. 8. Alij meliùs fuisse Iudæum. Ex Chrysoftom. Hinc colligitur quàm parui momenti sit apud Deum nobilitas, & diuitiæ, quando deest fides & Dei gratia. Ecce hic regius & diues, sed modicæ fidei, quis & qualis fuerit ignoratur. Tol.

47. *Hic cū audisset quia Iesus adueniret à Iudæa in Galileam, abiit ad eum, & rogabat eum, ut descenderet, & sanaret filium eius, incipiebat enim mori.*] Dixit, descenderet, quia Cana est in situ eminentiori, quàm Capharnaū: in quo notatur debilis eius fides, quia Christi præsentia rogat, quasi absens sanare non posset ex Chryf. Dictio enim,

enim, causam insinuat cur ad Christum venerit, quia iam nulla ars medicinæ illi prodesse poterat, sed erat lethalis morbus.

48. *Dixit ergo Iesus ad eum : Nisi signa & prodigia videritis non creditis.*] Arguit Regulum parvæ fidei. Et dictio, *ergo*, superiorem sententiam causam reprehensionis continere denotat. q. d. quia ad Christum accedens debilem fidem & cum multa infidelitate coniunctam ostendit, propterea audire meruit hæc verba à Christo, quæ sequuntur, reprehensionis. *Dixit ergo Iesus ad eum.* q. d. Parum credit, ergo dignus reprehensionem audire fuit. Sensus est, Vos non creditis nisi signa & prodigia videritis, i. prius vultis videre signa & prodigia, quam credere parum : hoc est non sufficiens vobis multa signa facta ad credendum, sed adhuc signorum abundantiam quæritis ad credendum. Reprehenditur Regulus quia audierat multa Christum fecisse, quæ sufficere debuerant ut crederet Christum perfectè sanare posse : & tamen non credebat. Alij non reprehendendo dictum putant, sed pronuntiando. q. d. Cogor propter incredulitatem vestram facere miracula, quia si non facerem mihi non crederetis. Non sanabo filium tuum propter preces tuas, sed ut multi in me eo viso miraculo credant, alioqui minimè credituri. Itaque reddit rationem cur Reguli filium sanare velit, Mald.

49. *Dicit ei Regulus, Domine descende priusquam moriatur filius meus.*] Regulus totus amore filij præpeditus verbum fidei non percipit, sed suam fidei debilitatem ostendit. Videns enim Christum morandi causamnectere, dum
cum

738 MANVALE IN EVANGELIUM
eum & Iudæos infidelitatis arguit, sollicitat ut
eundem descendat, ne interim filius eius moriatur,
quasi si moreretur amplius à Christo sanari
non posset, ut notat Chrys.

50. *Dicit ei Iesus, vade, filius tuus vivit.*]
Id est, liberatus est à morte, & sic quem repre-
hensione non sanavit, beneficio convertit: exē-
plum præbēs pastoribus varijs modis homines
alliciēdi. Hic non rogatus fecit Christus quod
rogatus à centurione illo Mat. 8. facere no-
luit. Rogatus illic fuerat ne in domum ubi
ægroratus erat, iret, volebat tamen ire: hic roga-
tur ut eat, nec vult ire. Eodem utrumque fecit
consilio. Illic voluit, promittendo se iturum
esse centurionis, quam non ignorabat, fidem
elicere. Quò enim magis se paratum prom-
ptumque ut eat, ostendit, eò magis Centurio-
nis apparet fides, *Domine non sum dignus, &c.*
Hic verò videns hunc Regulum exiguam ad-
huc habere fidem, putareque se absentem sa-
nare non posse, non vult ab eo etiam rogatus
ire. Imò eo magis ire renuit quò magis roga-
tur, ne eundo cōfirmare opinionem Reguli vi-
deretur, se nisi eò iisset sanare eius filium non
potuisse. Itaque auget non eundo eius fidem.
Contrà verò illic ubi à Centurione rogabatur
ut solo curaret verbo, volebat præsentia &
manu curare: hic verò ubi rogatus ut præsentia
curaret, curavit verbo. Vel hic fidem Reguli
perficit, illic fidei perfectionem in Centurione
exercet. Ex Greg.

*Credidit homo sermoni, quem dixit ei Iesus, &
ibat.*] Non dicitur in eum credidisse, quia nec-
dum fidem habebat eum esse verè Christum:
sed credidit sermoni eius, i. quòd vera narra-
ret,

ret, non tamen, quòd ipse esset causa sanitatis; & sanum fecisset filium tali verbo, sed quasi annuntiasset salutem filij & incolumitatem futuram: vt solemus dicere de infirmo, erit saluus, non morietur. Quod tamen postea intellexit, & verè credidit. Tol.

§1. *Iam autem eo discedente serui occurrerunt ei, & nuntiauerunt dicentes, quia filius eius viueret.*] Vt Regulum à sollicitudine de filij periculo liberarent, & tanti gaudij citius participem facerent, & ne amplius Christum secum descendere procuraret, serui occurrunt ei antequam ipse Capharnaum peruenisset, & filium bene valere nuntiant: quod diuina prouidentia factum est vt ab illis sciscitaretur, qua hora conualuisset: itaque crederet diuina virtute Christi id factum esse. Leontius putat seruos prius credidisse à Christo, licet absente, fuisse curatum. Ex Chryf.

§2. *Interrogabat ergo horam ab eis, in qua melius habuerit.*] Ergo, consecutionem indicat quasi horam quærat, quia Christus ei dixit, *Viuit filius tuus.* Propter hoc enim verbum sanitatis recuperatæ horam inquisiuit. Ex Chrysostom.

Et dixerunt ei: quia heri hora septima reliquit eum febris. Cognouit ergo Pater, quia illa hora erat, in qua dixit ei Iesus: *filius tuus viuit.*] Hic etiam, ergo, consecutionem significat: nempe eandem esse horam in qua Christus dixit, *viuit filius,* & in qua filius sanus factus est, ex responsione seruorum cognouit. Hora 7. est prima post meridiem.

§3. *Et credidit ipse & domus eius tota.*] Id est, ex illa respōsione consecutū est vt cognosceret eandem

740 MANVALE IN EVANGELIUM

candem esse horam sanitatis receptæ, & verbi Christi prolati. Et id cognoscens crederet ipse, & simul domus tota. Quid an non ante crediderat? putat August. non credidisse, nunc credere cœpisse. Alij credidisse sed imperfectè, nunc perfectius, vt Beda. Alij perfectè quidem credidisse: nunc verò multò perfectius, & domus eius tota credidit. Non est bonus paterfamilias, qui familiam totam suam ad fidem & Ecclesiam non adducit. 1. Tim. 5. Act. 16. & Act. 18. Sæpe Dominus temporalia mala permittit, vt maiora bona conferat.

54. *Hoc iterum secundum signum fecit Iesus cum venisset à Iudæa in Galilæam.*] Non dicit simpliciter hoc secundum fuisse signum ex omnibus quæ fecit Christus: nam postquam primum illud fecit in Cana Galilææ, & multa alia fecerat Hierosolymæ cùm dies festus ageretur: sed dixit, ex ijs quæ in Galilæa fecit, hoc fuisse secundum: nec hoc ipsum absolutè dicit, nam alia præter hoc & illud primum fortasse fecerat; sed ex ijs, quæ rediens à Iudæa in Galilæam fecerat, hoc fuisse secundum. Adiecit autem hoc verbum Evangelista vt significaret hanc historiam esse gestam ante omnia miracula, quæ cæteri Evangelistæ facta esse in Galilæa describunt, ex Mald. & Tol.

CAPVT

CAPVT V.

*Sanato in Sabbato Paralytico disputat
cum Iudeis.*

1. **P**ost hac erat dies festus Iudaorum, & ascendit Iesus Hierosolymam.] Post hæc, inquit, quæ superiori capite dicta sunt. Erat dies festus Iudæorum, i. Pascha omnium festorum celeberrimum. Vel vt alij putant Pentecoste. Tribus enim temporibus in anno ex omni loco Iudæi Hierosolymam ascendebant ad adorandum in templo. Quando autem audis, *Post-hac*, non intelligas quasi nihil aliud sit à Christo in Galilæa gestum præter Reguli miraculum: nam hoc medio tempore multa fecit Christus, quæ alij narrant Euangelistæ in Galilæa fecisse. Miracula enim edidit, discipulos vocauit, sermonem habuit in monte: post hæc venit Hierusalem. Ex Chrys.

2. *Est autem Hierosolymis probatica piscina, quæ cognominatur Hebraicè Bethesda, quinque porticus habens.*] Locum miraculi describit. Multæ piscine erant in Hierusalem diuersa nomina sortitæ: hæc appellabatur Bethesda seu Bethesda Gr. *περὶ βῆθσαι*, quasi pecualis seu ouilis: piscina autem non quia pisces haberit. Erant autem circum circa porticus quinque, propter pauperum & infirmorum commoditatem. quia gratia sanitatis consequendæ illuc confluebant. Ex Chrys.

3. 4. *In his iacebat multitudo magna languentium,*

742 MANVALE IN EVANGELIUM

tium cecorum, claudorum, aridorum, expectantium aqua motum. Angelus autem Domini secundum tempus descendebat in piscinam & mouebatur aqua.] Describit usum porticuum, & quatuor genera eorum qui in illis erant spe recuperandæ sanitatis: & quod Angelus certo & determinato tempore descendebat: non enim erat vis illa sanandi perpetua, sed certo tempore Angelus descendebat, & aqua mota ab eo tunc sanabatur ingrediens. Hoc tempus incertum fuit, cum hora certa futuri motus non fuerit. An autem semel in anno, an sæpius incertum est. Probabile est id aliquoties in anno factum fuisse, & fortè festis maximè solemnibus, quando Iudæi undique ad templum confluebant. Cyr. semel in anno idque in festo Pentecostes factum putat. Non semper autem fiebat, ne naturaliv aquæ curationes fieri viderentur, sed diuina per bonum Angelum, siue Raphaelē, seu alium, qui non in assumpto corpore aquam mouebat, quia ægroti expectabant, non Angelum quem non videbant, sed motum aquæ quem videbant, qui motus erat signum aduentus Angeli. Ex Chryf.

Et qui primus descendisset in piscinam, sanus fiebat à quacumque detinebatur infirmitate.] Cur statim ac mota ab Angelo aqua vnus isque primus qui descendebat his temporibus sanus erat? Nimirum vt appareret vim sanandi diuinitus illi vt instrumento ad momentum temporis impressam, non naturaliter datam esse. At cur vnus tantum, & vnus quidem is qui primus descendisset forte. Vt doceret etiam in percipiendis donis diuinis, quæ gratis nobis & sine merito vllō nostro dantur, multum

multum nostram valere diligentiam : Gratis quidem datur gratia, sed non nisi volentibus, non nisi quærentibus & conantibus datur. Sic hoc beneficium sanitatis propositum erat tanquam corona in stadio currentibus ; qui primus ad metam perueniebat, is percipiebat. Piscina hæc fuit figura baptismi, nullum tantum peccatum est à quo non curet. Illis signum, tibi fides ; illis Angelus descendebat, tibi Spiritus sanctus ; illis creatura movebatur, tibi Christus operatur ipse Dominus creaturæ. Tunc curabatur vnus, nunc omnes sanantur, aut certè vnus, solus populus Christianus. Chrysostom.

5. *Erat autem homo ibi triginta octo annos habens in infirmitate sua.*] Quod miraculi magnitudinem declarat, & miram languidi tolerantiam, & non esse desperandum aut ab oratione desistendum si non continuè, quæ à Deo petimus, impetramus. Hic non cæcitate sed paralyti iacebat in grabato, membrorum impotens, alius ab eo de quo Mar 9.

6. *Hunc cum vidisset Iesus iacentem, & cognovisset quia multum tempus haberet, dicit ei : vis sanus fieri?*] Est causalis locutio, vt sit sensus, quia vidit iacentem, sine ope vlla, & laborantem antiqua infirmitate, & virtute destitutum propterea misericordia motus dicit ei : Vis sanus fieri. Non quia dubitaret de languidi voluntate interrogavit, sed vt eius arbitrium aliquo modo excitaret, & ad recipiendum tantum beneficium disponderet. Quod in hoc paralytico factum est in omnibus cum iustificantur fit adultis. Nemo enim nisi libens & volens iustificatur : neque sola satis est gratia, nisi
nostra

744 MANVALE IN EVANGELIVM

nostra quoque libera voluntas aliquid agat. Qui fecit te sine te, non iustificabit te sine te: fecit nescientem, iustificat volentem, Aug. ser. 15. de verb. Ap. Docet rectores animarum, non esse expectandum ut homines salutem suam quærant, quam multi in peccatis securi iacentes non recordantur. Excitandi, pungendi, rogandi sunt ut sani fieri velint.

7. *Respondit ei languidus : Hominem non habeo, ut cum turbata fuerit aqua, mittat me in piscinam: dum enim venio ego, alius ante me descendit.*] Q. d. causam videris interrogare cur tanto tempore sanitatem nondum sis assecutus: scito eam esse quia neminem habeo qui mihi sit auxilio. Et Christum quem ex commiseratione interrogasse putavit, Dominus verbo honorifico utens allicit ad auxilium ferendum. Sunt qui dicunt intellexisse se à Christo reprehensum, ideo responsionem speciem præ se fere excusationis, *Hominem non habeo.* q. d. id mea culpa non fit. Certè plus respondet quam rogabatur. Rogatus fuerat, *vis sanus fieri?* non respondet, volo, sed hominem non habeo. q. d. Maximè verò volo, sed neminem qui me iuuet habeo. Notandum autem huic languido vires non omnino defuisse: Nam dicit, *Dum ego venio alius ante me descendit.* Ergo sine homine poterat venire & se mouere, tamen non poterat illo motu citius alijs peruenire. Ideo nunquam potuit sanitatem consequi. Tale est hominis arbitrium in peccato, cuius hic figuram gerit: non est omnino extinctum, aut ita debilitatum ut nullum bonum & honestū opus facere sine gratia possit: nam morale aliquod bonum operari potest, etiam post peccatum;

peccatum ; tamen non tale vt possit ad salutem & liberationem à peccato peruenire , nisi adiuuante & sanante diuina gratia. Ex Tol.

8. *Dicit ei Iesus : Surge tolle grabatum tuum, & ambula.*] Christus mirabiliter confert sanitatem languido suam impotentiam confidenti & auxilium desideranti. *Surge*, inquit: hoc verbo sanat & vires perfectas languido confert, quas vt agnoscat simul dum sanat, præcipit vt surgat , vt se sanum esse cognoscat. At quia surgendo sanitatis receptæ perfectionem cognoscere non poterat , vt tollat grabatum suum imperat, vt sic quantas vno instanti vires acceperat experiatur : & gloria sanitatis manifesta sit omnibus , per quam hominum fidem, quæ ad salutem erat eis necessaria, conciliet. Ideo iubet vt ambulet , & tollens grabatum per ciuitatem incedat, vt ipso facto, præco fiat tanti miraculi. Consuetudo fuit Christo post à se edita miracula simile aliquid facere , vnde miraculi veritas & magnitudo cognosceretur: vt Mat. 8. 4. & 14. 20. & 15. 37. Mar. 5. 43. Io. 2. 8. Mat. 9. 6. Grabatum lectus est , in quo infirmi iacent.

9. *Et statim sanus factus est ille , & sustulit grabatum suum, & ambulabat.*] Superiora Christi verba duo continebant: & efficaciam ad sanandum, & simul præceptum ad operandum : nam tria iussit facere , ideo effectum describit Euangelista , *Statim sanus factus est*, obediuit præcepto : nam surrexit , tulit grabatum , & ambulauit : quæ subitatio diuina factum virtute declarat, *statim*, inquit, *sanus factus est*. Non timet Iudæorum calumniam languidus , nec legem transgredi dum in sabbato portat onus

746 MANVALE IN EVANGELIVM

tanti auctoritatis præcepto obediens.

10. *Erat autem Sabbatum in die illo. Dicebant ergo Iudæi illi qui sanatus fuerat: Sabbatum est, non licet tibi tollere grabatum tuum.*] Erat eodie Iudæorum requies quod notat, quia calumniandi ansam erant inde accepturi Iudæi, nec impedit eam Christus, ut eorum errorem confutaret, & vera doctrina sua & virtus patet in frequentia multorum. At cur præcepit quod in Sabbato facere non licebat? Primum, legem dederat ipse, & dispensare poterat, & abrogare. Deinde portare grabatū humeris contra legem erat, sed portare tanquam publicum accepti à Deo beneficii testimonium, non contra Sabbatum sed secundum Sabbatū erat, quod ideo institutum fuerat, ut in eo homines diuina beneficia recognoscerent & meditarentur grato animo.

11. *Qui me sanum fecit, ille mihi dixit tolle grabatum tuum & ambula.*] Hoc ita dicit non quasi culpam in eum reiciens, sed quasi factum suum defendens, & eorum à quibus calumniabatur stultitiam arguens. q. d. Qui me sanauit melius intellexit quam vos quomodo Sabbatum obseruandum esset. Ille mihi dixit ut tollerem grabatū meum. Poterat quasi culpam agnoscens calumniatoribus satisfacere posito grabato; noluit, sed pergit grabatum portare, & acceptum profiteretur beneficium, & non alia se ratione defendit, quam quod se Christus id facere iussisset. Mald.

12. *Interrogauerunt ergo eum: Quis est ille homo qui dixit tibi: Tolle grabatum tuum & ambula.*] Iudæorum inuidia non potest intus contineri, sed foras erumpit. Languidus non dixit:

dixit : ille homo qui me sanum fecit, sed, *quis me sanum fecit*. Non ausus est determinare, an homo dicendus est qui tantam habebat virtutem. At Iudæi minabundi affirmant dicentes: Quis est ille homo ? q. d. Non sanctus, non propheta, sed violator est legis, ac pœna dignus. Adhuc magis malitia dilatatur : sciebant sanitatem eum mirabiliter recepisse, non enim negare poterant, omnibus erat cognitus infirmus ille qui repente sanus apparebat, quod ipsimet confirmant : non enim dicunt, nemo te sanum fecit, tu hæc fingis, sed tacentes admittunt verè sanum esse factum, & præ invidia non interrogant, Quis est ille qui te sanum fecit ? sed, *Quis est ille homo, qui tibi dixit : Tolle grabatum tuum ?* cùm multò magis illud esset inquirendum, quis esset qui tanta virtute uti potuit. Sed non hoc calumniandi ansam, sed illud, *Qui dixit : Tolle grabatum,* dabat, ideo non vnum sed alterum inquirunt, ex quo eorum intentio maligna dignoscitur. Calumniam non Dei honorem quærebant : si enim hoc eos mouisset, utique quis esset qui sanauit interrogassent ; ut diuinam virtutem in eo agnoscerent. Ex Chrys.

13. *Is autem qui sanis fuerat effectus, nesciebat quis esset : Iesus enim declinauit à turba constituta in loco.*] Dum dicit Euangelista illum hominem nesciuisse, quis eum fecisset sanum, insinuat quod interrogantibus responderit se nescire : causam autem cur nesciuerit subiunxit, nam Christus statim ac fecit miraculum, à loco illo, in quo erat multitudo, se subduxit, nec tempus dedit ut agnosci posset : tum ne propter gloriam hominum id fecisse videretur,

748 MANVALE IN EVANGELIVM

tum vt interim Iudæorum furor efferuesceret. Vel quia id in Sabbato fecerat aufugit, vt putat Cyr. ne à Iudæis comprehenderetur: non quod illi nolentē tenere possent, sed vt doceret fugiendum ab iratis. ex Chryl. & Aug.

14. *Postea inuenit eum Iesus in templo: Et dixit illi.*] Non casu sed consilio, vt cui in piscina corporis sanitatem, sic in templo animæ salutem afferret: & vt apertè Iudæi cognoscerent se miraculi auctorem fuisse, & nominis eius notitia reuelaretur. Forsan languidus beneficij memor in templo rogabat Deum vt manifestaret eum qui sanum fecerat: Iesum in turba non agnoscit, in templo agnoscit ait Aug.

Ecce sanus factus es, iam noli peccare, ne deterius tibi aliquid contingat.] Multa ex hoc loco colliguntur. Primum sæpe corporis morbos à Deo propter peccatum immitti: nam indicare videtur Christus paralyticum propter sua peccata ægrotasse, cum monet ne amplius peccet ne deterius quid illi accidat. Deinde posse hominem post acceptam baptismi gratiā peccare: Præterea grauius peccare eum qui post acceptum corporis, vel animæ beneficium iterum peccat, quia ad peccatum ingratitude adiungit. Denique non esse negandam poenitentibus veniam: quoniam Christus non dixit, iam noli peccare, quia non sanaberis iterum; sed, *ne deterius tibi aliquid contingat.* Mald. Sanitate præstita tria ad præseruandum documenta Dominus tradit. 1. vt beneficium acceptum in memoriam reuocet, *Ecce sanus factus es.* 2. vt causam morbi præcedentis ex peccato attendat, cognita enim causa facilius est præseruatio, dicens: *iam noli peccare.* 3. sciat si
pecca

peccauerit, in peiorem morbum lapsurum. Tol.

15. *Abiit ille homo, & nuntiauit Iudæis quia Iesus esset qui fecit eum sanum.*] Non malo animo manifestat suæ sanitatis auctorem: non enim credibile est, tanto beneficio à Christo affectum anima & corpore, tam mira admonitione edoctum, & tanto timore terrefactum, tam graue peccatum sine mora, contra tam magnificum benefactorem nemine urgente commisisse. Cyr. dicit hac intentione Iudæos adiisse vt medicum ostēderet, si quis fortè illorum sanitate indiguisset. Chrys. verò vt tanquā gratus suum ostenderet benefactorem. Non enim dixit, qui iussit me onus portare: hoc enim quærebant Iudæi accusantes; sed, *qui fecit eum sanum*, vt auctorem sanitatis tantæ ostenderet. Hoc Christo inspirante fecit, vt & miraculo tanto fidem conciliaret, & occasionem daret euulgandæ doctrinæ. ille annuntiabat & illi insaniebant ait Aug.

16. *Propterea persequiebantur Iudæi Iesum, quia hac faciebat in Sabbato.*] Id est eo prætextu persequiebantur, inde captabant occasionem. Dictio, *hac*, insinuat ante hoc miraculum, alia etiam facta fuisse à Christo in Sabbato, quæ ab aliis Euangelistis narrantur, & propterea quærebant eum interimere. Ex Aug.

17. *Iesus autem respondit eis: Pater meus usque modo operatur, & ego operor.*] Seu, loqui exorsus est, seu eorum verbis & factis respondit, rationem afferens cur Sabbatum non violauerit. Et sensus est, sicut Pater meus operatur etiam in Sabbato, & ego operor: ille non violat Sabbatum, nec ego. Dicit Deum Patrem

750 MANVALE IN EVANGELIUM

operari usque modo, i. etiam in Sabbato propter mundi conseruationem, & gubernationem. Insinuat etiam hoc verbum æqualitatem quandam dignitatis cum Patre. Et tacite respondet Deum non simpliciter quicuisse ab omni opere postquam creauit omnia sex diebus, nam nunc etiam operatur, nec Sabbatum suum violat. Ita, inquit, & ego operor, qui etiam Deus sum: nec propterea Sabbatum violare dicendus sum. Cum discipuli accusarentur ob eandem causam violati Sabbati, non exemplo Patris sui, quia homines erant, sed exemplo sanctorum hominum defendit. Mat. 12. 3. Cum autem ipse accusatur, exemplo patris sui se tuetur. Ex Chrys. Vel hoc dixit perinde ac si dixisset, nullum Patri, nullum sibi ad agendum tempus esse præscriptum: Dominum Sabbati, Dominum temporis, & omnium aliarum rerum esse. Sunt qui non de qualibet operatione, sed de ea qua hominum salutem procurat; alij melius generaliter dictum putant. Ex Aug.

18. *Propterea ergo magis quarebant eum Iudai interficere, quia non solum soluebat Sabbatum, sed & Patrem suum dicebat Deum, æqualem se faciens Deo.* Dicit Euangelista nunc ad prætextum violationis Sabbati alium speciosiores accessisse, quod se filium Dei, idest Deo æqualem faceret. Et ne quis arbitraretur Patrem suum dixisse Deum, quia ipse adoptionis filius fuerit, adiunxit, dixisse Deum se habere Patrem sibi æqualem. Et dum dicit, *Propterea magis quarebant interficere*, significat etiam prius quæsiuisse interficere. Ex Hilar. 7. de Trin. & Chrys.

19. *Respon*

19. Respondit itaque Iesus, & dixit eis: Amen, amen dico vobis, non potest Filius à se facere quicquam nisi quod viderit Patrem facientem.] Quid nihil facio quod non faciat Pater meus: qui ergo me accusat violati Sabbati, etiam transgressionis Patrem insimulat. Nota Filium à se nihil facere, nisi quod viderit Patrem facientem, nihil aliud significare quàm, quicquid filius facit, non solum facere, sed simul etiam Patrem facere, & à Patre habere illud ipsum quod faciat. Creat Pater, creat filius, vna est vtriusque creatio: filius tamen habet à Patre quod creat. Quod dicit, *viderit*, idest videndo accipit vt faciat, & accipiendo videt. Nec in eo aliud est videre, aliud accipere: vtrumque verò ab æterno; etsi opera in tempore fiant. Non enim sensus est filium nihil posse facere, nisi quod ante viderit Patrem facientem: nam mundum fecit quia omnia per ipsum facta sunt, & tamen non vidit Patrem ante alium mundum facientem, quia mundus alius non est. Necessè igitur est vt sensus sit Patrem & filium vnum semper & idem facere; neque posse res facere diuersas cum natura & voluntate idem sint. Hinc est quod ex hoc loco nihil habent quod concludant Ariani. Non tamen Iudæi intellexerunt Christum esse filium Dei. Ex Aug.

Quacumque enim ille facit, hac & Filius similiter facit.] Refutata Sabbati accusatione nunc æqualitatem Patris ex operibus comprobans dixerat, *Pater meus usque modo operatur, & ego operor.* Hoc confirmat & declarat. Confirmat quidem dicens, omnia quæ facit Pater, similiter facit & filius: si igitur Pater operatur, etiam

Ii 4 Filius

752 MANVALE IN EVANGELIVM

Filius operatur: & si Pater in Sabbato operatur & vsque modò, etiam Filius. Declarat verò, quia priùs non expresserat modum. Et possit Arianus dicere, Pater vt causa principalis, filius vt minister operatur. At hoc remouens dicit, *Similiter facit*, idest eadem potentia, eadem virtute & maiestate, operatur Filius, qua Pater. Itaque non prius Pater, nec perfectius quàm Filius; ideo autem Filius tot & tam apertis verbis æqualitatem cum Patre ostendit, ne propter assumptam humanitatem aliquid perdidisse de eius maiestate videatur. Nota Filium omnia operari quæ Pater operatur; tamen nō omnia Filium operari per carnem. Ex Aug. & Hyl. 7. de Trin.

20. *Pater enim diligit Filium, & omnia demonstrat ei, quæ ipse facit.*] Q. d. Dixi vobis me nihil facere nisi quod video Patrem facere, & dixi omnia quæ facit Pater, me etiam facere; nemo existimet me non omnia facere, quæ Pater facit, quasi non omnia, quæ Pater facit videam: non enim sic est: nam Pater diligit Filium, & ideo nihil ei occultat, sed omnia demonstrat quæ ipse facit: & sic Filius omnia facit quæ Pater facit. Dicitur autem Pater demonstrare Filio omnia quæ facit, quia cognitionem quam habet Filius, Pater dat. Communikat enim Pater Filio scientiam cum essentia; & hoc est demonstrare; sicut Filium discere, seu videre Patrem facientem, est accipere cognitionem à Patre. Et loquitur humano modo: hi enim qui se amant mutuò sibi omnia communicant. Vtitur enim hoc, vt signo, non vt causa cur omnia demonstret: nam non amando, sed generando demonstrat. Quod si sumatur

tur ut causa, non quatenus Deus est, sed quatenus homo est intelligitur; multa enim illi tribuit amoris causa: ut quod dicitur, *omne iudicium dedit Filio*. Ex Aug.

Et maiora his demonstrabit ei opera, ut vos miremini.] Dici possit, non fecisti omnia quæ Pater fecit, cum opera Dei multo sint maiora quam quæ hæctenus tu fecisti: ideo addit, *maiora his demonstrabit*, ita ut vos in admirationem rapiant. Quæ autem sint hæc maiora statim explicat, nempe miracula magna, magis potentia diuinæ expressiva. Vel alludit ad potentiam quam in iudicio est ostensurus, quæ nullam vnquam maiorem demonstravit. Ex Hil. Chry. & Aug.

21. *Sicut enim Pater suscitavit mortuos, & viuificat: sic & Filius quos vult viuificat.*] Probat Christus se omnia facere quæ facit Pater, & Patrem omnia quæ facit demonstrare Filio per opera Dei maiora. Si enim facit, & ostendit Filio quæ maiora sunt, & quæ propria sunt Dei, consequens est demonstrare omnia. Vnum autem opus est mortuos suscitare, & viuificare; hoc facit Pater; hoc idem facit Filius: non vnum sed omnes. Et ne putaremus suscitasse ut Prophetæ suscitauerunt; addit, *quos vult*. Quia solius Dei est viuificare quos vult: & propterea sicut Pater, & ipse viuificat. Quod si alludit ad iudicalem potestatem, quia iudicis est absolueret, vel damnare, id est viuificare, vel occidere; proponit suscitationis exemplum: quod non ad sola corpora sed ad animas etiam referendum. Ex Chryl. & Aug.

21. *Nec enim Pater indicat quemquam, sed omne iudicium dedit filio.*] Præter mortuorum vi-

li s uifica

754 MANVALE IN EVANGELIUM

uificationē, hoc alterū opus demonstrabit Filio in carne existenti; nempe iudicium generale omnium hominum; qui visibiliter sententiam feret, non Pater, qui naturam non suscepit humanam. Ideoque dicitur neminē iudicaturus per se, sed per filium in carne. Illud, *omne*, ad personas refertur: nempe dedit omne iudiciū; idest omnium iudicium. Qui putant filio tanquā Deo datam à Patre esse iudicandi potestatem, vnā cum æterna generatione datam putant: generando enim Filium Patre eum iudicem fecit. Qui verò tanquam homini Christo datam eam potestatem docent, in humana datam putant generatione, vbi factus est Rex: eo enim ipso quod Rex, est iudex, Ps. 2. Ex Hyl. Chrys. & Aug.

23. *Vt omnes honorificent Filium, sicut honorificant Patrem.*] Hoc refertur ad viuificationem mortuorum, & ad iudicium generale hominum, quæ Pater dedit & demonstrat Filio. Causa autem finalis est vt filius Dei latens in natura illa, agnoscat, & agnitus ab omnibus honorificetur vt Deus, sicut Pater honoratur vt Deus. Quāuis enim sit in natura humana, non desit esse Deus Patris æqualis & consubstantialis, tamen non est ab omnibus cognitus: ideo nec honorificatus. Propterea exercuit aliqua diuinitatis opera per carnem, vt diuinitas ibi latens manifestaretur, crederetur, honorificaretur. Opus autem quo maximè est honorificandus, præter suscitationem mortuorum, est iudicium futurum, in quo incuruabitur omne genus, & videbunt homines in quem confixerunt. Ex Aug.

Qui non honorificat filium, non honorificat Patrem,

trem, qui misit illum.] Si non honorare Filiū Dei in carne, est Patrem non honorare, sequitur vt qui contumeliam infert Filio, inferat & Patri. Hinc collige quanti criminis Iudæos reos facit qui eum legis transgressorem dicebant. In verbis *Qui misit illum*, tacitè causam innuit cur qui Filium non honorat, nec Patrem honoret; nempe quia misit illum. Missio duo dicit processionem à Patre, & carnis assumptionem: quia sic homo factus est vt à Patre procedat ipsi consubstantialis. Alio ergo honore est afficiendus quam quia est legatus Patris. Non dicit, non honorificat Deum, quia missus est non vt Prophetæ missi sunt, sed vt procedens filius à Patre. Ex Aug.

24. *Amen, amen dico vobis, qui verbum meum audit, & credit ei, qui misit me, habet vitam eternam. Et in iudicium non venit, sed transit de morte ad vitam.*] Subiectum de viuificatione & iudicio prosequitur: cū enim ipse sit qui viuificat, & qui iudicat omnes, ostendit, quale iudicium subibunt honorificantes eum, & credentes, dicens hos vitam æternam habituros. Vtitur verbo præsentis, *habet*: quia ius habet, & quoddam pignus illius, & ipse est qui viuificandus est. Vbi noranda necessitas & efficacia credendi in eum: qui enim credunt viuificandi sunt in hoc iudicio. Non dixit qui credit in me: non quia sic gloriari videretur, sed quia sic magis exprimitur qualis sit futura fides credentium: Nam qui credit ei qui misit Christū, credit in mittentem, & in missum: & in hoc significatur Trinitatis mysterium. Credit etiam Christū esse missum, in quo incarnationis mysterium indicatur. Et his articulis fides Chri-

256 MANUALE IN EVANGELIUM

sti maximè definitur ; nimirum vt credamus eum esse Dei filium, patri consubstantialem, & hominem propter nos factum. Nec ab hac fide excluditur dilectio & opera ipsius. sed de fundamento ipso, quod tunc nondum iactum erat, agebat ; hoc autem est fides in eum. Causam verò reddit cur credens vitam æternam sit habiturus. Et, pro, *quia* in iudicium non venit, idest, non iudicatur secundum ea quæ commisit. Nam per fidem in Christum viam remittuntur ei commissa : sed de morte corporis in qua est transit ad vitam beatam. Non credentes autem veniunt in iudicium, quia pro peccatis damnationi iam sunt deputati : nec per fidem Christi liberati sunt, quia ea caruerunt : hi de morte corporis transeunt in mortem æternæ damnationis. *Venit* est præsentis temporis, *transiit* præteriti, sed vim habet vtrumque futuri. Ex Aug.

25. *Amen, amen dico vobis, quia venit hora, & nunc est, quando mortui audient vocem filij Dei, & qui audierint vivent.*] Confirmat eum qui audit, & credit verbum eius, in vitam transire posse : nam tantæ virtutis est, vt mortuos possit voce suscitare. Et hoc citò fiet. *Venit hora*, idest, *vêtura* est : vel aduentat, appropinquat. Hoc dicit propter mortuos quos voce sua erat citò suscitaturus. Vt filium viduæ, filiam Archisynagogæ, & Lazarum. Vnde intelligunt qui mortuos suscitare potuit, eum viuis vitam æternam dare posse. Notanda analogia, sicut qui corpore mortui sunt, dum audiunt Christi vocem, transeunt de morte corporis ad vitam : ita qui animo mortui sunt, dum audiunt eius verbum, à morte sempiterna ad vitam æternam
reuo.

reuocantur. Ait, *Nunc est*, quia breui hos mortuos erat suscitaturus: vel quia iam tum homines incipiebat iustificare. Si de nouissimo iudicio sermo est, dicendum vt Ioānes 1. Epist. 2. *Nouissima hora est*, vel quia, vt Petrus ait 1. Ep. 3. vnus dies apud Dominum sicut mille anni: vel vocat nouissimum tempus post statum nature, & legis, statum vltimum post quem in hac vita ante finem mundi alius expectandus non est, nisi iudicium. Ex Aug.

26. *Sicut enim Pater habet vitam in semetipso, sic dedit & filio habere vitam in semetipso.*] Rationem reddit cur qui audierint vocem filij viuent, cum mortui sint, quia sicut Pater habet vitam in semetipso, & ideo mortuos suscitatur: ita etiā dedit Filio vitam habere in semetipso, propterea poterit etiā mortuos suscitare. Habere vitam in semetipso est, non participatam vitam habere, nec dependentem ab alio. Vnde colligitur contra Arianos filiū eiusdem esse vitæ cum Patre. Dicit, *in semetipso*, non à semetipso, quia habet à Patre hanc vitam. Creaturæ autem nec in semetipsis nec à semetipsis habent. Pater dedit filio per æternam generationem, vt vitam haberet in semetipso, vel cum fecit vt homo ille Christus in vnam cum filio suo personam vniretur, cum constituit illum Regem, & Redemptorem, iudicem viuorum & mortuorum. Ex Hil. Chry. & Aug.

27. *Et potestatem dedit ei iudicium facere, quia filius hominis est.*] Toletus hunc sensum esse ait. Credentes in me non venient in iudicium condemnationis: sed à morte ad vitam æternam reuocabuntur. Possum autem hoc facere: nam potestatem habeo viuificandi, quia vitam habeo

758 MANVALE IN EVANGELIVM

beo in memetipso, sicut Pater, & potestatem habeo iudicandi. Et cum dicit, *potestatem dedit ei*, non sola nuda potestas consideratur, sed ut per humanitatem exercenda est. Et verba, *quia filius hominis est*, sunt immediatè connectenda præcedentibus, quia continent causam. q. d. Homines voluit Deus per hominem iudicare, ut sensibile sit iudicium, & sicut per hominem salvavit hominem; ita etiam per hominem, eundem iudicabit. In illo misericordia; in hoc iustitia Dei multum commendatur. Quis enim non iustissimam dicet esse sententiam quam contra peccatores proferet is, qui in cruce suum sanguinem pro eorum salute fudit? Chry. Aug. & Theoph.

28. *Nolite mirari hoc, quia venit hora, in qua omnes qui in monumentis sunt, audient vocem filij Dei, & procedent qui bona fecerunt, in resurrectionem vite: qui verò mala egerunt, in resurrectionem iudicij.*] Quasi sensus sit, Nolite mirari quòd filius hominis sit, nam & filius Dei est. Cyr. ad paralyticum refert, q. d. Nolite mirari quod tantopere miramini, esse à me sanatum paralyticum: veniet tēpus cum non solū paralyticos sanabo, sed omnes etiam suscitabo, qui mortui in sepulchris iacent. Leontius ad mortuos qui audient vocem filij Dei. q. d. Non paucos, sed omnes omnino suscitabo. Ex Aug. Dixerat iudicij potestatem sibi datam à Patre: at quia audientes hoc ut incredibile refutarent aliquo gestu exteriori, adiunxit: *Nolite mirari hoc*, id est, ne vobis hoc incredibile videatur, quia non solū hæc mihi data est potestas, sed veniet profecto tempus quando iudicium hoc fiet. Nam omnes mortui audient
vocem

vocem filij Dei, & procedent seu prodibunt ex
 sepulchris, & resurgent: sed non eodem modo
 omnes, qui enim bona egerunt resurgent in
 vitam æternam, qui verò mala resurgent in dā-
 nationem. Hier. Ep. ad Pam. Audient auribus
 & procedent pedibus. At resurrectio vitæ bo-
 nis: resurrectio damnationis & æternæ mortis
 propria est malis. Dicit autem, *Audient vocem
 filij Dei*, Quia diuina virtute suscitandi sunt
 mortui: & est illa vox de qua 1. Thes. 4. Ex his
 patet quod supra dixit credentes non venire in
 iudicium, sed de morte transire ad vitam. Qui
 autem dicantur credentes qui non damnantur
 sed vitam habent æternam, exponit nunc, non
 qui solam habent fidem vt contendunt hære-
 tici, sed qui bona egerunt, vt Mat. 25. qui fidei,
 charitatis opera coniunxerunt. Melius Amon.
 & Theoph. ex hoc loco colligunt solam fidem
 ad salutem satis non esse. Non esse additum,
venit hora & nunc est, sicut prius dixerat, quia
 illic agebatur de resurrectione priuata; hic de
 publica omnium cuius nondum tempus adue-
 nerat admonet Aug.

30. *Non possum ego à meipso facere quicquam:
 sicut audio iudico.*] Sibi potestatem iudicandi à
 Patre datam dixerat. Et tacitæ obiectioni re-
 spondet, quamuis homo sit tamen se in iudi-
 cando errare non posse, dicens: *Ego à meipso non
 possum facere quicquam*, idest non vt homo tan-
 tum facio quæ facio, sed vt filius Dei, vnus
 cum Patre naturæ: non humana scientia, aut
 potentia sola vtor; sed simul diuina. Chrysost.
 Assueti erant Iudæi audire Deum futurum iu-
 dicem. Ps. 49. & 74. & 67. 71. 73. 81. Ergo ne of-
 fenderentur quod Christus cum homo esset
 diceret

760 MANVALE IN EVANGELIVM

diceret se iudicaturum omnes homines, docet id non sua, i. non humana, sed Patris, i. diuina auctoritate facturum. *Sicut audio iudico.* Christus audiebat vt Deus, quia scientiam habebat à Patre: audiebat vt homo, quia scientiã habebat humanam à diuinitate cõmunicatam. Iudicabat ergo sicut audiebat, & non à se solo; non ergo ignorantia labi poterat in falsum iudicium, nec vt Deus, nec vt homo. Ex Aug.

Et iudicium meum iustum est, quia non quero voluntatem meam, sed voluntatem eius qui misit me. Idem alijs verbis confirmat, & exclusa priori obiectione quia falli non potest, excludit aliam tacitam iniquitatis, & dicit, iudicium meum etiam iustum erit. Nam non quero voluntatem meam, i. non facio secundum voluntatem humanam solam, sed secundum diuinã in qua iniustitia esse non potest. Significat se operari secundum humanam voluntatem, ita tamen vt diuinæ sit cõformis, & loquitur vt homo de humana voluntate. Vna res enim errandi causa, quòd suã quisque sequatur voluntatem. S. Aug. tract. 22. Filius vnicus dicit, non quero voluntatem meam, & homines volunt facere voluntatem suam? Et ait se debere voluntatem eius facere non solum quia Pater est, sed quia ad hoc ipsum missus est. Sic Chrys.

31. *Si ergo testimonium perhibeo de meipso. testimonium meum non est verum.* Chrys. & Cyr. putant id non ex sua sed ex Iudæorum opinione dicere. q. d. Quia ego de meipso testimoniam perhibui, existimabitis testimonium meum non esse verum. At non ita est. Superius multa

multa suę diuinitatis mysteria Iudæis declarauerat, nunc quia increduli manent suam veritatem testimonijs confirmat. q.d. Tu de teipso loqueris nullum testem profers : præuenit hanc obiectionem, sic se Deum ostendens, qui occulta cernebat. Hic ergo sensus est si ego de meipso testimonium perhibeo, nec alio argumento aut testimonio quæ affirmavi, probo, quàm his verbis exterioribus, quæ protuli, aut rationibus solis humanis solæque auctoritate mea exteriori quæ apparet : testimonium meum non est legitimum, nec dignum fide, nec verum reputandum, quamuis reuera verum sit (loquitur vt homo) vel prouerbiali modo. q.d. Nolo mihi de me testificanti quisquam credat, ne id contra prouerbum vulgare postulare videar. At nõ sic est quia non solus ego de me testor, sed diuinis argumentis vtor, operibus nempe, & signis diuinitatis. Nec est contrarium illud, Io. 8. *Si ego testimonium perhibeo de meipso, testimonium meum verum est* : nam loquebatur vt Deus : qui non humanis verbis sed diuinis factis de se testabatur. Ex Chryf.

32. *Alius est qui testimonium perhibet de me, & scio quia verum est testimonium eius quod perhibet de me.*] Dixerat si solus de me testimonium perhibeo, testimonium verum non est : adiungit alium etiam esse qui testimonium perhibet de seipso. Cyr. Hic *alius* est Pater : & nota Christum in vnitæ suę personæ duas habere naturas diuinam & humanam, & duo operationum genera : vnum secundum diuinam, alterum secundum humanam : sed magnū est vtriusque discrimen. Nam sicut diuina

natura

natura non sibi erat propria, sed cum Patre communis, quæ secundum eam operabatur, non Christi solius sed Patris simul opera erant, quando enim mortuos suscitabat, infirmos sanabat, quia secundum naturam diuinam primariò ea efficiebat, erant & sua, & Patris simul opera. Tamen quia natura humana sibi propria erat, quia non personæ Patris sed suæ tantum erat vnita, quæ secundum eam faciebat, sua erant opera propria, vt quando incedebat, fatigabatur, sitiebat, orabat, similiæque opera hominis exercebat. Opera hæc hominis, non erant testimonium suæ diuinitatis, sed illa priora, quæ erant diuinitatis. Quæ quoniam & sibi vt Deus erat, & Patri, erant communia: hinc factum est vt ea modò Patri, modò sibi ratione suæ personæ attribueret: aliquando enim dicebat Patrem de eo testimonium facere, & operari quæ faciebat; aliquando verò ipsemet ratione diuinæ suæ personæ propter naturam eandem cum Patre dicebat de se vt homine ferre testimonium, & operari mira illa opera, vt eandem se habere cum Patre naturam & non solum hominem esse ostenderet. Sic intelligitur nunc quod ait alium esse qui testimonium ferret, nempe Patrem ipsum, qua ratione diuinæ naturæ edebat miracula diuinitatis testimonium perhibentia. Cum autem sibi potuisset etiam adscribere hæc opera, & testimonium, tamen Patri tribuit, vt alium testem esse confirmet. Nam Pater distincta erat persona, & sic sunt duo testes nempe ipse cum Patre. Chrys. hunc alium putat esse Ioannem, quia de Ioanne statim loquitur. Mald. & Patrem & Ioannem & Moysen & omnes Prophetas

phetas intelligi, sed singularem pro plurali poni. *Et scio quia verum est testimonium*, i. ego etiam testificor & illius probo testimonium, vt non ego solus, sed duo simus. vt Io. 8. Vel indicat se non aliorum quidem de se testimonio credi voliturum fuisse nisi certò sciret verum esse. Ita Alcuin.

33. *Vos misistis ad Ioannem, & testimonium perhibuit veritati.*] Q. d. vosmet mihi testimonium accumulastis. Nam misistis ad Ioannem vt eius testimoniū inquireretis. Ille autem testimonium perhibuit veritati, i. respondit veritatem nempe negando se esse Christum, & me eum ipsum esse confitendo: vos iudicatis Ioannem fide dignum, & hic non sua sponte sed rogatus à vobis veritatem dixit. Sic Chrys.

34. *Ego autem testimonium ab homine non accipio, sed hac dico vt vos salui sitis.*] Ne hoc testimonium putarent esse propter quod dictum erat, *Alius est qui testimonium perhibet de me*, propterea dicit, *Ego autem non accipio testimonium ab homine*; i. non hæc refero quasi velim Ioannis testimonio meam tueri sententiam, non indigeo vllius hominis testimonio. Quòd si hæc de Ioanne dixi id propter vos facio, vt salui sitis, i. vt vestrismet factis meam doctrinam confirmem, & impellam vos ad veritatem cognoscendam & recipiendam, per quam salutem consequamini. Nam quem vos voluntate vestra elegistis vt de Christo testimonium ferret, ille ipse testatus est veritatem, nempe me esse Christum. vt credentes salui sitis. Sicut cū vox de cœlo intonuisset, *Et clarificaui & iterum clarificabo*, dixit: *Non propter me hac vox venit*

764 MANUALE IN EVANGELIUM

venit sed propter vos c. 12. Ego non accipio testimonium ab homine. Hoc verbo etiam insinuat tacite se esse Deum. Ex Chrys.

35. *Ille erat lucerna ardens & lucens, vos autem voluistis ad horam exultare in luce eius.*] Cyr. quia Ioannis testimonium contempsisse videri poterat, ideo nunc cum comparatione lucernæ commendat. Aliter Chrys. ne dicerent, Quid ad nos si ille testimonium perhibuit? id nos non recipimus, recepisse ostendit. Mald. Dixerat se Ioannis testimonio usum esse non quod ipse indigeret, sed ut illi salvi essent, addit eius testimonio, si ei credere voluissent, salvos fieri potuisse. Nam erat ille ardens & clara lucerna quæ Christum salutis viam ostenderet. At illos leues & inconstantes fuisse, qui non nisi ad horam ea lucerna exultauerunt. Lucerna insinuat mandatum seu missum esse Ioannem, quia est instrumentum quo utimur ut luceat alijs: Lucerna etiam ab alio lumen accipit; sic Ioannes à Christo: Lucerna sole adveniente cessat: sic Ioannes, Christo iam prædicante, suo testimonio finem fecit. Ardens in se quia veritatem sciebat cui erat testimonium perhibiturus. Lucens quia alijs veritatis huius erat fide dignus prædicator. Ardens per cœleste desiderium, lucens per verbum. Greg. illud ad vitam hoc ad doctrinam refert. Ardens & lucens, i. non qualiscumque lucerna erat, sed clara, lucens, illustris, quæ ad monstrandum salutis auctorem satis illuxit. Et confirmat dicens. *Vos autem voluistis ad horam exultare in luce eius.* Nam à principio dignum fide iudicastis, & ut à Deo missum recepistis: lucebat ergo ille usque adeo ut illum Christum esse putaretis.

taretis, sed ad horam & breui tēpore id fecistis. Quo verbo Iudæos inconstantia arguit, quod in ea opinione, quā de Ioanne initio conceperant, nō perseuerauerint: si enim perseuerassent, credidissent eius testimonio de Christo & ad ipsū Christū venissent salutis auctore. Ex Chry.

36. *Ego autem habeo testimonium maius Ioanne.*] Causam refert cur Ioannem in testem non adducat, quia *habeo*, inquit, *maius testimonium*, i. maioris auctoritatis: nam nō personam personæ sed testimoniū testimonio comparat. Chryf. coniungit hæc cum superiore versu. q. d. Magnum quidem fuit Ioannis testimonium, erat lucerna ardens & lucens: sed maius testimoniū opera mea præbent. Si illi de me testificant nō credidistis, operibus saltem meis credite. Alij connectūt hæc verba illis, *vos misistis ad Ioannem*. q. d. Vos vti testimonio Ioānis voluistis: ego autem non produco testimonium hoc: habeo enim testimonium maius humano, & ideo ab homine non accipio.

Opera enim, qua dedit Pater ut perficiam, ea ipsa opera qua ego facio testimonium perhibent de me, quia Pater misit me.] Declarat quod opera sunt hoc testimonium maius testimonio Ioannis: non quæ ut homo perficiebat: ideo subdit. *Qua mihi Pater dedit ut ea perficiam*, i. quæ facio ut Deus per potentiam acceptam à Patre. Cuius autem rei hæc opera testimonium perhibent? nimirum me esse à Patre missum. Perficienda dicit loquens ut homo, cui Pater iniunxit, ut ea opera faceret: & simul potentiam dedit per quam faceret, nempe per diuinitatem unitam illi humanitati. Et ne quis putaret se ea facere tantum ex delegatione aliqua, adiunxit

766 MANVALE IN EVANGELIVM

adiunxit: *Opera quæ ego facio*, i. non tantum accepi à Patre opera, sed simul opera hæc ego facio, quia Deus sum. Quæres quis est qui hoc testimonium perhibet? & quis est de quo perhibetur? opera enim sunt ipsum testimonium. Respondet Tolet. Christus ipsemet, vt Deus est, perhibet de se vt homine testimonium per opera quæ facit supra hominem, nempe miracula, quæ sunt opera Dei. q. d. Si nihil appareret in me nisi humanum, esset qui de me testaretur homo. At cum opera per hanc humanitatem faciam, quæ Dei sunt, testimonium reddo me esse Deum, qui in hac lateo humanitate. Et quia hæc quæ facio vt Deus, communia sunt etiam Patri, Pater ynà cum filio reddit testimonium, vt non vnus, sed vt duo sint testimoniū ferentes; sed de vno nempe filio hominis factō. Quod autem testantur, idest, esse scilicet filium Dei à Patre missum, qui in illa est humanitate, nec merum esse hominem qui apparet, sed simul filium Dei. Ex Hil. 7. de Trinit.

37. *Et qui misit me Pater, ipse testimonium perhibet de me.*] Explicat quis sit hic alius qui testimonium perhibet. Pater, inquit, *qui misit me.* hoc testimonium est illud in baptismo redditum Mat. 3. Accumulatur autem hoc Patris testimonium non illo Ioannis, sed testimonio quod ipsemet Christus vt Deus de se reddebat vt homine, per opera diuinitatis. Alij intelligunt de voce illa Patris in trāsfiguratione edita, Mat. 17. vel de lege & Prophetis, in quibus Pater loquens sæpe se missurum testabatur filium. Ita Cyril.

Neque vocem eius vnquam audistis, neque speciem

ciem eius vidistis, & verbum eius non habetis in vobis manens, quia quem misit ille, huic vos non creditis.] Cum Patrem testimonium de eo reddidisse dixisset, arguit eos vt immemores & cōtemptores pacti quod pepigerunt cū Deo in monte Oreb. Deut. 18. & Ex. 20. & dicit, vos eius vocem audistis nec speciem eius vidistis, alludit ad verba quæ tunc populus dixit nempe, vocem eius nō audiam, & ignem hunc non videbo. Sensus ergo est, obtinuistis quæ per Patres vestros olim præ timore petiistis: non enim vocem horribilem Patris audistis, neque speciem terribilem eius vidistis; verbum tamen & pactū eius ad quod vos obligastis non seruatis. Acceptastis quidem pactum eius, nempe vos audire ros quem ille miserit Prophetam de gente vestra: at verbum & pactum eius non manet in vobis, quia quod pepigistis implere non vultis. Ecce enim ego sum quem ille misit; & vos non mihi creditis, nec auditis me sicut promisistis. Quibus verbis apertè se esse Messiam significat & diuinam vltionem propter eorum incredulitatem ex Dei pacto tacitè comminatur. Tol. Chrys. & Cyril. putant Christum propterea hoc dixisse quia sciebat gloriari solere Iudæos quòd Deum sibi loquentem audissent, quòd Deus cum Moyse locutus est c. 9. Docet ergo eos nunquam veram Dei vocem audiuisse, nec speciem perspexisse, quia Deus spiritualis est: ideòque non debere ea re confidere sed sibi credere. Rupertus verò: Ille cuius nec vocem audistis vmquam nec speciem vidistis, idest verus ille Deus qui nec oculis corporis videri, nec audiri auribus potest, testimonium mihi perhibet. Itaque testimonium habeo maius quàm

768 MANUALE IN EVANGELIUM

quàm Ioannis. Alij hunc tantùm esse sensum eos non esse familiares Deo, nam familiaritas visu & auditu contrahitur. Mald. verò ita interpretatur: Christus modò dixerat Patrem sibi non verbis sed operibus ipsis atque miraculis testimonium perhibere, quia poterant illi causari id genus testimonij veluti mortuum & mutum esse, velle se expressum Dei ore audire testimonium; dicit expectandum illis aliud testimonium non esse, quod ipsis visus, & auditus afferat Pater. Patrem enim neque audiri neque videri posse: opera eius esse colorem, eius voces quibus videatur, quibus audiatur. Ps. 19. Credant igitur operibus. Hil. l. 9. de Trin. sic: Propterea vocẽ eius non audistis, nec speciem vidistis, nec verbum eius manet in vobis, quia mihi non creditis. q. d. Si mihi crederetis vocem Patris audiretis, & speciem eius videretis. Qui enim videt me, videt & Patrem, & qui audit me, audit & Patrem. Athan. ser. 4. contra Arianos, verbum refert ad Christum qui est verbum Patris, qui est imago & figura substantiæ eius. q. d. Vocem Dei non audistis, nec formã vidistis, & cum superesset vobis modus vnus, vt in me, qui sum verbum Patris, crederetis, hunc modum contemnitis & non creditis mihi: propterea Patris cognitionem non habetis, & diuina notitia priuati estis. S. Aug. vocem exponit quando dictum est Io. 17. *Et clarificauit & iterum clarificabo.* At quando hæc loquebatur nondum prolata erat illa vox Patris. Alij ad vocem in baptismo referunt quam isti existentes in Hierusalem, non audierunt. At dicitur, *non audistis unquam*, quod aduerbium non ad vnã vocem sed ad omnes generaliter

generaliter refertur. Melius Tol. speciem Dei vocari eam in qua apparebat, & vocem verba quæ sentiebantur: vt Exod. 20. & Deut. 18. patet.

39.40. *Scrutamini Scripturas, quia vos putatis in illis vitam æternam habere, & illæ sunt quæ testimonium perhibent de me: Et non vultis venire ad me, vt vitam habeatis.*] Testimonio operum, & paterno, accumulatur etiam Scripturas sacras. Vos, inquit, scrutamini & inquiretis Scripturas, quia putatis in obseruatione earum vitam positam æternam, & illæ sunt quæ testimonium perhibent de me, & tamen vos non vultis venire ad me, vt hanc vitam habeatis. Malitiam eorum arguit significans eos proprio Scripturarum studio conuictos esse de veritate Christi: præ malitia tamen nolle eum recipere, nec in ipsum credere: quamuis per Christum hæc æterna vita consequenda esset. Ex hoc loco constat Iudæos Scripturas de Christo inquisiuisse; quamuis animo calumniandi & earum lectione conuictos de veritate Christi (non enim habebant quid responderent tot ac tantis testimoniis.) non volebant adhuc obstinati credere in eum, nec ipsum confiteri, etsi scirent in Christo vero & promisso positam hanc vitam æternam quam ex Scripturarum obseruantia se habere putabant. Hoc significat hoc verbum, *Et non vultis venire ad me*; quasi causa sit voluntatis malitia, non autem quod Scripturarum testimonia non indicauerint veritatem eis. Per Scripturas, legem & prophetas intelligit. Chrys. *Scrutamini* legit per modum imperandi & exhortandi; vt Christus eos impellat ad studium Scripturarum, quia ipsæ te-

K k stimo

testimonium perhibent de Christo. Alij non per exhortandi, sed per indicandi modum interpretantur. ut Cyr.

41.42 *Claritatem ab hominibus non accipio, sed cognoui vos quia dilectionem Dei non habetis in vobis.*] Idest humanam gloriam nihili facio, humanas laudes propter meipsum non curo, nec eas accepto: unde quæ dixi *Non vultis venire ad me*, non quia a vobis laudari cupiam, dixi; sed quia noui vos non habere vitam, quæ est dilectio Dei: & ut hanc acciperetis propter vestram utilitatem ego hæc locutus sum, non autem propter me. Ego enim hominibus non indigeo, sed propter salutem ipsorum eos quæro, Cyril Ego claritatem ab hominibus non accipio, sed propterea hæc adduxi testimonia, ut ostenderem vos caritatem Dei non habere: Vel Ego quidem me servatorem esse mundi, non humanis, quibus non indigeo, sed diuinis probavi testimoniis: scio tamen apud vos ne diuina quidem testimonia valitura, quia dilectionem Dei non habetis, quam si haberetis plus eius testimoniis tribueretis. Ex Chryl. & Alcuin.

43. *Ego veni in nomine Patris mei, & non accepistis me: Si alius venerit in nomine suo, illum accipietis.*] Declarat in quàm absurdos errores labantur ij qui caritatem & Spiritum Dei in se non habent; quippe qui obstinato animo contra veritatem resistunt. 1. Thes. 2. Venire in nomine Patris, non est tantùm missum esse à Patre, sed ita missum, ut testimonia sufficientissima suæ missionis haberet. *Veni, inquit, in nomine Patris, & non accepistis me:* Non quia non ego fecerim omnia ex quibus me à Patre missum

missum cognosceretis, sed quia nolulistis. Ergo vos non habetis dilectionem Patris, nec ex Dei amore facitis quæ facitis. Præterea si alius venerit, ut reuera veniet Antichristus, in nomine suo, non à Deo missus sed à sua propria malitia inductus, illum recipietis. Si autem Dei amor in vobis esset, non deberetis hunc recipere. Si igitur quem misit Deus non recipitis, quem non misit recipitis, non est dilectio Dei in vobis. Alij non de Antichristo solum sed de omnibus falsis prophetis generaliter interpretantur, qui currebant cum non mitterentur. Mat. 24. & Act. 8. de Simone Mago.

44. *Quomodo v's potestis credere qui gloriam ab inuicem accipitis, & gloriam qua à solo Deo est, non queritis?*] In eos inuehitur postquam iam testimonia suæ veritatis narrauit dicens, Quomodo credere potestis qui gloriam propriam queritis non Dei? non ego sum in causa, qui efficacissima credendi iam adhibui argumenta, sed vos qui ab ambitione vestra, quæ cæcitatibus vestris causa est, nō abstinete. Sensus est illos plus velle apparere iustos & sapientes hominibus quàm verè & coram Deo esse. Sic Alcuin.

45. *Nolite putare quia accusaturus sum vos apud Patrem: est qui accusat vos Moyses in quo vos speratis.*] Videri volebant Iudæi studio seruandæ legis Moyse aduersari Christo, dixerat eos id non apud Deum, sed apud homines gloriam captantes facere: addit nunc fore ut id in extremo iudicio manifestum futurum sit, ut ille ipse Moyses cuius studio fingeant se Christo aduersari, accusaturus eos sit quod ei non

772 MANVALE IN EVANGELIVM

crediderint, quem ipse eis demonstraerat. Gen. 49. & Deut. 18. Omnes etiam ceremoniæ, omnes ferè historiæ, quas Moyses scripsit, Christum monstrabant. Illi erant adeo peruerso iudicio vt vmbreis crederent, veritati non crederent. Euthym. Etsi id me facere oportebat, minimè tamen faciam, quia clemens sum. Beda verò, ideo non accuso quia non veni damnare, sed saluare. At quomodo accusaturus Moyses? Quia ex ipsius libris in iudicio conuincuntur Christo, cui credere debebant, non credidisse. Apoc. 20. Moyses ergo hic Scriptura seu lex Moysis vocatur, & dicitur, *in quo vos speratis*, quia putabant se ceremoniarum & legalium mandatorum obseruatione vitam æternam consecuturos. Ro. 3. Gal. 2. Ex Chrys.

46. *Si enim crederetis Moysi, crederetis forsitan & mihi: de me enim ille scripsit.*] Declarat cur Moyses eos accuset, quia Moyse non habebant fidem: & probat, quia si ei crederetis, mihi etiam crederetis: nam ille de me scripsit. Si igitur mihi non creditis de quo ille scripsit, iam scriptis & verbis eius increduli estis, & hac ratione vox accusat Moyses. Gr. *forsitan* vim habet affirmandi, vtique crederetis, vel more nostro posuit non quia dubitatio sit in Deo. ex Alcuin. Non citat locum, vt ipsi scrutarentur Scripturas, vel vt cogerentur ipsum interrogare vbi de ipso Moyses scripsisset: vel ne augeretur eorum pœna, quia nec credidissent: Vel certum locum non designat, quia vbi-que Christum promittit, aut venturum significat. Ex Aug. contra Faustum.

47. *Si autem illius literis non creditis, quomodo verbis meis credetis?*] Quem præ Moyse nihili
faci

facitis. Moyſi & ſcriptis permanentibus, & antiquis verba noua, quæ tranſeunt, & ſc, qui minoris habebatur, opponit. Ex Theoph.

CAPVT VI.

Cibat corpus & animam.

I. **P**ost hac abiit Ieſus trans mare Galilæa, quod eſt Tiberiadis.] Tempus quo hoc geſtum fuit, & totius huius hiftoriæ explicationem vide apud Matth. 14. Quando post hac, dicitur quæ in ſuperiori capite facta ſunt, non oportet intelligere, quæ in hoc capite narrantur continuò eſſe facta poſt languidi ſanationem. Nam hæc in Hieruſalem facta fuit tempore Paſcharis vel Pentecoſtes. At hoc miraculum prope ſequens Paſcha: multi ergo menſes interceſſerunt inter hoc miraculum ſuperius, & hoc, quo tempore multa miracula fecit in Galilæa; & ſermonem illum celebrem habuit in monte; duodecim elegit Apoſtolos; Ioannes occiſus eſt; fama miraculorum ad Herodem peruenit, &c. quæ Matth. Mar. & Luc. diligenter referunt. Conatus ea quæ illi prætermiſerant, præcipuè verò verba & ſermones Chriſti recensere. Qua autem occasione abierit ſilet, quia alij expreſſerunt, Mat. 14. Luc. 9. Abiit ſæuitiæ Herodis cedens, hominem ſe in hoc verum demonſtrans. Mar. 6. aliam etiam exprimit cauſam; nempe vt puſillum cum diſcipulis quieſceret. Cætera uſque ad verſ. 14. vide apud Mat.

14. Illi ergo homines cum vidissent quòd Iesus fecerat signum, dicebant: quia hic est Propheia, qui venturus est in mundū] Multa prætermittit Ioannes quæ alij Euangelistæ referunt. 1. Mat. & Mar. dicunt exiisse, idest ex montis secreto ad turbas videndas prodiisse. 2. addunt tactū esse misericordiæ affectu. 3. causam Marcus assignat, quia erant velut oues non habentes pastorem. 4. dicit Lucas illum excepisse eos placidè, & humaniter, obuiam processisse. 5. Marcus refert cœpisse eos docere multa. 6. addit Luc. de de regno Dei. 7. Mat. & Luc. addunt ægrotos & qui curatione indigebant sanasse. 8. secundum Mat. & Mar. erat hora tarda, & dies inclinabat, accesseruntque discipuli dicentes: *Dimitte illos, ut euntes in vicos & villas proximas emant cibos sibi, quos manducent.* 9. secundum Mat. & Mar. dicit illis Iesus: *Date illis vos manducare.* 10. secundum Mar. respondent: *Euntes emamus panes ducentis denariis & d. bimus eis.* 11. secundum Mat. audito responso Andreæ dixit: *Afferte mihi eos huc.* 12. secundum Mat. Mar. & Luc. accepit quinque panes & duos pisces, & aspiciens in cœlum benedixit & fregit & dedit discipulis panes; discipuli autem turbis, & manducauerunt omnes & saturati sunt. 13. secundum Lucam, benedixit panibus & piscibus virtutem multiplicationis imprecando & impertiendo, fregit & tali fractione multiplicauit. Hæc autem non sine magno consilio Euangelistæ notarunt: voluerunt enim ea quæ Christus in Eucharistia pane sacratissimo fecit præsignare. Exponit autem Euangelista quis fructus miraculum consecutus sit, quod alij Euangelistæ non dixerant: homi

homines miraculi magnitudine commotos existimasse eum esse Prophetam illum qui promissus fuerat. Deut. 18. ut denotat articulus Gr. qui venturus erat, quem expectabamus, sic enim Messiam describunt. Prophetam vocant, non à rebus futuris prædicendis cum nihil dum ab eo prædictum scirent, sed Hebræorum more qui omnes viros sanctos & doctos vocabant prophetas. Mat. 11. & 14. At cur tot ante visis miraculis non eum prophetam vocant? Chrys. gulæ hoc tribuit quia panem eos saturauerat, quasi proprium Prophetæ esset homines panem, ac non potius verbo Dei pascere, increpare, corripere. Vel auaritiæ potius & carnali Iudæorum sensui tribuit, Mald. Adeo in bona temporalia defixi erant, ut nihil supra cogitare viderentur, suumque Messiam ea potissimum re definirent, quod se omnes diuites facturus esset. Ideoque nec eum plusquam Prophetam esse eo viso miraculo cogitant, cum colligere deberent esse Deum, qui quas ipse fecisset creaturas prout vellet multiplicaret.

15. *Iesus ergo cum cognouisset quia venturi essent ut raperent eum, & facerent eum regem, fugit iterum in montem ipse solus.*] Cognouit aut ex verbis, vel signo aliquo, vel ex solis quas perspiciebat eorum cogitationibus: vel priusquam id turbæ cogitassent. Sed qui pro hominum salute mori veniebat, regnum visibile huius mundi spreuit. Quid an verus non erat Rex? erat sanè, sed generis alterius quam illi eum facere volebant. Erat tanquam Deus omnium hominū, omnium rerum Rex: volebant illi non ut Deum, sed ut hominem proprium

sibi Regem facere. Præterea vt homo rex erat sed spiritualis. Denique regnum illud ipsum spirituale nondum aduenerat, quotidie vt adueniat rogamus. Illi verò volebant regnandi tempus præuenire: vel etiam repugnantem regem facere. Hoc ille vt deuitaret solus aufugit: non solum vt præberet exemplum fugiendi, sed etiam ne secessio aliqua Iudæorum atque rebellio aduersus Romanos ea occasione fieret, quæ Euangelij prædicationem & Redemptionis mysterium impediret. Chrys. Cum dicitur, *fugit iterum*, indicatur ante fugisse vers. 3. Duæ sunt causæ abeundi in montem: vna vt oraret, & hanc Mat. & Mar. narrarunt. Altera ne rex fieret à turbis, quam refert Ioan. Solus autem fugit etiam relictis discipulis, vt omnem à se regni speciem & affectationem remoueret: Poterat enim duodecim Apostolorum comitatus aliquod regni specimen præ se ferre. Vel vt probaret discipulorum in se amorem atque constantiam, quid acturi soli essent. Sic matres solent infantes ad breue tempus relinquere. Causæ orandi contraria non est causa fugiendi, nam & hinc docet magnam esse causam orandi quando est causa fugiendi ait Aug.

16. *Vt autem sero factum est, descenderunt discipuli eius ad mare, & cum ascendissent nauim, venerunt trans mare in Capharnaum.*] Ideo hoc Euangelista notat, vt indicet discipulos in eodem loco mansisse vsque ad noctem Christum expectantes, sperantesque fore, vt eundem in locum vnde sese subduxerat ad eos reuerteretur: cum autem vidissent noctem ingruere, neque venisse eum, conscendisse nauculam, vt irent

irent in Capharnaum, vbi sciebant eum frequentem esse solere, vt eum ibi quærent. Priùs, vt ex Mat. & Mar. constat, compulit discipulos intrare in nauim, postea montem solus ascendit. Ioannes verò quod posterius factum est, narrauit priùs per quandam præoccupationē. Et nota nō idem esse, *vt serò factum est*, & id quod Mat. dicit *vespere facto*, & Mar. *cum iam hora multa fieret*. Nam hæc quæ Mat. & Mar. asserunt, antequam miraculum fieret gesta sunt; & significant iam diem inclinasse, quando accesserunt discipuli, & cibata sunt turbæ. At conuiuio peracto factum est quod Ioannes refert dicens, *vt serò factum est*. Iam enim erat noctis crepusculum. Tota hystoria vsque ad vers. 12. explicata est apud Mat. 14.

22. 23. *Altera die, turba quæ stabat trans mare, vidit quia nauicula alia non erat ibi, nisi vna, & quia non introisset cum discipulis suis Iesus in nauim, sed soli discipuli eius abiissent. Alia verò superuenerunt naues à Tiberiade iuxta locum, vbi manducauerunt panem gratias agentes Deo.*] Recenset quæ turba illa fecit postquam nocte illa transfretauit cum discipulis Capharnaum. Altera ergo die ab illa qua saturati sunt, idest post noctem in qua Christus per mare ambulans ad discipulos peruenit, turba rediit ad locum eundem Christum quærens, existimans ibi Christum inuentum iri: at non inuenerunt, quia ambulans supra aquas erat sequens discipulos, donec ingressus nauim peruenit cum illis Capharnaum. Perpende quàm diligenter turbæ vestigia Christi obseruabant: considerabant enim solos discipulos transfretasse, & solum Christum mansisse, & cum nauicula

KK 5

nulla

nulla superesset nocte illa, inde coniciebant Dominū eo in loco adhuc esse: nec enim cogitauerunt de eo quod factū est mirabiliter. Narrat autem Ioannes alias naues superuenisse, ne contrarius videatur sibi qui nullam esse aliam nauiculam cum dixisset, postea turbam in nauiculas ascendisse narret: nam hæc ad diuersa tempora sunt referenda. Quod dicit, *gratias agentes Deo* Gr. habet gratias agente Domino idest panes benedicente. idest postquam gratias egit Dominus. q. d. vbi manducauerant à Christo cibati, qui cum egisset gratias panes distribuit.

24. *Cum ergo vidisset turba quia Iesus non esset ibi, neque discipuli eius, ascenderunt in nauiculas, & venerunt Capharnaum quærentes Iesum.*] Videns turba non adesse Dominum, nec discipulos, quamvis non inuenissent modum quo discedere potuisset, experientia tamen victi eum non adesse, oblata nauis commoditate veniunt Capharnaum, eò enim viderant discipulos nauigasse, & quia sæpe illuc se recipiebat: facile autem existimarunt aliquam nauiculam nocte superuenisse, & in ea transfretasse, aut peditem nemine eorum cognoscente, iter terrestre confecisse. Tol.

25. *Et cum inuenissent eum trans mare, dixerunt ei: Rabbi quando huc venisti?* Videbant mari nauigando venire non potuisse, quia nauim nō habebat in noctis principio, nec iter terrestre confecisse poterat ipsis ignorantibus, nā multitudine tanta existente, iter necesse erat plenum fuisse hominibus maxima noctis parte: & forte eò terrā, nisi longo multorum dierum itinere, venire non potuisse videbant. Petunt ergo

ergo mirabundi, *Quando huc venisti?* cū potius debuissent petere, quomodo venisti? ut potentiam eius agnoscerent. At hi adhuc rudes nihil nisi humanum cogitant. Vel non interrogant quo modo venerit, ne quid de eius per mare ambulatione suspicari videātur, sed quando venerit ut ex tempore, & ex eius responso colligant quo modo venerit. Nam si tunc venerat, credi poterat aliqua alia naui quam alibi postea inuenisset aduectum esse; si iam nuper venerat, non poterat nisi miraculo per mare aut per aëra momento breui temporis venisse. Mald. Vide inconstantiam, volebant paulò antè regem eum facere, prophetam agnoscebant, iam refrixerant, & non ut regem faciant quærunt, sed ut iterum manducent, Chrysost. hom. 42. Vide adulationem. q. d. Magister quando venisti huc, nos te perpetuò observauimus, te sequi quærimus: miramur ergo quando veneris, cū difficile sit nobis ignorantibus huc te venisse. Assentabantur ut iterum illis mensa apponeretur, qualis superior. Euthym.

26. *Responditeis Iesus: Amen, amen dico vobis, quæritis me, non quia vidistis signa, sed quia manducaſtis ex panibus & saturati estis.*] Eorum mentem detegit & arguit, ut cibum potioſorem animæ præbeat & altioſrem ac vtilioſrem menſam apponat. Quæritis me, non propter ſigna & miracula quæ meam potentiam oſtendunt, ſed propter cibum quia ſaturati eſtis & iterū ſaturari vultis; ſi me propter ſigna quæſeritis, tunc ut me cognoſceretis & in me crederetis, eſſetis me ſecuti: At non propter ſigna ut me cognoſcatis, ſed propter cibos venitis, ut ite-

780 MANVALE IN EVANGELIVM
rum saturemini. S. Aug. Non me quæritis pro-
pter me, sed propter vos. Quia his verbis oc-
cultis cordium eorum revelabat: usus est assue-
ratione, ut ostenderet se non ex coniecturis
humanis, sed ex certa scientia eos nosse. *Amen,*
amen dico vobis: ut in his etiam verbis suam di-
vinitatem ostendar. Non respondet ad id quod
illi rogabant quando eò venisset: vel quod in-
digna responso esset quæstio: vel quod curiosa,
vel quod adulatoria. Chrys. Sed ad mentem
respondet indicans se esse Deum, & ut eos ad
fidem incitaret maiorem. Utitur autem non pro-
fus aspera, sed blanda reprehensione: non ait,
O homines gulosos. Sanare eos non perdere
volebat. Per panem res omnes ad vitam susten-
tandam intelligit. Chrys.

27. *Operamini non cibum, qui perit, sed qui
permanet in vitam æternam, quem filius hominis
dabit vobis.*] Alium cibum meliorem & utilio-
rem ostendit cibo quem ipsi quærebant: hic
enim cibus quamvis miraculosus, tamen perit
dum comeditur, & ad vitam hanc mortalem
tantum prodest: at cibus est alius qui non pe-
rit, sed prodest ad vitam æternam, eamque effi-
cit. Operamini ergo hunc cibum, idest, stu-
dium & curam impendite huic cibo acquiren-
do, qui non corrumpitur, ut ille, sed in æter-
nam manet vitam. Non negat curam haben-
dam pro cibo corporali, sed non hanc solam,
non præcipuam nec æqualem esse debere cu-
ram, sed eam quæ pro cibo est spirituali quod
turbæ istæ nos faciebant. Heb. Non. idest non
solum ut i. Reg. 10. 10. 12. *Operamini cibum*, non
significat, facite cibum: sed laborate huic ci-
bo acquirendo. nam dicit: *Quem filius hominis
dabit*

SECUNDVM IOAN. CAP. VI. 78. I.
dabit vobis, vt aliud sit opus quod ipsi debent
adhibere, aliud quod cibus ipse. Ne errarent
putantes se posse hunc cibum conficere, dicit,
Ego dabo. Suam in hoc declarat diuinitatem,
nam si Deus non esset, cibum æternæ vitæ dare
non posset. Et cum ait, *Filius hominis*, significat
se suam carnem, secundum quam erat filius ho-
minis, daturum in cibum, qui in vitam æternā
permanet: non quòd sæpe nō pereat, sed quod
causa sit vitæ æternæ. Præterea bona opera quæ
& ipsa hic cibum permanentem in vitam eter-
nam dicimus, transeunt actu, manent fructu,
manent effectū. Messaliani qui Eucharistia, idest,
precatores dicti sunt, abusi sunt hoc loco dicen-
tes Christianis non licere manibus operari sed
orationi, idest, cibo spirituali, insistendum,
quos refellunt Chryso. & Leontius ex Paulo 1.
Thes. 3. 1. Cor. 4. Eph. 4. 1. Thes. 4.

Hunc enim Pater signauit Deus.] Reddit cau-
sam cur non solum filius hominis (se enim hoc
nomine appellat) cibum hunc dare possit, pa-
ratūque sit dare, sed etiam cur caro sua, se-
cundum quam erat filius hominis, cibus possit
esse vitæ æternæ; ea autem est, quia Pater hunc
signauit Deus, idest huic homini Pater velut
sigillo diuinitatem impressit, & vniuit. Propte-
rea adiecit Euangelista vltimo loco, *Deus*, vt
sigillum hoc esse Patris diuinitatem, quæ in
filio est, & humanitati vnita est significaret; q.
d. Pater signauit diuinitate sua. Non mirum
ergo si hic homo cibum dare vitæ æternæ, &
simul cibus vitæ æternæ esse potest: nam simul
est Deus, & vnitam habet diuinitatem humani-
tati: vt dicitur Act. 10. *Vniuit eum Deus Spiritu
sancto*. Dicitur hunc, Pater signauit eum: hæc
vñctio.

vnctio & sigillatio est diuinitatis, vnio & coniunctio illi humanitati facta, per quam ille homo Christus est cibus efficax vitæ æternæ: quia per hanc homo ille sigillatus dicitur, cum sit homo & Deus. Et est causa optima, cur dare possit cibus vitæ æternæ, quod Dei proprium est: & cur caro illa sigillata diuinitate, sit etiam cibus vitæ æternæ. Solet pani sigillum apponi vt appareat à quo sit factus. Vocauerat autem se Christus cibus, idest, panem: dicit ergo se panem esse sigillo à Patre obfignatum, idest, panem non terrenum sed cœlestem, non ab hominibus sed à Deo factum. Aug. & Beda signatum à Patre filium interpretantur, idest à cæteris hominibus segregatum. Alij clausum, & absconditum. Alij, hoc signum in illo posuit quo vos cognosceretis illum esse regem vestrum, quod vobis hunc panem daret. Alij quamuis homo sit id Patris auctoritate facturum, quia solemus litteris sigillo impresso auctoritatem & fidem adhibere: hanc dedit Pater efficiendo vt homo ille simul Deus esset.

28. *Dixerunt ergo ad eum: Quid faciemus vt operemur opera Dei?] Quid facere debemus. Gr. quid facere poterimus? Quæ sunt ista opera quibus cibus hunc consequemur? Et nota eos appellasse opera Dei, vt significarent se interrogare de operibus hisce quæ ad cibus hunc habendum necessaria sunt. Cùm enim audissent cibus esse vitæ æternæ & Deum signasse Christum, vt cibus hunc daret, rectè opera Dei appellant ea quæ oportebat operari cibo huic acquirendo. Et merito à Christo discere quærunt, opera huius cibi, quem eiusdem cibi dato*

datorem audierant, nec negarunt dare posse quem modo tam mirabili virtute dedisse cibū corporalem experti erant: nec se consecuturos desperant ab eo quem iam erga seipsum liberalissimum senserant. Solum opera hæc scire volunt Deo grata, seu quæ Deus ab homine exigit: non tamen quæ præcepta essent; ea enim se non putabant ignotare. Hoc cum dicunt, diuini honoris studiosi videri volunt, & ut ad cibi exhibitionem inducant, ex Chrysostomo.

29. *Respondit Iesus: Hoc est opus Dei ut credatis in eum quē misit ille.* De se loquitur in tertia persona: nec opera legis postulat sed fidē, quæ est primū fundamentū Euangelij, qua à lege illa distinguitur. His verbis non solum docet, quod opus Dei sit, sed simul etiam explicat rationem efficacē, ut fiat opus: credere enim in eum qui à Deo missus est, significat credere Christum esse verum Messiam, & filium Dei missum in salutem mundi. Turbæ enim etiam in ea significatione intelligebant verba Christi petentis ut crederent in eum tanquam Messiam, & filium Dei. Est autem hoc opus necessarium, ut cibū carnis suæ accipiant quicumque accepturi sunt. Et colligitur opus à cibo distingui: nam turba audiuit duo, nempe cibum vitæ æternæ, & opus ab eis exhibendum ut cibo fruerentur: opus hoc scire petunt, ut cibum accipiant, quod Dominus docet, dicens esse fidē in eum: superest ergo cibus distinctus à fide in eum credentibus ministrandus: hic verò non est alius, nisi caro deifera ipsius in sacramento ministranda, nec fidem cibum esse; nec Christum fide creditum. Nam fides in Christum opus reputatur.

reputatur, post quod cibus vitæ succedit. Ex Tol. Ex hoc loco malè colligunt hæretici nos sola fide iustificari. Verum quidē est nos iustificari fide, & ex Mar. 19. 17. nos iustificari operibus. *Si vis ad vitam ingredi serua mandata*: ex vtriusque ergo collatione, & fide nos & operibus iustificari. Et hic fidem appellat totam legem Evangelicam quæ fidem & charitatem amplectitur. Nam credere in eum est credendo amare ex Aug.

30. *Dixerunt ergo ei: Quod ergo tu facis signū vt videamus & credamus tibi?* Sensus est, si tibi credere debemus, ergo fac signū vt videamus, & videntes credamus tibi. *Quod tu facis signum*, q. d. Haftenus nullum fecisti. Duo his verbis significantur ratione illationis, negant signum haftenus factum, non quod non fecisset iam, sed negant sufficere ad tantam fidem concipiendam, vt credant eum esse Messiam & filium Dei. Ratione illius illationis inducunt vt faciat signum si credi sibi velit. S. Aug. putat eos manna de cœlo postulare. Alij an semper posset & vellet ex quinque panibus quinque hominum missia saturare: sperantes fore vt semper sibi Christus cibum suppeditaret. propter ventris tyrannidem ait Chry.

31. *Quid operaris? Patres nostri manducauerunt manna in deserto sicut scriptum est: Panem de cœlo dedit eis manducare.* Prosequuntur signum tantæ fidei dignum non esse datum à Christo. Et interrogatio hæc, *quid operaris?* est parui facientium signum Christi. q. d. opus tuum quod fecisti non est tanti momenti vt tantam fidem postules. Nam maius opus tuo quod nobiscum fecisti, acceperunt nostri

stri patres in deserto, & tamen Moyses non tantam fidem poposcit, nec patres nostri crediderunt in eum ut tu postulas à nobis. Vel indicant se Moyse quidem meritiò non temere credere: populum enim ingentem annos 40. non ferentem, non metentem aluisse: eadem se facilitate credituros in ipsum, si aut idem aut simile faciat. Sic terrena cogitant & carnalia.

32. *Dixit ergo eis Iesus: Amen, amen dico vobis; non Moyses dedit vobis panem de cœlo, sed Pater meus dat vobis panem de cœlo verum.*] Quia illi cibum Moyse praposuerant extollentes, quòd de cœlo esset, propterea hoc Dominus negat, dicens non dedisse Mosem panem de cœlo. Moses, inquit, non dedit vobis panem de cœlo. Nam ille cibus de cœlo dictus est, quia de regione aëris seu de nubibus descende-
bat, sicut dicuntur volucres cœli: non tamen quod de cœlo ipso, ubi Deus habitare dicitur, descenderit: Non igitur Moses dedit vobis panem de cœlo, ut putatis. Depresso facto Mosi, suum opus extollit: Pater meus, inquit, non sic, sed dat vobis panem verum de cœlo: dat panem verum, & de cœlo ipso, ubi Deus habitat. Maius igitur est opus quod faciam quàm quod Moses fecit. Non dixit, ego do vobis, sed Pater meus ut se in hoc filium Dei ostenderet æqualem Patri. Nam cum dicit, *Pater meus dat*, non excludit se à dando. Rur-
sus dicit, *dat vobis*, quia paratus erat dare, & iam daturus: vel dare est mittere: quod non de se sed de Patre potuit dicere. Dicit, *Panem de cœlo verum*, idest verè cœlestem, quia non de aëre, sed de ipso cœlo. Est autem Christus
ipse

ipse qui panis iste est de cœlo, vt dicitur Io. 3. *Verum*, non figuram ipsam, qualis erat Manna. Vel q. d. verè panem, verè cœlestem. Ille ros, hic Deus & homo. Vide quo modo spe cibi, & tanti panis eos allicit. Ex Theoph.

33. *Panis enim verus est, qui de cœlo descendit, & dat vitam mundo.*] ex effectu probat panem esse de cœlo verè, seu cœlestem, & diuinum, quia hic panis de cœlo descendit & dat vitam mundo. Gr. panis Dei, i. verè cœlestis non elementaris, quia de cœlo descendit, vnde nihil falsum potest descendere: & quia vitam dat mundo non Iudæis tantum, vt manna, sed mundo, i. omnibus hominibus, quantum in se est. Et dat vitam, non vt manna, quod nemini dedit vitam, sed erat cibus iam viuentium. At panis hic vitam dat: de cœlo descendit, Manna non descendit sed mittebatur: hic panis descendit ipse. In quo diuinitas insinuat. Tria ergo habet super Manna, & quòd verè cœlestis, & quòd descenderit de cœlo, & quòd dat vitam eamque æternam, non Iudæis solum sed orbi terrarum. Ex Chryl.

34. *Dixerunt ergo ad eum: Domine semper da nobis panem hunc.*] Tanti panis spe allekti fidem concipiunt, & sibi hunc dari petunt panem: non vt semel sed vt semper eum habeant. Quando dictum est *Pater dat vobis*, intellexerant Patrem dare per ipsum Christum medium: propterea ipsum rogant vt panem hunc donet, & cum articulo, illum panem, illum de cœlo verum. Appellunt Dominum, vt sic ad dandum inducant. Aug. da panem qui reficiat & non deficiat, sic Samaritana. *Domine da mihi hanc aquam.* Fides aliqua in his Iudæis erat: crediderunt.

crediderunt enim hunc dare Christum posse: tamen imperfecta erat, nondum enim spiritualia capiebant, sed de cibo corporali cogitabant existimantes aliquem cibum futurum quo vitam corporum sustentarent multò perfectiorem quàm fuit illud Manna: propterea dicunt, *Semper da*: non enim vnicum & eundem panem omnem famem ablaturum putabant, sed frequenter sicut Manna multiplicandum. Tol. Alij dicunt intelligentes quid diceret, quod maioris fuit culpæ; non credidisse, irridentesque respondisse, *Semper da nobis panem hunc*. Eadem irrisione qua Samaritanam, q. d. nec vllus eiusmodi panis est, nec si esset dare tu posses. vt supra c. 4.

35. *Dixit autem eis Iesus: Ego sum panis vitæ: qui venit ad me non esuriet, & qui credit in me non sitiet in æternum.*] Hunc panem petentibus ostendit, & modum habendi docet, simulque volentibus offert. Ego, inquit, sum panis vitæ: panem agnoscite. *Qui venit ad me, & Qui credit in me non esuriet, non sitiet*: modum habetis consequendi & habendi panem, nempe si ad me veniatis: si in me credatis. Simul etiam *qui ad me venit*, i. qui credit, habet panem hunc; nemini denegatur si crediderit: paratus enim sum meipsum dare in escam & potum omni ad me venienti, & credenti. *Panis vitæ* dicitur, non solum quia viuificat & dat vitam, & hanc æternam, sed etiam quia vitam habet in se: est enim panis viuens & viuificans. Attende huius panis perfectionem: potus namque & esca simul est. *In æternum*, i. Ita est panis vitæ æternæ vt tollat omnem famem & sitim, non vt cibus corporis, qui vitam mortalem sustentat

788 MANVALE IN EVANGELIVM

sustentat quidem aliquo tempore, sed non tollit famem & sitim: nam qui semel comedit & bibit, iterum esurit & sitit. At panis hic vitam æternam dat, & omnem simul famem & sitim tollit in æternum. Et hoc dixit vt responderet illorum verbo, *Semper da nobis*. Duo ponit, vt hunc panem accipere valeant, nempe vt veniant ad eum, & vt credant in eum. Per aduentum confessionem exteriorem intelligit, ad quam opera referuntur: per fidem autem interiorum mentis assensum & affectum, Rom. 10. Notandum nō in hac vita verbum hoc impleri, *Non esuriet neque sitiet*, sed in æterna vita: quam panis hic Christi dat & efficit. Ex Aug.

36. *Sed dixi vobis: quia & vidistis me, & non creditis.*] Si quæras quando id dixerit illis, dici potest dixisse quidem illum ipsis aliquando etsi scriptum non sit, & Ioannem breuitatis studiosum non retulisse prius hæc verba quæ repetenda erant à Christo, satisque erat illi repetitionem narrare: vt Io. 11. *Magister adest & vocat*, cū non dicatur alibi quod vocauerit. & infra, *Nonne dixi tibi: si credideris videbis gloriam Dei*: Cū tamen Euangelista nō referat Dominum id prius dixisse. Ita nunc factum est. Tol. Aut tunc dixit illis cum diceret: *Queritis me non quia vidistis signa*. Hoc enim erat dicere, vidistis me & non credidistis. Sensus est, Petitis à me dare vobis panem vitæ qui è cælo descenderit, hunc iam præsentem quisque credendo accipere potest: sed iam non accipitis, quia vt iam aliàs dixi vidistis me & non creditis. Videre est eam Christi notitiam habere quæ ad credendum in illum
satis

satis esset. Ex Iansen.

37. *Omne quod dat mihi Pater ad me veniet: & eum qui venit ad me non eijciam foras.*] Fidei causam in altius reuocat principium supra signa, & supra verba exteriora; nempe virtutem & operam Patris. Quos ergo tanti cibi promissione non adduxit, terrore & minis attrahere studet, ostendendo eos omnes venturos ad se & credituros, quos Pater ei dedit prædestinando. Qui ergo non venerint nec crediderint, non sunt ei à Patre dati; nec enim quisquam à Patre dabitur qui non venturus sit. Dixit, non omnis, sed *omne*, vt maiorem denotet vniuersalitatem. *Omne* siue masculus, siue fœmina, siue diues, siue pauper, Iudæus, Gentilis, &c. Insinuat etiam fidem qua venit esse donum Dei, indicat etiam multos credituros in Christum. q. d. Quamuis vos non credetis, scitote innumeros, ad me venturos. Annotat Gentium conuersionem, & Iudæorum iacturam in fide, quòd Patris resisterent voluntati. Dari à Patre est docibilem esse Dei, i. sinere se ab eo doceri. Cum dicit, *& eum qui venit ad me non eijciam foras.* conformem suam Patri voluntatem ait. Pater mihi dat eos qui ad me veniunt, nemòque horum deerit. Ego etiam singulos venientes non eijciam foras, i. accipio in meam gratiam, salutem eis confero. Loquitur in singulari, vt nec vnum ex ijs qui veniunt se excludere significet. *Foras* damnationem significat, vt Mat. 13. & 25. Ex Chryso. & Aug.

38. *Quia descendi de cœlo, non ut faciam voluntatem meam; sed voluntatem eius qui misit me.*] Rationem reddit cur missos à Patre venientes

790 MANUALE IN EVANGELIUM
nientes ad se non sit eiecturus, *quia*, inquit,
descendi de coelo ut voluntatem Patris faciam.
Cum igitur voluntas Patris sit ut venientes ad
me recipiam & foras non eiiciam, hoc faciam.
Cum dicit, *non ut faciam voluntatem meam*
descendi, loquitur ut homo: nec hoc dicit
quasi contrariam voluntatem habeat ut ho-
mo, à voluntate Patris, est enim conformis,
& vult quaecumque Pater vult, sed tali utitur
verbo, quia prior est voluntas Patris & causa
cur ipse velit. In quo Christus ad diuinam vo-
luntatem, & beneplacitum refert hominum
salutem, tanquam ad supremam causam. Ex
Hil. 3. de Trinit.

39. *Hæc est enim voluntas eius qui misit me*
Patris, ut omne quod dedit mihi non perdam ex eo,
sed resuscitem illud in nouissimo die.] Dixerat se
descendisse ut voluntatem Patris faceret, mo-
dò quæ ea sit exponit. Hæc autem est ut nemi-
nem ex ijs quos mihi dedit perdam, neminem
foras eiiciam eorum qui veniunt ad me, sed in
die nouissimo resuscitem eos, scilicet, ad glo-
riam. Quanti enim sit momenti ad eum veni-
re, & ab ipso non eiici, istis & sequentibus ex-
plicat. Gr. legunt, *Hæc est autem:* & est explica-
tio voluntatis paternæ, si legas, *Hæc est enim.*
causa est cur non sit foras eiiciendus, qui ve-
nit ad Christum. Perdere est non admittere,
non iuuare, non facere quod in se est, ut illi
qui sibi à Patre dati sunt, non pereant. Nec
enim perdere Christus dicitur quia propriè
perdit, sed quia non iuuat: & quia omnes
quantum in se est adiuuat, neminem perdit.
Sed loquitur tantum de ijs qui sibi dantur à
Patre, quia qui non dantur iam perditum sunt:

& loquitur congruenter naturæ filij, cuius officium est conseruare quod sibi commissum est à Patre, nihil de paterna hereditate minuire. Ex Aug.

40. *Hæc est autem voluntas Patris mei, qui misit me, ut omnis qui videt filium & credidit in eum habeat vitam æternam, & ego resuscitabo eum in nouissimo die.*] Explicatio est & repetitio prioris sententiæ, differens ab illa in hoc quòd in illa explicatur voluntas Patris respectu datorum à Patre, in hac verò respectu venientium ad Christum, i. credentium in illum. Ex Iansen. *Videt*, oculis corporis vel mentis.

41. *Murmurabāt ergo Iudæi de illo, quia dixisset: Ego sum panis viuus, qui de cælo descendi.*] Non coniunctim hæc sic dixerat Christus, sed Iudæi sensum considerantes & vtrumque copulantes, murmurarunt contra verba Christi, ac si dixisset: *Ego sum panis viuus qui de cælo descendi.* frustrati spe cibi carnis quem expectabant. Ex Chrys.

42. *Et dicebant: Nonne hic est Iesus filius Ioseph cuius nos nouimus patrem & matrem?*] Dubitant quo modo de cælo descenderit, dum patrem & matrem in terris habeat. Sed culpa non carent, si enim filius est Ioseph; quo modo tantā multitudinem saturare potuit quinque panibus? tot infirmos curare? Aliud igitur latebat sub humanitate, quod non videbant; nimirum diuinitas cuius est sanare ægros, vitæ mortuos restituere. Ex Aug.

44. *Respondit ergo Iesus, & dixit illis: Nolite murmurare in inuicem, nemo potest venire ad me nisi Pater qui misit me traxerit eum.*] Veritatem dictorum

792 MANVALE IN EVANGELIUM

dictorum suorum confirmat, & eorum murmuraciones arguit, & est sēsus. Nolite murmurare quasi rem falsam dixerim, si enim non capitis verba hęc, non ideo vera non sunt. Nemo enim mihi credit, nemo verba mea capit nisi qui à Patre tractus est, qui ab eo illustratus est. Vos autem, culpa vestra tamen, hoc non habetis. Insinuat eos potius debere lumen petere quàm murmurare. Venire est credere. Ex hoc loco Manichęi, & nunc Lutherani, & Calvinistę, malè concludunt nullum relinqui liberum arbitrium. Nam trahere non semper cogi significat, sed duci, inuitari, imò cum voluptate allici, *trahit sua quemque voluptas*. Sic Cant. 1. Osce 11. Vtitur autem scriptura hoc verbo ut efficaciam diuinę vocationis explicet, & necessitatem, non quę absolute imponatur ijs qui à Patre trahuntur, sed quę ex hypothesis inferatur. Pater trahit necessariò homines ad filium hoc sensu, quia quisquis novit Patrem, & in eum credit, necessario ad filium venit. Hunc autem trahi, illum non trahi, quia hic trahentem Deum sequi voluit, ille noluit. ex Tol. Si non traheris, ora ut traharis, ait Aug.

Et ego resuscitabo eum in nouissimo die.] Veritatem dictorum confirmat. q. d. Nolite murmurare tum quia vos non habetis lumen diuinum à Patre sine quo ad me venire & meam doctrinam capere non potestis: tum quia ego sum qui credentes in me suscitabo in die nouissimo: qui autem talem potestatem habet profectò non est de terra, & filius hominis tantum, sed simul etiam de cœlo descendit. Rursus si suscitaturus sum credentes in me, vitę panis sum:

sum: non enim suscitatur mortuos nisi qui vitam dare potest æternam. Sicque terret, & allicit & æqualem se Patri ostendit, cum dicit, *suscitabo*, quod non est minoris potestatis quàm trahere, sed eiusdem. Ex Aug.

45. *Est scriptum in prophetis: Erant omnes docibiles Dei.*] Confirmat neminem venire ad se nisi tractum à Patre, quia prædictum est futurum tempus in quo Deus docturus esset, & illuminaturus homines. Isa. 54. & Hier. 31. Ezech. 11. 18. Ioel. 2. Heb. discipulos Domini: idest doctos Dei; eruditos à Deo: quod in fide reuelata per Christum impletum est. Docentur omnes à Deo quantum in ipso est: sicut illuminat omnem hominem venientem in hunc mundum. Et hæc est natura legis gratiæ ut in corde potius quàm in charta consistat, & à Spiritu sancto potius quàm ab ullo alio magistro imprimatur animis. S. Aug. Non quòd omnes doceantur, sed quia ex omni hominum genere aliqui doceantur. Sed si sententia est restringenda, ad eos restringenda qui sunt in Ecclesia, qui ad scholam Dei venire volunt: qui extra sunt aut vocem Dei non audiunt, aut nō intelligunt. Mat. 13. vel omnes docet venire ad Christum non quia omnes veniunt, sed quia nemo aliter venit ait Aug.

Omnis qui audit à Patre, & didicit, venit ad me.] Cum dixerit neminem venire ad Christum nisi à Patre tractum, & citauerit prophetiam fore ut homines docerentur à Deo, infert, Omnis talis qui doctus fuerit à Patre venit ad me. q. d. Hæc prophetia de his dicta est qui ad me venturi sunt, & in me credituri: nemo igitur venit ad me nisi doctus à Patre: doceri enim

794 MANVALE IN EVANGELIUM

est audire & discere. Audit is qui per revelationem mysteria fidei apprehendit : discit, qui his assensum præbet. Non semper omnis qui audit discit, sed omnis qui discit audit; qui verò audiuit & didicit, edoctus est à Patre : & hic venit credendo, non enim aliud est audire & discere quàm credere. Credere autem in Christum, est venire ad eum. Ex Aug.

46. *Non quia Patrem vidit quisquam. Qui est à Deo hic vidit Patrem.*] Idest ego solus qui à Patre natus sum, aut ab eo sum missus in mundum vidi eum. Significare ergo voluit Dominus eos qui à Patre audiunt & discunt, arcana quadam ratione ab eo doceri : nempe per afflatum Spiritus sui, quamvis non sine medio sensibili vocis eius qui est à Deo, aut eorum quos ille instruxit. Iansen.

47. *Amen, amen dico vobis: Qui credit in me habet vitam aeternam*] Duobus argumentis murmuraciones eorum confutavit: priore obiecit eis defectum luminis, & doctrinæ paternæ ipsorum culpa, sine quibus nemo venit ad Christum: altero se esse qui suscitabit in die nouissimo. Credentes, edocuit, quod non fieret nisi vitæ panis esset. Primum horum explicuit & confirmavit prophetiæ testimonio, & eius declaratione. Nunc secundum confirmat, *Ego resuscitabo eum in nouissimo die.* & dicit: *Amen, amen, dico vobis, qui credit in me habet vitam aeternam.*] Assertionem utitur geminata loco argumenti; cuius enim tot ac tanta viderant signa debuit profectò eius verbum tanta assertionem prolatum, magnum eis esse veritatis argumentum. Repetit autem sæpe hanc sententiam, se scilicet esse panem vitæ, & credentes in eum habere vitam æter

æternam, vt vel ipsa frequens repetitio eos moueat ad fidem : vt & factis & dictis & ipsa dictorum repetitione tantam confirmet veritatem. Habere dicitur, quia ius ad rem habet. Nam fides viua fideli est velut pignus, & ius quoddam ad vitam æternam. Ex Aug.

48. *Ego sum panis vitæ.*] Reddit rationem cur credentes in eum habeant vitam æternam, quia, inquit, ego sum panis vitæ, qui credentibus in me, panem vitæ, qui sum ego, ministro eosque meipso cibo. Panis vitæ dicitur non solum quia viuit in se, quod nullus alius cibus habet, sed quia causa est vitæ, & panis est viuificans. Christus enim modò dicitur panis viuus, modò panis vitæ: viuus quia in se vitam habet; vita quia alios viuere facit, & quia vitam nostram continet, & hanc & futuram, ait Chrys.

49. 50. *Patres vestri manducauerunt Manna in deserto, & mortui sunt; hic est panis de cælo descendens, vt si quis ex ipso manducauerit non moriatur.*] Declarat cuius & qualis vitæ panis sit, cum præferens Mannæ, quod non dedit vitam immortalem, nam mortui sunt quotquot in deserto manducauerunt. At qui panem Christi manducauerit non morietur. Dicit, *Patres vestri*, non quòd non descenderit ab eis secundum carnem, tamen quia secundum diuinitatem suam tunc loquebatur, ab eis se separat dicens, *Patres vestri*. q. d. Ego alium Patrem habeo, qui ipse Deus est patrum vestrorum. Et est cum articulo, Ego sum panis ille. Dices qui manducant panem Christi etiam moriuntur, sicut & illi qui Manna manducauerunt. Est tamen differentia, quòd Manna à morte non

liberat, quia mortui sunt illi nec virtute Mannæ suscitabuntur. At qui manducant panem Christi liberantur à morte, quia etiam si moriantur manducantes, virtute eius panis suscitabuntur ad æternam & beatam vitam. Cyr. l. 4. cap. 10. Dicit illud Manna nullam dedisse perpetuæ vitæ virtutem. At panis hic Christi æternæ vitæ relinquit in manducante virtutem, ut quamvis moriatur, virtute tamen Christi manducati, & in eo per gratiam & spiritum manentem, suscitandus sit in æternam vitam Præterea Manna corporibus quidem, & ad certum tempus vitam dabat: At hic panis vitam æternam etiam animis confert. Ex Aug.

51. *Ego sū panis vivus qui de cœlo descendi, si quis manducauerit ex hoc pane vivet in æternum.*] Cōfirmat se esse hunc panem, & probat, inquit Tol. quod dictum est, panem hunc datum esse, ut qui manducat non moriatur. Causa autem hæc est quia *Ego sum panis vivus*, vitam habens in me: non ergo mirum si vivere facio manducantes me. Secundò sum vivus panis non quocumque modo, sed qui descendi de cœlo, idest viuo vita cœlesti & divina, quæ æterna est. Si ergo panis sum, manducantem pascō, si vivus sum vitam præsto, si viuo vitam immortalem & æternam ac cœlestem, vivere facio alios simili vita, & ideo si quis manducat hunc panem vivet in æternum. Rectè ergo dictum est si quis ex ipso manducet non moriatur, intellige in æternum. Descendit de cœlo & Manna, sed ymbra erat, iste veritas ait Aug.

Et panis quem ego dabo caro mea est pro mundi vita.] Superiùs frequenter se panem esse docuit

cuit; modò carnem suam hunc panem quem
 se daturum promittit, esse clariùs aperit. Et in
 hoc passionem suam pro mundi salute futu-
 ram prædicit. Et sensus est, Panis quem ego
 dabo caro mea est, quam ego daturus sum pro
 vita, & mundi salute; illud enim, *pro mundi*
vita, coniungitur cum carne; idest caro quæ
 pro mundi vita in mortem danda est, hæc ipsa
 panis est, quem ego dabo. Hunc sensum con-
 firmant Græci codices vt notat Tol. & Rossen-
 sis doctè contra Occolamp. qui bis legunt,
dabo: Panis quem ego dabo caro mea est, quem ego
dabo pro mundi vita: l. 4. c. 12. Per prius enim *da-*
bo significari institutionem corporis Domini
 in Sacramento factam in vltima cœna: per se-
 cundum, traditionem corporis Domini in cru-
 ce pro salute nostra. Et hic quidem dicit *dabo*
 per futurum, cum prius dictum sit, per præ-
 sens, *Pater meus dat vobis panem verum*, quòd
 hic sit promissio instituendi in futurum. Chrys-
 tamen Ho. 45. & Aug. legunt vt nos habemus.
 Idem tamen est sensus. Non sine magno my-
 sterio passionis suæ meminit, hunc promittēs
 panem, non enim caro eius in cibum, & panem
 datur nisi post suam mortem & passionem, &
 vt memoria quædam passionis eius; quamvis
 paulò ante passionem Sacramentum hoc in-
 stituerit. Et attende *dabo* quia significat dare
 ad manducandum: quorsum enim panis datur
 nisi vt edatur? Et quia spõre mortuus est, obla-
 tus quia voluit. Rursus si caro hæc panis est,
 iam non de fide sola, verba possum intelligere:
 nam fides in totum Christum est, totus Chri-
 stus manducatur fide. Quæ est ista manduca-
 tio carnis & corporis nisi ea quæ realiter caro

eius in Sacramento sumitur, quod carnem sola ex vi Sacramenti continet? Tol. Hoc enim interest inter sumptionem Christi per Sacramentum, & extra Sacramentum, quod in Sacramento sub specie panis solum Christi corpus per se sumitur, Christus autem totus propter corpus: extra Sacramentum autem per se sumitur totus Christus; corpus autem Christi propter Christum. Cum enim fide Christum apprehendimus, non figimus fidem primum in corpus, sed in Christum, deinde in singulas eius partes: ut cum visu à longè hominem cognoscimus, priùs totum hominem, pòst singulas partes cognoscimus.

52. *Litigabant ergo Iudæi ad inuicem dicentes: Quo modo potest hic nobis carnem suam dare ad manducandum?*] Iudæi intellexerant verbum Christi de reali carnis suæ manducatione loquentis, sed carnalem eam arbitrati, sicut & communium ciborum, inter se altercantur & contendunt quomodo fieri possit ut caro Christi sit cibus hominum futura, aliis negantibus, aliis forsan miraculo præcedenti permotis affirmantibus, utrisque tamen rei mysterium ignorantibus & non credentibus. Quærunt igitur quo modo id fieri possit, aut potius quo modo id Christus possit facere, homo cum sit, & ut videbatur abiectus. Fortasse non recordantur quinque panum. *Quomodo*, vox incredulitatis, & contemptus. Stultum est proprio ingenio diuinam mensurare potentiam. Ergo, indicat causam altercationis quod diceret se carnem suam daturum ad manducandum. Antea non sunt altercati quando dixerat se esse panem vitæ, eis dādum, quia nondum sensum perce

perceperant, nempe realem cibum Christi corpus futurum: hæc enim verba sunt magis expressa. Quomodo ad manducandum dare potest? Nam in alios vsus ad spectandum, ad tangendum, ad conseruandum dare posset, & ad manducandum etiam vnâ aliquam partem, aut totam etiam carnem suam, sed paucis hominibus dare posse intelligebant, toti vero mundo, idest vniuersis hominibus quomodo dare posset non intelligebant. q. d. Scimus id sine miraculo fieri non posse, scimus hunc miracula facere solere: vidimus quinque millia hominum frangendo & distribuendo multiplicasse, carnem autem suam quo modo, quo miraculo multiplicabit? quomodo efficiet vt eam omnibus tradat, & habere ipse non desinat? Cyp. & Aug. in eo versari putant dubitationem quod absurdum ac nefarium putarent humanis vesci carnibus.

53. *Dixit ergo eis Iesus: Amen, amen dico vobis, nisi manducaueritis carnem filij hominis, & biberitis eius sanguinem, non habebitis vitam in vobis.* Particula *Ergo* causam indicat cur sic respondit Dominus. illi dicebant, *quomodo potest carnem suam dare hic ad manducandum?* Nec id fieri posse credebant. Ideo Dominus sententiam eandem confirmat terrorem incutiendo, q. d. Vobis dixi carnem meam me daturum in panem, & non creditis; ego dico vobis iterum & augeo sententiam, Nisi manducaueritis carnem meam, & biberitis meum sanguinem, vos non habituros in vobis vitam: perpendite quâ tum vobis ista vestra incredulitas noceat: vos enim priuabit vita æterna, nisi fidem præbueritis meis dictis, & cibum hunc manduca-

ueritis. Consonat illud verbum, *Non habebitis vitam in vobis, illi, pro seculi vita.* Non igitur Dominus realem cibum corpus suum futurum esse negat; sed necessarium ad vitam æternam consequendam esse docet, quamvis modum mirabilem manducandi illis incapacibus & rudibus non explicet. Simili locutione usus est cum Nicodemo, Io. 3. Quærit à nobis Dominus fidem mysteriorum non scientiam & intelligentiam: propterea nunc modum non explicat sed rem comminatione confirmat, ut timore ad fidem pertrahat. Dicamus contra Hæreticos, & Catholicos quosdam incautos hac in parte: Si de Sacramento Eucharistiæ Christus agere voluisset, & illud omnino depingere quibus clarioribus verbis uti potuisset? Si ageretur hic de māducatione per fidem ut volunt, manducatio per fidem esset omnibus necessaria: At non omnibus est necessaria, non enim infantibus. Igitur de manducatione per fidem non agitur. Præterea si de manducatione per fidem agitur, ergo qui totum Christum fide apprehendit non satisfacit, nec saluus erit nisi sigillatim carnem & sanguinem eius apprehendat, quod nemo bene sanus dixerit. Si ergo in manducatione per fidem hoc non sequitur, cur in manducatione Sacramentali sequi volunt, ut sub utraque sumatur specie? Et hoc refellit utrosque aduersarios, & eos qui negant agi de Sacramento, & eos qui concedentes agi de Sacramento ut Vviclef, & Husium, concludunt utramque speciem esse necessariam. Mald. & Tol. vide.

54. *Qui manducat meam carnem, & bibit meum sanguinem, habet vitam æternam, & ego resusci*

resuscitabo eum in nouissimo die.] Post negantem nunc affirmantem sententiam adiicit, vt beneficij tanti spe alliciat ad fidem. q. d. Non solum prodest caro & sanguis Christi sumentibus ne pereant, sed simul vt vitam consequantur eternam Vel vers. præcedenti. docuit solos eos qui manducarent, vitam habituros: hic docet omnes qui manducauerunt habituros. Causam adiungit, quia *Ego resuscitabo eum in nouissimo die.* Illa particula & vim causalem habet. Vitam ergo æternam Christum suscipientes habent, quia quamuis moriantur ad tempus, ipse eos in nouissimo ad vitam æternam suscitabit.

55. *Caro enim mea verè est cibus, & sanguis meus verè est potus.*] Hac sententia quæ cum sequenti est connexa causam reddit cur, qui manducat & bibit carnem & sanguinem eius, habet vitam æternam ab eodem Christo suscitandus. q. d. Dixi manducandam carnem, quia caro mea verè est cibus: dixi bibendum meum sanguinem, quia sanguis meus verè est potus. Hoc non aliud significat quam carnem & sanguinem adaptanda diuina potentia esse, vt sint cibus & potus, quod factum est quando in nocte cœnæ Sacramentum mirabile instituit, in quo carnem propriam sub speciebus panis, & sanguinem sub speciebus vini constituit, vt realiter manducari & bibi possit, & ore sumpta cibus animarum fiant. Dixit autem, *Verè est cibus, verè est potus*, quia non parabolicè nec ænigmaticè, sed verè & realiter caro & sanguis Christi manducatur & bibitur. Rursus eadem de causa nō dicit, Ego sum cibus, sed distinctè caro mea cibus est, sanguis meus potus est, vt in hoc futuram suam passionem & mortem in-

802 MANVALE IN EVANGELIUM

finet, in qua sanguis erat à carne separandus: cuius passionis cibus hic & potus futurum erat memoriale, viuum & admirandum. Si de spiritali tantum manducatione sermo esset, non erat cur ipsa verba ita distinctè, & affirmata, proferrentur. Illud enim geminatum veritatis aduerbium *verè*, tropū & metaphoram excludit. Amb. l. 6. de Sacram. c. 1. Cyr. l. 4. c. 16. veritatem hanc contra figuram exponit ut non sit sicut manna: & quia verè animas nutrit & vitam æternam illis præbet.

56. *Qui manducat meam carnem, & bibit meum sanguinem, in me manet, & ego in eo.*] Iterum, ait Tol. explicat Christus quomodo, qui manducat suam carnem, bibitque ipsius sanguinem, habeat vitam æternam; quia nimirum ipsum habet Christum qui vitam æternam secum affert, atque adeo ipsa vita æterna est. Sequitur hæc sententia ex præcedenti: si enim caro mea cibus est, & sanguis potus, qui eā sumit & accipit intra se, yunionem quandam habet mecum: ex ratione enim cibi & potus hanc mutuam deducit permanentiam. Sed latet eximius in his verbis sensus, si latum discrimen huius cibi à cōmuni obserues. Qui enim cibum & potum communem accipit, dicitur quidem cibum & potum intra se habere, tamē non manet ipse in cibo & potu: imò nec cibus nec potus in eo manent, nā corrumpuntur & conuertuntur in substantiam eius qui manducat & bibit. At Christus nō talis est: Primò quidem manet in manducante, quia non transit caro Christi in substantiam manducantis sed permanet. Secundò, non accipit vitam à manducante sicut accipiunt cibi communes, sed ipse:

ipse potius dat vitam animæ manducantis: quæ ratione Amb. l. 6. de Sacr. cap. 1. panem viuum dici affirmat. Propterea manet in manducante, quia ipsi ita vnitur vt non corrumpatur, & manducans manet in eo quia vitam accipit ab ipso cibo & ab ipso Christo, cuius caro cibus & sanguis potus est: vnio igitur quædam est quia cibus & potus est; tamen magnum est & latum discrimen, cibus enim est manens, & continens ipsum manducantem. Præterea attendenda sunt verba: non dicitur, manet in carne mea, & caro mea manet in ipso, sed ego in ipso, & ipse in me; denotans ipsum suppositum diuinum & personam, q. d. qui carnem meam manducat quandam vnionem habet cum ea, & ratione carnis meæ in me manet, & ego, qui Deus sum, in eo maneo. Qui enim carnem & sanguinem bibit, habet in se Deum ipsum carni & sanguini vnitum: quibus verbis explicat efficaciam huius cibi. Quid non efficiet cibus & potus hic si vt par est accipiatur, cui est vnitus Dei filius, & cui est coniuncta diuinitas, & vita, & potentia Dei? Ex his deducit qui manducat vt debet vitam æternam habere. Tol.

57. *Sicut misit me viuens Pater & ego vivo propter Patrem. Et qui manducat me, & ipse viuet propter me.*] Obscurus Hebraismus est: qui sic facile resoluitur, sicut Pater qui me misit viuit, & ego vivo propter Patrem. Concludit totam probationem, & est sensus, sicut ego vt homo quia missus sum à viuente Patre, id est, habeo diuinitatem Patris, viuentis humanitati meæ vnitam, & vivo propter ipsum; humanitas enim mea accipit vitam ab ipsa diuinitate, & à Patre ipso: ita qui me manducat, accipiet vitam à me,

Ll 6 quia

804 MANVALE IN EVANGELIVM

quia mihi vnitur & in me manet. Aduerte, Christus erat & Deus & homo, quatenus Deus vivebat propter Patrem, quia essentiam & cū ea vitam habebat à Patre; vt homo etiam vivebat propter Patrem, nam vitam vt homo Deus erat, & Dei filius propter vnionem diuinitatis vitam vivebat gratiæ, gloriæ, & naturalis: hanc enim omnem diuinitas humanitati communicauit. Solet autem tribuere Christus quæ diuinitatis suæ sunt ipsi Patri, & ideo dixit se vt hominem vivere propter Patrem, & de hac loquitur in præsentī. Illud autem, *misi*, significat mysterium incarnationis. Sicut ego homo factus à Patre viuentē. q. d. Sicut ego qui sum Filius Dei eandem habens vitam cum Patre, factus tamen homo meæ humanitati propter vnionem vt Deus do vitam: ita ei qui me manducat, quia mihi vnitur & coniungitur per carnem meam, dabo vitam. Sermo est non de vita gratiæ & gloriæ sola, sed etiam de æterna quæ est per resurrectionem, & quidem est omnium causa, tamen præcipuè de æterna est sermo, quæ in resurrectione gloriosa corporum datur. Non est autem vnitas omnino similis; non enim vnitur manducans hypostaticè Christo; sed ex vnione sola colligit effectum eundem. Nec dicit viuet propter carnem, sed propter me, nempe Dei filium, cui per carnem vnitur, & accipit in se Christum, vt in eo manere dicatur: vt Rom. 8. Si Spiritus, id est, diuinitas quæ erat in Christo suscitauit eū vt hominem, quia vnita erat, & inhabitabat in eo: ita etiam suscitabit vos, si inhabitat in vobis, nempe per gratiam: non enim eadem est inhabitatio, sed idem inhabitans: & ideo idem

erit effectus vitæ, & resurrectionis æternæ. Tol. Quid autem sit viuo propter Patrem; Aug. & Beda putant finalem causam. significare, idest, ad gloriam Patris. At significare potius efficientem videtur, propter se, idest, se illi vitam impertiente victurum. Obiiciunt Arriani Deū non esse qui per alium vitam haberet. Si de Christo vt Deus exponatur, vt Greg. Naz. Chry. Cyr. dicendum secundum diuinam naturam viuere propter Patrem, non quod participatione vitæ eius viuatur sicut nos, sed quod vt per se viuatur, ac vita ipsa sit à Patre per æternam generationem acceperit: & sic dicit, *Ego sum vita*. Basil. Amb. Aug. dicunt de se vt homine loqui nam agebat de carnis suæ manducatione, & non manducatur vt Deus sed vt homo vt s. d. Mald. non de morali, non de naturali sed de diuina & supernaturali vita loqui, quam vitam æternam appellamus, quæ in Deo naturalis est, in Christo quatenus homo est, & in nobis diuino beneficio per participationem quādam concessum diuinæ naturæ. Eam enim sempiternam vitam atque diuinam quam Deus natura sua habet, Christus vt homo, per conjunctionem cum diuinitate hypostaticam habuit, per quam quæcumque Dei erant in humanam naturam deriuata sunt. Nos verò per eā conjunctionem habemus, qua sumpto corpore & sanguine Christi, cum eo vnū quiddam effici-mur. Sicut enim per vnionem illam hypostaticam fit vt vita illa diuina, & foeliciter immortalis humanæ Christi naturæ facta sit: ita per conjunctionem nostram cum corpore eius efficitur nostra: vt dixit Hilar. 8. de Trinit. & Aug.

806 MANVALE IN EVANGELIVM

58. *Hic est panis qui de cœlo descendit, non sicut manducauerunt Patres vestri manna & mortui sunt. Qui manducat hunc panem viuet in aeternū.]* Concludit disputationem, reuocans eam ad initium. Dixerant Iudæi vers. 30. *Quod ergo tu facis signum ut videamus & credamus? Patres nostri manducauerunt manna in deserto, sicut scriptum est, Panem de cœlo dedit eis manducare.* Respondit Christus non illum, quem dedisset Moyſes, sed quem ipse daturus erat verū esse panem atque cœlestem. Id nunc concludit comparatione huius & illius. *Hic est panis qui de cœlo descendit, qui viuere facit in æternum.* Et non sicut manna, quod non potuit præbere vitam æternam: nam mortui sunt omnes quotquot illud manducauerunt, nec virtute illius ad vitam resurgent æternam. Modò seipsum, modò carnem suam vocat panem. Non enim caro à sua persona vnquam separata est, propterea vbi caro est, ibi & ipse Christus Dei filius est, qui ratione suæ carnis nobis est panis vitæ factus, quatenus sub speciebus panis, nobis seipsum in carne sua cibum præbet. Et quamuis caro & humanitas de cœlo non descenderit, is tamen qui vnitus est carni de cœlo est: propterea dicitur descendisse panis de cœlo. Amb. l. de Sacram. c. 1. & Aug.

59. *Hæc dixit in synagoga docens in Capharnaum.]* Locum describit vt historiæ concionis tam mirabilis fidem faciat: qui non occultus sed publicus erat, & emporiū celeberrimū Capharum. Vel vt duritiem, & incredulitatem auditorum notet in ea vrbe in qua tot miracula fecisset. Erant multæ synagogæ in oppidis Iudæorum quò Iudæi conueniebant
ad.

ad orandum, ad lectiones Scripturæ audiendas. Templum vnum erat, & id in Hierusalem, in quo solo sacrificare licebat, & simul ea facere quæ in synagogis efficiebantur Matthæi 4. & 6.

60. *Multi ergo audientes ex discipulis eius, dixerunt: Durus est hic sermo, & quis potest eum audire?]* Quod propriæ erat culpæ, in cibum ipsum reiiciunt: nam eorum incredulitate & vitio dentes ad mandendum etiam mollia ineptos habebant. Cyr. Vitium etiam suum aliorum iudicio defendunt. Quis, inquiunt, audire eum potest? q. d. Non nobis solis durus est, sed omnibus: nemo eum audire potest. Intolerabilis est. Tert. difficilis intellectu. Chrys. Non fuisse hos discipulos ex 12. Apostolorum numero monet Theoph. & ex vers. 67. manifestum est. Duo illorū aures offendebr̃t: alterum est carnem Christi manducati dare posse æternam vitam, & esse supra manna patribus datum, & in cibum sufficientem futurum. Alterū est carnem Christi manducandam & sanguinē bibendum sensibiliter, sicut & caro animalium manducatur. Ita enim verbum intelligebant, & hoc horrorem incutiebat: sicut etiam si quis nobis carnes humanas mandendas & edendas proponeret, horrorem & nauseam vel solo sermone faceret: & propter hoc dictum est ab iis, *Quis potest eum audire?* Hæc fieri non posse videbantur. Et de his dictum est, *Durus est hic sermo.* id est credibilis non est, nec ad intelligendum idoneus, nec ad audiendum suavis, difficile susceptibilis ait Chrys.

61. *Sciens autem Iesus apud semetipsum, quia murmurarent de hoc discipuli eius, dixit eis: Hoc*

vobis

vos scandalizat?] Apud semetipsum, idest, propria scientia cognoscens, nemine referente, vel indicante. Ita enim murmurauerunt discipuli inter se taciti ut audire Christus non posset, sed Deum quem corda non latent quomodo verba etiam non audita latere potuissent? Ex hoc loco Chrys. Cyr. Theop. diuinitatē Christi probant. *Hoc vos scandalizat?* q. d. Maiora audietis & videbitis: parum hoc est, ut tam citò scandalizemini: ut Io. 1. *Maius his videbis.* Erat scandalum non actiuum, sed passiuum. Volebat enim eorum scandalum soluere ait Chrysostom.

— 62. *Si ergo videritis filium hominis ascendentem ubi erat prius.*] Quid dicetis? Reticentia enim & Apophopesis est. Quasi dicat, vos scandalizamini quia dixi me daturum carnē meam in cibum vitæ æternæ, visusque sum vobis id facere non posse, nec carnem meam id efficere valere, quid igitur dicturi estis cū videritis filium hominis ascendentem ubi erat prius? idest, cū meam diuinitatem cognoueritis & hanc carnem diuinitati vnitam esse intellexeritis, utique tunc non me aliquid quod fieri nequeat dixisse cognoscetis, maius enim est carnem meam vnitam esse diuinitati, quàm cibum esse vitæ æternæ. Immo cū vnita sit diuinitati, non mirum est si cibus esse possit toti mundo: & cibus quidem vitæ æternæ. Ex suo ad cœlos ascensu, ubi prius erat, suam ostendit diuinitatem, carnemque illam vnitam diuinitati, ut credant eam effectricem cœlestis & æternæ vitæ: quippe quæ vnita est diuinitati, & ad cœlos ascensura erat. Qui enim carnem suam potuit efficere

Dei gratiam

Deiferam & coelestem , vt quæ terrena erat, ad cœlos ascenderet , potuit etiam efficere , vt cibus esset coelestis & vitæ æternæ. Aper- tē se Deum profiteretur carni vnitum , & in cœlis existentem , vt se omnia facere posse ostendat. Ex Aug. Ergo hanc emphasim habet, Tunc ne scandalizabimini? Non profectò, sed potius confundemini & admirabimini, tunc intelligetis, tunc credetis. Vel tunc magis scan- dalizabimini : tunc minus credetis, cum videa- tis me in cœlo, vos in terra. Se filium hominis appellat, vt intelligant eundem se , quem illi solum filium hominis credebant, filium etiam esse Dei : vel vt ostenderet non duos alterum Dei, alterum hominis, sed vnum Dei & homi- nis esse filium. Cyr. contra Nestorianos. Vbi erat prius vt Deus , nunc vt homo ascendit, quia idem Deus & homo est. Et hoc respondit Christus ad primum quod horum aures offen- debat.

64. *Spiritus est qui viuificat : caro non prodest quicquam.*] Responder Christus ad illud secun- dum quod illos offendebar, carnem sensibili- ter ad modum ferarum manducandam esse intelligentes : & in præcedenti sententia signi- ficauit se Deum esse , & suam carnem vnitam habere diuinitati persequitur : Spiritus est qui hanc vitam tribuit non caro sola, caro ex se non prodest ad hanc vitam æternam dandam. At, Spiritus & diuinitas, cui caro hæc vnita est, ipsa est cuius ratione caro est effectrix vitæ. Spiritum appellat diuinitatem carni vnitam, seu carnem vnitam diuinitati. Carnem autem solam per se vocat carnem, qualem isti intelli- gebant , hæc autem non prodest ad æternam vitam.

810 MANVALE IN EVANGELIUM

vitam, sed vnita diuinitati prodest ad vitam; nam Spiritus est qui viuificat per eam: quibus verbis remouet illud secundum in quo scandalum patiebantur. Nam carnem Christi puram vt cæterorum hominum arbitantes, non solum vitam non posse dare credebant, sed sensibilibiter & carnaliter manducandam putabant. Quod Dominus etiam his verbis reiecit: si enim caro ipsa non propter se sed propter vnitam diuinitatem futura est cibus vitam efficiens; non ergo carnalis modus & sensibilis est cogitandus, sed qui carni diuinitati copulatæ conueniat, qualis est quem Dominus postea instituit. Ita enim vera nobis caro datur, vt tamen non carnaliter, & sensibilibiter sicut cibi communes manducetur. Calvinistæ contendunt Christum carnem suam in Eucharistia non dare, quia caro non prodest quicquam: quorsum autem daret nihil profuturam? Tertul. ait Hæreticos qui carnis resurrectionem negabant idem dicere, quorsum caro quæ nihil prodesset esset resurrectura? At si nihil prodest cur eam Christus assumpsit? cur pro nobis cruci affixit? Profuit fortè dicent, ad nascendum, ad patiendum, non ad edendum. Verum quis neget prodesse omnibus modis quibus Christus eam prodesse voluit? Voluit autem vt prodesset non tantum crucifixa sed etiam māducata: *Nisi manducaueritis carnem filij hominis, &c.* Quid apertius dici potuit? Dicent satis fuisse si fide māducetur. Ita: & si Deus voluisset, satis fuisset si fides crucifixa fuisset: sed nostrum non est Deo legem dare: sed re ipsa voluit mori, re ipsa māducari. Sensus Catholicorum est, sola Christi caro sine fide manducata nihil prodest; cum

SECUNDVM IOAN. CAP. VI. 81
cum fide manducata prodest. August. Sola
caro sine spiritu, i. semota diuinitate nihil
prodest. Spiritu viuificare est carni tribuere vt
viuifcet. vt f. d. Alij intelligunt Spiritum san-
ctum tertiam Trinitatis personam sine quo ne
ipsa quidem Christi caro viuificare possit. Alij
Christum verba sua Spiritum viuificantem ap-
pellasse, i. verba non carnaliter sed spiritualiter
intelligenda. Alij spiritum modum intelligen-
di spiritualem, carnem modum intelligendi
carnalem interpretantur, vt Iudæi. Rupertus
carnem ipsam Christi per se cōsideratam, car-
nem; eandem verò quatenus diuino ac viuifi-
cante spiritu plena est, spiritum appellat. Ita-
que hæc verba quæ sequuntur, Christum non
omnibus auditoribus, sed solis discipulis suis
dixisse postquā cæteri recessissent, putat Aug.

*Verba quæ locutus sum vobis Spiritus & vita
sunt.*] Id est, non sola & nuda carne quemad-
modum vos intelligitis, sed de carne diuino
plena Spiritu; de Spiritu viuificante sunt intel-
ligenda: sola enim caro nihil prodest; cum spi-
ritu vero coniuncta viuificat. Cyr. Carnem
suam spiritum vocat propter unitam diuinita-
tem: verba autem dicit spiritum & vitam ra-
tione materiæ de qua tractat, vt non de car-
nali aliqua re, vt illi intelligebant, sed de car-
ne spirituali & viuifica, & modo spirituali ac-
cipienda dicta intelligantur. Attende Catho-
licos vt f. d. non eo sensu dixisse hæc verba spi-
ritualiter intelligenda quòd nō reipsa carnem
manducare iuberemur; sed quòd non carnali
modo manducare. Hæretici verò interpretan-
tur spiritualiter intelligenda, i. figuratè, me-
taphoricè, quòd non reipsa, sed sola fidei ap-
prehensione.

812 MANUALE IN EVANGELIUM

prehensione manducemus: quod absurdum est. Quis enim dixerit spiritualiter pro metaphoricè dictum? & quid erit *vita sunt*, an vitaliter intelligenda? Mald. Itaque excludit solum illum modum carnalem, quo cibi communes accipiuntur, & quem isti existimabant: ut ait Aug. in Ps. 98.

64. *Sed sunt quidam ex vobis qui non credunt.*] Particula *sed* sensum declarat & connexionem. q. d. Murmurationis, & recessionis istorum ego non sum causa, nec mea verba quæ sunt Spiritus & vita, sed eorum incredulitas, quia credere nolunt: si enim aliquid difficile dictum erat à magistro, humiliter eos quærere & discere oportebat S. Aug. *Durus est hic sermo*, sed incredulis. Ipsi erant duri nō sermo. Verbum *non credunt*, nō præsentem solam fidem negat, sed permanentem infidelitatem indicat. Dum dixit: *sunt quidam ex vobis*, constat adhuc esse præsentem eos qui recesserunt postea, ut s. d.

Sciebat enim ab initio Iesus qui essent non credentes, & quis traditurus esset eum.] Ab initio incarnationis suæ ut homo, & ab æterno ante mundi constitutionem ut Deus, sciebat qui essent credituri, qui verò non: propterea dixit quosdam esse non credentes, & causam etiam reddit sequentium: prædicit enim vnum ex duodecim diabolum esse. *Non credunt*, refertur ad discipulos desciscentes. Illud, *Traditurus eum*, refertur ad vnum ex duodecim, de quo inferius loquitur Christus. Dixit ut ostendat se cognitas habere cogitationes, ac proinde Deum esse. Cyr.

65. *Et dicebat: Propterea dixi vobis, quia nemo potest venire ad me, nisi fuerit ei datum à Patre meo.*]

meo.] Q. d. Non sine causa id vobis dixi: sciebam enim vos à Patre non trahi, sed vestro ingenio adhuc pingui, adhuc carnali vestris affectibus duci: propterea ad me venire non posse, qua culpa existente Pater eos non dat & ea præuisa non dedit. Ex Chryf.

66. Ex hoc multi discipulorum abierunt retrò, & iam non cum illo ambulabant.] Hæc audientes illi discipuli qui murmurarunt à Christo desciverunt corpore simul & animo, nec eum secuti sunt. Non omnes discipulos fuisse indicat Euangelista, sed multos. Aduerte quamvis Christus ab initio hæc sciret, eos tamen ad disciplinam suam admisit, ne quis vel Patrem, vel ipsum in causa fuisse cur isti non crederent, arbitraretur. Ex Aug.

67. Dixit ergo Iesus ad duodecim: Nunquid & vos vultis abire?] Particula ergo allusionem quandam ad aliorum discipulorum defectionem indicat. q. d. Cùm Iesus vidisset alios discipulos suos à se discedere, rogavit duodecimum & ipsi abire vellent. Et vos, qui non solum discipuli sed Apostoli etiam & domestici mei estis. Monuit varijs de causis. 1. Ne putarentur non tam certo consilio quàm ignorantia aut verecundia non abiisse, vt Cyr. ait: Deinde ne retinere eos Christus videretur. Chryf. Præterea vt ostenderet se eorum opera & ministerio non indigere. Ad hæc vt liberum illis arbitrium relinqueret, quo in suscipienda fide maximè opus est. Cypr. Denique vt magis in fide confirmaret discedēdi potestatem fecit. Cyr. Ita Ios. 24. & Elias 3. Reg. 18. Et ne Apostoli dum alios desciscentes vident, in superbiam aliquam laberentur, aut humanam gratiam

814 MANVALE IN EVANGELIVM

tiam aliquam à Christo captarent, quasi eius utilitati deseruirent, eos Christus in humilitate continet & indoctrina instruit. Christus non indignatur ijs qui discessissent, sed patienter fert eorum defectionem, nolens eos verecundia coarctari, ait Chryl.

68. *Respondit ergo ei Simon Petrus : Domine ad quem ibimus ? verba vitæ æternæ habes.]* Respondet 1. ad verbum Christi, *vultis abire*, non solum se abire nolle sed nec habere ad quem se conuertat alium Magistrum quem Christo præponat : per quem vitam æternam consequatur. Eximius Petri amor & confessio. 2. ad causam propter quam abeundum erat, illi enim abierant quia visus est eis sermo Christi durus, & qui audiri & sustineri non posset : ad hoc referens responsum suum dicit, *verba habes vitæ æternæ. q. d. Illi abierunt quia verba tua eis sunt intolerabilia & dura visa : at nobis non sic visa sunt, sed verba vitæ æternæ. Non ergo est cur à te recedamus. Ex hoc loco ineptè colligunt nos errare, quòd relicto Christo ad Sanctos nos conferamus, ut notat Mald.*

69. *Et nos credimus, & cognouimus quia tu es Christus filius Dei.]* Persequitur suam confessionem Petrus: Non solum tu verba vitæ æternæ habes, sed nos credimus & cognouimus quia tu es Christus filius Dei, ut qualis es tu talia sint verba tua. Credimus propter fidem quam habemus verbis tuis; cognouimus propter opera mira quæ operatus es, quibus te esse filium Dei demonstras, ut Samaritani suprà c. 4. *Quia non causam sed declarationem indicat : nouimus quia tu es, seu te esse filium Dei,*

Dei, cum artic. Gr. Tu es ille filius Dei, vt verum Christum & filium Dei ab alijs, qui aliquaratione Christi & filij Dei dicti sunt, differre significet. Magna Petri confessio, qua summā omnem fidei paucis verbis complexus est: si enim filius Dei erat, omnia quæ dicebat vera erant.

70. *Respondit Iesus: Nonne ego vos duodecim elegi, & ex vobis unus diabolus est?*] Christus sententiā Petri quodammodo corrigit. Chrys. Theoph. Dixerat Petrus. *Nos credimus*, quasi omnes duodecim Apostoli idem credidissent & cognouissent. Responder Christus non ita esse: vnum enim eorum esse qui non credat. Vel Petrum & cæteros Apostolos commonefacit vt timerent, ne sibi ipsis fiderent; vnum eorum esse qui cum Apostolus esset electus, diabolus factus esset. Tu fide stas noli altum sapere, sed time. Dum enim determinatè quis sit non exposuit, se posse deficere singuli existimare potuerunt. Adde ex Chrys. hom. 46. Propter ipsum Iudam hoc etiam esse dictum, cuius malitiam prædicit: tamen non quis is sit indicat; hoc ne impudentius contenderet; illud ne maiori licentia peccaret. Diabolum vocat quia minister esset ipsius: vel quia est homo callidus, fraudulentus. Sic vocat vt alludat ad casum Angeli, & Apostolos Angelis comparat; qui cum omnes boni à Deo constituti essent, diabolus in veritate non stetit, i. fidelis Deo non fuit: & vt diabolum Apostolis opponat: nihil enim magis contrarium officio Apostoli quam officium diaboli. Vt ergo ostenderet quantum Iudas mutatus esset, dixit, ex Apostolo, qualem ipse elegerat, factum esse diabolum.

816 MANVALE IN EVANGELIUM

lum. Mald. His verbis suam quoque diuinitatem ostender, qui occulta & ventura nouit. Et libertas arbitrij etiam ex hoc loco constat. Nam electus à Christo sua libertate, & vicio corruit. Tol.

71. *Dicebat autem Iudam Simonis Iscariotem; hic enim erat traditurus eum cum esset unus ex duodecim.*] Euangelista cum nominat quem Dominus verbis suis insinuabat: iam enim factum euenerat quando hæc narrabat Ioannes. Eo fortè fecit consilio, vt reliquos à suspitione prodicionis vindicaret: nā potuisset lector de singulis an hic vel ille esset dubitare. Et nota causam. *Hic enim erat traditurus.* q. d. Quia cum traditurus tunc erat, propterea dixit, *Vnus ex vobis diabolus est.* Non ergo propter malitiam tunc Iudæ presentem, sed propter futuram traditionis scelus dictus à Christo diabolus est. Attende *cum esset unus ex duodecim*, hoc quasi admirabundus dixit Ioannes: verè enim admirabile & prope incredibile scelus. Audierat hoc Iudas, & nō dubium quin iudice consciētia cognouerit se notari: hæret tamen in peruerso consilio. Ex hoc disce nullum locum, nullum statum esse in hac vita, in quo securi esse debeamus, & qui hebetes & sensu expertes fiunt, vt qui in peccata labuntur etiam si corripiantur non sentiunt.

CAPVT

C A P V T VII.

Probat Christus diuinitatem.

1. **P**ost hac ambulabat Iesus in Galilæa : Non enim volebat in Iudæam ambulare : Quia querebant eum Iudæi interficere.] Quæ operatus est miracula , & post altissimum sermonem de eius carne & sanguine in cibum & potum vitæ æternæ dandis in Capharnaum publicè habitum , Christus Dominus ambulabat in Galilæa, idest per loca & oppida Galilææ : nec in Iudæam abire seu redire volebat , quia Iudæi eum occidere volebant , quia Paralyticum sanasset Io. 5. & tempus à Patre constitutum expectans illorum furori locum dabat ; docens suo exemplo licere interdum persecuciones fugere, cùm ratio & charitas nõ postulat vt vitam effundamus : vel voluit se hominẽ ostendere. Ex Chrys. *Ambulabat* , idest versabatur : vel huc & illuc prædicandi causa vagabatur.

2. *Erat autem in proximo dies festus Iudæorum Scenopegia.*] Designat tempus vt causam cur Hierusalem venerit, & ad ascendendum in Iudæam à fratribus sit inuitatus significet: hoc enim tempore ex omni parte Iudæi Hierosolymam confluebant ad adorandum in templo. Exod. 23. Leuit. 23. Deut. 16. Scenopegia festum erat Tabernaculorum. Institutũ fuerat vt Iudæi anniuersaria eius dici celebratione recordarentur se in deserto , cùm ab Ægypto

818 MANVALE IN EVANGELIVM

venirent, per annos 40. in Tabernaculis habitasse; & per dies septem agebatur. 15. Septembris, vel Octobris.

3. *Dixerunt autem ad eum fratres eius.*] Cōsanguinei secundum carnem Christi dicti sunt, fratres, idest cognati siue ex matre qui verè secundum carnem cognati erant, siue ex Patre qui etsi verè non erant, cognati tamen esse putabantur. ex Chryf. Hic cauendus error Græcorum, qui fratres Christi filios Ioseph vocari putauerunt. Leont. & Iacobum & Iudam Apostolos eos fuisse qui hic Domini fratres vocantur, putant Cyr. & Chryf.

Transi hinc & vade in Iudeā, ut & discipuli tui videant opera tua quæ facis.] Vel reprehendentium, ex Chryf. vel exhortantium fratrum Domini verba sunt, ut ascendat in Hierusalem, & ibi etiam opera miraculosa edat vbi erant quoque discipuli eius, idest studiosi & eius doctrinæ sectatores. Hæc cognati Christi dicebant eo animo ut certiores fierēt an is verè esset Christus: in Hierusalem enim erant Pharisei legis doctores, & periti Scripturarum ac principes Iudæorum, qui rectum & legitimum huius rei iudicium facere posse videbantur. ex Chryf. Vel ex miraculis volebant sibi aliquid gloriæ conciliare. Exprimitur nobis in illis, cognatorum ingenium: nihil solent ex nobis nisi honorem aut utilitatem suam quærere.

4. *Nemo quippe in occulto quid facit, & querit ipse in palam esse.*] Qui enim quærit celebris esse in loco celebem operatur. q.d. tu quæris te omnibus manifestare: ne igitur in obscura Galilææ regione lateas: sed abi in Iudeam,

SECUNDVM IOAN. CAP. VII. 819

dxam, illicque opera hæc fac, quibus tibi laudem eximiam compares hoc maximè solemni tempore: nemo quippe in occulto opera facit quibus manifestandus est, imò vult omnibus fieri manifestus & celebris. Sic inuertenda sunt verba, ait Mald. Tu gloriam affectas, non ergo debes in occulto miracula facere quæ facis. Illud, *quid*, aliquid egregium designat, vt Mat. 20. 10. De amore gloriæ cum notant ait Chryl.

Si hac facis manifesta teipsum mundo.] Perseuerant inducentes Christum vt in Iudæam abeat, tum vt discipuli eius etiam hæc videant opera: tum quia qui se omnibus manifestare cupit, loci celebritatem quærit: tum denique his verbis, *si hac facis*, idest cum tanta opera facias, non est æquum vt pauci ea cognoscant. Mundo teipsum debes notificare, non Galilæis duntaxat: vt per opera totus mundus, vt cap. 12. 19. idest Iudæi te cognoscant. Beda.

5. *Nec enim fratres eius credebant in eum.*] Causam cur hæc omnia cognati dixerint eam esse ait, quia non credebant in eum. Signa vera esse non dubitabant: an autem esset verus Messias nondum credebant. In Iudæam ergo eum remittebant, vbi periti & doctores legis erāt, vt ibi quis esset decerneretur. Quod eis in Galilæa nec debere fieri nec posse videbatur. An autem omnes fratres eius, nempe quatuor illi quorum cap. 2. mentionem fecimus, an eorum aliqui hæc dixerint, certum non est: Christum consanguineum potuerunt habere, credere autem in eum ipsa propinquitate fastidierunt, ait Chryl.

6. *Dixit ergo eis Iesus: Tempus meum nondum*

M m 2 adue

aduenit : tempus autem vestrum semper est paratum.] Aug. & Beda tempus suum vocare putant, tempus consequendæ gloriæ, cuius consequendæ causa fratres eum hortati fuerant, vt Hierosolymam se conferret. Illi de humana; ille de diuina respondet gloria ascensionis. Cyr. tempus manifestationis intelligit. q. d. Tempus ostendendi me nondum aduenit. Apol. Tempus meum ad festa celebranda : tempus enim mihi passionis est atque afflictionis, non gaudij & lætitiæ. Quidam simpliciter interpretantur; Tempus ascendendi Ierosolymam, vt vos petitis nondum aduenit. Chrys. Theoph. Alij nondum venisse tempus moriendi quod sibi à Patre præscriptum fuerat: hoc enim tempus suum aut horam suam vocare solebat. vers. 30. cap. 8. & 13. & propterea in Iudæa versari nolebat, quærebant eum Iudæi interficere, & ipse nolebat mori ante constitutum tempus à Patre. Et quamuis posset vi, aut miraculo effugere Iudæorum manus, malebat tamen id sine vi & miraculo facere. Quia ergo cognitos habebat Iudæorum animos, pro eodem habet ire Hierosolymam & ad mortem ire. Et quia moriendi tempus nondum aduenerat, dicit se Hierosolymam ire non posse. Putant etiam Chrys. & Leontius fratres Christi inflammatos inuidia tradere illum in Iudæorum manus voluisse, ideoque respondisse: *Tempus meum nondum aduenit.* q. d. Quid vultis cogere me, ante tempus mori? At postea iit? Ita est. sed voluit hoc loco significare quid sibi tanquam homini faciendum foret; periculum quod alia ratione superare non posset, fuga declinandum: postea cundo declarauit quid tanquam Deus face

facere valeret: in medio nimirum periculo, sine periculo versari. Vobis, quibus nihil imminet periculi, quodcumque tempus est opportunum, semper est paratum. Vt in exercitu qui amici sunt quouis tempore, interdiu noctu, manè vespèri rurò versantur, hostes non item. Tempus humanæ quærendæ gloriæ, quâ vos solam quæritis, semper est opportunū, quia ad eam sine labore, sine morte venit. Aiunt Aug. & Beda.

7. *Non potest mundus odisse vos: me autem odit, quia testimonium perhibeo de illo, quod opera eius mala sunt.*] Reddit causam cur eorum tempus sit paratum, idest cur quouis tempore sine periculo in mundo, idest inter Iudæos versari possint: quia & ipsi similes eis sunt, & mundi ipsius membra: & non potest mundus quæ sua sunt odio habere: vt cap. 8. & 15. & 16. Et alludit Christus ad id quod dixerant, *Manifesta te ipsum mundo.*

8. *Vos ascendite ad diem festum hunc; ego non ascendam ad diem festum istum, quia meum tempus nondum impletum est.*] Cur iubeat aut concedat fratres suos ad diem festum ire, se verò significat ire non posse, suprà rationem dedit, quòd illis nullum à mundo periculum vt sibi immineat. Ne ad festum peragendum ex verbis dictis retraherentur, nève Christum omnino non ascensurum conciperent: vtrumque remouet, *Ascendite vos*, inquit, *ad diem festum* celebrandum, ne prætermittatis mei causa ascendere, cùm vestrum tempus semper sit paratum. At ego nondum ascendam, idest non vobiscum ascendo: quia tempus adhuc meum, quando me ire oportet, non-

M m 3 dum

322 MANVALE IN EVANGELIVM

dum est impletum, quo tamen impleto ascendam. Non negat se omnino non ascensurum, sed tunc cum eis non iturum, at expectaturum sui temporis opportunitatem: qua superueniente erat etiam venturus. Hortatur fratres ut legis ceremonias & festa obseruent. Per diem festum totum celebritatis tempus intelligi quod erat octo dierum. Inferius enim dicitur die festo mediante ascendisse in templum: & tamen quarto die ascendit.

9. 10. *Hac cum dixisset ipse mansit in Galilaa. Ut autem ascenderunt fratres eius, tunc & ipse ascendit ad diem festum, non manifestè, sed quasi in occulto.*] Incertum est quanto tempore manserit in Galilza, & an vno an pluribus diebus post fratrum profectionem ascenderit: certum tamen est ascendisse. Non omnino occultus: venit enim cum discipulis, sed quasi in occulto, quia non omnibus se manifestabat, in publicum, ut solebat, prodicens, paucis notus illis primis diebus. Attende primo die festiuitatis adfuisse, sed occultum tamen; quarta die in templum docturus publicè ascendit.

11. *Iudaei ergo quarebant eum in die festo, & dicebant: Vbi est ille?*] Particula, ergo, causam indicat & illationem, nempe quia in occulto ascendit, nec se manifestum primis diebus exhibuit, propterea occidere quærentes dicebant, *Vbi est ille?* Quasi nominare non sustinentes præ odio, vel contemptu. Iudæos vocat non omnes, sed primores, Sacerdotes, Scribas, Phariseos & populi principes: & ut à Galilæis distinguat. Vbi est ille? fortè à quibusdam bono animo, ab aliis malo dicebatur.

12. 13. *Et murmur multum erat in turba de eo: quidam enim dicebant quia bonus est: alij autem dicebant non, sed seducit turbas. Nemo tamen palàm loquebatur de illo propter metum Iudaeorum.*] Dum dicitur quod nemo palàm & liberè loquebatur, tam hi qui pro Christo erant, quam qui contra Christum comprehenduntur. Nam Toletus colligit ex verbis prohibuisse Iudæos omnem de Christo sermonem, & contentionem: vt eius memoria ab omnium mentibus deleteretur. *Seducit turbas*, vel ad Principes, vel ad turbas refertur, qui occultè inter se murmurabant de contentione: quidam enim dicebant quia bonus est vt notat Aug.

14. *Iam autem die festo mediante ascendit Iesus in templum, & docebat.*] Cum solemnitas octo dierum spatio celebraretur, die quarta, quæ medium tempus est, Christus ascendit in templum. Et nota non dici ascendisse in Hierusalem, sed in templum: ille enim ascensus fuit prior, vt s.d. hic posterior; ille occultus, hic publicus; ille ad diem festum, hic ad docendum. Omnia hæc Euangelista descripsit: Priorem enim ascensum factum fuisse narrauit postquam fratres è Galilæa profecti sunt: isque occultus fuit; posterior autem est ascensus in templum, & de hoc nunc agit. Ex Aug.

15. *Et mirabantur Iudæi dicentes: Quomodo hic literas scit, cum non didicerit?*] Quid docuerit Euangelista non recenset, vt notat Chrysost. tamen doctrinam fuisse insignem insinuat dum Iudæos qui paulò antè ad calumniam & necem conquirebant, in admiratio-

824 MANVALE IN EVANGELIVM

nem conuersos esse ait, dicentes : *Quomodo hic literas scit : vt intelligeremus ex eo quanta vis doctrinæ & verborum eius fuerit.* Iudæi non quid dicat & doceat, considerant, vt veritatem assequantur, sed quo modo docere possit, vnde tantum illi doctrinæ esset, cum minime didicisset. Et verò si ista consideratio facta fuisset vti fieri debuit, eos ad credendum inducere sufficiens erat : magnum enim veritatis, nempe Christum à Deo esse, argumentum erat, sine disciplina vlla tantam & tam mirabilem proferre doctrinam. Literas scientiam sacræ Scripturæ appellant, & eam quæ est diuinorum mysteriorum. Quidam hanc admirationem eorum esse putant, quæ Christi sermonem susceperunt, & in pretio habuerunt. At verius est illorum fuisse qui increduli erant : & hæc proferebant non vt laudarent, sed vt potius dæmoni tribuerent : aut saltem an à Deo esset in dubium reuocabant. Nam paulò inferius isti dixerunt : *Demonium habes.* Et rursus Dominus dixit, cognoscetis an mea doctrina à Deo sit : quasi id dubitassent, ex Chrys. & Cyr.

16. Respondit eis Iesus, & dixit : *mea doctrina non est mea, sed eius qui misit me.* Ipsorum admirationi & occultis vocibus respondit Dominus vt Deus, & vnde has litteras & doctrinam acceperit exposuit. Doctrina, inquit, mea quæ habeo & quam audistis, non est mea, id est, à me non est, sed ab eo qui me misit. significat hanc doctrinam esse Dei Patris : ab ipso enim eam accepit. Non ergo est quod admiremini dicentes, *Quomodo hic literas scit, cum non didicerit?* Quia a Deo Patre hæc mea doctrina est, non à dæmo

dæmone vt suspicamini. Doctrinam ait esse suā quia eam habebat, non suam, quia eam non à se habebat, sed à Patre. Alij suam, quam à nemine didicisset, sed quā vt Deus haberet à Patre; non suam, quia Patris erat. Alij suam, quam Iudæi suam, idest, à se inuentam putabant; & non suam sensu contrario, quam non ipse excogitasset, sed à Patre accepisset. Alij suā quam suo nomine docere videbatur, non esse suam, idest, non suo sed Patris nomine docere. Simplicius alij, suam vocat quam docebat; nō suā idest, non à se inuentam, sed acceptam à Patre. Hinc male Arriani contendebant ex hoc loco filiū esse minorem Patre. Sed notandum particulā *Non*, hic non esse negatiuam, sed exclusiuam particulam, q. d. Mea doctrina non solum est mea, sed etiam eius qui misit me Patris: vt Mat. 10. 20. & inf. c. 12. vel breuiter, non sum à meipso vt ait Aug.

17. *Si quis voluerit voluntatem eius facere cognoscat de doctrina utrum ex Deo sit, an ego à meipso loquar.*] Tacite eos arguit, & causam cur non credant nec intelligāt eius doctrinam, indicat: vt notat Chrys. ho. 48. & Cyr. l. 4. c. 43. q. d. Deponite irā, inuidiam, odium, quæ contra me & contra Dei voluntatem concepistis: & tunc intelligetis meam doctrinam, à quo sit, nempe an à Deo, an à meipso, idest à me excogitata aut inuenta, Deoque contraria. A seipso vocat quod opponitur, à Deo esse. Hæc vobis impediunt à recta & vera intelligentia. Attende eum qui vult facere voluntatem Dei, dici cognoscere Christi doctrinam, quia dispositus est, nec habet impedimentum cognoscendi: tamen lumen diuinū necessarium est quo id asse-

quatur. Noli quærere intelligere vt credas, sed crede vt intelligas ait Aug.

18. *Qui à semetipso loquitur gloriam propriam quærit.*] Probat suam doctrinam Dei esse sic; *Qui à semetipso loquitur*, id est, qui doctrinā propriam & à Deo alienam & separatam loquitur, is honorem proprium quærit, vt ab auditoribus in pretio habeatur. At contra qui non quærit proprium honorem, nec gloriam, sed Dei, profecto à seipso non loquitur, sed à Deo. Hoc argumentum probat verba superiora intelligenda esse de scientia humana Christi, quæ à Deo erat; nam his verbis solum intendit se à Deo missum, & quæ secundum eius sunt voluntatem docere, ab eoque doctrinam accepisse: & id hoc argumentum confirmat. Christus autem vt homo non ex sua prædicatione & doctrina quærebat humanam gloriam & honorem, sed Dei Patris, ad cuius voluntatem obseruandam homines hortabatur, & cuius honori in omnibus consulebat. Vide quam humilia de se dicit, vt doceat moderata sapere, & nihil de se dicere magnum ait Chryl.

Qui autem quærit gloriam eius qui misit eum, hic verax est, & iniustitia in eo non est.] A semetipso loquitur, ergo proprium honorem quærit. At non quærit proprium honorem, igitur non à semetipso loquitur, sed ab eo cuius honorem quærit. Infert hanc secundam partem syllogismi à contrario. Non intulit hic, à Deo est, sed, verax est, & iustus: seu, non est iniustitia in eo: vt doctrinam suā & opera defendat ex Theophyl. Hæc enim duo calumniabatur Iudæi: doctrinam quidem, quia seducebat turbas; opera, quia sabbatum non custodiebat. Contra utrāque

SECUNDVM IOAN. CAP. VII. 827

que calumniam intulit: qui gloriam Dei à quo missus est non autem propriam quærit, hic verax est, quia doctrina eius vera est, mendaciis enim Deus non glorificatur. Iniustitia etiam in eo non est, quia opera eius iusta sunt, non enim à transgressoribus Deus honorificatur. Sicque etiam tacitè Phariseos arguit, qui propriam quærentes gloriam mendaces, & iniusti erant. Mat. 15. Mendaces, quia traditiones legi diuinæ contrarias docebant: iniusti, quia diuina mandata transgrediebantur. Mendaces in dissuadendo populo ne in Christum crederet: iniusti in morte innocentissimo Christo machinanda. Aug. Sic & Theoph.

19. 20. *Nonne Moyses dedit vobis legem: & nemo ex vobis facit legem?* Sic hærent hæc verba cum superioribus. Cum se veracem in doctrina & operibus dixisset, arguit nunc Iudæos iniustitiæ & transgressionis in eo quod eum quærant interficere. Et sensus est, nonne legem habetis quam dedit vobis Moyses, cur nemo ex vobis seruat eam? si enim seruaretis, non quæreretis me interficere: nam innocentem lex prohibet interficere. Iniustitia in me non est; quid me quæritis interficere? Nonne Moyses dedit vobis legem, cur eam seruare nō vultis? Nonne Deus prohibet proximū iniuria afficere? Nonne legi subiecti estis? cur non seruatis? cur non facitis quæ Deus præcepit? & nemo ex vobis facit legem dum me innocentem & veracem & iustum occidere quæritis? Ex Chrys. Vel hoc dicit quia si legem facerent in ipsis literis Christum agnoscerent, & præsentem non occiderent ait Aug.

Respondit turba & dixit: Damonium habes:

M m 6 quis

quis te quarit interficere?] Plerique putant turbam hoc loco non promiscuum vulgus, sed Sacerdotes, Principes, Scribas, & Phariseos appellari; eos nimirum qui Christum querebant ad necem, ad quos Dominus dirigebat verba superius dicta. Vel dicendum turbam sceleris tanti ignarâ, dum putat sibi hoc peccatum imponi, in Christum inuehi acerbè, & tale à se facinus repellere. *Demoniū habes*: quis te quarit interficere? q. d. Dæmon te corripit, vel te instigat ut hæc dicas: nam nemo nostrum te querit interficere. Dæmonio hoc tribuunt, quia ipsius est mendacia & falsa testimonia & calumnias imponere. Vel dæmonium habere dicebatur quisquis delirare & absurda loqui videbatur.

21. *Respondit Iesus & dixit eis. Vnum opus feci, & omnes miramini.*] Christus conuictum turbæ spernens respondet iis qui verè eum occidere querebant, causam eos nullam interficiendi habere demonstrans. Notandum autem est à tempore illo quo Dominus paralyticum sanauit, & grabatum Sabbato tollere iussit, Iudæos Christum occidere decreuisse ut s. d. nec cessauit hæc impia eorum intentio, sed magis ac magis augebatur in eis, & erat perpetua memoria huius facti: quamuis quādo hæc loquebatur Dominus sesquianus ab illo facto intercesserit: nam gestum fuit Paschæ vel Pentecostes tempore, tamen post illud Pascha aliud celebratum est, cuius Ioannes non meminit, & post hoc agebatur festum Tabernaculorum, quando hæc loquitur Dominus: qui annus erat tertius suæ prædicationis, nam sequenti proximo Pascha-

te occisus est. Dominus igitur hoc factum repetit nunc, quia in eorum memoria erat præsentissimum, & ideo id mortem ei parabat. Repetit autem ut eos contra legem agere, nullamque causam habere interficiendi coram populo demonstret, & suam innocentiam significet. Et sensus est, *unum opus*, inquit, *feci*. idest, vnum signum, vnum miraculū. nempe paralyticum sanavi Sabbato, & propter hoc omnes miramini, idest, perturbati estis, & tumultuamini, & offendimini, quasi Sabbatum & legem sim transgressus. *Vnum opus* q. d. non habetis nisi hoc vnum. Sic Chrys. & Aug.

22. & 23. *Propterea Moses dedit vobis circumcisionem: non quia ex Mose est, sed ex patribus, & in sabbato circumciditis hominem.*] Si circumcisionem accipit homo in Sabbato ut non solvatur lex Mosis: mihi indignamini quia totum hominem sanum feci in Sabbato? Probat se non esse legis Mosaicæ de sabbato transgressorem, eo quod hominē Sabbato curaverit. Et supponit Mosem dedisse Iudæis circumcisionem: propterea, quia à Patribus erat præcepta, non quasi ipse primus esset institutor, unde principaliter ad legem Mosis non pertinebat, ante ipsam enim circūcisio fuit, & tanquam iam institutam ipsis restituit, erat enim intermissa in deserto; præceptum verò Sabbati proprium erat Mosis, ipse enim primus tale præceptum imposuit, quod ante non servabatur. Sensus ergo est, vos utimini circumcisione non tanquam à Mose instituta sed à Patribus, non enim propriū erat opus legis sed Patrum, & propterea ille dedit vobis eam; & tamen in Sabbato quod Moses præcepit, circumciditis,

830 MANUALE IN EVANGELIUM

nec legem. Mosi vos transgredi putatis, quia quod fecerunt Patres facitis. Cur mihi succensetis quasi legem sibi transgressus, quod hominem totum saluum fecerim, cum sit hoc opus multo maius quam circumcisio? Et attende, *Vos circumciditis in Sabbato*, non solum quia ipsi circumcidebant, sed quia ipsi declarauerant esse in Sabbato circumcidendum: nec enim Moses id expressè docuit. Dictio *propterea* Heb. more redundat, vel non tam causalis quam inchoatiua aut illatiua est. q. d. Itaque, aut, ergo. Alij coniungunt cum superioribus, *Vnum opus feci, & omnes miramini.* propter hoc, vel, *propterea* dictum est, pro, propterea quod. Totum hominem dicit sanauisse, quia totum corpus paralyti ægrum erat: vel quia corpus & animum sanasset paralytici. Et opponit totum parti, scilicet præputij, quæ vitiosa & superuacua resecabatur, sicque sanari spiritualiter censebatur. ex Chryl.

24. *Nolite iudicare secundum faciem, sed iustum iudicium indicate.* Id est, apparentiam, vel acceptionem personarum, q. d. Ne me temere accusetis quia contemnitis, sed iustum iudiciū indicate, id est, considerate opera ipsa quæ Sabbato fiunt. Circumciditur homo ex vna parte, ex altera verò triginta octo annos habens in graui infirmitate breui temporis momento ita sanatur vt grabatum valeat per vias portare: quis neget diuinius & potentius esse hoc opus? Si ergo licuit vobis illud in Sabbato exercere, cur hoc mihi non licuerit? Vos ad personas recurritis, scilicet, circumcisio Patrum est, opus hoc tuum est, quem nos multo inferiorem Patribus existimamus: hoc iam est iudicium

SECUNDVM IOAN. CAP. VII. 83

in personarum acceptione accipere: nam opera sunt, per quæ fit transgressio, si aliqua est, non personæ ipsi. Quis est qui non iudicat personaliter, qui æqualiter diligit ait Aug.

25. 26. *Dicebant ergo quidam ex Hierosolymis: Nonne hic est quem quarunt interficere. Ecce palam loquitur, & nihil ei dicunt: nunquid verè cognouerunt principes, quia hic est Christus?*] Ideo ciues Hierosolymitani potius quàm alij, qui conuenerant vndique ad solemnitatem festi, hæc dicunt, quia illis suorum principum erant nota consilia. Mirantur verò quòd cùm principes paulò ante Christum ad necē quærerent; & nunc coràm, atque inermem habeant liberè-que loquentem & eos magis ac magis irritantem, nihil tamen illi dicant, idest, nihil illi faciant. Nunquid deposuerunt odium iam conceptum, quo eum priùs non cognoscentes prosequébantur: nunquid cognouerunt hunc esse Christum? Perpende duo in his verbis: vnum est quanta fuerit rabies principum contra Christum, & quanta ipsius Christi virtus, qua eos repressit, vt isti Iudæi huius effectus talem excogitauerint causam, quia nouerunt iam hunc esse verum Messiam ex Aug.

27. *Sed hunc scimus vnde sit: Christus autè cum venerit nemo scit, vnde sit.*] Incredulitas, & malitia istorū nō finit eos in hac causa inuēta quiescere & permanere. Effectus mirus, quem experiebātur hanc causā indicare videbatur. At incredulitas & odium contra Christū repellit & contra inuentam causam obiectionē inuenit. *Christus cum venerit nemo scit, scimus autè vnde iste sit.* Ergo iste Christus esse non potest. Iā eò-
rem perductā esse fatentur vt si nescirent vnde
iste

332 MANUALE IN EVANGELIUM

iste esset, Christum esse reciperent & consentirent. Ignorantiam miseri homines ad Christum recipiendum querunt. Nescire oportet, inquiunt, ut verus sit Christus, cum hic non sit Christus, quia scimus unde sit. Non est verisimile causam hanc quam excogitauimus veram esse: nepe nouisse verè principes hunc esse Christum. Isti scire se unde sit Christus dicunt, quia scire putabant progenitores eius, ex cap. 6. *Nōne hic est filius Ioseph, cuius nos nouimus patrem & matrē?* Existimabant autem neminē quando Christus venerit cogniturum eius parentes; sed repente ignotis progenitoribus mundo appariturum. Unde hoc sibi persuaaserint incertum est: fortè ex locis Scripturæ malè intellectis: Isa. 53. *Generationem eius quis enarrabit?* Mich. 5. *Egressiones eius à diebus æternitatis.* Sciebant quidem venturum de progenie David & de loco Bethleē, tamē in particulari, ex quibus parētibus ignotum iri credebāt. Nec est cōtra hoc quod Ioan. 6. dicunt, *Hunc nescimus unde sit*: Horum enim verborū sēsus est, nescimus an à Deo missus sit. Tamen contradictionem putat Chrys. ho. 49. Adde verba illa esse Phariseorum, hæc autem vulgi imperiti & Scripturarū ignari, ex Aug.

28. *Clamabat ergo Iesus in templo docens & dicens.* Clamat non sine causa Christus; nam cum videret illos omnia quæ facturum erat de ipso confiteri, hoc vno autem impediri, quia scirent unde esset; propterea clamat, quasi victoriam reportans. Et quare clamet, nempe propter dicta eorum, qui nihil aliud opponūt præter scientiā, quia sciunt, unde sit & noscunt parentes & progeniem eius. Clamore autē hoc docet se etiam hoc habere quod requirunt,
nempe.

SECUNDVM IOAN. CAP. VII. 833

nempe se nescire eum, vnde sit, vt nulla re deficiente Christum negare eum esse non valerent : propterea dicitur, docens & dicens.

29. *Et me scitis, & vnde sim scitis, & à me ipso non veni, sed est verus, qui misit me, quem vos nescitis. Ego scio eum : & si dixero, quia nescio eum, ero similis vobis mendax, sed scio eum quia ab ipso sum, & ipse me misit.]* Christus veram suam originem docens ostendit eos nescire, quis sit & vnde sit ipse. q. d. Scitis quidem me secundum carnem quis & vnde sim : secundum autem diuinitatem nescitis : ideoque Christus esse possum, quamuis me vnde sim cognoscatis, quia eo modo quo Christus cum venerit, vnde sit, nemo sciet, me quoque nescitis vnde sim. Alij vt Chrys. Theoph. Non solum scitis me filium esse Mariæ, & ex Bethleem, quod ipsum argumētum vobis esse oportebat me esse Christum : sed scitis etiam me esse filium Dei, & ab eo missum, quod malignè dissimulatis, quia ex Ioannis testimonio hoc didicistis, Misit me qui verus est, i. Deus implens quæ promiserat, & hunc vos nescitis, vel scire dissimulatis. q. d. Ego non sum merus homo qualem me esse putatis, sed filius Dei missus à Patre ad implendas promissiones. Et hunc vos nescitis, i. nescitis esse Patrem meum. At ego scio eum, quia ego sum ab ipso genitus, & in carnem missus : quia si dixero, me nescire eum, ero mendax, sicut & vos estis mendaces dum dicitis, scire me & vnde sim. Suam originem & diuinitatem declarat. Ex Hil. 6. de Trin.

30. *Quarebant ergo eum apprehendere, & nemo misit in eum manus, quia nōdum venerat hora eius.]*

834 MANVALE IN EVANGELIVM

eius.] Nouerunt Christum affirmasse, filium se esse Dei, & verum Messiam: ea de causa apprehendere eum quærebant, vt Io. 5. Ergo, hoc indicat. q. d. Quia dixit se esse à Deo Patre, & scire Deum quem ipsi nesciebant, ideo quærebant eum apprehendere, cum inde debuissent conuerti à malitia, & à cæcitate ad fidem. Sed diuina virtute repressi sunt conatus eorum, non quod mori timeret, aut noller, sed quia non venerat hora mortis & passionis eius. Et nemo, i. tamen nemo misit in eum manus. Ex Aug.

31. *De turba autem multi crediderunt in eum, & dicebant.*] Non sine fructu fuit Christi doctrina, nam multi de turba crediderunt in eum, nempe esse verum Christum, & Messiam à Deo missum, & ore confessi sunt: vno ergo verbo Christi & hi conuertuntur, & illi obdurantur: quòd conuertuntur, virtus est verbi, quòd obdurantur, vitium est audientium: vt eodem lumine sani vident, lippi cæcutiunt, humiles & pauperes saluos faciebat, ait Aug.

Christus cum venerit, numquid plura signa faciet, quàm quæ hic facit?] Ex signis & miraculis quæ Christus ediderat, colligunt hunc esse Christum. Nō hæc verba protulerunt postquā crediderunt, sed referuntur tanquam argumentum quo moti sunt ad credendum. q. d. Multi crediderunt quia dicebant, Christus cum venerit non faciet plura signa: ergo hic est Christus: vel intelligunt, si duo non erunt, hic est Christus, ex Aug.

32. *Audierunt Pharisei turbam murmurantem de illo hac, & miserunt Principes sacerdotum,*

Pharisei ministros ut apprehenderent eum.] Timore ne turba crederet in eum attentissime omnia obseruabant Pharisei, & que audierunt à turba submissa voce loquentes honorifice, nō enim erat murmuratio aduersus Christum, retulerunt Principibus sacerdotum. Et eorum auctoritate, tam hi quam illi ministros mittunt ut Iesum capiant. Non veniunt ipsi ne turba in eos insurgat: nec differunt ne tota turba in eum credat, & postea non possint ea facere quæ cogitauerant & quæsierant. Et qui debuerant turbā illustrare & dirigere deterrent à veritate: ideo Mat. 23. vā illis imprecatur. Murmuratio illa honorifica de Christo erat ea, qua plebs Hierosolymitana irritata voluit manus in illum iniicere, vers. 30. Vel qua conuenerat turba in eum credens, & dixit, *Christus cum venerit nunquid plura signa faciet quam hic facit?* Vel vtraque causa prouocauit Phariseos & sacerdotes, ut Christum apprehenderent. Et quia apprehendere non potuerunt nocentem, missi sunt ut apprehenderent docentem, ait Aug.

33. *Dixit ergo eis Iesus. Adhuc modicum tempus vobiscum sum, & vado ad eum qui me misit.*] Q. d. ministris cum apprehendere venientibus, post modicum tempus, quo vobiscum permanebo, vadam ad eum qui me misit: nondum est tempus me comprehendendi: citò veniet tempus hoc: ut Ionæ 3. *Vado*, i. ibo ad Patrem, mihi liberum est mori: pono animam meam, quando, & quia volo. Et mea mors, non est qualem vos putatis. Vado ad eum qui me misit. Hominem merum me esse ut cæteros creditis: non sic est. Vadam ad eum qui me misit,

836 MANVALE IN EVANGELIVM

misit, quia Dei filius sum; & sic moriar, vt citò resurgam, & meam humanitatem ad dexteram Patris mei collocem. Modicum tempus, quo ad docendum, ad operandam nostram salutem manet, vocat: quia proximo Paschate erat passurus. Ergo, indicat quia cum comprehendere veniebant, Dominum hæc protulisse: quibus verbis non solum illos docuit, sed furorem eorum repressit adeò, ait Tol. vt relicto eo compuncti ad eos à quibus missi erant redierint. Sic Chrys.

38. *Quæretis me, & non inuenietis.*] Prædicat & comminatur quod Iudæis incredulis & contemptoribus post ipsius ad Patrem reditum euenturum erat. *Quæretis me.* i. verum Christum vobis promissum inquiretis. *Non tamē inuenietis*, i. ad ipsius cognitionem non peruenietis: me enim reiecto qui verus sum Christus, omnis qui alium quærit, non inuenit. Fiet ergo vt loco Christi veri, in pseudochristos incidatis. Hoc Iudæis post Christi ascensionem accidit: surrexerunt enim pseudochristi de quibus Mat. 24. Et tempore excidij Hierosolymitani tres nomen Christi sibi vsurparunt, vt ibi notat Hier. Modo etiam Iudæi inquirunt & adhuc inquirent Christum: sed spreta eius prædicatione quandiu sic quæsierint non inuenient. Theod. Chrys. Aliter ait, mulieres quæ cum ad mortem euntem plangentes sequebantur Christum quæsiuisse. Aug. Fore vt post resurrectionem videntes miracula quæ eius discipuli facerent ducti pœnitentia & dolore illum quærerent. Ruper. Quæsiuisse Iudæos Christum post resurrectionem: non vt crederent, sed vt persequerentur, & nomen eius

eius abolerent: Vel significat hac phrasi Christum de terra sublatum iri ita vt inter viuos reperiri non possit, ait Mald.

Et ubi ego sum vos non potestis venire.] Tertiam adiungit comminationem : sensus est , cum post meum ad Patrem reditum vos adhuc sitis in vestra incredulitate mansuri , nec me vnquam inuenturi, quia ad mei cogitationem & fidem non estis peruenturi, profecto hoc etiam eueniet vobis vt à regno meo excludamini, nec mea sitis diuinitate fruituri. Vbi ego sum, i. ad cœlum vbi vt Deus semper sum, & vbi meorum est regnum , vos non potestis venire sine fide. Christus vt Deus erat in cœlo, illuc tendebat vt homo. vt Io. 8. Si vero in morte maneret possent ad eum ire: illuc enim omnes tendimus, ait Chrys.

35. *Dixerunt ergo Iudæi ad semetipsos : Quo hic iturus est , quia non inueniemus eum ? numquid in dispersionem Gentium iturus est, & docturus Gentes? Quis est hic sermo, quem dixit, Quæretis me, & non inuenietis, & ubi sum ego, vos non potestis venire?*] Verba Christi prophetica erant, nec ministri sensum, sed nudum corticem perceperunt: ideo intelligentiam indagantes sensum excogitant inter se, dubitantes an id Christus significare voluerit, nempe se ad Gentes docendas iturum, quæ cum sint per totum orbem dispersæ & diuisæ, si Christus ad eas diuerteret, à Iudæis etiam quæsitus inuentus non esset. At quia in hac intelligentia eorum animus non quiescebat, repetunt verba dubitantes iterum. *Quis est sermo, i. quid hic sermo significat? Quæretis me, & non inuenietis. Gentes quia dispersæ erant vndique per orbem,*

338 MANVALE IN EVANGELIVM

bem appellat Gentium dispersionem, in seip-
sis gloriantes. Heb. q. d. in gentes dispersas,
in quas abiturum Christum significant. Sed
hoc opprobrium ipsi sustinuerunt postea, quia
vbique dispersi sunt, ait Chrys.

37. *In nouissimo autem die magno festiuitatis.*]
Erat dies septimus, vel potius octauus collecta-
rū celeberrimus, sicut & primus, ex Chrys. Clam-
mat ergo Dominus in templo propter turbę
multitudinē, & vt cordibus auditorū qui iam
iam discessuri in propria loca erant, verba te-
nacius infigat : & vt se liberē & confidenter
loqui & docere significet: vt duritiem & surdi-
tatem Iudæorum in credendo arguat. Et quia
vltimum erat festum quod erat celebraturus.
Sic concionator clamare debet, vt appareat ex
animo loqui.

Si quis sitit veniat ad me, & bibat.] Aperit
omnibus fontem gratiæ suæ, ex quo qui non
biberit saluus esse non possit. Inuitat omnes
qui summum bonum, & suam perfectionem
appetunt, vt veniāt ad eum per fidem; promit-
tens hanc eis perfectionem, & hoc bonum, quo
omnis extinguitur sitis : vt Mat. 11. & Isa. 55.
Chrys. de siti doctrinæ hoc exponit. Dum di-
cit, *si quis*, significat se nec velle excludere
quemquam, nec velle compellere quemquam
nolentem; sed paratum esse quemuis volentem
fascipere, modo veniat sitiens, i. ardentem desi-
derans. Ians.

38. *Qui credit in me, sicut dicit scriptura, flu-
mina de ventre eius fluent aqua vina.*] Dicen-
dum videbatur, qui venit ad me & bibit, sed
hoc ipsum clarius dixit. Nam venire ad eum
& bibere, erat credere : ideo dicit, *Qui credit*
in me,

in me, magnam copiam & abundantiam aquarum habebit. q. d. Fiet in eo fons à quo flumina aquæ viue fluent præ abundantia & copia fontis. Quo verbo significat credentes accepturos tale bonum & tantum, vt non ipsis tantum sufficiat, sed in alios etiam deriuetur. Véter, cor & interiora hominis significat. Chry. ho. o. Et ita est: datur enim interius Spiritus sanctus, qui fons est viuus, à quo innumera & perfectissima dona & virtutes velut flumina multa prodeunt, quæ in corpus, & in omnes inferiores potentias & actus & operationes extenduntur, & vsque ad proximos & alios derinantur & dilatantur. Greg. l. 15. mor. c. 15. Riuli sunt fluminis dona Spiritus sancti. Riulus est fluminis charitas, fides, spes, lætitia spiritualis. Testimonium autem allegat Scripturæ. Prouerb. 5. vel Isa. 55. vel 48. Ex Hier. in prolo. in Gene. propter Iudæos qui Scripturam profitebantur.

39. *Nondum enim erat Spiritus datus, quia Iesus nondum erat glorificatus.*] Euangelista adhuc verba Saluatoris exponit: & cur cum de Spiritu loqueretur, vsus sit futuro, *fluent flumina*, declarat; quia, inquit, nondum erat hic Spiritus datus, donec Iesus glorificaretur, resurrectione & ascensione sua: tunc erat credentibus hic Spiritus dandus, propterea futuro vsus est, *fluent*: & ideo dictum est, *quem accepturi erant credentes*. Quia tunc nondum acceperant quando hæc de Christo dicebantur. At quomodo dicitur nondum Spiritus datus esse, cum idem Spiritus ante in Prophetis fuerit? Respondet Aug. datum quidem fuisse antè, sed non visibiliter, non tam largiter quam postea

postea datus est. Glorificationem Christi, alij resurrectionem suam, alij crucem appellant, vt Chryf. Alij ascensionem in cœlum; ideo autem Spiritus non erat datus, quia Iesus nondum erat glorificatus ascensione: quasi supernacaneum esset duos simul eodem tempore paracletos Apostolis dari: & ipsemet hanc causam indicat c. 16. 1. Cùm autem in cœlum abiisset necesse fuit alterũ mittere. Theod. & Theoph. dicant non ipsam personam Spiritus sancti, sed eius dona significari. Alij personam, vt Ruper.

40. 41. 42. 43. *Ex illa ergo turba, cùm audissent hos sermones eius, dicebant: Hic est vere Propheta. Alij dicebant: hic est Christus. Quidam autem dicebant: nunquid à Galilea venit Christus? nonne Scriptura dicit quia ex semine David, & de Bethleem castello, ubi erat David, venit Christus? Dissensio itaque facta est in turba propter eum.]* Quid ex Christi doctrina consecutum sit, varix turbæ opiniones extiterunt. Quidam dicebant eum esse Prophetam non qualemcumque, sed illum, cum artic. quem venturum sperabant c. 1. Alij maiora sentiebant, *Hic est Christus.* Huic confessioni quæ vera erat alij opponebant Scripturas: quia Christus ex semine David & de Bethleem venturus erat. At Christum Galilæum putabant ignorantes eum natum fuisse in Bethleem, de semine non dubitabant, quia sciebant esse de familia David. Deesse credebant locum, natiuitatis. Facta igitur est rixa & dissensio inter eos qui de turba erant, singulis suas defendentibus partes. Lux & veritas erat in tenebris densissimis, donec à luce vincerentur.

44. *Quidam autem ex ipsis volebant apprehendere eum, sed nemo misit super eum manus.*] Et hi de turba erant, sed omnium pessimi, qui superius dicebant: *Seducit turbas.* Hi apprehendere voluerunt Christum, sine auctoritate vlla: sed repressus est eorum impius conatus diuina Christi virtute tempus statutum expectantis. Ex Alcuin.

45. *Venerunt ergo ministri, ad Pontifices & Phariseos, & dixerunt eis illi: Quare non adduxistis illum?*] Ministri qui à Phariseis & Sacerdotibus missi fuerant, ante diem hunc octauum festiuitatis, vt Christum comprehenderent, quibus Dominus locutus est quæ explicauimus, *Adhuc modicum tempus vobiscum sum, &c.* tamen illo die nihil tentauerunt facere, miris Domini verbis allekti. Expectarunt autem sequentem diem hunc, quando adhuc mirabilem Domini doctrinam perceperunt. Responsum autem iam differre non valentes ad eos à quibus missi sunt re omnino infecta & intentata reuertuntur. Videntes autem Pontifices & Pharisei eos venientes, nec quod in mandatis habuerant executos esse, dicunt eis: *Qua de causa non adduxistis illum? Abeuntes vt eum ligarent redierunt ligati miraculo ait Chrys.*

46. *Responderunt ministri: Numquam sic locutus est homo sicut hic homo.*] Exponunt ministri causam cur non adduxerint, nempe innocentiam & doctrinæ virtutem, cuius tanta efficacia non solum furorem ministrorum represent, sed animos eorum ita etiam effecit constantes, vt omni postposito timore ad Pontifices & Phariseos reuertentes, nullam excusationem prætexerint, non potuimus, timui-

N n mus

842 MANVALE IN EVANGELIUM

mus turbam, sed liberè veritatem annuntiarent, quos nulla adhuc miracula traxerant. Magnum invidiæ & cæcitatibus illorum, qui eos miserant, fuit argumentum: qui multa viderant miracula, sæpe docentem audierant. Ex Chrys.

47. *Responderunt Pharisei: Nunquid & vos seducti estis?*] Sicut multi ex turba vos. q. d. Qui à nobis missi estis ut illum comprehenderetis, qui nobis potius quàm illi credere debbatis, seducti tamen ab eo estis, debuerant potius interrogare ministros quid ille dixisset, quòd sic mirati non prehensissent: sed excæcati odio non id rogant, sed quasi certo scientes nihil cum magnum & admirabile dicere potuisse, ministros obiurgant, quod seducti sint, quod nimio erga eum studio admirentur, quæ non modò non sunt admiranda, verùm etiam reprehendenda ut notat Chrys.

48. *Numquid ex principibus aliquis credidit in eum, aut ex Phariseis?*] Q. d. si Christus esset, Pharisei, & legisperiti, & Iudæorum nobiles, qui iudicio pollent, eum recepissent: nam ex lege ipsa Christus agnoscendus est. Et rectè argumentabantur si isti legem observassent, & non odio, invidia, avaritia, ambitione obcæcati essent: à quibus vitiis turba magis libera lumen veritatis facilius suscepit. Aliqui etiam crediderunt ut Nicodemus: sed quia occulti erant, propterea dicitur neminem credidisse ex principibus & Phariseis. Ex Chrys. & Aug.

49. *Sed turba hac qua non novit legem, maledicti sunt.*] Maledictum incurrisse turbam credentem declarant, quòd Deus contra legem non

non obseruantes inflixit, vt ait Tol. Deut. 27. Hoc etiam argumento ministros à credendo deterrent, ne & ipsi maledicti sint; quin potius ipsi maledicti qui nec legem obseruabant, nec eos qui obseruare studebant permittebant, & contra legis auctorem insurgabant, sicut ceco illi Io. 9. Ex Chrys.

50. *Dixit Nicodemus ad eos (ille qui venit ad eum nocte, qui vnus erat ex ipsis: Nunquid lex nostra iudicat hominem, nisi prius audierit ab ipso, & cognouerit quid faciat.]* Inter tot persecutores aderat ex Phariseis defensor vnus, occultus tamen. Non dubium quin ille Nicodemus nomine voluerit Christum à principū & Phariseorum furore liberare: sed ita vt non id agere videretur, ne si suspectus esse cœpisset, causam perderet. Crediderat in Christum, & ab eo institutus fuerat: redierat tamen ad officium Pharisei, Christo, vt fas est credere, permittente, vt esset etiam apud hostes qui se defenderet. Non profitebatur se discipulū Christi sed Phariseum, siue metu Iudæorum, siue vt magis ea ratione Christum iuaret. Conuenit hoc Christo scienti ex malis bonum elicere: ipsis verò Nicodemis an conueniat illi viderint. Tutius est esse publicum Christi professorem. Verbum autem defensionis generale est, lex nostra non damnat aliquem prius quam audiat ipsum ore loquentem; vos Christum non audistis, nec ab eo audiistis quid faciat, quid doceat: non igitur dampnandus est non auditus. Tacite eos legem transgredi indicat. Ex Chrys. Sunt qui putant ad locum Deut. 17. alludi. At nihil videtur tale præcipi. Fortè nullum scriptum testimonium, sed consuetu-

844 MANVALE IN EVANGELIVM

dinem citat legis, quæ neminem nisi auditum damnat. Nec tam scripta lex quàm naturalis apud omnes.

52. *Responderunt & dixerunt ei: Nunquid & tu Galilaus es? Scrutare scripturas, & vide quia à Galilaa Propheta non surgit.*] Sicut ille. Nō ignorabāt Nicodemum Galilæum nō esse: sed indicāt eum adeo in Christum esse propensum ut si Galilæus esset. Non appellant Galilæum quasi Christi discipulum sicut Iulianus Christianos Galilæos appellabat: sed Galilæum dicunt quia Galilæi partes ageret; vel à Galilæo seductus, ut ait Aug. Quod dicunt, à Galilaa propheta non surgit, idest nec Propheta extitit ullus, nec secundum Scripturas ullus extare debet de Galilæa. Certum ergo est cū hic Galilæus sit Prophetam non esse. Omnes igitur qui eum recipiunt ut Prophetam maledicti sunt, & ipse qui se Prophetam facit damnabilis est; nec vlla est opus discussione. Ineptum argumenti genus: nam non constat nullum ante Prophetam Galilæum non fuisse, quia Debora prophetissa existimatur Galilæa ex tribu Nephtalim. Deinde si constaret malè inde concluderetur, nullus ex Galilæa prius Propheta extitit, ergo nullus deinceps extare poterit. Eodem enim concluderetur, nec Eliam prophetam fuisse: nec qui primus in aliquo loco fuit, quia ante illum nemo propheta fuerat: nec locum ubi natus est, sed ubi conuersabatur attendebant ait Alcuin.

53. *Et reuersi sunt unusquisque in domum suam.*] Multum prodest verbum iustitiæ & veritatis. Ecce brevis Nicodemi sermō totum dissoluit consilium. Et si non obrinuit ut mutarent,

SECUNDVM IOAN. CAP. VIII. 845
tarent, tamen effecit vt differrent sententiam:
re enim infecta vnusquisque in domum suam
se recepit. Hic vers. desideratur in Græco.

CAPVT VIII.

*Adulteram mulierem absoluit: Iterum docet
in templo, & lapidanium se
manibus eripit.*

1.2. **I**esus autem perrexit in montem Oliueti: Et
diluculo iterum venit in templam: & om-
nis populus venit ad eum, & sedens docebat eos]
Abente vno quoque in domum suam vt di-
xit in fine cap. præced. (erat enim iam diei ter-
minus) Dominus propria carens domo, & à
nemine inuitatus in montem Oliueti egressus
est. Ibi autem pernoctans diluculo venit ite-
rum in templum, hominum salutem esuriens.
Et cum populus doctrina eius mirè allectus
ad eum veniret, sedens eos docebat. Modò
stans, modò sedens docet: nam superius ma-
gno festiuitatis die stabat; quando aliquid
vehementer & insolita voce proferendum erat,
stabat. Historia hæc tota adulteræ, in multis
olim Græcis & Latinis codicibus desideratur.
Itaq; solet inter recentiores interpretes de eius
auctoritate disputari. Sed iam non licet post
Conc. Trid. in quo liber Ioannis integer prout
in consueta editione Latina habetur, sacer de-
claratur, & canonicus. Igitur hæc historia ca-
nonica est censenda. Ians. Mald. & Toh

N n 3 3. Ad

3. *Adducunt autem Scribæ & Pharisei mulierem in adulterio deprehensam, & statuerunt eam in medio, & dicunt ei.]* Vtrique veniunt ut illi scientiam, hi religionem Christi tentent. Vna enim hæc causa vtrumque complectebatur. Turbæ veniunt ut discant, Scribæ & Pharisei ut decipiant: illæ docentur; hi confusi recedunt. Statuunt in medio tanquam ream singentes se Christi iudicio stare velle, nō adulterum sed adulteram, fortè ut Christi tentarent pudicitiam: Vel quia facilius erat illis adulteram quàm adulterum capere: Vel quia putarent facilius Christum mulieris quàm viri commiseratione à præscripto legis & recto iudicio recessurum: animaduenterant enim eum nimium esse mitem ait Aug.

4. 5. *Magister, hac mulier modo deprehensa est in adulterio. In lege autem Moysis mandauit nobis huiusmodi lapidare: tu ergo quid dicis?] Gr. in ipso actu in flagranti delicto, ut inficiari non possit nec opus sit testium prolatione. Addunt Moysis legem Leuit. 20. qua sancitum est adulteros & adulteras vna occidendos seu lapidibus obruendos esse, ex traditione, ut Dan. 13. vbi de Susanna: ac tum demum eius sententiam requirebant. Tu ergo. q.d. Tu legem Moysis declaras, tu Sabbato infirmos mederi posse non minus quam circumcisionem fieri, nec legem solui doces, tu Christus esse diceris; cum ergo hæc facias in hoc casu quid sentias doce. Magistrum vocant ut honorifico verbo fraudem suam tegant: ut Mat. 12. & 21. Ex Ians.*

6. *Hoc autem dicebant tentantes eum, ut possent accusare eum.]* Discendi gratia finxerant se interrogare & sententiam eius petere: at
non

non sic erat sed tentandi gratia veniebant, id est experiendi, num eam esset contra legem absoluturus, vt si hoc faceret possent eum accusare tanquam manifestè cōtrarium legi diuinæ. Viderant ipsius erga peccatores indulgentiam; audierant ipsum dixisse quibusdam *Remittuntur tibi peccata tua.* Rursum eum dixisse aliquoties, *Misericordiam volo, & non sacrificium.* Hinc certò sibi persuaferunt omnino futurum vt hanc adulteram absolueret: sicque haberent vnde accusarent eum. Immo sperabant futurum vt pro muliere tumultu oborto, lapidibus obrueretur ipse. Ex Ians.

Iesus autem inclinans se deorsum digito scribebat in terra.] Neutrum respondit, nec lapidandam esse, nec non lapidandam: sed facto ipso eos non zelo legis, nec ad interrogandum, nec ad iudicium legis in adulteram exequendum motos esse respondet. Dum enim inclinans se digito scribebat in terra, illos legis esse transgressores, & cor eorum à Deo recessisse significat, alludens ad illud Hier. 17. *Recedentes à te in terra scribentur.* q. d. Vos accusatis mulierem deprehensam in adulterio; qui profectò maiora scelera commisistis. Vos zelum legis & Dei prætexitis qui grauius contra legem & Deum quàm hæc mulier peccatis. Vel quod se humiliando in terra signa faceret ait Aug.

7. *Cum ergo perseverarent interrogantes eum erexit se, & dixit eis: Qui sine peccato est vestrum primus in illam lapidem mittat.*] Non intelligentes Christi factum, & studio tentandi solliciti interrogare perseverabant: at Dominus factum suum verbis exprimit, & ita prudenter respondet vt & legem non offendant, & poten-

848 MANVALE IN EVANGELIUM

tiam, quam supra legem habebat, mulierem absolviendo exerceat: si enim diceret solvendam, contra legem illis visus esset agere: Si diceret damnandam, nihil supra hominem se habere significaret; utrumque igitur sapienter coniunxit. *Qui inquit, est vestrum sine peccato, lapidem primus in eam mittat:* Indicans eos, aut idem aut non minora peccata habere: Non vetat expressè mittere lapidem, & ideo non habent adversarij, quod accusent: sed eum qui sine peccato est, incipere iubet, & nemo audet lapidare. Absolvitur mulier, & lex non læditur Mosis. Ex Aug.

8. *Et iterum se inclinans scribebat in terram.]* Dat illis spatium clam & sine rubore discedendum unusquisque propriam respicit conscientiam. Ex Greg. 9. Moral.

9. *Audientes autem hac unus post unum exiebant, incipientes à senioribus, & remāsit solus Iesus & mulier in medio stans.]* Id est, alius post alium. Non simul, ne victi atque confusi fugere viderentur, sed sensim ac sigillatim, quasi unusquisque consilio discederet, sumpto à senioribus initio: vel quod ipsi plura haberent crimina: vel quia priores vim intellexerant sententiæ, quasi prudentiores, & cœperunt sua peccata deflere qui aliena venerant accusare: Relicti sunt ergo duo miseria, & misericordia ait Aug.

10. *Erigens autem se Iesus dixit ei: Mulier ubi sunt qui te accusabant? nemo te condemnavit.]* Petiit non quia ignoraret, sed ut ostendat modum quo illam liberam pronuntiet. Liberatur enim non quia non peccauerat, sed quia accusator decesserat.

11. *Qua dixit: nemo Domine. Dixit autem Iesus: Nec ego te condemnabo, vade & iam amplius noli peccare.*] Non dicit, ego te absoluo, ne illi contra legem fecisse arguere possent, sed rem eandem aliis exprimit verbis: *Nec ego te condemnabo*, non vt illi qui propria remordente conscientia iudicium ferre nō sustinuerunt, sed diuina mea misericordia & simul potentia, quam supra legem exerceo, nec legis Mosaicæ præceptis istis astringor. At ne hæc indulgentia sit tibi licentia peccandi, vade quidem libera à pœna, sed deinceps à peccato abstine. Ergo & Dominus damnauit sed peccatum, ait Aug.

12. *Iterum ergo locutus est eis Iesus dicens: Ego sum lux mundi qui sequitur me non ambulat in tenebris, sed habebit lumen vite.*] Peracta ludæorum tentatione & concione propter adulterę quæstionē, iterum Dominus suam doctrinam persequitur. Particula, *ergo*, aliam causam & illationem indicat; nimirum cū post miram illam doctrinam, *Si quis sitit*, quam die præcedēti docuerat, & turbas ita commiscuerat, vt alij prophetam, alij Christum esse proclamauerint: Pharisei autem & Scribæ id negauerint, dicentes esse Galilæum, nec à Galilæa Prophetam surgere: ideo in hac varietate & dissensione quis sit apertè docet dicens: *Ego sum Lux mundi*: non ludææ, non Galilææ, sed totius mundi. Quo sensu dicatur Lux diximus cap. 1. Et ad doctrinam suam exhortatur dicens: *Qui sequitur me non ambulat in tenebris.* Et fructum ponit quo allicit, *Habebit lumen vite.* Sensus igitur est, qui me non sequuntur in tenebris ambulant, nescientes æternæ vitę viam:

N u s quia

850 MANVALE IN EVANGELIUM

quia alia non est lux præter me, quæ viam ostendit æternæ vitæ. Ex August. & Chrysostomo.

13. *Dixerunt ergo ei Pharisei, Tu de teipso testimonium perhibes, testimonium tuum nõ est verum.* Ergo, Id est, quia se mundi lucem prædicabat, Pharisei obiciunt testimonium eius non esse verum, id est, non esse legitimum, pro vero non esse habendum, cum de seipso testimonium perhibeat: quasi paralyticus ille natura insanabilis non fuerit testimonium efficax diuinitatis. Et multos testes non præmiserit antequam in carne appareret ait Alcuin.

14. *Respondit Iesus, & dixit eis: etsi ego testimonium perhibeo de meipso, verum est testimonium meum, quia scio unde veni, & quò vado.* Euertit quod dixerant ait Chrys. Etsi ego, inquit, testimonium perhibeo de meipso, verum est testimonium meum, id est, quamuis verum sit me testimonium perhibere de meipso, tamen verum est testimonium meum. Et probat, quia ego *Scio unde veni & quò vado.* Id est, ego testimonium perhibeo ex scientia, non ex ignorantia, non ex opinione, nec ex auditu: certa & aperta loquor. q. d. Principium mei aduentus scio. Et quia hæc scio propterea dico me lucem esse mundi: scio enim me esse Dei filium qui carnem sumpsi, vt viam salutis facerem hominibus, & eos docerem: si enim talis non essem, lux mundi non essem. At sum talis, & quia scio me talem; propterea testificor, & meum testimonium verum est, quia ex sciētia loquor. At vos nescitis hæc: ideo meum reiicitis testimonium. Verum est testimonium luminis siue se ostendat, siue alia ait Aug.

15. *Vos secundum carnem iudicatis, ego non iudico quemquam: si ego iudico, iudicium meum verum est, quia solus non sum, sed ego & qui misit me Pater.*] Persequitur probare suum testimonium esse verum, & idoneum, & differentiam inter se & eos ponit. Vos secundum carnem iudicatis, id est, secundum sensus & quæ apparent exterius. Supplendum est, ideo vestrum testimonium non semper est verum, nec idoneum, ob id etiam non accipitis testimonium vnius. At ego non iudico, nec ista iudicia exercere veni, sed homines saluare, & à peccato liberare. Quod si iudico nempe dum meipsum profero testem me esse Christum, & lucem mundi, meum testimoniū est verū & idoneum: non vestrū, quia non carnaliter iudico, sed secundū naturā diuinam, in qua solus non sum, sed ego & Pater; & in hoc etiā verū est testimonium & idoneum cum sit duorum. Alij interpretantur non iudicare, id est, quamuis iudicandi habeat potestatem, nolle tamen eam exercere vsque ad secundum aduentum suum cū venerit ad iudicandos viuos & mortuos, nunc non ad iudicandos sed liberandos homines venisse, c. 3. ex Chrys.

17. *Et in lege vestra scriptum est, quia duorum hominum testimonium verum est. Ego sum qui testimonium perhibeo de meipso, & testimonium perhibet de me qui misit me Pater.*] Confirmat sententiam propter illos testimonio Scripturæ Deut. 17. & 19. Ecce duo sumus ego & Pater: & tam ego quàm Pater de meipso testimoniū perhibemus. Sunt qui ex his verbis colligant Christum de se nunc tanquam Deum; nunc tanquam hominem loqui; nam tanquam

852 MANUALE IN EVANGELIUM

Deum de seipso, tanquam hominem testimonium perhibere; ratione diuinitatis per opera ipsius diuinitatis propria reddebat testimoniū de se homine, probando sub illa humanitate Deum latere, vt c. 5. 31. Cumque eundem se & Deum & hominem esse dicat, de meipso inquit, indicat profectō vnā tantum esse personam, naturas duas. Hic locus contra Sabellium personarum distinctionem conuincit: nec enim duo essent testes, si vt Sabellius volebat sola esset inter Patrem & filium nominum differentia, vt contendit Aug.

19. *Dicebant ergo ei: Vbi est Pater tuus?*] Fingunt se carnaliter & sensualiter hæc intelligere, quasi Patrem aliquem allegaret qui simul cum eo testimonium perhiberet. Ipsius testimonium audire velle fingentes, cum tamen scirent Deum appellare Patrem, & ideo interficere studebant. Io. 5. Fingunt verò vt aliquid ab eo clarius elicerent quod traherent in calumniam, vt videlicet apertè diceret Patrem suum esse Deum, vt cum accusarent aut potius lapidarent.

Respondit Iesus, Neque me scitis, neque Patrem meum: si me sciretis, forsitan & Patrem meum sciretis.] Respondet prudenter Dominus: suam enim diuinitatem & verum Patrem indicat; veritatēque rei sic aperit, vt omnes intelligant, & tamen ex verbis calumniandi occasionem nemo possit accipere. q. d. Oportebat vos prius scire me, vt me agnito Patrē meū, quem mei testem vobis obtuli, nosse possitis. At vos nescitis me aliam scilicet habere naturā quā quæ foris videtur; nec ergo scitis Patrē meum secundum scilicet hanc naturam quam nescitis,

SECUNDVM IOAN. CAP. VIII 853
eis, nec creditis. Vnde non est cur interrogetis:
Vbi est Pater? non enim eum agnoscetis nisi
prius me noscatis. Si me, quis sim, sciretis, cre-
dendo, vtique me esse Dei filium, & me Deum
habere Patrem crederetis; neque vobis opus
esset interrogare, *vbi est Pater tuus?* me enim
agnito agnoscitur & Pater. Illud, *forſitan*, non
est dubitantis, sed affirmantis. Vel increpatiuè
dicitur ex Aug.

20. *Hæc verba locutus est Iesus in gazophylacio docens in templo. Nemo apprehendit eum, quia necdum venerat hora eius.*] Concionis locum
notat Euangelista eo consilio vt indicaret
Christum ea quæ suprà commemorauerat in
maxima hominum frequentia differuisse, ta-
men capi ab illis non potuisse, quia nondum
venerat hora eius, idest, quia noluit capi ante-
quàm constitutū sibi moriendi tempus aduenis-
set. Significat Euangelista Iudæos intellexisse
Christum Patrem suum Deum esse dicentem; &
cum occasionem apprehendendi haberent ne-
minem ausum fuisse, non quia nollent, sed
quia Christus noluit: docuisse igitur nō in ob-
scuro loco, sed in templo, nec in angulo quo-
piam templi, sed in loco hominum capacissi-
mo, in gazophylacio, idest, iuxta gazophyla-
cium, idest, arcam denariorum quæ erat in
atrio maiore. Potest etiā accipi pro ipso atrio.
Omnibus autem offerentibus oportebat Ie-
sum munera portare quæ erant verba vitæ æ-
ternæ ait Orig.

21. *Dixit ergo iterum eis Iesus.*] Ergo causam
indicat q.d. Cū Iudæi doctrinam intellectam
negligerent, & magis cuperent eum apprehen-
dere, idcirco hæc verba cōminatoria quæ c. 7.
pronunti-

854 MANVALE IN EVANGELIUM

pronuntiauerat contra eorundem ministros; nimirum, *Ego vado, quæretis me, &c.*

Ego vado, & quæretis me, & in peccato vestro moriemini. Quò ego vado vos non potestis venire.] Frequenter de suo ex cælo aduentu, de que suo in cælum reditu loquitur, vt terrorem Iudæis incutiat: vt Mat. 24. & 26. & c. 7. 33. vel quia Iudæi volebant ipsum ante tempus occidere. q. d. Non est quod me vos ad mortem quærat, ego sponte cùm tempus venerit, quod admodum breue est, iturus sum; itaut etiamsi errabundi quærat, me non inueniatis; sed quod peius est *in peccato vestro moriemini*, incredulitatis, & in iis omnibus quæ ultra hanc incredulitatem perpetrastis, cum nullius peccati venia sine fide in me obtineri possit. Singularis est pro plurali. Quærere Deum est quærere veritatem ex Orig.

22. *Dicebant ergo Iudæi: Nunquid interficiet semetipsum, quia dicit; quo ego vado, vos non potestis venire.]* cap. 7. 35. Cum idem diceret, similiter dubitarunt, sed illic iturum ad Gentes, vt eas doceret, suspicati sunt: hic quia viderant coniecturam illam non processisse, aliam in eunt suggerente odio, fore vt seipsum occideret: sic enim euaderet manus illorum. Tanto enim desiderio flagrabant eum occidendi, vt non aliter Christum euadere manus eorum posse crederent, quàm per mortem sibi illatam a seipso. At quo ego vado, dixit, non quo iturus ad mortem, sed quo ipse ibat post mortem vt notat Aug.

23. *Et dicebat illis, Vos de deorsum estis, ego de supernis sum; vos de mundo hoc estis, ego non sum de hoc mundo.]* Vos de deorsum estis, id est de

de terra, ideoque non nisi terrena sapitis: putabant enim eum de sua occisione loqui, ut patet Chrys. Ego non sum de terra, sed de coelo: ideoque de meo ita dixi, de reditu in coelum. Ruper. verò existimat reddi causam, non cur Iudæi non intellexissent, quod Christus dixerat, sed cur non possent ire quod Christus iturus erat, quia terreni erant & nimis graues. Alij dicunt esse continuationem sermonis, & apertioribus verbis exponi illud, *Quo ego vado vos non potestis venire*: quia & natura & affectu mundi huius erant: propterea quo Christus ibat ipsi venire non poterant, ex Aug.

24. *Dixi ergo vobis, quia moriemini in peccatis vestris: si enim non credideritis quia ego sum, moriemini in peccato vestro.*] Q. d. Propterea dixi vobis fore ut in peccatis vestris moreremini, quia scio vos terrenos esse, ideoque in me non credituros, quia sermo meus non capit in vobis. Dicit, nisi credideritis, quia sū de supernis. vel absolutè, idest quia ego sum qui sum, quod propriū est Dei. Ex. 3. Vel simplicius, nisi credideritis quia ego sum Christus, quem me esse profiteor, quem Prophetæ vobis promiserunt. Credo in illa multitidine quæ Dominum audiebat & eos fuisse qui credituri erant quasi in omnes autem processerat illa seuerissima sententia ait Aug.

23. *Dicebant ergo ei: Tu quis es?*] Quoniam absolutè dixit, *Ego sum*, nec explicauit quis esset, interrogant Iudæi quasi nihil hactenus viderint aut audierint vnde scire possent quis esset: ex Chrys. vel dissimulantes se scire: vel per contemptum q. d. Quid de te magni dici potest? Iam.

Dixit

856 MANUALE IN EVANGELIUM

Dixit eis Iesus: Principium qui & loquor vobis.] Respondet interrogationi, verbi prædicti significationem magis exprimens. *Principium*, inquit, sum. Nomen *principium* positum est Gr. per modum adverbij, q. d. à principio ego sum, qui nullo concludor tempore: apud quem nō est fuisse & fore, sed semper esse. *Qui & loquor vobis*, idest, qui etiam hoc ipsum vobis annuntio & prædico, quando dixi, *ego sum*. Non ergo Iudæis interrogantibus responsionem negat, nec alia ab iis quæ dixerat profert, sed id ipsum repetit clariori sermone: qui enim à principio est, semper est, solusque dicere absolute potest, *ego sum*. Nec hoc etiam Iudæi intellexerunt. Aduerte ibi à principio intelligendum verbum *sum*. Non solum quia interrogatus, *Quis es?* verbūque interrogationis solet in responsione suppleri; sed etiam quia Hebr. est. Alij, *ego sum*, id quod vobis à principio loquor, idest, quod iam ab initio, quod semper vobis dico, semper dixi vobis me esse Christum, me esse filium Dei, ab eo ad liberandos peccatores missum, panem vitæ, lucem mundi, &c.

26. *Multa habeo de vobis loqui, & iudicare.]* idest multa habeo quæ possim de vestris moribus dicere, ac iudicare, idest, conqueri, q. d. Non tantum doctor & saluator sum, sum etiam iudex & ad me pertinet iudicare vos. Terret eos Christus, ne impunitam putent suam incredulitatem futuram. ex Aug.

Sed qui me misit verax est. Et ego qua audiui ab eo hac loquor in mundo.] Exponit causam cur modò non loquatur de eis hæc multa, & cur eos non iudicet. q. d. Deus verax est; quæ promittit facit; promisit autem me prius.

prius vt mundum saluem , non vt iudicem, missurum : cū ergo verax sit oportet me non iudicare , nec damnare , nec accusare modò, sed saluare , vt quod promissit Pater impleatur , & sit verax in sermonibus suis. Hæc est causa cur modò non loquor , nec iudico multa quæ de vobis habeo. Attende verba, *qua audiui & loquor*, Christo conuenire ratione diuinitatis. Nam cū dicit, *qua audiui ab eo*, insinuat se audiuisse antequam veniret in mundum , tamen in rigore possunt accomodari Christo ratione humanitatis : audiuit enim vt homo à Patre quæ loquebatur. Io. 12.

27. *Et non cognouerunt quia Patrem suum dicebat Deum.*] Christus significauit se Patrem habere Deum , Iudæos verò non intellexisse notat Ioannes, vt significet Christum verè respondisse ad interrogata : non tamen ita expressè & clarè , ne Iudæorum furorē vehementius inflammaret.

28. *Dixit ergo eis Iesus ; Cum exaltaueritis filium hominis, tunc cognoscetis quia ego sum , & à meipso facio nihil , sed sicut docuit me Pater , hæc loquor.*] Prænuntiat Christus se ab eis crucifigendum , & tunc eos cognituros quis esset. Quando , inquit , in cruce me vt hominem exaltaueritis, tunc cognoscetis quia ego sum, i. me esse filium Dei: humanitate enim mea per vos morti tradita tunc velut referabitur diuinitas mea. Et ita factum est : à morte enim Iudæi inceperunt cognoscere filium Dei fuisse quem crucifixerāt ex signis mirabilibus quæ in morte operatus est. Luc. 21. & Act. 2. & Matth. 28. Mortem crucis exaltationem vocat. Ex Aug. & Chrys. Quia in altum erigebatur qui crucifixus.

358 MANUALE IN EVANGELIUM

crucifixus erat. Quod sequitur, *& à meipso facio nihil, sed sicut docuit me Pater, hac loquor*; de Christo intelligitur, qui quatenus homo est, audit, quia scientia humanitati infusa est à Deo: ut Deus autem quia vna cum essentia accepit scientiam ab æterno. Verba hæc magis ad doctrinam referuntur. Io. 7. priora autem ad personam: ut sit sensus. *Tunc cognoscetis & me & doctrinam meam*: rursus ad humilium sermonem reduxit. Ex Chryl.

29. *Et qui misit me mecum est. Et non reliquit me solum, quia ego quæ placita sunt ei facio semper.*] Ne intelligeremus eum sic esse à Patre missum ut ab eo sit desertus, propterea addidit, se sic missum esse à Patre, ut semper sit cum Patre: ita operari ut filium, ut simul Pater cum eo operetur: ac si clariùs dixisset, ego sum filius Dei, vnius & eiusdem potentia cum ipso: cuius vna est indiuisa essentia, potentia, & operatio. Ne igitur quia me hominem videtis Patre minorem factum putetis, aut diuinitatis detrimentum passum cogitetis Pater mecum est, mecum operatur. Rursus ne imaginemini diuinitatem diminutam in humanitate: sum enim ita homo ut sim integrè & perfectè Deus cum Patre, sic sum cum Patre ut numquam me solum reliquerit, ut ad tempus sanctos reliquit, Moysen, Dauid, &c. Et ex effectu probat, quia quæ placita Patri sunt facio semper, ut Io. 5. & quæ simul operatur: propterea solus non sum. Aug. Loquitur ratione diuinitatis: vel ratione humanitatis, quia nihil facit ut homo quod non sit operatio diuinitatis, quæ communis est Patri & filio. Ex Euthym.

30. *Hac illo loquente multi crediderunt in eum.*]

eum.] Non propter signa, non propter argumenta, sed simpliciter docente & tam ardua & profunda tradente, non vnus aut alter sed multi crediderunt, fide adhuc imperfecta & initiata. Numquam desunt apes quæ ex floribus verbi Dei mel sugant, vtcunque inde araneæ venenum hauriant. Ians.

31. *Dicebat ergo Iesus ad eos qui crediderunt ei Iudæos. Si vos manseritis in sermone meo verè discipuli mei eritis.*] Vt hos in fide iam cœpta Dominus promissionibus confirmaret, tali ad eos exhortatione vsus est: Si permanseritis in ea fide quam sermone meo concepistis. i. Eritis verè discipuli mei Hoc dicit propter eos qui crediderant, sed citò recesserant. De quibus Io. 6. Ille enim est verus discipulus qui permanet non qui citò recedit. Ians. & Tol.

32. *Et cognoscetis veritatem, & veritas liberabit vos.*] Ne parum putarent esse discipulum eius, adiecit secundò: cognoscetis veritatem, nō quācumque, sed cœlestem & diuinam, in qua hominum est salus, hæc ipse est Christus. Io. 14. & quia ipse est doctor cœlestis doctrinæ, & quia ipse est quem vmbra & figuræ legis significabant, ipse est in quo & per quem omnes Dei promissiones Patribus olim factæ implentur. Si ergo vos permanseritis in fide sermonis mei, tanquàm veri discipuli doceamini, & cognoscetis me, qui sum cœlestis doctrinæ doctor: cognoscetis in me & per me omnia, quæ figuræ & vmbra legis vestrae significant, & cum in quo sunt Dei promissiones. Et ne quis parū esse duceret cognoscere veritatē, tertio adiecit Dominus, *& veritas liberabit vos*: vos in libertatem vindicabit vt si non delectat veritas,

tas, delectet libertas. Nam hæc liberatio non est à periculis sed à servitute, qua credentes à statu servorum, in statum adoptionis filiorum liberantur. Quod est ingenuum & liberum facere. Gal. 4. Quæ libertas tres libertates continet, nempe à lege veteri, peccato, & corruptione. Ideo Christus dictus est veritas, quia umbras remouet legis, eius figuras terminat, & promissiones implet. Ideoque ab eius servitute liberat, i. liberos facit. Ex Aug.

33. *Responderunt ei, Semen Abraha sumus & nemini seruiuimus unquam, quomodo tu dicis: Liberi eritis?*] Iudæi siue illi qui prius in Christum credidisse dicuntur, vt intelligamus eorum fidem admodum fuisse infirmam, siue potius alij secundum Aug. Qui necdum crediderant, cum propter suam carnalem hebecudinem non intelligerent Dominum loqui de libertate spirituali, sed de corporali, qui propter superbiam, qua sibi placebāt in maiorum suorum nobilitate, non ferrent libertatem sibi tanquam seruis promitti, responderunt indignabundi: *Semen Abraha sumus, & nemini seruiuimus unquam*, i. sumus ingenui ex ingenuis prognati. Nec solū ingenui, sed etiam nobiles, & nullius vnquam serui fuimus: quomodo ergo tu libertatem nobis promittis quasi serui simus manumittendi? Dominus illos duobus nominibus taxauerat, & quod veritatis essent ignari, & quod servitutem seruirent. Illi verò prius dissimulant, in quo magis eos conueniebat turbari: ad id autem quod leuius erat & minoris momenti, stomachantur. Si quidem veritatis ignorantia mentis vitium est, seruum esse fortunæ malum est, non animi.

animi. Magis autem ostendit eorum superbiā, quod non vererentur: falsissimè dicere, *Nemini seruiuimus unquam*: seruierant enim Ægyptijs olim, seruierūt postea Babylonijs: & tunc cū ista dicebant Romanis seruiebant. Ians. Nisi dicamus non de ista eos seruitute loqui sed de ciuili, quam venalia mancipia seruire solent. Caiet. dicit non de tota posteritate sed de se solis loqui. Multi Christiani his Iudæis similes sunt: si adulteria, si homicidia illis obijcias nihil commouentur: si genus attingas illic furere, illic ignominiosè cedere, illic occidere. Sunt qui putant Iudæos maligno & captioso animo dixisse, *Nemini seruiuimus unquam*. Sperantes fore vt Christus responderet. Quid ergo? nonne Romanis modo seruitis? vt ansam acciperent eum accusandi, quasi populi Dei sub Romanis seruitutem approbaret. Sic Ruper. Ians. & Mald.

34. *Respondit eis Iesus: Amen, amen dico vobis, quia omnis qui facit peccatum, seruus est peccati.*] Eos docet Dominus de ea seruitute se locutū fuisse quam ipsi maximè seruirent, minimè verò animaduernerent, quæque omnium miserrima & durissima esset. Dixit, *omnis*, vt nullum cuiuscumque conditionis esset, exciperet: etiamsi filius Abrahamæ sit, etiamsi nemini vnquam seruierit. *Qui facit peccatum seruus est peccati*: vt Ro. 6. 14. 2. Petr. 2. 19. Prouerb. 5. 22. Vos facitis peccatum, ergo serui estis peccati. Primam partem probat: Seruus non manet in domo. Illam autem mediam partem, nempe, vos facitis peccatum, confirmat; quia quæritis me interficere sine causa; vt declarabimus. Attende per peccatum arbitrium homi-
nis

862 MANVALE IN EVANGELIUM

nis manere seruum peccati & dæmonis, quia non habet potestatem, nec vires ut resistat peccato & dæmoni: nisi enim diuinum adsit gratiæ auxilium, in eo est statu ut nequeat à peccato se sua virtute purgare, nec valeat omne in posterum cauere peccatum, nec omnem dæmonis vincere tentationem, sed succumbere necesse est nouis peccatis. Hoc est quod dominari & regnare peccatum vocat. Ro. 6.

35. *Seruus autem non manet in domo in æternum; filius manet in æternum.*] Parabola est hic sermo, qua confirmat assertionem præcedentem, Qui facit peccatum seruus esse peccati. Et confirmatio hæc est: Serui est non manere in domo Domini in æternum, aut saltem non habere ius manendi in domo semper. At filij semper manent aut ius habent manendi. Cum igitur peccator non maneat in domo Dei in æternum, quia quamuis ad tempus sit de populo Dei, & de eius Ecclesia, tamen mittendus est in tenebras exteriores damnationis & inferni: filius autem semper manet in domo, quia semper ad populum Dei, & Ecclesiam pertinet, & post seculum hoc in cœlestem recipiendus est domum. Ergo qui peccatum facit seruus est. Attende in Ecclesia Dei peccatores quamuis exterius dominantur: sunt tamen tãquam serui: at iusti vti filij apud Deum. Greg. l. 3. r. Mar. cap. 10. Vel Christus probare voluit, non posse quemquam nisi filium eos liberare, cum filius maneat in domo in æternum. Sic Leontius.

36. *Si ergo vos filius liberauerit, verè liberi eritis.*] Concludit quod s. d. nempe liberandos esse qui credunt in eum. Cum igitur, inquit, serui

SECUNDVM IOAN. CAP. VIII. 86;

serui sitis, tunc profectò liberamini cùm filius vos liberauerit : filius enim Dominus est, & Domini est liberos facere seruos. Se sub tertia persona filium vocat, Dei, qui potens est à seruitute etiam peccati liberare. Tacitè etiam insinuat à seruitute legis laborandos, & hoc est quod dicit, *Verè liberi eritis*, si vos filius liberauerit, idest eritis filij adoptionis Dei facti per me qui sum filius verus & naturalis. Gal. 4. Dicit *verè*, idest perfectè vt indicet 1. libertatem quã iactabant, non quod filij essent Abrahami, veram non esse. 2. non posse eos alia ratione veram consequi libertatem nisi eos filius liberauerit. 3. libertatem humanam & ciuilem esse imperfectam, quæ potest admittere secum seruitutem peccati. Ex hoc loco Christum esse filium Dei naturalem non creaturam, cum ipse sit à seruitute liberare, probat Athan. ser. 3. cont. Arri.

36. *Scio quia filij Abraha estis, sed quaritis me interficere, quia sermo meus non capit in vobis.*] Supererat illa assertio media, nempe, vos facitis peccatum, hanc nunc confirmat. q. d. Parum vos iuuat esse semen Abrahamæ : scio quidem vos esse illius semen, tamen quaritis me interficere, sine culpa, nam nulla alia de causa id facere vultis nisi quia meum sermonem non vultis recipere: hoc autem graue est peccatum: non ergo dixi vos seruos quia sitis filij seruorum, scio enim quia estis filij Abrahamæ: sed propter iniquitatem quam perficere paratis & quaritis : hoc autem Abraham non fecit : nec in hoc filij aut semen eius estis : neque hæc libertas impedit, quo minùs serui sitis propter peccatum. Dicit sermo meus non capit in vobis,

364 MANUALE IN EVANGELIUM

bis, i. locum non habet in vobis: pleni quippe estis odij & inuidiæ: ita vt sermo meus nulum locum inueniat in vobis, metaphora ducta ab amphora. Vel vt indicaret sermonis & doctrinæ ipsius magnitudinem. Sic est sermo Dei fidelibus tanquam pisci hamus, tunc capi quando capitur, ait Aug.

38. *Ego quod vidi apud Patrem, loquor, & vos quæ vidistis apud Patrem vestrum, facitis.*] Defendit suam doctrinam, ne in eam non in Iudæos culpam aliquis referret, cur in eis non capiat sermo. Ego, inquit, *quæ vidi apud Patrem, loquor*, i. doctrina & sermo meus est cœlestis & diuinus: nam ea loquor quæ apud Deum vidi. His verbis ostendit suam diuinitatem, qui filius Dei est, apud Patrem semper existens, & in essentia vnà cum Patre omnia videns quæcumque vt homo loquitur. Non ergo est vitium in doctrina mea. At vos quæ apud Patrem vestrum vidistis hæc facitis: propterea nō capit in vobis sermo hic meus. Dominus patrem istorum diabolum intelligit: eos autem quæ faciunt vidisse apud diabolum dicit, quia quæ faciebant diaboli instinctu interiori faciebant: vt Io. 13. & eius exemplo: quia sciebant diabolum innocentes persequi: & simul cognoscebant se iniquè persequi Christum, & consequenter illud esse diaboli opus, scire potuerunt. Ex Orig. & Chryl.

39. *Responderunt, & dixerunt ei: Pater noster Abraham est.*] Non videntur satis intellexisse quem dixisset ipsorum Patrem, cum dixit, *& vos quæ vidistis apud Patrem vestrum, facitis*: sed tamen suspicati esse alium aliquem præter Abrahamum intellexisse. Ideo repetunt, *Pater noster*

noſter Abraham eſt, partim vt magis affirmant, quod antea dixerant, *Nos ſemen Abrahæ ſumus*: partim vt eliciant à Chriſto ecquẽ alium patrem ipſorum dixerit. Vel prouocabant vt aliquid diceret mali de Abraham ex Aug.

40. *Dixit eis Ieſus: Si filij Abrahæ eſtis, opera Abrahæ facite, id eſt, Nunc autem quaritis me interficere, hominem, qui veritatem vobis locutus ſum, quam audiui à Deo. Hoc Abraham non fecit.*] Eos redarguit illorummet verbis. Si, inquit, filij eſtis Abrahæ ipſum imitemini: filiorũ eſt enim patres imitari. At non ſic facitis, nam vos quaritis me interficere, hominem innocentem & benefactorem veſtrum, quia quæ audiui à Deo vobis aperui. Tale opus non fecit Abraham: non igitur eſt quod vos Abrahæ innocentia & iuſtitia tueamini, quia contraria ſunt opera veſtra operibus illius. Attende ex conſequentia verborum apertè deduci patrem ſuum appellare Deum. ex Chryſ. Nam præcedentibus verbis dixit ſe loqui quæ vidit apud Patrem, nunc autem quæ audiuit à Deo. Ergo Pater eius Deus eſt. Videre & audire dicitur tũ quia vt homo ſcientiam communicatam habebat à diuinitate, tum quia vt Deus ab æterno omnia accepit à Patre. Prudenter Chriſtus reſpondet, neque affirmans, neque negans patrem eorum eſſe Abraham, ſed rem in medio relinquens. *Si filij, inquit, Abrahæ eſtis, opera Abrahæ facite, id eſt, probate vos non verbis ſed factis filios eſſe Abrahæ* vt notat Aug. volens ſuperfluam gloriam de cognatione eis auferre, ſed ſpem habeant in ea quæ eſt ſecundum adoptionem ait Chryſoſt.

41. *Vos facitis opera patris veſtri.*] Dicit
O O alium

856 MANVALE IN EVANGELIVM

aliū patrem habere, cuius opera imitentur. Nam Abraham non fecit quæ isti faciebant. Quis hic sit Pater nondum explicat, & prudēter; si enim statim aperuisset non ita capaces habuisset rationis; ac dum prius eos ab Abraham auellit, quia ipsum non imitantur, & inde colligit aliū eorum esse patrem, quem imitantur, fortius & euidentius concludit diabolum eorum esse patrem. ex Aug.

Dixerunt itaque ei. Nos ex fornicatione non sumus nati: unum Patrem habemus Deum.] Nouerant ex his Christi verbis non de Patre secundum carnalem generationem, sed de spiritali patre eum loqui. Et sicut dum patrem secundum carnem intellexerunt se Abrahamæ excellentia defenderunt, & iactarunt, ita & nunc spirituales patrem intelligentes, Deum se patrem habere gloriantur, & dicunt, non sumus ex fornicatione; id est, idololatræ Deos falsos sequentes, sed verum Deum adoramus: & hunc patrem imitationis & spiritus habemus. Non igitur habes quod nobis obicias, neque secundum carnem, neque secundum Spiritum q. d. Non ut aliæ gentes falsum Deum colimus: nec ut Samaritani Deum verum simul cum Diis gentium. Patrem ergo suum Deum vocant, non solum ratione creationis (sic enim omnium Deus erat Pater) sed etiam ratione cultus & religionis, & ab eo instituti erant. Idololatriam sæpe Scriptura vocat fornicationem. Iere. 3. Ozæ. 2. Ezech. 16. De hac fornicatione locutos fuisse Iudæos indicant sequentia verba. Vnum enim Deum colimus, eumque pro patre habemus ex Ians.

42. *Dixit ergo eis Iesus: si Deus pater vester esset,*

esset, diligeretis utique me. Ego enim ex Deo processi, & veni.] Refellit Christus quod Iudæi modò dixerant se patrem habere Deum, probâtque eos ex Deo natos non esse, quia si filij Dei essent, se diligerent, qui & ipse filius Dei sit, ab eoque processerit ac venerit. Duo hæc verbo *processi* & *veni*, multi ita distinguunt ut *processi* referatur ad æternam Christi ex Deo generationem, *veni* ad incarnationem, sic Aug. Alij vtrumque ad incarnationem ut Hil. 7. de Trin.

Neque enim à meipso veni, sed ipse me misit.] Hebraismus est, quod affirmando protulit idem negando confirmat. Non à seipso venit, sed missus à Patre, quia ita homo factus est ut à Deo procederet. Docet etiam legationem suam esse à Patre & qui ei contradicunt Deo contradicere: non autem eum ut patrem imitari concludat. Vel dixit propter quosdam à se venientes & non missos à Patre. ex Origen.

43. *Quare loquelã meam non cognoscitis: Quia non potestis audire sermonem meum.*] In eos inuehitur quod non cognoscant se esse Dei filium à Patre missum, cum habuerint multa argumenta cognoscendi. Et est sensus, vos qui non potestis, seu, Non vultis, meum sermonem audire, sed ipsi maxime aduersamini, cur non cognoscitis meam locutionem esse filij Dei à Patre missi? *Non potestis* non significat impotentiam absolutè, sed voluntatem obduratam & aduersantem: quando enim aliquid facere abhorremus dicimus, non possum hoc facere. Sermo ad totam Christi doctrinam refertur quam isti non poterant audire: at loquela & locutio ad hanc singularem sententiam qua se

58 MANUALE IN EVANGELIUM

Deo processisse & venisse dixit. Particula, quia Gr. quare, idest, propter quid? aut cum: vt Ioan. 2. Ita ex Ians.

44. *Vos ex patre diabolo estis, & desideria patris vestri vultis facere.*] Postquam Iudæis & patrem Abraham, & Patrem Deum eripuit: nūc quod prius significauit apertè pronuntiat, quis eorum sit Pater, simulque causam cur non audiant sermonem eius exponit. *Vos*, inquit, *ex Patre Diabolo estis*, non Abraham, non Deum sed Diabolum Patrem vestrum habetis; quod inde patet quia studia & mores eius imitari quæritis. Hoc est desideria eius facere, dæmonis instinctu moueri. Filij diaboli dicuntur vel quia ab eo iniquitatem didicerunt, vel quia ipsum sunt imitati. ex Aug.

Ille homicida erat ab initio.] A seculi exordio quando sua suauione primos parentes transgredi faciens mandatum Dei, obnoxios eos, & in eis omnes homines, fecit morri corporali & æternæ. Quando rursus & Cain impulit ad fratris occisionem, & infinita postea homicidia ipsius instigatione perpetrata sunt, & quotidie perpetrantur: quod isti imitantur necem Christo iusto meditantes. Quamuis autem sit homicida animarum, tamen hic de nece corporum sermo, quam Christo isti inferre parabant. Et in eo erant diaboli imitatores, Ex Origen. & Aug.

Et in veritate non stetit.] In veritate iustitiæ, in vitæ rectitudine, seu iustitia qua fuerat creatus. Vel in veracitate quæ opponitur mendacio. In hac Deus creauit Diabolum, sicut in aliis virtutibus omnibus: sed non permansit in ea, nam ad mendacium se conuertit, & pri-

mos homines mendacio decepit. At Dominus huius meminit quia Iudæi in eo diabolum sicut in homicidio imitabantur : quod Dominus probat ut patrem habere eos diabolum conuincat. Aug. 11. de ciuit.

Quia non est veritas in eo.] Probat diabolum in veritate non permansisse ex ipso effectu, quia veritas in eo non est, idest, mētur, & infinita mēdacia profert, ideo vocatur Spiritus mēdax: vel causa quod non stetit in veritate ea est, quia quā veritatē accepit, in ea iam non est. Aug. ib.

Cum loquitur mendacium ex propriis loquitur, quia mendax est & pater eius.] Sensus est quia dictum est non esse in eo veritatem, seu ipsum mentiri & mendacia disseminare; exponit quā proprium sit, & quā coniunctum mendaciū diabolo, postquam in veritate non stetit: quādo enim mētur ex propriis mētur Quid autem sit ex propriis mentiri ex causa subiuncta à Domino declaratur. Primo, quia mēdax est; idest, cū loquitur, mēdacia loquitur, qualis ipse est, ut talis sit sermo, qualis est qui loquitur. Ipse est mendax: mentiri ergo illi est consentaneū. Vt scriptori scribere, doctore docere, ita mēdaci mētur. Et significat in hoc Dominus officiū eius esse mentiri, & hanc consuetudinē habere. Nec ipsum mētur quisquā docuit, ipse verò alios docuit. Vel significatur mendaciū à Deo non accepisse, sed ipsum per se illud exco-gitasse. Et quamuis non semper mentiatur, tamen semper est Spiritus mendax, & semper ad mentiendum paratus est, & plerumque menti-tur. Et cum vera loquitur, studet per ea quæ loquitur homines decipere. Secundò addit, *Et Pater eius*, idest, non solum mendax est, sed

tas, delectet libertas. Nam hæc liberatio non est a periculis sed à seruitute, qua credentes à statu seruorum, in statum adoptionis filiorum liberantur. Quod est ingenuum & liberum facere. Gal. 4. Quæ libertas tres libertates continet, nempe à lege veteri, peccato, & corruptione. Ideo Christus dictus est veritas, quia umbras remouet legis, eius figuras terminat, & promissiones implet. Ideoque ab eius seruitute liberat, i. liberos facit. Ex Aug.

33. *Responderunt ei, Semen Abraha sumus & nemini seruiuimus unquam, quomodo tu dicis: Liberi eritis?*] Iudæi siue illi qui prius in Christum credidisse dicuntur, vt intelligamus eorum fidem admodum fuisse infirmam, siue potius alij secundum Aug. Qui necdum crediderant, cum propter suam carnalem hebetudinem non intelligerent Dominum loqui de libertate spiritali, sed de corporali, qui propter superbiam, qua sibi placebāt in maiorum suorum nobilitate, non ferrent libertatem sibi tanquam seruis promitti, responderunt indignabundi: *Semen Abraha sumus, & nemini seruiuimus unquam*, i. sumus ingenui ex ingenuis prognati. Nec solū ingenui, sed etiam nobiles, & nullius vnquam serui fuimus: quomodo ergo tu libertatem nobis promittis quasi serui simus manumittendi? Dominus illos duobus nominibus taxauerat, & quod veritatis essent ignari, & quod seruitutem seruirent. Illi verd prius dissimulant, in quo magis eos conueniebat turbari: ad id autem quod leuius erat & minoris momenti, stomachantur. Si quidem veritatis ignorantia mentis vitium est, seruum esse fortunæ malum est, non animi.

animi. Magis autem ostendit eorum superbiā, quod non vererentur falsissimè dicere, *Nemini seruiuimus vnquam*: seruierant enim Aegyptijs olim, seruierūt postea Babylonijs: & tunc cū ista dicebant Romanis seruiebant. Ians. Nisi dicamus non de ista eos seruitute loqui sed de ciuili, quam venalia mancipia seruire solent. Caiet. dicit non de tota posteritate sed de se solis loqui. Multi Christiani his Iudæis similes sunt: si adulteria, si homicidia illis obijcias nihil commouentur: si genus attingas illic furere, illic ignominiosè cedere, illic occidere. Sunt qui putant Iudæos maligno & captioso animo dixisse, *Nemini seruiuimus vnquam*. Sperantes fore vt Christus responderet. Quid ergo? nonne Romanis modo seruitis? vt ansam acciperent eum accusandi, quasi populi Dei sub Romanis seruitutem approbaret. Sic Ruper. Ians. & Mald.

34. *Respondit eis Iesus: Amen, amen dico vobis, quia omnis qui facit peccatum, seruus est peccati.*] Eos docet Dominus de ea seruitute se locutū fuisse quam ipsi maximè seruirent, minimè verò animaduernerent, quæque omnium miserrima & durissima esset. Dixit, *omnis*, vt nullum cuiuscumque conditionis esset, exciperet: etiamsi filius Abrahæ sit, etiamsi nemini vnquam seruierit. *Qui facit peccatum seruus est peccati*: vt Ro. 6. 14. 2. Petr. 2. 19. Prouerb. 5. 22. Vos facitis peccatum, ergo serui estis peccati. Primam partem probat: Seruus non manet in domo. Illam autem mediam partem, nempe, vos facitis peccatum, confirmat; quia queritis me interficere sine causa, vt declarabimus. Attende per peccatum arbitrium hominis

862 MANVALE IN EVANGELIVM

nis manere seruum peccati & dæmonis, quia non habet potestatem, nec vires vt resistat peccato & dæmoni: nisi enim diuinum adsit gratiæ auxilium, in eo est statu vt nequeat à peccato se sua virtute purgare, nec valeat omne in posterum cauere peccatum, nec omnem dæmonis vincere tentationem, sed succumbere necesse est nouis peccatis. Hoc est quod dominari & regnare peccatum vocat. Ro. 6.

35. *Seruus autem non manet in domo in æternum; filius manet in æternum.*] Parabola est hic sermo, qua confirmat assertionem præcedentem, Qui facit peccatum seruus esse peccati. Et confirmatio hæc est: Serui est non manere in domo Domini in æternum, aut saltem non habere ius manendi in domo semper. At filij semper manent aut ius habent manendi. Cum igitur peccator non maneat in domo Dei in æternum, quia quamuis ad tempus sit de populo Dei, & de eius Ecclesia, tamen mittendus est in tenebras exteriores damnationis & inferni: filius autem semper manet in domo, quia semper ad populum Dei, & Ecclesiam pertinet, & post seculum hoc in cœlestem recipiendus est domum. Ergo qui peccatum facit seruus est. Attende in Ecclesia Dei peccatores quamuis exterius dominantur: sunt tamen itaquam serui: at iusti vti filij apud Deum. Greg. l. 3. 1. Mar. cap. 10. Vel Christus probare voluit, non posse quemquam nisi filium eos liberare, cum filius maneat in domo in æternum. Sic Leontius.

36. *Si ergo vos filius liberauerit, verè liberi eritis.*] Concludit quod s. d. nempe liberandos esse qui credunt in eum. Cum igitur, inquit,
serui

serui sitis, tunc perfectò liberamini cum filius vos liberauerit : filius enim Dominus est, & Domini est liberos facere seruos. Se sub tertia persona filium vocat, Dei, qui potens est à seruitute etiam peccati liberare. Tacitè etiam insinuat à seruitute legis laborandos, & hoc est quod dicit, *Verè liberi eritis*, si vos filius liberauerit, idest eritis filij adoptionis Dei facti per me qui sum filius verus & naturalis. Gal. 4. Dicit *verè*, idest perfectè vt indicet 1. libertatem quā iactabant, non quod filij essent Abrahami, veram non esse. 2. non posse eos alia ratione veram consequi libertatem nisi eos filius liberauerit. 3. libertatem humanam & civilem esse imperfectam, quæ potest admittere secum seruitutem peccati. Ex hoc loco Christum esse filium Dei naturalem non creaturam, cum ipse sit à seruitute liberare, probat Athan. ser. 3. cont. Arri.

36. *Scio quia filij Abrahæ estis, sed queritis me interficere, quia sermo meus non capit in vobis.*] Supererat illa assertio media, nempe, vos facitis peccatum, hanc nunc confirmat. q. d. Parum vos iuuat esse semen Abrahæ : scio quidem vos esse illius semen, tamen queritis me interficere, sine culpa, nam nulla alia de causa id facere vultis nisi quia meum sermonem non vultis recipere : hoc autem graue est peccatum : non ergo dixi vos seruos quia sitis filij seruorum, scio enim quia estis filij Abrahæ : sed propter iniquitatem quam perficere paratis & queritis : hoc autem Abraham non fecit : nec in hoc filij aut semen eius estis : neque hæc libertas impedit, quò minùs serui sitis propter peccatum. Dicit sermo meus non capit in vobis,

noster Abraham est, partim vt magis affirmant, quod antea dixerant, *Nos semen Abraha sumus*: partim vt eliciant à Christo ecquem alium patrem ipsorum dixerit. Vel prouocabant vt aliquid diceret mali de Abraham ex Aug.

40. *Dixit eis Iesus: Si filij Abraha estis, opera Abraha facite, idest, Nunc autem quaritis me interficere, hominem, qui veritatem vobis locutus sum, quam audiui à Deo. Hoc Abraham non fecit.*] Eos redarguit illorummet verbis. Si, inquit, filij estis Abraham ipsum imitemini: filiorum est enim patres imitari. At non sic facitis, nam vos queritis me interficere, hominem innocentem & benefactorem vestrum, quia quæ audiui à Deo vobis aperui. Tale opus non fecit Abraham: non igitur est quod vos Abraham innocentia & iustitia tueamini, quia contraria sunt opera vestra operibus illius. Attende ex consequentia verborum aperte deduci patrem suum appellare Deum. ex Chrys. Nam præcedentibus verbis dixit se loqui quæ vidit apud Patrem, nunc autem quæ audiuit à Deo. Ergo Pater eius Deus est. Videre & audire dicitur tum quia vt homo scientiam communicatam habebat à diuinitate, tum quia vt Deus ab æterno omnia accepit à Patre. Prudenter Christus respondet, neque affirmans, neque negans patrem eorum esse Abraham, sed rem in medio relinquens. *Si filij, inquit, Abraha estis, opera Abraha facite, idest, probate vos non verbis sed factis filios esse Abraham.* vt notat Aug. volens superfluum gloriam de cognatione eis auferre, sed spem habeant in ea quæ est secundum adoptionem ait Chrysost.

41. *Vos facitis opera patris vestri.*] Dicit
O O alium

aliū patrem habere, cuius opera imitentur. Nam Abraham non fecit quæ isti faciebant. Quis hic sit Pater nondum explicat, & prudēter; si enim statim aperuisset non ita capaces habuisset rationis; ac dum prius eos ab Abraham auellit, quia ipsum non imitantur, & inde colligit aliū eorum esse patrem, quem imitantur, fortius & euidentius concludit diabolum eorum esse patrem. ex Aug.

Dixerunt itaque ei: Nos ex fornicatione non sumus nati: unum Patrem habemus Deum.] Nouerant ex his Christi verbis non de Patre secundū carnalem generationem, sed de spiritali patre eum loqui. Et sicut dum patrem secundum carnem intellexerunt se Abraham excellētia defenderunt, & iactarunt; ita & nunc spiritalē patrem intelligentes, Deum se patrem habere gloriantur, & dicunt, non sumus ex fornicatione; id est, idololatræ Deos falsos sequentes, sed verum Deum adoramus: & hunc patrem imitationis & spiritus habemus. Non igitur habes quod nobis obiicias, neque secundum carnem, neque secundum Spiritum q. d. Non ut aliæ gentes falsum Deum colimus: nec ut Samaritani Deum verum simul cum Diis gentium. Patrem ergo suum Deum vocant, non solū ratione creationis (sic enim omniū Deus erat Pater) sed etiam ratione cultus & religionis, & ab eo instituti erant. Idololatriam sæpe Scriptura vocat fornicationem. Iere. 3. Ozæ. 2. Ezech. 16. De hac fornicatione locutos fuisse Iudæos indicant sequentia verba. Vnum enim Deum colimus, eūque pro patre habemus ex Ians.

42. *Dixit ergo eis Iesus: si Deus pater vester esset,*

esset, diligeretis utique me. Ego enim ex Deo processi, & veni.] Refellit Christus quod Iudæi modò dixerant se patrem habere Deum, probâtque eos ex Deo natos non esse, quia si filij Dei essent, se diligerent, qui & ipse filius Dei sit, ab eoque processerit ac venerit. Duo hæc verbo *processi* & *veni*, multi ita distinguunt ut *processi* referatur ad æternam Christi ex Deo generationem, *veni* ad incarnationem, sic Aug. Alij vtrumque ad incarnationem ut Hil. 7. de Trin.

Neque enim à meipso veni, sed ipse me misit.] Hebraismus est, quod affirmando protulit idem negando confirmat. Non à seipso venit, sed missus à Patre, quia ita homo factus est ut à Deo procederet. Docet etiam legationem suam esse à Patre & qui ei contradicunt Deo contradicere: non autem eum ut patrem imitari concludat. Vel dixit propter quosdam à se venientes & non missos à Patre. ex Origen.

43. *Quare loquelā meam non cognoscitis: Quia non potestis audire sermonem meum.*] In eos inuehitur quod non cognoscant se esse Dei filium à Patre missum, cum habuerint multa argumenta cognoscendi. Et est sensus, vos qui non potestis, seu, Non vultis, meum sermonem audire, sed ipsi maxime aduersamini, cur non cognoscitis meam locutionem esse filij Dei à Patre missi? *Non potestis* non significat impotentiam absolute, sed voluntatem obduratam & aduersantem: quando enim aliquid facere abhorremus dicimus, non possum hoc facere. Sermo ad totam Christi doctrinam refertur quam isti non poterant audire: at loquela & locutio ad hanc singularem sententiam quæ se

mos homines mendacio decepit. At Dominus huius meminit quia Iudæi in eo diabolum sicut in homicidio imitabantur : quod Dominus probat vt patrem habere eos diabolum conuincat. Aug. 11. de ciuit.

Quia non est veritas in eo.] Probat diabolum in veritate non permansisse ex ipso effectu, quia veritas in eo non est, idest, mētur, & infinita mēdacia profert, ideo vocatur Spiritus mēdax: vel causa quod non stetit in veritate ea est, quia quā veritatē accepit, in ea iam non est. Aug. ib.

Cum loquitur mendacium ex propriis loquitur, quia mendax est & pater eius.] Sensus est quia dictum est non esse in eo veritatem, seu ipsum mentiri & mendacia disseminare; exponit quā proprium sit, & quā coniunctum mendaciū diabolo, postquam in veritate non stetit: quādo enim mētur ex propriis mētur Quid autem sit ex propriis mentiri ex causa subiuncta à Domino declaratur. Primo, quia mēdax est; idest, cū loquitur, mēdacia loquitur, qualis ipse est, vt talis sit sermo, qualis est qui loquitur. Ipse est mendax: mentiri ergo illi est consentaneū. Vt scriptori scribere, doctori docere, ita mēdaci mētur. Et significat in hoc Dominus officiū eius esse mentiri, & hanc consuetudinē habere. Nec ipsum mētur quisquā docuit, ipse verò alios docuit. Vel significatur mendaciū à Deo non accepisse, sed ipsum per se illud exco-gitasse. Et quamuis non semper mentiatur, tamen semper est Spiritus mendax, & semper ad mentiendum paratus est, & plerumque menti-tur. Et cum vera loquitur, studet per ea quæ loquitur homines decipere. Secundò addit, *Et Pater eius*, idest, non solum mendax est, sed

860 MANUALE IN EVANGELIVM

simul pater est mendacij, idest, primus inuētor, & auctor mendacij, propterea ipsius proprium dicitur mendacium, homo cum mentitur alieno vitur inuento; at dæmon proprio. Ideo ipse cum mentitur, ex propriis loquitur: quia mendax est, propter consuetudinem & officium; pater, propter inuentionem, & primam causam mendacij. Tol. Orig. & pater eius, idest, Diabolus pater vniuscuiusque spiritus mali. Alij mendax est vnusquisque vestrum, & pater eius, idest, Cain, vel pater sui mendacij ex Aug.

45. *Ego autem si veritatem dico vobis non creditis mihi.*] Qd. Diabolum mendacij patrem imitamini, mendaciis illius credentes & mendacia eius sequentes: ideo vos mihi non creditis, quia ego veritatem dico, quam vos non vultis, quia patrem mendacij sequimini. Diabolus enim Christum non esse Dei filium, nec Messiam, nec à Deo missum, nec vera esse eius miracula, eis suggerebat. Christo autem contraria, quæ vera erant, docenti fidem non habebant, eadem dicentes quæ dæmon suggerebat, & cum ipso mentientes. His verbis eos mendaces esse confirmat, & diabolum in hoc imitari sicut in homicidio. In utroque ergo mores dæmonis sequebantur. Et hæc est ratio cur sic Christus immoratus est mendacio dæmonis amplificando, nempe vt veritatem suam commendaret, & se diabolo aduersarium esse ostenderet. Est enim veritas mendacio contraria. Si Gr. pro quia.

46. *Quis ex vobis arguet me de peccato? Si veritatem dico vobis, quare non creditis mihi?*] In eos culpam reiecerat quod nō crederent: hoc prosequitur Dominus explicare & confirmare.

Fides

Fides alicui non habetur aut propter vitam
 parum honestam, quia indignus efficitur ut ei
 credatur; aut propter doctrinam, quia falsa est,
 vel improbabilis; aut propter nequitiam &
 culpam ipsorum auditorum non credentium.
 Has causas remouet *Quis arguet*: Græc. conuin-
 cer me de peccat. ? ut Io. 16. tit. 1. Nam sæpe bla-
 sphemiam, sæpe violati sabbati arguebant, sed
 nunquam conuincere ullius peccati potuerunt.
 Quod si non potestis, quare non creditis mihi,
 si veritatem dico vobis. q. d. Non potestis cau-
 sam vestræ incredulitatis in doctrinam reiice-
 re: veritatem enim dico vobis. Si ergo est in
 me innocentia, & in doctrina veritas, quare
 non creditis mihi? in his verbis, *quis arguet me*
de peccato, latere tacitam antithesim, sicut
 ego vos & patrem vestrum modo argui. No-
 tant Aug Beda, Ruper.

47. *Qui ex Deo est, verba Dei audit: propte-*
rea vos non auditis, quia ex Deo non estis.] Non
 igitur Christus, non doctrina eius, sed ipsorum
 malitia causa est cur non credant, quia ex Deo
 non sunt. Illos appellat ex Deo esse, quia Dei
 instinctu aguntur, & ipsius voluntatem facere
 student: ut Rom. 8. 1. Canon. 3. Ex Deo non
 esse idem est ac ex Diabolo esse. Audire dicit,
 non solum propter auditum exteriorem, sed
 propter fidem doctrinæ, & mandatorum eius
 obedientium: hoc enim est perfectè audire ver-
 ba Dei. Et his verbis confutat Iudeos dicentes,
Nos Patrē habemus Abraham, cum potius pa-
 trem habeant Diabolum, interroget se vnus-
 quisque si verba Dei aure cordis percipit & in-
 telliger unde sit, ait Greg. in hom.

48. *Responderunt ergo Iudei & dixerunt ei:*

O O

4

Nonne

No. ne bene dicimus nos, quia Samaritanus es tu, & *daemonium habes* ?] Sentus est, hisce tuis verbis, quibus nos patrem habere diabolum, & te innocentem probas, confirmamus quæ alias tibi obiecimus, *Quia daemonium habes, & Samaritanus es.* Samaritanum eum frequenter appellasse ex hoc tantum loco constat non propter originem, sed propter similitudinem, quod ut Samaritani mistam cum multis Græcorum & aliarum gentium erroribus, religionem non satis castè & religiosè seruabant: ita eam Christus sæpe violaret, & novas quasdam religiones afferre videretur. Ita Orig. Amb. Alij quia verè eum putabant Samaritanum, quia Samaritani vicini erant Galilæis. Alij quia cum Samaritanis versaretur. cap. 4. Dæmonium autem habere dicunt, quòd cum proprias illis cogitationes patefaceret, putabant id non nisi ope dæmonis posse fieri. Alij modum fuisse loquendi quo aliquem insanire arripitorum more dicebant. Alij quòd gloriam Dei in se transferret Christus, quod proprium est dæmonum. Alij propter sublimitatem doctrinæ, quia supra humanum captum loqui videbatur. Alij propter opera mirabilia. Ex Orig.

49. *Ego daemonium non habeo, sed honorifico Patrem meum; & vos inhonorastis me.*] Ecce iniuriam suscipiens Deus non contumeliosa verba respondet, ut notat Greg. in ho. & Aug. Duo illi obiecta fuerant, quòd Samaritanus esset & quòd dæmonium haberet. Illud tacitum præterit quod nihil in eo Dei gloria læderetur. Ad hoc respondet modestè, *Ego daemonium non habeo, Vel, ut Tol. ad utrumque*

que responder. q. d. Falsum imponitis: nam non tantum dæmonium non habeo, sed etiam honorifico Patrem meum, nihil docendo, nihil faciendo quod non sit in eius honorem & gloriam, & secundum eius voluntatem: non ergo sum Samaritanus: Samaritanus enim non honorificat Deum, qui idola colit, qui falsa dogmata profitetur. At ego nihil tale facio, sed Deum verum, qui Pater meus est, honoro. Samaritanus igitur non sum moribus: & re ipsa dæmonium non habeo, qui enim dæmonium habet Patrem non honorificat. Hoc igitur verbo, & confirmat se dæmonium non habere & simul se Samaritanum esse, refellit. Ex Chryl. & Aug.

30. *Ego non quero non gloriam meam, est qui quærat & iudicet.*] Q. d. immerito & iniquè me inhonoratis & iniuriam & contumeliam mihi infertis, cum ego Patrem honorificem. At ego non curo quia non veni ut gloriam meam quærerem & ab hominibus honorarer: Veni enim ministrare, & animam meam ponere, contumelias & iniurias pati, non autem repellere & vindicare. *Est qui quærat & iudicet,* id est, vindicer, qui vlciscatur. At dictum est Patrem non iudicare quemquam: iudicio finali, & sensibili, quo Christus homo sedebit iudicaturus, non priuato & quotidiano de quo hic agitur, quo solet Pater iniurias filio & omnibus iustis factas vindicare, & vlcisci. Alludit ad locum Deuter. 18. Ex Orig. & Aug.

31. *Amen, amen dico vobis: Si quis sermonem meum seruauerit, mortem non uiuet in æternum.*] Damnationem mortem æternam appellat. Hæc verba spe alliciunt ad fidem sibi habendam

O o 5 dam

864. MANVALE IN EVANGELIUM

dam : at si à contrario sensu sumantur , qui igitur non seruauerit , mortem æternam experietur , timore & terrore percellit vt credant. Et sermonem inchoatum. *Si veritatem dico vobis quare non creditis mihi ?* continuat , vtilitatem suæ doctrinæ proponens , quæ à morte æterna liberat. Quo modo hic locus intelligatur vide c. 6. Orig. & Aug.

[2. *Dixerunt ergo Iudæi : Nunc cognouimus quia demonium habes.*] Q. d. Nunc reipsa videmus quod ante sola coniectura dicebamus , te dæmonium habere : absurda enim loqueris & blasphemias. Intellexerunt quod Christus dixerat de sola corporis morte , ideo absurdè eum loqui putauerunt.

Abraham mortuus est & Propheta : & tu dicis : Si quis sermonem meum seruauerit , non gustabit mortem in æternum.] Impugnant Christi dictum & probant esse à dæmone non à Deo , quia Abraham & Prophetæ mortui sunt , qui tamen omnes erant à Deo ; quomodo igitur erit is à Deo , qui dicit sermonem suum à morte liberaturum in æternum , quandoquidem omnes illi qui erant à Deo mortui sunt ? Non intellexerat quod Christi sermo erat de æterna damnatione , quam Christi sermonem seruantes nec viderunt , nec gustarunt. Indicauerat Christus ideo non morituros eos qui sermonem suum seruare vellent , quod sermonem suum seruauissent ; proferunt ergo exemplum eorum in medium , qui Dei sermonem maxime seruauerant Abraham & Prophetarum , qui tamen mortui fuerant : vnde colligunt Christum maiorem se facere quam Deum , certè quam Abraham ideoque subiiciunt.

53. *Nunquid tu maior es Patre nostro Abraham, qui mortuus est, & Prophetæ mortui sunt?*] Idest Prophetis qui mortui sunt. Hebraismus. Secundo argumento idem Christi dictum impugnant: si tuus sermo à morte in æternum liberat seruantes eum, esses maior Abraham & Prophetis, qui omnes mortui sunt. At tu non es maior illis. Igitur non est verum hoc quod dicis sed ex dæmonio loqueris. Consequens erat. *Nunquid tu maior es Deo?* hoc enim ex eius verbis sequi videbatur, sed contenti sunt dicere *Abraham*, quia valdè absurdum putabant esse, quemquam illo maiorem dici. Ex Chryl.

Quem teipsum facis?] Superbiæ & iactantiæ Christum insimulant, qui multò maiora de se loqueretur & iactaret quàm ipse esset. At si fidem eam haberent qualem potuerunt & debuerunt, cum admiratione & veneratione dicerent, *Quem teipsum facis?* cum esses, & sis Deus immensus: quomodo nostræ miseriæ participem fecisti? At non sic increduli, sed superbiæ eum accusant, & hoc tertio argumento Christi doctrinam impugnant, quasi ex superbia dæmoniaca dictum. q. d. tu qui carpentarij filius es, ait Theoph. & Beda.

54. *Respondit Iesus: Si ego glorifico meipsum, gloria mea nihil est; est Pater meus, qui glorificat me, quem vos dicitis, quia Pater vester est, & non cognouistis eum.*] Respondet ad obiecta, & primò ad tertium nullam dictis suis inelle iactantiam. Et sensus est, Si ego vt homo me glorificarem, protectò parum aut nihil gloriæ consequi possem: quæ enim homo sua virtute facere potest pauca sunt. At quæ ego facio non

sunt hominis meri, sed Dei, qualia sunt innumera signa quæ feci: Non ergo me glorifico nec iacto, qui non vt homo sed vt Deus facio & operor. Addit, *Est Pater meus qui me glorificat.* q. d. Non ego vt homo me glorifico & declaro me esse Dei filium & Christum verum, sed Pater me glorificat, i. diuinitatis operibus, quæ nemo faceret nisi Deus, sic Patri solet tribuere quæ facit vt Deus. Non ergo ambitionis aut iactantiæ me insimulare potestis. Glorificare se vocat, manifestare se esse Dei filium & Christum verum, qualis reuera erat. Subdit, *Quem vos dicitis quia Pater vester est, & non cognouistis eum:* In quo ad alia duo obiecta: respondet autem primò quis sit, explicando quem appellarit Patrem suum. Et est sensus, dixi Patrem meum glorificare me: scitote autem hunc meum Patrem esse eum, quem vos dicitis esse Deum vestrum, & reuera non cognoscitis eum. His verbis declarat se esse filium Dei naturalem: quem enim Patrem suum appellat illorum esse Deum dicit, distinguens inter se & illos, quia ipse erat filius, illi autem serui; & quia se iactabant Patrem habere Deum, eos deprimat: vos, inquit, dicitis esse Deum vestrum, & reuera non cognoscitis eum, i. reuera vester non est: vt 1. Reg. 2. Mat. 5. Osee 1. Ex Chryl. & Theoph.

55. *Ego autem noui eum. Et si dixero quia non scio eum, ero similis vobis mendax; sed scio eum, & sermonem eius serua.*] Distinguit se ab illis: Vos, inquit, non nouistis eum: at ego noui: & si dixero me non nosse, ero mendax sicut vos estis mendaces, dum dicitis vos eum nosse. Et exponit quare se nosse dicat; quia scio

scio eum rectam & veram cognitionem ipsius habēs, & mandata eius seruo, & facio quæ mihi locutus est. Hinc sequitur eos non nosse, quia mandata eius non faciebant. Nam hæc duo sunt necessaria vt aliquis nosse Deum dicatur. Eos igitur mendaces vocat, quia se Deū nosse & habere Deum pro Patre affirmabant, cum tamen mandata eius non seruarent: vt 1. Canon. 1. & dæmonium eum habere & Samaritanum esse mentiebantur. Ex Chryl. Sermonem Patris tanquam filius loquebatur, & ipse erat verbum Patris quod hominibus loquebatur, ait Aug.

56. *Abraham Pater vester exultauit vt videret diem meum: vidit & gauisus est.*] Respondet ad obiectionem de Abraham, quo de Patre iactabant dicentes. Es tu maior Patre nostro Abraham? Et priusquam diuinitatem suam verbis expressis doceat se non aduersarium Abrahamæ sed valde concordem dicit, & iam dilectum ab Abrahamo, vt concupierit videre & nosse diem eius. Eos alienos ab Abrahamo conuincit, qui non sunt gauisi sed persecuti eum. Dies hic, incarnationis est. Orig. Hilar. Cyr. Ber. Quando verbum Dei filius homo factus est. Nouerat ex reuelatione diuina Abraham Dei filium carnem sumpturum de sua progenie. At tempus & diem summopere desiderabat, quando hoc facturum erat, id Deus aperuit ei. *Vidit & gauisus*, animo & corpore. Alij diem suum omnem suam æternitatem appellant. Alij quatenus Deus erat eum cognoscere. Alij tempus quo in hac vita vt homo versatus est. Alij æternitatem quæ tempus incarnationis suæ antecessit. Alij diem suum craci-

868 MANVALE IN EVANGELIVM

cis & passionis, tempus vocare dicunt, vt Chry. Alij diem Christum ipsum interpretantur, qui lux vera & veluti sol quidam sit; tunc eius alicui oritur dies cum ipse illi per fidem reuelatur Sap. 5. Aug. At quomodo Abraham viderit diem aduentus in carnem, & totum tempus quo in mundo versatus est; putant aut sola fide, aut fide & figura, aut Prophetica reuelatione vidisse: aut reipsa; non quod viuus viderit, sed quod mortuus Christum venisse nouerit, tempusque illud exactum esse; quod vsque ad eius aduentum à Deo constitutum fuisse sciebat. Ex Aug.

57. *Dixerunt ergo Iudæi ad eum: Quinquaginta annos nondum habes, & Abraham vidisti?* Iridentes Christi verbum opponunt: Nondum habes quinquaginta annos, & vidisti Abraham, qui tot retro seculis fuit. Huius numeri annorum potius quam alterius casu: vel quia propter iubilæum esset venerabilis meminerunt: non quod Christus 50. esset annorum qui tricesimum tertium non excedebar; sed vt significarent quantum intercederet temporis inter eum & Abraham, quando etiam si haberet ætatem multò maiorem eâ quam agebat, Abrahamum vidisse non poterat. Numerum ergo hunc exponunt vt Christi ætati adiungentes annos, adhuc eius verbum falsum fuisse conuincant. Dicendum erat & Abraham vidit te: verum vt magis absurditas appareret, dicunt: & Abraham vidisti. Ex Greg.

58. *Dixit eis Iesus Amen, amen dico vobis, antequam Abraham fieret, ego sum.* Vel nasceretur, aut esset. Non dicit, ego fui, sed, ego sum, Sic superius, vt ostenderet Iudæis se eum esse qui

qui olim dixerat Moyſi, *ego ſum qui ſum*, ſuam diuinitatem palam aperiens. Ex Greg.

59. *Tulerunt ergo lapides ut iacerent in eum: Ieſus autem abſcondit ſe & exiuit de templo.]* Hanc vocem tanquam blaſphemam non ferentes, cucurrerunt ad lapides ut poena legis cōtra blaſphemos ſtatuta eum occiderent. Verum Dominus qui iam verbis ſuam diuinitatem ſignificauit eandem reiſa oſtendit, cum abſcondit ſe ab eis reddendo ſe illis inuiſibilem: ſicque exiuit è templo è manibus eorum elapſus, fugit tanquam homo à lapidibus. Sed veh illis à quorum lapideis cordibus Deus fugit, ait Aug.

C A P V T IX.

Cæco nato viſum reſtituit.

1. **E**T *prateriens vidit hominem cæcum à natiuitate.]* Statim ac è templo egreſſus eſt, miraculum hoc fecit ut ſermonem paulò antè de diuinitate ſua habitum confirmaret, & hoſtes confundens opere ipſo non vana & mendacia dixiſſe comprobaret. Quod dicit viſiſſe cæcum Chryſ. ho. 55. rectè interpretatur diligentius oculos in eum conuertitſſe. Attentè aſpexiſſe apparet ex diſcipulorum interrogatione. *A natiuitate* poſitum eſt, ad miraculi magnitudinem explicandam. Cæcus hic Gentilium populum designat, qui ſine lege, ſine Dei cognitione veluti cæcus à natiuitate erat. Chryſoſt. Cyr. Rup. Vel totum humanum genus

870 MANVALE IN EVANGELIVM

genus à natiuitate sua cæcum. Eph. 2. Ex Beda.

2. *Et interrogauerunt eum discipuli eius: Rabbi quis peccauit, hic, aut parentes eius, vt cæcus nasceretur?*] Discipuli existimantes hanc cæcitatem pœnam peccati alicuius esse, neque scientes an propter peccatum proprium, an propter alienum nimirum parentum, esset inflicta, Dominum interrogant, vtrius peccati, cæcitas hæc pœna fuerit, an proprii, an parentum. Vel fortè sensus est peccatumne originale quo in Adam peccauit, an actuale parentum eius meruerit vt cæcus nasceretur. At qua ratione hic peccare potuit antequam esset? Cyr. putat discipulos Iudæorum opinione imbutos fuisse qui putarent animas ante corpora creatas peccauisse, ac propter peccata in corpora detrusas, meliora peioraue pro merito cuiusque: quod Theoph. absurdum putat, ob homines præsertim literarum rudes. Leontius ait, non interrogare de præterito, sed de futuro peccato, & putasse Deum futurorum præscium cùm prospiceret fore vt natus peccaret, in futuro peccati pœnam cæcum effecisse à natiuitate. Chrysostom. Theoph. Non dubitantes an antequam natus esset cæcus, peccauisset, sed dubitantes quam culpa, quæ causa cæcus natus esset, interrogasse, quis peccasset, hic aut parentes eius, vt cæcus nasceretur: itaque potius significasse neque cæcum, neque parentes eius peccauisse, vt cæcus nasceretur, quam dubitasse. Ex Greg. Non dubium tamen quin propter parentum peccata filij morbo si sepe nascantur, & etiam moriantur: quod in Dauide factum legimus. 1. Reg. 12.

3. *Respondit*

3. *Respondit Iesus: Neque hic peccauit, neque parentes eius, sed ut manifestentur opera Dei in illo.*] Instruit discipulos non semper huiusmodi calamitates pœnas esse peccatorum, dicit igitur, *neque hic peccauit, neque parentes eius.* Restrungenda sunt verba responsionis per interrogationem: nempe. *Neque hic peccauit, neque parentes eius,* vt cœcus nasceretur: non quòd peccata non haberent, sed quod non propter eorum peccata natus sit iste cœcus. Peccauit igitur hic, peccauerunt parentes, sed non propterea natus est cœcus. Ratio autem cur cœcus natus est, hæc est, vt manifestentur opera Dei in illo, idest, vt opera diuinitatis in illa cœcitate curanda appareant, vt cognoscat Deus. Ex vers. sequenti apparet opera Dei appellare opera Patris, quia quæ sunt diuinitatis suæ, solet Christus Patri tribuere. Ex Chrys. & Beda.

4. *Me oportet operari opera eius qui misit me, donec dies est: venit nox quando nemo potest operari. Quandiu sum in mundo lux sum mundi.*] Subiungit causam cur hæc opera Dei sint manifestanda, quia inquit, oportet dum inter homines sum visibilis, opera Patris mei operari: hæc autem sunt miracula & signa, per quæ diuinitas mea est declaranda: venit enim & instat nox mortis meæ, quādo non erit oportunitas hæc faciendi. Donec ergo inter eos viuo tempus est opportunum: propterea hoc nunc tempus Patris aggrediar. Addit rationem quare donec dies est, idest præsens & visibilis est hæc opera debeat facere, quia, quandiu in mundo sum lux sum mundi, idest, dum inter homines viuo, lux sum eorum, docens ea quæ
ad

ad salutem eorum pertinent. Si igitur lux, veni in mundū vt illuminarem & docerem, dum sum in mundo, opportunum tempus est faciendi opera hæc, per quæ homines instruuntur. Et est metaphorica locutio sumpta à répoꝛe opportuno operandi: in die enim homines solent operari, nocte cessant, & vacant ab opere: sic tempus suæ præsentia in hoc seculo diem vocat. Ex Aug. Quia opportunum erat tempus docendi & opera ac signa visibiliter faciendi. At post mortem ascensurus est ad cœlos, nec visibiliter amplius cum hominibus conuersaturus: propterea nec per se iam docebit homines, nec miracula edet, sicut antè: non quòd per Apostolos non operetur semper & per prædicatores, sed quòd per se visibiliter non amplius hæc sit facturus, quæ ad redemptionem hominum pertinerent: non passurus, non moriturus, non docturus eorum homines, non præsens miracula facturus. Hoc enim iniunctum est ei à Patre vt per seipsum hæc faceret, sicut fecit. Ad hæc autem facienda opportunum tempus erat dum dies & præsens inter nos erat. *Oportet*, non necessitatem dicit sed præceptum, quod vt homo accepit à Patre. Quod ait, non potest operari, idest non est opportunum iam tempus operandi, vltra enim neque fides neque labores neque pœnitentia ait Aug.

6. *Hac cū dixisset expuit in terram & fecit lutum ex spūto, & liniuit lutum super oculos eius.* Instructis discipulis tanquam vera lux & mentes & corpora illustrans, pergit ad miraculum: quod nouo iam modo operatus est. Nam & luto ex spūto suo, & puluere terræ confecto, liniuit

liniuit oculos cæci nati. Tria operatur, expuit, lutum conficit tâquam materiam ex qua oculi conficiendi erant, & lutum apponit oculis. Oculos appellat illam imperfectam oculorum partem, quæ erat in concauitate; in qua oculi esse solent; non enim sensorium perfectum & integrum erat. At cur luto sanauit? Vt vis ac magnitudo miraculi appareret, quo nihil magis oculis cōtrarium: vt 4. Reg. 2. & 4. Reg. 6. Theodor. Cyr. Theop. Vt ostenderet se cum esse per quem & homo & omnia initio facta essent, quia eiusdē est artificis ex eadē materia & opus facere, & reficere. Ier. 13. Gen. 2. Ex sputo verò, non ex aqua lutum fecit, vt aliquid quod de corpore suo exiisset cæci oculos tangeret. Chryl. Theoph. vt ostenderet carnem suam medicam ac salutarem esse, cuius vel sola salua cœcum sanauisset. Cyr. per puluerem humanum corpus, per saluam quæ ore expuitur animam significari. Theoph. Alij incarnationis Christi mysterium designari, per puluerem humanam naturam; per saluam diuinitatem, significari, quæ ex cœlo quasi ex capite processisset. Aug. Beda, Rup. Vel significasse Christum iatus se plenum esse luminis. Amb. Ep. 75. Puluerem carnem nostram & carnales cogitationes, saluam diuinam gratiam significare. Greg. l. 3. in Iob c. 21.

7. *Et dixit ei: Vade & laua in natatoria Siloë, quod interpretatur missus. Abiit ergo & lauit venit videns.*] Postquam liniuit oculos cæci luto, ad natatorium mittit Siloë lauandum: non enim priusquam lauaretur, visum restituit. Dices quo modo nouit cæcus hic Christum esse, qui liniebat oculos eius, qui ei hæc præcipiebat? Respon

874 MANVALE IN EVANGELIUM

Respondeo vel ex turba, vel ex discipulis intellexisse Christum adesse, & ad eum accessisse, & locutum esse, quamvis Euāgelista non narret. At cur ad lauādum in piscinam mittit cœcum quem statim curare poterat? Chryf. Vt in longa via quæ per mediam vrhem erat conficienda quamplurimos & cœcitatibus & curationis testes colligeret. Euthy. vt appareret nō puluere, sed Christi virtute sanatum, cū iuberet puluerem statim lauando abstergere. Alij postquam nos Christus tetigit opus esse baptismi vt illuminemur, vt peccata nobis remittantur, vt experiretur huius cœci fidem, vtrū iret, vtrū in via hæsitaret; vt consequeretur præmium obedientia: lauit enim & venit videns. Ex Chryf & Euthym.

8. 9. 10. Itaque vicini, & qui viderant eum prius quia mendicus erat dicebant: Nonne hic est qui sedebat & mendicabat? Alij dicebant: Quia hic est. Alij: nequaquam, sed similis est ei. His verò dicebat: Quia ego sum. Dicebant ergo ei: Quomodo aperti sunt tibi oculi?] Recenset Euangelista varium hominum de eo miraculo iudicium, alios negasse, alios concessisse & affirmasse eum esse qui paulò ante in oculis totius ciuitatis mendicasset: in primis verò cœcum ipsum publicè professum se esse, qui prius cœcus cū fuisset, iam videret. Quod eo consilio Euangelista narrauit vt doceret non temerè miraculum creditum fuisse examinatum, exagitatūque etiam ab aduersariis Christi prius, negari tandem non potuisse. Ex Chryf.

11. Respondit: Ille homo qui dicitur Iesus lutum fecit, & unxit oculos meos; & dixit mihi: Vade ad natatoriam Siloe & lانا, & abij. & laui, & video.

video] Breuissimis verbis exponit interrogatus cœcus rei gestæ historiam : idque simpliciter, & sine vlla significatione gratiæ, quò maiorem fidem faciat : quæ causa fuit vt Christum minùs honorificè, quàm fortè cupiebat appellauerit. Ille, inquit, *homo qui dicitur Iesus*; quasi de alieno & sibi ignoto loquens. Theoph. Hominem vocat, quia nòdum sciebat esse Deum. Ex Chrys. & Theoph.

12. *Et dixerunt ei: Vbi est ille? Ait: nescio*] Quia Dominus paulò antè declinauerat Iudæorum furorem inuisibilis factus, ideo requirunt, *Vbi est ille?* non animo recto vt audirent & crederent, sed vt deferrent & ad Phariseos adducerat. Leōtius, vt eum quasi reum violati Sabbati accusarent, ideo cùm Christum quem querebant non inuenirent, cœcum ipsum loco illius ad Phariseos adducunt, vt ab eo diligentius ac subtilius examinato exprimatur confessio veritatis. Ex Chrys. Ait *nescio*. inuito similis erat: nondum videnti, prædicat, & nescit quid prædicet ait Aug. & Beda.

14. 15. *Adducunt ad Phariseos eum qui cœcus fuerat. Erat autem Sabbatum quando lutum fecit Iesus, & aperuit oculos eius. Iterum ergo interrogabant eum Pharisei. Quo modo vidisset. Ille autem dixit eis: Lutum mihi posuit super oculos, & laui & video.*] Hoc obiter Euangelista notauit vt calumniæ occasionem declaret. Non dicit fuisse Sabbatum cum Christus cœcum ad piscinam misit, sed cùm lutum fecit, cùm oculos eius aperuit. Nam ad piscinam ire in Sabbato & lauare licebat, sed lutum facere & oculos aperire videbatur illis nequaquam licere, quòd opus esset in Sabbato prohibitum. Ideo videtur

876 MANUALE IN EVANGELIVM

videtur fuisse aliquem post Sabbatum diem, cum hæc quæ nunc narrat acciderunt, cum vicini, & alij cum cæco disceptarunt, cum eum ad Phariseos adduxerunt. ex Mald. Non respondit, *Lutum fecit*, sed *lutum posuit*, quia illud ex coniectura sciebat; hoc autem sensu percipiebat. Certum relicto incerto prudenter respondet, ne ei, à quo beneficio tanto affectus fuerat, ex indiscreta responsione aliquo modo noceat & lædat.

16. Dicebant ergo ex Phariseis quidam; non est hic homo à Deo, qui Sabbatum non custodit. Alij autem dicebant: Quo modo potest homo peccator hæc signa facere? Et schisma erat inter eos.] Iam inungebantur quidam ait Aug. Non enim omnium Phariseorum hæc erat sententia; quamvis non omnes crediderint, tamen in diuersas sententias distracti sunt. Attende malitiam: Duæ erant in hoc casu illationes, vna est, visum cæco à natiuitate restituit; ergo hic à Deo est, altera in Sabbato parum luti confecit ad sanandum; ergo non est à Deo. Prior consecutio fortior est posteriore. Nam ex tanto facto multò veriùs concludebatur esse à Deo, quàm quia parum luti confecit, non esse à Deo; quod etiamsi non ad tantum opus faciendum confecisset, non propterea sequebatur esse contra Sabbati obseruantiam, cum sit minimæ considerationis ex salua parum luti conficere. Et esto fuisset in maiori quantitate, licebat medicis propter sanitatem incertam & dubiam tuendam, medicamenta etiam Sabbato conficere. At malitia excoecabat eos, vt relicta via certiori & veriori veritatis, ad vanas rationes se conuerterent. Magis sapiebant qui argu-
menta

mentabantur non posse hominē peccatorem, idest qui à Deo nō esset ea edere miracula, quæ Christus edidisset. Non quòd non possint, sed quòd rarò faciant, vt diximus Mat. 7. 22. Itaque efficax argumentum istorum erat, futurum omnino necessarium, si adiecissent, neminem posse ea signa facere quæ Christus faciebat, & eo modo quo faciebat, propria virtute, subque imperio, nisi à Deo, atque à Deo Deus esset. Ex Chryl.

17. *Dicunt ergo cæco iterum: Tu quid dicis de illo, qui aperuit oculos tuos? Illi autem dixit: Quia Propheta est.* Cum inter se dissentirent, illi pro Christo: ambiguitatis iudicem cæcum ipsum constituunt, sperantes eum qui Christi virtutem erat expertus, illis patrocinaturum, quod probat Chryl. Hom. 57. Quia non dicunt, quid dicis de eo, qui Sabbatum soluit? sed, de eo qui oculos tibi aperuit. Præterea qui contra Christum sentiebant, non ad eum qui beneficio erat affectus se conuerterunt, quem bene de benefactore sensurum & locuturum putabant. Ergo, tacitam causam & illationem indicat, nempe quia dissentiebant, idcirco ad cæcum ipsum se conuertunt, vtri parti faueret scire cupientes. Cæcus autem Prophetam esse dicit, quo verbo à Deo esse, & diuina virtute miraculum editum confitetur. Quamuis autem nondum perfectam tunc fecerit confessionem, fuit tamen vera, & recta, licet cum articulo Propheta ponatur. Dicit *iterum*, quia primū fuerat interrogatus à vicinis & aliis ciuibus Hierosolymitanis. vers. 10. Deinde secundò à Pharisæis: nunc iterum, idest tertio ab eis, sed non iisdem interrogatur: adhuc inunctus in corde

878 MANVALE IN EVANGELIUM

corde nondum Dei filium confitebatur ait Augst.

18. 19. *Non crediderunt ergo Iudai de illo quia cæcus fuisset, & vidisset, donec vocauerunt parentes eius, qui viderat: & interrogauerunt eos dicentis: Hic est filius vester, quem vos dicitis, quia cæcus natus est, quo modo ergo nunc videt?* Illi ipsi qui antè dixerant, *N n est hic homo à Deo qui Sabbatum non custodit*; Illi qui contra Christū sentiebant: vt aorat Euthym. non crediderunt, illum hominem cæcum natum fuisse. Et notanda particula *ergo* Nam ex superioribus deducit sequentia, vt sit sensus, illi qui à Deo esse Christum negabant, audientes cæcum illi fauere parti à Deo esse dicentium, cum non haberent aliud refugium, negarunt factum. Nam eo admissio non supererat quo se tuerentur, sed à Deo esse factum consentire cogebantur. At quò magis veritatem oppugnabant, eò veritas magis vt solet confirmabatur. Chrys. Ho. 57. Parètes hominis aduocant vt ab eis veritatem inquirant, quo facto seipsos condemnant: si enim veritas constabat, vana erat parentum aduocatio: si autem incerta cur sententiam protulerunt dicentes, *Non est hic homo à Deo qui Sabbatum non custodit?* Præterea, quod valde annotandum est, si iudicarunt Sabbati esse transgressorem quia lutum fecit, cur non crediderunt, illum hominem cæcum fuisse, cum potius id credere deberent, vt ansam accusandi haberent quod lutum fecerit? At senserunt reuera plus posse miraculum ad confirmandū esse à Deo quàm lutum illud ad probandum à Deo non esse. Ideo miraculum occultare voverunt. *Varia & cæca & inconstans, malitia.*

Hebra

Hebraismus est; Hic est filius vester, & si est
 filius vester, estne cæcus natus, & si cæcus na-
 tus est, quomodo igitur nunc videt? Tria inter-
 rogant. Forſan ſperabant Iudæi parentes ti-
 more percuſſos aliquid contra veritatem di-
 cturos, quo miraculum obſcuraretur. Vel ex-
 periri voluerunt ecqua in re parentes à filij
 teſtimonio diſcreparent, vt anſam inde aſripe-
 rent dicendi rem eſſe compoſitam, aut non
 fuiſſe natum hominem illum cæcum, aut non
 miraculo ſed magica arte curatum eſſe: vt ait
 Chryſ.

20. 21. *Reſponderunt eis parentes eius, & dixe-
 runt eis; Scimus quia hic eſt filius noſter, & quia
 cæcus natus eſt. Quomodo autem nunc videat neſci-
 mus. Ipſum interrogate, ætatem habet, ipſo de ſe
 loquatur.]* Ad tria reſpondent. ex Chryſ. ſe ſcire
 filium ſuum eſſe, natumque fuiſſe cæcum, ter-
 tium quomodo videat, reſpondent ſe neſcire.
 Timore autem Iudæorum inquiſitionem in
 ipſum filium conuertunt, ætatem legitimam, vt
 in iudicio inquiri poſſit, habere affirmantes:
 quo verbo eius confeſſionem legitimam fore
 teſtificantur: quod etiam Iudæorum animos
 magnopere confundit. Tol. Credibile eſt audi-
 viſſe iam parentes à filio ſuo, quo modo à
 Chriſto curatus fuiſſet, ſed quia id non niſi ex
 eius teſtimonio ſciebant, & aliquid periculi
 in ea re eſſe videbatur, cautè verèque reſpon-
 dent ſe neſcire, ætatem habere vt pro ſe re-
 ſpondeat. iuſte cogeremur loqui pro infante,
 quia pro ſe loqui non poteſt ait Aug.

22. 23. *Hæc dixerunt parentes eius, quoniam
 timebant Iudæos: iam enim conſpirauerant Iudæi
 vt ſi quis eum conſiteretur eſſe Chriſtum, extra*

P p

Synæ

Synagogam fieret : propterea parentes eius dixerunt : quia aetatem habet, ipsum interrogate.] Reddit causam Evangelista cur ea cautione parentes in loquendo vsi sint, quia Iudæos, idest Phariseos & Iudæorum principes timebant, quos sciebant aduersus Christum conspirasse, idest communi consensu decretum statuuisse, vt quicumque confiteretur Christum esse, excommunicatus extra Synagogam eiiceretur, idest publicis conuentibus interdiceretur. Iam non malum erat, fieri extra Synagogam, illi expellebant : Christus suscipiebat ait Aug.

24. *Vocauerunt ergo rursum hominem qui fuerat cæcus, & dixerunt ei : Da gloriam Deo. Nos scimus quia hic homo peccator est.]* Parentum testimonio conuicti sunt, vt crederent cæcum natum esse, nec amplius dubitarunt de facto. Vocant ergo iterum, idest tertio cæcum accersunt, finguntque se ex eius parentibus, aut ex seipsis, aut aliunde certò scire, Christum hominem esse peccatorem, proinde eum frustra veritatem negare, conuictum certis argumentis prius mentitum esse, remque omnem à Christo subornatum composuisse; melius consulturum sibi ipsi, si sponte quod res est confiteatur. Solent iudices vt à reis confessionem exprimant veritatis, fingere se aliunde rem scire, multos eius rei se testes habere. Dicunt : *Da gloriam Deo.* q. d. nega quod accepisti ait Aug. Hoc tu confitere, & nostro testimonio crede. Modus est loquendi Hebræis vsitatus, quo solebant rei tanquam per Deum adiurati solemni ritu interrogari, admoniti his verbis se stare coram Deo, reuerendam sibi eius esse maiestatem: ne ergo coram illo mentirentur qui omnia probè

ptobè sciret: vt Ios. 7. Ex Chryl.

15. *Dixit ergo eis ille: Si peccator est nescio; unum scio quia cæcus cum essem, modo video.*] Sentit Chryl. hoc cæcum illum ex animo non dixisse, nec tamen mentitum fuisse. Sciebat enim profectò Christum peccatorem non esse, quem Prophetam, idest virum sanctum confessus fuerat, vers. 17. Sed dicit se nescire, idest nolle se de ea re disputare, nolle id magis dicere, quàm si nesciret, nolle verbis agere sed rebus, si dixerit eum non esse peccatorem nihilo magis illos esse credituros, hoc se vnum scire se cæcum fuisse. Euthym. verò putat hæc non nescientis, non dubitantis, sed Pharisæorum nugas iridentis esse verba, quasi non tam dicat se nescire, quàm se mirari quod id illi nesciant, quod id interrogent. Potest & hic esse sensus, nescio, idest non debeo ego de ea re iudicare, non est meum officium, nec vos de ea re quærere debetis, nec ego respondere magis volo quàm si nescirem. Et reus non debet ad ea quæ iudex ineptè & præter ordinem iuris interrogat, respondere. Vel voluit Christum à rei testimonio, & non à sua voce ab incusatione eripere ait Aug.

26. 27. *Dixerunt ergo illi; Quid fecit tibi: Quo modo aperuit tibi oculos? Respondit eis: Dixi vobis iam, & audistis, quid iterum vultis audire? Nunquid & vos vultis eius discipuli fieri?]* Iam audierant ab illo quod sibi fecisset vers. 15. sed interrogant iterum quid sibi Iesus fecerit sperantes se aliquid audituros quod in calumniâ rapere possent, & vnde ostendere possent modum miraculi non fuisse diuinum, aut ex re aliter narrata falsitatem comprobare posse,

882 MANVALE IN EVANGELIUM

aut aliquid grauius quo Sabbatum omnino violatum videretur. Nam digito ex puluere & sputo lutum fecisse, liniuisse oculos, nimis leue ad accusationem videbatur. Ille ineptam & pertinacem quæstionem indignatus, acerbius quam autè respondit, pungens simul illos & irridens: *Nunquid & vos vultis eius discipuli fieri?* Nihil inflatis scientiæ opinione Pharisæis dici potuit contumeliosius, quàm eos posse aut velle discipulos fieri. Indicat quid si saperent facere deberent. ex Chryf. Deinde se eius esse discipulum: hanc enim vim habet particula, *Et vos. q. d.* Sicut & ego discipulus eius sum. ait Aug.

28. *Maledixerunt ergo ei, & dixerunt: Tu discipulus illius sis, nos autem Moyfi discipuli sumus.*] Q. d. Esto tu, vt es discipulus illius. ex Chryf. Nos Moysem meliorem habentes præceptorem eius discipuli esse nolumus. Tu, per conuitium est dictum.

29. *Nos scimus quia Moyfi locutus est Deus: hunc autem nescimus, unde sit.*] Causam afferunt cur se Moyfi discipulos iactent, & Christum auersentur, quia sciunt Moyfi locutum Deum esse, & illum esse à Deo missum: at vnde sit Christus, idest an à Deo sit missus nesciunt. Profectò & maiora & efficaciora signa habuerant vt intelligerēt Christum esse à Deo, quàm vt scirent Moyfi locutum esse Deum: & tamen impij & increduli illud scire, hoc se nescire dicunt. Cum dicunt, *hunc*, contemptum de illo loquuntur, & cum addunt, *nescimus unde*, significant ex adulterio, ignoto patre natum. Leontius.

30. *Respon*

30. *Respondit ille homo, & dixit eis: In hoc enim mirabile est, quia vos nescitis, unde sit, & aperuit oculos meos.*] Arguit modestè affectatam aut dissimulatam eorum ignorantiam, quia dixerunt, *Nescimus unde sit*: Et est sensus, Valde miror quomodo vos ignoretis unde sit homo, à quo missus, an sit ex Deo, aut unde, idest qualis sit, iustus an peccator; cùm ex tanto miraculo facilè cognosci possit unde sit. *Mirabile*. q. d. Vix credi potest vos ignorare, unde hic homo sit. Est enim ignorantia nimis indigna vobis, qui tantam scientiam profitemini: aperire enim oculos cæci nati opus est clarè indicans à quo sit homo, qui eos aperuit. Ea quæ per visum cognoscitis, auditu minoris æstimatis, ait Chryl.

31. *Scimus autem, quia peccatores Deus non audit: sed si quis Dei cultor est, & voluntatē eius facit, hunc exaudit.*] Exponit cur mirabile sit eos ex tanto opere id ignorare. Nam tritum est, & ego idiota, & omnes mei similes scimus, Deum peccatores non exaudire, sed eos qui colunt eum, & voluntatē eius faciunt. Si igitur iste exauditus est à Deo, cùm tantum opus nō nisi à Deo sit, profectò peccator nō est sed cultor Dei, & voluntatem eius facit. Nota duas partes hominis iusti vt sit cultor Dei, quantum ad fidem & religionem, & vt impleat diuina mandata. Fides & charitas faciunt hominem iustum, & à Deo. Tol. Quærunť quomodo in vniuersum verum sit Deum peccatores non exaudire. Aug. & Beda putant cæcum illum tanquam catechumenum aut neophytum locutum esse, qui non satis institutus à Christo, ge-

neraliter pronūciauit quod generaliter verum non est. Abutebantur hoc loco Donatistæ, putantes irrita esse Sacramenta per peccatores administrata, & S. Cyp. docens baptismum ab hæreticis datum esse repetendum. At cū peccator Sacramentum administrat, non est peccator, sed Christus qui exauditur. Et videmus aliquando audiri peccatores non solū cum veniam à Deo suorum peccatorum petunt, qui Deus semper paratus est dare; sed etiam cū alia petunt bona, quæ non ad corpus sed ad animam pertinent. Theoph. & Leontius: Non sic Deus audit peccatores vt per eos ad declarandam eorum sanctitatem miracula faciat: de hac enim re agebatur. Tota ratio duobus principiis nixa est, quæ quamuis cæcus non expresserit, intelligi tamen voluit. Alterum est omnes homines qui miracula faciunt precibus facere, id est non propria auctoritate, sed impetrata precibus à Deo faciendi potestate. Alterum, Christum tanquam purum hominem miracula facere. Illud quidem verum est; in hoc secundo cæcus errabat. Ex Mald.

32. 33. *A seculo non est auditum, quia quis aperuit oculos cæci nati; nisi esset hic à Deo non poterat facere quicquam.]* Probat à Deo exauditum ex opere quod à seculo nemo fecit: quod indicat opus esse Dei: & non qualecumque, sed quod nemo Prophetarum, qui à Deo sunt missi, fecit. Concludit ex hoc esse à Deo. Agnosce spiritum Domini, quo idiota doctores conuincit, libertatem qua Christum confitetur & defendit, cū ab omnibus etiam parentibus esset derelictus. Hoc afflatus spiritu iam non dicit, Nescio an peccator sit, sed palam

SECUNDVM IOAN. CAP. IX. 885
palàm à Deo esse confiteretur. Ex Chryf.

34. *Responderunt, & dixerunt ei: In peccatis natus es totus, & tu doces nos?*] Cum ferre non possent tam manifestam & conuincentem redargutionem, ad cōuitia furore perciti se conuertunt, superbiam suam detegentes. Tu, inquiunt, natus es totus in peccatis, & nos doces? Natum totum in peccatis dicunt, quia non solum quantum ad animam natum in peccato existimabant, vt Psalm. 50. Sed quia percussum cæcitate natua corporis propter peccatum putabant: peccatum ergo culpa animam, corpus verò pœna affecerat. Ideo dicunt totum in peccato natum, quasi ipsi toti in peccatis non essent. Vel *totus* idest à prima ætate in peccatis es ait Chryf.

Et eiecerunt eum foras.] E Synagoga eiciunt, eum excommunicant, & à consortio Iudæorū, qui tunc fideles habebantur, separant. Alij extra templum. Alij à loco iudicij. Mald domo priuata, ex loco in quo erat, tanquam hominem stultum, & indignum cum quo tanti magistri disputarent quem magistrum ipsi fecerant ait Aug.

35. 36. *Audiuit Iesus, quia eiecerunt eum foras, & cum inuenisset eum, dixit ei: Tu credis in filium Dei?* Respondit ille, & dixit: *Quis est Domine ut credam in eum?*] Non destituit Dominus, qui propter confessionem eius conuitia & contumelias passus erat, & adhuc pœnam ejectionis sustinebat; sed eum excipit, nec casu sed consilio & misericordia quæsitum inuenit, & quod ei ad perfectam fidem decrat, cumulissime donauit. Cūm dicit, *Tu credis in filium Dei?* cum artic. in illum, vt de vero & naturali,

se loqui significet. Interrogatio non tam ad intellectum quam ad voluntatem refertur, ut sit sensus, vis tu in filium Dei credere? semper enim Deus arbitriū hominum quærit, ex Tol. in eorum salute & fide concilianda. Ille se paratum exhibet modo sciat, doceri petit. **Quis est Domine filius Dei?** cum si mihi demonstra-uerū, credere in eum paratus sum. Dum Christus exterius hominem interrogat, interius operatur, ut possit & velit agnoscere Dei filium. *Tu credis*, i. vis & paratus es credere? ut Io. 13. Tu mihi lauas pedes? Io. 10. Propter quod opus me lapidatis? idest, vultis lapidare. Tol.

37. *Et dixit ei Iesus: Et vidisti eum, & qui loquitur tecum, ipse est.*] Quod petit cæcus ostendit Christus. Et vititur artificio diuino. *Vidisti*, inquit, *eum*. Non dicit, ego aperui tibi oculos, nec, ego sum: sed modestè & efficaciter opus factum ei proponit: *Vidisti*, inquit, *eum*. q. d. qui cæcus natus es, iam vidisti eum à quo illuminatus es: ex tuo ipso visu recepto facile cognosces, quis sit filius Dei, nempe ipsemet à quo visum recepisti, & qui tecum loquitur. Seipsum in tertia persona indicat: non tam propter modestiam, quam ut in illa carne quæ videbatur, diuinitatem filij Dei latere doceret: quasi non id tantum esset quod exterius videbatur, sed id quod per se latebat: & per illud quod exterius apparebat, videbatur, & loquebatur. Chryf.

At ille ait: Credo Domine, & procidens adorauit eum.] Efficacia Christi illuminantis: interius credit, ait Chryf. & exteriori verbo profiteretur. *Credo*, inquit, *Domine*; nempe te esse Dei filium.

filium verum. Nec contentus verbo ipso, facto & cultu vt Dei filium reueretur & colit; pro-
eiciens enim adorauit eum. Illuminatus perfe-
ctè corpore, sed perfectius anima, non vt Pro-
phetam, sed vt Dei filium recipit & veneratur.
ait Beda.

39. *Et dixit ei Iesus: In iudicium ego in hunc mundum veni, vt qui non vident videant, & qui vident cæci fiant.*] Pronomen, *ei*, non habent Græca; sed tantum, *Et dixit Iesus*: vt intelligatur non ei tantum Dominum hæc dixisse, sed omnibus audientibus & præsentibus. Adoran-
te igitur homine illo, eius Dominus fidem contemplans profert hanc sententiam: Cuius sensus est, Meo in mundum aduentu hoc vnum consecutum est, nempe iudicium & discretio multorum in partes contrarias, vt illi qui non videbant, & simplices & ignorantes erant, vi-
sum mentis receperint credentes; qui verò vi-
debant, quia scientiam legis & scripturarum profitebantur, cæci facti sunt per incredulita-
tem. Hoc propter cæcum illum dixit, cui cum simplex & idiota esset, datum est in filium Dei credere, & eum cognoscere, cuius etiam multi similes fuerunt. At illi legis doctores & Phari-
sæi sapientes & scripturas tota die scrutantes visum mentis, quem habebant, perdiderunt, & incredulitate extæcati sunt. *Vt nō causa sed consecutio est.* Tol. Simile est Luc. 2. *Hic positus est in ruinam & resurrectionem*, quod dictum est ad Phariseorum terrorem & confusionem, vel in iudicium, idest, in maius supplicium. Ex Chryl.

40. *Et audierunt quidam ex Phariseis, qui cum ipso erant, & dixerunt: numquid & nos cæci sumus?*]
P. p. 5.

sumus?] Deridentes hæc opponunt, & sensus, ore tuo audiuius nos esse cæcos, & ecce videmus nunc, nec cæci fuimus, sicut iste, vt nunc videremus. Quod de cæcitate spiritali dixerat Christus, de corporali interpretantur per irrisiõnem & contemptum. Illud, & nos, copulant cum illo cæco. q. d. Fuimus nos etiam cæci, sicut iste, cum nunc videamus? tu enim dicis cæcos visuros, & videntes cæcos aduentu tuo futuros. Ex Chryl.

41. *Dixit eis Iesus: Si cæci essetis non haberetis peccatum: nunc verò dicitis, quia videmus: peccatum ergo vestrum manet.*] Sermone[m] irrisorium Christus ad serium sic conuertit: Si fuissetis cæci ea cæcitate, qua ego intelligo nunc, i. ignorantes & simplices, nō haberetis peccatū, nempe infidelitatis. At vos dicitis videre, i. esse de numero videntium: idcirco cæci estis, i. infideles, & peccatum vestrum infidelitatis manet. Illi dicebant se videre corporaliter: tamen Christus applicat verbum visioni mentis, quia reuera existimabant se sapientes & doctores, & propterea excæcati sunt, quia potuerunt cognoscere veritatem & noluerunt. Illud autem, *Si cæci essetis*, intelligendum est de numero eorum, de quibus dictum est, *Veni vt qui non vident videant*: tales enim visum receperunt: non autem de numero eorū qui cum vidissent cæci facti sunt: hi enim peccatum habent. Dicit autem, *peccatum vestrum manet*, non tantū propter peccata cætera ultra infidelitatem, quorum remissionem non obrinuerunt, infidelis enim in sua infidelitate nullius peccati obtinet remissionem, ideo eius peccata manent: sed etiam propter ipsum peccatum infidelitatis.

delitatis & excæcationis culpa ipsorum contractum, in quo adhuc perseuerabant. Si cæcos vos, i. peccatores esse sentiretis non haberetis peccatum, quia peccati remedium quæreretis, quia ad spirituales medicum veniretis, quia accederetis ad Agnum Dei, qui tollit peccata mûdi, & à peccato vos liberaret: sed quia dicitis apud vos, i. putatis Hebr. vos videre, peccatum vestrum manet, i. non curamini, sed in cæcitate vestra permanetis. Vel si cæci essetis, idest, inscij scripturarum, tam grande peccatum vobis non incumberet. Ex Theoph.

C A P V T X.

Differit de vero Pastore & ouibus.

1. 2. **A** Men, amen dico vobis: qui non intrat per ostium in ouile ouium, sed ascendit aliunde, ille fur est & latro. Qui autem intrat per ostium pastor est ouium.] Hæc cum præcedentibus à Domino, continuò sunt dicta. Notandum Pharisæos illo facto impio quo cæcum à Christo illuminatum, propter eius confessionem eiecerunt, duo mundo significasse. Vnum est, eos Christum, non verum Messiam, sed pseudopropheta ac seductorem reputare, & talem ab omnibus esse habendum, quales tunc proximis diebus aliquos experti erant seditiosos & seductores: de quibus Act. 5. & Ioseph. lib. 30. antiq. c. 4. Alterum est, quod ex priori sequebatur, omnes eos qui ipsum confitebantur, & in eum credebant, esse seductores, & errantes,

errantes, quales apud nos sunt hæretici, aut apostatæ à fide. Idcirco eos à Synagoga veluti à fidelium numero separatos eiiciebant. Dominus ergo ob causam hanc, has imposturas repellere decreuit. i. eorum cæcitatem redarguit, quod non videant nec agnoscant veritatem quam idiotæ & humiles erant assecuti. Et contra eorum imposturas duas statuit veritates, vna est, se non solū seductorem & pseudo-prophetam non esse, sed potius eos omnes esse seductores qui per ipsum non intrant, tanquam verum ostium ouilis: illos verò esse veros & legitimos pastores, & Prophetas, qui per ipsum intrant. Altera est, eos qui in ipsum credent & ipsum recipiunt, non solum non esse extra numerum fidelium, imò neminem esse de ouili Dei, nec inter oues, & fideles computandum, qui in eum non credit, nec per ipsum intrat. Parabola igitur de fure & pastore & ostio, priorem veritatem ostendit, quæ quia erant magni momenti dicit, *Amen, amen dico vobis*. Ostium ouilis discernit oues à furibus & latronibus: fures quia latere & securè rapere quærunt, ostium fugiunt ne in eos pastores insurgant; latrones aditum facilem per ostium non sperantes ab ostio diuertunt. Vtrique ergo viam sibi facientes septa aut maceriam trāsiliunt: ideo ascendere aliunde dicuntur. At pastor ingressum facilem habens, nec latere quærens, cum nihil timeat, non ascendit aliunde, sed intrat per ostium. Fures insidiantur, & occulta fraude decipiunt latrones, audacter aliena diripiunt: fures rebus, latrones etiam vitæ insidiantur. Ex Chryl.

3. *Hic ostiarium aperit, & oues vocem eius audientes,*

diunt, & proprias oves vocat nominatim, & educit eas.] Pastoris condiciones prosequitur, vt à fure & latrone adhuc magis secernatur: vt se esse verum pastorem & Christum manifestet. Nam primus & princeps pastorum aliqua habet communia cum pastoribus suis, quos vt ministros & vicarios in ouili constituit. Prima conditio pastoris est ingressus per ostium. 2. ostiarius aperit. 3. ab ouibus ex voce cognoscitur. 4. nominatim vocat eas. 5. ex ouili ad pascua educit. Chrys. Hom. 58. Ostium sunt diuinæ scripturæ, legis, & Prophetarum: per eas intrat Christus, per eas agnoscitur. Ostiarius verò est Moyses. Vel Christus ipse est ostiarius, quatenus per ipsius fidem ingressus patet in ouile Ecclesiæ. Spiritus sanctus ostiarius, qui aperit sensum scripturarum: vel Deus generaliter. Ex Aug.

4. 5. 6. *Et cum proprias oves emisit, ante eas vadit, & oves illum sequuntur quia sciunt vocem eius; alienum autem non sequuntur, sed fugiunt ab eo, quia non nouerunt vocem alienorum.*] Sexta conditio boni pastoris est quod ante oves emissas vadit viam dirigens ad pastum, & oves sequuntur eum ante euntem, quia vocem agnoscunt. Non debet pastor Ecclesiasticus gregem sequi, sed ducere ad veritatem, ait Chrys.

7. *Dixit ergo eis iterum Iesus, Amen, amen dico vobis, quia ego sum ostium ouium.*] Cum non intelligerent Pharisæi allegoriam sententiæ præcedentis, asseueranter se ostium ouium esse dicit: vt enim per ostium aditus & ingressus patet in ouile, sic per Christum & fidem in ipsum ingrediendum est in Ecclesiam Dei, & ita regnare

892 MANUALE IN EVANGELIUM

regnum cœleste : qui enim de Christo non rectè sentit , ab ouili hoc excluditur , nec ei patet ingressus. Quibus verbis significat Phariseos esse extra Dei , & Christi Ecclesiam ; cœcum verò ab eis eiectum , non esse exclusum ab hoc ouili , hic enim per ostium verum intrauit. Illi autem ostium hoc , per quod ingredi oportebat , respuerunt. Nec obest quod infra dicatur pastor , hic ostium. Nam si se pastorem hic dixisset , non videretur eos excludere ab ouili sicut manifestè excludit , quando se ostium dicit ; qui enim non intrant per ostium fures sunt. Et cum dicit , *ouium* , significat se non tantum esse ostium pastorum , sed etiam ouium : & rursus omnes intrantes , esse oues , siue pastores sint , siue tantum oues. Ostium ergo Christus est per quod oues & pastores oportet in Ecclesiam Dei ingredi. Aug.

8. *Omnes quotquot venerunt fures sunt, & latrones : sed non audierunt eos oues.*] Clarius parabola explanationem aperit contra pastores falsos , quos ait esse latrones , quia se ostium ouilis & ouium faciebant , & eas à vero Christo auertebant , sibi pastoris officium usurpantes. Sic autem restringenda est sententia per præcedentem : Omnes qui venerunt se pastores ouium dicentes , aut Christum se esse iactantes , quia per ostium verum non intrarunt , fures fuisse & latrones , cum non aliud sit ostium præter Christum : & qui per eum non intrant oues non sunt , multo minus pastores : quahs fuit Theodas & Iudas , Act. 5. Hi enim sunt fures & latrones. At Christus est verum ostium ; & qui per ipsum non intrat de ouili non est. In Græco est , *venerunt ante me.* Veri Prophetæ

Prophetæ non venerunt, sed missi sunt. Ier. 23. Philosophi etiâ excluduntur qui falsa dogmata tradiderunt, se hominum magistros & doctores facientes. Alij limitant sic: quotquot venerunt se Christum esse seu Messiam annuntiantes. Alij extendunt ad eos etiam qui quod Christo erat proprium modo aliquo vsurpabant: de quibus Act. 5. Et quamuis aliqui eos receperint, tamen cum ipsis petierunt. Electi autem & fideles veri non audierunt eos. Et si fuissent veri pastores, oues vocem eorum audiissent. Nam nouit Dominus qui sunt eius ut notat Aug.

9. *Ego sum ostium: per me si quis introierit saluabitur: & ingreditur & egredietur, & pascua inueniet.*] Repetit se esse ostium: prius dixerat se esse ostium pastorum: nunc ouium & omnium qui in ouile intrant. Qui per me, inquit, introierit vitam habebit, & saluabitur. Et sumitur similitudo ab ostio ouilis: sicut enim oues in ouile per ostium intrantes, ibi conseruantur à lupis: sic qui in Ecclesiam intrant, vitam habent, & ab hostium potestate liberantur: extra quam Ecclesiam salus, & spiritualis vita non est; nam perierunt qui fures secuti sunt Act. 5. Quia erant ostium in acelli, non ouilis. Non solum qui per Christum in ouile Ecclesiæ ingreditur, salutem & vitam consequitur: sed in omnibus suis actionibus, & operibus, siue occultis, siue manifestis, dirigatur & prosperatur. Et est metaphora ab ouibus quæ siue ingrediantur, siue egrediantur, quocumque se conuertunt pascua inueniunt, tanta est fecunditas & vbertas ouilis Christi, quæ est sancta Ecclesia. Hebr. Egressus & ingressus dicuntur

894 MANVALE IN EVANGELIVM

dicuntur omnia negotia, & opera hominis: ut 1. Reg. 3. & 3. Reg. 3. Sic dicitur, quocumque se vertat reperiet spirituales refectio- nem, seu escam doctrinæ divinæ & gratiæ. Psalm. 22. Ezech. 34. Vel ingressus intelligi- tur in Ecclesiam; egressus autem è mundo in cœlum. Aug. & Beda Ingredi homines intra seipsos cum contemplationi, egredi quodam- modo extra se cum actioni vacant. Chrys. con- iunctim legendum ingredi & egredi, & nihil aliud esse quàm securitatem quovis eundi; quidvis pro Christi gloria agendi, patiendique significare. Vel ingreditur ad fidem, egredie- tur ad spem. Ex Greg. sup. Ezech. Ho. 13. Vel ingredi dicitur cui est curæ homo interior, egredi vero qui hominem exteriorem, idest membra quæ sunt super terram mortificat in Christo. Ex Theoph.

10. *Fur non venit nisi ut furetur, & mactet, & perdat: ego veni, ut vitam habeant & abundan- tius habeant.*] Ostendit se esse verum ostium, non autem illos qui ante venerant, quia illi in ruinam & destructionem venerunt, Act. 5. At ipse venit ut vitam habeant gratiæ in seculo & abundantius in futuro æternam cōsequantur. Sic Aug. & Chrys. ho. 58. Adhuc in hoc seculo vita gratiæ datur, & abundantius datur, quia iustus in gratia augetur, & magis ac magis cre- scit. 1. Thes. 4. *Sic & ambuletis ut abundetis ma- gis.* Rursus, *ut vitam habeant*, i. liberentur à malis. *Et abundantius habeant*, i. fruantur bonis: venit enim ut qui credit in eum non pereat, sed habeat vitam æternam. Rursus, *ut vitam ha- beant*, quam per fidem in me venturum habe- bant. *Et abundantius habeant*: nam maior & copiosior

copiosior est Euangelij quàm quæ in lege datur gratia. Vel abundantius pro abundanter, idest, in dies perfectiorem. Gr. non solum vitam habeant, sed sanæ etiam, vegetæ & pingues sint. Quammetaphora bonum fœlicemque eorum qui in ipsum credunt, aut præsentem aut futurum statum declarat.

11. *Ego sum pastor bonus. Bonus pastor animam suam dat pro ouibus suis.*] Ne quis putaret Christum solum esse ostium, quasi alius esset pastor, qui per eum intraturus esset, adiunxit se etiam esse Pastorem, & quidem bonum: non quemcumque, sed illum verum, & principem pastorum. Pastorem autem bonum se dicit, ut non solum se à latronibus & furibus separaret, sed ab aliis qui curam veri pastoris nō habēt, & mercenarij dicuntur, & ab iis etiam qui boni sunt, per ipsum tamen intrant in ouile ouium. Cum ait duplici, ego sum ille pastor, ille bonus promissus à Propheis, Ezech. 34. Zach. 13. 1. Pet. 5. & 1. Pet. 2. Proprius ouium pastor, ideo pro illis vitam pono: quod non faciunt mercenarij. ex Greg.

12. *Mercenarius autem, & qui non est pastor, cuius non sunt oues propria, videt lupo venientem, & dimittit oues, & fugit, & lupo rapit, & dispergit oues.*] Non sic se habet mercenarius, sed vitam propriam ab omnibus periculis liberā conseruat, etiam cum detrimento ouium. Non sic Dauid 1. Reg. 17. Per lupo omne periculi genus intelligit. Quod dicit lupo rapere & dispergere oues, si ad oues Christi accommodetur intelligendum est, quantum in ipso pastore est, qui eas in medio periculo & in faucibus lupi relinquit, si non rapiuntur, si non disper-

disperguntur, non mercenarij, qui fugit, sed Christi boni pastoris, qui nunquam gregem suum deserit, sit diligentia. Christus enim est qui dicit, *& nō rapiet eas quisquam de manu mea.* Lupi hæretici sunt, vel diabolus. Ex Aug.

13. *Mercenarius autem fugit, quia mercenarius est, & non pertinet ad eam de ouibus.*] Græc. Quia non est illi cura de ouibus: non quod nulla illi cura sit, sed quod non tanta, quàm de vita sua. Vel quia ipse mercedem solam quærit, ideo quando pereunt, oues ipsi non pereunt, nec datum ei referunt, quia solam mercedem ex custodia ouium habet; propterea fugit & vitæ propriæ consulit, terrenis commodis inhiat, honore prælationis gaudet ait Greg.

14. *Ego sum pastor bonus, & cognosco oues meas, & cognoscunt me mea.*] Repetit eandem sententiam non solum ut magis affirmet, sed etiam ut postquam se distinctum à mercenariis & furibus esse probauit, ab aliis omnibus etiam bonis pastoribus secernatur, sc̃que illum vnicum & verum promissum pastorem ostendar. Quod probat 4. argumentis à signo sumptis. Primum est, & cognosco oues meas. Et pro quia. Pastores non cognoscunt oues suas distincte nisi aliquo signo notentur. At Christus verus & proprius pastor nouit oues suas, etiam nullo signo distinctas. Multi enim sunt & fuerunt inter infideles & peccatores, qui oues sunt Christi, nullum in se, quo ab aliis dæmonis ouibus secernantur signum habentes: tamen nouit eas Christus & ad se trahit. 2. Timot. 2. Cognoscit Dominus qui sunt eius, etiam antequam fiant: & non tantum exteriora ouium, sed intima
cordis

cordis perspicit. Et notandum quamuis generaliter oues Christi sint credentes in eum, tamen particulariter hic loquitur de electis, & prædestinatis, qui oues in æternum sunt futuræ. Illas nouit sed particulari modo, quia intellectu & affectu in eas fertur, quæ nunquam sunt auellendæ ab eo licet ad tempus errent. Secundum argumentum à secundo signo est, oues etiam meæ me cognoscunt. Electi & prædestinati Dei infallibiliter cognoscunt etiam pastorem Christum, quia licet ad tempus errent, tamen tandem suum verum agnoscent pastorem, & cognoscent sicut etiam cognitæ sunt. 1. Tim. 2. Rom. 11. Est autem hæc nota effectus prioris, propterea enim oues cognoscunt me, quia ego cognosco eas. Ac si dicat diligo oues meas & ipsæ me diligentes obsequuntur. ait Greg.

15. *Sicut nouit me Pater, & ego agnosco Patrem.*] Explicat quales sint cognitiones præcedentes. Cognosco oues meas sicut cognouit me Pater, & cognoscunt me meæ, sicut ego noui Patrem: loquitur ut homo. *Sicut*, non æqualitatem sed proportionem significat: ut Mat. 5. Pater sic nouit filium ut Deus est, quia intelligendo & cognoscendo totam suam ei donauit & communicauit substantiam & vitam; ut homo autem est, sic Christus à Patre cognitus est, ut non fuerit sterilis & inutilis cognitio, sed simul effectiua & factiua, quia eam humanitatem summis donis & perfectionibus & vita spiritali affecit, sic & Christus nouit suos, non sterili cognitione & speculatiua, quæ etiam inimicos nouit, sed affectu & efficientia quia pluribus beneficiis & virtutibus insigni-

tus

tus ac donis suos repleuit & replet electos eoque viuificat. Sicut igitur nouit me Pater, sic ego oues meas. Consideremus rursus quomodo Filius nouit Patrem: ut enim Deus est recognoscit, quod accepit à Patre, & redamat ipsū, non tamen vitam aut aliquid ei communicat, quia Pater à filio non accipit quicquam in se: ut homo autem Christus nouit Patrem voluntatem eius in omnibus implendo, ipsius honori in omnibus consulendo, nomen eius celebrando. Sic etiam oues, & electi cognoscunt Christum amando, reuerendo, obediendo, colendo & celebrando; at nihil ei vitæ aut perfectionis addunt, nihil in se accipit ab eis Christus. Luc. 17. *Postquam feceritis hæc, dicite: Serui inutiles sumus.* His igitur propositis verbis declarat Christus, non qualemcumque se esse pastorem, sed Messiam & verum Christum Dei filium: nemo enim alius sic cognoscit aut cognoscetur ab ouibus. Quis enim oues viuificat uti Christus? quis seipsum dat ouibus? quis eas, ut ita dicam, deificat & conforres diuinæ naturæ facit, sicut ipse? Rursus est alia similitudo: sicut nouit me Pater, & ego noui Patrem, ut nec à Patris cognitione & affectu diuellatur Filius, nec Pater etiam ab ipsius filij cognitione & affectu: ita erit firma & certa hæc cognitio inter me & oues, quæ in æternum manebit. Tol. & Chrys.

Et animam meam pono pro ouibus meis.] Hoc est 3. argumentum à signo discernente mercenarios à propriis pastoribus, & multò magis fures & latrones, qui non solum vitam propriam non exponunt pro ouibus, sed potius ipsarum vitæ insidiantur. Christus autem verus &

& proprius pastor vitā pro ouibus suis exposuit. Et hoc etiam signo à bonis Pastoribus Christus secernitur, quia nō quouis modo Christus animam posuit pro ouibus, sed eo quo nemo alius posuit nec ponere potuit: vt hoc argumento esse verum Christum & principem pastorum probet, quod in quatuor maximè apparet. Primò Apostoli & Martyres vitam exposuerūt pro ouibus Christi: sed eorum mors ouibus in redemptionem & remissionem peccatorum nō profuit: sola enim mors Christi peccatum delere potuit, gratiam restituere & cœlum aperire. Ipse ergo est qui maximè pro ouium salute animam posuit, & ratione effectus, quia maximè profuit. Secundò, hi qui pro aliis vitam exposuerunt, erant morituri etiam si pro aliis eam non exposuissent. At Christus non sic. Ex vnione enim ad verbū caro illa immortalis futura erat, & ei impassibilitas & immortalitas debebatur: at pro nobis & ouium salute, se passibilem & mortalem fecit: dispensatiuè impediendo, ne eius gloria ad carnem se extenderet; se ergo mortalem & patibilem pro ouibus fecit. Idcirco ipse solus est qui pro eis vitam verè exposuit. 2. Cor. 8. 3. Homines potius pro se moriuntur quàm pro aliis, quia plus sibi profunt quàm illis. Mors enim martyrum plus eis profuit, quia gratiæ & gloriæ pondus illis cōtulit; nobis autem ad exemplum & satisfactionem pro temporalibus pœnis profuit. Maius autem est gratiæ & gloriæ bonum quod sibi per mortem conciliant. vnde Aristoteles gentilis docuit, qui pro amico moritur plus amare se; quàm amicum, quia sibi bonum honestū comparat, amico autem vitam temporalem: pro
chius

900 MANVALE IN EVANGELIUM

cuius defensione vitam exponit. At Christi mors nobis plus profuit, ad peccati remissionem, ad gratiam, ad gloriam, ad vitam eternam. Horum nihil sibi per mortem comparavit, ex vnione enim omnia sibi debita erant. Isa. 7. 4. Nullius vita in totum alteri profuit: multum tempus vitæ intercedit inutile aliis. At Christus ab instanti suæ incarnationis nobis profuit, nam & tunc nostram redemptionem sua dilectione meruit. Ipse igitur est qui propriè & perfectè animam suam posuit pro ouibus suis. Isa. 53. ex Tol.

16. *Et alias oues habeo quæ non sunt ex hoc ouili, & illas oportet me adducere.*] 4. Argumentum est à quarto signo boni pastoris & proprii hoc est errantes oues quarere & reducere. Eze. 34. Habebat Dominus multas oues errantes inter gentes, quæ non erant de ouili Synagoge, has per suos Apostolos quæsiuit, reduxitque ad ouile suum. His verbis vocationem gentium significat. Basil. Greg. Aug. Chrysost. Adduxisse Christus dicitur, quia per Apostolos ad eos missos eas oues reduxit & conuocauit. Illud *oportet* Patris mandatum indicat. Oues erant non solum propter prædestinationem, sed quia aliquando oues futuræ erant, oues per anticipationem appellat. Dum dicit quæ non sunt ex hoc ouili, indicat aliud esse ouile præter synagogam, de quo loquebatur. Ouile enim vocat multitudinem hominum iisdem legibus viuentium. Qua ratione totus populus Iudeorum erat vnum ouile, omnes verò gentes alterum. Quamuis enim inter gentes maxima ex parte Ecclesia perierat quia idololatria & veri Dei ignorantia vbique regnabat: tamen non
in

in totum perit: non enim deerant aliqui quauis rari & pauci, in quibus veri Dei fides & mandatorum obseruantia vigeret. Iob enim qui fuit ab Abrahamo quintus, fidelis & rectus erat, & huiusmodi alij tunc & postea inuenti sunt. Hi ad Ecclesiam gentium pertinebant. Ex Aug. & Chrys.

Et vocem meam audient, & fiet vnum ouile & vnus pastor.] Apostolorum & prædicantium voces, quos ad gregem oues conuocandas misit, hoc loco significat. Audient, inquit, hæc oues tam errantes, quam si quæ intra ouile illud fuerint, vocem Christi, per Apostolos clamantis non solum auditu aurium, sed cordium, quia fide & dilectione & obedientia conuertentur ad pastorem suum verum, & fiet vnum ouile ex utroque. Nam ex synagoga Iudæorum & gentium Ecclesia, vna vniuersalis & Catholica fiet Ecclesia, extra quam non est salus, vbi iam non est distinctio Iudæi & Græci, sed vnum est ouile, vnus populus, vna fides, vnica religio, eadem sacramenta, vnum sacrificium. Et sicut erit vnum ouile, erit etiam vnus pastor, vnum caput religionis, & vnicus supremus gubernator. Hoc non solum ad Christum Dominum refertur, sed ad suos vicarios, quos in ouili visibili militantis huius Ecclesiæ habet, vnus enim est pastor Petrus post Christi ascensionem, vnicus etiam pastor successor Petri Romani Episcopi, qui vices Christi in terris gerens vnius ouilis pastoris munere fungitur: sub quo inferiores militant multi: non toti ouili vt ille, sed singuli singulis ouilis partibus præsidetes. Et attende artificium: Ecclesia vna a principio per millia aliquot annorum vsque ad Abraham processit,

processit, diuisus est in eo postea populus vt duo essent ouilia: per Christum autem sublata diuisione ad vnitatem redacta est Ecclesia, in qua in æternum manebit. Hæc vnio & conuocatio prædicta est per Ezechiel. 37. 34. vt notat Theod.

17. *Propterea me diligit Pater, quia ego pono animam meam, vt iterum sumam eam.*] Respondet tacitæ obiectioni, Quomodo si animã tuã pones, poteris postea adducere oues has, vt vocem tuam audiant, ac eris vnus pastor vnus ouilis? Respondet, quia ita Pater voluit me ponere animam meam, vt rursus eam assumere; ita mori me decreuit, vt cito resurgerem. Et hac ratione dicta mea constant, nec inter se pugnant. Ponam enim animam, & verum erit, me pro ouibus animam ponere. Iterum sumam illam & resurgam, & sic adducam & congregabo oues meas, & audient vocem meam. Et erit vnum ouile & vnus pastor. Quòd morior & resurgo; propter hoc sibi Pater in me cõplacet, me diligit. Tol. Chry. verò & Theop. putant ideo Christum hoc subiecisse vt ostenderet se non esse seductorem, & corruptorem animarum, quin potius, eas tantopere amare vt animã suã ponat pro eis, ideòque à Patre suo diligatur. Alij voluisse se officium illud pastoris non vsurpasse, sed à Patre iniunctum suscepisse: nec stolidam esse temeritatem quòd pro ouibus suis mori velit, id sibi à Patre præceptum esse: & propterea se à Patre diligi quòd eius præceptum seruet, non quod ante, & ob alias causas, non diligatur, sed ob eam diligi. Ex Chryf.

18. *Nemo tollit eam à me, sed ego pono eam*
à

à meipso, potestatem habeo ponendi eam, & potestatem habeo iterum sumendi eam.] Explicatio est superioris sententiæ. Et docet se non mori vt cæteros homines, qui necessitate naturæ moriuntur, nec in potestate est animam in corpore detineri, sed expellitur etiam ipsis nolentibus. Rursus animam expulsam à corpore non possunt reuocare: at Christus non sic, nemo animam illius à corpore separare valebat; nisi ipse separaret: & post separationem ipse potestatem habuit iterum coniungendi eam corpori. Nam diuina persona vnità sibi habebat animam & corpus, quādo autem voluit, inuicem separauit, & quādo placuit, inuicem ea coniunxit: à se tamen nūquam remouit. Tol. Ad modum hominis habentis enssem in vagina, qui quādo vult exerit enssem: tamen quia vna manu vaginā, altera enssem tenet, potest quando voluerit iterū mittere in vaginam.

Hoc mandatum accepi à Patre meo.] Exponit cur dictum sit, Propterea dilexit me Pater; causa est, quia hoc mandauit mihi Pater, vt ponerem quidem animam, sed tamen iterum eam sumerem. Et idcirco hoc illi in me placet, quia secundum eius voluntatem & mandatum est. Vel hoc addit vt doceat se non temere officiū illud pastoris & animam suam pro ouibus ponendi vsurpasse. Ex Chrys.

19. 20. 21. *Dissensio iterum facta est inter Iudæos propter sermones hos: Dicebant autem multi ex ipsis: Daemonium habet, & inanis: quid eum auditis? Alij dicebant: Hac verba non sunt demonium habentis. Nunquid demonium potest cecorum oculos aperire?]* Iterum dissensio facta est inter Iudæos, qualis illa cu-

Q q ius

ius cap. 9. facta est mentio. Hæc dissensio ex verbis & mira doctrina Christi; illa verò ex mirabili facto quo cæcum illuminavit orta est. *Dæmonium habet & insanit*, idest, dæmonium habet, quo arreptus insanit, & sermones non ex propria mente, sed ex diaboli agitatione effundit. Qua blasphemia cæteros ab audiendo verbo arcebant. *Quid*, inquiunt, *auditis eum*, qui verba dæmonis ipsum insanire facientis, loquitur? Alij contra argumentabantur rectè: Cuius opera dæmonio non possunt adscribi, nec verba. At hic cæcum natum illuminavit, quod dæmonium non potest facere. Ergo verba eius non sunt dæmoniū habentis. Quæres cur Christus nihil eis respondit, sed discessit eos in sua contentione relinquens. Respondetur quia sic eos contempsit, eorum utilitatem & fidem desperans: vel quia iam respondisset cap. 8. cum idem sibi obiiceretur: vel quia indigni essent responso qui post tot miracula dicerent eum dæmonium habere: Vel quia maluerit per eos illis responderi qui illis contradicebant, quasi per homines qui carerent omni suspitione gratiæ. Ex Chrys. & Theoph.

22. *Facta sunt autem Encœnia in Hierosolymis, & hyems erat.*] Non continuò hæc quæ modo narrantur facta sunt, sed aliquot dies intercesserunt. Quæ enim in cap. 9. & huius 10. parte superiori gesta describuntur, acta sunt paulò post festum tabernaculorum seu Scenopegia, quod fiebat mense Septembri, ut constat ex cap. 7. & 8. At hoc in die 25. mensis Nouembris quâdo festum Encœniorum, idest, renouationis celebrabatur: quando tempore Machabæorum altare holocausti quod sacrificandi

candi causa construxerant, à Gentibus profanatum, destructum est, & nouum ædificatum. 1. Mac. 4. Vel quando totius vrbs Hierosolymitanæ dedicatio facta est, cùm eius muri assiduis bellis & sub regibus Babylonis & sub Antiocho labefacti, sunt restaurati. Theod. Vel quãdo templum dedicatum est. 3. Reg. 8. Cyril. Vel quando templum sub Zorobabel restauratum est. 1. Esd. 6. Chryl. Theoph.

23. *Et ambulabat Iesus in porticu Salomonis.* Quamuis à Babyloniis illud templum fuerit funditus euersum, tamen reædificatum & restauratum est postea, & in memoriam veterem idem Salomonis nomen porticus hæc retinuit. 3. Reg. 6. Cum notauit Euangelista quia hyems erat, causam voluit reddere quia re Christus in porticu ambulauerit: nec enim decebat in templo ipso ambulare. Dicitur Salomonis, quia Rex ille ad orandum stare consueuerat ait Alcuin.

24. *Circumdederunt ergo eum Iudæi, & dicebãt ei: Quousque animam nostram tollis? Si tu es Christus dic nobis palàm.* Ambulantem circumdant: vel Iudæi, vel Iudæorum principes, vt stare faciant & commodius eum alloquantur. Particula ergo hoc indicat. *Quousque animam nostram tollis?* Quandiu nos suspensos & incertos trahis? nimium te nobis manifestare differs. Mentuntur. 1. Si enim anxij & suspensi fuissent non dixissent toties, *Demonium habet.* 2. cùm dicunt illum esse in causa: *Quousque*, inquiunt, *tollis?* Nam Christus iam satis illis declarauerat, quis esset. Dum dicunt, *Si tu es Christus, dic nobis palàm*, in mendacia peiora ruunt: nam indicant Christum non palàm, liberè, & aper-

re locutum: quod falsum est ex cap. superiorib. Et quod innuunt se credituros, si palam loquatur, ut patet ex sequentibus, fraus etiam erat præter mendacia. Nam si se Christum diceret occasionem calumniandi arripuissent, quod se Regem faceret, & contradiceret Cæsari. Putabant enim Christum Messiam Regem futurum, & sessurum in solio David. Idcirco frequentius se dicebat esse Dei filium, & à Patre missum, & promissum in scripturis, quæ aperta erat confessio quòd esset Christus; idque Iudæi intelligebant. At nomen dissimulabat, quia illi non ut intelligerent, sed ut accusarent quærebant, quasi regiam potestatem sibi arrogaret. Ex Aug.

25. *Respondit eis Iesus: Loquor vobis & non creditis: Opera quæ ego facio in nomine Patris mei hac testimonium perhibent de me.*] Mirabili artificio vno verbo se esse Christum confitetur, & fraudem illorum declinat, & simul mendacia eorum reuincit: *Loquor*, inquit, *vobis*. q. d. Ego nihil aliud facio quàm loqui & manifestare quod petitis. Græ. dixi iam vobis. Ecce fatetur se esse Christum, & tamen verbo non exprimit. dixi, & tamen non creditis: non igitur verum est quod dicitis me non esse locutum palam. Adiungit ut amplius eos conuincat, non solùm verbo manifestavi quis essem, sed operibus: nam opera quæ ego facio in nomine Patris mei, id est, virtute diuinitatis, vel decreto, autoritate, & voluntate Patris, ostendunt me esse Dei filium: quomodo igitur dicitis me non esse locutum palam, quando quidem me manifestavi vobis & verbis & miris operibus, & tamen adhuc non creditis? Ex Chrys.

26. 27. Sed

26. 27. *Sed vos non creditis quia non estis ex ouibus meis. Oves mea vocem meam audiunt, & ego cognosco eas, & sequuntur me.] Q. d. Non sum ego causa vestræ incredulitatis, quod non sim palam locutus, sed vos ipsi & nequitia vestra, quia vos non estis de numero ouium mearum. Nam oves meæ vocem meam audiunt, mihi fidem habent & voci obediunt, & sequuntur me mandatis meis obedientes. Si tales essetis, vtrique crederetis: at non creditis, quia ex ouibus meis non estis. Vide vers. 4. Aug. has oves electos esse ait, seu prædestinatos. Act. 13. Alij iustos, & bonos viros. Theoph. Vel, oves vocat per anticipationem, idest omnes animo paratos ad credendum; quamuis nondum crederent, vt sup. *Alias oves habeo quæ non sunt ex hoc ovili. Et ego cognosco eas, idest, eligo. Ex Alcuin.**

28. *Et ego vitam æternam do eis, & non peribunt in æternum, & non rapiet eas quisquam de manu mea.]* Magna est hæc potentia, & Dei propria vitam dare æternam, & magnum est præmium ouibus Christi. Quod si hoc non allicit, terreat quod sequitur: Si oves non sint in æternum peribunt. Nemo dicat, ovis non sum, mihi æterna solum vita negabitur, malum inde nullum mihi impendet. Decipitur profecto, in æternum peribit. Dicit *do* in præsentī; quia certissimè dabit suo tempore: vel quia dat in spe, per gratiam, in hac vita perceptione Eucharistiæ vt s. d. cap. 6. re ipsa per gloriam in altera vita. Procurabant Iudæi auertere homines ne in Christum crederent. Tyrāni idem sunt conati tormentis. Demon id ipsum tentat, innumeris artibus. Sed de Christi manu & po-

208 MANUALE IN EVANGELIUM

testate nemo oves tollet, nec impediet, quominus ad vitam æternam perueniant, & ad ipsum conuertantur. Ex Aug.

29. *Pater meus, quod dedit mihi, maius omnibus est.*] 1. Probat Dominus quod dixit, non rapiet oves meas quisquam de manu mea. Nā Gr. lectio habet. Pater meus qui dedit mihi maior omnibus est. Ideoque cum sit fortior & potentior omnibus, nemo poterit è mea manu rapere oves meas, quas dedit mihi Pater: quia ego & Pater vnum sumus natura & potentia. Sic Ians. Vel loquitur vt homo, & sic Patrem dedisse ei id quod maius est omnibus dicit, quod sit verbum eius vt sim splendor lucis eius; quia diuinitatem illius humanitati coniunxit, & fecit vt homo ille Deus esset. Aug. Ecclesia quam mihi regendam tradidit, oves quas pascendas dedit, maius quiddam est, idest, charius plurisque faciendum, quam quiduis aliud. Mald.

30. *Et nemo potest rapere de manu Patris: Ego & Pater vnum sumus.*] Idem confirmat, Nemo potest de manu Patris rapere cum Deus sit: igitur nec de mea manu rapere poterit, quia Ego & Pater vnum sumus, vnius essentiae & potestatis. Si igitur nemo potest rapere de manu Patris, nec de mea poterit. Expressis verbis se Dei filium consubstantiali Patri declarat. Hanc secundam subiunxit rationem vt prior fortior esset. Nam posset aliquis existimare accepisse à Patre maius omnibus, nempe, contradictoribus & persecutoribus: tamen nō absolute maius omni re creata, quod sit maius omnibus quæ sunt, non quæ fieri possunt. Præterea non exprimebatur hoc maius
omni.

omnibus ita esse à Patre datum, vt non esset à Patre diuisum. Propterea rationem hanc verbis sequentibus addidit, se accepisse à Patre maius omnibus, id nempe quod supra totum, quod creari potest, est, & ita accepisse vt indiuisum maneat in Patre, & filio, quia vnica est diuinitas, & essentia vtriusque secundum quã Pater & filius vnum sunt. Nemo ergo de manu Christi rapiet oues, quia vt homo est, habet à Patre diuinitatem cui est vnita humanitas: vt Deus, est vnum cum Patre. Catholici omnes qui contra Arianos disputauerunt, dixerunt, *Vnum* essentiam significare. Hil. Epiph. Greg. Naz. Basil. Amb. Cyr. Ariani contra dicebant Patrem & filium esse quidem vnum non natura atque substantia, sed concordia & voluntatis consensu: vt cap. 17. Act. 4. 1. 10. 5. At satis ex his quæ diximus conuincuntur: & ex S. Aug. qui l. 3. c. 22. contra Maximum Ariano- rum Episcopum, ait, omnia quæ vnum dicuntur esse, eiusdem esse naturæ, nec exemplum vllum in sacris literis contrarium reperiri. Deinde ex ipsis Iudæis Christi aduersariis discere Ariani debuerunt Christum non voluntate sola, aut accepto à Patre auxilio aliquo; sed etiam potestate atque natura significare se vnum esse cum Patre: vt notat Atha. l. quod Deus de Deo sit verbum, & Cyr. l. 12. Thes. cap. 15. Ad hoc enim verbum Iudæi lapides sustulerunt intelli- gentes Christum se parum cum Patre fecisse po- testatis. Lapidem isti clamant aduersus Aria- nos. Deinde non solum factis sed etiam verbis Iudæi declararunt quamobrem Christum la- pidare vellent. vers. 33. *De bono opere non lapi- damus te, sed de blasphemia quia cum homo sis,*

910 MANVALE IN EVANGELIVM

facis teipsum Deum. Denique Christus non responder se non vocasse seipsum Deum, sed probat merito se ita vocasse. Ians. & Mald. Alio præterea modo Ariani hunc locum eludere solebant, non dixisse Christum, ego & Pater vnum sum; sed, vnum sumus. Non ergo vnam esse naturam, qui dicere possunt, sumus. Respondet Idacius duobus verbis Sabellianos simul atque Arianos refutasse, Sabellianos cum dicit, *Sumus*, indicans se & Patrem duas esse personas; Arianos, cum dicit *Vnum*, docens non duas sed vnam esse naturam. Ex Hil. 8. de Trin. & Aug.

31. *Sustulerunt ergo lapides Iudæi vt lapidarent eum.*] Sc Dei filium, Patri æqualem, verumque Deum esse, Christus visus est Iudæis affirmasse, nec in hoc sunt decepti: at cum hominem merum putarent, tanquam blasphemum iudicantes lapidare eum voluerunt. Particula, *ergo*, causam lapidandi indicat; nempe quia dixit, *Ego & Pater vnum sumus*. Ex Aug.

32. *Respondit eis Iesus: Multa bona opera ostēdi vobis ex Patre meo, propter quod horum opus me lapidatis?*] Sedat eorum animos furore turbatos, simulque veritatem dictam confirmat. Et est sensus, multis bonis operibus vos cumulavi, sanatis multis vestris infirmis, & mortuis suscitatis, quæ omnia opera ex Patre meo sunt, id est virtute Patris sunt facta, & simul me filium eius ostendunt: propter quod opus eorum me lapidare vultis? q. d. Non minus operibus bonis in vos collatis me esse filium Dei affirmo, nō minus factis quam verbis loquor: propter quod ergo opus bonum & beneficium me lapidatis? Hebr. ostendere bona, idem est quod afficere beneficiis.

beneficiis : vt Psalm. 4. & 59. & 70.

33. *Responderunt ei Iudæi : De bono opere non lapidamus te, sed de blasphemia, & quia tu homo cum sis facis teipsum Deum.*] Fatentur. q. d. Nullum bonum opus habes propter quod te lapidemus, aut si quod bonum opus fecisti, quod modo non disputamus, propter illud te non lapidamus. Vel fatentur Iudæi se bona opera accepisse à Christo, tamen negant se pro villo bonorum illorum opere eum lapidare: sed propter blasphemiam hanc, nempe cum sit homo affirmet se esse Deum. Miseri isti Iudæi hominem esse impedimento quo minus Deus esset, reputabant, quasi vtrumque simul esse non posset, nempe Deus & homo. Hil. 7. de Trin. & Aug.

34. 35. 36. *Respondit eis Iesus: Nonne scriptum est in lege vestra : Ego dixi, dij estis? Si illòs dixit deos, ad quos sermo Dei factus est, & non potest solui Scriptura, quem Pater sanctificauit, & misit in mundum, vos dicitis quia blasphemas, quia dixi: Filius Dei sum?*] Blasphemiam notam sibi inultam Dominus repellit, & infirmitati illorum se accommodans vititur argumento à lege eorum sumpto : Si Scriptura homines communes appellat Deos, quia sermo Dei ad eos factus est, nec vlla est blasphemia tales appellare Deos, multò profectò minus erit blasphemia, & multò verius sine blasphemia is dicetur Deus, quem non sermo Dei sanctificauit, sed quem Deus misit in mundum. Et si Scriptura solui nō potest, i. mendax aut irrita esse non potest: si igitur hoc verum est, & falsum aut irritum esse non potest, quomodo vos dicitis me blasphemare dicentem; filius Dei sum, qui sermo

Dei sum, & innumeris partibus illos excedo: Nam me Pater sanctificavit, & misit in mundum. Profectò non hæc est blasphemia, sicut nec illa quam Scriptura profert. Sanctificatum esse à Patre & in mundum missum, idem est quod filium Dei esse naturalem. Vel gignendo sanctificatum fuisse. *Sanctificavit* est Hebraismus, idemque significat quod designare, destinare ad aliquod officium: vt Ier. 1. Hilarius. 7. de Trin.

37. 38. *Si non facio opera Patris mei, nolite credere mihi: si autem facio, & si mihi non vultis credere, operibus credite, vt cognoscatis, & credatis quia Pater in me est, & ego in Patre.*] Quia dicere poterant illi, vnde scimus, seu probas te à Patre sanctificatum & missum? adiungit se non verbis tatum, sed etiam ipsis operibus id ostendere. Et est sensus, si non facio opera Patris mei, i. quæ ostendunt me esse Dei filium, & Patrem habere Deum, qualem verbis profiteor, nolite credere mihi, idest, aliquam excusationem haberetis mihi non credendi. Si autem facio opera Patris, & vos mihi verbis asserenti, non vultis habere fidem, saltem credite operibus: si sermo meus non vobis persuadet, persuadeant opera, vt cognoscatis ex eis, quis sim, & tunc credatis me vnum esse cum Patre, vnus naturæ & essentiæ: ratione cuius Pater in me, & ego in Patre sum. Verba hæc eundem sensum habent cum illis: *Ego & Pater vnum sumus*: vt notat Athan.

39. *Quarebant ergo eum apprehendere, & exiuit de manibus eorum.*] Quia repetiit se esse verum Dei filium, rursus Iudæi eum apprehendere & lapidare quærebant. Hoc indicat particula,

particula, *Ergo*. At Dominus sua virtute diuina euasit de manibus eorum, eo modo quo suprà c. 8. se inuisibilem reddens: & nemo potuit eum detinere. Non apprehenderunt, quia manus fidei non habuerunt, ait Aug.

40. *Et abiit iterum trans Iordanem in eum locum ubi erat Ioannes baptizans primum, & mansit illic.*] Ioannes baptizare cœpit in Bethabara, seu Bethania, vt dictum est in c. 1. postea recessit in Ænnon, iuxta Salim, c. 3. modò Dominus furori Iudeorum cedens in Bethabaram abiit, vbi prius Ioannes baptizabat. Alij exponunt *primum*, idest, priusquam in carcerem coniectus esset. Ians. & Tol.

41. 42. *Et multi venerunt ad eum, & dicebant: quia Ioannes quidem signum fecit nullum. Omnia autem quacumque dixit Ioannes de hoc, vera erant, & multi crediderunt in eum.*] Videtur in hoc verbo duplex argumentum simul implicatum esse. Alterum est: Ioannes nullum vnquam miraculum fecit, & tamen illi credidimus: multò ergo magis huic credere debemus, qui tot miracula fecit. Alterum: omnia quæ Ioannes de isto prædixit vera sunt: ergo illi credere debemus. Quibus commoti argumentis, inquit Euangelista, multi crediderunt in eum, Iudæis interim in sua cæcitate obduratis: vt qui non vident videant, & qui vident cæcificent. Ex Chryl. & Aug.

CAPVT XI.

Lazarum resuscitat.

1. **E**Rat autem quidam languens Lazarus de Bethania de castello Maria & Martha sororum eius.] Incertum quanto tempore post Christi ingressam ad Iordanem fugam, quæ superiore capite narrata est, hæc acciderint quæ hoc capite narrantur. Tamen ex vers. 55. colligitur duobus plus minùsve mensibus accidisse. Fuga enim contigit post festum statim Encœniorum, idest, incunte Decembri: hæc autem facta sunt Pascha iam appropinquante. vers. 55. An semper Christus in eodem loco illo fugerit, & quid interim fecerit Euangelista non dicit. Credendum est otiosum non fuisse: quidam ea referunt facta quæ Lucas à cap. 15. vsque ad 19. commemorat. Mald. Verùm utcūque sit: narrat hoc c. Ioannes historiā illius insignis miraculi, quando Lazarum suscitauit, quando & impij Iudæi Christum interficere animum obfirmarunt. Incipitque personas & loca describere. Quo igitur tempore erat Dominus trans Iordanem, erat quidam languore laborans Lazarus nomine de Bethania, quæ erat Castellum & vicus Mariæ & Marthæ sororum eius, vt diximus Mar. 11. Illud, *de Castello*, est per appositionem dictum. Erat de Bethania, Castello nempe Mariæ & Marthæ. Tol.

2. *Maria autem erat, qua unxit Dominum unguento, & exersit pedes eius capillis suis.*] Quia plures.

plures Mariæ erant, quæ Dominum sequebantur Mat. 26. & 28. voluit Mariam Lazari sororem insigni illo miraculo & publico facto, à cæteris Euangelista distinguere, quòd pedes unxisset Christi. Solet à multis quæri quam vñtionem intelligat, illamne quam apud Luc. c. 7. factam legimus, an eam quam idem Ioannes c. sequenti describit: sæpe enim vñctum fuisse à muliere Christum Luc. 7. & Mat. 26. & Mar. 14. & Io. 12. manifestum est, Quæstio pendet ex alia q. an eadem fuerit mulier, quæ & apud Lucam & apud cæteros Euangelistas Dominum unxisse dicitur, de qua apud Mat. 26. differuimus, & diximus vnā & eandem fuisse, & ex hoc loco colligitur. Nam non satis Euangelista hanc à cæteris distinxisset hoc signo quòd unxisset pedes Domini: nam & aliæ similiter unxerant. Mald.

3. *Miserunt ergo sorores ad eum dicentes.*] Qui sanare poterat. & distabat Bethabara à Bethania iter duorum fere dierum. Non veniunt ipsæmet, quia satis cognitam habebant Christi benignitatem, confidebantque satis esse vt illi fratris mortem significarent: & quia fratris luctu & cura prohibebantur. Chrys. Cyr.

Domine ecce quem amas infirmatur.] Ecce nuntium à sororibus missum plenum fide, spe, & charitate. Nam fidei fuit, credere Christum impedire, quamuis absentem, posse quominus ægrotus frater moreretur. Ideoque non rogant vt veniat, vt festinet. Cyril. Et spei fuit confidere fore vt non longiori ad exorandum Christum oratione opus esset. Et charitatis reuocare in mentem Christo eius erga Lazarum amorem. Admirationem etiam quandam hæc verba præ-

ba præ se ferunt. q. d. Qui fieri potuit vt quem amas infirmaretur? Ex Chryf.

4. *Audiens autem Iesus dixit eis: Infirmetas hac non est ad mortem, sed pro gloria Dei, vt glorificetur filius Dei per eam.*] Propterea dixit non esse ad mortem, quia etsi Lazarus ex ea moriturus erat, sibi tamen qui suscitare poterat, non erat moriturus: vt Mat. 9. Et indicat Lazarum quidem illis mortuum esse, sibi verò dormire. aut quia ita moriturus erat vt mansurus non esset mortuus, sed duobus diebus suscitandus. Theoph. Chryf. monentque dictionem, *pro, & vt*, non causam & finem, sed euentum aut consequentiam significare. Nec enim propterea Lazarum agrotasse vt filius Dei glorificaretur, sed cū agrotasset, ac mortuus esset, consecutum inde esse vt glorificaretur filius Dei. At non fuisse infirmitatem ad mortem, quia finis mortis Lazari non ipsa erat mors, sed gloria Dei, quæ ex ea erat consecutura. Aug. Beda, Rup. Rectè probant ex hoc loco veteres Christi diuinitatem, nam seipsum Deum appellat. *Pro gloria Dei*, idest, mea: aut Patris quæ mea est. In eo enim gloria posita erat, quòd Christi diuinitatem multi essent cognituri, ex suscitato Lazaro: aut quod miraculum diuulgandum esset per totum orbem terrarum, vnde Patri & filio magna erat accessura gloria. Ex Aug.

5. *Diligebat autem Iesus Martham & Mariam sororem eius, & Lazarum.*] Hanc dilectionem Christi exponit Euangelista i. ne quod statim ad sanandum ierit, sed duobus expectatis diebus, vllus adscriberet voluntati, quasi noluerit: sed mysterio vt maius miraculum fie-

ret : tum vt verum esse quod dixerant sorores,
 confirmaret, *Ecce quem amas*: tum etiam vt amo-
 rem hunc quo sorores prosequeretur notum
 relinqueret fidelibus. Demum quia notitia di-
 lectionis huius aliqua, quæ narranda sunt, ef-
 ficiuntur manifestiora. Cyr. vt doceat non mi-
 rum si quos diligit Dominus castigat cum La-
 zarum, quem diligebat, morbo affligerit. Qua-
 lis verò hæc dilectio fuerit; not. quod quatuor
 dilectionis genera erant in Christo : vna dile-
 ctio est, qua vt Deus ab æterno dilexit homi-
 nem, hæc enim causa fuit, vt homo fieret : Al-
 tera est humana; qua vt homo diligebat, sed
 naturalis: dilectio autem & amor naturalis est
 qui alicui vinculo naturali innititur, vt quan-
 do amamus vel quia sanguine coniunctos, vel
 quia familiares, vel quia benefactores, vel si-
 mili vinculo naturali nobis colligatos habe-
 mus. Tertia dilectio est etiam humana, sed
 moralis, quæ innititur virtuti & bonis moribus
 ac honestis, qua virtuti deditos & probos dili-
 gimus propter honestatem: quam etiam Chri-
 stus habuit vt homo. Quarta est spiritualis qua
 diligimus propter Deum : ita ut ratio amandi
 sit Deus ipse, qui finis est supernaturalis noster:
 & hæc est dilectio charitatis. Hæ tres Christo
 inerant vt homini, prima vt Deo, quæ erat
 æterna, tres reliquæ temporales. Illa quæ cha-
 ritatis est fuit ab instanti incarnationis, cæteræ
 temporaneæ saltem quantū ad actus. Naturali
 enim quadam dilectione acquisita persecutus
 est aliquos, qui sibi familiares fuerūt, vel à qui-
 bus aliquod temporale recepit beneficium,
 erat enim mortalium gratissimus. Lazarum er-
 go & sorores his omnibus 4. modis diligebat.

Particularem

918 MANVALE IN EVANGELIVM

Particularem autem amorem & dilectionem Evangelista voluit significare, nempe naturalem & honestam seu moralem, qua vt familiares & amicos & studiosos tanquam homo diligebat. Ex Tol.

6. 7. *Vt ergo cognovit quia infirmabatur, tunc quidem mansit in eodem loco duobus diebus: deinde post hac dicit discipulis: Eamus in Iudæam iterum.*] Diximus duos dies expectasse vt illustrius foret miraculum. Computandi hi duo dies sunt connumerato in quo perlatum est nuntium, quando etiam Lazarus est mortuus, post quos proficiscens die quarto peruenit Bethaniam, & suscitauit quatrduanum. Et illis duobus diebus transactis, inuitat discipulos vt iterum veniant secum in Iudæam. Erat enim Bethania in Iudæa: sciebat enim timiditatem eorum, ideo id prædicit vt eorum ignauiam tacite arguat; & ne re insperata turbarentur postea, quando in Iudæam peruenissent. Tol. & Mald.

8. *Dicunt ei discipuli: Rabbi nunc quarebant te Iudæi lapidare, & iterum vadis illuc?*] Nunc, i. paulò ante: Nam in festo Encœniorum proxime elapso Iudæi lapidare Christum voluerunt: quamuis vt alij putant duo ad minus menses intercessissent, vt s. d.

9. *Respondit Iesus: Non duodecim sunt hora diei? si quis ambulauerit in die, non offendit, quia lucem huius mundi videt: si autem ambulauerit in nocte, offendit, quia lux non est in eo.*] Dominus metaphora quadam seu prouerbiali modo loquendi timiditati eorum medetur, ostendens nondum esse suæ mortis & passionis tempus: & idcirco non esse adhuc timoris causam.

Metaphora

Metaphora hæc est : dies duodecim horas habet, & qui ambulat in vna harum, etiam si vltima sit, quia adhuc lux est, & nondum tenebræ superuenerunt, securè potest ambulare sine offensionis periculo, nam in quæ impingi solet manifesta sunt, & declinare vnusquisque potest. At quando nox aduenit, minùs securè homo ambulat : cùm enim deficiente lumine offendicula non videantur, facilè impingit. Duodecim horis diei tempus vitæ suæ Dominus significat, quâdo nemo ei nocere nec eum comprehendere potuit : quia quæ disposuerat secundum diuinum beneplacitum, omnia erat complexurus. Noctem verò tempus passionis appellat de quo dixit : *Hæc est hora vestra, & potestas tenebrarum.* Erat quidem iam vicina nox, quia imminabat passionis tempus : tamen adhuc erat hora diei, quando nemo ei nocere poterat ; nec in eum manus iniicere. Simile est apud Luc. 13. Vel est prouerbialis locutio cùm significare volunt, quòd vna hora non fiet, alia fieri posse : mutari posse Iudæorum animos, vbi qui paulò antè se interficere volebant, nunc libenter excipiant. Lyra. Vel tempus vitæ Christi diem appellari, nondum esse tempus pœnas de Iudæis sumendi, adhuc beneficia etiam inuitis conferenda, quandiu in hac versaretur vita, ex Cyr.

11. *Hæc ait; & post hæc dicit eis, Lazarus amicus noster dormit, sed vado, vt à somno excitẽ eum.* Docuerat nihil sibi imminere periculi si in Iudæam reuerteretur, quod nondum sua venisset nox, sed adhuc in die, & lucẽte sole ambularet. Nũc causam aperit cur, eat; Lazarus, inquit, amicus noster dormit, vado autem vt à somno excitẽ

excitem eum. Somnum vocat mortem. Illam breuem, tum quia suscitandus citò erat, tum etiam vt facilitatem indicet, qua mortuos suscitatur, qualem si à somno excitaret. Amicum communem appellat. Noster, inquit, amicus; vt discipulos amicitiae communione ad commiserationem, profectiònemque, & ad viam faciles redderet. Chryf.

12. *Dixerunt ergo discipuli eius : Domine si dormit saluus erit.*] Adhuc timentes sibi, Domino in Iudæam reditum dissuadebant. Et dicunt, si dormit non amplius indiget medicina, saluus erit: somnus enim salutis recuperandæ signum & causa est: vt vulgò dici solet, quamuis sit sæpe indicium mortis. Sic Chrysostomus.

Dixerat autem Iesus de morte eius: illi autem putauerunt, quia de dormitione somni diceret.] Declarat Euangelista verbum Christi, quod tunc discipuli non perceperunt, Dominus enim mortem somnum appellauerat, at illi hunc somnũ dormitionem esse conceperant. Mirum tamen quomodo concipere potuerint Christum tam longum iter, & cum tanto vitæ periculo suscipere voluisse, vt Lazarum dormientem excitaret à somno: fortè quia adhuc rudes putabant Christum de noxio somno locutum, responderunt: *Si dormit saluus erit.* Ex Chrysostomo.

14. *Tunc ergo Iesus dixit eis manifestè : Lazarus mortuus est.*] Particula, *ergo*, illationem ex præcedentibus indicat, nempe quia non intellexerunt apertè sensum verborum præcedentium, idcirco verbis clavis idem exprimit, *mortuus est.* Ex Aug.

15. *Et gaudeo propter vos, ut credatis quia non eram ibi.*] Gaudeo quia non eram ibi : & hoc propter vos, ut credatis : si enim adfuissem aut sanassem eum , occasio tanti miraculi sublata fuisset, fidesq; vestra minùs promoueretur; aut si non sanassem, vestra periclitata esset fides: nam me sanare non potuisse putassetis. Gaudeo ergo me non adfuisse vestri causa, quia videbitis quatrduanum adhuc foetentem excitatum ad vitam. Gaudere licet in malis quæ à Deo immittuntur, non propter eorum malum, sed propter eorundem, aut aliorum spiritua-lem salutem, quando per ea ad Deum conuertuntur, vel in melius proficiunt. Ex Theo-phy!.

Sed eamus ad eum.] Quamuis tamen mortuus sit, eamus ad eum. Homines solent infirmos amicos visitare, mortuos destituere : nihil enim visitatione sua eis præstare valent : At Christus etiam mortuos visitat, sicut & viuos: tam facile enim est eis vitam conferre quàm infirmis sanitatem. Significat se eum resuscitaturum.

16. *Dixit ergo Thomas, qui dicitur Didymus ad condiscipulos : Eamus & nos & moriamur cum illo.*] Particula, ergo, illationem indicat, quæ fit partim ex verbo Christi *Eamus ad eum*: partim quia ægrè ferentes condiscipulos videns, hæc protulit, *Eamus & nos*. Verba sunt dilectionis, quia sine Christo vitam propriam contemnebat; & fortitudinis, quia à periculo quod animo conceperat non retardabatur, quominus sequeretur magistrum: sed tamen fides erat imperfecta; nondum enim satis potentiam Christi agnoscebat, qua quos vult liberat à quouis.

922 MANVALE IN EVANGELIUM

quouis periculo : nam Gr. habet, vt moriamur cum illo. Thomas dictus est à Græcis Didymus, quod apud Latinos Gemellus. Tol.

17. *Venit itaque Iesus, & inuenit eum quatuor dies iam in monumento habentem.*] Quo die mortuus est Lazarus, eodem in monumento positus videtur. Erat autem dies à morte & monumento quartus, quo Dominus Bethaniam peruenit, & quo etiam eum à monumento suscitauit: vt notat Chrys.

18. 19. *Erat autem Bethania iuxta Hierosolymam quasi stadiis quindecim: multi autem ex Iudeis venerant ad Martham & Mariam vt consolaretur eas de fratre suo.*] Huius parue distantiae ideo Euāgelista meminit, vt faciliè Iudæos ad consolandas sorores è Hierusalem venire potuisse ostenderet, quæ duobus solum distabas miliaribus. Et quia nobiles erant hæ sorores, ideo multi ad eas consolandas venerant. Ex Chrys.

20. *Martha ergo vt audiuit quia Iesus venit, occurrit illi, Maria autem domi sedebat.*] Curam domus & rei familiaris habebat Martha, idcirco prior aduentus Domini nuntium audire potuit. Nam Maria sedebat consolationes aduentantium excipiens. Prius autem Martha audiuit quàm vidit: celeberrimi enim hominis aduentum fama tacere non potuit, sed gressus eius ad aures Marthæ peruenit, nam quæ læta sunt quisque enititur prænuntiare. Ex Chrys. & Theoph.

21. *Dixit ergo Martha ad Iesum: Domine, si fuisses hic, frater meus non fuisset mortuus.*] Particula, ergo, tacitam illationem indicat, nempe quia ipsa prior venerit, ipsa prior Dominum alloqui

alloquitur. Habuit fidem sed imperfectam: nondum enim sciebat Dominum absentem sanare potuisse: fidebat enim & certa erat de clementia Christi, quod si adfuisset sanasset fratrem: sed hæc erat imperfecta: Nam aliquando maior est clementia hæc temporalia bona negare: habuit dolorem animi, conqueritur enim de Christi absentia, quasi illa fuerit causa mortis Lazari. Erat & hoc imperfectum: nam absens scire & sanare poterat: noluisse tamen quia non expediebat, non adeo doluisse. Modestiam tamen Marthæ quia non eiulatibus vsa est: sed modestè dolorem animi exprimit, laudat Chrysost.

22. *Sed & nunc scio quia quæcumque poposceris à Deo dabit tibi Deus.*] Maior est fides hæc quam præcedens: plus enim erat confiteri Christum posse suscitare mortuum quàm infirmum sanare, & facere ne moreretur: tamen est adhuc imperfecta fides, quia nondum Christum confiteretur Deum, sed cum eo loquitur quasi cum viro sancto, qui non propria potestate sed precibus suscitare posset: si enim perfectam habuisset fidem, dixisset Scio, quia quæcumque volueris facies. Ex Chrysost. homil. 61.

23. *Dixit illi Iesus: Resurget frater tuus.*] Non dicit, Poscam à Deo: se potestatem habere significat, suamque diuinitatem exprimit, ut non necesse sit orare Deum, cum ipse Deus sit. Ex Aug.

24. *Dicit ei Martha: Scio quia resurget in nouissimo die.*] Martha existimauit verbum Christi esse communem quandam consolationem, qua homines solent in similibus casibus mœstos consolari,

524 MANUALE IN EVANGELIUM

solari, resurrectionem futuram in memoriam reuocantes: maximè quia tunc erat Saducæorū secta. negantium resurrectionem : vt patet Mat. 22. q. d. Scito veram & certam esse mortuorū resurrectionē; ideòque tristitiā depone, quia resurget frater, vt Thes. 4. In hūc sensū interpretata est Martha adhuc imperfectæ fidei: ideo respōdet, Scio quia resurget in die vltimo. Vel hoc fingit, quia spes quam conceperat de fratris suscitatione ex verbis Christi, erat ea adhuc obscura & ambigua. Ideo voluisse certo cognoscere an de proxima fratris resurrectione locutus esset; nā si de vltima, nullum priuatum sibi fratrique conferri beneficium. Verebatur enim ne quemadmodū nuntius respondens morbum non esse capitalē, ambiguo responso fefellisse videbatur: ita nunc quoque in illius dictis aliquid lateret quod spem illius eluderet. Iansl. & Mald.

25. *Dixit ei Iesus: Ego sum resurrectio & vita.* Apertis verbis eam instruit, & imperfectā eius fidem corrigit, docētque se nō indigere poscere quicquā à Deo, sed se esse Deum qui mortuos vitæ pristinæ restituere possit. His igitur verbis quis sit aperit; sequentibus autem ad veram hanc fidem exhortatur. Ego inquit *sum resurrectio & vita*, idest, Ego ipse sum qui suscitare & viuificare possum, & suscito & viuifico eos, quos volo. Et qui suscitabo quorquos sunt suscitandi, & viuificandi: non opus est mihi poscere à Deo, qui sum ipsemet Deus. Gr. Ego sū ipsa resurrectio & ipsa vita, idest, fons & auctor resurrectionis & vitæ. Iansl. & Tol. Christus vt Deus est causa prima resurrectionis: Et cum duo sint genera hominū, mortuorum atque

que viuētium, vt homo fuit causa meritoria qui morte sua liberationē omniū hominū à morte obtinuit. 1. Cor. 15. & causa instrumentalis: humanitas enim erat instrumentum diuinitatis: per carnem cæcum illuminauit, Lazarum suscitauit, & omnes in die nouissimo suscitabit. 5. Est causa exemplaris: ad exemplar enim ipsius, caro iustorum resurget gloriosa. Mortuorum se dicit resurrectionem esse, viuētium verò vitam. q. d. Per me & mortui resurgunt & viuentes viuunt. Ex Alcuin.

Qui credit in me, etiamsi mortuus fuerit, uiuet: & omnis qui uiuit & credit in me non morietur in æternum.] Explicat fidem hanc perfectam & dicit, omnis qui credit in me si mortuus fuerit morte corporali, uiuet iterum, si autem adhuc inter uiuos est, non morietur in æternum: quia quamuis temporaliter mortem subibit, ad vitam reuocabitur æternam. Non hic de ea vita loquitur ad quam omnes etiam mali surgent: sed vita quæ verè vita est, illa nimirum beata. Illud autem, *qui uiuit*, idem significat ac qui nondum est mortuus: vt sit generalis sententia: Omnes credētes in me, siue mortui sint, siue adhuc uiuant in seculo, non morientur in æternum, sed ad tempus: restituendi tamen postea in æternam & gloriosam vitam. Quibus uerbis ad fidem allicit tanta facta promissione. De fide firma & perfecta id intellige. Hilar. lib. 6.

27. *Credis hoc? Ait illi: utique Domine ego credidi, quia tu es Christus filius Dei uini, qui in hunc mundum uenisti.*] Ad hanc fidem perfectam hortatur Martham. *Credis*, inquit, *hoc?* non quod ignoret, sed vt ad fidem hanc perfectam

926 MANVALE IN EVANGELIUM

etiam prouocet : significans si quæ dicta sunt, crederet, facile eā posse & fratris credere futurā resurrectionem, ac fide illā maximè impetraturā resurrectionem : quemadmodum fide in Iesum Christū fideles cōsecuturi sūt in nouissimo die beatā resurrectionē, Ians. Martha autē mysteriū tantū non assequens, ad fidem quā de ipso conceperat recurrit, dicens : ego Domine credidi. Gr. quia tu es Christus ille filius Dei, qui venturus erat in mundū. Existimauit Martha se credidisse omnia quæ Christus dicebat, dū credidit ipsum esse verū Messīā promissum; & verè credebat, sed implicitè: vt si quis diceret, credo sanctā Ecclesiā. Ita nunc Martha, ego credidi te esse verum Christū, & omnia quæ dicis vera esse. At non distinctè ea percipiebat, nec filiū Dei appellat, intelligens esse filiū Dei Patri consubstantialē, qui carne assūpta homo factus est, sicut nos credimus & confitemur; sed filiū Dei supra omnes Prophetas & iustos, non discernens qualis esset filius Dei. Iudæi enim Messīā, filiū Dei futurum etiā expectabant : at non omnes huius mysterij distinctā habebant notitiā. Tol. Ians. Cyr. putat significare vnicū, & naturalē Dei filium, ex art. Gr. Ille filius Dei.

28. *Et cum hac dixisset, abiit, & vocauit Mariam sororem suam silentio, dicens : Magister adest, & vocat te.*] Verisimile est Martham iussam à Domino vocare sororē, & vt iussa erat vocauit silentio, idest, clam & suppressa voce, ne Iudæi qui eam consolabantur audirent, & fortè ne circumsedentes Iudæi, quorū plerosque sciebat iniquiores, animo esse Iesu, impedirent eā vt non accederet Dominū. Non fuissent egressi si eam præscissent occurrere Iesu. Iansen.

29.30. *Illa vt audiuit, surgit citò & venit ad eum. Nondum enim venerat Iesus in castellum, sed erat adhuc in illo loco ubi occurrerat ei Martha.] Vt ergo Maria audiuit sororis nuntium, surrexit subitò & venit ad eum, quia Christus nondum intrauerat castellum: sed manebat in loco ubi cum Martha collocutus erat, expectans Mariam. Non est autem ingressus quia ad locum monumenti Lazarum resuscitaturus venire decreuerat: erat autem locus ille inde vicinior quàm si in castellum intrasset. Vel foris expectat vt aliquos fortè doceret: vt ait Euthym. Vel ne testes miraculi faciendi & gloriam humanam colligere velle videretur: siue quia sciebat extra oppidum sepultum esse oportere, vt mos apud Iudæos erat, vt Chryf.*

31. *Iudæi ergo qui erant cum ea in domo, & consolabantur eam, cum vidissent Mariam quia citò surrexit, & exiit, secuti sunt eam dicentes: Quia vadit ad monumentum vt ploret ibi.] Iudæi nesciebant Christum adesse, & vocasse Mariam; ideo repentinos & ita celeres eius passus, vt nec vllum verbum præsentibus dixerit, non alteri causæ tribuerunt, quàm quod dolore tacta nimio, ad monumentum, vt ibi ploraret, profecta esset. idcirco secuti sunt eam, qui fortè mansissent, si sciissent eam occurrere Iesu: vt notat Iansen. Mansio igitur Christi extra castellum multos conuocauit Iudæos, coram quibus gestum est miraculum. Ex Aug.*

32. *Maria ergo cum venisset, ubi erat Iesus, videns eum cecidit ad pedes eius, & dicit ei: Domine si fuisses hic, non fuisset mortuus frater meus.] Maria agnoscebat pedes quos vnixerat, & lacrymis rigans consecuta erat remissionem*

R r suor

suorum peccatorum. Ad hosce pedes dolore oppressa prosternitur, & verba quæ soror protulerat enuntiat : quia eadem erat causa mortis, & non dissimilis fides. Nihil morata, nihil reuerita Iudæos eo tempore, & loco quominus factura videbatur. Ex Chrys.

33. *Iesus ergo ut vidit eam plorantem & Iudæos qui venerant cum ea plorantes, infremuit spiritu, & turbavit seipsum.*] Omnibus omnia factus, & dolentibus condolens, & patientibus clementissime compatiens, infremuit spiritu, idest, fremitum edidit intra se non in aliquem circumstantium conuersus. Rursus etiam seipsum turbat : excitauit enim in parte sensitiua affectus, & propassiones corporeas, quibus motus & turbatus interius vsque ad exteriorem vultus commotionem prorupit. Illud indignantis, hoc condolentis, & compatiens fuit. Indignabatur enim contra Iudaicam infidelitatem, propter quam Lazarus mortuus, & sororibus his sanctis afflictionis causa data est : nam mors hæc acciderat ut filius Dei manifestaretur, quæ manifestatio necessaria non erat, si Iudæi tot iam signis & miraculis conuersi credidissent. Compatiebatur autem præsentium dolori. Tol. Chrys. verò & Cyr. *Infremuit spiritu*, idest, erumpentem humanum in lacrymas & passionem affectum cohibuit, ne quid parum compositum & rationi minùs cōsentaneum ostenderet. Theoph. *Spiritu*, idest, diuinitate sua erumpentem affectum repressisse. Alij *ἐν ᾧ μακάριος* pro irasci accipientes putant spiritu, idest, diuina virtute sua sese excitasse, sese parasse veluti ad committendum hominem morte, & mortis auctore, idest, diabolo
certa

certamen. Alij non tam fremuisse verè & turbatū fuisse, quàm se fremere turbarique simulasse: vt ad futurum homines miraculum excitaret. Spiritus hoc loco anima est, aut intima hominis pars. Itaque idem est, *infremuit spiritu*. q. d. Infremuit intimis animi sensibus. Fremere autem in semetipso est angere animo intimo: idque verbo aliquo vel signo foris ostendere: vt cum præ dolore dicimus, Heu, heu. Ergo infremuit spiritu & turbauit semetipsū; hoc est in semetipso turbatus est: non solum foris, sed etiam intus, non solum simulatè, sed etiam verè. Certum est ita turbatum vt nihil rectæ rationi contrarium fuerit in eo. At cur infremuit? Alij cogitatione peccatorum vnde nata mors. Alij indignatum in mortem ipsam & mortis auctorem diabolum. Alij præuidisse mortem quam Iudæi occasione ex eo sumpta miraculo, sibi essent illaturi.

34. *Et dixit: Vbi posuistis eum?*] Non quod ignoraret: qui enim sciuit esse mortuum antequam quisquam ei indicasset, sciuit & vbi sepultus esset: sed se vt hominem verum gerere voluit, vt ab alijs deductus ad locum sepulturae veluti sibi incognitum à miraculo secluderet omnem suspicionem fuci. Ians. Chryf. verò ne mortuus fingeretur, & sic crederetur suscitatus. Propter mysterium autem vt se non causam mortis hominum dedisse ostenderet.

Dicunt ei: Domine veni & vide.] Intellexerunt sorores Dominum interrogasse vbi positus esset; animo ad monumentum eundi, idcirco respondent, *veni & vide*: non ad verba, sed ad intentionem interrogantis. Quod si perfectam fidem habuissent, dixissent, Tu omnia

930 MANVALE IN EVANGELIUM

nosti. Epiph. Maldon. verò putat in spem eternitas miraculi futuri hoc respondisse. Itaque auidè inuitasse vt veniat & videat. Vel ad flendum amicum suum ad sepulchrum ire voluisse; qui aderant hoc putauisse: non ad faciendum miraculum. Ex Chryl.

35. *Et lacrymatus est Iesus.*] Accepit responso iter ad monumentum direxit & lacrymas effudit: turbauerat enim se interiùs commiserationis & compassionis affectu; & ad lacrymas vsque cōmotionem & turbationem erumpere fuit, vt plorans cum plorantibus, argumentum præberet suæ misericordiæ. Tol. Alij non propter adstantes, sed propter Lazarum ipsum, quem suscitaturus erat & à portu quietis in quo erat, ad locum miseriæ & tempestatibus plenum mare reuocaturus. Alij propter Iudæos qui aderant, quorum sciebat incredulitatem, & viso miraculo non esse credituros. Alij communem deplorasse infirmitatem propter peccatum. Vtebatur non solum miraculis sed ipsis etiam lacrymis ad diuinā gloriam, ostendebat se Deum esse, qui mortuos suscitaret; hominem, qui lacrymaretur. Euthym. Mald. Ostendit rem non esse compositam, verè mortuum esse, quem fuis lacrymis fleret. Ostendit se illum & sorores singulariter amauisse. Et vt mortuos flere doceret ait Aug.

36. 37. *Dixerunt ergo Iudæi: Ecce quomodo amabat eum. Quidam autem ex ipsis dixerunt: Non poterat hic qui aperuit oculos cæci nati, facere, vt hic non moreretur?*] Intelligentes Iudæi lacrymas illas esse veræ dilectionis testes; sed non intelligentes ob alias etiam causas Dominum dispensatorie lacrymari, dixerunt, *Ecce*

quo

quomodo amabat eum? id est, multum certe amabat Lazarum, quando tantus propheta, & tantorum operum factor quasi homo communis propter eum lacrymatur. Vox est admirantium magnitudinem dilectionis Christi erga Lazarum. Et admiratio procedebat ex magna opinione quam de Christo conceperant. Eis enim videbatur indignum tanto homine flere, nisi grauissima ex causa. Ideo amoris magnitudini tribuunt. Erant autem qui has lacrymas in calumniam verterent, illi amoris magnitudinem; hi impotentiam mirantur, existimantes eum non potuisse impedire ne Lazarus moreretur. Mirum est cum aperuerit oculos cæcinati, cur non potuerit facere ut hic non moreretur: quod minus illis videbatur. Sic enim argumentabantur: lacrymatur: ergo dolet de morte; non igitur potuit ne moreretur impedire. At errarunt isti: nam potuit efficere ut non moreretur, sed non fecit ut mortuum suscitarer, quod maius est. Et in hoc filius Dei glorificatur. Tol.

38. *Iesus ergo rursus fremens in semetipso venit ad monumentum.*] Q. d. quia isti increduli in sua perfidia manebat, impotentiae tribuentes quod Lazarus mortuus fuerit: iterum infremuit & indignatur, quasi fremitum ingeminans, quod & Iudæi infidelitatem ingeminarent. Hoc facto venit ad monumentum, in quod Iudaica perfidia Lazarum detruserat. Tol. Ter commotum legimus Christum. i. cum Mariam & Iudæos, qui cum ea venerant, flentes vidit vers. 33. Deinde cum in conspectum sepulchri venit vers. 34. Postremo cum ad sepulchrum accessit hoc loco, ut discas quod

verè naturam nostram induit, ait Chrys.

Erat autem spelunca, & lapis superpositus erat ei] Describit Euangelista monumentum. Erat inquit spelunca quædam, in qua iacebat mortuus. Et lapis erat speluncæ ori superpositus, quo spelunca claudebatur, quale Christi sepulchrum fuisse legitur. Mat. 28.

39. *Ait Iesus: Tollite lapidem.*] Potuit virtute propria lapidem tollere qui potuit mortuum suscitare. At ut miraculum fieret manifestius ipsis iubet ut tollant. Et quia non solebat nisi in rebus necessariis, & in quibus humana non sufficit industria miracula facere. Ex Cyr.

Dicit ei Martha sorore eius qui mortuus fuerat: Domine iam foetet, quatrduanus est enim.] Vt reuerentiam quandam prætendebat erga Dominum, cuius nares vergebatur ne cadaueris foetor offenderet: ita de miraculo futuro non se securam & satis confidentem declarabat. Ians. Permisit Christus hæc verba à Martha proferri, ut adstantibus quatrduana mors innotesceret, ut tanto illustrius fieret miraculum.

40. *Dicit ei Iesus: Nonne dixi tibi, quoniam si credideris videbis gloriam Dei?*] Verba sunt reprehensionis. q. d. Tantò magis reprehensione es digna, quanto plus es à me edocta: dixi enim tibi, Si credideris videbis gloriam Dei, idest videbis miraculum insigne diuinitatis meæ; in quo mea diuinitas comprobabitur & innotescet: hoc est videre gloriam Dei, nempe opera diuinitatis magnifica videre, quibus ostendebat Christus se esse filium Dei. Queritur quādo hæc dixit. Respondeo quando ei

ei occurrit: tamen hoc Euangelista non narrat breuitati studens, quia iterum repetendum erat, sicut superius fecit cum dixit, *Magister adest & vocat te. Tol.*

41. *Tulerunt ergo lapidem.*] Adhuc perseuerante Domino in suo præcepto ministri tulerunt lapidem suspensi animo ad rei euentum, & cupidi cognoscere quid euenturum esset. Ex Aug.

Iesus autem eleuatis sursum oculis dixit.] Oculos attollit in cælum, vt significet se virtute diuina facturum, quod facturus erat, seque eius esse filium qui in cælis habitare dicitur, qui est gloriosus Deus: quem etiam allocuturus oculos conuertit, vt fieri solet quibus cum loquimur. Locuturus ergo cum Patre erigit oculos in cælum. Vel quasi in patriam suam, vt inde se venisse significaret. Andr. Cret. Vel vt formam orandi nobis traderet. Damasc. & Orig.

Pater gratias ago tibi quoniam audisti me.] Patrem appellat vt Deus, gratias agit vt homo, pro hoc beneficio. Nam Deum annuere voluntati humanæ, vt quod homo vult Deus velit & faciat, beneficium est homini collatum, gratiarum actione dignum. Videtur ita loqui quasi prius inter fremitus illos, quos Euangelista narrauit, aliquid à Patre postulasset. Alij non orasse ante, quia oratione non indigebat, sed gratias tantum egisse Patri quod se audisset, id est, quod voluisset à se fieri quod ipse facere volebat, ac cogitabat vt Lazarum resuscitaret. Mald.

42. *Ego autem sciebam quia semper me audis, sed propter populum, qui circumstat dixi, vt credant*

R. r

4

dant

934 MANVALE IN EVANGELIVM

dant quia tu me misisti.] Docet se quæ siue precando siue gratias agendo dixerat, non ideo dixisse quòd de Patris erga se dubitaret voluntate: sed vt qui aderant intelligerent exauditum se ab eo esse. Sed dubium quid dicat se dixisse cum ait, *Sed propter populum qui circumstat.* Respondetur vel ea quæ in ea oratione dixerat: vel hoc ipsum quod gratias egerit. q.d. Dixi me tibi gratias agere. Mald. Duos errores præcauet Christus propter adstantes. 1. Suspiciari possent, nesciebat ergo se auditum iri à Patre. Idcirco gratias agit. 2. dicere, non igitur semper auditur, ideoque quando auditur gratias agit. Priorem præcauet in verbo *sciebam*, posteriorem in verbo *semper*. Tol. & Hil. 3. de Trin.

43. *Hæc cum dixisset, voce magna clamavit: Lazare veni foras.*] Clamat vt omnes sciant se esse qui Lazarum suscitavit: Et quia illius resurrectio typus erat futuræ, in qua omnes qui in monumentis sunt, audient vocem filij Dei, imperando dicit, *Veni foras*. Non dicit, In nomine Patris Chrys. Sed tanquam potestatem habens Deum se esse indicans cōtra Arian. Et nomine proprio vocat vt suo imperio illum suscitari indicaret: vel quia amicus erat. Loquitur tanquam cum viuentem, quia illi tanquam Deo omnes etiam mortui viuunt. Ex Aug.

44. *Et statim prodiit qui fuerat mortuus, ligatus manus & pedes institis. Et facies illius sudario erat cooperta.*] Itaque secundum iussionem Domini non tantum reuixit, qui mortuus fuerat, sed & statim prodiit non solum à sepulcro, sed etiam à spelunca vbi sepulcrum erat.

erat. Itaque non solum surrexit sed etiam ambulauit, vt exiret, cum tamen manus ac pedes ligatus esset. Iansf. & Mald. Hoc nouum fuit miraculum & distinctum: opertis enim oculis & ligatis manibus & pedibus de spelunca egreditur. Ex Basil. orat. de trist.

Dixit Iesus: soluite eum & sinite abire.] Non dubium quin ipsismet Iudæis qui aderant, præcipit vt soluant, vt suis ipsi manibus quodammodo factum miraculum tangerent. Iubet non solum vt soluant, sed vt etiam abire sinant: vti ea quoque re, resurrectionis eius veritatem confirmet: verè enim suscitatum esse qui suis pedibus ingredi possit, & sine duce redire domum. Chrys. Ne humanam gloriam quærere videretur. Aug. *Quid est, soluite & sinite abire? quæ solueritis in terra soluta erunt in cælo.* Et Greg. l. 12. mor. c. 9. & Beda & Rup. idem dicunt. Non est ergo quod rideant Hæretici, si hoc non tanquam fundamento, sed tanquam ornamento aut exemplo vtimur ad probandum confessionem faciendam esse sacerdotibus Christi ministris, qui eos soluant. Ex Mald. Aug.

45. 46. *Multi ergo ex Iudæis qui venerant, ad Mariam & Mariham, & viderant quæ fecit Iesus, crediderunt in eum. Quidam autem ex ipsis abierunt ad Phariseos, & dixerunt eis quæ fecit Iesus.*] Quam variè factum miraculum homines affecterit docet Euangelista, alios credidisse, alios ad Phariseos quod Christus fecerat retulisse, ij forte qui ante murmurauerant, vers. 37. Qui quo conuerti debuerunt peiores sunt: plures tamen fuisse credentes, quam deferentes calumniatores, indicat Euangelista, dum eos

Rr 5 multos,

936. MANVALE IN EVANGELIUM
multos, hos verò quosdam fuisse dicit. Deferunt
autem vel odio quo Dominum prosequaban-
tur, vel timore ne viderentur esse ex numero
credentium. Nam ut s. d. Iudæi iam conspira-
uerant, ut si quis eum Christum confiteretur,
extra Synagogam fieret: vel vana quadam glo-
ria, ut se legis zelum habere ostenderent; & à
Pharisæis pluris fierent. Et probabile est eos
neque miraculum, neque in Christum cre-
didisse. Ex Aug.

47. *Collegerunt ergo Pontifices & Pharisei con-
cilium, & dicebant: Quid facimus? quia hic ho-
mo multa signa facit.*] Particula, ergo, causam
cur conveniant indicat, nempe propterea quæ
de Christo eis narrata fuerunt: mortem ei in-
ferre amplius non esse differendum: idcirco
convocant concilium, ut constat ex ipsa con-
sultatione. *Quid, inquiunt, facimus.* Vox hæc est
mutuo se accusantium, & insimulantium negli-
gentiæ. q. d. Cur in futurum non providemus?
Gr. ipse non cessat multa signa facere, & ma-
iores semper in suis operibus progressus face-
re, quibus homines trahit. Nec tamen dicunt
credimus, ait Aug.

48. *Si dimittimus eum sic, omnes credent in
eum, & venient Romani, & tollent locum nostrum
& gentem.*] Id est, si negligamus negotium
istud, omnes credent eum esse expectatum
Messiam regem Iudæorum. Id ubi eucenerit, Ro-
mani quibus iam subditi sumus, venient con-
tra nos cum exercitu, audientes scilicet Iudai-
cam Gentem, deserto Cæsare, proprium ali-
quem regem profiteri & sequi, & favientes in
nos tanquam rebelles, locum sanctum occu-
pabunt, & gentem nostram alio transferent:
Vel

Vel tollent locum nostrum & gentem, i. euer-
tent ciuitates nostras & totum Iudaicum ge-
nus interneconi dabunt. Non igitur negli-
gendum est hoc negotium. Ians. Cæca consul-
tatio excæcat eos inuidia. Nam ex hoc princi-
pio, *Hic homo multa facit*, non erat inferendum,
ergo inuehamur in eum, sed potius, recipiamus
eum & credamus ipsi. Aug. tr. 49. & Chrys. ho.
63. Alter discursus cæcus fuit. Si, inquit, di-
mittimus eum sic, omnes credent in eum, pro-
fectò decepti sunt: imò quia non dimiserunt
sic, sed occiderunt, omnes crediderunt in eum.
Hoc prædixerat Isa. 53. *Si posuerit animam pro
peccato videbit semen longauum.* & Io. 12. *Ego si
exaltatus fuero à terra omnia traham ad meipsum.*
Tertius discursus est. Si crediderint omnes in
eum, venient Romani, & tollent gentem & lo-
cum. Ratio recta non hoc inferre dictabat:
sed, venient Romani & credent in eum etiam.
Nam qui cæcos illuminabat, mortuos susci-
tabat, & Iudæos ad se conuerterat, Romanos
etiam potuisse ad se trahere. Isa. 2. & 60. *Quod
si Romani non crederent, & vi eos opprimere
vellent, profectò eius qui mortuos suscitabat
auxilio fidere debuerant, se contra Romanos
præualituros.* Quartus discursus est tacitè in-
sinuatus. Si non dimittimus, sic Romani non
venient: nec tollent locum & gentem. Decepti
sunt etiam in hoc & errarunt. Imò quia non
dimiserunt, sed occiderunt, venerunt Romanī
& tulerunt locum & gentem. Tol. Ex Dan. 9.
Luc 19. Isa. 65.

49. 50. *Vnus autem ex ipsis Caiphas nomine
cum esset Pontifex anni illius dixit eis: Vos nescitis
quicquam, nec cogitatis, quia expedit vobis ut unus*

938 MANVALE IN EVANGELIVM

moriatur homo pro populo & non tota gens pereat.]
 Quomodo Caiphas anni illius Pontifex esset
 vide apud. Mat. 26. & Luc. 3. *Vos nescitis quis-*
quam. q. d. Vos homines priuati non intelli-
 gitis quid facto opus sit. Ego Pontifex, cuius
 Deus mentem magis illustrat faciliè prospicio.
 Expedit vobis vt vnus moriatur pro populo, &
 non tota gens pereat. Verba sunt partim ab
 ipso, qui loquebatur Caipha, partim à Deo
 magna arte composita. Expedit etiam sine vl-
 la culpa, hominem innocentem interficere:
 pro populi peccatis, vt ait. hoc Dei consilium.
 Ex Theoph. & Orig.

§ 1. *Hoc autem à semetipso non dixit, sed cum*
esset Pontifex anni illius, prophetauit quod Iesus
moriturus erat pro gente, & non tantum pro gente,
sed vt filios Dei qui erant dispersi congregaret in
unum] Notat Euangelista hæc verba non ab
 illomet profecta esse, sed à Spiritu sancto, qui
 per os eius prophetauit, quod futurum erat,
 nempe mortem Christi vtilem futuram, & ex-
 pedientem saluti hominum. Causa autem cur
 Dominus per eum prophetare dignatus est in-
 dicatur, quia erat Pontifex anni illius; quam-
 uis enim iniquus & scelestus, tamen dignitas
 sancta erat. Aug. Chryl. 64. ho. nempe non
 tolli dignitatis sanctitatem per vitam malam,
 ea fungentis. Hoc ergo quatenus vaticinium,
 erat Christi pro peccatis morituri, à seipso non
 dixit, i. non proprio atque humano, sed diui-
 no dixit spiritu. Addit, *anni illius*, vt significetur
 non solum quia Pontifex erat, sed etiam quia
 anni illius, quo de Christo interimendo agen-
 dum concilium fuerat, Pontifex erat, prophe-
 tasse. Ex Orig.

53. *Ab illo ergo die cogitauerunt ut interficerent eum.*] Decretum & sententiam Caiphæ omnes ratam & gratam habuerunt. Idcirco ab eo die firmiter constituerunt eum interficere. Particula, *ergo*, indicat propter Caiphæ consilium, quod ab omnibus est firmatum. Omitunt etiam vnum quod maximè consultatione dignum, nempe quomodo eum comprehendere possent, quem sæpe comprehendere & lapidare voluerunt nec potuerunt: quo modo occiderent eum, qui cæcos illuminabat, & mortuos suscitabat: posset enim videntes eos exæcare, vt Helias fecit, & occidere viuos. Orig. Aug. & Greg.

54. *Iesus ergo non iam in palam ambulabat apud Iudæos: sed abiit in regionem iuxta desertum in ciuitatem qua dicitur Ephrem, & ibi morabatur cum discipulis suis.*] Cognito hoc nefario Iudæorum proposito, quia nondum erat suæ passionis tempus, recessit in regionem iuxta desertum in ciuitatem paruulam, quæ dicitur Ephrem. Gr. Ephraim, vbi Iudæorum frequentia non erat. Quidam Bethleem appellari alio nomine putant. Alij Ephrem. 2. Par. 13. 19. Et ibi expectabat tempus suæ dispositionis. Tol.

55. *Proximum autem erat Pascha Iudæorum, & ascenderunt multi de regione Hierosolymam ante Pascha ut sanctificarent seipsos.*] Vltimum intelligit Pascha quod Christus cum discipulis suis post paucos dies celebrauit, vt patet ex sequentibus. Quia ergo Pascha Iudæorum proximum erat, scribit Ioannes multos ex omni circa regione Hierosolymam ascendisse, vt ante Pascha sanctificarent seipsos, i. vt se, si forte pollui-

940 MANVALE IN EVANGELIVM

polluti re aliqua essent, quod frequenter illis accidebat, ut Num. 6. votis vel sacrificijs purgarent, ut Pascha mundi celebrarent: nemo enim immundus agnum Paschalem celebrare audebat, ex c. 18.

56. *Quærebant ergo Iesum, & colloquebantur ad inuicem, in templo stantes; Quid putatis, quia non venit ad diem festum? Dederant autem Pontifices & Pharisei mandatum, ut si quis cognouerit ubi sit, indicet, ut apprehendant eum.*] Particula, ergo, causam indicat cur eum quærerent: cum enim multi venissent, Iesum etiam venturum sperabant. Idcirco quærebant, quia non erat solitus expectare ipsum Paschatis diem. Cum autem colloquebatur inter se stantes in templo, quod multitudo conueniebat, inuicem interrogabant: Quid, putatis ne non venturum ad diem festum hunc? Alij exponunt quid causæ putatis cur non venerit? Hoc quærebant illi fortè qui venerant ut sanctificarentur, moti fama miraculorum Christi, & doctrinæ. Chrys. ho. 64. malo animo hos quæsisse putat. De mandato apprehendendi Christum, vide Mat. 23.

C A P V T XII.

Christus ungitur à Maria, & insidens asino intrat in Hierusalem.

1. *[Iesus ergo ante sex dies Pascha venit Bethaniam, ubi Lazarus fuerat mortuus, quem suscitauit Iesus.] Venit Dominus tanquam agnus*

agnus ad victimam: venit autem Bethaniam, ut inde solemni pompa in Hierusalem locum supplicij ingrediatur. Notanda particula, ergo, causam enim cur non in Hierusalem sed in Bethaniam primò venerit, significat: ut sit sensus, Pontifices mandatum dederant contra eum ut apprehenderetur, à Hierusalem diuertit ac Bethaniam venit, vbi Lazarum suscitauerat, & multos beneuolos habebat, ac securè poterat agere. Tempus autem quo venit Bethaniam fuit ante sex dies Paschæ, i. sexto die ante Pascha. Dies hi sex sic intelligendi sunt ut excludantur dies Paschæ primus, & dies quando venit, ut sex dies intercesserint inter diem aduentus eiusdem, & primum Paschæ diem: dies enim aduentus eius in itinere cōsumptus erat, nec computatur in numero dierum aduentus eius in Bethaniam. Iuxta hanc computationem peruenit Bethaniam die Veneris, & vsque ad diem Veneris sequentem, qui fuit primus Paschæ, sex intercesserunt dies. Aliqui die Sabbati peruenisse putant; sed verba sequentia an id facilè admittant videat lector. Tol. Totam hanc historiam, & totum hunc locum explicauit, ex Mald. apud Mat. c. 26. vsque ad vers. 9.

9. *Cognouit ergo turba multa ex Iudais quia illic est, & venerunt non propter Iesum tantum sed ut Lazarum viderent, quem suscitauit à mortuis.* Iudæi, i. Hierosolymitani ciues cognouerunt Dominum adesse Bethaniæ; veniuntque non tantum ut Christum post tantum editum miraculum, sed ut etiam Lazarum suscitatum viderent. Subtilis est humani ingenij curiositas, per omnia & mala & bona opera sese in-

quirit.

nuat. Fortè turba hæc multa conuenerat tunc primum Hierusalem: idcirco audiens rei nouitatem, & Christum & Lazarum adesse, certatim veniebat Bethaniam. Et qui erant ciues Hierosolymitani, tempus commodum habuerant Lazarum videndi, iam enim dies aliquot intercesserant ab eius resurrectione. Particula, *ergo*, relationem habet ad superiora verba ante historiam vnctionis huius, ad quam Euangelista describendam diuertens, non potuit narrare quod ex aduentu Christi in Bethania factum est. Modò autem describit, dicens: Cum venisset Bethaniam proximo tempore Paschatis, quando multa turba conuenire solet: cumque turba nouisset eum ibi adesse simul & Lazarum (erat enim locus vicinus Hierusalem). venit miraculi magnitudine tracta, vt videret mortuum suscitatum, & Christum miraculi autorem. Tol.

10. *Cogitauerunt autem Principes sacerdotum, ut & Lazarum interficerent: quia multi propter illum abibant ex Iudeis, & credebant in Iesum.* Multi ex ijs qui veniebant conuertebantur ad Christum propter tantum miraculum. At principes sacerdotum in peius prolapsi cogitauerunt non solum Christum quia Sabbatum violaret, sed & Lazarum interficere ex sola inuidia. Inuidebant enim non solum auctori beneficii, sed ijs etiam qui beneficium acceperant. Ideo & cæcū foras eiecerunt, & Lazarum volunt interficere. Mordebat etiam eos quòd instante festo multa turba illud relinqueret & ad eum accurreret: vel etiam vt potius memoriam miraculi abolerent interfecto Lazaro. Quæ sequuntur vsque ad vers. 17. apud Mat. 21. 7. explicata

explicata sunt ex Mald.

17. 18. *Testimonium ergo perhibebat turbae quae erat cum eo quando Lazarum vocavit de monumento, & suscitavit eum à mortuis.*] Causam explicat Ioannes, propter quam mota est tanta multitudo ut Iesum ita honorificè exciperent; nempe quia turba quæ adfuit Bethaniae & audierat vocem illam magnam Christi Lazarum vocantis, viderátque mortuum suscitatum, reddebat palàm testimonium omnibus Christum tale ac tantum opus fecisse, ut indicat particula, ergo.

19. *Pharisei ergo dixerunt ad semetipsos: Videtis quia nihil proficimus. Ecce mundus totus post eum abiit.*] Q. d. videtis & experimini necesse omnino esse ut faciamus quod auctore Caiapha à nobis decretum est, ut hominem istum de medio tollamus, alia enim ratione, siue persequendo eum, siue eius facta & dicta improbando, siue populum dehortando, siue comminando fore ut extra synagogam eiiciatur quisquis eum confessus fuerit, nihil proficimus. Sic suam fatentur impotentiam. Vnum illud remedium superest ut ipsū occidamus. Verba sunt ista indignantium & egrè ferentiū, ut constat ex Luc. 19. & accusantium suam segnitiam, quòd iam nuper non illū simul & Lazarum occiderint, ut Cyr. aut certè quòd diligentiores non sint, ut quamprimum occidatur, ut Theod. vel vocem eorum qui crediderant, aut certè qui beneuoli erant Christo, esse qui ipso euentu rerum conatus iniquos persequentium reprimere studebant, putat Chrys. Turba turbauit turbam ait Chrys.

20. *Erant autem quidam gentiles ex his qui*
ascens

944 MANVALE IN EVANGELIUM

ascenderant, ut adorarent in die festo.] Gentiles multos venire solitos Hierusalem deuotionis gratia, ut adorarent in templo Deum Iudæorum, certa res est Act. 8. de Eunuchō Candacis Reginae, & 2. Mach. 3. Heliodorus adorauit & obtulit oblationem: & Cyrus, & Darius reges dona miserunt: Esdr. De horum numero erant isti, qui aderant quando Dominus tanta pompa est exceptus. Chrys. ho. 65. hos gentiles esse ait, qui fieri proselyti volebant. Interlin. proselytos iam & circumcisos fuisse dicit. Alij affirmant hos fuisse Iudæos, sed ideo gentiles dici quia inter gentiles habitabant. Sic Tol. Maldonat.

21. *Hi ergo accesserunt ad Philippum qui erat à Bethsaida Galilææ, & rogabant eum dicentes: Domine volumus Iesum videre.*] Particula, ergo, aliqua ex parte explicat qui essent hi gentiles. Nam ex præcedentibus deducit quæ sequuntur. q. d. Erant gentiles, & propterea accesserunt ad Philippum qui erat à Bethsaida Galilææ Gentium, prope quam gentes habitabant, & quam multi gentiles incolebant: de quorum numero hi erant. Exponunt igitur Philippo suum desiderium videndi Christum, & adiutum quærere id assequendi. Perpende gentiliū reuerentiam: non audent per seipsos Christum accedere. Probabile est non interfuisse cum exceptus est cum pompa, sed postmodum venisse. Ideo quærebant eum videre, Iudæi vero occidere ut notat Aug.

22. *Venit Philippus & dixit Andree, Andreas rursus & Philippus dixerunt Iesu.*] Philippus Andree refert tanquam maiori, ut ait Chrys. ho. 65. aut maioris apud Christum auctoritatis, quod primus

primus omnium vocatus. At nec ipse solus est ausus, sed ambo referunt Domino, quia audierant à Christo, *In viam gentium ne abieritis.*

23. *Iesus autem respondit eis, dicens. Venit hora ut clarificetur filius hominis.*] Magnum mysterium hic aduentus gentilium significabat, quod Apostoli tunc non intellexerunt: nouit tamen quem nihil latuit Christus. Erant enim gentes ad eum venturæ & conuocandæ, post mortem tamen & resurrectionem suam: dū enim in terra erat non missus fuerat nisi ad oues quæ perierunt domus Israel. At morte sua gentes omnes congregaturus erat ad se, & nomen suū toti orbe manifestaturus. Hic igitur venientes gentiles erant velut oratores totius gentilitatis, significantes tempus iam imminere mortis & passionis, ut per eā gentes videant tandem saluatorem. Idcirco ad Apostolos isti accedū, quia per eos verbum Christi prædicandum eis erat. Dominus ergo quando adesse gentiles quærentes eum videre, audiuit, futurā conuersionem gentium & mortis suæ imminentis iudiciū & velut prognosticum agnouit. Ideo de sua morte & gentium vocatione copiose locutus est, dicens: *venit hora.* q. d. gentium hic aduentus adesse iam horam & tēpus, quando filius hominis clarificandus est, & notificandus non Iudæis solum sed gentilibus & populis. Promissio enim gentium implenda erat post Christi mortem. ex Aug. Dicit autem, *Clarificetur filius hominis*, id est, qui apparet filius hominis, noscatur simul verus Dei filius, & mundi salus, ut eum omnes veneretur & adorent. Tol. Alij clarificationē dicunt esse Euangelij prædicationem, per quam glorificandus erat Christus apud gentes.

946 MANVALE IN EVANGELIUM

gentes. Alij ascensionem in cœlū, qua consedit in dextera Dei Patris, quæ summa est claritas ex Mald. Omnia in idem redeunt.

24. *Amen, amen dico vobis, nisi granum frumenti cadens in terram mortuum fuerit, ipsum solum manet, si autem mortuum fuerit multum fructum affert.*] Similitudine explicat hanc claritatem, qualiter futura sit, nempe per mortem. Ut enim granum frumenti seminatum nisi corumpatur & mortificetur, non multiplicatur, sed vñ, & solitarium manet: at si mortuū fuerit multiplicatur, granāque multa facit: sic Christus granum cadens in terram, idest filius Dei homo factus, si non mortuus fuisset, in sua perfectione solus mansisset, at per mortē suam multiplicē fructum attulit fidelibus, vt Isa. 53. Mors ergo eius non ex absoluta necessitate erat, quia vnico opere meruit salutem hominum: sed ex ordinatione diuina: sic enim Deus disposuit. Attende rursus aliud esse cadere in terram, & aliud mori. Cadere in terram significat ipsius incarnationem, cui adhuc mori opus fuit vt nos saluaret: nihil enim nobis nasci profuisset, nisi mortuus esset. Ex Beda.

25. 26. *Qui amat animam suam perdet eam: & qui odit animam suam in hoc mundo, in vitam aeternā custodit eam.*] Extendit sententiā præcedentem, quam de morte sua pronuntiavit, ad omnes eos qui in ipsum credituri erant & ipsū secuturi; nempe vt necesse sit eos prius mortificari quā fructum afferant, vt explicaui-
mus apud Mat. 10. 31. & 16. 23.

27. 28. *Nunc anima mea turbata est. Et quid dicam? Pater, saluifica me ex hac hora. Sed propterea veni in horā hanc. Pater, clarifica nomē tuum.*]

Aduen

Aduentus horum gentilium duo repræsentarunt Christo; Vnum, gentium vocationem & conuersionem ad fidem eius: alterum mortem ipsius imminentem postquam erant vocandæ & venturæ gentes. Occasione igitur aduentus & repræsentationis huiusmodi Dominus duo etiam effecit: vnum est de fructu isto per mortem suam futuro tractare, & hoc verbis præcedentibus fecit. Alterum est ad mortis & passionis suæ iam iam imminētis cōsiderationem se conuertere: & hoc nunc Ioannes describit. Præ desiderio autem subeundæ mortis, per quam tot & tanti fructus erant ferendi, modo quodā eam præuenit, excitans in se timorē & horrorē ipsius, vt vel sic iam pati incipiat. Turbat ergo se timore mortis & passionis, & turbatus verba hæc & sequentia profert: *Nunc turbata est anima mea.* q. d. Illi gentiles nunc prænuntiant & significant mihi suo aduentu mortē meam proximā. Idcirco nunc turbata est anima mea: Illud, *nunc*, significat voluntarias & spontaneas Christi passiones. q. d. Nunc quando volo: vel nunc cum mortē meam proximam esse video. Quod ait *& quid dicam?* verba sunt Christi hominis timore & turbatione, quā ipse voluntariē & sponte assumpsit, commoti, quæ explicatione indigent. Sciendum Christum præter diuinam, etiam humanā habuisse voluntatem, quæ in naturalem & deliberatā diuiditur: non quod duæ sint voluntates cum sit vna potentia tantum, sed ratione obiectorum diuersorum modo naturalis modo deliberata dicitur. Naturalis dicitur quæ fertur in rem secundum se consideratā; deliberata verò quæ fertur in rem cum circumstantiis suis per intellectum

etum proposita v.g. Mors ipsa & passio consideratur dupliciter : vno modo vt mors & passio est , & sic habet rationem mali , est enim malum pœnæ, nec secundum se appetibile est. Voluntas igitur quæ in hanc rem sic considerata fertur naturalis dicitur : & quia in hac consideratione mors quoddam est malum, voluntas auersatur mortē & renuit eam. Poteest iterum considerari apposita circumstantia, nēpe esse hanc mortem secundum diuinā voluntatem, eamque esse mundi redēptionem: & hac ratione habet rationē boni, & voluntas eā acceptat. Illa dicitur voluntas naturalis; hæc deliberata , sēpēque contingit vt quæ nolumus voluntate naturali, velimus voluntate deliberata. Christus igitur vt in affectu suo non tantum sensitiuo, sed etiam rationali pateretur, & timorem, pauorem, tristitiam propter nos in se excitaret, utebatur hac volūate naturali, id est, sibi proponebat res tales quæ timoris & tristitiæ causæ, & obiecta erant, & hac ratione contristabatur, pauebat, & timebat: vt autem patri se conformaret, deliberata utebatur: sicque volebat & prosequabatur quæ voluntate naturali auersabatur. Hanc autem luctam & agoniam in se exercebat propter nos. Verba igitur præsentia sunt ipsius hominis in hac agonia positi. Turbat se timore & dicit : *Quid dicam?* Verbum est hominis positi inter duas voluntates, in contrarias partes tendentes. Naturali enim voluntate mortem auersabatur, at deliberata, acceptabat. *Quid dicam?* quasi inops consilij hæret, anima mea hinc inde agitata. *Pater saluifica me ex hac hora,* Vox est ex naturali volūate procedens, qua mortem & passionem horribilem

ribilem in se consideratam auersabatur & timebat. Idcirco petit à Patre liberari à morte. Saluum, inquit, me fac ne in hanc horam veniam. At voluntas deliberata in aliam trahebat partem: proponit enim ratio mortē hanc esse pro humana salute, & missum esse à Patre, vt morte sua saluet mundum. Propterea, inquit, *veni in horam hanc*, idest, mors hæc est redemptio hominum, ad hoc veni & missus sum à Patre. Sequitur voluntas deliberata: *Pater clarifica nomen tuum*, idest, mortem accepto, mori volo, pati placet. Clarifica nomen tuū in morte & passione mea, quam libens subeo. Ostende me esse filium tuum, sicut ante mortem innumeris miraculis clarificasti. Quam clarificationē petit nō propter se, sed propter nos, quorum salus est ipsius clarificatio, vt innotescat nobis nomen eius. Hęc oratio simillima est illi Mat. 26. *Pater mi, si possibile est transeat à me calix iste*: vt S. Aug. Beda & Rupert. notarunt. Illic antequam orare inciperet dixit discipulis, *Tristis est anima mea vsque ad mortem*, hīc dicit, *Nunc anima mea turbata est: & quid dicam?* Illic dixit *Pater mi si possibile est transeat à me calix iste*, hīc dicit, *Pater saluifica me ex hac ora*. Illic quasi corrigens & moderans quod dixerat addidit, *Verumtamen non mea voluntas, sed tua fiat*, hīc addit, *Sed propterea veni in horā hanc*, scilicet vt moriar: itaque nolo mortem detrectare. Clarifica ergo nomen tuum, clarificando me, & ostendendo me tuum esse filium. Ex Augustin.

Venit ergo vox de cælo dicens: Et clarificani & iterum clarificabo.] Particula, ergo, indicat consecutionem quandam, nempe quia filius petit à

950 MANUALE IN EVANGELIUM

à Patre clarificari, idcirco vox de cœlo venit significans clarificationem, dicens: *Et clarificaui & iterum clarificabo*, idest, sicut ante mortem & passionem clarificaui, nempe dum operibus potentiae & virtutis diuinæ, inquit Pater, ostendi te esse filium; ita etiam in morte clarificabo. Quod factum est, tum in ipsa morte in qua signa miranda facta sunt in sole, & terræ tremore, lapidum concussione, veli scissione, & aliis quibus multi commoti reuertebantur & filiū Dei confitebantur: tum etiam post mortem: nam suscitauit eum Pater post triduum gloriosum. Quomodo ea vox facta, per Patrē ipsū, an per Angelum, an per aërem, & quare de cœlo, vide Mat. c. 3. 17. Attende Patris & filij moderationem: nam cum idem esset, clarificari filium, & clarificari nomen Patris; tamen filius non dicit, clarifica me: sed, clarifica nomē tuū, & Pater contra non dicit, clarificaui & iterum clarificabo nomen meum: sed, clarificaui, & iterum clarificabo te. Neuter sibi, vterque alteri gloriam attribuens. Quæres quæ præterita quæ futura clarificatio. Aug. Bed. Rup. 1. hanc clarificationem ad æternam referunt, quod antequam mundus fieret fuerit in forma Dei. 2. ad tempus quod mortem & resurrectionē Christi consecuturum erat. Cū resurrecturus à mortuis, cū ad cœlos euehendus, cū ad dexterā Patris sessurus erat, & ad eam rediturus gloriā, quam habebat antequam homo fieret: vt c. 17. *Clarifica me tu Pater, apud te metipsum, claritate quam habui priusquam mundus fieret.* Alij priorem: ad mundi initium, posteriorem ad mundi reparationem referunt. Col. 1. 16. 17.

29. *Turris ergo quæ stabat & audiebat, dicebat:*

bat : tonitruum esse factum. Alij autem dicebant: Angelus ei locutus est.] Non omnis turba vocem distinctè percepit : quidam enim sonitum magnum tantum audierunt : idcirco tonitruum esse existimarunt. Alij distinctiùs percipientes , voces humanas cognouerunt, & significationem non intelligentes Angelum ei locutum putauerunt. Nam legerant Angelos prophetis locutos esse. Ex hoc loco deducimus quando Christo relatum est à duobus discipulis adesse Gentiles vt viderent eum, non eum fuisse in loco manifesto vt videri ab omnibus posset: tamen egressum esse foras, vocemque de cœlo tunc emissam, argumento est id quod sequitur: turbis enim dixit, *Non propter me hac vox venit.* Theod. Mops. putat vocem fuisse non adeo claram & distinctam, vt turba sensum intelligere potuerit. At Theod. Heracl. ideo sensum non intellexisse, sed tonitru esse existimasse, quòd vox esset insolita, & minimè aliis humanis vocibus similis. Alij in ipsis auditoribus fuisse culpam, qui adeo stupidi ad intelligendas diuinas voces essent, vt alij tonitru, alij Angeli vocem esse putauerint, cum satis distincta & articulata esset. Chryf. Cyr. Rup. verò ait omnes quidem omnia intellexisse, sed propter vocis magnitudinem persuadere sibi non potuisse veram esse vocem : sed aut tonitru esse, seque falli qui humanam vocem, & articulatam audiuisse viderentur sibi : aut certè vocem esse Angeli. Atque hoc ipsum indicabat esse vocem diuinam: nam & tonitrua voces Dei dicuntur. Ps. 17. 21. 45. 67. 76. Apoc. 1.

30. Respondit Iesus, & dixit : *Non propter me*
hac

252 MANVALE IN EVANGELIUM

hæc vox venit sed propter vos.] Paucis verbis turbæ errorem remouet: dum enim vocem affirmat, tonitruum esse negat: dum non propter se venisse docet, sed propter eos, Angelum esse, qui ei locutus sit, inficiatur. Non enim, inquit, Angelo ego indigeo, qui mihi aliqua nuntiet, quia noui omnia: non venit propter me sicut venit propter prophetas, ad annuntiandum eis quæ Deus volebat: at hæc vox non propter me venit, sed propter vos, ut me esse Dei filium, & de cælo descendisse credatis. Ita Chrys. Ho. 66.

31. *Nunc iudicium est mundi, nunc princeps huius mundi eiicietur foras.*] Exponit Dominus hanc clarificationem suam futuram per mortem & passionem, quæ in tribus illustribus operibus consistit. 1. est quia iam adest tempus quando morte & passione ferenda est sententia pro mundo contra dæmonem, & iusto iudicio eripiendus est homo, qui prius traditus fuerat dæmonis potestati, ab ipsius dominio: qua liberatione ego à Patre clarificandus sum, dum mundus me suum agnoscat liberatorem, & saluatorem. Chrys. Vel iudicium mundi est mundi condemnatio, quòd se innocentem condemnasset: Theoph. Vel reprobatorum ab electis discretio. Aug. Alij sic interpretantur: Nunc mundo optio datur, nunc illi iudicandum relinquitur utrùm velit in me credere nec ne. Mald. 2. opus quo Christus clarificandus est à Patre, est, quòd ex hoc iudicio mundi nunc, idest, mea iam passione imminente futuro, fiet ut princeps mundi huius diabolus, qui sub suo dominio mundum detinebat eo priuetur, & mundus eripiatur, & in pristinam libertatem, quam ante peccatum habuit, restituitur, ut valeat

leat iam Deo, non autem principi mundi inservire: hoc est principem eici foras. Nomine mundi omnem hominem intelligit. Quantum est ex parte. Adæ peccati, omnes sub diaboli potestate & principatu fuerunt, nemôque potuit se à peccato liberare, nec diabolo tentanti resistere, nec mortem in quam diaboli invidia inciderat, superare. Christus morte sua hoc iugum confregit, hunc principatum destruxit, à tam misera servitute mundum eripuit. Tol. Vel loquitur de mundo tanquam de arce aut domo aliqua, quam per tyrannidem diabolus occupasset: vt Luc. 11. At dices adhuc tanquã leo rugiens circuit, quærens quem deuoret. 1. Pet. Epist. 5. Eiectus foras dicitur, non quòd in mundo non sit & in multis etiam dominetur nunc: sed quòd quantum in Christo fuit eiectus fuerit, itaut si homines vellent nihil amplius haberet potestatis. Homines illi postea arcem aperuerunt, & proditione quadam in suam quisque domum admittit. Itaque etiam nunc regnat & operatur, sed in filios diffidentia. Eph. 2. Apoc. 12.

32. *Et ego si exaltatus fuero à terra omnia traham ad meipsum: Hòc autem dicebat significans qua morte esset moriturus.]* Hoc est 3. opus quo Christus est clarificandus: & est sensus, diabolo per iudiciũ eiecto, & à suo principatu expulso, ego traham ad me omnes, & mundum ipsum in meam potestatem, & principatum conuertam: vt iam non ille, sed ego sim mundi huius princeps. Ex morte processit iudiciũ, ex iudicio dæmonis expulsio, ex hac verò mundi ad Christum attractio. Suam exaltati o-
nem à terra, suam in cruce mortem appellat

954 MANVALE IN EVANGELIVM

vt cap. 3. Gr. omnes, idest, non solum Iudæos, sed etiam Gentiles. *Omnia*, cœlum & terram, homines, Angelos, ac dæmones. Rup. vt Phil. 2. Theod. traham, ait non significare inuitos à se homines, sed inuito diabolo, trahendos. Et hoc verbum significat potestatem Christi, cui nemo resistere potest, adeo esse potentem, vt si velit & opus sit vi possit homines trahere. Significat etiam eandem cum Patre potestatem, Vel alludit ad serpentem in deserto exaltatum. Vel vim suæ passionis declarat; loquitur enim de se tanquam de milite cum diabolo pugnante, qui, vt aquila, in sublime prædam trahit. Qualiter supra dixit quoniã Pater trahit quasi à tyranno detentos ait Chrys.

34. *Respondit ei turba: Nos audiuius ex lege, quia Christus manet in æternum: Et quomodo tu dicis: Oportet exaltari filium hominis? Et quis est iste filius hominis?*] Intellexit turba de morte sua loqui Christum. Idcirco obiecit ei contraria de se loqui. Et sensus est, Tu diciste Christum esse, & ex alia parte exaltandum & mortem subituum affirmas; hæc simul esse non possunt; nam ex lege habemus Christum in æternum mansurum; lex autem vera est. Quòd si respondeas quando dicis oportere exaltari filium hominis, te non esse hunc filium hominis, quis igitur iste sit aperi nobis: modo enim dicis te exaltandum, modò filium hominis, diuinam Scripturam complectentem legem & prophetas: vt cap. 10. Multis autem in locis Christi æternitas prædicta est. Psalm. 72. & 109. Dan. 6. Sed isti cæci non considerarunt hæc testimonia, neque etiam exaltationem eius prædictam, Psalm. 21. Isa. 53. Dan. 9. Nec intellexerunt

xerunt hanc mortem non repugnare eius æter-
 nitati, nec regni perpetuitati: nam citò sur-
 rexit morte in æternum victa. Nec nouerunt
 hunc filium hominis esse simul filium Dei: &
 exaltari secundum humanam naturam, non
 secundum diuinam: nec morte ipsam perso-
 nam eius perire, quæ semper erat. Vna igitur
 veritate intellecta, cæteris ignoratis, mentes
 eorum confusæ erant. Tol. Vel per contem-
 ptum hoc & cõtumeliosè dixerunt; quasi mu-
 tum & elinguem Christum reddiderint trium-
 phum agunt, victo illudunt: *Quis est iste filius*
hominis, vt Iudæi capto Christo dixerunt, *Aus*
Rex Iudaorum. Ex Chryl.

35. *Dixit ergo eis Iesus: Adhuc modicum lumen*
in vobis est: ambulate dum lucem habetis, vt non
vos tenebra comprehendant: Et qui ambulat in te-
nebris nescit quò vadat.] Noluit eorum solu-
 re obiectionem, sed ad simplicem fidem sibi &
 verbis suis præstandam hortatur, terrorem eis
 incutiens, citò ipsis defuturum magisterium,
 & doctrinam veritatis, periculòque expositos
 esse incidendi in tenebras spirituales ignoran-
 tiæ & erroris. Se Christus lumen vocat, quia
 veritatem & viam salutis docet: Modico tem-
 pore in illis futurum lumen dicit, quia per
 mortem proximam amplius eum visuri non
 erant; nec vocem eius audituri. Et quamuis
 magisterium non defuit, quandoquidem Apo-
 stoli prædicarunt & multos docuerunt, & cõ-
 uerterunt; tamen id non impedit quominus
 ipsi se exposuerint periculo incidendi in tene-
 bras, & errores. Et multi etiam ex his, quia
 lumen hoc neglexerunt, in cæcitatem & erro-
 rem mentis abire permissi sunt, seductique à
 suis

luis Pontificibus in sua cæcitate perierunt. Et hoc est quod eis prædicit, & vt præcaueant monet. Quod sequitur, *Et qui ambulat in tenebris nescit quò vadat*, redditio causæ est. q. d. Ambulate dum lucem habetis, vt non vos tenebræ comprehendant. Nam qui ambulat in tenebris nescit quò vadat. Et, pro nam, vel etenim: vt 32. Timendum in tenebras mortis labi. Ex Chryf.

36. *Dum lucem habetis, credite in lucem, vt filij lucis sitis.*] Q. d. Dum lucem ante oculos habetis credite lucem esse, quam videtis: quo enim modo credetis esse lucem, cum non videbitis? Lux oculis iudicatur: qui solem oculis medio intuens die, solem esse non credit, quomodo noctu eum videns solem esse credet? Explicat quod dixerat, *Ambulate dum lucem habetis*. Vel prius timore, nunc amore suadet vt sibi credant ex fructu lucis, dum, inquit, lucē, idest, me inter vos habetis, in lucem credite, eritisque filij lucis, idest, videntes quò & quā ambuletis. Filium lucis appellat videntem, qui oculos habet lucidos vt videat, & tenebras expellat: non enim satis est habere oculos nisi lumen adsit. Filius ergo lucis est qui videt, seu qui lucis est particeps, vt filij huius seculi qui hoc seculo fruuntur. Luc. 16. Vel lucem vocat vitam beatā. Insinuat etiam hoc verbo credentes in se filios Dei fieri vt Io. 5. Si igitur Christus Deus, & lux est, qui in eum credunt filij Dei, & lucis sunt, eamque lucem participabunt, quam Christus habet. Sic Chryf.

Hæc locutus est Iesus, & abiit, & abscondit se ab eis.] Matth. 21. explicat quod abierit in Bethaniam; Luc 21. interdiu in templo, noctu
sece

secedebat in montem Oliueti, vbi Bethania sita est. Ex Mald. Nam his paucissimis diebus Dominus extra ciuitatem nocte recedebat ne ante tempus à Iudæis comprehenderetur, mane autem reuertebatur. Nam Iudæi metu turbæ propter miraculum Lazari non audebant in die eum comprehendere. Similiter quia conati erant alias eum capere in die & non potuerunt, ideo noctem vt pote filij tenebrarum quærebant. Tol. Non expectauit vt in opus exiret concepta sæuitia. Ex Chryf.

37. *Cum autem tanta signa fecisset coram eis, non credebant in eum.*] Euangelista suum inpositurus miraculis narrandis Christi, quæ coram Iudæis fecerat, exaggerat eorum infidelitatem, cum tot & tantis signis adhuc in eum non crederent. Aliquos credidisse certum est, multò plures tamen increduli permanserunt. Ex Alcuin.

38. *Vt sermo Isaia Propheta adimpleretur, quæ dixit: Domine quis credidit auditui nostro, & brachium Domini cui reuelatum est?*] Vt, non finem sed consequutionem & euentum significat. q.d. Ex Chryf. Non crediderunt in eum cum tot & tanta signa fecisset, ex quo fit vt verum fuerit testimonium prophetæ cap. 53. de eorum incredulitate, quæ tanta erat vt tot seculis eam ante prædixerit, & abominatus fuerit. Citat etiam hoc testimonium, ne Iudæi suam perfidiam occultarent negantes se perfidos esse. His verbis Isaias paucitatem eorum Iudæorum, qui erant Christo credituri, non solum ante mortem sed etiam post Apostolorum prædicationem prædicit: vt Rom. 10. Cum Patre loquens Christus inquit: Domine quis credidit

958 MANVALE IN EVANGELIUM

auditui nostro, id est verbis nostris: erant enim verba Christi, verba Dei, & Pater in ipso & cum ipso loquebatur: sermones ergo suos cum Patre facit communes, & raritatem & paucitatem credentium miratur. q. d. Rari sunt credituri verbis, quamvis sint verba Dei. Sermone autem appellat, quia auditu percipitur, ut significaret se locuturum carne assumpta ad aures exteriores Iudæorum, & sensibilibiter. Non igitur sermonem suum vocat auditum suum, quia ipse audiat; sed quia alios audire faciat: ut 1. Thes. 2. Vtitur autem verbo præteriti, *quis credidit*, loco futuri: tum quia commune est Prophetis ad certitudinem exprimendam futurorum, uti præterito: tum quia Prophetæ vident futura in Dei præscientia: in quam præsentia, & facta sunt. August. Quibus etiam verbis Christus se vnū cum Patre significat, dum communem vtriusque dicit sermonem: Quis auditui & verbis nostris credet & Séque Brachium Domini appellat in tertia persona, prænuntiando raros futuros qui brachium Domini, nempe se, cognoscent in carne. Per brachium enim potentia significatur: Christus autem non solum est virtus & potentia Patris per quam omnia facta sunt, sed etiam venit ad nos in virtute, & potentia, operibus multis, & magnis diuinitatis. q. d. Rari sunt qui meam diuinitatem agnoscent, & confitebuntur ex Iudæis, quamvis opera diuinæ potentiae multa & magna sum effecturus apud eos. Ex Aug.

39.40. *Propterea non poterant credere, quia iterum dixit Isaias: Excacauit oculos eorum, & indurauit cor eorum.*] Probauit Ioannes incredulita-

dalitatem Iudæorum testimonio Prophetæ: nunc causam incredulitatis altero eiusdem testimonio confirmat. Et sensus est, propterea isti non poterant, i. nolebant vt Gen. 37. 4. credere, quia Isaias dixit, *excacauit oculos eorum*. Idest, quia excæcati sunt, sicut Isaias prædixit; non enim est causa incredulitatis prædictio Isaiæ, sed id quod Isaias prædixit nempe excæcatio & obduratio populi: quia enim excæcati & obdurati erāt propterea nō crediderunt. Particula igitur illa, *quia*, causam indicat, sed non ipsam prædictionem Prophetæ, quia ipse dixit, sed id quod prædixit. Chrys. Non tam est dicere non potuisse credere, quā Prophetam non potuisse mentiri: Quod vno verbo Theologi dicunt, verē non potuerunt in sensu composito, i. posita Isaiæ prædictione fore vt non crederent, absolutē tamen potuisse. Mald. Certum autem est dum excæcati & obdurati erant, eos credere non potuisse. Qui ad prædictionem particulam *quia* retulerunt, non causaliter, sed consecutiue interpretati sunt. Attende Ioannem non tam verba quam sensum ipsum Isaiæ, vt sæpe Euangelistę faciunt, allegasse. In Hebræo est, *Excaca cor populi huius, & aures eius aggraua, & oculos eius claudet*. Mat. autem c. 13. & Paulus Act. 28. secuti sunt versionem alteram Septuaginta: sed hæc varietas verborum consilio Spiritus sancti facta est, vt ex vna lectione sensum alterius comprehenderemus. Esse autem Deum qui nunc dicitur excæcasse & obdurasse, docet Paulus: qui Rom. 11. hunc eundem locum sub alijs verbis allegauit sensum etiam respiciens. *Dedit, inquit, illis Deus spiritum compunctionis, oculos vt non videant,*

deant, & aures ut non audiant. Ecce vides Deum esse, de quo Itaias dixit, *Excaca cor populi huius, & aures aggraua*, & Ioannes etiam, *Excacauit oculos eorum & indurauit cor*. Quod enim futurum erat, prænuntiavit Prophecia: quamuis sub forma illa loquendi, *Excaca & obdura*; non enim imprecabatur Iudæis excæcationem, sed quam futuram nouerat sub illa forma Prophetis consuecta prædicebat. Ioannes autem modum mutauit loquendi, *Excacauit & obdurauit*, ut exponeret Itaiam non imprecatum fuisse, sed prænuntiasse. Ne autem verba Ioannis alijs occasione errandi essent existimantibus Deum causam esse excæcationis & obdurationis, quasi ipse iniecisset eis tenebras, & cor eorum molle obdurasset; idcirco, Mat. & Paulus aliter hæc verba retulerunt, ut ex eis intelligeremus, qua ratione Deus excæcasse & obdurasse dictus fuerit: *Auribus*, inquit, *grauiter audierunt*, & *oculos ipsi clauserunt*. Ecce ipsi sunt causa suæ excæcationis & obdurationis, quia oculos clauserunt, nolentes lumen veritatis recipere. Ipsi aures aggrauarunt, & cor obdurarunt, odio prosequentes loquentem Dominum. Quando igitur dicitur Christus seu Deus excæcare, seu obdurare, intellige id dictum ex accidenti quodam, quia ipse locutus est, ipse verbum veritatis docuit, lumen fidei suæ sparsit, non utique ut illi excæcarentur vel obdurarentur: at ipsi sua malitia nolentes recipere, excæcati dicuntur verbo & lumine Christi, qui nihil minus quam excæcationem eorum proponebat. Hoc expressit Salomon c. 2. *Excacauit*, inquit, *eos malitia eorum*. Excæcatio ad intellectum, obduratio ad effectum pertinet; Iudæi

Iudæi enim nec veritatem intellectu perceperunt, nec affectu voluerunt percipere, sic Tol. & Mald.

Vt non videant oculis, & non intelligant corde, & conuertantur, & saxem eos.] Vt, non ponitur causaliter sed consecutiue. q. d. Isaias, excæcati, & obdurati sunt Iudæi, ex qua excæcatione & obduratione prouenit vt oculis mentis non viderint, nec corde intellexerint, i. non agnouerunt nec crediderunt: mens enim per cæcitatē non agnouit, & voluntas per obdurationem intellectum ne crederet auerit. Intelligere enim corde, quod credere est, ad affectum simul & cognitionem refertur. Videre autem oculis, ad agnitionem pertinet. q. d. Non agnouerunt Christum, nec in ipsum crediderunt: non agnoscentes autem, & non credentes, non sunt conuersi à vijs suis prauis ad verum medicum, nec à peccatis liberati & sanati sunt. Vide quanta mala sunt ob excæcationem & obdurationem secuta. Vel excæcat & obdurat Deus deferendo & non adiuuando, ait Aug.

41. *Hæc dixit Isaias quando vidit gloriam eius & locutus est de eo.]* Verba hæc sunt Ioannis. Particulæ *eius*, & *eo*, referuntur ad Christum in quem Iudæi non credebant, cū tanta signa fecisset. Vt sit sensus, hæc dixit Isaias quando vidit gloriam Christi, & locutus est de Christo, hoc factum fuit in illustri illa visione c. 6. quando vidit Dominum sedentem in solio maiestatis suæ, & alia quæ ibi referuntur. Gloriam vocat illam splendoris & maiestatis speciem, diuinitatis quoddam exterius signum, qua ratione Moyses dictus est gloriam Dei vi-

disse. Quibus verbis diuinitas Christi significatur. Interrogabis quid Isaias locutus est de Christo? Respondetur hoc esse quod modò refert Ioannes, nempe excæcationem & obdurationem Iudæorum futuram Christi aduentus tempore, ex Euthym.

42. 43. *Veruntatem & ex principibus multi crediderunt in eum; sed propter Phariseos non confitebantur ut è Synagoga non eijcerentur: dilexerunt enim gloriam hominum magis quàm gloriam Dei.*] Q. d. Non solum Iudæi cum tanta signa fecisset, non credebant, sed multi etiam ex maioribus & principibus eorum credebant quidem, sed non confitebantur metu Phariseorum, ne è Synagoga eijcerentur. Iudæi in fide, illi in confessione defecerunt, quæ necessaria est ad salutem Rom. 10. Notanda rabies Phariseorum contra Christum, quam etiam primi Iudæorum formidabant: erant enim in rebus ad religionem pertinentibus maxime auctoritatis apud Iudæos, quibus sacerdotum principes multum in his deferebant. Attende hos in Christum credidisse quia verum Messiam existimabant, ut verè erat: tamen reprehendi ab Euangelista, quia cum fide charitatem non habebant, diligentes plus gloriam hominum quàm Dei. Propterea dicebant Pharisei Io. 7. *Nemo ex principibus credidit in eum.* Intellige cōfessione externa: credebant quidem, sed occulta erat eorum fides metu Phariseorum, & ignorantes talem fidem, negarunt illos credidisse. Causam autem cur non confiterentur exprimit, quia pluris fecerunt apud homines magnificari quam apud Deum: ut Rom. 4. Cum enim se è Synagoga eijci, & contemni à suis timerent,

timerent, si Christum confiterentur, noluerunt confiteri. Ians. & Tol.

44. 45. *Iesus autem clamauit & dixit: Qui credit in me, non credit in me, sed in eum qui misit me. Et qui videt me, videt eum qui misit me.* Incertum an hæc à Domino dicta sint eodem die quo præcedentia, antequam abiret & absconderet se ab eis, an die aliquo sequenti. Nec refert scire quo die sint dicta, sed refert scire Euangelistam commemorasse hæc à Domino dicta occasione incredulitatis Iudæorum & malæ fidei principum. ita Ians. Magnificat autem fidem quæ in ipsum habenda erat, vt ex hoc incredulos terreat gravitate infidelitatis eorum considerata, & trepidos roboret proposita excellentia fidei, idcirco clamat liberè, vel ipso clamore illorum metum & occultam trepidationem arguens, & dicit. *Qui credit in me; non credit in me, sed in eum qui misit me.* id est, ex Aug. Qui mihi credit, ne existimet se homini soli fidem dare, sed simul Deo: non est humana fides, sed diuina illorum, qui in me credunt: credere enim mihi, credere etiam Deo est. A contrario sensu qui non credit, & qui nō audet confiteri, reus efficitur contra Deum. Simile est Mat. 9. & Io. 7. 16. Luc. 10. 16. Quibus verbis se simul Dei filium missum à Patre testatur. Idcirco qui credit in eum, credit & in Patrem qui misit eum. Et qui videt me, inquit, etiam Patrem videre dicitur, quia in me est eius substantia. Sensus est de visione corporea, non quod Deus videatur oculis corporeis immediatè & per se, sed mediante humanitate, cui diuina substantia Patris & filij est vnita. Ex Chrys. Ians. & Tol.

46. Ego

964 MANUALE IN EVANGELIUM

46. *Ego lux in mundum veni, ut omnis qui credit in me in tenebris non maneat.*] Cum dixisset se Patrem habere Deum eiusdem substantiæ, ab eoque esse missum: reddit causam quare sit missus, & cur cum sit Dei filius in mundum venit. Et attende quàm artificiose & sapienter finem suis imponit prædicationibus ad populum, vltima primis coniungens, & totam rationem aduentus exponens. Ego, inquit, qui lux eram veni in hunc mundum, ut illuminarem omnes, & in me crederent. Erant omnes in tenebris mortis; ego lux æterna, & vera eram, sine principio: veni carne assumpta eripere ex his tenebris omnes, qui in me voluerunt credere: nec alia via à tenebris ullus liberabitur nisi per fidem in me: necesse enim est præter credentes alios omnes manere in tenebris. *Ego lux veni in mundum;* indicat se lucem esse ante aduentum. *Ut omnis qui credit in me in tenebris non maneat.* Antequam crederet etiamsi habuisset omnem sapientiam huius mundi, tamen in tenebris erat. Rursus in tenebris manet, non tantum est, sed manet quia sine fide tenebræ hæ in æternum manebunt. Ex Aug.

47. *Et si quis audierit verba mea, & non custodierit, ego non iudico illum: non enim veni ut iudicem mundum, sed ut saluificem.*] Persequitur explicare aduentus sui causam, & terret non credentes in se, ut vel timore conuertantur. Sensus est, Veni ut credentes in me in tenebris non maneant; qui vero non crediderint verbis meis, ego quidem nunc non iudico eos, nec sententiam profero ut condemnem eos, quia hic aduentus meus non est ad iudican-

dum.

dum sed ad saluandum. Quibus verbis insinuat eos esse condemnatione dignos. In Græco non habetur *custodierit*, sed, *qui non crediderit*, sensu eodem.

48. *Qui spernit me, & non accipit verba mea, habet qui iudicet eum.*] Docet non deesse iudicem à quo ij qui non credunt condemnentur, quamuis eos ipse non condemnet, nempe Patrem: vt Io. 8. Verba eius non accipere, est non credere. Accipit qui in corde custodit.

Sermo quem locutus sum ille iudicabit eum in nouissimo die.] Qui sermo qui à me audierunt eum & credere noluerunt, veluti testis aduersus eos stabit, clamabitque eos æternis poenis dignos esse, quòd non crediderint: vt c. 15. Insinuat tacitè se in nouissimo die venturum & iudicaturum. Non tamen propter hoc nouissimum iudicium euadet præsens: nam etiamsi ego non iudicem visibiliter, tamen Pater meus iudicabit & damnabit in hoc etiam seculo incredulos Iudæos similiter in futuro. Ex Aug.

49. *Quia ego meipso non sum ex locutus: sed qui misit me Pater ipse mihi mandatum: dedit quid dicam & quid loquar.*] Causam dat vtriusque sententiæ, nempe qui non accipit verba mea, habet qui iudicet eum, & sermo meus iudicabit eum: & est sensus, Sermo meus non est hominis meri, sed Dei: nam quæ ego loquor Patris sunt, & quæ mihi Pater mandauit hæc locutus sum. Qui igitur est incredulus verbis meis, verbis Dei contradicit, sermonem Dei negat. Idcirco Pater & ipse sermo ab eis negatus & spre-

tus,

966 MANVALE IN EVANGELIUM

tus, ipse reos & damnatione dignos efficiet, & iudicabunt tanquam contemptores sermonis Dei, & verborum Patris incredulos. Vt Heb. 10. Hæc dicit vt homo. *Quid dicam & quid loquar.* Quia plus est dicere quam loqui, vt exprimeret Patris esse totum quod dicebat vsque ad minimam sententiam seu verbum, vtrumque idem significare putat. Euthym.

50. *Et scio quia mandatum eius vita æterna est. Qua ergo ego loquor, sicut dixit mihi Pater sic loquor.*] Concludit causam damnationis & iudicii, sermo meus iudicabit eum, quia mandatum est, & præceptum Patris: & ego scio quia mandatum eius vita æterna est, id est, in his seruandis quæ mandat; & quæ de mandato eius denuntio vita æterna posita est: vt qui crediderit & seruauerit, vitam habeat æternam. Vnde colligimus mandatorum Dei obseruationem causam esse meritoriam vitæ æternæ, nosque operibus etiam iustificari. Mald. Qui verò non crediderit priuetur vita æterna. Ex prædictis infert, hæc etiam quæ modo loquitur esse verba Patris, nempe se lucem esse, & sermonem suum illos in nouissimo die iudicaturum, & cætera quæ affirmavit: sunt etiam de eodem Patris mandato. Ex Aug.

CAPVT

CAPVT XIII.

Lauat pedes Apostolorum.

1. **A**nte diem festum Pascha.] Ioannes incipit Christi passionē narrare, sumpto exordio ab vltima eius cœna, vnde ad mortem discessit, quæ autem priusquam pateretur egerit, & docuerit, enarrat: premitteit ergo tēpus quando hæc facta sunt. *Ante, inquit, diem festum Pascha.* Sensus est, priusquam pateretur Dominus, festo enim Paschæ passus est: ante ergo hunc diem, hæc quæ modo refert facta sunt: ex Mar. 26. Mar. 14. Luc. 22.

Sciens Iesus quia venit hora eius, vt transeat ex hoc mundo ad Patrem.] Cum dixit *sciens*, ostendit Christum, nec ignarum, nec inuitum mortem obiisse: sed cū sciret quo tempore quo loco & qua ratione moriturus esset, sponte se ad mortem comparasse: vt notat Cyr. Theod. Mop. *Sciens*, ab omni nempe æternitate seu ab instanti incarnationis. Hora quæ nunc aduentasse dicitur, hora eius dicitur, quia disposita est ab eo, non fatali aliqua necessitate imposita. Erat eius secundum potestatem, non secundum aliquam necessitatem. Erat autem hora, vt transeat ex Aug. Alludit ad nomen Paschæ, quod transitum significat. Vel mortem transitum appellat, quia ab vno termino ad alterum recedebat, manens semper eadem persona, quæ filius Dei erat. Dicitur autem transire ex hoc mundo, non quòd inuisibiliter per prouidentiam adesse desistat, non quòd etiam nobiscum

in sacramento non maneat, Matt. 26. Sed quod ab hac mortalitate & miseria, & ab hominum oculis ad Patrem immortalis & pati nescius proficiscatur in coelos secundum humanitatem. Tol. Vel mortem simul & ascensionem transitum vocat ex Aug. & Chry.

Cum dilexisset suos qui erant in mundo, in finem dilexit eos.] Suos Apostolos intelligit, aut quia ab eo creati, aut quia ab eo electi, & prædestinati. 2. Tim. 2. aut quia domestici eius sunt. Cyr. ad omnes homines refert. *Qui erant in mundo*, idest, in loco miserationum & periculorum pleno. Itaque miseratione motus maiora dilectionis signa quam ante illis ostendit. Alij dicunt, *in finem*, idest, propter se, Christus enim est finis legis. Alij *in finem*, idest, usque ad mortem: ita ut pro illis moreretur: Alij *in finem*, vitæ suæ. Ex Aug.

2. *Et cœna facta.*] Tres cœnas Christus illa nocte fecit. Prima fuit legalis, illa Paschalis agni antea inchoata, nondum autem finita, aut continuo ea peracta, antequam alia inchoaretur. In hac Christum non lauisse pedes probat, quia eam cœnam stantem sumere oportebat. Et Evangelista ait eum surrexisse. Secunda fuit communis, quæ finita iam Paschali cœna, quæ non tam exsatiandæ nutriendæque naturæ quàm servandæ legalis cæremoniæ causa sumebatur, apponi solebat, ut qui agnum ederent, si largiore ad satietatem cibo indigerent, usitatis cibis saturarentur. Ante hanc aut inter hanc Christus non lauit pedes. Tertia fuit Eucharistia, quam nemo tamē aut Evangelistarum aut Apostolorum vocavit cœnam. Finita igitur secunda cœna, antequam tertiam, idest Eucharistiam

stiam inciperet Christus; surrexit, & Apostolorum pedes lauit. Et hæc sola, quæ secundo loco fiebat, vsitato loquendi more vocabatur cœna. Nam prima nō cœna sed Phase aut Pascha vocabatur; tertia autem nunquam nisi à nouis hæreticis cœna vocata est. Itaque ipsa verbi proprietas docet finita secunda illa quam diximus, cœna surrexisse Christum, eūque discipulorum lauisse pedes, iterum, vt Eucharistiam illis præberet recubuisse. Præterea cū hac pedum lotionem docere Christus voluerit oportere eos qui ad Eucharistiam sumendā accesserint esse mundos, credendum est post omnem aliam cœnam, & ante Eucharistiæ traditionem eam adhibuisse, ne quid aliud videretur significare ex Mald.

Cum diabolus iam misisset in cor vt traderet eum Iudas, Simonis Iscariota.] Hoc verbum, inquit Cyr. Chryl. ho. 69. præmittit Euangelista ante lotionem pedum vt Christi dilectionem & profundam humilitatem commendet, qui & eius qui iam eum tradere decreuerat, pedes lauare non recusarit, & seipsum in cibum ministrare dignatus sit. Et Luc. 22. expressit diabolo instigante Iudam hoc fecisse: quod non est factum vt culpa Iudæ in dæmonem transferatur: nemo enim propter dæmonis tentationem à culpa exculatur: sed vt iudicium contra diabolum in Christum insurgentem significetur: princeps enim huius mundi iudicatus est, quia vnā cū Iuda & Iudæis Christo innocenti mortem intulit; non tamen culpa vacarunt Iudas, & illi. Dæmon enim suadet non vim infert. Misit autē in cor Iudæ; quando effusione vnguenti indignatus abiit ad Iudæos, & de tradendō Domi-
no.

no pretio cum eis conuenit. Vt indicet neminem tam sceleratum esse mortalium, vt tantum facinus nisi authore diabolo in animum inducere potuisset. Contrario tamen, idest diabolico spiritu Luth. & Caluiniani, Deum peccati & quidem huius ipsius Iudæ auctorem faciunt: nec puduit Lutherum dicere, non minùs prodicionem Iudæ quàm conuersionem Pauli opus fuisse Dei. vt notat Mald.

3. *Sciens quia omnia dedit ei Pater in manus, & quia à Deo exiuit, & ad Deum vadit, surgit à cœna.*] Causas explicat, quæ Christum ad ea facienda, quæ post cœnam facta legimus, induxerunt. Quæ autem Christus post cœnâ fecit tria sunt, pedum ablutio, sacramenti & sacrificij corporis & sanguinis sui institutio; & mirandæ doctrinæ sermo: quorum duorum, nempe primi & tertij Ioannes meminit, secundum tanquam à cæteris Euangelistis copiosè narratū prætermisit: intentus his duobus describendis quæ cæteri omiserunt. Primum igitur quod Christum induxit ad hæc tria præstanda est, quod sciret, omnia data sibi à Patre in manus, idest, hominum salutem, & redemptionem ei esse à Patre commissam. Hæc eximia consideratio induxit vt miranda opera faceret, antequam discederet. Alterum, quod induxit est, scire & considerare se à Patre exiisse, idest, se esse Dei filium naturalem eiusdem cū ipso substantiæ, & potentiæ. Hæc consideratio induxit vt faceret quæ tanto amorì erga Patrem debebantur: considerabat enim ex vna parte quantum rebus à Patre suo demandatis incumbendum esset: ex altera sciebat se tantæ esse potentiæ, vt posset digna Patre æterno exhibere. Idcirco

circo voluit opus suæ omnipotentiae pro hominibus à Patre dilectis, & sibi commendatis facere, quale fuit seipsum in cibum eis dare, & sacrificium infiniti & inexhausti valoris relinquere; amor enim tantus erga Patrem non minus postulabat opus à filio, qui omnia poterat, nec se ob impotentiam, excusandi causam habebat. Tertium est considerare se ad Patrem vadere, idest, instare iam tempus saluti hominū consulendi, iam enim ad Patrem vadit, & visibiliter ab hominum conspectibus se remouet, per vicarium hominem, iam iam Ecclesiā suam gubernaturus, assistentiāque hanc visibilem depositurus. Tempus igitur adest opportunum quantum sibi cordi salus hominum sit manifestandi: discessurus ergo exemplo, doctrina, & opere hominibus consulit: lauat pedes, mira docet, opus facit supra omne miraculum, quo victum perpetuum ministrat. Hæc igitur sciēs, surgit à cœna, & lauare incipit pedes vt & exemplum præbeat, & rursus ad cœlestis cibi instituendi disponat sumptionem, & tantę doctrinæ capaces faciat. Hæc enim tria præambula, ad tria hæc opera referuntur. Surgit à cœna, idest, peracta cœna, antequam surgerent, antequam mensæ & ciborum reliquiæ remouerentur. Sic enim intelligendus est Mat. 26. cum dixit, *Cœnantibus autem eis*: & Paulus qui dominicam cœnā non Eucharistiam vocauit, vt ibidem notauimus. Quo autem modo intelligendum sit omnia filio à Patre tradita esse, vide Luc. 10. 22. & Mat. 11. 27.

4. *Surgit à cœna & ponit vestimenta sua, & cum accepisset linteum pracinxit se. Deinde misit aquam in peluim, & coepit lauare pedes discipulorum,*

rum, & extergere linteo quo erat præcinctus.] Singulare exemplum singulari diligentia describit minutissimas referens circumstantias. Ministrâ-
tis habitum Christus induit, linteo præcinctus, deposito suo vestimento, seu superiore veste vel pallio, retenta inconfuturi tunica: nō enim nudus manebat: socium non admittit, solus ipse aquam mittit in peluim, & linteo pedes extergit; quæ præter miræ charitatis erga proximū & humilitatis profundæ exemplum, quid in hominum redemptione ipse fecerit, & adhuc facturus erāt, significabāt. Ipse enim exinaniuit se formam serui accipiens cum in forma Dei esset. Ex Aug. Ipse est qui solus torcular nostræ salutis calcavit; ipse est qui solus nostrorum obtinuit remissionem peccatorum, sordēsque scelerum abluit, & extersit linteo sue humanitatis, qua gratiam, qua lauantur, & gloriam, qua exterguntur, nobis obtinuit. Ipse est qui solus lauare potuit alios, qui mundus totus, nulla alterius indigebat ablutione, quia iustus est, & iustos faciens, mundus & mundos reddens. Tol. Quot vestes Christus habuerit, vide apud Mat. 27. 35. *Vestimenta*, pluralis pro singulari.

6. *Venit ergo ad Simonem Petrum, & dicit ei Petrus, Domine tu mihi lauas pedes?*] Particula, ergo, tacitam illationem indicat. q. d. Quia cœpit lauare pedes discipulorum consequens erat ut ad Simonem Petrum deueniret lauandum qui inter discipulos erat, quorum pedes lauabat. Et indicat non fuisse primum cuius pedes lauare incœpit: nam dicit ei Petrus: *Tu mihi lauas pedes?* id est, tu mihi vis lauare pedes? Sæpe verba in sacris literis non effectum sed affectum.

affectum declarant, vt notat Chrys. & Theop. In c. 9. Mat. v. 38. *Tu, qui filius Dei es. Mihi, homini & cōditione abiectissimo, & moribus peccatori, & iis manibus quibus oculos cæci aperuisti, quibus tot fecisti miracula? Prohibet sibi lauare non alienatione, sed reuerentia.* Cyr. Theod. Et quia non intelligebat Christi consilium, quidque ea ratione vellet significare. Eadem ratione recusabat Ioannes baptizare. Mat. 3. Ex Leont.

7. *Respondit Iesus, & dixit ei: Quod ego facio nunc nescis modo, scies autem postea.*] Q. d. Nescis o Petre huius rei mysterium & causam: idcirco mei reuerentia motus lauari recusas, scito te nunc mysterium ignorare, paulò autem post, aliquid in hoc facto latere disces, quod si nunc scires non te excusares. Attende illud *Scies postea* eo dictum esse quia paulò post ablutione perfecta mysterium aperuit: *Scitis*, inquit, *quid fecerim vobis?* Ita Cyr. l. 9. c. 4. Chrys. hom. 69. ad tempus post resurrectionem & Spiritus sancti aduentum refert. Cœpit prius facere, deinde docere. Voluit autem discipulorum animos inducere vt sibi crēderent, obedientiamque prius pręstarent quam rationem obediendi intelligerent. Ea enim est perfecta inferiorum erga superiores obedientia quę cæca vocatur: de qua Greg. l. 2. in 1. l. Reg. 3. Et quam indiscretam vocat Bernard. Quæres, quo consilio Christus lauit pedes? Fecit ad exemplum humilitatis, & vt singularem amorem & prouidentiam erga discipulos declararet: vt eorum pedes in prædicationem Euangelij præpararet: vt pœnitentiam necessariam esse ad percipiendam Eucharistiam significaret: vel conformationem

974 MANVALE IN EVANGELIVM

mationem significari, qua contra reliquias peccati, idest, contra malas inclinationes fortiores efficimur.

8. *Dicit ei Petrus: non lauabis mihi pedes in aeternum.*] Nondum penetrans Christi verbum in sua excusatione persistit. *Non lauabis mihi pedes in aeternum*, idest, nunquam patiar, nunquam feram. Vehementis affectus hæc vox est, excusanda à culpa, quæ à fide perfecta, reuerentia, dilectione, timore, & humilitate procedebat. Ex Chrys.

Respondit ei Iesus, Si non lauero te non habebis partem mecum.] Quem à proposito ratio non remouit, detrimentum quod non lotus passurus erat ad promptam obedientiam conuertit. Si, inquit, *non lauero te non habebis partem mecum.* Q. d. Tu propter me, & ex mei dilectione pedum ablutionem recusas, scito te minùs me dilecturum, & longiùs à me futurum si non te lauero. Attende non habiturum partem cum Christo dictum esse, vel quia peccatum inobedientiæ commisisset, quo gratiam perdidisset, Cyr. Basil. Vel in Petro omnes alloquitur docetque, neminem nisi à se lauetur neque liberari à peccato neque gratiam habere posse. Vel quia nisi lotus esset carnis & sanguinis Christi sumptione priuatus fuisset, per quam Christus in eo & ipse in Christo mansurus erat. ad hoc enim præcipuè lauabat pedes suorum, ut dispositis & mundis seipsum in cibum daret, & realiter cum eis vniretur. Et hoc est quod Petro comminatur, si non te lauero non eris particeps mei: nam conuiuium mei ipsius modo præparo iis solis quos lauero daturus. Petrus verbum hoc distinctè non intellexit tunc quando

quando prolatum est, sed id tantum concepit nihil se cum Christo habiturum commune, ab eoque esse separandum, nisi lotus fuisset, quod quidem magna erat poena: postea tamen rei mysterium cognouit.

9. *Dicit ei Simon Petrus: Domine non tantum pedes meos, sed & manus & caput.] Qui prius ex humilitate & timore renuebat, nunc ex amore totum se lauandum offert.*

10. *Dicit ei Iesus: Qui lotus est, non indiget nisi ut pedes lauet, sed est mundus totus.] Recusat Dominus liberalem Petri voluntatem, & indicat hanc pedum ablutionem propter spiritualem munditiam & sanctificationem fieri. Dicit igitur non esse opus manus & caput lauare, sed solos pedes. Vt enim qui ablutus est semel, mundus est, nec est opus ad mundiciem iterum lauare, sed sat est si pedes lauet, qui propter vicinitatem ad terram quam calcant facillimè & citissimè sordes contrahant: ita Petrum lotionem interiori grauium peccatorum non indigere, sed ea tantum quæ erat ab aliquibus leuibus culpis, à quibus illa pedum lotio mundabat. Illa particula, Sed, vim habet causalis. q. d. Non indiget lauare quia totus est mundus. Hæc igitur lotio pedum ad interiorem munditiam ordinabatur, eiusque signum erat. Tol. Alij sunt qui per illam lotionem Baptismum intellexerunt, quo qui semel est ablutus, eum non debere iterum baptizari, sed mundum esse totum, nisi fortè aliquod peccatum post baptismum admisissent. Alij dicunt totum esse mundum cui peccata remissa omnia sunt, tamen opus esse ut pedes*
T t lauet,

lauet, idest vt agat pœnitentiam, vt David. Ex Orig. & Aug.

Et vos mundi estis sed non omnes.] Applicat similitudinem ad discipulos. *Et vos*, inquit, *mundi estis*: idcirco non indigetis nisi pedum ablutione. Mundos appellat propter gratiam & animæ sanctificationem quam tunc habebant: nec lotionem alia opus erat illis præter eam, qua à leuibus culpis, quæ facilè contrahuntur, purgarentur. Hoc probat, non ad exemplum humilitatis tantum hanc lotionem factam esse, sed simul etiam ad sanctificationem, & purgationem quandam, quæ non aliò tendebat nisi vt dignè conuiuio futuro corporis & sanguinis Christi vescerentur. Ab hac munditia excludit proditorem, dicens, *mundi estis, sed non omnes*: non eum nominat, ne alij furore in eum irruerent. Omnino tamen tacere noluit, vt Iudas suæ conscientiae stimulum, & magistri clementiam, qui eius sciens proditorem pedes lauit & latere permisit, sentiens resipisceret: nòsque omnia Christo nota fuisse intelligeremus: eiusque clementiam & prudentiam cum inimicis imitemur. Ex Orig. & Chryl.

11. *Sciebat enim quisnam esset qui traderet eum.]* Causam reddit Euangelista cur dixerit non omnes mundos esse; simulque Christi diuinitatem declarat, qui sine indice intima cordium crimina agnoscebat. Ex Aug.

12. *Postquam ergo lauit pedes eorum accepit vestimenta sua, & cum recubisset iterum, dixit eis.]* Dicit Euangelista iterum recubuisse, quia è cœna huius lotionis causa surrexerat, vt s. d. Postquam autem Dominus recubuit Sacramentum

mentum instituit, & quæ sequuntur pronuntiauit: propterea Mat. *Coenantibus*, inquit, *eis accepit Iesus panem, &c. cap. 26.*

Scitis quid fecerim vobis?] Ex facto suo humilitatis, & mutui inter eos obsequij argumentum deducit efficacissimum: *Scitis*, inquit, *quid fecerim vobis?* non est opus verbo explicare quæ oculis vidistis: ego Dominus & magister vobis discipulis & seruis laui pedes, humile & vile ministerium exercens: vobis vile videri non debet alterum alterius pedes lauare. Ex Orig.

13. 14. 15. 16. *Vos vocatis me Magister & Domine, & benedicetis: sum etenim. Si ergo ego laui pedes vestros Dominus & Magister, & vos debetis alter alterius lauare pedes. Exemplum enim dedi vobis vt quemadmodum ego feci, ita & vos faciatis. Amen, amen dico vobis, non est seruus, maior Domino suo, neque Apostolus maior illo qui misit illum.]* Rectè dicitis quia sum Dominus & magister, & talis qualem me confitemini. Ecce igitur quis ego & qui vos sitis. Non vritur Dominus hisce verbis vt iactet suam magnitudinem, sed vt eos ad humilitatem tanto exemplo & ad imitationem prouocet. Cætera quæ in hunc locum dici possunt, sunt per se perspicua & partim explicata apud Matth. cap. 10.

17. *Si hac scitis beati eritis, si feceritis ea.]* Q. d. Non hæc dico, vt vos doceam seruum non esse maiorem Domino, nec Apostolum eo qui misit illum, scio vos hæc scire: si autem vt scitis ita facitis beati eritis, & ea ratione dico vt faciatis & beati sitis. Beatos dicit in spe: vt Matth. 5. Et scire pro credere. Mald. Vnde col-

ligitur solam fidem ad salutem satis non esse.

18. *Non de omnibus vobis dico. Ego scio quos elegerim.*] Ne suum proditorem ignorasse videretur, & ut eundem pudore & confusione à proposito deterreret, quòdque suum erat faceret, licet nihil esset illi profuturum, excipit ab hac generalitate nomine tacito Iudam, dicens, non vos omnes beatos fore dico, quos hæc facturos scio; scio enim quos ego elegi, nempe quales sint, qualesque futuri, scio etiam non omnes facturos hæc, nec beatos futuros, nec ignorans elegi, sed sciens omnia: & quia scio propterea hæc dico. Aug. de electione ad beatitudinem interpretatur. Euthym. de electione ad Apostolatam. q.d. Quomodo ignorare possum quales sint quos egomet elegi? quomodo non cognoscam domesticos meos? Mald.

Sed ut adimpleatur Scriptura: Qui manducavit meum panem leuavit contra me calcaneum suum.] Respondet tacitæ obiectioni, nempe, Si sciebas omnes quos elegisti quales futuri essent, quare proditorem elegisti? Respondet, scio quos elegerim, sed *ut impleatur prophetia*, adde, elegi etiam proditorem futurum; sic enim prædictum est Psalm. 40. *Qui manducat mecum panem*, idest, vnus ex meis discipulis & familiaribus, *leuavit calcaneum contra me*, idest, me supplantauit; dolo & fraude me cadere fecit: hoc enim est supplantare, plantam seu pedem inter alterius crura immittere in lucta aut cursu, & eum cadere facere: metaphoricè significans eos qui dolis & fraudibus alterum in ruinam impellunt, quod fecit Iudas osculo tradens

tradens iustum *Vt* non causam sed euentum significat. Ex Chryl. & Orig.

19. *Amodo dico vobis, priusquam fiat, ut cum factum fuerit, credatis, quia ego sum.] Dico, inquit, hæc vobis, ut cum videritis impleta, credatis me esse verum Christum promissum & Dei filium, qualem me esse prædicaui vobis. Ut quando Apostoli viderent Christum traditum & Iudam laqueo suspensum, recordarentur verborum Christi, qui hunc prædixit futurum proditorem, & hunc non esse mundum, nec saluatum iri: ut hac ratione in fide confirmarentur, & sic tolleretur scandalum crucis futurum, quo eorum fides debilitanda erat. Amodo, idest cōfestim seu citò dico priusquam fiat. Ex Orig.*

19. *Amen dico vobis, qui accipit si quem misero, me accipit; qui autem me accipit, accipit eum qui me misit. Cum hac dixisset, Iesus turbatus est spiritu, & protestatus est & dixit: Amen, amen dico vobis quia unus ex vobis tradet me. Aspiciebant ergo discipuli ad inuicem hesitantes de quo diceret. Erat ergo recumbens unus ex discipulis eius in sinu Iesu quem diligebat Iesus. Innuit ergo huic Simon Petrus, & dixit ei; Quis est de quo dicit? Itaque cum recubuiisset ille supra pectus Iesu dixit ei: Domine quis est? Respondit Iesus: Ille est cui intinctum panem porrexero. Et cum intinxisset panem dedit Iuda Simonis Iscariota. Et post buccellā introiuit in eum satanas. Et dicit ei Iesus: Quod facis fac citius. Hoc autem nemo sciuit discumbentium ad quid dixisset ei: Quidam enim putabant (quia oculos habebat Iudas) quod dixisset ei Iesus: Eme ea qua opus sunt nobis ad diem festum, aut egenis, ut aliquid daret. Cum*

T. 3 ergo

ergo accepisset ille buccellam continuò exiit. Erat autem nox.] Hæc omnia explicata sunt apud Mat. 10. 40. & 16. 21.

31. Cum ergo exiisset dixit Iesus: Nunc clarificatus est filius hominis, & Deus clarificatus est in eo.] Ab hoc loco vsque ad cap. 18. refert Evangelista sermonem illum bene longum, & diuinorum præceptorum plenum, quem Christus peracta cœna egressoque ad prodicionem Iudæ; antequam a cœnaculo ad hortum Getsemani egrederetur, ad vndecim, qui reliqui erant, discipulos habuit. Quandiu Iudas apud illum mansit omnem orationem in eo cōsumpsit, vt eum à scelere concepto reuocaret: postquam vero abiit consolatur & instruit cæteros Apostolos de morte sua, docens non tam mortem quam glorificationem esse. Nunc, inquit, *clarificatus est filius hominis*, idest, nunc ego qui filius hominis videor & sum, clarificandus sum, & manifestandus quis sim, nempe filius Dei. Loquitur autem in præterito, quia id proximè erat futurum. Rursus addit, & *Deus clarificatus est in eo*, Ecce quo modo clarificabitur seu glorificabitur filius hominis dum manifestabitur esse filius Dei, & Deus glorificabitur in eo, idest filius hominis manifestabitur esse filius Dei. q. d. Nunc est tempus, quando homo hic, nempe ego, cognoscar esse filius Dei, & filius Dei qui in me latebat reueletur & innotescat mundo. Clarificare appellat notam facere rem, notitia illustri & honorifica. Et videtur alludere & ad id quod dixerat cap. 12. *Pater clarifica nomen tuum*, & Pater responderat, *Et clarificauit & iterum clarificabo*, & ad noctem quæ tunc erat. q. d. Nox quidem est;

est; tamē nox ista magnā mihi claritatem afferet: nam tali notitia Deus in carne, & caro in Deo nota facta est. In morte autem Christi hoc factū est, nam & hominem illum Deum esse, & Deum hominem illum fuisse est cognitum ex ipsis mortis effectibus, quia mundum, diabolum, mortem, & peccatum superauit: & ex signis miris qualia nūquam visa aut facta sunt: vt s. d. cap. 10.

32. *Si Deus clarificatus est in eo, & Deus clarificabit eum in semetipso, & continuò clarificabit eum.*] Probat fore vt Pater filium clarificet, quia cū Pater ipse per filij mortem clarificandus esset, quemadmodum & per mortem Patri suo quodammodo clarificandus dicitur cap. 21. 19. & credendum esset Patrem propriam gloriam suam non neglecturum, sed quā diligentissimē curaturum, vt suas quicquē res grauitur curat; clarificaturum profectō filium, idque quā primum. Si pro quia. Si, inquit, *Deus clarificatus*, idest, clarificabitur in eo, idest, Si clarificabitur Deus in ipso esse, quia Deus est homo; igitur Deus declarabit eum in semetipso, idest, non indigebit declaratione externa, vt sancti & Prophetae, quos Deus manifestauit: sed Deus in eomet existens, quia homo ille Deus est, ipse declarabit & manifestabit eum in morte sua: quia etsi vt homo morietur, tamē diuinitas eius mira opera edet, quibus eum declararet esse filium Dei. Deum clarificare eum in semetipso idem significat ac diuinitatem in eo existentem declarare: ipsum hominem Dei filium esse. Adhuc adiungit, *Et continuò clarificabit eum*: Quia eum resurgere faciet virtute propriæ diuinitatis in eo existen-

982 MANUALE IN EVANGELIUM

tis : se suscitabit & seipsum clarificabit resurrectione & aliis miris operibus , quæ subsequuta sunt. Prior clarificatio ad mortem ; posterior ad resurrectionem & opera gloriosa refertur. Duplex glorificatio Christi : altera gloriosa, altera non gloriosa sed humilis. In morte glorificatus est , in humilitate : at in resurrectione gloriosè glorificatus , ut notat Orig. Hom. 6. in Exo. exponens illud *gloriosè magnificatus est.*

33. *Filioli adhuc modicum vobiscum sum. Quæretis me : & sicut dixi Iudæis : Quo ego vado vos non potestis venire : & vobis dico modo.*] Affectum paternum erga eos aperit : filij diliguntur , at filioli tenerè amantur : necdum enim ad ætatem maturam spiritus peruenerunt. Quæ corda saxea sermo hic non emolliet quando discedere iam volens verbis suauissimis velut amplectitur & osculatur filios , quos parturierat , & suamet carne nutrierat ? Aug. tr. 64. Modicum tēpus interpretatur vsque ad ascensionem. Addit, *Quæretis me*, idest, desiderabitis me habere vobiscum in tribulationibus , quas post meum discessum patiemini. Non enim potestis venire quò ego vado : quod etiam Iudæis dixi, idest, nondum est tempus discessus vestri : oportet vos in hoc seculo manere , in quo multa feretis aduersa. Attende illud, *Vobis dico modo.* q. d. Modò dico non potestis , quia aliquando venire poteritis & venietis. Quod paulò clarius expressit dicens Petro, *Non potes venire in modo.* Non poterant si spectes animum & voluntatem, quia nondum tanta erant fide, tamque cōstanti ut pro Christo mori possent. Vel quia nondum diuina dispositio obitus eorum

eorum erat impleta, oportebat per mundum discurrere, verbum Christi gentibus predicare, testes Christi resurrectionis esse: nondum ergo veniendum illis erat ad Christum & ad requiem cœlestem, ad quam se Christus recipiebat. Orig. & Chrys.

34. *Mandatum nouum do vobis, ut diligatis inuicem; sicut dilexi vos, ut & vos diligatis inuicem.*] Paterno affectu demonstrato & periculorum admonitione præmissa, viuendi normam breui compendio docet. Hoc inquit mandatū nouum do vobis, ut diligatis inuicem: quod ut mentibus cordibusque tenaciùs inhæreret, usque in vltimum hunc diem reseruauit. q. d. Nouum hoc præter omnia alia adiungo mandatum, quod à principio non exposui sed distuli. Nouum etiam quia tale præceptum numquam est datum: Est enim de dilectione qua Christiani hoc nomine & titulo, quo sub vno capite Christo & vno corpore sunt, se mutuo diligunt. Nimia & vehemens apparet Christi dilectio erga suos, quorum singulos ab omnibus diligere præcipit. Rursus providētia singularis agnoscitur: si enim seruatur eius præceptū nemini deesset aliquid, qui enim ab omnibus diligitur omnium habet auxilium, nulla re indiget: aliorum enim res, dilectio facit cōmunes. Chrys. Cyr. Theod. Rup. nouum vocari dicunt quòd in veteri lege iubemur proximum nostrum sicut nos ipsos diligere; Nunc autem plusquam nos ipsos diligere iubeamur: cum iubeamur ita nos diligere mutuo, sicut Christus dilexit nos, & Christus nos plusquam seipsum dilexerit. Alij nouum dici quemadmodum lex Evangelica noua dicitur, & nouum

testamentū, quia quamuis antè esset, tamen per Christum quasi nouo addito spiritu promulgatum est. Alij quia propter desuetudinem antiquatum videretur. Alij, quia obrutum erat cæremonijs quodāmodo in veteri lege, non apparebat, sublatis verò in noua apparere, & elucere cœperit. Alij propter nouam formam quod pro regula dilectionis non iam nos ipsi, sed Christus ipse ponatur: *Sicut dilexi vos*: qui certior ac melior omnino sit. Mald. dicit si cum simili dilectionis mandato, quod ante erat conferatur, nouum dici, non quòd nouum sit, neque quòd nouo proponatur modo, sed quod cum illud, sæpe discipulis commendasset, iterum commendet, quemadmodum si nouum esset, & si numquam illud audiuisent, q. d. De nouo vobis do. Sic dicimus, fac nouam confessionem, nouam communionem, quemadmodum si numquam ante confessus esses. Si verò ad cætera mandata, quæ discipulis Christus tradiderat, conferatur, nouum Hebraica phrasi dicitur, non quia nouum, sed quia præstantissimum: vt Mat. 26. 29. & Ps. 95. Ex Aug.

35. *In hoc cognoscent omnes quia discipuli mei estis, si dilectionem habueritis ad inuicem.*] Confirmat hæc oratio Toleti expositionem vt de mutua inter Christianos charitate seu dilectione sit sermo. Hæc enim symbolum & signum est, quo Christus suos discerni vult à cæteris gentibus & populis: & verè olim tale fuit: vt refert Tert. quam Gentes admirabantur dicentes, Videte quo modo se inuicem diligant. Non hoc priuilegium miraculis, quæ à malis etiam fieri possunt, sed dilectioni concessum

SECUNDVM IOAN. CAP. XIII. 985
cessum esse, ait Chrysostom.

26. *Dicit ei Simon Petrus: Domine quo vadis?*] Non discendi, sed magis sequendi Christum desiderio paratum se exhibens ipsum sequi: ut annotat Chrys. ho. 72. Cyr. Leont. adhuc enim vehementi erga Christum dilectione, & affectu suo fidens verbis illis, *Non potestis venire*, plenam fidem non adhibet: sed existimans dictum esse, quia Christus propter pericula eos recusaturus venire putabat, idcirco petit, *quo vadis?* q. d. Quod est hoc iter, quod peragis tam plenum periculis & difficultatibus, ut non possim ego tecum venire? Adhuc Petrus passionis mysterium ignorabat, nec perfectè assequebatur. Zelus bonus & affectus laudandus, quo quæ ignorabat interrogare non puduit; Petrus tamen in hoc probandus non est, quòd suis verbis plus æquo fidebat. Chrys. & Aug.

Dicit ei Iesus: quòd ego vado non potestis me modò sequi.] Negat sequelam, sed spem concedit. Non, inquit, potes sequi: non absolutè, sed modò; ut vers. 33. tum quia nondum completa erant quæ de Petro diuina ordinatione disposita erant; multa enim per ipsum facienda decreuerat Deus, quæ post Christi ascensionem effecta sunt: tum quia nondum acceperat robur, & vires illas spiritus, quibus mortem intrepidè subiret. Oportebat Christum præcedere & mortem superare, ait Cyr. l. 9. c. 26.

Sequeris autem postea.] Mortem crucis significat, quod mortis genus Petro fuit concessum, ut verè secuturus dicatur Christum.

Dicit ei Petrus: Quare non possum te sequi modò? animam meam pro te ponam. Respondit Iesus: Animam tuam pro me pones? Amen, amen dico tibi, non

T t 6 cantabit

cantabit gallus, donec ter me neges.] Hæc exposuimus apud Mat. 26 Itane facies pro me quod ego nondum pro te? præire potes qui sequi non potes? ait Aug.

CAPUT XIV.

Sermo Domini post cœnam.

1. **N**on turbetur cor vestrum : creditis in Deum & in me credite.] Continuat Dominus sermonem illum mirabilem, quem ad discipulos egresso Iuda post cœnam habere cœperat, c. præcedenti vers. 31. quem Petrus interrogatione sua interruperat. Postquam ergo Christus illi respondit, redit ad sermonem suum, & ut ante faciebat omnes discipulos alloquitur. Ait ergo, *non turbetur cor vestrum.* Quod adiecit quia multa discipulos turbabant; Christum nempe discedentem audire, rursus se non posse quod ille ibat venire: præterea vnum eorum Christi proditorem futurum; adhuc Petrum qui primus erat eorum, ante galli cantum ter negaturum Dominum. Ex his omnibus tristitia & formidabilia concipientes contristati sunt, & timuerunt. Tristitia de Domini discessu erat, timor verò de his quæ sibi iam iam superuentura metuebant. Magister autem non destitit eos consolari miris modis, idque diuino sermone ad eos habito: qui omnibus fidelibus in huius mundi pressuris & periculis degentibus maximam cōsolationem & mentis illustrationem adfert. Incipit

cepit ergo ab hac animi eorū turbatione. *Non, inquit, turbetur cor vestrum*: deponite discipuli timorem, quem de meis verbis concepistis: non est cur turbari debeatis. Cyr. l. 9. c. 29. Non turbationem, inquit, reprehendit, ne turbati & adhuc turbandi desperarent, nec probat, ne ea absorberentur: sed modestissime admonet, *Non turbetur cor vestrum*; non dicit, nolite turbari, cum non sit in manu hominis turbationem omnem expellere: nec vitiosa semper est: quia & Christus turbatus est: sed dicitur. *Non turbetur cor vestrum*. Id est, ratio à recto & vero his passionibus succumbens ne dimoveatur, sed si turbatur & commouetur inferior pars, & sensus, cor tamen & mens recto, & vero inhæreat, & immobilis perduret. Ad hoc monet vt non ea quæ humanitatis sunt respiciant, sed quæ diuinitatis sunt intueantur: tunc cessabit timor omnis, cum credent eum qui moritur, & qui vadit, Deum esse, ab omni periculo liberare potentem: qui si nolisset mori, aut pati, eum nemo cogere potuisset: quo protegente nihil eis nocere poterit. Dicit ergo, sicut vos creditis in Deum, & fatemini ab omni eum posse periculo & malo liberare; credite in me etiam quia Deus sum. Hebr. vt lo. 5. Sensus est. Me æqualem & eundem Deū cum Patre credite, & in hoc mentis aciem figite: & non erit cur vestrum cor turbetur, in omnibus quæ euenient; me enim volente & disponente fient: si me ita potentem confitemini & consideratis, nihil est quod de meo discessu tristemini, nec vllum vestrum malum formidētis: sum enim Deus qui omnia possum. Vide quantum ratio contra omnes turbationes fide firmetur:
nullus.

988 MANVALE IN EVANGELIVM

nullus enim mœror, nec tristitia, nec timor rationem auertet à vero quandiu in hoc fixa manebit; nempe Christum illum qui patitur & vadit, ipsum esse Deū, cui nihil mali accidere potest, & qui ab omni malo suos liberare valet. Discipuli verò in his quæ solius humanitatis erant, considerantes in his turbabantur. Ex Aug.

2. *In domo Patris mei mansiones multa sunt. Si quo minus dixissem vobis: Quia vado parare vobis locum.*] Cum ad ponendum tristitiam & turbationem & fidendum in se eos prouocasset, incipit modò aperire bona quæ per ipsum tutò expectare debeant, ait Ians. vel vt Tol. instruit & consolatur eos, ex illa parte qua dictum erat, *Non potestis venire:* & rursus Petro, *Sequeris postea.* Et sensus est, Ne etiam cōtristemini nec timeatis, quia audistis me vadere, nec vos posse venire, soli que Petro promissum aduentum: non hæc dicta existimetis quasi non sit locus pro omnibus vobis: non enim ita est. Nam in domo Patris, quò ego vado, sunt multæ mansiones: non pro me aut Petro tantum, sed pro vobis etiam & pro innumeris alijs. Nō est hæc causa cur non possitis venire, sed quia necesse est me prius ire vt vobis præparem locum. *Si quo minus, dixissem vobis.* Id est, si non essent multæ mansiones in domo Patris mei, certè vos eius rei admonerem, nec vos deceptos esse paterer. Quare autem dixisset, causam adiungit, *Quia vado vobis parare locum;* causa vestri discedo, & vado vt apud Patrem locum vobis præparem. Si igitur non essent mansiones profectò certiores vos facerem: quandoquidē ea de causa vado. Ex Aug. Obijcies, si hæ mansiones

mansiones sunt apud Patrem quid opus erat preparatione? Respondeo fuisse quidem mansiones, tamen ianua cœlestis erat clausa: nemo enim quantumvis iustus & sanctus ingredi potuit regnū cœlorū, nisi prius Christus aperiret morte sua ianuam: omnes enim in limbo detinebantur, donec Christus pretium redemptionis solueret morte sua. Nec ingressi sunt regnū cœlorum donec Christus resurgens & ascendens viam faceret, hoc est præpararet locum in quo mansiones sunt, aperiret ianuam cœli, solueret pretium mansionum ipsarum, iter & viam sterneret cœlestem. Hæc omnia Christus fecit morte sua & resurrectione sua: idcirco parauit locum, vt ad mansiones, ab æterno à Deo iustis destinatas perueniri possit. Easdem mansiones quas prædestinando præparauit, præparat operando, ait Aug.

Et si abiero, & præparauero vobis locum, iterum venio, & accipiam vos ad meipsum, vt ubi sum ego & vos sitis.] Continuat sententiam, eos certos faciens venturos secum, quauis non modo. Vado, inquit, parare locum, & postquam abiero & præparauero, iterum veniam ad vos, in secundo aduentu: & assumam vos vt mecum sitis apud Patrem. Non igitur est nec cur tristemini de meo discessu; qui tam utilis & necessarius est vobis, per quem aditus patebit in regnum Dei: nec cur timeatis, quia dictum est vos non posse venire, quia venietis mecum; modò non potestis quia non est locus paratus, via non est strata, aperta non est ianua: tamen quando hæc facta fuerint poteritis, imò ego veniam & assumam vos vt mecum sitis in æternum. Colligitur ex hoc loco nemi-

nam

990 MANUALE IN EVANGELIUM
nem ante Christum ingressum esse in cœlum;
ut confir. ad Heb. 11. 39.

4. *Et quo ego vado scitis, & viam scitis.*] Intellexit Christus qui corda scrutatur discipulorum desiderium : scire enim cupiebant quò vaderet, ideòque adiungit hæc verba ut animum excitaret interrogandi, sicque rem ipse explicaret apertius. Scitis quò vado, nec solum hoc, sed etiam viam qua ad locum quò vado perueniendum sit. Noua etiam ratione eos consolatur, quia discedente eo, quem diligimus, maximum affert solatium scire quò vadat, & viam qua ad eum peruenire possimus. Ex Chryl.

5. *Dicit ei Thomas : Domine nescimus quò vadis, & quomodo possumus viam scire?*] Reuerenter ut putat Chryl. ex affectu & cupiditate sciendi quò abiret obijcit Thomas, *Nescimus quò vadis* : viam ergo non possumus scire: ignorato enim termino viam ad illum ignorari necesse est. Thomas ergo ut induceret Christum id desiderantem ad explicandum quo abiret, omnium ignorantiam proponit. *Nescimus*, inquit, non ego solus sed omnes nos. Quam cæterorum ignorantiam facile sibi persuasit Thomas, quia primum eorum Petrum interrogantem audiuerat, *quò vadis?* nec responsum acceperat. Si igitur Petrus ignorabat, cæteros ignorare non dubitauit Thomas. Ex Aug.

6. *Dicit ei Iesus: Ego sum via, veritas & vitæ nemo venit ad Patrem nisi per me.*] Respondet Dominus non solum ad verba Thomæ, sed ad animos discipulorum; non enim confirmati erant in promissione Christi. Si abiero & præparaucro,

parauero, veniam ad vos & assumam ad me: vt vbi ego sum & vos sitis. Idcirco declarat viam & promissionem confirmat. Ego, inquit, sum via, per cuius fidem oportet venire; propter doctrinam, quia viam nobis ostendit, idest, legem dedit quam si obseruauerimus ad Patrem perueniemus, & sine qua peruenire non possumus; propter imitationem, quod nemo possit nisi cum imitando ad Patrem ire; propter meritum quo nobis ipse impeditam ante & interseptam viam patefecit. *Ego sum veritas*, qui non solum non fallo, non mentior: sed possum: quæ ergo promisi faciam. Non ergo dubitetis me venturum ad vos & assumpturum ad me. *Ego sum vita*, quia etiam si mortui fueritis & occisi, reuocabo vos ad vitam vt assumamini ad me, quando veniam. Vel quia vitam æternam præbet, vel quia non nisi per ipsum vitam consequi possumus. Vel Hebraismus est, ego sum via vera & ad vitam ducens, aut ego via veritatis & vitæ. Ambula per hominem vt venias ad Deum, ait Aug.

7. *Si cognouissetis me, & Patrem meum utique cognouissetis.*] Q. d. Qui mei perfectam fidem habent, Patris etiam fidem habent: vna enim vtriusque est diuinitas & substantia, quæ sicut diuidi non potest, ita & cognitio & fides indiuisa est. Hæc est ergo causa, cur nesciatis, quò vadam, quia me perfectè non nostis. Ex Hil. 7. de Trin.

Et amodo cognoscitis eum & vidistis eum.] Promittit cognitionem hanc & fidem perfectam citò dandam. Amodo enim, idest, deinceps, seu ex nunc, cognoscetis Patrem, & me, nepe quando post ascensionem missus est Spiritus sanctus;

992 MANVALE IN EVANGELIUM

Etus, infundens fidem perfectissimā, & integer-
rimā, qua nouerunt Patrem, ad quem Christus
ut homo ibat, & ad quem ipsi perducendi erāt.
Et ne se diuersum à Patre esse significare vide-
retur, quia dixit se esse viam ad Patrem, cum sit
verè vnius substantiæ cū Patre; & ne eos omni-
planè cognitione Patris priuatos esse visus ef-
fet significare; adiunxit, *Et vidistis eum*, nempe
in me existentem. Viderant enim eum in Chri-
sto per humanitatem, quia cū sit vna diuini-
tas filij & Patris, qui per humanitatē videbat
Deū, videbat etiam Patrem per opera mira-
culorum: nam etiam Pater illa opera mira per
humanitatem efficiebat, vnā cum filio. Qui er-
go videbat Christum videbat Patrem; tamen
non agnoscebat nisi is qui perfectam fidē ha-
bebat: sicut is qui videt eum qui rex est, nescit
tamen eum regem esse; videt regem, sed regem
non agnoscit. Vel tempus visionis separauit à
tempore cognitionis. Hil. de Trin.

8. *Dicit ei Philippus: Domine ostende nobis
Patrem & sufficit nobis.*] Audiens Philippus Pa-
trem amodò cognoscendum tantę cognitionis
ardens desiderio dicit, *Domine ostende nobis Pa-
trem, & sufficit nobis.* Sufficit inquit, ad deponen-
dum omnem timorem. q. d. Tu nos de tuo di-
fcessu & aliis, quæ dixisti, tristes & timidos con-
solari & cōfirmare conaris promissione aduē-
tus tui & assumptionis nostræ ad te, & præpa-
rationis mansionum: at ostende nobis Patrem
& sufficit nobis, vt timore & tristitia depositis
non opus sit te pluribus vti rationibus. Hil. 7.
de Trinit. & Aug.

9. *Dicit ei Iesus: Tanto tempore vobiscum sum
& non cognouistis me? Philippe qui videt me videt*

&

& Patrem meum.] Arguit ignorantiam Philippi, ex qua talis procedebat petitio: Patrem enim à Christo separatum, quales humani patres sunt putabat, quorum filij cognosci possunt non visis parentibus. Idcirco Patrem sibi ostendi petit quasi iam nouerit filium, Patérque solus cognoscendus superesset. Multum autem in hoc decipiebatur: filius enim Dei non est à Patre separatus, cum vna & indiuidua sit vtriusque natura, & substantia, ut qui videt & cognoscit filium, videat & cognoscat simul Patrem. Ex hac ignorantia petit, ostende nobis Patrem. At Dominus ad radicem & causam petitionis conuersus dicit, *Tanto tempore vobiscum sum, & non cognouistis me?* q. d. Putas Philippe te me nouisse, & Patrem tibi cognoscendum superesse? non sic est, non enim me nouisti quem profectò debuisses nosse tanto tempore à me edoctus. Si enim me nouisses, nouisses ut Patrem. Gr. Non cognouisti me Philippe. Et sic in vno multi reprehenduntur. Scito qui me videt, Patrem etià videre simul. Duplex est visio, mentis & corporis: visione corporis Deus videri non potest per se, tamen videtur per aliud. Quando enim Deus olim in corporeis figuris apparebat, videri dicebatur etiam oculo corporeo: non quidem in se, sed in figura repræsentante. Ita etiam in humanitate assumpta Deus videbatur: erat enim Deus vnitus homini qui videbatur. Et ea ratione qui videbant Christum, videbant Deum non per se, sed per humanitatē illam. Cum igitur natura & diuinitas illi vnita humanitati, sit eadem Patris & filij, non poterat videri filius quin simul videretur Pater: quod esse non posset nisi vna esset vtriusque natura, & simul etià
homo

homo ille Deus esset. Hinc multi articuli fidei comprobantur: nempe hominem illū esse Deū: Patrem & filium eiusdem esse naturæ contra Arianos. Item alium esse Patrem, alium filium in personis contra Sabel. Et de hac visione sententia ista procedit. Si autem loquimur de visione mentis, tunc aut fides est, aut visio intuitiva: si de intuitiva loquamur, verissimum est qui videt Patrem videre filium, & qui videt filiū videre Patrem. Si autem de fide quæ etiam in Scriptura visio dicitur 1. Cor. 13. qui videt filiū videt Patrem. Qui enim filij diuinitatem confitetur, cum Patris diuinitatem fateri necesse est, cum vna & eadem sit. Hil. 7. de Trin. Et Aug.

10. *Quomodo tu dicis: Ostende nobis Patrem? non credis quia ego in Patre, & Pater in me est?*] Ostensa veritate dictum Philippi carpit, quasi ex imperfecta procedens. Si igitur, inquit, qui videt me videt & Patrem, cur ergo petis vt ostendam tibi Patrem, quasi à me separatum, cū ego in Patre & Pater in me sit, vnāque sit vtriusque diuinitas? Suauis reprehensione vtitur, *Non credis?* q. d. Caue ne ita dicas, attende quod petis nam id dicere & petere, est non credere me esse vnum Deum cum Patre ex Aug.

Verba quæ ego loquor vobis, à meipso non loquor: Pater autem in me manens, ipse facit opera.] Ab effectu probat se esse in Patre & Patrem in se: nempe ex verbis & doctrina sua quæ satis indicat eum non esse hominem merum, sed Deū, vnus cum Patre substantiæ: non solū quia Christus id exprimebat, sed quia doctrinæ qualitas & efficacia hominis meri non erant; vel inimicis fatentibus, *Nunquam sic locutus est homo.* At hoc non satis vobis est, opera considerate, quæ

quæ solius esse Dei negare nemo potest: suscitare enim mortuos, illuminare cæcos, aperte opera Patris sunt, & ex hoc colligeris me esse in Patre & Patrem in me, idest, me eandem cū Patre habere diuinitatem. Inde enim procedit, si ego loquor, ipsum etiā mecum loqui, & si ego operor, ipsum etiam operari quantum ad substantiam: tamen quantum ad significationem verba & opera filio tribuebantur, quia persona filij erat vnita humanitati illi, non autem persona Patris, & hac ratione Christus dicebat, se esse filium Dei, non autem dicebat se esse Patrem: quamuis hoc verbum & hoc opus factum esset à filio & Patre, quia à Filio procedebat per humanitatem tanquam instrumentum suæ personæ coniunctum, & à Patre per eandem humanitatem, sed tanquam per instrumentum separatum respectu personæ: Ex Hil. Chrys. & Aug.

11. *Non creditis quia ego in Patre & Pater in me est? Alioquin propter opera ipsa credite.*] Concludit quod probare intendebat: & sensus est, si non creditis me in Patre & Patrem in me esse, idest, si propter verba sola mea & mihi simpliciter affirmanti fidem non habetis, saltem propter opera ipsa, quæ Patris sunt, credite; nisi enim Pater in me maneret talia opera non facerem. Hil. Chrys. & Aug.

12. *Amen, amen dico vobis, qui credit in me opera quæ ego facio, & ipse faciet, & maiora horum faciet.*] Hortatus erat discipulos vt crederent cū esse in Patre, & Patrem in se; ex operibusque ipsis facile illos posse cognoscere Patrem esse in se. Ad hanc eandem fidē præter opera nouū inducit argumentum. q. d. Si opera quæ ego facio

gio

homo ille Deus esset. Hinc multi articuli fidei comprobantur: nempe hominem illū esse Deū: Patrem & filium eiusdem esse naturæ contra Arianos. Item alium esse Patrem, alium filium in personis contra Sabel. Et de hac visione sententia ista procedit. Si autem loquimur de visione mentis, tunc aut fides est, aut visio intuitiva: si de intuitiva loquamur, verissimum est qui videt Patrem videre filium, & qui videt filiū videre Patrem. Si autem de fide quæ etiam in Scriptura visio dicitur 1. Cor. 13. qui videt filiū videt Patrem. Qui enim filij diuinitatem confitetur, cum Patris diuinitatem fateri necesse est, cum vna & eadem sit. Hil. 7. de Trin. Et Aug.

10. *Quomodo tu dicis: Ostende nobis Patrem? non credis quia ego in Patre, & Pater in me est?*] Ostensa veritate dictum Philippi carpit, quasi ex imperfecta procedens. Si igitur, inquit, qui videt me videt & Patrem, cur ergo petis vt ostendam tibi Patrem, quasi à me separatum, cū ego in Patre & Pater in me sit, vnāque sit vtriusque diuinitas? Suauis reprehensione vtitur, *Non credis?* q. d. Caue ne ita dicas, attende quod petis nam id dicere & petere, est non credere me esse vnum Deum cum Patre ex Aug.

Verba quæ ego loquor vobis, à meipso non loquor: Pater autem in me manens, ipse facit opera.] Ab effectu probat se esse in Patre & Patrem in se: nempe ex verbis & doctrina sua quæ satis indicat eum non esse hominem merum, sed Deū, vnus cum Patre substantiæ: non solū quia Christus id exprimebat, sed quia doctrinæ qualitas & efficacia hominis meri non erant; vel inimicis fatentibus, *Nunquam sic locutus est homo.* At hoc non satis vobis est, opera considerate, quæ

quæ solius esse Dei negare nemo potest: suscitare enim mortuos, illuminare cæcos, aperte opera Patris sunt, & ex hoc colligeris me esse in Patre & Patrem in me, idest, me eandem cū Patre habere diuinitatem. Inde enim procedit, si ego loquor, ipsum etiā mecum loqui, & si ego operor, ipsum etiam operari quantum ad substantiam: tamen quantum ad significationem verba & opera filio tribuebantur, quia persona filij erat vnita humanitati illi, non autem persona Patris, & hac ratione Christus dicebat, se esse filium Dei, non autem dicebat se esse Patrem: quamuis hoc verbum & hoc opus factum esset à filio & Patre, quia à Filio procedebat per humanitatem tanquam instrumentum suæ personæ coniunctum, & à Patre per eandem humanitatem, sed tanquam per instrumentum separatum respectu personæ: Ex Hil. Chrys. & Aug.

11. *Non creditis quia ego in Patre & Pater in me est? Alioquin propter opera ipsa credite.*] Concludit quod probare intendebat: & sensus est, si non creditis me in Patre & Patrem in me esse, idest, si propter verba sola mea & mihi simpliciter affirmanti fidem non habetis, saltem propter opera ipsa, quæ Patris sunt, credite; nisi enim Pater in me maneret talia opera non facerem. Hil. Chrys. & Aug.

12. *Amen, amen dico vobis, qui credit in me opera quæ ego facio, & ipse faciet, & maiora horum faciet.*] Hortatus erat discipulos vt crederent eū esse in Patre, & Patrem in se; ex operibusque ipsis facile illos posse cognoscere Patrem esse in se. Ad hanc eandem fidē præter opera nouū inducit argumentum. q. d. Si opera quæ ego facio

qio

cio non vobis suadent, me esse in Patre, & Pa-
 trem in me, suadeant saltem opera quæ facturi
 sunt credentes in me, & me esse in Patre, & Pa-
 trem in me: nam hi facient opera quæ ego fa-
 cio, nempe opera Patris & diuinitatis. Vis ar-
 gumenti in eo est, qui me esse in Patre, & Pa-
 trem in me, hoc est me esse filium Dei Patri cō-
 substantialem credent, facient opera mira quæ
 ego facio propter fidem hanc. Igitur verum est
 me esse in Patre & Patrem in me: nisi enim hoc
 verum esset, qui id credit non efficeret opera
 talia per hanc fidem. *Et maiora horum faciet,*
 maius enim fuit vmbra Petri sanatos esse infir-
 mos quàm tactu fimbræ Christi: vt dicit Aug.
 tract. 72. vt ostenderet eos sua auctoritate non
 propria ipsorum facturos esse. Alij se osten-
 disse Deum, quòd dicat se multò maiora per
 eos facturum esse miracula quàm per se viuens
 fecerit. Theod. Heracl. tribus rebus Apostolo-
 rum miracula miraculis Christi dicit excelluis-
 se. Primò, quòd ipsa per se maiora fuerint, vt
 quod de vmbra Petri iā diximus Act. 5. Secūdo
 quòd Christus nullum nisi beneficij loco mi-
 raculum fecerit, vt mortuos suscitare, ægrotos
 curare; Apostoli non solùm ea quæ ad benefi-
 centiam hominū, sed etiam quæ ad poenam
 pertinerent: sicut Petrus Ananiam & Saphiram
 solo interemit verbo, Act. 5. 9. 10. Sic Paulus
 Elymam illum magum excoecauit, Act. 13. Et
 Corinthium illum iuuenem Satanæ vexandum
 tradidit. 1. Cor. 5. Postremò quòd Christus non
 nisi in Iudæa, Apostoli per totum terrarū or-
 bem miracula fecerint: itaque fama etiam &
 celebritate superarunt Christi miracula. Addit
 Christum non nisi vna locutum lingua, Apo-
 stolos

stolos innumeris vt Ruper.

13. *Quia ego ad Patrem vado. Et quodcumque petieritis in nomine meo, hoc faciam, vt glorificetur Pater in filio.*] Reddit causam cur credentes in eum faciant opera, quæ ipse fecit, & maiora. Illud autem primum verbum, *quia vado*, causa est cur credentes faciant, q.d. iam ego in hoc seculo visibiliter non ero, idcirco hoc munus meæ manifestationis credentibus in me relinquo, & ipsi facient, & prosequentur facere opera mea. Ita Chry. ho. 73. exponit verbum *ad Patrem*, causam reddit cur maiora facient, quia inquit, ego iam ad Patrem vado: tempus humilitatis meæ & abiectionis completum est, gloriam meam recipiam: quia passurus, & pro hominibus moriturus veni, ideo feci opera mira, quibus in me homines credere potuissent si voluissent. At non ea omnia feci quæ si fecissem, ad me omnes traxissem: non enim locum darem morti meæ & redemptioni. At nunc ad Patrem gloriosus vado: nomen meum manifestandum est gentibus & populis: idcirco maiora, & quæ ego non feci, facient discipuli & fideles mei; ita Cyr. l. 9. c. 41. Verbum, *Et quodcumque petieritis in nomine meo, hoc faciam*, utramque complet rationem. Vado quidem & ad Patrem, vado non vt otiosus sim, sed facturus quodcumque petieritis in nomine meo, idest, ad nominis mei inuocationem faciam omnia, per quæ Pater glorificandus est in filio, idest, quibus manifestabitur diuinitas mea, secundum quam Pater in me est: glorificatur enim Pater in filio dum filius ostenditur consubstantialis ipsi Patri per illa opera quæ facit filius qui Christus est. Hæc igitur est causa cur facitis

cietis opera, & maiora, quia ego vado & ad Patrem. Et sic vado vt faciam quidquid petieritis Patrem in nomine meo: quidquid, inquam, per quod diuinitas mea quam habeo cum Patre communem, manifestanda est. Ex Aug.

14. *Si quid petieritis in nomine meo, hoc facia.*] Repetit idē asseuerādi causa, vt ait Euthy. voluit enim fixum in illis manere, expedire ipsis vt ad Patrē abiret, vt sit generale documētum omnibus credentibus, & verba ista non de miraculis, vt præcedentia, sed ex his quæ vni- cuique ad propriam salutē spiritualē necessaria sunt, procedunt: loco enim præsentia suæ relinquit & dat petitionē in nomine suo. Dicitur autem, *petieritis me, in nomine meo.* Petere Christū est orationem & petitionē dirigere ad Christū, petere autē ipsum in nomine eius est, ea quæ rogamus ipsiusmet merito & virtute ac fide petere, vt ipse sit quē petimus, & ipsemet sit, cuius merito impetrare speramus quod petimus, quod sine fide in ipsum esse non potest. Sic primum documentum fuit ad fidei confirmationem, hoc secundum de petitione.

15. *Si diligitis me mandata mea seruare.* [Post fidē, post petitionē hoc tertium adhibet documentum, *mandata*, inquit, *mea seruare si me diligitis.* Q. d. Aliter in mea dilectione nō manebitis. Si ergo me diligere cupitis, seruare omnia, quæ vobis mandauī; sine quorū obseruatione nemo me diligit. Rectē aduertit Cyr. l. 9. c. 43. mandata sua dicere, vt se Deum in hoc significet. Cū enim prius mandata Patris pronuntiaſſet, Io. 12. nunc sua affirmat. Aduertit iterū cū petitione coniungi mandatorū obseruantiam,

tiam, ille enim petit & impetrat qui eius à quo petit mandatum & voluntatem facere studet: multi non exaudiuntur quia malè petunt, Iac. 1. malè autem petit, qui mandata nolens custodire petit. Aug.

16. *Et ego rogabo Patrem, & alium paracletum dabit vobis, ut maneat vobiscum in aeternum.*] Seruantibus mandata promittit hunc paracletum, qui non nisi diligentibus datur. Ita Aug. tract. 74. Et hæc promissio fit de plenitudine Spiritus sancti, quam plenitudinem præcedit mandatorum observatio. Sunt etiam verba & argumentum consolandi eos, & confirmandi, ut Christo discedente perseverent in fide, & dilectione, & observantia mandatorum eius. Paracletus hic Spiritus sanctus est quem dedit Pater post ascensionem Christi in cælum. Loquitur autem Christus, ut homo, *rogabo Patrem*, ut det, cum reuera vnà cum Patre dederit. At ut ostenderet suis meritis, quæ habuit ut homo, & sua intercessione qua etiam intercedit ut homo, factum esse ut Spiritus sanctus mitteretur; idcirco dicit, *ego rogabo Patrem*. Rursus ut induceret eos ad magno & læto animo ferendum hunc discessum. q. d. Non sit vobis molestus discessus meus: ego enim apud Patrem existens rogaturus sum ut det vobis alium Paracletum, eumque meis precibus dabit. Alium dicit, ut significetur personalis distinctio inter filium, & Spiritum sanctum. Est enim filius Paracletus, est Spiritus sanctus Paracletus, sed alius, quia distincta persona: ut in hoc quod uterque Paracletus est consubstantialitas: in eo quod alius, distinctio personalis insinuetur. Si Paracletus promittitur, non est

Vv quod

1000 MANVALE IN EVANGELIVM

quòd tristitia sit de discessu. Paracletus enim consolationem promittit, quia idem significat ac consolator. Rursus si Paracletus dabitur recedat timor: est enim Paracletus etiam exhortator, & incitator, quòd ad fortitudinem spectat. Alij dicunt Paracletum quasi magistrum dici. Alij quasi aduocatum, quòd postulet pro nobis gemitibus inenarrabilibus Rom. 8. Se quidem venisse vt Paracletum, sed ad breue tempus paulò post ad Patrem rediturum: Spiritum sanctum verò ita venturum vt numquàm moriatur, sed maneat in æternum. Hebraismus ait Rup. idest, toto huius vitæ decursu. Vt dixit, *in æternum*, idest, quia ad vitam æternam erat eos perducturus. Magna promissio à gratia numquam excidere ait Chrys.

17. *Spiritum veritatis, quem mundus non potest accipere, Quia non videt eum, nec scit eum.* Quem paracletum dixit, spiritum veritatis vocat; vt per hoc Christus discipulis significet, ab illo non solum consolationem eos accepturos, sed etiam perfectam veritatem docendos. Dicitur autem spiritus veritatis ab effectu, quia doctor est, & magister veritatis, eamque hominum cordibus infundit. Est autem triplex veritas. 1. res ipsa per vmbas figurata, & per figuras significata. Sic canit Ecclesia, *Vmbam fugat veritas*. 2. est promissionum complementum. 3. diuinorum cognitio ad salutem necessaria, vt Io. 19. & 17. Has tres veritates Evangelium continet: ideo sæpe nomine veritatis appellatur. Ep. 1. Gal. 5. ideo se doctorem in fide & veritate Paulus nominat. 1. Tim. 2. 2. Thes. 1. Addit mundum, idest, malos & incredulos non posse accipere hunc spiritum veritatis: & rationem

SECUNDVM IOAN. CAP. XIV. 1001

tionem adiungit, quia non videt eum, idest, quia non scit, seu non cognoscit eum: si videret aut sciret modo aliquo acciperet: at non videt, nec scit, ideo nullo modo capere potest. Non videt mundus spiritum, quia carnem non assumpsit, in qua videtur sicut filius, qui carne sumpta visibilis factus est; non ergo mundus videt: cum ergo mundus nec videat spiritum, nec sciat capere, non potest eum. Alia Christi ratio est; visus est enim à mundo in carne, ideo mundus modo aliquo accepit eum: At non sciuit, quia nec credidit, nec affectu recepit: accepit corpore, sed non mente: Spiritum sanctum autem nec corpore, nec mente. Rectè dixit mundum non posse videre eum, ne paracletum audientes aliam incarnationem suspicentur ait Chrys.

Vos autem cognoscetis eum, quia apud vos manebit, & in vobis erit.] Mundo negatur visio & cognitio: Discipulis verò non visio sed cognitio promittitur. Vos autem cognoscetis eum mente & affectu, quia apud vos manebit, quia vobiscum interius conuersabitur perseueranter docendo, instruendo, consolando, curam vestri gerendo. Nec solum apud vos manebit, sed erit in vobis, quia dona sua pretiosa vobis infundet. Christus quantum ad præsentiam corporalem, manebat apud discipulos, tamen non erat in eis: Spiritus sanctus, inuisibiliter vtrumque habet, & manet apud iustos quadam spiritali protectione, & conuersatione. Est etiam in ipsis per gratiam & dona sua, quarum ratione iusti vnionem quandam habent cum Spiritu sancto, & per seipsum, vt putat Rup.

1002 MANVALE IN EVANGELIVM

18. *Non relinquam vos orphanos.*] Q.d. Para-
cletus alius dabitur vobis, non tanquam tutor
pupillo loco Patris defuncti; nam & ego curā
vestri agam, paternum officium non desero.
Hoc verbo suam resurrectionem celerem pro-
mittit. Ideo dicit, *Non relinquam vos orphanos*:
non autem dicit, orphani non eritis, nam re-
uera futuri erant orphani Christo mortuo, quo
enim tempore mortuus fuit, homo non erat.
Ex Aug.

Veniam ad vos.] Multi hanc sententiam
proximæ tanquam eius causam connectunt.
At nova videtur sententia & separata quæ pro-
ximam auget. Non solum, inquit, non vos
relinquam orphanos citò resurgens, sed etiam
veniam ad vos, & me vnā cum Paraeto alio
habebitis: visitabo vos, vobiscum ero realiter
& visibiliter; quod impletum est quando re-
surgens suis apparuit & cum ipsis est colloca-
tus, & eos consolatus erudiuit, vt ait Aug. Vel
quando misit Spiritum sanctum: Vel de secun-
do aduentu agit. Ex Aug.

19. *Adhuc modicum, & mundus me iam non
videt; vos autem videtis me.*] Id est, post modi-
cum temporis fiet, vt mundus me amplius nō
videat: per mortem enim meam iam iam futu-
ram ab oculis hominum me subtraham, & am-
plius me non videbunt, quia resurgens non
conuersabor in hoc seculo, vt ante. At vos vide-
bitis: nam me ipsum vobis manifestabo, non
autem illis. q.d. Aduentus meus non erit sicut
prior. Vel per *modicum* intelligit totum illud
tempus quod vsque ad secundum aduentum
reliquum erat, quia mille anni in conspectu
Dei tanquam dies vna. 2. Pet. 3. Ex Aug. *Videt*
pro

pro videbit, vt, *Elias venit*, pro venturus est. Mat. 17. & *Messias venit*. Ioan. 4. Ex Chryf.

Quia ego vivo, & vos viuetis.] Causa est promissionis factæ, Vos videbitis me post medicum: videri enim non posset si ipse in morte mansisset, aut si ipso resurgente discipuli mortui essent: vtrumque hoc remouet, *Videbitis, inquit, me, quia ego vivo & vos viuetis*. Mors non impediet visionem hanc: non mea, quia ego vivo, idest, citò resurgam, & ad vitam me reuocabo; viuetis etiam vos quia non moriemini, nec interficiemini nunc, sicut ego, nec Iudæorum furor impediet quo minus Euangelium per vniuersum mundum prædicetis. Non dicit, *Viuam*, sed *vivo* vt celerem suam resurrectionem indicet. Vel est præsens pro futuro, vt supra, Ex Chryf.

20. *In illo die vos cognoscetis quia ego sum in Patre meo, & vos in me, & ego in vobis.*] Dies hic non vnus aut alter est, sed tempus à Domini resurrectione in futurum etiam post aduentum Spiritus sancti, tunc, inquit, temporis, postquam venero ad vos, perfectè cognoscetis, quæ modò non bene cognoscitis: cognoscetis autem hæc tria, nempe me esse in Patre meo, me esse Dei filium, verum Deum, & vnus ac eiusdem cum Patre substantiæ: rursus cognoscetis in me vos esse, idest, percipietis diuinæ meæ incarnationis mysterium, per quod factum est vt natura humana dicatur vnita meæ diuinitati, & assumpta ad filij Dei personam: ratione cuius vos omnes dici quadam ratione potestis esse in me. Percipietis etiam fructum huius incarnationis meæ mirabilem, nempe Spiritus sancti gratiam, per quam transformemini

1004 MANVALE IN EVANGELIUM

si in statum filiorum Dei, ex statu filiorum peccati & dæmonis erepti, cuius ratione ego sum in vobis. Hæc tria mysteria nempe Trinitatis, Incarnationis, Redemptionis, quæ summa est doctrinæ diuinæ, cognoscetis fide perfectissima, & plenissima illuminatione, ut totum mundum illuminare, & docere, & regere possitis. Aliter igitur est filius in Patre, aliter nos in ipso, aliter ipse in nobis. Ille in Patre per unitatem eiusdem est substantiæ, Nos in illo ratione naturæ assumptæ, quam nobiscum communicat, Ille in nobis ratione spiritus & gratiæ, qui est effectus redemptionis. Ex Hilar. Chrysost. & Aug.

21. *Qui habet mandata mea, & servat ea, ille est, qui diligit me.*] Id est, qui tenet memoria & servat in vita, qui habet in sermonibus & servat in operibus: qui habet audiendo & servat faciendo: qui habet faciendo & servat perseverando, ille est qui diligit me. ait Aug. Et hinc etiam non vobis solis, Apostoli mei, meipsum manifestabo, ut videat me sicut & vos. Quod factum est cum multis aliis præter undecim, & cum mulieribus quibus seipsum præbuit manifestum. Putant Chrys. & Theoph. hoc Christum nunc dicere quia videbat tristes propter futurum discessum esse discipulos: docere ergo eos si me diligant, ne in eo amorem, erga se declarent, quod ægrè discessum suum ferant, sed in eo quod mandata sua servent, cum enim se vere diligere qui servat mandata sua. Ruper. verò Christum ostendisse ante lotionem pedum quantum discipulos amaret cap. 13. nunc quantum se, & quomodo illi
amare

SECUNDVM IOAN. CAP. XIV. 1005

amare debeant. Et colligitur ex hoc loco non satis esse mandata habere, idest, credere, nisi etiam facerent quæ credebant: ideóque solam fidem ad iustificationem & salutem non satis esse. Ex Chryl. & Aug.

Qui autem diligit me, diligetur à Patre meo; & ego diligam eum, & manifestabo ei meipsum.] Describit statum Evangelicum dilectionis. Hunc qui me diligit Pater diligit. Quid est Pater diligit eum? idest, iam non dilectione seruorum, sed filiorum diligit, prius enim diligebat quasi seruos. At post meam Resurrectionem & statum Euangelij adueniente diligit vt filios. Hoc est dicere, Pater diligit eum: vt 1. Ioan. 3. Non solum Pater diligit, sed ego etiam, non vt Deus tantum (sic enim vnâ & eadem dilectione cum Patre diligit) sed vt homo etiam (sua enim charitate quam vt homo habet, suos dilexit, & diligit credentes, & sua mādāta seruantes, non solum continuando amorem, sed nouis semper cumulando beneficiis quibus multifariam & continuò suos Christus afficit.) Addit, *& manifestabo ei meipsum*, idest, ad hoc diligam, vt manifestem, & ipsam visionem mercedem fidei capiamus ait Aug.

22. *Dicit ei Iudas non ille Iscariotes: Domine quid factum est quia manifestaturus es nobis teipsum, & non mundo?*] Iudas Thadæus frater Iacobi, non ille qui Christum tradidit, audiens verbum hoc, *Mundus me non videt vos videbitis*, & de se, suisque condiscipulis intelligēs illa etiam vltima (*manifestabo me ipsi*) interrogat Christum dicens, *Quid factum est*, idest, quid causæ est quod te nobis & non mundo manifestabis, aut quod nos te videbimus, non

sed & per ipsum Spiritum sanctum: nam & ipse Spiritus sanctus, quasi primum Dei donum nobis datur: non solum enim Spiritus sanctus, nobis charitatem, & dona sua communicat, sed & per ea in nobis ipse Spiritus sanctus inhabitat. Licet enim antea ipse in anima fuerit per essentiam, potentiam, præsentiam: datur tamen rursum animæ dum illa iustificatur, ut sit in ea nouo modo, scilicet tanquam in templo suo, eamque per charitatem sanctificet, & faciat participem sui amoris. Est enim ipse primus & increatus amor. Ita Cornel. in 5. & 8. Epist. ad Rom. exponens illa verba, *Charitas Dei diffusa est in cordibus nostris per Spiritum sanctum qui datus est nobis.* Non tantum ergo per gratiā & dona Spiritus sancti quo venturus erat vnā cum Patre in eos omnes, qui eum dilexerint, & eius seruauerint sermonem, ut etiam ipsi cognoscant & participent fructum suæ redemptionis, & in consortium filiorum Dei admittantur: sed etiam per ipsummet Spiritum sanctum, ex Ruper.

24. *Qui non diligit me sermones meos non seruat, & sermonem quem audistis non est meus, sed eius qui misit me Patris.*] Q. d. à contrario confirmans superiorem sententiam, qui sermones meos non seruat, non solum non diligit me, sed nec etiam diligit Patrem, quia sermones mei, non mei, idest, non mei tantum, sed Patris etiam sunt. Sicut ergo non me diligit, ita neque Patrem. Fiet ergo ut nec Pater diligat eum, nec ego, nec ad eum venturi simus. Hæc verba adiecit ut in culpam hominū reiceret, si ad eum non venerint & fructum eius redemptionis non participauerint. Ipse.

V. u. s. enim.

1008 MANVALE IN EVANGELIUM
enim pro totius mundi salute venit.

25. 26. *Hæc locutus sum vobis apud vos manens : Paracletus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quaecumque dixerò vobis.]* Id est, hæc dixi dum brevi tempore hoc apud vos maneo : propero enim ad Patrem. At quia scio vos sensum perfectè non affectos eorum omnium, non ea de causa turbemini, quia Spiritus sanctus venturus docebit vos omnia mysteria aduentus mei, & omnium intelligentiam ministrabit, & quaecumque dixi vobis suggeret, & in memoriam reducet. Ita Cyr. & Aug. 11. 77. Declarat autem nunc quis sit Paracletus alius, quod ante non fecerat ; nempe esse Spiritum sanctum. Attende dici Patrem mittere in nomine Christi Spiritum sanctum, quia ad exequenda quæ per Christum facta sunt mittit, Christus enim redemptionem perfecit hominum : at Spiritus sanctus venit ut sanctificaret, & doceret, & denique ad complementum perduceret. Mittere enim aliquem in nomine alterius, est mittere ad agendum & tractandum negotium illius. Io. 5. ut ait Tol. Aliter Cyr. Quem per me Pater mittet : nam nō negat se eum missurū esse. ex c. 16. Theoph. Id est, pro me, meo loco qui vices meas gerat. Ut ostendat non aliud docturum Spiritum sanctum quàm quod ipse ante docuisset. Paracletum eum nominat quia eos consolabitur, & confortabit : Sanctum verò quia perfectionem sanctitatis operabitur, & docebit, & illustrabit omnia. Ex Chryl. & Aug.

27. *Pacem relinquo vobis, pacem meam do vobis : non quomodo mundus dat, ego do vobis.]*

Hebraica

SECUNDVM IOAN. CAP. XIV. 1009

Hebraica phrasi salutatio & precatio omnium prosperarum rerum significatur. Christus igitur paterno more ex hac vita discessurus vale filiis suis dicit, & vt vulgò loquimur, suam illis benedictionem relinquit: nam benedictionem ipsam Hebraico idiomate pacem appellat. Sed quam illis relinquebat benedictionem? Electionem ad vitam æternam & eius promissionem. Hæc est quã mundus dare nõ potest, hæc quæ exuperat omnem sensum Phil. 4. Hæc continet 1. amicitiam cum Deo. 2. tranquillitatem animi & serenitatem in tentationibus & persecutionibus. 3. mutuam inter ipsosmet concordiam. Hanc suis relinquit, non diuitias, non possessiones temporales. Magnum igitur suis relinquit solatium. Verbum *relinquo* hæreditatem indicat. Cyp. l. de vnit. Ecclesiæ. Dicit, *do*, ea auctoritate & potestate qua auctor sum pacis huius. *Non quo modo mundus dat*: mundus enim nudis verbis, & fideiis sæpe, & quam ipse non habet, dat. Non sic ego, sed cœlestem, vt ait, & meam, & ex corde ipso & propria auctoritate vobis *do*. Ex Aug.

Non turbetur cor vestrum, neque formidet.] Propter discessum meum: iam enim vobis dixi me esse rediturum. Verbum enim relinquendi, & salutatio ipsa recedentis, animos discipulorum noua tristitia affecerat. Chry. ho. 74.

28. *Audistis quia ego dixi vobis: Vado & venio ad vos.*] Idest, cum ex me audieritis me non abire vt vos orphanos ac desertos relinquerem, sed vt ad vos maiore cum gaudio redirem, non debet propter meum discessum cor vestrũ turbari. *Audistis*, Hebraismus, idest, recordamini, quæ paulò antè dixi me vadere &

IOIO MANVALE IN EVANGELIVM
nire ad vos, & citò post resurrectionem, ibat
vt homo, manebat vt Deus, ait Aug.

*Si diligeretis me, gauderetis utique, quia vado
ad Patrem.*] Non significat se ab illis non dile-
gi, sed est modus quidam loquendi Patris cum
filijs, amici cum amicis dolentibus ob Pa-
tris vel amici discessum, qui maiorem illi
gloriam est allaturus. Si amaretis me, non
doleretis : amantis enim est amici bonis
non dolere, sed gaudere. Insinuant hæc verba
eos potius de proprio malo contristatos esse,
& timuisse, quod propriæ dilectionis erga
seipsum est. Tol.

Quia Pater maior me est.] Exponit causam
cur dilectio erga eum, gaudium de recessu ad
Patrem postulet, quia vado ad Patrem, quia
Pater maior me est, idest, vado exaltandus &
glorificandus depòsita iam exinanitione, hu-
militate, ac paupertate mea, completa dispen-
satione, quam suscepi. Patrem appellat maio-
rem ratione gloriæ, & maiestatis in qua sem-
per erat : non enim se exinaniuerat Pater serui-
forma sumpta, in similitudinem hominū pec-
catorum factus ; Christus autem Dei filius ra-
tione humanæ naturæ inglorius & egenus fa-
ctus est, quasi leprosus & percussus à Deo &
nouissimus virorum. Isa. 23. Ire igitur ad Pa-
trem, quia maior est, significat gloriam &
maiestatem dignam filio Dei accipere in ea
natura in qua se depresserat : vt ad Phil. 2. Vtilis
ergo discessus hic erat Christo, de quo gau-
dendum erat non dolendum iis qui eum di-
ligeant. Nihil igitur ex his verbis habent A-
riani ad probandum filium ratione diuinitatis
esse minorem Patre. Nam Christus tanquam
homo

SECUNDVM IOAN. CAP. XIV. 101
homo loquitur. Maior donans est: sed minor
iam non est cui vnum esse donatur, ait Hil. 9.
de Trin.

29. *Et nunc dixi vobis priusquam fiat, ut cum
factum fuerit, credatis.*] Idest, non vos de recessu
meo certiores facio antequam fiat, ut tristi-
tia aut timore vos afficiam: sed ut mihi con-
doleatis, vel ut vobis consularis, ut solent face-
re hi qui timent: sed ut fidem diuinitatis meae
firmius concipiatis, cognoscentes voluntariè à
me omnia facta esse, & ex consilio diuino, non
casu, non necessitate. Gaudendum ergo est vo-
bis in meis verbis, quæ propter vestram in me
fidem pronuntiata sunt, ex Aug.

30. *Iam non multa loquar vobiscum: venit
enim princeps mundi huius, & in me non habet
quidquam.*] Prædicat etiam aduentum satelli-
tum & Iudæorum, ut minus turbentur, & in
fide stabiles sint, nam præuisa iacula minus fe-
riunt. *Non multa loquar*, idest, non superest
tempus plura vobis dicendi: iam enim mundi
princeps, i. diabolus Iudæos impellens venit.
Hoc dicit propter cohortem quæ ut ipsum
comprehēderet iam appropinquabat: ministri
enim erant dæmonis. Idcirco ipse venire dici-
tur. Luc. 22. At in me nihil habet, nihil suum
habet in me, nulla mei culpa patiar, nihil ma-
li est in me propter quod me iure comprehen-
dant; quia innocens sum, & mori non
sum obnoxius propter aliquod peccatum. Ex
Aug.

31. *Sed ut cognoscat mundus, quia diligo Pa-
trem, & sicut mandatum dedit mihi Pater sic fa-
cio. Surgite eamus hinc.*] Dixit se non culpa
mori, nunc veram ex Aug. causam exponit, ut
mundus

1012 MANVALE IN EVANGELIVM
mundus cognoscat se diligere Patrem, & quæ
mandavit promptè exequi. *Surgite eamus
hinc*, in eum locum in quem venturi sunt ho-
stes, vt me comprehendant, & occidant. q. d.
Mortem subeo quia volo, & quia mandatum
hoc accepi à Patre. His dictis surgit Christus
& ad locum quò Iudas cum cohorte venturus
erat properare incipit, ex Chrys.

C A P V T X V.

Continuatio Sermonis.

1. **E**Go sum vitis vera, & Pater meus agri-
cola est.] Sermonem quem sedendo
habuit, non stans, protrahit more amicorum,
qui cum abitum parant, postquam valedixe-
runt, nouam colloquendi occasionem aliunde
desumunt, quod ab eis præ nimio amore ægrè
diuellantur. Ita Christus nunc stando nouum
exorditur sermonem ad suos ad exeundum pa-
ratos, sic Iansf. Nihil poterat discipulis ad mor-
tem discedens dicere magis necessarium quàm
ne se vnquam ab ipso, i. ab eius fide ac dile-
ctione auelli paterentur, si quidem vellent vi-
uere. Ideo se viti comparat, quia voluit docere
neminem magis posse sine se viuere quàm sar-
mentum sine vite, cui innatum est. Patrem au-
tem suum agricolam dicit esse, quia se vitem
colat, qui sui curam gerat, vt ostendat fore vt
Pater eos qui in se fructum non tulerint, tan-
quam inutilia sarmenta desecet, & in ignem
mittat. Dicit autem se esse veram vitem ad dif-
ferentiam

SECUNDVM IOAN. CAP. XV. 1013

ferentiam vitis alienę, quam sperabat facturā
 vuas & fecit labruscas, Isa. 5. Ethym. Veram, i.
 perfectam & spirituales, eximiam, præcipuam
 veritatis fructum proferentem. Ab effectu dici-
 tur vera, quia melius & perfectius homines
 in se per fidem natos nutrit quā sarmēta sua
 naturalis vitis. Sic dicitur lux vera, non quòd
 verè lux sit, sed quia melius homines illumi-
 net quam sol. Sic dicitur panis verus, non
 enim verè sed metaphoricè panis est, quia me-
 lius quā panis nutrit, ita ex Aug.

2. *Omnem palmitem in me non ferentem fru-
 ctum tollet eum, & omnem qui fert fructum pur-
 gabit eum ut fructum plus afferat.*] Sensus para-
 bolæ hic est, Ego sum vitis, & Pater meus agri-
 cola est: Vos autem & omnes qui in me cre-
 dunt, palmites sunt. Sicut ergo agricola solet
 in vite palmites aliquos resecare, eos nempe
 qui cū viti inhæserunt, nullos adferunt fru-
 ctus; alios verò qui fructus ferunt purgat, ali-
 qua rescindēdo superuacanea ut vberiores fru-
 ctus ferant, sic Pater meus faciet, aliquos qui
 mihi exterius adhærent, & nomen meum pro-
 fitentur, tollet, & resecabit à me, quia inutiles
 & infrugiferi sunt, alios verò purgabit ut fru-
 ctus maiores afferant. Priora hæc verba gene-
 raliter quidem dicta sunt, tamen peculiari ra-
 tione propter Iudam, qui cum palmes esset,
 inutilis & infrugifer erat, Christi disciplina
 abutens: ideo resecatus est à Deo iusto: Nam
 Apostolatu priuatus abiit ad locum æternæ
 damnationis à Christo solutus & separatus.
 Quò verbo discipulos in timore continet ut
 fructificare in ipso procurent, & simul conso-
 latur docens proditionem Iudæ ex ipsius vitio
 prouenisse,

1014 MANVALE IN EVANGELIUM
prouenisse, Dei iudicio iusto reprobari. Posteriora etiam verba sunt generaliter dicta: nam iustos Deus purgat ut plus fructus adferant: tamen peculiariter propter undecim sunt posita. Est enim parabola propter discipulos inducta, quamuis etiam ad fideles generaliter extendatur, quorum aliquos Dominus resecat, ut inutiles & infrugiferos, qui cum fidem habeant, operibus carent, nec digna fide opera faciunt. Resecat autem in hoc seculo aliquos, dum permittit in hæreses labi, & ab Ecclesia & Christo separari: omnes tamen rescabit in altero seculo: quos enim sine operibus in iudicio post mortem repererit, à se, & à Christo in æternum excludet. Si autem infrugiferi palmites rescantur, perpende quanto magis nociui & perniciosi. Alios verò purgat, nempe eos qui fidei fructus faciunt, purgat autem aliqua inutilia resecando, & imperfectiones quæ impedimento sunt iustis, ne plus proficiant, remouendo: hæc semper fiunt in palmitibus Christi: tamen primo facta sunt in Apostolis, quorum vnus ablatus & resectus, alij undecim purgati sunt. Hil. 9. de Trin. & Aug.

3. *Iam vos mundi estis propter sermonem, quem locutus sum vobis.*] Discipulos undecim iam Iuda separato ab eorum numero dicit esse eos: qui purgati sunt, q. d. Vos fructum afferebatis in me, ideo non estis ablati sed purgati à Patre, ut vberius fructificetis. Estis autem purgati propter sermonem meum quem vobis sum locutus. Per quem, vel totam Christi doctrinam, quam mundo prædicauit, intelligere oportet.

SECUNDVM IOAN. CAP. XV. 1015

oportet, ob præcedentem sermonem. Purgauit autem à multis imperfectionibus, tum illustrando & docendo, tum increpando & admonendo, tum instruendo, tum demum affligendo, nam dolore & timore eos affecit, quibus eorum fides aucta est, & dilectio feruentior & spes robustior est effecta. Quàm autem sermo Dei sit efficax ad purgandum docet Paulus ad Heb. 4. ex Chrys.

4. *Manete in me, & ego in vobis*] Q. d. Cum sitis purgati vt plus fructus afferatis perseuerate, vt vos in me fide & dilectione permaneat, ego verò per gratiam & spiritum meum in vobis manebo: aliter enim non poteritis fructificare, nec fructum hunc afferre propter quem à Patre estis purgati. Ex quo colligitur in nostra esse potestate iuuante diuina gratia, vt in accepta maneamus gratia. Secundo, non stare nisi per nos quo minus Christus in nobis maneat, se enim paratum vt semper nobiscum maneat. ex Aug.

Sicut palmes non potest ferre fructum à semetipso nisi manserit in vite, sic nec vos nisi in me manseritis. Ego sum vitis, & vos palmites.] Concludit parabolam nempe vt discipuli maneat colligati & vniti secum: & probat primò, à fructuū priuatione, nisi in ipso manserint: sicut enim palmes abscissus & à vite separatus non potest à semetipso, id est, ex sese fructum facere, sic nec vos poteritis sicut nec palmes sine vite. Quia, inquit, ego sum vitis & vos palmites. q. d. Ideo vos non poteritis nisi in me manseritis fructum facere,

Qui manet in me, & ego in eo: hic fert fructum multum.] Secundo probat conclusionē s. d. à fructum.

1016 MANVALE IN EVANGELIVM

fructuū copia, q. d. Non potestis facere fructum nisi in me manseritis, quia ego sum vitis, & vos palmites, at si in me manseritis, & ego in vobis, tunc non solum fructū, sed multū etiam & copiosum afferetis, ad quem adferendum estis purgati; necessarium igitur est vos in me manere, & me in vobis. Qui manet in me credendo, obediendo, perseverando: & ego in eo illuminando; subueniendo, perseverando, donando. Hic & non alius fert fructum multum. ait Augustin.

Quia sine me nihil potestis facere.] Hæc verba non generaliter sunt intelligenda. Non enim Christus voluit significare, sine se non potuisse discipulos comedere, & bibere, aut ambulare: quamvis enim verū sit, si de potentia eius divinitatis loquamur, sine qua nihil esse aut operari possumus; hæc tamen verba accommodata sunt materiæ de qua loquebatur; nempe de fructu iustitiæ & bonorum operum quæ in Christo fiunt. Et nemo alius facere potest ea, præter eum qui in ipso manet, sine quo nihil tale fieri potest. Illustris sententia contra Pelagianos. Ex Aug.

Si quis in me non manserit mittetur foras, sicut palmes, & arefcet, & in ignem mittent, & ardet.] Tertium argumentum est sumptū à malo & pœna graui cui in eo non manentes expositi sunt: idē illis faciendum esse, quod inutilibus fit sarmentis primū à vite præciduntur, deinde colliguntur, congeruntur in struem, arefcunt, & in ignem comburenda mittuntur, ad nullā aliam rem vtilia. Ezech. 15. His omnibus nihil aliud significatur quàm eos qui in Christo non manserint igne inferni sempiterno esse puniendos,

SECUNDVM IOAN. CAP. XV. 1017
nandos. Ex Hil. 9. de Trin. & Chryf.

7. *Si manseritis in me & uerba mea in uobis manserint, quodcumque uolueritis petetis & fiet uobis.*] Hunc versum explicauimus c. 14. v. 13. Hoc quarto allicit argumento ex promissione sumpto, idest, in his quæ pro uoluntate & desiderio petieritis exaudiemini. ex Chrysof. & Augustin.

8. *In hoc clarificatus est Pater meus, ut fructum plurimum asseratis, & efficiamini mei discipuli.*] Quinto argumento exhortatur ut in ipso maneant, sumpto ex Dei glorificatione, quia hac ipsa re Pater glorificatur ut in se illi maneant. *Clarificatus est*, præteritum pro futuro. *Ut* non causam sed euentum significat: vel ponitur pro, Si, ut c. 4. v. 34. & c. 6. v. 29. & 17. vers. 3. idest, in hoc glorificabitur Pater si fructum plurimum attuleritis, aut in fructu quem uolueritis Patris mei gloria consistit: quod fiet si mei discipuli sitis, & in mea disciplina perseueretis. Clarificari Patrem est, eius gloriam quæ apud ipsum crescere non potest, apud homines crescere, ut c. 13. 35. Fructus Apostolorum sunt gentes. ait Chryf.

9. *Sicut dilexit me Pater, & ego dilexi uos: manete in dilectione mea.*] Sexto adhortatur ad unionem hanc & mansionem in ipso, argumento sumpto ex dilectione qua eos dilexit. Eo, inquit, dilectionis modo quo Pater me dilexit, ego uos dilexi: procurete ergo ea omnia facere per quæ in hac gratia & dilectione, qua uos persecutus sum, conseruari possitis. Nō æqualitas sed similitudo valde attendenda. Loquitur Christus ratione humanitatis suæ: humanitas autem ipsius nullis præcedentibus meritis dilecta

1018 MANVALE IN EVANGELIUM

dilecta est à Deo, ut personæ filij copularetur. Magnus hic profectò amor Patris fuit erga illam humanitatem sanctissimā: eam nempe verbo diuino vnire: quam dilectionē gratis Deus impendit nullis præcedentibus meritis ipsius humanitatis, ut ait Aug. l. 2. de pec. mer. & remis. c. 17. Simili amore gratuito & nullis eorum præcedentibus meritis vniuit Christus sibi homo factus discipulos. Et est similitudo apposita ad rem, Sicut humanitas gratis coniuncta est verbo & facta est vitis, sic eidem viti copulati sunt gratis discipuli & facti sunt palmites: nemo enim Apostolorū consecutus est ut Christi discipulus & Apostolus fieret. Ex hac similitudine infertur æquum esse ut procurent tantam dilectionem conseruare, quam nullo præexistente merito acceperunt. Et hoc est quod dicit, *manete in dilectione mea*. Ex Chryl. & Aug.

10. *Si præcepta mea seruaueritis manebitis in dilectione mea: sicut & ego præcepta Patris seruaui, & maneo in eius dilectione.*] Docet exemplo suo quomodo in sua dilectione manere possint; si sua nimirum præcepta seruauerint. Christus de perseverantia & stabilitate dilectionis suæ erga eos loquitur, quā mandatorū obseruantia efficit. Habet etiā aliud hæc obseruantia, nepe dilectionē Christi erga eos augere. Diligit enim Christus mandatorum suorum obseruatores: & quo magis obseruant eò amplius diligit. Dum dicit se Patris præcepta seruare, loquitur ut homo. Ideoque hoc loco *sicut* non similitudinem sed æqualitatem declarat, ut monent Chryl. & Theop.

11. *Hac locutus sum vobis ut gaudium meum*
in

in vobis sit.] Docet ea quæ hætenus discipulis dixit, non tam suâ quàm ipsorû causa dixisse, vt non solum sua, sed ipsorum lætitia plena esset atque perfecta. Vel eo vtitur argumento vt discipulos in mansione hac confirmet, sumpto ex gaudio Christi. Et sensus est, hæc locutus sum vobis vt in me maneatis, & mandata mea seruetis, dilectionemque meam hanc erga vos conseruetis vt gaudium meû sit in vobis, idest, in vobis perseueret, quod me gaudio afficit. Adhuc gauisus sum in vobis quod mei estis discipuli, quod in me manetis: locutus sum autem hæc vt perseueretis tales, & gaudium meû conceptum de vobis perseueret: vt Phil. 2. 1. Thes. 2. Gauisus est Christus in discipulis, quod discipuli eius sint, quodque doctrinam eius susceperunt. Luc. 10. Quod est Christi gaudium in nobis nisi quod dignatur gaudere de nobis, ait Aug.

Et gaudium vestrum impleatur.] Octauum argumentû est quo idem confirmat. q. d. Non solum gaudio me afficietis, si feceritis quæ locutus sum, sed etiâ vestrum gaudium implebitur, quia id assequemini quod vos maximo & perfecto afficiet gaudio, & quod vos nunc multum desideratis: vos enim cupitis mecum semper manere, id consequemini si hæc feceritis quæ locutus sum. Hoc gaudium inchoatur in fide renascentium: implebitur in præmio resurgentium. ait Aug.

12. *Hoc est præceptum meum vt diligatis inuicem sicut dilexi vos.*] Iniunxerat vt mandata eius seruarent, nã ea ratione dilectionem erga se haberent, & mansionem in se. Nunc hortatur vt se inuicem diligant, & modum huius dilectionis docet,

docet, & quæ hæc sint mandata. In Gr. legitur cum art. Hoc est illud præcipuum & insigne ut diligatis inuicem, *Sicut ego*, idest, eo modo quo vos dilexi, nempe ut vitam pro alterius salute exponere vnusquisque vestrū sit paratus. c. 13. v. 34. Vocauit mandatum nouum, nunc suum vocat, non quòd non alia habeat, sed quod hoc maximè cōmendat; & est generale mādātū non solis Apostolis, sed singulis Christianis. Si igitur in dilectione Christi manere est mandata eius seruare, & hoc est inuicem sic se diligere, qui non sic diligit fratrem, profecto nec mandata Christi seruat, nec in eius manet dilectione. ex Greg.

13. *Maiorem hac dilectionem nemo habet ut animam suam ponat quis pro amicis suis.*] Declarat modum quo ipse nos dilexit, ut nos inuicem sic diligamus, ut pro alterius salute tuenda quando opus est, nullum periculum, nulla persecutio, nullum malum temporale nos retrahat. Sic suos Apostolos paratos esse vult ut mundo salutem annuntient, ut nec mors, nec vllum mortis genus eos ab hoc officio retardet: ut ex August. 1. Io. 3. Anima ponitur pro vita.

14. *Vos amici mei estis si feceritis quæ ego præcipio vobis.*] Occasione huius verbi, *Animam ponat pro amicis*, inuitat eos ad obseruandā hanc mutuam dilectionem honorifico illo titulo, eritis amici mei. Gr. vtrumque est præsens, estis, facitis: tamen vim habet futuri, ut vers. 8. S. Greg.

15. *Iam non dicam vos seruos, quia seruus nescit quid faciat Dominus eius; vos autem dixi amicos, quia omnia quaecumque audini à Patre meo,*

nota

nota feci vobis.] Reddit causam cur eos amicos dixerit, simulque suam erga illos caritatē commendat, quod cum illis communicasset quidquid secreti à Patre accepisset, quod indicium est singularis amicitiae. Attende his verbis significasse mutationē status seruitutis legis, in statum filiorū, & amicorū Euangelij. Illi enim serui, nos amici, illis dominus Deus, nobis pater est; illis sub vmbra reuelauit mysteria Trinitatis; nobis apertè & ratione status filiorum, & amicorum: vt quod insignes illi Prophetæ, & Patriarchæ, tanquā arcanum conseruabant, nunc pueri & puellæ per vias laudantes Dominum decantent. Gr. dico, pro dicā, vt supra. Addit verò, ex signo hoc amicitiam cognoscetis, quia secreta Patris mei reuelauī vobis. Illud, *quia*, non causam, sed signum dicit. Dices postea seruos appellasse vers. 10. At non significat nomine seruorum eos non vocaturū, sed tantū declarat, quo apud se loco futuri sint, nempe non seruorum sed amicorū. Rupertus ait seruos hoc loco pro inimicis accipi, seu pro peccatoribus. Aug. Beda, Amb. ser. 6. in Ps. 138. dicunt eos seruos qui non solum re, sed animo serui sunt, idest, qui non voluntate, sed necessitate seruiunt, nescire Domini consilia, quia illis Dominus non committit: eos autem qui voluntate seruiunt, scire, quia cum illis Dominus communicat, haud secus, quam cum amicis. Rup. verò seruum peccati nescire, seruum verò Dei scire. Vel dicendum, dixisse non quod semper sit sed quod plurimum: vel non quod fecisset, sed quod postmodum facturus erat per Spiritum sanctum, *ille vos docebit omnia.* Vel nota feci, idest, nota facere decreui; vt paulò antè,

1022 MANVALE IN EVANGEL
antè, *Servus nescit quid faciat Dominus eius, quid
facere decrevit.* Quod Christus dicit se à Patre
audiuisse vide cap. 3. & 8. Ex Augustin. & Gre-
gorio.

16. *Non vos me elegistis sed ego elegi vos.*] No-
uo argumento ad mutuam dilectionem horra-
tur. q. d. Vos ad munus dignissimum euecti estis,
vt per mundum vniuersum euntes, fructū non
qualemcumque sed permanentem afferatis; &
hoc non vos vestro opere assecuti estis, non
enim vos me elegistis priores ad me venientes,
sed ego voluntate & gratia mea elegi vos : &
rursus dedi ea opera quibus id efficiatis, quia
quodcumque petieritis Patrē in nomine meo,
dabit vobis. Cum igitur munus hoc sit altissi-
mum & dignissimum diligere inuicē, hoc enim
necessarium est, vt fructum hunc afferatis, &
munus tantum impleatis. Dicit ergo, non vos
me elegistis in magistrum, quasi priores ad
me veneritis, ego enim prior vos elegi, & ad
me attraxi. Et forte de electione ad offi-
cium Apostolatus est sermo, non de prædesti-
natione. Videte quomodo non eligat bo-
nos, sed quos elegit faciat bonos ait Augu-
stinus.

*Et posui vos vt eatis, & fructum afferatis, &
fructus vester maneat.*] Auget beneficium of-
ficij magnitudinem declarans. Elegi vos, in-
quit, & constitui, id est, in hoc altum & magni-
ficum officium deputavi: vt 1. Tim. 1. & 2. Ti-
moth. 1. Vt eatis nempe per mundum vniuer-
sum, vt fructum afferatis prædicato Euangelio
& innumeris gentibus ad ipsum cōuersis, Mar.
vlt. qui fructus maneat, quia numquā doctri-
na vestra eradicabitur in orbe, nec peribit sed
manebit

manebit semper, nam portę inferi non præualebunt aduersus eam. Imò conuersi in æterna beatitudine manebunt. Mar. ult. Ad Euangelium refert hunc fructum quod à lege multum differt: Lex non mansit, nam illa abrogata successit Euangelium: at Euangelium nunquā abrogabitur aduentu alterius doctrinæ. Id verum est, tamen effectum Euangelij intelligere oportet: qui fuit animarum conuersio, quarum salus æterna est. Dilectio est fructus noster qui nunc est in desiderio nondum in saturitate ait Aug.

Vt quodcumque petieritis Patrem in nomine meo det vobis.] Adhuc auget. Non solum, inquit, elegi vos, & posui vos, vt eatis & fructum afferatis, eūque talem vt maneat: sed etiam posui vos vt quodcumque petieritis Patrem in nomine meo det vobis. q. d. Non vestris viribus fructum hunc estis allaturi sed Patris. Ego verò tales vos faciam vt quæ petieritis in nomine meo Patrem impetretis, hacque ratione fructum afferre poteritis. Quidam dicunt vt non causam sed consequentiam & effectum significare. Hanc sententiam declarauimus cap. 14. 13.

Hac mando vobis vt diligatis inuicem.] Hæc est enim via per quam fructum multum affere-
tis, & populos conuertecis; ad quod tanta gratia & liberalitate mea electi estis. Et est velut cōclusio præcedentium. Caritas fructus noster est ait Aug.

18. 19. *Si mundus vos odit scitote quia me priorem vobis odio habuit. Si de mundo fuissetis mundus quod suum erat, diligeret, quia verò de mundo non estis, sed ego elegi vos de mundo, pro-*

pterea odit vos mundus.] Postquam hortatus est suos, ut in eo mancant, & rursus ut se inuicem diligant, nunc ad tolerantiam & patientiam tertio loco hortatur: Ut enim fructum in mundo ad quem electi sunt, afferrent, necessaria erat illa tolerantia & patientia, sine qua mutua dilectio conseruari non potest. Primum docet non debere eos mirari si se viderint à mundo odio haberi, se priorem odio habitum fuisse, & solatio illis esse oportere quòd se eiusdem persecutionis socium, aut potius ducem habeant. Deinde ostendit non solum debere hoc mundi odiũ æquo & patienti animo tolerare, sed ponere etiam in lucro, quod id certum sit argumentum, nihil eos cum mundo commune habere. Mundum hic non omnes omnino homines malos, sed præcipue Iudæos vocat, ut colligitur ex vers. 22. Aug. Me priorem, idest, digniorem & præstantiorem. Gr. me qui Dominus sum & Magister: me qui vobis melior sum. Alij legunt me prius: Vel mundi nomine Ecclesiam intelligit. Mundus igitur odit mundum; inimicus reconciliatum inquinatus mundatum ait Aug.

20. *Mementote sermonis mei, quem ego dixi vobis: Non est seruus maior Domino suo: Si me persecuti sunt, & vos persequentur: si sermonem meum seruauerunt, & vestrum seruabunt.*] Tertio argumento ad idem confirmandum utitur, & tale est: Non est melior conditio serui quam Domini. Si igitur mundus me, qui Dominus sum, persecutus est, & meum contempserit sermonem, æquo etiam animo vos qui serui estis natura, debetis ferre si vos persecutus fuerit & vestros contempserit sermones, ut certè perse-
quetur

quetur & contemnet. Illud, *si meum seruauerunt*, à contrario sensu intelligitur: At meū non seruauerunt, nec vestrum igitur seruabunt: vt Cyr. l. 10. cap. 28. exponit, & textus ratio id postulat: nam omnia hæc ad mundum & incredulos referūtur, de quibus potissimum Iudæis nomine mundi loquebatur. Horum aliqui Christum persecuti sunt, aliqui doctrinam contempserunt credere nolentes: non tamen propterea Christus destitit prædicare, vel facere ea quæ ex parte sua ad eorum salutem erant necessaria. Quare Apostolos hortatur vt idem faciant: reducit autem in memoriā sermonem cap. 13. 16. tum vt confirmet, tum vt admo- neat verba ipsius esse memoria retinenda. Sic ex Chryl. & Aug.

21. *Sed hac omnia facient vobis propter nomen meum.*] Causam odij persecutionis & contemptus exponens argumento quarto eos confirmat, & consolatur. Hæc omnia, inquit, nempe odia, persecutiones & contemptus sermonum, facient vobis propter nomen meum, idest propter nominis mei odium: quia nimirum me annuntiabitis, me profitebimini. q. d. Quia Christiani eritis & Christum prædicabitis. Attende particulam, *sed*, augmentum sententiæ indicare: vt cap. 16. Magnum & efficax argumentum consolationis pro Christi nomine pari, quod Apostoli senserunt Act. 5. quando ibant gaudentes à conspectu consilij: & 1. Pet. 4. Ex Aug.

Quia nesciunt eum qui me misit.] Mald. idest, scire nolunt me esse Dei filium. Non dixit, non nouerunt Patrem, sed, *eum qui misit*, vt insinua- ret diuinæ suæ incarnationis mysterium; no-

1026 MANUALE IN EVANGELIUM

uerunt enim Iudæi Deum ; sed Patrem misisse filium in carne ignorabant. Cyr. l. 10. cap. 25.

22. *Si non venissem, & locutus fuisset eis peccatum non haberent; nunc autem excusationem non habent de peccato suo.*] Quia dixerat eos ignorantia odiū in se exercere, docet ea ignorantia eorum culpam excusari non posse, quia ignorantia ipsa culpa fuit ; propterea enim ignorarunt quia scire noluerunt; & quia odio erant occupati. Itaque ipsorum ignorantia & effectus & causa erat odij : effectus, quia odiū impediēbat ne cognoscerent veritatem; causa, quia ipsa vicissim impediēbat; ne illi ponerent odium. Duabus ergo rationibus ostendit nullam eos ignorantie excusationem habere posse, & quia verbis, & quia factis quis & à quo missus esset sæpe illis declarauerat. At quomodo dici potest, *Peccatum non haberent, si non venissem.* Responderetur non omne hic peccatum, sed solum illud peccatum intelligi, quod in Christum non credidissent : nam alia habuissent peccata : vt exponit Aug. Beda. Peccatum non haberent huius contemptus, ait Ber. quo me contempserunt & Patrem meum. Rupertus peccatum odij in Christum & Patrem eius intelligit. Malè colligunt hæretici solam infidelitatem peccatum esse, sicut solam fidem iustificare dicunt. Non enim Christus dicit nullam, sed hoc peccatum infidelitatis non habituros fuisse si ad eos non venisset. ex Ians. Mald. & Tol.

23. *Qui me odit, & patrem meum odit.*] Huius peccati gravitatem ostendit eo quod huiusmodi peccatum redundet in odium Dei. Qui, inquit, me odit & Patrem meum odit, eo quod

quod vna sit mihi cum illo natura. q.d. Odium & contemptus & persecutio non sunt in merum hominem, sed in Dei filium, & peccatum eo grauius. Ex Aug.

24. *Si opera non fecissem in eis, quæ nemo alius fecit, peccatum non haberent; nunc autem & videntur & oderunt & me & Patrem meum.*] Ab operibus eos inexcusabiles esse probat, non quibuscumque sed quæ nemo alius fecit. Dicit autem se fecisse in eis, idest, in eorum præsentia. Aug. erga eos: quia in eorum beneficium miracula facta sunt, & ipsimet sunt qui sanati & suscitati sunt. *Quæ nemo alius fecit*, quia nec tot, nec tanta vlius alius operatus est. Et in hanc sententiam ea Isaia testimonio c. 59. Mat. cap. 8. 17. & 15. citat vt probaret Christum promissum illum esse Messiam quando illa miracula fecisset quæ propheta Messiam, cum venerit facturum dixerat. Quod sequitur, *Nunc autem, & videntur & oderunt & me & Patrem meum.* Supplendum est ait Tol. Peccatum ergo habent nec excusari possunt. q.d. Nunc autem & videntes & scientes peccant. Quo ergo modo prius dixit Patrem suum nescire? vers. 21. Nesciebant quia non credebant Patrem esse Christi: videbant ac sciebant, quia videbant opera ex quibus nisi odio cæci fuissent, cognoscere poterant, eum omnium quæ per Christum gerebantur auctorem esse sicut cap. 7. 28. dixit, *& me scitis & unde sim scitis*, idest, scire debetis, aut scire possetis si velletis. Ex Chrys. & Aug.

25. *Sed vt impleatur sermo qui in lege eorum scriptus est: Quia odio habuerunt me gratis.*] Subintelligendum & repeti debet, *Sed oderunt*

me. Vt, non causam sed consecutionem significat: legem vocat omnem Scripturam sacram, vt cap. 10. Odium igitur eorum inexcusabile & ratione ipsa, & Prophetæ Psal. 34. testimonio cōfirmatum est. Gratis odit qui nullū ex odio commodum quarit vel incommodum fugit: Sic oderunt Deum impij: sic diligunt iusti ait Aug.

26. Cum autem venerit Paracletus quem ego mittam vobis à Patre Spiritum veritatis, qui à Patre procedit, ille testimonium perhibebit de me.] Odio Iudæorum contra se opponit testimoniū Spiritus de se, quo vltra testimonium doctrinæ suæ & operum, magis adhuc declarandum erat illorum odium iniustum esse. Ians. Suum quidem & Patris suprà protulit testimonium cap. 8. vers. 16. hic autem Spiritus sancti, vt totius Trinitatis producat testimonium; ait Euthym. August. verò & Beda quia Iudæos Christus peccati infimulauerat, quòd se Patremque suum odio gratis habuissent, dicere vcturum Spiritum sanctū qui illos peccati cōnincat. Aliter Maldon. Illi quidem mihi neque docenti neque miracula facienti crediderunt, non deerunt tamen alij testes: nam & vos & Spiritus ipse sanctus testimonium mihi perhibebitis. Quod dicit, *Quem mittam vobis à Patre, Spiritum sanctum*, etiam à filio procedere indicat: quia nulla persona Trinitatis mitti dicitur, nisi à qua procedit. Fuit autem illa missio quæ in die Pentecostes facta est. Ex Aug.

27. Et vos testimonium perhibebitis, quia ab initio mecum estis.] Spiritus sancti testimonio Apostolorum testimonium adiungit, *quia ab initio,*

initio, inquit, *mecum estis*, & *mecum conuersati estis* : & ex visu tanquam oculari testes omnia quæ facta sunt per me testari poteritis, vt omnia adsint testimonia diuina & humana: quamuis enim sufficere deberet diuinum Spiritus sancti testimoniū per opera diuinæ potentiae, volo vt etiam vos testimonium perhibeatis ex visu & experientia. Hoc fecerunt postea Apostoli 1. Io. 1. 2 Pet. 1. Act. 1. *Ab initio*, nempe à Ioannis baptismo quando se manifestare cœpit. Ex Aug.

CAPVT XVI.

Continuatio sermonis.

HÆc locutus sum vobis, vt non scandalizemini.) Causam cur hæc, quæ ad odia & persecutiones eorum pertinent, manifestaerit, & aduentum spiritus ad testificandum prædixerit; exponit eam esse ne scandalizentur & cadant, idest, ne à suo munere & officio testificandi & prædicandi Christum retrocedant. Cyr. Theod. Aduerte scandalum offendiculum esse viæ in quod incidentes impingunt; qui autem admoniti sunt cautè ambulant, nec faciliè impingunt. Nam offendiculum & scandalum magnum erat persecutio Iudæorum & Gentium Apostolis prædicantibus Christum. Eos igitur præmonet, & adiutorium Spiritus sancti promittendo, vt sic instructi non offendant, & sint cautiore non in fugiendis offendiculis & periculis, sed in paruifaciendis & superandis. ex August.

2. *Absque synagogis facient vos, sed venit hora, ut omnis qui interficit vos arbitretur obsequium se prestare Deo.*] Præmissa iam admonitione & tanto auxilio promisso futuras persecutiones enarrat, ut à Iudæorum Synagogis tanquam homines execrabiles, & excommunicati, & ethnici, eiicerentur: ut cap. 9. & 12. & Luc. 6. At quid mali erat Apostolis eiici de Synagogis Iudaicis? Respondet S. Aug. hoc voluisse denuntiare quòd Iudæi Christum non fuerant recepturi. Alij quam Apostolos odio essent persecuturi: venturum tempus cum etiam de hac vita eiicere conabuntur. *Sed*, pro enim: vel pro imo, quin potius. *Ut*, pro quando, qui vos occiderit arbitretur se iustam & gratam Deo rem fecisse. Gr. *λατρεία* cultum, quale est sacrificium, quia tanquam oves occisionis, Apostoli erant mactandi, & tanquam proscripti ob execranda scelera, ut Ex. 32. 29. Deut. 13. 9. Zach. 13. 3. Et Aug.

3. *Hæc facient vobis quia non nouerunt Patrem, neque me.*] Quomodo dicat nec se, nec Patrem eos nosse cum dicat cap. 7. 28. & 15. 21. & se & Patrem nosse? Cæterum hæc non excusatio sed aggrauatio potius peccati. Nam duplicis culpæ accusantur, & quòd hæc facturi essent, & quòd Christum, eiusque Patrem quem tot miraculis cognoscere potuissent ignorarent. ex Aug.

4. *Sed hæc locutus sum vobis ut cum venerit hora, eorum reminiscamini, quia ego dixi vobis.*] Q. d. Illi vos occident quia nō nouerunt Patrē, neque me esse filium Dei: at ego prædico quæ futura sunt alia de causa, nempe ut reminiscamini, quando illa hora venerit me omnia ea vobis

SECUNDVM IOAN. CAP. XVI. 1031
vobis prædixisse: illi vt vobis malum inferant,
vos interficient; at ego propter bonum ve-
strum velut antidoto vos præmunens id præ-
nuntio, nimirum vt quando venerit illa hora
reminiscamini me ea dixisse vobis. *Eorum*, re-
fertur ad horam. Vel ad verbum *reminiscamini*.
Ex Aug.

5. *Hæc autem vobis ab initio non dixi, quia vo-
biscum eram.*] Potuissent Apostoli dicere; qua-
re hæc non es locutus quando ad te venimus,
si eorum nos reminisci iubes? Respondet, non-
dum opus erat ea dicere cum vobiscum dege-
rem; at quia iam discedo nec opportunitas erit
loquendi vobiscum, qualis modo est, idcirco
nunc loquor. Sciebam cum eram vobiscum
nihil horum vobis futurum, sed persecutio-
nem omnem in me solum esse conuertendam;
vobis autem omnia hæc post meum discessum
euenient: non erat igitur cur hæc vobis antea
dicerem. Ex Chrys.

5. *Et nunc vado ad eum qui misit me, & nemo
ex vobis interrogat me; quo vadis?*] Sicut ob-
iurgat discipulos quòd cum vadat ad Patrem
nemo sit qui interroget quorsum quidve fa-
cturus abeat. Quam obiurgationem propte-
rea adhibet, vt causa exposita sui discessus, eos
mirum in modum consoletur & instruat. Gr.
habent, nunc autem vado. Euntem in cœlum
non verbis quæsierunt, sed oculis deduxerunt
ait Aug.

6. *Sed quia hæc locutus sum vobis tristitia im-
pleuit cor vestrum.*] Q. d. Non solum non me
interrogatis, quò vadam, imò potius quia hæc,
nempe discessum meum, audistis de quo locu-
tus sum, mœrore & tristitia estis repleti. Parti-

X x 5 cula

1032 MANVALE IN EVANGELIVM
cula *sed* vim habet augendi, pro imò, quin
potius. Ita vos tristitiæ tradidistis audientes
meum discessum, vt obliti sitis interrogare
quod interrogatione dignum erat: quorsum &
qua de causa abirem, ait Aug.

7. *Sed ego veritatem dico vobis: expedit vobis,
vt ego vadam.*] Sensus est, tristitia implevit cor
vestrum ob discessum meum; sed si intellige-
reris quid vobis commodi inde sit prouentu-
rum, non tristaremini, sed multum gaudere-
tis. Expedi enim vobis vt ego vadam. *Veritatem
dico vobis*, q. d. Verissimè expedit vobis, vel,
quamuis vobis non sit iucundum, dicam ta-
men quod res est. Ex Chryl.

*Si enim non abiero Paracletus nō veniet ad vos: sē
autem abiero mittam eum ad vos.*] Exponit suum
recessū eis maximè expedire. Et est sensus, Pro-
missi & prædixi venturam Paracletū ad vos: ac
scitote nisi abiero non venturū, quod si abiero
mittā eum ad vos. Mea ergo absentia Spiritus
sancti aduentū vobis cōcedet; in ea autem præ-
sentia, si non abiero, vos eius aduentu priuabit.
Præsentibus non mittimus, ideo dicit, *Non ve-
niet ad vos*, quamuis in rei veritate etiam si
præsens esset, verè diceretur mittere, quia Spi-
ritus sanctus ab ipso procedit. Et idem Spiritus
sanctus effectum in eis faceret nouum. At lo-
quitur iuxta vulgarem modum cuius illi capa-
ces erant. Rursus non dicit, si abiero veniet,
sed, *mittam*, retinens similem modum loquen-
di, & simul vt cerros faceret venturum. q. d.
Ne dubiteris venturum: ego enim sum qui
mittam eum. Ex hoc loco Spiritus sancti diui-
nitas insinuat contra Macedonium vt notat
Chry. ho. 77. Non enim expediens esset recessus

SECUNDVM IOAN. CAP. XVI. 1033

us Christi, qui filius Dei est, nec compensaretur aduentu creaturæ. Necessè igitur est Spiritum sanctum hic promissum esse Deum. Paracletum vocat appositè, quia tristes alloquebatur. Ber. Si non abstulero à vobis carnem, non habebitis spiritum. Absolutè venire poterat si non abiisset, sed posito decreto diuinæ prouidentix non poterat. Ex Euthym.

8. *Et cum venerit ille arguet mundum de peccato, & de iustitia, & de iudicio.*] Vtilitatem aduentus Spiritus sancti exponit, *Cum venerit*, inquit, ille arguet mundum, i. Iudæos & Gentes fidem Christi non habentes, & opinantes se non esse in peccato, nec indigere iustitia Christi, sed suam, quæ per legem Moysei aut per opera quæ per legem naturalem fiunt, sibi sufficere existimantes, etiam sub potestate diaboli se non detineri sed liberos esse. Hos, inquit, omnes, Spiritus sanctus adueniens conuincet, redarguet, vt nihil quod respondeant sint habituri. Cōvincet autem eos omnes esse in peccato, nec esse aliā iustitiam qua verè iusti esse possint præter eam quæ à Christo est per fidem in ipsum, & quam sua morte nobis obtinuit. Conuincet etiam omnes eos hactenus fuisse sub potestate & principatu diaboli, donec per Christum liberati sunt diabolo iudicato & damnato, dominiòque suo priuato. Hæc omnia fecit Spiritus sanctus per Apostolos, tum miris operibus, tum verbi efficacia, ex Aug.

De peccato quidem quia non crediderunt in me.] Sensus est; conuincet mundum esse in peccato eo quod in me non crediderint. Grædunt, i. conuincet omnes in me non cre-

1034 MANVALE IN EVANGELIVM

dentes esse in peccato; quod & factum est. Nam omnes qui fide Christi carent necesse est in peccato esse infidelitatis, vt Io. 3. & ad Ro. 1. & Act. 3. & Ioan. 8. Alij ad solos Iudæos restringunt qui peccati Christi crucifixi arguendi sunt. Alij nullum peccatum significari certum, sed generaliter illud, quo ante, etiam quā Christus veniret, totus mundus obstrictus tenebatur: per Christum autem liberatum non esse, cum in illum non crediderint. Hoc fuit initium prædicationis Apostolicæ in mundo, arguere cum peccati eo quod fidem non habuerit, remissionemque & liberationem promittere per fidem Christi, sine qua peccatum manet, nec tolli aut deleri aliter potest. Ex Aug.

De iustitia verò.] Postquam mundus conuictus fuerit peccati eo quod fidem Christi non habeat, conuinceretur de vera iustitia Christi, i. neminem iustum esse posse vera iustitia, quæ apud Deum iustum facit, nisi per fidem Christi: hic enim est qui morte sua nobis iustitiam comparauit, nosque Patri reconciliauit, delectoque peccato in gratiam restituit, quam iustitiam per fidem viuam communicat credentibus in se. Hæc est iustitia, de qua Ro. 1. & 3. & 10. Et de hac mundus conuincendus dicitur contra iustitias prætenfas ab eo, quod ante fuit per David prædictum Ps. 96. Sunt qui putant iustitiam hominum intelligi.

Quia ad Patrem vado, & iam non videbitis me.] Causam adiungit quare mundus sit arguendus de hac iustitia Christi. Quia, inquit, ego vado ad Patrem, i. quia ego morte mea, mundum sum Patri iam iam reconciliaturus, & ad ius filiorum

liorum euecturus. Adiungit, *Et iam non videbitis me*: vt significet non opus esse vt iterum veniat in mundum passurus & moriturus: vnica enim morte consummauit iustitiam pro omnibus præteritis, præsentibus, & futuris: vt Heb. 9. & 7. & Ro. 6. At cur non dixit, non videbunt me cum non de Apostolis sed de mundo loqueretur? Non loquitur de personis, sed de genere. *Et non videbitis me*. Idest, hominem quales vos estis, idest, quem Iudæi quales vos estis crucifixerunt, quia Apostoli, non mundus eum in cælum ascendentem visurierant. Videbitis me ad Patrem euntem, sed amplius me non videbitis Act. 1.

De iudicio autem.] Mundum conuincere de iudicio, nihil aliud est quam mundo ostendere Christum esse iudicem omnium viuorum & mortuorum, omnesque ab ipso in carne esse iudicandos: quod per Apostolos fecit Spiritus sanctus. Act. 10. quæ duo fuerunt per Prophetas prænuntiata Ps. 71. Hier. 17. Isa. 9. Ioan. 5. Alij referunt iudicium ad modum quo ipse iudicat; alij quo iudicatur.

Quia Princeps mundi iam indicatus est.] Causa annectitur, quia, inquit, diabolus qui erat huius mundi princeps, & propter peccatum, homines omnes sub suo principatu & potestate detinebat, iam est iudicatus & damnatus, suoque principatu iure priuatus: homines ergo qui sub eius erant dominio & principatu, ab eo liberati & erepti in liberatoris Christi potestatem & principatum translati sunt, ipsiusque iudicio subduntur. Christus igitur princeps, Dominus & iudex omnium qui prius erant sub diabolo principe. Luc. 11. Col. 1. De hoc iudicio

1036 MANVALE IN EVANGELIVM
cio diaboli diximus c. 12.

12. *Adhuc multa habeo vobis dicere, sed non potestis portare modo.*] Haftenus vnam vtilitatem aduentus Spiritus sancti exposuit, nempe mundi redargutionem; alteram adiungit, nempe completam & integram doctrinam. Adhuc, inquit, habeo multa quæ vobis dicam, sed non potestis propter imbecillitatem vestram modo portare nec capere, sicut discipuli novitij. At cum venerit ille docebit vos omnem veritatem mysteriorum diuinorum, quam scire vos oportet, & quam habeo dicendam vobis. Expedi igitur multum vobis hic aduentus Spiritus sancti, qui cum non sit futurus nisi me discedente; consequitur meum discessum vobis multum vtilem esse & expedientem. Sensus nō est, Multa possem vobis dicere, sed, Adhuc multa habeo quæ dicam. Insinuat se multa iam dixisse, multa ad absolutam doctrinam superesse dicenda. At dixit superius, *Omnia quaecumque audiui à Patre meo nota feci vobis.* Intellige quæ pro illorum statu & conditione eos audire oportebat: non tamen absolute omnia, quæ pro Ecclesiæ regimine & munere Apostolico exercendo, necessaria erant: hæc enim alterius temporis erant, non illius. Insinuat eos posse portare & tunc se dicturum & docturum: quæ enim à Spiritu sancto acceperunt, etiam à Christo inuisibiliter per Spiritum sanctum docentem didicisse eos fatendum est. Ex hoc loco constat Christum non dixisse omnia quæ ad salutem nostram purabat pertinere, idemque fecisse Spiritum sanctum; non omnia continuo Ecclesiæ reuelasse; quia non omnia portare simul poterat: sed

sed ut ætate crescebat, ita & scientiæ incrementum accepisse ait Hil. Idem ab Apostolis factum, ut non omnia scripto, multa etiam ne viva quidem voce nobis traderent. Illud ipsi testantur. 2. Thes. 2. 1. Cor. 11. 34. hoc rationi cõsentaneum, siue quia Christi & Spiritus sancti exemplum imitari voluerunt, siue quod necdum homines ferre omnia poterant, siue quod omnia tam breui tempore omnibus in locis docere ipsi nequibant. Vbinā in Christo vnā esse personam duas naturas Apostoli aut voce, aut scripto tradiderunt. Non est cum Apostolorum vita finitum Spiritus sancti magisterium, doctor pro se à Christo Ecclesiæ datus est donec ipse ad iudicium, i. ad colligendam Ecclesiam venerit, eius est officium duraturum. Ex Chrys. & Aug.

13. *Cum autem venerit ille Spiritus veritatis, docebit vos omnem veritatem.*] Ille nempe Paracletus, qui est Spiritus veritatis, docebit vos omnia hæc quæ dicenda supersunt, idest, ea omnia manifestabit, quæ modò habeo dicenda. Et quæ, quia non potestis portare modò, non dico. Gr. deducet vos in omnem veritatem. Legitur vtrumque; *docebit & deducet*. Non significat quoquo modo docere, sed ita docere, quasi magister discipulum manu ducat, viamque illi accommodatè ad eius ingenium veritatis ostendat. Ex Aug.

Non enim loquetur à semetipso, sed quaecumque audiet loquetur.] Diceret aliquis, Vnde sciemus illum hæc eadem locuturum, completurumque tuam doctrinā, & hæc quæ habes dicenda docturum? Adijcit causam; quia non loquetur à semetipso, sed quaecumque audiet, nempe à
patre,

me, hæc loquetur. q. d. quia scientiam & omnia quæ tradet, à me habet, nec sine me loquitur; sicut nec sine me est. Aduerte, sicut filius non dicitur facere aliud quàm quod facere Patrem videt c. 14. & 7. quia potentiam habet cum Patre vnā cum essentia, & simul cum ipso operatur: ita & Spiritus sanctus audire dicitur quæ loquitur & nō à seipso loqui, quia essentiam & scientiam habet à filio & Patre, & vnā cum ipsis est, & loquitur. Posterior pars nempe, *Quacumque audiet loquetur*, priorem declarat: est enim antithetum illius. Forte opponitur hoc loco Spiritus sanctus spiritibus falsorum prophetarum, qui non ex Deo, sed ex semetipsis Deo contraria loquebantur. Ier. 23.

Et quæ ventura sunt annuntiabit vobis.] Voluit Christus his verbis confirmare quod dixerat Paracletum spiritum esse veritatis, quia etiam futura illis annuntiaturus esset: ex qua re cognoscere poterant quantæ apud eos auctoritatis illius testimonium esse deberet. Act. 11. 28. & 20. & 29. & 21. 11. Sicque persequitur hanc aduentus vtilitatem exponere ex dono prophetiæ quod inter alia diuina dona Spiritus sanctus in Apostolos effudit. Nec moueat quod verbū futuri tēporis positū est: illa quippe audientia sempiterna est, quia sempiterna est sciētia, ait Aug.

14. *Ille me clarificabit quia de meo accipiet, & annuntiabit vobis.*] Tertia vtilitas est præter redargutionem mundi, præter doctrinam. *Ille me clarificabit*, i. manifestabit me & aduentum meum mūdo: hætenus enim velut incognitus mundo fui, fabri enim filium me existimauit. At ille me quis sim aperiet, meam diuinitatem & me esse Dei filium, qui carne assumpta pro mundi

mundi redemptione mortem subij: vnde futurum est vt mundus me postea honoret, colat & veneretur, vt par est. Ita Cyr. l. 11. c. 1. Hoc autē etiā expedit vobis, quādoquidē gloria magistri est gloria discipulorū, gloria Domini est gloria seruorum, honor Patris honor est filiorū. Attēde potuisse filium se clarificare ante aduētum Spiritus sancti, sed noluit, quia venerat moriturus pro nostra salute: hoc opus aduentui Spiritus sancti reliquit. Glorificat autē Spiritus sanctus filiū, non vt seruus Dominū, sed tanquā ei consubstantialis, sicut & Pater filiū & filius Patrē glorificat. Basil. docet clarificare alterū & maiori & minori cōmune esse, nā & nos Deū, & Deus nos, & Deus Deum glorificat, quāuis non sit eadē clarificationis ratio. Et causā subdit, *quia de meo accipiet*, i. quæ diuinitatis meæ sunt accipiet; & vobis ac per vos mūdo declarabit, & nota faciet, quia Spiritus sanctus filij diuinitatem annuntiat, vt eā in se à filio ipso accipiat, procedit enim à filio simul & Patre, ita Tol. & Ias. Rup. *De meo accipiet*, i. de eo quod de me in sacris scripturis dictum est. Alij, *De meo accipiet*, quia meo nomine veniet, quia non aliā quam meā vobis tanquā legatus meus doctrinam tradet: propterea enim operū & doctrinæ illius gloria in gloriā meam redundabit: quod est clarificare me, quia meo nomine & non aliā quam mea mysteria vobis tradet: non aliā quā mea faciet opera. Propterea per futurum dixit *accipiet*, quia accipere ab eo est eius mitti nomine: & nondum missus erat. Ex August.

15. *Omnia quacumque habet Pater, mea sunt: propterea dixi, quia de meo accipiet, & annuntiabit vobis.*] Tacitæ obiectioni respondet, nimirū cum

cum essentia quam Spiritus sanctus accipit sit Patris, nam à Patre procedere dictus est, cur Filius suam dicit, *de meo*, inquit, *accipiet*. Respondet, eadem est essentia Patris: mea omnia quæ Patris sunt, mea etiam sunt: nec excludo Patrem quando meum dico, sed vnâ vtriusque substantiam & essentiam ostendo: quod enim est Pater & est in Patre, totum est filius, & est in Filio, seruata distinctione Patris & Filij contra Sabellium, & Ar. ex Aug. & Hil. 7. de Trin.

16. *Modicum & iam non videbitis me, & iterum modicum & videbitis me, quia vado ad Patrem.*] Post consolatoriâ promissionem Spiritus, rursus sermonem ingerit de suo discessu aliâque per mortem consolationis rationem adfert; promittendo eis suum ad ipsos reditum celerem per resurrectionem. Sensus autem est, Post modicum temporis non videbitis me quia nunc cito passurus sum & moriturus, sed post alterum modicum, me videbitis, quia cito etiam post mortem resurgam à mortuis, & me vobis videndum exhibebo. Et causam sui dicti adiungit, *Quia vado ad Patrem*. Consideranda est causa, vadit enim Christus ad Patrem per mortem & resurrectionem, nam à morte resurgens ad cœlos ascendit. q. d. Post paululum non me videbitis, & post paululum me videbitis, quia iam iam moriar & resurgam vt me videre possitis, sic enim ad Patrem vado. Modicum vocare vsque ad suam ascensionem in cœlum, & iterum modicum ab ascensione vsque ad secundum iudicium aduentum, putat Aug. & Beda.

17. 18. *Dixerunt ergo ex discipulis eius ad inuicem; Quid est hoc, quod dicit nobis: Modicum*

&

& non videbitis me, & iterum modicum & videbitis me, & quia vado ad Patrē? Quid est hoc quod dicit modicum? nescimus quid loquitur.] Non intellexerant discipuli verba Domini : nec enim mortē & passionē eius imminere , nec celerem eius resurrectionē sciebant, vt nec Mat. 20. Cū igitur hæc non intellexerint, etiā non perceperunt verba præsentia, quibus huius mortis, passionis & resurrectionis horā iam proximam & imminētē esse significauerat, maximè cū cæna pacificè & securè peracta noctisque tempus præcedēs omnis periculi suspicionē amouerit. Particula *ergo*, indicat discipulos hæc locutos esse occasione præcedentis sententiæ Domini, qua ratione scilicet & quomodo coaptaretur hoc: non videbitis & videbitis post modicum, quia vado ad Patrē. Ideo ad sententiam se conuertunt, quasi ex ipsius intelligentia pendeat sensus, & intellectus causæ. q. d. Tota difficultas est hoc modicum assequi: quod si percipiamus semel, quid sit hoc modicum, tota sententia & causa sententiæ, *Quia vado ad Patrem*, facilis erit intellectu: & quia non intelligimus nescimus quid totum hoc velit significare, non de tota sententia sed de tempore quod designabat, dubitasse, nempe de illo modico putant Aug. & Beda.

19. *Cognouit autem, quia volebant eum interrogare, & dixit eis: De hoc queritis inter vos, quia dixi: Modicum, & non videbitis me, & iterum modicum, & videbitis me.*] Cognouit vt Deus quia cognitas eorum habebat cogitationes, sine indice, sine coniectura. Cyr. Theod. Et quia eos in fide confirmare volebat, præuenit, repetitque quod inter se mutuò dubitantes inquirebant.

bant. De hoc, inquit, *quaritis inter vos, quia dixi: Modicum.* Non repetit totum Christus, sed id solum in quo maiorem difficultatem patiebantur: repetit autem illud *modicum* ut exponat. Ex Aug.

20. *Amen, amen dico vobis, Quia plorabitis & flebitis vos, mundus autem gaudebit, vos verò contristabimini, sed tristitia vestra vertetur in gaudium.*] Obscuram sententiam declarat Dominus, & primum *modicum*, exponit. *Plorabitis*, inquit, *& flebitis vos*, q. d. Causa lacrymarum vobis iam iam imminet maior, citò enim mortē subiturus sum. Mundus autem, idest, Iudæi, mei persecutores gaudebūt. Theoph. per mundū iustos omnes interpretatur, quibus mors Christi futura erat causa salutis & gaudij. Secundū *modicum*, nempe, *Modicum & videbitis me*, exponit dicens, *tristabimini quidem, sed tristitia vestra vertetur in gaudium, cessabit, finem accipiet, & gaudium ei succedet.* Resurgam enim, & videbitis me non sine ingenti animorum vestrorum consolatione à mortuis resurgere. Sic Chrys.

21. *Mulier cum parit tristitiam habet, quia venit hora eius, cum autem peperit puerum, iam nō meminit pressuræ propter gaudium, quia natus est homo in mundum.*] Verbis præcedentibus non satis apertè hæc tria expresserat Dominus, nēpe tristitiam & fletum iam esse imminentem; rursus hanc tristitiam vertendam in gaudium, denique hanc tristitiam & gaudium futuram de morte & resurrectione eius: sic enim non visuri & postea visuri erant eum. Hæc nunc exponit apposito exemplo, conferens parturienti discipulos mulieri: hæc enim dolet & trista-

tur,

tur, tamen breui durat tristitia, subito enim genito puero gaudet; & adeo gaudet vt præteritæ pressuræ non meminerit præ gaudio nati pueri. Est ergo tempus partus, & tempus post partum: tempus partus breue est & præcedit, tempus post partum longum est & priori succedit: tristitiam ergo breuem, gaudium verò diuturnum esse oportet. Hæc discipulis accommodat sequentibus verbis. ex Aug.

22. *Et vos igitur nunc quidē tristitiā habetis, iterū autē videbo vos, & gaudebit cor vestrum, & gaudiū vestrū nemo tollet à vobis.*] Accommodat & illustrat superius exemplum. *Nunc*, inquit, *tristitiam habetis*. Sensus est, vobis iam imminet tristitiæ tempus quando similes eritis mulieri parienti, quia non me videbitis propter mortem meam. Et hoc est prius *Modicum, & non videbitis me*, dolentes & flentes propter mortem meam, similisque parturienti: sed citò iterum videbo vos, quia sicut partus tempus breue est, ita breue erit hoc tempus, quo non me videbitis. Cum autem me videritis tunc gaudebit cor vestrum: sicut gaudet mulier partus tempore transacto; gaudebitis autem de mea resurrectione, sicut de nato puero gaudet mulier. Et sicut gaudium mulieris non est qualis tristitia, hæc enim brevis, illud diuturnum est: sic vestra tristitia brevis erit, gaudiū autem permanēs, ita ut nemo id à vobis possit tollere. In quo excedit gaudium mulieris, quia quamvis puer natus diutiùs viuat, quàm tempus partus & doloris durauerit, moritur tandem. At ego resurgam iam amplius non moriturus, nec amplius dolebitis de morte, sed gaudebitis de vita. Ita Cyr. l. 11. c. 6. August. tract. 101. Mortem igitur suam

1044 MANVALE IN EVANGELIVM
suam partui, resurrectionem natiuitati com-
parat, simulque docet hoc tempus partus in-
stare. Ideoque *habetis* præsens est, pro futuro
quasi iam adesset. ex Aug.

23. *Et in illo die me non rogabitur quicquam.*
Hæc promissio impleta est quando à mortui
surrexit & eis apparuit, & conuersatus est cum
eis: tunc nouerunt clarè omnia hæc quæ mo-
do locutus est, vt non iam sit opus interrogare
Quo vadis? vel *Nescimus quid loquitur;* vel, *Qui*
est quod dicit modicum? vt ait Tol. Semper quæ-
stio est de veritate huius sententiæ, si per hoc
quod dicitur in illo die, intelligatur tempus
resurrectione, quia in illo & leguntur Apostoli
quædam interrogasse Dominum. Petrus enim
interrogauit de Ioanne, *Hic autem quid?* &
omnes Apostoli, *Domine, inquit, Si in tem-*
pore hoc restitues regnum Israel? Et certum est
eosdem multa petiisse à Domino iam in cælo
assumpto. Itaque hac motu ratione Aug. vt
d. putat per illum diem hic designari tempus
futuræ vitæ, & in illo tempore implenda quæ
præcedunt de tristitia mutanda in gaudium
per visionem Domini: & quod dicit c. 14. *No-*
relinquam vos orphanos, veniam ad vos, &c. In il-
lo die cognoscetis, quia ego in Patre, putat potius
referendū ad tēpus futuræ vitæ, quam ad tem-
pus post resurrectionem. Verum intelligendū
ea quæ præcedunt impleta in Apostolis post re-
surrectionem, qui est vt diximus simplicior in-
tellectus, vt cum dicitur *in illo die,* designetur
tempus à resurrectione, dicendum id quod hic
dicit Dominus ex parte quidem impletum ante
ascensionem Domini, perfectè verò post mi-
sionem Spiritus sancti. Sicut & illud, *in illa die*
cognoscetis

cognoscetis quia ego in Patre &c. Post resurrectionem enim Christus eis aperuit sensum vt intelligerent scripturas. Ita Chrys. Theod. Theoph. *Non rogabitis quicquam*; idest, nullis vobis precibus apud me, nullo aduocato opus erit, quia sola nominis mei inuocatione, quidquid à Patre petieritis obtinebitis, vt videtur verbis sequentibus significare, *Si quid petieritis Patrem in nomine meo, dabit vobis.* Vel nihil interrogabitis me, quia nulla de re amplius dubitabitis. Sic Cyr. Aug. & Rup.

Amen, amen dico vobis: Si quid petieritis Patrem in nomine meo, dabit vobis.] Nouo argumento Apostolos consolatur, & documentum vtilissimum eis tradit quod in ipsius absentia seruare debeant, q. d. Quamuis sim ad Patrem iturus, propterea tamen aliquid vobis defaturum ne timeatis: certissimam rem affirmo, quicquid petieritis Patrem mei ratione & propter me, vos ab eo impetraturos. Quo autem modo vera sit hæc sententia, fore vt quicquid Christi nomine petierimus obtineamus, diximus apud Mat. 7. 7. & 21. 22.

24. *Vsque modo non petistis quidquam: in nomine meo petite & accipietis, vt gaudium vestrum sit plenum.*] Q. d. Noua res est hæc quam vobis trado, quod si hætenus non consecuti estis omnia quæ petistis à Patre, ne miremini, quia in nomine meo non petistis. *Petite*, inquit, *& accipietis*: nam præter dilectionem Patris ad Filium & ipsius Christi iustitiam & meritum, sunt etiam alia duo, scilicet præceptum eius; iussi enim ab eo petimus Patrem. Quantum autem valeat, Ecclesia significat, quæ orationi præmittit: *Præceptis salutaribus moniti, & diuina institutione*

institutione formati audemus dicere, &c. Est etiam promissio facta nobis à Christo impetrandi à Patre. Hæc omnia multum Deum mouent ad exaudiendum nos. Quod addit, *Ut gaudium vestrum sit plenum, & integrum in nullo deficiens;* hoc gaudium est de quo dixerat, *Gaudium vestrum nemo tollet à vobis.* Attende gaudium de Christi resurrectione fuisse gaudium magnum, sed non completum nec perfectum Apostolis, quia de resurrectione quæ solius Christi erat gaudebant; quando autem bona ipsis maxima ex hac resurrectione prouenerunt, tunc gaudium est completum: quia non de bono tantum Christi sed de suo etiam gaudebant. Tol. Vel finite me abire ad Patrem, & perfectius gaudium habebitis quàm nunc ex mea præsentia habetis, quod carnale & imperfectum est: plenum & perfectum ex mea absentia percipietis: magis enim vos absens quàm præsens consolabor. Ex Chrys.

25. *Hac in prouerbiis locutus sum vobis: venit hora cum iam non in prouerbiis loquar vobis, sed palàm de Patre meo annuntiabo vobis.*] Adhuc consolatur eos de suo discessu, promittens apertam locutionem. q. d. Scio me hæc vobis locutum subobscurè & velut sub enigmatibus: venit tamen & prope est iam tempus, quando sine vmbriis, sed palàm loquar de Patre meo, nempe mysteria omnia missionis & aduentus mei. Hoc fecit Dominus post resurrectionem suam per illos 40. dies, discipulos erudiens: perfectius autem in aduentu Spiritus sancti. Prouerbiū vocat obscurum sermonem. Cyr. l. ii. c. 8.

26. 27. *In illo die, in nomine meo petetis, &*
non

non dicam vobis, quia ego rogabo Patrem : ipse enim Pater amat vos ; quia vos me amastis & credidistis , quia à Deo exiui.] Sensus est , post meum discessum petetis in nomine meo Patrem : & non dico vobis me rogaturum, idest, non dico vobis vos indigere precibus meis , ipse enim adeo vos amat, vt etiamsi ego non rogem, sitis obtenturi quidquid petieritis. Non dicit se non rogaturum , sed eos non indigere vt ipse roget Patrem, si in ipsius nomine petant: amor enim paternus sufficientissimus est ad concedendum omnia petita. His verbis ad considerationem, & affectũ diuinitatis omnino transfert : & inducit vt ad Patrem conuertantur. Ex Aug.

28. Exiui à Patre & veni in mundum : iterum relinquo mundum & vado ad Patrem.] Optima conclusione huic sermoni finem facit : cum enim dixisset eos credidisse ipsum exiisse à Patre, nouum argumentum pro suo discessu facit. Verè, inquit , exiui à Patre , per generationem æternam , & veni in mundum , homo factus, & humilians meipsum vsque ad mortem; æquũ igitur est , vt perfectis quæ ad humilitatem meam concernebant , mundum relinquam, & ad Patrem reuertar, ascendens in cœlos. Attende non esse similem ascensum descensui , nec reditum aduentui ; nam venit sine carne, eam tamen sumpturus ; at non reuertitur carne relicta, sed eam glorificatam ad cœlos transtulit. Ex Aug.

29. Dicunt ei discipuli eius: Ecce nunc palam loqueris , & prouerbum nullum dicis. Nunc scimus quia scis omnia , & non est opus tibi vt quis te interroget : in hoc credimus , quia
Y y à Deo

à Deo existi.] Audientes discipuli Dominum adeo clarè loquentem, vt sensus verborum ab omnibus perciperetur, eorum etià dubitationi non interrogatum satisfacisse cum gaudio & admiratione respondent, dicentes, *Ecce nunc palàm loqueris*, idest, hic est sermo quem desideramus, apertus & sine prouerbiis. In hoc cognoscimus te scire omnia, quia antequam interrogatus esses à nobis, nouisti nos non intellexisse sermonem, ac propterea voluisse te interrogari, antequam eum explicuisti sermonem: ideoque nos vel maxime in hoc certè credimus te à Deo exiisse & filium esse Dei, idest, vel hoc argumento, etiamsi nunquam credidissemus, nunc crederemus te exiisse à Deo: nosse enim omnia, & mentium dubitationes ac voluntates occultas scire, Dei est. *In hoc credimus*, idest, in hoc fidem nostram confirmamus, & comprobamus te à Deo exiisse. Cyr. l. 11. cap. 11. Quamquam non satis constet an eo vsque eorum fides peruenisset, vt crederent illum naturalem Filium Dei, verumque Deum esse, adhuc enim apparet ex multis rebus ante aduentum Spiritus sancti rudem & imperfectam eorum fuisse fidem: vt solent dicere Chryl. & Theoph. & Christus ipse videtur statim coarguere, interprete Heracl. Chryl. Cyr.

31. *Respondit eis Iesus: modò creditis?*] Christus eorum dictum confirmat, sed vt in hoc etiam suam diuinitatem ostendat, & se omnia præscire demonstret, eorum stabilem fidem & firmam nondum esse, prædicens quæ futura sunt, manifestat. Modò inquit, creditis me à Deo exiisse? Creditis quidem, aut credere videmini, sed

sed modò, futurum enim est, imò tempus adest, ut in hac fide stabiles non sitis futuri. Quod verbis sequentibus exponit. Tol. Et hic est sensus, si per affirmationem legatur, illud modò creditis. Si autem per interrogationem, erit exprobatio tarditatis, quòd nunc post tot sermones, post tot miracula, post tam diuturnam cum ipso familiaritatem, tandem credant: cum multò antè credere debuissent. Ita Chrys. & Theoph. Vel *modo creditis?* id est, modò dicitis vos credere? Ita Leont. Vel, modò quidem ostēditis ac profitemini vos credere, cum in tuto estis, cum nihil periculi est, sed tempore tribulationis, quod iam instat, recedetis: ut Mat. 13. 21.

32. *Ecce venit hora, & iam venit, ut dispergamini unusquisque in propria, & me solum relinquantis: & non sum solus quia Pater mecum est.*] Ad præcedentem sententiam hæc pertinent, *modo creditis*. Sed ecce iam tempus adest quando me solo derelicto, & amore magistri posthabito, metu & formidine perculsi fugiatis: ut unusquisque vestrum propriæ salutis consulat. Quod impletum est cap. 18. Primum *venit* est præsentis, Secundum *venit* præteriti temporis. Non est sensus eos fugisse in domos suas, sed in diuersa loca, quod à principio, quando Dominus captus est, fecerunt, quamuis postea ante resurrectionem conuenerint. Cum addit, *Et non sum solus, quia Pater mecum est*, ostendit eos quidem quantum in ipsis esset, solum relicturos & omni destitutum ope, quod autem re ipsa solus futurus non esset, non ipsorum virtute; sed sua ipsius natura fieri quod Deus esset, idēque cum Patre.

Itaque separari ab eo, & solus esse non poterat. Fortè hoc dicit ne putarent ipsum eorum auxilio indigere; aut ipsum capiendum, quia derelictus esset ab eis. Solus non sum inquit, quia mecum est Pater, cuius sum Filius nullius ope indigens, captus & comprehensus, quia volui: non quia solus sine vobis resistere non potui. Ex Aug. & Greg.

33. *Hæc locutus sum vobis ut in me pacem habeatis.*] Concludit totum sermonem. Hæc, inquit, omnia vobis locutus sum, ut per ea vobis persuadeam habere in me pacem, idest, non scandalizari, non turbari in me propter ea omnia quæ ventura sunt, sed fortes & constantes in me manere, sicut hætenus fecistis. In Christo pacem habere est ipsi inherere, ab eo etiam in tentationibus non recedere, sed fide & dilectione coniungi. Sic Cyr. l. II. c. 13.

In mundo pressuram habebitis, sed confidite, ego vici mundum.] Q. d. Magnum quidem aduersarium habebitis mundum, sed maiorem habebitis auxiliatorem me, qui illum vici. Vicisse autem se dicit, quia diabolum mundi principem vicerat, cap. 14. Vel quia in proximo erat victurus & certus de victoria cap. 12. quæ confidentia non ad Apostolos modò sed ad nos etiam omnes pertinet. 1. Cor. 15. 1. Ioan. 2. & 4. 5. Apoc. 12. Ex Augustin.

C A P V T X V I I .

Oratio Iesu ad Patrem.

I. **H**Æc locutus est Iesus, & subleuatis oculis in cœlum dixit: Pater venit hora, clarifica Filium tuum, ut Filius tuus clarificet te.] Ut homo Patrem orat, tum pro sua clarificatione, tum pro discipulorum custodia, tum demum pro omnium fidelium futurorum cōuersione. Oraturus autem oculos in cœlum attollit, ut se inde venisse, & illuc iam properare significet. Non indigebat oratione Christus, sed quantum nos ea indigeamus, ostendit. Nullum intermittit tempus sine fructu, à doctrina enim continuò ad orandum se conuertit: opere se esse hominem, verbo se esse Deum ostendit efficacissimo ad impetrandum argumento, dum Patrem dicit: quid enim qui filius est non impetrabit à Patre? talis Filius à tali Patre? Cyr. l. 1. thes. cap. 6. ait maius Deo esse Patrem, quàm esse Dominum: nam Dominus respectu creaturæ dicitur: at Pater respectu Filij: maius autem est Deo genuisse Filium quam omnes creaturas fecisse, respectu quarum Dominus est, & nuncupatur. Altissima ergo & sublimis oratio est, quæ à tanto & tam eximio incipit verbo, ut non addubites maxima esse quæ petuntur; quibus nimirum impetrandis tantus adhibetur titulus. Gr. venit hora illa mortis, passionis, exinanitionis vsque ad mortem crucis, diuino consilio & voluntate electa. Meritò

in hac hora ratione humanitatis suæ. Primum a Patre Christus petit clarificationem suam, quia maximè in morte diuinitas occultabatur, quia multi scandalum ex credentibus etià passuri erant. q.d. Tu me hactenus & missa de cœlo voce, *Hic est Filius meus dilectus*, & delapso ad me Spiritu sancto Mat. 3. & Ioannis testimonio, *Ecce Agnus Dei*, *Ecce qui tollis peccata mundi* cap. 1. & multis editis miraculis clarificasti, iterumque cùm opus esset maxime, clarificaturum promisti cap. 12. *Et clarificaui*, & iterum clarificabo; ecce nunc tempus illud venit, quo maximè tua clarificatione opus est, quia adeo obscura & ignominiosa mors subeunda imminet, vt nisi tu me clarificaueris, nisi me certis & conspicuis signis filium tuum esse declaraueris in carne positum, omnes me pro puro, cœque vili & abiecto homine habituri sint. Mea clarificatio non tam mea, quam tua est. Hoc est quod ait, *Vt Filius tuus clarificet te*, id est, vt dispensationis mysterio illustrato nomen Patris mundo manifestetur, quia ipsum clarificari a Patre Filium, est Patrem a Filio clarificari, quia omnis Filij gloria in Patrem redit: vt cap. 12. 13. Vbi quid sit clarificari exposuimus. Filius dicitur Patrem clarificare quatenus incarnationis & redemptionis per ipsum factæ mysterio reuelato, & clarificato, multum diuinitas cognoscitur & perfectio eius commendatur: nam & mysterium Trinitatis ostenditur, & summa bonitas, sapientia, potentia & iustitia Dei mundo innotescunt. Christo etiam manifestato, eius doctrina recipitur, qua diuinitas fit notior: ignotus enim erat Deus mundo, maximè Gentibus,

ante

ante aduentum: At Christo clarificato Deus mundo notus factus est, non solum Gentibus, sed etiam Iudæis: quibus etiam si notus antea erat, non tamen cum tanta perfectione. Ex August.

2. *Sicut dedisti ei potestatem omnis carnis, ut omne quod dedisti ei, des eis vitam æternam.*] Quantam & qualem claritatem petat exponit. q. d. Da Pater tantam claritatem quantam dedisti potestatem in homines; tu autem non vnius aut alterius populi, sed omnium hominum ei dedisti potestatem, & ad omnes redimendum misisti, & omnes curæ eius cōmisisti; notifica ergo me quantum officij & muneris amplitudo postulat, ut ab omnibus tuus filius & redēptor agnoscar, sicut pro omnibus missus sum, & omnium salutem operatus sum, ut filius tuus clarificet te, idest, ut omnis caro etiam te clarificet & honoret. *Sicut dedisti ei potestatem.* q. d. Pater, cum dederis potestatem talem ac tantam, æquum est dare consequentia, nempe manifestationem & clarificationem. Loquitur ut homo. Sensus est, Tracta me tanquam legatum tuum, quem abs te coram omnibus clarificari, idest, cognosci & honorari conuenit: da mihi æqualem potestatem, honorem; sicut dedisti mihi potestatem omnis carnis; ita me apud omnem carnem, idest, apud omnes homines glorifica. O Pater, peto claritatem hanc potestati æqualem, ut vitam æternam consequantur omnes hi quos mihi dedisti, quam non poterunt assequi, nisi ego clarificer in eis, ab ipsisque cognoscar. Hæc enim claritas, quæ fides est in me, omnibus ad salutem necessaria est. Hebr. *Omne* pro omni,

Y y 4 quod

3054 MANUALE IN EVANGELIUM

quod dedisti mihi, det vitam, aut quod dedisti mihi, det ei vitam æternam. redundat eis. Significat se Deum esse; dare enim vitam æternam Dei est. Vel vitam æternam vocat sui Patrisque cognitionem, dedit autem omnibus quantum fuit in ipso ait Chrys.

3. *Hac est autem vita æterna ut cognoscant te solum verum Deum, & quem misisti Iesum Christum.*] Sensus est, clarifica Filium tuum ut Filius tuus clarificet te, ut per hanc clarificationem & manifestationem qui redempti sunt vitam æternam assequi possint: nam hæc est vita æterna, idest, non aliter ad hanc vitam æternam peruenire poterunt, nisi te cognoscant verum Deum & Iesum quem misisti, idest, nisi tu clarificeris in eis, similiter & Filius tuus homo factus clarificetur. *Hac est vita æterna*, non formalem sensum, sed causalem facit, nempe hæc est causa vitæ æternæ, & hac sola via consequenda est, nempe fide diuinitatis, & mysterij dispensationis, ut credatur Deus & credatur Christus: articuli enim fidei ad hæc duo reducuntur, ad veritatem diuinitatis, & ad mysterium incarnationis Christi, per quam redemptio perfecta est, sine qua fide nemo vitam æternam habet. Illud autem, *te solum Deum*, non excludit Filium & Spiritum sanctum, sed Deos falsos, quos Gentes colebant: per Euāgelium autem reuelatum est non esse alium Deum præter Patrem Domini nostri, Filium, & Spiritum sanctum. Non ergo excluduntur quia idem & vnus Deus cū Patre sunt. Ex quo Ariani male inferunt Patrem solum verum Deum esse, Filium excludi: nā cum dicit (*Et*) se simul Deum esse demonstrat. Frequenter Dominus

SECUNDVM IOAN. CAP. XVII. 1055
minus loquitur de vita æterna, non solum secundum eam rationem qua habetur in cœlis post hanc vitam, sed etiam secundum eum modum quo ex parte & inchoatiuè habetur in hac vita: vt cum dixit c. 6. *Qui credit in me habet vitam æternam*: Sic ergo in proposito loquitur de vita æterna, vt communis est & huic & futuræ vitæ: vita enim æterna habetur hic inchoatiuè per fidem: in cœlis perfectè cognoscendo Deum per visionem. Vt notat Ians. & Aug.

4. *Ego te clarificaui super terram; opus consummaui quod dedisti mihi vt faciam.*] Hoc est aliud quod à Patre petit, nempe gloriam & claritatem carnis suæ, completo iam opere sue dispensationis, propter quod se exinanierat & vsque ad mortem obediens factus fuerat. Et quasi debitam sibi mercedem petit à Patre, se eam iam meruisse, Patrem prius clarificando & opus consummando, quod sibi perficiendum tradidisset: se iam fecisse quod in se erat: faciat ergo Pater quod in ipso est, seque clarificet. Sensus ergo est, iam ego, ô Pater, te clarificaui super terram: nam carnem assumpsi vt testimonium perhiberem veritati docendo, & prædicando, & annuntiando hominibus salutem. Dicit, *super terram*, nam Pater clarificatus erat ab Angelis, cum videntibus. Quo modo autem clarificauerit Patrem exponit, cum dicit, *Opus consummaui*, quod dedisti vt faciam: perficiendo enim officio, sibi à Patre commutato gloriosorem, clarioremque apud homines Patrem reddidit: Opus hoc fuit mortem, diabolum, peccatumque morte sua debellare, & vincere; reconciliare homines Patri; denique

Xy s que

que opus redemptionis ad quod missus est, de quo Ioan. 4. perficere loquitur in præterito, non solū propter certitudinem rei futuræ, sed quia iam proxima erat, & quod minimū distat, quasi non distare videtur. Idcirco dicit, *consummaui*. Dicit autē, *quod dedisti mihi*, quia filius ratione humanæ naturæ factus est a Patre redemptor hominum. Io. 13. Denique duo officia eius hæc verba continent, propter quæ venit; nimirum veritatem Dei docere, & mundum redimere: illud fuit clarificare Patrem prædicatione; quod iam fecerat; hoc verò est mori pro homine: quod quia proximum erat, consummasse se dicit. His ergo peractis ut homo petit glorificationem suæ carnis, quæ ex dispensatione donec hæc fierent in humilitate erat. Ex Chrys. & Aug.

5. *Et nunc clarifica me tu Pater apud te ipsum claritate, quam habui, priusquam mundus fieret, apud te.*] Q. d. reliquum est ut tu, Pater, me clarifices apud te ipsum in cœlis, ea claritate quam habui apud te ab æterno, i. humanitatem hanc meam clarifica, exalta, glorifica, claritate digna filio Dei, qualis ego sum. Et da ut claritas & gloria quam ego, ut Deus, ab æterno tecum habeo, communicetur & extendatur vsque ad carnem meam, quæ propter dispensationem hætenus est suspensa: peracta ergo dispensatione diffundatur & extendatur in carnem meā: itaque petit ratione humanitatis clarificari, non claritate quæ de foris accedat, ut nobis accedit, sed claritate propria quam ab æterno habet ut Deus: quia idem est Deus & homo, gloriosus ab æterno in natura diuina, inglorius in carne propter nostram

SECUNDVM IOAN. CAP. XVII. 1057
nostram salutem. Illud, *nunc*, non tantum præ-
sens, sed etiam sequens dicit. q. d. Deinceps,
seu ex nunc, seu in posterum clarifica me. Il-
lud, *quam habui apud te*, significat, habui apud
te tanquam filius tibi æqualis, vt illud, *Ver-
bum erat apud Deum*. Ex Hil. 3. & 9. de Trin. &
Aug.

6. *Manifestavi nomen tuum hominibus quos
dedisti mihi de mundo.*] Postquam Christus pe-
tiit vtramque claritatem sibi, nempe nominis
sui manifestationem mundo faciendam, & suæ
carnis ac humanitatis glorificationem per re-
surrectionem & ascensionem ad dexteram Pa-
tris complendam, ad orandum pro suis disci-
pulis se conuertit. Exponit autem 1. pro qui-
bus orat: *Manifestavi*, inquit, *nomen tuum* ho-
minibus, ostendendo me esse filium tuum à
te missum, aperiendo causam propter quam
sim missus, amorem scilicet tuum erga mun-
dum, prænuntiando etiam spiritum quem mis-
surus es post discessum meum, & alia, quæ di-
ninitatis tuæ opera sunt, docendo. Hæc om-
nia nota feci ijs quos, inquit, dedisti mihi de
mundo. Loquitur Christus vt homo, cui Pater
dedit discipulos de mundo. Elegit enim eos de
medio aliorum hominum, liberauit à pecca-
tis, fecit discipulos & Apostolos, omnia hæc
sunt opera Dei: nemo enim potuit venire ad
Christum nisi tractus à Patre. Et aduerte ma-
nifestare nomen Patris, esse declarare Deum
Patrem esse & filium habere. Iudæi Deum esse
rerum opificem nouerant, at Patrem esse
ignorabant; Gentibus vtrumque erat igno-
rum. Nomen Patris est verius quam nomen
Dei: hoc enim est dignitatis & operationis

cuiusdam (ab eo enim quod omnibus prouidet Deus dicitur) illud substantialis proprietatis, ut notat Cyr. l. 11. thes. c. 1. Nomē ergo Dei Christus manifestauit quia Patrē notificauit : simul etiā declarauit eius opera, totū enim ad nominis manifestationē pertinet. Sunt autē de discipulis hęc verba pronūtiata, ut ait Chry. ho. 80.

7. 8. *Tui erant & mihi eos dedisti, & sermonem tuum seruauerunt. Nunc cognouerunt quia omnia quæ dedisti mihi abs te sunt; quia verba quæ dedisti mihi dedi eis, & ipsi acceperunt, & cognouerunt verē quia à te exiui, & crediderunt quia tu me misisti.]* Discipuli dicuntur. fuisse Patris non solum ratione creationis, sed æternæ electionis : quia quos elegerat Deus ab æterno, hos dedit Christo ratione humanæ naturæ, ut homo est. Notat non infructuosos fuisse, quia seruauerunt sermonem tuum, insuper crediderunt ea quæ mihi dedisti abs te esse, nempe opera mea & doctrinam diuinam esse, & à te nouerunt procedere : ut lo. 7. & 11. & 10. Nunc, nempe cum edocti à me fuerunt. Causa vnde nouerint quæ dedisti mihi omnia à te esse, ea est quia doctrinam, quam mihi ut homini dedisti, ipsis communicauit, eam acceperunt non ut Iudæi contradicentes. Acceperunt autem eam sic : nouerunt me à te exiisse & à te esse missum : hęc duo crediderunt, nempe me esse filium tuum, hoc est à te exiisse, & venisse in mundum cognouerunt & crediderunt. Eandem fidei noticiam significat, sed cognitio dicitur, quatenus miraculis & signis confirmata erat. Hęc omnia commemorat, ut non immeritò eos Patri commendare, & pro ipsis rogare significet, Cyr. l. 11. c. 18.

9. *Ego pro eis rogo, non pro mundo rogo, sed pro his quos dedisti mihi quia tui sunt.*] Conditionibus discipulorum descriptis nunc preces suas exponit & Patri offert: quid autem precetur & roget infra exponit. Sciebat Pater pro quibus oraret, & quales essent ij pro quibus rogaret: at Dominus expressit hæc verba vt cognoscant discipuli eximiã erga se magistri dilectionem, & quanta beneficia ab eo acceperint, qui digni facti Christi precibus apud Patrem commendari; & relinqueret exemplum pastoribus orandi pro suis ouibus. Triplicem insinuat causam suã pro illis ad Patrem orationis. 1. quam hic attingit quia Patris erant. 2. quia clarificatus erat in eis, propterea quod magnam de ipso habebat existimationem credentes ipsum esse filium Dei & Messiam, vnde idonei erant per quos per vniuersum orbem etiam apud alios clarus fieret. 3. quia cum iam ipse mundum erat relicturus, & ad Patrem iturus, illi adhuc in mundo erant permansuri: vnde non per seipsum, sed per eos clarificandus erat apud alios deinceps: *Non, inquit, pro mundo rogo, id est, pro perditis hominibus qui suis dediti vitijs, nolunt me sequi, nec in me credere: sed rogo pro his quos tu mihi dedisti, quos tu elegisti.* At Christus erat pro crucifigentibus. Luc 23. 1. Cor. 5. 1. Tim. 2. Vult omnes saluos fieri. Respondeo quod duplex est eius mors & oratio distinguenda: altera sufficiens quidem, sed non efficax: altera & sufficiens & efficax. Si priori modo illo & mortẽ & orationem Christi consideres, & pro omnibus hominibus mortuus, & pro omnibus orauit: nam & eius mors satis habuit meriti ac vis, vt omnes ho-

mines

mines liberaret, & eius prima & antecedens voluntas erat, vt omnes liberarentur. Ideoque apud Luc. 23. pro omnibus orauit. Si autem spectes effectum, quia is non ex sola Christi, sed ex hominum etiam, qui saluandi erant, voluntate pendebat, quia non omnes oblatum à Christo redemptionis beneficium accipere voluerunt, non omnes salui facti sunt, neque pro omnibus orauit, sed pro ijs qui credidissent. Alio denique sensu pro omnibus quàm pro discipulis suis & iustis orauit: nam pro omnibus vt crederent & iusti fierent, sicut nos pro hæreticis oramus: pro discipulis & iustis, vt eos conseruet & det illis vitam æternam. Ita Chry. & Aug.

10. *Et mea omnia tua sunt, & tua mea sunt: & clarificatus sum in eis.*] Secundam attingit rationem quare se Pater pro discipulis orantem exaudire debeat. Et sensus est, dixi, ô Pater, tui erant & dedisti mihi, ne verò aliquis hæc verba audiens me hominem merum esse, accipientem à te quæ non habeam, iudicet, adiungo, mea omnia tua esse, quia à te procedo, & substantiam meam à te habeo: omniaque tua mea sunt, quia tu genuisti me, & omnia tua communicasti. Vt ergo indiuisibilitas, & vnititas intelligatur & credatur, dico mea esse tua, quia quæ habeo simul habes, & tua sunt mea, quia non desinunt esse tua eo quòd mea sunt: eadem enim est potentia, idem dominium Patris & Filij. Addit, *& clarificatus sum in eis*, id est crediderunt mea omnia tua esse, & tua mea esse, credentes me Dei filium verum esse, & vt talem coluerunt & obseruarunt. Aug. ad fideles refert, præteritum pro futuro interpre-

tans.

SECUNDVM IOAN. CAP. XVII. 106
rans. Sed accomodatus ad discipulos. Cyp.
l. 11. c. 19.

11. *Et iam non sum in mundo: & hi in mundo sunt, & ego ad te venio.*] Attingit 3. rationem quod ipse, qui eos hactenus, tanquam Pater filios, protegebat, de mundo discedat, illosque orphanos derelinquat, nisi illis Pater adsit. Dicit, *iam non sum in mundo*, non quod tunc non esset: Et pro quia, *ad te venio*: nam reddit causam, cur dixerit se iam in mundo non esse: quia, inquit, *ad te venio*. Hebr. ex Chrys. & Aug.

Pater sancte serua eos in nomine tuo quod disti mihi, ut sint vnum sicut & nos.] Declarat quid a Patre pro discipulis roget & petat, nempe ut eos seruet, & ut vnum esse inter se faciat. Oratio autem & humanitatis humilitatem, & deitatis continet gloriam: rogat ut homo, loquitur ut Deus: utrumque miscet, ut se utrumque significet. Patrem Sanctum appellat, vel ut blande alliciat, vel quia quæ sanctitatis sunt rogat. *Serua*, inquit, *eos in nomine tuo*; id est, tua virtute & potentia, conserua hos in gratia, charitate, dilectione, & vita: ne à Iudæis nunc occidantur, ac in tentationibus succumbant. *Serua eos*, non ut diuites sint, non ut voluptuosè vivant: sed ut sint vnum sicut & nos vnum sumus, concordēs, vnanimēs, pacifici inter se in vno spiritu, vna fide, vna charitate: ut Act. 4. Similitudo hæc est, non æqualitas. Nam filius & Pater vnum sunt, quia vna est substantia numero, eademque voluntas: ac fideles non hanc possunt habere vnitatem, sed similem, ut idem velint, & idem nolint, concordēs sint, vno spiritu moti & gubernati. Abutē-

bantur

bantur hoc loco Ariani existimantes, Filium non nisi voluntate & concordia esse vnum: cum natura etiam & voluntate sit vnum cum Patre: & rogabat vt discipuli qui erant vnum inter se natura, essent etiam vnum voluntate cum Patre, sicut & ipse vnum erat: vt notat Amb.

12. *Cum essem cum eis ego seruabam eos in nomine tuo.*] Causam, impetrandique rationem adiungit, & est sensus, quando etiam corporali præsentia cum eis ego seruabam eos in nomine tuo, i. virtute diuinitatis; nunc autem discedo; non igitur priuentur propter meum discessum hac custodia & protectione nominis tui: sicut nec in mea præsentia priuati sunt. Loquitur vt homo, & seruasse dicit discipulos non humana, sed diuina Patris virtute, quæ sua etiam erat, tanquam Dei. Et vis argumenti hæc est, Si in mea præsentia hac tua virtute seruati sunt; æquum est vt in absentia etiam seruentur, cum maior subueniendi & auxiliandi sit causa. Ex qua expositione cessat id quod concipere aliquis posset, nempe, ego seruabam eos, modò tu serua, quasi vnus alteri succedat in custodia. Hic sensus valde carnalis est, vt dicit Augustinus. tract. 107.

Quos dedisti mihi ego custodiri, & nemo ex eis perit nisi filius perditionis, vt Scriptura impleatur.] Q. d. Cum eram cum eis corporaliter præsens, seruabam illos tua virtute & potentia, & efficax erat custodia, nemo enim ex eis perit quos mihi dedisti, sed à me omnes sunt conseruati, præter vnum qui filius fuit perditionis, Iudam nempe. Hebr. filius sapientiæ qui sapientiam custodit,

custodit, filius perditionis qui peccatis indulget, Basil. & Cyr. l. 11. c. 21. Perditio hoc loco significat peccatum extremū æternam damnationem inducens, quale fuit Iudæ, quia impetnens vsque ad mortem, & citò in æternā dānationem abiturus. *Vt*, non solū consecutionē & euentum significat sed etiā causam declarat, causam verò non verā sed apparentem. q. d. *vt* quod prædixit Pater impleretur Ps. 108. Sicque tacitæ obiectioni respondet, quare non seruasti hunc etiā datum à Patre? Seruauit, inquit, & nemo periit, nisi quē tu prædixisti periturum, quem ego non seruauit; non quia non potui, sed quia sciebā te nolle, me eum seruare: volens ergo custodire quæ tu prædixisti non seruauit. Nec tamen Iudas propterea culpa vacauit, quia accepit à Christo talem custodiam & auxilium, *vt* si voluisset non peccasset. Ex Chrys.

13. *Nunc autem ad te venio, & hac loquor in mundo, ut habeant gaudium meum impletum in semetipsis.*] Ad præcedentem sententiā hæc pertinent. *Cum essem*, inquit, *cum eis ego seruabam eos in nomine tuo*, cū autem nunc ad te veniā & eos relinquam corporali præsentia, peto ne modò destituantur tui nominis & virtutis auxilio, quo ego eos præsens protegebā. Repetit autem hæc verba *vt* discipuli curā & dilectionē, quam erga eos habebat, expressius cognoscerent. Iam, inquit, ad te venio: dum autem hoc breue tempus mihi superest visibiliter in mundo existens, loquor hæc, nempe omnia quæ dicta sunt; loquor autem & rogo *vt* hi habeant gaudium meum impletum in seipsis, id est tales sint quales esse desidero, & quales me gaudio afficient, nempe si sint vnum sicut & nos, & si habeant.

habeant & consequantur quod rogo. Sensus est hæc loquor, ô Pater, vt cõcedas discipulis meis idem sapere, eandem charitatem habere, vna-nimes esse, idem sentire, & vnum esse: sic enim implebunt gaudium meum in seipsis, seu habebunt gaudium meum impletum in semet-ipsis. Et est argumentum efficax impetrandi à Patre, quo petuntur ea quæ gaudio afficiunt fi-lium. ex Chrys. & Aug.

14. *Ego dedi eis sermonem t. am & mundus eos odio habuit, quia non sunt de mundo sicut & ego non sum de mundo.*] Iam alterum rogat vt contra persecuciones mundi à Patre protegantur & defendantur, quia persecuciones sunt pro-pter Patrem & Christum ipsum passuri, vt cuius causa patiuntur ab eo adiumentur. Sermonem Patris vocat doctrinam Euangelicam suam quam illis tradiderat. Patris vocat vt ratio subueniendi plus haberet ponderis. Vel quia plus apud homines habitura erat auctoritatis, si Patris quàm si suam esse diceret. *Mundus*, id-est, mali & increduli, qui doctrinæ contradi-cunt. ex Aug.

15. *Non rogo vt tollas eos de mundo. sed vt serues eos à malo.*] Vt tollas, per mortem scilicet temporalem, ab odio & mundi persecutione tã Iudæorum quàm gentium: quod aliquando li-cet pro aliis petere vt à mortē præuerti à pec-candi periculis, quibus tenentur, liberi in iusti-tia suscepta securi decedant. Sed rogo vt cum adhuc in mundo sint permansuri eos à malo serues. Non rogo vt eos tollas de mundo nunc sicut ego à mundo discedo. Hæc verba propter audientes discipulos dicta sunt: Deus enim non indigebat istis declarationibus. Debebāt disci-puli

puli multa pati, vt magnam coronam mererentur, ideo non erant tunc tollendi. Græc. legitur cum artic. Serues eos ab isto malo, peccato, seu dæmone peccati auctore, vel specialiter à malo isto secessionis. ait Beda.

16. *De mundo non sunt; sicut ego non sum de mundo.*] Ideo hoc repetit vt audientium discipulorum animas magis confirmaret. Sunt qui referunt ad sequentia. Quia ergo de mundo non sunt, vt dixi, sicut & ego non sum de mundo, sanctifica eos, sicut & ego sanctificatus sum. vt Aug. & Beda.

17. *Sanctifica eos in veritate, sermo tuus veritas est.*] Tertium petit à Patre pro discipulis; nempe vt in veritate sanctificentur. *Sanctifica eos, inquit, in veritate, vt sint etiam sancti, sicut ego sanctus sum.* Sanctificare in veritate, est per Spiritum sanctum veritatem Euangelicam perfectam infundere, vt fiant doctores & magistri doctrinæ euangelicæ. Et hoc per Spiritum sanctum, qui non nuda verba & conceptus doceat, sed gratiam infundat: vt fiant digni magistri & doctores tantæ doctrinæ, vt sanctè veritatem accipiant, & doceant: cum enim futuri essent orbis magistri, petit Christus à Spiritu sancto dignos fieri doctores. omni instructos veritate & virtute, vt vita respondeat doctrinæ. Quæ autem sit hæc veritas in qua sanctificandos & conseruandos rogat, exponit: *Sermo tuus veritas hæc est*, sermo hic doctrina Christi est quæ dicitur Patris, quia diuina erat & ex diuinitatis beneplacito tradita. Chrysosto. ait hic sanctificare idem esse quod segregare, designare, constituere prædicatorem Euangelij. Sic Paulus dicitur segregatus Ro. 1. Gal. 1. & Ieremias

mias i. e. sanctificatus. Et sanctū dicitur quod
 à rebus pollutis separatum & ἅγιος sine terra;
 Hebr. 7. Ex. 19. Levit. 9. Veritatem interpretan-
 tur, non Christum, vt S. Aug. sed Spiritus sancti
 vnctionem, & sanctificationem, quæ vera non
 vmbatilis est: & quæ non omnibus Christia-
 nis sed ministris Christi in Euangelio datur,
 quibus propriè conuenit legale illud verbum
 sanctificari, idest, ad certum Euangelij initiari
 ministerium. Iuxta hanc interpretationem, *Ser-
 mo tuus*, idest, nouum Euangelium, res vera est,
 non typica, non vmbatilis, qualis erat lex.
 Oporteret vt eius ministri non solis externis ce-
 remoniis, sed multò magis vera iustitia, inter-
 nòque Spiritu sanctificentur vt cap. 4. 24. Ex
 Aug.

18. *Sicut tu me misisti in mundum ita & ego misi
 eos in mundum.*] Causam cur sanctificatio hæc
 petatur adiungit, & supplendum; quia sicut tu
 me misisti in mundum, ita & ego misi eos, idest,
 deputaui, segregauī, & cōstitui, mittēdo in mū-
 dum prædicare, & annuntiare veritatem, quam
 ego annuntiaturus veni à te missus. Sanctifi-
 catione igitur hac maximè indigēt vt per Spi-
 ritum sanctum instructi & perfecti munus hoc
 iniunctum dignè exequi valeant. Misi diuina
 auctoritate, ea qua à te missus sum: non se in-
 gesserunt, non vsurparunt hoc munus propria
 auctoritate. Misi, idest, mittam, vel quia iam
 deputati erant, & iam nomē Apostolorum ha-
 bebant. ex August. Theophyl. verò coniungit
 hunc versum cum sequenti in hunc modū: sicut
 tu me misisti in mundū, vt me sanctificarē, idest
 in sacrificiū offerrem; ita & ego illos mitto in
 mundum, sicut oues occisionis, vt sanctificen-
 tur,

tur, idest, in sacrificium se pro salute hominum suo modo similiter offerant. Sanctifica ergo eos, idest, virtute Spiritus sancti corrobora, vt mortem fortiter appetant. Alij sanctificare esse initiare & solemni ritu legitimū alicuius ministri constitutare, dicunt declarati nunc ad quod munus eos à Patre sanctificari, idest, idoneos ministros vt ait Paulus fieri petierit, nēpe ad munus Apostolicum: hoc enim est in mundum prædicandi causa mitti, Apostolum esse. Sicut Apostolus tuus sum; ita & illi mei sunt. Nam & Christum Apostolum confessionis nostræ Paulus vocauit. Heb. 3.

19. *Et pro eis ego sanctifico meipsum, vt sint & ipsi sanctificati in veritate.*] Auger argumentum & rationem impetrandæ sanctificationis huius. Non, inquit, solum misi eos, sed pro eis ego sanctifico, i. meipsum iam iam in hostiam sanctam offeram per mortem, vt virtute & efficacia huius sacrificij efficiantur sancti in veritate, i. obtineant hanc sanctificationem, quæ per Spiritum sanctum facta est in die Pentecostes. Ego igitur me sanctifico, vt etiam ipsi sint sanctificati: ego quidem per mortem, ipsi per Spiritus sancti gratiam, per quam consecrabitur, & perficientur veritati prædicandæ. Cyrill. lib. 11. cap. 21. Veritatem pro Spiritu sancto exponit: nam Spiritus veritas dicitur, sicque petit vt illis mittat Spiritum sanctificationis. Chrysostomus verò pro doctrina euangelica. Alij sic exponunt. Offero me in sacrificium pro illis, vt meo sacrificio & illi in veritate sanctificentur, idest, iustificentur. Sanctificari autem Christum dici, non quod sanctus factus sit, cum prius sanctus

sanctus non esset, sed quoddam in veteri lege hostiæ, quæ offerebantur, sanctificari dicerentur, Exo. 13. Sic Athan. Chry. Cyr. Alij dicant ut v. 17. hic alluisse ad sanctificationes illas legales, & solemnes ceremonias: ideoque sanctificandi verbum vsurpasse. Petierat à Patre, ut discipulos suos in veritate, idest, non iam veteribus illis ceremoniis & sacrificiis quibus ministri veteris testamenti sanctificabantur, idest, instituebantur (nam inter alias ceremonias sacrificiū adhibebatur cum Aaron & reliqui ministri sacrabantur Exod. 29.) sed pro vero Spiritu, veraque & interna sanctitate. Dicit nunc, *Pro eis ego sanctifico meipsum.* Q. d. Loco illius sacrificij & omnium aliarum ceremoniarum, quæ in cōsecratione & sanctificatione ministrorum veteris testamenti adhibebantur, ego me in sacrificium offero. Quod sacrificium cum non iam in umbra, sed illarum potius umbrarum veritas sit, cum eo sanctificati mei discipuli fuerint, non sola iam figura, sed in veritate sanctificati erunt. Hoc est *Et pro eis sanctifico meipsum, ut sint & ipsi sanctificati in veritate.* Sic Chryl.

20. *Non pro eis autem rogo tantum, sed & pro eis qui credituri sunt per verbum eorum in me.*] Postquam primum pro se, deinde pro Apostolis orauit, orat iam tertio & pro reliquis fidelibus, qui vsque in finem mundi futuri sunt. Hac orationis parte non solum nobis magnam occasionem consolationis relinquens, sed etiam ipsis Apostolis, dum significat eos multos habituros discipulos, nec sic mundum odio eos habiturum quin ex mundo multi etiam eos sint secuturi. Sic Ians. Rogat igitur pro omnibus fidelibus, quos distinctè ac perfectè, ac si præsen

præsentessent, videbat in essentia diuina, non solum vt Deus, sed vt homo, sicuti vt homo rogat & orat. Si quis quærat sub qua orationis parte Paulus comprehendatur, eo quod dicat se non ab hominibus edoctum, sed per Iesum Christum; Dicit potest secundum Aug. etiã sub hac orationis parte comprehensum, quia per illud idem verbum credidit, quod Apostoli prædicauerunt, etsi illud non acceperit ab Apostolis sed immediatè à Iesu Christo: vt Nathanael & Centurio quos imperfectè credidisse dici potest, & postea per verbum Apostolorum credidisse. Quamquam & ad priorem orationis partem dici possit pertinere, vt qui Apostolis annumerari meruit, & electus sit, non vt per alios crederet, sed vt per ipsum à Domino edoctum alij crederent. Iansen. Vel dicendum, verbum Apostolorum dici non tantum quod ab illis audiebatur, sed verbum euangelicum à quocumque audiretur. Vel à maiori parte fieri denominationem. Iustin. lib. 9. contr. Gentes. resp. 23. notat hanc Christi orationem; quæ pro discipulis facta est, non comprehendisse Iudam, nam iam Iudas recesserat, imò Christus à discipulorum numero excluserat, dicens perisse tanquam filium perditionis.

21. *Vt omnes unum sint, sicut tu Pater in me & ego in te, ut & ipsi in nobis unum sint.*] Expo- nit quæ petat pro omnibus credentibus. Pri- mum est, quod etiam pro discipulis rogauerat, nempe vt vnum sint idem sentientes, idem sa- pientes, inuicem diligentes, vnanimis & con- cordes: vt Act. 4. impletum est. Aduerte hanc vi- sionem charitatis pro credentibus à Patre peti; non autem pro incredulis: his enim fides po- tius

1070 MANVALE IN EVANGELIVM

tius est petenda, vt credant: ideo hæc oratio pro mundo non est. Alterum, quod petit, est, vt vnum sint in nobis sicut tu in me, & ego in te, (intellige) vnum sumus. Nota duplicem esse fidelium vnitatem: prior est inter ipsos: vniti enim sunt, & faciunt vnum corpus, vnitæ fidei vnius eiusdem religionis & mutue inter se charitatis. Altera est cum Deo & Christo: per gratiam enim, fidem, & charitatem, & Spiritum Deo vnimur & coniungimur, & in ipso manemus, & ipse in nobis: de qua vnione 1. Ioa. 4. Fide igitur & charitate non solū inter se vniuntur fideles, sed etiam cum Deo & Christo Domino. De hac duplici vnione sententia præses intelligenda est: Illud quidem, *vt omnes vnum sint*, de priori vnitate, qua vnum sunt inter se fideles concordia, & pace, quæ ex fidei vnitate & charitate nascitur: Verba autem ista, *vt sint vnum in nobis, sicut ego in te & tu in me*, de posteriori vnitate; qua vnum efficimur cū Deo & in ipso manemus, & ipse in nobis. Non est autem æqualis similitudo accipienda, vt falsò Ariani putabant, quia vnitatis diuersa est ratio. Nam Filius & Pater per naturam, nos verò illis vnimur per gratiam. Vel sicut creatura in creatore suo, ait Aug.

Vt credat mundus quia tu me misisti.] Fructum ex hac vnione exponit. Mundus, inquit, agnoscat me à te esse missum. Hoc loco per mundum credentes de mundo significat. Mundus ergo audiens tam miram & inauditam vnitatem, vt inter se, & in ipso Deo credentes vnum efficiantur, inducatur facilius & efficacius ad credendum me esse filiū tuum, per quem talis vnio facta est: nemo enim tali vnitate fideles
vnire

vnire posset nisi Filius Dei; nisi enim Filius Dei corpus induisset, nūquam homines ad hoc peruenissent, vt vnū essent in Deo, & Deus in eis, & ipsi in Deo manerent. Sic Tol. Chrys. verò & Theoph. per mundum intelligunt eos qui nōdum credunt. Alij eos qui neque credebāt, neque erant credituri : & sensus est, Mundus iste quātumuis incredulus, & mihi aduersarius, videns tamen summā discipulorū charitatem & concordiam, cogatur credere, idest, cognoscere & cōfiteri me à Deo missum esse, idest, non esse, vt nunc putant, seductorem sed hominem saltem diuinum, quamuis nihil præterea de me, meaque diuinitate credat : vt 1. Pet. 2. 15. Ex Hil. 4. de Trin. Chrys. & Aug.

22. *Et ego claritatem quā dedisti mihi dedi eis, vt sint vnum, sicut & nos vnum sumus.*] Postquā rogauit Patrem vt vnum faceret, & inter se & in Patre & Filio, quæ vnio per Spiritū S. efficienda erat, addit se dedisse eis claritatem quā à Patre accepit. qua vnum etiam sint sicut & Pater & Filius vnum etiam sunt. q. d. Ego iam eos effeci vnum per meam claritatē, quam à te accepi, datum ō Pater Spiritum S. vt vnum etiā fiant. Claritas hæc, inquit Cyr. est diuinitas ipsius filij, quā vt homo dicit se recepiſſe à Patre per vnionē hypostaticam. Hæc diuinitatem vnitā carni suæ dedit nobis Christus in Sacramento, quod tunc quando hæc loquebatur iam instituerat, discipulisque communicauerat, pro suisque fidelibus reliquerat : quo maximè vniantur inter se & in Deo, quantum ad realem quandam & corporalem vnionem. Animarum autem vnitas qua Spiritus sancti gratia vniantur, maxime in Spiritus sancti aduentu effecta est ;

Z z

& hanc

& hanc nunc rogat & petit : illam enim , quæ Sacramento sui corporis fit iam dederat. Chrys. ait claritatem eam esse quam sua doctrina & miraculis comparauerat, quam suis discipulis cōmunicauit, quia maiora quam ipse fecerunt miracula. Alij gloriam quam vita æterna erāt habituri , quam iam per prædestinationem æternam acceperant. Alij honorem vt filij Dei nominentur, & sint. Alij dilectionem qua Pater se & ipsos discipulos prosequeretur. Eam autem dedit Filius discipulis moriens pro ipsis: mortem enim suam vocat etiam claritatem.

13. *Ego in eis, & tu in me, vt sint consummati in vnum.*] Exponit modum quo vnio hæc claritatis & diuinitatis fiat. Ego, inquit, in eis sum per carnem meam in cibum verum & realem eis datam ; tu autem in me es , quia diuinitas tua est carni meæ vnita. Si igitur diuinitas est in carne , & caro est in credentibus , fit vt diuinitas etiam sit per mediam carnem Christi: habent ergo credentes in se, & carnem Christi, & per eam diuinitatem in se, fiuntque vnum, & quandam habent vnitatem per Christum ratione carnis suæ, & sic cōsummantur in vnum, idest, fiunt vnum perfectè , dum non solum vniuntur inter se & cum Deo, quantum ad animas quod fit per Spiritum sanctum, sed etiam quantum ad corpora ipsa. Chrys. Ego in eis fui per claritatem manēdo in eis per charitatem, vt cap. 14. Sicut Pater per eandem charitatem in se manebat. *Vt sint consummati*, idest, vt sic ad gloriam & perfectionem vitæ æternæ perueniant ; cui nihil addi potest. Alij de hac vita interpretantur, vt Mald.

Et cognoscat mundus, quia tu me misisti, & dile

dilexisti eos, sicut & me dilexisti.] Ex hac claritate quam dedi eis duo cognoscent fideles. Alterum est me esse filium tuum, à te missum: non enim aliter vniri poterant nobiscum nisi diuinitatem haberent in ea carne quam dedi eis. Alterum est, te dilexisse eos sicut & me dilexisti, idest, quod beneficium contulisti mihi homini, nempe diuinitatem tuam, dedisti etiam eis, & eos tibi, sicut & me vni reuoluisti. Mundum appellat credentes ipsos qui in hoc quod dictum est maximè dilectionem Patris agnoscunt, & Filij diuinitatem continentur. Et loquitur de dilectione qua eius humanitas, ita est à Patre dilecta, vt verbum & diuinitatem ei vnierit & copulauerit. Ex Hilar.

24. *Pater quos dedisti mihi, volo vt vbi sum ego, & illi sint mecum, vt videant claritatem meam quam dedisti mihi: quia dilexisti me ante constitutionem mundi.*] Postquam precatus est suis Dominus id quod in presenti vita eis erat necessarium, precatur eis nunc & gloriæ & fœlicitatis consortium post hanc vitam, & consolatur significans eos sibi coniungendos, non amplius in tentationibus ferendis, sed in gloriæ consortio: & vt hac spe confortentur in laboribus, *Pater*, inquit, *volo*, idest, percupio, desidero, ait Cyr. Chrys. vt Math. 12. Mar. 6. Io. 10. vt omnes ij credentes saluandi potissimum Apostoli, quos dedisti mihi, sint vbi sum ego; nempe in cælesti regno, vt etiam videant diuinitatem, & gloriam meam, quam mihi dedisti, & huic carni vniuisti: Nā ratione diuinitatis regnabat in cœlis, eratque ibi, vt Ioh. 3. *Vt videant claritatem*: non dicitur vt

Zz 2 habeant.

habeant; quia nostra beatitudo est visio diuinitatis. Christus quidem habet diuinitatem, beati autem vident, vt notat Amb 1.5. de fide cap.3. Vel *videant*, idest, fruantur, vt cap.3.36. Quod ait, *Quia dilexisti me ante mundi constitutionem*, loquitur vt homo, cuius humanitas sic est à Deo dilecta supra omnem creaturam, vt ei diuinitas vnita, & ad hanc dignitatem & excellentiam erecta, vt homo ille Deus esset: hæc autem dilectio non noua fuit, sed ante mundi constitutionem: fuit enim ab æterno electa, & dilecta illa humanitas vt verbo vni-
retur: quamuis in tempore vnita sit. Idecirco ante mundi constitutionem dilectus dicitur vt homo. Sunt qui de ea interpretantur dilectione qua Pater Deus, Filium Deum ab omni dilexit æternitate. vt Theod.

25. 26. *Pater iuste mundus te non cognouit: ego autem te cognoui; & hi cognouerunt quia tu me misisti. Et notum feci eis nomen tuum, & notum faciam.*] Postquam orauit petens præmium & beatitudinem suis à Patre, iustitiam petitionis exponit: æquum enim erat vt ij essent vbi Christus erat, & viderent claritatem eius, qui non credente mundo crediderunt, & Christo adhæserunt. Hæc de causa Patrem appellat iustum: quia retributio iustitiæ est 2. Tim. 4. Vel gratias agit, vt Luc. 10 21. Inter tot incredulos credere laude dignum est & præmio. Eam autem cognitionem non eos à seipsis habere significat, sed quia edocti ab eo sunt; ideo ait, *Et notum feci*, idest, quia notum feci eis *nomen tuum*, nempe te esse Patrem meum: propterea te nouerunt. Filius per se nouit, ceteri ex reuelatione. Addit, *Et notum faciam*, idest, adhuc maiorem

maiores diuinitatis & nominis tui cognitionem præstabo. Quod factum est post resurrectionem, quando eis diuinas Scripturas aperuit: & perfectius effectum est quando misit eis Spiritum sanctum, ut ait Chrys. Hom. 8. Ad manifestationem gloriæ refert Aug.

Ut dilectio qua dilexisti me in ipsis, & ego in ipsis. Causam huius manifestationis factæ & faciendæ exponit, ut simili dilectione qua me dilexisti eos diligas, ut sicut similes sumus ego & ipsi in tui cognitione, simus etiã in dilectione, ut sicut me tãquam Filium diligis, etiã filiali dilectione eos tanquam filios diligas. Subiungit autem causam dilectionis huius, dicens: *Et ego in eis*, idest, quia ego in eis sum, & inhabito per fidem viuam. Et sensus est, Notum feci & adhuc notũ faciam nomen tuum in eis, quia sic ero in eis: hoc autẽ facio ut diligantur à te tanquam filij, quia ego, qui filius tuus sum, in ipsis sum & habito. Nec absque mysterio dicit, dilectio sit in ipsis, cũ potuisset dicere, diligas eos. At ut significet quando Deus diligit, ipsam dilectionem, quæ Spiritus sanctus est, esse in dilectis per gratiam; ideo dicit, dilectio sit in ipsis. Theoph. Sic intelligit, ut dilectio qua me dilexisti, sit in eis per cognitionem, idest, ut agnoscant quali & quanta me dilexeris charitate; nempe quòd tanquam filium vnigenitum, & sic ego in eis sim per fidem maiorem, ut pote perfectius eis notus. Ians. Ruper. Ut Spiritus sanctus, qui est dilectio qua tu me diligis, in ipsis sit. Vel ut ea dilectione, qua me dilexisti, eos diligas, idest, ut facti per fidem & charitatem vnum corpus, quemadmodum à te diligior & illi diligantur. Ex Aug. Cyr. & Beda.

CAPVT XVIII.

Capitur in horto, & accusatur.

1.2. **H**Æc cum dixisset Iesus, egressus est cum discipulis suis trans torrentem Cedron, ubi erat hortus in quem introiit ipse, & discipuli eius.] Finita oratione in eo loco in quo conauerat, cap. 13. ex eo nunc egressus properat ad locum in quo quærendus & inueniendus erat ab hostibus, ut diximus apud Matth. 26. Mar. 14. & Luc. 22. Credibile est hortum Gethsemani in quem Matth. & Mar. Dominum orandi causa ingressum esse dicunt, non in monte ipso Oliuarum, sed ad radicem montis post torrentis ripam fuisse. In quo Iudas sciebat eum totas noctes orando consumere solere. Fecit non ut lateret, sed quæsituris obuiam occurreret. Vide Mat. 26.

4. *Iesus itaque sciens omnia quæ ventura erant super se, processit & dixit eis: Quem quaeritis?] Sciens. q. d. Euangelista, quamuis non ignoraret quem quærerent, interrogauit tamen, ut ostenderet se minimè timere.*

5. *Responderunt ei: Iesum Nazarenum.] Hinc apparet nondum milites, ac ne ipsum forasle Iudam etiam secum loquentem cognouisse. Quî autem fieri potuerit ut ipsum non cognoscerent diximus apud Mat.*

6. *Ut ergo dixit eis: Ego sum; abierunt retrorsum & ceciderunt in terram.] Non dubium quin hac in re suam diuinam potentiâ ostendere voluerit,*

rit, vt intelligerent aduersarij potuisse illum ab illis non capi, si voluisset: vt ait Chrysost. Theod. Aug. Fecit autem vt viso miraculo nullam culpæ suæ haberent excusationem, ait Ru- per. Retrorsum cadunt eo quòd ante se stan- tem & loquentem sustinere non poterant: vt arbores vi ventorum non in eam partem vnde flant, sed in oppositam cadunt.

7.8. Iterum interrogauit eos: *Quem queritis?* Illi autem dixerunt: *Iesum Nazarenum.* Respon- dit Iesus: *Dixi vobis: quia ego sum. Si ergo me queritis, sinite hos abire.] Quos verbo pro- strauit verbo erigit: & ait, si me solum quæri- tis, permitto vt me capiat, modò hos sinatis liberos abire. Cætera apud Mat. 26.*

CAPVT XIX.

Flagellatus & coronatus traditur crucifigendus.

1. **T**unc ergo apprehendit Pilatus Iesum & flagellauit: & milites plectentes coronam de spinis imposuerunt capiti eius: & veste purpu- rea circumdederunt eum.] Remisso Domino ad Pilatum ab Herode, factum est quod Mat. 27. narrat: Non audis quanta aduersum te di- cunt testimonia? Et non respondit ei ad vllum ver- bum, itaut miraretur præsens vehementer. Post hæc adiunxit Luc. 13. Conuocatis Principibus Sacerdotum & Magistratibus & plebe dixit ad il- los: Obtulistis mihi hunc hominem, quasi auerten- tem populum: Et ecce ego coram vobis interrogans

nullam causam inuenio in homine isto, ex iis, in quibus eum accusatis: sed neque Herodes, nam remisi vos ad illum: & ecce nihil dignum morte actum est illi. Emendatum ergo dimittam illum.] Post hæc proposuit plebi petens & rogans vtrū vellet eum dimitti, cum autem nec sic liberare eum posset, decreuit flagellare, si fortè hæc pœna accusatores pacarētur. Est hoc est quod Ioannes dicit. Illa autem particula, *ergo*, indicat causam flagellationis, nempe cum nollet plebs dimitti Iesum, sed Barrabam. Vide apud Mat. cætera. cap. 17.

4. *Exiit ergo iterum Pilatus foras, & dicit eis: Ecce adduco eum vobis foras, ut cognoscatis quia in eo nullam inuenio causam. Exiit ergo Iesus portans coronam spineam & purpureum vestimentum, & dicit eis: Ecce homo.]* Pilatus iterum prætorio egreditur ut Iesum Iudæis ostēdat, & adhuc eo præsentē, se causam non inuenire, nec habere eum damnandi publicè protestatur: quo facto in seipsum sententiam fert, qui in innocentem tam crudeliter sæuierit. Cum autem tormentorum vi & vestimētorum commutatione agnitum iri dubitaret, verbo & digito ostendit eis: *Ecce homo*, iam non Rex Iudæorum. Ipsemet Christus tunc se Patri ostendit acceptissimum sacrificium pro ipso: met Pilato, inimicis, & omnibus hominibus: ut apud Mat. 27.

6. *Cum ergo vidissent eum Pontifices & ministri, clamabant dicentes: Crucifige, crucifige eum.]* Ergo. q. d. Quia viderunt in maiorem furorem prouocari sunt, velut feri canes, qui solo risu adlatrant, instanter & ardentē crucifigi petentes. Reliqua apud Mat. 27.

7. *Nos legem habemus, & secundum legem debet mori, quia filium Dei se fecit. Cum ergo audisset Pilatus hunc sermonem magis timuit: & ingressus est pratorium iterum, & dicit ad Iesum: Vnde es tu?*] Cum accusatio affectati regni euauisset, & à Pilato innocentem declaratum esse viderunt, nouum coguntur Iudæi crimen inferre blasphemix, quòd cum homo sit se esse Dei filium dixerit. Non exprimunt legis poenam Leuit 24. quia non lapidari sed crucifigi eum cupiebant. At Pilatus eo ipso magis à damnando retardatur: & quem innocẽtia Christi prius à damnationis sententia ferenda retrahebat, nunc diuinitatis origo asserta deterret: quodque perpetrare antea timebat propter iniustitiam, nunc horrere incipit propter impietatem: vt notat Cyr. l. 12. c. 20. Pilatus multitudini deorum Gentium assuefactus, facile fieri posse Christum, quamuis hominem, Dei alicuius filium esse, suspicatus est. Iterum ergo prætorium cum Christo ingressus ipsum secretò interrogat: Vnde es tu? vide Mat. 27.

16. *Tunc ergo tradidit eis illum vt crucifigeretur.*] Particula, ergo, indicat sensum, q. d. Cum vidisset Pilatus se nihil proficere, nec vlla ratione ab impio proposito illos diuertere posse, timens accusationem apud Cæsarem, tradidit Christum vt crucifigeretur: omisit enim Ioannes quæ hoc loco retulit Mat. c. 27.

CAPVT XX.

*Resurgit Christus, & apparet Magdalena,
& congregatis in domo discipulis.*

1. **V***Na autem Sabbati.*] Incipit Euangelista dominicam resurrectionem narrare, & qua ratione primò manifestata fuerit describit. Initium autem sumit à tempore aduentus Mariæ Magdalenaë, cui ante ipsos etiam Apostolos visus est. *Vna*, inquit, *Sabbati*, idest, prima die hebdomadæ quæ dies dominica apud nos dicitur: quam apparitionem & quæ hic sequuntur vide apud Mat. 28.

19. *Cum ergo serò esset die illo, una Sabbatorum, & fores ejjent clausæ, ubi erant discipuli congregati propter metum Iudeorum.*] Ad narrandam apparitionem discipulis factam Euangelista se conuertit, & circumstantias multas describit, nempe temporis, loci, personarum, modi & utilitatis, seu fructus ex ea prouenientis. Incipit à tempore, dicit eodem die quo resurrexerat, quæ una, i. prima dies hebdomadis erat, quæ nunc Dominica vocatur. Quinquies iam ante illo ipso die quo resurrexerat diuersis aut discipulis, aut mulieribus, diuersis in locis apparuerat. Sexto decem nunc discipulis Hierosolymæ domi latentibus apparuit. Eodem die quo Magdalenaë, imò eodem die quo suæ primum matri, deinde Magdalenaë, tertio illi, alijsque mulieribus, quarto Petro. 1. Cor. 15. & Luc. 24. Quinto duobus discipulis eun-
tibus

tibus in Emaus apparuerat. Serò, i. iam ad solis occasum : vt rationem redderet cur fores essent clausæ, vt Christi commendaret diligentiam, & eorum confirmaret fidem. Fòrtè vt congregatos inueniret : vt putat Chrys. Locum & personas describit cum dicit & fores essent clausæ, vbi erant discipuli, ne pateret aditus alicui nocere volenti : & ad declarandam futuri miraculi magnitudinem pertinet, quòd cùm fores essent clausæ, tamen per eas Christus ad discipulos penetrauerit. Nec quisquam ante Caluinum negauerat : vt ex clauso matris vtero exierat, & ex sepulchro nondum reuoluto. Ita Iustin. q. 117. Chrys. ho. 2. de Ioan. Bapt. Hil. 3. de Trin. Aug. Amb. ser. 10. in Ps. 118. Epiph. hæc. 64. Cyr. l. 12. c. 43. Theod. Rup. Petrus etiam per fores carceris penetrauit, cùm id Euangelista significet : cum enim dicit, portam ferream vltio illi apertam fuisse, carceris verò portam non dicit, non obscure indicat non aperta carceris porta exiisse. Meliores autores quam Caluinus, ita sentiunt, vt Rup. & Mald.

Venit Iesus, & stetit in medio, & dixit eis : Pax vobis.] Quam vim habeat hoc verbum, *stetit*, modo diximus ; non apertis scilicet foribus, nullo dato ingressus sui iudicio lubitum atque improuisum in medio constituisse, vt scilicet qualitatem suæ resurrectionis significaret. In medio stat vt ab omnibus facilius videri & tangi possit : non sedet sed stat, vt se non in hoc seculo permanens, sed aliò properare significet. Accommodatè autem ad eorum statum hac salutatione vsus est, *Pax vobis*, etsi alioqui inter Indæos vulgaris erat, vt Mat. 10.

Z. z. 6

Erant

Erant enim in maximo timore, ideo fores erant obseratæ: vt igitur cum illis timorem pelleret statim dicit, *Pax vobis*, ad significandum aduentum esse pacificum. Iud. 6. 1. Reg. 6. Et vt significaret fructum mortis & Resurrectionis, nempe pacem & reconciliationem hominum cum Deo: quam nascente Christo Angeli promiserant, *in terra pax hominibus bonæ voluntatis.*

20. *Et cum hoc dixisset, ostendit eis manus, & latus.*] Opere etiam illorum confirmat fidem: ostendit enim eis vestigia suæ passionis vt non alium se, quàm Christum se ostenderet, & non alio, quàm quod crucifixum fuerat, corpore surrexisse: vt Cyr. Leon. Theod. scribunt. Palpandum etiam se exhibuit, vt corporis soliditatem & consistentiam experirentur: vt docet Luc. ne phantasma putaretur. Tol. Retinuisse cicatrices magno consilio credendum est. Et quia illustris victoriæ insignia erant, & quia testes volebat esse resurrectionis suæ. Et quia oportebat vt cum ad iudicandum venerit, eas ostenderet, vt viderent eius hostes in quem transfixerunt: vt ait Aug. Leo ser. 1. de ascens. Cyr. l. 12. c. 58. Quin & martyres omnes suas esse in cœlo cicatrices habituros, nō tanquam vitia, sed tanquam veritatis testimonia, l. 22. de ciuit. c. 20. idem docet Aug. Christus autem gloriam corporis repressit, ne nimio splendore perstringeret discipulorum oculos: aiunt Cyr. & Aug. Discipulos verò vulnera terigisse idem docet Ser. 13. de verb. Dom. & Ser. 115. & 160. Quod & insinuat Ioannes Ep. 1. c. 1. & colligitur ex Thoma, vers. 25. q. d. Nisi mittam manum, sicut ipsi fecistis, nō credam. Ex Mald.

Ganise

SECUNDVM IOAN. CAP. XX. 1083

Gausti sunt ergo discipuli viso Domino.] Non statim quidem viso, nam initio vt ait Luc. turbati potius sunt, & spiritum se videre putauerunt; sed gausti sunt viso, i. manuum cōtrectatione cognito. Dixerat ante mortē, *iterum videbo vos & gaudebit cor vestrum. c. 16. 22.* Et ideo Euang. notat gaustos fuisse, & hic est fructus & effectus apparitionis. Ita Chry. & Cyr.

21. *Dixit ergo eis: Iterum pax vobis.*] Postquam cum cognouissent, quasi quod ante dixerat nihil profuisset, quia non tāquam Christi, sed tanquam Spiritus, aut phantasmatis saluatio excepta fuerat. Itaque repetitio hæc non solum confirmandi vim habet, vt Aug. & Beda putant, sed etiam indicat priorem salutationem, quia non tanquam à Christo accepta fuerat, penè irritam fuisse. Aliter enim à Christo quàm à mundo salutamur. Vel fecit vt significaret eos mittendos per vniuersum orbem ad annuntiandum pacem. q. d. Iterum do vobis pacem, vt eam annuntietis toti mundo: Ex Tol.

Sicut misit me Pater & ego mitto vos.] Significata pace annuntianda, eos huius pacis prædicatores ac orbis doctores & salutis ministros ordinat, & instituit, simulque dignitatem muneris & officij insinuat: sensus enim est. Quod munus dedit mihi Pater (veni enim vt mundo veritatis testimonium perhibeam ad credentium salutem tanquam Apostolus à Patre institutus) hoc ego vobis munus arado, & vos vicarios meos instituo: & rursus qua auctoritate Pater misit me, eadem vos ego mitto, vt prædicetis, gubernetis, dirigatis mundum in viam salutis & veritatis.

Magnus

Magnum profectò hoc munus est : quod enim à Patre filius naturalis & æternus Dei homo factus suscepit, hoc idem suis communicat discipulis, ut notat Tol. Rectè ex hoc loco inferitur non solum doctoris, sed etiam sacerdotis officium Apostolis tradidisse : nam Vicarios suos constituit, inquit Mald.

22. *Hac cum dixisset: insufflauit, & dixit eis: Accipite Spiritum sanctum.*] Designatis & institutis pacis annuntiatoribus per totum orbem, donat eis potestatem, qua mundus totus maximè indigebat; Cum enim essent homines pleni peccatis, maximè necessarium erat ut qui eos sanare mittebantur, potestatem haberent remittendi peccata; hanc autem potestatem donat Spiritum sanctum dando, quia Spiritus sancti est remissio peccatorum. Ut autem signo exteriori significaret se interius illis Spiritum sanctum communicare insufflat in eos, ut per flatum exteriorem cognoscant interius Spiritum sanctum infundi, cuius virtute peccata remittant. Potuisset dare Spiritum sanctum, sine insufflatione; sed noluit, ut simul instrueret eos & perficeret; perficeret dando Spiritum sanctum, instrueret insufflando: nam per hanc insufflationem significatur processio Spiritus sancti à filio: ex Aug. l. 4. Trin. c. 5, Et se esse eundem qui à principio homini animam insufflando dedit. Cyr. l. 12. c. 36. & gratiam quam homo acceperat cum anima, & per peccatum amiserat, insufflat, ut se restauratorem illius gratiæ significet. Amb. ser. 10. in Gen. Post signum exterius rem ipsam significatam infundit verbi sui efficacia: *Accipite*, inquit, *Spiritum sanctum*. Spiritus sanctus dari hominibus.

bus dicitur quando ipsius dona & virtutes infunduntur, quæ multa ac multiplicia esse docet Paulus 1. Cor. 12. Non dicit, Accipite potestatem remittendi peccata, sed, *Accipite Spiritum sanctum*: vt significaret potestatem remittendi peccata solius Dei esse, & à solo ipso communicari hominibus. Chry. Sunt qui dicunt quod non Spiritum dedit: sed aptos eos ad susceptionem Spiritus per insufflationem fecit, vt notat Chry.

23. *Quorum remisistis peccata remittuntur eis; & quorum retinueritis retenta sunt.*] Declarat quis ille Spiritus esset, quem se illis dare dixerat, nempe potestas peccata remittendi. Non dixit, Remittite peccata, sed, *quorum remisistis peccata, remissa sunt*, vt suam potestatem participatam esse scirent, & Dei esse supremam & primam. q. d. quibus peccata remitteris vos, Deus etiam cuius est suprema potestas, dimittit: non æqualis vobis potestas, sed participata & subalternata, ac subiecta Deo est: nec enim se priuat Deus potestate remittendi, sed simul cum hominibus remittit: ipse quidem potestate suprema, homines verò participata, & delegata & velut instrumentali. Ex Tol. Amb. l. 1. de pœnit. c. 2. Nouatianorum refellit hæresim, qui negabant vt nunc Calvin. Sacerdotes potestatem habere peccata remittendi, quod id esset iniuriam Christo facere, cuius proprium sit peccata remittere. Vide quæ diximus in Mat. 16. 19.

24. *Thomas autem vnus ex duodecim, qui dicitur Didymus, nō erat cum eis quando venit Iesus.*] Alteram apparitionem discipulis factam Euāgelista describit: occasionem autem seu causam præmittit; quia Thomas vnus ex duodecim Apostolis

Apostolis non erat illa prima die resurrectionis cū reliquis Apostolis, quibus apparuit Dominus, eāque causa factum est vt non viderit tunc eū, quando cæteri viderūt. Didymus dicitur, i. Gemellus, quod etiā Thomas significat: vel quod incredulus esset. Theoph. Cœtus hic discipulorū Ecclesiam representabat, à qua qui abest à Christo non inuisitur. Ber. ser. de Asc.

25. *Dixerunt ergo ei alij discipuli: Vidimus Dominum.*] Incertum est quo tempore Thomas redierit. Chrys. Theoph. Eury. respondent non affuisse, quod ex illa Apostolorum dissipatione, quæ moriente Christo facta fuerat, nondum redierat: fortè pro desperatis res Christi habebat, ideòque ad exercitum non redierat, vt solet in prælio. Probabilius putat Tol. paulò post eum venisse: cū antea non adfuisset, quando Dominus apparuit, cæteri rem totam cum ingenti lætitia enarrarunt & testimonium resurrectionis reddiderunt. *Vidimus*, inquit, *Dominum*, surrexisse: ergo crediderunt, aliter nō affirmassent se Dominū vidisse.

Nisi videro in manibus eius fixuram clauorum, & mittam digitum meum in locum clauorum, & mittam manum meam in latus eius, non credam.] Magna pertinacia Thomæ hæc fuit. Audierat & testimonium acceperat resurrectionis à Magdalena, à mulieribus, à Petro, à duobus discipulis, à decem etiam Apostolis, cæterisque simul discipulis audierat, ab ipso Christo, *Post tres dies resurgam*: neque tamen credidit, vt à pertinacia excusari infidelitas eius nulla ratione possit. Non sola infidelitas fuit dum dixit, *Non credam*, non sola pertinacia, dum tot testibus incredulus tamen perseuerauit, sed
quadam

quardam etiam superbia, qua ceteros contempnit: Nisi inquit, *videro & mittā digitos & manus.* q. d. Vos citò credidistis resurrexisse quia vidistis; oportebat mittere digitum in loca clauorum, & manus in latus, & probare an verū esset corpus: ego enim sic faciens credam. Vel vt alij putant, quemadmodum vos misistis & digitum & manum, non etiam credam nisi ipse mittam manum meam in latus eius. Fuit etiam irreuerentia in Christum, dum se iudicat dignū qui digitum & manū mittat in loca vulnerū ipsius. Euangelista morbi grauitatē exactē describit: non vt Thomæ notam infamiæ inurat; sed vt Dominicam resurrectionē cōfirmet. Et vt medicilemētia sanādo agnoscat. Ex Tol. Decoratur itē hac ratione dies Dominica quæ vocari cœpta est & instituta ab Apostolis. Ex Ias.

26. *Et post dies octo iterum erant discipuli eius intus, & Thomas cum eis. Venit Iesus ianuis clausis & stetit in medio: & dixit eis Pax vobis.*] Magna pertinacia fuit & incredulitas Thomæ: non enim ad horam aut diem perseuerauit incredulus, sed per integros dies octo: immò in sua permansisset infidelitate diutius, si Dominus ad eum venire distulisset: sed maior clementia & in suos amor extitit Saluatoris: propter vnum enim & hunc incredulum, & pertinacem iterū dignatus est apparere, eadēque, imo maiora suæ resurrectionis signa ostendere. Maius enim fuit digitum Thomæ in loca clauorum, & manum eius in latus mitti, quàm tantum se exhibere videndum. Clausis igitur ianuis cum magna diligentia: notat, vt vers. 19. Octaua die iterum congregatis appareret, & in medio stat, & solita sua pace salutatur; vt adhuc in hac repetitio-

ne similis apparitionis idem esse cognoscatur. Dicitur post dies octo, quia in fine eius octavi diei ad occasum apparuit: non autem quod in nono apparuerit. Ex Chryl. & Aug.

27. *Deinde dicit Thomas: Infer digitum tuum huc, & vide manus meas, & asser manum tuam & mitte in latus meum: & noli esse incredulus sed fidelis.*] Videntur hæc verba tacitam quandam exprobrationem continere. q. d. Ades dum homo carnalis, qui nescis aliter quam tactu credere. Infer digitum tuum huc, & vide, idest, range. Tol. verò putat esse, suavis admonitionis. Iisdem verbis utitur quibus Thomas ante usus est, quod voluerit Christus ostendere se tanquã Deum præsentem fuisse tunc, cum Thomas hæc verba diceret, idcoque ipsum præuenisse. Chry. Theod. Mop. Quidam dicant Thomam non tetigisse; alij probabilitus putat tetigisse Christi vulnera. Illud autem, *Vidisti me*, idem est quod tetigisti, ut *vide*, idest range. Ex Aug.

28. *Respondit Thomas, & dixit ei: Dominus meus & Deus meus.*] Cognita ex tactu & visu resurrectione non solum hominem, sed etiam Deum verum confitetur. q. d. Tu es verè Dominus meus Christus, tu etiam es verus Deus meus: non participatione, sed natura. Theop. Dum diuitatem eius credit, & confitetur, à seipso suscitasse affirmat: dum Dominum vocauit, eum esse redemptorem confessus est: quia iure redemptionis singulare habet dominium in omnes redemptos. Plus affirmat quàm negauerat: resurrexisse negauerat, at nunc & resurrexisse & per seipsum suscitatum, & hominum esse redemptorem clarè indicat & pronuntiat. Ex Aug.

29. *Dicit ei Iesus: Quia vidisti me Thomas credidisti: beati qui non viderunt & crediderunt.*] Ne se tanta confessione Thomas extolleret, sed in humilitate potius contineret & nos instrueret, respondit Christus: *Quia vidisti me Thomas credidisti.* Q. d. Vera est tua confessio, sed ne te magnum aliquod fecisse existimes, quandoquidem credidisti quia vidisti & contrectasti; sensu ergo prius expertus es resurrectionem, quam proferres tantam confessionem, quia vidisti meam humanitatem resurgentem, credidisti diuinitatem in ea latentem: magnum hoc profecto est, tamen vidisti prius & argumētum habuisti: maius esset si antequam vidisses id confessus fuisses: Non Thomam à beatitudine excludere volens, sed beatiorem fidem pronuntians eorum qui non viderunt. Apostolos & Iudæos gentiles designat, ubi enim minus est experientiæ & argumentum, ibi fides maius habet meritum. Ex Aug.

30. *Multa quidem & alia signa fecit Iesus in conspectu discipulorum suorum, quæ non sunt scripta in libro hoc.*] Ne quis sola hæc argumenta & suæ resurrectionis signa Dominum dedisse discipulis suis putaret, adiungit Euāgelista Christum non solum se videndum & Thomæ palpandum exhibuisse, sed etiam multa alia signa fecisse coram suis discipulis, quibus veritatem suæ resurrectionis confirmaret: tamen non sunt scripta in libro hoc: tum vt probet quæ alij Euāgelistæ narrarunt: tum vt fidem resurrectionis astruat, quæ pluribus etiam signis innotuit & manifestata est. Iis autem signis quæ fecit ad probandam suam resurrectionem, vel quæ Hierosolymis fecit, finem hoc capite ponit.

nit. Nam quæ sequenti capite fecit & in Galilæa, non ad probandam resurrectionem suam, sed alia de causa fecit : vt ait Chrysostomus.

31. *Hæc autem scripta sunt, vt credatis quia Iesus est Christus filius Dei, & vt credentes vitam habeatis in nomine ipsius.*] Declarat finem narrationis prædictorum signorum : & inde causam cur plura non scripserit insinuat: ea autem est, quia hæc scribuntur ad fidem Christi conciliandam, vt per fidem salutem credentes assequantur. Cum autem quæ sunt narrata sufficiant ad fidem faciendam quod Christus surrexerit, & ex resurrectione se esse filium Dei confirmauerit; non fuit opus plura scripsisse signa. Duo ergo sunt fines narrationis huius: vnus proximus, nempe fides vera Christi diuinitatis & humanitatis: alter vltimus, nempe vita æterna, quæ credentibus datur. In nomine autem eius vitam habere credentes idem significat ac virtute meriti Christi & satisfactionis eius per fidem communicatæ salutem accipere. Virtus enim Christi est quæ per fidem viuificat credentes in eum. Nomen Christi fidem vocat, quia per fidem in nomen eius credimus. Heretici malè ex hoc loco colligunt nullum in nobis esse meritum, & solam fidem salutis esse causam: quos refutauimus Matth. 5.

C A P V T XXI.

*Apparet discipulis ad mare Galilææ: Petrum
vicarium relinquit.*

1. **P**ostea manifestavit se iterum Iesus discipulis
ad mare Tiberiadis; manifestavit autem sic.]
Post apparitionem illam secundam Domini
factâ discipulis post octo dies, postquâ omnia
quæ ad credendum necessaria esse dixerat retu-
lit, alia hoc capite commemorat ad creden-
dum resurrectionem non necessaria: quæ ta-
men recenset ut Christi texeret historiam. Ea
verò duo sunt. Alterum quomodo se iterum
Christus in Galilæa ad mare Tiberiadis osten-
derit discipulis, & quomodo Petrum data illi
pascendarum ovium suarum cura iusserit se-
qui se. Dicit, iterum se manifestavit ad mare
Galilææ, idest, secundò: quia loquebatur de
Thoma, ut sit sensus, iterum & secundo, etiam
Thomæ manifestavit in Galilæa, quamvis re-
spectu discipulorum tertia fuerit hæc appari-
tio. Ex Chrys.

2. *Manifestavit autem sic: Erant simul Simon
Petrus & Thomas qui dicitur Didymus, & Natha-
nael, qui erat à Cana Galilææ, & filij Zebedæi, &
alii ex discipulis eius duo.*] Magna diligētia huius
manifestationis circumstantias describit, ut
maior fides haberetur historiæ. Et primò perso-
nas exponit: erant enim septem ex discipulis.
Per filios Zebedæi Iacobum & Ioannem in-
telligimus. Nathanael nominatur quia quāvis
Aposto

1092 MANUALE IN EVANGELIUM

Apostolus non esset, erat discipulus antiquus Domini, & valde notus; alij duo non nominantur, siue quia non ex precipuis Apostolis, siue quia Apostoli non erant.

3. *Dicit eis Simon Petrus: Vado piscari. Dicunt ei: Venimus & nos tecum.*] Petrus magistrum nō habens præsentem, ut ante, & iis quæ sibi ad victum erant necessaria carens, piscari vadit, hæc enim artem priusquam Christum sequeretur exercebat: socios autem in eadem necessitate cognoscens, quid facere velit, commonefacit, ut & ipsi veniant ad eum iuvandum, & victum sibi etiam comparent. Facile omnes Petro assentiuntur: *Venimus*, inquit, *& nos tecum*, piscatum. Quomodo post vocationem ad Apostolatam, ad piscationem quam propter illum reliquerant redierint, Chrys. Theod. Theoph. non aliam rationem reddunt quàm quod cum segregati à Christo essent, & necdū missi fuissent ad prædicandum, & ne otiosi essent, & ut victum sibi compararent arte sua, ad piscationem se contulerunt. Cyrill. S. Augustinus, ait non fuisse illis prohibitum salua officij integritate victum sibi necessarium conquirere. Nam etiam Paulus victum sibi manibus comparabat, dum ab iis quæ sui erant muneris vacabat. Ac si clarioribus verbis dicamus, piscatum reliquerunt quantum ad lucrum, non tamen quantum ad sustentationem propriam: non habebant enim quod ederent. Ideo Piscabantur propter victum, sicut & alia opera ad victum licebant Apostolis. Greg. hom. 14. ait eos rediisse ad piscatum, quia hanc actionem sine peccato exercere poterant, etiam post datum Spiritum sanctum. Matthæum verò non rediisse

rediisse ad telonia, quia hoc exercitium cum peccato exercetur. Quamuis enim dignus esset operarius mercede, & sustentationem suam à fidelibus petere illis licuisset, ne tamen aliqua ex parte graues essent Apostoli fidelibus, quando id saluo officio fieri poterat, malebant propriis manibus laborare, & victum sibi comparare: quod insignis erat perfectionis. Cyril. ait voluisse Christum per piscationem illam Petri & discipulorum futurum eorum officium in piscandis hominibus designare: ideòque permisisse vt ad eam reuerterentur Sic Aug.

Et exierunt & ascenderunt in nauim: & illa nocte nihil prendiderunt.] Quòd noctu piscatoriã artem exercuerint de more fecerunt, solèt enim pisces facilius noctu sine strepitu capi: quod nihil prendiderunt, non casu aliquo, sed diuino consilio factum est: vt verbo Domini postea magnam copiam piscium capientes intelligãt, qui futuri erant hominum piscatores, se propria virtute nihil effecturos: neminẽque ad rete sanctæ Ecclesiæ tracturos quantumcumque laborent & insudent, nisi virtus Christi adsit: Eo autem iuuantè innumeram multitudinem esse conuertendam. Cyril. ait Moysen & alios Prophetas nocte, idest, sub vmbreis laborantes in adducendis ad salutem hominibus nihil profecisse: orto verò sole iustitiæ, eius verbo & Euangelij prædicatione innumerabiles per vniuersum orbem captos fuisse. Euseb. putat eos designari qui ipsi sibi à Deo nõ missi officium prædicationis vsurpant. Ierant piscarum discipuli à Christo non missi, ideo multum laborando nihil proficiunt. Idem de obedientia dici potest: Ex Mald. Tol. & Ians.

4. *Mane autem iam facto stetit Iesus in litore; Non tamen cognouerunt discipuli quia Iesus est.]* Tempus matutinum minus opportunum capiendis piscibus expectat: tunc enim opportunitas est Christi quando virtus eius maxime agnoscitur. Vult ergo Deus nostram nos adhibere operam, sed non ipsa sola niti. Cum minus in nostro opere confidimus, adstat Christus. Non ut olim in fluctibus maris ambulauit, nec nauim in mari ingressus est, quia iam corruptionem carnis exutus non cum mortalibus fluctibus mortalis vitæ inerat; sed ad stabilitatem immortalis vitæ translatus erat. Ideo voluit ex opere prius quàm ex forma agnosci, ut fidem & meritum suorum augeret.

5. *Dicit ergo eis Iesus: Pueri nunquid pulmentarium habetis? responderunt ei, Non.]* Non dum à suis agnitus, per speciem emendi pisces sermones cum discipulis miscet, ut ex eorum responso occasionem faciendi miraculi caperet. Pulmentarium idem in hoc loco quod opsonium, & quidquid ultra panem & vinum cibi apponitur. Pueros vocat, quia officium quasi seruorum exercebant: vel blandiori vocabulo quasi filios. Responderunt se non habere.

6. *Dixit eis: Mittite in dexteram nauigij rete, & inuenietis.]* Non dicit casu ut qui incertos & fortuitos à piscatoribus iactus emunt. Sed locum signat in quo capturi erant pisces. Per dexteram significat eos qui in dextera collocandi sunt in iudicio: vel bonam animi intentionem: vel Dominum nos habere à dextris nostris, cum non timeamus quid faciat nobis homo.

Miserunt ergo rete, & iam non valebant illud trahere

trahere pra multitudine piscium.] Q.d. Dicto obediētes miserunt rete, & fuit laudabile nulla interposita excusatione, cum tota nocte nihil prendidissent, & nullos ibi pisces esse sibi facile persuadere potuissent, vnius quem non nouerant dicto rete iterum iacere: sed eius qui non cognoscebatur virtus, corda eorum interius inclinauit, & mouit, vt id facerent quod exterius praecepibat. Ex Chrys.

7. *Dixit ergo discipulus ille quem diligebat Iesus Petro: Dominus est; tunica succinxit se (erat enim nudus) & misit se in mare.*] Ioannes nouit prior Petro Christum ex copia piscium capta. Et nihil dubitans dixit Petro, *Dominus est*; credidit Petrus dicto Ioannis, facile adhibens fidem eodem commotus miraculo, & pra amoris & desiderij feruore moras non ferens nauigij, quia copia piscium & discipulorum onustum erat, aquis se committit veste contegens nuditatem propter Christi reuerentiam, peruenitque primus ad Christum. Ex Theoph.

8. *Alij verò discipuli nauigio venerunt, nō enim longè erant à terra, sed quasi cubitis ducentis trahentes rete piscium.*] Videtur Euangelista hac ratione ceteros discipulos excusare voluisse, quòd minùs erga Christum ostendisse viderentur, quòd non se etiam in mare, sicut Petrus, coniecissent, quod patientes fuissent moræ; hinc enim tacitæ obiectioni respondet, moram illam valde fuisse breuem, quia non longè aberant à terra. Itaque etiamsi sese deiecissent in mare, haud multò citiùs ad Christum venire potuissent. Sic & Petrum laudat, ceteros excusat. Cubiti ducenti pedes trecentos efficiunt.

9. *Vt ergo descenderunt in terram, viderunt prunas positas, & piscem superpositum, & panem.*] Ignis nulla ope hominis accensus, & piscis superpositus, & panis ad litus auget miraculum. Hæc fecit ne propter indigentiam cibum prius quæsisse visus esset, qui iam immortalis non indigebat cibo. Hæc tria vel ex nihilo, vel ex materia subiecta facta sunt: sicut olim panes & pisces multiplicauit. Ex Chryf.

10. *Dicit eis Iesus: Afferte de piscibus quos prendidistis nunc.*] Præcipit de piscatu partem afferre, vt hac occasione viderent piscium copiosam multitudinem, & magnitudine miraculi eius agnoscerent virtutem: necdum enim Dominus ex forma agnoscebatur: ait Chryf. Ho. 86. eorum epim fidem exercebat. Ideo intellectu potius quàm sensu agnosci volebat. Significans se velle vt prædicatores ad se homines adducant: Euseb. Emisf. Vel oportere nos cum ipso cooperari, non debere otiosos esse, non semper miraculis, non semper manna viuendum, piscandum, arandum, serendum.

11. *Ascendit Simon Petrus, & traxit rete in terram plenum magnis piscibus centum quingenta tribus.*] Non solum Petrus traxit, sed ascendit in nauim, vt ait Euthym. quia adhuc extra aquas rete non erat, & alios cohortatus est, vt secum trahant: idcirco ipse solus, quia primus erat, quem cæteri secuti sunt, traxisse dicitur. In quo dignitatis, & officij eius præ-eminentia significata est: Quod si solus traxit ope fecit diuina, vt indicaretur quod ipse solus plus haberet potestatis quàm cæteri Apostoli. Ex Rup.

Et cum tanti essent non est scissum rete.] Quod auget magnitudinem miraculi. Et significatur vnitas Ecclesiæ indiuidua, quæ sub vno capite vna & indiuidua semper manet : Augustin. tr. 112.

12. *Dicit eis Iesus : Venite, prandete.]* Q. d. Accedite, ne fatigati discumbere formidetis : Significans post multos labores, tandem cum Domino recubituros cibo spiritali proposito. Cyr. l. 12. cap. 63. Et probabile est Dominum pransisse ad veræ carnis suæ resurrectionem comprobandâ, non ex necessitate: vt ait Chrys. Hom. 86.

Et nemo audebat discumbentium interrogare eum: Tu quis es? scientes quia Dominus est.] Chrys. & Theoph. putant partim opus fuisse, partim non fuisse : opus fuisse quia propter formæ maiestatem non videbatur esse Christus : opus autem non fuisse : quia ex factis tunc miraculis apparebat alium quam Christum esse non posse. q. d. Nemo audebat dubitare quod ipse esset : sic in Eucharistia quamuis oculi, quamuis sensus omnes contradicant, tamen ex intimo quodam fidei sensu adeo certi esse debemus verum esse quem sumimus, Christum, vt ne interrogare quidem audeamus, *Tu quis es?* Ex Mald.

13. *Et venit Iesus, & accepit panem, & dedit eis & piscem similiter.]* Iesus venisse dicitur quia postquam illos discumbere fecit, ipse etiam accessit mensæ, & vt solebat accepit panem & piscem, & distribuebat illis. Hoc etiam signo se esse Christum illis significabat. Magno autem consilio facie immutata permanebat : se enim surrexisse & Christum esse ita volebat

significare, ut discipulis se apud eos mansurū, ut ante, & qualis prius erat surrexisse, nullam existimandi occasionē præberet. Cyr. l. 12. c. 63.

14. *Hoc iam tertio manifestatus est Iesus cum discipulis suis.*] Quomodo hæc manifestatio Christi tertia fuisse dicatur vide apud Mat. 28.

15. 16. 17. *Cum ergo prandissent dicit Simoni Petro Iesus: Simon Ioannis diligis me plus his? Dicit ei etiam: Domine, tu scis quia amo te. Dicit ei: Pasce agnos meos. Dicit ei iterum: Simon Ioannis diligis me? Ait illi: Etiam Domine, tu scis quia amo te. Dicit ei: Pasce agnos meos. Dicit ei tertio: Simon Ioannis, amas me? Contristatus est Petrus quia dixit ei tertio, Amas me. Et dixit ei: Domine tu omnia scis, tu scis quia amo te.*] Postquam Petrus mystica illa piscatione primum se & præcipuum gessisset, & Dominus fructum ac mercedem laboris Apostolici ipso facto declarasset, figuram præcedentem etiam re explicans, Petrum uniuerso suo gregi præficit. Cum enim capite superiori in prima apparitione Apostolis omnibus parem contulisset potestatem, dicens, *Sicut misit me Pater, & ego mitto vos*; nunc ad tollendum schisma, & ut Ecclesia vna monstraretur vnus omnibus præficitur, impletque Dominus in Petro quod ante resurrectionem ei promiserat, dicens: *Tibi dabo claves regni cælorum.* Mat. 16. Quia, ut ibi diximus, verbis illis promittebatur summa in Ecclesia potestas & authoritas, quæ hic illi traditur, cum ei peculiariter cura pastoralis & regimen ouium Christi committitur. Hanc autem potestatem ei peculiariter commissurus Dominus, prius ab eo rogat, num se diligit, & plus diligit quàm cæteri, qui

qui aderant Apostoli, non tanquam ignorans, cum tanquam Deus omnia sciret, & tanquam homo didicisset iam ipso facto excellentem Petri præ alijs dilectionem, quia alijs nauigio venientibus ipse impatiens moræ, præ desiderio se in mare miserat vt ad Iesum perueniret: sed rogat vt Petro confitente suum erga ipsum amorem, occasionem haberet opportunam committendi illi suarum ouium curam, omnesque doceret & eximium erga oues suas amorem, & Petro peculiariter hanc curam commissam ob peculiarem erga se amorem. Et vt alijs manifestum faceret præcedentis negationis maculas pœnitentia deleuisse. Et proinde neminem idoneum esse qui gregis dominici curam gerat, nisi qui singularem erga Christum amorem habeat, & ex hoc illam curam suscipiat. Et notandum quòd sicut non est ei dictum omnium nomine, *Diligis me plus his*, nec omnium nomine dixit, vt putant hæretici, *Tu scis quia amo te*: Ita etiam non est ei omnium nomine dictum: *Pasce oues meas*. Quanquam etiã aliàs omnibus cum Petro eadem cura commissã sit. Et notandum sicut prius ob singularem confessionem Petro clauis promissæ sunt: ita nunc ob singularem præ cæteris dilectionem ei, sunt datæ. Cæterum etsi Dominus Petrum rogaret num se diligeret plus quam alij, tamen præ modestia respondet tantum, se diligere Dominum, eiusque dilectionis Dominum ipsum testem facit, nec se iam audet alijs præferre, vt prius fecerat cum dixit, *Et si omnes scandalizati fuerint, sed non ego*. Lapsus enim eius iam adhuc recens illum modestiorem reddidit, & circumspectiorem. Itaque de aliorum

amore nihil dicens, quorum exploratos animos non habebat, de sua tantum conscientia responderet: *Eriam Domine*, verè te diligo, tu enim scis. Tum Iesus, *Pasce agnos meos*. q.d. Si me amas, vt profiteris, hunc tuum amorem in me declara in agnos meos & oues meas, quæ mihi sunt charissimæ, adeo vt pro illis vitam meam impenderim: fideles meos, nō tuos, non vt rem tuam, sed vt meam tracta, propterea petui an me amares, quia rem meam tibi commendare volui, & à te tanquam meam tractari. Si me, inquit, diligis non te pascere cogita, vt illi quibus vā imprecatur. Ezech. 34. Gloriam meam in eis quære non tuam; cura mea, non tua. Hoc idem docuit ipsemet Petrus 1. Ep. 5. Agnos vocat credentes in se: tum propter vitæ nouitatē, nouum induentes hominē: tum propter vitæ innocentiam quæ in agno representatur: tum propter imitationē & sequelam: quia Christum imitantur & sequuntur, qui est agnus Dei, suo enim nomine fideles suos decorare dignatus est. Secundo interrogat, vt constantem debere esse eius dilectionem significet, cui committi debet fidelium cura. Quo etiam significat maximæ curæ esse debere Petro quòd Dominus non semel, sed bis committit. Tertio idem repetit, vt trinæ negationi trina amoris professio respondeat: vt notat Cyr. l. 12. c. 64. Est autem in his omnibus interrogationibus Christus nomine proprio vsus, & parentis etiam nomine. *Simon*, inquit, *Ioannis*. Nec Petrum appellat, quod nomen dignitatis & officij erat: volens admonere vt in tanta dignitate præ oculis habeat se piscatorem fuisse & hominem communem: ne

SECUNDVM IOAN. CAP. XXI. 1101

se extollat, ne suis meritis id adscribat. Terciam interrogationem audiens Petrus contristatus est; timens ne id forsan fieret, quia iterum negaturus esset Christum. Ideo ex magna humilitate respondet: *Domine tu scis omnia*, etiam quæ futura sunt, non audeo iam de me futura promittere: nec tibi opus est mea responsione cum nihil tibi sit occultum. Id vnum scio me nunc amare te, & te scire amorem meum. Dicit ei, *Pasce oues meas*. Vniuersæ gubernationis Ecclesiæ commissio hoc verbo completur; *Pasce*, inquit, *oues meas*. q. d. Commisi tibi filios, committo nunc matres, vt omnium curam geras, omnia gubernes & regas, nam pascere Gr. est regere Pl. 79. & 77. Matres seu oues, Ecclesiæ sunt singulæ quibus singulares pastores incumbunt. Guberna igitur o Simon & pascere subditos & prelatos omnes, inferiores & superiores, fideles & fidelium omnium Ecclesias, quæ ad vnum generalis Ecclesiæ corpus pertinent. In scriptura sæpe Ecclesiæ appellantur singulæ fidelium congregationis, quibus Pastores singuli præsent: vt constat ex Apoc. 1. 2. & 3. Sic Ians. Mald. Tol.

18. *Amen, amen dico tibi cum esses iunior cingebas te, & ambulabas vbi volebas; cum autem senueris extends manus tuas, & alius cingat te, & ducet quo tu non vis.*] Remouet Petri suspicionem, quam habebat ne perseueraret, prædicens futurum esse potius amorem eo vsque esse perducendum, vt pro eius gloria animam suam sit positurus. Iuxta id quod dixerat ante passionem, *Animam meam pro te ponam*: & Dominus id exponit sumpta metaphora iuuentutis & senectutis hominis. Quando enim iuuenis

est, ipsemet se accingit, & vestit, & ambulat & proficiscitur quò vult: at quãdo senex est, nò se iam valens præcingere, manus & brachia extendit, vt ab altero accingatur, & accinctus dicitur. Ad eundem modum Petrus prius tanquam iuuenis erat, minùs expertus, & magis suæ propriæ obsequens voluntati. At iam Christo resurgente in alterum mutandus erat, futurùsque senex sapientia, & Spiritu, non sola atate: eratque martyrium crucis subiturus quasi ab altero cinctus & ductus, non quò ipse volebat, i. non quo propria naturalis inclinabat voluntas, sed quò Spiritus ducebat. His ergo verbis prædicit Petro in senectute mortē crucis subiturum, manùsque extensurum, vt clavis affigatur: ait Euthym.

19. *Hoc autem dixit significans qua morte clarificaturus esset Deum.*] Nempe martyrio, imò cruce: manuum enim extensio crucis mortem significat: mors enim martyrum argumentum erat efficacissimum veritatis confirmandæ, per quam Deus clarificatur seu honoratur. Martyres ergo tria maximè effecerunt morte sua. Vnum est manifestare & confirmare veritatem Dei: verum enim esse probabatur pro quo tot homines vitæ irreprehensibiles sanguinem fundebant. Alterum est honorificare Deū, pro cuius gloria & veritate mortē subibāt. 3. est, seipsos honorabiles & spectabiles effecerūt apud Deū, gloriā magnā & honorē cōsecuti: pretiosa enim mors sanctorū eius in cōspectu Domini, & apud fideles omnes. Magnū ergo fuit præmiū Petri tali exitu finire vitā. Ex Chry. & Aug.

Et cum hoc dixisset, dicit ei: Sequere me.] Surgens à loco indicauit morte crucis Petrum cum

SECUNDVM IOAN. CAP. XXI. 1103
eum secuturū: vel simili officio etiā pascēdi eū
secuturum q.d. Sequeris me officio pascendi, &
crucis morte. Ideo ante omnes eum sequi iussit,
vt omnibus eum præesse indicaret, vel *sequere*
me, idest imitare me: nam optima vita prælata
est imitatio Christi, Aug. Rup.

20. 21. *Conuersus Petrus vidit illum discipu-
lū quem diligebat Iesus sequentē, qui & recubuit in
cœna super pectus eius, & dixit: Domine quis tradet
te? Hunc ergo cum vidisset Petrus dixit Iesu: Do-
mine hic autem quid?*] Apparet, & vt Rupertus
adnotauit in his verbis, iam Petrum cum hoc
dixit cœpisse sequi Christum. Cūque re-
spexisset, Ioannem quoque sequentem vidisse:
hoc enim est, *Conuersus Petrus vidit illum disci-
pulum sequentem*. Inde igitur occasionem acci-
pit de illo potius quàm de cæteris interrogan-
di, *Hic autem quid?* idest, scio iam qua morte
ego sim te clarificaturus; scire vellē qua morte
Ioannes dilectus tuus vitæ huius tempus con-
cludet, quēque exitum habebit. Præ amore
hoc de eo interrogat. Ait Chryl. hom. 87. Non
casu hæc de se Euangelista narrat; *Quem dili-
gebat Iesus, & qui recubuit super pectus, & qui in-
terrogauit occulta*. Tria enim hæc sunt maxi-
ma priuilegia, quæ de se refert Ioannes: vt
ostendat iam Petrum omnibus antelatum, cæ-
teros quidem oues, Petrum verò Pastorem ef-
fectum: qui super pectus fuerat, iam post Pe-
trum est; conuersus enim Petrus illum vidit,
vt significet eos Pastores eligendos, non qui si-
bi sunt familiares, sed qui oneri subeundo
sunt aptiores. Tol. & Mald.

22. 23. *Dicit ei Iesus: Sic enim volo manere,
donec veniam: quid adtestu me sequere. Exiit ergo*

1104 MANVALE IN EVANGELIVM

sermo inter fratres quod discipulus ille non moritur: & non dixit ei Iesus: quia non moritur; sed sic eum volo manere donec veniam, quid ad te? Id est, volo eum superstitem esse sicut modo est donec veniam, hoc autem ad te nihil attinet. Aut si volo eum manere, ut reuera volo, donec veniam, quid ad te? ad ea quæ tibi dixi nihil facit: siue enim maneat, siue non, qualiscumque exitus eius futurus sit, hæc, quæ tibi dixi, fient, nec mutabuntur; tu ergo sequere me, & quæ tua sunt considera, & quæ iniunxi aduerte: exitus enim illius ad te non pertinet. Attende aduentum hunc, de quo Dominus loquitur, esse illum quando Iudæos per Romanos deuastauit & subuertit in peccati & infidelitatis eorum poenam, & vindictam. In Scriptura enim sæpe quando Dominus malos punit, aduenire & egredi dicitur. De hoc lac. 5. ita Chrys. Cæteris autem Apostolis martyrio affectis Ioannes usque ad illa tempora viuis mansit aliquanto etiam tempore post. Id est quod nunc prædicit Dominus: Sic, inquit, *volo manere donec* Iudæos puniturus aduenio: insinuans his verbis Petrum ante Ioannis exitum manus extensurum, & crucifigendum, nec dependere exitum eius à Ioannis exitu. sic Tol. Hier. legit *Si sic eum volo manere*. Alij *Sic eum volo manere*. Vnde dicunt Ioannem non fuisse mortuum; & venturum cum Enoch & Elia ante secundum Domini aduentum, ex Matth. 16. Emendat Christus hanc falsam opinionem à nonnullis discipulis conceptam, qui in eum sensum ea interpretati sunt ut significarent Ioannem non moriturum: idque Dominum indicare voluisse Petro, putarunt. Ioannes autem à verbis Christi talem sensum

SECUNDVM IOAN. CAP. XXI. 1105

sensum repellit, ne cæteri omnes, qui audituri erant hæc verba, eundem conciperent errorem. Non, inquit, dixit Dominus discipulum illum non moriturum, sed hæc verba protulit, *Sic volo eum manere, donec veniam, quid ad te?* Quibus verbis noluit dicere eum non moriturum: non enim sequitur, si voluit Dominus sic manere donec veniat, ergo nō morietur vnquam. Alij dicunt mortuum, sed morte violenta. Ex Mat. 20. 23. Alij mortuum esse, sed eodem surrexisse die, & in cœlum translatum fuisse. Sic legimus B. Mariam Christi matrem mortuam fuisse, & translata. Alij naturalem obiisse mortem. Tertull. l. de anima. c. de Menandro hæretico, Amb. Aug.

24. *Hic est discipulus ille, qui testimonium perhibet de his, & scripsit hæc, & scimus quia verum est testimonium eius.*] Ioannes suum concludit Euangelium: & occasione sumpta à verbo Christi de permanentia eius vsque ad ipsius aduentum, dicit: Hic est ille idem discipulus qui perhibet testimonium de his omnibus quæ hætenus audistis, & hæc scripsit, i. sic scripsit vt simul sit testis eorum: quoniam non ex fama sed ex visu & præsentia loquitur: Nec solus, inquit, ego, sed multi scimus verum esse hoc testimonium, quia scripsit, quæ multi etiam viderunt: nec fallitur in vlla re scripta. Hoc dicit quia iam illo tempore multi erant hæretici, & increduli etiam Apostolis ipsis. Et quia ipse vltimo loco scribens, multa cæteris Euangelistis addidit. Falluntur qui putant hæc verba non esse Euangelistæ. At consuetudo scribendi Ioannis indicat hæc eius esse verba. i. Ioan. c. 1. Nec de his, nec

1106 MANVALE IN EVANGEL. &c.
de sequentibus licet modo dubitare. Ex
Chrysoft.

25. *Sunt autem & alia multa, qua fecit Iesus, qua si scribantur per singula, nec ipsum arbitror mundum capere posse eos qui scribendi sunt libros.*] Hyperbole est ad exprimendam multitudinem signorum, & operum ac verborum doctrinae Christi. ut Io. 12. Alij fore ut non caperent, id est, ut memoria res tam multas & varias continere non possent. Nam non spacio locorum credendum est mundum capere non posse, sed capacitate legentium comprehendere non posse, ut ait Aug.

FINIS.

MODVS

MODVS MEDITANDI

EVANGELIA ET TOTAM

SACRAM SCRIPTVRAM.



EDITATIONIS quotidianæ , & concionum materia peti potest ex sanctis Euangelis, maximè vero ex iis quæ in templis, dominicis & aliis festis diebus leguntur. Modus autem meditandi Sacram scripturam est is, quem mellifluus Bernardus præscribit, ut lectioni succedat oratio, orationi succedat lectio. sic oratio fiet sine intermissione: si vel statis horis ad orandum vnum duo, vel tria motiua quædam, solidæ & altæ veritatis ex illis accipiantur, & bene corâ Deo ponderentur, nec prius ab vno ad alterum progrediatur quam omnes affectus vel actus virtutis qui ex illo peti possunt colligantur: ut compunctionis, congratulationis, vel compassionis, gaudij vel mœroris, laudis, iubilationis, gratiarû actionis, admirationis, boni propositi, amoris, charitatis, patientiæ, & similiû, nec in finem orationis remittantur, ne nimia industriâ nostrâ tepescat ardor Spiritus, vel etiâ extinguatur illius effectus. Hunc modum meditandi edocti Patres Oratorij, à primis diebus suæ institutionis, & singuli laici qui in societate parui Oratorij ut vocant sunt adscribendi, qui vel à minimo per singulos dies sic vacant orationi. Sed insuper per totû diem habent mysteriû aliquod quod reuereantur, per quadrantē horæ, aut aliquam temporis morulam, creberrima cogitatione, vel

vel pia quadam actione: in quo quantum fieri potest Ecclesiæ deuotioni se accommodant. Tempore enim aduentus honorant, decretum Dei æternum, mittendi filium Dei in mundum: sanctissimam Trinitatem vnientem naturam humanam diuinæ suæ essentiæ in persona verbi: Patrem æternum donantem filium suum vnigenitum, & in eo propriam suam essentiam; filium seipsum vnientem huic naturæ: exinanitionem & amorem quo vnitus est huic humanitati in utero virginis; Spiritus sancti mirabilem operationem qua impleta est, incarnatio verbi, & deificatio naturæ humanæ, recipientis gratiam increatam & infinitam in esse creato & finito: ipsam naturam humanam procedentem de Virgine, & vnitam personaliter verbo æterno: statum admirabilem quem ex hac vnione consequitur: perfectiones diuinas singulariter communicatas huic naturæ: vitam, & annihilationem diuinitatis in ipsa humanitate: vitam, subsistentiam, & deificationem, ipsius humanitatis in verbo diuino: actiones diuinitus humanas & diuinas humanitùs promanantes, ex hac vita noua hominis Dei in duplici sua natura, diuina & humana, æterna & temporali: quod humana natura destituta propria sua subsistentia subsistat subsistentia aliena à sua natura, sic vt sua vita, status, motus, & actiones, non sint ipsius naturæ, sed illius in quo subsistit sic destituta: Quod statum, & formam serui acceperit in assumptione humanæ naturæ per incarnationem, deprimendo esse suum supremum & infinitum suæ diuinitatis vsque ad nihilum humanitatis, & hanc ipsam

ipsam humanitatē per statū Viatoris in terris,
deiciendo inquam naturam sic vnitam, sic
elevatam in throno & statu personæ divinæ,
vsque ad statum, & formā vitæ humilis & ser-
uientis suis creaturis, vsque ad opprobrium &
supplicium crudele & seruale crucis: supremū do-
miniū huic naturæ cōmunicatum per hūc sta-
tū filiationis divinæ supra res omnes creatas:
statum nouē mensiū in utero matris; eiusdē-
que prærogatiuā: statum animæ IESV & Spiritū
sanctū non ad mēsuram, vt aliis ipsi cōmunica-
tum: puritatem, sanctitatem gratiā consumma-
tam, thesauros sapientiæ, & scientiæ Dei ab-
sconditos, gratiam capitis, tam Ecclesiæ mi-
litis, quam triumphantis: potentiam fa-
ciendi miracula: remittendi peccata: confe-
rendi gratiam, & gloriam hominibus; arden-
tem Dei amorem, gratiarum actionem, humi-
liationem profundissimam, oblationem sui
perfectissimam ad mortem pro fratribus, quam
ex tūc sibi oblata à Patre accepit: Summum gau-
diū, ex visione Dei, simul cū summa tristitia ex
iniuria Deo illata per peccata: quidquid ab An-
gelo gestū est cū Maria & Ioseph: præcursorem
suum Ioannē ex utero matris, sanctificantē hac
prima sui externa communicatione: ardens
desiderium cito exiliendi ex matris utero vt
mādatum Patris adimpleret: Nazareth floridā
relinquētem vt stabulum Bethleemiticum ac-
ciperet. A natiuitate honorant infantiam, &
nouam vitam IESV, potentiam Dei, quæ iam
extenditur non in nihilū, non in esse creatum,
non in gratiam tantū, sed in hominem Deum;
Maternitatis complementum, cum ins habeat
dominandi in filiū & cōmunicandi Deum to-

ti mundo, quod, dum gestaretur in vtero nondum habebat, quod natiuitas illa tēporalis æternæ generationi, honorē reddit; Quod homo Deus iam illam adorat & in æternum adorabit. Quod primus Angelus qui immediatē à Deo lumen accipiebat, iam ab infante lumen accipit, & à primo ad minimum, omnes ab hoc magni consilij Angelo reguntur, & turmatim aduolant infantem adoraturi, cum pastoribus & Magis, cuius vita tota interior est: Quod à primo instanti fuit in clarissima cognitione & fruitione Dei perfectissima; non sic Angeli & homines: Quod dirigebatur à matre, quam dirigebat: Honorat statum illum quadraginta dierum in stabulo diuinitatem in infantia: potentiam in infirmitate: sapientiam & intelligentiam in ea quasi sepultam: Dependētiā à matre à qua vitam accipiebat humanam, cui planē diuinam communicabat: Octauo die à natiuitate, sanguine purpuratū, primitias tēporis primitiis sui sanguinis consecrantem: Saluatoris officio sangentem: Verbum æternum in cœlo amorem increatum producentem, & in terris nomen I E S V amorem in animabus operantem.

A purificatione ad quadragesimam, venerantur vitam incognitam septem annorum: fugam in Ægyptum, cēdem infantium suis pœnis & suo martyrio pœnas infantis Iesv honorantem: & à manifestatione sua in templo in medio doctorum; quod manserit subditus Mariæ & Ioseph: cæteris verò cum quibus versabatur plane incognitus vsque ad annum tricesimum. A quadragesima vsque ad Pascha adorant vitam laboribus actam, quam ipse la-
bens

bens obtulit Patri , à quo percussus acceperat calicem : Pœnas tam internas quàm externas : Agoniam , & tristitiã : derelictionẽ à Patre , humilitatẽ & obedientiã usque ad mortem : descensum usque ad sepulchri horrorẽ , & inferorũ loca tenebrosa , quæ Euang. satis fusè describunt.

A Pascha ad Ascensionem , honorant vitam quam Deus Pater filio reddidit : & quam ipse ut auctor vitæ sibi restituit ; quam , multis argumentis manifestare voluit apparens & loquens de regno Dei.

Ab Ascensione ad Pentecostem honorant IESVM in vita gloriæ iam à Patre clarificatam , iam regnum adeptum , iam sedentem in dextera & in gloria Dei Patris , qui in hoc dilecto filio suo sibi bene complacuit : se subiicientem ei cui subiecturus est omnia ut sit Deus omnia in omnibus : mutuum aspectum utriusque , beatitudinem animæ & corporis : gaudium Angelorum ad conspectum sui capitis : sanctorum adoptionem perfectam , quos gloriæ faciebat cohæredes : statum matris Dei , cuius amplissimum erat dominiũ super gregem relictum in terris à filio : recollectionem discipulorum expectantium aduentum Spiritus sancti : unionem & mutuam inter se charitatem : perseverantiam in oratione.

A Pentecoste ad festum sanctissimi Sacramenti , adorant Spiritum IESV ut nexum & amorem Patris & filij : ut Ecclesiæ rectorem : Paraclitum , & Spiritum veritatis : eius operationes in anima Christi , in Beata Virgine , in Apostolis , & in tota Ecclesia. A festo Sacramenti ad diem octauum vel ad mensem integrum , honorant vitam IESV , exinanitam in
hoc

hoc fidei nostræ mysterio : Maiestatem ibi latentem : summam charitatem qua seipsum omnibus communicat usque ad consummationem sæculi , ut hostiam Patri oblatam : ut cibum animæ , qui varios effectus vitæ in ea operatur. Ab octava sacramenti , ad aduentum , honorant vitam quam per varia miracula & sanctam conversationem ab anno tricesimo ad tricesimum quartum manifestavit : Apostolos vocavit : legem gratiæ dedit. Sic varijs his & similibus cogitationibus , varios status vitæ Iesu ex Evangelio vel rationibus ab eo petitis honorant : sic integrum percurrunt annum in his honorandis , per singulas horas Patres congregationis oratorij , præter quotidianum illud meditationis exercitium velut quoddam sacrificium laudis , mane & vespere ab illis offerri solitum. Quid enim aliud agerent in oratorio quam id ad quod institutum est , ait August. ? Hoc enim otium Spiritus quærit charitas , & negotium sanctum eadem quærit charitas , & in hoc cõpletur finis instituti. Iuxta illud Pauli , orationi & ministerio verbi instātes.

Quærent nonnulli methodum qua hic orandi modus ad praxim reducatur , quibus satisfiet hac sequenti meditatione de Decreto Dei æterno quo filium Dei in mundum mittere voluit , ut saluaret genus humanum perditum per peccatum. Sic enim Deus dilexit mundum , ut filium suum unigenitum daret. Ioannis c. 3.

Considerant 1. Sanctissimam Trinitatem unientem diuinam suam essentiam naturæ humanæ ineffabili amore , quæ cum saluare hominem posset pura misericordia vel aliis modis

dis quam plurimis, sic homines dilexit ut daret non hominem, non Angelum sed filium Dei Unigenitum? 2. Patrem æternum donatorem filium suum huic naturæ humanæ, amorem quo dat donatione ineffabili, personam filij sui, & in eo suam naturam: Doni magnitudinem; hominis vilitatem; Peccatorum gravitatem, & multitudinem pro quibus expiandis datur. Qui sibi datum à Patre, sibi natum à Matre considerant, huic iuri suo in æternum non renuntiant. Sed in gratiarum actione semper manent; & in amore tanti doni. 3. Filium seipsum unientem huic naturæ; exinanitionem & amorem quo unitus est, huic humanitati in utero matris, & se offerentem toti Trinitati, quasi dicentem, si propter me tempestas orta est mittere me in mare; & à primo instanti incarnationis suæ crucem amplectentem. Exclamant & dicunt cum Ecclesia, ô felix culpa quæ talem ac tantum meruit habere redemptorem. Nunc cum Seraphinis, velantes faciem, reuerentur hanc unionem, hunc amorem, tantam charitatem, tam admirabiles adinventiones Dei pro salute hominis. Motiva sunt bonitas, amor, misericordia & iustitia Iesu Christi qui pro peccatis abunde satisfacere voluit. Hic modus meditandi per varios discursus & considerationes sacram Scripturam & mysteria in ea contenta, à plerisque præscribitur. Sed est alius modus simplicior quo nudam & simplicem veritatem, non tam speculantur & considerant, quam honorant, reuerentur, adorant; non solum perfecti, qui lumine intellectus ad speculandum videntur capaciores, sed qui minus capaces, qui simpliciores, sed in virtute firmiores & sta

& stabiliores. Hic modus est facilis & tutus,
& quo in via spiritus non paruum progressum
faciunt etiam mulierculæ, vt experienciâ sunt
edocti quam plurimi. Nam simplex aliqua
cogitatio de solida quadam veritate, vt de su-
pradiçto decreto Dei æterno, quo sic Deus di-
lexit mundum, &c. Ioan. c. 3. iuncta cum reue-
rentia melius valet ad penetrandum mysteriũ
quam considerationes à longè petitiæ, quæ sa-
tisfactionem quandam potius afferunt quam
fructum, & curiositatem magis quam spiritus
feruorem & affectum vel actum virtutis. Et re-
uera hic modus simplex meditandi est perfe-
ctior, excellentior & vtilior quam qui per va-
rias considerationes fieri solet: nam magis ac-
cedit ad modum quo Angeli per nudã & sim-
plicem cogitationem spiritus, totum mysteriũ
apprehendunt, & quo beati omnia nudè videt
in Verbo: & huius viæ statui conuenientiior est,
in quo per fidem ad Deũ tenditur, quæ cum ob-
scuritate habeat, in certitudine veritatis sim-
plicis solidatur, nec patitur obscuritas cũ qua
coniungitur, multiplici speculatione dilatari;
quemadmodum cognitio simplex primorum
principiorum, est certa, & in scientiis habetur
pro perfectiore, nam conclusiones omnes in
quas scientiæ dilatantur, ex cognitione primo-
rum principiorum peti solent, ita etiam illa
veritatum Christianæ religionis nuda & sim-
plex cognitio & cogitatio, cum summo hono-
re, & humillima spiritus demissione, cum tan-
ta fidei certitudine melior & perfectior est cã
quæ per longos discursus & considerationes
habetur, & cum sit remota ab omni animæ sa-
tisfactione & spiritus curiositate, clariùs & se-
curiùs

curius veritatem mysteriorum penetrat: Et ut
in proposito exemplo ex Ioan. c. 3. maneamus,
Sic Deus dilexit mundum ut filium suū vnige-
nitum daret; quis non videt nudè ac simpliciter
summo cum honore appræhenso hoc ineffa-
bili mysterio nullum esse verbum quod animū
non teneat suspensum, nunc in admirationem
tantæ maiestatis, tantæ dignationis Dei erga
homines peccatores, & ingratos, tanti beneficij
futuros immemores. Nunc motiuo tantæ cha-
ritatis, Dei ad amorem prouocari, tantæ mise-
ricordiæ ad agnitionem miseræ, ad odiū & de-
testationem peccati, tot laboribus & pœnis ad
compassionem & similes affectus vel actus vir-
tutis, quos animus coram Deo ex hac simplici
cogitatione tam altæ veritatis recipit. Beato
Francisco hæc verba D. Pauli, Deus omnia in
omnibus, sic erant Iubilus in corde, ut noctem
integram in oratione transierit, hæc sæpius re-
petens: Deus meus & omnia: sic Angeli, sanctus,
sanctus, sanctus, incessabili voce proclamant.
Hinc Esaias 7. Si non credideritis non intelli-
getis. Qui ergo simplicius credūt hæc mysteria
perfectius etiā intelligunt. Hinc Christus Io. 5.
Scrutamini Scripturas, quia vos putatis in ipsis
vitam æternam habere, & illæ sunt quæ testi-
monium perhibent de me: non quidem festi-
nantes, sed in corde perscrutantes, sic enim re-
peritur Christus in eis absconditus, & hæc est,
(inquit) vita æterna ut cognoscāt te solum Deū
verum & quem misisti Iesum Christum. Con-
stat igitur hunc orationis modum perfectio-
rem & vtiliorem esse, quo simplici intuitu ani-
mæ, penetrant mysteria omnia, non tanquam
absentia aut futura, sed tanquam præsentia, &
Deum

Deum in mysterio absconditum ; quam cum ex vna consideratione ad aliam transeunt citissime, vel cum vanitate, & curiositate quadam sese diffundunt, in varias cōsiderationes. Quē modum orationis omnibus proponunt, vt per horæ quadrantem, aut per aliquam temporis morulam singulis diebus aliquod mysterium reuereantur, non vt omnes hoc modo vtantur, dum horis matutinis & vespertinis orationi vacant per horam : iis tamen qui in ea sunt dispositione, vt per simplicem cogitationem cum maxima reuerentia diuina mysteria penetrant, consulunt vt semper in oratione illum modum orandi teneant. Illis autem qui ea sic nudè & simpliciter non penetrant, nec tamen possunt per viam considerationis animum per horam occupare, aut per varios affectus in mysterij speculatione quiescere, proponunt vt faciant orationem per praxim virtutis, in illa exacitate spiritus, siccitate & duritia cordis ; orationem vocant : nam cum oratio nihil aliud sit quam eleuatio mentis ad Deum, tunc suadent vt in patientia & humilitate spiritus maneant in illa cogitatione cum reuerentia, cum perfecta resignatione coram Deo, & illam spiritus paupertatem, patientiam, humilitatem & sui resignationem, & seipsos totos referant ad Iesum Christum in honorem suæ derelictionis à Patre æterno, sic enim perutilem & Deo gratissimam orationem facient ; donec illis gratiam conferat largiorem ad penetrandum suæ sanctissimæ vitæ mysteria : & introducantur in cellaria eius, & meditatione illorū exardescat ignis. hæc enim via orandi eo tendit vt ea possint profundius penetrare, & sic tutius, securius & facilius

faciliùs orationis fructum referant.

Illis denique qui tot morbis internis & exter-
nis sunt afflicti: tot varijs passionibus agitati:
tot malignis tentationibus pressi, vt nec præ-
dictum quidem orandi modum perfacilem te-
nere, nec alio quouis modo Deo in oratione
loqui: sed ne quidem Deum ipsos alloquentem
in scripturis sacris audire, & quasi ab eo mis-
sas literas legere, & vix eius mandata exequi
possint. Quibus consulunt, vt mysteria, & fidei
veritates, modo quo possunt honorēt, vel desi-
derium seruent illas honorandi: Et cogitent
Deum non tam honorari actionibus & bonis
desideriis, quam ipsomet vitæ suæ statu; pluri
facere arborem quam fructum: cogitent se es-
se filios Dei adoptiuos, in Ecclesiæ suæ statu &
congregationis, societatis, religionis vel alio
quouis vitæ statu: & hunc suum statum, & sci-
psos Deo offerant in honorem Iesu Christi
prolixius orantis in agonia in oratione Dei
pernoctantis, in solitudinibus, in montibus &
in cruce; qui pro sua reuerentia exauditus est à
Patre, ita & illi qui in suis morbis, passionibus,
& tentationibus, orauerint pro medulo, simul
arborem & fructum dabunt & ab eo exau-
dientur.

INDEX

I N D E X
E V A N G E L I O R V M
Q V Æ I N T E M P L I S
D O M I N I C I S E T A L I I S F E S T I S
diebus ac feriis leguntur.

A D V E N T V S.



D O M I N I C A 1. Luc. 21. à versu 26. ad 34.

Dominica 2. Matth. 11. à ver. 2. ad 11.

Dominica 3. Ioan. 1. à vers. 19 ad 29.

Feria 4. 4. temporum. Luc. 1. à ver. 26. ad 39.

Feria sexta. Luc. 1. à vers. 39. ad 48.

Sabbato. Luc. 3. à vers. 1 ad 7.

Dominica 4. Luc. 3. à vers. 1 ad 7.

N A T A L I S D O M I N I

In vigilia Mat. 1. à vers. 18. ad 22.

In galli cantu. Luc. 2. à vers. 1. ad 15.

In Aurora. Luc. 2. à vers. 15 ad 21.

In die natalis Ioan. 1. à vers. 1. ad 15.

In die S. Stephani. Matth. 23. à vers. 34. ad finem.

In die S. Ioan. Euang. Ioan. 21. à vers. 20. ad 25.

In die SS. Innoc. Matth. 2. à vers. 13. ad 19.

In festo S. Thomæ. Ioan. 10. à vers. 9. ad 17.

Dominica infra oct. Natiuitatis. Luc. 2. à vers. 33. ad 41.

In festo S. Sylu. Luc. 12. à vers. 35. ad 41.

In circumcissione Domini. Luc. 2. à vers. 21. ad 22.

In Vig. Epiph. Matth. 2. à vers. 19. ad finem cap.

In Epiphania. Matth. 2. à vers. 1. ad 13.

Dominica infra oct. Epiph. Luc. 2. à vers. 42. ad finem.

In oct. Epiph. Ioan. 1. à vers. 29. ad 35.

Dominica 2. post Epiph. Ioan. 2. à vers. 1. ad 12.

Dominica 3. post Epiph. Matth. 8. à vers. 1. ad 14.

Dominica 4. post Epiph. Matth. 8. à vers. 25. ad 28.

Dominica 5. post Epiph. Matth. 13. à vers. 24. ad 31.

Dominica 6. post Epiph. Matth. 13. à vers. 31. ad 36.

B b b.

Dom.

Dominica in septuagesima. Mat. 20. à vers. 1. ad 17.
 In sexagesima. Luc. 8. à vers. 4. ad 16.
 In Quinquagesima Luc. 18. à v. 31. ad finem.
 Feria 4. Cinerum. Mat. 6. à ver. 16. ad **22.**
 Feria 5. Matt. 8. à ver. 5. ad 14.
 Feria 6. **Matt. 5. vers. 43. ad** 5. cap. 6.
 Sabbato. Matt. 6 à vers. 47. ad finem.
 Dominica 1. in Quadragesima. Matt. 4. à ver. 1. ad 12.
 Feria 2. Mat. 25 à v. 31. ad fin.
 Feria 3. Mat. 21. à vers. 10. ad 18.
 Feria 4. 4. temporum. Mat. 12. à **vers. 38. ad** finem.
 Feria 5. Mat. 15. à ver. 21. ad **29.**
 Feria 6. Ioan. 5. à vers. 1. ad 16.
Sabbato. Matt. 17. à vers. 1. ad 10.
 Dominica 2. Quadrages. ibid..
 Feria 2. Ioan. 8. à vers. 22. ad **30.**
 Feria 3. Matt. **23. à** vers. 1. ad 13.
 Feria 4. Mat. 20. à vers. 17. ad **29.**
 Feria 5. Luc. 16. à vers. 19. ad finem capitis.
 Feria 6. Matt. 21. à vers. 33. ad finem.
 Sabbato. Luc. 15. à vers. 11. ad finem.
 Dominica 3. Luc. 11. à vers. 14. ad 29.
 Feria 2. Luc. 4. à vers. 23. ad 31.
 Feria 3. Mat. 18. à vers. 15. ad **23.**
 Feria 4. Mat. 16. à vers. 1. ad 21.
 Feria 5. Luc. 4. à vers. 38. ad finem capitis.
 Feria 6. Ioan. 4. à vers. 5. ad 43.
 Sabbato. Ioan. 8. à vers. 1. ad 12.
 Dominica 4. Ioan. 6. à vers. 1. ad 16.
 Feria 2. Ioan. 2. à vers. 13. ad finem.
 Feria 3. Ioan. 7. à vers. 14. ad **31.**
 Feria 4. Ioan. 9. à vers. 1. ad **39.**
 Feria 5. Luc. 7. à vers. 11. ad 17.
 Feria 6. Ioan. 11. à vers. 1. ad **46.**
 Sabbato. Ioan. 8. à vers. 12. ad 21.
 Dominica de passione Ioan. 8. à vers. 46. ad finem.
 Feria 2. Ioan. 7. à vers. 32. ad **40.**
 Feria 3. Ioan. 7. à vers. 1. ad 14.
 Feria 4. Ioan. 10. à vers. 22. ad **39.**
 Faria 5. Luc. 7. à vers. 36. ad finem.
 Feria 6. Ioann. 11. à vers. 47. ad **55.**
 Sabbato. Ioan. 12. à vers. 10. ad 37.

Dominica

Dominica Palmarum. Matth. 26. à ver. 2. ad cap. 28.

Feria 2. Ioan. 12. à ver. 1. ad 10.

Feria 3. Marc. 14. ad 16. cap.

Feria 4. Luc. 22. ad 24. cap.

Feria 5. Ioan. 13. à ver. 1. ad 16.

Feria 6. in Parasceue Ioan. 18. ad 20. cap.

IN DIE PASCHÆ.

Mat. 16. à ver. 1. ad 8.

Feria 2. Luc. 24. à ver. 13. ad 36.

Feria 3. Luc. 24. à ver. 36. ad 48.

Feria 4. Ioan. 21. à ver. 1. ad 15.

Feria 5. Ioan. 20. à ver. 10. ad 19.

Feria 6. Mat. 28. à ver. 16. ad finem capitis.

Sabbato in Albis. Ioan. 20. à ver. 1. ad 10.

Dominica in Albis. Ioan. 20. à ver. 19. ad finem.

Dominica 2. post Pascha. Ioan. 10. à ver. 11. ad 17.

Dominica 3. post Pascha. Ioan. 16. à ver. 16. ad 23.

Dominica 4. post Pascha. Ioan. 6. à ver. 5. ad 14.

Dominica 5. post Pascha. Ioan. 16. à ver. 23. ad 31.

In Rogationibus. Luc. 11. à ver. 5. ad 14.

In vigil. Ascensionis. Ioan. 17. à ver. 1. ad 12.

In die Ascensionis. Marc. 16. à ver. 4. ad fin.

Dominica infra oct. Ascens. Ioan. 15. à ver. 26. ad 4. cum dimidio capitis 16.

In vigil. Pentecostes. Ioan. 14. à ver. 15. ad 22.

In die Pentecostes. Ioan. 14. à ver. 23. ad finem.

Feria 2. Ioan. 3. à ver. 16. ad 22.

Feria 3. Ioan. 10. à ver. 1. ad 11.

Feria 4. Ioan. 6. à ver. 43. ad 52.

Feria 5. Luc. 9. à ver. 1. ad 7.

Feria 6. Luc. 5. à ver. 17. ad 27.

Sabbato. Luc. 4. à ver. 38. ad finem.

In festo SS. Trinitatis. Matt. 28. à ver. 18. ad fin.

Dominica 1. post Pentec. Luc. 6. à ver. 36. ad 43.

In festo Corporis Christi. Ioan. 6. à ver. 55. ad 59.

Dominica infr. oct. Corp. C. Luc. 14. à ver. 16. ad 25.

Dominica 3. post Pentec. Luc. 15. à ver. 1. ad 11.

Dominica 4. post Pentec. Luc. 5. à ver. 1. ad 12.

Dominica 5. post Pentec. Matt. 5. à ver. 20. ad 25.

Dominica 6. post Pentec. Marc. 8. à ver. 1. ad 10.

Dominica 7. Mat. 7. à ver. 15. ad 22.

Dominica 8. post Pent. Luc. 16. à ver. 1. ad 10.

Bbb 2

Domi

Dominica 9. post Pent. Luc. 19. à ver. 41. ad 48.
 Dominica 10. post Pent. Luc. 18. à ver. 9. ad 15.
 Dominica 11. post Pent. Marc. 7. à ver. 31. ad fin.
 Dominica 12. post Pentec. Luc. 10. à ver. 23. ad 38.
 Dominica 13. post **Pent. Luc. 17.** à ver. 11. ad 20.
 Dominica 14. post Pent. Matt. 6. à ver. 24. ad **34.**
 Dominica 15. post Pent. Luc. 7. à ver. 11. ad 17.
 Dominica 16. post Pent. Luc. 14. à ver. 1. ad 12.
 Dominica **17.** post Pent. Mat. 22. à ver. 36. ad fin.
 Feria 4. 4. temp. Sept. Marc. 9. à ver. 17. ad 30.
 Feria sexta 4 temp. Luc. 7. à ver. 36. ad finem.
 Sabbato 4. temp. Sept. Luc. 13. à ver. 6. ad 18.
 Dominica **18.** post Pent. Mat. 9. à ver. 1. ad 9.
 Dominica **19.** post Pent. **Matt. 22.** à ver. 2. ad 15.
 Dominica 20. post **Pent. Ioan. 4. à ver. 46.** ad fin.
 Dominica 21. post Pent. Matt. 18. à ver. 23. ad fin.
 Dominica **22.** post Pent. Mat. 22. à ver. 15. ad **22.**
 Dominica 23. post Pent. Matt. 9. à ver. 18. ad **27.**
 Dominica 24. post Pent. Matt. 24. à ver. 16. ad 36.

PROPRIVM SANCTORVM.

In vigil. S. Andreae Apost. Ioan. 1. à ver. 35. ad fin.
In festo S. Andreae Apost. Matt. 4. à ver. 18. ad 23.

DECEMBRIS.

In festo S. Nicolai Ep. C. Mat. 25. à ver. 14. ad 24.
In festo S. Ambrosij Ep. C. Mat. 5. à ver. 13. ad 20.
In festo immaculatæ Concept. B. M. V. Mat. 1. à v. 1. ad 17.
 S. Damasi Pap. & Con. Matt. 24. à ver. 42. ad 48.
 S. Lucie V. & m. Mat. 13. à ver. 44. ad **55.**
In vigil. S. Thomæ Ap. Ioan. 15. à ver. 12. ad 17.
 S. Thomæ Apost. Ioan. 20. à ver. 24. ad 30.

FESTA IANVARIJ.

S. Hilarij. Ep. c. Mat. 5. à ver. 13. ad 20.
 S. Pauli primi Eremitæ. Mat. 11. à ver. 25. ad fin.
 S. Marcelli Pap. & mar. Matt. 16. à ver. 24. ad 28.
 In Cathedra S. Petri. Mat. 16. à ver. 13. ad 20.
 S. Marij & Soc. m. Matt. 24. à ver. 3. ad 14.
 SS. Fabiani & Sebast. m. Luc. 6. à ver. **17.** ad 24.
 S. Agnetis V. & m. Matt. 25. à ver. 1. ad 14.
 S. Timothei Ep. m. Luc. 14. à ver. 26. ad **34.**
 In Conuer. S. Pauli. Matt. 19. à ver. 27. ad 30.
 S. Polycarpi Ep. & m. Matt. 10. à ver. 26. ad **33.**

S. Chry.

S. Chrysoft. Ep. conf. Matt. 5. à ver. 13. ad 20.

S. Agnetis secundo. Mat. 13. à ver. 44. ad 55.

F E B R V A R I I.

S. Ignatij Ep. & m. Ioan. 12. à ver. 24. ad 27.

In festo purific. B. V. Luc. 2. à ver. 22. ad 33.

S. Blasij. Ep. & m. Matt. 16. à ver. 24. ad 28.

S. Agathæ v. & m. Mat. 19. à ver. 3. ad 13.

S. Dorotheæ V. & m. Matt. 13. à ver. 44. ad 55.

S. Romualdi Abb. Luc 12. à ver. 35. ad 41.

S. Apolloniæ V. & m. Matt. 25. à ver. 1. ad 14.

Sancti Valentini. Presb. m. Matt. 16. à ver. 24. ad 28.

SS. Faustini, & Iovita m. Matt. 24. à ver. 3. ad 14.

S. Simeonis Ep. & m. Luc. 14. à ver. 26. ad 34.

In Cathedra Antiochena Matt. 16. à ver. 13. ad 20.

In Vigil. S. Matthiæ Apost. Ioan. 15. à ver. 12. ad 17.

S. Matthiæ Apostoli Matt. 11. à ver. 25. ad fin.

M A R T I I.

S. Lucij Papæ & Mart. Matt. 16. à ver. 24. ad 28.

S. Thomæ de Aquino Matt. 5. à ver. 13. ad 20.

SS. Quadraginta Mart. Luc. 6. à ver. 17. ad 24.

S. Gregorij Papæ c. d. Matt. 5. à ver 13. ad 20.

S. Ioseph. c. Matt. 1. à ver. 18. ad 22.

S. Benedicti Abb. Luc. 12. à ver. 35. ad 41.

In Annunciatione B. V. Luc. 1. à ver. 26. ad 39.

A P R I L I S.

S. Fran. de Paula. Luc. 12. à ver. 32. ad 35.

S. Leonis Pap. conf. Matt. 16. à ver. 13. ad 20.

SS. Tiburtij Valeriani, & c. Ioan. 15. à ver. 1. ad 8.

S. Aniceti Pap. m. Ioan. 16. à ver. 20. ad 23.

SS. Soteris Caij, & c. Mart. Ioan. 15. à ver. 5. ad 12.

S. Georgij m. Ioan. 15. à ver. 1. ad 8.

S. Marci Euangelistæ. Luc. 10. à ver. 1. ad 10.

SS. Cleti & soc. m. Ioan. 15. à ver. 5. ad 12.

S. Vitalis Martyris. Ioan. 15. à ver. 1. ad 8.

S. Petri Martyris Ioan. 15. à ver. 1. ad 8.

M A I I.

SS Apost. Philip. & Iacobi Ioan. 14. à ver. 1. ad 14.

S. Athanasij Ep. & con. Matt. 10. à ver. 23. ad 29.

Inuentio S. Crucis. Ioan. 3. à ver. 1. ad 16.

S. Monicæ viduæ. Luc. 7. à ver. 11. ad 17.

S. Ioannis ante Portam Latin. Matt. 20. à ver. 20. ad 24.

S. Stanislai Ep. m. Ioan. 15. à ver. 1. ad 8.

Bbb 3

In apparitione S. Michaelis Mat. 18. à ver. 1. ad 11.
 S. Gregorij Nazian. Mat. 20. à ver. 26. ad 33.
 SS. Gordiani & Epimach, m. Ioan. 15. à ver. 5. ad 12.
 SS. Nerei, Achilei & Domitillæ vers. atque Pancratij;
 m. Ioan. 4. à ver. 46. ad 54.
 S. Bonifacij m. Ioan. 15. à ver. 1. ad 8.
 S. Vbalidi Ep. con. Matt. 15. à ver. 14. ad 24.
 S. Pudencianæ virg. Matt. 25. à ver. ad 14.
 S. Urbani Pap. m. Matt. 25. à ver. 14. ad 24.
 S. Eleutherij Pap. & m. Luc. 14. à ver. 26. ad 34.
 S. Ioannis Pap. & m. Matt. 16. à ver. 24. ad 28.
 S. Felicis Pap. & m. Luc. 14. à ver. 26. ad 34.
 S. Petronillæ virg. Matt. 26. à ver. 1. ad 14.

I V N I I.

SS. Marcellini & soc. m. Luc. 21. à vers. 9. ad 20.
 SS. Primi & felician. m. Matt. 11. à ver. 25. ad fin.
 S. Barnabæ Apost. Matt. 10. à ver. 16. ad 23.
 SS. Basilidis, Cyrini, &c. m. Matt. 24. à ver. 3. ad 24.
 S. Antonij de Padua. c. Luc. 12. à ver. 35. ad 41.
 S. Basilij Magni Ep. c. Luc. 14. à ver. 26. ad 34.
 SS. Viti, &c. Martyrum Luc. 10. à ver. 16. ad 21.
 SS. Marci & Marcellian. m. Luc. 11. à ver. 47. ad 52.
 SS. Gervasi & Protasij, m. Luc. 6. à ver. 17. ad 24.
 S. Syluerij Pap. m. Luc. 14. à ver. 26. ad 34.
 S. Paulini Ep. & conf. Luc. 12. à ver. 32. ad 35.
 In Vigil. S. Ioan. Baptistæ. Luc. 5. à ver. 1. ad 18.
 In Natiuit. S. Ioan. Baptistæ. Luc. 1. à ver. 57. ad 69.
 SS. Ioannis & Pauli, m. Luc. 12. à ver. 2. ad 9.
 S. Leonis Pap. &c. Matt. 25. à ver. 14. ad 24.
 In vigil. Apostolorū Petri & Pauli Ioan. 21. à ver. 15. ad 19.
 SS. Apost. Petri & Pauli Matt. 16. à ver. 13. ad 20.
 In commen. S. Pauli Ap. Mat. 10. à ver. 16. ad 23.

I V L I I.

Visitationis B. M. V. Luc. 1. à ver. 39. ad 48.
 Infra Octau. Ap. Petri & Pauli Matt. 19. à ver. 27. ad 30.
 SS. Sanctorum septem fratrum Matt. 12. à ver. 47. ad
 finem.
 SS. Naboris & Felicis, m. Luc. 21. à ver. 9. ad 20.
 S. Anacleti. Pap. & m. Luc. 14. à ver. 26. ad 34.
 S. Bonauenturæ Ep. &c. Matt. 5. à ver. 13. ad 20.
 S. Alexij Con. Mat. 19. à ver. 27. ad 30.
 S. Symphorosa cū septē filijs mart. Luc. 12. à ver. 1. ad 9.
 S. Margaritæ

S. Margaritæ virg. & m. Mat. 13. à vers. 44. ad 55.
 S. Praxedis virg. Mat. 13. à vers. 44. ad 55.
 S. Mariæ Magdalenz. Luc. 7. à vers. 36 ad finem.
 S. Apollinaris Ep. & m. Luc. 22. à vers. 24. ad 31.
 Vigil. S. Iacobi Ap. Ioan. 15. à vers. 12. ad 17.
 In die S. Iacobi Apost. Mat. 20. à ver. 20. ad 24.
 S. Annæ matris B. Mariæ Virginis. Mat. 13. à v. 44. ad 55.
 S. Pantaleonis mart. Mat. 10. à vers. 26. ad 33.
 SS. Nazarij Celsi m. Luc. 21. à v. 9. ad 20.
 S. Marthæ Virginis. Luc. 10. à vers. 38. ad fin.
 SS. Abdon & Sennen, m. Mat. 5. à vers. 1. ad 13.

A V G V S T I.

S. Perri ad vincula. Mat. 16. à vers. 13 ad 20.
 S. Stephani Pap. & m. Mat. 16. à vers. 24. ad 28.
 In Inuentione S. Stephani protomartyris. Mat. 23. à vers.
34. ad fin.
 S. Dominici conf. Luc. 12. à vers. 35. ad 41.
 In dedicatione sanctæ Mariæ ad Nives Luc. 11. à ver. 27.
 ad 29.
 Transfigurationis domini. Mat. 17. à vers. 1. ad 10.
 S. Donati Ep. & m. Marc. 13. à vers. 33. ad finem.
 SS. Cyriaci, Jargi & c. m. Mat. c. 16. à v. 15. ad 19.
 S. Laurentij m. Mat. 16. à vers. 24. ad 28.
 In vigil. Assumptionis. Luc. 11. à vers. 27. ad 29.
 In die Assumptionis. Luc. 10. à vers. 38. ad finem.
 In oct. S. Laurentij Ioan. 12. à vers. 24 ad 27.
 S. Bernardi Abbatis. Mat. 19. à vers. 27. ad 30.
 In vigil. S. Bartholomæi. Ioan. 15. à vers. 12. ad 17.
 In die S. Bartholomæi. Luc. 6. à v. 12. ad 20.
 S. Ludouici confess. Luc. 19. à vers. 12. ad 27.
 S. Zephirini Pap. & m. Mat. 16. à vers. 24. ad 28.
 S. Augustini Ep. & con. Mat. 5. à vers. 13. ad 20.
 In decollat. S. Ioan. Bapt. Marc. 6. à vers. 17. ad 30.
 SS. Felicis & Adaucti m. Luc. 10. à vers. 16. ad 21.

S E P T E M B R I S.

S. Ægidij Abbatis. Mat. 19. à vers. ad 30.
 In Natiuitate B. Mariæ Mat. 1. à vers. 1. ad 17.
 S. Nicolai de Tolentino. Luc. 12. à vers. 32. ad 35.
 In exaltatione S. Crucis Ioan. 12. à vers. 31. ad 37.
 SS. Cornelij & Cyprian. mart. Papæ Luc. 21. à vers. 9.
 ad 40.
 SS Ianuarij Ep. & soc. m. Mat. 24. à vers. 3. ad 14.

12

In Vigil. S. Matthæi Apost. Luc. 5. à vers. 27. ad 33.

S. Matthæi Apostoli. Matt. 9. à vers. 9. ad 14.

SS. Mauriti; & soc. m. Luc. 21. à vers. 9. ad 20.

S. Lini Pap. & mar. Luc. 14. à vers. 26. ad 34.

SS. Cypriani & Iustinæ, m. Matt. 24. à vers. 3. ad 14.

SS. Cosmæ & Damiani. m. Luc. 6. à vers. 17. ad 24.

In dedicatione S. Michaelis Archangeli. Mat. 18. à vers. 1. ad 11.

S. Hieronymi conf. Matt. 5. à vers. 13. ad 20.

OCTOBRI S.

S. Remigij Epis. & conf. Matt. 25. à vers. 14. ad 24.

S. Francisci conf. Matt. 11. à vers. 25. ad fin.

S. Brunonis conf. Luc. 12. à vers. 35. ad 41.

S. Brigittæ viduæ. Matt. 13. à vers. 44. ad 55.

S. Marci Pap. & conf. Matt. 23. à vers. 42. ad 48.

SS. Dionysij & soc. m. Luc. 12. à vers. 1. ad 9.

S. Calixti Pap. & m. Mat. 10. à vers. 26. ad 33.

S. Lucæ Euangelistæ. Luc. 10. à vers. 1. ad 10.

S. Hilarionis Abbatis. Matt. 19. à vers. 27. ad 30.

SS. Chrysanthi & Daria m. Luc. 11. à vers. 47. ad 52.

In vigil. Ap. Simonis & Iudæ. Ioan. 15. à vers. 1. ad 8.

SS. Apostolorum Simonis & Iudæ. Ioan. 15. à vers. 17. ad 26.

In vig. omnium Sanctorum. Luc. 6. à vers. 17. ad 24.

NOVEMBRIS.

In festo omnium Sanctorum. Matt. 5. à vers. 1. ad 13.

SS. Typhonis & soc. m. Luc. 12. à vers. 1. ad 9.

S. Martini Ep. & conf. Luc. 11. à vers. 33. ad 37.

S. Martini Pap. & m. Luc. 14. à vers. 26. ad 34.

S. Gregorij Thaumaturgi Marc. 11. à vers. 23. ad 25.

S. Pontiani Pap. & m. Matt. 10. à vers. 26. ad 33.

In præsentatione B. M. Luc. 11. à vers. 27. ad 29.

S. Cæcilie Virg. & m. Matt. 25. à vers. 1. ad 14.

S. Clementis Papæ & m. Matt. 24. à vers. 42. ad 48.

S. Chrysogoni, m. Matt. 10. à vers. 34. ad finem.

S. Catharinæ Vir. & m. Matt. 25. à vers. 1. ad 14.

S. Petri Alexandrini Ep. & mart. Luc. 14. à vers. 26. ad 34.

In dedicatione Ecclesiæ. Luc. 19. à vers. 1. ad 11.



F I N I S

533149

Handwritten text, possibly a signature or page number, located on the left margin.

